

নারায়ণ গঙ্গোপাধ্যায়

রচনাবলী



নারায়ণ গঙ্গোপাধ্যায় রচনাবলী

চতুর্থ খণ্ড



মিত্র ও ঘোষ পাবলিশার্স
প্রাইভেট লিমিটেড
১০ শ্যামাচরণ দে স্ট্রীট, কলিকাতা ৭৩

॥ সূচীপত্র ॥

উপস্থাস

শিলালিপি দ্বিতীয় অধ্যায়	১
লাল মাটি	১৭৩

গল্প-গ্রন্থ

শ্বেতকমল

বাইশে আবেণ	৩৮৩
মর্গ	৪০১
তিমিরাভিসার	৪১২
কালনেমি	৪২৭
অধিকার	৪৩৯
জয়ভূমিশ্চ	৪৪৮
শ্বেতকমল	৪৫৮
হাত	৪৭০
ঘাসবন	৪৭৯

বন-জ্যোৎস্না

বন-জ্যোৎস্না	৪৯৭
বন-ভুলসী	৫১২
হয়তো	৫২২
সেই যুড়ুটা	৫২৮
দোসর	৫৩৯
বিলুর্জন	৫৫২
কালপুরুষ	৫৬৫

শিলାନିপি

দ্বিতীয় অধ্যায়

পরিমল এল তার দিন দুই পরে ।

এর ভেতরেই বই দুখানা পড়ে ফেলেছে রঞ্জন, গিলেছে গোগ্রাসে । একখানার নাম ‘ফাঁসির ডাক’, আর একখানা ‘শহীদ সতেন’ । একখানার ওপরে একটা ফাঁসির দড়ির ছবি—একটি ছেলে হাসিমুখে সে দড়ি গলায় জড়িয়ে নিচ্ছে ; আর একখানার মলাটে একটা রিভলভার আঁকা—তার মুখ থেকে লাল আগুন আর কালো ধোঁয়া বেরিয়ে আসছে । বই দুটোর মলাটের দিকে তাকালেই গা শিরশির করে ওঠে ।

কিন্তু শুই কি মলাট ? ভেতরের প্রতিটি পাতায় আশ্চর্য সব লেখা, তার প্রতিটি পংক্তিতে যেন বজ্রের গর্জন, তার প্রতিটি হরফ থেকে যেন রক্তের বিন্দু আর আগুনের কণা পড়ছে ঠিকরে ঠিকরে । রঞ্জনের সর্বাঙ্গ রোমাঙ্কিত হয়ে উঠল । টগবগ্ করে ফুটতে লাগল তার বুকের ভেতরে ।

এই তো এতদিন পরে পাওয়া গেল তার সত্যিকারের পথ, উত্তর মিলল মনের ভেতরে সঞ্চিত এতদিনের পুঞ্জ পুঞ্জ জিজ্ঞাসার । উনিশ শো তিরিশ সালের লষণ-সত্যগ্রহ, আইন-অমান্ত, বিলাতী-বর্জন—এই চরকা-লাঞ্চিত অহিংস-পথ—এ আমাদের জন্তে নয় । এ স্ববিরের ধর্ম, কাপুরুষের মনোবিলাস । পলাশীর মাঠে যেহুর্ষ ডুবেছিল—তা রক্ত মাখা, রক্তের মধ্য দিয়েই ইংরেজ কোম্পানি সেদিন পথ করে গিয়েছিল হুতাশুটি-কলিকাতা-গোবিন্দপুর থেকে দিল্লীর ময়ূর-সিংহাসন পর্যন্ত, কান্দাহারের তুঘার-শুভ্রতা থেকে কুমারিকা-অন্তরীপের নীলিমা-বিস্তার পর্যন্ত । আজ সেই অধিকার থেকে তাকে তাড়াতে হলে সেই রক্তের পথ ছাড়া আর কোনো পথই নেই—উত্তরের শুভ্র তুঘার থেকে শুরু করে দক্ষিণের নীল সমুদ্র পর্যন্ত রক্তে আজ রাঙা করে দিতে হবে । দেশ-মাতার যে রূপ আজ আমরা ‘বন্দেমাতরম্’ মন্ত্রে বন্দনা করি তা ষড়ৈর্ধর্মময়ী কমলদল-বিহারিণী কমলার রাজরাজেশ্বরী মূর্তি নয় ; সমস্ত ভারতবর্ষের কালো আকাশে তাঁর খেটক-খর্পর প্রণারিত করে দিয়ে দাঁড়িয়েছেন ভয়ঙ্করী চামুণ্ডা, মহামেষের মতো বিকীর্ণ হয়ে পড়েছে তাঁর উত্তাল কেশমালা, ঝঝিরজ্জ্বলিত হচ্ছে তাঁর কণ্ঠবিলম্বী নরমুণ্ডের হারে, রক্তলোমুপার অট্টহাসি ধ্বনিত হচ্ছে দিকে দিকে—‘মায় ভুখা হু’—

বইয়ের পাতায় পাতায় সেই চামুণ্ডার আবাহন, ছত্রে ছত্রে সেই ভয়ঙ্করীর বন্দনা । ঝঙ্ঝাসে রঞ্জন পড়ে যেতে লাগল : ‘চক্রান্ত, শঠতা এবং প্রচণ্ড দমননীতির সাহায্যে গোনে দুইশো বছর ধরিয়া ইংরেজ আমাদের শাসন করিতেছে । কিন্তু ইহা শাসন নয়,

শোষণ। রক্তলোভী শয়তানের মতো সে প্রতিমূহূর্তে আমাদের বুকের রক্ত শুষিয়া খাইতেছে, কাড়িয়া লইয়াছে শিক্ষা, সংস্কৃতি, স্বাস্থ্য, সমৃদ্ধি। দেশ-জোড়া একটা গোলাম-খানা বানাইয়া ইংরেজ আর তার পোষা কুকুরের দল, তার ঘৃণা টুকটিকিবাহিনী অবাধে রাজত্ব করিতেছে; তাহাদের চাবুকের খায়ে যখন পিঠের চামড়া রক্তাক্ত হয়, তাহাদের বুটের লাথি খাইয়া যখন প্লীহা ফাটে, তখনো এই গোলামেরা দাঁত বাহির করিয়া হাসে, সরকারকে সেলাম বাজাইয়া এবং রায়বাহাদুরী খেতাব পাইয়া ধম্ব্ব হয়।”

পড়তে পড়তে যেন দম আটকে আসতে লাগল, মস্তমুণ্ডের মতো পাতার পর পাতা উল্টে চলল সে :

“কিন্তু সে গোলামের দলে আমরা নই। স্বাধীন ভারতবর্ষে আমরা স্বাধীন মানুষ হইয়া দাঁড়াইব। ভারতবর্ষের এক ইঞ্চি জমিতে একজন ইংরেজেরও জায়গা হইবে না। নীল চাষের নামে যারা বাংলার কৃষককে নির্মমভাবে নির্ধাতন করিয়াছে; বাংলার তাঁতীদের আঙুল কাটিয়া যারা আমাদের বুকের ওপর কাঁদিয়াছে ম্যাঞ্চেস্টারী শোষণ-যন্ত্রের বনিয়াদ; সিপাহী-বিদ্রোহ দমনের নামে যারা শত শত নিরপরাধ মানুষের তাজা চামড়া উপড়াইয়া হিন্দুর গায়ে গোরুর—আর মুসলমানের গায়ে শুয়ারের ছাল বসাইয়া চৰি মাখাইয়া জ্বাত্ত আঙনে পোড়াইয়া মারিয়াছে, কামানে গোলার বদলে যারা মানুষকে ব্যবহার করিয়াছে; জালিয়ানওয়ালাবাগ শত শত নিরস্ত্র অহিংস নরনারীকে মেশিন গান চালাইয়া হত্যা করিতে যাদের বাধে নাই; যাদের কাঁসিকাঠ আমাদের শত-শহীদদের মৃত্যু দিয়া চিহ্নিত, যাদের কারাগারে শত শত দেশসেবক তিলে তিলে আত্মদান করিয়াছে—সেই শয়তানদের জন্ত কোনো ক্ষমা আমাদের অভিধানে নাই। ইহার প্রতিটির জন্ত আমরা বিচার করিব, এই অত্যাচারের প্রত্যেকটির প্রতিশোধ আমরা লইব। অহিংসার ভীণ্ডিত্য তুলিয়া দক্ষিণ-পশ্চিম কংগ্রেসের সঙ্গে হুঁর মিলাইয়া ব্রিফর্মের অথবা স্বায়ত্তশাসনের কাঁচ-কলাহজম করিতে আমরা রাজী নই। বাঘের মুখের সামনে ছাগলের অহিংস-মৃত্যু জাতির অপমান মনুষ্যত্বের অপমান। দেশমাতার পূজা-মণ্ডপে আজ ইংলণ্ডের শাদা-পাঁটাদের বলি দিয়াই আমরা স্বাধীনতার বোধন করিব।”

এ শুধু লেখা নয়—লেখার মধ্য দিয়ে যেন সেই বলির বাজনা বাজছে। রক্ত চাই—অত্যাচারীর রক্ত দিয়ে আমাদের স্বাধীনতাকে শোধন করে নিতে হবে। ভারতবর্ষের মাটিতে যতদিন একজন ইংরেজ থাকবে ততদিন জানব আমাদের শৃঙ্খল মোচন হয়নি। আর তার একটিমাত্র উপায় হচ্ছে সশস্ত্র বিপ্লব, রক্তাক্ত ভয়ঙ্করের পথে অভিযাত্রা।

এই ভয়ঙ্কর অভিযানের কাহিনী আছে দ্বিতীয় বইটিতে। আছে ছুদিরামের কথা। তার স্বপ্নে দেখা ছুদিরাম, ধেড়ে ছেলে অশ্বিনীর মুখে শোনা ‘নিখিলিস্ট’ ছুদিরাম, বৈরাগীর গানের ছুদিরাম। বালক রক্তের অপরিণত ভাব-বিলাসী মন মাত্র কয়েকটি

পাতার মধ্য দিয়ে যেন হাজার হাজার বছরের নির্ভর কঠিন বাস্তব অভিজ্ঞতার পথ পার হয়ে গেল। আশ্চর্য, কোথায় লুকিয়েছিল এসব, কোথায় প্রচ্ছন্ন হয়ে ছিল এই অপরূপ জগতের কাহিনী? এই সামান্য করেকটি পাতার ইন্দ্রজালের মধ্য দিয়ে অনেকগুলো কালো পর্দা তার দৃষ্টির সামনে থেকে সরে গেল, আবিষ্কৃত হয়ে গেল রহস্যের এক বিশাল রত্নভাণ্ডার।

মা এসে বাইরে থেকে ডাকলেন, ছেলের আঙ্গুল কি?

চমকে উঠল, ধক করে দুই উঠল হৃৎপিণ্ড। নক্ষত্রবেগে বইখানা চালান হয়ে গেল ‘সরল জ্যামিতি’র তলায়। মা টের পাননি তো।

মা আবার বললেন, গল্পের বই জুটিয়েছ বুঝি? তাই মনশান্তিলাভের দিকে মন নেই?

আতঙ্কে শুক হয়ে রইল সে—মা যদি বই দেখতে চান তা হলেই সর্বনাশ। কিন্তু হেঁসেলে হাঁড়ি চাপিয়ে এসে তাঁর দাঁড়াবার সময় ছিল না, মা চলে গেলেন।

আবার বই খুলল রঞ্জন। এক অজ্ঞাত অদ্ভুত জগতের বিচিত্র ইতিহাস। এ ইতিহাস মেলে না ক্লাসে-পড়া ভোগলক-বংশ আর লর্ড বেকিংহামের স্বশাসনের মতো, এ ইতিহাসের সাক্ষাৎ পাওয়া যায় না অ্যালফ্রেড দি নোবলের মহবীর বিবরণীতে। মাটির তলায় ক্ষুদ্রাকারের গোপন কারখানার মতো একটি অদৃশ্য পাতালপুরী থেকে কাল-নাগিনীর ফণার মতো এ উদ্ভূত হয়ে উঠল, এর প্রতিটি পাতায় পাতায় সাপের বিষের তীব্র জ্বালা।

সে পড়ে যেতে লাগল:

“কিন্তু মীরজাফর-আমিরচাঁদ-জগৎশেঠের বংশধরদের যত্ন নেই। তারই প্রমাণ পাওয়া গেল মানিকতলা বোমার মামলায়। বিশ্বাসঘাতক নরেন গোস্বামী হল রাজসাক্ষী। বিভিন্ন বন্দীদের সঙ্গে আলাপ-আলোচনা করে সে ভেতরের খবর বের করার চেষ্টা করতে লাগল। সত্যেন বসু আর কানাইলাল দত্ত এই বিশ্বাসঘাতককে শাস্তি দেবার সংকল্প গ্রহণ করলেন।

ঘটনার দিন হাসপাতালে অসুস্থ সত্যেন নরেন গোস্বামীকে ডেকে পাঠালেন তার কাছে অবানবন্দী দেবার জ্ঞা। নতুন শিকারের আশায়, নতুন তথ্য জ্ঞানবার লোভে বিশ্বাসঘাতক নিশ্চিত মনে দেখা করতে গেল। দু-চারটে কথাই পরই সত্যেন রিভলবার বের করে গুলি করলেন, আহত দেশদ্রোহী আতর্জন করে ছুটে বেরুল।

কিন্তু মাঝপথে মৃত্যুদূতের মতো আবিষ্কৃত হলেন কানাইলাল। রিভলবার হাতে তিনি অসুসরণ করলেন পলাতক বিশ্বাসহত্যাকে। জেলারের আফিসে পৌঁছবার আগেই জাতির কলঙ্ক নরেন গোস্বামীর রক্তাক্ত যতদেহ লুটিয়ে পড়ল মাটিতে। ইংরেজের কাছ থেকে ইনাম পাওয়ার আগেই বরশ্রদ্ধ বিভীষণ দলের বিপ্লবী বাঁরদের কাছ থেকে পেল তার দেশদ্রোহিতার চরম পুরস্কার।”

ঠিক হয়েছে। অসহ আক্রোশে গর্জন করে মন বললে, ঠিক হয়েছে। আজ এমন করেই একটার পর একটা দেশের শত্রুদের নিপাত করা দরকার। দেশ জুড়ে নরেন গোস্বামীর রক্তবীজেরা টিকটিকিরূপে ছড়িয়ে আছে, তারা নিজেদের শত্রু—তারা জাতির আবর্জনা। এই আবর্জনাগুলো পরিস্কার না করা পর্যন্ত স্বাধীন ভারতবর্ষ একটা অসম্ভব কল্পনা, একটা অবাস্তব ব্যাপার।

রক্তের মধ্যে যেন বিদ্যুৎ ছুটে লাগল। সেও যদি এই মুহূর্তে একটা রিভলবার হাতে পায় তাহলে একটা বিপর্যয় কাণ্ড ঘটিয়ে দিতে পারে। হুদিরাম, সত্যেন, বীরেন গুপ্ত, গোপীনাথ সাহা কিংবা চিত্তপ্রিয় রায়চৌধুরীর মতো সেও বেরিয়ে পড়তে পারে হত্যার অভিযানে। একটা রিভলবারে কটা গুলি থাকে—পাঁচটা, ছটা? যদি ছটা গুলি থাকে তা হলে তার পাঁচটা দিয়ে সে পাঁচজন বিশ্বাসঘাতককে হত্যা করবে, আর বাকিটা—বাকি বুলেটটা সে খরচ করবে নিজের বুকে, হাসতে হাসতে প্রাণ দেবে বীর প্রফুল্ল চাকীর মতো।

দেশের জন্তে মরা। সে কি আশ্চর্য গৌরব—সে কি অপূর্ব সার্থকতা! ফাঁসির দড়ি হোক গলার মণিহার, পিস্তলের গুলি হোক দেশমায়ের আশীর্বাদ। নতুন দিনের স্বাধীন ভারতবর্ষের যে ইতিহাস লেখা হবে অক্ষয় অক্ষরে, সে ইতিহাসের পাতায় জলজল করতে থাকবে আরো অগণিত শহীদের সঙ্গে তারও নাম। সেদিন দেশের ছেলেরা তারও উদ্দেশে প্রণাম জানাবে, ‘ফাঁসির সত্যেনের’ সঙ্গে আর একটি নামও লেখা হয়ে যাবে : ‘ফাঁসির রঞ্জন’।

রঞ্জন উঠে দাঁড়ালো। পায়চারি করতে লাগল ধরময়। মনটা একটু অন্তর্মুখী হলেই তার পুরোনো পাগলামি মাথা চাড়া দিয়ে ওঠে—ঘণ্টার পর ঘণ্টা আবৃত্তি করে যেতে ইচ্ছে করে। পায়চারি করতে করতে আউড়ে চলল :

“হুমুখে যে আসে সরে যায় কেহ,

পড়ে যায় কেহ ভূমে,

দিধা হয়ে বাধা হতেছে ভিন্ন

পিছে পড়ে থাকে চরণ-চিহ্ন

আকাশের আঁখি করিছে খিন্ন

প্রলয় বহি ধুমে—”

আচমকা থেমে গেল রঞ্জন। বেছে বেছে এই লাইনগুলোই তার মনে পড়ল কেন, মাজ দু-তিনবার পড়া ‘গুরুগোবিন্দ’ কবিতার পংক্তি তার মনের ভেতরে এমন ভাবে বাঁধাই বা পড়ে গেল কী করে? স্বত্তি-শক্তির গর্ব অবশ্য করতে পারে সে, বাড়ির ‘চয়নিকা’খানা প্রায় তার কণ্ঠস্থ। কিন্তু নিতান্তই পরের বাড়িতে বসে পড়া এই কবিতাটা

এমনভাবে তার স্বস্তির ভেতরে এত সহজে বাসা বেঁধে নিলে কেমন করে ?

মনের আকাশে থমথম করছিল ঝোড়ো মেঘ, তার কাঁক দিয়ে যেন গলে পড়ল এক টুকরো জ্যোৎস্না। অদ্ভুতভাবে একটা মোড় ঘুরে গেল চিন্তাটা। চোখের সামনে ছবির মতো দেখা দিল একখানা বিস্তীর্ণকম সাজানো বাড়ি, ফুলে ফুলে ভরা তার বাগান, সে বাগানের মাঝখানে হেনার ঝোপ। একটুখানি জমিতে ঝলমল করছে শিশিরে ধোয়া উজ্জ্বল ঘন-ঘাসের আনন্দ, চেনে বাঁধা ছোট একটি চিতি-হরিণ, তার দুটি গভীর নীল চোখে অফুরন্ত স্নেহ। সেই ফুল, সেই হেনার লতা, বাতাসে টাটকা ফোটা গোলাপ আর ধূপের গন্ধ, ফুলে ফুলে ছোট বড় প্রজাপতি। গল্পের মতো ওই জগৎটাকে রঞ্জুর ভালো লাগেনি, বড় অস্বাভাবিক, বড় বেশি সাজানো মনে হয়েছে। তবু ওই মেয়েটি—যার ভালো নাম সংঘমিত্রা, ডাকনাম মিতা ?

অস্বমনস্ক হয়ে ভাবতে লাগল, সংঘমিত্রা নয়, মিতাই ভালো। দুটি হাত জড়ো করে নমস্কার জানিয়েছিল, আশ্চর্য, নমস্কার জানিয়েছিল ছোট আর ছেলেমানুষ রঞ্জুরে।

আচ্ছা, মিতা কি পড়েছে এই সব বই, এমনি করে ভেবেছে তারও মতো ? তাই সম্ভব, নিশ্চয়ই তাই। পরিমলের বোন সে, পরিমলের মতো একই চিন্তায়, একই স্বপ্নে তারও মন বাঁধা। ভাবতে ইচ্ছা করে এই বইগুলো পড়েমিতারও কি তার মতো উত্তেজনা জাগে রিভলবার হাতে নিয়ে ঝাঁপিয়ে পড়তে, ‘অত্যাচারের বন্ধে পড়িয়া হানিতে তীক্ষ্ণ ছুরি ?’ ছোট মেয়ে মিতা, পোষা হরিণের সঙ্গে যে মিতার মিতালি, সেও কি—

রঞ্জু, রঞ্জন ?

বাইরে থেকে চৈচিয়ে ডাকল কে।

রক্ত চমকে উঠল সর্বাঙ্গে। পরিমল ? দরজা খুলে রঞ্জন বেরিয়ে এল বাইরের বারান্দায় : কে ?

কিন্তু পরিমল নয়। পাকামি-ভরা গালের পাশ দিয়ে ভ্যাংচানির ভক্তিতে আধখানা জিভ বের করে দাঁড়িয়ে আছে ভোনা। সঙ্গে সঙ্গে দলটিও ঠিক আছে তার—কালী, খাঁহ্ন, পূর্ণ। ভবেন মজুমদারের সেই কেলেকারিটা কবে চুকে-বুকে গেছে, দলবলের মধ্যে ভোনা আবার পূর্বগৌরবে প্রতিষ্ঠিত হয়েছে, আবার হয়ে উঠেছে মনশাতলা মার্বেল পার্টির একচ্ছত্র নেতা।

বিরক্তিতে বিশ্বাস হয়ে গেল মন : ডাকহিস কেন ?

ভোনা জিভের ডগাটায় একটা বিচিত্র ভঙ্গি করে সেই পুরোনো কবিতার লাইন হুটো শুনিয়ে দিলে :

Jim is a good dog

Everyday he catches a frog—

—হালো শুভ্ ডগ জিম, কী করছিস ?

রঞ্জন বললে, সকালবেলা কী ইয়াকি এ সব ?

—এ সব ইয়াকি নয় ? ওরে বাবা, ভালো ছেলে এখন ধন্যো কথা শুনতে চায়। শুনবি ধন্যো কথা ? সংস্কৃত ?—ভোনা বিল্লী মুখভঙ্গি করে শুরু করলে, ঠু শব্দ আপো বস্ত্রা শমন সঙ্কল্পপ্যা, শন্যো সমুদ্রিয়া আপঃ শমন সঙ্কল্পপ্যা—

কিছুদিন আগে পৈতে হয়েচে ভোনার, তারই খানিকটা মন্ত গড়গড় করে আউড়ে গেল সে।

খাঁদ্র বাধা দিয়ে বললে, থাম্ না, কেন বাজে কথা বলছিস। শোন্ রঞ্জু, আজ সন্ধ্যার পর বেহুতে হবে।

—কেন ?

—বাঃ, তুই আছিস কোথায় রে ? আজ যে নষ্টচন্দ্র। অতুল ঘোষের লিচু বাগানে আজ—হঁ-হঁ।

মনটা কালো হয়ে গেল সঙ্গে সঙ্গে। দিনের পর দিন এই দলটা সম্পর্কে তার অশ্রদ্ধা বেড়েই চলেছে সমান ভাবে। সেই কুৎসিত কদর্য কথাগুলোকে সে ভোলেনি, ভোলেনি গোষ্ঠের মেলার সে অভিরিক্ত অভিজ্ঞতাটা। তবুও সে বিরক্তিতা চাপা পড়ে গিয়ে একটা নতুন শ্রদ্ধা চাড়া দিয়ে উঠেছিল—লেগেছিল একটা আলোর বলক। ‘ঝাণ্ডা উচে রহে হামারা’। ছান্নিশে জাহ্নারীর স্বাধীনতার সংকল্প। পতাকা হাতে এগিয়ে চলেছে ভোনা। তারও পরে—

ভবেন মজুমদার। পেছনে পেছনে ক্যানেষ্টারার শোভাযাত্রা। তার পরে আবার যেমন ছিল ঠিক সেই রকম। বান ডেকেছিল, এসেছিল নতুন আত্মাইয়ের দেশ-ভাসানো নতুন বস্ত্রা—একাকার হয়ে গিয়েছিল গ্রাম-প্রান্তর, নদী-নালা, দিগ্-দিগন্ত। যেমন হঠাৎ এসেছিল, তেমনি হঠাৎ নেমে গেল সে জল। পড়ে রইল সেই পচা ডোবা, সেই দ্বর্গজ জল, কচুরিপানা, আর ব্যাঙাচির কাঁক। মনসাতলা থেকে সেই মার্বেলে ফাটানোর শব্দ : ‘হাত ইস্টেট—উড্ডু কিপ্’— আজ আবার সেই পুরোনোর পুনরাবৃত্তি—অতুল ঘোষের লিচু বাগানের নষ্টচন্দ্র।

বললে, না।

—না কেন ? চমৎকার লিচু, ভালো মজঃফরপুরী লিচু। একটা খেলে আর ভুলতে পারবি না। আর ভালোছেলেগিরি করতে হবে না, সন্ধ্যাবেলা ডেকে নিয়ে যাবো, কেমন ?

রঞ্জন ধীরে ধীরে মাথা নাড়ল—না। কটু দৃষ্টিতে তাকিয়ে রইল এদের দিকে। শুধু এরা খারাপ ছেলেবলেই নয়, আজ একটানতুন ষাঙ্কায়, নতুন একটা আশ্চর্য পথের সংকেতে এদের সঙ্গে তার পার্থক্যটা চিহ্নিত হয়ে গেছে আরো স্পষ্টরূপে। এই মনসাতলা নয়, ভয়ে

ভরা কাঞ্চনদীর বাগিচা নয়, এই শহর মুকুলপুরের খোয়াওঠা রাস্তা, নড়বড়ে ল্যাম্প্ পোস্ট, বাজারের নোংরা মারোয়াড়ীপটি কিংবা ইটবারকরা একতলা জীর্ণ বাড়িগুলোও নয়। অন্ধকার রাত্রে নক্ষত্রভরা আকাশে প্রসারিত আকাশগঙ্গার মতো আজ তার মনের যাত্রা শুরু হয়েছে অপরিচয়ের ছায়াপথে। আলো-আঁধারের অচেনালোকে সেখানে বিকট শব্দে বোমা ফেটে পড়েছে ফুলঝুরির মতো, ছুরির নীল উজ্জল ফলার মতো রিভলবারের ছুটন্ত আঙুন ; কঁাসিকাঠ দেখেনি—তবুও সে চিনতে পারছে কঁাসির দড়িতে ঝলছে উজ্জল কয়েকটি জ্যোতির্ময় মৃতি—ওরা কারা ? হুদিরাম ? সত্যেন বসু ? কানাইলাল ? বীরেন গুপ্ত ?

এই ভোনা, এই কালী, খাঁহু আর পূর্ণ—এরা সে অপূর্ণ ছায়ালোকের কল্পনাও করতে পারে না। নিতান্ত নিচুতলার জীব এরা, এরা করুণার পাত্র। বললে, মাপ করতে হবে তাই, ও সবের মধ্যে আমি নেই।

—অঃ ?—গালের পাশ দিয়ে জিভ বের করে ভেঁচে দিলে ভোনা, পিটপিট করে উঠল শয়তানী-ভরা চোখ দুটো। চিবিয়ে চিবিয়ে বললে, থাকো বাবা, ঘরে বসে গুড়-কণ্ডাক্টের প্রাইজ পাও তাহলে। চলে আয় খাঁহু, ওই গন্ধাফড়িংটাকে দিয়ে কাজ হবে না দেখছি।

চলে গেল দলটা। যেতে যেতে উচ্চস্বরে গান ধরল ভোনা :

‘সকালে উঠিয়া আমি মনে মনে বলি,
সারাদিন আমি যেন ভালো হয়ে চলি।
আদেশ করেন যাহা যোর গুরুজনে’—

খাঁহু চিংকার করে উঠল, অনু্কার, অনু্কার। আবার—এগেইনু।

ইন্সুল ছুটি। দুপুরে নিঃসাড় পায়ে সে বেরিয়ে এল থিড্‌কি দরজা দিয়ে, এসে বসল ঠাণ্ডা ছায়ায় ঘেরা পাখিডাকা নির্জন ছাইগাদাটার পাশে। বই দুটো সঙ্গে করে এনেছে, আর এনেছে খাতা পেনসিল। খানিকক্ষণ চুপ করে তাকিয়ে রইল রেললাইনের কালো রেখা দুটোর দিকে, মোটা মোটা পাতার আড়ালে গাঢ় সবুজ উজ্জল কচি বাতাবী-গুলোর দিকে, যেখানে আমগাছে পুষ্ট একটা লতার সঙ্গে পাকা একটা লাল টুকটুকে বন-কাঁকড়া ঝলছে, তার দিকে। তার পর পেন্সিলের পেছনটাকে কামড়ালো খানিকক্ষণ, গোটা কয়েক দাঁতের দাগ ফেলল, খাতার মলাটে এলোমেলোভাবে একটা পাখি আঁকল, সেটা হাঁস আর ময়ূরের মাঝামাঝি একটা প্রাণী, নিজের নামটা জড়ানো ইংরেজিতে সহই করবার চেষ্টা করলে বারকতক, তারও পরে লিখতে শুরু করল।

কতক্ষণ লিখেছিল খেয়াল নেই হঠাৎ পেছনে গুনল হাসির শব্দ। কেমন ভয় করল, খরখর করে কঁপে উঠল হাতটা, পেন্সিল গড়িয়ে পড়ল নিচে।

আর কে ? পরিমল । এমনি করে চমক লাগিয়ে দিতেই ভালবাসে ।

সেই পরিচিত হাসিতে বল্লমলে পরিমলের মুখ । বললে, ধরে ফেলেছি ।

খাতাটা সে লুকোবার চেষ্টা করছিল, কিন্তু এর মধ্যেই সেটাকে ঝাঁ করে ছিনিয়ে নিয়েছে পরিমল । তারপর দু পা দূরে সরে গিয়ে, যাতে রঞ্জন কেড়ে নিতে না পারে, উল্টে-পাল্টে একটা কবিতা সে আবিষ্কার করে বসল : ‘কানাইলাল’ ।

—‘কানাইলাল’ ? বড় বড় চোখ করে রঞ্জনের মুখের ওপরে দৃষ্টি ফেলল পরিমল : কানাইলালকে নিয়ে তুই কবিতা লিখচিস কেন রে ?

—তোমার কী । খাতাটা ফেরত দাও ।

—দাঁড়া, দাঁড়া, ভারী ইন্টারেস্টিং মনে হচ্ছে যে ।—পরিমল আনন্দ করল :

মৃত্যুর রূপ এত সুন্দর এ কথা জানিনি আগে,
চিরচঞ্চল প্রাণের লীলায় মত্ত-পিনাকী জাগে ।

বেদনা-বিহত কাজল নয়নে

বিদ্যৎশিখা হেরি ক্ষণে ক্ষণে

একটি মানবে যুগমানবের মূর্ত প্রতীক হেরি,

মৃত্যুর মাঝে বাজায়ে গেল সে সত্যের জয়ভেরী ।

—আরে, আরে ।—পরিমলের কৌতুকভরা সরস কণ্ঠ হঠাৎ শ্রদ্ধা আর মুগ্ধতায় নিবিড় হয়ে উঠল : এ যে সত্যিকারের একজন নীরব কবিকে আবিষ্কার করা গেল ! এত ভালো তুই লিখতে পারিস তা তো জানতাম না । বলতুম টুকলি করেছিস, কিন্তু তা তো বলতে পারি না । কারণ কানাইলালকে নিয়ে কেউ আজ পর্যন্ত কবিতা লেখেনি, এ ব্যাপারে তুই-ই বাংলার প্রথম কবি । ভালো কথা, পিনাকী মানে কি রে ? রঞ্জু সন্তুষ্ট হয়ে বললে, থাক, রেখে দে ।

—রেখে দেব, বলিস কী । এ যে আবিষ্কার । ইউরেকা !

শশ্যামলা বাংলা মায়ের স্নেহ-অঞ্চলতলে,

রক্ত বিষণ্ণ উঠেছে বাজিয়া, খড়া উঠেছে জলে !

এই সব কচি কিশোরের প্রাণে

আছিল হৃৎ কোথা কোন্‌খানে

ধ্বংসের ছেন উগ্র পিপাসা বহির এই জালা,

রচিল কেমনে বুকের রক্তে মায়ের বরণ-মালা ।

—না, এ কবিতা জোরে পড়া যাবে না ।—পরিমল নীরবে লেখাটার ওপর দিলে চোখ বুলিয়ে গেল । পড়া যখন শেষ হল, তখন কেমন বিষণ্ণের মতো চুপ করে রইল সে, কোনো কথা বললে না, ভালো মন্দ মন্তব্যও করলে না কিছু । মাটি থেকে একটা চোর—

কাঁটার শিষ তুলে নিয়ে চিবুতে চিবুতে বললে, তুই যা লিখেছিস তা কি তুই বিশ্বাস করিস রঞ্জু ?

—কেন করব না ?

পরিমল ছোট করে হাসল : ঠিক তা নয়। বই দুটো তুই পড়েছিস তা বুঝতে পারছি। কিন্তু হঠাৎ ঝোঁকের মাথায় খানিকটা লিখে যাওয়া এক জিনিস, আর তাকে মন প্রাণ দিয়ে বিশ্বাস করা একেবারে আলাদা ব্যাপার। এ সব উচ্ছ্বাসের কোনোও দাম নেই, কাজের বেলায় দেখা যায় সবটাই ফাঁকি।

পরিমলের বলার ধরনের মধ্যে এমন একটা কিছু ছিল যাতে অপমানিত বোধ করলে রঞ্জন, তেতে উঠল মন। হঠাৎ শিরদাঁড়াটা সোজা করে বললে, তাকে কে বলল এর সবটাই উচ্ছ্বাস ?

—না, এমনি।—পরিমল কথাটাকে ঘুরিয়ে নিলে, থাক ও-সব। কেমন লাগল বই দুটো ?

রঞ্জু অব্যবহাঃ এল : চমৎকার। আর বই নেই এ রকম ? সেই ‘পথের দাবী’ ?

—আছে, সবই আছে। দেব আস্তে আস্তে। কিন্তু পরিমল আবার ঘুরিয়ে নিল কথাটাকে : আজ বিকেলে আমার সঙ্গে বেড়াতে যাবি এক জায়গায় ?

—কোথায় ?

—পুণ্ড্রায় আমাদের একটা ক্লাব আছে, লাইব্রেরীও। নাম ‘তরুণ সমিতি’।

হুদিরাম কানাইলালের সঙ্গে যে মন আকাশগঙ্গার স্রোতে স্রোতে ভেসে বেড়াচ্ছিল, তার ‘তরুণ সমিতি’র পরিণতিটা ভালো লাগল না। হতাশভাবে রঞ্জন বললে, কী হয় সেখানে ?

—একসারসাইজ্, হয়, বক্সিং হয়, লাঠি আর ছোঁরা খেলাও শেখানো হয়। তা ছাড়া লাইব্রেরীতে অনেক ভালো ভালো বই আছে, তুই তো পড়তে ভালবাসিস।

আগ্রহ আবার সজাগ হয়ে উঠল : এ সব বই পাওয়া যাবে ? এই ফাঁসির ডাক, এই শহীদ সত্যেন ?

—পাগল নাকি রে ? কী ছেলেমানুষ তুই।—পরিমল হাসল : এ সব যে বাজেয়াপ্ত বই। এগুলো রাখলে পুলিশ ধরবে না ?

—বাজেয়াপ্ত বই।—বইগুলো যে সাধারণ নয়, তা তো বুঝতে পেরেছে পড়েই। কিন্তু ‘বাজেয়াপ্ত’ কথাটা—আর তার সঙ্গে পুলিশের যোগাযোগের উল্লেখ শুনে যেন সর্বদা ঝিমঝিম করে উঠল তার।

পরিমল মিটিমিটি হাসল : হ্যাঁ, বাজেয়াপ্ত বই।

—তবে এ সব বই তুমিই বা পেলে কোথায় ? তুমিও কি পুলিশের ভয় করো না ?

—চুক—জিভে আর তালুতে মিলিয়ে হতাশতরা একটা শব্দ করলে পরিমল : তুই একেবারে হোপ্লেস । বড্ড বেশি তোর কোতুহল । এত সহজেই কি সব কথা জানা যায়—না জানতে দেওয়া যায় ? ধৈর্য ধরতে হয়, অপেক্ষা করতে হয়, তৈরি করে নিতে হয় মনকে । সে সব হবে পরে । কিন্তু একটা কথা তোকে বলি রঞ্জু । এ কবিতা যদি লিখতে হয় তা হলে সামলে চলিস । এ সমস্ত বই পড়া অস্বাভাবিক । এ রকম কবিতা লেখাও তার চাইতে কম অস্বাভাবিক নয় কিন্তু ।

মুখ গৌজ করে রঞ্জন বললে, আমি কাউকে ভয় করি না ।

পরিমল বললে, বোকার মতো কথা হল রে । এ তোর অহিংস ধন্দর-মার্কী ব্যাপার নয় যে হৈ চৈ করতে করতে জেলে যাবি আর কানীর বাঁড়ের মতো ফুলের মালা চিবুতে চিবুতে বেরিয়ে আসবি । সি-আই-ডির ঘা-কতক হাটার, আর হাতের নোখে গোটা কয়েক পিন্ ফুটলেই বুঝতে পারবি কত ধানে কত চাল বেরোয় ।

চুপ করে রইল রঞ্জন । কল্পনার ছায়াপথের আশেপাশে আরো কতগুলো নতুন জিনিসের আভাস পাচ্ছে মন । কিছু একটা প্রায় বুঝতে পারছে, অথচ ধরতে পারছে না । মনের এ অবস্থাটা অসহ্য সবচাইতে । হাতের নাগালের মুখোমুখি একটা পাকাফলের মতো । হোঁয়া যায়, হেঁড়া যায় না অথচ ।

উঠে পড়ল পরিমল ।

—বই দুটো তো পড়া হয়েছে গেছে, আমি নিয়ে চললাম ।

—নতুন বই ?

—পরে দেব । আর ভালো কথা, যাবি তুই আজকে আমাদের ক্লাবে ? ঘণ্টা দেড়েক পরে ডাকতে আসব ।

—আসিস ।

পরিমল চলে গেল । পেন্সিল মুখে দিয়ে রঞ্জন ক্রুটি-ভরা চোখে নিরীক্ষণ করতে লাগল সন্ধ্যোরচিত কবিতাকে । এ কি সত্যিই একটা সাময়িক আবেগ, না রক্তে রক্তে শিকড় মেলে দেওয়া দৃঢ়-প্রতিষ্ঠ একটা প্রতীতি ?

পুথপাড়ার ভরুণ সমিতি ভারী স্বন্দর জায়গায় ।

একটা পুরোনো সেকেলে জমিদার বাড়ি । মোটা মোটা থাম, উঁচু উঁচু খিলান । দোতলা অতিকায় বাড়িটার ওপরতলাটা প্রায় ধ্বংস পড়েছে, ভাঙা ছাতের ওপরে বাস গজিয়েছে, গজিয়েছে বট পাকুড়ের চারা । শাদা বাড়িটার সর্বত্র কালচে সবুজ শ্যাওলায় ছাওয়া, তার ভেতর দিয়ে সরু মোটা অসংখ্য সাপের মতো ছড়িয়ে আছে বাদামী রঙের শিকড় । নিচের তলায় কতগুলো ঘর এখনো দাঁড়িয়ে আছে, তবে বালাই নেই জানালা কবাটের । বহর সাতেক আগেও এই জমিদার বংশের অবশিষ্ট দুজন নাকি এ বাড়িতে

বাস করত—বিধবা মা, কুমারী মেয়ে আর হিন্দুস্থানী চাকর। একদিন সকালে দেখা গেল মা আর মেয়ে গলাকাটা অবস্থায় খাটের ওপরে পড়ে আছে, ধরম্ম রক্ত। আর বাজপ্যাটারগুলো সব ভাঙা—হিন্দুস্থানী চাকরটাও অদৃশ্য।

সেই থেকে এই বাড়ি পরিত্যক্ত। কোন দাবিদার একে অধিকার করতে আসেনি। খুন আর ভাঙাচুরো অবস্থার হযোগ নিয়ে ভুতুড়ে বাড়ি বলে এর নাম রটেছে। ছড়িয়েছে নানারকম অবাস্তব আর অলৌকিক কাহিনী। সামনে একটা ছোট মাঠ, কোমরসমান বাস আর বিছুটির জঙ্গল মাথা তুলেছে। তা ছাড়া চারপাশে রুপসী আমের বাগান। সেকলে সমস্ত জংলা গাছ—এককালে হয়তো ভালো আম হত, কিন্তু এখন যা হয় তা ছর্দান্ত টক আর পোকা লাগা। সর্বভুক ছেলেরা পর্যন্ত এ বাগানের দিকে পা বাড়ায় না, অবশ্য ভূতের ভয়ও যে এক-আধটু না আছে এমন কথাও বলা যায় না।

কিন্তু ‘তরুণ সমিতি’র ছেলেরা একটু গোঁয়ার, তাই বেছে বেছে এই নির্জন অশান্তিভরা জায়গাতেই গড়ে তুলেছে তাদের আখড়া। বিছুটি আর ঘাসবনভরা মাঠটাকে কোদাল দিয়ে চৈঁছে পরিষ্কার করে ফেলেছে, বসিয়েছে প্যারালাল বার, রিং ঝুলিয়েছে, হলিয়েছে বক্সিংয়ের বালির বস্তা। তা ছাড়া খেলার ব্যবস্থাও আছে, একপাশে করা হয়েছে দাড়িয়াবাক্স (গাদী) আর ব্যাডমিন্টনের ঘর। লাইব্রেরীটা তবে এখানে নয়, সেটা পাড়ার মধ্যে ক্লাবের একজন মেম্বারের বাড়িতে।

ওরা দুজনে ‘তরুণ সমিতি’র জিম্নার্টিক ক্লাবে গিয়ে যখন পৌঁছুল, তখন চারদিকে শান্ত-বিকল। রুপসী আমবাগানের আড়ালে বেলাশেষের সূর্য হারিয়ে যাচ্ছে ভীকর মতো। ক্লাবের প্রায় পনেরো-বিশটি ছেলে একান্ত অভিনিবেশ সহকারে শরীরচর্চায় ব্যস্ত। কয়েকজন কুমীরের মতো লম্বা হয়ে হস্ হস্ করে বুক-ডন দিচ্ছে, একজন ঝুলছে রিংয়ের সঙ্গে, আর একজন প্যারালাল বারে হাঁটু ভাঁজ করে আটকে দিয়ে মাথা নিচে ঝুলিয়ে দোল খাচ্ছে—ঠিক ছবিতে দেখা শিম্পাঞ্জীর মতো। একজন দু হাতে দুটো বক্সিং গ্লাভস পরে ধাঁই ধাঁই করে ঘুঘি বসাচ্ছে ঝুলন্ত বালির বস্তায়। পরিমল পরে বলেছিল, অমনি করলে নাকি ঘুঘির ওজন বাড়ে। আর আখড়ায় ঢুকতেই সব চাইতে আগে যে দৃষ্টি আকর্ষণ করে সে একটা আশ্চর্য মাহুঘ। কুচকুচে কালো রঙ, ছ ফুট লম্বা একজন যুবক। চওড়া চিতানো বুক—যেন লোহার গড়া চেহারা। মাথার ওপর মস্ত একখানা লাঠি নিয়ে বৌ বৌ করে ঘোরাচ্ছে—এত জোরে ঘোরাচ্ছে যে লাঠিটা দেখতে পাওয়া বাচ্ছে না, শুধু চোখে পড়ছে যে একটা বিরাট চাকার হুম উড়ন্ত রেখা। দৃঢ় বিশাল শরীরের পা থেকে কাঁধ পর্যন্ত ছোট বড় অসংখ্য ‘মাসল’ চেউয়ের মতো উঠছে পড়ছে, বাইশেপগুলো ফুলে ফুলে উঠছে এক একটা লোহার পিণ্ডের মতো। তিন-চারটি ছেলে লাঠি দিয়ে তার মাথায় থা দিতে চেষ্টা করছে, কিন্তু সেই প্রচণ্ড অশরীরী ঘুঘির

কাছে গিয়ে চটাস্ চটাস্ করে তাদের হাতের লাঠিগুলো ঠিকরে ফিরে আসছে, একজনের লাঠি তো হিটকে বেরিয়েই চলে গেল হাত থেকে।

মৃদু দৃষ্টিতে চেয়ে রইল রঞ্জন। বললে, অদ্ভুত।

পরিমলও সেই দিকেই তাকিয়ে ছিল। প্রতিধ্বনি করে বললে, অদ্ভুত, তাই না? উনিই বেগুদা, আমাদের ক্লাবের সেক্রেটারী। বলতে গেলে ক্লাবের সব।

কথাটা পরিমল না বলে দিলেও রঞ্জন বুঝতে পারত। ওই স্বাস্থ্য, লাঠির ওপর অমন অপরূপ দখল—কে আর ক্লাবের সেক্রেটারী হবে এ লোক ছাড়া।

সম্প্রদর্ভাবে পরিমল বলে চলল, এক লাঠির যে কতরকম কসরং উনি জানেন তার সংখ্যা নেই। আর শুধুই কি লাঠি? বক্সিংয়ের সময় ওঁর একটা মাঝারি সাইজের ঘুঘি খেলে পনেরো মিনিট ধরে আমাদের মাথা ঘুরতে থাকে। রিং বারের এমন ফিগার নেই যা করতে পারেন না। এক নাগাড়ে দেড়শো ডান দিতে পারেন—একটু কষ্ট হয় না।

একটু পরেই লাঠি খেলা বন্ধ হল। কালো কুচকুচে একটা মূর্তির ওপরে বার্নিশ তেলের মতো ঘাম চকচক করছিল, হাতের উল্টো পিঠ দিয়ে কপালের ঘাম মুছে ফেললেন বেগুদা, এগিয়ে এলেন সেদিকে যেখানে ওরা দাঁড়িয়েছিল। পরিমল কী বলতে বাচ্ছিল, কিন্তু তার আগেই ভরাট গম্ভীর গলায় কথা কয়ে উঠলেন বেগুদা।

—হুঁরি, রঞ্জন না?

মুহূ ভয় এবং গম্ভীর বিশ্বাসের একটা মিশ্র অমুভূতি দোলা খেয়ে গেল মনে। কথার জবাব দিতে গিয়েও দিতে পারল না, কেমন যেন ধরে এল গলাটা।

বেগুদা এবারে হাসলেন : আমাদের জিম্জাজিম ক্লাব কেমন দেখছ রঞ্জন?

—খুব ভালো। কিন্তু—এতক্ষণে জড়তাটা কাটিয়ে উঠতে পারল সে : আপনি নাম জানলেন কেমন করে আমার?

বেগুদা শুধু হাসলেন, উত্তর দিলেন না কথাটার। তারপর বললেন, আমাদের ক্লাবের মেম্বার হবে তো?

পরিমলই জবাব দিলে রঞ্জনকে হয়ে। সাংসাহে বললে, নিশ্চয় হবে। সেই জন্মেই শুকে ধরে নিয়ে এলাম।

—বেশ, বেশ, খুব ভালো কথা।—ভরাট গম্ভীর গলায় বেগুদা বললেন, শরীর ভালো করা চাই সবার আগে। গায়ে যার জোর নেই, সে-ই পড়ে পড়ে মার খায়। আর যে বলবান, পৃথিবীতে গড়ে ওঠে তারই অধিকার। কী বলো রঞ্জন? ঠিক নয়?

রঞ্জন মাথা নেড়ে বললে, নিশ্চয়।

ঘাসের ওপরে বসলেন বেগুদা, পাশে বসল ওরা দুজন। বেগুদার ঘামে ভেজা শরীর থেকে একটা গন্ধ আসতে লাগল নাকে। কিন্তু ওই গন্ধটার ভেতরেও যেন পাওয়া গেল

শক্তির পরিচয়, পৌরুষের ব্যঞ্জনা।

বেগুদা বলে চললেন, তাই বলে অবশ্য আমাদের ক্লাবের উদ্দেশ্য এই নয় যে শুধু শরীরকেই তাগড়া করতে হবে। সে শরীর কাবলীরও আছে, পাঞ্জাবীরও আছে। কিন্তু ফিজিক উইদাউট ব্রেন অ্যাণ্ড অ্যাভিভিটি—কোনো দামই নেই তার। শরীরকে আমরা ভালো করব নিশ্চয়। কিন্তু তা শুধু নিজেকেই জেতে নয়। অল্প দশজনের জন্তে, সমাজের জন্তে। আমাদের ক্লাবের উদ্দেশ্য সব রঙনকে স্পষ্ট করে বুঝিয়েছে তো পরিমল?

পরিমল অপ্রতিভ হয়ে মাথা নাড়ল, না।

বেগুদা ভৎসনার দৃষ্টিতে তাকালেন পরিমলের দিকে, পরিমল লজ্জা পেল। বেগুদা বলে চললেন, আমরা সব রকম সোসাইয়াল সার্ভিস্ করবার দায়িত্বও নিয়েছি। ধরো নার্সিং। কোথাও কারুর অসুখ-বিসুখ করলে আমাদের ক্লাবের মেম্বাররাই নার্সিং করতে যায়। কেউ যদি অসুস্থ করে তার প্রতিবাদ করব আমরা। দুঃস্থের দমন করা আমাদের মন্ত একটা কাজ। শহরের গুণ্ডা-বদমায়েসরা যাতে আমাদের নামে ভয়ে কাঁপে, সে ব্যবস্থাও আমরা করব। এ তো গেল শরীরচর্চার দিক। তা ছাড়া আমাদের লাইব্রেরী আছে, সেখানে বাছা বাছা বই রেখেছি আমরা। দেশের ছেলেরা যাতে মানুষ হয়, তাদের শরীর আর মস্তিষ্ক একই সঙ্গে গড়ে উঠতে পারে, এই হল আপাতত আমাদের প্রধান লক্ষ্য। পরিমল, ফেরবার পথে তুমি রঙনকে আমাদের লাইব্রেরী দেখিয়ে নিয়ে যেয়ো।

পরিমল মাথা নেড়ে জানালো, আচ্ছা।

বেগুদা উঠে এগিয়ে গেলেন প্যারালাল বারের দিকে। পরিমল চাপা গলায় জানতে চাইলে : কেমন দেখলি তাই বেগুদাকে?

এখানে এসে যে একটি কথা ক্রমাগতই রঙনের মাথা চাড়া দিয়ে উঠছিল, সেই কথাটাই বলতে পারল সে : চমৎকার।

পরিমল সায় দিয়ে বললে, হ্যাঁ, চমৎকার। একটু বেশি করে মিশলেই বুঝতে পারবি কী রকম প্রাণখোলা মানুষ।

ভোনা, কালী কিংবা খাঁছর একটা নোংরা আবহাওয়া ছাড়িয়ে, নিজের ভেতরে আত্মসম্পূর্ণ রূপকল্পনার জগতের বাইরে এসে, যেন আজ সে দাঁড়িয়েছে একটা নতুন পৃথিবীর সম্মুখে। যেন হঠাৎ জানালা দিয়ে দেখা সেই আত্মাইয়ের বান। কোথায় ছিল এতদিন এই ছেলেরা, এই ক্লাব? স্বাস্থ্য সরলতা ইত্যরতা নেই; দুর্বলি নেই, বিড়ি খাওয়ার উৎসাহ নেই, নষ্টচক্রের স্বযোগ নিয়ে পরের বাগানের ফল-পাকড় লুটতরাজ করবার মতো প্লুহাও নেই কারুর। রঙন যেন বায়োকোপের ছবি দেখছে সমস্ত। রিংয়ে বারবেল, ব্যাড-মিটন আর দাড়িয়াবাক্সায়, ছোট বড় লাঠিতে বারো-তেরো বছরের ছেলে থেকে শুরু করে হুডি-~~উইদাউট ব্রেন অ্যাণ্ড অ্যাভিভিটি~~ লাগে, অপরিচিত মনে

হয়। কিন্তু এখানে আসবার সঙ্গে সঙ্গেই তবু কেমন করে এদের সঙ্গে একটা মানসিক সহযোগিতা ঘটে গেছে, এদের একান্ত ভাবে বোধ হচ্ছে নিজের দলের লোক বলে।

তবু কোথায় হৃদয় অতৃপ্তিবোধ। একটা ছোট কাঁটা যেন ধর ধর করছে পায়ের পাতার নিচে। কিছুতেই তুলতে পারেনি সেই ‘ফাঁসির ডাক’ আর ‘শহীদ সন্তান’। বুকের শিথিল শিরাগুলোকে যেন একটা প্রকাণ্ড ধনুকে ছিলার মতো জুড়ে দিয়ে প্রচণ্ড টঙ্কার দিয়েছে কেউ। তার মস্ত্রে প্রতিটি রোমকূপ পর্যন্ত গম্গম করে উঠেছে এখন। সত্যগ্রহ আন্দোলনকে কেন্দ্র করে মনের মধ্যে ফণা নাড়া দিয়েছে বাহকী নাগ, দেশ ঘুমিয়ে পড়ল বলেই তো সে বশ মানতে চায় না। ওই বইগুলো যেন তার কাছে কোন এক যাদুকর সাপুড়ের তুবড়ী বাঁশির মাতাল করা ডাক পৌঁছে দিয়েছে। কিছু একটা করতে না পারা পর্যন্ত তার স্বস্তি নেই, তৃপ্তি তো নেইই।

কেমন যেন আশা হয়েছিল, এই ক্লাব তার সন্ধান বলেদেবে। এইখানেই কাছাকাছি কোথাও লুকিয়ে আছে গুপ্ত দরজা, যার সামনে দাঁড়িয়ে কোনো একটা মন্ত্র উচ্চারণ করলেই মাটির বন্ধন বিদীর্ণ হয়ে পাতালপুরীর আনন্দ খুলে যায়,—দেখা যায় গল্পে শোনা সাদা মার্বেল পাথরের একটা অতলান্ত সিঁড়ি বিশাল অজগরের মতো পাক খেতে খেতে কোথায় নেমে গেছে—নেমে গেছে হুদিরামের কামানের কারখানায়। কিন্তু শুধু শরীর ভালো করতে হবে, শুধু মগজকে উন্নত করতে হবে। এর বেশি কিছু নয়? রাত জেগে কতগুলো রোগীর সেবা করাই কি তরুণ সমিতির শেষ কথা? বোমার ফুলঝুরি, ছুরির নীলোজ্জ্বল তীক্ষ্ণ ফলকের মতো রিভলবারের এক ঝলক আঙুন আর ছায়াযুঁতির মতো ফাঁসিকাঠে বিকীর্ণ যে আকাশগঙ্গা—সে কত দূরে, কেমন করে স্পর্শ করা যায় তাকে?

সমস্ত আঁখড়াটা অভূত কতগুলো ধ্বনিতে মুখর। রঞ্জন অস্ত্রমনস্কভাবে গুনতে লাগল।

—শির, তামেচা, বাহেরা—

লাঠির ঠকঠক আওয়াজ।

ব্যাড্‌মিন্টনের কোর্ট থেকে শব্দ : ফাইভ অল।

ধপাধপ করে ঘুমি পড়ছে বস্ত্রিয়ের বাণির বস্তায়।

আস্তে আস্তে নেমে আসছে বেলা। আমবাগানের ডাইনি চুলের মতো বন পাতার আড়ালে লাল সূর্য ডুবে গেল। পরিমল কী ভাবছিল, রঞ্জন জিজ্ঞাসা করলে, তুই একসারসাইজ্ করবি না?

—নাঃ, আজ আর নয়। কাল কুস্তি করে গায়ে বড় ব্যথা হয়েছে, বিশ্রাম নিচ্ছি আজকের দিনটা।

—ওঃ।

আবার চুপচাপ। পরিমল কেমন গভীর হয়ে আছে, রঞ্জনের মনের ভেতরে আবার

ঘুরে ঘুরে বেড়াচ্ছে ওই আঙুন-জলা বইগুলো, কতগুলি অগ্নিপতঙ্গের মতো তাদের চলন্ত আর জলন্ত অক্ষর। পরিমল জানে। ওই স্বরঙ্গ পথটা তার জানা আছে। কেন সে বলে দেয় না তাহলে? কেন সে এমন করে দূরে দূরে সরিয়ে রাখছে ওকে?

চলু রঞ্জু, এবারে ওঠা যাক্—

উঠতে ইচ্ছে করছে না। ক্লান্ত স্বরে বললে, এখনি?

—আর একটু বসবি? কিছু লাইব্রেরী যে আবার বন্ধ হয়ে যাবে ওদিকে।

—ওঃ, চলু তা হলে—

ওরা উঠতে যাবে, এমন সময় কাণ্ড হয়ে গেল একটা।

একটি ছেলে প্রায় উর্ধ্বশ্বাসে এল ছুটে ছুটে : বেগুদা, বেগুদা?

মাটিতে ঝুঁকে পড়ে বেগুদা তখন একটা ভারী বারবেল তুলছিলেন, ধপাৎ করে সেটাকে ফেলে দিলেন মাটিতে। বললেন, ব্যাপার কী, কী হয়েছে?

—ফণীর মার ঘর থেকে সব জিনিসপত্র রাতায় টান মেরে ফেলে দিচ্ছে। বাস্ক-প্যাটারা, বাসন-কোসন সমস্ত।

‘ছ ফুট উঁচু লোহার মালুষ বেগুদা সোজা হয়ে দাঁড়ালেন তীরের বেগে। এক মুহূর্তে স্তব্ধ হয়ে গেল সমস্ত। লাঠির আওয়াজ, ব্যাড্‌মিণ্টন কোর্টের হাঁকাহাঁকি, চারপাশের ছোট বড় কথা আর হাসি কিছু কোলাহল। পোড়ো জমিদারবাড়ি আর ঘাসে-ছাওয়া মাঠটার ওপর দিয়ে যেন একটা কঠিন স্তব্ধতা নেমে এল।

—কে ফেলে দিচ্ছে? হালদার?—বেগুদার গলা গম্‌গম্‌ করে উঠল, প্রতিধ্বনি কাপতে লাগল ভাঙ্গা বাড়িটার ঘরে ঘরে গুম্‌গুম্‌ শব্দে : হালদার ফেলে দিচ্ছে?

—শুধু হালদার নয়, তার সঙ্গে আরো চার-পাঁচটা যশু লোক। লাঠিও নিয়ে এসেছে।

—পাড়ার লোকে কী করছে?

—দাঁত বের করে দেখছে সব, হাসছে। ফণী বাধা দিতে গিয়েছিল, একটা লোক তাকে এমন মেরেছে যে তার নাক দিয়ে দরদর করে রক্ত—

দূত তার সংবাদটা আর শেষ করতে পারল না। তার আগেই বেগুদা গর্জন করে উঠলেন।

—অ্যাটেনশন!

সঙ্গে সঙ্গে অপূর্ব ব্যাপার ঘটে গেল একটা। ক্লাবের মেখানে যে ছিল, ব্যাড্‌মিণ্টন আর দাড়িয়াবাস্কার কোর্ট থেকে রিং পর্যন্ত যারা এতক্ষণ নিভান্ত নিম্পূহভাবে নিজের নিজের কাজ করে যাচ্ছিল, নক্ষত্রবেগে ছুটে এল তারা। ডিলের ভঙ্গিতে সব সার বেঁধে দাঁড়িয়ে গেল মাঠের মাঝখানে।

—লেক্ট টার্ন—

না. র. ঔর্থ—২

একসঙ্গে কতগুলো পায়ের শব্দ করে দলটা ঘুরে গেল।

কার যেন উত্তেজিত স্বর শোনা গেল : লাঠি নেব বেগুদা ?

—নো। কুইক্ মার্চ।

সঙ্গে সঙ্গে বেগুদাকে অনুসরণ করে দলটা এগিয়ে চলল।

রঞ্জন বসেছিল অভিভূতভাবে। কিছুই বুঝতে পারেনি। এতক্ষণ বায়োস্কোপের ছবি দেখছিল, এখন যেন তারই রোমাঞ্চক একটা অধ্যায়ে এসে পৌঁছেছে। এর পরে ? রঞ্জনের কাঁধে আলগাভাবে হাত ছোঁয়ালে পরিমল, ডাকলে, রঞ্জু ?

—অ্যা ?

—চল্।

—কিন্তু কোথায় ?

—তরুণ সমিতি কী করতে চায় তার পরিচয় পাবি।

ততক্ষণে একটাকিছু ঝাঁচ করে সন্দ্বিগ্ন হয়ে উঠেছে মন : মারামারি হবে নাকি তাই ?

—বড্ড বকাস তুই রঞ্জু, তাড়াতাড়ি চলে আয় না—পরিমলের কথায় উত্তাপ আর বিরক্তি স্পষ্টভাবে ফুটে বেরল। দলটা অনেক এগিয়ে গেছে, ওরা উর্ধ্ব্বাসে ছুটলে পেছনে পেছনে। তারপর দু-তিন মিনিটের মধ্যেই গিয়ে পৌঁছল পাড়ার ভেতর, এই রহস্যময় ঘটনার অকুস্থলে।

কেমন একটা গোলমেলে আর বিশৃঙ্খল ব্যাপার। ছোট একখানা মেটে বাড়ি—গরীবের বাড়ি যে দেখলেই বুঝতে পারা যায়। সেই বাড়ির ভেতর থেকে চার-পাঁচজন লোক ঘরের খাটবিছানা থেকে আরম্ভ করে তৈজসপত্র যা কিছু বাইরে ছুঁড়ে ছুঁড়ে ফেলছে। টাকমাথা খাটো চেহারার একটা লোক নির্দেশ দিচ্ছে তাদের। একজন বিধবা ভদ্রমহিলা চিংকার করে কাঁদছেন, একটি চোদ্দ-পনেরো বছরের ছেলে মাটিতে বসে আছে নির্জীবের মতো, তার গায়ে ছিটের জামাটায় রক্তের ছোপ। আর একটু দূরে গোল হয়ে দাঁড়িয়ে পাড়ার ভদ্রলোকেরা, কিন্তু কারো মুখে কোনো কথা নেই—যেন মেলায় কুমোরের দোকানে সাজানো একরাশ ধোঁপধাপ জই পুতুল।

বেগুদার দলটা গিয়ে পৌঁছতেই টাকমাথা লোকটা তাদের দিকে ফিরে দাঁড়ালো। তার ছোট ছোট চোখ দুটো দেখতে পেল রঞ্জন—সেই পড়ন্ত বেলাতেও দেখতে পেল কাকড়াবিছের ল্যাজের মতো তার ঙ্গ দুটো বেকে গেল হৃদিকে।

বেগুদা বললেন, হালদার মশাই, কী এসব ?

হালদার কাঁজালোভাবে বললে, তা দিয়ে দরকার কী আপনার ?

বেগুদা হাসলেন। কালো মুখের ভেতর দিয়ে এক ঝলক শাদা শাদা দাঁত বেরিয়ে এল নির্ভর ভাবে : দরকার আছে বই কি। শুধু, বিধবার ওপর এসব কলুষবাজি চলবে না।

—নাঃ, চলবে না ?—বিল্লী একটা জাছুবানের মতো দাঁত খিঁচুনি দিলে হালদার :
যেন পুলিশ সাহেব এসেছেন । আমার বাড়ি, আমার ঘর, বিনা ভাড়ায় ছ'মাস থাকতে
দিয়েছি—সেই দম্মাই হল আমার কাল । এখন নড়তে চাইছে না, ইয়াকি নাকি ?

বেগুদা নিরীহ হয়ে বললেন, কিন্তু এভাবে ওদের বার করে দিলে ওরা যাবে কোথায় ?

—যেখানে খুশি । কিন্তু আপনারাই বা কেন মাতব্বরী করতে এসেছেন ? নিজের
চরকায় তেল দিন না মশাই ।

—আপনি ওদের জোর করে তাড়িয়ে দেবেন ?

—হ্যাঁ, দেব দেব ।—হালদার খাটালের মোষের মতো মাটিতে পা ঠুকল ছপ্পা
করে : আমার বাড়ি থেকে বের করে দেব আমি ।

—কিন্তু ওরা যাবে কোথায় ? আপনি ভদ্রলোক—উনি ভদ্রঘরের মেয়ে, কোথায়
গিয়ে উনি দাঁড়াবেন ?

হালদার এবারে চৈচিয়ে উঠল ।

—আপনি তো মশাই আচ্ছা লোক । গাঁয়ে মানে না অথচ মোডলি করতে
এসেছেন । ভদ্রভাবে উঠে যেতে বলেছি, তখন তো যায়ই নি, আবার মেজাজ কত ।
যম্মো আছে, আইন আছে । জোর জুলুম চলবে না । ওঃ, ভারী আমার ভদ্রলোকের
মেয়ে রে । ওর দাঁড়াবার জায়গা আমায় বাত্লে দিতে হবে । বেশ তো, দাঁড়ান না
গিয়ে কোনো বস্তিতে, কিংবা খোলাপট্টিতে—

—চূপ রও অসত্য জানোয়ার—

সার্কাসে বাঘের গর্জন শুনেছিল, সেটা এবার শুনল মাহুঘের গলায় । বেগুদার
একটা প্রবল ঘৃষিতে তিন হাত দূরে ঠিকরে পড়ল হালদার, দাঁত ছরকুটে চিত্ হয়ে
পড়ল মাটিতে । আর সঙ্গে সঙ্গেই ঘরের ভেতরে যে লোকগুলো জিনিসপত্র টানটানি
করছিল, তারা বাঁপ দিয়ে পড়ল বাইরে । রুজনের হাতে দুখানা ছোঁরা ঝকঝক করে
উঠল, পেশাদার গুণ্ডা ওরা—এর জন্তেই এসেছিল তৈরি হয়ে ।

তারপর শুরু হয়ে গেল কুরুক্ষেত্র ।

ভিড়ের মধ্যে ছোঁরাহস্ত একটা হাত উঠল, আর একখানা হাত পেছন থেকে টেনে
নামিয়ে নিলে । চিংকার, কোলাহল । কয়েকটা আর্তনাদের শব্দ ভারী মতো চিরে
দিলে আকাশকে, সমবেত ভদ্রলোকেরা বাসাভাঙা কাকের মতো আওয়াজ তুলে
উর্ধ্বাঙ্গে ছুটতে শুরু করলেন । জই পুতুলগুলো জীবন্ত তা হলে ।

মারামারি, কিল চড় ঘুষি চলছে, পরিমল কোথায় ছিটকে চলে গেছে । রুজনের বুক
কাঁপছে বাঁশ পাতার মতো, হাঁটুর কাছটা যেন ভেঙে আসতে চাইছে আতঙ্কে, গা দিয়ে
দর-দর করে বাষ্ম পড়ছে । কী করতে বাজছিল খেয়াল নেই, মনেও নেই—খুব সম্ভব ছুটে

পালাবারই উদ্দেশ্য ছিল তার। কিন্তু তার আগেই কপালের ডানদিকে একটা অসহ যন্ত্রণা যেন আকাশ থেকে ঠিকরে বাজের মতো হেঁ দিয়ে পড়ল। যন্ত্রণায় চোখ বুজে এল তার, পরক্ষণেই সব ঝাপসা আর অস্পষ্ট—কোনো বোধই আর জেগে রইল না শরীরের কোনোখানে।

দশ

জরিপাড় শাড়ির একটুখানি আঁচল, খানিকটা টিংচার আয়োডিনের গন্ধ, একখানা সরু হাতে কয়েক গাছা চুড়ির ঝিলিক আর মাথায় পাথার মিষ্টি বাতাস, প্রথম অস্বচ্ছ চেতনায় এগুলোই আভাসিত হয়ে উঠল ছায়া-ছায়া ভাবে। তারও পরে টের পাওয়া গেল কপালের ডান দিকে একটা টনটনে যন্ত্রণা, অস্ফুট কাতরোক্তি বেরিয়ে এল মুখ দিয়ে।

—একটুও কি কমেনি ?

কোমল হাল্কা গলায় জিজ্ঞাসা।

এবারে চোখ দুটো সম্পূর্ণ করে মেলল রঞ্জন।

—মা ?

কিন্তু মা তো নয়। অচেনা ঘর, অচেনা পরিবেষ্টনী। মাথার কাছে টিপরের ওপরে লণ্ঠনের আলো। খামল একখানি মিষ্টি মুখ, কপালে সিঁদুরের টিপ। ব্যয়েসে ছোটদিক্র মতো হবে, কিন্তু চোখেমুখে মার মতোই স্নেহগভীর আকুলতা।

—বাড়ি বাবে ? একটু স্বস্থ হও, বাড়ি পাঠিয়ে দেব বই কি।

তখন মনে পড়ল। মনে পড়ল পূবপাড়ার জিমনাস্টিক ক্লাব, কুইক মার্চ, হালদারের দলের সঙ্গে সেই মারামারি। ছুটে পালাবার কথা ভেবেছিল, আচমকা একটা চোট লাগল মাথায়, তারপরেই চারদিকের পৃথিবীটা ধুলে উঠল, হঠাৎ চলতে শুরু করা একটা গাড়ির চাকার মতো ঘুরে উঠল সমস্ত, তারও পরে—

সব শাদা—সব অন্ধকার ! একেবারে ছেলেবেলায়, অশরীরী অবিনাশবাবুর হাত-ছানিতে সেই ভাঙা আশ্রমের পাশে সেই অভিজ্ঞতা। অন্ধকার সরে গিয়ে যখন আলো পড়ল, তখন দেখা গেল শাড়ির আঁচল, একটি মিষ্টি স্নেহ-করুণ মুখ, আর উৎকণ্ঠাভরা প্রশ্ন : একটুও কমেনি ?

এর পরে চিন্তাধারাটা ব্যয়ে গেল খরগতিতে। উঠে বসল বিছানায়। এবারে সমস্ত ঘরটা সম্পূর্ণ রূপ নিয়ে দেখা দিল চোখের সামনে। ঘরে শুধু সেই মেয়েটি নয়, ওদিকে একখানা চেয়ারে চুপ করে বসে আছেন বেণুদা। বিছানায় তার পায়ের কাছে পরিমলও বসে আছে, যতটা বিষম তার চেয়েও বিপন্ন মুখ যেন, অই জলে পড়েছে।

সাগ্রহে পরিমল বললে, কি রে, ভালো লাগছে একটু ? তোকে ওখানে নিয়ে যাওয়াই ভুল হয়েছিল আমার ।

হঠাৎ নিজেকে অত্যন্ত কাপুরুষ আর দুর্বল বলে বোধ হল, মনের ভেতরে বিঁধল অপমানবোধের একটা স্থম্বল কাঁটা । বিছানা থেকে নামতে গিয়ে পা-টাটলে গেল একবার, কিন্তু রঞ্জু সামলে নিল নিজেকে । বেশ সহজ সতেজ গলায় বললে, না আমার কিছু হয়নি ।

—না হওয়াই উচিত ।—গম্ভীর গমগমে গলায় কথাটা বললেন বেগুদা, হাসলেন ।
—এত সহজেই কি দমে গেলে চলে ? আজকাল ছেলেরা তো আর নবীর পুতুল নয়, তাদের হতে হবে আয়রনম্যান ।

—তুমি থামো তো দাদা । মহিলাটি ক্রতজি করলেন : ও-সব বক্তৃতা রেখে দাও । ছেলেটাকে তো প্রায় মেরে ফেলবারই দাখিল করেছিলে তোমরা । সকলেই তো তোমাদের মতো আয়রনম্যান নয়, গৌদারও নয় । ও-সব সকলের নয় না বাপু ।

পরিমল হেসে উঠল : করুণাদি, আপনি কিন্তু রঞ্জুকে অপমান করলেন ।

—অপমান ! কেন ?—করুণাদি একবার কোতুকভরা চোখ বুলিয়ে নিলেন রঞ্জনের ওপরে, তারপরে তাকালেন পরিমলের মুখের দিকে : এতে অপমানটা হল কোন্‌খানে ?

—বাঃ, অপমান নয় ? ওকে আপনি দুর্বল বললেন, কিন্তু ও সেটা নিশ্চয়ই মেনে নিতে রাজী হবে না ।

—উঃ দাদা—বেগুদার দিকে ভৎসনাভরা দৃষ্টি প্রসারিত করলেন করুণাদি : তোমার শিষ্যদের কী বক্তৃতা দিতেই যে তুমি শিখিয়েছ ! আর কিছু না হোক কথার চোটেই এরা ভারত উদ্ধার করে ফেলবে দেখছি । বক্তৃতা দিয়েই ইংরেজকে একেবারে খুলোর মতো উড়িয়ে দেবে ভারতবর্ষ থেকে ।

ঘর স্বস্তি সবাই হাসল, এমন কি রঞ্জনও । কিন্তু তাকে কেন্দ্র করে এই যে প্রশংসাটা উঠেছে তার সঙ্গে নিজেকে মেলাতে পারছে না সে ; কেমন অপ্রতিভ, কেমন সংকুচিত মনে হচ্ছে যেন । সত্যিই তো, সে যে দুর্বল, তার যে শক্তি নেই এটা তো পরিষ্কার ধরা পড়ে গেল সকলের কাছে । না হয় লেগেছে একটা লাঠি কিংবা হুইটের চোট, তাই বলে অমনভাবে বোকার মতো অজ্ঞান হয়ে পড়াটা উচিত হয়নি তার, উচিত হয়নি একটা গভীর করুণা আর সমবেদনার প্রার্থীরূপে নিজেকে সকলের সামনে ধরে দিতে । দেখেছে কানির দড়ির স্বপ্ন, বুক পেতে নিতে চেয়েছে এগিয়ে চলার পথের সব চাইতে রুঢ় আঘাত ; গুরুগোবিন্দের মতো ‘তুরঙ্গম অন্ধ-নিয়তি’র রশ্মি আঁকড়ে তাকে ছোটোতে চেয়েছে যুত্মর চড়াই উত্তরাই চুরমার করে । কিন্তু এ কি হল । সকলের কাছে তো ধরা পড়ে গেল তার দুর্বলতা, তার অশক্ত পঙ্গুতা ।

এ ঘরে আর থাকা চলে না—অত্যন্ত অপরাধী মনে হচ্ছে । সেই সঙ্গে মনে পড়েছে

বাড়ির কথাও। বেরিয়েছে সেই বিকেল চারটের, অথচ ঘরের দেওয়াল ঘড়িতে এখন দেখা যাচ্ছে পৌনে আটটা। বাড়িতে কৈফিয়তের কথাটা ভাবতেই আশংকায় তালু অবধি শুকিয়ে উঠল তার।

—বাড়ি চল পরিমল।

করুণাদি বললেন, বোসো, একটু চা খেয়ে তাজা হয়ে যাও।

—নাঃ, চা আমি খাব না।

বেগুদা বললেন, তা হলে একটা গাড়ি ডেকে আনো পরিমল। ও হেঁটে যেতে পারবে না।

—কিছু দরকার নেই। আমি বেশ হাঁটতে পারব, আমার কিছু হয়নি।

করুণাদি এগিয়ে এলেন, নরম আঙুলে একবার কপালের ব্যাণ্ডেজটা পরীক্ষা করে দেখলেন রক্তনৈরঃ। চমৎকার ভালো লাগল স্পর্শের এই অসুভূতিটুকু। ভারী নরম, ভারী কোমল করুণাদির হাতের ছোঁয়া। কেমন যেন ঘুম জড়িয়ে আসে, ব্যথা জুড়িয়ে যায়, মনে হয় মা হাত বুলিয়ে দিচ্ছেন ছেলেবেলায় ঘুম পাড়ানোর আগে।

—আচ্ছা এসো ভাই।—করুণাদি হাসলেন : তাই বলে আমাদেরও ভুলে যেয়ো না। পরিচয়টা তো হল, পরিমলের সঙ্গে এসো মাঝে মাঝে এখানে, কেমন?—করুণাদি একটু থামলেন, ছায়াজড়ানো চোখে বললেন, তাই বলে অজ্ঞান অবস্থায় নয়, বেশ ভালো ছেলের মতো আর লক্ষী হয়ে।

এত স্নদের লাগল কথাগুলি। বুকের ভেতর কেমন ছলছলিয়ে উঠল, কেন যেন ইচ্ছে করল হেঁট হয়ে সে করুণাদির পায়ের ধুলো নেয়। কিন্তু কেমন বাড়াবাড়ি ঠেকবে, সবাই কী ভাববেন কে জানে। তবু আচমকা একটা খেয়ালের মতো বোধ হল অজ্ঞান হয়ে এলেও নেহাৎ মন্দ হয় না সেটা। অন্তত করুণাদির এই হাতের ছোঁয়াটা পাওয়া যাবে এবং এও নেহাৎ মন্দ একটা জিনিস নয়।

—আচ্ছা, আসব।

লঠন ধরলেন করুণাদি, আগে আগে চললেন বেগুদা, মাঝখানে রঞ্জন। আর এতক্ষণে জায়গাটাকে চিনতে পারল। ওই তো বড়ালদের মন্দিরটা, বরদাবাবুর বাগান, মিউনিসিপ্যালিটির রাস্তায় টিপ টিপ করে জলছে কেরোসিনের আলো।

দোরগোড়ায় দাঁড়িয়ে বেগুদা বললেন, রঞ্জন।

—উঃ

—ব্যথা পেয়েছ সত্যি, কিন্তু তাই বলে ভয় পেয়ো না। জানোই তো

অস্থায়ি যে করে আর অস্থায়ি যে সহে,

তবু ঘণা যেন তারে তৃণসম দহে ?

রঞ্জন চূপ করে রইল, কী জবাব দেবার আছে ভেবে পেল না।

বেগুদা বললেন, আচ্ছা তবে যাও। রাত হয়ে গেছে, আর দেরি কোরো না।
পরিমল, ওকে বাড়ি পর্বন্ত পৌঁছে দিয়ে কৈফিয়তের হাত থেকে বাঁচিয়ে তবে তোমার
ছুটি, বুঝেছো?

পরিমল মাথা নাড়ল।

হু পা এগিয়েছে, ইঠাৎ পেছন থেকে ডাক : রঞ্জন ?

করুণাদি। দোরগোড়ায় এসে দাঁড়িয়েছেন লণ্ঠন হাতে। শাড়ির জরিপাড়টা চিক
চিক করছে আলোয়, কানের একটা গয়না উঠছে ঝিলমিল করে। স্বকুমার শ্যামল
মুখের ওপরে প্রতিটি ভাঁজে আর রেখায় আরো গভীর, নিবিড় ছায়া যেন লুটিয়ে পড়েছে।

বললেন, তুলো না রঞ্জন, আবার এসো, কেমন ?

—আসব. নিশ্চয় আসব। রঞ্জনের গলা আবেগে বেশ ঝেয়ে গেল এবারে।

বেগুদার পাশে, লণ্ঠন হাতে তখনো দোরগোড়ায় দাঁড়িয়ে আছেন করুণাদি। কিন্তু
আর পেছন ফিরে তাকানো চলে না, এবার এগোতেই হবে বাড়ির দিকে।

ল্যাম্পপোস্টের মিটমিটে ভূতুড়ে আলোয়, খোয়া-ওঠা প্রায় নির্জন পথ দিয়ে চলল
দুজনে। পরিমল যেমন মাঝে মাঝে অদ্ভুতভাবে চূপ করে থাকে, তেমনি নিঃশব্দেই
চলেছে পাশাপাশি। ল্যাম্পপোস্ট যত পেছনে সরছে তত দীর্ঘ হয়ে যাচ্ছে নিজেদের
ছায়া, অন্ধকারে মিলিয়ে যাচ্ছে দীর্ঘতর হয়ে, আবার আর একটা পোস্টের কাছাকাছি
আসতেই পায়ের নিচে গোল হয়ে জড়ো হচ্ছে সেটা—ছড়িয়ে পড়ছে পাশে পাশে।

কিন্তু কতক্ষণ আর ভালো লাগে নিজের ছায়া দেখতে দেখতে চলা ? রঞ্জন
অর্ধৈর্ষ্যভাবে প্রশ্ন করল, ওটা বেগুদার বাড়ি, না ?

—হঁ।

—করুণাদি কে ভাই ?

পরিমল সংক্ষেপে বললে, বেগুদার বোন—আমাদের সকলের দিদি।

—বেশ করুণাদি, না ?—রঞ্জন সাগ্রহে পরিমলের দিকে তাকালো, করুণাদি সম্পর্কে
আরো কিছু জানতে চায় বিস্তীর্ণ ভাবে। সমর্থন চায় নিজের বিশ্বাসের।

—হঁ।—একটু শ্যামল পরিমল : কিন্তু ভারী কষ্টের জীবন করুণাদির—ভারী
ব্যথার জীবন।

—কষ্ট, ব্যথা। রঞ্জন চমকে উঠল : কেন ?

—আর একদিন বলব—শ্রান্ত স্বরে জবাব দিলে পরিমল।

ক্ষুণ্ণভাবে চূপ করে রইল রঞ্জন। ওই এক দোষ পরিমলের। পরে বলব, আর
একদিন বলব। আভাস দেয়, অথচ স্পষ্ট করে না, ঠেলে দিতে থাকে জিজ্ঞাসার

আঁকুল কালো অঙ্ককারের মধ্যে । এ এক বিশী লুকোচুরি খেলা—সমস্ত মনকে ক্রান্তিতে অবশ করে দেয়, বিকল করে দেয় বিরক্তিতে ।

এগারো

এক একটি দিন । খণ্ড, বিচ্ছিন্ন । একটি সূর্যোদয় থেকে আর একটি উদয়রাগ পর্যন্ত সৌরগোলকের পরিক্রমা । চক্ষিণটি ঘণ্টা দিয়ে ছকে কাটা দিন—নানা রঙের দিন । আলাদা আলাদা রূপ, নতুন ভাবনা, নতুন সংঘাত । পরিচিত পৃথিবীতে অজ্ঞপ্র অগণিত অপরিচয়ের সঙ্গে মুখোমুখি দাঁড়ানো । তিলে তিলে পলে পলে নিজেকে জানা, নিজের শক্তিকে, দুর্বলতাকেও ।

নানা রঙের খণ্ড ছিন্ন দিন । বহু-বিচিত্রে পরিকীর্ণ, স্বাতন্ত্র্যে সীমাক্রান্ত । তারপর দূরে সরে এলে মনে হয় যেন কোনো অঙ্ককার রাক্ষসে চলন্ত ট্রেনের সে যাত্রী । কালি ঢালা বন-বনান্তরে গ্রাম-গ্রামান্তরে একটা নির্বিশেষ অবিচ্ছিন্নতা যেন ধরা দেয় চোখের সামনে । সেই অচ্ছেদ চলিষ্ণুতার ভেতরে দ্রুত পেরিয়ে যাওয়া ছোট স্টেশনের এলোমেলো আলোর মতো নির্বিশেষের মধ্যেও কোনো বিশেষের মোহময়তা । হৃদয় অভীতে বিশ্বতপ্রায় রূপদঙ্কের হাতে তীক্ষ্ণোজ্জ্বল শলা-ছেদনী ঝকঝক করে ওঠে শিলালিপির পাষণপটে । সমস্ত মানসিকতার সঙ্গে সেদিন যাদের যোগ ছিল—হয়তো অলক্ষ্য, হয়তো নিছক অর্থহীনভাবে—আজ তাদের সম্পূর্ণ ভাৎপর্যটি ধরা পড়ে গেছে ; পাওয়া গেছে মানসিক সংযোগের সেই হৃদয়হৃতট—সেদিন অজানিতে যার অঙ্কুর পড়েছিল, আজ তা পল্লবিত হয়ে জীবনের বীথি দিয়েছে রচনা করে । আর সেই ছায়াবিস্তারের নিচে শুকিয়ে মরে গেছে অনেক গুণ, অনেক নতুন চারার নতুন পাতা—যেগুলিকে হয়তো সেদিন ভুল হয়েছিল আগামী কালের বনস্পতি ভেবে ।

সেদিনকার সেই মারামারি ব্যাপারটা অনেকখানি গড়িয়েছিল অবশ্য । শেষ পর্যন্ত পুলিশও এসেছিল । হালদারকে ধমকে দিয়ে গেছে, একটা নামমাত্র ভাড়ার ব্যবস্থাও ফণীর মার কাছ থেকে করে দিয়েছেন কোতোয়ালী থানার অফিসার ইন্সার্জ স্বয়ং । হালদার গজর গজর করে বলেছে, এভাবে অস্থায়ী জুলুম যদি গরীবের ওপর হয় স্মার ।

দারোগা ধমক দিয়েছেন : বেশি কথা বাড়াবেন না মশাই । গুণ্ডা এনে হামলা করে-ছিলেন, মারামারির ব্যবস্থা করেছিলেন । ফের বকবক করেন তো ট্রেসপাস্, গুণ্ডা আইন আর রায়ট্রিগের চার্জে চালান করে দেব । শহরের মালী ব্যবসায়ী বলে এ যাত্রা আপনাকে ছেড়ে দিলাম কিন্তু ভবিষ্যতে আপনি হুঁশিয়ার হবেন ।

তারপরেই সরে পড়েছে হালদার । তবে যাবার সময় কাঁকড়া বিছের ল্যাজের মতো ক্রকোড়া নাচিয়ে বলে গেছে, যদি দিন পাই তবে ওই গুরুত্ব সমিতির ছোকরাদেরও

একবার আমি দেখে নেব। এ অপমান ভোলবার বাণী নই আমি।

তবে দারোগার নিরপেক্ষতা আছে। বেগুদাকেও তিনি থানায় ডেকে পাঠিয়েছিলেন। সেখানে তাঁকে নিষেধ করে দিয়েছেন এসব অনধিকারচর্চা করতে। যদি কোথাও কোনো অন্তায় ঘটে, তার জন্তে পুলিশ আছে এবং এই কারণেই গভর্নমেন্ট পুলিশ ডিপার্টমেন্টকে পোষণ করে থাকেন। কিছু করণীয় থাকলে থানাতেই একটা খবর দেওয়া উচিত, নিজেদের হাতে আইনের ভার নেওয়াটা বে-আইনী।

বেগুদা হাসিমুখে বলেছেন, আচ্ছা মনে থাকবে।

দারোগা আরো দু-চারটে কথা বলেছেন বেগুদাকে, কিন্তু গলা নামিয়ে অত্যন্ত বিখণ্ডভাবে। হিতৈষী বন্ধুর মতো তিনি বেগুদাকে জানিয়েছেন যে তরুণ সমিতির কার্যবিধি সম্পর্কে গবর্নমেন্ট নানা কারণে সচেতন হয়ে উঠেছেন এবং এই ক্লাবটির পেছনে রাজনৈতিক উদ্দেশ্য আছে বলে সন্দেহ করা হচ্ছে। এক্ষেত্রে শুভার্থী হিসেবে তিনি বেগুদাকে সংযত এবং সাবধান থাকবার অহুরোধ জানিয়েছেন।

বেগুদা বলেছেন, অহুরোধ তিনি ভুলবেন না।

মোটামুটি ভাবে ঘটনার নিষ্পত্তি হয়ে গেছে ওখানেই। আর ব্যাণ্ডেজ বাঁধা অবস্থায় রঞ্জন বাড়িতে এসে পৌঁছতে যে একটা তুলকালাম কাণ্ড শুরু হয়ে গিয়েছিল, ঠাকুরমা গলা ছেড়ে আতর্জনাদ জুড়ে দিয়েছিলেন, তার সব স্মরণ করে দিয়েছে পরিমল। বেশ চমৎকার করে বুঝিয়ে দিয়েছে এবং কথাটা সত্যিও বটে, যে এই নিরীহ ভালমাহুটির কোনো দোষই ছিল না। পথে দু দলের মধ্যে মারামারি হচ্ছিল, তারই একটা টিল ছিটকে এসে রঞ্জনের কপালে লেগে যায়, তাই—

তাই দ্রুত ছেলের ওপর একপ্রস্থ বকুনি বর্ষণ করেই বড়রা ক্ষান্ত হয়েছেন। কপাল ভালো, বাবা এক সপ্তাহ থেকে মফঃস্বলে, তাই জেরার সামনে পড়তে হয়নি। নইলে হয়তো পরিমলের সঙ্গে মেশা কিংবা তরুণ সমিতিতে যাতায়াত করাটাও বন্ধ করে দিতেন তিনি।

পরিমল পরের দিন সকালেই খবর নিতে এল। মাথাটায় অল্প অল্প যন্ত্রণা, তখনো নির্জীবভাবে বিছানায় পড়ে ছিল রঞ্জন। পরিমল চলে এল একেবারে শোয়ার ঘরেই— ছোট বোন আধুলী ওকে পথ দেখিয়ে নিয়ে এসেছে।

পরিমলকে দেখে খুশিতে চঞ্চল হয়ে উঠল রঞ্জন : আয়, আয়।

বিছানার সামনে একটা চেয়ার টেনে নিয়ে বসল পরিমল : আচ্ছিস কেমন ?

রঞ্জন ততক্ষণে গায়ের চাদরটা সরিয়ে উঠে বসেছে। অপ্রতিভভাবে বললে, ভালোই আছি।

—যন্ত্রণা-টন্ত্রণা বিশেষ কিছু নেই তো ?

—না।

—যাক, বাঁচালি—একটা স্বস্তির নিঃশ্বাস ফেলল পরিমল : দস্তুরমতো আমাদের হুচিন্তায় ফেলেছিলি তুই। যা করে পড়ে গেলি আর যে ভাবে রক্ত ছুটল—দেখে তো আমার আশ্চর্যম খাঁচাছাড়া। শেষকালে—

লজ্জিত রঞ্জন নীরবে কড়ে আঙুলের নোখটাকে কামড়াতো লাগল।

পরিমল বললে, ওই জন্তুই তো তোকে বলিচলে আয় আমাদের জিমনাস্টিক ক্লাবে। শরীর শক্ত হবে, বুকে বল আসবে। একটা খা খেয়েই অমন অজ্ঞান হয়ে পড়বি না।

—হ্যাঁ, আমি ক্লাবের মেম্বর হবো—আন্তে আন্তে, যেন ঘোরের মধ্যে পরিমলের কথার জবাব দিলে রঞ্জন। শুধু শরীরটা শক্ত করবার জন্তে নয়, শুধু একটা খা খেয়ে অতি সহজেই অজ্ঞান হয়ে পড়বার অপবাদ থেকে নিজেকে মুক্ত করবার জন্তেও নয়। একটা প্রকাণ্ড দশাসই জোয়ান—ভীমভবানী কিংবা রামমূর্তি হওয়ার বাসনাও নেই। সত্যি বলতে কি, হাত পায়ের ডুমো ডুমো মাসল ফুলিয়ে, বুকের ওপর একটা পাঁচটনীর রোলার চাপিয়ে কিংবা দু হাতে দুখানা চন্ডি মোটর টেনে ধরে যারা কসরৎ দেখায়, সেই সব অতিকায় জোয়ানেরা কোনো মোহ জাগায় না রঞ্জনের মনে। কেমন স্থূল মনে হয়, নিজের শরীরকে অত করে দেখানোর মধ্যে কোথায় যেন একটা অশালীনতা বোঝ করে সে। আসলে তরুণ সমিতি তার ভেতরে কেমন একটা বিচিত্র প্রলোভন জাগিয়েছে—সৃষ্টি করেছে একটা নেশার মাদকতা। ওখানকার ছেলেরা, ওখানকার জীবন, ভূতুড়ে জমিদার বাড়ির পরিবেশে ওই আখড়াটা, বেগুদা, বেগুদার একটি কথার সঙ্গে সঙ্গে সমস্ত ছেলের লাইন বেঁধে এসে দাঁড়ানো—আর তারপরে মার্চ করে চলা—এদের সবগুলি একসঙ্গে মিলে কিসের একটা রোমাঞ্চিত চাঞ্চল্য জাগিয়েছে তার চেতনায়। অ্যাডভেঞ্চারের নেশা? ঠিক কী সে জানে না, অথচ এটা জানে যে তরুণ সমিতির ছেলেদের সঙ্গে তার মনের চমৎকার সহযোগিতা ঘটে গেছে তার অজান্তেই।

আন্তে আন্তে বললে, লাইব্রেরীতে যাওয়া হল না যে।

—তুইই তো বাগড়া দিলি। নইলে চমৎকার যাওয়া যেত আজকে।

—বেশ তো, তাই চলো না হয়।

—ধ্যেং, আজ কী করে হয়। তুই তো উঠতেই পারবি না।

জোর গলায় রঞ্জন বললে—আমার কিছু হয়নি, আমি ঠিক আছি।

—তুই ঠিক থাকলে কী হবে, বাড়ি থেকেই তো যেতে দেবে না তোকে।

—ঠিক দেবে—সে ব্যবস্থা আমি করব এখন।

—আচ্ছা দেখি—চূপ করে খানিকক্ষণ কী ভাবল পরিমল। তারপর অল্প একটু হেসে বললে, আজ সকালেই বেগুদা এসেছিলেন তোর খোঁজ নিতে—করুণাদি পাঠিয়ে-

ছিলেন তাঁকে ।

—করুণাদি ? রঞ্জুর মনটা হঠাৎ যেন ছলছল করে উঠল । মনে পড়ল অচেনা ঘর, লঠনের আলো, শাড়ির পাড়, কয়েকগাছা চুড়ি আর মায়ের মতো স্নেহভরা মিষ্টি কণ্ঠ ।

—বেণুদাকে নিয়ে এলে না কেন ?

—আর একদিন আসবেন বললেন ।

রঞ্জুর আর একটা কথা জিজ্ঞাসা করতে ইচ্ছে করছিল, কিন্তু সামলে নিলে । করুণাদি কি আসতে পারেন না তাকে দেখতে । এলে কিন্তু বড় ভালো হত । অল্প জ্বর হয়েছিল রাজ্জে আর সেই জ্বরের ঘোরেই করুণাদি সম্পর্কে একটা বেদনাসিক্ত কোতুহল সমস্ত রাত মনের মধ্যে গুঞ্জন করে ফিরেছে তার । করুণাদির জীবন নাকি বড় কষ্টের, ভারী দুঃখের । কিন্তু কিসের কষ্ট, কিসের দুঃখ তার ? বেণুদার বোন—করুণাদির মতো মানুষ—সংসারে এমন কী আছে যা তাঁকে ব্যথা দিতে পারে ?

করুণাদির যোগাযোগে আর একটি নামও চমকে উঠল চেতনায়—সে মিতা, সংঘমিত্রা । দু হাত তুলে যে প্রথম নমস্কার করেছিল তাকে । আচ্ছা, মিতা কি জানে তার এই আঘাতের ইতিহাস ? একটু কি দুঃখিত হয়নি, একটুখানিও কি চিন্তিত হয়নি তার জন্তে ?

কিন্তু মিতার কথাটা জিজ্ঞাসা করা তো আরো অসম্ভব । কেন কে জানে, একবার একটুখানি দেখা ওই মেয়েটির কথা মনে পড়লেই কেমন যেন কষ্ট হয় তার । ড্রাগনের প্রাসাদে বন্দিনী রাজকন্যা । অচেনা অস্বস্তির দেশ থেকে তাকে মুক্ত করে চেনার মাটিতে ফিরিয়ে আনতে ইচ্ছে করে । কিন্তু আনবে কে ? সে নিজেই ?

মিতার প্রসঙ্গটা মনের ভেতর ঊঁকি মারতেই অকারণে লজ্জা পেল সে । তার পরেই সে চিন্তার মোড়টা ঘুরিয়ে নিলে, জিজ্ঞাসা করল, মারামারির কী হল ভাই ?

পরিমল বললে । হালদারের কথা, দারোগার কথা, বেণুদার কথা । আর পরিমলের সংক্ষিপ্ত কথাগুলোর ভেতর দিয়ে সঙ্গে সঙ্গে আর একটা প্রশ্ন ঊঁকি দিয়ে উঠল : তরুণ সমিতি সম্পর্কে কী সন্দেহ করেন দারোগা ? আর এর উদ্দেশ্যকেই বা এমন বিপজ্জনক বলে মনে করেন কেন গভর্নমেন্ট ?

কিন্তু এ প্রশ্নও জিজ্ঞাসা করা নিরর্থক । রঞ্জন জানে কী বলবে পরিমল । তেমনি ঘুরিয়ে জবাব দেবে, আজ থাক, আর একদিন বলব সে কথা ।—আর একদিন । রঞ্জন ক্লান্ত হয়ে উঠেছে এই আর একদিনের উৎপীড়নে । মাটির তলায় পাতালপুরীর হুড়ক পথ খুলবার মজ্জটা নিশ্চয়ই জানা আছে পরিমলের কিন্তু সে বলবে না, খালি প্রতীক্ষায় আবুল করে রাখবে, অস্বস্তিতে বিভ্রম করে রাখবে মন । তার চাইতে কোতুহলকে সংবত করে রাখাই ভাল ।

শুধু বললে, নতুন বই দিবি না আমাকে ?

পরিমল চোখ তুলে সতর্কভাবে তাকিয়ে নিলে ঘরের চারদিকে। আন্তে আন্তে বলল, চুপ। সে হবে পরে, কিন্তু সত্যিই আজ বিকেলে যাবি তুই লাইব্রেরীতে ?

—হঁ, যাব।

—ডাকতে আসব ?

—না। কেউ টের পেলে বেরুতে দেবে না। তার চাইতে আমিই এক ফাঁকে যাবো। তোদের বাড়িতে—তোকে ডেকে নেব'খন।

—কিন্তু না বলে গেলে বাড়িতে তো বকাবকি করবে।

রঞ্জন হাসল। সছোপড়া রবীন্দ্রনাথের একটা লাইন আউড়ে বললে,

পদে পদে ছোট ছোট নিষেধের ভায়ে,

বৈধে বৈধে রাখিয়া না ভালো ছেলে করে—

পরিমল হাসল প্রসন্নভাবে। ওর মুখের ওপর কেমন একটা মেঘ আড়াল দিয়ে বনিয়ে ছিল, সেটা যেন উড়ে গেল একটা হালকা বাতাসে। বললে, কবি, জীবনে সবটাই কাব্য নয়। আঘাত যখন আসে তখন ওই কাব্যের ওপর দিয়েই তাকে কাটিয়ে দেওয়া যায় না।

—তা জানি।—আবেগভরে রঞ্জন বললে, তার সামনে মুখোমুখি দাঁড়াতেও পারব।

পরিমলের চোখে কোতুক চকচক করে উঠল, কানাইলালের ওপর কবিতা লিখেই ?

—না। দরকার হলে কানাইলালের মতো পিস্তলও ধরতে পারব।

—বটে বটে।—একটা আঙুল ঠোঁটের ওপর দিয়ে পরিমল বললে, সূস। অত জোরে নয়। পিস্তল ধরবার অত সাহসই যদি থাকে, তা হলে সময়মতো তারও পরীক্ষা নেওয়া যাবে।

শরীরের মধ্যে খেন ঝড়ং করে খানিকটা বিদ্র্যং বয়ে গেল—ভীষণভাবে ঝাঁহুনি খেয়ে উঠল পায়ের বুড়ো আঙুল থেকে মাথার চুলগুলো পর্যন্ত। খোঁচা ঝাওয়া সাপের গর্জনের মতো একটা তীব্র উত্তেজিত শব্দ করে উঠল রঞ্জন।

—পরিমল।

কিন্তু ততক্ষণে পরিমল উঠে দাঁড়িয়েছে। অনেকটা বেশি বলে ফেলেছে, অসংযত হয়ে অনধিকার চর্চা করে ফেলেছে অনেকখানি। বললে, থাক ওসব। আমি চললাম।

নিরুদ্ভাপ কঠিন গলা। রঞ্জন টের পেল একটু আগেকার অসংযত শিথিলতার ওপরে পাথরের মতো নিষ্ঠুর কঠিনতা এসেছে বনিয়ে। একে ঠেলে দেওয়া যাবে না, কোনো অজরোধ-উপরোধেও স্থানভ্রষ্ট করা যাবে না একে।

দাঁতে দাঁত চাপল সে শক্তভাবে, যেন অত্যন্ত বেগে ছুটতে ছুটতে হঠাৎ সামনে বাধা পেয়ে আচমকা থমকে দাঁড়িয়ে পড়তে হল তাকে। পরিমল আবার বললে, আমি চলি।

—আচ্ছা।

—বিকলে যাবি তো ?

—যাব।

—আচ্ছা—

পরিমল বেরিয়ে যাচ্ছিল, পেছন থেকে রঞ্জন ডাকল : শোন ?

—কিছু বলবি ?

একটা ঢোক গিলে নিয়ে রঞ্জন বললে, বেগুনা আর করুণাদিকে বলিস আমি ভালোই আছি।

—বলব।

বেরিয়ে গেল পরিমল, একটা শব্দ করে বন্ধ হয়ে গেল পেছনের দরজাটা।

কিন্তু তখন মনের মধ্যে যেন ভাঙচুর শুরু হয়ে গেছে রঞ্জনের। সারা শরীরে রক্ত উছলে উছলে উঠছে, তার ঝাঁজ যেন ছড়িয়ে পড়ছে তার নাক মুখ থেকে, একটা জরের মতো উত্তাপ যেন অকস্মাৎ দেখা দিয়েছে তার ত্বকের ওপর। পেয়েছে—যা চেয়েছিল, তার সন্ধান পেয়েছে, মিলেছে বহু প্রত্যাশিত আর প্রতীক্ষিত গোপন মণিকোঠার সন্ধান। পাথরের বাধা চকিতের মধ্যে আড়াল করে দিয়েছে দৃষ্টিকে; কিন্তু ওইটুকুর কঁাক দিয়েই সে দেশে নিয়েছে সেই আশ্চর্য জগতের একটুখানি আভাস। কোথায় দুনিরীক্ষ্য আকাশ-গঙ্গার মতো—সহস্র কোটি মাইলেরও ওপারের প্রসারিত ছায়া-সরণির মতো ধরাছোঁয়ার বাইরে সেই বিচিত্র পথ। সেখানে বোমার ফুলঝুরি ফুলের মতো ফুটে পড়ল, পিস্তলের আঙন ছুটে গেল নীলিমোজ্জল একটা স্বতীক্ষ্ম ছুরির ফলকের মতো—কাঁসি কাঠে হলে উঠল জ্যোতির্ময় শহীদদের ছায়াযুঁতি।

এবার সে পথ তারও পথ। শুধু আর একটু অপেক্ষা করতে হবে—আরো একটু তৈরি করে নিতে হবে নিজেকে।

মায়ের নজর কিন্তু যেমন কড়া, তেমনি সজাগ। খিড়কি দরজা দিয়ে নিরাপদে সরে পড়ছিল, মা ঠিক ধরে ফেললেন যথাসময়ে।

—এই ছেলে, মাথায় ফেটি বেঁধে যাওয়া হচ্ছে কোথায় ?

—একটু মনসাতলায় যাবো মা—তো-তো করে জবাব দিলে রঞ্জন।

—ঠিক মনসাতলায় তো ? একটুও এদিক ওদিক নয় ?

জোর করেই মিথ্যে কথা বললে। সাধারণত তার মুখে আসে না, কেমন ধরা পড়ে যায় বোকার মতো। কিন্তু আজ বলে ফেললে, আর বললে যেন অবলীলাক্রমেই। মনের মধ্যে অস্ত্র রকম জোর এসেছে একটা, বুকের মধ্যে কী একটা জিনিস টপ্‌বগ্‌ করে ফুটছে, চিরদিনের নিরীহ ভালো ছেলেটির ভেতরে ঘৃণি হাওয়ায় মাতলামির মতো

ষটে গেছে কেমন বিপর্যয় ব্যাপার ।

—না মা—সজোর গলায় রঞ্জন বললে, আর কোথাও যাব না ।

—মনে থাকে যেন । আর সজোর আগেই বাড়ি ফিরতে হবে—কেমন ?

—আচ্ছা !

পথে বেরুতেই খাঁচার পাখির মতো ছাড়া পেল মন । শরীরটা একটু আড়ষ্ট বোধ হচ্ছিল, আঘাতের ঘানিটা সম্পূর্ণভাবে মিলিয়ে যায়নি এখনো । তবু এই আড়ষ্টতাটা কাটাবার জন্তেই যেন সে হেঁটে চলল আরো জোর পায়ে ।

—উকু—উকু—উকু—

ঠিক যেন বানরের ডাক । শূণ্য থেকে ভেসে এল বলে মনে হল । থতমত খেয়ে দাঁড়িয়ে গেল সে, তাকালো চারদিকে ।

—উকু—উকু—হুকা—হুয়া—

বানর আর শেয়াল এক সঙ্গে ডাকছে । কিন্তু তারা তো পাখি নয় যে আকাশ থেকে ডাকবে । তা হলে নিশ্চয় মানুষ । কিন্তু ডাকছে কোথেকে ?

হতভম্বভাবে চারিদিকে তাকাতোই প্রলটীর জবাব মিলল । রেলওয়ে ভূমিটির পাশে ঝাঁকড়া তেঁতুল গাছটার মাথা সজোরে ঝুলছে । তার ওপর দিয়ে গুটি তিনেক বানরের মতো মুখ কাঁগা তেঁতুল চিবুতে চিবুতে দাঁত খিঁচোচ্ছে রঞ্জুকে । ভোনা অ্যাণ্ড পার্টি ! বেশ আছে ।

ভোনা চিৎকার করে ‘বাহে’ ভাষায় বললে, কুনুঠে থাকি মাথা ফাটাই আইলু বায়ে ? ও গঙ্গাফড়িং, শুনিছেন ?

নষ্টচন্দ্রের ব্যাপারে মনঃকুণ্ণ হয়ে চটে আছে ওর ওপরে । তাই অকারণ পুলকে এই পেছু-লাগা । জবাব দেওয়া অনাবশ্যক মনে করে হনুহনিয়ে চলে গেল রঞ্জন ।

—হুকা—হুয়া—হুয়া—ধনিটা যেন পেছন থেকে তাড়া করে আসতে লাগল ।

আসল সমস্যাটা দেখা দিল এর পরে । এতক্ষণ মনে ছিল না কিন্তু ভারী অস্বস্তি লাগল এবারে । একে তো বড়লোকের বাড়ি, আদব-কায়দা নিয়ম-কানুন সম্পূর্ণ আলাদা । এ সব বাড়ির সামনে আসতে ভয় করে রঞ্জনের, কেমন নার্ভাস বোধ হয় নিজেকে । তার ওপর আবার ডাকতে হবে পরিমলকে । পরিমলের বাবা মোটা চেহারার লোক, দুর্দান্ত মেজাজ, হঠাৎ চাকর লেলিয়ে দেবেন কিনা কে জানে । কেন বড়লোক হল পরিমল ? হল ভিন্ন জাতের ? তাই তো খাপ খাওয়াতে পারে না, খটকা থেকে যায় । তাই মিথাও বন্দী রাজকন্ডার মতো—

শেষ কথাটা ভাবতেই রাঙা হয়ে উঠল কপাল, কুকড়ে গেল সমস্ত উৎসাহ । বড় দূরে মিভা—বিশ্রীকম একটা বেড়া দিয়ে ঘেরা । তাই তার সঙ্গে মিভালির লোভ থাকলেও

হওয়া অসম্ভব। এমন একটা প্রাচীর—যা পার হওয়া যায় না, এমন একটা ব্যবধান—অতিক্রম করা দুঃসাধ্য যেটাকে।

রাস্তার ওপরে ল্যাম্প-পোস্টটার তলায় দাঁড়িয়ে ঘামতে লাগল সে।

সামনে ফুলেভরা বাগান। প্রজাপতি উড়ছে, অল্প অল্প বাতাস লেগে একটা গোলাপের পাপড়ি ঝরে পড়ল ঝুর ঝুর করে। ঢেউ-তোলা পাঁচিলটার ওপরে একটা দৌয়েল যেন তার বিব্রত অবস্থা দেখে কৌতুকে লেজ নাচাতে লাগল।

বিরক্তিভাবে সাজানো আর ওদের সঙ্গে বিজী ব্যবধান গড়ে রাখা বাড়িটার দিকে মধ্যে মধ্যে অহুস্কিংহু আর আকুল দৃষ্টি ফেলতে লাগল সে। ওই তো দোতলায় পরিমলের পড়বার ঘর, জানালাটা খোলা, তার সামনেকার টেবিলটাকেও এখান থেকে স্পষ্টই দেখতে পাওয়া যাচ্ছে। রঞ্জন ভাবল, ওখানে যদি একবার পরিমল এসে দাঁড়ায়, তবে একটা হাতছানি দিয়েও অস্বস্ত—

নাঃ, বুধা। পরিমল যেন পণ করেছে জানালার সামনে এসে দাঁড়াবে না। এত বড় বাড়িতে কি একটা জনমানুষও নেই। একবার দরজা খুলে বেরিয়ে এল একটা পশ্চিমা চাকর, উৎসাহভরে তাকে ডাকতে যাবে, কিন্তু বরাত খারাপ, কী মনে করে লোকটা সঙ্গে সঙ্গেই অদৃশ্য হয়ে গেল ভেতরে।

কতক্ষণ এভাবে দাঁড়িয়ে থাকা যায় বেহুঁবের মতো? ইতিমধ্যে আবার উকিল সারদাধাবুর ঢ্যাঙা ফোর্ড গাড়িটা ঘটর ঘটর করে চলে গেল রাস্তা দিয়ে—লাল ধুলোয় একেবারে স্নান করিয়ে গেল।

খক্-খক্-খক্। নাকে মুখে একরাশ ধুলো এসে চুকেছে।

আর তো পারা যায় না। এগিয়ে গিয়ে একবার দেবে নাকি বুক ঠুকে? নাকি ফিরে চলে যাবে, অথবা সোজা চলে যাবে তরুণ সমিতির জিমনাস্টিক ক্লাবের উদ্দেশ্যে? কিন্তু সেও পরাজয়—আত্মসম্মানে ভয়ঙ্কর বাধছে। মহাঝামেলাতেই পড়া গেল যা হোক।

কিন্তু এই ত্রিশকু অবস্থা থেকে মুক্তি পাওয়া গেল যেন যাহ্নমন্ডের বলে।

—নমস্কার—

কানের কাছে যেন কাঞ্চন-নদীর ছোট্ট একটি ঢেউ ছলাৎ শব্দে ভেঙে পড়ল।

পরনে নীল রঙের শাড়ি, কপালে কাঁচপোকাকার টিপ, পায়ে শাদা স্ট্র্যাপের বার্মা চটি। হাতে উল আর ত্রুশ-কাঁটা, কোথা থেকে যেন সেলাই শিখে এল—হুমারী, সংঘমিত্রা লাহিড়ী।

চমকটা সামলে নিলে রঞ্জন, দ্বিতীয় বারের সাক্ষাতে খানিকটা সহজ ভাব এসে পড়েছে নিজের মধ্যে। প্রতিদিনস্কার জানিয়ে পাশ কেটে সরে যাওয়ার চেষ্টা করল। কিন্তু কিশোরী মেয়েটি আসতে আসতে দূর থেকে তাকে লক্ষ্য করেছে। হাসিমুখে

বললে, এখানে অনেকক্ষণ ধরে দাঁড়িয়ে আছেন আপনি। কেন বলুন তো।

—এই, এই—মানে—

—দাদাকে ডাকছিলেন, না ?

একটা বস্তির নিখাস পড়ল, কিন্তু কেমন একটা লজ্জায় চোখ তুলে তাকানো যাচ্ছে না মিতার দিকে। রঞ্জন তেমনি বিব্রতভাবে বললে, হ্যাঁ, এই—

—তবে রাস্তাতে দাঁড়িয়েছিলেন কেন ? ডাকলেই পারতেন।

—এই ভাবছিলাম—

—চলুন, চলুন, আহ্নন আমার সঙ্গে—

বার্মা চটির একটা মুহূ শব্দে খোয়া-ওঠা পথটা মুখর করে মিতা বাড়ির দিকে চলল, রঞ্জন অহুসরণ করলে তাকে।

—আপনি ভারী লাজুক।

মেয়েদের কাছ থেকে লাজুক অপবাদ পৌরুষে ঘা দেয়। কিশোর মনের ওপর থেকে বোঝা সরে গেল। এবারে সে সোজা দৃষ্টি তুলে ধরল মিতার দিকে : কেন বলছেন একথা ?

—বাঃ, সেদিন কী রকম ছুটে পালিয়ে গেলেন। আজ আবার এসে রাস্তার ধারে চুপাট করে দাঁড়িয়ে আছেন।—গেটের কবাটটা খুলতে খুলতে মিতা বলে ফেলল : কবিদের বুঝি এইরকম লজ্জা থাকে ?

—কবি।—থমকে দাঁড়িয়ে গেল পা।

—হ্যাঁ—হ্যাঁ,—কবি।—মিতা খিল্ খিল্ করে হেসে উঠল : কিছু জানি না ভাবছেন ? শুনেছি দাদার কাছে। চমৎকার কবিতা লেখেন আপনি—একদিন আপনার কবিতা শোনাতে হবে।

—বাজে কথা—বাঁবড়ে জবাব দিলে সে।

—বাজে কথা বইকি। আপনি তো স্বীকার করবেনই না—যা আপনার লজ্জা ? আমিই না হয় একদিন আপনাদের বাড়ি গিয়ে কবিতার খাতা চুরি করে আনব। জানেন, কবিতা পড়তে ভালবাসি আমি।

জানে। ‘কথা ও কাহিনী’র পাতা উলটেই তা বুঝতে পেরেছে।

মিতা বললে, বহুন এই বাইরের ঘরে। দাদাকে ডেকে দিচ্ছি আমি।

হলধরের মাঝখানে বিহ্বল রঞ্জনকে দাঁড় করিয়ে রেখে সিঁড়ি দিয়ে চটুল ছন্দে উঠে গেল ওপরে—চটির শব্দটা ক্রমে ক্ষীণ হয়ে মিলিয়ে এল তার।

দাঁড়িয়ে থাকবে কি বসে পড়বে ভাবতে ভাবতে দেখল কখন এক ফাঁকে একটা গদিমোড়া চেয়ারেই বসে পড়েছে। নিজেকে এলিয়ে দিয়ে মনে হল যেন অনেকক্ষণ কঠিন পরিশ্রমের পরে এইমাত্র বিশ্রাম পেল সে। তারপর তাকিয়ে দেখতে লাগল ঘরটাকে।

ভেমনি করেই সাজানো, বাইরের বাগানটায় ফুল-পাতার বিজ্ঞাসের সঙ্গে ঘরের সজ্জাও যেন মিলিয়েছে। আজকে সেই ধূপের গন্ধটা ভেসে বেড়াচ্ছে না—কিন্তু তার রেশ যেন থমকে আছে চারদিকে। পাখরের যুঁতিগুলো ভেমনি শোভা পাচ্ছে ছোটবড় টিপয়ের ওপরে। এ বাড়ি তার ভালো লাগে না, তবুও আজ ভালো লাগলো। এক কোণে একটা নতুন যুঁতি—যেটা আগের দিন চোখে পড়েনি। ও যুঁতিটা চেনা—নটরাজ, একটা মাসিকপত্রে ওর ছবি দেখেছে। অর্পূর্ব লাগে ওই যুঁতির ভঙ্গিটা, কেমন রোমাঞ্চ আগে ওর চারিদিকের শিখা বিচ্ছুরিত বহুবলয়ের দিকে তাকিয়ে। ‘হে নটরাজ নৃত্য করো’—। প্রলয়কর—ওদের সংকল্পের অধিদেবতা।

কিন্তু মিতা যেন কী করে ফেলেছে ওর,—জলে দোলা লাগবার মতো কেমন ছল-ছলিয়ে উঠছে শরীর। কবি রঞ্জনের পরিচয় পেয়েছে, কৌতুক করেছে তাই নিয়ে। যেটা তার একান্ত নিজের জিনিস, যা খানিকটা লজ্জাভরা ব্যথার মতো সে অতি যত্নে আগলে রেখেছে, তাকে নিয়ে ঠাট্টা করলে কেমন নির্ভরতা বলে বোধ হয়, যেন আশা করাই যায় না মিতার কাছ থেকে। কিন্তু ইচ্ছা করেই কি এই নির্ভরতা করেছে মিতা, না সত্যি সত্যিই সে কবিতা লেখে শুনে শ্রদ্ধাবোধ করেছে তার সম্পর্কে?

আবার মিতার থেকে নিজেকে বিচ্ছিন্ন করে আনতে চেষ্টা করল রঞ্জন। একসঙ্গে ভাবতে চেষ্টা করল অনেক কিছু। আসবার সময় তো আজ বাগানে হরিণটাকে চোখে পড়ল না। নিশ্চয় বাড়ির ভেতরে আছে। কী নীল ওর চোখ দুটো—ভোরবেলাকার আকাশের সঙ্গে মিল আছে সে চোখের, ভিজ়ে ভিজ়ে নীল—যেন সকালের শিশিরধোয়া আকাশের রঙ। ওই নটরাজ যুঁতির যে ছবি দেখেছিল পত্রিকার পাতায়—কী যেন একটা কবিতার লাইন লেখা ছিল তার নিচে? ‘প্রলয় নাচন নাচলে যখন আপন ভুলে’—। এত দেরি করছে কেন পরিমল?

মিতা—না মিতার সম্পর্কে আর ভাববে না রঞ্জন। ইঠাং ছেলেবেলার একটা ছবি দেখা দিল চোখে। উবা। আঙুলের ডগায় তেঁতুলের আচার চাটতে চাটতে আসছে। বিয়ে দিয়েছিল অশ্বিনী, কচুবনে ছাতনাভলা করে বিয়ে দিয়েছিল তার সঙ্গে—আর মস্ত পড়েছিল। কী চমৎকার সে মস্ত। তারপর বিয়ের শোভাযাত্রা, আর তার বিয়োগান্ত পরিণতি।

আবছা একটুখানি হাসি ফুটে উঠল তার মুখে। তার বোঁ। এখন তারই মতো বড় হয়েছে নিশ্চয়, আর কারো বোঁ হয়েছে কিনা কে বলবে। আচ্ছা, উবার রঙও বেশ টুক-টুক ফর্সা ছিল। মনে হয় যেন তার সঙ্গে মিতার মিল আছে, যেন সেদিনের উবাই আজ কুমারী সংঘমিত্রা হয়ে—

ছিঃ ছিঃ ছিঃ। ভাবতে ভাবতে কোথায় গিয়ে ঠেকেছে মন। নিজেকে বোধ হতে না. র. ৪র্থ—৩

লাগল অত্যন্ত অসভ্য, অপরিণীত বর্ষর। সে কি ভোনার স্তরে গিয়ে নামল ? রায়-বাড়ির বিমলাকে নিয়ে যে কুৎসিত কথা ওরা বলাবলি করেছিল, ও যেন প্রায় ওই ছেলেগুলোর পর্যায়েই নেমে এসেছে। হিঃ হিঃ—এ বাড়িতে আসবার সে অব্যোম, ভদ্রসমাজে মেশাই তার উচিত নয়। ভোনাদের সঙ্গে ওই তেঁতুল গাছের ডগায় উঠে বসাই উচিত ছিল তার।

আত্মবিকারের পর্বটা শেষ হওয়ার আগেই সিঁড়ির মাথায় শোনা গেল পায়ের আওয়াজ। ধক করে উঠল বুক—মিতা ? যেন তলিয়ে যেতে ইচ্ছে করল চেয়ারের কুশনের ভেতরে—যে ভাবনা মনের মধ্যে পাক খাচ্ছে তার—কেমন করে কথা বলবে সে মিতার সঙ্গে ? কিন্তু সিঁড়ি দিয়ে শব্দটা আরো নিচে নামতেই পরম তৃপ্তিতে খানিকটা বাতাস টেনে নিল ফুসফুসে। এ মিতার পায়ের আওয়াজ নয়, সে লজ্জা নেই এতে। পরিমল নামছে বোধ হয়।

সত্যিই পরিমল।

আমার বোতাম আঁটতে আঁটতে নামল সে : একটু দেরি হল। কিন্তু মিতা যে বললে তুই রাত্তায় দাঁড়িয়ে হাঁ করে আকাশের দিকে তাকিয়ে ছিলি—সত্যি নাকি রে ?

—হ্যাঁ।

—শোন, লজ্জার কিছু নেই। এখানে এসে সোজা ডাক দিবি আমাকে—কেউ কিছু বলবে না। কিন্তু উঠে পড়লি যে ? বোস, চা খেয়ে নিই।

—না ভাই, আজ আর চা খাব না—

—কেন, আপত্তি কী ?

—এমনিই।

কিন্তু এমনিই নয়। এ বাড়িতে আর বসতে ইচ্ছে করছে না রঞ্জন, বেরিয়ে যেতে পারলেই খুশি হয়। একটু আগেকার বিশ্রী ভাবনাটার রেশ কিছুতেই মিলিয়ে যাচ্ছে না, এখানে যতক্ষণ থাকবে যাবেও না।

—তবে চল—

দুজনে রাত্তায় এসে পা দিল। আঃ, বাঁচা গেল যেন। চেনা, অত্যন্ত নিজস্ব জগৎ। মাথার ওপরের আকাশটা। ধূলা আর ধোয়ার ভরা পথ। কাঠের উইয়ে-খাওয়া পোস্টের ওপরে ফাটা আর কালিমাখা কেরোসিনের আলো।

—লাইব্রেরীতে যাবি তো ?

—সেই জন্তাই তো এলাম।

—বাড়িতে কেউ কিছু বলেনি ?

—হ্যাঁ ধরেছিলেন। কীকি দিয়ে এলাম।

পরিমল হাসল, কিন্তু বিষমভাবে।

—আমার মা নেই, তাই ফাঁকি দেওয়ার দরকার হয় না কাউকে ।

মা নেই শুনলে কষ্ট হয় । আরো পরিমলের মা । রজু পড়ার ঘরে তাঁর ছবি দেখেছে । অমন সুন্দর মাকে হারানো সত্যি সত্যি দুর্ভাগ্যের কথা, সহানুভূতি বোধ হল পরিমলের জন্তে ।

—কতদিন মারা গেছেন তোমার মা ?

—অনেক দিন । ভালোকরে মনেও পড়ে না । —পরিমল ছোট একটা নিখাস ফেলল ।

ব্যথিত হয়ে চুপ করে রইল রজন । নিজের মায়ের মুখানা ভেসে উঠল মনের সামনে, সঙ্গে সঙ্গে কল্পণাদিও । আজ একবার গেলে কেমন হয় কল্পণাদির ওখানে ? কিন্তু কে জানে কী ভাববেন তিনি ।

পথ চলতে লাগল দুজনে । একটা খয়েরী-রঙের কোট-পর্য লোক পাশ দিয়ে বেরিয়ে গেল সহৈকেলে, অনর্থক ক্রিং ক্রিং করে বেলটা বাজালো একবার । পরিমলের চলার ভঙ্গিটা শিথিল হয়ে এল, কঠিন তীব্র দৃষ্টিতে সে তাকিয়ে রইল সাইকেলটার দিকে—যতক্ষণ না পথের একটা মোড় ঘুরে মিলিয়ে গেল সেটা ।

পরিমলের দৃষ্টিটা লক্ষ্য করলে রজন ।

—চিনিস লোকটাকে ?

—হঁ ।

—কে ও ?

পরিমলের দৃষ্টি এবার সম্পূর্ণভাবে এসে পড়ল রজনের মুখে । মিনিটখানেক চুপ করে থেকে বললে, কুহুর ।

—কুহুর । সে কি ?

—পরে বুঝবি—পরিমল দাঁতে দাঁত কিড়মিড় করে শব্দ করলে : একদিন ওই বুলডগগুলোকে ঠাণ্ডা করতে হবে । চিরকাল এভাবে তো চলবে না, আমাদের দিনও আসবেই । সেদিন সব চাইতে আগে ধনেবরের পালা ।

—ধনেবর কে ?

—সবচেয়ে ষেড়ে কুহুরটা ।

—কিছুই বুঝলাম না তাই—হতাশভাবে রজু জবাব দিলে ।

—তুই কবিতা লিখলে কী হবে, ভারী মোটামগজ তোর—কথার স্বরে যুহু ভিন্নস্বার মিশিয়ে পরিমল বললে, ওরা টিকুটিকির দল—দিনরাত শিকার খুঁজে বেড়াচ্ছে । দেশের পথা বারা এতটুকু ভাবতে চেষ্টা করে, তাদের গলা টিপে ধরায় এদের পেশা । আর প্রভু-পুরস্কার পায় কিছু হাড়-মাংস, ছুনিয়ার সব চাইতে সুগন্ধিত জানানোর ।

এতক্ষণে কথাটা বুঝল রজন । কেমন হুমহুম করে উঠল মন । তাদের পেছনেই

লাগেনি তো লোকটা ? বাজেয়াপ্ত বই পড়াশুনো করে সে—‘ফাঁসির ডাক’, ‘শহীদ সত্যেন’। আইনের দিক থেকে এগুলো অপরাধ—পরিমলই বলে দিয়েছে, ধরা পড়লে খুব হুথের দাঁড়াবে না অবস্থাটা।

যেমন ভয় করল, সঙ্গে সঙ্গে তেমনি একটা প্রথর বিদ্রোহ বিষয়ে উঠল মুখ-না-দেখা খয়েরী রঙের কোট-পরা সেই অপরিচিত সাইকেলের আরোহী সম্পর্কে। লোকটা যেন শনিগ্রহের মতো মনের দিগন্তে সঞ্চার করে দিয়ে গেল অন্তঃসংকেত।

—বাংলা দেশের বিপ্লবীরা তো কত লোককে মেরেছে, ঠাণ্ডা করে দিতে পারে না এদের ?

—দেবে, দেবে।—নির্জন পথটাকে ভালো করে লক্ষ্য করে নিলে পরিমল : সকলের হিসেবই তৈরি আছে, কেউ বাদ যাবে না। ওদের বিচারের সময়ও আসবে।

রঞ্জন আস্তে আস্তে বললে, যদি আজ কানাইলাল থাকত—

—কানাইলাল শুধু কি একজন ? চারিদিকে হাজার হাজার কানাইলাল তৈরিই আছে—শুধু সময় আর হযোগের অপেক্ষা। কিন্তু—পরিমল নিজের উত্তেজনাটাকে সংযত করে নিলে : রাস্তায় এসব আলোচনা নয় বরু, মুশকিল হতে পারে।

বুকের ভেতরে লাফাতে লাগল হৃৎপিণ্ড। ভুল নেই আর, সংশয়ের অবকাশ নেই কণামাত্র। একটু একটু করে নিজের অজ্ঞাতেই পরিমল ধরা দিচ্ছে তার কাছে, আল্পপ্রকাশ করছে। এইবার শুধু আস্তে আস্তে জেনে নিতে হবে চিচিং ফাঁকের মন্ত্রটা। তাড়াতাড়ি করলে হবে না, পরিমল বলবে, আর একদিন। তা ছাড়া তরুণ সমিতি সম্বন্ধে দারোগা যা বলেছেন—

সদর রাস্তা ছেড়ে দুজনে পাড়ার মধ্যে ঢুকল। প্রায় অচেনা পাড়া, কালেভদ্রে এসেছে দু-একবার, বারোয়ারী সরস্বতী কিংবা দুর্গাঠাকুর দেখতে। পাড়ার দুটি-চারটি ছেলের চেনা মুখও চোখে পড়ল, কিন্তু আলাপ নেই তার। এমনিতেই তার নিরালা আর ভীক স্বভাব—নিজের পাড়াতেই তার ঘনিষ্ঠতাটাসীমাবদ্ধ। তরুণ সমিতির চার-পাঁচটি ছেলেও তার ওই রকম মুখ-চেনা, তাদের দুজন রঞ্জনদেরই স্কুলে পড়ে ম্যাট্রিকুলেশন ক্লাসে।

কয়েকখানা বাড়ি পেরোতেই চোখে পড়ল সাইনবোর্ড। তরুণ সমিতি পাঠাগার, স্থাপিত : ১৩৩৬ সাল।

মাটির দেওয়াল, টিনের চাল। ভেতরে খানকয়েক বেঞ্চি আর একটা লম্বা টেবিল দেখা যাচ্ছে বাইরে থেকে। সেই টেবিলটার দুদিকে বসে একদল ছেলেহুলা জমিয়েছে।

পরিমল বললে, এই আমাদের লাইব্রেরী ! আর ভেতরে।

ভেতরে ঢুকল ওরা। ভীক চোখে রঙ একবার দেখে নিলে—এই নতুন পরিবেশটাকে। ঘরের দুদিকে দেওয়াল ঘেঁষে গোটা চারেক বড় বড় বইয়ের আলমারি। একদিকে এক-

খানা ছোট টেবিলের সামনে চশমা-পরী আধবুড়ো একজন ভদ্রলোক খাতায় লিখে লিখে বই দিচ্ছেন দু-তিনটি ছেলেকে। জনকয়েক সামনের লম্বা টেবিলটার বসে খবরের কাগজ আর মাসিক পত্রিকা পড়ছে, একজন একখানা পত্রিকা উঠু করে ধরে জোর গলায় কী পড়ে শোমাচ্ছে আর একজনকে। পত্রিকাটার প্রচ্ছদপট রঙন দেখতে পেল, তার নাম 'স্বাধীনতা'। একটি বলিষ্ঠদেহ পুরুষ—বেণুবার মতো চেহারা—হুঁহাতে বাঁধা লোহার শিকল ছিঁড়ে হুঁটুকরো করে ফেলছে। 'স্বাধীনতা'—আজ রঙন জানে, সেদিন ওই 'স্বাধীনতা'ই ছিল 'যুগান্তর' দলের অগ্নিময় মর্যবানী।

দেওয়ালে কতগুলো ছবি।—মানুষেব ছবি। তাদের কাউকে কাউকে রঙন চিনেছে, একজন ছেলেবেলা থেকেই তার সঙ্গে পরিচিত, অবিনাশবারু চিনিয়ে দিয়েছিলেন—মহাত্মা গান্ধী। আর একজনকেও চিনেছে, সত্যবতী গোয়েন্দা, দিনকয়েক আগে খবরের কাগজ তাঁর ছবিতে ছবিতে ছেয়ে গিয়েছিল—সত্যাগ্রহ আন্দোলনে প্রথম কারাবরণ করেছিলেন বাংলা দেশ থেকে। তা ছাড়া দেশবন্ধু, হুতাশচন্দ্র বসু, পণ্ডিত মতিলাল নেহরু, রবীন্দ্রনাথও আছেন। বাকি ধারা, তাঁদের না চিনলেও তাঁরা যে সবাই মস্ত বড় মানুষ এটা বুঝতে কষ্ট হল না।

ছবি ছাড়াও লাল-নীল কালিতে লেখা নানা রকমের পোস্টার।

—বন্ধে মাতরম্,—

—ওদের বাঁধন যতই শক্ত হবে

মোদের বাঁধন টুটবে—

—ওরে তুই ওঠ, আজি,

আঙুন লেগেছে কোথা, কার শঙ্খ উঠিরাছে বাজি ?

—অস্তায় যে করে আর অস্তায় যে সহে,

তব ঘুণা তারে যেন তৃণ-সম দহে।

—স্বাধীনতা আমাদের জন্মগত অধিকার—

—আমরা ঘুচাব মা ভোর কালিমা,

মানুষ আমরা নহি তো মেঘ—

—দিন আগত ওই,

ভারত তবু কই ?

এমনি সব লেখা—দেওয়াল একেবারে ছেয়ে রেখেছে। আর বণ্টা ধরে ওগুলোই পড়া যায় মন দিয়ে।

—Freedom is our birthright

—Equality, Liberty and Fraternity—

Arise, awake and stop not till
the goal is reached—

প্রত্যেকটি লেখার ভেতরেই একটা নিশ্চিত দৃঢ়তা, নিষ্ঠুর সংকল্প যেন ব্যঞ্জিত হয়ে পড়ছে। যেরে চোঁকবার সঙ্গে সঙ্গেই তরুণ সদিতি যেন চোখে আঙুল দিয়ে বলে দিচ্ছে, শুধু গল্প আর উপহাস পড়া, শুধু বসে বসে আড্ডা দেওয়া আর বখামি করা—এইটাই জীবনের একমাত্র লক্ষ্য নয়। সত্যও নয়। মানুষ হতে হবে, বীর হতে হবে, দেশের জন্তে প্রস্তুত করে নিতে হবে নিজেকে। জিম্মাষ্টিক রাবে গিয়ে দেখেছিল শরীরকে ভালো করবার আয়োজন, এখানে এসে দেখল মনকেও হুস্থপ্রশস্ত করে নেওয়ার ব্যবস্থা। বড় ভাল লাগল।

ওরা যেরে চুকতে কেউ কেউ ওদের দিকে তাকালে, কিন্তু কোনো কথা বললে না। শুধু দু-একজনের জিজ্ঞাসা চোখের জ্বাবে মূর্ছ হাসল পরিমল, তারপর বললে, চল্ রজ্জ, তোকে আলাপ করিয়ে দিই আমাদের লাইব্রেরীয়ানের সঙ্গে।

চশমা-পর্য্য ভদ্রলোকটি তখন ছেলেদের বিদায় করে দিয়ে খাতার পাতা উল্টে উল্টে কী দেখছিলেন গভীর মনোযোগে। পরিমল সামনে গিয়ে দাঁড়াতে চোখ না তুলেই বললেন, হঁ, কী বই?

পরিমল হেসে উঠল : বই নয় ক্রিস্টিয়ানা, মানুষ।

—মানুষ—জ্যা?—ক্রিস্টিয়ানা এবারে চোখ তুললেন, বললেন, ও পরিমল? বেশ, বেশ। তারপর, সঙ্গে এ কাকে এনেছ? কোনোদিন দেখিনি তো একে—বন্ধু নাকি তোমাদের?

—হ্যাঁ, আমার বন্ধু রঞ্জন চ্যাটার্জি। মেঘার হবে।

—মেঘার হবে? বেশ বেশ।—ক্রিস্টিয়ানা সঙ্গে সঙ্গে টেবিলের এক পাশ থেকে একথানা রসিদ বই টেনে আনলেন : ভর্তি ফী আট আনা, আর এ মাসের চাঁদা দু আনা—এই দশ আনা লাগবে।

পরিমল এবার জোরে হেসে উঠল : আচ্ছা মানুষ তো আপনি ক্রিস্টিয়ানা। খালি বই আর চাঁদা, চাঁদা আর বই। ওকে নিয়ে এলাম কোথায় আপনার সঙ্গে আলাপ করবার জন্তে, আর সঙ্গে সঙ্গে আপনি কাবলীওয়ালার মতো চাঁদা চেয়ে বসলেন।

—ওহো, তাও তো, তাও তো—

যেন অপ্রতিভ হয়ে গেলেন ক্রিস্টিয়ানা। বললেন, বোসো বোসো, ওই টুল দুটো টেনে নিয়ে বোসো ছত্ৰনে। বেশ বেশ।

বোকা গেল ‘বেশ বেশ’ কথা দুটো ক্রিস্টিয়ানার মুদ্রাদোষ। ওরা বসতেই তিনি কেমন শান্ত আর নিরীহ চোখে চশমার মধ্য দিয়ে ওদের দিকে তাকালেন। কিছু একটা

বলতেও যাচ্ছিলেন, কিন্তু একটা উত্তেজিত উগ্র কর্তৃক ধরে থেমে গেলেন তিনি, পরম বিরক্তিতে ক্ষুব্ধ করে তাকালেন আর একদিকে।

‘স্বাধীনতা’ পত্রিকার পাঠক সেই ছেলটি। পড়তে পড়তে তার উৎসাহ যেন আর বাগ মানছে না। গলা একেবারে সপ্তমে চড়িয়ে বক্তৃতার ঢঙে শুরু করেছে :

‘সত্যগ্রহ আন্দোলনের এ শিক্ষা আমরা ভুলব না। ভুলব না জাতির প্রাণশক্তি এই অকারণ অপব্যবহার। মহাত্মা গান্ধীর ভ্রান্ত নেতৃত্ব দেশকে দিনের পর দিন কাপুরুষতার পথেই ঠেলে দেবে। I have committed a Himalayan blunder বলে যিনি আজ নিজের অপরাধের বোঝা স্থালন করতে চাইছেন—’

—ওরে খাম্ খাম্, কানের পোকা ভাড়িয়ে ছাড়লি যে মটু।

মটু খামল। বললে, খুব জোর লিখেছে কিন্তু ক্ষিতীশদা।

—জোর লিখেছে বলেই অত জোরে জোরে পড়তে হবে নাকি? একটু মনে মনে পড়্ বাপু, ঝালাপালা করে দিলি যে।

মটু মনে মনে পড়ল না বটে, কিন্তু স্বর নামিয়ে নিলে। আর ক্ষিতীশদা লোকটিকে বেশ লাগল রঞ্জন, যেমন নিরীহ তেমন গোবেচারা। ইস্কুলের ড্রয়িং মাস্টার ড্রয়িং মাস্টার ভাব, তরুণ সমিতির এই আগ্নেয় আর উগ্র পরিবেশের ভেতরে টেকমন যেন আকস্মিক আর বেমানান বলে বোধ হয় তাঁকে।

ক্ষিতীশদা পকেট থেকে নশ্তির ডিবে বার করে এক টান টেনে নিলেন। বললেন, কী নাম বললে যেন? রঞ্জন চ্যাটার্জি, না?

—হঁ—রঞ্জন হয়ে পরিমল জবাব দিলে : ও ভারী বই পড়তে ভালবাসে। আপনাকে ভালো বই দেখে দিতে হবে।

—তা দেব। বেশ বেশ। অক্ষয়দত্তের বই আছে, ভূদেবের পারিবারিক প্রবন্ধ আছে—

—আঃ, আপনি একেবারে হোপ্লেস ক্ষিতীশদা।

ক্ষিতীশদা নশ্তির আমেজে সদি টানার মতো একটা আরামের শব্দ করলেন নাকে।

—আমি একেবারে হোপ্লেস? বেশ বেশ। তা ওসব বই পছন্দ না হলে অন্ত জিনিসও আছে—মেঘনাদবধ, বৃত্ত-সংহার—

—উঃ, ক্ষিতীশদা খামুন। আপনি যে কেন মধুসূদনের যুগে জন্মাননি তাই ভাবি। ওসব ছাড়া একালে বুঝি আর পড়বার মতো বই নেই কিছু?

—একাল?—ক্ষিতীশদা একটা তাচ্ছিল্যের ভঙ্গি করলেন : ওই রবীন্দ্রনাথ শরৎচন্দ্র? ওদের লেখা আমি পড়ি না, ওরা লিখতেই জানে না। বাই বলো, বন্ধিম-বিবেকানন্দের পরে বাংলা দেশে সাহিত্য বলে আর কিছু লেখাই হল না।

এমন করে কথাটা বললেন ক্ষিতীশদা যে, পরিমলের সঙ্গে রঞ্জনও হেসে উঠল

এবারে। আচ্ছা মজার মাহুষ তো। তরুণ সমিতির মতো কড়া লাইব্রেরীর লাইব্রেরীয়ান হয়েও একেবারে সেকালে পড়ে আছেন—আশে-পাশে সমস্ত পৃথিবীটাই যে বদলে যাচ্ছে দিনের পর দিন, খেয়ালই করেননি সেটা।

—হয়েছে, থাক—সদয়ভাবে পরিমল বললে, আপনাকে আর সাহিত্য-চর্চা করতে হবে না। কিন্তু রঞ্জু তো চাঁদা আনেনি, আমার কার্ডেই ওকে দুটো বই দিন।

—তোমার কার্ডে? তা বেশ বেশ।—কিতীশদা বড় খাতাটির পাতা উল্টে চললেন : কোনো বই-টাই ইস্ত করা নেই তো?

—না, দেখুন না—

—খাতাটা উল্টে-পাল্টে নিশ্চিন্ত হলেন কিতীশদা : বেশ বলো, কী বই নেবে? পরিমল ক্যাটালগ খুলে চোখ বুলোতে লাগল।

—এটা আছে? শরৎচন্দ্রের ‘তরুণের বিদ্রোহ’?

—না ইস্ত।

—বারীন্দ্রের আত্মকাহিনী?

—ওটাও বাইরে।

—নির্বাসিতের আত্মকথা?

কিতীশদা একটা হাই তুলে বললেন, দিলীপ নিয়ে গেছে।

—ক্যেং, ভালো বইগুলো সব বাইরে।—পরিমল বিরক্ত গলায় বললে, এটা—সিউফিন্?

—হঁ, আছে।

—যাক্, মনের ভালো। আর এটা পাওয়া যাবে—বিমল সেনের ‘মা’?

—এইমাত্র ফেরত এল। একটু দেরি হলে আর পেতে না।

বই দুটো নিয়ে পরিমল বললে, নে রঞ্জু।

—বাঃ, তুই নিবি না একখানাও?

—আমার ওসব পড়া।

কিতীশদা আবার একটা হাই তুললেন, তারপর আর এক হাতে তুড়ি বাজিয়ে বাড়িয়ে নিলেন নিজের আয়ুটাকে। অসন্তুষ্ট গলায় বললেন, কী যে সব বাজে বই পড়ো—কিছু হয় না। তার চাইতে বঙ্কিমচন্দ্রের ‘কৃষ্ণ চরিত্র’ নিয়ে বাও, পড়লে কাজ হবে।

—ও জ্ঞানটা আপনার জন্তেই তোলা থাকল কিতীশদা—পরিমল খোঁচা দিলে।

—আমার জন্তে? তা বেশ বেশ। কিন্তু আজকালকার ছেলেদের দোষই এই—ভালো কথা কানে নিতে চায় না।

—হঁ—দুঃখের কথাই বটে—সার দিয়ে পরিমল বললে, চল্ রঞ্জু, এবার জিম্মাটিক

ক্লাবের দিকে যাওয়া থাক।

—জিমস্টাটিক ক্লাবে—এক মুহূর্তের জন্তে চিন্তা করে নিলে রঞ্জন : কিন্তু আজ আর নয় ভাই। মাকে মিথ্যে কথা বলে চলে এসেছি, দেরি করে গেলে ধরা পড়ে যাব নিশ্চয়।

—তাও বটে। কিন্তু করুণাদির সঙ্গে দেখা করবি না একবার? তাকে যেতে বলেছিলেন কিন্তু।

করুণাদি। সঙ্গে সঙ্গে মনটা যেন আবেগে আর আগ্রহে আকুল হয়ে উঠল। মায়ের মতো সেবা করেছিলেন, স্নেহ-ঝরা নরম আঙুল আহত কপালে বুলিয়ে দিয়ে যেন সমস্ত যন্ত্রণা তার মুখে নিয়েছিলেন। কী আশ্চর্য ভাবে দুজন দেখা দিয়েছে তার কিশোর জীবনের দিকচক্রে। একজন মিতা, আর একজন করুণাদি। অতটুকু মেয়ে মিতা, বয়েসে তো তারই সমান, তবু মিতাকে কেমন ভয় করে—কেমন যেন নিজেকে অপ্রস্তুত আর বিপন্ন বলে মনে হয় ওর সামনে দাঁড়ালে। আর করুণাদি। প্রথম পরিচয়ের সঙ্গে সঙ্গেই একটা অন্তরঙ্গতা হয়ে গেছে মনের, ছোঁড়ির মতো চেহারা, মায়ের মতো মন।

ক্ষিতীশদাকে নমস্কার জানিয়ে উঠে পড়ল ওরা। ক্ষিতীশদা বললেন, চললে, বেশ বেশ। আবার কাল এসো। আর মনে করে দশ আনা পয়সা এনো, আট আনা ভর্তি কী আর দু আনা চাঁদা।

—উঃ, কী দুর্দান্ত লাইব্রেরীয়ান। এর চাইতে কাবুলীওয়ালাগো ভালো।—মস্তব্য করলে পরিমল।

ক্ষিতীশদা জবাবে একমুখ প্রসন্ন হাসি হাসলেন।

পথে বেরিয়ে রঞ্জন বললে, অনেক বই আছে তো লাইব্রেরীতে।

—তা মন্দ নয়, আরো বাড়বে—অস্তুমনস্কভাবে জবাব দিল পরিমল।

পথ চলতে চলতে হাতের বইটা দেখছিল রঞ্জন। জিজ্ঞাসা করলে, সিন্ফিন্ কী ভাই?

—পড়েই ছাখ্ না। তোর ওই দোষ রঞ্জু, ভারী অধৈর্য।

বেগুদার বাসার দরজায় কড়া নাড়ল পরিমল।

—কে?

ভীতস্বরে সাড়া এল বাইরের ঘর থেকে। বেগুদার গলা।

পরিমল সবিস্ময়ে বললে, ব্যাপার কী, বেগুদা এখনো ক্লাবে যাননি?

—কে?—আবার সাড়া এল ভীত গলায়।

—আমি পরিমল, আর রঞ্জু।

—ওঃ একটু দাঁড়াও।

মিনিট তিনেক চূপচাপ বাইরে দাঁড়ানোর পর দরজা খুলে গেল। বন্ধ ঘরের ভেতর থেকে বেরুল তিন-চারজন ছেলে, ওরা এতক্ষণ কিছু আলোচনা করছিল ওখানে। ওদের

হুজুনকে চিনল রঞ্জন, জিম্জিমাটিক ক্লাবে দেখেছে। বাকি হুজুন একেবারে অচেনা। নীরবে বেরিয়ে এল ওরা, কোনোদিকে তাকালো না। হনহন করে এগিয়ে চলে গেল।

বেগুদা বললেন, এসো, ভেতরে এসো।

সেদিন শোবার ঘর দেখেছিল, আজ দেখল বাইরের ঘর। ঘরে চেয়ার টেবিল নেই, চওড়া খাটে ময়লা চাদর পাতা। কিন্তু খাটটা দেখে বোঝা যায় আর যাই হোক ওর ওপরে কেউ শোয় না, কারুর শোয়াও চলে না। রাশি রাশি বই আর খবরের কাগজ। খাটের বারো-আনী বইতে ঢাকা, কতক ছড়িয়ে আছে মেঝেতে। ঘরের একদিকে হেলান দেওয়া পিতলের তার দিয়ে গিঁটে গিঁটে বাঁধানো কালো কুচকুচে একখানা অতিকায় লাঠি। দেওয়ালে একটা হকের সঙ্গে বাকঝকে উজ্জল একখানা ভোজালি ঝুলছে।

বইয়ের স্তূপ সরিয়ে বেগুদা ওদের বসতে দিলেন। কিন্তু প্রসন্নমুখ বেগুদার আজকের চেহারা দেখে হুজুনেই চমকে উঠল একসঙ্গে। তাঁর চোখে একটা লালের আভা—আগ্নেয় দীপ্তির মতো কী যেন বাকমক করে থেলে যাচ্ছে সেখানে। চাপা দ্রুত নিশ্বাস পড়ছে, গেক্সির নিচে দুলে দুলে উঠছে চওড়া বুকটা। যেন এইমাত্র ঋনিকটা কঠিন পরিশ্রম করেছেন তিনি—সমস্ত মুখে একটা তীব্র উত্তেজনা জলজল করছে।

—কী হয়েছে বেগুদা?

—ঐ?—বেগুদা ভীক্ষু চোখে পরিমলের দিকে তাকালেন।

—কী হল?

গভীর একটা নিশ্বাস টেনে নিয়ে বেগুদা বললেন, দরজাটা বন্ধ করে দাও।

মুখের চেহারা বদলে গেল পরিমলের। দরজা বন্ধ করবার জন্তে সে উঠে দাঁড়ালো, আর সেই সঙ্গে কেমন তির্যকভাবে তাকালো রঞ্জনের দিকে। সে দৃষ্টির অর্থ বুঝতে পারল রঞ্জন। কোনো বিশেষ গোপনীয় কথা আছে, সে কথার ভেতরে তার থাকার উচিত নয়। অতএব—

রঞ্জন হৃদয় অভিমান আর আহত আত্মমর্যাদা নিয়ে উঠে দাঁড়ালো : আচ্ছা, আমি বাইরে যাচ্ছি।

—দরকার নেই—বোসো।

মুদ্র বিস্ময়ে পরিমল বললে, ও থাকবে?

—থাকুক।

চোখের কোণা দিয়ে পরিমল ইঙ্গিত করলে রঞ্জনকে। তাবটা বুঝতে পারা গেল। সে ভাগ্যবান, পরীক্ষার প্রথম ধাপটা সে অভ্যস্ত সহজেই পার হয়ে গেছে।

করুণাঙ্গির কথা মনে মাথা চাড়া দিচ্ছিল—প্রশ্নও জেগেছিল। কিন্তু এখানে এসে স্বাভাবিক একটা সংকোচ বোধ হচ্ছে তার। তাছাড়া বেগুদার মুখের এই ধমধমে ভাব,

এই কঠিন গান্ধীর্ষ তাকে বিহ্বল করে ফেলেছে। ঠিক এই রকম মুখের চেহারা সে দেখেছিল অবিনাশবাবুর—যেদিন তিনি নিজের প্রাণ বিসর্জন দেবার জন্তেই যেন তাঁর কড়াইয়ের নোঁকো ভাসিয়েছিলেন বানে ভাসা আত্মাইয়ের ঘোলা স্রোতে। আর সেই রাজি—যেদিন উঠানে তুপাকার বিলিভী কাপড়ের বহু্যৎসব করেছিলেন বাবা, আঙনের শিখাগুলো থেকে থেকে তাঁর যেত পাথরে গড়া প্রাণহীন মূর্তির মতো চেহারার ওপর দিয়ে পিছলে পিছলে খেলা করে গিয়েছিল।

বেগুদা বললেন, খবর শুনেছ ?

—না তো। কী হয়েছে ?—বিস্মিত আর উদ্গ্রীব শোনালো পরিমলের স্বর।

—শোনো, অনন্ত সিং সারেঙার করেছেন।

—তাহলে কী হবে এখন ?—পরিমল জানতে চাইল।

ওরা দুজনে বেগুদার মুখের দিকে অসংলগ্ন ভাবে তাকিয়ে রইল।

বেগুদা বললেন, সেজ্ঞা ওদের ভাবনা নেই। অনন্ত সিং ভালোই করেছেন—অনেক রিপ্ৰেশন থেকে বাঁচবে কতগুলো নিরীহ মানুষ। তা ছাড়া মাস্টারদা রয়েছেন এখনও—ওদের আঙুন কেউ নেবাতে পারবে না। শুধু আমরাই কিছু করতে পারছি না—

বেগুদার কথা থেকে যেন একটা অজ্ঞাত আঙনের শুল্লিঙ্গ ঠিকবে ঠিকরে পড়তে লাগল রঞ্জনর মনে। ব্যাপারটা বোঝা যাচ্ছে না, অথচ অনন্ত সিং নামটা চেনা হয়ে গেছে এর মধ্যে। ঝড় আসবার আগে যেমন আকাশের এককোণায় ঝানিকটা নিকব-কালো মেঘ ঘোষণা করে গেছে তার অনিবার্য হুচনা।

হঠাৎ রঞ্জুর মুখের দিকে তাকিয়ে বেগুদা বললেন, তুমি সব জানো রঞ্জন ?

—কাগজে পড়েছি।

—না, কাগজে সব খবর নেই। আরও অনেক জানবার আছে। শোনো।

বেগুদা বলতে শুরু করলেন। এ সেই আকাশগঙ্গার ইতিহাস—কল্পনার ছায়া পথের এক অপূর্ব কাহিনী। কিন্তু কোথায় লাগে এর কাছে শহীদ সত্যেন, হুদিরাম আর কানাইলাল ? ‘কীসির ডাকে’ যে আঙুন-ঝরা আহ্বান—সে আহ্বানের চাইতেও লক্ষ শ্রবণ হয়ে এ ডাক কানে এল যেন কামানের গর্জনের মতো। আকাশগঙ্গার ছায়াপথে জ্যোতির্ময়তা নয়—সেখানে আঙনের তরঙ্গ উঠছে। তিরিশ সালের বস্তা নয়, উনিশ শো তিরিশ সালে সত্যাত্মহের প্রাণবন্তাও নয়, এ যা এল তার নাম প্রলয়।

টর্চের আলোর আর পিস্তলের গর্জনে মুখরিত হল অস্ত্রাগার। শাদা অফিসার রিভলভার হাতে বিপ্লবীদের বাধা দিতে এলেন, কিন্তু পরমুহূর্তেই ফুসফুস ছিঁড়ে বুলেট গেল বেরিয়ে, বাধা দেবার আশা বিটে গেল তাঁর। তারপর সমস্ত রাজি ধরে শহরের বৃকের ওপর চলতে লাগল স্বাধীনতার শিকলভাঙা তাণ্ডব। টেলিগ্রাফ-টেলিফোনলাইন

বিচ্ছিন্ন হয়ে গেল, উপড়ে গেল রেলপথ। পলাশীর পাপের পর আর সিপাহীবিদ্রোহের তুলের পর এই আবার নতুন করে জাগল আসমুদ্র হিমাচলব্যাপী বীর্ষবান বিপুল ভারতবর্ষ—জাগল তার প্রাণশক্তি। এক রাত্রের মধ্যে চট্টগ্রামের বুকের ওপর থেকে পরাধীনতার কালো অপমান মুছে গেল—স্বাধীন, স্বতন্ত্র। ‘বাণ্ডা উঠা রহে হামারা’—এ মন্ত্রকে সার্থক করল চট্টলা, তার পাহাড়ের চূড়ায় উড়তে লাগল মুক্তিররক্ত-পতাকা, আর তার ছায়া কাঁপতে লাগল কলোচ্ছলা কর্ণফুলীর জলে।

প্রাণ নিল, প্রাণ দিল তারা! কাঁসির মঞ্চে দাঁড়িয়ে জীবনের জয়গান গেয়ে গেল। অনন্ত সিংহ, গণেশ ঘোষ, অম্বিকা চক্রবর্তী, মাস্টারদা। কিন্তু তারা কোথায়—কেন তারা পেছিয়ে?

তীব্র চাপা গলায় কথাগুলো বলে গেলেন বেগুদা। গমগম করতে লাগল ঘর। তরল অঙ্ককারের মতো ঘন ছায়া ঘরের মধ্যে। শুধু দেওয়াল আর ছাদের সংযোগে জাফ্রিকাটা ছোট স্বাইলাইট থেকে একটা অস্পষ্ট আলো এসে ঝিলঝিল করতে লাগল ভোজালির উজ্জল ফলায়, তেল-চকচকে লাঠির পিতল-বাঁধানো গাঁটে গাঁটে।

কিছুক্ষণ সব চুপচাপ। তারপর হঠাৎ যেন প্রকৃতিস্থ হয়ে উঠলেন বেগুদা, ফিরে এলেন তাঁর স্বাভাবিকতায়। ওদের দুজনকে অবাক করে দিয়ে তিনি হেসে উঠলেন, কালো মুখের ভেতরে অদ্ভুত শাদা দেখালো দাঁতের সারি। একটা ম্যাজিক যেন পলকে বদলে দিয়েছে-মাহুঘটিকে।

—ওই যা:—আসল কথাটাই জিজ্ঞাসা করতে ভুলে গিয়েছিলাম যে। তারপর, রঞ্জন?
আচমকা একটা ধাক্কা লেগে ঘুম ভেঙে যাওয়ার মতো শিউরে উঠল সে।

—আমায় বলছেন?

—হাঁ—হাঁ।—একটু আগে যে বেগুদা কথা কইছিলেন একটা বারুদঠাসা কাষানের মতো, তিনি যেন সম্পূর্ণ অল্প লোক: মাথা কেমন তোমার? সব ঠিক হয়ে গেছে?
বাড় নাড়ল। ঠিক হয়ে গেছে।

—করণা তোমার খবরের জেতে ভারী ব্যস্ত হয়ে উঠেছিল, আর খালি খালি বকাবকি করছিল আমাকে। যাক—এবারে আমি দায় থেকে রেহাই পেলাম। করণাকে ডেকে দেখিয়ে দিই তার ফাস্ট এইড্ বেস ক্যাজ দিয়েছে।

বেগুদা চোঁচিয়ে ডাকলেন, করণা, করণা—

—আসছি—করণাদির সাড়া পাওয়া গেল। তারপর মিনিটখানেকের মধ্যেই আঁচলে হাত মুছতে মুছতে করণাদি ভেতরের দরজা দিয়ে ঘরে এসে ঢুকলেন।

বেগুদা বললেন, এই নে, তোর আসামী হাজির। কিছু ভয় নেই, একেবারে ঠিক হয়ে গেছে।

—ঠিক হয়ে গেছে ? বাঃ লক্ষ্মী ছেলে ।—সঙ্গেহে করুণাদি হাসলেন । মাথা নিচু করে রইল রঞ্জন । করুণাদির স্নেহ ভালো লাগে, কিন্তু সেই সঙ্গে অস্বস্তিও লাগে যেন । তেরো বছর বয়স হল তার—একবারে ছেলেমানুষ সে নয়; সে নমস্কার পেয়েছে মিতার কাছ থেকে, মনের ভেতরে এসেছে বড় হয়ে উঠবার গর্ববোধ—পৃথিবীর কাছে এখন সে দাবি করতে চায় পৌরুষের স্বীকৃতি । কিন্তু করুণাদির স্নেহে সে স্বীকার কোথাও নেই । আছে ছেলেমানুষের অসহায়তা আর দুর্বলতার ওপরে একটা নিবিড় মমতা মাত্র ।

করুণাদি বললেন, যা রক্ত পড়ছিল তাতে একদিনেই এমন তাজা হয়ে উঠবে ভাবতে পারিনি ।

কথাটা কেড়ে নিলেন বেণুদা : হতেই হবে । কার জিমছাটিকি ক্লাবের মেম্বার সেটা দেখতে হবে তো । একদিন লাগালে শরীর শক্ত হয়ে যায় ।

—থাক, হয়েছে । ওকে আর হাওয়া লাগাতে হবে না তোমাকে । রঞ্জন, এসো তো ভাই ।

বেণুদা বললেন, ওকে কোথায় নিয়ে যাচ্ছি ?

—আমার জুরিসডিকশনে । তোমার সংসর্গ থেকে ওকে বাঁচানো দরকার ।—করুণাদি হাসলেন : কাল রাত্রে চা খায়নি, আজ গরম গরম সিঙাড়া ভাজছি, খেয়ে যাবে ।

পরিমল কলরব করে বললে, বা রে, এ কি পাশিয়ালিটি ? মাথা ফাটিয়েই ও সিঙাড়া খাওয়ার সার্টিফিকেট পেয়ে গেল ? আর আমরা যে—

—দুষ্ট ছেলেদের আমি খেতে দিই না—দুষ্টমি করে হাসলেন করুণাদি : তবে ভালো ছেলের বন্ধু হিসেবে দু-একটা পেলেও পেতে পারো ।

—ভেতরে আসব ?

—উহু—রান্নাঘরে শুধু আমি আর রঞ্জন । এসো ভাই—

রঞ্জন অমুসরণ করল করুণাদিকে । ভুলে গেল দেরি হয়ে যাচ্ছে, মনে পড়ল না মাকে কাঁকি দিয়ে আজ পালিয়ে এসেছে এখানে । তা ছাড়া চট্টগ্রামের যে আঙুন একটু লকলক করছিল এই ঘরের মধ্যে, তার উদ্ভাপ যেন সমস্ত শরীরটাতে জলছিল তখনো । একটু ছায়া চাই—বিশ্রাম চাই একটুখানি । সে ছায়া-বিশ্রামের আভাস স্নিগ্ধ হয়ে আছে করুণাদির চোখে ।

পরিমল পেছন থেকে ডাক দিয়ে বললে, তাকে হিংসে হচ্ছে রঞ্জু । তিন বছরে আমি যা পারিনি, তুই যে একদিনেই তা করে নিলি !

করুণাদি বললেন, তার জেজ্ঞে ভালো মানুষ হওয়া দরকার ।

—আচ্ছা, আচ্ছা, মনে থাকল ।

—হুঁ, মনে থাকবে বইকি ।—করুণাদি হাসলেন : কিন্তু এসো ভাই রঞ্জন,

কড়াতেই যি পুড়ে যাচ্ছে আমার ।

ভেতরের উঠোনটার পা দিতে শেষবারের জন্তে কানে এল পরিমলের অসহায় গলায় আকৃতি : ওরে পেটুক, সব সিঙাড়াগুলোই যেন খেয়ে ফেলিস নে, দুটো-চারটে রাখিস আমাদের জন্তে—

সংঘমিত্রা আর করুণাদি । একজন সরিয়ে দেয়, একজন মায়ের মতো কাছে টেনে আনে । শিলালিপির কঠিন পাথরের ওপরে রেখায়িত হয়ে ওঠে অপ্রত্যাশিত কবিতার ছন্দ ।

বারো

দেখতে দেখতে পুরো ছটা মাস হাওয়ায় ডানা মেলে দিয়ে উড়ে গেল । উড়ে গেল নতুন উড়তে শেখা বিশ্বয় আর উত্তেজনার আনন্দে চঞ্চল একটা হলদে পাখির মতো ।

ছ'মাসের ভেতর দিয়ে পার হয়ে গেছে ষাটটা বছরের অভিজ্ঞতা । তরুণ সমিতি আর তার জিমন্তাস্টিক ক্লাবের ব্যাপার দুর্বোধ্য রহস্য নয় এখন আর । স্বদেশ-পথের গোপন দরজাটি মুক্ত হয়ে গেছে দৃষ্টির সন্মুখে, আকাশগঙ্গার ছায়াপথে সেও আজ জ্যোতির্ময় মানুষগুলির সহযাত্রী ।

তোনা, কালী, খাঁহ্ন—এদের সম্বন্ধে করুণা হয় এখন । চোখের সামনেই চলে ফিরে বেড়াচ্ছে এরা ; কিন্তু কোন সত্যিকারের সত্তা নেই এদের, কোন স্বীকৃত মনুষ্যত্বের অস্তিত্ব । তোমার আমার এই দেশ—কিন্তু এ কোন্ দেশ ? এর বুকের ওপর দিয়ে হাড়পাঁজরা গুঁড়ো করে গড়িয়ে চলছে একটা হাজারমনী রোলারের মতো ইংরেজের শাসন । শিক্ষা, স্বাস্থ্য আর শক্তি হরণ করে নিয়ে এরা দেশজোড়া কোটি কোটি নিম্মাণ দেহপিণ্ড সৃষ্টি করেছে ; আর কোথায় দুটি-একটি জ্ঞাত্রত প্রাণ বেঁচে আছে বিদ্রোহের ফুলিঙ্গ নিয়ে, তাদের সম্মানে লাগিয়েছে টিকটিকির বাহিনীকে । বোবা দেশ—পুতুলের দেশ । দিন আনে দিন খায়, পাপের বোঝার মতো জীবনের ভার হয়ে বেড়ায় । ইস্কুলের ক্লাসে পড়ানো হয় ‘ইংরেজের স্বশাসন’, ভারত-সম্রাট আর লাট-সাবেবদের স্বঘাতির ; কোলাহলে ইতিহাস পাল্লা দেয় পরস্পরের সঙ্গে । পাড়ার ছেলেরা খেলার মাঠে হৈ হৈ করে । অল্পলি আলোচনা করে, শাদা দেওয়ালে লেখে কুংসিত কথা । প্রেমপত্র ভাল পাকিয়ে ছুঁড়ে মারে পাশের বাড়ির মেয়ের দিকে আর গার্লস্ স্কুলের বোড়ার গাড়ি দেখলে আকুল কণ্ঠে লারলা-মজহুর গান ধরে ।

এই কি দেশ ? এ কাদের দেশ ? অধিনাশবাবুর শেখানো গানের কলিটা স্বস্তির নিস্তরঙ্গতার ওপর বছর ধরে থেকে দোলা-লাগা যুদ্ধ চেউয়ের মতো কাঁপে : “স্বদেশ স্বদেশ

করিস কারে এদেশ তোদের নয় —”

কংগ্রেসের ভলান্টিয়ার যখন ছিল তখন রাস্তায় একদিন গান গাইতে গাইতে বেরিয়েছিল, “মাছুষ আমরা নহি তো মেঘ”। আজ তার উল্টোটাই মনে আসে। মনে আসে সমস্ত দেশের দিকে তাকিয়ে, ভোনা-কালী-খাঁহর সমান উৎসাহে বিমূগ্ধ-প্রসঙ্গ আলোচনা আর মনসাতলায় মার্বেলে ফাটানো দেখে।

—উড্ডুকিপ—

—হাত-ইস্টেট—

পাশাপাশি ছবি ভেসে থাকে : Freedom is our birthright !

—জন্ম হইতেই আমরা মায়ের অঙ্ক বলি-প্রদত্ত—

যেতে যেতে যখন দলটার দিকে দৃষ্টি বুলিয়ে যায়, তখন একটা স্বাতন্ত্র্যবোধ, একটা আলাদা গৌরবে সমস্ত প্রাণটা জলজল করতে থাকে রঞ্জনের। ওরা জানে না, ওদের পাশাপাশি থেকেও আজ কোন্ একটা আশ্চর্য অগ্নিশতদলে রঞ্জনের অধিষ্ঠান, কোন্ দুর্গম দুর্কহ পথ দিয়ে আজ তার জয়যাত্রা, যত্না অতিক্রান্ত হয়, নবজীবনের তীর্থ-তোরণের অভিযানে। ওপরে আঙুন-ঝরা আকাশ, সামনে রক্তের ফেনিল সমুদ্র। মনে হয় একটা নতুন, অতি প্রথম দীপ্তিতে আজ মণ্ডিত হয়ে উঠছে যেন। সে বিদ্রোহী, সে বিপ্লবী। ওদের ক্ষুদ্রতার পাশাপাশি সীমাহীন গৌরবে আকাশে তুলে ধরেছে তার জয়োদ্ধত মস্তক। তার পায়ের চাপে পাতালে টলমল করে উঠেছে বাহুকীনাগের সহস্রশির। কাজী নজরুলের ‘বিদ্রোহী’ আবৃত্তি করে বলতে ইচ্ছে করে :

“মম ললাটে রুদ্র ভগবান জলে রাজ-রাজটীকা দীপ্ত-জয়ন্তীর।

বল বীর,

আমি

চির-উন্নত শির।”

কিন্তু এ গৌরব সহজেই অজিত হয়নি তার।

পড়ার টেবিলে বসে ছয় মাসের হিসাব করছিল সে—বাতাসে আল্পজ্জের খোলা পাতাগুলো উড়ে চলছিল। ‘পথের দাবী’ এল, ‘সত্যগ্রহ ও পাঞ্জাব কাহিনী’ এল, এল ‘মৃত্যুবিজয়ী গদর দল’—এল আরো অজস্র, আরো রাশি রাশি বই। তারপর সেই রইগুলো নিয়ে আলোচনা করতে লাগল পরিমল, যেন বাজিয়ে দেখতে চাইল তাকে। তারও পরে একদিন সন্ধ্যার সময় জিমছাপ্টিক ক্লাবের ছেলেরা যখন ফিরল বাড়ির দিকে, তখন বেগুলা বললেন, একটু দাঁড়িয়ে যেনো রঞ্জন, তোমার সঙ্গে কথা আছে।

ছুড়ড়ে জমিদারবাড়ির সেই নির্জনতায়, অন্ধকার-হয়ে-আসা চালতে গাছের তলায় ধর্ম আত্মপ্রকাশ করলেন বেগুলা। মনে আছে, বুকের ভেতরে যেন হাতুড়ি পিটছিল, মীরের প্রতিটি কথাকেও সজাগ আর প্রশ্ন করে রেখেছিল রঞ্জন, একটি কথাও শুনতে

ভুল না হয়, একটি শব্দও হারিয়ে না যায় এক পলকের অমনোযোগে।

—আমাদের এই যুগান্তর পাটি। মানিকতলা বোমার মামলার ইতিহাস পড়েছো তো? সেদিনের সেই বিচারের সঙ্গে সঙ্গেই তা শেষ হয়ে যায়নি। অরবিন্দ, বারীন্দ্র, উল্লাসকর, ক্ষুদিরাম, কানাই, সত্যেন, বাবা যতীনের পাটি। সে মরতে পারে না, আমরা তাকে বাঁচিয়ে রেখেছি, যতদিন স্বাধীনতার যুদ্ধ শেষ না হয় ততদিন বাঁচিয়ে রাখবই। এই পাটির সভ্য হওয়ার গৌরব কি তুমি চাও না?

—নিশ্চয়ই চাই।

—তয় পাবে না?

—না।

—মনে রেখো, এ শুধু বোমা-রিভলভার নিয়ে যত্নের রোম্যান্স নয়। এর দুঃখ অনেক, দায় অনেক। চারদিকে শত্রু, বাতাসেরও কান আছে, বিশ্বাসঘাতকতা পদে পদে। পুলিশের হাতে পড়লে টচারের সীমা থাকবে না, বেত থেকে শুরু করে নাকের ভেতরে পাইপ বসিয়ে পাম্প করা পর্যন্ত কোনো কিছু বাদ দেবে না ওরা। সে নির্যাতন সয়ে থাকতে পারবে, দলের খবর বলে দেবে না?

—না।

—আচ্ছা, পরীক্ষা হবে। ছেলেমানুষ, ছোটোখাটো কাজই দেব এখন। আর মনে রেখো, অকারণে কোতুহল প্রকাশ করবে না, যতটুকু তোমাকে জানতে দেওয়া হবে তার বেশি কখনো জানতে চাইবে না। যে কাজ তোমাকে দেওয়া হবে তার অতিরিক্ত কোনো কিছুতে হাত দিতে চেষ্টা করবে না। আর সব চেয়ে বড় কথা হল ব্রহ্মচর্য—বিপ্লবীদের চরিত্র থাকবে খাঁটি সোনার মতো উজ্জ্বল। চরিত্রহীন আর বিশ্বাসঘাতকের একই বিচার করি আমরা, একই দণ্ড দিই—সে হল মৃত্যু।

মৃত্যু। এক টিপ নশ্টি নিয়ে আঙুলের ডগা থেকে ঝড়োঙলো উদাসীনতার সঙ্গে উড়িয়ে দিয়ে কথাটা উচ্চারণ করেছিলেন বেগুদা। কিন্তু যে ক্ষুরধার নেশা তখন রক্তের মধ্যে দপদপ করছে, হৃৎপিণ্ড ফুলে ফুলে উঠছে যে ক্ষ্যাপা উদ্ভেজনার, তার কাছে মৃত্যু কথাটার কোনো গুরুত্বই বোধ হয়নি তো। ‘জীবন-মৃত্যু পারের ভূত্য চিন্তা ভাবনাহীন’—এই তো এ পথের সংকল্প-বাক্য। ফাঁসির দড়িতে ঝুলে পড়া কিংবা পুলিশের গুলিতে ক্ষত-বিক্ষত মৃত্যুশয্যাশায়ী বীর নলিনী বাগচীর মতো বলতে পারা : “Don’t disturb please, let me die peacefully”—এ তো সব চেয়ে বড় প্রলোভন। কিন্তু বিশ্বাসঘাতকের মৃত্যুর প্রশ্ন তার কাছে অর্থহীন, চরিত্র সম্পর্কে সাবধানবাণী সম্পূর্ণই অনাবশ্যক।

আসলে ছেলেমানুষ কথাটাই আপত্তিকর। ছেলেমানুষ বলেই কি শুধু ছোটোখাটো

কাজের অবিকারী? সামন্ত আলমকে মেরেছিল যে বীরেন গুপ্ত সে তার চাইতে ক'বছরের বড়ই বা? চট্টগ্রামের টেংরা তো তারই সমবয়সী। তবে হাতে একটা রিভলভার পেলে সেই বা কেন ওদের মতো একটা অক্ষয় কীর্তি রেখে যেতে পারবে না? একটা পাঁচঘরা রিভলভার উজাড় করে শেষ করে দিতে পারবে না টিকটিকিদের সর্দার বিপ্লবীদের চিরশত্রু সেই পেটমোটা আর হলোগুণো ধনেশ্বর শর্মাকে? অথবা তাদের জিলাঙ্গুলে যখন কোনো অল্পাধীন উপলক্ষে শাদা ম্যাজিস্ট্রেট সাহেব এসে উপস্থিত হন, তখন সেও কি নিতে পারে না জালিয়ানওয়ালাবাগের প্রতিশোধ? নিতে পারে না বিদ্রোহী চট্টগ্রাম আর কাঞ্চি লবণ-আন্দোলনে সত্যগ্রহী মেদিনীপুরে অকথ্য নির্যাতনের প্রতিহিংসা?

কিশোর রঞ্জন, ছেলেমানুষ রঞ্জন। তার মনের সামনে স্পষ্ট প্রত্যক্ষ হয়ে দেখা দেয় চট্টগ্রামের রক্তাক্ত শহীদের মূর্তি, কানে আসে তাদের মায়েদের উত্তরোল কান্না। ছবি চোখে আসে পাঞ্জাবের প্রকাণ্ড রাজপথে কাঠের ফ্রেমে হাত-পা বেঁধে ছেলেরুড়োকে নির্বিচারে বেত মারা হচ্ছে—যন্ত্রণায় অজ্ঞান হয়ে গেলে চোখে মুখে জল দিয়ে সচেতন করে আবার বেত মারবার পালা—ছিঁড়ে ছিঁড়ে উঠে আসছে শরীরের চামড়া; রাস্তা দিয়ে পুরুষ মেয়েকে আনোয়ারের মতো হামাগুড়ি দিয়ে হেঁটে যেতে বাধ্য করা হচ্ছে, আপত্তি করলেই পিঠে পড়ছে কাঁটাওলা বুটের লাথি। মাঘের প্রচণ্ড শীতের রাতে মেদিনীপুরের গ্রামস্বদ্ধ নিরীহ নরনারীকে তাড়া করে নিয়ে উলঙ্গ অবস্থায় ডুবিয়ে রাখা হচ্ছে পচা পুকুরের জলে, বারো বছরের ছেলেকে বস্তায় পুরে নদীর জলে ছুঁবিয়ে ছুঁবিয়ে হত্যা করা হচ্ছে।

এই শাসন—এরা শাসক। ছেলেমানুষ রঞ্জনের মনে হয়, তার সমস্ত শরীর যদি বিস্ফোরক দিয়ে তৈরি হত তাহলে একটা বোমার মতো ফেটে সে চৌচির হয়ে যেত, উড়িয়ে নিয়ে যেত এদের ঝাড়স্বদ্ধ। সে ছেলেমানুষ। তার হাতে যদি একটা রিভলভার থাকে তাহলে সেও প্রমাণ করে দিতে পারে যে সে আর কারোও চাইতেই কোনো অংশে ছোট নয়, হয়ও নয়।

তার বিকারগ্রস্ত চোখের দিকে তাকিয়ে বেগুদা হেসেছিলেন, আচ্ছা আচ্ছা, দেখা যাবে সব।

—আমাকে আগে রিভলভার ছোঁড়া শিখিয়ে দিতে হবে বেগুদা।

—রিভলভার?—বেগুদা আবার একটিপ নশির গুঁড়োগুলো ছড়িয়ে দিলেন হাওয়ায়: সে তো অত সহজ নয় ভাই। বিপ্লবীদল বলেই কি অমন কথায় কথায় রিভলভার ষোগাড় করা যায়? অনেক কাঠখড় পোড়াতে হয় একটা রিভলভার সংগ্রহ করতে, ঢের রিস্ক নিতে হয়, বিস্তর তার দাম। আচ্ছা, সময় হলে দেখা যাবে সে সব, ও শিখিয়ে দিতে আশ্বস্ত। সময়ও লাগবে না। এখনি তো আর মানুষ মারতে যাচ্ছ না, অজ্ঞ কাজ শেখো তার আগে।

অল্প কাজ। হ্যা, দিন তিনেক পরেই কাজ পেয়েছিল রঞ্জন। বেণুদার আদেশ পরিমলই আনিয়ে গেল এসে। আজকের কাজ পারা না পারার ওপরেই সমস্ত পরিচয় নির্ভর করছে রঞ্জনের।

বেণুদা চিঠিখানা দিয়েছেন খামে করে। এই চিঠিখানা নিয়ে রাত সাড়ে বারোটা থেকে একটার মধ্যে সাহানগরের পুরানো সাহেবী কবরখানাটার যেতে হবে তাকে। ঠিক মাঝখানে যে শাদা কবরটার ওপরে খেতপাথরের বাইবেল খোলা আছে, তারই ওপরে বসে প্রতীক্ষা করতে হবে অন্তত দু'ঘণ্টা সময়। এর মধ্যে কোনো লোক যদি এসে তার কাছে চিঠি চায় তবে রঞ্জন সে চিঠি তাকে দেবে, আর নইলে বইয়ের ওপরে একটুকরো ইট চাপা দিয়ে রেখে আসবে। ইচ্ছে করলে একটা আলো নিতে পারে সঙ্গে—কিন্তু পারতপক্ষে সে আলো জ্বালাতে পারবে না।

রাত সাড়ে বারোটার সাহানগরের কবরখানায়। সে কবরখানাকে সে দেখেছিল গোষ্ঠের মেলায় যাওয়ার পথে, এমনভেই কী ভূতুড়ে, কী থমথমে তার চেহারা। মৃত্যু-বিলাসী বীরের বুকও ছমছম করে উঠল একবার, গেঞ্জির তলায় ঘাম ফুটে বেরুতে চাইল শরীরে।

পরিমল মুখ টিপে হাসল, কি রে, পারবি না? ভয় করছে নাকি? তাহলে বরং আমি বেণুদাকে গিয়ে বলি—

পৌরুষ দশদশ করে জলে উঠল রঞ্জের মধ্যে : নিশ্চয় পারব।

মৃত্যু ব্যস্তভরা গলায় পরিমল বললে, থাক না, কাজ কী বাপু! ও কবরখানাটা ভূতের আড্ডা, বহু লোকে ওখানে ভয় পেয়েছে।

—তা পাক, আমি পাবো না।

—বলা ওরকম সোজা কিনা। আমি শুনেছি বছর তিনেক আগে একটা চৌকিদার ঘাঁড়িল ওরই পাশের রাস্তা দিয়ে। হঠাৎ দেখল মেটে মেটে জোৎস্নায় ওই কবরখানায় দাঁড়িয়ে উঠল তালগাছের সমান উঁচু একটা সাহেবের মূর্তি। আর কি ভয়ানক, তার কাঁধের ওপরে মাথাই নেই। তারপর একটা লম্বা হাত সে বাড়িয়ে দিলে, সে হাতে একটা কালো টুপি আর সেই টুপির মধ্যে তার মুণ্ডুটা বসানো—

অনর্থক কতগুলো আবোলভাবোল গল্প বলে ভয় ধরিয়ে দিতে চাইলে পরিমল। বুকের ভেতরে একবার হাঁৎ করে উঠলেও ভয়ের একটুকুও ফুটতে দিলে না রঞ্জন। জোর গলায় বললে, টুপিতে মাথা থাক বা না থাক তাতে আমার বয়েই গেল।

—কিন্তু জোর মাথাটা যেন থাকে—ভেবে দেখিল ভালো করে—

চলে গেল। যাওয়ার সময় নাক কুঁচকে এমন বিস্মী করে হাসল যে অপমানে পিত্ত পর্যন্ত তেতে উঠল রঞ্জনের। যেন ওর মুখ দেখেই পরিমল বুঝে নিয়েছে এ কাজ ওকে

দিয়ে সম্ভব নয়।

না, ভূত মানবে না সে, ভয় করবে না। কিসের ভূত, কোথায় ভূত? ওসব কতগুলো আজগুबी গল্প ছাড়া আর কিছুই নয়। দৃষ্টির বিভ্রম থেকেই এই সব এলোপাখাড়ি গল্প মানুষ ছড়িয়ে বেড়ায় চারদিকে। আর যদি সত্যি সত্যিই ভূত বলে কিছু থাকে, তাহলে সাহসী মানুষকে সে চিরকাল সেলাম ঠুকেই এড়িয়ে চলে। আরে, ভূতেরও তো প্রাণের ভয় বলে জিনিস আছে একটা! নিজের রসিকতা দিয়ে নিজেকেই আশ্বস্ত করতে প্রয়াস পেলো সে।

তারপর সেই রাত্রি। তার কথা ভোলবার নয় জীবনে।

বাইরের পড়ার ঘর থেকে বেরুতে রাজে অবশ্য অস্থবিধে হল না। সে আর দাদা—রুজনে এঘরে শোয়। দিন তিনেক আগে কী একটা কাজে দাদা কলকাতায় গেছে, কাজেই পালাতে কোন বিঘ্ন নেই। আরো বাইরের ঘর—ভেতরের দরজায় খিল দিয়ে রাখলে বাড়ির কাকপক্ষীতেও টের পাবে না কাণ্ডটা।

আস্তে আস্তে বাড়ির ভেতরকার সাড়া-শব্দ থেমে এল, শব্দ এল ঘরে ঘরে হড়কো পড়ার। মা একবার ডাক দিয়ে গেলেন : খাওয়ার জল লাগবে রঞ্জু?

—না মা।

ঘরে টিম টিম করে লণ্ঠন জ্বলছে, তার উত্তেজিত মনের অনিশ্চয়তার মতো। রঞ্জন তার সজাগ প্রথর দৃষ্টি মেলে রেখেছে টেবিলের ওপরকার টাইমপিস্টার দিকে। টিক্ টিক্ টিক্। ঘড়ি চলছে, সময় লাফিয়ে যাচ্ছে যেন ক্যাঙারুর মতো। সাড়ে এগারোটা ছাড়িয়ে ছোট্ট কাঁটাটা ঝুঁকছে পোঁনে বারোটার দিকে, বড় কাঁটাটা যেন ছিটকে ছিটকে এগিয়ে যাচ্ছে সম্মুখের দিকে।

ঘড়িটার শব্দটা মিশছে হৃৎস্পন্দনের সঙ্গে—তাড়া খাওয়া ক্যাঙারুর মতো লাফিয়ে চলছে সময়।

—টিক্ টিক্ টিক্—টিক্ টিক্ টিক্—

বারোটা বাজতে দশ মিনিট।

বালিশের নিচে হাত দিলে রঞ্জন। চ্যাপ্টা ফ্ল্যাশ লাইটটা ঠিক আছে সেখানে, ইস্কুলের টিকিনের পয়সা জমিয়ে সঞ্চ করে কিনেছিল সেটা। আজ ব্যাটারী বদলেছে, একটা নতুন বাল্ব সেই সঙ্গে। এই কঠোর দুর্গম অভিযানে এইটেই তার পথের সাথী—তার নির্ভরযোগ্য একমাত্র সহচর।

—টিক্ টিক্ টিক্—

নেমে পড়ল বিছানা থেকে। ভয়ের থেকে উত্তেজনা এখন বেশি হয়ে উঠেছে, রক্তের মধ্যে মাতলামো শুরু করেছে অ্যাডভেঞ্চারের অঙ্ক কামনা। সন্ধ্যার সময়েই বড়

ঘরের আলনা থেকে এক ফাঁকে নিজের জামাটা হাতসাফাই করে এনেছে, তার পকেটে হাত দিয়ে দেখল চিঠিটা ঠিক আছে সেখানে। তারপর অতি বিঃশেষে সে জামাটা গায়ে পরে নিলে, ফ্যাশ লাইট নিলে হাতে; আরো সাবধানে লণ্ঠনটাকে একেবারে কমিয়ে দিয়ে বেড়ালের মতো মথমলমথ পায়ের চলে এল বাইরে।

থমথমে অন্ধুত রাত। একটা ডাইনি যেন অন্ধকারে চুল মেলে বসে আছে উবু হয়ে। একটু দূরেই যে কেরোসিনের আলোটা ছিল, সেটা কখন নিবে গেছে। মিউনিসিপালিটির ধুলোভরা পথ অন্ধকারে লুটিয়ে আছে যুঁহিতের মতো। জলজলে তারায় ভরা কালো আকাশ—চাঁদ নেই। সন্ধ্যার সময় একটা ফালি উঠেছিল, কখন যেন ডুব দিয়েছে পশ্চিমের গাছগাছালির আড়ালে।

নির্জন রাস্তা, যেন নিদ্রালি মস্ত পড়ে দিয়েছে ডাইনিটা। নিজের জুতোর শব্দেও বুক হাঁৎ হাঁৎ করে উঠছে। পথের ধারে গাছগুলোর ভূতুড়ে ছায়া বাতাসে দুলছে। তার পায়ের আওয়াজে খাঁচখঁচে ঝগড়াটে আওয়াজ তুলে টেলিগ্রাফের তার থেকে প্যাঁচা উড়ে গেল একটা। পথের এদিক থেকে ওদিক ছুটে চলে গেল শেয়াল। একবার থেমে দাঁড়িয়ে যেন জিজ্ঞাসাভরা দৃষ্টিতে তাকালো রঞ্জনের দিকে, অন্ধকারে কী ভয়ঙ্কর একটা নীলচে আলোয় চোখ দুটো জলছে তার, কত বড় বড় যে দেখাচ্ছে।

শহরের এদিকটা ফাঁকা ফাঁকা। এলোমেলো ছড়ানো শাদা শাদা কোঠা বাড়িগুলো, টিনের চালা—অন্ধকারের ছায়ায় ঘুমিয়ে পড়ে আছে সমস্ত, কোথাও একটা আলো জলছে না পর্যন্ত। শুধু এখানে ওখানে ঝলমলে জোনাকির রাশ। তারই মাঝখানে দিয়ে নেশাগ্রস্তের মতো হেঁটে চলল রঞ্জন; কোথা থেকে শুধু একটা কুকুর তারস্বরে চৈঁচিয়ে উঠে যেন তাকে সতর্ক করে দিলে।

কিন্তু আজ পৃথিবীকে ভয় হচ্ছে না, প্রকৃতিকেও না। আজ ভয় মানুষকেই। কোট-পর্যায় সাইকেলে চড়া সেই লোকটাকে। ওরাও নিশাচর, ওরাও রাত্রির আড়ালে শেয়ালের মতো শিকার খুঁজে বেড়ায়। কিন্তু শেয়ালের চোখের চাইতে ওদের দৃষ্টি আরো তীক্ষ্ণ, ওদের ব্রাণেন্দ্রিয় আরো স্পর্শসজাগ। পাথর-চাপা দেশের বুকের আড়ালে কোথাও একটুখানি আঙুন ধিকি ধিকি করে জলে উঠেছে, কোথায় একটি প্রাণের ভেতর জেগেছে প্রতিবাদ, দিনরাত তাই তাদের একমাত্র সন্ধান। সেই আঙুনকে নিবিষে দেবে, সেই প্রাণটিকে রোধ করে দেবে ফাঁসির দড়িতে। তার বিনিময়ে পাবে কিছু কালো রঙের টাকা, আর রক্তমাথানো কয়েক টুকরো রুটি। যীশুহস্তা জুড়াসের স্বর্ণমুদ্রা।

খোয়া-ওঠা পথ শেষ হয়ে গেছে—দৃষ্টির আড়ালে সরে গেছে মিউনিসিপালিটির শেষ ল্যাম্প-পোস্টটাও। এবার শুধু ধুলো-ভরা রাস্তা, দুপাশে বন জলজলের মতো বাগান। বাতাসে কট কট শব্দ শব্দ করে একটা অস্বস্তি-জাগানো শব্দ উঠছে বাঁশবনে। রাত্রির

অন্ধকারে বাঁশবনগুলোকে কেমন খারাপ লাগে। ছেলেবেলায় শোনা গল্প মনে পড়ে। রাত্তার ওপর লম্বা হয়ে এলিয়ে আছে মস্ত একটা বাঁশ, অসতর্ক পথিক যেই সেটা ডিঙোবার উদ্যোগ করে, অমনি ভূতুড়ে বাঁশটা তীব্র বেগে উঠে পড়ে ওপর দিকে, মানুষটাকে ধুক খেকে ছুটে বেরুনো একটা ভীরের মতো ছুঁড়ে দেয় আকাশে, তারপর—

দ্বস্তোর—ভয় পাচ্ছে নাকি সে? বিপ্লবী রঞ্জন—‘ঝড় বাদলে আঁধার রাতে’ একলা চলার পথিক রঞ্জন। পরিমলের সেই উদ্ভট গল্পগুলোর রেশ কি এখনো ছড়িয়ে আছে মনের মধ্যে? জোরে, আরো জোরে হাঁটো। ‘Towards die many a times’—

শৌ—শৌ—শৌ—

শরীর-কাঁপানো কনকনে বাতাস এল একটা। কোনো মড়ার শীতল দেশ থেকে ফুসফুসভরা মৃত্যুহিম বাতাস এনে যেন তীব্র নিখাসে ছড়িয়ে দিলে ডাইনিটা। পথটা হঠাৎ শেষ হয়ে গিয়ে একটা বিস্তীর্ণ বালির ডাঙায় নেমে পড়েছে। তারার আলোয় ঝিকঝিক করছে বালি, চিকমিক করছে অতের কুঁচি। ঘন বইচির বনে জোনাকির রোশনাই। জলের একটা জলন্ত সর্পিলাতা উঠছে ঝিলিক দিয়ে। কাঞ্চন।

কাঞ্চন! এর জলে কালী বাস করেন। নরবলির তৃষ্ণা এখনো মেটেনি তাঁর। কাঁপা একটা লোহার চোঙ গুম গুম করে বসে যাচ্ছে জলের অতল গভীরতায়—শেষবারের মতো ভেসে এল কতগুলো মানুষের বিশৃঙ্খল আতি। গায়ের হাড়গুলোতে হঠাৎ ঝমর ঝমর করে কাঁকানি বাজল রঞ্জনের।

না—এ তো দ্বর্বলতা। ‘আমরা করব না ভয়, করব না—’ জিমন্তান্তিক ক্লাবের ছেলেদের মাটিং সং মনে পড়ল। আরও জোর পায়ে হাঁটতে হবে। বিপ্লবীকে ভয় পেলে চলবে না।

এত অন্ধকার, তবু আশ্চর্যভাবে স্বচ্ছ হয়ে গেছে চোখের দৃষ্টি। বেশ চেনা যায় পথ, অনেকটা অবধি চোখ চলে। দূরে পাহাড়ের মতো কী যেন শুরু হয়ে আছে, জমা হয়ে আছে যেন পুঞ্জিত ধানিকটা অমাবস্তা। বুঝতে বাকি রইল না। সাহানগর কবরখানার উঁচু প্রাচীর।

আর একবার কলরব জেগে উঠল হুংপিঙের মধ্যে। আর একবার শুরু হয়ে গেল রক্তের চঞ্চলতা। দিনের বেলাতেও গা ছমছম করে ওঠে ওখানে। পরিমলের সেই বিশ্রী গল্পটা। ছেলেবেলায় তাকে হাতছানি দিয়ে ডেকেছিলেন অবিনাশবাবু—

স্থির হয়ে দাঁড়িয়ে গেল রঞ্জন। অবিনাশবাবু। কিন্তু আজ তো সেই মানুষটিকে চিনেছে সে। আজ তো বুঝেছে তাঁর কথা অর্থ। সেদিন তিনি যা বলতে চেয়েছিলেন তা তো এখন পরিষ্কার হয়ে গেছে সম্পূর্ণভাবে। না—ভয় নেই! আজ যদি তার পথের সঙ্গী কেউ থাকে তবে অবিনাশবাবুই আছেন।

আরো জোর পা—আরো জোরে চলে। ভয়ের শেষ সীমাটা পৌঁছেছে বলেই আর ভয় নেই তার। এগিয়ে চলল রঞ্জন।

যেন ঘুমন্তের মতোই চলেছিল এতক্ষণ। চলেছিল একটা নেশার মধ্যে। যখন থামল তখন একেবারে সেই ভয়ঙ্কর কবরখানার ভাঙা গেটটার সামনে এসে সে দাঁড়িয়েছে।

চারদিকে নানা আকারের ভাঙা সমাধি। কতদিনের কত যত্ন এখানে নিশ্চয় হয়ে আছে কে জানে। কাদের নিশ্বাস যেন গায়ে লাগে। প্রতিটি কবরের মধ্য থেকে যেন এখনি উঠে আসবে কারা।

ওখানে ওগুলো কী জলছে? জোনাকি না কতগুলো চোখ?

—‘আমরা করব না ভয়, করব না—’

অপ করতে লাগল রঞ্জন। কিন্তু স্বৈতপাথরের সে কবরটা কোথায়? আর কোথায় সেটা—যেখানে পিটার হপ্‌কিন্স, যীশুর শাস্তিময় ক্রোড় লাভ করেছিলেন? এই ভয়ঙ্কর রাত্রি সেখানে কি আশ্রয় পেতে পারে না সেও?

হাতের ব্র্যাশ-লাইটটা জালাতে গিয়ে হাত কেঁপে উঠল। মাথার চুলগুলো খাড়া হয়ে গেল চকিতের মধ্যে।

একটা শাদা কবরের ওপর থেকে শাদা একটা যুতি আস্তে আস্তে উঠে আসছে। হ্যাঁ, কোনো ভুল নেই। আর—আর—তার হাত দুটো সামনের দিকে—রঞ্জুর দিকেই প্রসারিত।

কী বলে চিৎকার করে উঠেছিল, কী ভাবে টলে পড়ে যাচ্ছিল সে, মনেও পড়ে না। কিন্তু সঙ্গে সঙ্গে কে তাকে পেছন থেকে বলিষ্ঠ বাহর আশ্রয় দিলে।

—ভূত?

না, বেগুদা।

পাঁচ সাত মিনিট পরে যখন প্রকৃতিস্থ হল সে, তখন লজ্জায় আর অপমানে সে যেন মিশে গেছে মাটির সঙ্গে। বিপ্লবী রঞ্জনের চোখ দিয়েও জল নেমে এসেছে।

—বেগুদা, আমি কাপুরুষ।

বেগুদা হাসলেন, তাই নাকি?

—আমি ভীরু, ভয় পেয়েছিলাম। আমাকে দল থেকে তাড়িয়ে দিন।

অঙ্ককারকে উচ্চকিত করে দিয়ে বেগুদা হেসে উঠলেন : দূর পাগলা।

—আমার লজ্জায় মরে যেতে ইচ্ছে করছে বেগুদা।

বেগুদা সম্মুখে রঞ্জনের ঘাড় হাত রাখলেন : ভয় পাওয়াটা লজ্জার নয় ভাই, মানুষ-মাত্রেরই ভয় পায়। যে বলে আমি কখনো ভয় পাইনি, সে মিথ্যেবাদী।

—কিন্তু—

ততক্ষণে ফিরে চলেছে দুজনে। বেগুদা বললেন, তোমার ভয় আছে কিনা এ আমি পরীক্ষা করতে চাইনি, কতটা সাহস আছে তাই পরখ করতে চেয়েছিলাম। পরীক্ষার উত্তরে গেছ তুমি। লজ্জার কিছু নেই, তোমার মতো বয়েসে এতটা পথ আমিই এভাবে আসতাম না।

কথাটার ভেতরে সাস্বনা আছে, আশ্বাসও। তবুও কোথায় খোঁচা লাগে যেন। সে ছেলেমানুষ, আর তাবই একটা নির্দিষ্ট সীমা মেনে নিয়ে বেগুদা বিচার করেন তাকে। তাই তার এতটুকু ভয়ের জন্তে তিনি ক্ষমা করতে পেরেছেন রঞ্জনকে। কিন্তু তিনি নিজেকে যে এভাবে একা চলে এসেছেন, কই, তাঁর তো ভয় করেনি। ছেলেমানুষি করে কেটে যাবে তার, কবে সে পাবে টেগ্‌রার মতো বীরের মর্যাদা? কবে সে টেগার্টের মতো শত্রুর ওপরে গুলি ছুঁড়ে অমর মৃত্যুর গৌরব লাভ করতে পারবে?

অনেকটা পা নিঃশব্দে এগিয়ে এল দুজনে। হঠাৎ প্রশ্ন করে বসল : বেগুদা ?

—জ্যা ?

—চট্টগ্রামের মতো কি আমরাও পারি না ?

—পারি বইকি।—বেগুদা সম্মুখে বললেন, কিন্তু তার জন্তে তো তৈরি হওয়া চাই। অকারণে কতগুলো প্রাণ দিয়ে তো কোনো লাভ নেই ভাই। দেশের জন্তে মরতে পারা নিশ্চয় গৌরব, কিন্তু মরাটাই তো আমাদের আসল লক্ষ্য নয়। ভালো করে আমরা বাঁচতে চাই বলেই তো বেছে নিয়েছি এই রক্তের পথ।

আবার চূপ করে গেল রঞ্জন। বেগুদাকে ঠিক ধরতে পারে না, মাঝে মাঝে কেমন উল্টোপাল্টা মনে হয় তাঁর কথাগুলো।

হঠাৎ বেগুদা বললেন, গান জানানো রঞ্জু ?

—গান।—আশ্চর্য লাগল রঞ্জনের। ঠিক এমনি একটা অবস্থায় গান জানা না জানান প্রশ্নটা যেন অশোভন আর খাপছাড়া বলে মনে হল তার।

বেগুদা আবার বললেন, হী গান। রাজ্রির অঙ্ককারে এমনি পথ চলার সময় গানের চেয়ে বড় পাথের আর কী আছে? একেবারেই গাইতে পারো না তুমি?

তেমনি বিহবল বিস্মিতভাবে রঞ্জন বললে, না।

—আচ্ছা, তবে আমিই গাই। আমার গলা ভাল নয়, তাই বলে সমালোচনা কোরো না কিন্তু।

চাপা কণ্ঠে বেগুদা গান ধরলেন :

সকল কলুষতামসহর

জয় হোক তব জয়,

অমৃতবারি সিঞ্চন কর

নিখিল ভুবনময়—

এবার তার বিষয় আর সীমা মানল না। অঙ্ককার পথ। কাঞ্চন নদীর দিক থেকে শৌঁ শৌঁ করে আসছে বাতাসের বলক। পথের দুধারে গাছের ঘন ছায়ায় রাত্রি আছে সঞ্চিত হয়ে। নিষিদ্ধ পথচারণার একটা রোমাঞ্চ-জাগানো অপূর্ব উন্মাদনা হুলে হুলে ফিরছে রক্তের মধ্যে—এমন সময় এ কি-গান, এ কেমন গান?

আবেগ-আকুল কণ্ঠে বেগুনা গেয়ে চললেন :

কল্পণাময় মাগি শরণ

দুর্গতিভয় করহ হরণ

দাও দুঃখ বন্ধ-তরণ

মুক্তির পরিচয়—

একটা আশ্চর্য গভীরতা এই গানে, একটা নিবিড় আর গভীর মাদকতা। যেন অভিভূত হয়ে এল রঞ্জনের চেতনা। অঙ্ককারে বেগুদাকে ভালো করে দেখতে পাওয়া যাচ্ছে না, দেখা যাচ্ছে না তাঁর কালো পাথরে গড়া পেশল দীর্ঘ শরীরকে, সংকল্পে আগ্নেয় চোখের দৃষ্টিকেও। এ কি সেই মাহুয, যিনি তরুণ সমিতির বাছা বাছা ছেলে-গুলোকে গড়ে তুলেছেন অসঙ্কোচে যুত্মার মধ্যে কাঁপিয়ে পড়বার জন্তে, দুর্গম সংকটে-তরা রক্তাক্ত পথে এগিয়ে চলবার জন্তে?

হঠাৎ মনে পড়ে গেল অবিনাশবাবুকে। এমনি বিবর্তের হয়ে গান গাইতেন—ঝাপসা ছবির মতো মনে আসে এমনি করে গভীর আর নিবিড় হয়ে আসত তাঁর গলা। তাঁর মুখেই তো শুনেছিল, ‘আমার মাথা নত করে দাও হে তোমার চরণধুলার তলে’। সে গানের সঙ্গে কী অভূত মিল আছে এই গানের। শুধু এইটুকুই নয়, আরো মিল আছে। সেই অবিনাশবাবুই যখন স্বেচ্ছায় মরণের দিকে এগিয়ে গেলেন তখন কোনো ভয়, কোনো সংকট তো তাঁকে ফেরাতে পারেনি।

যেন চমকে গেল রঞ্জন। কার পাশে পাশে, কার সঙ্গে সঙ্গে হেঁটে চলেছে? অবিনাশবাবুর পুনর্জন্ম হয়েছে কি বেগুদার মধ্যে, স্বরাজের নতুন পথ খুঁজে পেয়েছেন তিনি?

—কী ভাবছ?

বোরটা কেটে গেল। লজ্জিতভাবে জবাব দিলে, কিছু না।

—গানটা ভালো লাগল না তো?

—চমৎকার।

বেগুদার কী যেন হয়েছে আজ। অত গভীর, অমন কঠিন মাহুযটার মধ্যে এসেছে একটা ছেলেমাহুযি খুশির জোয়ার। বললেন, তুমি কম্প্রিমেন্ট দিলেই কি আমি বিশ্বাস

করব ? নিজের ভীমসেনী গলা নিজেই চিনি আমি ।

—না, সত্যিই চমৎকার ।

—যাক, অন্তত একজন গুণগ্রাহী পাওয়া গেল—বেগুদা তরল গলায় বললেন :
বাড়িতে তো গান গাইবার উপায় নেই । আমি শুরু করলেই করুণা তেড়ে আসে ।
তবু সুযোগ পেয়ে তোমাকে একটা শুনিয়ে দেওয়া গেল ।

—করুণাদি বুঝি ভালো গাইতে পারেন ?—রঞ্জন উৎসাহী হয়ে উঠল ।

—আমার চাইতে ভালো নিশ্চয়ই । ও আমার শত্রু হলেও সেটা অস্বীকার করা
যায় না—বেগুদা হাসলেন, হাসিতে যোগ দিলে রঞ্জন ।

—মিউ মিউ—

রাস্তার পাশ থেকে ভীকু কান্নার মতো আওয়াজ ভেসে এল একটা । বেগুদা
খমকে দাঁড়িয়ে গেলেন ।

—মিউ মিউ —

রঞ্জন বললে, ও কিছু না, বেড়ালছানা ।

বেগুদা বললেন, দাঁও তো তোমার টর্টটা ।

টর্ট জালতেই চোখে পড়ল পথের ধারে শুকনো একটি কাঁচা ছেনের মাঝখানে ছাই-
রঙের একটি বেড়ালের বাচ্ছা । একেবারেই শিশু, এখনো মায়ের দুধ ছেড়েছে কিনা বলা
শক্ত । টর্টের আলোয় কেমন অভিভূত হয়ে গেছে, তাকিয়ে আছে কেমন করুণ অসহায়
দৃষ্টিতে । ক্ষীণভাবে আবার কান্নাভরা গলায় যেন বললে, মিউ । চারিদিকের এই
অন্ধকার, এই ঘন জঙ্গলের মধ্যে বুঝেছে নিজের নিরুপায় অবস্থা, কিদেয় আকুল হয়ে
হয়তো বা নিষ্ফল কান্নায় খুঁজে ফিরছে নিজের হারানো মাকেই । যে মার বুকের ভেতর
ওর আশ্রয় আছে, আশ্বাসও আছে ।

বেগুদা ঝুঁকে পড়ে হাত বাড়ালেন বাচ্ছাটার দিকে । পালাতে চেষ্টা করল, কিন্তু
পারল না । বেগুদা ধরে তাকে একেবারে নিজের বুকের কাছে তুলে আনলেন ।

—আহা, একেবারে কচি বাচ্ছা । শেয়ালে কেন যে এতক্ষণ খায়নি তাই আশ্চর্য ।

রঞ্জন বিস্ময়-বিমূঢ় হয়ে প্রশ্ন করল, আপনি কী করবেন ওটা দিয়ে ?

—বাড়িতে নিয়ে যাব ।—যে গলা সে কখনো শোনেনি, সেই গলা : অন্তত
বাঁচাবার চেষ্টা করব । কিন্তু এখন আর নয় তাই । শহরের কাছাকাছি এসে পড়েছি,
এক রাস্তা দিয়ে দুজনে পাড়ায় ঢোকাটা ঠিক হবে না । আমি এই বাগানটা দিয়ে
যাচ্ছি, তুমি সোজা চলে যাও ।

পরক্ষণেই সে দেখল—বাগানের কালো ছায়ার মধ্যে আরো কালো একটা ছায়ার
মতোই বেগুদা মিলিয়ে গেলেন ।

কিন্তু—

ছ মাস পরে আজ টেবিলে বসে রঞ্জন ভাবছে—পাথরে গড়া বোম্ব হয় বেগুদার মন। স্নেহ নেই, প্রীতি নেই, দুর্বলতাও নেই এক বিন্দু। চোখের দিকে একবার তাকালেই আর বলে দিতে হয় না যে সামান্য অপরাধেও এঁর কাছ থেকে ক্ষমা পাওয়া যাবে না। বেগুদাকে সম্পূর্ণ করে জানবার আগে যে প্রীতি জেগেছিল তাঁর সম্পর্কে, জেগেছিল কিছুটা মোহ, এখন সেগুলো সব কেটে গিয়ে যেন বৈশাখী সূর্যের খানিকটা ধারালো আলো এসে পড়েছে চোখে। এখন ভয় করে বেগুদাকে। মনে হয় একটা অদ্ভুত আর অসহ্য অস্থিরতা জেগেছে তাঁর মধ্যে। দুনিবার খানিকটা শক্তির উজ্জ্বল আর বাগ মানতে চাইছে না তাঁর বুকের ভেতরে, যেন অন্ধ আবেগে ঘুষি মারতে চাইছে একটা পাথরের দেওয়ালে। হয় সেটাকে ভাঙবে, নইলে এই আপ্রাণ প্রয়াসে রক্তাক্ত করে দেবে নিজের হাতের মুঠোটাকেই। চট্টগ্রামের রক্ত ডাক পাঠাচ্ছে, উনিশ শো তিরিশ সালের অহিংস সত্যাগ্রহ পরাজয়ের একটা কুৎসিত অপছায়া—এই ছায়াটাকে দূর না করা পর্যন্ত শান্তি নেই, বিশ্রামও নেই।

গোষ্ঠের মেশায় একথানা সাবান চুরির অপরাধ একদিন সমস্ত বোধকে রেখেছিল বিযাক্ত করে। অথচ আজ—এই তো মাত্র সাতদিন আগেকার কথা। মনে পড়লে এখনো বুক ধক করে ওঠে। দৈবাৎ রক্ষা পাওয়া গেছে, আর একটু হলেই কেলেকারী হয়ে যেত।

বিকেলবেলা কাজীপাড়ার পথ দিয়ে আসবার সময় বিধুবাবু ডাকলেন। বললেন—
কি রে, পথ দিয়ে বাস অথচ বাড়িতে একবার পা দিতে নেই তোদের ?

কেমন দূর-সম্পর্কের আত্মীয় হন বিধুবাবু। তিরিশ বছর ধরে মোস্তারী করছেন এই শহরে, পশারও যে করেছেন তার প্রমাণ মেলে পরিপুষ্ট তুঁড়ি আর তৈলাক্ত গোলালো মুখে। নতুন কোঠাবাড়ি একথানা তুলেছেন সম্প্রতি—বেশ সুখেই আছেন। কিন্তু পারিবারিক যোগাযোগটা ওঁদের সঙ্গে ক্ষীণ—বাবা মনের দিক থেকে বিধুবাবুকে পছন্দ করেন না।

রঞ্জনও না। কেমন হ্যা হ্যা করে হাসেন বিধুবাবু, কেমন বিলী করে চঁচিয়ে কথা বলেন। সাহেব আর আদালত ছাড়া কোনো আলোচনা করতে চান না, করতে পারেনও না। তা ছাড়া মোটা নাকের ভেতর দিয়ে সব সময়ে নস্তির লালচে লালচে রস গড়ায়, সেদিকে তাকালে কেমন গা বমি-বমি করতে থাকে তার।

তবু বিধুবাবু ডাকলেন এবং অনিচ্ছাসত্ত্বেও রঞ্জনকে তাঁর বাড়িতে পা দিতে হল।

বিধুবাবু বললেন, আসতে হয়, খবরটাও নিতে হয়। পথ দিয়ে প্রায়ই তো বাস দেখি। আমরা বেঁচে আছি না মরে গেছি সেটাও তো জানা দরকার।

অভিমানভরে কথাটা বলে কৌচার খুঁটে নস্তির রস মুছে ফেললেন বিধুবাবু, গা ঘিন-

বিন করে উঠল রঞ্জনর ।

—আয় আয়, ভেতরে আয়—

ভেতরে ঢুকতেই কানে এল ভয়ঙ্কর একটা শব্দ—যেন আছাড় দিয়ে দিয়ে কাঁসার বাসন ভাঙছে কেউ । কিন্তু না—বাসন ভাঙছে না । চিংকার করছেন বিধুবাবুর জী—
ওর মাসিমা ।

বিধুবাবুর ক্ষীতি দেখে যদি তাঁর পশার অহুমান করা চলে, তবে তাঁর জীর চেহারা ব্যাক্স-ব্যালাসের বহরটারই ইঙ্গিত করে বোধ হয় । ভদ্রমহিলা মুটিয়েছেন একটা গজ-হস্তীর মতো, দরজা দিয়ে অনেক কষ্ট করে বোধ হয় ঘরে ঢুকতে হয় তাঁকে । গলার আওয়াজে হৃৎকম্প হয় ।

সম্প্রতি আছেন অত্যন্ত উত্তেজিত হয়ে । তাঁর নতুন কোঠাবাড়ির দেওয়াল থেকে খানিকটা চুন বালি খসে পড়েছে, কী করে ভেঙে ফেলেছে চাকর । মাসিমা হিন্দী করে বলছেন, তোমরা তন্থা কাট্টকে চুন ঔর বালিকা দাম হামি আদায় করেদা—

গলার স্বর নামল রঞ্জনকে দেখে । খাটো কাপড়ের আঁচলটা টেনে মাথায় একটা ঘোমটা দেবার বৃথা চেষ্টা করলেন, তারপর সম্মুখে বললেন, এতদিন পরে বুঝি মাসিমাকে মনে পড়ল ? আয় আয়—বোস্—

‘বোস্’ তো বটে, কিন্তু বসবার জায়গা কই ? খাটখানার প্রায় সবটা জুড়েই যে তিনি বসে আছেন । ইতস্তত করে পাশে একটুখানি জায়গা করে নিলে রঞ্জন ।

বাইরে মন্ডেল বসে ছিল, রঞ্জনকে ঘর-জোড়া জীর কাছে জিন্মা করে দিয়ে বিধুবাবু তাদের শিকার করতে গেছেন । হতরাং আপাতত চাকরকে রেহাই দিয়ে মাসিমা রঞ্জনর দিকে মনোনিবেশ করলেন ।

—বাড়ির সবাই কেমন ?

রঞ্জন সংক্ষেপে জবাব দিলে, ভালো ।

—সরোজের শরীর কেমন আজকাল ?

—মা ? ভালোই আছেন ।

মাসিমা গজর গজর করতে লাগলেন : একদিন তো আসতেও পারে বেড়াতে । আমি না হয় গত্তর নিয়ে নড়তেই পারি না, তাই বলে কি আত্মীয়-কুটুমকে অমন করে ডুলে থাকে । বলিস সরোজকে, একদিন যেন আসে ।

—আচ্ছা বলব ।

—আর তা ছাড়া—মাসিমা আবার আরম্ভ করলেন এবং ফিরে এলেন নিজের স্বধর্ম্যে : এই তো নতুন বাড়ি করলাম । করকরে পাঁচটি হাজার টাকা বেরিয়ে গেল—বুকের রস্তু জল করা টাকা । অথচ একটু কি দয়া মায়া আছে হতছাড়া চাকরবাকর-

গুলোর ? এর মধ্যেই সিমেন্টের চটা উঠিয়েছে, চুন-বালি খসিয়েছে, পানের পিক ফেলেছে পঁচিলে ; দেওয়ালে লাগিয়েছে মাথার তেলের দাগ । আমার কি আর মরণ আছে, সব সময় চোখে রাখতে হয় ।

—হঁ ।

মাসিমা বললেন, ওই—আবার ওই পোড়ারমুখে কয়লা ভাঙতে গিয়ে দিলে বুঝি উঠোনটা শেষ করে । তুই একটু বোস্ বাবা, আসছি আমি । স্থির হয়ে কথাবার্তা বলব তোর সঙ্গে ।

এরাও বড়লোক বটে । তবু কোথায় একটা কুস্তী কাঙালীপনা আছে এদের, টাকা যেন আরো প্রকট করে তুলেছে সেটাকে । এই জেগেই কি বাবা এদের দেখতে পারেন না ?

কিন্তু চিন্তাটা হঠাৎ চমকে গেল । শুধু দুটো চোখই নয়, সমস্ত মনটাও যেন আকুল লুকুতায় গিয়ে আছাড় খেয়ে পড়ল ঘরের কোণে বড় আলমারির নিচেকার খোলা বড় টানাটার ওপরে ।

টানার মধ্যে খোলা অবস্থায় পড়ে আছে একটা দোনলা বন্দুব—পালিশ করা নলটা ঝকঝক করছে তার । খোলা বন্দুকটার চারপাশে ছড়ানো আছে 'ইলি' আর 'ম্যাগটনের' একরাশ কাঁতুর্জ ।

রক্তাক্ত উত্তেজিত মুখে চারদিকে তাকালো রঞ্জন । ঘরে কেউ নেই । দূরে উঠোনে রঞ্জনের দিকে পিঠ দিয়ে প্রকাণ্ড একটা কাপড়ের দেওয়ালের মতো দাঁড়িয়ে মাসিমা—হাত নেড়ে বাসন-ফাটানো গলায় বক্তৃতা দিচ্ছেন চাকরকে । বাইরের ঘর থেকে টাঁচানো গলাও ফাঁকে ফাঁকে শোন যাচ্ছে বিধুবাবুর : দেওয়ানী মামলায় একটা ছেড়ে অমন দশটা তারিখ নিতেই হয় । আরে, সাংলীসাবুদকে তৈরি করতে হলেও—

মনের সামনে ভয়ঙ্কর একখানা মুখ দেখা দিল যেন বায়স্কোপের ছবির মতো । চোখে আঙুন, চাপা ঠোঁটে বিপ্লবী চট্টগ্রামের রক্তাক্ত প্রতিচ্ছবি ।

—অজ্ঞ চাই আমাদের, প্রচুর অজ্ঞ-শজ্ঞ চাই । বন্দুক, রিভলভার, কার্টিজ । প্রত্যেকটি বিপ্লবীর হাতে অজ্ঞ তুলে দিতে না পারলে দুটো একটা চোরা-গোপ্তা খুন করে লাভ নেই কোনো । সারা ভারতবর্ষের প্রতিটি গ্রামে যদি আমরা চট্টগ্রাম গড়ে তুলতে পারি তা হলে দু বছরই ইংরেজ পালাতে পথ পাবে না । দরকার শুধু অজ্ঞ, যেমন করে হোক সে অজ্ঞ আমাদের যোগাড় করতেই হবে ।

হাত কাঁপছে, পা কাঁপছে । নিজের রক্ত ফুটেছে, তার শব্দও যেন শুনতে পাচ্ছে সে । অতি সন্তর্পণে দেওয়ানের দিকে এগিয়ে গেল সে, দু-হাতে মুঠো করে দশ-বারোটা টোটা তুলে নিয়ে আমার দু পকেটে ফেলল । তারপর তেমনি নিঃশব্দে নিজের জায়গায় এসে বসল । মাথার ভেতর রক্ত গরম হয়ে উঠেছে, অথচ মনে হচ্ছে একটা আশ্চর্য ঠাণ্ডার

হাত পা যেন এলিয়ে আসছে তার।

মাসিমা ফিরে এলেন। এখুনি হয়তো দেবাজের দিকে নজর পড়বে তার, এখুনি হয়তো বলে বসবেন টোটাগুলো কেমন কম কম বলে বোধ হচ্ছে না? তারপর তার পকেটের দিকে তাকিয়ে যদি—

এর পরে মাসিমা কী বলেছিলেন এবং কী জবাব দিয়েছিল, ভালো কবে সে কথা মনেও নেই তার। প্রতিমুহূর্তে আশঙ্কাটা ঠেলে ঠেলে উঠছে, যেন একটা শক্ত খাবার মতো তার গলাটাকে টিপেটিপে ধরবার চেষ্টা করছে—কথা কহিতেও কষ্ট বোধ হচ্ছে তার।

হঠাৎ এক সময় সে নিতান্তই আচমকা উঠে দাঁড়ালো : আচ্ছা, আজ যাই—

—একটু চা খেয়ে যাবি না? জল চাপাতে বললাম যে।

—চা তো আমি খাই না।

—ওঃ, খাস না?—মাসিমা যেন একটা স্বস্তির নিঃশ্বাস ফেললেন। যেন এক পেয়াল। চায়ের বাজে খরচের হাত থেকে বেঁচে গেলেন তিনি, চুন বালির নতুন আস্তর বসানোর খানিকটা খরচ উঠে আসবে এর থেকে। বললেন, তা বেশ, ছেলেবেলায় ও সব বদ্‌অভ্যেস না থাকাটাই ভালো।

—আমি চলি তা হলে—

—আচ্ছা আয় তবে। সরোজকে আসতে বলিস—

—বলব—

দুর্বল পায়ে বেরিয়ে এল রঞ্জন। শরীরটা কেমন ঝিম ঝিম করছে উত্তেজনায়, প্রথম সন্ধায় সবে জলে ওঠা মিউনিসিপ্যালিটির কেরোসিনের আলোটাকে কেমন ঝাপসা লাগছে, যেন ওর ওপরে জমেছে রুষ্টির গুঁড়ো। জামার নিচের পকেট দুটোকে অতিরিক্ত ভারী মনে হচ্ছে, কাতুঁজগুলোর পেতলের ক্যাপে ঘষা লেগে কেমন একটা অস্পষ্ট ক্লিচ্ ক্লিচ্ শব্দ শোনা যাচ্ছে, ঝুঁ ঝুঁ করে অল্প অল্প আওয়াজ দিয়ে উঠল ভেতরকার ছুরাগুলো। সভয়ে দুটো পকেটকে চেপে ধরে এবার জোরে চলতে আরম্ভ করল রঞ্জন। বিধুবাবু মঞ্চের নিয়ে নিবিষ্ট হয়ে আছেন, ওকে দেখতে পেলেন না। দেখা দেবার মতো অবস্থাও নয় তার—দীর্ঘজীবী হোক বিধুবাবুর দেওয়ানী মামলার মঞ্চের।

পথের দুধারেঘর বাড়িমাছুষগুলো যেন ছায়াবাজীর মতো নাচছে, গাছপালার ছোপ লাগা আকাশটা দুলছে নাগরদোলায়। কারো চোখের দিকে চোখ তুলতে পারছে না মনে হচ্ছে সকলে যেন তীক্ষ্ণতীক্ষ্ণ দৃষ্টিতে তাকিয়ে আছে তারই পকেট দুটোর দিকে। হঠাৎ যেন শরীরের ওজনটা অতিরিক্ত হালকা হয়ে গেছে তার, পা দুখানা তার নিজেরই ছেঁয় চলছে না—হাওয়ায় ভেসে যাচ্ছে কাগজের টুকরোর মতো। অতিরিক্ত উত্তেজনায় সমস্ত মস্তিষ্কটাই তার কাঁকা হয়ে গেছে, তাই শরীর থেকে লোপ পেয়েছে মাধ্যাকর্ষণবোধ।

সাইকেল চড়া সেই লোকটা । এতদিনে নামটাও জানা হয়ে গেছে তার, আই-বি কনস্টেবল ইয়াদ আলী । ভাগাড়ের সম্মানে উড়ন্ত শকুনের মতো চোখের দৃষ্টি । হঠাৎ এসে যদি পথরোধ করে দাঁড়ায়, যদি বলে দাঁড়ও, তোমার পকেট দুটো একবার সার্চ করে দেখব ?

দিশেহারার মতো রঞ্জন চলতে লাগল । ধাক্কা লেগে গেল একজন পথচারীর সঙ্গে, সে ধমক দিয়ে উঠল : অমন করে ইটছ কেন খোকা, একটু চোখ চেয়ে চলতে পারো না ।

গোষ্ঠের মেলায় চুরির অংশ নিয়েছিল, আজ সে নিজেই চুরি করেছে । চুরি করেছে রঞ্জন—একটা মিথ্যা কথা বলতেও যার বুক থর থর করে কঁপে ওঠে । আশ্চর্য বদলে গেছে জীবনবোধ, বদলে গেছে জীবনের দৃষ্টি । আজ জেনেছে বৃহত্তর, মহত্তর সত্যের জন্তে এ সমস্ত ছোট কাজ করায় কোনো অপরাধ নেই । এ তার দায়িত্ব, এ তার কর্তব্যের অঙ্গ । হত্যার চেয়ে বড় পাপ নেই, কিন্তু ‘পথের দাবী’র সবাসাচী তো সেই হত্যারই রক্তবন্দনা গেয়েছেন । লক্ষ লক্ষ মানুষের রক্ত দিয়েই স্বাধীনতার পূজাঞ্জলি । হাজার হাজার মানুষের শবদেহ বিছিয়ে সেই রক্তধারার ওপরেই গড়ে ওঠে সেতু । তাই নিজের জন্তে যা অপরাধ, দেশের জন্তে তাই পরম পুণ্য । একদিন চুরি করে নিজেকে কলঙ্কিত বোধ করেছিল, আজ গৌরবান্বিত মনে হচ্ছে, আজ মনে হচ্ছে মহাশাগরে তুফান তুলতে একটুখানি ঢেউয়ের দোলা সেও জাগিয়ে দিতে পারে হয়তো ।

—এমন হন্ হন্ করে কোথায় চললি গঙ্গাফড়িং ?

পাখরের মতো পা থেমে গেল রঞ্জনের । সঙ্গে সঙ্গে স্বস্তিরও একটা নিঃশ্বাস পড়ল । ভোনা । গলায় একটা রুমাল বেঁধেছে গুণ্ডার মতো করে, একটা পানের দোকানের সামনে দাঁড়িয়ে সিগারেট খাচ্ছে ।

—কোন লক্ষা জয় করতে যাচ্ছ বৎস ?

সিগারেটের ধোঁয়া ওড়ালো ভোনা । পাকামি-ভরা মুখটা বুড়ো মানুষের মুখের মতো দেখাচ্ছে এখন, যেন একেবারে ভবেন মজুমদার । আশ্চর্য, আট ন মাস আগে এই ভোনাই বেরিয়েছিল নন্-কো-অপারেশন আর বিদেশী বয়কট করতে, এই ভোনাই সিগারেটের স্তূপে আঙন ধরিয়ে জালিয়ে দিয়েছিল । শুধু ভোনাই নয়, আবার তো লোকের মুখে মুখে তেমনি করে সিগারেট জ্বলছে, মদের দোকানে তেমনি তো চলছে লোকের আনাগোনা । তা হলে ? বেগুদার কথাই ঠিক । সত্যগ্রহ আন্দোলন নিজেকে ফাঁকি, দেশকেও ফাঁকি । বেনোজলের মতো তো এসেই মিলিয়ে যায়, চিহ্নও রাখে না । বানের ঘোলা জল নয়, রক্ত-সমুদ্রের দোলা চাই এবারে ।

কিন্তু নিচের দুটো পকেটভরা তার টোটা । আর সাইকেলে চড়ে ইয়াদ আলী সারা শহরটা চষে বেড়াচ্ছে । রঞ্জন আরো জোরে এগিয়ে চলল ।

—বেগুদা, বেগুদা ?

বাড়ির দরজায় যখন পৌঁছুল তখন হাঁপাচ্ছে সে। সদর দরজা খুলে হাসিমুখে করুণাদি এসে হাজির : এমন ব্যতিব্যস্ত হলে যে ? ব্যাপার কী ?

—খুব জরুরি দরকার।

—কী দরকার ?

সত্যি কথাটা বলা যাবে না, কিন্তু মায়ের মতো দৃষ্টি যাব চোখে সেই করুণাদির কাছে মিথ্যেও বলা চলে না। উত্তর দিল না, দাঁড়িয়ে রইল মাথা নিচু করে।

করুণাদি আবার জিজ্ঞাসা করলেন, কী দরকার ?

—বেগুদাকে বলব।

—ওঃ—করুণাদি কয়েক মুহূর্ত স্থির দৃষ্টিতে চেয়ে রইলেন ওর দিকে। বললেন, ভেতরে এসো ভাই।

ভেতরে ঢুকতে করুণাদি দরজাটি বন্ধ করে দিলেন। তারপর একখানা হাত রাখলেন ওর কাঁধের ওপর। আন্তে আন্তে বললেন, তোমাকে ছোট ভাইয়ের মতো বলেই জানি। একটা সত্যি কথা বলবে ?

সন্দেহে বুকটা টিপ টিপ করতে লাগল, কপালে ঘাম ফুটে বেরল বিন্দু বিন্দু করে।

—বলুন।

—তুমি কি শেষ পর্যন্ত ওই দলে গিয়ে ভিড়েছ ?

রঞ্জন নির্বাক।

—ও পথে যেয়ো না, ও ছেড়ে দাও।

বেগুদার বোনের মুখে কথাটা শোনালা নতুন রকম। বিস্মিত চোখের দৃষ্টি তুলে ধরল রঞ্জন। এ কার কাছে কী শুনছে সে।

—হ্যাঁ ভাই, ছেড়ে দাও।—সঙ্ঘার অঙ্ককারে, একটু দূরের লঠনের ক্ষীণ আবছায়া আলোতেও দেখতে পেলো করুণাদির চোখ অশ্রুতে চক চক করছে : কেন এ সর্বনাশা খেলায় নেমে পড়েছ ? এ যজ্ঞে কি সবাইকে বলি দিতে হবে—কাউকে বাদ দেওয়া যাবে না ?

ভয়ঙ্কর চমকে উঠল সে। কী একটা বলতে গিয়ে থর থর করে কঁপে উঠল চোঁট। তার কপালের ওপর করুণাদির এক কঁোটা চোখের জল এসে পড়েছে। একবিন্দু তরল আগুন যেন।

সীমাহীন বিষম আর বেদনায় সারা বুকটা যেন মোচড় খেয়ে গেল : আপনি কাদছেন করুণাদি ?

—হ্যাঁ, কাদছি—করুণাদি আঁচল দিয়ে চোখ মুছলেন : কেন যে কাদছি আজ তুমি

তা বুঝতে পারবে না। এই আঙনে কত ফুলের মতো ছেলে পুড়ে ছাই হয়ে গেছে।
যাদের বাঁচা উচিত ছিল, তারাই মরেছে সব চেয়ে আগে। কী লাভ হল এতে ?

বিশ্বয় ব্যাকুল হয়ে রঞ্জন বললে, করুণাদি, আমি তো—

—না, কিছু বুঝতে পারবে না। তুমি বুঝতে পারবে না আজ কেন আমার স্বামী
থেকেও নেই, কেন আমি দিনরাত এমন করে তুষের জালায় জ্বলছি। শুধু তোমাকে
একটা কথা বলব তাই। তুমি কবি—তুমি গুণী। তুমি বাঁচবার চেষ্টা করো, মরার
লোভকে জয় করতে চেষ্টা করো। ঢের বেশি কাজ হবে তাতে। এ তোমার পথ নয়
তাই, এ রক্তের পথে তুমি যেয়ো না।

আরে—এ কী হল। করুণাদি হঠাৎ আশ্চর্য-বিস্মৃত হয়ে গেলেন। ৬২ সামনেই
উচ্ছ্বসিত ভাবে কাঁদতে শুরু করে দিলেন তিনি, কান্নার বেগে তাঁর সর্বাঙ্গ কাঁপতে
লাগল।

আর পাথরের মতো দাঁড়িয়ে রইল রঞ্জন। কিছুই বুঝতে পারছে না। শুধু বিধুবাবুর
ড্রয়ার থেকে চুরি করা যে কার্ভাজলোকে এতক্ষণ নিজের বিজয়ের প্রতীক বলে মনে
হচ্ছিল, হঠাৎ যেন একটা অর্থহীন ব্যর্থতায় তারা সমাচ্ছন্ন হয়ে গেছে, আকর্ণ হয়ে
গেছে কলঙ্কিত শূন্যতায়।

তেরো

সময় উড়ে চলেছে, পাখা মেলে দেওয়া সোনালী রঙের সময়। না—সোনালী নয়,
আগ্নেয় রঙের সময়। বাংলা দেশের প্রতি প্রান্তে প্রান্তে অগ্নিগিরির আত্মবিদারণের
সূচনা। ডাকাতি, ষড়যন্ত্র আর অস্ত্র আবিষ্কার, স্বৈরাচার অফিসারের বুলেট-বৈধা বুকের
রক্তে রাঙা হয়ে যাচ্ছে মেদিনীপুরের খেলার মাঠের সবুজ ঘাস, রক্তে কলঙ্কিত হয়ে
গেছে অহমিকার ভূর্গ রাইটার্স বিল্ডিংয়ের ঝকঝকে মেঝে পর্যন্ত। হাওয়ায় ভেসে গেছে
তিন বছর সময়। এর মধ্যে ম্যাট্রিক পাস করেছে সে, পাসের পব শহরে গিয়ে ভর্তি
হয়েছে কলেজে, তারপর গরমের ছুটিতে ফিরেছে মুকুন্দপুরে।

অন্তরীণবন্দী রঞ্জন চট্টোপাধ্যায় চোখ তুলে তাকায় সামনের দিকে। পদ্মারঘোলা
জল কালো হয়ে এল। দূরের সমস্ত উঁচু মাঠটার চূড়ো যেন ঝাপসা হয়ে মিলিয়ে যাচ্ছে
দৃষ্টির সম্মুখ থেকে। গাংশালিকেরা প্রবল কলরবে ঘরে ফিরে আসছে। দূর থেকে কার
গানের স্বর শোনা যায়, বোধ হয় ডাক্তার বাবুর মেয়ে সীতা।

অল্প অল্প বাতাস। সে বাতাসে যেন মনের পাণ্ডুলিপির পাতাগুলো উড়ছে সজে
সজে। কোলের ওপরে খোলা বইটার অক্ষরগুলো একটু একটু করে অস্পষ্ট হয়ে এল। ...

—টক্ টক্ টক্—

দরজায় তিনটে টোকা দিয়ে সে অপেক্ষা করতে লাগল। একেই বাড়িটা আমবাগানের নির্জনতার মধ্যে, বেশ রাত হয়েছে তার ওপরে। এত অন্ধকার যে নিজেকেই ভালো করে দেখতে পাওয়া যাচ্ছে না।

—টক্ টক্ টক্—

আবার টোকা দিলে। সামনের কালো দরজাটা কোনো শব্দ না করে যেন বাতাসে খুলে গেল।

—কে ?

—আমি রঞ্জন।

—ওঃ, ভেতরে আহ্নন।

নারীকণ্ঠ। কিন্তু যে বলছে—অন্ধকাবে দেখা যাচ্ছে না তাকে। নিঃশব্দে আবার পেছনের দরজাটা বন্ধ হয়ে গেল, একটা টর্চের আলো হঠাৎ জলে উঠে উঠানের ওদিকটাতে একটা ঘর পর্যন্ত পথের মতো প্রসারিত হয়ে গেল। অদৃশ্য মেয়েটি আবার বললে, ওই ঘরে চলে যান।

যন্ত্র-চালিতের মতো ঘরটার দিকে এগিয়ে গেল রঞ্জন। দরজা ভেজানো, ফাঁক দিয়ে মিটিমিটে লণ্ঠনের আলো আসছে। কবাটে আবার গোটাকতক টোকা দিতেই বেগুদার চাপা গম্ভীর গলা কানে এল : কাম্ হিন্।

ঘরের মেঝেয় মাহুর পাতা। যারা বসে আছে, লণ্ঠনের আলোয় ভালো করে তাদের দেখা যায় না, কিন্তু তার ভেতরেও নিভূল আর নিঃসন্দেহভাবে চিনে নেওয়া যায় বেগুদাকে।

বেগুদা আবার জিজ্ঞাসা করলেন : কে ?

—আমি রঞ্জন।

—বেশ, বোসো।

স্তব্ধ কঠিন গলা। স্বভাবসিদ্ধ স্নেহের আভাস তাঁর স্বরে কোথাও নেই। অল্প অল্প আলোয় সমস্ত ঘরটায় একটা রহস্যঘনতার আমেজ। এখানে, এইমুহূর্তে যারা বসে আছে, তারা পথে ঘাটে দেখা চেনা মানুষ নয় আর। পাতালের পথে, ছেলেবেলার কল্পনার সেই মাটির তলাকার বোমার কারখানার এরা মানুষ—হুদিরামের কামানের উত্তরাধিকারী। ~~এরা সিঁহলিষ্ট—~~এরা মিচেল কলিন্সের সহকর্মা, সিনফিনের কর্মী, সান্-ইয়াং-সেনের ইয়ং-চারনা আর বক্সার বিপ্লবীদের এরা প্রতিভূ। মুস্তাফা কামাল এদেরই অহুপ্রেরণা।

অন্ধকারের মধ্যে এক কোণায় বসে পড়ল সে। বেগুদা চাপা গলায় শুরু করলেন : টাকা আমাদের চাই। আমাদের যার যা ছিল সাধ্যমতো সবাই তা দিয়েছি।

না. র. ৪র্থ—৫

অথচ পরন্তু কলকাতায় জাহাজ আসবে, মালও আসবে। অন্তত আরো হাজার দেড়েক টাকা যোগাড় না করলেই নয়। পরিমল ?

ঘরের এক কোণ থেকে পরিমলের ছায়াযুক্তি জবাব দিলে, আমি যেমন করে হোক শ দুই জোগাড় করব।

—খ্যাক্স ইউ। বেগুদা হাসলেন : পাটি তো তোমাকে বরাবরই দোহন করে আসছে, তোমার ওপরে আর বেশি চাপ দেওয়া সম্ভব নয়। কিন্তু আর কেউ—

ঘরের সকলে মাথা নিচু করে রইল।

বেগুদা বললেন, সকলের অবস্থাই আমি জানি। সোনার বোতাম থেকে ঘটিবাটি পর্যন্ত বিক্রি করেও টাকা দিয়েছে অনেকে। কী যে করা যায়—। চারদিকে যে রকম ধরপাকড় আর গুণ্ডগোল, কোনো ডাকাতির রিস্কও চট করে নিতে পারছি না এখন। কিন্তু এ অবস্থায়—

—আমি সামান্য কিছু দিতে চাই—

ঘরের সকলের দৃষ্টি ফিরে গেল একসঙ্গে—রঞ্জনেরও। এ সেই অদৃশ্য মেয়েটির গলা। লষ্ঠনের আবছায়া আলোয় চোখ এতক্ষণে অভ্যস্ত হয়ে গেছে, এবার সে তাকে দেখতে পেলো।

লম্বা চেহারার রোগা মেয়ে। কালো পাড়ের একখানা শাদা শাড়ি তার পরনে। এগিয়ে এল নিঃশব্দ একটা ছায়ার মতো। কেমন যেন মনে হল, অন্ধকারের মধ্য থেকে যেমন হঠাৎ সে বেরিয়ে এসেছে তেমনি আকস্মিকভাবেই আবার কোথায় মিলিয়ে যেতে পারে।

—হতপা ?—স্নিগ্ধ বিস্মিত গলায় বেগুদা বললেন, কী দেবে তুমি ?

হাত থেকে ছোট একটা আংটি খুলে হতপা বেগুদার পায়ের কাছে এগিয়ে দিলে : এইটে।

—এই আংটি ?—বেগুদার স্বরে ব্যথা ফুটে বেরুল : এইটে তুমি দিতে চাও ?

—হতপা ষাড় নাড়ল—কথা বললে না।

—কিন্তু—বেগুদা বিরত স্বরে বললেন, এ তো নিতে পারব না।

মুহু স্বরে প্রশ্ন করল হতপা : কেন ?

তেমনি বিরতভাবে বেগুদা বললেন, এ তো তোমার মায়ের স্মৃতিচিহ্ন। আমি জানি এর সত্যিকারের দাম কত। এ বরং নাই নিলাম হতপা।

হতপার চাপা গলা অন্ধকারে যেন শিস দিয়ে উঠল চাবুকের আওয়াজের মতো।

—তাহলে কি মনে করব পাটিকে এটুকু দেবার অধিকারও আমার নেই ? মনে করব, আমি পাটির করুণার পাত্র ?

ঘরের প্রত্যেকটি মানুষ নিঃশব্দ হয়ে বসে রইল, এমনকি বেগুনাও। কয়েকমুহূর্ত পরে আবার সেই ধারালো গলা শোনা গেল: হয়তো দাম এর বেশি নয়, আর সেই জন্তেই—

এবার বেগুনা জবাব দিলেন। শান্ত, বিষন্ন আর গভীর তাঁর কণ্ঠ। বললেন, না, এর এত বেশি দাম যে এরা ঋণ পাঠি কোনোদিন শোধ করতে পারবে না। হার দিয়েছ, চুড়ি খুলে দিয়েছ, জানি, নিজের বলতে শুধু এইটুকুই তোমার ছিলো। তবু আমি এ নিলাম হতপা। আমরা আজ এর দাম দিতে পারব না, কিন্তু দেশ হয়তো দেবে একদিন।

অহুমান ভুল হয়নি রঞ্জনের। চক্ষের পলক না ফেলতেই দেখল ছায়াযুক্তি তেমনি নিঃশব্দ অন্ধকারে মিলিয়ে গেছে। যেন একটা কালো খাপের ভেতর থেকে ক্ষণিকের জ্বলে আশ্রয়প্রকাশ করেছে আবার আশ্রয়গোপন করেছে একখানা তীক্ষ্ণধার তলোয়ার। কিন্তু তলোয়ার যে, কোনো সন্দেহ নেই সে বিষয়ে।

—নাঃ, একটা অ্যাটেম্পট নিতেই হয় তা হলে—বেগুনার স্বর। কিন্তু রঙু ভাবছিল অস্ত্র কথা। মিতা, করুণা, আর হতপা। একজন রূপকথা, একজন মায়ের চোখ, আর একজন আগুনের একটা অপ্রত্যাশিত বলক। কাউকেই ধরা যায় না, অথচ তিনজনকে কেন্দ্র করেই কল্পনা খেয়াল খুশিতে তার জাল বুনে চলে, হারিয়ে যায় অসীম আর অর্থহীন কৌতূহলের গভীরে। আর মিতা—কী অদ্ভুতভাবে ছোট হয়ে যায় এদের কাছে—হয়ে যায় কী মূল্যহীন। তবু—তবু, মিতা কেন হতপা হয় না ?

কিন্তু কৌতূহলজনক কিছু একটা অপেক্ষা করছিল হালদারের জন্তও।

সেই হালদার। ফগীর মাকে বাড়ি থেকে তাড়ানোর ব্যাপারে সেই অত্যাশাহী লোকটি : শহরে সোনারচাঁদির ব্যবসা, বেশ কিছু টাকাকড়ি জমিয়েছে বলে গুণ্ডার দল ভাড়া করে আনে কথায় কথায়। আর ‘তরুণ সমিতি’র ওপরে হাড়ে হাড়ে চটে আছে, শাসিয়ে দিয়েছে বাগে পেলো এদের সে দেখে নেবে।

কিন্তু তার আগে তার নিজেরই যে দিন এগিয়ে আসছিল সে কথা জানত না হালদার।

শীতের রাত নেমেছে। উত্তর বাংলার শীত—হাড় জমানো ঠাণ্ডায় ঝুঁড়ো ঝুঁড়ো বরফের ঝাপটার মতো উত্তরে বাতাস বয়ে যাচ্ছে শৌঁ শৌঁ করে। যেন বা দিয়ে যাচ্ছে কোনো প্রেত-ঈগলের যুত্য়-হিমাক্ত ডানা—রোমকুপগুলো তার স্পর্শে কাঁটার মতো খাড়া হয়ে ওঠে, শরীরের যে জায়গাগুলো খালি তারা যেন অসাড় হয়ে থলে পড়তে চায়, চোঁট মুখ ফেটে রক্ত পড়তে থাকে।

একটি লোক নেই রাস্তায়। শুধু খোয়া-ওঠা পথে খুঁ খুঁ ঝট ঝট আওয়াজ তুলে ঘোড়ার গাড়ি একটা চলে গেল ওদিকের চৌমাথা দিয়ে। কোথায় কেউ কেউ করে

কৈদে উঠছে একটা শীতাত্ত কুকুর। যেন অদেহী কতগুলো ছায়ামূর্তি চলা-ফেরা করছে, চারদিকে তাদের তুষারস্পর্শ সঞ্চার করে। মিউনিসিপ্যালিটির আলোগুলো যথানিয়মে নিবে যাচ্ছে একটার পর একটা।

আর নেমেছে কুয়াশা। সন্ধ্যার কয়লার ধোঁয়া আর রাত্রির হিম একসঙ্গে মিশে কুণ্ডলী পাকাচ্ছে চারপাশে। ঝাপসা ধোঁয়াটে আবরণ চোখের দৃষ্টিতে দেয় জাঁলা ধরিয়ে। ফরসিটায় শেষ টান দিয়ে মস্ত একটা আরামের হাই তুলল হালদার, একবার অজ্ঞানমনস্কভাবে তাকালো পথের দিকে।

এত রাত্রে আর খন্দের আসবে না।

—ওরে জগা, ক্যাশটা দে দেখি।

ক্যাশবাক্স এগিয়ে দিলে জগা। প্রলুব্ধভাবে নোটগুলো গুণতে গুণতে হালদার একবার তাকালেন নিজের আয়রন সেকগুলোর দিকে। বললেন, দরজাটাও বন্ধ করে দে—

দরজা আর বন্ধ করতে হল না অবশ্য। সেদিকে দু'পা এগিয়েই জগা সঙ্গে সঙ্গে তিন পা পেছিয়ে এল। তার মাথার চুলগুলো খাড়া হয়ে উঠেছে, চোখ দুটো যেন ঠেলে বেরিয়ে আসছে আতঙ্কে।

হালদার ধমক দিলেন : কি রে ভূত দেখলি নাকি ?

জগাকে কিছু বলতে হল না, নিজেও দেখলেন হালদার। হাত দুটো থরথর করে কৈপে উঠল তাঁর, টাকাপয়শাগুলো হরির লুটের মতো ঝন্ ঝন্ করে ছড়িয়ে গড়িয়ে গেল মেঝেতে।

দরজা দিয়ে খন্দের ঢুকছে জনচারেক। মুখে তাদের কালো কাপড়ের মুখোশ-পরা। দুজনের হাতে দুখানা বড় বড় বারো ইঞ্চি ছোরা ; বাকি দুজন দুটি ছোট ছোট কালা নল সামনের দিকে বাড়িয়ে দিয়েছে। নল দুটি দেখতে ছোট ইলেও ওদের চেনে বইকি হালদার। ওই নল লগুনের রাজদরবারের ওপরেও বেলশাজার্স ফিস্টের অদৃশ্য হস্তলেখার মতো ছড়িয়েছে অশুভ অপছায়া।

জগা কাঁপতে কাঁপতে গিয়ে কাউন্টারের তলায় ঢুকেছে, ভয় পেয়ে লেজগুটানো কুকুর যেমন করে পালিয়ে আসে সেই রকম। হালদারের মুখের চেহারা অবর্ণনীয়, তার দাঁতে আগুয়াজ উঠছে খট খট শব্দে। মুহূর্তের মধ্যে যেন তুষার-মেকর শীতলতা সঞ্চিত হয়েছে ষরটায়।

—একটা কথা বললেই গুলি করব।—চাপা ভীক্ষস্বরে একজন বললে, দেখি ক্যাশবাক্স—

নিরুত্তরে ক্যাশবাক্স এগিয়ে দিলে হালদার।

—সিন্ড্রকের চাবি।

একটা বুকফাটা কান্না বেরিয়ে আসবার উপক্রম করেছিল হালদারের, কিন্তু সঙ্গে সঙ্গেই যেন লাফিয়ে একটা কালো নল এগিয়ে এল তার কপালের দিকে। মুহূর্তে স্তব্ধ হয়ে গেল হালদার।

মাত্র মিনিট তিনেক সময়। দু হাতে মুখ ঢেকে রইল হালদার, এই শীতের দিনেও কপাল বেয়ে টস্ টস্ করে ঘাম ঝরে পড়ছে তার। কাউন্টারের তলায় কুকুরের ছানার মতো অব্যক্ত একটা কুঁই কুঁই শব্দ করছে জগা—অজ্ঞান হয়ে গেছে খুব সম্ভব।

দরজা দিয়ে বেরিয়ে যাবার সময় একজন আর একবার মুখ ফেরালো হালদারের দিকে। বললে, দরজার বাইরেই পাহারা দিচ্ছি আমরা। কোনো সাড়াশব্দ করেছ কিংবা বেরিয়ে যাবার চেষ্টা করেছে—কি সঙ্গে সঙ্গে শেষ করে দেব।

হালদার জবাব দিলে না। জগার মত সেও জ্ঞান হারিয়েছে বোধ হয়।

দরজার শিকলটা টেনে দিয়ে অন্ধকারে মিলিয়ে গেল চারজন। কোনোখানে দারো সাড়াশব্দ নেই, শুধু শীতাত কুকুরটার একটা কান্না উঠছে অবিশ্রাম। আর পথের ওপর কনকনে শীতে শাদা কুয়াশা নিরবচ্ছিন্ন কুণ্ডলী পাকিয়ে চলেছে, ঝাপ্টা মারছে মৃত ইগলের প্রেত-ডানা, ধোয়া-গুঠা পথের ওপর টপ টপ করে ঝরে যাচ্ছে বরফ-গলা শিশিরবিন্দু।

ঘরের মধ্যে বিক্ষারিত চোখে হালদার ওই কালোকালোনলেরছায়া দেখতে লাগল।

আজ রাত্রে আর ঘুম আসবে না।

লেপের মধ্যে শুয়ে শুয়ে ছটফট করছে রঞ্জন। লণ্ঠনটা কন্ঠিয়ে রাখা হয়েছে, অন্ধকার ঘরে ওইটুকুই শুধু একটুখানি আলোকবৃত্ত। কিন্তু তার চোখের সামনে যেন আলোর কণা—ঠিকরে ঠিকরে পড়ছে, ভেঙে গুঁড়ো গুঁড়ো হয়ে যাচ্ছে। তারপর ধুলোর মতো আরো অস্পষ্ট হয়ে রেণু রেণু হয়ে পাক খাচ্ছে জ্যোতির ঘূর্ণির মতো। পা দুটো এখনো বড় বেশি ঠাণ্ডা—পেরিয়ে এসেছে মেরু-মস্তিকার তুহিনতা, পায়ের পাতা শরীরের একটু ওপরদিকে ছোঁয়ালেই ঠাণ্ডায় শিউরে উঠছে চামড়া।

ঘুম আসবে না। মাথার মধ্যে বিপর্যয় কাণ্ড চলেছে—ছিঁড়ে পড়তে চাইছে রগগুলো। একটা কালো শীতল সাপের মতো কী যেন চেতনায় শিউরে শিউরে উঠছে। আজ তার প্রথম হাতে-খড়ি। রক্ত-ঝরা দুর্গম পথে এই প্রথম অভিসার শুরু হল।

ডাকাতি।

সে ডাকাতি করেছে। হালদারের দোকানে হানা দিয়ে টাকায় গয়নায় হাজার তিনেক টাকার মতো সংগ্রহ করা হয়েছে আজ। এ ছাড়া উপায় ছিল না। জরুরি তাগিদ, জরুরি প্রয়োজন। কলকাতায় জাহাজ এসে পৌঁছেছে, আর অপেক্ষা করলে কতকগুলো ভালো ভালো জিনিস যেত হাতছাড়া হয়ে।

ভাঙাতি করেছে সে। ভালো মানুষ রঞ্জন, লাভুক রঞ্জন। ছেলেবেলায় হাড়গিলা পাখির ডাক শুনে যে ভয় পেয়েছিল—সেই মানুষ। তাকে হাতছানি দিয়েছিল ডাঙ্ক-ডাকা কালীসঙ্কায় অশরীরী অবিনাশবাবু, নির্জন কাঞ্চন নদীর ধারে একা একা আসতে তার আতঙ্কের সীমা ছিল না। এমন কি এই সেদিন, মাত্র দু বছর আগেও সে নির্ভয়ে গোমেজ সাহেবের কুঠি-বাড়ির ববরখানায় আসতে সাহস পায়নি, সে আজ ভাঙাতি করল।

কী জীবন ছিল। চোখ ভরা ছিল মালঞ্চমালা-পাশাবতীর স্বপ্ন; খিড়িকির বাগানের ঠাণ্ডা ছায়ায় চাইগাদার পাশে বসে একা একা ভাবতে ভালো লাগত, ভালো লাগত বুক ভরে বাতাবী-ফুলের গন্ধভরা বাতাস টেনে নিতে; রেললাইনের চলন্ত গাড়িগুলোর দিকে তাকিয়ে তাকিয়ে বন্ধনা-বিহ্বল মন কোথা থেকে কোথায় যে ভেসে যেত তার, জুগলের পাতায় পড়া কোন্ তুষার-মেরুর আশ্চর্য বিস্তারে, কোন্ আফ্রিকার নীল জঙ্গলে, পাহাড়ের বৃকের মধ্যে গর্জে গর্জে ওঠা কোন্ দূর ফেনিল কলর্যাডো নদীর ধারে ধারে। তারপর সংঘমিত্রা। না—মিতা। হেনার কুঞ্জে সাজানো সেই বাগানটা—সেখানে একটা চিতি হরিণ, আর হরিণের মতো যার চোখের দৃষ্টি—

অথচ কী হল। সেইখানেই সে পেল মৃত্যুর দীক্ষা। পেল ‘পথের দাবী’র পথ। আজ সেদিনের নিজেকে আর খুঁজে পাওয়া যায় না, আজ সেদিনের মনটাকে ইচ্ছে যায় করুণা করতে। বিপ্লবী, নির্ভীক। রবীন্দ্রনাথের সেই পংক্তিগুলো মনে পড়ে :

“চাবো না সম্মুখে মোরা, মানিব না বন্ধন-ক্রন্দন

হেরিব না দিক,

গণিব না দিনক্ষণ, করিব না বিতর্ক-বিচার

উদ্ধাম পথিক।

মূহুর্তে করিব পান মৃত্যুর ফেনিল-উন্মত্ততা

উৎকণ্ঠ ভরি—”

হাঁ, তাই। মৃত্যুর ফেনিল উন্মত্ততাই আজ কণ্ঠভরে পান করে নিতে হবে। যদ সে খায়নি কিন্তু এর চাইতেও তীব্র কি তার নেশা, তার জালা কি এর চাইতেও উদগ্র ? সেদিনের সেই কিশোর স্বপ্ন-বিতোর রঞ্জু চিরদিনের জুড় তলিয়ে যাক, হারিয়ে যাক। মরণের মধ্য দিয়ে বিপ্লবী রঞ্জন রচনা করে যাক তার আত্ম-কাহিনী : “মোদের মৃত্যু লেখে মোদের জীবন ইতিহাস—”

কিন্তু ভাঙাতি ?

বাইরে কিসের শব্দ ? কেউ হাঁটছে না ?

চকিত হয়ে সে বিছানায় উঠে বসল—বৃকের মধ্যে ধড়াস ধড়াস আরম্ভ হয়ে গেছে॥

ওই পায়ের শব্দটা যেন হৃৎপিণ্ড থেকে উঠে আসছে, উঠে আসছে তার স্বাসনালী চেপে ধরতে, তার নিশ্বাস রুদ্ধ করতে। রক্ত-মাথানো কয়েকটুকরো রুটি আর কয়েকটা কালো টাকার লোভ চারদিকে জ্বাল ফেলে ঘুরে বেড়াচ্ছে টিকটিকির সর্দার সেই ধনেখরটা। আর ছাই রঙের কোট পরা ইয়াদ আলী, বর্ণচোরা আরো অজস্র—দেশের হৃৎপিণ্ডে যেখানে এতটুকুও প্রাণ ধুক ধুক করছে, উদ্ভূত শকুনের মতো চক্র দিয়ে ঘুরে বেড়াচ্ছে তারি ওপরে হৌ দিয়ে পড়বার জন্তে। তাদেরই কেউ বাইরে ঘুরে বেড়াচ্ছে না তো।

—টপ টপ—

না। টিনের চালের ওপর থেকে বরফ-গলা জল গড়িয়ে গড়িয়ে পড়ছে নিচের মরা ঘাসের ওপর। কিন্তু তবু ওদের বিশ্বাস নেই। শহরে এর মধ্যেই পাঁচ-সাতটা বন্দুক চুরি হয়ে গেছে, দুটো ডাকাতিও হয়েছে গ্রামের দিকে। এখন যেন হস্তো কুকুরের মতো ঘুরছে ধনেখর। কোনোটা বা কিছু কিনারা করতে পারেনি, তাই অনবরত সার্চ চলেছে শহরে, দুবার সার্চ করেছে বেগুদার বাড়িতেই। আর আছে সংশোধিত ফোজদারী আইন, শহরের অমুশীলন দলটাকে প্রায় বেড়েন দিয়ে জেলে নিয়ে চুকিয়েছে। শুধু ওদের এখানেই এখনো নাক গলায়নি, সবহুদ একসঙ্গে নিয়ে জাল টানবার মতলব আছে কিনা কে জানে। অন্তত বেগুদার যে আর খুব বেশি বাকি নেই একথা নিজেই তো তিনি বলছিলেন সেদিন।

ধ্যাং—কী বাজে ভাবনা এসব। ভয় পাচ্ছে নাকি রঞ্জন ? ভয় পাচ্ছে জেলে যেতে ? আজকে যে ডাকাতি করেছে, ধরা পড়লে তার শাস্তিটা কল্পনা করে কি আতঙ্কে বুকের মধ্যে রক্ত জমাট হয়ে আসছে তার ? না—কোনো ভয় নেই, কোন আশঙ্কাই নেই তার। জেলকে ভয় করবে না, কৈপে উঠবে না সি-আই-ডির হাজার অত্যাচারের আতঙ্ককর সম্ভাবনায়। দূর কালাপানির ওপায়ে বিভীষিকাতরা আন্দামান। প্রাগৈতিহাসিক লস্ট ওয়ার্ল্ডের মতো অমামুষিক বিভীষিকায় ভরা। এখাচ আজ তাই নতুন একটা রামধনুকের দ্বীপের মতো তাকে মায়াময় আহ্বান পাঠাচ্ছে। যেদিন ফাঁসির দড়ি গলায় নিয়ে সে হাসিমুখে কাঠগড়ায় গিয়ে দাঁড়াবে বিপ্লবী কানাইলালের মতো, অজ্ঞাত শহীদদের মতো তারও গান হবে কোনো জ্যোতির্ময় সপ্তশিলোকে, সেদিনের চেয়ে কোন্ বড় গৌরব আছে আর ?

কোনো বন্ধন আছে কি ? কোনো মোহ ? বিপ্লবীর পিছুটান থাকতে নেই। কতবার সে তো নিজের খেয়ালে আর্ত্তি করেছে—“বাড়ের গর্জন মাঝে, বিচ্ছেদের হাহাকার বাজে।” কবিতার খাতায় ছন্দে ছন্দে রূপ দিয়েছে তার সেই অল্পপ্রেরণাকে : বন্ধন নয়, ক্রন্দন নয়, মুক্তির স্পন্দন—

তবুও—

তবুও কে ? মিতা ?

হঠাৎ রঞ্জু চঞ্চল হয়ে উঠল। এই তিন বছরে অনেক ঘনিষ্ঠভাবে এসেছে মিতার সংস্রবে, মেশবার সুযোগও পেয়েছে। জেনেছে পরিমলের বোনও পিছিয়ে নেই, সেও ওদেরই একজন। সেও স্বর্ঘ্যখী—তারও তপস্যা আয়েষ তপস্যা। তবু—

মিতা বড় হয়েছে, উঠেছে মাটিকুলেশন ক্লাসে। ছেলেমানুষ রঞ্জু আজকে হয়েছে তরুণ, সেদিনকার ছোট মেয়েটি আজকের তরুণী। তার শান্ত চোখে ধার এসেছে এখন। চলায় যেন টেউ লাগে আজকাল। তাকিয়ে তাকিয়ে দেখতে ভালো লাগে, একটা পদ ভুলে যাওয়া গান যেন মনের ভেতবে রচনা করে সুরের কুশাশ।

আন্তে আন্তে একটা ঘোর এসে মনকে আচ্ছন্ন করতে লাগল। এখানে নয়—এখানে নয়। এ পৃথিবীতে মিতা কেউ নয় ওর। এ সাজানো আলমারি থেকে মিতাকে বের করে আনতে হবে রক্তবরা জীবনের মাটিতে। ভাবতে হচ্ছে করে জালালাবাদ পাহাড়ে কিংবা ময়ূবভঞ্জের জঙ্গলে বুড়ীবালাম নদীর একটা পরিবেশ; সমস্ত শরীর জলছে যেন মশালের মতো, টগবগিয়ে ফুটছে রক্ত। কারণ, ওদিকে টিলা আব জঙ্গলের আড়ালে এগিয়ে আসছে পুলিশ বাহিনী।

—আর্যস্ কমরেড্‌স্—

কমরেড্‌স্! মাত্র দুজন। ও আর মিতা। পাশাপাশি দুজনে দাঁড়িয়েছে। একবার শুধু পরস্পরের দিকে তাকালো ওরা, তারপরই ওদের রিভলভার গর্জন কবে উঠল। প্রাণ হতক্ষণ আছে ততক্ষণ লড়াই। হঠাৎ একটা গুলি এসে বুকে লাগল—হৃৎপিণ্ডটাকে ছিঁড়ে বেরিয়ে চলে গেল—মৃত্যুর তপ্ত পরোয়ানা। পরম শান্তিতে চোখ বুজবার আগে শেষবারের মতো দেখল নীল আকাশ আর মিতার চোখ একাকার হয়ে যাচ্ছে—

ধ্যাৎ—কোনো মানে হয় না। কী যে হয়েছে, কিছুতেই ওই মেয়েটাকে মন থেকে বিসর্জন দিতে পারে না, একটা নেশা যেন ঝিমঝিম ঝিমঝিম করে রক্তের মধ্যে ঘুরে বেড়ায়। না—কোনো সঙ্গী নেই বিপ্লবীর। একলা পথেরই সে যাত্রী: “এখনি অন্ধ, বন্ধ কোরো না পাখা—”

কিন্তু ডাকাতি।

হালদারের মুখটা মনে পড়ছে। কী অদ্ভুত বিবর্ণ আর বিকৃত। যদি ধরা পড়ে? কাল সকালে যদি পুলিশ আসে?

উঠে বসল রজন। ভয় পাচ্ছে—দুর্বল হয়ে পড়েছে নিঃসন্দেহ। না—এ চলবে না। বিধুবাবুর বাড়ি থেকে যেদিন টোটা চুরি করেছিল, সেদিন কি এর চাইতেও বেশি বুক কেঁপেছিল তাব? ধরা পড়ুক—দ্বীপান্তর হোক, ফাঁসি হোক। আর নয়। ‘অমর-মরণ রক্ত-চরণে ডাক দিয়েছে, ভয়ের জঞ্জালে আঙুন ধরিয়ে দাও আজকে।’

খুশ আসবে না নিশ্চয়ই। লিখলে কেমন হয়? মনের এই অস্থিরতা ঋনিকটা কেটে

যাবে হয়তো। প্রথম ডাকাতির অভিজ্ঞতা যেন স্নায়ুগুলোকে তার এখনো বিপর্যস্ত আর বিশৃঙ্খল করে রেখেছে।

কাগজ কলম টেনে নিয়ে লিখতে বসল :

পুঞ্জিত হল ঘন দুর্ধোণ
 তিমিরে হারালো চন্দ্র,
 মহাকদ্রের কাল-মন্দিরা
 বেজে ওঠে মেঘমন্দ্র।
 মত্ত-সিদ্ধু করি ঝংকৃত,
 কার ধনু আজ হল টংকৃত
 থরো থরো করি কাঁপে দিগধু
 রজনী বিগত-তন্দ্র—

বেশ লাগছে লিখতে। নিজের লেখার ঝঙ্কার নিজের কানেই উঠছে রন্বনিয়ে। মিতা তার কবিতা পড়ে বলেছে, বিপ্লবী বাংলার বিপ্লবী কবি সে। নজরুলের মতো সেও বাজাবে অগ্নিবীণা, প্রলয়-শিখা জালিয়ে দেবে, ভাঙার গানে শতখান করে দেবে কাবাগারের লৌহকপাটকে। কবি—

কিন্তু—কবি।

—এ পথ তোমার নয় ভাই, এ রক্তের পথ তোমার নয়—

করুণাদির কথা। মায়ের মতো দুটি মমতা-শীতল চোখে তাঁর জল নেমে এসেছিল সেদিন। মুখখানা ভালো করে চেনা যাচ্ছিল না, তার ওপর যেন একটা অদৃশ্য মাকড়সা তার কুলী পা টেনে জাল রচনা করেছিল একটা। সেই সন্ধ্যায় কেন কে জানে করুণাদি অদ্ভুতভাবে দুর্বল হয়ে পড়েছিলেন, হারিয়ে ফেলেছিলেন নিজের স্বাভাবিকতা। যে কথাগুলো বলেছিলেন তাদের বেশির ভাগেরই কোনো মানে বুঝতে পারেনি সে। যেন করুণাদিরই অর্থ বোঝা যায় না। আজ মনে হয় একটা স্বপ্নই বুঝি দেখেছিল সে।

স্বপ্ন ছাড়া আর কী। তারপরে তো করুণাদি কোনো কথাই বলেননি আর। শুধু ও সম্পর্কে নয়, কেমন হয়ে গেলেন আজকাল—বেশি কথাই বলেন না। সেই স্নেহ আছে, চোখেব সেই স্নিগ্ধতাও আছে ঠিক আগের মতোই। তাঁর কাছে গেলে তেমনি করেই মাঝে মনে পড়ে, মনে পড়ে যায় ছোড়দিকে। অথচ—অথচ, কিছু একটা ঘটেছে নিশ্চয়। আর একদিনও মনে হয়েছিল একা একা বসে তিনি কাঁদছেন—রক্তকে দেখেই চোখ মুছে ফেললেন।

—কী ভাই, দেশের স্বাধীনতা এনে ফেলেছো ?

খুব হালকা আর সহজভাবে কথাটাকে বলতে চাইলেন কিন্তু সে সহজ স্বর তাঁর

কথায় বাজল না। নিজেরই কেমন অপ্রস্তুত লাগে আজকাল। করুণাদির সামনে বড় অপরাধী বলে বোধ হতে থাকে, চোখের দিকে চোখ তুলে তাকানোর সাহস হয় না।

—তুমি কবি, তুমি শিল্পী। এ সর্বনাশা খেয়াল তুমি ছেড়ে দাও—

কেন এই কথা? আর এ কথার সঙ্গে তাঁর নিজের জীবনের ব্যর্থতার সম্পর্কই বা কী? কোথায় কী একটা লুকিয়ে আছে করুণাদির, একটা রহস্যময় গভীরতা ঘিরে আছে তাঁকে। সেটাকে জানা যায় না বলেই যেন তাকে কেন্দ্র করে একটা ব্যবধান মাথা তুলেছে আজকাল।

পরিমলকে জিজ্ঞাসা করেছিল একদিন।

—তুই বলেছিলি ভারী দুঃখের জীবন করুণাদির। কিসের দুঃখ রে?

কয়েক মুহূর্ত চুপ করে রইল পরিমল। বললে, অল্প অল্প শুনেছি, ঠিক জানি না। তবে যেটুকু জানি সেটা বলা ঠিক হবে কিনা বুঝতে পারছি না।

—তবে থাক।

কিন্তু কেমন যেন লাগে। নিজের লেখা কবিতাগুলোর পেছন থেকে যেন উঁকি দেয় কারো ভৎসনাতর। দৃষ্টি। সত্যিই কি ভুল পথ। কবির অস্ত্রে অস্ত্র নয়, কল্পনা-বিলাসীর জন্তু নয় শিবিরের প্রস্তুতি?

একটা দীর্ঘশ্বাস ফেলে অসমাপ্ত কবিতাটা বন্ধ করে ফেলল রঞ্জু। বাইরে থেকে এল মোরগের ডাক। জানালার ফাঁকে ফাঁকে ঘরে এসে লুটিয়ে পড়ল ভোরের আলো।

দিন কয়েকের মধ্যেই জোর ধর-পাকড় শুরু হয়ে গেল শহরে।

হালদার কোম্পানির দোকান লুঠ সাড়া জাগিয়ে তুলেছে চারিদিকে। এমন চাঞ্চল্যকর ঘটনা আর কখনো ঘটেনি মুকুন্দপুরের জীবনে। কোতোয়ালী থানা থেকে মাত্র তিনশো গজ দূরের মধ্যে এই ডাকাতি। ভাড়াতাড়ি এর একটা হুরাহা না করতে পারলে—ওঃ লর্ড, দি ব্রিটিশ প্রেসিডেন্সি ইজ লস্ট ফর গুড্।

পুলিসের দাপটে দিনকতক একেবারে তটস্থ রইল সমস্ত। ধনেধরের আহ্বাননিদ্রা বন্ধ হয়েছে, সাইকেল দাবড়ে সারা শহর ঘুরে বেড়াচ্ছে দিন-রাত। লোকটাকে দেখলেই গায়ে মধ্য নিসপিস করে। গুলি করে নয়, গলা টিপে খুন করতে ইচ্ছে হয় লোকটাকে। অথবা কোনো কালী-মন্দিরের সামনে বাজনা বাজিয়ে নরবলি দিতে। কল্পনায় ভেসে ওঠে লোকটার আর্তনাদ, প্রাণের জন্তু ওদের পায়ের কাছে মাথা কোটা।

ঘরেছে অনেককেই। কিন্তু আশ্চর্য, যাদের ধরা উচিত ছিল তাদের টিকিটি ছুঁতে পারেনি এ পর্যন্ত। ‘তরুণ সমিতি’র লাইব্রেরী এসে খুঁজেছে তছনছ করে, জিম্ভাস্টিক ক্লাবের কয়েকজন ভাগড়া ভাগড়া ছেলেকে ধরে নিয়ে গিয়ে আটকে রেখেছে। ধনেধর নিজে এসে দেখা করে গেছে বেগুদার বাড়িতে। কী বলে গেছে সেই জানে। পরিমলকে

জিজ্ঞাসা করেও জানতে পারেনি রঙ্গু।

মনের মধ্যে বতাই জোর আনতে চেষ্টা করুক—বুক ধড়ফড় করে। রাত্রে ঘুমের মধ্যে চমকে ওঠে, যেন শুনতে পায় পুলিশের বুটের শব্দ। স্বপ্নে দেখে ধনের্বর ওর হাতে হাতকড়া পরিয়ে দিচ্ছে। ঘুম ভেঙে যায়, নিজের দুর্বলতায় নিজেরই লজ্জার সীমা থাকে না।

করুণাদির কথাই কি ঠিক? সে কি পথের অযোগ্য?

কিন্তু এ অযোগ্যতা মেনে নেওয়ার চাইতে আত্মহত্যা করাও ভালো।

‘তরুণ সমিতি’র লাইব্রেরী আজকাল বন্ধ। জিম্মাষ্টিক ক্লাবে একসারসাইজও হয় না আজকাল। এখন দেখাশুনো, কথাবার্তা সব আড়ালে, সব রাত্রির অন্ধকারে। আনন্দ, উত্তেজনা আর ভয়ের একটা গুরুভার যেন সব সময়ে হৃৎপিণ্ডের ওপর চেপে বসে থাকে এখন। ফাঁসিকাঠের জ্যোতির্ময় পথটা ক্রমশ যেন স্পষ্ট প্রত্যক্ষ হয়ে উঠেছে দৃষ্টির সামনে। পরিমলের সঙ্গে একবার দেখা করা জরুরি দরকার।

সন্ধ্যা হয়ে এসেছে, শীতের আকাশে জমেছে খানিকটা থমথমে বাদলের সংকেত। বিদ্যুতের রক্তাক্ত কণা তাড়িয়ে নিয়ে চলেছে একপাল পাগলা হাতীর মতো একদল ঝোড়ো মেথকে।

বাড়ি থেকে বেরুনো দরকার। কিন্তু এখন আর শাসন নেই তেমন। ছ’মাস আগে বেদনাভরা বন্ধনমুক্তি হয়ে গেছে, তিন দিনের জরে মা হারিয়ে গেলেন। সেই থেকে বাবারও কী হয়েছে—বাইরে বাইরেই ঘোরেন, বাড়িতে আসেন মাসে দুদিন কি একদিন। দাদা তার থিয়েটারের রিহার্সাল নিয়ে ব্যস্ত, মেজদা বরাবর কলকাতায় মামার কাছে থেকে লেখাপড়া করে—সেও ছুটি-ছাটায় আসে এখানে। বাড়িতে ছোট বোনরা আর ঠাকুরমা ছাড়া তবাবধানের লোক নেই কেউ। কিন্তু ঠাকুরমা! দুবেলা পা ছড়িয়ে বসে তাঁর কান্না চলে মায়ের অস্ত্রে। মাকে হারানোর চাইতে ও কান্নাটাকে আরো বেশি অসহ্য, আরো দুঃসহ মনে হয়।

তবু একদিক থেকে এই ভালো। অবোধ মুক্তি—স্বাধীনতা। যতক্ষণ খুশি বাইরে থাকো, যেখানে খুশি যাও। তিরিশ সালের বজ্রায় ঘর থেকে বেরিয়ে যাত্রা করতে চেয়েছিল সমুদ্রের অভিসারে, বিপ্লবীর আকাজক্ষা জেগেছিল সব কিছু বাঁধনকে ছিঁড়ে টুকরো টুকরো করে অজানিতের স্রোতে ঝাঁপিয়ে পড়তে। সে আকাজক্ষা পূর্ণ হয়েছে। মায়ের জন্ত অসহ্য কষ্ট হয় মধ্যে মধ্যে, ছেলেমানুষের মতো কঁদে উঠতে ইচ্ছে করে এক এক দিন রাত্রে—তবু এই ভালো। অনেকটা ক্ষতিকে মেনে না নিলে অনেক বড়কে পাওয়া যায় না, মহত্তর দুঃখই তো বয়ে আনে মহত্তম গৌরব।

তাই আকাশে মেঘ দেখেও বেরিয়ে পড়ল। ঠাকুরমা যথানিয়মে তাঁর বিলাপ আরম্ভ

করে দিচ্ছেন। ওই কান্নাটা যেন মাথার মধ্যে হাতুড়ি ঠোকার মতো আঘাত করতে থাকে। মানুষ মরলে আর ফিরে আসে না। তবু ওই কান্নার জের টেনে কেন এই ব্যর্থ শোককে জীইয়ে রাখা? কী সার্থকতা আছে—যে ক্ষত আপনা থেকেই শুকিয়ে আসছে তাকে বারে বারে খোঁচা দিয়ে রক্তাক্ত করবার?

পথ অন্ধকার। শীতের ঠাণ্ডা হাওয়া ভিজে ভিজে লাগছে—তারই ঝাপটায় বোধ হয় নিবে গেছে রাস্তার আলোগুলো। বিছাতির হাসি চমকে চমকে উঠছে। গুরু গুরু করে মেঘের একটা ছোট ডাক কানে এল।

সব মৃত্যুই কি মনে রাখবার মতো? অজ্ঞমনস্ক ভাবে চলতে লাগল রজন। জীবনে প্রথম মৃত্যুর অভিজ্ঞতা সে দেখেছে অবিনাশবাবুর ভেতর, মৃত্যুর মৃত্যুহীন কাহিনী পড়েছে ‘শহীদ সত্যেন’, ‘ফাঁসির ডাক’—আরো অজস্র বইয়ের পাতায় পাতায়। সে মৃত্যু দেয় বাঁচবার প্রেরণা, দশজন দেশকর্মীর বুকের রক্ত দিয়ে গড়ে ওঠে দশ লক্ষ পরাধীন মানুষের মুক্তির অমৃতরসায়ন। কিন্তু মার মৃত্যু শুধুই ব্যথা মাত্র, তাতে করে হঃখ ছাড়া আর কোনো পাথয়েই তো মেলে না।

ভুলে যাওয়াই ভালো। কিন্তু ঠাকুরমা ভুলতে পারে না, ভুলতে দেনও না কাউকে।

—টিপ্ টিপ্ টিপ্—

বৃষ্টি নামছে। শীতের বৃষ্টি, ভিজলেই নিমোনিয়া। প্রায় হাঁপাতে হাঁপাতে এসে চুকল পরিমলদের বাইরের ঘরে। আর ঘরে পা দিতেই বাগানের হেনার ঝাড়ের ওপর বৃষ্টির জোর ঝাপটা এসে আছড়ে পড়ল, একটু দেরি করলেই ভিজিয়ে একেবারে ভুত করে দিত।

বাইরের ঘরটা প্রায় খালি। উঁহু একটা লম্বা তেপায়ার মাথায় ঘষা-কাচেরো বিচিত্র চেহারার একটা আলো জ্বলছে—সেই আলোয় যেন জীবন্ত হয়ে উঠেছে নৃত্যরত নটরাজের ব্রোঞ্জ মূর্তিটা। আর বাইরের সব বৃষ্টিভেজা ধুলোর গন্ধের সঙ্গে ঘরের মধ্যে আবর্তিত হচ্ছে মহাশূর চন্দনের সৌরভ। অস্বস্তি ভরা বাড়ি—পা দিতেই বিজ্বল লাগে।

আলোর ঠিক নিচে সেটিতে হেলান দিয়ে শুয়ে বন্দিনী রাজকন্যা; ওকে চুকতে দেখে বইটা নামিয়ে রেখে মিষ্টি করে হাসল।

—খুব বেঁচে গেছো, একটু হলেই ভিজিয়ে দিত।

—হুঁ—বড় জোর বৃষ্টিটা এসে পড়েছে—রজন পাশের একটা চেয়ারে বসে পড়ল।

তোমনি হেসে মিথা বলল, তারপর এই বৃষ্টির মধ্যে কী মনে করে?

—কয়েকটা জরুরি কথা আছে। পরিমল কোথায়?

—দাদা তো বাড়িতে নেই।

—বাড়িতে নেই? কোথায় বেরিয়েছে?

—বাবার সঙ্গে । বাবা গাড়ি নিয়ে গুর এক মক্কলের বাড়িতে গেছেন নয়োত্তমপুরে
—সেখানে নেমন্তন্ন আছে । দাদাকেও সঙ্গে করে নিয়ে গেছেন । ফিরতে রাত হবে—
বৃষ্টি-বাদলা বেশি হলে আজ নাও ফিরতে পারেন ।

—তাই তো ! - চিন্তিত মুখে রঞ্জন বললে, কী করা যায় ?

—খুব বিপদে পড়েছ, তাই না ?—মিতা এবার খিল্ খিল্ করে হেসে উঠল : বেশ
হয়েছে । যা বৃষ্টি নেমেছে, সহজে পালাতে পারবে না । আঁরুজি শোনাও বসে বসে

—অত শখ নেই আমার—একুণি বাড়ি যেতে হবে ।

—কেন, এত তাড়া কিসের ?

—বাঃ, তাড়া থাকবে না ? আর পনেরো-ষোলো দিন বাদে কলেজ খুলছে—কিছু
পড়িনি । ওদিকে একটা পরীক্ষা রয়েছে আবার ।

মিতা ভ্রুভঙ্গি করলে : উঃ, কী প্রচণ্ড পাঠানুরাগ । তবু যদি লজিকের খাতায় এক
দিস্তা কবিতা না থাকত ।

—ফাজলেমি কোরো না এখন, মুড নেই—বিরস ভাবে রঞ্জন বললে, দোহাই
লক্ষ্মীটি, চটপট একটা ছাতার ব্যবস্থা করো দেখি ।

মিতা গম্ভীর হয়ে বললে, ছাতাটাতা নেই আমাদের । তবে আমার একটা
প্যারাসোল আছে সেইটে নিতে পারো ।

—তা হলে ভিজ্জেই যাবো আমি—বীরের মতো উঠে দাঁড়ালো সে ।

—যাক, অত বীরত্ব কাজ নেই—মিতা কোঁতুকভরা গলায় বললে, ফলটা তো
জানি । স্রেফ দশটি দিন বিছানায় পড়ে থাকতে হবে । কেমন বৃষ্টি নেমেছে দেখছ না ?

সত্যি কালো আকাশটা যেন গলে গলে পড়ছে আজ । বাইরের হেনার কুঞ্জে
উদ্দাম মাতামাতি । জল আর বাতাসের গর্জন উঠছে ক্ষ্যাপা কতগুলো জানোয়ারের
আর্তনাদের মতো । বিদ্যুতের আলোর কোটি অস্ত্রের তীরের মতো ঝলকে উঠছে
বর্ষার ধারা । ছাতাও কোনো কাজ দেবে না এখন ।

মিতা বললে, দেখছ তো ?

—হঁ ।

—তা হলে ?

—তাই তো ।—মিতার মুখের দিকে বিব্রত জিজ্ঞাসা নিয়ে তাকালো রঞ্জন, আর
তখনই দৃষ্টিটা সেইখানেই রইল স্থির হয়ে ।

হঠাৎ যেন 'ফেয়ারি টেলসে'র একটা ছবি দেখল ঘষা কাঁচের বাতিটার আলোতে ।
পাতলা ঠোঁট দুটিতে ছোট হাসির রেখা, দুটি চোখে বিদ্যুতের চুরি করা আলো,
স্বর্ণরেখা দুখানি হাত যেন ঘরের ভেতরে সাজানো ওই সব মূর্তিগুলোর মতো ঝেঁত

পাথরে নিখুঁত ভাবে খোদাই করা। ফিকে লাল রঙের শাড়ি সে ছবিখানার পটভূমি।

পশমী ফিতে বাঁধা একটা বেগী গলার পাশ দিয়ে ঘুরে তার বুকের ওপরে এসে পড়েছে, দু আঙুলে সেই বেগীটা নিয়ে খেলছে সে।

বাইরের রুটির শব্দ। ঘরের ভেতরে ধূপের গন্ধ। রঙীন ছবি। এক মুহূর্তে সবটা মিলিয়ে যেন কেমন অবাস্তব বলে মনে হল তার। অকারণে ইচ্ছে করতে লাগল ওই ছবিটাকে যেন স্পর্শ করে, ওই হাত দুটো হাতের মধ্যে টেনে নিয়ে দেখে সত্যিই তাদের প্রাণ আছে কি না। সত্যিই কি ওটা একটা ডল পুতুল না বন্দিনী রাজকন্যা?

ওর দৃষ্টি লক্ষ্য করে মিতা হঠাৎ লজ্জা পেল।

—রঞ্জনদা?

—ঔ?—ঘোর ভেঙে লজ্জিত মানুষটি জেগে উঠল।

—কী ভাবছিলে? নরম গলায় জানতে চাইলে মিতা।

কিন্তু এতক্ষণে নিজের অপরাধ সম্বন্ধে সজাগ হয়ে উঠেছে সে। না—এ ভালো কথা নয়। মিতাকে দেখলে এষেকী একটা বিপর্যয় ঘটে যায় নিজের ভেতর—নিজেই বুঝতে পারে না সে। মনে হয় পুলিশের ভয়ের চাইতেও আরো একটা বড় ভয় আছে কোথাও, আছে আরো কোনো ভয়ঙ্কর সম্ভাবনা। কী যেন এসে শরীরটাকে আচ্ছন্ন করে ধরে, বছর দুই আগে না জেনে এক গ্রাস সিঙ্কি খাওয়ার পরে যেমন হয়েছিল, তেমনি ঘোর ঘোর লাগে সমস্ত চেতনায়। আর তাই থেকেই কি আসে ওই স্বপ্ন? ছেলেবেলার উষার সঙ্গে একাকার হয়ে যায় সংঘমিত্রার মুখখানা, কল্পনা আগে বুড়ীবালামের দ্বারে পাশাপাশি দাঁড়িয়ে প্রাণ দিতে?

অসীম লজ্জায় ভাবতে লাগল এ বাড়িতে আর আসবে না সে। আর কখনো মুখ তুলে চাইবে না ওই মেয়েটির দিকে। মনে হচ্ছে, কাজটা ঠিক নয়, কোথাও একটা অপরাধ নুকিয়ে আছে এর আড়ালে।

—রঞ্জনদা?

—জ্যা?

—আবৃত্তি করবে না?

—ভালো লাগছে না।

—ওঃ—মিতাও চুপ করে রইল। তারও যেন রঞ্জুর মনের ছোঁয়া লেগেছে, সেও বুঝি স্পষ্ট করে কিছু একটা বুঝতে পেরেছে। রঞ্জনই বসে রইল মাথা নিচু করে, শুধু থেকে থেকে আঙুলে বেগীটাকে জড়িয়ে চলল মিতা।

—ইস্—রুটির ছাট আসছে যে—

মিতা এগিয়ে এসেছে এ পাশের বড় জানালাটা বন্ধ করে দিতে। কিন্তু জানালার

কজায় কেমন মরচে পড়ে শক্ত হয়ে গেছে, কিছুতেই সেটা বন্ধ হয় না।

—সরো আমি দেখছি—

উঠে পড়ল রঞ্জন : সরো—

জানালাটা এবার বন্ধ হয়ে গেল। কিন্তু সেই সঙ্গে সঙ্গেই ঘটে গেল ঘটনাটা। কেমন করে তার হাতের মধ্যে যে আর একখানা হাত এসে পড়ল কে জানে। মুঠোর ভেতর সে হাতখানা যেন গলে গেল মাখনের মতো।

শরীরে বিদ্যুৎ চমকে গেল, আকাশে বিদ্যুৎ চমকে গেল মিতার মুখের ওপর ধারালো ঝলক দিয়ে। রঞ্জু টের পেল, তার হাতের মধ্যে ছোট পাখির মতো একখানা হাত কাঁপছে, মিতাও কি কাঁপছে?

—ছিঃ—এ কি হচ্ছে!

মনের মধ্যে বেগুদার গর্জন শোনা গেল, আকাশে শোনা গেল মেঘের ধমকানি। এবার রঞ্জুও কঁপে উঠল। হাত ধরেনি, একটা সাপ ধরেছে মুঠোর মধ্যে। চকিতে হাতটা ছেড়ে দিয়ে দরজা দিয়ে দ্রুত বেরিয়ে এল, দাঁড়াল এসে রুটির ছাটলাগা অন্ধকার বারান্দাটায়। ঘরের মধ্যে এর প্রতিক্রিয়াটা কী হয়েছে দেখবার জন্তু পেছন ফিরে একবারও সে তাকাতে পারল না আর।

চোদ্দ

“সেই যে আমার নানা রঙের দিনগুলি”। পদ্মার পাড়ে নির্জন ক্যাম্পে বসে ভাবছে রঞ্জন চট্টোপাধ্যায়।

নানা রঙের দিন। উদয়াস্তের সীমা-চিহ্ন দিয়ে আঁকা। এক একটি দিন যেন একটি করে পর্দা সরিয়ে নিয়েছে আরো গভীর, আরো নিবিড়, আরো বিচিত্র এক একটি অজানিতের ওপর থেকে। প্রতিদিন নিজেকে আবিষ্কার করা হয়েছে তিলে তিলে, নিজেকে জানার সঙ্গে সঙ্গে আরো বেশি করে জেনেছি পৃথিবীকেও। আমি এলাম, আমি দেখলাম, আমি জানলাম।

‘আমার চেতনার পাদ্মার রঙে পৃথিবী হল সবুজ’, রবীন্দ্রনাথের কথা। শুধু চেতনার পাদ্মার রঙ নয়, চুনির রঙও বটে। দিকে দিকে দেশে দেশে সবুজ মাটির ওপর করিত হয়ে পড়েছে চুনির মতো, পদ্মরাগের মতো মাহুঘের রক্ত। এশিয়ায়, আফ্রিকায়, ইয়োরোপের দুর্বল রাষ্ট্রগুলোর ওপর। আমেরিকার কালো নিগ্রোদের কালো রক্তে তৈরি হচ্ছে পীচের পথ, ডেট্রয়েটের মোটরের পেট্রল যোগাচ্ছে রক্তের নির্বাস। তাই চামড়া বাঁচাবার জন্ত

একদল হয়েছে পোষা বুলডগ, আর একদল নীরক্ত বর্ণহীন একসার ছায়ামূর্তি। শুধু হৃদয়ের অন্ধকারে, কালো অরণ্যের ছায়ায়, কারাগারের আড়ালে, দীপান্তরের ওপারে জন কয়েক সত্যিকারের মানুষ তপস্যা করে চলেছে ; প্রতীক্ষা করে চলেছে রক্ত-সমুদ্রে অবগাহন করে সভ্যতার দিকচক্রে কবে দেখা দেবে নতুন স্বর্ষ্য। তাদের চেতনার পায়ার রঙে উদ্ভাসিত হয়েছে নতুন পৃথিবী। চুনীর রক্তরাগ মুছে গেছে, সবুজ আর নতুন ফসলে ভরা রক্তের মালিছহীন উত্তর সাগর দক্ষিণ সাগর পরিব্যাপ্ত মহাপৃথিবী।

কিন্তু সে কবে ? কত দেরি তার ?

নানা রঙের দিনগুলি তার উত্তর এনেছে নানা ভাবে। কখনো আশার উত্তেজনায় ছলে ছলে ফুলে ফুলে উঠেছে হৃৎপিণ্ড, মনে হয়েছে নতুন উষার স্বর্ণদ্বার খুলে যেতে আর তো দেরি নেই। ‘বিশ্বের ভাগ্যরী শুধিবে না এত স্বপ্ন ?’ জালিয়ানওয়ালাবাগে যত রক্ত ঝরেছে, তার হিসেবনিকেশ করবার জন্ত প্রস্তুত হচ্ছে লক্ষ লক্ষ চট্টগ্রাম। আয়াল্যাও ছেড়ে একদিন মানে মানে পালাতে পথ পায়নি হংকং ; আমেরিকায় ঘাড়ধাক্কা খেয়ে সিংহের জাতি একদিন ভীকু কুকুরের মতো লেজ গুটিয়ে পাড়ি দিয়েছে আটল্যান্টিক ; বুয়র যুদ্ধে সামান্য কয়েকজন চাষার বলিষ্ঠ প্রতিরোধের গর্জনে ‘রুল্ ব্রিটানিয়া’র জয়সঙ্গীত আপনা থেকেই রুদ্ধকণ্ঠ হয়ে গেছে।

আমরাও পারব। নিশ্চয় পারব। এত বড় ভারতবর্ষ আমাদের, এই কোটি কোটি মানুষের দেশ। আজ যারা ঘুমিয়ে আছে, ক্রন্দভৈরবের পদাঘাতে তারা জাগবেই। সব্য-সাচী দুঃখ করেছিল : কসাইখানা থেকে গোরুর মাংস গোরুতেই বয়ে আনে, বিদেশীর ছকুমে দেশের মানুষই দেশপ্রেমীর গলায় পরিবে দেয় কাঁসির দড়ি। কিন্তু এ দুঃখও একদিন থাকবে না। নিজেদের অপরাধ, নিজেদের লজ্জার ভারে তারা একদিন মিশে যাবে মাটিতে। ‘জাগবে জশান, বাজবে বিষণ, পুড়বে সকল বন্ধ’—

তবুও—

দ্বিধা আসে। কতটুকু শক্তি আমাদের, কীই বা সামর্থ্য। বেঙ্গল অর্ডিন্যান্স তার সংশোধিত ফৌজদারী আইনের নাম নিয়ে তাণ্ডব চালিয়ে যাচ্ছে দিকে দিকে। কতটুকু দাম বিনয় বহু, দীনেশ মজুমদার, রামকৃষ্ণ বিশ্বাস, দীনেশ গুপ্ত অথবা প্রতাপ ভট্টাচার্যের আত্মদানের ? কোন্‌ ঘুলা আছে অনন্তহারি, প্রমোদরঞ্জন, কাকোরীর রাজেন লাহিড়ী, আসফাকউল্লা আর লাহোরের ভগৎসিংহের আত্মবলির ? দেশের সাধারণ মানুষ—যাদের নিয়ে দেশ ; যাদের মুক্তি দেবার আত্ম আকাজক্য আমাদের ঘর ছাড়লাম, কী কৃতজ্ঞতা পেলাম তাদের কাছ থেকে ? স্বযোগ হবিধে পেলেই তারা ইনুফার্মার হয়, নেত্র সেনের মতো অবলীলাক্রমে ধরিয়ে দেয় পুলিশের হাতে, ভারতবাসী আই-বি পুলিশ মিথ্যে ষড়যন্ত্র মাথলা তৈরী করে, সওয়াল করে ভারতবাসী পাবলিক প্রেসকিউটার, শান্তি দেয় কালো

বিচারক। তবে কার জন্ত এই স্বাধীনতা সংগ্রাম, কিসের সমর্থনে ?

বছর দেড়েক আগে একটা বিচিত্র বই পড়েছে রঞ্জন। নতুন নেতার হাতে গড়া একটা দেশ। অদ্ভুত বই। কথাগুলো ভালো বোঝা যায়নি। যিনি লিখেছেন তিনি ভালো করে বোঝাতেও পারেননি। তবু চমক লেগেছে। সমস্ত মানুষের রাষ্ট্র, তোমার আমার চাবার শ্রমিকে সকলের গড়া রাষ্ট্র। ছোট বড় কেউ কোথাও নেই। সকলের জন্তই সেখানে সব।

বিশ্বাস হয়নি। রূপকথার গল্পের চেয়েও আরো অবিশ্বাস্য আর অসম্ভব বলে মনে হয়েছে সে লেখা। এ কি সম্ভব ? এমন কি হতে পারে ? তোমার আমার সকলের দেশ। কেউ বড়লোক নেই, কেউ ছোট নয় কারুর চাইতে। এ কী করে হয় ?

বেগুদাকে প্রশ্ন করেছিল : এ কী করে হয় ?

বেগুদা বলেছিলেন, ঠিক জানি না।

—আপনার মনে হয় সম্ভব ?

—ঠিক ভেবে দেখিনি এখনো।—অনাসক্তভাবে বেগুদা জবাব দিয়েছিলেন : তবে যতটা শুনেছি—ওরা একটা এক্সপেরিমেণ্ট করছে রাশিয়ায়। তার ফল কী হবে তা অবশ্য এখনো নিশ্চয় করে বলা শক্ত।

—কিন্তু কী চমৎকার !—উচ্ছ্বসিত ভাবে রঞ্জন বলেছিল : যদি এ সম্ভব হয়—

বেগুদা চিন্তিত মুখে বলেছিলেন : যতটা ভাবছ অত চমৎকার হয়তো নয়। ও সম্বন্ধে দু-একটা লেখা আমি হালে পড়েছি ইংরেজি কাগজে। ওরা নাকি সাম্যবাদের নামে মানুষের ওপরে বড় বেশি অত্যাচার করেছে। ঘর থেকে নিরীহ মানুষকে পথে বের করে দিচ্ছে, টাকাপয়সা লুণ্ঠ করেছে। এমন কি মেয়েদের সতীত্বের মূল্য পর্যন্ত রাখছে না, তাদেরও সোসিয়ালাইজড করে ফেলেছে।

রঞ্জন শিউরে উঠল।

কী ভয়ানক।

বেগুদা বললেন, হ্যাঁ, ইংরেজি কাগজগুলো তাই লিখেছে। আরো বলছে যে ওদের যিনি সত্যিকারের নেতা ছিলেন, মতভেদ হয়েছে বলে চক্রান্ত করে দেশ থেকে তাঁকে তাড়িয়ে দিয়েছে। কাজেই এখনি এত খুশি হলো না, পৃথিবীর লোকেরা কেউই ওদের ভালো বলছে না।

রঞ্জন চুপ করে রইল। কেমন ব্যাথাবোধ হয়, কেমন যেন বিশ্বাস করতে কষ্ট হয়। বিম্লির প্রসঙ্গ তুলে ভোনার দল যেমন একদিন কালি ছিটিয়ে দিয়েছিল মালঞ্চমালার স্বপ্নে, তেমনি করে এই নতুন স্বপ্ন-বিলাসকেও যেন কলঙ্কিত করে দিলেন বেগুদা। মেয়েদের সতীত্বের যারা মূল্য দেয় না, তাদের সাম্যবাদের কী দাম ?

না. র. ৪র্থ—৬

তবু—

তবু শুধু ওইটুকু বাদ দিলে কী চমৎকার হত! বড়লোকের টাকাপয়সা কেড়ে নিক, কোনো আপত্তি নেই তার—হালদার, বিধুবাবু, বাজারের নবীনমাধব সাহা কিংবা মাধোলাল দাগা মারোয়াড়ী—এদের সর্বস্ব লুট করে নিলেও খুশি হবে রঞ্জন। শীতের দিনে এই শহরের রাস্তাতেই তো ভিখিরীকে ঠাণ্ডায় জমে মরে যেতে দেখেছে সে—কী ক্ষতি হয় রামনগর জমিদার বাড়িটাকে দখল করে ওখানে ওই সব ঘর-ছাড়া মানুষের মাথা গোঁজবার ঠাই করে দিলে? আমার রাষ্ট্র—এ বোধ যদি ভারতবর্ষের প্রত্যেকটি লোকের প্রাণের মধোসজাগ হয়ে উঠত! কতবড় কাজ হত তা হলে, কত সহজ হয়েছে! কিন্তু ওই সত্যীত্বের কথা! সব আলোকে যেন কালো করে দেয়।

—আর—বেণুদা বলেছিলেন : ওসব বড় বড় কথা ভাববার সময় আমাদের নেই এখন। আগে তো ইংরেজ তাড়াতে হবে। তারপর দেখা যাবে কতটা সম্ভব ও-সমস্ত।

তা তো বটে। কিন্তু ইংরেজ তাড়ানো কী সোজা? কত অস্ত্র, কত সৈন্য-সামন্ত, কত বড় প্রতিরোধ! তার সামনে কী করে দাঁড়াবে তারা, বাধা দেবে কোন্ শক্তিতে? তিরিশ সালের বস্তার মতো তিরিশের অহিংস আন্দোলনও শুধু কতগুলো অপমৃত্যুরই স্বাক্ষর বেখে গেল, তার বেশি কিছুই না। এ রক্তের বস্তাও কী শেষ পর্যন্ত তাই হবে? বারে বারে যেমন ব্যর্থ হয়েছে—ব্যর্থ হয়েছে গদর দলের অভিযান, সিপাহী ব্যারাকে পিংলের বিদ্রোহের চেষ্টা, রাসবিহারী বোম্ব, বাধা যতীনের আপ্রাণ প্রয়াস—আর চটগ্রামের প্রাণবলি?

—না:—

নিগের মনকে নিয়ে ক্লান্ত হয়ে উঠেছে রঞ্জন। বিপ্লবের রঙীন স্বপ্ন কাজের জটিল পথে এসে ঘা খাচ্ছে বারে বারে। ক্লান্তি, হতাশা, নৈরাশ্য। মৃত্যুর রোমান্স কেটে গেছে, মাঝে মাঝে পীড়িত বোধ হয় নিজেকে। কতদিন চলবে এইভাবে? শুধু চোরের মতো লুকিয়ে লুকিয়ে চলা, শুধু ফিসফিস করে কথা বলা, বড় জোর দুটো একটা ডাকাতি আর দিনরাত পৃথিবীসুদ্ধ মানুষকে অবিশ্বাস করে চলা?

দেশের কাজ করছি, অথচ সমস্ত দেশ বাধা দিচ্ছে—আশ্চর্য।

উনিশশো তিরিশের আন্দোলন তো এ বাধা দেয়নি। লম্পট ব্রিজবিহারী থেকে শুরু করে রেল স্টেশনের কুলি পর্যন্ত সাড়া দিয়েছিল সেদিন—এমন কি, ভোনার মতো ছেলেও দেশমায়ের বন্দনা গেয়েছিল : ‘তু হামারা দিল্কা রোশনৌ, তু হামারা জান—’

তবে? এই রক্তঝরা পথে তারা নেই কেন? ভয় পায়? তাও তো বিশ্বাস হয় না। সেই মদের দোকানের সামনে বোতলের ঝাঞ্ঝে যার মাথা কেটেছিল, ক্রাসের সেরা ছেলে যুগাক্স—যে পুলিশের লাঠির মুখে সকলের আগে গিয়ে দাঁড়াতে পেরেছিল, তারা কি

ভাদের চাইতেও কাপুরুষ ? তবে ? অথচ সে পথেও কি দেশ তার সব প্রশ্নের জবাব পেল ? না, পায়নি। সে তো যুগাঙ্কই বলেছে পরিকার ভাষায় : কেন বুঝিনি চৌরীচৌরার অর্থ, বার্দৌলির মানে ?

কী চৌরীচৌরা, কোথায় বার্দৌলি, মহাত্মা গান্ধী সম্পর্কে কেন অমন তীব্র অসন্তোষ আর বিক্ষোভ যুগাঙ্কের মনে, কেন আর একবার চিৎকার করে সে বলেছিল : It is a betrayal, betrayal to Revolution ?

আজকের রঞ্জন চট্টোপাধ্যায় উত্তর পেয়েছে তার, নিঃসঙ্গ এই অন্তরীণ-বন্দী জেলেছে সে সত্যকে। কিন্তু সেদিনের রঞ্জু জানত না। কেউ জানায়নি তাকে।

ওই বইটাই মাথার মধ্যে ঘোরে। যদি ওরকম হত—সমস্ত মানুষের রাষ্ট্রে ছোট বড় সব মানুষ একসঙ্গে এগিয়ে আসত লড়াইয়ের জন্তে ? কত সোজা হয়ে যেত এই কাজ। এই রক্তঝরা জটিল নিঃশব্দ যাত্রা যদি রূপায়িত হত লক্ষ কোটি মানুষের জয়যাত্রায় ?

‘আয় আয় আয় ডাকিতেছি সবে, আসিতেছে সবে ছুটে’—

গুরু গোবিন্দ। রাশিয়ার লেনিন। কিন্তু এদেশে কে আছে ? কে দেশের সব মানুষকে এনে ফেলতে পারে এক মহাবিপ্লবের প্রাণ-বহুতায় ?

ধোং। সব বাজে। মনের মধ্যে পেছিয়ে পড়ার পদু ভাববিলাস। এ হওয়া উচিত নয় কিছুতেই। এর পেছনে কি আছে করুণাদির সেই দুর্বোধ্য কথাগুলোর কোনো প্রেরণা ? কবি-শিল্পীর জন্ত এই ক্রান্তির কালো মেঘ নয়, তার শুধু সৃষ্টি, শুধু গান, শুধু সঙ্কল্প ?

কিন্তু রবীন্দ্রনাথের কথাগুলো মনে পড়ে। ‘কবি, তবে উঠে এসো যদি থাকে প্রাণ’—

তবু করুণাদিকে ভোলা যায় না। ওই কথাগুলোর আড়াল থেকে কী একটা ঊকি দেয়, মনকে যেন পিনের ঘা দিয়ে খুঁচিয়ে তুলতে থাকে। কিসের ব্যর্থতা করুণাদির ? এই বিপ্লব আন্দোলনের সঙ্গে তাঁর যোগাযোগটাই বা কোন্‌খানে ? বেগুদার বোনের মুখে এই নৈরাশ্যবাদ মনে হয় অবোধ্য, মনে হয় প্রহেলিকার মতো।

আর তা ছাড়া তার কবিতার সত্যিকারের মর্যাদা তো পেয়েছে সে। বিপ্লবী বাংলার কবি—এই সম্মান তাকে দিয়েছে আর একজন, দিয়েছে তার প্রতিভার সব চেয়ে বড় পুরস্কার।

হঠাৎ ছলাং ছলাং করে উঠল বুক।

না—মিতা নয়। এবার থেকে মিতাকে সে মুছেই ফেলে দেবে মন থেকে। সেই বর্ষার সন্ধ্যা। আচমকা একটা ঝোড়ো বাতাসের ঝাপটায় ছবির হাতখানা ফুলের মালা হয়ে রঞ্জুর মুঠোর মধ্যে এসে পড়েছিল। তার চোখ দুটি, তার মুখখানা। সে তো কোনো বিপ্লবী নায়িকার নয়, সে মুখের সঙ্গে মিল আছে তার প্রথম বধু সেই ছোট মেয়ে উষার, সে চোখের সঙ্গে সাদৃশ্য আছে স্বর্ঘের শেষ আলোয় রাঙা নারিকেল-বীথি-মর্মরিত কোনো

ডাগন-ঘীপে বন্দিনী রাজকন্ডার ।

চরিত্রহীন আর বিশ্বাসঘাতকের একই দণ্ড আমরা দিই—সে মৃত্যুদণ্ড ।

বেগুদার গলা । গলা নয়, বাঘের গর্জন । কী সাংঘাতিক অপরাধ করতে যাচ্ছিল !
সর্বদ্বৈত কেঁপে উঠল থরথর করে । মিতা নয়, লেনিনের রাশিয়াও নয় । ‘একলা চলো,
একলা চলো’— হাত নয়, সাপ । নিজেকে বাঁচাও ওই সাপের বিষাক্ত স্পর্শ থেকে !

ইতিমধ্যে একদিন আর একটা ঘটনা ঘটে গেল ।

শনিবার । আরোরা বায়োফোপ হল থেকে ওরা বেরুল ‘জ্যাক অ্যাণ্ড দি বিন ট্রি’
আর ‘চার্জ অব্ দি লাইট ব্রিগেড্’ দেখে । বেশ ছোটখাটো একটি দল ওদের । রঞ্জন,
পরিমল, জিম্‌স্ট্রাস্টিক ক্লাবের ষণ্ডা ছেলে রোহিণী আর বিশ্বনাথ ।

পরিমল বললে, আয়, একটা করে লেমোনেড্ খাওয়া যাক সবাই ।

লেমোনেডের সন্ধানে রেস্তোরাঁর দিকে এগোতেই একটা অপ্রত্যাশিত দৃশ্য ।
ভেতরের বেঞ্চে চার-পাঁচটি ছেলে খুব তরিবৎ করে চা আর চপ-কাটলেট খাচ্ছিল ।
ওরা অহুশীলনের ছেলে, কাজের চাইতে নাকি টেঁচামেচি ওদের বেশি, আর পুলিশের
হাতে বোকার মতো পটাপট ধরা পড়তেও ওরা ওস্তাদ । এ জন্তে রঞ্জনরা ওদের করুণা
করে—অশ্রদ্ধাও করে । আর এম্‌নি মজার ব্যাপার, ওরাও নাকি এদের দলের সম্পর্কে
ঘোষণা করে থাকে অহুরূপ ধারণা ।

ওরা চপ-কাটলেট খাক বা না খাক সেটা বড় কথা নয় । সব চাইতে যেটা
আশ্চর্য—তা হল ওদের দলের মধ্যেই বসে আছে অজয় দত্ত ।

অজয় দত্ত ! ওদের নতুন রিক্রুট ছেলে, সে কেমন করে গিয়ে ভিড়ল অহুশীলনের
ওই ছোকরাদের পাজ্রায় ? লেমোনেড্ আর খাওয়া হল না, এরা কয়েক মুহূর্ত স্তম্ভিত
হয়ে সেদিকেই তাকিয়ে রইল !

তারপরে একটা গর্জন করল রোহিণী : হোয়াট ছাট ? হাউ ইজ্ ইট ?

ক্লাসে বরাবর ইংরেজিতে ফেল করে ছোকরা । তাই গালিগালাজ করবার সময়
ইংরেজি ছাড়া তার মুখ দিয়ে আর কিছু বেরতে চায় না ।

অহুশীলনের দলটা মুখ ফিরিয়ে তাকালো এদিকে—দেখল এদের । মুহূর্তের জন্তে
অজয় দত্তের মুখ ছাইবর্ণ হয়ে গেল, সে তৎক্ষণাৎ মাথা ঘুরিয়ে নিলে অপরাধীর মতো ।

রোহিণী বললে, অজয়, কাম্ অ্যাওয়ে ।

ও-দলের মধ্য থেকে একজন উঠে দাঁড়ালো অলসভাবে, একবার আড়মোড়া
ভাঙল । তারও জিম্‌স্ট্রাস্টিক-করা শরু চেহারা, আড়ে বহরে রোহিণীর কাছাকাছিই হবে
সে । মারামারির ব্যাপারে শহরের নামকরা ছেলে—বিশু নন্দী ।

বিশু নন্দীর গায়ে একটা কলারওয়ালা গেঞ্জি—নিচে চওড়া বুকখানা । হুদে হুদে

চোখে একটা আশ্চর্য উদাসীনতা, খাড়া দুটো চোয়ালে উত্তত খাঁড়ার মতো ভঙ্গি।

বিশু নন্দী শান্ত গলায় বললে, কেটে পড়ো চাঁদ, তোমাদের পাখি পালিয়েছে।—
তারপর এমনভাবে হাই তুলল, যেন গোটা কয়েক মাছি ভাড়ানোর ব্যাপারে এর চেয়ে
বেশি উত্তম ব্যয় করতে সে রাজী নয়।

রোহিণীর চোখে আগুনের হলুকা : নো—সার্টেনলি নট।

বিশু নন্দী তেমনি শান্ত স্বরে বললে, ইয়েস। তারপর সেনাপতির ভঙ্গিতে ফিরে
দাঁড়িয়ে আদেশ করলে, চলো সব।—অহুশীলনের দলটা উঠে ওদের সামনে দিয়ে
বেরিয়ে গেল।

পরিমল ডাকলে, অজয়, শোনো।

অজয় জবাব দিলে না, শুনতেই পায়নি যেন। কিন্তু জবাব দিলে বিশু নন্দী। কথা
বললে না, তার বদলে মুখ ঘুরিয়ে হো হো করে হেসে উঠল। সে হাসির চাইতে
ছুতোর ঘা-ও সহ্য করা সহজ। যেন একটা ধারালো র'গাদা ঘষে ওদের পিঠের চামড়া
হুদু ছুলে দিয়ে গেল একেবারে।

তাও সহ্য হত, কিন্তু বিশু নন্দীর একজন সহচর যাওয়ার আগে মন্তব্য করে গেল :
কাওয়ার্ড পার্টি।

কাওয়ার্ড পার্টি। রোহিণী গর্জন করে বললে, দি লাস্ট স্ট্র ইন্ ক্যামেলব্যাক্।

ইংরেজিটা ভুল বলেছে রোহিণী, একবার ইচ্ছে করল সংশোধন করে দেয় কথাটাকে।
কিন্তু রোহিণীর মুখের দিকে তাকিয়ে তার ভ্রম সংশোধনের সাহস হল না আর। খুন
চড়েছে রোহিণীর মাথায়, রক্ত চড়েছে চোখে। দাঁতে দাঁতে একটা অদ্ভুত শব্দ করল সে,
যেন ধাবালো একটা অস্ত্র দিয়ে কেউ আঁচড় কাটছে শক্ত পাথরের গায়ে।

—ফলো মি ফ্রেণ্ডস্—

পরিমল বললে, মারামারি করবে নাকি ?

—মারামারি। না তো কি এই ইনসান্ট পকেটিং করব ?

—কিন্তু সেটা কি ঠিক হবে ?—জিজ্ঞাসা করল রঞ্জন।

—কাওয়ার্ডস গো ব্যাক।—খোলার ওপর থেকে ছিটকে পড়া খইয়ের মতো জবাব
দিলে রোহিণী : আমাকে গাল দিলে আমি ডাইজেন্ট করতে পারতাম, কিন্তু তাই বলে
পার্টিকে অপমান ? দে উইল হ্যাভ্ এ গুড্ লেসন।

—তবু—

—নো—নো।—রোহিণী এবারে হস্কার ছাড়ল : রিভেঞ্জ চাই। আই হাভ লস্ট
মাই টেম্পারেচার—ফলো মি অর গো ব্যাক্।

কথটা টেম্পারেচার নয়, টেম্পার—রঞ্জন বলতে যাচ্ছিল। কিন্তু তার আগেই হন

হনু করে এগিয়েছে রোহিণী। হুতরাং অনুসরণ করা ছাড়া গতান্তর রইল না। বুক ছর ছর করছে, কাঁপছে হাত পা। মনে পড়ছে বিশু নন্দীর জ্ঞানদের মতো চেহারাটা। তবু পেছলে চলবে না—পাটিকে অপমান।

পরিমল একবার বললে, কাজটা ঠিক হচ্ছে না কিন্তু।

রোহিণী শুনতে পেল না, শুনলে ইংরেজি বুকনি খেড়ে দিত একটা। কিন্তু বেশিদূর এগোতেও হল না ওদের। সামনেই একটা নির্জন জায়গা, তার ডান দিকে জেলখানার মস্ত মাঠ, বাঁ ধারে প্রকাণ্ড আমের বাগান। সেই আমবাগানের ভেতর দিয়ে একটা পায়েচলা পথ, পাতার ফাঁকে ফাঁকে টুকরো টুকরো জ্যোৎস্নায় দেখা গেল দলটা চলেছে সেই পথ দিয়ে।

রোহিণী জোর পায়ে হাঁটছিল। প্রায় কাছেই এসে একটা হাঁক দিলে : ষ্টপ।

ওরা থেমে দাঁড়ালো। আলো-আঁধারিতে দেখা গেল নক্ষত্রগতিতে ফিরে দাঁড়ালো বিশু নন্দী।

রোহিণী বললে, কে বলেছে কাণ্ডয়ার্ড পাটি ?

বিশু নন্দী শান্ত গলায় বললে, আমি।

—ড্যাম্ উইথ অনুশীলন পাটি।—

বিশু নন্দী বললে, কাম অনু।

তারপরই যা ঘটল সেটা একটু আগেই দেখা চার্জ অব লাইট ব্রিগেডের চাইতেও রোমাঞ্চকর ও ক্ষিপ্ত। আকাশ থেকে যেন ঘূষির পর ঘূষি উড়ে যেতে লাগল, রঞ্জন চোখ বুজে হাত ছুঁড়ে যেতে লাগল। আঘাত করবার উদ্দেশ্যে নয়, আত্মরক্ষার জন্তে।

বাপ্—

বিশু নন্দী বসে পড়ল মাটিতে। নাক চেপে ধরেছে এক হাতে, বাগানের ফাঁকে ফাঁকে ফিকে ফিকে জ্যোৎস্নায় দেখা গেল তার নাক বেয়ে নেমে আসছে কালো একটা সরু ধারা—রক্ত। রোহিণীও ততক্ষণে মাতালের মতো টলছে।

ইঠাৎ কতকগুলো মানুষের গলার আওয়াজ—কারা যেন আসছে। মুহূর্তে দু-দল দু-দিকে প্রাণপণে ছুটতে লাগল, অনেকখানি রাস্তা পালিয়ে পথের ওপর যখন ওরা এসে দাঁড়ালো, তখন ক্ষত-বিক্ষত রোহিণীকে যেন চেনা যায় না। বিশু নন্দীর হাতও ভালোই চলেছে। প্রায় অবরুদ্ধ কণ্ঠে হাঁপাতে হাঁপাতে রোহিণী বললে, খুব শিক্ষা দিয়েছি ব্যাটারদের। কাণ্ডয়ার্ড্‌স্‌।

পরিমল যুধ হাসল : শিক্ষা কে বেশি পেয়েছে বলা শক্ত। কিন্তু থাক, যথেষ্ট হয়েছে। চলো এবার।

আবার বিব্রণ হয়ে গেছে মন।

বিশু নন্দীর দল মার খেয়েছে, মেরেছেও ওদের। একটা শক্তি পরীক্ষা হয়ে গেল। কিন্তু কেন এই মারামারি? কেন এই নিজেদের মধ্যে এমন রুচিহীন বিরোধ? সবাই তো দেশকর্মী, সবাই তো দেশের জন্তে প্রাণ দিতেই এগিয়ে এসেছে। লক্ষ্য এক, পথও এক। তবু এই বিভেদ কেন? কর্মী হিসেবে বিশু নন্দী কোনোদিক থেকেই রোহিণীর চাইতে খাটো নয়, বরং অনেক বড়। অলুশীলন দলের আরো দু-চারজন যাদের সে চিনত, তাদের প্রত্যেকের সম্পর্কেই শ্রদ্ধা আছে তার। শহরের বহু সেরা ছেলে ওদের দলে, রঞ্জনদের মতোই তারা খাঁটি আর অক্লান্ত কর্মী। তবু কেন এই অশোভন মারামারি? একই পরাধীন দেশের মানুষ, একই শোষণযন্ত্রে শোষিত হচ্ছে সবাই, একই কাঁটামারা বুটের নিচে দলে যাচ্ছে সকলের হুংপণ্ড। আর তার প্রতিকারের জন্তে একই পথ সকলে বেছে নিয়েছে। তবে?

প্রতি পদে পদে বিরোধ। সেই বইতে পড়া অদ্ভুত মানুষটিকে মনে পড়ে। জাতি-বর্ণ-অর্থগৌরবহীন মানুষের রাষ্ট্র। সে রাষ্ট্র কি গড়ে উঠেছিল এমনি দলাদলি আর বিভেদের মধ্যে দিয়েই? কে জানে।

বাড়ি ফেরার পথে পরিমলকে জিজ্ঞাসা করেছিল, আচ্ছা ভাই, এ কি ভালো?

পরিমল জবাব দিলে, ভালো মন্দ জানি না, এই নিয়ম।

—নিয়ম। নিয়ম কেন?

—তা ছাড়া আর কী? আমরা ভালো ছেলে রিক্রুট করব, তাকে ওরা ভাঙিয়ে নেবে? আর আমরা সয়ে যাব সেটা?

—তাই বলে নিজেদের মধ্যে এভাবে মারামারি করতে হবে?

স্বরে বেদনা প্রকাশ পেল তার।

—মারামারি তো ভালো, খুনোখুনি পর্যন্ত হয়ে যায় কোথাও কোথাও। চট্টগ্রামে তো মেরেই ফেলল একটি ছেলেকে।

—সর্বনাশ!—রঞ্জন শিউরে উঠল।

—কেন, ভয় করছে নাকি বিশু নন্দীকে?—পরিমল খোঁচা দিয়ে হাসল।

—না, বিশু নন্দীকে ভয় নয়—রঞ্জন গম্ভীর হয়ে গেল: নিজেদের জন্তেই ভয় করছে। এইভাবে মারামারি করতে থাকলে সব উৎসাহ যে এখানেই শেষ হয়ে যাবে। তারপর ইংরেজের সঙ্গে যুদ্ধটা হবে কেমন করে?

—সে ভাবনা দাদারা ভাববেন, আমরা নই।

তা বটে, দাদারা ভাববেন। এতদিনে এ সত্যটা অন্তত আবিষ্কার করেছে যে তাদের ভাববার জন্তে বিশেষ কিছু অবশিষ্ট নেই আর—সে দায়িত্ব দাদারাই মাথায় তুলে নিয়েছেন। তারা শুধুই সৈনিক, ভাববার দায় তাদের নয়, তাদের কর্তব্য শুধু

আদেশ পালন করে যাওয়া। চিঠি দিয়ে এসো, অমুকের সঙ্গে দেখা করে অমুক খবরটা দিয়ে এসো, সাইকেল চুরি করো, বন্দুক চুরি করো, আর এক-আধটা বড় কাজ—যেমন হালদারের ওপরে এক হাত নেওয়া—এ জাতীয় হযোগ কখনো কখনো যদি ছুটে যায় তবে তার চাইতে সৌভাগ্যের কথা আর কিছুই নেই।

প্রশ্ন কোরো না, কৌতূহল পোষণ কোরো না মনের মধ্যে। শুধু মন্ত্রস্তম্ভি, শুধু আয়রন ডিসিপ্লিন। কিন্তু তবুও প্রশ্ন আসে, নির্বোধ মন জর্জরিত হয় কৌতূহলের তাড়নায়। আর জেগে থাকে অস্বস্তি, অতি তীব্র অস্বস্তি। অস্বীকার করে লাভ নেই, খানিকটা আশাভঙ্গ হয়েছে যেন? কল্পনা-প্রথর অল্পভূতি-স্পন্দিত তার চেতনা; জীবনের প্রথম হত্বপাত হয়েছিল দূরচারী রূপকথার জগতে বন্ধনবিহীন যাত্রার স্বপ্নাতুর সম্ভাবনায়। এলেন অবিনাশবাবু, সেই স্বপ্নে এনে দিলেন আর এক অদেখা সমুদ্রের আলোড়ন। বকুল বনের গন্ধভরা ছায়ার নিচে ঘাসের ওপর বসে অগ্নিনি শুনিয়েছিল ‘নিখিলিস্ট’ আর ক্ষুদ্রিরামের গল্প—সে তো আরো আশ্চর্য রূপকথা। তারপর এল তিরিশ সালের বহু। সেই বহুয় মন ভেঙ্গে গেল—সেই বহু তাকে প্রথম ডাক দিলে সর্বনাশা ডাঙনের অভিসারে, সর্বধ্বংসী একটা বিপুল প্রবাহে নিজেকে বিলিয়ে দেওয়ার দুরন্ত প্রেরণায়। আর সেই বহুরই জীবন্ত-রূপ সে দেখল উনিশশো তিরিশ সালে। উনিশশো তিরিশ সাল। অল্পপূর্ণা ভারতবর্ষে দেখা দিলেন ঋষিরাপুত্রা হ্রিমমন্তারূপিণী হয়ে।

এল পরিমল। শোনালো জ্যোতির্ময় আকাশ-গন্ধার বাণী—যেখানে রিভলভারের মুখে ছুরির ফলার মতো ধারালো নীল আগুন, যেখানে রক্তের প্রবাহে শতদলের মতো ফুটে আছে শত শহীদের বিদীর্ণ হৃৎপিণ্ড, যেখানে বীবের কর্ণে বরণের মণি-মালিকার মতো ডাক পাঠাচ্ছে ফাঁসির রশি। সে কি উন্মাদনা, নিজের বুকের ভেতরে আগ্নেয়গিরির লাভার মতো কী যেন ফেটে পড়তে চায়। টেগরা, বীরেন গুপ্ত, প্রচোৎ ভট্টাচার্য—আরো, আরো অনেকে। কিন্তু—

কিন্তু কোথায় সে উত্তেজনা? কোথায় সে কাজের রক্তমাতাল পরিকল্পনা? শুধু কথা, শুধু সতর্কতা, শুধু দুটো-একটা অস্ত্র আর কিছু অর্থ সংগ্রহের আকুলতা। অথচ কত কাজ তো চোখের সামনেই আছে। গুলি করা যায় ওই টিকটিকির সর্দার বুলডগ্ ধনেশ্বরটাকে, অনায়াসেই তাদের স্কুলের প্রাইজ ডিষ্ট্রিবিউশনের সময় শেষ করে দেওয়া চলে জেলার শাদা ম্যাজিস্ট্রেট সাহেবকে, কিন্তু কিছুই হয়না। যথেষ্ট শক্তি আমাদের নেই, এভাবে আমরা নিজেদের ক্ষতি করতে পারি না। শুধু অতি ধীরে অতি সাবধানে চলা।

চট্টগ্রাম?

ওদের কথা আলাদা। বেণুদা জবাব দিয়েছিলেন, একেবারেই আলাদা ব্যাপার ওদের। সব দলগুলোকে ওরা একসঙ্গে মিলিয়ে অত বড় কাজে হাত দিতে পেরেছিল।

কেন হয় না ? ভাবতে চেষ্টা করল রঞ্জন । চট্টগ্রাম যদি মিলতে পেরেছিল, তা হলে আমরাই বা পারি না কেন ? কোথায় আমাদের বাধে ? অল্পশীলনের ওরা তো দেশের শত্রু নয় ।

—সে দাদারা বলতে পারবেন।

—ইহা, দরকার হলে !

—ରଞ୍ଜ !

ঠিক কথা । রঞ্জন রইল চপ করে ।

নিষ্কম্য করুণাদির প্রভাব । করুণাদি সম্পর্কে তার মনে যে স্বাভাবিক দুর্বলতা

আছে এ সব তারি প্রতিক্রিয়া। সন্ধ্যার অন্ধকারে, চোটা চুরি করার উত্তেজনার বিপর্যস্ত বিহ্বল জায় নিজে তাঁর চোখে সে জল দেখেছিল। আভাস পেয়েছিল তাঁর ব্যক্তিজীবনের অতি গভীর একটা দুঃস্বপ্ন বেদনার, শুনেছিল তাঁর অশ্রুভরা আকৃতি : এ পথ তোমার নয় ভাই—এ তুমি ছেড়ে দাও—

চুলোয় যাক—চুলোয় যাক সমস্ত। অগ্নিদীক্ষা যে নিয়েছে তার আর ফেরবার রাস্তা নেই। হয় মৃত্যু, নয় মুক্তি। নেতার আদেশ। মুক্তি না পাও, মৃত্যুকে বরণ করে নাও।

প্রশ্ন নয়, সংশয়ও না।

করুণাদি ? তাঁর স্নেহ ?

নিজের মনের জগ্গেই তোলা থাক—বিপ্লবী রঞ্জনের জগ্গে নয়।

এরই দিন তিনেক বাদে বেগুদা ডেকে পাঠালেন।

—শোনো, একটা জরুরি কাজ করতে হবে তোমাকে।

আগ্রহ-ব্যাকুল মুখে তাকিয়ে রইল রঞ্জন। কাজ করতে হবে। একটা কঠিন, দুর্লভ, রোমাঞ্চকর কাজ? রক্ত দিয়ে যা চিহ্নিত, জীবনের মূল্য দিয়ে যা সমাপ্ত করা চলে? সমস্ত প্রাণ দোলা খেয়ে উঠল। এই ছোট ছোট কাজের খুঁটিনাটি নয়, যার ভেতর দিয়ে আত্ম-বোষণা আর আত্মপ্রতিষ্ঠা করা চলে—দু'হাত ভরে দাও সেই কাজের গৌরবে।

—পারবে কিনা বুঝতে পারছি না—বেগুদা চিন্তিত আর শান্ত জিজ্ঞাসায় ওর দিকে তাকিয়ে রইলেন।

—পারব, নিশ্চয়ই পারব।

—বেশ, ভালো কথা। একদিনের জগ্গে তোমাকে বাইরে যেতে হবে একটু। বাড়ি থেকে যেতে দেবে ?

—তা দেবে।—বিষয়ভাবে রঞ্জন হাসল। মা নেই, ঠাকুরমার অবস্থা প্রায় অপ্রকৃতিস্থ ; বাবা যেন দিনের পর দিন সন্ন্যাসীর মতো হয়ে যাচ্ছেন। বেদনাভরা বন্ধন-মুক্তি ঘটে গেছে তার।

—তা হলে আজ সন্ধ্যা সাতটার টেনে একবার রংপুর যেতে হবে তোমাকে। স্টেশনে একটি ঘেয়ে আসবে, তাকে সঙ্গে করে নিয়ে যাবে, নামিয়ে নেবে রংপুর স্টেশনে। আর কিছুই করতে হবে না। ওয়েটিং রুমে অপেক্ষা করবে, তারপর যে ফেরার ট্রেন পাবে তাইতেই করে চলে আসবে।

—শুধু এই ?

—হ্যাঁ, শুধু এই।—রঞ্জনের আশাহত মুখের চেহারাটা লক্ষ্য করে বেগুদা হাসলেন : ভাই বলে কাজটা একেবারে বাজে নয়, অত্যন্ত জরুরি। কিছু জিনিসপত্র যাচ্ছে : পারবে তো ?

রঞ্জন ঘাড় নাড়ল।

—তবে এই নাও টাকা। বেশিই দিলাম। দুখানা সেকেণ্ড ক্লাসের টিকেট করবে।

—সেকেণ্ড ক্লাস?

—হ্যাঁ, সেকেণ্ড ক্লাস।—বেগুদার মুখে আবার যুদ্ধ হাসির রেখা দেখা দিলে : অনেকখানি বাজে খরচের পাট বাঁচাতে হলে কখনো কখনো একটু বেশি খরচ করতে হয়। আচ্ছা, যাও তুমি।

রঞ্জন চলে এল। জরুরি কাজের আশ্বাস মিলেছে বটে, কিন্তু খুশি হয়নি মন। পদ্ধতিটাই খারাপ লাগছে। একটা মেয়ের খবরদারী করা, তাকে যথাস্থানে পৌঁছে দেওয়া।

তা হোক—নিজের ভিতরে আর সে প্রশ্ন তুলবে না। নিজের সংশয়ের ভারটা যেন নিজের মনের ওপরেই প্রতিদিন চেপে বসছে তার। স্তবরাং যথাসম্ভব উৎফুল্ল হওয়ার চেষ্টা করলে সে, একটা বৃহৎ এবং মহৎ কাজের অধিকার লাভের গৌরবে অহুপ্রাণিত হতে চাইল।

স্টেশনে এল একটু আগেই, সাড়ে ছটার সময়। দুখানা টিকেট করে প্ল্যাটফর্মের ওপর পায়চারি করতে লাগল। কিন্তু লোকের ভিড়ে বেশিক্ষণ চলা-ফেরা করতে ভালো লাগে না। ধনেশ্বরের টিকেটকিরা ট্রেনগুলোর ওপর কড়া নজর রাখে তাদের।

হাঁটতে হাঁটতে চলে এল প্ল্যাটফর্মের একটা কোণায়। এদিকটা প্রায় অন্ধকার, স্টেশনের নাম লেখা বাপ্‌সা আলোটায়া বিশেষ কিছু পরিচ্ছন্ন ভাবে চোখে পড়ে না। শুধু একপাশে তৃপাকার প্যাকিং বাক্স পড়ে আছে, আর তাদের ভেতর থেকে উঠছে পচা মাছের একটা চিমসে কটু গন্ধ।

পেছন থেকে কে আস্তে স্পর্শ করল তাকে। চমকে উঠল সে, ফিরে দাঁড়ালো নক্ষত্রবেগে।

একটি দশ-বারো বছরের ছোট ছেলে। আস্তে আস্তে বললে, আপনাকে ডাকছে।

—কে?

আঙুল বাড়িয়ে প্যাকিং বাক্সের স্তূপের একদিক দেখিয়ে দিলে ছেলেটি, তারপর চলে গেল জোর পায়ে।

রঞ্জন এগিয়ে গেল। অন্ধকারের মধ্যে নিজেকে প্রায় মিলিয়ে দিয়ে একটা মেয়ে বসে আছে।

—রঞ্জনবাবু?

—হ্যাঁ, আমি।

—টিকেট করেছেন?

—হঁ।

—ট্রেন এলে গাড়ির সামনে দাঁড়াবেন। আমি উঠলে তার দু-মিনিট পরে উঠবেন অন্তত। এমন ভাব দেখাবেন না, যেন একসঙ্গে যাচ্ছি আমরা।

—আচ্ছা—

—বেশ, আপনি যান—

রঞ্জন সরে এল। কিন্তু অন্ধকারের মধ্যেও চিনতেভুল হয়নি তার। ছায়াযুতির মতো দেখা দিয়েই সে ছায়ায় মিলিয়ে গিয়েছিল, পলকের জন্তে যেন ঝলসে উঠেছিল একখানা খাপখোলা তলোয়ার। গলার স্বরে তীক্ষ্ণ তেজস্বিতা, যেন বেণুদার প্রতিধ্বনি। স্থতপা।

করণাদিকে চেনে, সংঘমিত্রা তার মনে একটা অদ্ভুত অস্বস্তিকর প্রতিক্রিয়া। কিন্তু এই মেয়ে? এক লহমায় দেখলেই চেনা যায়, এ আগুন, এ চটপ্রাণের প্রীতিলতার দলের। বুড়িবালামের ভীরে দাঁড়িয়ে যদি পুলিশের গুলির সামনে কেউ বুক পেতে দিতে পারে তা হলে তা এই মেয়ে পারবে, মিতা নয়। কিন্তু এর পাশে দাঁড়ানো! না—সে জোর নেই তার।

—ঠন্-ঠন্-ঠনা ঠন্—

ঘণ্টা পড়ল—প্রথম ঘণ্টা। প্ল্যাটফর্মের ওপর তেমনি সতর্ক পদচারণা আর মধ্যে মধ্যে লক্ষ্য করা ধনেধরের লোক কোথাও থাকা গেড়ে অপেক্ষাকরছে কিনা। স্থতপা। হাতের শেষ আঙুলি তার মায়ের স্মৃতিচিহ্নও অসংকোচে পার্টির কাজে বিলিয়ে দিতে বিন্দুমাত্র বিধাও তো দেখা দিলে না। নিজের জন্তে কিছু রাখবার নেই, একটুকুও না। অথচ মিতা। পাশাপাশি একটা অবাকিত তুলনাবোধ দেখা দিয়ে ভাবনাকে হঠাৎ বিতৃষ্ণ করে তুলল। মিতার সারা গায়ে ঝলমল করছে গয়না, দামী শাড়ি আর হুগন্ধে সে অপরূপ হয়ে আছে। কতটুকু তার ত্যাগ? দেশের সম্পর্কে খানিকটা সৌখিন সহানুভূতি ছাড়া—

অশ্রদ্ধায় মন ভরে গেল। অশ্রদ্ধা এল মিতার এপর, এল নিজের সম্পর্কেও। মিতা হৃন্দর, মিতা অপরূপ, হঠাৎ প্রাণ পেয়ে ওঠা একটা ফেরারি টেলস। আবেশ-জাগানো গন্ধ তার চুলে, তার নিঃশ্বাসে। তবু—

মুহূর্তের আচ্ছন্নতায় যেন বিবশ হয়ে আসতে চাইল শরীর। কিন্তু প্রবলভাবে একটা বিস্তার দিয়ে নিজেকে সজাগ করে তুলল সে। হোক হৃন্দর, তবু সে একটা পুতুলের চাইতে তো বেশি নয়। দোলাক মনকে, কিন্তু বিপ্লবীর জীবনে পথ চলার প্রেরণা তো সে দেয় না। সে পরিমলের বোন, তাই তার একমাত্র গৌরব।

—‘প্রেরণা দিয়েছে শক্তি দিয়েছে বিজয়লক্ষ্মী নারী’—

নজরুলের লাইন। কিন্তু সে বিজয়লক্ষ্মী কি মিতা? চোখে ঘুম ঘনিয়ে আসে মনে হয়, ওর কথা ভাবতে ইচ্ছে করে সন্ধ্যার আকাশের মোহ জাগানো ‘সাততাই চম্পা’র দিকে

তাকিয়ে তাকিয়ে। না, কোনো দিন মিতা তরবারি তুলে দেবে না হাতে। কপালে রক্তচন্দন আর মাথায় উষ্মীষ পরিয়ে তাকে বিদায় দেবে না কোনো জালালাবাদ অথবা বুড়িবালামের কঠিন অভিযাত্রায়। না, মিতাকে তার ঘৃণা করা উচিত। ড্রাগন-ঘীপের বন্দিরা রাজকন্ডা আর বেঁচে নেই—একটা শব ছাড়া সে আর কিছুই নয়।

তবে ?

—ঠন্-ঠন্ ঠন্ঠ-ঠন্-ন্-ন্—

হু নম্বর ঘণ্টি। চকিত হয়ে উঠল। দূরে সার্চলাইটের আলো ঝলমলিয়ে উঠেছে, কাঞ্চনদীর ব্রীজে গুম গুম শব্দ। ট্রেন এসে পড়ল।

ঘটাং ঘট। লাইন ক্লিয়ার। ঝড়ের মতো শব্দ করে আমিনগাঁ-এলাহাবাদ প্যাসেঞ্জার এসে দাঁড়ালো।

সেকেণ্ড ক্লাস কম্পার্টমেন্ট খুঁজে পেতে দেরি হল না। সামনে যেটা সেটাতে কিছু লোক আছে। আর একটু এগিয়ে আর একখানা—একেবারে খালি।

—সরুন, উঠতে দিন—

মেয়েলি গলার ধমক। সরে পাশের ইন্টার ক্লাসটার কাছে গিয়ে দাঁড়ালে রঞ্জন। পেছন ফিরে একবার তাকিয়েও দেখল না—দেখবার প্রয়োজন নেই। নিরাসক্তভাবে সে অপেক্ষা করতে লাগল, যেন গাড়িটার সঙ্গে কোনো সম্পর্কই নেই তার।

অল্প ঝুপেজ। গঙগোলে আর কুলির চিংকারে কোথা দিয়ে চলে গেল সময়। গার্ডের বাঁশি বাজল। সাড়া দিলে ইঞ্জিনের হুইশিল, গাড়ি নড়ল। চলতি গাড়িটার হাতল ধরে উঠে পড়ল রঞ্জন।

—আসুন, বসুন—

স্বতপা ডাকল।

এবারে পরিষ্কার দেখা গেল খাপখোলা তলোয়ারকে। ছোট কামরা, গাড়িতে আর দ্বিতীয় যাত্রী নেই। মুখোমুখি দুখানা লম্বা সিট। ওদিকের সিটে গাড়ির দেওয়ালে হেলান দিয়ে বসেছে স্বতপা। পা তুলে দিয়েছে বেঞ্চির ওপরে, একখানা শাদা আলোয়ানে ঢেকে নিয়েছে কোমর পর্যন্ত। জানালার ওপর বাহ রেখে কপালের পাশে হাত দিয়ে বসেছে নিশ্চিত নিরাসক্ত ভঙ্গিতে।

—দাঁড়িয়ে আছেন কেন ? বসে পড়ুন।—স্বতপা হাসল : দাঁড়িয়ে দাঁড়িয়ে গাড়ি পাহারা দিচ্ছেন নাকি ?

—না তা নয়—সপ্রতিভ জবাব দিয়ে সে বসে পড়ল।

মেয়েদের সম্পর্কে এমনিতেই তার সংকোচ বেশি, আর মিতার স্পর্শ সে সংকোচ আরো বেশি বাড়িয়ে তুলেছে আজকাল। কেমন চোখ তুলে তাকাতে পারে না মেয়েদের

দিকে, ভয় করে। জাতটাকে সে বুঝতে পারে না, এদের সম্পর্কে রয়েছে তার একটা সমস্ত জিজ্ঞাসা। হালে মিতা তার এই ভয়টাকে আরো বাড়িয়ে দিয়েছে।

চোরা-চাহনি তুলে একবার দেখে নিলে হতপাকে। জানালার বাইরে চেয়ে আছে, দেখছে পেছনে ছিটকে ছিটকে সরে যাওয়া শহরের আলোগুলোকে। চিন্তামগ্ন একটা নিবিষ্ট ভঙ্গি তার। এখানে বসবার সঙ্গে সঙ্গে যেন হারিয়ে ফেলেছে বাইরের পরিবেশকে, তলিয়ে গেছে নিজের একটা অতলস্পর্শ গভীরতার আড়ালে। যেন চারিদিকে রচনা করেছে একটা কঠিন ব্যুহ, একটা দুর্ভেদ্য আবরণ। সে আবরণ ভাঙা যায় না, তার ভেতর দিয়ে ওর কাছে এগোবার মতো এতটুকু পথও খোলা নেই।

চোরাদৃষ্টি ফেলে ফেলে দেখতে লাগল রঞ্জন।

বয়েসে ওদের চাইতে বেশ বড়ই হবে। ঠিক ফর্সা নয়, ঝকঝকে মাজা রঙ। চোখা নাক, টানা টানা চোখ; পাতলা ঠোঁট দুটো শক্ত ভাবে চাপা, হেলানো খীয়ায় যেন একটা গবিত ভঙ্গি প্রচ্ছন্ন হয়ে আছে তার। মাথার চুল বেশি বড় নয়, তাও ক্লক্ক, খোঁপাটা ভেঙে কাঁধের উপর আলুথানু হয়ে লুটিয়ে পড়ে আছে। সম্পূর্ণ নিরাভরণ, হাতে গাছ কয়েক রূপোর চুড়ি ছাড়া আর কিছুই নেই।

কিন্তু অভরণ নাই থাক, মনে হল, হয়তো কল্পনার খেলালেই মনে হল : হতপার ক্লশ মস্তণ শরীরে একটা ভীক্ষু ঔজ্জ্বল্য ঝকঝক করছে। মেয়েদের মধ্যে এ উজ্জলতা সে কোনো দিন দেখেনি। চট্টগ্রামের বিপ্লবী মেয়েদের কথা জেনেছে, জেনেছে কুমিল্লার সেই দুটি মেয়ের কাহিনী : যাদের রিভলভারের গুলিতে শাদা সাহেব খাবি খেয়ে লুটিয়ে পড়ল। ওই সব মেয়েদের সম্পর্কে একটা বিশ্বয়ভরা জিজ্ঞাসা জেগেছিল তার, হতপাকে দেখে যেন সে জিজ্ঞাসার উত্তর মিলল।

তলোয়ার ? তার চাইতে আরো বেশি। বাঁসীর রাগী লক্ষ্মীবাঈ। তেরা ফিগনার। মাদাম হালিদা এদিব। আরো কে আছে ?

—ঝরাং ঝরাং—

ট্রেন দ্রুত চলেছে, শুক্ক হয়েছে বাঁকুনি। মিটারগেজের দুলুকি-চলা গাড়ি। হতপা দৃষ্টি ফেরালো, সঙ্গে সঙ্গে সে চোখ ঘুরিয়ে নিল বাইরের দিকে।

—শুছুন ?

হতপা ডাকছে।

—কিছু বলছিলেন ?

একটা ছোট স্ট্রাক্টকেস রঞ্জনের দিকে এগিয়ে দিয়ে হতপা বললে, এটা রাখুন আপনার কাছে। দরকারী জিনিস আছে। ধরতে এলে কিন্তু ওটা নিয়েই লাফিয়ে পড়তে হবে ট্রেন থেকে—অল্প হাসল হতপা।

আবার চূপচাপ। কী বলবে খুঁজে পাচ্ছে না। হতপা কী ভাবছে সেই জানে, অন্তত ইচ্ছে করেই ওদিক থেকে নিজের মনোযোগ সরিয়ে রেখেছে। ট্রেন চলেছে অন্ধকারের সমুদ্রে একটা অতিকায় জন্তুর মতো সীতার দিয়ে; এক-আধটা আলোরটুকরো ফেনার ফুলের মতো ফুটে উঠেই মিলিয়ে যাচ্ছে। কী আছে হটকেসের মধ্যে? বোমা? রিভলভার? নাইট্রিক অ্যাসিড?।

—শুভন?

আবার ডাকল হতপা। আবার চকিতে মুখ ফেরালো রঞ্জন।

—শুনেছি খুব ভালো কবিতা লেখেন আপনি।

রাঙা হয়ে গেল রঞ্জন : কে বলেছে?

—সবাই। আপনি জানেন না, আপনার বৈপ্লবিক কবিখ্যাতি কী ভয়ানক ছড়িয়ে পড়েছে।

বৈপ্লবিক কবিখ্যাতি। কথাটা যেন ঠাট্টার মতো শোনালো। সন্দেহ ভাবে হতপার মুখের চেহারাটা একবার লক্ষ্য করবার চেষ্টা করলে সে। মিতার মুখে যা সত্যিকারের খ্যাতির মতো মনকে প্রসন্ন করে তুলত, হতপার কাছে তা বিদ্রূপের মতো লাগে। দুজনের জাত আলাদা। একজন মুগ্ধ, একজন প্রথর; একজনকে মানায় ছবির মতো বাগানটায়, যেখানে সে ছবির মতোই প্রাণহীন। আর একজনকে দেখা যায় কোনো ঝোড়ো রাজিতে—কোনো তীক্ষ্ণ বিদ্যুতের তলোয়ারের মতো ধর-আলোয়। কিন্তু—

হতপা হেসে উঠল : লজ্জা পেলেন তো। কিন্তু বিপ্লবীর তো এভাবে লজ্জিত হওয়া উচিত নয়।—হাসিটা মাঝখানেই থেমে গেল, কথার স্বরে এল গভীরতা : সমস্ত সংসারকে তুচ্ছ করে তার মাথা তুলে দাঁড়ানো উচিত। জয় করা উচিত ভয়কে, দুর্বলতাকে। লজ্জাটা তার অলঙ্কার নয়, অসম্মান।

রঞ্জন হঠাৎ দৃষ্টিটা তুলে ধরল সোজাভাবে। শিল্পীর অহমিকায় বা লেগেছে। মেয়েদের সম্পর্কে তার সংশয় আছে, কিন্তু মেয়েদের উপদেশে তার শ্রদ্ধা নেই। তা ছাড়া হতপা করুণাদি নয়—একটা অদৃশ্য প্রতিদ্বন্দ্বিতা বোধ হল চকিতের মধ্যে।

—কিন্তু নিজেকে বেশি করে প্রচার করাই কি খুব বড় জিনিস? জোর এক—জোরের ভানটা আলাদা।

হতপার মুখে বিশ্বাসের ছায়া পড়ল। বেশ বোঝা গেল, ছেলেটিকে আরো ছেলেমানুষ বলে আশা করেছিল সে। যেন কথা বলবার কোঁক চেপে গেল রঞ্জনের। সতেজ আত্ম-প্রতিষ্ঠা ভাবে বলে গেল : জোর যেদিন আসবে সেদিন নিজেকে প্রচার করব বই কি। কিন্তু যতদিন তা না আসে ততদিন অপেক্ষা করাই কি ভালো নয়?

—বেশ, অপেক্ষা করুন।—স্বতপা যেন পরাভূত বোধ করলে নিজেকে : কিন্তু সময় যখন আসবে তখন যেন সংকোচে নিজেকে আড়াল করে রাখবেন না।

—নিশ্চয়ই রাখব না।

স্বতপা এবার স্নিগ্ধ ভঙ্গিতে হাসল : কবির সঙ্গে কথায় পারবার জো নেই। একদিন তর্ক করব আপনার সঙ্গে। কিন্তু জানেন, আমিও একসময়ে কবিতা লিখতাম।

—সত্যি ? এতক্ষণের সংশয় কাটিয়ে আগ্রহী হয়ে উঠল রঞ্জন : তবে লেখেন না কেন আজকাল ?

—লিখি না কেন ? বাঃ, আপনারা লিখতে দিলেন কই ?

—মানে ?

—মানে ফার্স্ট ইয়ারে পড়বার সময় হঠাৎ নিজের প্রতিভার ওপরে শ্রদ্ধা জেগে গেল। একগাদা কবিতা পাঠালাম নানা মাসিক পত্রিকায়। কিছু ফেরত এল, কিছু এল না।

—সেগুলো তবে ছাপা হল বুঝি ?

—না—শান্ত হাসিতে স্বতপার মুখ আরো বেশি করে উজ্জ্বল হয়ে উঠল : গেল সম্পাদকের বাজে-কাগজের ঝুড়িতে। ফেরত দেবার দরকারও বোধ করলেন না তাঁরা।

—অছায়া, বাস্তবিক।

স্বতপা কিন্তু সহানুভূতিটা গায়ে মাখল না : অছায়া কিছু হয়নি। সম্পাদকেরা বুদ্ধিমান লোক, আমার কবিতা সম্বন্ধে তাঁরা স্নেহে অন্ধ ছিলেন না। অতএব কবিতা-গুলো তাদের যোগ্য মর্যাদাই পেয়েছিল। সে যাক, কথা বাড়িয়ে লাভ নেই আর। পৌঁছতে তো এখনো ঘণ্টা তিনেক দেরি আছে, ভালো করে শুয়ে পড়ুন।

রঞ্জন বুঝতে পারল। যত সহজে কথাটা আরম্ভ করেছিল স্বতপা, তত সহজেই সেটাকে সে থামিয়ে দিতে চায়। বিপ্লবিনী স্বতপা, তার নিরাভরণ দেহের চারদিকে যেন বিকীর্ণ করে রেখেছে একটা আগ্নেয়বৃত্ত ; সে বৃত্তের থেকে চকিতের জ্বল বাইরে এসে পড়েছিল সহজ মানুষের কাছাকাছি, তাই যেন আবার নিজেকে সংকুচিত করে নিলে সে। যেন থাবা দিয়ে থামিয়ে দিলে অন্তরঙ্গতার স্বাভাবিক অগ্রগতিটাকে।

—আমার ঘুম আসবে না এখন, আপনি শুয়ে পড়ুন।

—আচ্ছা—

আর একটি কথাও বললে না স্বতপা। চাদরটা বুক পর্যন্ত টেনে নিয়ে লম্বা হয়ে শুয়ে পড়ল। তারপর চোখের ওপর হাত দিয়ে আড়াল করে ধরলে আলোটাকে।

রঞ্জন প্রশ্ন করলে, চোখে লাগছে ? নিবিয়ে দেব আলোটা ?

—না, না—প্রায় আর্দ্রস্বরে কথাটা বললে স্বতপা। তীব্র সন্ধানী চোখে তাকাল ওর দিকে, প্রায় আধশ্রান্ত উঠে বসল কিপ্রগতিতে। তারপরেই কোমল হয়ে এল দৃষ্টি, স্নিগ্ধ

হাসির রেখা দেখা দিলে চৌটার কোণায় । না, ভুল হয়নি, একেবারে ছেলেমানুষই বটে ।

—দরকার হলে নেবাতো পারেন—মুহুরের জবাব দিয়ে এবারে নিশ্চিতভাবে শুয়ে পড়ল সে । কিন্তু আলো নেবাল না রঞ্জন । তার চেতনা তখন ছড়িয়ে পড়েছে বাইরের দিকে—প্রবাহিত অন্ধকারের স্রোতের মধ্যে । হঠাৎ মনে একটা নতুন প্রশ্ন জেগেছে । আলো নেবাবার কথায় অমন করে চমকে উঠল কেন হতপা ? বিপ্লবী মেয়ে, আগুনের মতো ধারালো মেয়ে, সে খালি খালি অন্ধকারকে ভয় পায় কেন ?

হতপার সঙ্গে পরিচয়টা হল এই ভাবেই । কিন্তু পরিণতি যা ঘটল তা অভাবনীয় । একটু একটু করে কী ভাবে সম্পর্কটা ঘনিষ্ঠ হয়ে উঠল সেটা মনে পড়ে না । কিন্তু একটা জিনিস বেশ মনে আছে, দেখা হলেই চৌকাঠুকি বাধত । ওকে খোঁচা দিয়ে একটা আশ্চর্য কৌতুক বোধ করত হতপা ।

—কবিরা ভয়ঙ্কর মিথ্যাবাদী ।

ফ্যাচ করে উঠল রঞ্জন : কিসে বুঝলেন ?

অজ সাজিয়ে কথা বলা দেখে । ছন্দ দিয়ে যারা কথা শুছিয়ে তোলে, সত্যের চাইতে গোছানোর দিকেই তাদের নজর থাকে বেশি । অমাবস্তার ঘুটঘুটে আধার রাস্তিরে তারা পুণিমা নিয়ে কবিতা লেখে ।

—আপনার তো হিংসে হবেই । সম্পাদকেরা লেখা ফেরত দিয়েছে কিনা ।

হতপা হেসে উঠত । ধারালো ঝকঝকে হাসি ।

—তর্ক করতে গিয়ে ব্যক্তিগত আক্রমণ ? এটা বে-আইনি ।

—বা রে, আপনি যা-তা বলবেন তাই বলে ?

আর একদিন ।

হতপা বলে বসল, আপনি কম মণ ওজন তুলতে পারেন ? বিশ মণ ?

—পাগল নাকি ? কোনো মানুষে তা পারে ।

—আপনি পারেন—কবিরা নিশ্চয় পারে ।

আক্রমণের গতিটা বুঝতে না পেয়ে বিস্মিতদৃষ্টিতে রঞ্জন তাকিয়ে রইল : তার মানে ?

—মানে, পরিমল এসেছিল ।

—তবু কিছু বোঝা গেল না ।

—বোঝা গেল না, না ?—মুখ টিপে টিপে তীক্ষ্ণ হাসি হাসল হতপা : পরিমল এসে একেবারে হাত-পা ছুঁড়তে লাগল । বললে, রঞ্জু যা একটা কবিতা লিখেছে তা একেবারে প্রলয়ঙ্কর ।

মনে মনে পরিমলের ওপর অত্যন্ত চটে গিয়ে বিব্রতমুখে রঞ্জন বললে, যাঃ ।

না. র. ৪র্থ—৭

—বাঃ ? তবে এ লাইনগুলো কার ?

‘হিমালয় ধরে দেব নাড়াচাড়া, সাগরে তুলব ঘোর তুফান ?’

রঞ্জু ততক্ষণে রক্তবর্ষ ।

হুতপা সকৌতুকে বললে, হিমালয় ধরে যে নাড়াচাড়া দিতে চায় সে বিশ-পঁচিশ মণ ওজন তুলতে পারবে না ?

—বাঃ, ওটা যে কবিতা ।

—ওই জন্তেই তো বলছিলাম কবির মিত্যোবাদী ।

—কী আশ্চর্য, আপনি—মানে—কী আশ্চর্য—অবস্থির আর সীমা রইল না । এমন ভাবে যে লোক কবিতার ব্যাখ্যা করে তার সঙ্গে তর্ক চলবে কী উপায়ে । একেবারেই অরসিকেষু ।

তবু তর্ক চলত । রাগ হয়ে যেত, ভাল লাগত তবু । মিতা নয়, করুণাদি নয়—এ একেবারে আলাদা জাতের মেয়ে । মিতার কাছে গেলে কেমন নার্তাস হয়ে যেতে হয়, করুণাদির প্রভাব মনকে আচ্ছন্ন আবিষ্ট করে ফেলে । কিন্তু হুতপার কাছে এক ধরনের সমঝিমিতা মেলে—কোথায় যেন খুঁজে পাওয়া যায় মানসিক সংযোগ ।

কিন্তু একটা জিনিস মাঝে মাঝে ভারী ঝরাপ লাগে ।

কথা বলতে বলতে হঠাৎ থেমে যায় হুতপা । কেমন যেন গম্ভীর হয়ে ওঠে । মুখের ওপর শুক মেঘাচ্ছন্নতার মতো কী একটা আসে বনিয়ে, চোখ দুটো কোথায় যেন তলিয়ে যায় তার । মনে হয় আপাতত তাকে আর খুঁজে পাওয়া যাবে না । সে হারিয়ে গেছে কোনো একটা অতলান্ত সমুদ্রের গভীরে, সরে গেছে কোনো এক দুর্লভ্য নীহারিকার আলোক-লোকে । মুখের একপাশে পড়া লঠনের আলোয় কেমন অসমাপ্ত, ঋণ্ডিত দেখাচ্ছে তাকে—তার সম্পূর্ণ সত্তাটা চলে গেছে তার বোধের বাইরে, তার বিচারের সীমারেখা পার হয়ে ।

আর তখনি উঠে পড়ে সে । তখনি মনে পড়ে হুতপার মুহূর্তগুলোতে এখানে তার প্রবেশ নিষেধ—সে একান্তভাবে অনধিকারী । বলে, আচ্ছা তবে আমি আজ চলি—

হুতপা জবাব দেয় না—শুধু মাথা নাড়ে । নিঃশব্দে বেরিয়ে চলে যায় রঞ্জন, বুঝতে পারে না যে এত উচ্ছল এত সহজ—হঠাৎ তার ভেতরে অমনভাবে কিসের ছায়া ছড়িয়ে পড়ে । কোনদান থেকে আসে রাহু—সূর্যের আলোকে আড়াল করে দেয় একটা কালো আবরণ বিছিয়ে দিয়ে ?

মন এলোমেলো ভাবনার জাল বুনেতে চায় ।

কিন্তু উত্তর পাওয়া গেল একদিন ।

হুতপা একটা বই পড়তে চেয়েছিল ওর কাছে । বইটা যোগাড় করে নিয়ে এল

ছপুরের দিকে।

রোদে ভরা বাড়িটার স্তব্ধতা। হুতপার দাদা অবনী রাই অফিসে বেরিয়ে গেছেন। অবনী ওদের দলের উৎসাহী কর্মী। বাড়িতে এক বিষবা মাসী থাকেন, তিনি কিছু দেখেও দেখেন না। তাই নানা কারণে এ বাড়িতেই জরুরি সভাসমিতিগুলো বসত।

মাসিমা বারান্দায় বসে টাকুতে পৈতে কাটছিলেন। রঞ্জনকে দেখে বললেন, খুব সঙ্গে দেখা করতে এসেছ? ওর তো জর হয়েছে।

—জর? কবে থেকে?

—কাল রাত্তির থেকে। খুব জর এসেছে।

—তাই নাকি?—রঞ্জন উৎকণ্ঠিত হয়ে উঠল : একটা বই দিতে এসেছিলাম যে—

—যাও না, শুয়ে আছে ও ঘরে—। যদি জেগে থাকে দেখা করে যাও।

সাবধানে পা টিপে টিপে ঘরে ঢুকল সে, আন্তে হাত দিচ্ছে খুলল ভেজানো দরজাটা।

বালিশের ওপর রুক্ষ চুলগুলো মেলে দিয়ে কাত হয়ে শুয়ে আছে হুতপা। এক হাতে কপালটা ঢাকা, আর একটা নিরাতরণ বাহু শিথিলভাবে এলিয়ে দিয়েছে পাশে। কোমর অবধি টানা চাদরটা বিস্তৃতভাবে পড়ে আছে—একটা আশ্চর্য কল্পিতা যেন ঘিরে ধরেছে তার রোগশয্যাকে। তলোয়ারের মতো ধারালো মেয়েটিকে কী অসহায় বলে বোধ হচ্ছে, কী অবিখ্যাত দেখাচ্ছে এখন এই ক্লান্ত আত্মনিবেদনের ভঙ্গিটা। তেমনি সাবধানই ফিরে যাচ্ছিল, কিন্তু সামান্য একটু শব্দ হল পায়ের চটিটার। আর চোখ মেলে তাকালো হুতপা। জরের ধমকে টকটকে লাল দুটো চোখ।

—কে?—দুর্বল গলায় ডাক এল।

—আমি রঞ্জন।

—ওঃ, আহ্ন।

—নাঃ, আপনি অসুস্থ। আজ আর বিরক্ত করব না। এই বইটা রেখে চলে যাচ্ছি।

—না—না, যাবেন না—হঠাৎ একটা অপ্রত্যাশিত উত্তেজনায় হুতপা যেন বিছানা থেকে আধখানা উঠে বসতে চাইল : আপনি যাবেন না। আজকে আপনাকে আমার ভয়ঙ্কর দরকার।

জরতপ্ত চোখের দৃষ্টি আর স্বরের উত্তেজনায় যেন চমক লাগল। স্তব্ধ হয়ে দাঁড়িয়ে গেল সে।

—আহ্ন—

মস্তমুখের মতো রঞ্জন এগিয়ে এল।

—বহ্ন।

একটা টুল টেনে নিয়ে রক্ত বিধাতরে বসল। বললে, আপনি অসুস্থ, এ অবস্থায়

আপনাকে বিব্রত করা—

—না, না। হুতপা মাথা নাড়ল : আমি আপনাকে খুঁজছিলুম।

—কেন খুঁজছিলেন আমাকে ?

—জানেন, আমি আর বাঁচব না।

রঞ্জু সভয়ে বললে, ছিঃ, ছিঃ, এসব কী কথা বলছেন আপনি। জর হয়েছে, দু-দিন পরেই ছেড়ে যাবে।

—না, যাবে না।—হুতপার আরক্ত চোখ দিয়ে আঙনের আভার মতো জরের উত্তাপ ঠিকরে পড়তে লাগল : আমি আর বাঁচব না।

ভয় করতে লাগল। ইচ্ছে করতে লাগল হুতপার কপালে একটুখানি হাত বুলিয়ে দেয় সে, জলের পটি লাগিয়ে দেয় একটা। কিন্তু অগ্নিকণ্টাকে হোঁবার শক্তি নেই, ভয়ে জমাট হয়ে বসে রইল সে।

ফিস্ ফিস্ করে হুতপা বললে, আপনি কবি, আপনি লেখক। আমি মরে গেলে আপনি একটা গল্প লিখবেন ?

—গল্প ?

জরের ঘোরে হুতপার স্বর কাঁপতে লাগল : হ্যাঁ, গল্প। বলুন লিখবেন আপনি ?

বিপন্ন মুখে রঞ্জন বললে, ওসব থাক এখন। পরে আর একদিন হবে না হয়।

—না, না, আর একদিন নয়। আর কোনোদিন হয়তো সুযোগই ঘটবে না। বলুন, আপনি লিখবেন এ গল্প ?

রঞ্জন হাল ছেড়ে দিলে। বিস্ময় স্বরে বললে, কী গল্প ?

জরতপ্ত গলায় পাগলের মতো যেন প্রলাপ বকে গেল হুতপা। শুনতে শুনতে সমস্ত শরীর যেন কাঁটা দিয়ে উঠল। প্রেমের গল্প। ভাবতে পারে কেউ, হুতপা বলছে প্রেমের গল্প। উজ্জল তলোয়ারের ধারালো ফলা মুহূর্তে কোমল আঁর স্নিগ্ধ হয়ে উঠেছে রজনীগন্ধার বৃন্তের মতো। মশালের মুখে আঙুন জলছে না, ফুলের বুকে টলোমলো করছে ভোরের শিশির।

এ প্রলাপ শোনা উচিত নয়, উঠে যাওয়া উচিত এখান থেকে। এখনি, এই মুহূর্তেই। একটা নিষিদ্ধ অন্তঃপুরে ঢোকবার অহুত্ব হচ্ছে। ধক্ ধক্ করে আওয়াজ হচ্ছে হৃৎপিণ্ডে, গরম হয়ে উঠেছে কান দুটো। হুতপার আঙুন-বরা অমাহুতিক রক্ত-চোখ দুটোর দিকে চাইতে পারল না সে, বসে রইল নত মস্তকে।

সেই পুরনো, বহু পুরনো গল্প। একটি ছেলে, একটি মেয়ে। একসঙ্গে তারা কলেজে পড়ত, একসঙ্গে তারা আলোচনা করত, একসঙ্গে চা-ও খেত মাঝে মাঝে। তারপর স্বাভাবিক ভাবেই এল প্রেম।

তারও পর একদিন যখন নদীর ওপারে হ্রদে বাছে, বালির চরে কাশফুলগুলোকে যখন শেষ আলোর একরাশ সোনার মতো মনে হচ্ছে, চারদিক নির্জনতার শান্তিতে ভলিয়ে আছে, সেই দুর্বল মুহূর্তের অবকাশে ছেলেটি মেয়েটির হাত ধরল।

ঘাসবন থেকে সাপে ছোবল মারল যেন। হাত ছিনিয়ে সরে গেল মেয়েটি : না—না।

—না কেন ? ছেলেটি আহত হয়ে বললে, তুমি তো আমাকে—

—না, না।—মেয়েটি আত্ননাদ করে উঠল।

—এর মানে ?

—জানতে চেয়ো না। অসহায় স্বরে মেয়েটি বললে : তুমি বুঝবে না।

কঠোর হয়ে উঠল ছেলেটির মুখ : তা হলে কী তুমি আর কাউকে ?

হু হাতে মুখ ঢেকে বললে, না, তা নয়।

—তবে কি আমরা বিপ্লবী, সেই জন্মেই ? কিন্তু মৃত্যুর পথেও যদি আমরা পাশাপাশি চলতে পারি, তার চেয়ে বড় আর কী আছে ?

—না, ওসব কিছুই নয়।

ছেলেটি অধীর উত্তেজনায় চঞ্চল হয়ে উঠল : বলা, সব খুলে বলা আমাকে।

—আমি পারবো না।—কান্নার মধ্যে জবাব এল মেয়েটির।

—আচ্ছা বেশ—ছেলেটি চলে যাচ্ছিল, কিন্তু এবারে মেয়েটিই তার হাত চেপে ধরল।

চোখের জল মুছে ফেলে অদ্ভুত স্বরে বলল, তবে শোনো। আমি বিবাহিত।

—বিবাহিত। ছেলেটি চমকে উঠল : কই জানতাম না তো। একথা তো বলোনি।

—বলতে পারিনি।—মৃতকণ্ঠে মেয়েটি জবাব দিলে।

—আমায় ক্ষমাকরো—আমি জানতাম না।—ছেলেটি চলে যাওয়ায় উপক্রম করল।

—না, না, যেয়ো না। যখন অর্ধেকটি শুনেছ, তখন সব কথাই শুনে যাও। তেমনি মৃত্যুরে মেয়েটি বলল, তুমি জানো, আমার স্বামী কে ?

—কী হবে জেনে ?—শ্রান্ত ভাবে ছেলেটি বললে।

—তবু তোমার জানা দরকার। শোনো, আমার স্বামী নীলমাধব।

—নীলমাধব ?

—হ্যাঁ, পাথরের ঠাকুর।

চমকে উঠল ছেলেটি : তুমি কি আমায় ঠাটা করছ ?

—না, ঠাটা নয়। এর চাইতে বড় সত্যি কথা আমি জীবনে কখনো বলিনি।—

ছেলেটির মনে হল কেমন যেন অপরিচিত হয়ে গেছে মেয়েটির গলার স্বর, যেন কোন্‌ বহুদূর দিগন্তের ওপার থেকে সে কথা কইছে।

—একটা আশ্চর্য কাহিনী শোনো। তোমার হয়তো বিশ্বাস হবে না, কিন্তু আমার

জীবনে এ কাহিনী সবচেয়ে ভয়ঙ্কর সত্য হয়ে আছে। আমার ঠাকুর্দা ছিলেন পরম বৈষ্ণব। শ্রীকৃষ্ণ সর্বত্র নিবেদন করে দিয়ে তিনি বস্ত্র হতে চেয়েছিলেন। তাই ছেলেবেলায় আমাকেও তিনি নীলমাধবের পায়ে সঁপে দিয়েছেন। আমি দেবদাসী, আমার বিয়ে করবার অধিকার নেই।

আকাশ ভেঙে বাজ পড়ল যেন। ছেলেটির কণ্ঠ থেকে শুধু অব্যক্ত অস্পষ্ট শব্দ বেরুল একটা। দুর্ভেদ্য কঠিন স্তম্ভতায় চারদিক গেল আচ্ছন্ন হয়ে, উঠল অতি তীব্র ঝাঁঝির ডাক, নদীর ওপারে সূর্যের শেষ আলোও মিলিয়ে গেল।

স্তম্ভতা ভেঙে অবরুদ্ধ স্বরে ছেলেটি বললে, বাজে।

—না।

—এ সংস্কার তুমি মানো?

তেমনি বহু দূরের থেকে, যেন এই চর আর নদীর ওপার থেকেই মেয়েটির গলা ভেসে এল : না।

—তা হলে কেন এ সংস্কার ভাঙবে না তুমি?

—পারব না। সে জোর আর আমার নেই—কান্নার চাইতেও মর্যাদাসিক বর্ণহীন শীতলতা তার স্বরে : মানতে পারি না, ভাঙতেও পারি না।

—বিপ্লবীর সমস্ত শক্তি দিয়েও নয়?

—উপায় নেই।

মেয়েটিই উঠে দাঁড়ালো এবার—মাঠের মধ্য দিয়ে দ্রুতবেগে এগিয়ে চলল, ছুটে পালিয়ে যেতে চায় সে।

আশুনভরা প্রলাপ জড়ানো-চোখে হুতপা গল্প শেষ করল।

মস্তমুগ্ধ রঞ্জন যেন সশ্বিৎ ফিরে পেল। যান্ত্রিক স্বরে বলে ফেলল : বেগুদা?

আর শুকুন, সেই মুহূর্তেই হুতপা যেন চেতনা লাভ করল। ইঠাৎ যেন বিকার কেটে গেছে তার, যেন চকিতে স্বাভাবিক হয়ে উঠেছে সে।

তীব্র তীক্ষ্ণ স্বরে হুতপা চোঁচিয়ে উঠল : যান—যান আপনি—

রঞ্জন আর অপেক্ষা করল না।

পথ দিয়ে চলতে চলতে নিজের চোখ সে কচলালো বার কয়েক। এ সত্যি নয়, এ স্বপ্ন। যেন ইঠাৎ ঘুম ভেঙে গেলেই সাবানের বুদ্বুদের মতো ভেঙে পড়বে এর রঙ।—হুতপার নিরাস্তরণ দীপ্ত দেহে তলোয়ারের ঝলক; তার চারদিকে আধেয়-বৃত্ত। বেগুদা—লোহার গড়া নির্ভর মাহুয। ভালোবাসা আর সংস্কারের বেড়ায় বলিনী হুতপা, শপথ নিয়েছে দাসত্বের শিকল ভাঙবার—অথচ যাকে ভালোবাসে সংস্কার ভেঙে তার কাছে এগিয়ে যাওয়ার জোর নেই তার—জোর নেই হুতপার।

তাই কি অত করে সংস্কার ভাঙবার কথাটা বলেছিল সে? শক্ত করে নিতে চাইছিল নিজের দুর্বলতার ভিত্তি? আর—আর এই জন্তেই কি গাড়ির আলো নেবাবার কথায় ভয় পেয়েছিল সে?

একটা অর্থহীন কল-কোলাহলে সমস্ত ভাবনাগুলো যেন একাকার হয়ে গেল।

পনেরো

আরো দু মাস? দু মাস, না আরো কম? ঠিক খেয়াল নেই, ভালো করে মনে পড়ে না এতদিন পরে। নানা রঙের দিনগুলি পাখা মেলেছে, উড়ে গেছে ঝড়ের বাতাসে। উনিশশো তিরিশ সালের বস্তা—তেরশো তিরিশ সালের বস্তা। জীবনে বস্তার বেগ এসেছে, এসেছে ঝরপ্রবাহ।

স্বতপা। একটা রাত্রির আশ্চর্য স্বপ্ন যেন। এখনো ঠিক বোঝা যায় না সেদিন সে-কথাগুলো সে সত্যি সত্যিই শুনেছিল কিনা।

তারপর আর দেখা হয়নি, দেখা করবার সুযোগও ঘটেনি। টাইফয়েড থেকে ওঠবার পরে স্বতপা চলে গেছে দেওঘর, সে প্রায় ছয় মাস হয়ে গেল। কিন্তু বেগুদারদিকে আজ-কাল সে তাকায় একটা নতুন প্রশ্ন নিয়ে, তার অর্থ বোধ করতে চায় একটা নতুন জিজ্ঞাসার আলোকে। কেন যেন মনে পড়ে—বহুদিন আগেকার একটা রাত্রির কথা। কবরখানা থেকে ফেরবার পথে হঠাৎ তাঁর সেই গান : “করুণাময়, মাগি শরণ।” সেই অসহায় বেড়ালের ছানাটাকে খানা থেকে ছুড়িয়ে ব্রুকে তুলে নেওয়া, পাথরের আড়ালে ভেঙে ফুটে ওঠা একটা ফুলের মতো কোমলতা। মনে হয় সেদিনকার সে ব্যবহারের যেন অর্থ খুঁজে পাওয়া গেছে—যেন কী একটা সঙ্গত কারণ পাওয়া গেছে তার।

আর স্বতপার সে আংটি দেওয়া। সে কি শুধু পার্টির জন্তে সর্বস্ব দেবার আকুলতা? অথবা আরো কিছু আছে তার আড়ালে, আরো কোনো গভীরতর আত্ম-নিবেদন? শুধু আংটি দেওয়া, না সেই সঙ্গে—

নিজের মনকে শাসানি দিলে একবার। এ শুধু অনধিকার চর্চা নয়, পাকারিও বটে। হালে কতগুলো বাংলা উপস্থাপন পড়ে এইগুলো আজকাল তাল পাকাচ্ছে তার মগজের মধ্যে। এসব ভুলে যাওয়া উচিত। সৈনিক, শুধু কাজ করো, শুধু নেতার আদেশ পালন করো। যদি ক্লান্ত লাগে, জেনো নিজের দুর্বলতা; যদি কোনো ব্যাপারে সংশয় জাগে, জেনো সে তোমার বুদ্ধির বাইরে।

অনেকদিন কবিতা লেখেনি। আজ আবার কাগজ কলম টেনে নিয়ে বসল। কিন্তু কিছু আসছে না। হু'লাইন লিখল, ফেটে দিলে আবার। একটা নতুন ছন্দ গানের

হরের মতো গুনগুনিয়ে উঠছে—

দূর গিরি-সঙ্কট হুগম পথরেখা একা পথে শঙ্কিত যাত্রী,

তবু তো উদয়রাগে রঞ্জিত গিরিচূড়া অবসিত হুযোগে রাজি—

নাঃ—এ শুধু কথা—এতে প্রাণ নেই। শব্দের বঙ্কার কানে লাগে, মন দোলায় না।
হুগম পথে একক যাত্রীর মনেও কি তেমন করে দোলা লাগে না আর ?

—March on, march on friend—there calls the martyr's heaven —

ভালো কথা, করুণাদি ডেকেছিলেন। আজকাল করুণাদি যেন মন থেকে সরে গেছেন খানিকটা। সরে গেছেন—না নিজেকে সরিয়ে নিয়েছেন বলা শক্ত। কোথায় একটা ব্যবধান এসে যেন আড়াল করে ধরেছে শক্ত হাতে। কার দোষ ? রঞ্জনের ? বেগুদার যেন কি বিপ্লবীর পথ চলাকে মেনে নিতে পারেননি মন থেকে ?

তবু একবার ঘুরে আসা যাক।

বাইরের ঘরে দরজা বন্ধ করে বৈঠক করছিলেন বেগুদা। দাদারা সবাই এসেছেন—এ আলোচনায় ওরা যোগ দিতে পারে না, এটা গুপ্ততলার ব্যাপার। একটা থমথমে গাঙ্গীর্ষ সকলের মুখে। বুঝতে পারে। চারদিক থেকে অচল অবস্থার সৃষ্টি হয়েছে একটা। সেই ভাকাতিটার পরে পুলিশের তাণ্ডব চলছে অবিরাম, এর মধ্যেই বার তিনেক সার্চ হয়েছে বেগুদার বাড়ি। দলের আট-দশজন ছেলে হাজতে। বেগুদাকে এখনো ধরেনি, বোধ হয় আরো উত্তোষ আয়োজন করে জাল গুটোবার মতলব আছে ঘনেশ্বরের। সবাই সেটা জানে। কাজেই ঘন ঘন জরুরী বৈঠক বসেছে আজকাল। কী করা যাবে ঠিক বোঝা যাচ্ছে না। টাকা দরকার—দরকার অর্গানাইজেশনকে আরো শক্ত করা। তারই কোনো প্রোগ্রাম নেওয়া হচ্ছে বোধ হয়।

বেগুদা বললেন, ভেতরে যাও।

শীতের রোদে স্নান করা সকাল। মিষ্টি, নরম, কষোষ। বারান্দায় সে রোদ পড়েছে, আর সন্তোষান করা চুল এলিয়ে দিয়ে রোদের দিকে পিঠ করে কী যেন সেলাই করছেন করুণাদি।

—করুণাদি ?

—রঞ্জন ? এসো—হাসিমুখে অভ্যর্থনা এল।

—আমাকে ডেকেছিলেন ?—হাস্তরে একপাশে বসে পড়ল।

—হ্যাঁ, ডেকেছিলাম বইকি। পিঠে করেছি কাল রাত্রে, ব্রাহ্মণভোজন না করালে পুণ্য হবে না।

—তাই বেছে বেছে আমাকে বুঝি ব্রাহ্মণ পেলেন ?

—তা বইকি । বেশ ছোটখাটো ব্রাহ্মণ—অগস্ত্যের মতো খায় না, কিন্তু খেয়ে খুশি হয় ।

রঞ্জন হাসল : পরিমল শুনলে কিন্তু চটে যাবে ।

—ওই হতভাগা ? করুণাদি সঙ্গেহে বললেন, ওর কথা আর বোলো না । ওকে ডাকতে হয় না, আপনি এসে জুটে যায় । কাল রাত্রে এসে অর্ধেক সাঁঝাড় করে গেছে ।

—বাঃ, আমাদের বাদ দিয়ে ? কী বিশ্বাসঘাতক ।

—ওই তো । চিনে রাখো কেমন বন্ধু তোমার—হেসে করুণাদি উঠে গেলেন ।

রঞ্জন ভাবতে লাগল । এখানে এসে ইঠাং যেন মনে হল আবার ফিরে পেয়েছে বাড়ির স্নিগ্ধতা, সেখানকার মমতাবরা নিবিড় আশ্রয়—যা ছিল মা বেঁচে থাকা পর্যন্ত । এখন আর বাড়িতে থাকতে ইচ্ছে করে না । অসহ্য লাগে ঠাকুরমার কান্না । সমস্তই একটা বিশৃঙ্খলার মধ্যে, দু'মাস থেকে বাবার চিঠিপত্র আসে না, শোনা যায় ইদানীং নাকী যোগসাধনা শুরু করেছেন তিনি ।

আজ বড় ভালো লাগল এখানে । আরো ভালো লাগল—অনেকদিন পরে যেন আবার খানিকটা স্বাভাবিক হয়েছেন করুণাদি । সেই পুরনো হাসি, সেই স্নেহের স্নিগ্ধ উত্তাপ, সকালবেলাকার মিষ্টি নরম রোদের মতো কবোক্ষ অহুভুতি ।

করুণাদি পিঠে নিয়ে এলেন ।

—এত ?

—খেয়ে নাও ।

—পারবো না তো ।

—আর দর বাড়িতে হবে না—খেয়ে নাও ।—করুণাদি ধমক দিলেন ।

খেতে খেতে উঠানের দিকে তাকালো রঞ্জন । এক কোণে কতগুলো গাঁদা ফুল ফুটেছে—এত রাশি রাশি ফুটেছে যে পাভাগুলোকে পর্যন্ত দেখা যায় না । শিশিরে ভিজ়ে ভিজ়ে ফুলগুলো, সকালের রোদ এখনো সে শিশির শুকিয়ে নিতে পারেনি । কতগুলো পায়রা নিশ্চিন্তে ঘুরে ঘুরে বেড়াচ্ছে, খুঁটে খুঁটে খাচ্ছে কী যেন । ইদারার ধারে একটা পঁপে গাছ, তিন-চারটে শালিক কিচির-মিচির করছে তার ওপরে ।

শান্তি, বিশ্রাম । যেন করুণাদি তাঁর নিজের চারপাশে একটা মধুচক্র রচনা করে রেখেছেন । আর বাইরের ঘর । এর একেবারে বিপরীত । অরুপণ সূর্যের আলোকে রুদ্ধ করে দিয়ে, এই গাঁদা ফুলে ভরা ভোরের শিশিরকে অস্বীকার করে যেখানে একটা আঘেয় পরিবেশ । জটিল তর্ক, কুটিল সমস্তা । হৃদয়ের স্নেহভরা ঘরের মোহ নয়, বড়ের ক্যাপারিলাগা সমুদ্রের ডাক ; পায়রার খুঁটে খুঁটে খুদ খাওয়া নয়, কাঁটার পথ দিয়ে রক্তাক্ত পা কেলে কেলে এগিয়ে চলা ।

—জানো, আমি চলে যাচ্ছি ?

গলায় পিঠে আটকে গেল, বেরুল একটা অব্যক্ত শব্দ।

—হ্যাঁ, সত্যিই চলে যাচ্ছি।

রঞ্জন চক্ষের পলকে খাবারের থালা থেকে হাত গুটিয়ে নিলে : যাঃ।

—না, মিথ্যে বলিনি। সকালের নরম রোদে ভারী করুণ আর ক্লান্ত মনে হল করুণাদির চোখ : চলে যেতেই হবে ভাই, থাকতে পারব না।

—কিন্তু কোথায় যাবেন ?

—কোথায় ? করুণাদি প্রশ্নহীন একটা নীরস্ত হাসি টেনে আনতে চেষ্টা করলেন ঠোঁটের আগায় : কেন, আমার স্বস্তরবাড়িতে ? মেয়েমানুষকে বিয়ে হলে যেখানে যেতে হয় সেখানেই।

তা বটে। এর ওপর যে কোনো প্রশ্নই অবাস্তব মনে হয়। কিন্তু এর জন্তে যেন প্রস্তুতি ছিল না বোধের মধ্যে। করুণাদিরও স্বস্তরবাড়ি আছে, যেখানে মাধার একগলা ঘোমটা টেনে তাঁকে সংসারের কাজকর্ম করতে হবে, পরিচর্যা করতে হবে স্বামী-পুত্রের, যেখানে করুণাদি অতি সাধারণ, একেবারেই সাধারণ।

—ওঃ, জানতাম না।—নির্বোধের মতো উচ্চারণ করলে রঞ্জন। কষ্ট হচ্ছে। কষ্ট হচ্ছে বুকের মধ্যে, কষ্ট হচ্ছে নিখালস নিতে। জলন্ত রৌদ্রের মধ্যে, অতি প্রখর আগুনের কণার মতো বালু-ছড়ানো দিগ্‌বিস্তার মরুভূমির পথ দিয়ে আজ যাত্রা শুরু। ক্লান্ত লাগে মাঝে মাঝে, আশ্রয় আর আশ্বাসের আশায় আকুলি-বিকুলি জাগে মনের মধ্যে। সেই আশ্রয় সে পেয়েছিল করুণাদির মধ্যে, মরুভূমির মধ্যে ছায়ার দাক্ষিণ্য দিয়েছিল এই পান্থ-পাদপ।

—রঞ্জন ?

ধরা গলায় করুণাদি ডাকলেন।

চোখ তুলতে পারল না রঞ্জন। ওই গলার স্বর সে চেনে, ওর সঙ্গে তার মনের আড়ালে সেই হৃদয় অপরোধবোধটা প্রচ্ছন্ন হয়ে আছে।

—আমি চলে যাচ্ছি ভাই। তোমাদের ছেড়ে যেতে কষ্ট হচ্ছে, কিন্তু না গিয়ে : আর উপায় নেই আমার।

নীরবতা। শিশির-ভেজা গাঁদা ফুলগুলোতে বিকবিক করছে সোনার মতো একটা উজ্জল দীপ্তি। তেমনি ধান খুঁটে খুঁটে যাচ্ছে পারসারা।

অবশ্য স্বরে করুণাদি বললেন, তোমাকে একটা কথা অনেকদিন ধরে বলতে চেয়ে-ছিলাম, বলতে পারিনি। হয়তো আজও ঠিক বুঝিয়ে বলতে পারব না। কিন্তু সারাক্ষণ আমার বুক কাঁপে। যে আঙনে সারাক্ষণ আমি জ্বলছি, ভয় করে একদিন সে আঙনে তোমরা জ্বলে না যাও।

সেই গুরনো কথা। সেই দুর্বোধ্য ইদিত।

রঞ্জন মাথা নত করে বসে রইল। ব্যথিত একটা জিজ্ঞাসা এসেছে গলার কাছে, আকুলতার একটা আবেশ রণরণিয়ে উঠেছে রক্তের গভীরে। কিন্তু জিজ্ঞাসা করা যায় না, শুধু আচ্ছন্নের মতো থাকতে হয় চুপ করে।

—কাল আমি চলে যাব। হয়তো কোনোদিন আর দেখা হবে না তোমার সঙ্গে।—কান্নায় কঁপে উঠল করুণাদির গলা : কিন্তু কথাটা মনে রেখো ভাই। সব পথ সকলের জন্তে নয়। পারো তো বেরিয়ে চলে এসো এই আঙনের ভেতর থেকে, বাঁচতে চেষ্টা করো শুল্লীর মতো, শিল্পীর মতো। মরতে পারা সব চেয়ে সহজ কিন্তু মহৎ হয়ে বাঁচতে জানা তার চেয়ে ঢের বেশি কঠিন।

বিহ্বলভাবে মাথা নিচু করে তেমনি বসে রঞ্জন। তারপর যখন চোখ তুলল তখন দেখল সামনে করুণাদি নেই। কানে এল ঘরের ভেতর কে যেন ফুঁপিয়ে ফুঁপিয়ে কাঁদছে অসহায় যন্ত্রণায়।

দু কান ভরে সেই কান্না আর বুক ভরে সেই যন্ত্রণা—সেই দুর্বোধ্য যন্ত্রণা নিয়ে বাড়ি থেকে বেরিয়ে গেল সে। সকালের সোনার আলো চোখের সামনে কালো হয়ে গেছে তার। সামনে মরুভূমির পথটা ধু ধু করছে—পাহাড়পাশের ছায়ার চিকমাজও নেই কোথাও।

পরিমল খবর দিলে পরের দিন। করুণাদি চলে গেছেন সকালের ট্রেনে। যাওয়ার আগে আশীর্বাদ জানিয়ে গেছেন রঞ্জনকে, করে গেছেন তার কল্যাণ কামনা।

মাকে হারানোর ব্যথাটা যেন বুকের মধ্যে আবার মোড় দিয়ে উঠল তার। যাওয়ার সময় কেন সে একবার দেখা করতে পারল না করুণাদির সঙ্গে, নিতে পারল না তাঁর পায়ের ধূলো?

না—কিছু না ওসব। ‘একলা চলো রে।’ কোনো বন্ধন নেই বিপ্লবীর জীবনে। মোহ তুচ্ছ, অর্থহীন। ঝড়ের গর্জনকে ছাপিয়ে আজ শুধু বিচ্ছেদের হাহাকারই মুখরিত হচ্ছে দিকে দিকে।

‘বন্দরের কাল হল শেষ।’

তারও পরের দিন ওদের বাসার সামনে সাইকেলের একটা বেল বাজল ক্রিং ক্রিং করে।

ইয়াদ আলী। ছাই রঙের কোট গায়ে সেই লোকটা।

ব্যঙ্গ-মিশ্রিত একটা হুটিল হাসি হাসলে ইয়াদ আলী : বড়বাবু আপনার সঙ্গে দেখা করতে চেয়েছেন। এখুনি আপনাকে একবার আমার সঙ্গে আসতে হবে আই-বি অফিসে।

ঝড়ের হাওয়া উঠল প্রথম ।

ধুক ধুক বুকে ঢুকল রঞ্জন । নিজের পা দুটোকে অসাড় বলে মনে হচ্ছে ।
কপালের দু'পাশে একটা মুমূর্ষু সাপের শেষ বিকোভের মতো পাক খাচ্ছে রণ দুটো,
বুকের মধ্যে শব্দ উঠছে রেলের ইঞ্জিনের মতো ।

ইয়াদ আলী বললে, বড়বাবু এনেছি ।

—হুম্—

যেন চোঙার ভেতর দিয়ে শব্দ বেরুল একটা । সে শব্দে সমস্ত ঘরটা গম্ গম্ করে
উঠল ।

সামনে মস্ত একটা সেক্রেটারিয়েট টেবিল । ভূপাকার কাগজপত্র, ফাইল । একটা
পেতলের অ্যাশট্রে ওপর চুরুট পুড়ছে, ঘরে ভাসছে চুরুটের তীব্র উগ্র গন্ধ । বাঁ
হাতের ঠিক পাশেই পড়ে আছে একটা রিভলভার, ধনেশ্বর কী লিখে চলেছে মন দিয়ে ।
রঞ্জন দাঁড়িয়ে রইল যেন বলির অপেক্ষায় ।

—হুম্—

আবার সেই চোঙার আওয়াজ । এতক্ষণে চোখ তুলল গোয়েন্দা সর্দার ধনেশ্বর ।
প্রথমে ভয়ঙ্কর চোখ, তাতে কেমন লালের আভাস । বুলডগের মতো সমস্ত মুখের
চেহারা, ভারী মুখের দু'পাশে শিকারী বেড়ালের মতো একজোড়া খাড়া খাড়া গোঁফ—
ছড়িয়ে আছে । ফর্সা রঙ, ফুলো ফুলো গাল দুটোর গোলাপী আভা । মুখের ভেতর
থেকে ঝলক দিলে দুটো সোনা বাঁধানো দাঁত—তেড়ে কামড়াতে আসছে যেন ।

কিন্তু কী আশ্চর্য, ধনেশ্বর হাসল । কল্পনা করা যায়, ধনেশ্বর হাসল ? তবুও হাসল
যে কোনো ভুল নেই । যেন শেয়ালে হাঁস চুরি করে খেয়ে চেটে নিলে চোঁটের রক্ত ।

বুলডগটা ঘোঁং করে বললে, বোসো ।—এবার আর চোঙার আওয়াজ নয়,
হুতরাং অহুমান করা গেল সে গলার স্বরে কোমলতা আনবারই চেষ্টা করছে ।

ভয়ের মধ্যেও কেমন বিস্ময় বোধ হচ্ছে । হঠাৎ এ জাতীয় সমাদরের মানে কী ?

—আমি তোমার কাকাবাবু হই ।—আবার স্নেহে ঘোঁং করে বললে ধনেশ্বর ।

কাকাবাবু । এবার বিস্ময়ের চমকটা রঞ্জন চেষ্টা করেও গোপন করতে পারল না ।
আমি কাঁঠালের মতো কাকাবাবু নামে ব্যাপারটা যে গাছে গাছে ফলে—এটা কিন্তু জানা
ছিল না । ধনেশ্বর কাকাবাবু হতে চাইছে । কে জানে ইয়াদ আলীও হয়তো বলবে,
আমি তোমার মামা হই । তারপর সাক্ষাৎ যমদূত সামনে আবির্ভূত হয়ে যদি বলে
আমি তোমার 'তানুইমশার' তা হলেও তো আশ্চর্য হওয়ার কারণ থাকবে না ।

কিন্তু কাকাবাবুর স্নেহ উপেক্ষা করা যায় না । হুতরাং বসতে হল ।

বুলডগ কাকাবাবু খামোকা মুখটাকে খানিকটা খুলে আবার ঘোঁং করে বন্ধ করে

ফেলল, যেন মশা গিলে নিলে একটা। কেমন খতমত লাগল। পরে অবশ্য লক্ষ্য করে দেখেছিল ওটা ওর মৃত্যুদোষ।

—হ্যাঁ, আমি তোমার কাকাবাবু। তোমার বাবাবু কাছেই প্রথম এ-এস্-আই ছিলাম আমি। ছেলেবেলায় কতবার গেছি তোমাদের ওখানে, তোমরা তখন কত ছোট ছিলে। এই এতটুকু দেখেছি তোমাদের।

আত্মীয়তার রসালোপ মন দিয়ে শুনে যেতে লাগল রঞ্জন। কোনো জবাব দিলে না।

—তোমার মা, আমাদের বৌদি—যেন স্বর্গের দেবী ছিলেন। আহা-হা—ধনেশ্বরের গলায় করুণতার আমেজ লাগল : যখন সুনলাম তিনি আর ইহজগতে নেই, তখন কী যে কষ্ট হল বলবার নয়। ভাবলাম, আহা, এখন এই নাবালক শিশুদের যে কে দেখবে।

প্রায় বলে ফেলছিল—এমন সোনার কাকাবাবু থাকতে ভাবনা কী, কিন্তু কথাটার প্রতিক্রিয়াটা আশ্চর্য করতে না পেরে ধনেশ্বরের অমুকেরণে রঞ্জনও একটা দীর্ঘশ্বাস ফেলল মাত্র।

মিনিট খানেক চুপ করে থেকে আবেগটাকে সামলে নিলে ধনেশ্বর। তারপর তেমনি করুণ কোমল গলায় বললে, তুমি আমার আপনার লোক, একেবারে ঘরের ছেলে। তাই ভাবছিলাম তোমাকে ডেকে গোটাকয়েক কথা জিজ্ঞাসা করব। কাকাবাবুর কাছে তো লজ্জার কিছু নেই, জবাবগুলো দেবে আশা করি।

কপালের রগ দুটো আবার মোচড় খেয়ে উঠল, আবার ঝড়াস করে শব্দ হল বুকের ভেতরে। ঝুলির ভেতরে বেড়াল নড়ে উঠেছে, সেও নড়েচড়ে ঠিক হয়ে বসল।

—ইয়াদ মিঞা!—ধনেশ্বর ডাকল।

—স্মার ?

—কিছু খাবার আর চায়ের ব্যবস্থা করুন দেখি।

—আমি কিছু খাব না—শুকনো স্বরে রঞ্জন বলতে চেঁচা করল।

—খাও না, কাকাবাবুর সামনে লজ্জা কী। যান ইয়াদ মিঞা—

—হ্যাঁ স্মার, আনছি একুশি—ইয়াদ আলী বেরিয়ে গেল।

ছাইদানী থেকে চুরুটটা তুলে নিলে ধনেশ্বর। একটা টান দিয়ে খানিক উগ্রগন্ধ ঘোঁয়া প্রায় রঞ্জুর মুখের ওপরেই ছড়িয়ে দিলে সে : শহরে আজকাল একদল বদছেলের আমদানী হয়েছে, জানো বোধ হয়।

রঞ্জন আধখানা দৃষ্টিতে বিধাগ্রস্তের মতো একবার তাকালো শুধু।

—এই সব ছেলের—ধনেশ্বরের গলায় এবারে উত্তাপ সঞ্চার হল : মরবার জন্তে পাখুনা গজিয়েছে। এদের ধারণা হয়েছে যে এরা দুটো পিস্তল আর চারটে বোমা দিয়ে ইংরেজকে তাড়াতে পারবে। ব্রিটিশ লায়ন অত দুর্বল নয়, ইচ্ছে করলে একদিনে

কামানের মুখে ওরা ভারতবর্ষকে চষে ফেলতে পারে। সমর্থনের অস্ত্রে রঞ্জুর মুখের ওপর পূর্ণদৃষ্টি ফেলল ধনেশ্বর : কী বলো, পারে না ?

রঞ্জন সম্মতিসূচক মাথা নাড়ল। ই্যা, পারে বইকি। ইংরেজের পরাক্রম সম্পর্কে তারও মনে সন্দেহের লেশমাত্র নেই।

—তবেই দেখো, এসবের কোনো মানে হয় না। হয় ?

রঞ্জন জানালো, না, হয় না।

ধনেশ্বর হঠাৎ ঝুঁকে পড়ল সামনের দিকে। অত্যন্ত বিস্ময় গলায় ফিসফিস করে বললে, ছাখো, স্বাধীনতা সবাই চায়। আমরা পুলিশের লোক, আমরাই কী জানি না যে ইংরেজ কী ভাবে শোষণ করছে আমাদের, হরণ করছে আমাদের মনুষ্যত্ব ? আমাদেরও অপমানবোধ আছে, আমাদের রক্তে পরাবীনতার জ্বালা আছে—যেন থিয়েটারের চঙে বলে চলল : ইংরেজকে তাড়াতে পারলে আমরাও কম খুশি হবো না।

বিয়ুত হয়ে গেল রঞ্জন। ভূতের মুখে হরি-সংকীর্তন শুনছে যে।

—কিন্তু—আবেগভরে ধনেশ্বর বললে, কিন্তু সনাতন ভারতবর্ষ আমাদের। অহিংসা, ত্যাগ, প্রেমের দেশ। এই দেশের মাটিতে জন্মেছিলেন বুদ্ধ, নানক, মহাবীর, চৈতন্য। এঁরা সব অহিংসা আর ক্ষমার পূজারী। মহাবীরের ধারা শিশু তাঁরা তো একটা পোকা পর্যন্ত মারতে কষ্ট পান। খাটে তাঁরা ‘খটমল’—মানে ছারপোকা পোষেন। কামড়ে জেরবার করে দিলেও দু’ শব্দটি করেন না কখনো।

রিভলভারের ঝকঝকে নলটার দিকে চোখ পড়ল রঞ্জনের। অহিংসা আর প্রেমের আবহাওয়ার সঙ্গে কী চমৎকার খাপ খাচ্ছে। একটা বুলডগ যদি অপেরা মালা হাতে নিয়ে তপতায় বসে, তা হলে তার মুখের চেহারায় কী এই ধার্মিক কাকাবাবুর মতো একটা ঐশ্বরিক ব্যঞ্জনা ফুটে ওঠে ?

—আহা—শ্রীচৈতন্য। টপ করে আবার একটা মশা খেয়ে নিলে ধনেশ্বর : জগাই মাধাইকে বললেন, ‘মেরেছো কলসীর কানা, তাই বলে কি প্রেম দেব না।’

কথাটা শ্রীচৈতন্য বলেননি, বলেছেন নিত্যানন্দ। কিন্তু রোহিণীর ইংরেজি বিদ্যার মতো ধনেশ্বরের ভুল শুধরে দেবার চেষ্টা করাও বৃথা।

—হঁ—সংক্ষেপে সমর্থন করলে রঞ্জন।

—আর এই ভারতবর্ষের মূর্ত প্রতীক হলেন ত্যাগের অবতার মহাত্মা গান্ধী। অহিংসা—প্রেম। রক্ত দিয়ে নয়, প্রেম দিয়ে মানুষের হৃদয় জয় করতে হবে, জয় করতে হবে তার অন্তরের গন্তব্যকে। এ শুধু মহাত্মার কথা নয়, সমস্ত দেশেরও প্রাণের কথা। কী বলো ?

—ঠিক।

তথালোচনায় বাঁবা পড়ল। উর্দিপরা একটা চাপরাসী চুকল ঘরে, টেবিলের ওপর ছপ্লেট মিষ্টি আর চা সাজিয়ে দিয়ে গেল। আহা, আসল কাকাবাবু যে নয়, কে বলবে।

খাও, খাও—সন্নেহে বললে ধনেধর। স্থান কাল পাত্র অমুকুল নয়, তবু কেন কে জানে হঠাৎ করুণাদিকে তার মনে পড়ে গেল।

—ই্যা, বা বলছিলাম—ধনেধর চায়ে চুমুক দিয়ে বললে, তাই এই অহিংসার দেশে যারা রক্তপাতের কল্পনা করে তারা ভারতবর্ষের শত্রু। এই শত্রুদের ক্ষমা করা উচিত নয়, কারণ এরা মহাত্মার পবিত্র আদর্শের অসম্মান করে। দেশের আদর্শকে বজায় রাখবার জন্তে এইসব লোককে অবিলম্বে পুলিশের হাতে ধরিয়ে দেওয়া আমাদের কর্তব্য।

গায়ের লোমকৃপণ্ডলো শিরশিরিয়ে উঠল রঞ্জনর। ঝুলির ভেতর থেকে বেড়ালটা উঁকি দিয়েছে।

—জানোই তো—চায়ের কাপ শেষ করে একটা খ্যাবড়া আঙুলে চুরুটে টোকা দিলে ধনেধর, শব্দ করে খানিকটা ছাই পড়ল কাপের তলানিতে : আমাদের এই শহরেও দেশের সেই শত্রুরা ঘাঁটি বসিয়েছে। বন্দুক রিভলবার চুরি হচ্ছে, ডাকাতি হচ্ছে এদিকে ওদিকে। এখন থেকেই এই ছোকরাদের সম্পর্কে সাবধান হওয়া দরকার। এ ব্যাপারে, তুমি আমার আশ্বাস, আশা করি, আমাকে সাহায্য করবে।

ঝুলির ভেতর থেকে একলাফে বেরিয়ে পড়ল বেড়ালটা।

—আমি—আমি—জড়ানো গলায় রঞ্জন বললে : আমি তো—

—ই্যা তুমি। ধনেধর হাসিমুখে জবাব দিলে। কিন্তু অবচেতন মনটা হঠাৎ টের পেল—এই মুহূর্তে ধনেধরের চোখ দুটো পোকাধরা টিকুটিকির মতো সজাগ হয়ে উঠেছে : তোমাদের ‘তরুণ-সমিতি’ সম্পর্কে গোটা কয়েক ধবর চাই। আশা করি, কাকাবাবুর কাছে মিথ্যে বলবে না তুমি।

ভয়াভূর চোখে রঞ্জন তাকিয়ে রইল। কী বলবে বুঝতে পারছে না।

—তুমি ‘তরুণ-সমিতি’র মেম্বর তো ?

নিরুত্তরে হেলাল ঘাড়টা। হাঁ, সে মেম্বর।

—তোমাদের লাইব্রেরিয়ান্‌ ক্রিতিশ চক্রবর্তীকে চেনো আশা করি ?

ক্রিতিশ চক্রবর্তী। সব গোলমালে মনে হল। ক্রিতিশ চক্রবর্তী—ক্রিতিশদা। ‘তরুণ-সমিতি’র মধ্যে সব চেয়ে নিরীহ আর গোবেচার লোক। বন্ধিম আর মাইকেল নিয়ে পড়ে আছেন—যেন একশো বছর আগেকার মানুষ। ওরা ক্রিতিশদাকে করুণা করে। ‘ভদ্রলোক শুধু ‘কৃষ্ণচরিত্র’ পড়ে আর খাতা লিখেই কাটালেন, ঘুণাকরও জানলেন না চারপাশে কী ভয়ঙ্কর একটা অগ্নিচক্র চলেছে আবর্তিত হয়ে। ওঁকে ওরা এড়িয়ে চলে সবসময়, কোনো জরুরী কথার সময় ওঁকে আসতে দেখলে সঙ্গে সঙ্গে চুপ

করে যায়। সেই ক্ষিতীশদার কথা জানতে চাইছে ধনেশ্বর। লোকটার কি মাথা ধারাপ। অথচ যে নামটার জন্তে প্রতীক্ষা করছিল—

—চেনো নিশ্চয় ভাকে।

—হাঁ, চিনি বইকি।—মুখে মুহু হাসি দেখা দিল রঞ্জনের।

—কেমন লোক?—ধনেশ্বরের গলায় চোঙাটা আবার উঠল গম্গমিয়ে।

রঞ্জন সবিস্ময়ে বললে, খুব ভালো গোবেচারার লোক।

—খুব ভালো গোবেচারার লোক—অ্যা? ধনেশ্বরের মুখের চেহারার কঠিন হয়ে উঠল: খুব গোবেচারার লোক! ভাজা মাছটিও উল্টে খেতে জানে না, অথচ আজ পার্বতীপুর স্টেশনে ওই লোকটিকেই অ্যারেস্ট করা হয়েছে—তা জানো?

রঞ্জন অব্যক্ত শব্দ করল একটা।

—ওই ভালো লোকটির আসল নাম ক্ষিতীশ চক্রবর্তী নয়। চমকাচ্ছ? তবে আরো শোনো। ওর নাম মণি মুখার্জি, এলাহাবাদের বিখ্যাত টেররিস্ট নেতা। রবারি, কন্স্পিরেসি এগেনস্ট ক্রাউন, আর্মস অ্যাক্ট আর পোলিটিক্যাল মার্ডারের চার্জে আজ পাঁচ বছর ধরে ওকে খুঁজে বেড়ানো হচ্ছে। উই হাভ্ গট্ হিম অ্যাট লাস্ট। সঙ্গে একজোড়া লোডেড রিভলভারও ছিল। ই্যা, ই্যা, লোডেড রিভলভার। ফাঁসি না হোক ট্রান্সপোর্টেশন ফর লাইফ হয়ে যাবে নিশ্চয়। বুঝেছ হে।

কাঠ হয়ে রইল রঞ্জন। ক্ষিতীশদা—নিরীহ নির্বোধ সেই লাইব্রেরিয়ান। কথা বলতে বলতে বার বার ‘বেশ বেশ’ বলেন, বাড়িয়ে দেন চাঁদার খাতা আর গুণগান করেন বুদ্ধিমের কৃষ্ণচরিত্রের। সেই ক্ষিতীশদার ভেতরে লুকিয়ে ছিল এই বিপুল অগ্নি-যজ্ঞগার ইতিহাস। রূপকথা-বিভোর মন কোন্ নতুন রূপকথা শুনছে আবার।

না, না, এ বিশ্বাস করা সম্ভব নয়।

ধনেশ্বর বললে, ওই লোকটা, মানে চীফ্ অর্গানাইজার অব্ দি পার্টি, তরুণ সমিতির ভেতর কতটা এগিয়েছে তাই জানতে চাই আমি। আশা করি, তোমার কাছ থেকে পাকা খবর পাব একটা।

বিস্ময়টাকে সামলে নিয়ে রঞ্জন দৃঢ় হয়ে গেছে এতক্ষণে। মন্ত্রভঙ্গি, বিপ্লবীর শপথ, বিপ্লবীর সংকল্প। কখনো দলের কথা কারুর কাছে প্রকাশ করব না, প্রাণ গেলেও করব না সত্যভঙ্গ। হাজার অত্যাচার আসুক, আসুক মর্যাদিক শারীরিক আর মানসিক যন্ত্রণা, যুকের ভেতর বজ্রের মতো কঠিন প্রাচীর গড়ে তুলে রক্ষা করব সেই গোপনভাকে। মনে রাখব আমার একটু মাত্র দ্রবলতার অবকাশে এত আয়োজন আমাদের বুধ হয়ে যাবে, একটু মাত্র অসতর্কতার অমার্জনীয় অপরাধে মিথ্যে হয়ে যাবে শত শত শহীদের আত্মদান।

চাপা কঠিন ঠোটে বললে, কী খবর চান?

—ভরুণ সমিতির আসল উদ্দেশ্য কী ? তার প্ল্যান আর প্রোগ্রামই বা কী ?

নিরীহ নির্বোধের জবাব এল : কেন ভালো ভালো বই পড়া, জিম্জিমাটিক করা এই সব।

ঘোঁৎ করে আবার শব্দ করলেবুলডগটা, কৌৎ করে একটামশা খেয়ে নিলে। তারপর দু-পাশের কাঁটা গোঁফগুলোকে সজারু কাঁটার মতো ছড়িয়ে দিয়ে হাসল : আরে, এ তো সবাই জানে। কিন্তু যা সবাই জানে না, সেই রকম দুটো চারটে খবর চাই যে—বোকা ছেলে।—কাকাবাবুর স্বরে মিশ্র ভৎসনার আমেজ : কী কী ভালো বই পড়ে ? এই সব ?

তারপর গড়গড় করে কতগুলো বইয়ের নাম আউড়ে গেল ধনেশ্বর। বিশ্বে চমকে উঠল মন। আশ্চর্য, ঠিক এই বইগুলোই প্রথম তাকে পড়িয়েছিল পরিমল, এই বইগুলোর আঙুনঝরা লেখা ছড়িয়েই রক্তে আঙুন ধরিয়ে দিয়েছিল রঞ্জনের। আশ্চর্য, ঠিক বেছে বেছেই তো বইগুলোর নাম করে যাচ্ছে ধনেশ্বর।

—না, এসব বই আমি কোনোদিন দেখিনি।

—দেখোনি।—ধনেশ্বরের মুখের থেকে হাসি মিলিয়ে গেল, কাঁটা-ফোলানো সজারুটা আবার রূপ পেল কাঁটা গোঁফে : মিথ্যে বোলো না। তুমি আমার আপনার লোক, আমার ঘরের ছেলের মতো। সেই জেগেই যাতে তোমার সব দিক থেকে ভালো হয় সেই চেষ্টা করছি আমি। সত্যি বলো, এ সব বই তুমি দেখোনি ?

—না।

ধনেশ্বরের চোখ দুটো নেচে উঠল, যেন রঞ্জুর পেছনে দাঁড়ানো কাউকে চোখ টিপল সে।

—না ? বেশ। কিন্তু এঞ্জিনিয়ার কামিনীবাবুর বাড়ি থেকে তাঁর বন্ধুকটা চুরি করেছে কে তা জানো ?

—না, তাও জানি না।

—হালদারের দোকানে ডাকাতিতে কে কে ছিল বলতে পারো ?

—না।

—না ? অ্যা—খোঁচা-খাওয়া বিরক্ত বানরের মতো একটা খ্যাঁচানো আঙুয়াজ করলে এবার ধনেশ্বর, সোনা-বাঁধানো দাঁত দুটো যেন সামনের দিকে এগিয়ে এল একেবারে কামড়ে দেবার জেগে। বললে, শোনো। তুমি আমার নিজের লোক বলেই ভদ্রভাবে তোমার কাছে সব কথার উত্তর চাইছি। যদি এখনো না দাও, তা হলে তা আদায় করবার উপায় আমার জানা আছে। কিন্তু ওসবের মধ্যে যেতে চাই না, বা জিজ্ঞেস করছি তার জবাব দাও।

—আমি কিছুই জানি না।

না. র. ৪র্থ—৮

ধনেশ্বরের আগের চোখটা আবার হাসিতে কোমল হয়ে এল। মুখের ওপর ঝাঁটা গোঁফ আবার সজ্জার মতো পেখম মেলল : আমি বুঝতে পারছি, তুমি কেন ভয় পাচ্ছ। ওই গুণ্ডা ছেলেগুলো টের পেলে মারধোর করতে পারে। কিন্তু জেনো,—ধনেশ্বরের স্বর আবার উদাত্ত : যতক্ষণ কাকাবাবু আছে ততক্ষণ তোমার আঙুলের ডগাটিও কেউ ছুঁতে পারবে না। আর তা ছাড়া যে স্টেটমেন্ট তুমি দেবে, পৃথিবীর কেউ তা জানতে পারবে না এ সম্পর্কেও নিশ্চিত থাকো।

ধনেশ্বর একটা কাগজ কলম টেনে নিলে : তুমি সব বলো, আমি লিখে যাই।

—আমার বলবার তো কিছুই নেই।

ধনেশ্বর কলমটা নামিয়ে রাখল। হিপ্‌নটাইজ করবার আগে যেমন করে তাকায় যাহ্নকর, তেমনি বলে চলল : ভেবেদেখো তোমাদের সংসারের অবস্থা। তোমার মায়ের শোকে বাবা প্রায় পাগলের মতো হয়ে আছেন। এ অবস্থায় যদি তোমাকে জেলে যেতে হয়, তা হলে—আহা দেবতুল্য মাহুশ—ধনেশ্বর আবেগ-ভরে বললে : তা হলে তিনি হার্টফেল করে মরবেন। বলো, এখন কি তাঁকে তোমার এমন ‘শক’ দেওয়া উচিত? বা জানানো বলো। এ স্টেটমেন্টের খবর আমি আর তুমি ছাড়া পৃথিবীর আর কেউ জানবে না—নিশ্চিত থাকো। বুঝেছ?

—আমি কিছুই জানি না।

—আমার কাছে মিথ্যে বলতে চেষ্টা কোরো না। জেনে রেখো, বাতাসেও আমার কান পাতা আছে। একদিন সব খবর আমি পাবই। আজ যদি সব কথা বলো, তা হলে জেনো সেদিন তোমার কোন ভয় নেই, বরং ভালো একটা চাকরি-বাকরি যাতে পাও তার ব্যবস্থাই আমি করে দেব।

—কিন্তু কিছুই আমার জানা নেই।

—Shut up। ধনেশ্বর এবার ফেটে পড়ল : ছেলেবেলা কোরো না, এ ছেলেবেলার জায়গা নয়। আপনার লোক বলেই এতক্ষণ প্রশ্রয় দিয়েছি—But no more। স্টেটমেন্টটা দিয়ে চলে যাও—you will remain under the safest protection of the British Government। আর যদি পরে ধরা পড়ো, ফাঁসিতে ঝুলতে হবে, ঝীপান্তরে যেতে হবে and you will have no sympathy from anywhere—বুঝতে পারছ?

—আমি কিছুই জানি না।

—জানো না? তবে কী করলে তুমি জানো যে আমি বুঝিয়ে দিচ্ছি। ইয়াদ মিঞা?

—স্তার?

—আমার হাণ্ডার। সোজা আঙুলে ঘি উঠবে না।

হাণ্টার এল। শরীরের সমস্ত পেশীগুলোকে দৃঢ় করে স্থির হয়ে বসে রইল রঞ্জন। শুধু তার ঠোঁটের কোণা ছোটো অল্প অল্প কাঁপতে লাগল—তার বেশি কিছুই না।

—জবাব দেবে না ?

—আমি জানি না।

—Take it then—গর্জন করে ধনেশ্বর কাঁপিয়ে পড়ল। কিন্তু মনের ভেতরে যখন আঙুন জ্বলে, পরাধীনতার অপমানে সমস্ত বুক যখন পুড়ে থাকে হয়ে যেতে থাকে, তখন কি শরীরে আর কোনো অনুভূতিই জেগে থাকে না ? শুধু পাথরের গায়ে বা দিয়ে সে আঘাত ঠিকরে ফিরে আসে, শুধু একটা কঠিন জড়পিণ্ডকে ত্রুষ্ক হতাশায় ঘূষি মেরে নিজেকেই আহত করে তোলা হয় ?

তাই কিছুই টের পেলো না সে। এমন কি নিজের নাক থেকে রক্ত গড়িয়ে বুকের জামাটাকে ভিজিয়ে দিলে, তখনো না। তারপর এক সময় সব আচ্ছন্ন হয়ে গেল, ঘরটা ঘুরতে লাগল চোখের সামনে, বুলডগের হিংস্র বীভৎস মুখটা ক্রমে ক্রমে আসতে লাগল স্পষ্ট হয়ে। তার ওপর শুধু রাশি রাশি হলদে কুয়াশা, আর কিছুই নেই।

একেবারে কিছুই নেই।

মিতা বললে, খুব লেগেছিল, না ?

অল্প করে হাসল রঞ্জন : টের পাইনি। ওটা কাকাবাবুর স্নেহের শাসন কিনা।

—টের পাওনি ? কী সর্বনাশ !—মিতা প্রায় আর্তনাদ করে উঠল : এমন করে মারল তবু টের পাওনি। আশ্চর্য তোমরা মানুষ বাপু। অসাধ্য কাজ নেই তোমাদের।

—টের পেলোই বা কী ? রঞ্জন আবার হাসল : কুকুর যখন কামড়ায় তখন সে কামড়াবেই। সে কামড়ে আলা নিশ্চয়ই আছে, কিন্তু তার জেঙ্গে ছটফট করলে কুকুরটাকে মূল্য দেওয়া হয়।

মিতা বললে, উঃ, ওরা কি মানুষ ?

—না। ওরা প্রভুভক্ত। মানুষ ওদের চাইতে সন্মানের জীব।

—তা সত্যি।

সত্রঙ্গ শঙ্কায় রঞ্জনের মুখের দিকে তাকিয়ে রইল মিতা। তার দৃষ্টিতে বীরপুঙ্খায় মুগ্ধ অহুরাগ। ওর এত বীরত্বে বিশেষভাবে বিচলিত হয়েছে সে, চঞ্চল হয়ে উঠেছে। এমন কি এই ব্যাপারে সেদিনকার সেই সঙ্ক্যার ইতিহাসটাকেও সে ভুলে গেছে হয়তো। ভুলে গেছে সেই মাতাল বাতাস আর বৃষ্টির পাগলামিতে কেমন করে তার একথানা হাত হাতের মধ্যে গিয়ে পড়েছিল রঞ্জনের।

—ওরা কি সকলের ওপরই এমনি করে নাকি ?

—হয়তো করে—ঠিক জানি না। তবে যাদের অ্যারেস্ট করে রাখে তাদের ওপর অত্যাচারটা চলে আরো বেশি রকমের। কারণ সেটা নিরাপদ—বাইরে জানাজানি হওয়ার ভয় নেই।

—কী ভয়ানক!—রুদ্ধশ্বরে জবাব দিলে মিতা : কিন্তু বড় বড় সবাই থাকতে হঠাৎ বেছে বেছে তোমার ওপর নজর পড়ল কেন ?

—কারণটা সহজ। ভেবেছিল আত্মীয়তার দোহাই দিয়ে হুবিধে করে নেবে।

—কী শয়তান।

—তা ছাড়া বড় শক্ত, তাদের নোয়ানো যায় না। দুর্বলদের ভেতর থেকেই অ্যাপ্রভার যোগাড় করা সহজ হয় কিনা! ও তো একটা পুরনো টেকনিক!

মিতা আতঙ্কিত আর বেদনার্ত চোখে চেয়ে রইল অশ্রুমনস্কের মতো। সে ভুলে গেছে, ভুলে গেছে বর্ষার সন্ধ্যার সেই আকস্মিক বিভ্রান্তিটুকুকেও। হয়তো বিভ্রান্তি তারও নয়, একান্তভাবেই সেটা রঞ্জনরই, তারই নিজের মনের একটা নিরর্থক দুর্বলতা। যা ঘটেছিল তা একান্তই আকস্মিক। আর তার জন্তই সেটাকে এত সহজভাবে নিতে পেরেছে মিতা।

কিন্তু রঞ্জন কেন পারছে না ওই রকম সহজভাবে নিতে? কেন এমনভাবে তার বুকের ভেতরটা ঢেউ খাচ্ছে? কেন মনের ভেতরে সেটা ঝিমঝিম করছে সারাফণ? অনেকদিন পরে কেন বারে বারে মনে পড়ছে সেই শিশু-কল্পনার নীল চশমার সঙ্গে সঙ্গে হারিয়ে যাওয়া চাঁপার পাপড়ির মতো দিনগুলোকে? সেই জানলায় এসে বসা নীল পাখিটাকে মনে পড়ে। মনে পড়ে, তোরে ফোটা শিউলির মতো উষার মুখখানাকে। আর এতদিন পরে আকাশ থেকে কেন আসে সাত ভাই চম্পার হাতছানি? জ্যোতির্ময় আকাশগঙ্গার স্রোতে ভেসে যেতে একরাশ বুনো-ফুল কেন তাকে পথ ভোলায় আজকে?

তাই যতই সহজভাবে কথা বলতে চাইছে সে, সহজ তো হতে পারছে না কিছুতেই। প্রতিটি কথার সে জবাব দিচ্ছে বটে, কিন্তু সে জবাব শুধু চৌঁট নড়া, শুধুই গলার কয়েকটা অভ্যস্ত শব্দ। আসল কথা, উঠে পালাখার জন্তে ছটফটানি জেগেছে। মিতার কাছে একা বসে থাকবার মতো সাহস নেই, শক্তিও নেই তার। আশ্চর্য! সেই ভীকু ছেলেটি এই তিন বৎসরে তো কত বদলে গেছে। আজ আব মৃত্যুবিলাস নেই। দীক্ষা পেয়েছে কঠোর, ক্লাস্তিকর আর হুগম পথযাত্রার। ধনেধরের হাণ্ডারের যা যখন একটার পর একটা এসে পড়েছিল, যখন টের পাচ্ছিল তার বুকের জামায় রক্তের কোঁটা পড়ছে টপ টপ করে, তখনও অমুগ্ধব করেছিল তার শরীরের কোনো বস্তুণা নেই—যেন তা পরিণত হয়ে গেছে পাথরে। সে বিপ্লবী, সে নির্ভয়। কিন্তু তিন বছর আগে মিতার কাছে এসে যে দুর্বল সংশয় তাকে ঝুঁকড়ে দিয়েছিল, আজও কেন সে নিস্তার পাচ্ছে না তার হাত থেকে?

কেন আজও সে এখানে এসে যথেষ্ট পরিমাণে দূত হয়ে উঠতে পারল না ?

মিতা বললে, ক্ষিতীশদাকে আমিও দেখেছি। খুব নিরীহ মানুষ বলে মনে হয়েছিল। দাদাও বলত, ক্ষিতীশদা এসবের মধ্যে নেই। কিন্তু আশ্চর্য।

—হঁ।

নাঃ, ভালো লাগছে না। উঠে পড়াই উচিত। আরো কী অভূত যোগাযোগ—এ বাড়িতে যেদিনই সে আসবে সেদিনই কি পরিমলইচ্ছে করে থাকবে না বাড়িতে ? আর ঠিক এই সন্ধ্যার সময় এত বড় বাড়িটা এমনি নির্জন হয়ে যাবে একটা প্রাকৃতিক নিয়মে ? মিতার বাবা তাঁদের ক্লাবে যাবেন টেনিস আর ব্রিজ খেলতে, ওর পিসিমা অপেরা মাল নিয়ে পূজোর ঘরে দরজা বন্ধ করবেন—আর চাকরগুলো সব এদিকে ওদিকে জটলা পাকাবে ? শুধু ও আর মিতাই যুখোযুখি বসে থাকবে—আর কেউ নয় ?

আজও পালাচ্ছিল কিন্তু মিতাই ডেকে আনল। ডেকে আনল ওপরে পড়ার ঘরে। কেন ডেকে এনেছে সে তা জানে ; তার মুখ থেকে ধনেধরের বিবরণ পুরোপুরি ওনবার এটা নির্দোষ কোতূহল এটা বুঝতে পেয়েও স্বাভাবিক হতে পারা যাচ্ছে না, ওর কথার জবাব দিতে গিয়ে দৃষ্টি যেন ঘন হয়ে আসছে—ভারী হয়ে উঠছে নিজের গলার স্বর। নিজের এক একটা কথায় নিজেই চমকে উঠছে সে।

—পরিমল কখন ফিরবে ?

—বাবা ক্লাব থেকে আসবার আগে। কিন্তু সে আটটাও বাজতে পারে, সাড়ে আটটাও বাজতে পারে।

—তা হলে আজ যাই—

উঠে দাঁড়তে যাবে, এমন সময় মিতা অক্ষুট একটা শব্দ করল : এ কি, কপাল দিয়ে যে রক্ত পড়ছে তোমার।

চুলের তলায় শানিকটা কেটে গিয়েছে। হয়তো ধনেধরের হাণ্ডারে, নরতো অশ্ব কোনো কারণে। শিরাগুলোর ক্ষীত উত্তেজনায় বোধ হয় তার মুখ খুলে গিয়ে রক্ত নামছে গড়িয়ে।

—কী সর্বনাশ। দাঁড়াও দাঁড়াও, আইডিন দিয়ে দিচ্ছি।

—থাক, দরকার নেই।

—দরকার নেই বললেই হয় ? দাঁড়াও, পাগলামি কোরো না।—মিতা ছুটে গিয়ে আইডিনের শিশি নিয়ে এল। এগিয়ে এল কাছে, আঙুলের স্পর্শ লাগল কপালে—শরীর শিউরে উঠল রক্তনের। মিতার শাড়ি আর চুল থেকে একটা নেশা ধরানো গন্ধ যেন স্পর্শ করল তার স্নায়ুকে। হৃৎপিণ্ডের ভেতর কাকুন নদীর ছোট চেউয়ের মতো কী যেন কলকল শব্দ ভেঙে পড়তে লাগল।

শেষরাত্রের শিশির-ঝরা গলায় মিতা বললে, রঞ্জনদা ?

—বলো ।

—আমার বড় কষ্ট হচ্ছে ।

—কেন ?

—জানি না—প্রায় নিশেষ স্বর : শুধু ভয়ানক কষ্ট হচ্ছে একটা । ওরা এমন নিষ্ঠুরের মতো তোমাকে মারল কেন রঞ্জনদা, কেন তোমাকে মারল ?

ঘরের শান্ত আলোয় মিতার হু চোখে শিশির টলমল করতে লাগল : তুমি জানো, আমার কী অসহ্য কষ্ট হচ্ছে ? রঞ্জনদা, তুমি আসবে বলে আমি পথ চেয়ে থাকি, তুমি চলে যাওয়ার পর আমার মন এত খারাপ হয়ে যায় ! তোমাকে ওরা মারল ! রঞ্জনদা—

চোখ বেয়ে নেমে এল জল । শিশির পড়া থেকে বর্ষণ । আর মাথাটা ঘেন আপনা থেকেই রঞ্জনের বকের মধ্যে এসে পড়ল : রঞ্জনদা ।

একটা সাইক্লোনের দমকায়, একটা ভয়ানক ভূমিকম্পে টলমল করে উঠল পৃথিবী । সব চেয়ে পুরনো কবিতা সব চেয়ে নতুন স্বরে গান গেয়ে উঠল, একরাশ ঘৃণা হাওয়ার মাতলামিতে সব কিছু ওলট-পালট করে দিলে । চুষনের পর চুষনের ব্যাকুলতায় সমাপ্ত হয়ে গেল এতদিনের সমস্ত অসমাপ্ত কবিতা, কপালের রক্তচিহ্নটা তার বিপ্লবিনী নায়িকার ললাটে এঁকে দিলে জীবন-বন্ধনের সীমান্তরাগ ।

মৌল

*এখন যে কী ভয়ানক কাজ পড়েছে, তা লিখে তোমায় বোঝাতে পারব না । সারাটা দিন বাইরে ছুটাছুটি করে এই ফিরে এলাম । এখন রাত প্রায় নটা । ঘরে ঢুকে আলোটা জ্বলেই তোমাকে চিঠি লিখতে বসেছি ।

পালপাড়ার সেই চালের কলঙলোর কথা মনে আছে তো তোমার ? ওখানে একটা ইউনিয়ান করেছি আমরা । তুমি শুনলে বিশ্বাস করবে, আমি এফুনি সেখানে বক্তৃতা দিয়ে এলাম ? তোমার হাসি পাচ্ছে তো ? কিন্তু জানো—যাদের কাছে বলেছি তারা একটুও হাসেনি । কী অভূত আলোয় জলছিল তাদের চোখ, কী কঠিন হয়ে উঠেছিল তাদের মুখের চেহারাটা । থেকে থেকে হাত মুঠো করে ধরছিল তারা—আমার মনে হচ্ছিল যেন মুঠির ভেতর বজ্র পেয়েছে কুড়িয়ে । আশ্চর্য, এত বড় শক্তিকে আমরা এতকাল ভুলেছিলাম কী করে ।

আমাদের শাস্তিদাকে মনে আছে—সেই Fire-brand শাস্তি মৌলিক ? সে আজ-কাল সন্ধ্যাসী হয়েছে—গেরুয়া পরে, শুনছি একটা ব্রহ্মচর্য আশ্রম খুলবে । রাজনীতির নাম

শুনলে তেলে-বেগুনে জলে ওঠে। বলে, পরমার্থ ছাড়া পথ নেই। হুতপাদির খবর আরো ইন্টারেস্টিং। সে তোমায় পরে লিখব।

দাদা গ্রামে গ্রামে ঘুরছে, ন'মাসে ছ'মাসে একদিন ঝোড়ো কাকের চেহারা নিয়ে দেখা দেয়। এখানকার যত কাজের ব্যক্তি আমাকেই পোয়াতে হচ্ছে।

এত কাজ—এত অভুত ভালো লাগে কাজ করতে। তবুও তোমাকে এই যে চিঠি লিখতে বসেছি, বাইরে চাঁদ ডুবে যাওয়া অন্ধকার থেকে এই যে ঝিরঝির করে হাওয়া আসছে, এখন ভাবি, তুমি পাশে থাকলে কত কাজ যে আরও করতে পারতাম। একটা উদ্ভাস্ত সন্ধ্যা মনে পড়ে? সেদিন তোমাকে আমি ঘুণা করতে শুরু করেছিলাম—মনে হয়েছিল তুমি একটা বিবাক্ত কালো সাপ ছাড়া আর কিছু নয়। আজ মনে হয় তুমিই আমার সবচেয়ে বড় ইন্সপিরেশন।

তুমি কবে আসবে? সবাইকেই তো ছেড়ে দিচ্ছে একে একে, তোমাকে কবে ছাড়বে?

কিন্তু সত্যি, কবে আসবে তুমি?"

চিঠিটা যত করে খামে ভাঁজ করে রাখল রঞ্জন চট্টোপাধ্যায়। মিতা অপেক্ষা করে আছে। আজ আর ব্যবধান নেই—আজ দুজনের মাঝখানে জীবনের একটা নিশ্চিত পথ তৈরি হয়ে গেছে। পরিমল আর মিতাকে ওদের বাবা বাড়ি থেকে তাড়িয়ে দিয়েছেন। মিতা একটা স্কুলে মাস্টারী করে, পরিমল ঘোরে গ্রামে গ্রামে। রূপকথার মতো আজ মাটির কন্ডা। আজ আর অবাস্তব কোনো স্বপ্ন-চারণার মধ্য দিয়ে পৌঁছতে হয় না তার কাছে। মাটির মাধ্যাকর্ষণে ছায়া-তরুতেশার্থক হয়েছে আকাশী অর্কিড। কিন্তু সেই—সেদিন?...

সেদিন যখন ওই বাড়িটা থেকে রঞ্জন বেরিয়ে এল, তখন চোখে সব ঝাপসা দেখছে সে। হঠাৎ চারদিকে থরে থরে কুয়াশা নেমে এসেছে যেন। একটা শাদা শূণ্যতা ছাড়া পৃথিবীর আর কোনো রূপ নেই তখন। শুধু বাইরের নয়, মনের ভেতরে তাকিয়েও সে আর কিছুই যেন খুঁজে পেলো না। সে আর কোথাও নেই—কোনোখানেই কিছু আর অবশিষ্ট নেই তার। শরীর-মন—সব কিছুর সমষ্টিভূত সত্তা হঠাৎ যেন দীর্ণ-বিদীর্ণ হয়ে গেছে বাইরের এই গাঢ় গভীর কুয়াশায়।

চরিত্রহীন—বিশ্বাসঘাতক। কামান গর্জনের মতো শব্দ উঠছে হু কান ভরে। আকাশে উড়তে উড়তে শাপগ্রস্ত দেবদূত আছড়ে পড়ছে অসীম শূণ্যতার ভেতর দিয়ে; স্বর্ষের অগ্নিধারায় পাখা পুড়ে গেছে ছঃসাহসী আইকারাসের। সে পড়ছে—ছুটে পড়ছে—তীব্র ভয়ঙ্কর বেগে পড়ছে কেন্দ্রস্থলিত উজ্জ্বল মতো। হু করে বাতাসের কান্না ঝাপট মারছে—আর বহু নিচে মুত্যা-সমুদ্রের কালো তরঙ্গ চুষকের মতো টেনে নিচ্ছে তাকে—অমোঘ পরিণামের সংকেত শোনা যাচ্ছে তার উদ্বেল অট্টহাসিতে।

কী হল—এ কী হল।

তাকে ডাক দিয়েছিল পরাধীন দেশ ; ডাক পাঠিয়েছিল তেত্রিশকোটি অত্যাচারিত মানুষের অসহায় কান্না । সেদিন কালী-খাঁড়-ভোনার অপরিচ্ছন্ন পরিধি থেকে বেরিয়ে এসে পেয়েছিল শহীদ স্বর্গের অধিকার । আর আজ ?

বেণুদার সামনে গিয়ে দাঁড়াতে পারবে না—পুড়ে যাবে তার চোখের আঙনে । পরিমলের মুখের দিকে তাকাবার আগে মিলিয়ে যাবে মাটিতে । আজ সে নরেন গৌসাই, নেত্র সেনের সগোত্র, বিপ্লবের আন্দোলনের রক্তপত্রে আর একটি কালির বিন্দু ।

বেণুদার হুঁসলুতার খবর সে জানে । কিন্তু কার সঙ্গে কার তুলনা । অনির্বাক্য আঙনের পাশে একটা পোড়া ছাইয়ের টুকরো । হুতপার পাশে মিতা । সেও ওই আঙনের কাছে একটুকরো ছাইয়ের অতিরিক্ত কিছু নয় ।

কাকে ভেবেছিল সে ভাগন-দ্বীপের বন্দিনী রাজকন্যা । ওই ফুল আর ধূপের গন্ধভরা বাড়িটা—যেখানে পা দিতে বোধ করত অনধিকারীর সংকোচ—সত্যি কি ও বাড়িটাকে চিনতে পেরেছিল সেদিন ? নিজের কাছেই কান্না ছিল বইকি । লোভ জেগেছিল তার—রূপকথাবিলাসী পা দিয়েছিল আর একটা রূপকথার দেশে ; যার মূল নেই ক্ষুধিত ভারতবর্ষের মাটিতে—যার সঙ্গে সংযোগ নেই কোটি লাক্ষিতের রক্তনাড়ীর । সব রূপকথাই আজ ফেটে মিলিয়ে যাচ্ছে বেলুনের মতো—এও গেল । কিন্তু শুধু গেলই না—সেই সঙ্গে চূর্ণ চূর্ণ করে, কণায় কণায় রঙনকেও মিলিয়ে দিল যে । চরম মূল্য দিয়ে লাভ করল তার পরম অভিজ্ঞতা ।

এলোমেলো ভাবে পা ফেলে চলতে লাগল রঙন । কোথায় যাবে মনে নেই, কোথায় যাচ্ছে জানে না । হঠাৎ সে টের পেল, তার কপালের একটা আয়গায় অসহ্যমাত্রা চমকে চমকে যাচ্ছে, পিঠে-হাতে-পায়ে টনটন করছে ব্যথা । মনে পড়ল ধনেষরের হাণ্টারের কথা । এতক্ষণ তাকে বিরে ছিল এ টা গৌরবের বর্ম ; সমস্ত যা সেই অক্ষয় কবচকুণ্ডলে প্রতিহত হয়ে পড়ে গেছে ঠিকরে ঠিকরে । কিন্তু সে বর্ম আজ হারিয়েছে রঙন । তাই ওই হাণ্টারের ষাঙলো এখন এসে পড়েছে নির্ভুল লক্ষ্যে—থোঁতলে দিচ্ছে তার মাংস ।

পথের দু'পাশ থেকে কখন যে অনেক পেছনে থমকে দাঁড়িয়ে গেছে মিউনিসিপ্যালিটির ঝাপসা ল্যাম্পগুলো, কখন যে পায়ের নিচ থেকে ছিটকে বেরিয়ে গেছে কংক্রিটের রাস্তাটা, টেরও পায়নি সে । শিশিরভেজা ধুলো এখন জড়িয়ে জড়িয়ে উঠছে হাঁটু পর্যন্ত । দু'পাশ থেকে জংলা বাগান তাকে জড়িয়ে ধরছে ঘন কালো ছায়ার আলিঙ্গনে । শুধু সামনের নীলকন্ঠ আকাশে দপ দপ করছে সিংহরাশি । গীতল, কঠিন নক্ষত্রমালা থেকে বর্ষাফলকের মতো তীক্ষ্ণ আলো ছুটে আসছে রঙনের দিকে ।

কোথায় চলেছে এই পথ ? জানবারও দরকার নেই আর । সেই ছেলেবেলার মতো আজও নিশি পেয়েছে তাকে । ভয়ের মধ্য দিয়ে ডেকে নিয়ে অবিদ্যাবাসু দিয়েছিলেন

নির্ভয়তার মন্ত। কিন্তু আজ সে চলেছে কোথায় ? সেই গল্পে পড়ার মতো শয়তান কি তার হাত ধরে সশরীরে নিয়ে যাচ্ছে বিশ্বাসঘাতকদের ইনুফানীতে ?

ড্রাগন-দ্বীপের রাজকন্যা ! দুটো হাত এত জোরে রক্তন মুঠো করে ধরল যে মণিবন্ধের কাছে রক্তবাহী শিরা দুটো যেন ফেটে যেতে চাইল তার। এই হাতে কাউকে এখন সে খুন করতে চায়। কিন্তু কাকে ?

না—ড্রাগন-দ্বীপের রাজকন্যা নয়। ও মায়ারাক্সীর মারণ-মন্ত। এতদিন পরে হেনরা কুঞ্জের আড়ালে, ছবির মতো সাজানো ওই বাড়িটাতে সে চিনতে পেরেছে পাশাবতীর রাক্সসী রূপ। কঙ্গোর ওঙ্গলে লোভী মক্ষিকাকে মৃদু-ফুলের ডাক ; পৌরাণিক দ্বীপ থেকে সাহসেনের বাঁশি।

কঠিন মূর্তির নিচে দপ দপ করছে থেমে দাঁড়ানো ঘন-রক্তের উজ্জ্বল। যেন আগুন জলে যাচ্ছে সারা গায়ে। মিতার ছোঁয়া সারা শরীরকে কুরে কুরে খাচ্ছে তার। নিজের ওপরে অসহ্য ঘৃণায় মোমের মতো পুড়ে পুড়ে গলে যাচ্ছে সে।

কিন্তু স্তম্ভা আর বেগুদা—

চোপরাও বেয়াদব ! আকাশফাটা একটা গর্জন যেন গুনতে পেল সে। ও নিয়ে ভাববার কোনো অধিকার নেই তোরবার। কী তুমি ? একটা বুধুদ মাত্র। ছেলেবেলা থেকে শুধু নানা রঙে রঙিয়েই উঠে। কী ত্যাগ করেছে, কী মূল্য তুমি দিয়েছ দেশকে ? আজ আগুনের সঙ্গে তুলনা করে নিজের সাফাই গাইতে চাও।

কিন্তু কিছুই কি করবার নেই ?

আছে। মনের মধ্যে ফেটে পড়ল বোমা, থমকে দাঁড়িয়ে গেল সে। আছে, উপায় আছে। একমাত্র উপায়। কাল সূর্যের আলো ফোটবার আগে, তার কালো গুথখানা সকলের চোখের সামনে ধরা পড়বার আগেই, তা করে ফেলা যায়।

কোনো মানে হয় না ঘিষা করবার। নিজের বিচার যদি নিজে সে না করতে পারে, পার্টি করবেই। বিপ্লবের রক্তপত্রে ছড়িয়ে যাবে আর একটি কালির বিন্দু। তার আগেই—

চারদিকে তাকিয়ে দেখল সে। আরো জঙ্গল, আরো অন্ধকার, আরো রাত্রি। সামনের ঘন গাছপালার আড়ালে সিংহরাশি প্রায় হারিয়ে গেছে— তবু তার বর্শা-ফলকের মতো আলো এদিক ওদিক ঠিকরে আসছে তাকে লক্ষ্য করে। যেন জঙ্গলের আড়াল থেকে কতগুলো ক্ষুধার্ত জানোয়ারের লুকু দৃষ্টি।

হ'পাশের বাঁশবন বাতাসে উঠল কটকট করে—ঘুণে কাটা গর্তের ভেতর হাওয়া ঢুকে কোথা থেকে গোঙানির মতো খানিকটা কান্না বয়ে এল। সত্যিই কি কাঁদছে কেউ ? কে কাঁদছে ? তার দেশ ? তার সত্য ? তার ব্রতব্রত মন ?

সেই অন্ধকারে—সেই ভেজা গুলোর ওপরেই বসে পড়ল রক্তন। সেও ডুবে যাচ্ছে

অঙ্ককারে। ডুবে যাচ্ছে দেহ, তলিয়ে যাচ্ছে মন—মিলিয়ে যাচ্ছে কোনো অভঙ্গ সমুদ্রের গভীর থেকে গভীরতায়। বুক-পিঠের হৃদিক থেকে ছুখানা ভারী পাথর ক্রমশ চেপে ধরছে তাকে—দম আটকে যাচ্ছে, ভেঙে যাচ্ছে বুকের পাঁজরাগুলো; পেছন থেকে একটা অমাহুযিক শক্তি যেন হিমাক্ত কঠোর মুষ্টিতে চাপ দিয়ে ভেঙে ছুঁটুকরো করে ফেলতে চাইছে মেরুদণ্ডকে।

মনে আছে, বাজি রেখে একবার ডুব দিয়েছিল মজুমদারদের বড় দীঘির মাঝখানটাতে। মাটি তুলবে জলের তলা থেকে। পায়ের ঝাঁকায় ওপরের জল সরিয়ে যতই নেমে যাচ্ছে, ততই ছাঁধারের ঘোলাটে কাচের মতো জল তার বুক পিঠ চেপে ধরেছে, নাকের মধ্য দিয়ে টনটন করে ফেটে আসতে চাইছে রক্ত—অসহ্য যন্ত্রণায় ছিঁড়ে যেতে চাইছে কানের ভেতরে। ঠিক তাই। আজো ঠিক সেই যন্ত্রণা। সেদিন সে ভেসে উঠতে পেরেছিল আবার, কিন্তু আজ ?

হ্যাঁ—ঠিকই হয়েছে। আত্মহত্যাই সে করবে। এই ডুবে যাওয়ার যন্ত্রণার সমাপ্তি ঘটিয়ে দেবে নিজের হাতেই। চৈতন্তের দরজাটাকে বন্ধ করে দেবে সজোরে।

আবার সে উঠে দাঁড়ালো। শরীরটা শক্ত হয়ে গেছে হঠাৎ—দৃঢ় হয়ে গেছে পেণী-গুলি। এই অঙ্ককার জঙ্গলের মধ্যে ছায়ার মতো মিলিয়ে যাবে নিঃশব্দে। কেউ আর কখনো তাকে খুঁজে পাবে না।

মুহূ পা ফেলে পথ থেকে সে নেমে গেল জঙ্গলের মধ্যে।

এত অঙ্ককারেও ক্রমশ চোখে আবছা দৃষ্টি ফুটছে একটা। পায়ের নিচে বোপঝাড়, কাঁটা লতা বিছুটির বন সব একাকার হয়ে গেছে বটে, কিন্তু বড় বড় কাঁকড়া গাছগুলো ক্রমশ আলাদা হয়ে যাচ্ছে অঙ্ককারের সমগ্রতা থেকে। এলোমেলো বাতাস দিচ্ছে, মাথার ওপর থেকে মধ্যে মধ্যে পাতার কালো পর্দা সরে গিয়ে দেখা দিচ্ছে হেঁড়া হেঁড়া নক্ষত্রেরা আকাশ। সিংহরাশি নয়—কী ওটা ? সাতভাই চম্পা ?

না, সাতভাই চম্পা আর নয়। তার জীবন নিংড়ে ওই সাতভাই চম্পা দাম আদায় করে নিয়েছে। ওই স্বপ্নে-উড়ন্ত আইক্যারাসের পাখা পুড়েছে স্বর্ষের অভিশাপে। জলন্ত সিংহরাশির চোখে ঘৃণাভরা ঝিকার—বেণুদা।

আবার মাথার মধ্যে সমস্ত বোধগুলো যাচ্ছে একাকার হয়ে। অঙ্ককারের মধ্যে বসন্ত-পিণ্ডের বন্ধন ছিঁড়ে রেণু রেণু হয়ে ঠিকরে পড়ছে তার সমগ্র সত্তা। চোখ বুজে কিছুক্ষণ বসে রইল সে—শুধু শুনতে লাগল বাতাসের শব্দ—অঙ্ককারের অর্থহীন বনমর্মর আর ভীত ঝিঁঝির ডাক।

উঠে দাঁড়ালো তারপরে। ওপর দিকে তাকিয়ে দেখতে চেষ্টা করল হাবিধে মতো একটা মোটা ভাল আছে কি না। হ্যাঁ, আছে, অথচ দৃষ্টিতেও সে দেখতে পেল তা।

তেড়াবেঁকা একটা রুক্ষ চেহারার বেঁটে ধরনের গাছ—পাতাগুলো পাতলা পাতলা—
অঙ্ককারের একটা মস্ত বড় জালের মতো মাথাটা। বাবলা গাছ বোধ হচ্ছে।

যে গাছই হোক, তাতে আটকাবে না। তা ছাড়া বাবলার ডাল শক্ত—ভেঙেও পড়বে না সহজে। আশ্চর্য—মনের ভেতরে এত বিশৃঙ্খলার ভিড়, কিন্তু এই একটি ক্ষেত্রে কত যুক্তিসহ আর সরল হয়ে গেছে চিন্তাটা। আত্মহত্যার আরো অনেক কাহিনী তো শুনেছে রঞ্জন। ক্ষেপে গিয়ে মানুষে আত্মহত্যা করে, অসংলগ্ন মস্তিষ্কের তাড়নায় নিজের হাতে সমাপ্ত করে নিজেকে। তবু কী নির্ভুলভাবে সমাপ্ত করে যায় কাজটা। অসীম বৈধব্য ধরে রেললাহনে ঘাড় পেতে দিয়ে প্রতীক্ষা করে, কড়িকাঠে শক্ত করে দড়ির গিঁট বাঁধতে তো এতটুকুও ভুল হয় না।

আজ সন্ধ্যাতেও এই অজগর জঙ্গলে পা বাড়াতে ভয় পেতো সে। কিন্তু এই কয়েক ঘণ্টার মধ্যে তার ভয়-ভাবনা সব নিশ্চিহ্ন হয়ে মুছে গেছে। একটা অঙ্ককার কালো সেতুর ঠিক মাঝখানটিতে সে দাঁড়িয়ে। মাথার ওপরে বাবলার ডালে কাপড়ের একটা ফাঁস পরাতে পারলেই—এই ব্যবধানটুকু যাবে পার হয়ে। তারপর ?

ক্রমশ একটা নেশার বিহ্বলতা এসে যেন ঘন হতে লাগল তার স্নায়ুগুলোর ভেতরে। মাত্র এক পা—এক পা বাড়াতে পারলেই ছাড়িয়ে গেল অনিশ্চয়তার সীমান্ত। কী আছে তারপর ? কোথায় থাকবে সে—কী রূপ নিয়ে বেঁচে থাকবে তার মনোময় অস্তিত্ব ?

অস্থিরতার কলধ্বনি জেগে উঠছে রক্তের গতি-ধারায়। উঁচু ডাঙার ওপর দাঁড়িয়ে নিচের খর গতিতে কাঁপিয়ে পড়ার মত্ততা। আর নয়।

পরনের কাপড়টাকে টেনে টেনে পরীক্ষা করল একবার। ছিঁড়বেনা—নতুন কাপড়। তারপর আর একবার সন্ধানী চোখে দেখে নিতে চাইল ওপরের বাবলার ডালটাকে।

হঠাৎ পায়ের কাছে তীক্ষ্ণ হিংস্রতায় শিশ দিয়ে উঠল কেউ। খটাৎ করে একটা প্রচণ্ড ঠোকর ডান পায়ের জুতো বেঁধে পড়ল গাছের ডাঁড়িটার ওপরে। লাফিয়ে সরে গেল রঞ্জন।

ই্যা—সাপ।

নিশাচরের মতো অভ্যস্ত চোখের বিহ্বল দৃষ্টিতেও, দেখতে পেলো সে। দেবল, তরল অঙ্ককারের বুক চিরে আরো কালো একটা অঙ্ককারের শিখা ঘুলে ঘুলে উঠছে—ফুঁসছে আরণ্যক জিঘাংসায়। হুটো জলন্ত জোনাকির কণা একবার বাঁয়ে হেলছে, আর একবার ভাইনে।

ইচ্ছে হল ছুটে পালায়, কিন্তু পারল না। সারা শরীরটা ভারী হয়ে গেছে জগদল পাথরের মতো। পরক্ষণেই আরো দু পা পিছিয়ে গেল সে। অঙ্ককারের শিখাটা আবার সোজা হয়ে উঠল, জলন্ত জোনাকির কণা হুটো ঝিকিয়ে উঠল আর একবার—ঠকানু করে মাটি-ফাটানো আর একটা ছোবল পড়ল শুকনো ঝরা-পাতার ওপরে।

বুঝতে পেরেছে দৌড়ে পালানো যাবে না। চারদিকে ঝোপ-জঙ্গল—জোরে ছুটবার উপায় নেই। পেছন ফিরলেই নিশ্চিত মৃত্যু। কিন্তু একটা সাপের মুখে? নিশ্চয়ই না। কাপুরুষের মতো এত বড় পরাজয় স্বীকার করে নেওয়া যাবে না কোনো মতেই।

শরীরের কোষে কোষে কেন্দ্রিত শক্তি একটা প্রচণ্ড ঝটকায় যেন মুক্তি পেয়ে গেল—বস্ত্রার মতো উপচে গেল তা। কুমীরের খিলের মতো দাঁতের দুটো পাটি তার সজোরে আটকে বসেছে। ছোবলমারবার জন্তে সাপটা সরস্ব করে আরো খানিক এগিয়ে আসতেই জুতো-পরা পায়ে একটা লাথি ছুঁড়ল সে—ছুঁড়ল অমানুষিক শক্তিতে।

সাঁৎ করে একটা বরফের চাবুক লাগল জুতোর ওপরকার অনাবৃত অংশটুকুতে। যেন, কেটে বসে গেল মাংসের ভেতর। অন্ধকারের মধ্যে দিয়ে তীরের মতো উড়ে গেল সাপটা, ঝপাং করে একটা আওয়াজ শোনা গেল দশ-পনেরো হাত দূরে। কোনো ডোবা-টোবার মধ্যে গিয়ে পড়েছে নিশ্চয়।

উর্ধ্বাঙ্গে ছুটে চলল রঞ্জন। ছুটে চলল সিংহরাশির দিক্কার পেছনে ফেলে—ছায়ার প্রেতলোক থেকে মুকুন্দপুরের মিটমিটে ল্যাম্প-পোস্টের আলোয়। সাপটা কি পেছনে পেছনে তাড়া করে আসছে এখনো? ঘা-খাওয়া গোথরো তো শত্রুকে ক্ষমা করতে পারে না। আরো জোরে সে ছুটতে লাগল—ভিজে ধুলোর রাশ ঠেলে পলাতক একটা জানোয়ারের মতো।

কিন্তু আত্মহত্যা?

না। মৃত্যুকে সম্মুখে দেখেছে বলে আত্মহত্যা করতে পারবে না সে।

কিন্তু সমাধান এল শেষ পর্যন্ত।

সমস্ত সমস্তার, সমস্ত সংশয়ের। বন্ধের এই আকুলতা, এই আকৃতি-বিকৃতি একদিন আর একটা প্রবল ঝড়ের মধ্যে তার মুক্তি পেল। চারদিক থেকে যে হতাশা, যে ক্লান্তি ঘিরে আসছিল, পার্টির সামনে ঘন হয়ে আসছিল যে অন্ধকার—একদিন বজ্রের আলোয় সে অন্ধকার গেল বিদীর্ণ হয়ে। বিদীর্ণ হয়ে গেল রঞ্জনের মনে ও সঞ্চিত স্তব্ধতমসার প্রাণি।

ক্ষিণীশ চক্রবর্তী ধরা পড়েছে। ধরা পড়েছে জালের আড়ালে লুকিয়ে থাকা ওদের নেতা। শহরে বিপ্লবী দলগুলোর অস্তিত্ব প্রায় না থাকার মতোই হয়ে দাঁড়াচ্ছে। এই সেদিন অমূল্যল দলকে একেবারে হেঁকে তুলে নিয়ে গেছে বনেধর। জেলের মধ্যে নিয়ে নাকি বিশু নন্দীকে এমন মার মেরেছে যে রক্ত-আমাশায় সে মরো-মরো—। ওদিকে 'ভরুণ সমিতি'র ভালো ছেলেরা প্রায় সব বনেধরের নজরে পড়ে গেছে। কিছু বরেন্দ্ৰ, বাকি যাকে পাচ্ছে তাকেই ডেকে নিয়ে নিবিচারে চালাচ্ছে হাটোর। বনেধরের দাপটে শহর সন্ত্রস্ত, সে-ই এস-পি, সে-ই জেলা ম্যাজিস্ট্রেট। দুর্ধর্ষ পরাক্রমে এক ঘাটে জল

খাচ্ছে বাঘে গোরুতে ।

হরিনারায়ণ ঘোষের ছেলে অমরকেও একদিন ডেকে নিয়ে গিয়ে ওই রকম বেধড়ক পিটিয়েছে ধনেশ্বর । হরিনারায়ণ ঘোষ মামলা করতে চেয়েছিলেন ধনেশ্বরের নামে—ক্রিমিঞ্জাল অ্যাসাল্ট আর ইন্ডুরির চার্জে । কিন্তু শহরের কোনো উকিল তাঁর মামলা নিতে চায়নি ; শিউরে উঠে বলেছে—বলেন কি মশাই, জলে বাস করে কুমীরের সঙ্গে বিবাদ ! ধনেশ্বর শর্মার নামে কেস করতে বলছেন ! একবার যদি শানর নজর পড়ে তা হলে আর রক্ষা আছে ! দেবে সং-ফৌ-আইনে ঠেলে ! চলে যান মশাই, ওসব ঝামেলা আর বাড়াবেন না ।

—তাই বলে এই অত্যাচার সয়ে যেতে হবে ?

—হবেই তো ।—প্রাজ্ঞ উকিলেরা জ্ঞানগর্ভ উপদেশ দিয়েছেন তাঁকে : খালি খালি মাথা গরম করে কী করবেন মশাই ? এখন তো ওদেরই রাজত্ব । শুধু ছেলেকেই ঠেঙিয়েছে, এইটেকেই ভাগ্য বলে জানবেন । বেশি লাফালাফি করেন তো আপনাকেও ধরে একদিন হাতের স্থখ করে নেবে ।

হরিনারায়ণ ঘোষ তবু দিন কয়েক তর্জন গর্জন করেছিলেন—তাঁর বৈঠকখানায় আর মনসাতলার বৈঠকে বসে । কিন্তু তারপর একদিন তাঁর বাড়ি সার্চ হল । সার্চ করালো ধনেশ্বর নিজে দাঁড়িয়ে থেকে । তারও পরে কী হল কে জানে, আশ্চর্যভাবে নীরব হয়ে গেছেন হরিনারায়ণ, বুঝতে পেরেছেন বোবার শত্রু নেই ।

কিন্তু এ অসহ—এ অবস্থা দুবিষয় ।

ওদের শক্তি টগবগ করে ফোটে । জিবাংসায় প্রতি মুহূর্তে মন কালো আর ভয়ঙ্কর হয়ে থাকে । প্রতি মুহূর্তে ইচ্ছে করে লোকটাকে সাবাড় করে দিতে । না—তাও নয় । মশানকালীর মন্দিরে নিয়ে গিয়ে ছাগলের মতো হাঁড়িকাঠে ফেলে বলি দিতে ।

শুধু দাদারা খামিয়ে রাখেন ছেলেদের : না, না ।

—না কেন ?

—কী লাভ ?—বিষয় চিত্তিত মুখে দাদারা জবাব দেন : অনেকগুলোই তো সাবাড় করা হয়েছে এদিকে ওদিকে । কিন্তু ওরা রক্তবীজের ঝাড়, ফুরোবে না । ওতে করে লাভের মধ্যে খানিকটা রিপ্রেশনই ডেকে আনা হবে, আমাদের আসল উদ্দেশ্য যাবে পিছিয়ে ।

রিপ্রেশন ! ছেলেরা বুঝতে পারে না । রিপ্রেশনের আর বাকিই বা কোথায় । শহরের প্রত্যেকটা ছেলের জীবন প্রায় অসহ হয়ে উঠেছে । শুধু ধনেশ্বর আর ইয়ার্দ আলীর মতো চেনা মুখই নয়, বর্ণচোরারা চারিদিকে উড়ে বেড়াচ্ছে মাছি-মশার মতো । খেলার মাঠ থেকে স্কুলের ক্লাস পর্যন্ত অবাধ গতিবিধি তাদের । বাতাসে পর্যন্ত তাদের

কান পাতা। উৎপাতের চোটে মানুষের আহাৰ নিজে বন্ধ হওয়ার জো।

আর সার্চ করা। সকাল থেকে সন্ধ্যা পর্যন্ত এক একটা বাড়িতে সে যে কী প্রেত-তাণ্ডব, ভাবায় তার ব্যাখ্যা সম্ভব নয়। সম্ভব অসম্ভব সব জায়গা তো খুঁজছেই, তারপর খাটের পায়া ভেঙে দেখেছে ভেতরে ফোকর আছে কিনা; বালিশ-তোশক ছিঁড়ে তুলোর মধ্যে লুকোনো রিভলভার খুঁজছে; অকারণ-আনন্দে আচমকা বাঁধানো মেঝের খানিকটা খুঁড়ে ফেলছে গোটাকয়েক তাজা বোমা পাওয়ার আশায়, ইদারার ভেতর ঝালাওয়ালা নামিয়ে এমন অবস্থা করে তুলছে যে সাতদিন আর জল খাওয়ার উপায় থাকছে না গৃহস্থের। রিভলভার না পাক, ঠ্যাং ধরে গোটাকতক ব্যাঙ্কেই ছুঁড়ে দিচ্ছে কুয়োর ওপর।

আর পারা যায় না। কী কষ্টে যে অস্ত্রশস্ত্রগুলোকে সামলে রাখতে হচ্ছে সে ওরাই জানে। শুধু একদিন একটা দৃশ্য দেখে বড় আরাম পেয়েছিল রঞ্জন, সমস্ত ঘটনাটা ভারী মনোরম বোধ হয়েছিল তার। উকিল সারদাবাবুর বাড়িতে সার্চ। কী মনে করে—বোধ হয় একজোড়া তাজা পিস্তলের আশায়ই একটা কনস্টেবল নর্দমার মধ্যে হাত চুবিয়ে দিলে, তারপর পরক্ষণেই “আই দান্দা : মর্ গইরে”—বলে লাফিয়ে উঠল।

তারপর তার সে কী নৃত্য গীত! কীকড়া বিছের কামড়—তার আরামটুকু মনে রাখবার মতো। দৃশ্যটা ভারী উপভোগ করেছিল সেদিন। মনে হয়েছিল ধনেশ্বরকে একটা খুঁটির সঙ্গে বেঁধে রেখে তার গায়ে গোটাকয়েক কীকড়া বিছে ছেড়ে দিলে কেমন হয় ব্যাপারটা?

কিন্তু সে বাই হোক—এখন এ অবস্থার একটা প্রতিকার দরকার।

যা বোঝা যাচ্ছে জেলে সকলকেই যেতে হবে। দেশব্যাপী যে সশস্ত্র বিদ্রোহের কলন ছিল নেতাদের, যে প্রত্যাশা ছিল ভারতবর্ষের প্রতিটি প্রান্তে চট্টগ্রামের মতো অগ্নিবজ্র জাগিয়ে রাতারাতি ইংরেজের শাসন পুড়িয়ে ভষ্ম করে দেওয়া—সে আশাকে এখন মরীচিকা মনে হয়, মনে হয় তা আকাশ-কুহুমের চেয়ে বেশি নয়। এ হয় না, এ হতে পারে না। সামান্ততম চেষ্টাও পুলিশের সদা শানানো চোখ আর ঘরশত্রু বিভীষণের চেষ্টায় ধরা পড়ে যাচ্ছে, দুর্বল সহকর্মী ছুঁধা মার ঝেয়েই কোর্টে দাঁড়াচ্ছে অ্যাগ্রহতার হয়ে। দেশের স্বাধীনতার পথে দেশের মানুষের বাধাই দাঁড়াচ্ছে সব চেয়ে প্রবল হয়ে। তিরিশ সালের সত্যগ্রহ আন্দোলনের মতো কেউ একে স্বীকৃতি দিতে প্রস্তুত নয়। অস্ত্র চাই—সে জন্মে চাই টাকা। কিন্তু টাকা দেবে কে? নিতে হবে ভাণ্ডারী করে এবং বেশির ভাগ ক্ষেত্রেই চরম বিরোগান্ত তার পরিণাম।

আর তা ছাড়া নিজেদের মধ্যেই কি ক্রটি আছে কম? অবধি নেই দলাদলির। প্রত্যেকেই সত্যিকারের দেশপ্রেমিক, প্রত্যেকেই কাজে নেমেছে প্রাণের তেজস্বী আঙুন

জেলে, নিজের সর্বস্ব বিসর্জনের সংকল্প করে। কিন্তু এই যুত্যাগ্নয়, এই নির্ভীক মাহুব-
গুলো কেন নিজেদের মুক্ত করতে পারে না দলাদলির ক্ষুদ্রতা থেকে? পরে রঞ্জন
জেনেছে, শুধু এই দুটো দলই নয়—আরো আট-দশটা দল-উপদল আছে এবং পরস্পর
সম্পর্কে তাদের বিদ্বেষ আর সন্দেহের যেন অন্ত নেই। শুধু তাই নয়। সংগঠন একটু
জোর বেঁধেছে কিংবা হাতে দুটো একটা অস্ত্র এসেছে—তা হলেই আর যেন বীরত্বের
লোভ সামলাতে পারে না তারা। অকারণে দুটো চারটে মাহুবকে হত্যা করে বসে
এবং সেই প্রত্যক্ষ ফলে সমস্ত প্রতিষ্ঠানটাই ভেঙেচূরে তছনছ হয়ে যায়।

দেশের বিরোধিতা, বিশ্বাসদ্রোহিতা, আর নিজেদের ভুলভ্রান্তি; একসঙ্গে মিলতে
পারে না, তাই বড় গ্লান নিতে পারে না কোথাও। ব্যক্তিগত নেতৃত্বের মোহ—দাদা
হওয়ার প্রলোভন কত লোককে লক্ষ্যভ্রষ্ট করে—বাড়িয়ে চলে সংখ্যাভীত উপদল।
আজকে রঞ্জন জানে, আজকে রঞ্জন বিচার করতে পারে, সেদিনকার অত নিষ্ঠা, অত
আত্মদান, অমন বীরত্বের পরিণামও কেন অত বড় শোচনীয় ব্যর্থতায় হারিয়ে গেল।

তা ছাড়া সব চাইতে বড় কারণ যেটা, সেটা বুঝেছিল অনেক পরে। তার আভাস
এনেছিল সেই রহস্যময় বইটা, কিন্তু সে ইঙ্গিত সেদিন ধরবার সাধ্যও হয়তো ছিল না
কারো। তাই—

তাই নেতাদের মধ্যে হতাশা, নেতাদের চোখেও যেন অসহায় আক্রোশের একটা
কাতরতা। ধনেশ্বরের দাপটে সমস্ত যেন ভেঙে পড়বার উপক্রম। নিজের মধ্যে যে
বিচিত্র একটা প্রচণ্ড দ্বন্দ্ব চলছে, চারদিকের এই সংঘাতের কাছে তাও যেন ছোট
হয়ে গেছে।

অতএব—

অতএব একটা কিছু করো। যেমন করে হোক অন্তত আত্মবোষণা করতে হবেই।
কিছু অস্ত্র চাই, আর সেই অস্ত্রের মুখে প্রকাণ্ড একটা ধা দিয়ে যাব দেশকে। আর
কিছু না হোক একটা বিরাট প্রোপাগান্ডার মূল্য আছে তার, অন্তত আজকের এই
অগ্রিকরা রক্তঝরা অভিজ্ঞতার পরিণাম থেকে আগামী দিনের মাহুব তার পথ চলবার
সংকেতটি খুঁজে নিতে পারবে। আমাদের শবদেহের ওপর দিয়েই গড়ে উঠুক তাদের
উদ্বাচলের সোপান।

টাকা চাই, চাই অস্ত্র।

জিমজাটিক ক্লাবের সেই পোড়ো বাড়িটার অন্ধকারে গ্রহণ করা হল চরম সিদ্ধান্ত।
মধুরানাথ পোদ্দার। মস্ত জোতদার, সম্ভ্রান্তি রায়সাহেব হয়েছে পুলিশকে সাহায্য করে
আর জেলা-ম্যাজিস্ট্রেটকে খানা খাইয়ে। তার কাছ থেকেই কিছু সংগ্রহ করে আনতে
হবে। প্রথমে সবিনয়ে প্রার্থনা করে হবে সিন্ডিকেট চাবিটা, যদি সেটা সহজে না পাওয়া

যায় তা হলে বলপূর্বক যাতে চাঁদাটা সংগ্রহ করা যায়, তৈরি হয়ে যেতে হবে তারই জন্তে ।

সুতরাং আগামী কাল রাত বারোটা ।

মনের মধ্যে গোপন-পাপের অহুভূতিটা বিঁধছে যন্ত্রণার মতো । কিছু বলতে পারেনি, স্বীকারোক্তি করতে পারেনি নিজের অপরাধের । আজ তিনদিন ধবে যেন একটা উদ্ভ্রান্তের মতো ঘুরে বেড়াচ্ছে সে । দলের মধ্যে নৈরাশ্র, তার মনেব ভেতরেও যন্ত্রণাভরা অস্থিরতা । বেণুদার সামনে গিয়ে দাঁড়াতে ভয় করে । পরিমলের দিকে চোখ পড়লে দৃষ্টি নামিয়ে নেয় সে । ধনেশ্বরের হাতে অবিচলিতভাবে মার খেয়ে যে বীরস্বগৌরব সে বয়ে এনেছিল, নিজের অপরাধের কালি ছড়িয়ে নিজেই তাকে কলঙ্কিত করে দিয়েছে ।

তবু মনে হচ্ছে আর দেরি নেই । সময় এল এগিয়ে, এল তার সমস্ত মানসিক যন্ত্রণার উপশমের মুহূর্ত । মারবার পরে ধনেশ্বরই তার পরিচর্যা করেছে, মাথায় জল দিয়েছে, রক্ত মুছিয়ে পরিষ্কার করে দিয়েছে, এক চুলের ভেতরে একটুখানি কাটা জায়গা ছাড়া আর কোথাও নিজের কীর্তির বিন্দুমাত্র চিহ্ন না থাকে—সব রকম সাবধানতা অবলম্বন করেছে তার জন্তে । তারপর আর এক কাপ গরম চা খাইয়ে তাকে বিদায় দিয়েছে । তার বলে দিয়েছে, আজ মুখ খুললে না, কিন্তু সেজন্তে ভেবো না তোমার দুর্গতি এর ওপর দিয়েই শেষ হল । আজ শুধু ছুঁইয়ে রাখলাম । আমার হিসেব-নিকেশ তৈরী হচ্ছে—যথাসময়ে চুনো-পুঁটি থেকে শুরু করে রাঘব বোয়াল পর্যন্ত কেট বাদ যাবে না ।—রিতলভারটা হাতের ওপর লোফানুফি করতে করতে গর্জন করেছিল বুলডগের মতো : সেদিন টের পাবে ধোলাই কাকে বলে । আজ এই নমুনাটুকু দিলাম শুধু অহুভাপের স্মরণ দেবার জন্তে । কিন্তু লাষ্ট চান্স এখনো আছে, নিজের ভালো চাপ তো এসে সব কনফেস করে যেয়ো । আর যদি না করো—শহরের প্রত্যেকটি জায়গায় আমার চোখ খোলা আছে, সব আমি দেখতে পাচ্ছি—এর পরের বার সমস্ত আদায় করে নেব হৃদে আসলে ।

ধনেশ্বর মিথ্যে শাসায়নি । মিথ্যে শাসানোর মতো লোকই সে নয় । হ্যাঁ—দেরি নেই আর । তারও নয়, পার্টিরও নয় । হঠাৎ মনে হচ্ছে সব সমস্যার সমাধান হয়ে যাবে । আর—আর—অন্ততঃ ক্ষুদ্র বোধ বার বার বলতে লাগল সেদিন যতভাড়াভাড়ি এগিয়ে আসে, তাই ভালো । আজ মনে হচ্ছে ফাঁসির দড়ি তার পুরস্কার না হোক, তার প্রয়োজন হয়ে দাঁড়িয়েছে । আত্মহত্যা করতে পারে না, স্বীকারোক্তি দিয়ে মৃত্যুদণ্ডকে আহ্বান করে নেবার শক্তি নেই তার—কাজেই সে দণ্ড ধনেশ্বরের হাত দিয়েই নেমে আসুক ।

রাত প্রায় বারোটা হবে ।

শহর থেকে মাইল পনেরো দূরে একটা মজা দীঘির উঁচু পাড়ের ওপরে জমা হয়েছে সকলে । মরা মরা জ্যোৎস্নায় বৃষ্টিকারে ঘিরে দীর্ঘদেহ তালগাছের প্রেতচ্ছায়া । পেছনে হু হু মাঠের বুকে সাবধানের সংকেত-বাগীর মতো আলোয়ার চোখ জলছে দপ দপ

করে। মজা দাঁধির বুকে অজস্র পদ্মপাতা আর কন্মিদামে বাতাস ফেলছে জন্তু নিখাস।
আর স্তব্ধতা।

সমস্ত পৃথিবী জুড়ে চক্রান্তের মতো স্তব্ধতা।

তালগাছের প্রলম্বিত ছায়াগুলোর নিচে আশশোয়া ভক্তিতে অপেক্ষা করছে সবাই।
অসহ্য, নিষ্ঠুর প্রতীক্ষা। বুকের তলায় একটা ছোট কাঁটারোপের তীক্ষ্ণ আঁচড় লাগছে
রক্তনের। একটু সরে গেলে হয়, কিন্তু সাহস হচ্ছে না। যতক্ষণ আদেশ না পাওয়া যায়,
ততক্ষণ নড়তে-চড়তেও পারবে না ওরা।

আট জোড়া চোখ স্থির-দৃষ্টিতে তাকিয়ে আছে দাঁধির ওপারে বড় দোতলা
বাড়িটার দিকে। ওর একটা জানালায় আলো জ্বলছে এখনো—সেটা নেভবার
প্রতীক্ষা। বাড়ির সমস্ত লোক আগে নিশ্চিত হয়ে বিশ্রাম করুক। একেবারে অপ্রস্তুত
অবস্থায় আক্রমণ করা দরকার। এমন হানা দিতে হবে, এত ক্ষিপ্ত বেগে যে মথুরা
পোদ্দার তার বন্দুকটা হাতে পর্যন্ত তুলে নেবার সময় পাবে না। তা ছাড়া গ্রাম এখনো
জেগে, মাঠের ভেতর দিয়ে দু-চারটে লণ্ঠন চলে ফিরে বেড়াচ্ছে এখনো। ওদের গতি-
বিধিটাও একটু কমে আঁহক।

অসহ্যদীর্ঘমূহূর্তগুলো—অসহ্যতর প্রতীক্ষা। পরস্পরের নিখাসে চমকে উঠছে সবাই।
তালগাছের শুকনো পাতায় এক আধটু বাতাসের শব্দও থেকে থেকে হৃৎস্পন্দন খামিয়ে
দিচ্ছে—যেন শুকনো পাতার ওপর পা ফেলে ফেলে হেঁটে আসছে কেউ। বুকের নিচে
কাঁটার ঝোপটা হিংস্রভাবে আঘাত করছে প্রতিবাদের মতো। শুভলো কি মশাল
নাকি? মশাল জ্বলে কেউ কি এগিয়ে আসছে ওদের দিকে? না—না, আলোয়া!

—রেডি।

একটা চাবুকের মতো শব্দ এসে পড়ল তালগাছের নিচে জমাট ছায়াছন্নতাকে তাড়না
করে। মুহূর্তে নিজেদের অস্ত্রগুলো গুছিয়ে নিয়ে নক্ষত্রবেগে উঠে দাঁড়ালো দলটা।
উত্তেজনায় নিখাস বন্ধ হয়ে আসছে। ই্যা,—আলো নিবেছে ওপরতলার জানালাটার।

—ওয়ান—টু—থ্রী—

সার বেঁধে দু পা এগিয়েছে সবাই, কিন্তু সঙ্গে সঙ্গেই যেন পাথর হয়ে গেছে। চার-
দিকের স্তব্ধতা চকিতে ভেঙে টুকরো টুকরো হয়ে গেল বন্দুকের গভীর কঠিন শব্দে।

—পুলিস।

একসঙ্গে সমবেত আতঁনাদ বেরুল : পুলিস।

—হুম্—হুম্—

ওপার থেকে বন্দুকের সাড়া।

—বিট্রোয়াল।—বেগুনা গর্জন করে উঠলেন আহত জানোয়ারের মতো : রোহিণী।

না. র. ৪র্থ—২

—ঠাস্ ঠাস্—

এপার থেকে এদের রিভলভার জ্বাব দিলে। বুখা প্রতিবন্ধিতা। ওদের রাইফেল এদের অব্যর্থ সন্ধানে লক্ষ্যভেদ করতে পারবে, কিন্তু রিভলভারের রেঞ্জ দীঘির অর্ধেকও গিয়ে পৌঁছবে না।

—টুপ ডিস্পার্স্—

কিন্তু পালাবে কোন্ পথে? এদিক থেকেও রাইফেল সাড়া দিয়েছে, আয়োজনের ক্রটি রাধেনি কোথাও। একটা ব্রজকণ্ঠের আদেশ এল : Surrender !

—No surrender ! Troop disperse—

রাইফেল আর রিভলভারের শব্দ -রাত্রি কাঁপছে, আকাশ কাঁপছে। কয়েক মিনিটের মধ্যে ঘটে যাচ্ছে ষণ্ডপ্রলয়। শরীরের রক্ত যেন আগুন হয়ে জলছে—বিট্টেয়াল। বিশ্বাসঘাতকতা করেছে রোহিণী। কিছুদিন থেকেই তার ওপর সন্দেহ জাগছিল, এতদিনে সন্দেহটা পরিণত হয়েছে নিশ্চিত প্রত্যয়ে।

—টুপ ডিস্পার্স্—

ছুট ছুট। যেদিকে পারো। প্রাণ থাকতে ধরা দিয়ে না। বিদ্রোহশিখার মতো বড় বড় টর্চের সন্ধানী আলোতে চোখ ঝলসে যাচ্ছে, বজ্রের মতো উঠছে রাইফেলের গর্জন। ছুট ছুট। রঞ্জনের পেছনেই চাপা আর্তনাদ করে কে যেন পড়ে গেল। পড়ুক—থেকে দাঁড়িয়ে না। Let him die a hero's death !

রোহিণী। এই মুহূর্তে তাকে হাতে পাওয়া গেলে বাঘের নখের মতো তার গলায় খাবা বসিয়ে সেটাকে টুকরো টুকরো করে ছিঁড়ে ফেলা যেত। বিট্টেয়ার। বিশ্বাস-ঘাতক। নরেন গোবামীদের কি মৃত্যু নেই?

—ছুট—ছুট—ছুট—

—We are lost friends—but we will win !

...রাত শেষ হয়ে আসছে। মরা চাঁদের জ্যোৎস্না হেলে পড়েছে পশ্চিমে। বুক সমান উঁচু বিদ্রোহাসের বনের মধ্যে শান্তিতে শুয়ে আছেন বেগুদা। স্নান জ্যোৎস্নার অভূত শান্ত সে মুখ। হিংস্রতা নেই,—পরাদীনতার জ্বালা আর অপমান -সমস্ত নিষে গেছে। কালো পাথরে গড়া কঠোর শরীরে একটা আশ্চর্য কোমলতা ছড়িয়ে পড়েছে। রক্তে রাঙা হয়ে গেছে বিদ্রোহাস, কাঁধের পাশ দিয়ে এখনো গড়িয়ে পড়েছে রক্ত। আশ্চর্য, ওই রকম একটা মারাত্মক ক্ষত ব্যয়েও কী করে এতটা পথ তিনি ছুটে এসেছিলেন?

মৃত্যু। অবিদ্যাব্যবুর মৃত্যু ঘন আঁচে, এই আর একটা মৃত্যু দেখল রঞ্জন। ছিন্নমস্তা ভারতবর্ষের পায়ে আর একটি কুস্মিন্দ্রাজি। স্বাধীন হোক দেশ, স্বতন্ত্র হোক ভারতবর্ষ। এই মৃত্যু আর রক্তের মধ্য দিয়েই মুক্তির রাজপথ এগিয়ে আসুক।

হুঃখ নয়, শোকও নয় ।

কী আশ্চর্য শান্তি মুখের ওপর ছড়িয়ে পড়েছে । বেগুদার অমূল্য প্রশান্ত কোমল মুখ
কি আর একদিন দেখেছিল রঞ্জন ? না, অন্ধকারে তা আচ্ছন্ন ছিল সেদিন ?

“করণাময় মাগি শরণ, দুর্গতি তব করহ হরণ

দাও হুঃখবন্ধতরণ মুক্তির পরিচয়—”

মুক্তি এল । এল হুঃখ দুর্গতির অবসান । শেষ চন্দের ক্ষীণ আলোয় পৃথিবী শান্তিতে
সুমুছে । বেগুদাকেও ঘুমতে দাও । বিশ্রাম করতে দাও সারাজীবন অশ্রান্ত বিপ্লবীকে ।

নীরবে উঠে দাঁড়ালো ওরা তিনজন । রঞ্জন, পরিমল আর বিশ্বনাথ ।

কোথায় যাব ?

ঘরের বন্ধন ছিঁড়েছে । বন্ধনের কাল হল শেষ । এবার নিকরদেশ যাত্রা । তিনজনে
তিন দিকে । যদি সুযোগ হয় পরশু গঙ্গাপুরের উপেন রাজবংশীর বাড়িতে মিলব
আমরা । নইলে এখানেই শেষ দেখা, চিরদিনের মতো বিদায় ।

বেগুদার ঘুমন্ত মুখের দিকে ওরা আর একবার তাকালো । তারপর ঘাসবন ভেঙে
অন্ধের মতো তিনজনে হেঁটে চলল তিন দিকে । মাটির তলার অন্ধকারে শুরু হল নতুন
জীবনের আর এক অধ্যায় ।

শুধু একটা জিনিস বাকি দুজনে টের পায়নি । দরকারী কাগজ আর অস্ত্রশস্ত্র
সরাতে গিয়ে বেগুদার পকেটে রঞ্জন পেয়েছে একটা ছোট আংটি । কার আংটি সে
জানে । কেন বেগুদা আংটি ও আংটিটাকে বিক্রি করতে পারেননি তাও বোধ হয়
বুঝতে বাকি নেই আর ।

বিপ্লবী শহীদের এই দুর্বলতাটুকু দেশ-জননী নিশ্চয় ক্ষমা করবেন—! শান্তিতে ঘুমুক
বেগুদা, ঘুমুক পরম আর নিশ্চিত বিশ্রামে । রঞ্জন জেনেছে, কিন্তু এ আংটির স্বর
পৃথিবীর আর কেউ জানবে না—কেউ না ।

আর যদি কোনোদিন পারে, তবে এ আংটি সে ফিরিয়ে দেবে স্তপ্যপাকে ।

সতের

মাটির তলার অন্ধকারের নতুন জীবনের আর এক অধ্যায় ।

সারাদিন কাটল একটা জঙ্গলের মধ্যে । যা চেহারা খুলেছে দিনে পথ দিয়ে চলা
যাবে না ! বুকের কাছে জামাটায় রক্তের দাগ লেগেছে—বেগুদার রক্ত । পায়ের জুতো
নেই, পরনের কাপড়টা ছিঁড়ে টুকরো টুকরো হয়ে গেছে । দিতান্ত নির্বোধ লোকের
চোখ পড়লেও সন্দেহ জেগে উঠবে তার ।

যেমন কিদে—তেমনি ক্লাস্তি। ঘাড়ের ওপর থেকে মাথাটা যেন খসে পড়তে চাইছে। থেকে থেকে অন্ধকারে ডুবে আসে চোখের দৃষ্টি। বাড়ির কথা মনে পড়ে। নরম বিছানা—হুঁমুঠো ভাত, কয়েক ঘণ্টা বিভোর হয়ে ঘুমুনো। ঐকণ্ঠা নেই, আশঙ্কা নেই, মাতলামি নেই বুকের ভেতরে। বিশ্রাম, গভীর সমুদ্রে ডুব দিয়ে তলিয়ে যাওয়ার মতো অতলান্ত বিশ্রাম।

বিশ্রাম। এও বিশ্রাম বইকি। যেন সব কাজ শেষ হয়ে গেছে—যেন এত দিনের জীবনটা একটা স্বপ্নের মতো স্বদূর। কোথায় আত্মাই—কোথায় তার নীল জলে টকটকে রাঙা শিমুলের ফুল দক্ষিণা বাতাসে ঝরে ঝরে পড়তে থাকে। কোথায় আলেয়া-দীঘির ওপারে রাঙা মাটির পথটা এগিয়ে চলে গেছে হাড়ের পাহাড়, কড়ির পাহাড় পেরিয়ে। অথবা মহাপৃথিবীর পথ—ভূগোলের পাতায় পড়া কচ্ছাকুমারী আর তুষার-শৃঙ্গের সীমা ছাড়িয়ে যার অজানা পরিক্রমা।

কাকনের কাকচক্ষু জল—সে স্বপ্ন। শহর মুকুন্দপুর—কোথাও কি তা আছে, কোথাও কি ছিল? মিত্রা—করুণাদি—সুতপা। ঘুমের ঘোরে যেন কতগুলো ছায়াযুক্তি অতি লঘুহুলে তার চেতনার ওপরে পদচারণা করে গেছে। আজ এই মুহূর্তে একটা মৃদুগন্ধের আমেজের মতো তারা মনের মধ্যে ঘুরে ফিরছে, আর কোথাও নেই তারা—আর কিছুই নেই।

যেন চটক ভাঙে। নিজেকে প্রশ্ন করতে ইচ্ছে করে—আমি কে? ঘাসের ওপর শুয়ে শুয়ে মনের মধ্যে ঘুরে বেড়ায় বৈরাগ্যভরা একটা শান্ত জিজ্ঞাসা। আমি কোথায় ছিলাম?

আশ্চর্য মাহুঘের মন। যেন কিছুই হয়নি—যেন এই ঘন মহাঘাবনের মধ্যে, এই নিরালা নির্জন ছায়ায় সে একজন নতুন মাহুঘ। তার পৃথিবী আলাদা—তার পরিচয়, আলাদা।

রবীন্দ্রনাথের কবিতার লাইন মনে পড়েছে:

“আমি এলাম ভাঙল তোমার ঘুম—

ফুটল শূন্যে তারায় তারায় আনন্দ কুহুম—”

আমি এলাম। এলাম নতুন হয়ে—আবিষ্কার করলাম নিজেকে এক অজানা নতুন জগতের পরিবেশে। কিন্তু কার ঘুম ভাঙল? পৃথিবীর? আকাশের? এই মহাঘাবনের?

অনেকদিন পরে কবি রঞ্জন জেগে উঠেছে—সাদা দিচ্ছে হারানো দিনের সেই স্বপ্ন-শিল্পী। চরম বিপর্যয়ের ভেতরেই কি এমনি চূড়ান্ত করে আত্মকেন্দ্রিক হয়ে গেল তার মন? কঠিনতম জগতের মাটিতে বাস করেও যে চিরকাল মনের মধ্যে খুঁজে ফিরছে স্বপ্নের ছায়াপথকে, এই একান্ত নিভৃত আর বিচিত্র অবকাশে সে কি নিজের সেই অপক্লপ

অগংটাতে ফিরে গেছে ?

আজ তার কবিতা লিখতে ইচ্ছে করছে। আশ্চর্য, আজ এই মুহূর্তে কবিতা লিখতে ইচ্ছে করছে তার। অজুত মাহুকের মন। এতদিন ধরে যে নানা টান-পোড়ানের মধ্যে বুক ছলছিল, সঞ্চিত হয়েছিল বা কিছু সংশয় আর সমস্যা, কে যেন তাদের সব কিছুর ওপর দিয়ে টেনে দিয়েছে একটা সমাপ্তির সীমারেখা। সব মিলিয়ে গেছে, সব ছায়া হয়ে গেছে—পাক খেয়ে মিলিয়ে গেছে একরাশ কুয়াশার মতো।

এই মহাশবনের মধ্যে, এই ঝিরঝিরে বাতাসে এ কি তার নবজন্ম ? পাতার কাঁকে কাঁকে মাথার ওপরে সিঁদ্ধ নীল আকাশ ; ডালে ডালে হরিয়ালের নাচ। ঘূমের মধ্যে রুটির আঁগুয়াজ শোনার মতো মহা পড়বার শব্দ, একটা মিষ্টি স্বপ্নের আমেজের মতো মহারার বিহ্বল গন্ধ। বাতাসেও যেন মহারার নেশা ছড়িয়ে পড়েছে, আড়ষ্ট হয়ে আসছে চোখের পাতা। গান তো গাইতে জানে না, একটা কাগজ কলম থাকলে নিশ্চয় কবিতা লিখত।

কী কবিতা ? ‘আমি এলাম, ভাল তোমার ঘুম’—রবীন্দ্রনাথের লাইন। ওই লাইনটা ওরও মনের ভেতরে বা দিয়ে দিয়ে প্রতিধ্বনি জাগিয়ে তুলতে চাইছে। একটা হরের পাগলা দমকা হাওয়া এসে অস্থ হরের দরজা খুলে দিতে চাইছে যেন।

অথচ—

অথচ কী বিচিত্র একটা অবস্থা। কোথা থেকে কোথায় এসেছে সে—কী আশ্চর্য, অবিদ্যাত্তা বিপর্যয়ের পথ বেয়ে। তবু এখন যেন কিছুই নেই। ফিরে এসেছে স্মৃতির গভীরে হারিয়ে যাওয়া আত্মাই—তালবীথির ঘন নিবিড় বৈচিত্রবনের ছবি। ছেলেবেলায় প্রকৃতি হাতছানি দিয়েছিল, মন ভুলিয়েছিল তালবীথির সংকেত দেওয়া দিগন্তের ইঙ্গিতে। আজ তারা রঞ্জনকে ফিরে পেল, সেও ফিরে পেয়েছে তাদের।

পৃথিবী। চারদিকে প্রকৃতি তাকে পরিপূর্ণ করে জড়িয়ে নিয়েছে আজ। শহর নৃকন্দপুর—বিপ্লবীর স্বপ্ন। কিছুই নেই। এই তো প্রকৃতি—যেখানে ঘন্ব নেই, নেই সমস্যা, নেই সংঘাত। এইখানেই কি এতদিনের হারিয়ে-যাওয়া মন ফিরে পেলো নিজেকে, কবি রঞ্জন ফিরে এল নিজের সত্যায়।

লাল মাটির ছোট বড় টিলা। তারই ওপরে সারি সারি মহারার গাছ। আকাশে রোদ বাড়ছে—ছুপরের উত্তাপে যেন ঘন হয়ে উঠছে গন্ধের নেশা, আরো তীব্র হয়ে উঠছে, আরো নিবিড়। দুটো টিলার মাঝখানে একটা নিচু গর্তের মতো জায়গা—চারপাশে মহারাপাতার ছায়া—সেইখানে চূপ করে শুয়ে আছে রঞ্জন। শুয়ে আছে স্বপ্নব্যাকুল অর্ধমুদ্রিত চোখ মেলে।

সময় কেটে বাচ্ছে। পাতার কাঁকে কাঁকে মাঝে মাঝে রোদ দোলা খেয়ে চলেছে সূর্যের ওপর। কেউ নেই কোথাও—ডিস্টিক্ট বোর্ডের বাঁধের মতোই উঁচু রাস্তাটা থেকে

অনেক দূরে সরে এই মহাযাবনের মধ্যে আসবার সম্ভাবনাও নেই কারো। ‘আমি এলেম, তাই তো তুমি এলে।’ কে এল ? কবিতাটার অর্থ জানে না রঞ্জন, তবু মনে হল একটা কিছু যেন সে বুঝতে পেরেছে এই মুহূর্তে। বছকালের একটা বন্ধ জানালা হঠাৎ খুলে গিয়ে রোদের ঝলকানির মতো পরিস্ফুট হয়ে উঠেছে এর মর্মকথা। কে এল ? আমি এলাম, তাই কি প্রকৃতি আবার ফিরে এল আমার কাছে ? যে আকাশে রক্তের বহি-
লিখা শুধু ঝলমল করত সেদিন, আজ কি সেখানে নতুন করে : “ফুটবে শূন্যে তারায়
তারায় আনন্দ কুহুম ?”

হঠাৎ চমকে উঠল সে। আত্মদর্শনটা তেঙে টুকরো টুকরো হয়ে গেল অতি বাস্তব,
অতি ভংকর একটা সম্ভাবনার সংকেতে। খট খট করে দ্রুত কতগুলো পায়ের শব্দ।

রক্তে বিদ্যুৎ বইল। তীরের মত উঠে বসল রঞ্জন।

না—মাহুষ নেই কোথাও। একপাল ছাগল ছুটে আসছে, শুধু ডাকছে ভয়ব্যাকুল
কণ্ঠে। কিন্তু একপাল ছাগল ? পেছনে নিশ্চয় রাখাল আসছে। শরীরটা আতঙ্কে শক্ত
হয়ে এল।

কিন্তু না—রাখাল তো নেই। ওদের পেছনে তাড়া করে আসছে পাটুকিলে রঙের
দুটো শেয়াল। মাত্র দুটো শেয়াল—আয়তনেও এমন কিছু বড় নয় ; কিন্তু তাদেরই
ভয়ে এতগুলো ছাগল পালিয়ে আসছে এমন করে ! অথচ একবার যদি বড় বড়
শিংগুলো ঝাঁকিয়ে ফিরে দাঁড়াতো—

স্বাভাবিক একটা সংস্কারবশেই উঠে দাঁড়ালো সে। গোটা দুই ঢিল ছুঁড়ল শেয়াল
দুটোকে লক্ষ্য করে। ফলে শেয়ালগুলো ছুটল জঙ্গলের দিকে, আর ছাগলের পাল
মহাযাবন পেরিয়ে সেজো বেরিয়ে গেল ডিস্ট্রিক্ট বোর্ডের রাস্তার উদ্দেশে।

আবার শুয়ে পড়তে যাবে, এমন সময় বনের মধ্যে থেকে ছাগলের আর্তনাদ উঠল :
ব্যা-ব্যা—

সে কি ! সবগুলোই যে রাস্তার দিকে ছুটে গেল ! তবে ?

উঠে পড়ল আবার—মহাযাবনের মধ্য দিয়ে এগিয়ে গেল ছাগলের ডাক অহুসরণ
করে। খানিকটা এগোতেই একটা চমৎকার দৃশ্য পড়ল চোখে।

করিতকর্মা জাত শেয়াল—কোনো সন্দেহ নেই এ বিষয়ে। কোন্ ফাঁকে দলচাড়া
একটা মস্ত ছাগলকে এদিকে তাড়িয়ে এনেছে, দেখাল করতে পারিনি সে। সামনেই
একটা ঘোলা পচা ডোবা, যুগ্মষ্টকে একেবারে তারই ভেতরে নিয়ে গিয়ে নামিয়েছে।
একগলা জলের মধ্যে দাঁড়িয়ে আর্ত চিৎকার তুলেছে ছাগলটা, আর শেয়াল দুটো
ঝপঝপ করে জল ভেঙে এগিয়েছে তার দিকে। আসন্ন মৃত্যুর সম্ভাবনায়, অবর্ণনীয়
আতঙ্কে অসহায় প্রাণীটা ধরধর করে কাঁপছে।

আবার একটা তাড়া দিতেই জল থেকে উঠে জঙ্গলের দিকে সরে পড়ল শেয়াল-ছোটো। ছাগলটা জলের মধ্যে তেমনি দাঁড়িয়ে রইল কিছুক্ষণ—যেন মুক্তির ব্যাপারটা এখনো সে বিশ্বাস করতে পারছে না। তারপর উঠে এল কাঁপতে কাঁপতে, ছুটে পালিয়ে গেল মহুয়াবন পার হয়ে।

নিজের জায়গায় ফিরে এল সে। পাতার কাঁকে কাঁকে রোদ পিছলে পিছলে পড়ছে লাল মাটির টিলার এখানে ওখানে। জলছে ছোট ছোট কাঁকর, রাশি রাশি বালি-পাথরের টুকরো। নির্জন বন ভরে শুকনো পাতার ওপর টুপটাপ করে মহুয়া পড়বার শব্দ; ডালে ডালে হরিয়ালের নাচ। উত্তপ্ত মন্দির গন্ধ নেশায় আবিষ্ট করে আনতে চায়, ভারী হয়ে আনতে চায় চোখের পাতা।

কিন্তু বনের স্বপ্ন কেটে গেছে, মন থেকে মুছে গেছে প্রকৃতি-বিলাস। এমন সুন্দর, এমন আশ্চর্য কবিতায়-ভরা দুপুরের মোহ-মন্দির মহুয়াবনের মধ্য থেকে কালো হিংসার একটা ছায়ামূর্তি মাথা তুলেছে; এক মুহূর্তে আচ্ছন্ন করে দিয়েছে সমস্ত।

সব এক—সব একরকম। কোনো পার্থক্য নেই। পার্থক্য নেই জটিলতার জর্জরিত শহর মুকুন্দপুরের সঙ্গে এই কাব্যময় অপরূপ মহুয়া-বীথিকার। এক নীতি—একটিমাত্র সত্য। ওই শেয়াল ছোটো চেনা, প্রতিদিনই তো আশে-পাশে ঘুরে বড়ায় ওই ছাগলের পাল। ছত্রিশ কোটি মানুষ আমরা—একবার যদি মাথা তুলে দাঁড়াই তা হলে কতক্ষণ সময় লাগে এই বিদেশী অভ্যাচারের শিকড়হৃদ উপড়ে ফেলতে? কিন্তু আমরা কোন-দিনই দাঁড়াবো না, ওই ধনেশ্বর আর তার সাদা মালিকের দল এমনি করেই আমাদের ঠেলে নিয়ে যাবে। নিয়ে যাবে অনিবার্য অপঘাতের মধ্যে।

অকস্মাৎ মহুয়াবনের এই গম্ভীর বাতাসকে অত্যন্ত বিষাক্ত বলে মনে হল, মনে হল ঝিরঝিরে মহুয়ার পাতায় যেন কাদের চক্রান্তভরা একটা কুটিল ফিস্ফিসানি কানে আসছে। জলজল রোদের ফালিগুলোতে বুঝি কোনো একটা হিংস্র স্বাপদ খাবা মেলে রেখেছে তার। প্রকৃতি। প্রকৃতির যেন একটা নতুন তাৎপর্য ধরা পড়ল তার কাছে। আজ এই নিরাবরণ গুরু প্রকৃতির বুকে একটি প্রাণীর প্রাণ বাঁচাতে একজন মানুষের প্রয়োজন হল। আশ্চর্য, পৃথিবীর হিংসাকে যে জয় করতে পারল সে একজন মানুষ।

ঘোর ভেঙে গেল। ঠঠাৎ আর একটা রাত্রির কথা মনে পড়ল তার। চিন্তার মোড়টা ঘুরে গেল সম্পূর্ণ অশুদিকে।

মনে পড়ল বাবার সঙ্গে গোরুর গাড়িতে করে ফিরছিল আলোয়াখাওয়ার মেলা দেখে। মাঝরাত্রে নামল প্রচণ্ড ঝড় আর প্রবল বৃষ্টি। বাতাসের ঘায়ে চট উড়ে গিয়ে বৃষ্টির ঝাপটায় সব ভিজে যেতে লাগল, কাপড়ের কাঁক দিয়ে জল গড়িয়ে গড়িয়ে পড়তে লাগল গায়ে। মনে হতে লাগল ছপাশের মাতাল কালো অরণ্য এতুনি বা ভেঙে পড়বে

তাদের ওপর—পিষে তাদের চুরবার করে দেবে।

তবু গাড়ি চলছিল। হঠাৎ থুপ করে একটা শব্দ। পা ভেঙে বসে পড়ল বলদ, বুক-সমান কাদায় গাড়ির চাকা আটকে গেছে। গাড়োয়ান শুক কণ্ঠে বলল, পিছারির গাড়ি না আসিলে গাড়ি উঠিবে না বাবু। বন্ধ ভারী 'ডহ' আছে।

প্রাগৈতিহাসিক ভাইনোসরের মতো ঘন জঙ্গলকে কাঁকাচ্ছে ফ্যাপা বড়।

কালো অঙ্ককার, আকাশে কড়্ কড়্ করে ফেটে যাচ্ছে একটা অতিকায় ইস্পাতের পাত। গাড়িতে বসে ভিজতে ভিজতে অসহায় আকুলতার সঙ্গে মনে হয়েছিল কোনো মন্তব্যে কি এখন ফিরে যাওয়া যায় না তাদের মুকুন্দপুরের বাড়িতে, ঘরের স্নিগ্ধ নিরাপদ আশ্রয়ে? খর-বিদ্বাং-ঝলসে-যাওয়া চোখের সেদিন প্রথম প্রকৃতিকে শত্রু মনে হয়েছিল তার, সেদিন প্রথম—

স্মৃতির মধ্য থেকে ভেসে এল কিছুদিন আগে পড়া মাসিকপত্রের একটা প্রবন্ধ। একজন বিদেশী বিদ্রোহী কবি বলছেন নিজের আত্মজীবনীতে : “অঙ্ককারে আমরা পথ হারাইলাম। চারিদিকে ঘন কুয়াশা ও নিবিড় অরণ্য। কাঁটালতায় সর্বাঙ্গ ছিঁড়িয়া বাইতেছে। নির্জন আরণ্যক পাহাড়ে আমরা একান্ত অসহায়। অকস্মাৎ কোথা হইতে একটি বৈদ্যুতিক প্রদীপের আলো আসিয়া পড়িল। আর সেই মুহূর্ত হইতে একদিকে যেমন আমি প্রকৃতির ধূণা করিতে শিখিলাম, তেমনি সেই সঙ্গে শিখিলাম বিজ্ঞানকে ভালোবাসিতে—”

এই তো সত্য। এই প্রকৃতিপ্রেম, এই মুগ্ধতা—নিজেকে কাঁকি দেওয়া, জীবনকে বঞ্চনা করা। প্রকৃতির পরিণতিই তো শহর মুকুন্দপুর। সেই মুকুন্দপুরকে আবেশ বড়, আরো বিস্তারিত করাই তো বিপ্লবীর স্বপ্ন—স্বাধীন ভারতবর্ষের সত্যিকারের স্বাধীনতা। কাকনের নীল জলে কালী থাকে কিনা রঞ্জন তা জানে না, জানবার কোতুলল ও আর অবশিষ্ট নেই এখন; তবে এটা আজ স্পষ্ট বুঝতে পারছে যে সেই অলৌকিক ভয়ের চেয়ে ঢের সত্য ওই লোহার পুলটা, ক্ষুধিতা কালীর চাইতে ঢের বেশি সত্য গাড়ির কামরায় ঘুমন্ত আর নিশ্চিন্ত মানুষগুলো।

‘আমি এলেম, ভালো তোমার ঘুম—’

ঘুম ভাঙবে বইকি। কিন্তু নিজে ঘুমিয়ে পড়ে নয়, প্রকৃতিকে পূর্ণ থেকে পূর্ণতর করে দিয়ে। শিলালিপির ফলকে প্রথম ফুটে উঠল জীবনবোধের অক্ষয় স্বাক্ষর।

না—প্রকৃতি নয়। মিথ্যে হয়ে থাক মহয়াফুলের এই মাদকতা, এই নেশার উত্তপ্ততা। আজ সত্য হয়ে উঠুক শহর জনপদের ধুলো, গাড়ির চাকার শব্দ, আর স্বপ্ন দ্বঃখ, ভালোবাসা, অজস্র সংঘাত-চঞ্চল অসংখ্য, অগণিত মানুষ।

নিশিরাজি। ঘুম ভেঙে গেল একটা বিজী গোলমালে।

বড়বড় করে উঠে বসল রঞ্জন। বুকের ভেতর হুপিও বাতামাতি শুক করে দিয়েছে। তা হলে কি সত্যিই পুলিশ এসে পড়ল? বিছানার তলা থেকে রিতলভারটা নিয়ে সে বাটিয়া থেকে নেমে দাঁড়ালো। চেয়ারে একটা টোটা থাকা পর্যন্ত 'সারেওয়ার' করবে না। দরজার টোকা পড়ল আন্তে আন্তে।

—কে? কে?

—ডর নি খাও বারু, আমি ফৈয়জ।

আশ্রয়দাতা ফৈয়জ মোজা। ওদের দলের সঙ্গে ফৈয়জের কী একটা যোগাযোগ ছিল, তারই হত্রে ধরে খুঁজতে খুঁজতে এখানে এসে পৌঁছেছে রঞ্জন, আশ্রয় পেয়েছে।

—বাইরে কিসের গুণ্ডগোল ফৈয়জ ভাই? পুলিশ নাকি?

—না না, তোমার ডর নাই। দুই ভাই জমি লিই কাজিয়া করোছে।

—মারামারি হচ্ছে বুঝি?

—হাঁ, হচ্ছে। তুমি নি ডরাও, শুতি থাকো।

লাঠির ঠকাঠক আওয়াজ উঠছে, উঠছে পৈশাচিক চিংকার। রঞ্জন ভানতে চাইল সভয়ে : খুনোখুনি হবে নাকি!

দরজা ঠেলে এতক্ষণে লণ্ঠন হাতে ঘরে ঢুকছে ফৈয়জ। হেসে বললে, হবী পারে।

—সর্বনাশ! সে কি! আমি যাচ্ছি—

—কানে ব্যস্ত হচ্ছেন?—ফৈয়জ হাসল : বরং মাহুব জড়ো হই গেইছেন, তুমি ঠাকাবা নি পারিবেন মান্‌সিলাক। ফের তো তুমাক্ একা বজ্রম মারি দিবে হয়। যাবা দাও—যাবা দাও। অমন ত এইঠে হামেশাই হচ্ছে।

কথাটা ঠিক। তা ছাড়া খেয়ালই ছিল না সে ফেরারী—এখানে অন্ধকারে লুকিয়ে থাকতে হচ্ছে তাকে। এ অবস্থায় ওদের মাঝখানে কাঁপিয়ে পড়ে দাঙ্গা-টান্গা থামানো তো যাবেই না, বরং লাভের মধ্যো নিজেকে নিয়েই ঝামেলা বেধে যাবে।

ক্ষুদ্র হতাশায় বললে, কিন্তু দুই ভাই মারামারি করছে! আপন ভাই?

—না তো কী!—ফৈয়জ হতাশভরে বললে, জমি বড় বদ চীজ জী। আর অদেরও দোষ নাই। পাছত্ শয়তান নাগিলে কী করিবে উয়ারা?

—শয়তান?

—শয়তান ভো। জোতদার আমীন মুনসীর ঘর দেখেন নাই? ওই উদিকে পাকা দালান, বড় বড় ধানের মরাই? ভারী বদমাস উ। ই জমিটা বড় ভালো জমি—ইটা লিবার মতলব করোছে। তাই মতলব দিই দিই দোনা ভাইয়ের কাজিয়াটা নাগাইলে। দুটো একটা খুন হবে, জেল হবে, মামলা করি করি সবাই হই যিবে, তো পই জমিটা অর প্যাটত্ বাই সীদ্ধাইবে।

—চমৎকার মতলব—খাসা মতলব !

—খাসা তো !

দূরের থেকে চিংকার আর লাঠির শব্দ আসছে সমানে । একটা অবর্ণনীয় ভয় আর বেদনায় যেন পাথর হয়ে বসে রইল সে । কৈয়জ মোজা ক্লান্তভাবে দীর্ঘশ্বাস ফেলল একটা ।

—এই করিই তো হামাদের চাষার সর্বনাশ হচ্ছে বাবু । হামাদের ভালোমন্দ হামরা বুঝি না, উয়ারা ব্যামন করি হামাদের নাচায়, সেই পাকে হামরা নাচোছি । উয়ারা দাঙ্গা-ফ্যাসাদ বাধাই দেয়, হামরা মারামারি আর কাণ্ডিয়া করি, মাথা ফাটাই । ফের অরা ‘দেওনিয়া’ (উকিল-মোক্তারের দালাল) হই হামাদের শহরত্বে উকিলের পাস লিই যায়, মামলা করি, সব হামাদের চলি যায় অদেরই প্যাটে । এই তো সবঠে হচ্ছে বাবু—ছুনিয়াটা এমনি করিই চলোছে ।

ছুনিয়াটা এমনি করেই চলছে বটে । মুঠোর মধ্যে শক্ত করে রিভলভারটা আঁকড়ে ধরলে রঞ্জন ।

—তোমরা কেন দল বাঁধো না ? কেন নিজেদের মধ্যে মারামারি করো ? সবাই মিলে একজোট হয়ে নেমে পড়লে দুদিনেই তো ঠাণ্ডা করে দিতে পারো এই সব শয়তানদের ।

—হায় হায় বাবু, এত বুদ্ধি যদি চাষার হইত, তবে তো মানুষই হইত উয়ারা—কপালে করাঘাত করলে কৈয়জ ।

—হঁঃ—

চুপ করে রইল রঞ্জন । স্মৃতির পটে ছবি ভেসে উঠেছে, দেখা দিয়েছে পিছনে ফেলে আসা বিশ্বতপ্রায় শৈশবের একখানা ছবি । নিশিকান্ত ! ধনঞ্জয় পণ্ডিত যাকে মুখ ভেঙে বলতেন : নিশ্শি-খান্ত ! যার কানে হাত দিতে গিয়ে সে অগ্নিস্পৃষ্টের মতো হাত সরিয়ে এনেছিল । যে নির্বোধ পরম সহিষ্ণু নিশিকান্ত একদিন দায়ের কোণে বসিয়েছিল আপন খুড়োর গলায়, চাপ চাপ রক্তদেখে মাথা আতঙ্কে ঘুরে উঠেছিল তার । রঙ—থুন খারাপীর রঙ ।

বাইরে থেকে চিংকার আসছে সমানে । সে নিশিকান্ত আর আজকের দিনের এই দাঙ্গা—এদের পেছনে একই সত্য—একমাত্র ইতিহাস । কিন্তু সেদিনকার নিশিকান্ত অগ্নিপুতলি হয়ে শুধু নিজের খুড়োকেই আঘাত করতে পেরেছিল, আজকের এরাও আত্মঘাতটাকেই জেনেছে একমাত্র সত্য বলে । কিন্তু কোনোদিন এই আগ্নেয় মানুষগুলো কি একটা প্রকাণ্ড অগ্নিকুণ্ড হয়ে উঠবে না, জালিয়ে শেষ করে দিতে পারবে না পৃথিবীর যত আমীন মুন্সীদের ?

কৈয়জ হঠাৎ প্রশ্ন করে বসল : আচ্ছা বাবু ?

—বলো ।

—তোমরা তো দেশ থাকি ইংরাজক তাড়াবা চাহেন ?

—হ্যাঁ, সে তো চাই।

—কিন্তু হামাদের কী হবে ?

—কেন, দেশ স্বাধীন হবে।

—ই—সি তো হবে—ফৈয়জ অপরাধীর মতো বললে, সিটা হবে কি না হবে উট লিয়ে হামরা ভাবি না। ইংরেজ গেলে আমীন মুন্সীর কাজ থাকি হামাদের জমি জিরাতগুলান্ কি ফিরি আসিবে ? প্যাট ভরি খাবা পায়ু হামরা ? কহেন বাবু, হামরা চাষী মানুষ, সিটাই হামাদের কহেন।

রঞ্জু চুপ করে রইল, জবাব দিলে না।

—ইটা যদি না হৈল্ তো ফের ইংরাজ গেলেই কি ফের রহিলেই কি ? হামাদের খাজনা তো ইংরাজ লায় না, লায় তশিলদারে। সাট্ফিকিট—সিতো করে জমিদার। হামাদের সব খাই লায় আমীন মুন্সী আর মহাজন—ইংরাজ তো লায় না। কহেন, ইংরাজ গেলেই ইগিলা সব মিটিবে কী ?

চুপ করেই সে রইল। আশ্চর্য সব প্রশ্ন করেছে ফৈয়জ যোজ্জা, আশ্চর্য এবং অপ্রত্যাশিত। এসব প্রশ্নের উত্তর দেবার জন্তে প্রস্তুতি নেই তার, তার জানা নেই এ সবার উত্তর। কিন্তু—কিন্তু—বিদ্যুৎ-চমকের মতো মনে হল : তাই তো। এদের শত্রু তো ইংরেজ নয়। এদের যারা প্রত্যক্ষ শত্রু তাদের হাত থেকে এই মানুষভালিকে বাঁচাবার জন্তে কোন পথের নির্দেশ দিতে পেরেছে ওরা ? তাই কি বিপ্লবীদের এত বড় আত্মত্যাগের আহ্বানেও সাড়া দিতে পারেনি দেশের সমস্ত মানুষ ? তাই কি এত রক্ত—এত মৃত্যু শুধু ব্যর্থ হয়ে গেছে, দেশের মর্যকেন্দ্রে তা বিন্দুমাত্রও চাঞ্চল্য দিতে পারেনি আগিয়ে ? ফৈয়জ যোজ্জার ঐ প্রশ্নের জবাব বেগুনা তো কোনোটিনি দেননি।

তবে ?

সেই বইটা। সেই অবহেলিত, প্রায় দুর্ভোধ্য কাগজের মলাট দেওয়া চটি বইটা। সব বুঝতে পারেনি—কিন্তু হঠাৎ যেন মনে হল সেই সত্যীত্বহীন দেশের মানুষগুলো অন্তত এসব প্রশ্নের জবাব দিতে পেরেছিল। কিন্তু !—

রঞ্জন কোন কথা বলতে পারল না : শুধু তেমনি নিথর হয়ে বসে শুনতে লাগল বাইরে জনতার রাক্ষস-গর্জন।

প্রায় তিনটা মাস দেখতে দেখতে মিলিয়ে গেল যেন।

কী করে যে এই সময়টা কেটে গেল ভাবতেও আশ্চর্য লাগে দস্তুরমতো। তিন মাস আগেকার ভীক, স্থখী মানুষটি আজ কোনো দিক থেকে নিজেকে চিনতে পারে না। কী অদ্ভুত ভাবে এক একটা দিন কেটে গেছে তার। অজল—সে তো আছেই, গাছের ডালে

রাজিবাসও হয়েছে। এমন দিন গেছে যে নদীর জল ধোয়েই খিদে যেটাতে হয়েছে তাকে। পোড়ো বাড়িতে রাত কাটিয়েছে, দিন কাটিয়েছে একটা উবুড় করা ভাঙা নৌকোর তলায়। একদিন রাত্রে চৌকিদারের ভাড়া ধোয়ে লুকিয়ে থাকতে হয়েছিল রাস্তার একটা কালভার্টের নিচে। এককোমর পচা দুর্গন্ধ জল সেখানে। সর্বদে পঁচ-সাতশো জেঁক ধরেছিল সেদিন, মশায় নাক মুখ ছুলে দিয়েছিল মনে আছে। দুর্ভোগের চূড়ান্ত হয়েছিল বললেও যেন কথাটাকে কম বলা হয়।

আর মানুষ! কত রকমের মানুষ—কত আশ্চর্য মানুষ।

হাটের গাড়ির লোকের সঙ্গে ভাব জমিয়ে তাদের গাড়িতে উঠে পথ পাড়ি দিয়েছে; হাটখোলার চালাধরে ছেঁড়া চট মুড়ি দিয়ে রাত কাটিয়েছে, সকলের সঙ্গে চিবিয়ে মুড়ি আর ছোলাভাজা খেয়েছে। একদিন কয়েকটা লোক তাকে তাড়া করল, এক যাত্রার আসরে ভিড়ে গিয়ে রক্ষা পেল সেযাত্রা। দুপুরবেলায় ক্রান্ত-পথ চলতে চলতে জল আর বাতাসা খেল জলসত্ত্ব থেকে, বাবুর বাড়ির নাটমন্দিরের অন্ধকারে কোণায় বসে খেল প্রসাদ। কত জায়গায়, কত রকম ভাবে আশ্রয় ছুঁল তার। ছবার ধরা পড়তে পড়তে বেঁচে গেছে, একবার সে রেহাই পেয়েছে, সেটা নিতান্ত দৈব-ঘটনা বলে মনে হয় যেন।

কিন্তু আর নয়—আর সে পাবছে না।

কতদিন এমনভাবে চলবে নুকোচুরি—চলবে এমন করে সন্দেহ আর অবিশ্বাসের একটা ক্রান্ত কঠোর বোঝা বয়ে বেড়ানো? বিপ্লবী উদ্ধার এইভাবেই কি পরিনির্বাণ ঘটল শেষে? দলের সব ছত্রভঙ্গ হয়ে গেছে, কারো সঙ্গে কোনো যোগাযোগ নেই। একমাত্র একটুখানি সংযোগসত্ত্ব ছিল পরিমল, সেও ধরা পড়েছে। নিজের সম্পর্কে একটা নিরাসক্তি এসেছে আজকাল, ক্রান্তি এসেছে, এসেছে হতাশা।

সে এরা। সে ছেলেমানুষ—অন্তত বেগুদা এই কথাই বলতেন। একটা রিভলভার দিয়ে কী করতে পারবে সে—করতে পারবে কোন্ মহৎ এবং বৃহৎ কাজ?

শুধু মনে হচ্ছে, কিছুই হল না, কিছুই হওয়া সম্ভব নয়। যেমন করে বারে বারে এত সৈনিকের সাধনা ব্যর্থ হয়েছে, তেমনি করে ওরাও তলিয়ে যাবে অর্থহীন ব্যর্থতার আড়ালে। দেশ কোনোদিন স্বাধীন হবে না—কোনোদিনই না।

কোনো দিনই না?

এ কথা ভাবা অসম্ভব। ক্ষুদ্রদ্রাম থেকে হর্ষ সেন পর্যন্ত সকলেই কি ছুটেছিলেন একটা অবাস্তব আলেয়ার পেছনে। এ যদি সত্য হয় তা হলে জীবনের কোনো মূল্য থাকে না, থাকে না এতটুকুও মূল্য। ‘বীরের এ রক্তশ্রোত—মাতার এ অশ্রুধারা—’

কিন্তু অবস্থিতি লাগছে। আগের স্টেশনে একটা লোক তার কামরার সামনে দিয়ে পাছচারি করে গেছে বারকভক। লোকটার চোখের দৃষ্টি যেন কেমন কেমন, মনকে

সংশয়ী কবে তোলে। এই তিন মাসের মধ্যে যে নানা বিচিত্র অভিজ্ঞতার পথ সে বয়ে এল, তাতে শিকারীর চোখ সে চিনতে পারে দেখলেই।

হুতরাং গাড়ি থেকে নেমে পড়তে হবে। সরে পড়তে হবে যত শীগ্গির সম্ভব। রঞ্জন গলা বার করে চলন্ত গাড়ি থেকে। দ্রুত গতিতে এগিয়ে চলেছে মেল ট্রেন—চলেছে যেন ঝড়ের ছন্দে। মুখ বার করতেই রাত্রির বাতাস এসে উড়ন্ত একটা কালো বাত্বড়ের ডানার মতো ঝাপটা মেরে দিলে গালে কপালে।

কতগুলো আলো উঠল ঝলমলিয়ে। লাল সর্জ নানা রঙের আলো। একরাশ সিগন্যাল। ষট ষট করে একটা বিমিশ্র আওয়াজ পাওয়া গেল গাড়ির চাকার, আর লাইনের জোড়ে জোড়ে। স্টেশন।

মেল ট্রেন এসে দাঁড়াল। স্টেশনের নামটা পড়া যাচ্ছে না, কিন্তু কুলির চিংকার উঠেছে। নাটোর—নাটোর।

নাটোর! কী একটা স্মৃতি চেতনার মধ্যে নড়ে উঠল চকিতে সর্গীকৃত গতিতে। একটা চমক লাগা দুর্বোধ্য প্রেরণায় রঞ্জন হঠাৎ নেমে পড়ল গাড়ি থেকে। চলল অন্ধকার প্ল্যাটফর্মটার পাশ দিয়ে এগিয়ে।

রাত খুব বেশি হয়নি। শহরের ভেতরে এসে যখন ঢুকল প্রায় তখন সাড়ে নটার মতো হবে। খুব কি দেরি হয়ে গেছে? বোধ হয় না। অন্তত করুণাদিকে বিরক্ত করবার পক্ষে নিশ্চয়ই যথেষ্ট বিলম্ব হয়ে যায়নি।

ঠিকানাটা ষোগাড় করতে অহবিধে হল না বিশেষ। গোটা দুই মোড় ঘুরতেই একটা কাঁচা ভ্রেনের পাশে একতলা পুরনো বাড়িটা চোখে পড়ল। বাড়ির সামনেই একটা ল্যাম্পপোস্ট, তার গ্লান আলোয় দেখা গেল নেম-প্লেট, ক্ষয়ে-যাওয়া কালো টিনের পাতের ওপর বিবর্ণ কতগুলো পুরনো অক্ষর; এ. এন. ঘটক, বি-এল। উকিল, নাটোর।

একবার মাত্র দ্বিধা। তারপর মনকে শক্ত করে কড়ায় কাঁকুনি দিলে।

দরজা খুলে গেল। উদঘাটিত হল একটি উকিলের পুরনো সেরেস্তা। ভাঙা চেয়ার, ময়লা টেবিল, কাচভাঙা আলমারিতে রানীকৃত বই আর পুরনো কাগজপত্র। চশমাচোখে পাকাচুল এক ভদ্রলোক দোরগোড়ার এসে দাঁড়িয়েছেন লঠন হাতে। ক্রুদ্ধ করে বললেন, কী চাই?

—আমি করুণাদির সঙ্গে দেখা করব।

—করুণাদি। মানে বৌমা? কোথেকে আসছেন আপনি?—ভদ্রলোকের ক্রোধে আরো ক্রুদ্ধ হয়ে উঠল এবারে।

—আমি তাঁর দেশের লোক।

—আচ্ছা বহন, খবর দিচ্ছি—

সামনেই একটা আধভাড়া বেঞ্চি, খুব সম্ভব মক্কেলদের জায়গা। তারই ওপর বসে পড়ল সে। কী করে বসেছে নিজেই যেন ঠিক বুঝতে পারছে না। এ কি ভালো হল ? ভালো হল এমন করে বোঁকের মাধ্যমে এখানে চলে আসা ? তাছাড়া, তাছাড়া—হঠাৎ চমকে উঠল : বেগুনার মৃত্যুর কথা সে ভুলে গেল কী করে ? সে শোকের আঘাত করুণাদির বুকে কী ভাবে বেজেছে তা তো কল্পনা করা অসম্ভব নয়। এর পরে কেমন করে সে করুণাদির সামনে গিয়ে দাঁড়াবে, কেমন করে সে—

মনে হল উঠে পালিয়ে যায়, এক মুহূর্ত এখানে তার বসার উচিত নয়। করুণাদি এ পথ তাকে ছাড়তে বলেছিলেন। এই পথ সম্পর্কে অমাহুযিক ভয় ছিল তাঁর, ছিল সীমাহীন আতঙ্ক। আর এর জগ্গে তাঁকেই দিতে হল চরম মূল্য, পরিশোধ করতে হল এর সমস্ত ঋণ—

উঠে দাঁড়াতে যাবে, এমন সময় ওপাশের দরজার পরদা ঠেলে করুণাদি এসে দাঁড়ালেন।

—এ কি, এ কি রঞ্জন।

কাঁপা অনিশ্চিত গলায় রঞ্জন বললে, আমি ফেরারি করুণাদি, এখন আমার নাম প্রবোধ।

কেমন অভূত একটা শূন্য বেদনাময় দৃষ্টিতে তাকালেন করুণাদি। চৌট দুটো অল্প অল্প নড়ে উঠল তাঁর, কয়েক মুহূর্ত একটা শব্দও বেরল না। তারপর অস্পষ্ট স্বরে বললেন, এসো ভাই, ভেতরে এসো।

রঞ্জন দ্বিধা করতে লাগলো।

—কোনো লজ্জা নেই, এসো প্রবোধ। লঠন হাতে সেই বুদ্ধ ফিরে এসেছেন। চোখে তাঁর তেমনি ক্রুর সংশয়ী দৃষ্টি। করুণাদি বললেন, এ আমার মামাতো ভাই প্রবোধ, ওঁকে প্রণাম করো।

যন্ত্রচালিতের মতো বুদ্ধকে প্রণাম করল।

এ. এন. ঘটক তবু জ্র কুঞ্চিত করেই রইলেন। তারপর বিশ্বাস-বিরক্ত গলায় বললেন, জয়োস্ত।

লঠনের অস্পষ্ট আলোয় একটা টুলের ওপর স্থির হয়ে বসে আছে রঞ্জন। জানালা দিয়ে বাইরের অন্ধকারের মধ্যে তাকিয়ে আছেন করুণাদি, একটা কথা ফুটছে না কারো মুখে।

শুধু পাশের ঘর থেকে উঠছে অবিচ্ছিন্ন বিশৃঙ্খল চিংকার : মেরে ফেললে, মেরে ফেললে আমাদের। অভূত, অমাহুযিক চিংকার। মাহুযের গলা নয়, যেন প্রেতের কণ্ঠ। শব্দটা যেন পৃথিবী থেকে আসছে না, ঠেলে উঠছে পাতালের কোনো গভীর অন্ধকার থেকে। এক একটা চিংকারে যেন গায়ের ভেতরে হিম হয়ে আসে—শুষে খেল, সব রক্ত শুষে খেল আমার—

অন্ধ-করুণ চোখ এতকণে রঞ্জনের দিকে ফেরালেন করুণাদি : ওই শুনছ তো ?

উনিই আমার স্বামী ।

রঞ্জন অস্পষ্ট স্বরে বললেন, কিন্তু—

—কোনো কিন্তু নেই ভাই—করুণাদি বিকৃতভাবে হাসলেন : এইটেই সত্য । আজ এর চাইতে বড় সত্য আমার আর কিছুই নেই ।

—আমি যাব ওঘরে ?

—কী লাভ ?—তেমনি হাসির রেখাটা করুণাদির মুখখানাকে বীভৎস করে রইল : পাগলকে দেখে কী করবে ? ও একটা দুঃস্বপ্ন—শুধু মনকেই কালো করে দেবে তোমার, তার বেশি কিছুই নয় ।

—কিন্তু কেন ? কেন এমন হল ?

দু হাতে মুখ ঢাকলেন করুণাদি । তারপর যখন হাত সরিয়ে নিলেন তখন দেখা গেল গালের পাশ দিয়ে তাঁর বড় বড় অঙ্গুর ফোঁটা গড়িয়ে পড়ছে ।

—ভেবেছিলাম অনেক দিন আগেই তোমাকে সেকথা বলব ভাই । কিন্তু বলতে পারি নি, মুখে আটকে আসত । আজ আর দ্বিধা নেই, আজ যখন তুমি এসে পড়েছ তখন তোমাকে সব কথা বলবার জন্মই নিজেকে তৈরি করে নিয়েছি । দাদার মৃত্যুকে আমি মেনে নিয়েছি, ও যে ঘটবে তা আমি জানতাম । কিন্তু মৃত্যুর চেয়ে এই যে দারুণ যন্ত্রণা, তিলে তিলে এই যে আমার শাস্তি—

শেষ হল না কথাটা । পাণের ঘর থেকে তেমনি পৈশাচিক আকাশ-ফাটানো চিংকার উঠল : ক্ষমা করো, আমার ক্ষমা করো নীলকণ্ঠ । আমার রক্ত খেয়ো না, আমাকে বাঁচাও, বাঁচাও নীলকণ্ঠ—

করুণাদি বললেন, শোনো ।

আর একটা আশ্চর্য ভয়ঙ্কর কাহিনীর যবনিকা উঠল দৃষ্টির সামনে । বাইরের কাঁ কাঁ রাত্রির স্তব্ধতার সঙ্গে সঙ্গে সে কাহিনী ঘরের মধ্যে ঘেন বিস্তার করে দিলে একটা হিম আতঙ্কের জাল ।

অমিয় ঘটক । যেমন শক্তিম্যান, তেমনি বেপরোয়া মানুষ । বিশ্ববিদ্যালয় থেকে আইনের ডিগ্রি নিয়ে এখানে বসেছিল ব্যবসা করতে । কিন্তু ওটা তার খেলামাত্র, তার সত্যিকারের পরিচয় ছিল একেবারেই আলাদা ।

বিপ্লবী দলের নেতা সে । যেমন কঠোর, তেমনি নির্ভর । তার কাছ থেকেই বেণু চৌধুরী প্রথম এ পথের দীক্ষা গ্রহণ করে । সে-ই বেণু চৌধুরীকে রিভলভার ছুঁড়তে শিখিয়েছিল নিজের হাতে ।

করুণাদির কিছু উপায় ছিল না । এমন শক্তিম্যান স্বামীর ইচ্ছাকে বাধাদেবার মতো জোর কোথাও ছিল না তাঁর মধ্যে । বিপ্লবী নেতা অমিয় ঘটক । তার পথ নিশ্চিত,

তার সঙ্গ সঙ্গ অটল ।

দলের একটি ছেলে ছিল নীলকণ্ঠ । প্রিয়দর্শন তরুণ । গান গাইতে, বাঁশি বাজাতে পারত । সকলেই ভালোবাসত তাকে, অমিয় ঘটক ভালোবাসত সব চাইতে বেশি । কবি, শিল্পী নীলকণ্ঠ । রঞ্জনর সঙ্গে সম্পূর্ণ সাদৃশ্য ছিল তার, তাই প্রথম দিন তাকে দেখেই করুণাদি অমন করে শঙ্কিত হয়ে উঠেছিলেন ।

কিন্তু কবি-শিল্পীর দ্বর্বলতা একদিন প্রকাশ হয়ে পড়ল অপ্রত্যাশিত একটা ভূমিকম্পের মধ্য দিয়ে । যেন হুড়মুড় করে আকাশটা এসে ভেঙে পড়ল মাথায় । নীলকণ্ঠের পাশের বাড়িতে একটি মেয়ে পড়ত ম্যাট্রিকুলেশন ক্লাসে, আর তাকে গান শেখাত নীলকণ্ঠ । একদিন খবর পাওয়া গেল আত্মহত্যা করেছে মেয়েটি । আর — আর সে গর্ভবতী ছিল ।

দিন তিনেক পালিয়ে পালিয়ে বেড়াবার চেষ্টা করল নীলকণ্ঠ । কিন্তু অমিয় ঘটকের চোখকে সে কোঁক দিতে পারল না বেশিদিন । শহরের একটা পোড়ো বাগানের মধ্যে এক বর্ষার রাত্রে বিচার হল নীলকণ্ঠের ।

সে বিচারের ফলাফল যা যা হওয়া উচিত তাই হল । অনেক চিৎকার করেছিল নীলকণ্ঠ—অনেক কঁদেছিল । কিন্তু নির্জন বাগান আর রুটির শব্দে সে চিৎকার কারো কানে যায়নি : সে কান্নায় অমিয় ঘটকের পাথরে গড়া মনে আঁচড় পড়েনি এতটুকুও ।

কপালে রিভলভারের নল ঠেকিয়ে গুলি বরা হল নীলকণ্ঠকে । নিঃশব্দে পড়ে গেল সে । তারপর টুকরো টুকরো করে মাছ কোটার মতো করে কাটা হল তাকে—বস্তার মধ্যে ইটের টুকরো পুবে ফেলে দেওয়া হল বিলের মধ্যে । সারারাত নিরবচ্ছিন্ন রুটিতে রক্তের একটা বিন্দুও অবশিষ্ট রইল না কোনখানে ।

পরদিন থেকে নীলকণ্ঠ নিরুদ্দেশ । সঙ্গতভাবে যা মনে করা উচিত তাই মনে করল সকলে । এই কলেঙ্কারির পর স্বাভাবিকভাবেই ভয়ে আর লজ্জায় সে দেশছাড়া হয়েছে । কয়েকদিন আলোচনা করল, বাপ মা কান্নাকাট করে কাগজে বিজ্ঞাপন দিলে, “নাণু, ফিরে আয়” তারপর তাকে ভুলেও গেল কিছুদিনের মধ্যেই ।

কিন্তু একজন ভুলল না, ভুলতেও পারল না । সে অমিয় ঘটক ।

গরের রাত থেকেই সে আর ঘুমতে পারল না ।

ঘুম এলেই স্বপ্ন দেখে । দেখে অতি ভয়ঙ্কর, ঐশাচিক একটা স্বপ্ন ।

পাশে এসে দাঁড়ালো নীলকণ্ঠ । তার সর্বদে রক্ত, তার চোখ দুটো জ্বলন্ত রক্তের পিণ্ড । কিছুক্ষণ সেই রক্তপিণ্ডের আঙন সে ছড়াতে লাগল অমিয় ঘটকের গায়ে । তারপর এক লাফে সোজা তার বুকের ওপর চেপে বসল ।

সেইখানেই শেষ নয় । তারপরই বা ঘটল তা রুটির পরমতম বিভীষিকা । অতি বড় বীভৎস কল্পনাতেও সে বিভীষিকা ফুটে ওঠে না ।

আস্তে আস্তে নীলকণ্ঠের মুখটা লম্বা হতে লাগল। ক্রমে তা মশার ছলের মতো দীর্ঘ হুচালো হয়ে উঠল, তারপর সেই হুচালো মুখটা সে বিঁধিয়ে দিলে অমিয় ঘটকের গলায়। তার চোখের রক্তপিণ্ড থেকে আগুন ছুটে পড়তে লাগল, সে শুধে খেতে লাগল অমিয় ঘটকের গলার রক্ত।

আতঙ্কে আর্তনাদ করে জেগে উঠল অমিয় ঘটক।

কিন্তু শুধু এক রাত্রিই নয়। একদিন, দুদিন, তিনদিন। প্রতি রাতে ওই একই স্বপ্ন, একই বিভীষিকার পুনরাবৃত্তি। বস্তুবাদী কঠোর অমিয় ঘটক মাদুলী-তাবিজ নিলে, রোজা ডাকালো। ছুটে বেড়াল ভারতবর্ষের প্রান্তে প্রান্তে। কিন্তু নীলকণ্ঠ তাকে ছাড়ে না। প্রতি রাতে, চোখে একটুখানি ঘুমের আমেজ নামলেই সে আসে, একটা গুরুভার পাথরের মতো চেপে বসে বুকের ওপর, তার মুখখানাকে হুচালো দীর্ঘায়িত করে অমিয় ঘটকের রক্ত শুষে খায়।

অমিয় ঘটক পাগল হয়ে গেল।

পাঁচ বছর ছিল ঝাঁচাটে। ভারতবর্ষের সমস্ত বড় বড় ডাক্তারে চেষ্টা করেছে। কিন্তু কিছু হয়নি। ডাক্তারেরা বলেছে : Insanity—একটা প্রবল Psychological reaction-এর ফল। Beyond medical science।

কাহিনী শেষ হল।

অনেক রাত হয়ে গেছে। লণ্ঠনের ক্ষীণ শিখাটা আরো অস্পষ্ট হয়ে গেছে, তেল নেই নিশ্চয়। বাইরে সীমাহীন স্তব্ধতায় পৃথিবী পড়েছে আচ্ছন্ন হয়ে। করুণাদির মুখ দেখা যাচ্ছে না।

—নীলকণ্ঠ, ক্ষমা করো, ক্ষমা করো। বাঁচাও আমাকে—

অমাহুযিক প্রেতায়িত চিংকার। আতঙ্কে দাঁতে দাঁত বাজতে লাগল রঞ্জনের। সে দেখতে পাচ্ছে—চোখের সামনে যেন স্পষ্ট দেখতে পাচ্ছে রক্তাক্ত নীলকণ্ঠের দানবীয় মূর্তিটাকে। তার চোখ নেই, তা অগ্নিপিণ্ড, আর তাই থেকে গলিত আগুনের মতো রক্ত ক্ষরিত হয়ে পড়ছে। মুখটাকে হুচালো প্রলম্বিত করে সে পিশাচমূর্তিটা রক্ত শুষে খাচ্ছে, মেটাতে চাইছে তার দানবীয় পিপাসা।

—নীলকণ্ঠ, আর নয়—আর নয়—

না, আর নয়। এ বাড়ি যেন ভূতে পাওয়া। করুণাদিও যেন ভূতগ্রস্ত। কাল ভোর না হতেই এ অভিশপ্ত পরিবেশ ছেড়ে চলে যাবে, এক মুহূর্তও আর থাকবে না...

...সকালে নাটোর স্টেশনের বুকিং অফিসের সামনে এসে দাঁড়িয়েছে, এমন সময় গেছন থেকে কাঁধে হাত পড়ল তার। বিদ্যুৎস্পৃষ্টের মতো ফিরে তাকালো।

ছুটো রিক্তভার উগত হয়ে আছে তার দিকে, আট-দশজন পুলিশ এসে ঘেরাও না. র. ৪র্থ—১০

করেছে। যাক, কিছুই আর করবার নেই তাহলে।

ট্রেনের সেই লোকটা মিষ্টি করে হাসল : আশ্চর্য্য সাতদিন বড় ভুগিয়েছেন আমাদের। এবারে চলুন।

—চলুন—শান্ত স্বরেই উত্তর দিলে রঞ্জন।

আঠারো

জেল হাজতেই দেখা করতে এল ধনেশ্বর।

তীক্ষ্ণ চোখ দুটো বার কয়েক নেচে উঠল তার, তারপরেই কোঁৎ করে একটা মশা গিলে নিলে।

ধনেশ্বর হাসল : ফিরে এলে তা হলে। বেশ বেশ।

লোহার কপাটের মতো ঠোঁট দুটোকে শক্ত করে চেপে রইল রঞ্জন, উত্তর দিলে না।

—ভালো কথা তখন কানে গেল না—এবার ট্রান্সপোর্টেশন ফর লাইফ—সেইটাই স্বপ্নের হবে, কী বলো? ওয়েল, উই উইল্ মিট র‍্যাডার অন—

তারপর যে দেখাসাক্ষাৎগুলো ঘটেছিল তার মধ্যে নতুনত্ব কিছু নেই। প্রথম দিন যখন ধনেশ্বরের হাঁটার গায়ে পড়েছিল, তার চাইতে অনেক শক্ত হয়ে গেছে শরীর, অনেক দৃঢ় হয়েছে মন। দাঁতের ওপর দাঁত রেখে অসহ্যতম যন্ত্রণাকে সহ্য করবার অভ্যাসটাও আয়ত্ত করতে পেরেছে। শেষ পর্যন্ত হালই ছেড়ে দিলে ধনেশ্বর। চিনতে পেরেছে। বুঝেছে এভাবে স্থবিধে হবে না। যতই বা পড়ছে ততই শক্ত হয়ে এঁটে বসছে কংক্রীটের ভিতের মতো। চাবুকটা ছুঁড়ে ফেলে দিয়ে হিংস্রভাবে চুকটের গোড়াটা কামড়ে ধরলে শেষ পর্যন্ত।

—কিছু বলবে না?

—জানি না।

—কোনো স্টেটমেন্ট দেবে না?

—যা বলেছি এই আমার স্টেটমেন্ট।

হঠাৎ ধনেশ্বর হা-হা করে হেসে উঠল। বুলডগের মতো ভারী মুখের পেশীগুলো হাসির ধমকে খেলে খেলে যেতে লাগল ঢেউয়ের মতো। অসহ্য শারীরিক যন্ত্রণার কথা ভুলে গিয়েও বিস্মিত বাপস! দৃষ্টিতে তাকাতো ইচ্ছে করল হঠাৎ।

—তুমি বলবে না, কিন্তু সব খবর পৌঁছে গেছে আমাদের কাছে। ইয়েস, এভ'রি জিটেল্ অব ইট।

রঞ্জন শুনতে লাগল।

—পরিমল লাহিড়ী সব কন্ফেস করেছে। হালদারের দোকানে ডাকাতি, বরদাবাবুর বন্দুক চুরি—

—পরিমল!

—হ্যাঁ—হ্যাঁ—পরিমল :—ধনেশ্বর এবার কাঁ করে সামনে ঝুঁকে পড়ল : ইয়োর বুজ্‌ম্ ফ্রেণ্ড্ । কে কে ছিল, কেমন করে প্লান নেওয়া হয়েছিল—সব বলে দিয়েছে, এভ'রিথিং ।

চুরুটে একটা লম্বা টান দিয়ে উদার ভঙ্গিতে ধোঁয়া ছড়িয়ে দিল। তারপর মিটিমিটি বাঁকা দৃষ্টিতে লক্ষ্য করতে লাগল কথাটার প্রতিক্রিয়া। আর বাঁ হাতের তর্জনীটা দিয়ে অধৈর্যভাবে খুঁটেতে লাগল রিভলভারের চামড়ার খাপের বোতামটা।

শরীরে মফিয়াব ইঞ্জেকশন দিয়ে যেন সমস্ত ইন্ডিয়রিস্তিগুলো অসাড় করে দিয়েছে কেউ। নিজের কানকে বিশ্বাস করা যায় না, সমস্ত বুদ্ধিরিস্তি যেন বিপর্যস্ত হয়ে যায়। এও সম্ভব? পরিমল বিশ্বাসঘাতকতা করেছে। দলেব সব কথা কাঁস করে দিয়ে চরম সর্বনাশ করে বসেছে তার। রঞ্জুর মনে হল পায়ের তলা থেকে ঘরের মেজেটা যেন কেউ টেনে সরিয়ে নিয়ে যাচ্ছে বুঝি।

ধনেশ্বরের চোখে জলের পূর্বাভাস ঝিলিক দিয়ে উঠল। ওষুধ ধরেছে বলেই মনে হয়। উৎসাহিতভাবে কাগজ-কলম টেনে নিয়ে বললে, তা হলে সব বলেই ফেলো এবার। নুকোবার চেষ্টা করে আর কী ফল হবে?

ঠোট দুটো তার ইচ্ছার বিরুদ্ধেই নড়ে উঠল একবার—কিন্তু কোনো শব্দ বেরুল না।

—এখনো জবাব দিচ্ছ না? ভেবে দেখো, সব তো জেনেই ফেলেছি। এখন তোমার স্টেটমেন্ট্ না পেলেও কেস্ দাঁড় করাতে আমার কোনো অসুবিধে হবে না। বরং তাতে তোমারই লাভ হত, কন্ডিকশনটা হয়তো কিছু light হতে পারত।

মনের মধ্যে একটা তোলপাড় চলেছে। শান্তি কম হবে সেজন্তে নয়, পরিমলের কৃতদ্রুতায় সমস্ত মানসিকতার ভিত্তিটাতাই মস্ত একটা চিড় খেয়েছে তার। এমনিই কি সবাই, বোহিগীর সঙ্গে পরিমলের কি পার্থক্য নেই বিন্দুমাত্রও? তা হলে কিসের ভরসায় সে এই বিপ্লবের পথে নেমে এসেছিল, কোন্ প্রত্যয়ে, কোন্ শক্তিতে?

কথা বলতে যাচ্ছিল, হয়তো কিছু একটা বলেও ফেলত, কিন্তু শেষ রক্ষা করতে পারল না অত্যাংশহী ধনেশ্বরই।

টোকা দিয়ে চুরুটের ছাই ঝেড়ে ফেলে বললে, কিছুই আর নুকোতে পারবে না। এমন কি রূপসার পথে যে মেল রবারিট। হয় তাতে তোমাদের দলের যারা ছিল তাদের নামও আমার জানা হয়ে গেছে।

চকিতে দৃষ্টি উজ্জ্বল হয়ে উঠল রঞ্জনের, চোখের পলকে সরে গেল রাহুর ছায়াটা ।
কৌতুকের এবং স্বস্তির এক ঝলক দক্ষিণা বাতাস এসে মনের মধ্যে ছড়িয়ে পড়ল ।

ধনেশ্বরের চালাকিটা ধরে ফেলেছে । সব মিথ্যে বলছে, বলছে খুশিমতো বানিয়ে বানিয়ে । রূপসার মেল-ডাকতিটা ওদের দল থেকে মোটেই করা হয়নি, করেছিল নিশ্চিতপুরের আর একটা দল । ওদের সঙ্গে তার বিন্দুমাত্র সম্পর্ক নেই, পরিমলের পক্ষে সে দলের কারুর নাম জানাও সম্ভব নয় । যেন ঘাম দিয়ে জর ছেড়ে গেল, কাঁধ থেকে ভূত নেমে গেল একটা । হাজার আঘাতেও যা টলেনি, মাত্র একটি উপর-চালাকিতে তা আর একটু হলেই ভেঙে পড়েছিল ।

পীড়িত মুখে রঞ্জু হাসল : তা হতে পারে ।

—এর পরে তোমার আমায় কোনো কথাই বলতে বাধা নেই নিশ্চয় ?

—কিন্তু কোনো কথাই তো আমার জানা নেই ।

—জানা নেই—না ?—আশ্চর্য, এবার আর রাগ করলে না ধনেশ্বর, অভ্যস্তরীতিতে সিংহের মতো গর্জনও নয় । নিঃশব্দে হাতের কলমটা টেবিলের ওপর সে নামিয়ে রাখল : মানে বলবে না ?

রঞ্জন জবাব দিলে না ।

—বেশ, ট্রান্সপোটেশন ফর লাইফ তা হলে আর কেউ ঠেকাতে পারবে না—চেয়ারে শিথিলভাবে শরীরকে এলিয়ে দিলে ধনেশ্বর : ইয়াদ মিঞা ?

—জী ?

—নিয়ে যান একে—

হাজতে উৎপাত করেও যখন সুবিধে হল না, তখন নিরুপায় ধনেশ্বর তাকে পাঠালো জেলখানায় । এখন একেবারেই একা সে । তাকে সকলের চাইতে আলাদা ধরে রাখা হয়েছে, রাখা হয়েছে ‘সেলে’ । একা নিঃসঙ্গ দিন কাটে—দিন কাটে তার ঘরটার মুখোমুখি কম্পাউণ্ডের ওপারে ফাঁসির ‘সেল’টার দিকে তাকিয়ে তাকিয়ে । ফাঁসির সেল খালি । ওর শূন্যতার মধ্যে কেমন একটা অন্তত্যা আছে, থেকে থেকে হঠাৎ যেন মনে হয় ওই ঘরটার ভেতর কী কতগুলো মূর্তি নড়ে নড়ে বেড়াচ্ছে । গা ছম ছম করে ওঠে—বোধ হতে থাকে ওর মধ্যে প্রেতাশ্রার পদসঙ্কার স্তন্যতে পাচ্ছে সে ।

এ ধরে যেদিন প্রথম এসে পৌঁছুল, সেদিন রাত হয়ে গিয়েছিল । ওই ঘরটার কী আছে না আছে তা তার নজর পড়েনি, পড়বার মতো অবস্থাও তার ছিল না তখন । কঘলের বিছানায় শোবার সঙ্গে সঙ্গে অসহ আর অসীম আশ্রিতে ভুড়িয়ে এসেছিল তার চোখ দুটো ।

ধুম ভাঙল শেষ রাত্রিতে । ভাঙল একটা আর্ত কান্নায় ।

—এ ভগবান বাঁচায় দে—বাঁচায় দে—

সে চিংকারের তুলনা নেই—ভাষায় তার ব্যাখ্যা হয় না। সমস্ত শরীর হিম হয়ে গিয়েছিল। গায়ের ভেতর যেন তির তির করে বইতে শুরু করেছিল ঠাণ্ডা বরফের প্রবাহ।
বুঝিয়ে দিল সেনটি। টর্চের আলো রঙুর ভীত-বিহ্বল মুখের ওপর ফেলে বললে,
খুব খারাপ লাগছে, না বাবু?

—ও কিসের কান্না সেনটি? কে কাঁদছে?

—কাঁসীর আসামী বাবু। কাঁস দিতে নিয়ে গেল।

কাঁস দিতে নিয়ে গেল। চারদিকে যেন নিঃশব্দ অথচ অসুভববেগ একটা বাঁঝরের আওয়াজ উঠল বাম্ বাম্ করে। খমকে দাঁড়িয়ে গেল রক্ত।

—বাঁচায় দে রাম—জান বাঁচায় দে—

জান্তব আর্তনাদে জেলখানার শুক বাতাসটা শিউরে শিউরে উঠছে—পাষণপুরীর চারদিকে ওই কান্না মাথা ঠুঁকে মরছে। মানুষের কাছে আজ আর আবেদন জানিয়ে কোনো ফল নেই, তাই বাঁচবার শেষ আক্ষেপ নির্বোধ কাতরতায় পৌঁছে দিচ্ছে ভগবানের দরবারে।

চারদিকে পাক ঝেয়ে ঝেয়ে বেড়াচ্ছে কান্নাটা—নিস্তরক জেলখানার ওপর ছড়িয়ে পড়ছে মড়কলাগা কোনো গ্রামে মাঝরাতে হঠাৎ ভয় পাওয়া কুকুরের গোঙানির মতো। ও কান্না এখন আর মানুষের গলা থেকে বেরুচ্ছে না, যেন সেই কুকুরটার গলা টিপে ধরেছে কোনো ছায়াযুক্ত অশরীরী থাবা।

সেনটি শব্দ করে থুথু ফেলল মাটিতে। বললে, রাম, রাম, সীতারাম।—কথার শেষে গলাটা কৈপে কৈপে রেশ ঝেয়ে গেল। যেন ভয় পেয়েছে।

—হায় রাম—বাঁচায় দে রে—

অনেক দূর থেকে আসছে চিংকার। সে যে কী ঠিক বোঝানো যায় না।

শরীরের মধ্যে বাম্ বাম্ করে সেই নিঃশব্দ বাজনা—সেই কুকুরটার আকৃতি। আরো মনে পড়ছে ছেলেবেলায় তার একটা বেড়ালের বাচ্চাকে শেয়ালে নিয়ে গিয়েছিল, বহু-দূর থেকে তার কান্না এমনি করেই ভেসে এসেছিল অন্ধকারে। দু হাতে কান চেপে ধরল রঙন, কবলে মুখ ঢেকে পড়ে রইল যুঁহিতির মতো। তারপর কখন মোম-মাখানো দড়ি লোকটার কণ্ঠনালীতে চেপে বসেছে, তার আর্তনাদকে রুদ্ধ করে দিয়েছে, রঙন তা টেরও পায়নি। ওয়ার্ডারের হাঁকে যুঁহাভঙ্গ হয়েছে তার।

আপাতত ওই কাঁসির সেল স্তরতায় ঢাকা। যেন মড়কলাগা গ্রামে স্তরতার বেঠনী। কিন্তু ওর আড়ালে কত মানুষের আকুল কান্না মিশে আছে কে জানে। ওর দেওয়ালের গায়ে শেষ চেষ্টায় তারা আঘাত করেছে, মাথা ঠুঁকে ঠুঁকে রক্তাক্ত করে দিয়েছে ওর

লোহার গরাদে, ওর মরচের ওপর মাহুষের রক্ত কালো কালো স্তর ফেলেছে। দিনের পর দিন। অপঘাত আর অভিসম্পাত দিয়ে গুষ্ঠিত ওই ঘরটার দিকে তাকিয়ে ভাবতে ভাবতে কেমন ঝিম ধরে আসে, কেমন যেন নেশা লাগে। হঠাৎ খানিকটা চাপ বাঁধা রক্ত দেখে মাথা ঘুরে যাওয়ার মতো।

জেলখানা। শুধু মাহুষকে ফাঁসিই দেয় না। তার চাইতে আরো সাংঘাতিক, আরো ভয়ঙ্কর। তিলে তিলে গলা টিপে মারে মাহুষের হৃদয়কে, বোধকে। অল্প অল্প বিষ খাইয়ে দিনের পর দিন হ্রনের একটা পৈশাচিক প্রক্রিয়া চলছে এখানে। বিচারের নামে নরমেধ। গ্যাডিয়েটর প্রথার বর্বরতা আজ আর নেই; আছে নৃশংসতার নীতি—বিচারের দিনের আলো দিয়ে রাতের অন্ধকারে ভ্যাম্পায়ার দিয়ে রক্ত চুষে খাওয়ানোকে ঢেকে রাখা।

শুধু কি ওই লোকটারই কান্না? ওই কি শুধু চিৎকার করে বলছে : বাঁচায় দে, বাঁচায় দে রাম?

শুধু ওই ফাঁসির সেলটাই? না, তার সঙ্গে সঙ্গে সমস্ত জেলখানাতেই ওই আতর্জনাদ গুমরে গুমরে উঠেছে?

—হায় রাম জান বাঁচায় দে—

হঠাৎ চোঁট দুটো শক্ত হয়ে ওঠে। আর দুর্বলতা নেহ। একসঙ্গে অনেক কিছু বুঝতে পেরেছে, অনেক কিছুর অর্থ যেন জলের মতো সহজ হয়ে গেছে। বিপ্লবীর কাজ শেষ হয়নি—শেষ হয়নি কিছুই। সব নতুন করে শুরু করতে হবে। দেশজোড়া এই জেলখানাটাকে ভেঙে ফেলতে না পারলে আর নিষ্ফলি নেই। বাইরের জেলখানা, মনের জেলখানা।

সেনট্রিটা বীরপদভরে চারদিক কাঁপিয়ে চলাফেরা করছিল—মাঝে মাঝে বক্র আর জিজ্ঞাসা দৃষ্টিতে তাকাচ্ছিল ওর দিকে। হঠাৎ সামনে এসে দাঁড়ালো—দাঁড়িয়ে ইতস্তত করতে লাগল।

যেন কী একটা তার বক্তব্য আছে।

জিজ্ঞাসা করলে, কিছু বলবে?

অপ্রতিভ ভাবে হাসল সেনট্রি। হাসিটা শুধু নতুন নয়—অপরিচিত ঠেকল। এমন জায়গায় এ হাসি যেন প্রত্যাশা করা যায় না।

—না, কিছু নয়—খট খট করে দু পা এগিয়ে গিয়েই সে আবার ফিরে এল। তারপর সামনের দিকে ঝুঁকে পড়ে ফিস্ ফিস্ করে জিজ্ঞেস করলে বিশ্বস্ত গলায়, আপনারা সাঁচ ইংরেজ তাড়াতে পারবেন বাবু?

রক্তনের মুখ মুহূর্তে কঠিন হয়ে উঠল : এসব কথা কেন জিজ্ঞাসা করছ?

—না এমনি—কয়েক সেকেন্ড সেনটি অপরাধীর মতো দাঁড়িয়ে রইল।

আন্তে আন্তে বললে, পারলে আপনাই পারবেন বাবু। মেদিনীপুর জেলে একজন স্বদেশী বাবুর কঁাসি দেখেছি আমি। জোর গলায় পরে টেঁচিয়ে বলেছিল—
‘বন্দে মাতরম্—’

বলেই, আবার সে অপরাধীর মতো দ্রুতবেগে এগিয়ে চলে গেল।

অবাক দৃষ্টিতে তাকিয়ে রইল রঞ্জন। এ স্বরে কৃত্রিমতা নেই, কঁাকি নেই। নরকের দূত মাত্রেই নারকীয় নয়। পাথরের আড়ালে চাপা পড়েছে বলেই অপঘাত ঘটেনি পাতাল গঙ্গার।

সেনটি ফিরে এসেছে। ওর মুখোমুখি এবার চোখ তুলে দাঁড়িয়ে গেল সে।

তার দৃষ্টি এবার আলাদা। হঠাৎ যেন তার দুটি চোখে চকমকি ঠুকে দিয়েছে কেউ।

চাপা ইম্পাতী গলায় বললে, আমার ঠাকুরদা কানপুরে লড়াই করেছিল মিউটিন-তে। ইংরেজ ধরে তাকে কঁাস দিয়েছিল। কিন্তু—

—সরকার, সেলাম—

জেলখানার ও প্রান্তটা অব্যবহৃত হয়ে উঠল। জেলার অথবা সুপারিন্টেন্ডেন্ট এগিয়ে আসছে কেউ। হঠাৎ সেনটির মুখের চেহারা বদলে গেল, ফিরে এল স্বাভাবিক যান্ত্রিক নির্লিপ্ততা।

—ঠিক সে রহো—

পা দুটো জড়ো করে অ্যাটেনশনের ভঙ্গিতে ষটাস্ করে একটা জোর আওয়াজ তুলল সে। তারপর অত্যন্ত দ্রুতবেগে মার্চ করে চলে গেল জেলখানার ল্যাক্সারিওরটা দিয়ে।

চোখের তারা দুটো বলমল করে উঠল রঞ্জনের। আর ভয় নেই, আর দ্বিধা নেই। শক্ত বনিয়াদের নিচেই সংকেত করছে ভেঙে চুরমার করে দেবার চোরাবালি। আজ নিম্শ্রাণ পাথরের পিণ্ড বলে মনে হচ্ছে, তার ভেতরে ধুঁইয়ে উঠছে আগ্নেয়গিরি। মিউটিনিতে যে রক্ত একবার দপ দপ করে জলে উঠেছিল, আজও তার দাহত্বা নষ্ট হয়নি। ইক্ষন পেলেই জলে উঠবে। লাভা জমেও ঢাকা পড়েনি ক্রোটোরের জালামুখী।

না, আজ আর বনেশ্বরকে তার ভয় নেই। সব ঠিক আছে। সব নির্ভুল।

ভয় সত্যিই নেই।

পরের দিন যখন বনেশ্বর জেলখানায় এসে আবার তাকে ডেকে পাঠালো, তখন সে শিউরে উঠল তার মুখের চেহারা দেখে। আশ্চর্য, একদিনেই কেমন যেন বদলে গেছে বনেশ্বর। হঠাৎ যেন কেমন বুড়ো হয়ে গেছে, চোখের কোণে কালির পৌঁচড়া পড়েছে, কুঞ্জন লেগেছে গালের চামড়ায়। অসম্ভব ক্লান্ত লাগছে বনেশ্বরকে, মনে হচ্ছে সে অসুস্থ।

দুজন শশস্র রক্ষী সঙ্গে এসেছিল। ধনেশ্বর বললে, বাইরে দাঁড়াও তোমরা।

সেলাম করে তারা ঘরের বাইরে চলে গেল।

—বোসো রঞ্জন—একটা চেয়ার দেখিয়ে দিলে ধনেশ্বর।

—বসব ?—আশ্চর্য হয়ে গেল সে।

—হ্যাঁ—বোসো।—অশ্রুমনস্কভাবে ধনেশ্বর জবাব দিলে।

রঞ্জন বসল না। চাপা চৌঁটে উদ্ধত ভঙ্গিতে বললে, কেন মিথ্যে পীড়াপীড়ি করছেন ? স্টেটমেন্ট আমি দেব না।

—দরকার নেই—তেমনি অশ্রুমনস্ক স্বরে ধনেশ্বর বললে, বোসো, কথা আছে।

কথার ভঙ্গিটা এত নতুন রকমের ঠেকল যে বিশ্বাসের সীমা রইল না। এও কি একটা নতুন কায়দা, স্বীকারোক্তি সংগ্রহ করবার অভিনব পদ্ধতি কোনো ? কিন্তু তা সত্ত্বেও সে বসল—প্রতীক্ষা করতে লাগল।

ধনেশ্বর হাসল। অত্যন্ত করুণ, অত্যন্ত বিষন্ন হাসি। হঠাৎ রঞ্জু আবিষ্কার করল ধনেশ্বরের রঙের কাছে একগোছা পাকা চুল নড়ছে বাতাসে, যা এতদিন ওর নজরে পড়েনি। শ্রানস্বরে বললে, হয় না—হবার নয়।

—কী হবার নয় ?—কোঁকের মাথায় এগিয়ে আসা প্রশ্নের বেগটা রঞ্জন সামলাতে পারল না।

—কিছুই হয় না—ধনেশ্বরের হাসিটা যেন কান্নায় রূপ পেল এবার। পকেট থেকে একটা হলদে রঙের লেফাফা বাড়িয়ে দিলে সে ওর দিকে। বললে, পড়ো।

বুক হ্যাং করে উঠল : পরিমলের স্বীকারোক্তি ?

—না, পড়ো।

বারকয়েক দ্বিধাভরে ধনেশ্বরের দিকে তাকিয়ে রঞ্জন খামটা তুলে নিলে।

একটা টেলিগ্রাম।

—এটা পড়ব আমি ?

আবছা গলায় ধনেশ্বর বললে, পড়তেই তো দিলাম।

টেলিগ্রামটা খুলল রঞ্জন। সংক্ষিপ্ত কয়েকটি শব্দ : “Ajit died of explosion while making bombs, come sharp—Dhiren.”

—এর মানে ?—সন্দেহে ভ্রূক্ষিত করে রঞ্জন বললে, আমাকে এ টেলিগ্রাম দেখাবার অর্থ কী ? কোনো অজিতকে তো আমি চিনি নে।

—না, তুমি চিনবে না।—তেমনি কান্নাভরা বিচিঞ্জ হাসি হাসল ধনেশ্বর : আমার ভায়ে। নিজের ছেলের চাইতেও বেশি ভালোবাসতাম।

অজ্ঞাতেই একটা ছর্বোদ্য শব্দ করল রঞ্জন।

নিস্ত্রাণ ধরা গলায় ধনেখর বললে, কে জানত, অজিতকে পর্যন্ত আমি ঠেকাতে পারব না ? কিছুই হয় না—কিছুই করবার জো নেই। জানো, অজিতকে আমি নিজের হাতে মাহুয করতে চেয়েছিলাম।—ধনেখরের কথার শেষ দিকটা থর থর করে কঁপে উঠল। স্তব্ধ হয়ে বসে রইল রঞ্জন।

—তোমার দোষ নেই, কারুরই দোষ নেই। যে দিন এসেছে, এমুনিই হবে। কেউ কিছু করতে পারবে না, কেউ ঠেকাতে পারবে না—ইঠাং ধনেখর বললে, আচ্ছা, তুমি যাও—আর তোমাকে দরকার নেই।

পুলিস দুটো এগিয়ে এল, এস্কর্ট করে নিয়ে চলল তাকে সেলের দিকে। যেতে যেতে পেছন ফিরে রঞ্জন দেখল—টেবিলের ওপর দু হাতে মুখ ঝুঁজে পড়ে আছে ধনেখর। রগের পাশে অদ্ভুত চকচক করছে পাকা চুলের গোছাটা।

—হায় রাম, বাঁচায় দে—যারা কাঁসি দেয়, আজ এ কান্না তাদেরও।

উনিশ

আট বছর। আট বছর পরে রঞ্জন চট্টোপাধ্যায় তার দৃষ্টিকে ফিরিয়ে আনে বর্তমানের মধ্যে।

অনেকখানি সরে গেছে পদ্মা—এখান থেকে তার মূল প্রবাহটা অনেক দূরে। তিমির পেটের মতো ধবধবে শাদা আর উজ্জ্বল বালুচর ছড়িয়ে আছে চক্রবাল পর্যন্ত—নৌকোর পাল আর স্ত্রীমারের কালো কালো চোঙা বয়ে আনে নদীর সংকেত। এদিকটাতে এলোমেলো ভাবে হুলচে কুলের জঙ্গল, টুকরো টুকরো ভাবে সবুজ হয়ে আছে ফুটি আর তরমুজের ক্ষেত। বাংলাদেশের বড় একখানা মানচিত্রে গঙ্গার ব-দ্বীপের মতো বালুচরের ভেতর দিয়ে এসে পড়েছে এলোমেলো জল-রেখা। তাদের আনাচে-কানাচে হাঁটু অবধি ডুবিয়ে প্রতীক্ষা করে আছে বড় ছোট নানা জাতের বক—চোখে সন্ধানী দৃষ্টি, মাছের নিশানা পেলেই জলে হেঁা মারবে। ভাঙা পাড়ের গায়ে গায়ে গাং-শালিকের গর্ত, তার কোনো কোনোটার মেছো আলাদ, জলো টোঁড়া আর মেঠো-ইহরের আন্তানা। আধডোবা ভাউলের জীর্ণ মাস্তুলে পান্নারঙের মাছরাঙা রয়েছে ধ্যানস্থ হয়ে।

হাতে যখন কাজ থাকে না আর পড়তে পড়তে মাথা যখন ঝিমঝিম করে ওঠে, তখন বই বন্ধ করে সে শূন্য দৃষ্টি মেলে তাকায় সন্মুখের দিকে। পদ্মার চরে দিনান্ত। বাঁ দিকে অনেক দূরে একটা পুরনো মঠের চূড়ো কালো হয়ে আসছে রাত্রির রঙে। তার পেছনে স্থপতির বন ক্রমেই একাকার আর অন্ধকার হয়ে যাচ্ছে, ভাঙা পাড়ের গায়ে কোলাহল, ফুলেছে ঘরমুখো গাংশালিক। একটির পর একটি বক পদ্মার চর ছেড়ে উঠেছে আকাশে,

ভীক্ক কর্কশ চিংকার করে ডানা মেলে দিচ্ছে স্নানায়মান দিগন্তের দিকে ।

উঁচু মঠটার নীরব নিঃসঙ্গ গম্ভীরতার দিকে তাকিয়ে চুপ করে বসে থাকে রঞ্জন । সেই পুরনো গল্প । কোন্ ধনগবিত সন্তান নাকি মায়ের চিতায় মঠ তুলে দিয়ে দস্ত করেছিল : মাতৃঋণ শোধ করলাম ! এতবড় স্পর্ধা ক্ষমা করেননি আকাশের দেবতারা—মঠের চূড়ো কথার সঙ্গে সঙ্গে ভেঙে পড়ল মাটিতে । মাতৃঋণ শোধ হয় না—কেউ শোধ করতে পারেনি কোনোদিন । শ্রদ্ধা নিয়েছে সংসারের রূপ ।

ওটার দিকে তাকিয়ে কেমন অদ্ভুত লাগে । ঘনিয়ে-আসা অন্ধকারের সঙ্গে সঙ্গে কাহিনীটাও যেন ওর চারদিকে ঘুরে ঘুরে পাক খায়—হঠাৎ ছুটে আসা একটা দমকা বাতাসে হঠাৎ প্রাণ পাওয়া অতীত প্রেতঋণস ফেলে চলে যায় ।

চাকর এসে আলো রেখেছে ডেক চেয়ারের হাতলে, রেখেছে খবরের কাগজ আর একখানা খাম । হৃদে রঙের লেফাফা—মিতার চিঠি । ওই কোণাকুনি করে ঠিকানা লেখবার একটা বিশিষ্ট ভঙ্গি—এটা একান্তই মিতার নিজস্ব ধরন ।

—ডাক এল বুঝি ?

—হ্যাঁ বাবু, এই মাস্তর ।

অতি যত্নে খামের কোণা ছিঁড়ে সে বার করলে চিঠিটা ।

“কাল রাত্রে ঝোড়ো হাওয়া দিচ্ছিল । মনে হল দরজার কড়া নড়ছে, তুমি বুঝি এলে । আমি তখন কতগুলো চিঠি নিয়ে ব্যস্ত, শব্দটা শুনে চমকে উঠলাম । যদিও জানি সবটাই মনের ভুল, তবু উঠে গিয়ে দরজাটা খুললাম । একরাশ বৃষ্টির ছাট এসে চোখে-মুখে পড়ল, বিদ্যাহ-চমকে—হঠাৎ মনে পড়ে গেল অনেকদিন আগেকার এমন একটা ঝোড়ো সন্ধ্যার কথা । হয়তো তোমার মনে নেই—কিন্তু সেদিনটাকে আমি কখনো ভুলতে পারব না । কী বিল্লী, অথচ কী অদ্ভুত সন্ধ্যা ।

বাস্তবিক তোমাকে না হলে চলছে না । মাঝে মাঝে এক-একটা এমন সমস্তার মধ্যে পড়ি । ভাবি, তুমি থাকলে সব কত সহজ হয়ে যেত । আচ্ছা, এত তো রাশি রাশি কাজ, তবু যখন তখন তুমি আমায় অশ্রমনস্ক করে দাও কেন বলো দেখি ?

—ভালো কথা । কাল স্তূপাদি'র সঙ্গে দেখা হয়েছে । কী ভয়ংকর মোটা হয়ে গেছেন, ভাবতে পারবে না । আজকাল উনি এখানকার একজন নেত্রী—একটা মস্ত মোটরে চড়ে ‘হরিজন বিদ্যামন্দির’ উদ্বোধন করতে যাচ্ছিলেন । আমাকে দেখেই মুখটা ঘুরিয়ে নিলেন, ভয়ংকর চটে আছেন কিনা আমাদের ওপর ।

সে সব পরে জানাব । কিন্তু তুমি কবে আসবে, সত্যি বলো তো ? মাঝে মাঝে কেন যে ধারাপ লাগে ! ধানকল ইউনিয়নের সেক্রেটারী নয়, তোমার মিতা জানতে চাইছে, কবে আসবে তুমি ?”

একটা নিখাস ফেলে চিঠিটা বন্ধ করল সে। খুলল খবরের কাগজটা। একটা বিরাট হটগোলের মতো সমস্ত কাগজটা অর্থহীন কোলাহল ছাড়া আর কিছুই নয়। বাংলা দেশে অশান্তি। রাজনৈতিক দরকষাকষি। পালিয়ামেন্টে হোম-সেক্রেটারীর অপভাষণে চাকল্যকর অবস্থার সৃষ্টি। ব্যবস্থাপক সভায় সরকারী ও বিরোধীদলের মধ্যে হাতাহাতির উপক্রম। মোহনবাগানের অপ্রত্যাশিত পরাজয়—গোলরফকের নিরুদ্ভিতাতেই শেষ মুহূর্তে এই বিপর্যয় ঘটে গেল। জাতীয়তাবাদী সংবাদপত্রের লীডারে পাট সম্পর্কে সরকারী নীতির স্তম্ভীত সমালোচনা—কচুরিপানা সম্বন্ধে নির্বোধ গবেষণা খানিকটা। বসিরহাটের বার লাইব্রেরী গৃহে একটি বিষধর সর্প নিহত। আসানসোলে বেকার যুবকের আত্মহত্যা। কাটোয়া লাইনের কোন্ এক স্টেশনে আলোর যথোচিত স্তব্ধবস্ত না থাকায় যাত্রীদের ধনপ্রাণ বিপন্ন—পত্র-প্রেমকের সোচ্ছাস ক্রন্দন, যদিও “মতামতের জঘ্ন সম্পাদক দায়ী নহেন।”

চোখ বুলিয়ে কাগজটা নামিয়ে রাখল। মন ভরে না। এ কি বাংলা দেশের খবর? বিপ্লবী রঞ্জন আজ নানা বিচিত্র অবস্থা-বিপর্যয়ের মধ্য দিয়ে সত্যিকারের বাংলা-দেশকে দেখতে পেয়েছে। সে দেশ তো কাধরাপ্লুতা ছিন্নমস্তা নয়, তা বিপ্লবীর কল্প-স্বপ্নও নয়। যে লেনিনের নাম প্রথম শৈশবে ক্ষুদিরামের মতো একটা রূপকথা হয়েই তার সামনে এসে দেখা দিয়েছিল, আজ সেই লেনিনকে জেনেছে সে। জেনেছে তাঁর আদর্শের স্বরূপকে, চিনেছে তাঁর হাতে গড়া দেশটাকেও। আর সেই দেশের সঙ্গে তুলনা করেই এত খবরের কাগজগুলোকে একেবারে অসত্য বলে মনে হয়। মনে হয়, এ সব শুধু আত্মবঞ্চনা ছাড়া আর কিছুই নয় হয়তো।

“স্বদেশ স্বদেশ করিস কারে এ দেশ তোদের নয়—”

সেই ছেলেবেলায় অবিনাশবাবুর গান। কিন্তু গানটা যে আজো সমান সত্য, এই খবরের কাগজগুলো যেন সেইটেই দেখিয়ে দেয় চোখে আঙুল দিয়ে।

জেল-জীবনটা মনে পড়ে। আত্মদর্শনটা স্পষ্ট হয়ে উঠেছিল সেইখানেই। চোখে পড়েছিল স্রোত কেটে গেলে কী কর্দমাক্ত বানিকটা ঘোলা জল পড়ে থাকে—না থাকে স্রোত, না থাকে প্রাণ।

দাদারা কেউ কেউ গীতার মধ্যে ভলিয়ে গেলেন। কেউ কেউ বাবুজেন ‘অহিংসা পরমো ধর্ম’—খন্দের স্তোত্র দিয়েই স্বাধীনতা ধরবার কীদ পাতে হবে—রক্তপাতের মৃত্যুতাই হল সব ব্যর্থতার কারণ। আর একদল তখনো চূড়ান্ত উগ্রপন্থী, তাঁরা পিংলের মতো সিপাহী-ব্যারাকে বিজ্রোহ ছড়াবেন, আর একবার চেষ্টা করবেন ‘ম্যাভেরিক’ জাহাজকে আমদানি করতে।

কল্লেকজন আবার জেলেই পাতিয়ে বসলেন গৃহস্থালী। মাসোহারার মোটা চাকর

তার জীবনের অতৃপ্ত ভোগকাজকা মেটাবার সাধনায় উঠলেন তৎপর হয়ে। মো, পাউডার, সেন্ট, সিল্কের পাঞ্জাবি তো আছেই—দশ আঙুলে দশ-দশটা আংটিও কারু কারু শোভা পেতে লাগল। তাঁদের দিন কাটত সিল্কের পাঞ্জাবি পাট করতে, ঘরাক্ত দেহে গ্লেকিডের জুতো পালিশ করতে। রাজনীতির চাইতে মুরগির কাটলেট-সংক্রান্ত আলোচনাটাই তাঁরা পছন্দ করতেন বেশি।

এদেরই একজন—অভিরাম মুখ্যে যখন গলায় একটা সোনার হার পরে দর্শন দিলেন, সেদিন আর সহ হয়নি রঞ্জনের।

—অভিরামদা, শেষে গলায় একটা হার অবধি দোলালেন! লোকে বলবে কী!

প্রচুর ঘি, মাখন আর মাংসে সমৃদ্ধ চর্বি-চিকুণ গাল দুলিয়ে দুলিয়ে হাসলেন অভিরামদা। একবিন্দু অপ্রতিভতা নেই, নেই একটি কণা সংকোচ।

হা-হা করে হেসে অভিরামদা বললেন, আরে ভায়া, বাড়িতে মেয়ে বড় হয়ে উঠেছে। জেল থেকে বেরিয়ে তার বিয়ে দিতে হবে। এ হার কি আর নিজের জঙ্গে গড়িয়েছি—তখন কাজে লাগবে। বেয়াই হারামজাদা তো ছেড়ে কথা কইবে না, খুশরবাড়ির টাকায় তুষ্ট করতে হবে মেয়ের খুশরকে। তা ছাড়া তোমাদের বৌদি এতকাল বিরহ-যন্ত্রণা সহ্যছেন, তাঁকেও দুটো-একটা আংটি উপহার দিতে হবে তো!

এর ওপর আর কোনো কথা বলা চলে না। শুধু সমস্ত মন যেন কালো হয়ে গেছে অন্তর্জিতার মানিতে। যাদের অলিম্পিক মশালের শিখার মতো অনির্বাপ বলে বিশ্বাস হয়েছিল, দেখা গেল তারা শুধু হাউই,—খানিকটা ছাইয়ের কালো পিণ্ড ছাড়া কিছুই তাদের অবশিষ্ট নেই।

কিন্তু সবাই নয়।

বাংলা থেকে বহুদূরে সেই ক্যাম্প মনে পড়ে। চার বছর ছিল, ওখান থেকেই বি. এ. পাস করে সে।

খাড়া উঁচু প্রাচীরের ওপর আকাশ দেখা যায়। কিন্তু বাংলার আকাশের মতো চোখ জুড়ানো নীল সে নয়। কেমন পিঙ্গল আর রৌদ্রদগ্ধ—রুক্ষ, অহুর্বর পৃথিবীর দিকে কুপিত দৃষ্টিতে আকাশ চেয়ে আছে।

ক্যাম্পের বাইরে সুপারিটেডেন্টের অফিসে দু-একবার যাওয়ার সময় দেখেছে চারিদিকে। ধু ধু করা রিক্ততা। বহুদূরে আবছাভাবে এক-আধটা দারিদ্র্যজীর্ণ গ্রামের ক্ষীণ আভাস, গাছপালার বিরলশ্রী। আরো দূরে শীর্ণবারা নদীর একটা সংকেতও যেন পাওয়া যায়। এই বন্দী জীবনের সঙ্গে একটা আশ্চর্য মিল আছে তাদের।

শুধু এক-আধদিন যখন রৌদ্রে-পিঙ্গল আকাশে পড়ত মেঘের ছায়া, ঘনিষে আসত বর্ষার কালো মেঘ, তখন কোথা থেকে দু-চারটে ময়ূর এসে উড়ে বসত ক্যাম্পের উঁচু

পাঁচিলের ওপর, বসত টাওয়ারটার মাথায়। নানা রঙের পেশম মেলে দিয়ে নাচত—
একটা অসুখ পৃথিবীর খবর যেন বয়ে আনত তাদের কাছে। মরু-মৃত্তিকা যেন রূপ
আর প্রাণের অভিনন্দন পাঠিয়ে দিত।

সেই রকম এক-একটা সময় ভারী খারাপ লাগত—হঠাৎ যেন অসহ্য হয়ে উঠত
বন্দিদের এই বন্ধন-যন্ত্রণা। বিশ্বাস একটা তিক্ততায় চূপ করে বসে থাকতে ইচ্ছে
করত—স্নায়ুগুলো যেন অবশ হয়ে যেত। ঘরে গিয়ে দু-চার লাইন কবিতা মেলাবার
চেষ্টা করে ব্যর্থ হয়ে শুয়ে পড়ত বিছানায়।

কিন্তু এই অবসাদগুলো বড় খারাপ, বড় ভয়ঙ্কর এই চূপ করে থাকা, এই একা
একা বিশ্বাস ভাবনার মধ্যে তলিয়ে থাকা—এ লক্ষণগুলো মারাত্মক। এর ফলে এক-
জনের মস্তিষ্ক-বিকার ঘটতে দেখেছে সে। বজ্রার ক্যাম্পে আর একজন কী ভাবে
গলায় কাঁস লাগিয়ে আত্মহত্যা করেছিল সে কথাও সে ভোলেনি।

হঠাৎ কেউ হয়তো বিকট বেহুরো গলায় একটা গান ধরে বসত—কেটে যেত
খোরটা। চোখে পড়ত, ক্যাম্পের নানা ঘরে ছোট ছোট দলে হয়তো ক্লাস বসে গেছে।
উত্তেজিত আলোচনা চলেছে—বুদ্ধিতে আর দীপ্ত-সংকল্পে জলজল করে উঠেছে চোখ-
গুলো। সঙ্গে সঙ্গে উদগ্র সুরাসারের মতো কী একটা সঞ্চারিত হয়ে যেত শরীরে—
শিথিল শিরাতুলার মধ্যে দ্রুততালে রক্ত ছুটে চলত যেন ফুলিঙ্গ বিকীর্ণ করে করে।

সেও এসে বসত দলের মধ্যে। গীতি-কবিতা নয়, জীবন-কাব্য। নিরাশ হলে চলবে
না। Nothing to loose but your shackles, যারা ভয় পেয়ে সরে দাঁড়িয়েছে,
যারা কাজের দায়িত্ব বহিতে না পেরে যোগ-সাধনায় আত্মনিয়োগ করেছে—তারা
থামলেও আমরা তো থামব না। এতদিনেই তো আমাদের সত্যিকারের যাত্রা শুরু
হয়েছে। এবারে কাজ আলাদা, পথও আলাদা। বাংলা দেশে ফিরে গিয়ে সেই পথই
ধরব আমরা। মধ্যবিত্ত বিপ্লব-বিলাসে আর ক্যাপামির হাউই ওড়াবো না, প্রাণবন্ত
করে তুলব দুমন্ত অগ্নিশিখরকে। ফৈয়জ মোল্লার যে প্রশ্নের জবাব বেগুদা দিতে
পারেননি—সে জবাব পৌঁছে দেব সারা মানুষের দরবারে দরবারে।

রাজ্রে শুয়ে শুয়ে কত কথা ভেবেছে রঞ্জন। রাজপুতানার মরুপ্রান্তরে বিস্তীর্ণ তমসা
—বাংলা দেশের মতো বি'বির ডাক নেই, নেই শেয়ালের প্রহর-ঘোষণা। নিয়ন্ত্রিত
তালে সেনট্রির বুটের শব্দ কানে আসে—মনে পড়ে যায় তার বাংলা দেশ এখন থেকে
খপ্পের মতো স্বদূর। কিন্তু একদিন সেখানে ফিরে যাবে সে। কাজ করবে, কাঁপ
দিয়ে পড়বে তার সত্যিকারের সমগ্রাণ্ডলোর মধ্যে। মুষ্টিমেয়ের মৃত অক্ষুরকে বনস্পতিতে
প্রাণিত করবে সমষ্টির কর্বণায়।

ফিরে তো এসেছে। এসেছে সেই ছায়াবীথি আর নদীর উল্লাসে ভরা তার 'সার্থক'

‘জনমের’ পুণ্যপীঠে। কিন্তু চোখের সামনে আপাতত কী রূপ দেখতে পাচ্ছে সেই বাংলা দেশের? ব্যবস্থাপক সভায় যে বিতর্ক-বিধ্বস্ত দেশের মস্তিষ্ক-সঙ্কট আজ চরমে উঠেছে, পড়েছে অনাস্থা প্রস্তাবের নোটস, তার সঙ্গে কোথায় এর যোজনা-হুজ? এই থানায় আজ দু বছর ধরে সে অন্তরীণ হয়ে আছে। ওই তো বাঁ দিকে নিকারীদের ছোট গ্রামটার আলো মিটমিট করছে, তার পাশেই নমঃশূদ্র পাড়া। এই দু বছরের ভেতরেই পাড়া দুটোর কী স্বস্পষ্ট রূপান্তরই না চোখে পড়ল। প্রতি বছর বর্ষায় বান ডাকে পদ্মার শ্রোতে—চর ডুবিয়ে হা হা করে ঘোলাজল ছুটে আসে, ভয় করে থানাটাকেও ভেঙে নামিয়ে না দেয়। পদ্মার বান ডাকে, কিন্তু কই, ওদের জীবনে তো বান ডাকল না! ওদের জগতে কোথায় সেই গিরিশিখর—বপ্রকীড়াশাল গজের মতো মেঘ গর্জে পাহাড় ফেটে যেখান থেকে চল নামবে। এই পদ্মার বাতাসেও কোথা থেকে আসে ম্যালেরিয়ার বীজ—কোথা থেকে আসে মারীর বিষস্পর্শ—কে বলতে পারে সে কথা? ওই গ্রাম দুটোর অভীত সমৃদ্ধি এখনো বোঝা যায়—রাশি রাশি পোড়া ভিটে থেকে, জীর্ণশীর্ণ আটচালা ঘর দেখে। কিন্তু যে ভিটে একবার মাহুঘ-ছাড়া হল তা আর ভরে উঠল না, যে টিনের চাল বাতাসে একবার উড়ে গেল সে আর ফিরে এল না নিজের জায়গাতে। শ্রাবণ মাসে ‘মনসার গান’ এবার আর সমারোহ করে হয়নি ওখানে, নিকারীপাড়া থেকে শোনা যায়নি সম্মিলিত দেশী কাওয়ালী :

“আগরতেরা ডাবা বাজাইয়ে গান করে হুরে,

একদিন হজরতের ঘরে, একদিন নবীজীর ঘরে।

আছিল জয়নাল বিবি, আর ছিল খোদিজা বিবি,

আর ছিল কুন্‌ছুন্‌ বিবি, নবীজীর ঘরে—”

কিছুই নেই, কিছুই বেঁচে নেই। শুধু আশ্বিন-কাতিক আর ফাল্গুন-চৈত্রে ওদিকের শ্মশানঘাটটায় চিতা জলেছে অনেক বেশি; গোরস্থানের দিক থেকে রাত্রে অনেক প্রবল হয়ে উঠেছে শেয়ালের কলধর।

এই বাংলা দেশ মস্তিসভায় এর সত্যিকারের সংকট রূপিত হয় না, কচুরিপানার সমস্যাও হয়তো এর জীবন-কাচি নয়। এর চারদিকে শুধু বাহুড়ের কালো কালোডানার মতো নড়ে বেড়াচ্ছে আকারহীন অপছায়া। এ-দেশের সন্ধান পায়নি বেণুদার আগ্নেয়-স্বপ্ন, ‘ফাঁসির ডাকের’ লেখক। আজ চড়া বিদ্যুতের আলোয় কড়া পাওয়ারের চশমা চোখে যারা এ-পি, ইউ-পির সংবাদ বেঁটে বাংলা দেশের অবস্থা নিয়ে নিবন্ধ লিখে চলেছে, এই যত্ন-জর্জর ব্রাত্য বাংলা তাদের কাছে পাচ্ছে কোন সঞ্জীবনীর মন্ত্র, অভাব-পক্ষে কতটুকু সাহসনার বাণী?

ফৈয়জ মোজ্জার প্রশ্ন। এই নিকারীদের প্রশ্ন—নমঃশূদ্রের প্রশ্ন। সমস্ত দেশের

উত্তরোল প্রশ্ন। কতকাল সে প্রশ্নকে এড়িয়ে চলব আমরা? কতকাল মাইক্রোফোন-ফাটানো বক্তৃতা দিয়ে তলিয়ে রাখব সমষ্টির—সমগ্রের এই বারিধি-কল্লোলিত জিজ্ঞাসাকে?

সমস্ত শরীর জালা করছে, টিপ টিপ করছে কপালটা। ভেতরে কেউ বুঝি পেরেক ঠুকে চলেছে একটার পর একটা। চোখের জ্বালাই এমনটা হচ্ছে বোধ হয়। হঠাৎ যেন কেমন একটা দুর্বলতা এসে পড়ে—এখান থেকে নিজেকে মুক্ত করে নিয়ে গিয়ে দাঁড়াতে হচ্ছে করে মিতার পাশটিতে।

কয়েকটা নরম আঙুলের ছোঁয়া বুলিয়ে কেউ আস্তে আস্তে কপালটা টিপে দিলে বেশ হৃত। কিন্তু না—এসব যা-তা ভাবনার কোনো মানে হয় না। ডাক্তারবাবুর কাছ থেকে কয়েকটা অ্যাসপিরিন আনাতে হবে আবার।

কিন্তু বাংলা দেশ। ডেকে উঠেছে শেয়াল—যেন সমস্ত দেশের শব্দযাত্রার পথে তুলছে উল্লসিত হরিষ্মনি। আজ যদি সে বাইরে থাকত—কত কাজ করবার ছিল তার। বিপ্লবের অগ্নি-দীক্ষার মধ্য দিয়ে মন তৈরি হয়ে গেছে। কিন্তু অকারণ অপচয় আর সংশয়ের পথ নয়, অমিয় ঘটক, বেগুনা, কল্পনা কিংবা হতপার ট্র্যাজেডি সৃষ্টি করেও নয়;—সমস্ত মানুষের ভিত্তিতে দাঁড়িয়ে, সাধারণ মানুষের যৌথশক্তিতে গড়া নিশ্চয়তার কঠিন বনিয়াদের ওপরে পা দিয়ে। বাস্তবিক, কত কাজ করবার আছে। বিশ্বাসের জ্বালা মেলা আছে মিতার সহযাত্রী, আর সেই সঙ্গে আছে—সীমাহীন, অজ্ঞপ্র—

—“তুমি কবে আসবে?” মিতার প্রশ্ন। তারও মন মুক্তির জ্বালা ব্যাঙুল হয়ে উঠেছে আজকে। এ আর নয়, এ আর সহ হয় না। আর ভালো লাগে না নির্বাপিত উজ্জ্বল মতো এই অপমৃত্যুর শান্তি। কত কাজ—কত কাজ। শেষে মিঠাও তাকে পেছনে ফেলে কত এগিয়ে গেল।

—পড়লেন কাগজ?

ধানার দারোগা। নিরীহ তদ্রলোক, অমায়িক, স্বল্পভাষী। সব সময়ে মুখে একটু করে বিনীত হাসি লেগেই আছে তাঁর। রঙনের এই বন্দিদের জ্বালা যেন তিনিই অপরাধী—এইজাতীয় একটা আত্মনিগ্রহ সব সময়ে তাঁকে কেমন সংকুচিত করে রাখে।

সামনের চেয়ারটা দেখিয়ে দিয়ে রঙন বললে, বহন।

দারোগা বললেন। ঝড়া-চূড়া ছেড়ে একখানা লুঙ্গি আর একটা শিকের সার্ট পরে এসেছেন। আরাম করে হাত পা ছড়িয়ে একটা সিগারেট ধরালেন আর একটা বাড়িয়ে দিলেন ওর দিকে। বললেন, তারপর আমার কাগজে নতুন খবর-টবর কী আছে বলুন।

রঙন হাসল।

—নতুন খবর আর কী থাকবে। সেই পুরনোর কপচানি।

—তা ঠিক—যা বলেছেন।—আরামের একটা দীর্ঘশ্বাস ফেললেন দারোগা : খবরের কাগজে পড়বার মতো কিছুই থাকে না আজকাল। সব সেই খোড়-বড়ি-খাড়া, আর খাড়া-বড়ি-খোড়। বিরক্তি ধরে যায়, বুঝলেন ?

দারোগার মনের ভাবটা বুঝতে পারে রঞ্জন। খবরের কাগজে বিশেষ কিছু না থাকলেই খুশি হন তিনি। এত খবর, এত কোলাহল—মানুষের মস্তিষ্ক আর স্মৃতির ওপরে ঝানিকটা অহেতুক অত্যাচার ছাড়া তো আর কিছুই নয়। কী হবে এত খবর দিয়ে, কোন্ প্রয়োজন এইসব রাণীকৃত সংবাদে ? দৈনন্দিন জীবনে কোলাহলের অন্ত নেই, অভাব নেই সমস্তার। চুরির এজাহার লিখতে হয়, ফেরারীর খবর রাখতে হয়, দাঙ্গীদের ওপরে মেলে রাখতে হয় সারাক্ষণের সজাগ দৃষ্টি; ডাকাতির সংবাদ এলেই ঘোড়া ছুটিয়ে দিতে হয় হস্তদন্ত হয়ে। তার ওপর আবার যদি জাতীয় আর আন্তর্জাতীয় সমস্যা এসে ভিড় করে, তা হলে জীবনধারণ রীতিমতো দুবিষহ হয়ে ওঠে নিশ্চয়ই। খবরের কাগজ সম্পর্কে প্রশ্ন করা—এ আর কিছুই নয়, দৈনিক আলাপের যা হোক একটা মুখবন্ধ মাত্র।

রঞ্জন বললে, আপনার থানার খবর কী ?

—থানার খবর ?—দারোগা এতক্ষণে ধাতস্থ হয়ে বসলেন : থানার খবরের আর অভাব আছে কবে ? যে স্বথের চাকরি মশাই আমাদের। এই তো সকালে কাশিমপুরে মস্ত একটা দাঙ্গা হয়ে গেছে। আইল ভেঙে লাঙল দিয়েছিল, তাতেই মস্ত হাঙ্গামা হয়ে গেল। দুটো জোর চোট খেয়েছে, তাদের একটা বোধ হয় বাঁচবে না।

—ধরলেন আসামী ?

একটা বড় গোছের হাই তুলে উদাসকণ্ঠে দারোগা বললেন, হ্যাঁ, দুপক্ষের গোটা দশ-বারোকে ধরে চালান করে দিলাম। আর বলেন কেন মশাই, যত ঝকঝাকের কাজ। সাত জনের পাপ না থাকলে দারোগা হয় না কেউ।

রঞ্জন আবার অন্তমনস্ক হয়ে গেল। এই রকম দাঙ্গা-হাঙ্গামার কথা শুনে মনে পড়ে সেই খুনী নিশিকান্তকে, মনে পড়ে সেই রাত্রে দুই ভায়ের মধ্যে দাঙ্গার কথা—সেই আত্ননাদ আর লাঠির শব্দ। কত দিন চলেবে এই আত্মঘাতের পাপ, এই অপবুদ্ধির বিষাক্ত বিদ্বেষ ? নিজেদের মর্মজালায় যে অগ্নি-পুস্তলিকা আজ জলে মরছে তারা কবে আশ্রয় জালিয়ে দিতে পারবে শত্রুর দুর্গচূড়ায় ?

বিষমভাবে অল্প একটু হাসল সে। বললে, কেন, ইংরেজ রাজত্বে আপনারাই তো সত্যিকারের লাটসাহেব বলে শুনি। এমন সম্মান আর এমন প্রাপ্তিযোগ—

—সম্মান আর প্রাপ্তিযোগ।—দারোগা জুহুটি করলেন : সেসব এখন লাস্ট সেঞ্চুরির মিথ্ মশাই। সম্মান মানে তো দিনরাত শালা বলছে। আর প্রাপ্তিযোগ।—দারোগা বৃদ্ধাঙ্গুষ্ঠি আকোশিত করলেন : লোকে দুর্দান্ত চালাক হয়ে গেছে আজকাল। ঘুষ তো ঘুরে

খাক, পাঁচটা টাকা সেলামী নিলেই চাকরি রাখা দায় হয়ে ওঠে।

—তা হলে খুব দুঃসময় যাচ্ছে আপনাদের ?

—সে আর বলতে ! কী যে দিনকাল পড়েছে মশাই। গাধার মতো ষাটনি আর ইন্সপেক্টার থেকে শুরু করে তিনশো তেত্রিশ দেবতার পূজো। জান-প্রাণ বেরিয়ে গেল একেবারে।

দূরে একটা লঠনের আলো দেখা গেল। চ্যারিটেবল ডিস্‌পেন্সারির সরকারী ডাক্তার-বারুর বাসা ওখানে। পাশা খেলায় দুর্দান্ত কৌক ডাক্তারবারুর। যেদিন সন্ধ্যায় ‘কল’ থাকে না, সেদিন পাশার ছুক আর ঘুঁটি নিয়ে এসে দর্শন দেয় অনিবার্য ভাবে।

দারোগা বললেন, ডাক্তার আসছে।

কিন্তু যে এল সে ডাক্তার নয়। সামনে লঠন হাতে ডিস্‌পেন্সারির স্নাইপার মধু, পেছনে একটা ষোড়শী—ডাক্তারবারুর বড় মেয়েসীতা। একখানা থালায় ওপর পরিপাটি করে তিন-চারটি বাটি সাজিয়ে এনেছে। লজ্জিত মুহুর্তে বললে, মা পাঠিয়ে দিলেন।

রঞ্জন বললে, যে রকম ব্যাপার দেখছি, তাতে আমার এখানকার রান্নাবান্নার পাট তুলে দিয়ে তোমাদের ওখানেই পাকাপাকি ব্যবস্থা করে নিলে পারি।

তেমনি সলজ্জ শান্ত্বনুরে সীতা বললে, বেশ তো।

ঘরে ঢুকল সীতা। রঞ্জন জানে এর পরে কী কী করবে ও—ওর কাজগুলো রুটিনের মতো মুখস্থ হয়ে গেছে তার। প্রথমেই টেবিলের ওপর খাবারটা ঢেকে রাখবে, একটা কাচের গ্লাসে গড়িয়ে দেবে এক গ্লাস জল। তারপর তাকিয়ে দেখবে তার বিছানাটার দিকে—দেখবে তার চূড়ান্ত বিশৃঙ্খল রূপ। বেড্‌কভারটা অর্ধেক লুটিয়ে আছে মাটিতে, বিছানার ওপরে স্তূপাকার বই চড়ানো। ফাউন্টেন পেনটা পড়ে আছে থোলা অবস্থায়, বালিশের ওপরে খানিকটা কালি ছিটোনো। স্ট্রিকেসের পাল্লাটা আধ হাত ফাঁক হয়ে আছে—হয়তো দুটো-চারটে ইয়র এরই মধ্যে নিশ্চিন্তে ঢুকে বসে আছে ওর ভেতরে। এক মুহূর্ত নিশ্চয় ইতস্তত করবে সীতা, তারপর যত্ন করে ঝেড়ে দেবে বিছানাটাকে। বই আর কলম তুলে রাখবে, আটকে দেবে স্ট্রিকেসের-কল দুটো। এ কাজ সীতার নিত্যদিনের—এ তার অভ্যাস হয়ে গেছে। নিজের অজ্ঞাতেই একটা নিখাস পড়ল রঞ্জনের। সীতার এই স্নিগ্ধ সেবার দাক্ষিণ্যটুকুর মধ্যে মিতা যেন প্রচ্ছন্ন হয়ে আছে—সীতার উপস্থিতি যেন আর একজনকে সঞ্চার করে দেয়।

সীতা বেরিয়ে এল। যাওয়ার সময় বললে, একটু লক্ষ্য রাখবেন, বেড়ালে খেয়ে না যাব।

রঞ্জন মাথা নেড়ে বললে, আচ্ছা।

দারোগা জিজ্ঞাসা করলেন, তোর বাবা কোথায় রে সীতু ?

না. র. ৪র্থ—১১

—বাবা ?—সীতা থেমে দাঁড়ালো । নতমুখে আঁচলের খুঁট আঙুলে জড়াতে জড়াতে তেমনি শান্ত কোমল গলায় বললে, ‘কলে’ গেছেন । ফিরতে রাত হবে ।

লঠনের আলোটা মিলিয়ে গেল ক্রমশ ।

—ওঃ, তাহলে আর পাশা জমবে না আজকে । ওঠা যাক, কী বলেন ?

—আস্থন ।

তিন পা এগিয়ে দারোগা ফিরে তাকালেন একবার : ভালো কথা, কোনোরকম অস্থবিধে হচ্ছে না তো আপনার ? কোনো কম্পেন—

—না, না, কম্পেন নেই কিছু ।

—আচ্ছা—দারোগা চলে গেলেন ।

রঞ্জন তেমনি ভাবেই বসে রইল নীরব হয়ে । পদ্মার বুক থেকে আসছে ভিজ়ে বাতাস, একটু একটু শিউরে উঠছে লঠনের শিখাটা । অভিশপ্ত মঠটা অন্ধকারে নিমগ্ন । বালুচর আর জলধারাগুলো যেন তামায় তৈরি—অস্পষ্ট আর অমুজ্জল, তারার আলোয় লালভ । গাংশালিকের কোলাহল শুরু হয়ে গেছে—এতক্ষণে নিভৃত কোটরে ঘুমে আচ্ছন্ন হয়ে গেছে ওরা । ওধারে নিকারীপাড়ায় একটা আঁঙনের কুণ্ড জলছে, বোধ হয় জাল দিচ্ছে গাবের রস ।

মন আবার নিজের মধ্যে ফিরে আসে ।

কী আশ্চর্য জীবন । কর্মহীন, ঔৎসুক্যহীন—একটা চূড়ান্ত নির্বেদ সমস্ত বোধগুলোকে রেখেছে সমাচ্ছন্ন করে । পাঁচ বছর জেল, দু বছর অডিটাস আর অন্তরীণ-বন্দীর জীবন চলছে এই দ্বিতীয় বৎসর । শহর মুকুন্দপুর এখন একটা অলীক ছান্নাবাজির মতো চোখের সামনে নেচে নেচে চলে যায় । কবে একদিন বুকের মধ্যে আঙুন জলে উঠেছিল, দ্বীপান্তরের পার থেকে কবে কার কান্না এসে স্বপ্নাতুর নিশ্চিতজীবনকে জোয়ারের তরঙ্গে ছলিয়ে দিয়েছিল । পরিমল, বেগুদা, তরুণ সমিতি । বর্ণচোরা ক্ষিতীশ চক্রবর্তী । কর্তব্যের কঠোর সংকল্প । এই যত্নকে ছেদন করতে হবে, দূর করতে হবে এই ভয় আর অম্মায়ের শাসনকে । ওরে ভীষ্ম ওরে যুট, তোমার নিঃসঙ্কোচ মন্তক তোলো আকাশে । মনে রেখো দেবতার দীপ হাতে নিয়ে রুদ্রদূতের মতো আবির্ভূত হয়েছ তুমি । যত শৃঙ্খল, যত বন্ধন, সবাই তোমার চরণ বন্দনা করে নমস্কার জানাচ্ছে । যত্ন নেই সত্যের ।

সেই সব উন্নত দিন । অগ্নিদীক্ষা । আদর্শের পায়ে নিঃসঙ্কোচ প্রাণবলি । আজ প্রসারিত এই পদ্মার চরে, শান্ত সম্ভার, তারায় সমুজ্জল এই বিস্তীর্ণ আকাশের নিচে সে চঞ্চলতা কোথায় ? এখন শুধু অবকাশ আছে, অথগু আর অনন্ত অবকাশ । কবিতা লেখা চলে, রাশি রাশি কবিতা । কিন্তু ভালো লাগে না । এই নিঃসঙ্গতা আর নির্জনতা স্ট্রিক্টে উৎসাহ দেয় না, তাবনা-বিলাসকে নিয়ে গুঞ্জন করে ।

মরে যাওয়া নদীর মতো মম্বর—গতিহীন সময়। তাড়া নেই, তাগিদ নেই কিছু। বৃহৎ বাংলা—বৃহত্তর ভারত—কারুর রূপই মনের সামনে দেখা দেয় না বিকল্প হয়ে। এখানে বাংলা দেশ বলতে ওই যুক্তকল্প গ্রাম, ওদের নির্বোধ অগ্রসর জীবন—চিন্তা ভাবনা সব কিছু যেন ওদের সঙ্গেই একাকার হয়ে গেছে। বিপ্লবের বহুমুখ প্রেরণা নেই, আছে ঋণিকটা গভীর বেদনা আর নিবিড় সহানুভূতি।

কিন্তু এ তো স্বাস্থ্যের লক্ষণ নয়। এই শান্তি, মনের স্তিমিত মম্বরতা—এর জাল থেকে নিজেকে মুক্ত করা দরকার। এই কয়েক বছরে অনেক পড়েছে সে, অনেক জেনেছেও। মনের কাছে আজ পরিকার জবাব এসেছে, উত্তর এসেছে সেই রাত্রে ফৈয়জ মোল্লার সেই ব্যথিত প্রশ্নগুলোর। আজ জানে ওই নিকারীদের জীবনেও সেই প্রশ্ন-গুলোই সত্য হয়ে আছে এবং তাদের জবাব দিতে পারাই আজকের একতম কাজ।

বাইরের পৃথিবী ডাক দিচ্ছে—ডাক দিচ্ছে সেই কাজের দায়িত্ব। এরই মধ্যে মনকে ঝিমিয়ে পড়তে দিলে চলবে কেন তার। এবার আর বেগুনা, হুতপা কিংবা ওদের মতো আরো অনেকের অবক্ষয় নয়, একটা ব্যধিগ্রস্ত উন্নয়নের সংক্রামকতায় করুণাদির জীবন কান্না দিয়ে ভরিয়ে তোলাও নয়। সে ছিল প্রস্ততির পর্ব, এখন সত্যিকারের মুহূর্ত এসেছে। অজস্র কাজ, বিশ্রামহীন সংগঠন, আমীন মুন্সীদের বিরুদ্ধে ফৈয়জ মোল্লাদের জাগিয়ে তোলা, নিশিকান্তদের অপমানকে আঙনের মতো দিকে দিকে ছড়িয়ে দেওয়া। যাদের জন্তে তিরিশ সালের বন্ধ্যায় অবিনাশবাবু নিজেকে বিসর্জন দিয়েছিলেন, যাদের জন্তে এসেছিল উনিশশো তিরিশ সালের অহিংস আন্দোলনের প্রাণবন্তা; আর যাদের প্রায় ভুলে গিয়েই রক্তের বন্ধ্যায় যাদের মুক্তি দেবার স্বপ্ন দেখেছিলেন ক্ষুদিরাম থেকে হর্য সেন, এমন কি বেগুনা পর্যন্ত।

শুধু বেদনা আর সহানুভূতি নয়। এবার কঠোরতর কাজ, তিলে তিলে গড়ে তোলার কাজ।

চাকর এল। ধান ভাঙিয়ে দিলে এসে।

—বাবু, খেয়ে নিলে হত না? রাত হয়ে গেছে।

দূর সমষ্টি-জীবনের পরিক্রমা থেকে রঞ্জন ফিরে এল তার ইন্টারমেন্ট-ক্যাম্পের ডেকচেয়ারে। নড়েচড়ে সোজা হয়ে উঠে বসল সে।

—আজ তোর ভাত নষ্ট হল কৈলাস। বলতে ভুলে গিয়েছিলাম, ডাক্তারবাবুর বাড়ি থেকে খাবার দিয়ে গেছে।

কৈলাস জবাবে একগাল হাসল।

—সে আমি আগেই জানতাম বাবু। তাই আজ রান্না করিনি।

হাত মুখ ধুয়ে খেতে বসল। মাছ, মাংস, ডিমভাজা, দি-ভাত, একবাটি পায়ের।

এ সব সীতার নিজের হাতেরই রান্না। সীতার মা কিছুদিন থেকে ম্যালেরিয়ায় শয্যাগত, ওইটুকু মেয়ের ওপরেই সংসারের সমস্ত ভার পড়েছে। বাপ, মা, ভাই, বোন, সকলের পরিচর্যা মিটিয়ে এত রান্না সে করে কখন, আর করেই বা কী করে। চমৎকার এই মেয়েটি। যেমন লক্ষ্মীর মতো চেহারা, তেমনি মিষ্টি স্বভাবটি।

খেতে খেতে চোখ পড়ল বিছানাটার ওপর, তারপর শেল্‌ফের দিকে, হটকেসটার দিকে। একটি কল্যাণী নিপুণ হাতের ছোঁয়া যেন তাদের ওপরে জলজল করছে সোনার লেখার মতো। এই রকম একটি কল্যাণ হাতের স্পর্শ কবে যে জীবনের ক্রান্তিকে মধুময় করে দেবে।

মিতার চিঠি মনে পড়েছে : “তুমি এসো, তোমার অস্ত্রে প্রতীক্ষা করে আছি। তুমি না এলে আমার কাজে জোর পাবো না।” পদ্মার ঘূর্ণির মতো চুরমার করে টেনে নিয়ে যেতে চায় ওই ডাক। জোর তো শুধু দেবে না—জোর নিজেও পাবে।

ছেলেবেলায় অস্বস্তি জাগানো ফুলেফুলে আলো করা সেই বাড়িটা কি এখনো আছে সেই রকম ? শাদা পাথরের টেবিলের ওপর অগ্নিবলয়িত মূর্তিটা এখনো কি রয়েছে সেই-খানটিতেই ? সেই মহীশূর ধূপের গন্ধের সঙ্গে মিশেছে কি বাগানের রাশি রাশি সেই সব শাদা ফিকে লাল আর আশ্চর্য নিবিড় রক্ত রঙের ব্র্যাক্ প্রিন্স গোলাপের গন্ধ ? এখনো কি সেখানে ঘুরে ঘুরে বেড়ায়—পাখায় ইন্দ্রধনু-জাঁকা বড় পাহাড়ী প্রজাপতি ?

আর হরিণটা ? টলটলে নীল চোখ ? ঘাসের জমিটুকুর ভেতরে বড় বড় কান তুলে উদ্‌জীবভাবে প্রতীক্ষা করছে মিতার পায়ের শব্দের জন্তে ? না, সব মরে গেছে। ওই পরগাছার রঙীন জেজ্ঞা মিশিয়ে গেছে ধুলোয়। আজকের মিতা ওর থেকে একেবারেই আলাদা। তার ঘুম-ভরা চোখ এখন বুদ্ধিতে প্রথর, শরীরে এখন স্বর্ঘ-তপস্বিনীর দীপ্তি। রাজকন্যা আজ হয়ে দাঁড়িয়েছে মাটির কন্যা। হুতপাদি যা হারিয়েছেন, হয়তো আজ মিতা তাই-ই পেয়েছে। বেগুদা যাকে ভেবেছিলেন আদর্শচ্যুতি—ওদের কাছে তা অর্থহীন মনে হয় এখন। প্রেমকে ওরা প্রতিবন্ধক ভেবেছিলেন, কিন্তু নতুন কালের আলোতে আজ তো তা পাথের হয়ে দাঁড়িয়েছে। আত্ম-সর্বস্বতা ওরা চায় না, কিন্তু কেন স্বীকার করবে আত্মপ্রবঞ্চনাকে ?

পরিমলের গ্রামে রয়েছে মিতার ইউনিয়ন। আরো কত কাজ জমেছে কে জানে। আজ আর ওদের সাধনা সব হারানোর নয়, সব ফিরে পাওয়ার। আজকের নারিকা ঝাণানে বাসর রচনা করে কপালে বিচ্ছুরিত টীকা পরিষে দেয় না—ঝাণান থেকে সে ডাক দিয়ে আনে পুষ্টিত জীবনের উত্তরণে। একার নয়, সমগ্রের। তাই দুজনের প্রেম দিয়ে আজ আর নীড় রচনা নয়, দুজনের শক্তি দিয়ে সমস্ত মাহুঘের সংসার গড়বার কাজ। জৈব অঙ্ককূপ থেকে বেরিয়ে এসে পরস্পরের দিকে তাকিয়ে নির্ভয়ে বলতে পারা :

“Spring through death’s iron guard,
Her million blades shall thrust ;
Love that was sleeping, not extinct
Throw off the nightmare crust—”

আর নতুন প্রেমের এই মুক্ত দৃষ্টি নিয়ে দেখতে পাওয়া :

“Sky-high a signal flame,
The sun returned to power above
A world, but not the same !”

কিস্ত সীতা ?

কেমন খটকা লাগল, কেমন বেদনার্ত হয়ে উঠল মন । একটুখানি সন্লেখ দেখা দিয়েছে যেন । আজকাল যেন অকারণে মেয়েটা লজ্জারক্ত হয়ে ওঠে, কেমন আড়ষ্ট হয়ে আসে চোখের পাতা । মাঝে মাঝে অদ্ভুত গভীর আর হৃদয় দৃষ্টি মেলে তার দিকে তাকায়ও মনে হয় । কোনো রকম দুর্বলতা জেগেছে নাকি ওর ?

খচ্ কবে একটা কাঁটা বিঁধে গেল বুকের মধ্যে । অসম্ভব নয়, একেবারেই অসম্ভব নয় । তাই কি তার সম্পর্কে এত যত্ন—এত পরিচর্যা ? তাই কি এই ঘর গুছিয়ে দেওয়াটা শুধু গুছিয়ে দেওয়াই নয়, গভীর একটা মমতার মতো আরো কিছু জড়িয়ে থাকে তার সঙ্গে ?

কী সর্বনাশ, কী ভয়ঙ্কর কথা ।

রঞ্জন উঠে পড়ল । মুহূর্তে খাওয়ার স্পৃহাটা মিটে গেছে, মুছে গেছে স্নিদের রেশমাত্রণ । মাথার মধ্যে কেমন করতে লাগল তার, যেন কতকগুলো লোহার পেরেকের ওপর হাতুড়ির বা পড়তে লাগল ক্রমাগত । কপালের রগগুলো যেন ছিঁড়ে যেতে চাইল টুকরো টুকরো হয়ে ।

না, না, এসব বাজে চিন্তাকে মোটেই প্রশ্রয় দেওয়া চলবে না । এসব আর কিছুই না—একান্তভাবে তারই উইশ্‌ফুল থিঙ্কিং । বড় ভালো মেয়ে সীতা, ভারী ভালো মেয়ে । কেন তার এমন দুর্ভাগ্য ঘটবে, কেন সে পা দেবে এই ভয়ঙ্কর সর্বনাশের খাদের মধ্যে ? এসব আর কিছুই নয়—বহুবল্লভ পুরুষের অবচেতন আকাঙ্ক্ষার তৃপ্তি, আত্মপ্রেমের আত্মসন্ততি ।

জোর করে ঠেলে সরিয়ে দিলে বিকৃত এই ভাবনাকে । তারপর একটা সিগারেট ধরিয়ে বিছানায় এসে বসল রঞ্জন : হ্যাঁ—নিরাশ হলে চলবে না, কোনো রকম অল্প শিথিলতাকেও আর আমল দেওয়া যাবে না । কত কাজ আছে, কত কী করবার আছে তার । বাইরের জগৎ ডাকছে হাতছানি দিয়ে । সমস্ত দেশ রাত্রির কালো আকাশের

মতো যেন গভীর বেদনাতুর চোখ মেলে তাকিয়ে আছে তার দিকে। অসহায় বন্দি, কঠিন শৃঙ্খল। এই বন্দিষের হাত থেকে তুমি মুক্ত করো আমাকে, এই শৃঙ্খল দূর করে দাও তুমি। তুমি এসো। রঞ্জনের বুকের মধ্যে বাজতে লাগল একটা আর্ত কলধ্বনি।

বাণুচরে শৌ শৌ করে কাঁদছে ছেদহীন কুলের জঙ্গল।

রাত কেটে যায়, আসে সকাল। দিনের পর দিন। সময়ের সমুদ্রে ঢেউ ওঠে, ঢেউ ভাঙে। বৈশাখের শেষাংশে একদিন নামে অশ্রান্ত ধারাবর্ষণ; পদ্মার জল বেড়ে ওঠে, কুলের বন অর্ধমগ্ন দেহ তুলে জেগে থাকে গেকুয়ারাঙা শ্রোতের ওপর। নাগিনীর গর্জন লাগে মরা পদ্মার ধারায়; চড়াগুলো তলিয়ে গিয়ে তিন-চারটি ধারা একটি ধারাতে রূপান্তরিত হয়। উচু ডাঙা জলের ঘায়ে রূপবাপ করে ভাঙতে শুরু করে।

সব সহজ আর স্বাভাবিক হয়ে আসে। রুটিনে বাঁধা জীবন, কাল কী হবে, পরশু কী হবে, কী হবে তারও পরের দিন—সব আঙুলে গুণে বলবার মতো জীবন। দারোগা আসেন, পাশার ছক পেতে বসেন ডাক্তার, কম্পাউণ্ডার গালে হাত দিয়ে চাল ভাবেন। বারো পাঞ্জা সতেরো পড়তে থানার মুছরীবাবু আনন্দে লাফিয়ে ওঠেন বিকচ্ছ হয়ে।

দারোগা মাঝে মাঝে অত্যন্ত উদার ভঙ্গিতে বলেন, কত ভাগ্যে যে আপনাদের মতো লোককে আমাদের মধ্যে পেয়েছিলাম রঞ্জনবাবু। পুলিশে চাকরি করতে এসে তো আর ভদ্রলোকের মুখ দেখিনি।

রঞ্জন হাসে : চিরদিনই আমাকে আপনাদের মধ্যে এইভাবে আটকে রাখতে চান নাকি ?

দারোগা জিত কাটেন : ছি, ছি, কী যে বলেন। পুলিশের চাকরি কী যে লজ্জা আর বিক্কারের ব্যাপার, সেটা তখনই বুঝি—যখন আপনাদের মতো লোককেও আমাদের পাহারা দিয়ে আটকে রাখতে হয়।

রঞ্জন কৌতুক করে বলে, বেশ তো, ছেড়ে দিন না, চলে যাই।

দারোগা ঘান হয়ে যান। মাথা নিচু করে বলেন, কেন লজ্জা দিচ্ছেন ? সবই তো জানেন, আমাদের ক্ষমতার দৌড়ও জানেন। নেহাত পেটের দায় বলেই গোলামী করি, নইলে—

তা সত্যি। আন্তরিকতার স্পষ্ট উদ্ভাপ পাওয়া যায়। আইন আর পেষণযন্ত্র মাহুশকে আট্টেপৃষ্ঠে বেঁধে ফেলতে পারে, স্বাধীন সত্তা হরণ করতে পারে তার, কিন্তু মনকে তো মেরে ফেলতে পারে না। দেশ, জাতি—অপমান আর নির্বাতন, থেকে থেকে তারও হৃদয়কে এসে ছলিয়ে তোলে। কিন্তু জীবিকা, দৈনন্দিন প্রয়োজনের প্রত্যক্ষ আর নির্ভর সমস্ত। সবাই মহামানব হতে পারে না, নিঃস্বার্থভাবে নিজেকে বিলিয়ে দেবার মতো যোগ্যতাও তো থাকে না সকলের। এই সমস্ত মুহূর্তে, দারোগার এই অহুতাপ-বিক্ষ

কণ্ঠস্বরে যেন সেই অপমানিত মানুষটি নিজেকে অতি দুর্বলভাবে ব্যক্তকরবার চেষ্টা করে।

বাস্তবিক এখন ভালো লাগে দারোগা সাহেবকে। রাগ হয় না, অভিযোগ করতে ইচ্ছেও হয় না। সবাই দেবতা নয়, হলে পৃথিবীটার চেহারাটাই তো অসহ্য হয়ে উঠত। সামগ্রিক দেশকে জানবার পরে কবি রঞ্জন এখন মানুষকে ভালোবাসতে শিখেছে। ক্রটি বিস্তর রয়েছে মানুষের, আছে স্বার্থবুদ্ধি, আছে প্রচুর সংকীর্ণতা। তবুও মানুষ—মানুষ। সে নিত্যকালের, তাই হৃদয়ের মৃত্যু নেই কখনো। হয়তো এমনি একটা হৃদয় ধনেশ্বরেরও ছিল। ছিল কি?

ভক্তারবাবু বলেন, আজ একটু দেরি করে চা খাবেন রঞ্জনবাবু। সীতা বোধ হয় দু-চারটে মিষ্টি তৈরী করেছে, নিশ্চয় পাঠিয়ে দেবে আপনাকে।

রঞ্জন বলে, সীতা তো রোজই খাওয়াচ্ছে। আজ না হয় কিছু এক্সচেঞ্জ করা যাক। আমার ঘরে দু টিন ভালো ক্রীম-ক্র্যাকার পড়ে আছে, নষ্ট হচ্ছে। নিয়ে যান না, ছেলেপুলেদের—

ভক্তারবাবু সম্মেহে হাসেন।

—আমি আপনার বাবার বয়সী। ভদ্রতাটা আমার সঙ্গে নাই-ই করলেন। বাড়িতে ছেলেপুলের কি খাওয়ার ক্রটি আছে একবিন্দু। ওসব বরং আপনারই থাক, একদিন নয় দল বেঁধে সবাই এগুলোকে শেষ করে দিয়ে যাব।

এর ওপর আর কথা চলে না।

দিন কাটে। আকাশে নববর্ষার নীল মেঘ দেখা দেয়। প্রেতায়িত মাঠকে কুয়াশায় আচ্ছন্ন করে দিয়ে প্রবল ঘন ধাবায় বর্ষণ নামে। পদ্মার পাড় ভাঙে, তার সঙ্গে ভেঙে পড়ে গাংশালিকের বাসা। রাক্ষসী নদীর জল ছলে ওঠে, ফুলে ওঠে, গর্জন করে। বুনো কুলের জঙ্গল কোথায় গেছে তলিয়ে, সেখানে এখন পনেরো হাত লগিরও থই যেলে না। জেলেদের গ্রামগুলো বৃষ্টিতে অস্পষ্ট হয়ে যায়, ‘ফটিক-জল’ পাখি কাঁক বেঁধে নাচতে শুরু করে বর্ষণ-ক্ষত্রিত কালো আকাশে।

আকাশ, বাতাস, হঠাৎ ফেপে-ওঠা পদ্মা—সকলের সঙ্গে একটা সহজ প্রীতির সম্পর্ক। বই পড়তে পড়তে ক্লান্তি বোধ করলেই বাইরের জগৎটা এসে যেন মিতালি পাতিয়ে নেয় রঞ্জনের মনের সঙ্গে। ঘণ্টার পর ঘণ্টা সে বসে থাকতে পারে এদের ভেতরে নিমগ্ন হয়ে; তা ছাড়া দারোগা আছেন, কম্পাউণ্ডার আছেন, ভক্তার আছেন। একটা বিচিত্র নিশ্চিন্ত পরিবেষ্টনী।

তবুও বন্দীজীবন পীড়িত করে মনকে। খবরের কাগজ বিক্ষুব্ধ ভারতবর্ষের সংবাদ বয়ে আনে। আমেদাবাদ আর কানপুরের মিলে মিলে শ্রমিক ধর্মঘট। মহাত্মা গান্ধীর বক্তৃতা। বিলাতে রক্ষণশীল দলের অনমনীয় মনোভাব। কাজের অন্ত নেই তার। আজ

যদি সে বাইরে থাকত, কত কাজ যে করতে পারত। শক্তি আছে দেহে, প্রচুর উৎসাহ আছে মনে। একথা সত্যি যে কিছুদিন থেকে দেশের নতুন কাজের পদ্ধতির সঙ্গে তার সংযোগ নেই। দেশ যে কতটা এগিয়ে গেছে তা ঝাপসা ঝাপসা ভাবে খানিকটা অনুমান করতে পারে মাত্র, বুঝতে পারে না সঠিকভাবে। আজকের কর্মীদের সঙ্গে পা মিলিয়ে নিতে, চিন্তা মিলিয়ে নিতে হয়তো তার সময়ও লাগবে খানিকটা। তা লাগুক, তবু সময়ের দাবি এসে পৌঁছে গেছে, ব্যক্তি মাতুষ, আত্মকেন্দ্রিক রঙকে আজ নিজের জীবন রচনা করতে হবে সময়ের মধ্যে, আর দেয়ি করা চলবে না।

পরিমল তো আছেই। তার ভিলেজ-অর্গ্যানাইজেশন আছে, আরো কত কাজ বাড়িয়ে বসে আছে সে কে জানে। আর আছে মিতা। অবকাশ দিয়ে গড়া কাজ, ভালোবাসা দিয়ে বেষ্টিত কর্তব্য কর্মক্লাস্ত মুহূর্তগুলো সঙ্গে সঙ্গে পাশ্চপাদপ। কাজকে মধুর করবে, চলাকে দেবে গতি। নতুন পৃথিবী গড়বার পথে মৃতিময়ী সহযাত্রিণী।

—“আমি তোমার জন্তে প্রতীক্ষা করে আছি, কবে আসবে তুমি?”

কবে আসবে তুমি? সারা শরীরে কথাটার রেশ বয়ে নিয়ে রঞ্জন পায়চারি করতে লাগল ধরময়। হঠাৎ টিনের চালের ওপর বাম্ বাম্ করে শব্দ বেজে উঠল। অনেকক্ষণ ধরে গুমোট করে ছিল আকাশটা, বৃষ্টি নামল এইবারে। ক্যাম্পের সামনে নিমগাছটায় সাড়া পড়ে গেল ধারানানের আনন্দে।

এমনি সময় বাইরে থেকে একটি মেয়ে ছুটতে ছুটতে একেবারে রঞ্জনের দাওয়ায় এসে উঠল।

—আরে সীতা যে। —আশ্চর্য হয়ে বলল, এই দুপুরবেলায় কী মনে করে? এসো, এসো, ধরে এসো।

ভিজ়ে আঁচলটা ভালো করে জড়িয়ে নিলে সীতা। লজ্জাকরণ মুখে বললে, যা একটা বই চাইছেন, তাই—

—বই? তা বোসো, বোসো। দাঁড়িয়ে রইলে কেন?

ভীকর মতো যেন ছোঁয়া বাঁচিয়ে সীতা চেয়ারটার একপাশে বসল। রঞ্জন বললে, বাংলা বই তো বেশি আমার কাছে নেই, দু-একটা পত্রিকা আছে। তাই দিতে পারি।

—দিন—

পত্রিকা নিয়ে সীতা উঠে দাঁড়াবার উপক্রম করল। কিন্তু বাইরে তখন মূলধারায় বৃষ্টি নেমেছে। নাগিনী পদ্মার জল ফুটে উঠছে টগবগ করে, ঝুপঝুপ শব্দে ভেঙে পড়ছে পাড়। রঞ্জন বলল, এই বিষ্টির ভেতর যাবে কী করে? একটু দাঁড়িয়ে যাও।

চেয়ারের হাতলটা ধরে সীতা দাঁড়িয়ে রইল সসঙ্কোচে। কপালের ওপর নেমে আসা চুলে জলের বিন্দু। লজ্জিত মুখখানাতে যেন পূর্বরাগের রক্তিম স্পর্শ। গভীর কালো

চোখের দৃষ্টি একবার ওর মুখের ওপর ফেলেই মাথা নামাল সীতা। আকাশে বিদ্যুৎ চমকালো, সে বিদ্যুৎ যেন তার তরল চোখের ওপরেও চমক লাগিয়ে গেল।

আর চমকে উঠল রঞ্জন। এবারে আর ভুল নেই—আর সন্দেহ নেই কোথাও। এমন দৃষ্টি আর একজনের চোখে সে দেখেছিল, ঠিক এমনি আর একজনের দৃষ্টিই তার সমস্ত জীবনকে আলো করে দিয়েছে। সে মিতা। আজ সাত বছরের ওপর থেকে আবার কার চোখে তা ফিরে এল, ফিরে এল কোন অর্থহীন শূন্যতায়।

অস্বস্তিভরা আতঙ্কে যেন অসাড় হয়ে গেল সে, একটা আকস্মিক প্রবল আঘাত লাগবার মতো তার স্নায়ুগুলো যেন সমস্ত অস্থিত্ব হারিয়ে বসেছে। বাইরে বৃষ্টির শব্দ—নিমগ্নাচ্ছটার পাতায় তেমনি সমানে চলেছে স্ফাপামির উল্লাস। দ্রুত পদধ্বনির মতো হৃৎপিণ্ডে শব্দ উঠছে অবিশ্রাম। আর কেমন অপূর্ব স্নিগ্ধ ভঙ্গিতে আবার চোখ তুলেই সঙ্গে সঙ্গে নামিয়ে নিয়েছে সীতা। তার গালের লালিমা আরো ঘন হয়ে এসেছে, অপরাধীর মতো আঙুলে জড়িয়ে চলেছে আঁচলটাকে।

এ অসম্ভব, এ অসহ্য। অন্ধুরেই বিনাশ ঘটতে হবে এর। এই শান্ত লক্ষ্মীর মতো মেয়েটির মনকে একবিন্দু কালিমার হাত থেকেও বাঁচাতে হবে তাকে।

—আর কিছু বলবে সীতা?

সীতা বললে, হঁ।

—কী বলবে?—এবার চেষ্টা করেই যেন সহজ হওয়ার ভাবটা আনতে হল গলায়। প্রায় অক্ষুট স্বরে সীতা বললে, আমি আপনার কাছে পড়ব।

—আমার কাছে?

—হ্যাঁ—সীতার লজ্জিত চোখে এবার অহুনয়ের আকৃতি রূপ পেল : আমাদের একটু ইংরেজি পড়িয়ে দেবেন। যদি আপনার খুব অস্থবিধে না হয় তা হলে কাল দুপুর বেলায়—

কাল দুপুর বেলায়। সমস্ত অস্থিত্ব চমকে উঠল। ফাঁস পড়ছে, এসেছে প্রথম পাক। এখনি একে ছিন্ন করা উচিত। এমনি রুঢ়ভাবে বলে দেওয়া উচিত তার সমস্ত নেই, দুপুর বেলা তার নির্জন ক্যাম্পে একটি কুমারী মেয়েকে পড়াবার বিপজ্জনক দায়িত্ব সে নিতে পারে না।

কিন্তু সীতার চোখের দিকে তাকিয়ে একটা কথাও বলতে পারল না সে। নিজের মধ্যে যে প্রবল প্রতিবাদ উঠেছিল, নিজের অজ্ঞাত্তেই তা আশ্চর্য ভাবে তিমিত হয়ে গেল।

—আচ্ছা, এসো।

বৃষ্টির জোরটা কমে গেছে, কিন্তু ঝিরঝির করে পড়ছে তখনো। সীতা আর দাঁড়ালো না, দ্রুত বেরিয়ে চলে গেল ঘর থেকে।

বুটি থামল। বিকেল এল, এল সন্ধ্যা। রঞ্জনের যেন বিছানা ছেড়ে উঠতে ইচ্ছে করছে না আজ। সমস্ত দেহমন যেমন ক্লান্তি, তেমনি প্রাণিতে আচ্ছন্ন হয়ে আছে তার। এ কী হচ্ছে—এ কোন্ দুর্বলতার বীজ বপন করতে যাচ্ছে সে। জানে এর কোনো পরিণাম নেই, নেই এর কোনো সার্থক পরিণতির ছোতনা। অনর্থক জীবনে জেগে থাকবে ক্ষতরেখা, অকারণে আর একটি মেয়েকে চিরদিনের মতো ক্ষতিগ্রস্ত করে রেখে যাবে। পড়ানো নিয়ে যার শুরু, তার শেষও কি সেইখানে ?

ছি ছি, এ হতেই পারে না। মন নিয়ে দোলা খাওয়ার মতো কাঁচা বয়েস তার কেটে গেছে। কাজ, অনেক কাজ। দরকার হলে কঠিনভাবে বা দিয়ে মোহভঙ্গ ঘটিয়ে দিতে হবে মেয়েটার।

কী করবে কাল ? এলে বলবে, তুমি চলে যাও ? অথবা বলবে—

কিন্তু কিছুই বলবার দরকার হল না আর।

ছপ ছপ করে একরাশ জলকাদা ভেঙে শশব্যস্তে প্রবেশ করলেন দারোগা। আনন্দ-সচ্ছল স্বরে জানালেন, রঞ্জনবাবু, কনগ্র্যাচুলেশন্স্।

—কনগ্র্যাচুলেশন্স্।—রঞ্জন চমকে বিছানার ওপর উঠে বসল : ব্যাপার কী ?

—স্বার্থপরের মতো আপনাকে আটকে রাখতে পারলেই খুশি হতাম আমরা। কিন্তু তার উপায় নেই আর।

—হেতু ?

—আপনার রিলিজের অর্ডার এসেছে।

—রিলিজ। চমক আর অবিশ্বাসে উচ্চকিত চোখে চেয়ে রইল রঞ্জন।

—তিন ঘণ্টার মধ্যেই—You are to start। তারপর সকালের ষ্টেনে কলকাতা। আলিপুর সেনট্রাল জেল থেকে আপনাকে খালাস দেওয়া হবে। এমার্জেন্সি অর্ডার।

—কিন্তু এত শর্ট নোটিসে ? আমার জিনিসপত্র—

—সব ব্যবস্থা করব, কিছু ভাববেন না। Congratulations again। কিন্তু আমাদের ভুলে যাবেন না রঞ্জনবাবু। অপরাধ অনেক করেছে, যোগ্য মর্যাদাও দিতে পারিনি। সেজন্তে দায়ী আমরা নই, দায়ী আমাদের—যাক, মনে রাখবেন দয়া করে।

লণ্ডনের আলোয় পুলিশের দারোগার নিষ্ঠুর কঠিন চোখও চকচক করে উঠল নাকি ?

পদ্মার স্রোতে নৌকো ভাসল রাত এগারোটায়।

কিন্তু কী আশ্চর্য, ঘটনাটা ঘটল ঠিক তারই পূর্ব মুহূর্তে। যাত্রার সঙ্গী হয়ে এলেন না দারোগা সাহেব স্বয়ং, তার পরিবর্তে এল এ-এস-আই সুধীর দাস।

—কী মশাই, দারোগা সাহেব কোথায় ?

স্বধীর যেন একটু একটু হাঁপাচ্ছিল বললে, তিনি আসতে পারলেন না। আমিই এসকর্ট করে নিয়ে যাবো আপনাকে।

—কেন ?

—একটা কাণ্ড হয়ে গেছে মশাই। ওপারে এক জমিদার আছেন, ডাকলাইটে হুঁদে লোক। খুন করাতে পারেন চোখ বুজে, এককাল তো প্রজাদের ভিটেতে কলাই বুনেই এলেন তিনি। এবারে উণ্টে পড়ছে তাঁর পাশা। গাঁয়ের হিন্দু-মুসলমান শ' চারেক লোক মিলে তাঁর বাড়ি অ্যাটাক করেছে। তিনিও ভেতর থেকে বন্দুক চালাচ্ছেন সমানে, একটা খণ্ডযুদ্ধ হচ্ছে। সেই খবর পেয়েই দারোগা সাহেব ছুটে গেলেন। ওদিকে আবার আপনাকেও নিয়ে যেতে হবে, তাই আমি এলাম।

—বলেন কি, খণ্ডযুদ্ধ !

স্বধীর দাস একটা বিড়ি ধরালো : কে জানে মশাই, হাওয়া যে এখন কোন্ দিকে যাচ্ছে। দুদিন বাদে কী যে ঘটবে কিছুই তো বুঝতে পারছি না। নইলে এই নয়শত্বে আর নিকারীরাও সহায়রামবাবুর মতো বাধা লোকের বাড়ি অ্যাটাক করতে সাহস পায়। ছোটলোকের যে রকম তেজ বেড়েছে তাতে কোনোদিন বা ছুনিয়াটাকেই পাল্টে দেয় এরা।—স্বধীর বৈরাগ্যভরে বিড়ির ধোঁয়া উড়িয়ে দিলে।

রঞ্জন চূপ করে রইল। কোথায় যেন একটা সমাধান হয়ে যাচ্ছে। মনের বিশৃঙ্খল হৃদয়গুলো যেন জুড়ে যাচ্ছে একসঙ্গে—রূপ নিচ্ছে একটা হুনিশয়তার।

পদ্মার শ্রোতে নৌকো চলল এগিয়ে।

আবার বাইরের পৃথিবীতে তার বিস্তৃত উদার আক্রমণ। এই মুক্তি। বুকভরা অশ্রান্ত জ্বালা বাতাস টেনে নিতে পারছে সে। নৌকো ভেসে চলেছে পদ্মার বন্ধনহীন শ্রোত-প্রবাহে। এপাশে আফিঙের বিবাক্ত নেশার মতো তন্দ্রাচ্ছন্ন বাংলার দেহে তার নতুন কর্মক্ষেত্র ; ওপাশের সীমানাহীন জলের বিস্তারে যেন তারই দূরধিগম্যতার ব্যঞ্জনা।

সীতা কাল ছপুরে আসবে বলে গিয়েছিল।

ও কিছু না। পথ চলতে চলতে অমন দু-চারটে লতা পায়ে জড়িয়ে ধরেই। তাদের ছিঁড়ে ফেলে এগিয়ে চলাই তো জীবন। মুক্তি। ডাকছে জনবহুল, কর্মবহুল পৃথিবী। কতদিন সে দেশের রাজনৈতিক জীবন থেকে বিচ্ছিন্ন হয়ে আছে। সে ক্ষতি পূরণ করে নিতে হবে—সময় নেই তার। ফিরতে পারবে না, পারবে না পেছনের নীড়ে তাকাতো। দেশ জুড়ে চলেছে জন-জগন্নাথের রথ, কালের যাত্রা। সেই রথযাত্রায় পেছনের ভিড় তাকে ঠেলে নিয়ে যাবে ; নিয়ে যাবে তারই আদর্শ আর ব্রতচর্যার নিভুল লক্ষ্যে।

কিন্তু—

ও কিন্তথাক। সীতা ভুলেযাবে। হয়তো কালই। নয়তো বড়জোর এক বছর। আর

মিতা প্রতীক্ষা করে আছে। সীতার মধ্যে উষার পুনরাবিত্তাব বুঝি দেখেছিল—সাত ভাই চম্পার স্বপ্নের সঙ্গে সঙ্গে তা হারিয়ে যাক্। মিতা। রজনীগন্ধার মৃত্যু হয়েছে আত্মবিলাসের রাজ্যে। মিতার দৃষ্টি-প্রদীপে আজ সূর্যমুখীর তপস্তা। দুরূহ পথে নিত্য সহচারিণী সে :

“This is our day ; So turn my Comrade turn

Like infant eyes, like sunflower to the light !”

স্রোতের টানে নৌকো চলেছে সম্মুখে। পেছনে থানার আলোটা মিলিয়ে এল—অন্ধকারে তলিয়ে গেল ভাঙা মঠের নির্বাক মূর্তিটা। তমসাবৃত জনপদে বিস্তীর্ণ বিপুল ভারতবর্ষ—তার নতুন কর্মক্ষেত্র, খড়াধার জলতরঙ্গে গণ-সমুদ্রের ডাক।

কিন্তু ও কি। নৌকোর মধ্যে থেকে হঠাৎ সকলেরই চোখ পড়ল ওদিকের আকাশে। বহুদূরে কোথায় আঙুন লেগেছে। দিক্চক্রবাল ধরেছে একটা প্রেত-পিঙ্গল মূর্তি—দৈত্যের ছিন্ন হৃৎপিণ্ডের মতো তার ওপরে থেমে আছে রক্তমেঘ। আঙুনের এক-একটা বিসর্পিত শিখা কতগুলো লোলুপ আঙুলের মতো আকাশ থেকে কী যেন ছিনিয়ে নিতে চাইছে। সচকিতে রঞ্জন বললে, সেই জমিদার বাড়িতেই আঙুন লাগল নাকি ? ও সূর্যবাবু। সূর্যবাবুর কপালে ভ্রুটি ফুটে উঠল।

—কে জানে মশাই। তবে সহায়রামবাবুর বাড়িটা ওই দিকেই বটে—শুকনো গলায় সে জবাব দিলে।

রঞ্জনের মন ছলতে লাগল, হঠাৎ আলো হয়ে উঠল দৃষ্টি। অপমানিত নিশিকান্তেরা কি জেগে উঠেছে, আত্মহত্যার হাত থেকে কি মুক্তি পেয়েছে ফৈয়জ মোল্লার দল ? ওই তো—ওই তো তারই সংকেত—আগামী প্রভাতে ক্রান্তি-সূর্য আগবার আগে অগ্নিদীপিত পূর্বরাগ : “Sky-high a signal flame—”

এর পর ?

এরপর তো একা রঞ্জন আর কোথাও নেই। আর নয় ব্যক্তিসত্তার কাহিনী। এতক্ষণে রঙীন বৃষ্টি-দুটা এইবারে মিলিয়ে যাচ্ছে আদিগন্ত ধরপ্রবাহে। এরপর সে সকলের। তার ইতিহাস সাড়া দেবে লক্ষ লক্ষ সংগ্রামী মানুষের সঙ্গে, তার পরিচয় সর্বজনীন প্রাণবিক্ষোভে, তার পথের আত্মান পাঠাচ্ছে ওই রক্তপিঙ্গল শিখালোলুপ আগ্নেয়-দিগন্ত। সীতা আজ মৃত অতীত হয়ে পড়ে রইল কবি রঞ্জুর গীতি-কবিতার খাতায়। আর ওই আঙুনের পর্বে মিতা তাকে ডাক দিয়েছে, তার হাতে অনির্বাণ বিপ্লবের রক্তমণ্ডল। ব্যক্তিমানেদের এই কাহিনীটুকুই তারই প্রস্তুতি-পর্ব।

অগ্নিরেখ-আকাশের চন্দ্রাতপ মাধার ওপর। আঙুনের ফুল্কির মতো দপ দপ করে জলছে সত্যের স্বাক্ষর—লক্ষ লক্ষ, কোটি কোটি নক্ষত্রের শিলালিপি।

লাল মাটি

আমার শৈশবে হারানো মা-কে

‘শিলালিপি’ উপস্থানের সঙ্গে ‘লাল মাটি’র
কাহিনীগত সম্পর্ক অত্যন্ত ক্রীণ, শুধু ভাবগত
যোগত্ব আছে মাত্র। হতরাং ‘লাল মাটি’
বয়ঃসম্পূর্ণ উপস্থান।

কথামুখ

চৈত্রেয় বাতাসে ধুলো ওড়ে—রাশি রাশি লাল ধুলো। তালবীথি আর শালবন কাঁপানো দমকা হাওয়া যেন হোলি খেলার উল্লাসে উড়িয়ে দেয় ফাগের গুঁড়ো। বর্ষায় তা-ই রক্তচন্দন; কাঁকড়া কাঁকড়া অশথ-বটের একশ বছরের পুরনো ডাল-পালার বৃষ্টির ঝাপটা লাগে—বরিন্দের এই নিঃসীম মাঠকে মনে হয় কোনো কাপালিকের মূর্তি—ভাঁড়া বা নালায় মুখ দিয়ে তীরবেগে ছুটে-চলা জলধারা একখানা বাঁকা খজুর মতো ঝিলিক মারে বিদ্যাতের উচ্ছলতায়।

কোনো মরা নদীর শুকনো গর্ভের মতো বিলুপ্ত সভ্যতার অস্থিচূর্ণবাহী নরেন্দ্রভূমির মরা মাটি। হঠাৎ কখনো কখনো মনে হয়, একদিন একটা রক্তসমুদ্র ঢেউ তুলে তুলে ছলত এইখানে; যেন সৃষ্টির আদিতে ফুটন্ত সোরা-গন্ধক-লাভা-তরঙ্গের মতো। তারপর আস্তে আস্তে থেমে গেল তার উৎক্ষেপ, নিবে গেল তার উত্তাপ। রক্ততরঙ্গ রূপায়িত হল উঁচু ডাঙা আর নিচু ঢালের খামখেয়ালীতে। পাল-তোলা সভ্যতার জাহাজ থমকে গেল সেই সঙ্গে, জরাজীর্ণ হতে লাগল ক্ষমাহীন সূর্যের আলোয়—তারপর তার ভাঙা হাড়-পাঁজরা রেণু রেণু হয়ে ছড়িয়ে গেল দিকে দিকে।

আজ বরিন্দের মাঠ প্রত্নবিদের কোতুহল। এর মজা দীঘির ধারে ধারে আবুল হয়ে খুঁজে বেড়ায় তার সম্বানী দৃষ্টি। এর সিঁদুর মাখানো থানে থানে মুক অতীত হঠাৎ ওঠে মুখরিত হয়ে। পুরনো বটের কোটর যেখানে ফৌপরা হয়ে গিয়ে একটা ফাটা পেটের মতো হাঁ করেছে—তার ভেতর থেকে বেরিয়ে আসা আধখানা শিলাফলক ইতিহাসের অঙ্ককারে ফেলে ম্লান মশালের আলো।

লাঙলের ফালে ফালে ওঠে শিলামূর্তি—কেউ সম্পূর্ণ, কেউ খণ্ড খণ্ড। কুয়ো খুঁড়তে গিয়ে অচল ধর্মচক্র আলোর দিকে চোথ মেলে তাকায় হাজার বছরের ওপার থেকে। ভরা বর্ষায় দীঘির উঁচু পাড়ি কেটে কেটে বৃষ্টির ধারা যখন নামে, তখন তার সঙ্গে হঠাৎ গড়িয়ে আসে একটুকরো স্বর্ণমুদ্রা: ‘শ্রীশ্রীধর্মপালশ্র’। পাঁচু মিক্রার মুরগীর খোঁয়াড়ের ভলায় একদিন কুড়িয়ে পাওয়া যায় একখণ্ড উৎকীর্ণ তাম্রপট: ‘দেবাচল গ্রামনিবাসী ব্রাহ্মণবংশোদ্ভব সোমদত্তকে দেবী সিংহবাহিনীর মন্দির প্রতিষ্ঠাকল্পে এই ভূখণ্ড দান করলেন চণ্ডিকাভূগৃহীত ক্ষত্রিয়কুলগৌরব ভূস্বামী বহুবল্লু’।

শুধু তাই নয়, কাঠবাড়ায় আর পুরনো নিমগাছের ছায়ার নিচে, স্বর্ণলতায় ছাওয়া লাটাবন আর মনসা কাঁটার আবেষ্টনে ভাঙা দরগা তাকিয়ে থাকে প্রেতপাগুর দৃষ্টিতে। পুর ছাওলার আঁতুর-গড়া মসজিদের গম্বুজের ফাটলে ফাটলে অন্ধের শিকড় নামে

নাগপাশের মতো। আলাদ-গোথুরের ফোকরভরা ভাঙাচুরো উঁচু জাঙাল ‘শাহী মড়ক’ নাম নিয়ে আকাশের দিকে মুখ ভ্যাংচায়।

সভ্যতার ঋশান এই বরিন্দের মাঠ।

একদা গৌরবাঘিত ছিল জনপদে আর লোকালয়ে; বিভাষ আর সংস্কৃতিতে; শিল্পে আর বাণিজ্যে। সেদিনের সেই উজ্জল প্রজ্ঞার নিদর্শনের মতো স্তব্ধ হয়ে দাঁড়িয়ে রুকন-পুরের অতিকায় শিলাগঠিত দীপস্তম্ভ। একমণ ঘি আর একখান কাপড় দিয়ে আজ আর সেই দীপস্তম্ভে প্রদীপ জেলে দেয় না কেউ, কবে একদিন সে প্রদীপ বুক-জলে নিবে গেছে—আর সেই সঙ্গে গোড়ের প্রাসাদেও ঘটেছে দীপনির্বাণ—বরেন্দ্রভূমির বুকে ছড়িয়ে গেছে বিস্মৃতির নিশিপট।

আর ডাকে বান। বছরের পর বছর লক্ষ লক্ষ কিউসেক জল নামে বরিন্দের ঢালু মাঠের ওপর। মহাসাগরের রূপ ধরে। দেশী গাড়োয়ানের গরুর গাড়ির লিক তলিয়ে থাকে তিরিশ হাতের জলের নিচে। এলোমেলো বাতাসে বাদাম তোলে পশ্চিমা মাঝিদের নৌকো।

একদিন এই নদীগুলি ছিল বরিন্দের বাণিজ্যপথ—তার জীবনসরণি। কিন্তু শুকিয়ে আসছে দিনের পর দিন। পলিমাটি পড়ে গর্ত যতই ভরাট হয়ে উঠছে—ততই বস্তার উজ্জ্বলিত জলধারাকে ছড়িয়ে দিচ্ছে দিকে দিকে। অভিশপ্ত বরিন্দের মাঠ যেন আত্ম-বিস্তার করতে না পেরে আত্মহত্যা করে চলেছে।

বাংলা দেশের প্রাচীনতম মৃত্তিকা। রাঢ়-বঙ্গ যখন অবগুষ্ঠিত জলায় আর বাদাবনে—সেদিন সভ্যতার আলোয় উদ্ভাসিত এই লাল মাটি—বরেন্দ্রভূমি। একদিকে যখন কষাড়জলের মাঝখানে জলন্ত বাঘের চোখে আর হোগলার চড়ায় কুমীরের লেজ-ঝাপটানিতে প্রাগৈতিহাসিক সংগ্রাম, তখন এর রাজপথ দিয়ে গোড়াবনীবাসবের চতুরঙ্গ গৌরবে রণযাত্রা।

জৈন-ভীষ্মকরদের পদচ্ছায়ায় ভিক্ষু ককণাশ্রীর ধ্যান-বিলীন সৌম্যমুর্তি; সংবৎসবির মণিভঙ্গের উদার কণ্ঠে মুখরিত জ্রিপিটকের পবিত্র বাণী; একলাখী আর সোনা মসজিদের উচ্চশীর্ষ থেকে আজানের প্রভাতী ঘোষণা—একলক্ষ মাহুঘের সমবেত একটা সশ্রদ্ধ ছবি।

শুধু কি ক্ষয় আর মৃত্যুর ইতিহাস?

না।

বরিন্দের রাঙা-রাড়ির মাঝখানে দিগবিকীর্ণ একটি দীঘি—দীবোর দীঘি তার নাম।

টু বিচূর্ণ বিক্ষম প্রাচীন প্রাকার : তার নাম ভীমের জাঙাল।

নিঃশব্দ ইতিহাস মুখর হয়ে ওঠে অকস্মাৎ।

রাজা দ্বিতীয় মহীপাল । মহারাজচক্রবর্তী ধর্মপাল-দেবপালের বংশে মৃতিমান কুল-কলঙ্ক । মদ্রপ, লম্পট, অভ্যাচারী । নারীমাংস-লোলুপতায় তার তুলনা নেই । একদিকে যেমন একজন সূক্ষ্ম প্রজা একটি মুহূর্ত শান্তিতে কাটাতে পারে না, অন্যদিকে একটি হুন্দরী নারী নিশ্চিন্তে ঘুমতে পারে না একটি রাজ্রিতেও ।

তারপর একদিন আশুন জলল । অহল্যা মাটির পাষণ্ড বৃকের ভেতর থেকে বিদীর্ণ হল আশ্রয়গিরি । বাংলার মাটিতে প্রথম সার্থক গণবিপ্লব—শূদ্রশক্তির উদ্বোধন ।

ইতিহাসের পাতায় তার নাম 'কৈবর্ত-বিদ্রোহ' । শুধু তাই বলে এই বিদ্রোহ একটা বিশেষ শ্রেণীগতই ছিল না, তার সঙ্গে হাত মিলিয়ে দিয়েছিল শ্রেণীবর্ণনির্বিশেষে সমস্ত শোষিত মানুষ ; দিব্যোকের নেতৃত্বে বিক্ষুব্ধ কৈবর্তশক্তি চূর্ণ-বিচূর্ণ করে দিলে রাজা দ্বিতীয় মহীপালের রাজপ্রতাপ—নিজের রক্ত দিয়ে এতদিনের সঞ্চিত ঋণ শোধ করতে হল মহীপালকে । প্রকৃতিপুঞ্জের প্রতিনিধি দিব্যোক স্ববলে আয়ত্ত করলেন গোড়ের সিংহাসন, ভ্রাতৃপুত্র ভীমের ভীমভূজ রক্ষা করতে লাগল এই নতুন রাষ্ট্রকে ।

দীর্ঘস্থায়ী হয়নি সে কৈবর্ত-রাষ্ট্র । কিন্তু শত শত বছর পরে আগামী পৃথিবীর হুচনা এঁকে দিয়ে গেছে কাল-পুরুষের অক্ষয় পাণ্ডুলিপিতে । স্বাক্ষর রেখে দিয়ে গেছে গণ-মানবতার—ওই মজে-আসা দীবোব দীঘিতে, আর শিলামণ্ডিত জয়ন্তস্তে, দিগ্‌বিস্তীর্ণ ভীমেব জাঙালে । ভবিষ্যতের মানুষের কাছে পূর্বগামীদের প্রেরণা ।

সেই প্রেরণাই কি পেয়েছিল তারও কয়েকশো বছর পরে আদিনার সাঁওতালেরা ? অনাথ শক্তি কি নতুন করে খুঁজেছিল আত্মপ্রকাশের পথ ? জিতু সাঁওতালের ভেতর দিয়ে আত্মঘোষণা করতে চেয়েছিল দিব্যোকের বিদ্রোহী প্রেতসত্তা ?

না । লাল মাটি শুধু তো মৃত-কালের একটা স্তব্ধ সমুদ্রই নয় । বরিনের মাঠে মাঠে শুধুই তো আকীর্ণ নেই মৃত-সংস্কৃতির পঞ্জরাস্থি । নদীর বাঁধভাঙা বজায় বজায় শুধুই তো স্ফুটন হয় না নতুন কোনো আত্মহত্যার ইতিহাস ।

লাল মাটি । রক্তচন্দনের তিলক-পরা জটামণ্ডিত কাপালিক । ডাঁড়ার জলধারায় উচ্চকিত তার খর-খড়োর দীপ্তি । একটা নতুন সত্যের—নতুন পৃথিবীর সাধনাই সে করে চলেছে । মৃত-কালের শবদেহে তার তন্ত্রাসন—নিশিরাত্তের আলোয়ার আলোয় তার চোখ সংস্কৃতির এই বিপুল ঋণশানে অস্থি-অক্ষ সন্ধান করে ফেরে ।

আর অন্ধকারে চোখ মেলে রাখে রুকনপুত্রের দীপস্তম্ভ । তাকিয়ে থাকে দীবোর দীঘির জয়ন্তস্তের দিকে । প্রদীপ আর পতাকা । তারা কত দূরে যারা নতুন করে আবার দীপ জেলে দেবে, কোথায় ঘুমিয়ে আছে তারা—যারা নতুন স্বজাতি উদ্ধৃত্যে স্পর্ধা করবে আকাশকে ?

ঝোড়ো হাওড়ায় পুরনো অশ্বখ-বটের ডালে-পালায় রক্ত-তাম্রিকের জটা ঝুলে ওঠে ।

মেঘের ডাকে শোনা যায় তার গুরু গুরু স্বর : তারা আসছে।

উগ্র ভয়ঙ্কর আলোয় চারদিক জ্বলিয়ে দিয়ে তালগাছের মাথায় বজ্র পড়ে। চড়চড় করে ফেটে যায় খানিকটা মাটি—তীব্র পোড়া গন্ধ ছড়িয়ে যায় দিকে দিকে। সামনে বঁাকা খড়্গের মতো ডাঁড়ার জলটা ঝিকিয়ে ওঠে আর একবার, লাল মাটির একটা ঝড় ছ হ করে ছুটে যায় দীর্ঘশ্বাসের মতো।

এক

শন্-শন্-শন্—

একটার পর একটা তীর চলেছে। ঘাসের বন ভেঙে-চুরে জানোয়ারটা যতই পালাতে চেষ্টা করুক, আজ আর রক্ষা নেই ওর। সাঁওতালেরা নিভূঁল বৃহ-রচনা করেছে চারদিকে। যেন শব্দভেদী বাণ ছুঁড়ছে ওরা—প্রত্যেকটি তীর গিয়ে লাগছে লক্ষ্যস্থলে।

বুনো শুয়োরটা দেখল আর আশ্বগোপনের চেষ্টা করা বৃথা। এদিকের ঘাস-বন তোলপাড় করে সে লাফিয়ে পড়ল বাইরের ফাঁকা মাঠের ভেতরে। ততক্ষণে তার নোংরা বিশাল শরীরটায় গোটাভিনেক তীর কাঁপছে থর থর করে—ঘন রক্ত সারা গায়ে তার জমে আছে রক্তজবার একটা মালার মতো।

নিভাত্তই দুবুঁকি, তাই এই তল্লাটে একটা বুনো ওলের গোড়া খুঁড়তে এসেছিল সে। তাতেও যথেষ্ট হয়নি—একটা রাখাল ছেলেকে একটু দূরে দেখতে পেয়েই ঘোঁত ঘোঁত করে তাড়া করেছিল তাকে। গায়ে বেশি চর্বি থাকার জন্যেই হোক কিংবা রোদের তাপটা একটু বেশি প্রবল বলেই হোক, তার মাথাটা অত্যন্ত গরম হয়ে উঠেছিল তখন। ছোকরাকে আয়ত্তের মধ্যে পেলে ধারালো দাঁতে তার পেটটাকে তৎক্ষণাৎ একেবারে ছিন্নভিন্ন করে ফেলত সে।

কিন্তু কাছাকাছি একটা বাবলাগাছ ছিল, তাই রক্ষা। ছোকরা এক লাফে তাইতেই উঠে বসল। শুধু উঠে বসল তাই নয়—প্রাণপণে চিংকার শুরু করলে সেখান থেকে।

দূরে কাঁদড়ের পাশ দিয়ে মহা-বনে হরিয়ালের খোঁজে চলেছিল জোয়ান মাঝি একদল। চিংকারটা কানে গেল তাদের। হৈ হৈ করে দৌড়ে এল তারা।

ততক্ষণে নিজের ভুল বুঝেছে বুনো শুয়োর। উর্ধ্বশ্বাসে পালাবার চেষ্টা করতে গিয়ে চুকে পড়েছে ঘাসবনের এই ফালিটুকুর মধ্যে। তার পর থেকেই চলেছে এই চক্রবৃহের আক্রমণ।

নিরুপায় হয়ে মাঠের মধ্যেই সে লাফিয়ে পড়ল তারপর। জবার মালার মতো থকথকে রক্ত তার সারা গায়ে। ঘোঁত ঘোঁত করে আওয়াজটা যন্ত্রণার গোষ্ঠানিতে

পর্যবসিত হয়েছে এতক্ষণে।

শাঁ করে আর একটা তীর এসে। বঁধল তার চোখের ওপর। অন্ধের মতো শেষ-আক্রোশে সম্মুখের লোকটার ওপর সে বাঁপ দিয়ে পড়তে গেল। ছিঁড়ে টুকরো করে দেবে তাকে—নেবে মর্মান্তিক প্রতিহিংসা। কিন্তু সে চেপ্টা করবার আগেই চক্ষের পলকে আর একটা তীক্ষ্ণ ফলক এসে তার ফুসফুসটাকে ভেদ করে দিলে—হাঁটু ভেঙে মুখ খুবড়ে পড়ে গেল সে—থর থর করে কাঁপতে লাগল সারা শরীর।

তীর ছুটে এল শন শন করে—একটার পর একটা। কখন যে নিজের সঙ্কুচিত দেহটাকে প্রশারিত করে দিয়ে চিরদিনের মতো স্থির হয়ে গেল, নিজেই জানে না সে। সমস্বরে অয়ধ্বনি তুলল সাঁওতালেরা।

আর ঠিক সেই সময়ে, মেঠো পথ দিয়ে যেতে যেতে সকৌতূহলে সেখানে সাইকেলটা থামাল রঞ্জন—কর্মী রঞ্জন চট্টোপাধ্যায়। আগ্রহ-ভরে জানতে চাইল : কি রে, কি শিকার পেলি তোরা ?

—বরা, বাবু—একমুখ হেসে অবাব দিল একজন।

—বেশ বড় তো।—রঞ্জন ভীতি-মেশানো চোখে তাকিয়ে রইল শুয়োরটার দিকে।

—হ্যাঁ বাবু, খুব বড়।—আর একজন আঙুল দিয়ে দেখিয়ে দিলে—দাঁতাল।

আমরা সময়মতো এসে না পড়লেই শালা উ ছোকরাকে মেরে ফেলত একদম।

রাখাল ছেলেরা তখন কাছাকাছি দাঁড়িয়ে ছিল। সামনের দিকে একটা সাদা কাপড়ের ফালি ঝুলছে, তা ছাড়া আর কোনো পরিধেয়ই নেই তার। দু কানে দুটো তামার বীরবোলি—তার একেবারে আদির বেশ-বাসের সঙ্গে ও-দুটোকে কেমন বেখাপ্পা বলে মনে হয়। হাতে তার একটা পাচনবাড়ি—উত্তেজিতভাবে তখনো ঘন ঘন নিশ্বাস ফেলছিল সে।

ওদের কথাবার্তা শুনে এগিয়ে এল। অত্যন্ত বীরের মতো সজোরে গোটা দুই লাথি মারল শুয়োরটার পেটের ওপর। ধূলিমলিন কালো পায়ে জড়িয়ে গেল একরাশ জমে-আসা ঘন রক্ত।

বললে, আমাকে মারবি ? মার শালা, মার ইবারে।

রঞ্জন হাসল—খুব জোয়ান দেখছি যে। এই, কি নাম তোর ?

পায়ে শুয়োরের রক্ত মেখে ছেলটো তখনো বীররসে উদ্দীপ্ত। সগর্বে বললে, বীরুয়া।

একজন জানিয়ে দিল পরিচয়টা—উ টুলকু মাঝির ব্যাটা। উর বাপের কথা জানো না ? সেই যে মাঝিটা—ফতে শা পাঠানের পাইককে খুন করে হাজতে গেল ?

মনে পড়ল ঘটনাটা। মাত্র বছর দুয়েক আগে। এ অঞ্চলের নামকরা অমিদার ফতে শা পাঠান। দুর্জনে বলে, সোনা দীঘির হাটের পথে নিজের লোক লাগিয়ে বাপকে খুন

করায় সে, তারপর দখল করে জমিদারী। পিতৃহত্যার রক্ত হাতে মেখে নিঃসঙ্কোচে সে তার রাজ্যপাট চালিয়ে যাচ্ছে।

এমন লোকের সঙ্গে প্রজাদের সম্পর্ক যে খুব মধুর থাকবে না, সে বলাই বাহুল্য। কিন্তু সাঁওতালরা মোটের ওপর জমিদারের সামিথ্য থেকে দূরেই ছিল অনেককাল। কুঁজি-কাঁটা আর ইকড় ঘাসে ভরা পতিত জমিতে বাস্তু বেঁধে বাস করতে অভ্যস্ত এই যাযাবরের দল। সামান্য ক্ষেত-খামার আর শিকার করেই এদের দিন কাটে। বেশির ভাগ ক্ষেত্রেই জমিদার এদের কাছে প্রত্যাশা রাখে না—এরা খুশি মতো এক সের তামাক কিংবা দুটো একটা তিত্তির নজর দিয়ে আসে কখনো-সখনো।

কিন্তু ফতে শা পাঠানের জমিদারী মেজাজ হঠাৎ যেন দিল্লীর শাহেনশা বাদশাহের মতো চড়ে উঠল। গরুর গাড়ি করে আসতে আসতে তিনি দেখলেন, মাঠের একটা অংশে মটর-কলাই একটি ঘন সবুজের ছবি এঁকে রেখেছে।

ফতে শা জানতে চাইলেন : ও জমি কার ?

বিশ্বস্ত বাদিয়া বরকন্দাজ বললে—হজুরেরই।

—আহাম্মক !—ফতে শা খানিক থুথু ছিটিয়ে বললেন, জমি যে আমার, সে আমি জানি। রায়ত কে ?

—জী, সাঁওতাল।

—সাঁওতাল ?—একবার চোখ তুলে তাকালেন ফতে শা : খাজনা দেয় কত ?

—কিছুই না—

—কিছুই না ? কেন ?—চোখ লাল করে জানতে চাইলেন ফতে শা : আমার প্রজা, অথচ খাজনা দেয় না ?

—জী, ওটা পতিত জমি।

—পতিত জমি ?—ফতে শা গর্জন করলেন : কিন্তু ঋয়তী তো নয়। জমি আমার। পতিত হোক যাই হোক—চাষ দিতে কে বলেছিল ওদের ? খাজনা চাই।

—সাঁওতালরা ক্ষেপে যাবে হজুর—

—ডরপোকা কুত্তার দল—চেষ্টা নিয়ে উঠলেন ফতে শা : নেমকহালালের বাচ্চা ! সাঁওতালের ভয়ে ল্যাজ গুটিয়ে আছিস। খাজনা চাই আমার—কালই যেন পাইক আসে।

পাইক এল পরের দিন।

ভদ্র ভাষায় কথাবার্তা বললে হয়ত রফা একটা হতে পারত, কিন্তু ফতে শা পাঠানের পাইক-বরকন্দাজদের শিক্ষাদীক্ষা অস্তু রকম। তা ছাড়া খুনখারাপী করা বাদিয়া, কাউকে বরদাস্ত করবার বান্ধাই নয়। ফলে শেষ পর্যন্ত একটা ভীন্ন এসে মহবুবপাইকের

গলা একোঁড় ওকোঁড় করে দিলে। পুলিশ এসে চালানদিলে টুলকুকে—দশ বছর হাজত হয়ে গেল তার।

সেই টুলকুর বাটা এই ধীরুয়া! রঞ্জন একবার অজ্ঞানমুগ্ধ ভাবে তাকাল ধীরুয়ার দিকে। কেউটের বাচ্চা কেউটে? বিষ সঞ্চয় করে প্রস্তুত হচ্ছে দিনের পর দিন—বরিন্দের প্রান্তে প্রান্তে, লাল মাটির টিলার আড়ালে-আবডালে?

চমক ভেঙে গেল।

শাওতালদের একজন বললে—বারু, আজ রাতে আমাদের পাড়ায় তুর নিমন্তন।

—ওই শুয়োর খাওয়াবি বুঝি?

—হাঁ, আর পচাই।

—দুটোর একটাও আমার চলবে না মোড়ল—রঞ্জন হাসল : নেমন্তনটা জমা রইল ভবিষ্যতের জন্ত। কেমন?

—হাঁ বারু।

—আচ্ছা—মুহু হাসল রঞ্জন, শেষবার তাকাল টুলকুর ছেলে ধীরুয়ার দিকে। তারপর আবার সাইকেল হাঁকিয়ে ধরল জয়গড় মহলের পথ—হাতে তার অনেক কাজ এখন।

তুই

ধানসিঁড়ির দেশ এই বরিন্দ।

দূর থেকে মনে হয় যেন অতি বিশাল একটা বোঁক প্যাগোডা। ঢেউ-তোলা মাটি চলেছে দিক থেকে দিগন্তে—যতদূর চোখ চলে উঁচু-নীচুর খেলা। ঢেউ-তোলা এই মাঠের বুকে লক্ষ্মীর আঁচল-ঝাড়া ধানের সমারোহ, আলের রেখাগতি দিয়ে বাঁধা ধানক্ষেতগুলি এক একটা সিঁড়ির মতো নেমে এসেছে। ফসল যখন বাড়-বাড়ন্ত হয়ে ওঠে—শরতের রোদ মেখেহিরণ্যলীর্ণগুলি ছুয়ে ছুয়ে পড়ে আলের ওপর, তখন মনে হয় বরিনদের মাঠ জুড়ে কে যেন একটার পর একটা সোনার তূপ সাজিয়ে গেছে। আকাশ থেকে এক এক ছড়া পামার মালা কে ছড়িয়ে দিচ্ছে তাদের ওপর—উড়ে পড়ছে গাঢ়-সবুজ নল-টিয়ার কাঁক।

এই ধানসিঁড়ির ভেতর দিয়ে পাক খেয়ে খেয়ে নেমেছে একটা ফালি পথ। মাহুঘের পায়ে পায়ে ময়ূণ—সূর্যের আলোয় প্রোজ্জ্বল। কোথাও কোথাও পুঁক লাল ধুলোর স্তর পড়ে আছে, তার ওপর সরু সরু সপিল রেখা জড়িয়ে আছে পরম্পরের সঙ্গে। ওর অর্থ বুঝতে গেলে আসতে হবে সঙ্ক্যার পরে—যখন তালবনের মাথার ওপর চাঁদটা ভালো করে উঠে আসবে—যখন অল্প অল্প লুলিয়া বাতাসে ভেসে বেড়াবে বহু দূরে ফোটা কাঁটি-আকন্দের গন্ধ, সেই সময় জুড়িয়ে যাবে দিনের দাবদাহ—মাটির ফোকরের ভেতর থেকে

একটি একটি করে মুখ বার করবে গোথরো আর কেউটের শিশুরা, বায়ু সেবন করবে, খেলে বেড়াবে খোলা পথটুকুর ওপরে। আর যদি মাটিতে টের পায় কোনো দূরগত পদ-শব্দের স্পন্দন, তাহলে তৎক্ষণাৎ আত্মগোপন করবে ধানক্ষেতের আড়ালে।

সাইকেলের ত্রেকটা চেপে ধরে এই ঢালু পথ দিয়ে নামছিল রঞ্জন। লক্ষ্মীর আঁচল-ঝাড়া ক্ষেত দুধারে বিস্তীর্ণ, কিন্তু একটু লক্ষ্য করলেই দেখা যাবে ধান এবারে হুতলী। অসময়ে কয়েক পশলা বৃষ্টি পড়ে পোকা লেগেছে ধানে। শুষ্কির বুকে আঁকড়ে রাখা মুক্তোর মতো ধানের স্নেহকোষে সঞ্চিত শস্যকণাটিকে টেখেয়েছে কীটেরা—এলোমেলো বাতাসে রেণুরেণু তুঁষ উড়ে যাচ্ছে। ক্ষেতের দিকে তাকিয়ে চিন্তিত হয়ে উঠল রঞ্জন। গত বছর বহুশ্রম ফসল গেছে, এবারে যদি পোকায় সর্বনাশ করে, তাহলে মানুষের দুর্গতির কিছু বাকি থাকবে না আর। গেলবার আগাগোড়াই আধিয়ারদের কর্জের ওপর চালাতে হয়েছে; এবারে যদি শোধ না করতে পারে, তাহলে না খেয়ে মরতে হবে দেশহুদ্র লোককে।

ধানের ক্ষেতে সবটাই সোনা নেই—তাতে কলঙ্কের দাগ পড়েছে। অথবা কোনো দিনই সোনা ছিল না—ওর ভেতরে সবথানিই খাদ, সবটুকুই কলঙ্ক। দূর থেকে দেখেছে বলেই বুঝতে পারেনি; মনে হয়েছিল, রৌদ্রপীত স্বর্ণাঞ্চল বুকে টেনে নিয়ে ঘূঁমিয়ে আছেন বজ্রলক্ষ্মী। অনেক কবিতা লেখা হয়েছে তা নিয়ে—অনেক উচ্ছ্বাসে মুগ্ধ হয়েছেন শহরের বক্তৃতামঞ্চ। কিন্তু ক্রমাগত বর্ষা আর ঝোড়ো হাওয়ায় ঝাপটায় ফিকে হতে শুরু করেছে গিলটির রঙ।

কিছু বোঝা যাচ্ছে না। কেমন সন্দেহ হয় একটা আকাল নামছে। আকাশের ওই দিকটাতে মেঘ জমে উঠছে—হয়ত ফাঁকা, হয়ত শেষ রাতের দিকে খানিক বৃষ্টি হতেও পারে। কিন্তু মনে হয় ওটা খেন একটা বিশাল গিল্মী শকুন; সামনের দিকে মেঘের যে অংশটুকুর ওপর রোদ জ্বলছে তা ওরই শানানো চোঁট। শব্দেহের মতো পৃথিবী পড়ে আছে সম্মুখে—শুকনো কৃষ্ণিত চামড়ায় বলিচিহ্নের মতো সাপের রেখা।

এখনই তো তার কাজ। জমি তৈরি হচ্ছে—সময় আসছে এগিয়ে। ঝাঁটনিও বড় বেশি পড়েছে কিছুদিন যাবৎ। কুমার ভৈরবনারায়ণের ওখান থেকে বাস এবার তুলতে হল। গীতাপাঠের অভিনয়টা আর চলছে না। কুমার বাহাদুরও এর মধ্যে সন্দেহ করেছেন বলে মনে হয়।

সেদিন সবে যখন কুমার বাহাদুরের আফিঙের মৌজটা বেশ জমে উঠেছে, ডেক-চেয়ারটায় লম্বা হয়ে গড়গড়ানল নিয়ে তিনি চোখ বুজেছেন, আর বালাখানা তামাকের আমেজে ভারি হয়ে গেছে ঘর, তখন রঞ্জন খুব দরদ দিয়ে তাঁকে গীতা বোঝাচ্ছিল।

কুমার বাহাদুরের ডায়বেটিস আছে। শরীরের কোথাও ইলশে গুঁড়ির ফোঁটার মতো একটা ফুস্ফুড়ি দেখলেই আতঙ্কে লাফিয়ে ওঠেন তিনি, চোঁট দিয়ে ওঠেন : ডাক্তারকে!

বোলাও । আনো ইন্থলিন ।—যত্নাভয় তাঁর নিত্য সঙ্গী । সেই অন্তরঙ্গন তাঁকে কিছুটা আশ্বাস দেবার প্রয়োজন বোধ করেছিল ।

গলার স্বরে যথাসাধ্য আধ্যাত্মিকতা সঞ্চার করেই সে পড়ে যাচ্ছিল :

বাসাংসি জীর্ণানি যথা বিহায় নবানি গৃহাণি নরোপরাণি—

তথা শরীরানি বিহায় জীর্ণাঙ্গস্থানি সংযাতি নবানি দেহী ।...

অর্থাৎ কিনা, হে কৌন্তেয়, জীর্ণ বস্ত্র পরিত্যাগ করে মানুষ যেমন নতুন বস্ত্র গ্রহণ করে থাকে, তেমনি জীর্ণ শরীরকেও ত্যাগ করে মানুষ—ইত্যাদি ইত্যাদি ।

শ্লোকটা কুমার ভৈরবনারায়ণের অত্যন্ত প্রিয়, কারণ মৃত্যুর দুর্ভাবনা এতে অনেকটা যেন লাঘব হয়ে আসে । আত্মা অজরামর—এই সত্যটা অধিগত হলে, সন্দেহ সন্দেহ এ বিশ্বাসও আসে যে মরেই তিনি পত্রপাঠ ফুরিয়ে যাবেন না, তাঁর জমিদারীর স্বত্ব-স্বামীত্ব ভোগ করবার অঙ্ক আবার দেহধারণ করে ফিরে আসবেন মর্ত্যে ।

কিন্তু ডায়বেটিস ভীত কৌন্তেয়—অর্থাৎ কুমার বাহাদুর আজ এমন মনোরম আলোচনাতেও গদগদ হয়ে পড়লেন না । ফরসিতে একটা টান দিয়ে কেমন মিটিমিটি চোখে তাকালেন ।

বললেন—আচ্ছা ঠাকুরবাবু ।

একদিকে বাবু, অন্যদিকে ঠাকুরমশাই—এই দুই মিলিয়ে হিজলবনীর রাজবাড়িতে এই বিচিত্র নামকরণ হয়েছে রঞ্জন—ঠাকুরবাবু । কুমার বাহাদুর যেদিন রাজে একটু বেশি কারণ করেন সেদিন কখনো কখনো ঠাকুরবাবাও বলে থাকেন । রঞ্জনও পিতৃস্নেহে তাঁকে:মোহমুকার শোনাতে আরম্ভ করে । আজ কিন্তু আফিঙের এমন জন্মট নেশায় ঠাকুরবাবু সম্ভাষণের মধ্যেও কেমন একটা দূরত্ব বনিয়ে রইল ।

—বসুন ।

ভৈরবনারায়ণ গড়গড়ায় মুহুমন্দ চূষন করলেন । মুখ খুললেন :

—কাল বুঝি জয়গড় মহলে গিয়েছিলেন আপনি ?

রঞ্জন নড়ে উঠল । সতর্ক হয়ে তাকাল ভৈরবনারায়ণের দিকে ।

কিন্তু তাঁর চোখ ততক্ষণে আবার নেশার আবেশে অর্ধনিম্নীলিত হয়ে এসেছে । মুখে একটা নির্মল নির্লিপ্ততা—গীতাপাঠের নগদ নগদ ফল কিনা কে জানে । শিথিল ভঙ্গিতে পুনরাবৃত্তি করলেন : বেড়িয়ে এলেন বুঝি জয়গড় থেকে ?

রঞ্জন অত্যন্ত সাবধানে উত্তর দিলে । আত্মপ্রকাশ করলে সংক্ষিপ্ততম শব্দে: হঁ ।—আরো কিছু বলবার আগে কুমার বাহাদুরের মনোগত অভ্যর্থনাটা জেনে নিতে চায় সে ।

কুমার বাহাদুর কিন্তু বেশি কিছু ভাঙলেন না । তেমনি নির্মল নির্লিপ্ত ভাবে বললেন—তাই শুনলাম । তা জয়গড় বেশ ভালো জায়গাই বটে । যেমন ওর মহড়া-বনটি, তেমনি

ওর নদীর ধার। খাসা জায়গা।

—আজ্ঞে হ্যাঁ।

কুমার বাহাদুর যেন ঘুমিয়ে পড়তে চাইছেন, এইভাবে বললেন : নিন, শুরু করুন তাহলে আবার —হ্যাঁ—কী যেন পড়ছিলেন ? বাসাংসি জীর্ণানি—মানে পুরনো বাসা ত্যাগ করে—

—বাসা নয়, বাস। অর্থাৎ কাপড়। মানে শরীর।

—হ্যাঁ—হ্যাঁ—শরীর।—গড়গড়ার নলটি আবার চুষন করেই ছেড়ে দিলেন কুমার বাহাদুর: তবে জয়গড়ে কয়েকটা বেয়াড়া লোক আছে—একবার দেখতে হচ্ছে তাদের। আর সেই কী বলে নগেন ডাক্তারকেও। সে যাক, আপনি পড়ুন। মানে পুরনো শরীর ত্যাগ করে—

যন্ত্রের মতো পড়েছে অগত্যা, যন্ত্রের মতোই ব্যাখ্যা করে গেছে। শুনতে শুনতে ফরসির নল মুখে করেই ঘুমিয়ে গেছেন ভৈরবনারায়ণ। কিন্তু মনের মধ্যে স্বতি পায়নি রঞ্জন। কুমার বাহাদুরকে সে যতটা চালাক ভেবেছিল, তিনি তার চাইতে আরো কিছু বেশি। যা বলবার, মাত্র একটি কথাতেই পরিষ্কার করে দিয়েছেন; স্পষ্ট করার চাইতে তিনি ইঙ্গিতেরই পক্ষপাতী বেশি।

অতএব বেশিদিন থাকা চলবে না আর। এখন থেকে হ'শিয়্যার না হলে নিজেই জালে পড়ে যাবে। তবু দেখা যাক—।

চিন্তাটা থমকে গেল হঠাৎ। বেশ রুঢ়ভাবেই। ভাবতে ভাবতে কখন অগ্ন্যম্নস্ক হয়ে গেছে—ধানসিঁড়ির ভেতর দিয়ে ঝাঁকা-ঝাঁকা পথটা সম্পর্কে যে আরো একটু সচেতন থাকা উচিত তা তার মনে ছিল না। অসতর্কতার স্বযোগ নিয়ে সাইকেলটা একটা মাটির চাঙাড়ে টক্কর খেল, তারপর সোজা ওকে নিয়ে পাশের ধানক্ষেতে কাত হয়ে পড়ল।

ধানসিঁড়ি সাজানো পালার মতো বরিন্দের মাঠ শব্দ-স্বরভিত্তি হয়ে উঠল। আধখানা ভরা কলসীর জলের মতো আওয়াজ তুলে হেসে উঠল একটি মেয়ে। ট্যাঁ ট্যাঁ শব্দে আর্ত কর্ণধ্বনি তুলে গোটাকয়েক নল-টিয়া ডানা মেলল আকাশে।

হাসছিল কালোশশী।

প্রথম বর্ষীয় প্রাণ পেয়ে ওঠা নতুন লতার মতো চেহারার। উজ্জল—পল্লবিত বরিন্দের রোদ-বাতাস আর বৃষ্টিতে সঞ্জীবিত, রসায়িত মেয়েটি।

রঞ্জন সাইকেল টেনে লজ্জিত মুখে উঠে দাঁড়াতে কালোশশী এগিয়ে এল।

—হাসলি যে ?

কালোশশীর মুখ আবার আলো হয়ে উঠল হাসিতে : অমন করে পড়ে যাবি তুই—হাসব না ?

—আচ্ছা, আচ্ছা—মনে থাকবে।—রঞ্জন গম্ভীর হয়ে উঠল : যাবি তো রাজবাড়িতে—দেখা যাবে তখন। বলে দেব কুমার বাহাদুরকে—টের পাবি।

ইঠাৎ ম্লান হয়ে গেল কালোশশী। কুমার বাহাদুরের নাম শুনেই যেন, তার মুখের আলোটা ফিকে হয়ে এল। উজ্জল দৃষ্টির ওপর নামল আশঙ্কার স্তিমিত ছায়াভাস।

—এই বার, গোসা করিসনি। আর হাসব না আমি।

রঞ্জন যেন অপ্রতিভ হল। খুশীতে উজ্জ্বল হয়ে ওঠা শিশুকে একটা ভূতুড়ে মুখোশ পরে ভয় দেখানোর অপরাধবোধটা স্পর্শ করল মনকে। সঙ্গে সঙ্গে কুমার ভৈরবনারায়ণের মুখখানা স্মৃতির ওপরে উদ্ভাসিত হয়ে উঠল একবার। সাধারণ মানুষের মুখের চাইতে প্রায় দেড়গুণ বড়—টকটকে রাঙা তার রঙ; পুরু একজোড়া চৌচৌর ভেতর থেকে দাঁতগুলো এমন ভঙ্গিতে বেরিয়ে থাকে যে অকারণ পুলকে সে মুখে এক আঁচি বিচালি ঝুঁজে দিতে ইচ্ছে করে। হাসির বালাই সেখানে নেই—শুধু খামকা মনে হয় লোকটা বুঝি মাথার ওপর থেকে একজোড়া শিঙ বের করে এখুনি ঝুঁতিয়ে দেবে কাউকে। কালোশশীর দোষ নেই।

সদয় কণ্ঠে রঞ্জন বললে—আচ্ছা, এযাত্রা মাপ করা গেল। কিন্তু কি নিয়ে যাচ্ছিস তুই? বাঁপিতে কি ও?

—একটা মজার জিনিস আছে, দেখবি?—কালোশশীর মুখে আবার আলো ফুটে উঠল।

—মজার জিনিস? দেখি—

কিন্তু ‘দেখি’ বলে দু-পা এগিয়ে গিয়েই ‘বাপ রে’ বলে দশ-পা পেছনে লাফিয়ে পড়ল সে। বাঁপির ঢাকা খুলতেই ভেতর থেকে তীব্র গর্জন উঠল একটা। পরক্ষণেই চাপ-সরে-যাওয়া স্ত্রীন্দের মতো অসহ্য ক্রোধে ফণা দোলাতে লাগল নীলকম্বু রঙের বিশাল একটি কেউটে সাপ—তার ফণার ওপরে চক্ৰচিহ্নটা রোদে ঝলমল করে উঠল।

—কী সর্বনাশ! সাপ।

কালোশশী ততক্ষণে ক্ষিপ্ত হাতে বাঁপি বন্ধ করে দিয়েছে। বললে—এখুনি ধরলাম কিনা—তাই এত তেজ। কামিয়ে দিতে পারলে আর অত মেজাজ থাকবে না।

—সে কি! এখনো ওর বিষদাঁত আছে তাহলে!—সভয়ে রঞ্জন বললে, যদি কামড়াতো?

—কামড়াবে কেন রে?—সগর্বে কালোশশী বললে, বেদের কাছে কি সাপের চালাকি চলে বারু? ওর মতন গণ্ডা গণ্ডা সাপ নিয়ে আমার কারবার।—কালোশশী মুহূ হাসল : চারটে পয়সা দিবি বারু? তাহলে এখনি ওকে নিয়ে খেলা দেখিয়ে দিই।

—দরকার নেই, যথেষ্ট হয়েছে।—তেমনি আতঙ্কে রঞ্জন বললে, তোকে চার পয়সা

দিতে যাব কেন ? আমাকে কেউ চারশ টাকা দিলেও আমি ওর খেলা দেখতে রাজী নই !

কালোশশী তেমনি হাসতে লাগল : কিন্তু মরা সাপ নিয়ে খেলা করে কি সুখ আছে বারু ? এমনি তাজা সাপ নিয়ে খেলতেই তো আরাম । হাতের ভালে ভালে নাচবে— ছোবল মারতে চাইলেও পারবে না, তারপর মাটি ঠুকরে ঠুকরে নিজেই কাহিল হয়ে পড়বে ।

ইঠাৎ একটা অদ্ভুত দৃষ্টিতে কালোশশী তাকাল রঞ্জনের দিকে । ছিলে-টেনে-ধরা ধনুকের মতো তার ক্র-রেখা চকিতে প্রসারিত হয়ে গেল ; নিস্তরঙ্গ দীঘির কালো জলে ইঠাৎ একটা পাতা উড়ে পড়ার মতো আলো-ভাঙা হালকা ঢেউ খেলে গেল দৃষ্টিতে । আর তখন কালোশশীর জীবনের যতটুকু ওর জানা, তা মনে পড়ে গেল ।

আলোচনাটা অমনি থামিয়ে দিল রঞ্জন । সাইকেলে ওঠবার উপক্রম করে বললে—
নে, পথ ছাড়, আমার দেরি হয়ে যাচ্ছে ।

—কিন্তু আমি কাল একবার তোর কাছে যাব বারু ।

—আমার কাছে ! কেন ?

—ভারি বিপদে পড়ে গেছি বারু—কালোশশী বিশীর্ণ হয়ে গেল : পরশুরাম ফিরে এসেছে ।

—পরশুরাম ! তোর আগের স্বামী ?

কালোশশী লজ্জিতভাবে মাথা নামাল : হাঁ । আর বলছে, আমাকে খুন করবে ।

—খুন করলেই চলবে ! আইন আছে না ? তুই ভাবিসনি—রঞ্জন আশ্বাস দিতে চেষ্টা করল তাকে : আচ্ছা, আসিস তাহলে কাল ।

পথ ছেড়ে দিয়ে ধানক্ষেতে নেমে দাঁড়িয়েছে কালোশশী, রঞ্জন সাইকেলে প্যাডল করল । উজ্জ্বল মেঠো পথ দিয়ে সাইকেলটা আবার এগিয়ে চলল সবগে । পেছনে তাকিয়ে দেখল রৌদ্রভরা মাঠের ভেতরে তরুণী সাপুড়ে মেয়ে একা দাঁড়িয়ে আছে— তার গলার রূপোর হাঁহুলিতে একখানা বাঁকা তলোয়ারের মতো রোদ ঝলকাচ্ছে ।

অদ্ভুত এই যেয়েটা । এদেশী নয়—বাড়ি ওর বাংলা-বিহারের কোনো সীমান্তে । অথবা আসলে ওর কোনো দেশই আছে কিনা সন্দেহ । একটা বেদের দলের সঙ্গে ঘুরত, সেখান থেকে একজনের সঙ্গে পালিয়ে আসে লোকালয়ের স্থিতিতে । কিন্তু স্রোতের মন বাঁধা পড়বে কার কাছে ? তাই একটির পর একটি মানুষের সঞ্চার হচ্ছে ওর জীবনে । কিন্তু ওর সঙ্গে সমান গতিতে পা ফেলে তারা কেউই চলতে পারছেননা—একটা বিশাল দৌড়ের প্রতিযোগিতায় যেন একের পর এক পিছিয়ে পড়ছে তারা । বনহংসীর নীড় গড়বে কে ?

দয়াল দাস, পরশুরাম, লক্ষণ সর্দার । আরো কত আসবে, কত যাবে, কে জানে ।

এ হাঁসের পাখার ক্লাস্তি নেই—এক দিগন্ত ছাড়িয়ে আর এক চক্রবাল তাকে ডাক দেয় ; এক অরণ্য থেকে আর এক অরণ্যে—এক সীমান্ত থেকে আর এক সীমান্তে ।

এত কথা রঞ্জনও কি জানত ? একটা চুরির ব্যাপারে সন্দেহ করে পরশুরামকে ধরে আনা হয়েছিল কুমার ভৈরবনারায়ণের কাছারিতে—সেই সঙ্গে বিলাপ করতে করতে এসেছিল কালোশশী । সেদিন মাধবীলতা জড়ানো একটা খরকটক ফণীমনসা যেন দেখেছিল রঞ্জন—চমক লেগেছিল তার চোখে ।

কালোশশী তার মনের ওপর নেপথ্য-প্রভাব বুলিয়েছিল কিনা আজ সে কথা বলতে পারে না । কিন্তু এটা ঠিক যে, অনেকটা তারই চেষ্টায় সেযাত্রা অল্পের ওপর বেঁচে যায় পরশুরাম । মাত্র দরওয়ানের কড়া হাতে গোটাকয়েক থাপ্পড় খেয়েই নিষ্ফুতি পায়—হাজত পর্যন্ত যেতে হয়নি আর । সেই থেকেই তার উপর কৃতজ্ঞ কালোশশী । পরশুরামের সঙ্গে তার সম্পর্ক অবশ্য চুকে-বুকে গেছে অনেককাল—এখন বরং পরশুরাম কালোশশীকেই খুন করবার জন্তে খুঁজে বেড়াচ্ছে—কিন্তু রঞ্জনের ওপর শ্রদ্ধা অবিচল আছে মেয়েটার । জেলাবোর্ডের বড় রাস্তার ধার থেকে জাম কুড়িয়ে ফেরবার সময় প্রায়ই ভেট দিয়ে যায় রঞ্জনকে ।

বাস্তবিক, অজুত মেয়েটা । কেমন প্রক্ষিপ্ত মনে হয় যেন ।

চলতে চলতে কানের কাছে কথাকাটা বাজতে লাগল : তাজা সাপ নিয়ে খেলতেই তো আরাম ।—তাই বটে ! প্রতি মুহূর্তেই টাটকা গোখরো সাপই তো খুঁজে ফিরছে কালোশশী । পরশুরামের মতো বিষধরেরা এসে জুটবে তার কাঁপিতে—ফণা ছলিয়ে ছলিয়ে খেলা করবে তার রূপোর কাঁকন-পরী হাতের তালে তালে, ছোঁবলমারবার ব্যর্থ চেষ্টায় আহত হয়ে হয়ে শেষকালে আত্মসমর্পণ করবে নির্জীব পরাজয়ে । আর তখনই সে দূরে ছুঁড়ে ফেলে দেবে তাকে—আবার শুরু হবে নতুন করে সাপ-খোঁজার পালা । নিম্ভ্রাণ সাপ নিয়ে খেলতে ভালো লাগে না কালোশশীর ।

ধানসিঁড়ি পার হয়ে সাইকেলটা এতক্ষণে নেমেছে সমতলে । পেছনে টিলার ওপরে কালোশশীকে আর দেখা যাচ্ছে না ।

ফেলে-আসা-পেছনের পৃথিবীটাকে ইঠাং বেন ঢেকে দিলে সামনে হিজলবনীর জমিদার-বাড়িটা ; দূরে মাঠের ভেতর বকে উঠল মালিনী নদীর স্মৃণ আঁকাবাঁকা রেখা । তারই একটা বাকের মুখে একপারে হিজলবন, অল্পপারে কুমার ভৈরবনারায়ণের দৌলতখানা ।

কাঁকা মাঠের ভেতর লাল-সাদা বাড়িটা—যেন কোনো জন্তুর একটা রক্তাক্ত পাঁজর পড়ে আছে ওখানে । আশেপাশের দশখানা গ্রামের মালিক—বহু মাহুষের দণ্ডমুণ্ডের সর্বময় অধিপতি কুমার ভৈরবনারায়ণ বাস করেন ওই বাড়িতে । ধানসিঁড়ির দেশে, খোলা আকাশ আর অব্যাহত মাঠের মাঝখানে যারা মাটি কাটে আর ফসল ফলায়—

ওই বাড়িটা তাদের হৃৎপিণ্ডের ওপর একটা ছোঁরার মতোই বিঁধে আছে সব সময়।

আর আপাতত ওই বাড়িতেই রঞ্জনর আশ্রয়।

চাকরিটা ছুটেও গেছে বিচিত্র উপায়ে। জেল থেকে বেরিয়ে বেকারের মতো ঘুরছিল এদিক ওদিক, এমন সময় কাগজে একটা বিজ্ঞাপন দেখে দরখাস্ত ছেড়ে দিয়েছিল—পেয়ে গেল কাজটা। নামে প্রাইভেট সেক্রেটারি, কিন্তু কাজ গীতাপাঠ করে শোনানো। আফিও খেয়ে ঝিমুবার সময় গীতার শ্লোক না হলে কুমার বাহাদুরের নেশা জমে না। আঁহা—গীতার মতো কি আর জিনিস আছে! মৃত্যুভয় ভুলিয়ে দেয়—আশা হয় বাহাল-তব্বিয়তে আবার এই পৈতৃক জমিদারীতে আসীন হওয়া যাবে। কেননা আমার বিনাশ নেই :

‘নৈনং ছিন্তন্তি শত্ৰুগণি নৈনং দহতি পাবকঃ—’

অর্থাৎ কিনা—হে কৌন্তেয়, আত্মা অবিনশ্বর! অস্ত্র দ্বারা এ ছিন্ন হয় না, অগ্নিতে এ দহন হয় না,—

আকুল হয়ে পড়ে রঞ্জন, বিভোর হয়ে শোনে কৌন্তেয়। শুধু মধ্যে মধ্যে নাকের ডগায় দু-একটা মাছি এসে বসাতে ভয়ঙ্করতার কিঞ্চিৎ বিঘ্ন ঘটে কুমার বাহাদুরের।

ধোঁত করে গলায় একটা আঁপুজা বের করে বলেন : অ্যা—কি বলছিলেন? কোথায় আবার আঙুন লাগল।

মুখে আসে : তোমার লেজে—কিন্তু প্রকাশে বললে চাকরি থাকে না। স্ততরাং বেশ ভদ্র ভাষায় জানাতে হয় : আজে না না, আঙুন কোথাও লাগেনি। ওই গীতায় বলছে আর কি—মানে আত্মা কখনো দহন হয় না—

—যাক, বাঁচালেন—সাধারণ মানুষের দেড়া মুখখানায় নিশ্চিত একটা ভঙ্গি ছড়িয়ে আবার ঝিমুতে থাকেন ভৈরবনারায়ণ। মাঝে মাঝে গাল নড়ে ওঠে, যেন জাবর কাটছেন। আড়চোখে দেখতে দেখতে তোতাপাখির মতো রঞ্জন শুরু করে : হে পাণ্ডুপুত্র—

কিন্তু এতদিন ধরে সে বোধ হয় অবিচার করছিল খানিকটা। যতটা দুমস্ত ভেবেছিল ভদ্রলোককে, তিনি ততটা নন। নেশার বোরেও চোখ মেলে রাখতে জানেন।

হাতঘড়িটার দিকে তাকিয়ে দেখল : পাঁচটা। সর্বনাশ—এখনি চায়ের টেবিলে তার ডাক পড়বে। রঞ্জন দ্রুত সাইকেলটাকে চালিয়ে দিল।

তিন

পাহাড়ের মতো উঁচু ডাঙার ওপর থেকে ওই রকম বিচিত্রই দেখায় বটে বাড়িটাকে। কিন্তু কাছে এগিয়ে এলে ওর মূর্তি একেবারে বদলে যাবে। দেখা যাবে, বাড়িটা একটা আকস্মিক নিঃসঙ্গতানয়—তার সাতমহলায়, দ্বারী-দৌবারিকে, ডায়নামো আর গ্যারোজে,

ঠাকুর-দালান আর বাই-নাচের রংমহলে, একেবারে জমজমাট। দেউড়ির দারোয়ান সিদ্ধি ঘুঁটতে ঘুঁটতে রামলীলার গান গায়—অন্তঃপুর থেকে চড়া গলায় রেডিয়োতে গানের চিংকার আসে।

লোক-লস্কর, আমলায়-পেয়াদায় দস্তরমতো রাজকীয় কারবার। মহাল নেহাত ছোট নয়, প্রায় ষাট হাজার টাকার জমিদারী। আগে আরো ছিল, কিন্তু মদিরা এবং মদিরাফীদের অহুগ্রহে তার অনেকটাই বেহাত হয়ে গেছে। জমিদার ভৈরবেন্দ্রনারায়ণ অবশ্য পিতৃপুরুষদের এই দুর্বলতার ইতিহাসটুকুকে স্বীকার করে নিতে রাজী নন। গোঁফে চাড়া দিয়ে তিনি বলেন, একসময় দশলাখ টাকার সম্পত্তি ছিল আমাদের। কান্তনগরের যুদ্ধে দিনাজপুরের মহারাজার সঙ্গে যোগ দিয়ে ইংরেজের বিরুদ্ধে লড়েছি আমরা।

—সে সম্পত্তিগেল কোথায়?—কোনো কোনো চাটুকার হয়ত মুঞ্চকণ্ঠে জানতে চায়।

—আরে, সে দেবীসিংহের আমলে।—শোনা কথাকে ইতিহাসের গাঙ্গীর্ষ দিয়ে তার ওপরে রঙ বুলোতে থাকেন কুমার ভৈরবেন্দ্র, সংক্ষেপে ভৈরবনারায়ণ : দেবীসিংহ হল এ তল্লাটের ইজারাদার। জমিদারের তখন যেমন লাঠির জোর, তেমনি টাকার তাকত—কথায় কথায় হাতে মাথা কেটে আনে। দেবীসিংহ দেখল—এদের জব্দ না করলে আর চলছে না। কিস্তির টাকা এমন চড়িয়ে দিলে যে তা দিতে-দিতেই অনেকের জমিদারী সরকারী লাটে চড়ল। নইলে—হঁঃ—ইঠাং ভৈরবনারায়ণ নাকের ওপরে বসা মাছিটাকে হিংস্রভাবে থাবা দিয়ে ধরতে চেষ্টা করেন : নইলে এতকাল কি আর ইংরেজে রাজ্যশাসন করত : করতাম আমরা—আমরা!—মাছিটাকে ধরতে না পেরে উত্তেজিতভাবে একটা থাবড়া কষিয়ে দেন নিজেরই পেটের ওপরে।

হুতরাং শরীরে আপাততঃ আফিঙের জড়তা থাকলেও মনে জেগে আছে প্রচণ্ড ক্ষাত্রভেজ। গীতা শুনতে শুনতে কখনো কখনো তেতে উঠে কোমরের আলগা কষি ছটোকে বাঁধতে চেষ্টা করেন সজোরে। মনে হয় একুনি বুঝি যুদ্ধে চললেন। কিন্তু তা করেন না। হাত বাড়িয়ে গাঙীণের বদলে ফরসির নল টেনে নেন, তার পরেই তাঁর পাঞ্চজন্ত বাজতে থাকে—মানে সারাবাড়ির লোক ভৈরবনারায়ণের ভৈরব নাসিকা-নিবাদ শুনতে পায় : কুরুক্ষেত্রের যুদ্ধ একটা হয় বটে, কিন্তু সেটা মাছিদের মধ্যে ; কোরবরাজ্য অধিকার করবার জন্তে নয়—তাঁর নাসিকাগ্র দখল করবার স্মহান প্রেরণায়।

তবু বেশ বড় জমিদার। বাইরে প্রচুর নাম-ডাক আছে। এই জমিদারীর এলাকাতেই গোটাকয়েক বড় বড় বিল রয়েছে—অগ্রহায়ণ থেকে বুনো হাঁসের মচ্ছব পড়ে যায় সেখানে। কুমার ভৈরবনারায়ণ বৈষ্ণব, তাঁর বিলে কারও পাখি শিকার করবার নিয়ম নেই। কিন্তু নিয়ম নেই বলেই তার ব্যতিক্রম আছে। জেলা-ম্যাজিস্ট্রেট সাহেব প্রতি বছরই শিকারের জন্ত এখানে এসে তাঁরু পাতেন, কখনো কখনো আসেন ডিভিসনাল

কমিশনার—বছর বারো আগে লাটসাহেবও একবার এসেছিলেন। সেই অরণীয় দিনটির কথা যখনই মনে পড়ে, সেই মুহূর্তেই বীররসোদ্দীপ্ত কুমার ভৈরবনারায়ণের হৃদয় হঠাৎ ভক্তিরসে আপ্ত হয়ে যায়। কৌন্তেয় আর সামনে কুরু-মৈত্র্য দেখতে পান না, সাক্ষাৎ শ্রীভগবানের বিষ্ণুরূপ প্রত্যক্ষ করতে থাকেন—

—আহা—অমন সাহেব আর হয় না।

—থুব ভাল সাহেব বুঝি?—মুগ্ধ চাটুকার মুগ্ধতর কণ্ঠে জানতে চায় হাজার বার শোনা সেই পুরনো গল্পের পুনরাবৃত্তি—রোমান্তিক হতে চায় সাহেবের প্রায়-অলৌকিক অপূর্ব চরিতগাথা শ্রবণ করে।

—ভালো মানে?—কোমরের কষি আঁটতে আঁটতে আবার উঠে পড়েন ভৈরব-নারায়ণ : একেবারে খাস বিলিভী জিনিস, বুঝলে। একরত্তি ভেজাল নেই কোথাও। কী লম্বা চওড়া আর কায়সা লাল টকটকে চেহারা। কথা তো বলে না—যেন কুঁজের ভারে ঝাঁড়ের মতো গাঁক গাঁক করে ওঠে। আর খাওয়া। একাই একখানা দেড়সেরী খাসির রাং মেরে দিলে হে! হ্যা—একেবারে জাত সাহেব, অমন লাট দেখলেও পুণ্য হয়।

চাটুকারের স্বরে মুগ্ধতা এবার উচ্ছ্বাস হয়ে গলে পড়ে : তা যা বলেছেন।

—এখনো সব বললাম কই!—কথার মাঝখানে বাধা পড়ায় চটে ওঠেন কুমার বাহাদুর : তুমি তো বড্ড ফ্যাচ ফ্যাচ কর হে, ভারি বাধা দাও।

চাটুকার কাঁচুমাচু মুখ করে বসে থাকে।

—হ্যা, যা বলছিলাম।—সভা শাসন করে আবার শুরু করেন ভৈরবনারায়ণ : তখন বাবা বেঁচে। লাটসাহেব বাবার পিঠ খাবড়ে দিয়ে বলেছিল, ইউ আর এ ভেরি লয়্যাল সার্ভেন্ট। বাবা আবার একখালি গিনি দিয়ে ঠুঁকে প্রণাম করেছিলেন কিনা।

চাটুকার আবার কী যেন বলবার জন্তে মুখ খোলে, কিন্তু কুমার বাহাদুরের একটা রুদ্ধ দৃষ্টি তার ওপর এসে পড়তেই কেমন থেমে যায় খতমত থেয়ে। যে শব্দটা প্রায় টোঁটের সামনে এসে পৌঁছেছিল, অদ্ভুত কোশলে সামলে নেয় সেটাকে—ধানিকটা হাওয়া আচমকা গিলে খাওয়ার মতো কৌত করে একটা শব্দ হয় গলায়।

আজও চায়ের আসরে তারই জের চলছিল।

এই সময়টাতেই একটু প্রকৃতিস্থ থাকেন কুমার বাহাদুর—আফিডের মৌতাতটা ফিকে হয়ে আসে। নেশা ছেড়ে যাওয়া শিখিল শিরাজুলোর মধ্যে যে মন্থর অবসাদ বনিয়ে থাকে, তাকে সতেজ করে তোলবার জন্তেই যেন ভৈরবনারায়ণ এইসব গল্প শুরু করেন—হাজার বার বলা হিউমারের পুনরাবৃত্তি করে আবহাওয়াটাকে সজাগ করে রাখবার প্রয়াস পান।

এক টুকরো কাটা পেঁপে চামচেতে তুলে নিয়ে বলেন—আমি একবার ঘোড়ায় চড়েছিলুম—বুঝলেন ঠাকুরবাবু।

স্বাভাবিক বিতৃষ্ণা অনুভূতির মধ্যে গলার স্বরে কেমন করে যে একটা কৌতূহলের আমেজ এসে যায় সেটা রীতিমতো বিস্ময়কর। হঠাৎ কোথাও একটা আঘাত লাগলে তড়িৎগতি শারীরিক প্রতিক্রিয়ার মতো অভ্যাসে দাঁড়িয়ে গেছে ব্যাপারটা। মাঝে মাঝে তার পাগলা একটা হিন্দুস্থানীর কথা মনে পড়ে—লোকটা পুলিশের কনস্টেবল ছিল এক সময়। ‘পুলিস সাহেব’ শব্দটা কানে গেলেই যেখানে যে অবস্থাতেই সে থাক, ফিরে দাঁড়িয়ে খটাস করে সেলাম ঠুকত একটা।

সঙ্গে সঙ্গে চকিত হয়ে রঞ্জন বলে, তাই নাকি? বলুন—বলুন।

ভৈরবনারায়ণ চারদিকে তাকিয়ে নেন একবার; লক্ষ্য করেন সকলের চোখ তাঁর ওপর উদ্‌গ্র আঁর সজাগ হয়ে আছে কিনা—সকলের মুখে ফুটে উঠছে কিনা জলন্ত কৌতূহল। তারপর শুরু করেন:

—বুঝলেন, বাবা সেবার নেকমর্দনের মেলা থেকে কিনে আনলেন এক ভূটানী ঘোড়া। যেমন তাকত, তেমনি চাল। কিন্তু কে জানত ঘোড়াটার মাথা খারাপ। যেমনি চেপে বসেছি, অমনি—

সবাই এর মধ্যে হাসতে শুরু করেছে। যাদের কোনোমতেই হাসি পায়নি, তারা যে কোনো একটা মারাত্মক হাসির কথা ভেবে নিয়ে অন্তত একটুকরো হাস্তরেখা ফোটার প্রাণান্তিক চেষ্টা পাচ্ছে ঠোঁটের আগায়। হঠাৎ দেখলে মনে হয়, মানুষগুলো পাগল হয়ে গেছে নিশ্চয়। নইলে এমন অর্থহীন ভাবে কেউ হাসির প্রতিযোগিতা চালাতে পারে, এ কল্পনাই করা যায় না।

তবু তখনো যেন কেমন একটা সন্দেহ জাগে রঞ্জনের।

হঠাৎ মনে হয় কুমার বাহাদুর বড় বেশি ক্লান্ত—বড় বেশি হতাশায় আচ্ছন্ন তাঁর মন। আফিগটা তাঁর আয়তাকার একটা প্রক্রিয়া ছাড়া আর কিছুই নয়—যেন তীব্র যন্ত্রণার ওপর মফিয়ার প্রলেপ। কিন্তু সে মফিয়ার নেশা যখন কাটে, তখন যেমন যন্ত্রণায় শরীরের নাড়ীগুলো ছিঁড়ে টুকরো টুকরো হয়ে যেতে চায়, সেই রকম কুমার বাহাদুরও নেশার শেষে নিজের নিরুপায় নিরাশাকে আড়াল করতে চান ওই পুরনো রসিকতার হুড়হুড়ি বুলিয়ে। যেটাকে তাঁর হাস্তভরা মুখ মনে হয়, আসলে সেটা হয়ত মুখোশ মাত্র।

কিন্তু কেন এমন হয়?

পচন ধরেছে নিজের মধ্যে। বহুকাল ধরে মানুষের হাড়ে গড়ে তোলা কীতিসত্ত্বে কাটল ধরেছে কি প্রাকৃতিক নিয়মেরই অহুসরণ? কালের ঝোড়ো হাওয়ায় কয়ে বাছে উত্তুজ গ্রানিটের শিলাস্তর? হঠাৎ কি টের পাচ্ছেন পায়ের নিচের মাটিটা আসলে

চোরাবালি, এতদিন পরে সরতে শুরু করেছে একটু একটু করে ? কিংবা যে আসনটিকে এককাল তাঁরা রাজত্ব করবার জন্তে নিশ্চিন্ত ময়ূর-সিংহাসন বলে মনে করেছিলেন—দেখা যাচ্ছে সেটা কোনো স্থপ্ত আগ্নেয়গিরির ক্রেটার—এতদিন পরে ধুঁইয়ে উঠছে কোনো রুদ্রসংকেতে ?

অথবা এসব কিছুই না—সবটাই তার নিছক ভাব-বিলাস ? নিজের দৃষ্টির রঙ দিয়ে স্থলবুদ্ধি একটা আফিমখোর মাংসপিণ্ডকে মননময় করে তোলা ?

ভাববার সময় পাওয়া যায় না—ইতিমধ্যে প্রসঙ্গ পরিবর্তন করে ফেলেছেন কুমার বাহাদুর । আরম্ভ করেছেন আর একটি চাঞ্চল্যকর বিষয়বস্তু : আপনারা কেউ ভূত দেখেছেন ?

—ভূত ।

—হ্যাঁ, হ্যাঁ ।—গাল নাচিয়ে নাচিয়ে হাসেন ভৈরবনারায়ণ : জিন, প্রেত, কঙ্ককাটা এই সব । ঠাকুরবারু, আপনিও কি কিছু দেখেননি ?

এক মুহূর্তে রঞ্জনর মনে আসে তার ছেলেবেলার দেশকর্মী অবিনাশবাবুর স্মৃতি । আত্মাইয়ের বানে রিলিফ করতে গিয়ে প্রাণ দেন । তবু ডাঙ্ক-ডাকা এক কালীসঙ্কো-বেলায় রঞ্জন তাঁর অদৃশ্য গলার ডাক শুনে মন্ত্রমুগ্ধের মতো কোথায় যেন চলে গিয়েছিল । জীবনে সে এক আশ্চর্য অভিজ্ঞতা ।

বিস্ত্র এই স্থলতার আসরে সে বেদনা-রোমাঞ্চিত স্মৃতিটাকে উদ্ঘাটন করতে তার ইচ্ছে হয় না । মাথা নেড়ে বলে—না, আমি কিছু দেখিনি ।

—কিছুই না ?

—না—আরো সংক্ষেপে জবাব দিয়ে মুক্তি পেতে চায় রঞ্জন ।

—তাহলে আমি জিতেছি আপনার চাইতে—ভৈরবনারায়ণের চোখে মুখে এবার সমুজ্জল হয়ে ওঠে পরম আন্তরিক একটি আত্মপ্রসাদ : হঁ-হঁ—এবারে হারিয়েছি আপনাকে ।

গীতা-পড়ুয়া পণ্ডিতকে হারানোটা গৌরবের ব্যাপার নিশ্চয় । মন চায় না কুমার বাহাদুরের সে গর্বটাকে খর্ব করতে । প্রসঙ্গমুখে বলে—বেশ তো, বলুন ।

তখন কুমার বাহাদুর কোনো এক চণ্ডীতলার মাঠে নিশীথ রাত্রে দেখা ভূতের গল্প আরম্ভ করে দেন । ফুটফুটে ভরা-জ্যোৎস্নায় নির্জন মাঠে সে পঞ্চাশ হাত লম্বা দুখানি বাহ প্রসারিত করে দাঁড়িয়েছিল—আর সেই সঙ্গে কি যেন খুঁজে ফিরছিল অন্ধের মতো হাতড়ে হাতড়ে । রসান দিয়ে কুমার বাহাদুর বলেন : তার আঙুলের নখগুলো অলে জলে উঠছিল, এক একটা ধারালো ছোরার মতো—

হাসির গল্প, ভূতের গল্প, আফিড । সমস্ত শরীরটা সঙ্গতি আর শৃঙ্খলাহীন একটা

বিসদৃশ মাংসপিণ্ড। কানের কাছে প্রতিদিন গীতাপাঠের হুঃসহ অভিনয়। বিচিত্র। একটা অদ্ভুত অসঙ্গতির জগতে যেন কৃত্রিম উপায়ে লোকটা বেঁচে আছে। মৃত্যুমুখী মানুষ নাভিস্থাস টানছে অক্লিঞ্জন টিউবের সহায়তায়।

কিন্তু রক্তবীজেরা মরেও ফুরোয় না। দেবীসিংহের সাধ্য কি তাদের বিনাশ ঘটায়। আজও স্বাভাবিক নিয়মে সবটা চলতে চলতে হঠাৎ আলোচনা বাক নিল একটা।

কথাটাবলে বসলেন রাজা সূর্যনারায়ণ দাতব্য চিকিৎসালয়ের ডাক্তার পান্নালাল মণ্ডল। সাইনবোর্ডে তিনি নিজের নামের পাশে বসিয়েছেন—এল-এম-এফ, ব্র্যাকেটে পি। ‘পি’ মানে প্রাকড—একথা তিনি নিজে বুঝিয়ে না দিলে কারুরই বোঝবার উপায় নেই—বরং কোনো একটা বাড়তি উপাধি মনে করে গেঁয়ে লোক আরো বেশি শ্রদ্ধাযুক্ত হয়ে ওঠে।

ভৈরবনারায়ণ একটা হাই তুললে দশবার তুড়ি দেন ডাক্তার পান্নালাল মণ্ডল এল-এম-এফ, ব্র্যাকেটে পি। আজ কিন্তু তিনিই রসভঙ্গ করলেন।

—একটা খবর শুনে এলাম হজুর।

কুমার বাহাদুর তখন সবে ভয়ঙ্কর ভূতের গল্পটা শেষ করে ভীষণ ভক্তিতে তাঁর শ্রোতাদের দিকে তাকিয়ে আছেন, দেখতে চাইছেন ভয়ে তাদের কারুর গা দিয়ে ঘাম ছুটছে কিনা। এমন সময় ডাক্তারের এই অবান্তর কথাটায় তিনি জ্রুটি করলেন।

ডাক্তার ঘাবড়ালেন না। কারণ খবরটা জরুরী। এতক্ষণ ধরে বলবার জন্তে তাঁর জিত নিসপিস করছিল, কিন্তু ভৈরবনারায়ণের গল্প বলবার তোড়ে বিব্রান্ত হয়ে তিনি আর কোনোখানে হুবিধে মতো একটা ফাঁক খুঁজে পাচ্ছিলেন না।

—তুরীদের একটা পঞ্চায়েত বসেছিল কালাপুখরিতে।

—কালাপুখরিতে তুরীদের পঞ্চায়েত।—এবারেও ভৈরবনারায়ণ জ্রুটি করলেন, কিন্তু তার জাত আলাদা। এতক্ষণ ধরে কাঁপির মধ্যে যে সাপটা আফিঙের নেশায় ঝিমুচ্ছিল, সে হঠাৎ খোঁচা খেয়ে ফৌস করে উঠল।—ব্যাটারা ভয়ঙ্কর পাঞ্জী—আর ওই সোনাই মণ্ডল—চিবিয়ে চিবিয়ে বললেন ভৈরবনারায়ণ : পঞ্চায়েত বসলেই একটা না একটা কুমতলব বার করে ছাড়বে। কয়েকটাকে দিলাম—বি-এল কেসের আসামী করে কাঁসিয়ে, তবু যদি একটু হুঁশিয়ার হয় ব্যাটারা। ওদের মাথাগুলো আবার বড় হয়ে উঠেছে দেখছি, ভালো করে হাঁটাই করতে হবে আর একবার!—হিংস্র স্বগতোক্তিটা শেষ করে জানতে চাইলেন : কিন্তু পঞ্চায়েত কেন?

—কামারহাটির ডাঁড়ার জন্তে।

—বটে?

—আজ্ঞে ই্যা। ওরা ঠিক করেছে, তিন-চারশ মানুষ কোদাল ধরে এবার ডাঁড়ার মুখ বন্ধ করে দেবে—ওদিক দিয়ে আর জল বেরতে দেবে না।

না. র. ৪র্থ—১৩

—বটে—বটে!—কুমার বাহাদুরের স্বরে মর্মবাতী ব্যক্তির আভাস ফুটে বেরুল, হঠাৎ এ রকম সাধু সংকল্প কেন তাদের ?

—সে তো তারা হজুরে জানিয়েছে।

—হঁ।—কয়েক মুহূর্ত গম্ভীর হয়ে থেকে ভৈরবনারায়ণ বললেন—কারণটা আমি শুনেছি। ওরা বলে, বানের জল ওই ভাঁড়ার মুখ দিয়েই আজকাল বেরিয়ে যাচ্ছে, ফলে ওদের ফসলী জমি ডুবে যায়।

—আজ্ঞে, তা নেহাত অস্থায়ী বলে না—সাহসে ভর করে পোস্টমাস্টার বিভূপদ হাজারা জানাল। কালাপুথুরির দিকে তার নিজেরও কিছু ধানী জমি আধিতে আছে, তাই ক্ষতিটা তার গায়েও লাগছিল।

—আরে রাখো ওসব বাজে কথা—কুমার বাহাদুর চটে উঠলেন : দু-চার কাঠা ধানী জমি ডুবলেও ডুবতে পারে, সেটা এমন মারাত্মক ব্যাপার নয়। কিন্তু আমার ক্ষতি কি রকম, সে জান ? ওই ভাঁড়া দিয়ে জল না নামলে আমার ফিরিস্দিপুর আর হাঁসমারীর বিল ভরবে না—বছরে তিন হাজার টাকার জলকর বেমানুম বরবাদ। এমন বাজে আবদার করলে আমি শুনব না—ঠেড়িয়ে ঠাণ্ডা করে দেব।—সংকল্পে ভয়াল শোনাও তাঁর গলা।

—কিন্তু ওরা তো বলে তিন-চার কাঠা নয়, প্রায় তিন হাজার বিঘে জমির ফসল ওই ভাঁড়ার জলে নষ্ট হয়।—আবার দীনতম প্রতিবাদ ঘোষণা করল বিভূপদ।

—তার মানে ? তাহলে কি তুমিই ওদের তাতিয়ে তুলচ ?—মুহূর্তে সমস্ত চক্ষুশ্রদ্ধার আড়ালটা সরিয়ে দিয়ে স্পষ্ট গলায় সরল প্রশ্ন করলেন ভৈরবনারায়ণ।

বিভূপদ এক মুহূর্তে মাটিতে মিলিয়ে গেল। হেলে সাপের মতো নির্বিঘ্ন ভাবে একটু আঙ্গপ্রকাশের চেষ্টা করছিল, এবারে যেন কেমনো হয়ে গুটিয়ে গেল নিজের চারপাশে।

—ছিঃ ছিঃ—এটা কি করে বললেন হজুর ! এমন বেয়াদবি আমি কখনো ভাবতে পারি ?

—কি জানি, কিছুই বলা যায় না—কুমার বাহাদুর হঠাৎ বিচিত্রভাবে দৃষ্টিটা রঞ্জনের নির্বাক মুখের ওপর দিয়ে বুলিয়ে নিলেন। আর তখনি রঞ্জন বুঝতে পারল, আসলে বিভূপদ তাঁর উপলক্ষ, লক্ষ্যটা অজ্ঞাত।

আফিঙের নেশায় রিমত্ত চোখ কি নিছক একটা ভান ?

একবারের জন্ত বুকুর ভেতরটা নাড়া খেয়ে উঠে পরক্ষণেই স্থির হয়ে গেল তার। আঙ্গগোপনের চেষ্টা করে লাভ নেই আর। পরন্তু কুমার বাহাদুর জয়গড়ের ব্যাপার নিয়ে একটানিরাসক্ত মন্তব্য করেছেন, আজও বিভূপদকে সাবধান করে দিতে গিয়ে তার দিকে হতত বা বিনা কারণেই দৃষ্টিক্ষেপ করলেন একটা। কিন্তু অনেক বলার চাইতে এই না-বলা

দৃষ্টির সংকেত অনেক বড় ঝড়ের প্রতীক্ষা করতে থাকে, এ অভিজ্ঞতা নেহাত কম হয়নি জীবনে।

তবু যখন কুমার বাহাদুর একটা ছলনার মুখোশ টেনে রেখেছেন, তখন নিজেকেও সে হুস্পষ্ট করে ধরা দিল না। পরস্পরের ওপর কাঁপ দিয়ে পড়বার আগে আরো কিছুক্ষণ ধরে না হয় চলুক না মৈত্রীর ছন্দ-অভিনয়। বাঁ হাতে ছোরা লুকিয়ে ডান হাতে করমর্দনের পর্ব।

রঞ্জন মাথা নাড়ল। কুমার বাহাদুরের দৃষ্টির উত্তরে মাথা নেড়ে জবাব দিলে, ঠিক।

আলোচনাটা আবার হয়ত শুরু হত পূর্ণোদয়ে। একটা বক্সিং রিংয়ের ভেতর পরস্পরকে আঘাত করবার আগে চলত আরো খানিকক্ষণ সম্ভ্রান্ত পদচারণা। কিন্তু ছেদ পড়ল হঠাৎ।

একজন হিন্দুস্থানী পাইক প্রবেশ করল ঝড়ের বেগে।

—ছদ্ম, জটাধর সিং খুন হো গিয়া।

—কেয়া!—চাঁবির প্রকাণ্ড পিণ্ডটা লাফিয়ে উঠল একটা টেনিস বলের মতো : কেইসে খুন ছয়া? কোন্ খুন কিয়া?

—মানুম হোতা কি, ই গোয়ালা আদমীকে কাম ছায়। সব একদম চকনাচুর করকে জঙ্গল মে মুর্দা ফেক দিয়া—

—কাঁহা মুর্দা?—ভৈরবনারায়ণ গর্জন করলেন।

—লে আয়া—দেখিয়ে আপ—রুদ্ধ স্বরে জবাব দিলে পাইকটা।

—চলো—ভৈরবনারায়ণ উঠে দাঁড়ালেন। এখনো মোতাতের আফিঙ খাননি, চোখ দুটো বাঘের মতো কপিশ আলোয় জলজল করে উঠছে তাঁর।

চার

বেশ নিপুণ হাতেই খুন করেছে লোকটাকে।

অতবড় জোয়ান হিন্দুস্থানীটার পাথুরে মাথাটাকেও ঝুঁড়ো করে ফেলেছে বাজের মতো নির্ভুর লাঠির ঝায়ে। বীভৎস বিকৃত মুখে রক্ত আর কাদার প্রলেপ। শুধু লাঠি নয়—দু-চার জায়গায় টাঙ্গিও চালিয়েছে মনে হয়। বক্রফলক সেই ধারালো টাঙ্গির আঘাত হাঁ করে আছে ঘাড়ের ওপর। কোনোমতেই বাঁচতে দেওয়া হবে না—এই সংকল্প নিয়েই জটাধর সিংকে খুন করেছে নির্মম ভাবে।

দৃশ্যটার পৈশাচিকতা কয়েক মুহূর্ত পাথর করে রাখল সকলকে। এ হত্যা যেন মাহুবে করেনি, এই নিধনের ভেতরে কোথাও যেন চিহ্ন নেই মানবিক কোমলতার; শুধু

কোনো রক্তসমুদ্রের মতো বরিন্দের বহু যুক্তিকার এ যেন একটা প্রাকৃতিক জ্বাংসা। যেন আচমকা ঝড়ের ঝাপটায় কোনো দিগন্তপ্রহরী তালগাছ ধ্বসে পড়ে একটা মানুষকে নিশিষ্ট করে ফেলার মতো—বুনো গুয়োরের দাঁতে কোনো ছিম্বোদর অপয্যুত্কার বিভীষিকার মতো। কিন্তু এদেশের মাটিতে এই যুত্থাই যেন স্বাভাবিক, সব চাইতে যুক্তিসঙ্গত।

খানিকক্ষণ কেটে গেল। স্তব্ধতা চেপে রইল জগদ্বল পাথরের মতো।

রঞ্জনই কথা বললে তারপরে।

—একটু ভুল হয়েছে বোধ হয়—

—কি ভুল?—এমন একটা দৃষ্টিতে ভৈরবনারায়ণ তাকালেন যে তার ব্যাখ্যা হয় না।

কিন্তু ও-দৃষ্টিকে ভয় পাবার বয়েস তার কেটে গেছে উনিশশো তিরিশ সালে। শুরুর চেয়ে অনেক বেশি ক্ষুধিত চোখে তাকে গিলে খেতে চেয়েছিল ধনেশ্বর—বিপ্লবী যুগের সেই আই-বি ইন্সপেক্টার। একটা ছোট বলের মতো হাতের ওপর লোফালুফি করছিল ছয় চেয়ারের লোড করা রিভলবারটাকে—রাইডারের হিংস্র চামড়াটা বাতাস কেটেছিল তীক্ষ্ণ শৌঁ শৌঁ শব্দে।

সমান দৃষ্টিতেই রঞ্জন তাকাল ভৈরবনারায়ণের চোখের দিকে।

—বডিটা তুলে আনা উচিত হয়নি। পুলিশে খবর দিলেই ভালো হত।

—পুলিস!—ক্রুর ক্রকুটি ফুটল ভৈরবনারায়ণের মুখে। তারপর যুত্থদেহটার দিকে আগ্রহে দৃষ্টি ফেলে বললেন—সে খবর একটা দিতে হবে বটে। কিন্তু—একবার থামলেন, বললেন, ভাবছি এর শেষ কোথায়।

আবার স্তব্ধতা। কালান্তক ক্রোধে পাথর হয়ে রইলেন ভৈরবনারায়ণ।

—মুর্দা, বারু?—সভয়ে জিজ্ঞাসা করল একজন।

—থাক ওখানেই। থানায় একটা খবর দিয়ে আয়। তারা ওটা নিয়ে যা খুশি করুক। কিন্তু আমাদের কাজ শুরু করতে হবে এবার।

পায়ের ভারি চটিটায় শব্দ করে কুমার বাহাদুর ভেতরে চলে গেলেন।

রাত্রে নিজের ঘরে বসে কিছু একটা পড়বার চেষ্টা করছিল রঞ্জন।

শুরুভার বই। লাল পেনসিল দিয়ে দাগিয়ে দাগিয়ে মার্জিনে নোট করে পড়তে হয়। কিন্তু আজ আর ওই তর্ক-তর্কের অরণ্যে সে ঢুকতে পারল না। মাথাটা কেমন ভারি হয়ে আছে, পড়তে পড়তে বার বার ঝাপসা হয়ে আসছে দৃষ্টি। বইয়ের পংক্তি হঠাৎ যেন ছন্দশৃঙ্খলা হারিয়ে একটা আর একটার ঘাড়ে এসে পড়ছে। অসম্ভব।

উঠে দাঁড়াল সে। বাইরে কক্ষা রাতের মধ্যযাম। খোলা জানালার সামনে দাঁড়িয়ে

সেই অঙ্ককারের মধ্যে সে দৃষ্টি ছড়িয়ে দিলে।

তার ঘরখানা বিশাল বাড়িটার এক প্রান্তে। সামনেই চণ্ডীমণ্ডপ, নাটমন্দির। পূজোর মরশুমগুলো ছাড়া এ মহলটা অনাদরেই ম্লান হয়ে থাকে। মাকড়সার জাল আর রাশি রাশি ঝুলে আবৃত হয়ে যায়, বাঁধানো বেদীর ফাটলে বর্ষার ডুবো মাঠ থেকে দু-একটা গোখরো সাপ এসে বাসাও বাঁধে কখনো কখনো। আর চাপ চাপ অঙ্ককার-জড়ানো মণ্ডপের কোণায় আরো ঘন টুকরো টুকরো অঙ্ককারের মতো চামচিকে ঝুলে থাকে—বাতাসে দুর্গন্ধ ছড়ায়, আর দিনান্তিক পাণ্ডুরতা চারদিকে সঞ্চারিত হয়ে এলে কতকগুলো প্রেতসত্তার মতো কদাকার ডানা ঝাপটে ঝাপটে সামনের আমবাগান আর নদী পার হয়ে কোথায় উড়ে যায় কে জানে।

নিজের নির্জন ঘরটিতে বসে বসে রঞ্জন এক একটা সন্ধ্যায় তাদের ডানার শব্দ শোনে। কী যেন একটা অদেহী অস্তিত্ব সঞ্চারমান অঙ্ককারকে মুখর করে তোলে। মনে হয় : দেবীসিংহের আমল, অথবা তারও অনেক আগে থেকে এই বাড়িতে বসে যারা জমিদারী করেছে, তারা এখনো এখানকার মায়া কাটাতে পারেনি ; চামচিকে হয়ে যক্ষ্মে মতো এ বাড়ির প্রতিটি ইট-পাথরকে চলেছে পাহারা দিয়ে। রাত্রির অঙ্ককার নেমে এলে পুরনো অভ্যাসের তাগিদে তারা বেরিয়ে পড়ে। নদী পার হয়ে, মাঠ পার হয়ে, তারা চলে যায় গ্রামে গ্রামে—তমসার মধ্যে নিজেদের মিশিয়ে দিয়ে—চামচিকে নয়—ভ্যাম্পায়ার হয়ে মানুষের রক্ত গুণে খায়।

হঠাৎ ভয় করে। মনে হয় তারও চারদিকে যেন চক্র দিয়ে ফিরছে এই চামচিকেরা। লঠনের বিমর্ষ হলদে আলো পড়ে দেওয়ালে—নতুন জিনিস দেখতে পায় একটা। পুরনো বাড়ি, কতকালের পুরনো এই দেওয়াল। তার গায়ে এলোমেলো ভাবে অজস্র শ্যাওলার বিসপিল সবুজ রেখা পড়েছে। ওই রেখাগুলো হঠাৎ যেন কতকগুলো মুখ হয়ে ওঠে—যেন চামচিকের ডানার শেষে ধুম ভেঙে জেগে উঠেছে তারা। অজুত অস্বাভাবিক কতকগুলো মুখ—এই মুখু প্রাসাদের তারা মৃত প্রতিহারীর দল। ফিস ফিস করে তাদের কথা বলবার শব্দও যেন স্পষ্ট কানে আসে—বাইরের আমবাগানে বাতাস মর্ম্মিত হয়ে বয়ে যাচ্ছে, এই সহজ প্রত্যক্ষ সত্যটাকে যেন বিশ্বাস করা যায় না কিছুতে।

এই ভয়। একে ভাঙতে হবে। চুরমার করতে হবে এই প্রেতপূজার বেদীকে। ছাদ-ভাঙা খানিকটা তীব্র ভীক্স হৃৎকের আঘাতে মিলিয়ে ছায়া হয়ে যাবে এই চামচিকেরা। আজও মানুষের মনের ওপরে এরা ভয় করে আছে—প্রেতের ভয়। আজও কুমার বাহাররের আটটা বন্ধুক আর আটত্রিশজন পাইক পাহারা দিচ্ছে এই পিশাচতন্ত্রকে। কিন্তু কতদিন আর ?

কতদিন আর ? ঘরের দেওয়ালে সরীসৃপ মুখাকৃতিগুলির দিকে সে তাকাল না,

তাকাল না সবুজ ঝাওলায় আঁকা সেই বীভৎস প্রেতসন্তাণ্ডলোর দিকে—উড়ন্ত চামচিকের পাখার শব্দ যাদের জাগরণের সংকেত। এখন অনেক রাত। জানালা দিয়ে সে বাইরে সেদিকেই তাকিয়ে রইল—নদীর ওপারে যেখানে পূর্ব দিগন্ত; যেখানে আগুনের পদ্মের মতো স্বর্ষ উঠে তার বিছানার ওপরে সর্বপ্রথম তার আলো ছড়িয়ে দেয়।

প্রভাতী সীমান্তের দিকে তাকিয়ে তাকিয়ে সে ভাবতে লাগল।

গির্শাচ মন্দিরের পাথর ধ্বসছে। তুরীদেব পঞ্চায়তে বসেছে কালাপুখরিতে। কামার-হাটির ডাঁড়ার মুখে জল নামতে দিয়ে তারা আর সর্বনাশ করবে না তিন হাজার বিঘে ফসলী জমির। জমিদারের ফরিঙ্গিগুর আর হাঁসমারীর জলকর না ভরলেও তাদের ক্ষতি বৃদ্ধি নেই—এবার রুখে দাঁড়িয়েছে তারা। ওদিকে সাঁওতালেরা বুনে শস্যের মারতে শিখছে—টুলকু সাঁওতালের ছেলে ধীর সাঁওতাল ধানসিঁড়ির আলপথে খেলা করে বেড়ানো কেউটের শিশুর মতো বিষ সঞ্চয় করছে আঙুর আস্তে। আর তাদের সঙ্গে আজ বাছ মিলিয়েছে ডুবুরি বোম্বেরা—বাজের মতো লাঠির মুখে ভেঙে চুরমার করে দিয়েছে লোহাপেটা জোয়ান জটধর সিংয়ের ইম্পাতী মাথাটা।

একটা ছবি মনে পড়ল হঠাৎ।

—হোই বাবু, সামাল।

সাইকেলে করে আসছিল। পেছনে থেকে আবার ডাক এল—সামাল বাবু, সামাল।

কী ব্যাপার? এমন ভাবে সাবধান করে কে?

চারদিকে তাকাতেই ব্যাপারটা বোধগম্য হল তার কাছে।

চৈত্রের মাটি ফাটানো রোদে শুকিয়ে একেবারে খড় হয়ে গেছে চারদিকের বুক-সমান উঁচু ইকড়, বেনা আর শন ঘাসের বন। সেই বনে কে আগুন ধরিয়ে দিয়েছে। সামনে পেছনে ডাইনে বাঁয়ে ধু ধু করে জ্বলছে শুকনো ঘাস, কালো ধোঁয়া কুণ্ডলিত হয়ে উঠছে আকাশে। যেন চারদিক থেকে একটা অগ্নিবৃত্ত আসছে ঘিরে ঘিরে।

—সামলে বাবু। আগুনের ভেতর গিয়ে পড়িস না।

সেই আগুনটা যেন আজও আসছে এগিয়ে। কিন্তু ঘাসবন নয়। দাবাগি।

—মচ—মচ—মচ—

নাগরা জুতোর শব্দ। কাঁচা চামড়ার আওয়াজ। ওদিকের লম্বা বারান্দাটা দিয়ে দ্রুততে দ্রুততে যাচ্ছে একটা লঠনের আলো। মুখ ফিরিয়ে দেখল। প্রহরী। জমিদার বাড়ি পার্শ্ব দিয়ে বেড়াচ্ছে। ঠুক ঠুক করে লাঠির শব্দ পাওয়া গেল, বারকয়েক শোনা গেল ঝুঁই ঝুঁই করে খানিকটা কাতরোক্তি। দারোয়ানের লাঠির ঘা খেয়ে একটা দুমন্ত কুকুর পালিয়ে গেল বারান্দা থেকে।

আবার জানালা দিয়ে তাকিয়ে রইল নিশীথ দিগন্তের দিকে। একটা ভোঁতা ছুরিক

মতো তমসাস্তীর্ণ নদীটা বয়ে যাচ্ছে। ওপারের মাঠটার শেষপ্রান্তে একটা মন্ত বড় আলো—কারা একটা অগ্নিকুণ্ড জ্বলেছে যেন। ঠিক তারই ওপরে আকাশে একটা জলজলে প্রকাণ্ড তারা। ওই তারাটা থেকে খানিকটা আঙুন মাটিতে ছিটকে পড়েই কি জলে উঠেছে অমন দাউ দাউ শব্দে ?

নক্ষত্রের আলো, না আগামী দিনের সংকেত ? আকাশের সীমান্তে সীমান্তে যেন ভবিষ্যৎ দিনের প্রত্যাশা। কোথা থেকে কি দলে দলে মানুষ মশাল হাতে আসছে এগিয়ে ? পূর্ব-পশ্চিম-উত্তর-দক্ষিণ—প্রতিটি প্রান্ত থেকে পদক্ষেপ করছে মশালধারী সৈনিকের দল। আসছে—এগিয়ে আসছে।

আচ্ছা—ওই দিকে, নদীর ওপারে ওই অগ্নিকুণ্ডটার কাছাকাছিই কোথাও কি গোয়ালাদের সেই গ্রাম নয় ? সেই গ্রাম—যেখানে লাঠির ঘায়ে ভেঙে চুরমার হয়ে গেছে জটাধারী সিংয়ের মন্ত শক্ত মাথাটা ? আর শুধু তারই মাথা নয়—সে চোঁটটা সোজা কুমার ভৈরবনারায়ণেরও ঘাড়ের ওপরে এসে পড়েছে।

হ্যাঁ—ওদের দেখেছে রঞ্জন। বরিন্দের আরণ্য-মৃত্তিকায় চিনেছে আর একটি দুর্ভব শক্তিকে। মাথা নোয়ায় না—হার মানতে জানে না। খোলা মাঠ আর খোলা হাওয়ায়, পোখা মহিষের কীরের মতো ঘন দুধ খেয়ে খেয়ে দরজার কপাটের মতো চওড়া তাদের বুক, প্রতিটি পাঁজর লোহার আগল। ‘শাল-প্রাণ্ড মহাভূজ’ আর পুঁথির জগতে বেঁচে নেই, তা নেমে এসেছে জনগণের পৃথিবীতে,—পৌরাণিক ক্ষত্রিয়ের শৌর্যবান বিপুল সত্তা আজ ওদের মধ্যই সার্থক হয়েছে—পেয়েছে সর্বোত্তম পূর্ণতা।

আগে ঘর ছিল পশ্চিমের মাটিতে। রক্তের মধ্যে কোন আদিম ষায়াবরী প্রেরণায়, কোন জমিদারের অভ্যাচারে গ্রাম-নগর-নদী-পাহাড়-বন পেরিয়ে এখানে এসে বাসা বেঁধেছে কে জানে। কিন্তু শুধু বাসাই বাঁধেনি—শক্ত করে শিকড় মেলেছে মাটিতে—সাঁওতালদের মতো সহজে উৎপাটিত হয়ে যাবে এমন শিথিল মূল নয় এদের। হাতে এদের দশ থেকে বারো হাত পর্যন্ত লম্বা লাঠি ; তার গিঁটে গিঁটে পিতলের তার জড়ানো, বছরের পর বছর সর্বের তেলে পাকানো। লোহার মতো তা দৃঢ় আর নির্মম—তার দণ্ড চরম দণ্ড।

রঞ্জনকে দেখে খুব অভ্যর্থনা জানিয়েছিল ঘোষেরা।

অদ্ভুত ভাষা বলে। খানিকটা ভাষা হিন্দী, খানিকটা বাংলা। কিছু কিছু সাঁওতালী আর গুঁরাও ভাষার খাদ তার সঙ্গে। রঞ্জনের মনে হয়েছিল বেশ চমৎকার একটা সর্বজনীন ভাষা তৈরি করে ফেলেছে এরা—রাষ্ট্রভাষার সমস্তা ফেলেছে মিটিয়ে।

—ঠাকুর বাবু, নমস্ते।

—নমস্ते। কি খবর তোমাদের ?

—ধবর খুব আচ্ছাই।—ঘোষেদের মুকুটী যমুনা আহীর বলেছিল : শেকিন থোরা থোরা গগুগোল হচ্ছেন।

—কী গগুগোল হচ্ছেন আবার ?

—বলছি ঠাকুর বারু। আপনি আচ্ছা আদমি আছেন, আপনি সমঝাবেন। তো আগে আসেন, একটু তামাক খেয়ে যান।

—আমি তো তামাক খাই না।

—তো ভি আসেন—বসেন একটু—আবার অভ্যর্থনা করল যমুনা আহীর।

আমন্ত্রণটা আর উপেক্ষা করা গেল না। তা ছাড়া পথ চলতে চলতে সেও ভারি ক্লান্তি বোধ করছিল। সারাটা সকাল একনাগাড়ে কড়া নগ্ন রোদ মাথার ওপর নিয়ে সাইকেল করেছে সে—শরীর যেন বইছিল না। একটু বিশ্রাম পেলে মন্দ হয় না। মনের ভেতর থেকে এই জাতীয় একটা তাগিদ ঠেলে উঠছিল বার বার।

তাকিয়ে দেখল আহীরদের বাথানের দিকে। একজোড়া নিমগাছ। এই টিলাটার ওপর ভারি শিখ ছায়া ছড়িয়েছে। গাছ দুটো ওরাই লাগিয়েছে সম্ভব। নইলে লাল মাটির এই দেশে এমন করে প্রাকৃতিক খেয়ালে নিমগাছ জন্মায় না। কিন্তু নিজেরাই লাগাক, আর মাটির খেয়ালেই হোক—এই রোদের মাঝখানে তাদের ঠাণ্ডা ছায়া যেন একটা মরুস্থানের আভাস বয়ে আনে। সেখানে খানদুই দড়ির খাটলি পাতা। ইচ্ছে করল ওই খাটলিদুটোর ওপরে সেও খানিকটা গড়িয়ে নেয়।

খাটলিতে এসেই বসল। যমুনা আহীর তাকে বসিয়ে ধরে ঢুকল, তার একটু পরেই বেরিয়ে এল একটি মেয়ে। বছর কুড়ি-বাইশ বয়েস হবে—স্বাস্থ্য আর যৌবন যেন সর্বঙ্গে প্রখর হয়ে জেগে আছে তার। স্ত্রীলোক নিখুঁত হাতে মোটা রূপোর বালা, কিন্তু সে বালা অলঙ্কার নয়—অঙ্গ। তার একটি ঘা লাগলে যে কোনো দুর্বিনীত লোভী মাছুষের মুখচোখ ভোঁতা হয়ে যাবে চক্ষের নিমেষে। উজ্জল শ্যামকান্তি। সারা শরীরে তার রূপ আছে কি না কে জানে, কিন্তু বরেন্দ্রভূমির জলন্ত রৌদ্র যে বিচ্ছুরিত হয়ে আছে, সন্দেহমাত্র নেই তাতে।

যমুনা আহীরের মেয়ে। কুমারি।

চকচকে রূপোর বালা পরা নিটোল হাতে কাঁসার গ্রাস বয়ে এনেছে। রঙনের সামনে ধরে বললে, পীজিয়ে।

—কি এ ?

যমুনা এসে বললে, ওটুকু খেয়ে লিন ঠাকুর বারু। দুধ আছেন।

—দুধ ! দুধ খাব ?

হা হা করে হেসে উঠল যমুনা আহীর—মাঠের মধ্য দিয়ে তীর বেগে ছুটে গেল

হাসিটা। বললে, দুধ তো পিবারই জন্তে। দেখবার জন্তে না আছেন।

মুক্তা-ধবল দাঁত বের করে হাসল ঝুমরি। নিটোল হাতে গেলাসটি আরো কাছে এগিয়ে এল। আর প্রত্যাখ্যান করা যায় না।

খাঁটি মহিষের দুধ। মুক্ত জাল পড়ে তাতে সঞ্চারিত হয়েছে আরো খানিকটা ঝুমিই আশ্বাদ। এক চুমুকে গ্লাসটা শেষ করল সে। মনে হল, সে শুধু দুধই খেল না, তারও সর্বদেহে যেন বরিন্দের মাঠ থেকে আহরিত হল জল-বাতাস-রোদ্দ-বাস্তা; - কোনো পূর্ণ জীবনের একটা তরঙ্গ ভেঙে পড়ল তারও রক্তের গভীরে।

গ্লাসটা ঝুমরিকে ফিরিয়ে দিলে। তারপর তাকাল যমুনা আহীরের দিকে।

—এইবার তোমার কথা শুনব ঘোষ। কি গুণগোলের কথা বলছিলে?

যমুনা আহীর বললে: হামারা ঘী দহি তৈয়ার করি। সে সব কি বিনা পয়সায় বিকবার জন্তে?

—কে বলেছে বিনা পয়সায় বেচবার জন্ত?

—কে বলবে আবার?—যমুনার মুখের চেহারাটা বিকট হয়ে উঠল: জমিদার বলে। পাইক-পেয়াদারা বলে। একদম জেববার করে দিচ্ছেন ঠাকুর বাবু।

চারদিকে রোদে-ধোয়া বরিন্দের মাঠ। অপরিমিত আলো, অপরিমিত প্রাণ। হু হু করে হাওয়া বইছে। দূরে-কাছে ঘাসবনের মধ্যে পাখাড়ের নীল রেখার মতো পিঠ তুলে জেগে আছে অতিকায় সব মহিষ—বিরাট বিরাট তাদের শিংগুলো রোদে ঝকঝক করছে। ওই শিংগুলো দেখে ভয় করে। আরণ্যপ্রকৃতি শাসনের মতো যেন উদ্ভত আর উদ্ভত হয়ে আছে।

সব কিছু মিলিয়ে নিজের মধ্যেও যেন কি একটা সঞ্চিত হয়ে থাকে। কেমন একটা ধারালো উত্তাপ ইচ্ছাপ্রবৃত্তির ফলার মতো ঝলকায় রকে। আয়নায় নিজেকে দেখতে পাওয়া যায় না, তবু মনে হয় সেই রোদের ছোঁয়ায় অসীম কাঁচের প্রতিফলকের মতো জ্বলন্ত হয়ে উঠেছে তার চোখ দুটো। মনে হয়, হাতে একটি অস্ত্র থাকলে এই প্রাকৃতিক পরিবেশের মধ্যে দাঁড়িয়ে সেও নরহত্যা করতে পারে।

রঞ্জন বললে: জমিদার কি জ্বলুম করে তোমাদের ওপর?

—জমিদার ফের কবে হামাদের মাথায় তুলে রাখে?—বিকট মুখে একটা তিক্ত হাসি হাসল যমুনা আহীর—খাজনা যা লাগে—সেটা তো দিচ্ছিলাম। কিন্তু পাইক আসবে—পাঁচ হাঁড়ি দহি লিয়ে যাবে; কাল পেয়াদা আসবে তো ও ফের পাঁচ সের ঘী লিয়ে যাবে। হামারা তবে কী বিকবার জন্তে এখানে বাধান করে বসে আছি।

—তোমরা গিয়ে নালিশ কর না কেন?—প্রশ্নটা নিজের কানেই ব্যঙ্গের মতো শোনাল। তবু জিজ্ঞাসা করলে রঞ্জন। কেমন সংস্কার হয়ে গেছে। দেবতার বিশ্বাস না

থাকলেও ঝুরি-নামা বটগাছের তলায় সিঁদুর-মাখানো থান দেখলে যেমন আপনাথেকেই মাথায় হাত উঠে আসে, তেমনি। ফল হবে না কেনেও একবার প্রার্থনা-নিবেদন।

—শুধু একবার নালিশ ? হাজার বার করেছি।—যমুনা বললে, কী হইল ? কিছুই না। উলটে হামাদের ইাকিয়ে দিলে। বললে, ব্যাটারা ঝুটমুট বলছেন—যমুনা আহীরের মুখের ভেতর দাঁতগুলো ক্রোধে কিড়মিড়িয়ে উঠল : জমিদারবাবুদের অমন হাতীর মতন গতর হয় কেমন করে ? এমন মোটা হয় কেন ? মুফত হামাদের দহি-ঘী না খেলে অমন হয় ঠাকুর বাবু ?

কেবল দই-ঘিই নয়—ওই মেদস্ফীত স্বাস্থ্যের পেছনে যে অনেক রক্তশোষণের ইতিহাস—এ কথা রঞ্জনর মনে এল। ভৈরবনারায়ণ আফিও খান আর ঝিমোন। কিন্তু সেই ঝিমুনির ফাঁকে ফাঁকেই তাঁর চোখের দৃষ্টি লোনুপ হয়ে থাকে কোথায় হেঁ দিয়ে পড়বেন তারই সুরযোগ সন্ধানে ; বরিন্দের মাঠে ভালগাছের মাথার ওপরে বসে থাকি ঝিমন্ত শকুন যেন।

ছবের গ্লাস নিয়ে ঝুরির ভেতরে চলে গিয়েছিল, এতক্ষণ পরে আবার বেরিয়ে এল। হাতে হলদে জ্বাকড়া জড়ানো ধূমায়িত একটা ছোট কঙ্কে। ধোঁয়াটার উগ্র দ্বর্গন্ধে চারদিকের বাতাস মুহূর্তে আবিল হয়ে উঠল। গাঁজা।

যমুনা আহীর অপ্রস্তুত হয়ে গেল। ভৎসনা-ভরা চোখে তাকাল ঝুরির দিকে।

—আঃ, এখন কেনো লিয়ে এলি !—যা—এখন রেখে দে—

রঞ্জন বুঝতে পারল, তাকে দেখে চক্ষুশূল হচ্ছে যমুনার। ঠাকুর বাবু সাব্বিক লোক—তাঁকে ভক্তি প্রদা করতেই অভ্যস্ত ; তাঁর সামনে গাঁজার কঙ্কেতে টান দিতে সংস্কারে বাধছে।

রঞ্জন অভয় দিয়ে বললে, খাও না—লজ্জা কি।

অত্যন্ত অপরাধীর মতো হে হে করে সঙ্কুচিত হাসি হাসল যমুনা। বললে, হামরা ছোটলোক ঠাকুর বাবু, একটু নেশা-ভাং না করলে হামাদের চলে না—

রঞ্জন হাসল : তোমাদের লজ্জা পাওয়ার কারণ নেই, বড়লোক আর বাবুলোক তোমাদের চেয়ে নেশায় ঢের বেশি ওস্তাদ—তার মনে পড়ল মুকুলপুরের উকিল তরলী-বাবুর কথা। নেশায় তিনি এমন সিদ্ধকাম হয়েছিলেন যে মদ, আফিও, এমন কি মফিয়া ইনজেকশনে পর্যন্ত তাঁর আমেজ আসত না। অগত্যা সেই আমেজ আনবার জন্তে একটা বিচিত্র প্রক্রিয়া তিনি অবলম্বন করেছিলেন। কাঁপিতে পুরে পুরে তিনি গোথরো সাপ পুষতেন। সাপুড়ের নির্বিষ মুমূর্ষু সাপ নয়—তাজা, হিংস্র, তীব্র বিষধরের দল। যখন শরীরের ভেতরে অবসাদ জমে উঠত, মন্বর হয়ে যেত রক্তের গতি—দাবি করত স্নায়ুতে স্নায়ুতে অস্বাভাবিক খানিকটা উদ্দীপনা, তখন এই গোথরোর কাঁপির ভেতরে হাত দিয়ে

তাদের একটি ছোবল নিতেন তরগীবাবু। আর সেই বিবে সারাটা দিন ঝিম মেয়ে থাকতেন—বিষের উগ্র যন্ত্রণা তাঁর শরীরে সৃষ্টি করত নেশার একটি স্বর্গীয় আমেজ। রৌদ্রোজ্জ্বল বরিন্দের মাঠের দিকে তাকিয়ে তার সমস্ত মন যেন একটা দার্শনিকতায় ভরে উঠল। শুধু তরগীবাবুই নয়—সারা পৃথিবী জুড়েই চলেছে এই সাপের বিষের নেশা। বিষধরের ছোবল নিয়ে নিয়ে আমেজের মধ্যে তলিয়ে থাকা, এক জাতীয় উন্মাদনায় স্নায়ুকুণ্ডলীকে উত্তেজিত করে তোলা। কুমার ভৈরবনারায়ণ। আরো অনেক কুমার বাহাদুর, রাজা বাহাদুর, রায় বাহাদুর, মিল-মালিক। কিন্তু তারপর? এমন কোনো সাপ নেই কি—যাকে নিয়ে শুধু নেশা নেশা খেলাই চলে না? অমোঘ যার বিষ—যে বিষে নেশার ঘোর কখনো ভাঙবে না আর?

আছে বৈ কি। ধানসিঁড়ি ক্ষেতের মাঝখান দিয়ে সিঁথির রেখার মতো পথ। সেই পথে সাদা ধুলোর একটা হালকা আন্তর বিছানো। রাত্রিতে যখন আকাশে চলন মাখিয়ে চাঁদ ওঠে—তখন জ্যোৎস্নায় ধুয়ে-যাওয়া সেই ধূলাভরা ফালি পথের ওপর খেলা করতে বেরিয়ে আসে তারা। পথের ওপর নিঃসাড় হয়ে পড়ে থাকে, কিলবিল করে ছুটোছুটি করে, জড়াজড়ি করে পরস্পরের সঙ্গে। অপ্রিয়তম ক্ষুদ্র ফণাগুলোকে বাতাসের দিকে সমুদ্রত করে যেন বিষসঞ্চারে পুষ্ট করে নিতে চায়। তারপর : তারপর পথের ওপর কোনো দূরাগত পদশব্দের স্পন্দন বাজে—ধানসিঁড়ির কোনো একটা শেষপ্রান্ত থেকে একটি হালকা ছায়া দীর্ঘায়িত হতে হতে এগিয়ে আসে। চক্ষের পলকে ধানক্ষেতের ভেতরে নেমে মাঠের ফাটলে, অধুনা-স্বর্গীয় কোনো কঁকড়ার বর্ষায় করা গর্তে অথবা বাস্তুহারী কোনো মেঠো ইদ্ররের আন্তনায় মিলিয়ে যায় তারা।

কিন্তু আর কতদিন কেবল ছায়া দেখে ভয় পাবে তারা—আর কতকাল শব্দ শুনে লুকিয়ে যাবে গর্তের আড়ালে?

ঘোর ভাঙল তার।

যমুনা গাঁজার কঙ্কে নিয়ে টান দিয়েছে, আর সেই স্বেযোগে এই মানস-মহনের পালা শুরু হয়েছে তার। এতক্ষণ পরে কিছু একটা শোনবার প্রত্যাশা করেই যেন সে তাকাল যমুনার মুখের দিকে। ধানিকঙ্কণ আমেজে বুঁদ হয়ে থাকার পরে যমুনা মুখ থেকে ধোঁয়া ছেড়ে দিলে। দ্রুগন্ধ ধানিকটা পিঙ্গল কুয়াশা মাঠের উত্তাল হাওয়ায় ভেঙে ভেঙে মিলিয়ে যেতে লাগল।

—আরো একটা জরুরী কথা আছে ঠাকুর বাবু—

কঙ্কেটা নামিয়ে রেখে যমুনা তাকাল। দেখা গেল দুপুরের কড়া রোদের সঙ্গে গাঁজার তীব্র নেশার ঝাঁজ মিলে একটা প্রচণ্ড প্রতিক্রিয়া হয়েছে যমুনার মধ্যে। ক্রমশ লাল হয়ে উঠছে চোখ দুটো—ঠেলে-ওঠা চোখের রক্তবাহী ছোট ছোট শিরাগুলি ক্ষীণ

হয়ে ফেটে পড়বার উপক্রম করছে।

—কী জরুরী ?

—আমাদের জেনানাদের লিয়ে কী করব ঠাকুর বাবু ?

—কেন, তাদের আবার কি হল ?

—নজর লাগছে।—চিবিয়ে চিবিয়ে বললে যমুনা আহীর।

হঠাৎ যমুনাকে কেমন ভয়ঙ্কর মনে হল। তার বাখানের মহিষগুলোর মতোই ক্রয়কায় প্রকাণ্ড শরীর—ছাড়া মাথা, দৃষ্টিতে একটা ক্ষিপ্ত জিহাংসা।

—সে কি, কার আবার নজর লাগল ?

—যার নজর লাগে।—যমুনা এমন ভীত ভয়ঙ্কর ভাবে রঞ্জনের দিকে তাকাল যে মনে হল বুঝি তারই মধ্যে যমুনা আহীর তার উদ্ভিষ্ট সেই প্রতিপক্ষকে দেখতে পাচ্ছে। লোকটার জরখা প্রায় নেই বললেই চলে, আর অনেকটা সেই কারণেই হয়ত স্বাভাবিক মানবিকতা হারিয়েছে তার চোখ থেকে। কোনো বুনা জানোয়ার বুঝি খাঁচা পেতে বসেছে রঞ্জনের কাছে। একটা দুর্গন্ধ বিধাক্ত উত্তাপের মতো হোঁয়া দিচ্ছে তার গায়ে : ওই শালা পেয়াদার দল। খালি কি দহি-বী লিতে আসে ? শালাদের মতলব বহুৎ বুনা—ঠাকুর বাবু।

—বটে।

—হামাদের জরু-বেটার দিকে বহুৎ খারাপ নজর দেয়। খারাপ বাত-চিত করে। এতদিন সয়ে গেলাম হামরা।—যমুনার চোখ আদিত হয়ে উঠল : সেদিন মাঠের মধ্যে বুমরির হাত ধরেছিল। বুমরি হাতের বালার এক বা দিয়ে শালার মুখ ফাটিয়ে পালিয়ে এসেছে।—হঠাৎ ক্রোধে রোঁয়া-ফোলানো ভামের মতো সোজা হয়ে উঠে বসল যমুনা আহীর : হামি থাকলে কেবল মুখ ফাটিয়েই পালাতে পারত না—জান ভি মাঠের মধ্যে রেখে যেতে হত।

অভিভাবকের একটা বিস্তৃত ভঙ্গি নিয়ে রঞ্জন বললে,—ছিঃ ছিঃ, ওসব খুনখারাপির কথা ভাবতে নেই।

—হামরা ভাবি না বাবু—এবার আর ঠাকুর বাবু বললে না যমুনা। ক্রোধে কোণ্ডে ওই জমিদারবাড়ি সংক্রান্ত মাহুগুলি সম্পর্কে বিন্দুমাত্র আত্মীয়তার অহুত্বিতও তার মনে জেগে নেই আর। গাঁজার কঙ্কেটাকে উরুড় করে চেলে দিতে দিতে যমুনা বললে, হামরা ভাবি না। কিন্তু খুন চড়ে যায়। দহি-বী বিনা পয়সায় লিয়ে যায়—লেও বাবা। কের ইজ্জতে হাত দিতে চায় ?—যমুনা ধু-ধু মাঠেব মধ্যে চোখ ছড়িয়ে দিয়ে বোধ করি জমিদারবাড়িটাকে একবার দেখে নিতে চাইল : হামরা জাতে আহীর বাবু। হামাদের বাপ-ঠাকুরদা ছিল জোয়ান—ছিল ডাকু। কথায় কথায় জান লিত তারা।

তার নিত, তাদের বংশধরেরাও আজ নিতে পারে—যমুনার শরীরে যেন এই সত্যটিই ব্যক্ত হয়ে উঠল। রঞ্জন অস্বস্তি বোধ করতে লাগল। তার মনের মধ্যে জিনিষটা গোপন পাপের মতো বিঁধছে—সে কুমার ভৈরবনারায়ণের অন্নপুত্র। তাই যমুনা তাকে মেনে নিতে পারছে না কোনো আত্মীয়তার অন্তরঙ্গতায়; খানিকটা পরিমাণে কাছে এসেছে, কিন্তু সম্পূর্ণ করে নামতে পারেনি তাদের বিশ্বাসের ভিত্তিভূমির ওপরে। এমনি এক একটা ক্ষুদ্র উদ্বেজিত মুহূর্তে নিজেকে কেমন জিশকুর মতো মনে হয় তার। শূন্য আকাশে যে বেশিক্ষণ আর ঝুলে থাকতে পারবে না, তা সে জানে। কিন্তু নিচে পা দিয়ে দাঁড়ানোর মতো মাটিও কি সে খুঁজে পেয়েছে?

রঞ্জন উঠে পড়ল। বললে, আজ চলি যমুনা, আর একদিন আসব।

—কিন্তু হামরা কী করব বারু?—যমুনা জানতে চাইল।

রঞ্জন ঠিক উত্তর দিতে পারল না। মনে হল, প্রশ্ন করবার আগেই যেন যমুনা নিজের ভেতরেই কর্তব্যটাকে নিশ্চয় করে নিয়েছে।

—বা ভালো মনে হয় তাই কর—

এর বেশি আর কি বলা যায়? ধানসিঁড়ি ক্ষেতের আলপথে বিষ সঞ্চয় করে ফিরছে নাগশিশুরা। তাদের বিষফণাকে কে রোধ করবে? কোনো উপদেশ, কোনো সদিচ্ছাকে মনে হবে ভগ্নমির মতো, স্বার্থপর প্রবঞ্চনার মতো।

—আচ্ছা চলি—

রঞ্জন বেরিয়ে পড়ল। একবার পেছনে ফিরে তাকিয়ে দেখল ঘরের খুঁটি ধরে দাঁড়িয়ে আছে যমুনার মেয়ে ঝুমরি। নাগিনী।

...রঞ্জনের চমক ভাঙল। কত রাত হয়ে গেছে। যুগ্ম জমিদারবাড়ি—নাগরা জুতোর মচমচানিও শোনা যাচ্ছে না আর। প্রেত পিতৃপুরুষেরা কোথায় রক্ত শুষে বেড়াচ্ছে কে জানে! জটাধর সিংয়ের খুন কি হিসেব-নিকেশের প্রথম অঙ্কপাত।

না, আর নয়। শুয়ে পড়া যাক এবার।

পাঁচ

একটা মস্ত গড়খাই—প্রায় বুজে এসেছে। কলমীবন আছে, মাঝে মাঝে এক-একটা চৌড়া সাপ ডুব-সাঁতার কাটে শাওলা-ভরা কালো জলের তলায়। গলা উচু করে ঘোরে পানকোড়ি—দূর থেকে কেউটের ফণার মতো দেখায়। পানও নেই, কড়িও নেই—গোটা কতক গঁড়ি-গুগলি আর এক-আধটা পদ্মচাকাই ভরসা।

গড়খাই পেরিয়ে একটা উঁচু মিনারের ধ্বংসস্থল। লোকে বলে বুরুজ। পাল বুরুজ।

হয়ত অবজারভেটরি ছিল পালরাজাদের আমলে। হয়ত এর সমুচ্চ চূড়ায় দাঁড়িয়েই দ্বিতীয় মহীপাল দেখেছিলেন—দিব্যোকের বিদ্রোহী বাহিনীর মশাল রক্তজবার মতো ফুটে উঠছে কালান্তক অঙ্ককারে।

পাল-বুরুজ ছাড়িয়ে কিছু কাঁটা বন, লাটার ঝোপ। তলায় তলায় বিকীর্ণ ইট-পাথরের কঙ্কাল। বিধ্বস্ত প্রাসাদের অস্থি-শেষ। নকশা-কাটা ইট, ধোদাই-করা গ্রানিট আর কষ্টিপাথরের টুকরো। তারপরে আবার গড়খাইয়ের বৃত্তাকার রেখা। সেইটুকু পেরিয়ে বুনো ওল আর ঘেঁটু ফুলের একরাশ অঙ্গল ভাঙলে পাল নগর শুরু।

নামেই পাল নগর, কিন্তু পালেরা কেউ নেই। দেড়শ ঘর পরাক্রান্ত পাঠানের বাস এখানে। উচ্চারণ করে ‘পায়ঠান’—‘ঠ’এর ওপর অস্বাভাবিক জোর দেয় একটা। হয়ত ওই জোরটুকু দিয়েই সেদিনের বীরস্বের জের টানতে চায় একটুখানি।

এই পায়ঠানদের নেতা ফতে শা পাঠান। কালো কুচকুচে জোয়ান শরীর। মুখে পুরু গোঁফ, তার ছুটি প্রান্ত দংশনোত্তর কঁকড়া-বিছের মতো উর্ধ্বগামী। প্রশন্ন থাকলে সেই প্রান্ত দুটিকে তিনি পাকাতে থাকেন—উত্তেজনার কারণ ঘটলে টেনে টেনে লম্বা করে যান। দাঙ্গা হাঙ্গামা কাজিয়ার ব্যাপারে প্রচণ্ড উৎসাহ। তিন-চারটে দেওয়ানী লড়ছেন কুমার ভৈরবনারায়ণের সঙ্গে—ফৌজদারীও আছে। ‘বাদিয়া মুসলমান’ নামে এক শ্রেণীর দুর্দান্ত লোককে এনে বসিয়েছেন পাল বুরুজের উত্তরে একখণ্ড পতিত জমিতে। নামমাত্র খাজনা দেয়—লাঠি ধরে দাঙ্গা-হাঙ্গামার সময়। হাত খুব পরিষ্কার বাদিয়ারদের। হাঁসুয়ার কোপে এত সহজে মাথা নামিয়ে দেয় যে মুণ্ডহীন মানুষটা টেরও পায় না, কখন সে নিঃশব্দে মরে গেল।

পাল নগরের মাঝখানে বেশ বড় আকারের একটি মসজিদ। লাল গম্বুজটা চোখে পড়ে অনেক দূর থেকে। সারাদিন তার ওপরে জালালী কবুতর চক্র দিয়ে ওড়ে। মিনারের গায়ে দলে দলে বাহুড় ঝুলে থাকে। অনেক কালের পুরনো মসজিদ। যে পাঠান ফকির গাজী হয়ে পাল নগর দখল করেছিলেন, তাঁরই কীর্তি নাকি ওটা।

সমৃদ্ধ পাঠানদের গ্রাম এই পাল নগরে শতকরা নিরানব্বই জন মুসলমান। এককাল ছোট একটি মাদ্রাসায় আলেপ-বে-পে ছাড়া আর কোনো শিক্ষাদীক্ষার ব্যবস্থাই ছিল না। ফতে শা পাঠান গত বছর একটি এম-ই ইন্সকুল করেছেন এখানে। পাঁচ-সাতজন মাস্টার এসেছেন গ্রামে—সেই সঙ্গে বাইরের পৃথিবীর আলোও এসেছে।

ফতে শা পাঠানের বৈঠকখানা-ঘরে মজলিশ বসেছিল। রবিবারের সকাল—ইন্সকুল ছুটি। ফতে শা স্বয়ং আছেন, একজন মাস্টারও এসে জুটেছেন। তা ছাড়া দৈনন্দিন আগন্তুক জনকয়েক মাতব্বর ব্যক্তি তো আছেনই।

সামনে একখানা ধবরের কাগজ। তাকে কেন্দ্র করেই আলোচনা দানাবেধে উঠেছে।

কথা বলছিলেন আলিমুদ্দিন। পাবনা জেলার লোক—আই-এ পাস না করে নানা জায়গা ঘুরবার পর ইন্সুলের মাস্টারি নিয়ে এসেছেন।

আলিমুদ্দিন বললেন, এ বড় আফসোসের কথা, এখনো পাকিস্তান বোঝেন না আপনারা।

এস্তাজ আলী পাঠান কারবারী লোক। বয়স্ক ব্যক্তি। হাট-বাজারের উপলক্ষ্যে নানা জায়গায় যেতে হয় তাঁকে, ব্যবসায় উপলক্ষ্যে নানা স্তরের লোকের সঙ্গে মেশামেশি আছে। সংসার সম্পর্কে অভিজ্ঞ মানুষ। যুদ্ধ হেসে বললেন, বুঝব না কেন। নানা রকম কথাই তো শুনছি। শহরে দেখলাম ছোকরারা এরই মধ্যে বেশ গরম হয়ে উঠেছে। আপনি একটু খোলসা করে বলুন দেখি মাস্টার সাহেব?

আলিমুদ্দিন নড়েচড়ে বসলেন : আসল কথা, আমরা আর ওদের সঙ্গে থাকব না।

—কাদের সঙ্গে?—এস্তাজ আলী প্রশ্ন করলেন।

—কাদের আবার? কাফেরদের।

—হিন্দুদের বলুন।—এস্তাজ আলী শুধরে দিলেন।

—ও একই কথা—আলিমুদ্দিন জরুজিত করলেন। বক্র দৃষ্টি এস্তাজ আলীর মুখের ওপর ফেলে বললেন, কাফের আর হিন্দুতে কোনো তফাত নেই। তারা পুতুল পূজো করে, হাজার কুসংস্কার মানে, এক জাত এক জাতকে ছুঁলে তাদের নাইতে হয়। তা ছাড়া তারা ইসলামের শত্রু। কাফের কথার আর কী মানে থাকতে পারে, এ ছাড়া!

একটা মস্ত তাকিয়া হেলান দিয়ে গড়গড়া টানছিলেন ফতে শা পাঠান। চোখ দুটো বোজাই ছিল, আলোচনা শুনছিলেন খুব মন দিয়ে। নলটা ছেড়ে দিয়ে চোখ মেলে তাকালেন একবার। সোজা হয়ে উঠে বসলেন খানিকটা—দংশনোত্তর বিচ্ছেদ লেজের মতো গৌঁফটাকে টেনে খানিকটা লম্বা করতে চাইলেন, তারপর বললেন : যা বলেছেন। ও সব ব্যাটাই হারামখোর। সবাই কাফের। আর সব চাইতে বড় কাফের হল হিজলবনীর ওই ভৈরবনারায়ণ।

এস্তাজ আলী সম্পর্কে ফতে শার চাচা, সেদিক থেকে খানিকটা দুঃসাহস তাঁর আছে! তেমনি হাসিমুখেই বললেন, তোমার সঙ্গে মামলা চলছে বলেই বুঝি?

—না চাচা, আপনি বুঝতে পারছেন না। আপনারা সেকেলে লোক, বুঝবেনও না এসব। মাস্টার সাহেবই খাঁটি কথা বলছেন।

—বেশ বলুন, শোনা যাক।—এস্তাজ আলী দেওয়ালে গা এলিয়ে দিলেন।

আলিমুদ্দিন অর্ধেক হয়ে উঠলেন : এসব বাজে তর্কের কথা হয়—যুক্তির জিনিস। আমি আরো স্পষ্ট করে বলছি। হিন্দুদের সঙ্গে আলাদা হয়ে নয়া রাষ্ট্র আর নতুন তত্ত্বদূন ভৈরি না করতে পারলে আমাদের কোনো আশা নেই।

—সেদিন এক মৌলবী সাহেব মসজিদে ওয়াজ করে গেলেন। তিনিও ওসব বললেন বটে—ফতে শা পাঠান নিজের স্থচিন্তিত মন্তব্য জুড়ে দিলেন।

—ওসব মৌলবী-টৌলবীর কথা ছেড়ে দিন—আলিমুদ্দীন বিরক্ত হয়ে উঠলেন : কিছু বোঝে না, এটা বলতে ওটা বলে—সব মাটি করে দেয়। ধর্ম ছাড়া মাথায় কিছু ঢোকে না। ধর্মের নিন্দা আমি করছি না, কিন্তু এ হল রাজনীতির ব্যাপার। সে যাক। কিন্তু এখনো যদি আপনারা হুঁশিয়ার না হন, তাহলে আপনাদের সর্বনাশ হয়ে যাকে বলে দিচ্ছি।

—কে সর্বনাশ করবে, হিন্দুরা?—এস্তাজ আলী বললেন : কেন, মুসলমানের কজীর জোর কি একেবারে মরে গেছে?

—ভুল হল চাচা সাহেব। কজীর জোরের দরকার আছে, কিন্তু একালে তাই সব নয়। রাজনীতির খেলায় হার হয়ে গেলে কোনো কজি আপনাদের বাঁচাতে পারবে না। আর এই বেলাই কংগ্রেসের সঙ্গে আপনাদের বোঝাপড়া করে নিতে হবে।

—কংগ্রেস? কেন কংগ্রেস কি দোষ করল? শুনেছি, এককাল তো কংগ্রেস আজাদীর জন্তেই লড়াই করে আসছে। সে তো হিন্দু-মুসলমান সকলেরই আজাদী—এস্তাজ আলী আন্তে আন্তে বললেন।

—হিন্দু-মুসলমান সকলেরই আজাদী!—আলিমুদ্দিনের মুখে বিদ্রোহের বাঁকা হাসি ফুটে উঠল : গোড়াতে কয়েদে আজমও তাই ভাবতেন। এমন দিন ছিল যেদিন গান্ধীজীর ডান হাত ছিলেন জিন্না সাহেব। কিন্তু যেদিন প্রথম তিনি মুসলমানদের স্বার্থের কথা ভাবতে চাইলেন, সেদিন থেকেই তাঁর বরাতে জুঁতে লাগল ঘৃণা, সন্দেহ, নিন্দা। গোড়াতে তিনিও মুসলিম লীগকে ভালো চোখে দেখেননি, কিন্তু পরে বুঝলেন—মুসলমানের খাঁটি বন্ধু যদি কেউ থাকে, তবে তা কংগ্রেস নয়, ওই মুসলিম লীগ।

—কিন্তু কংগ্রেস—

—চাচা সাহেব এককাল ধরে ওদের একটানা প্রোপাগান্ডা শুনতে শুনতে কংগ্রেস ছাড়া আর কিছু ভাবতে পারেন না।—আলিমুদ্দিন উত্তেজিত হয়ে উঠলেন : আজাদী! কংগ্রেস কোন্ আজাদীর জন্তে লড়াই করে এসেছে এককাল? হিন্দুর। আমরা পৌত্তলিকতা মানি না, তবু কেন আমাদের উচ্চারণ করতে হবে, ‘বন্দে মাতরম্’—মাটিকে মা বলব আমরা কোন্ লজ্জায়? কেন আমরা ভাবতে যাব : স্বং হি দুর্গা দশ-প্রহরণধারিণী? বিপ্লবীদের আমি শ্রদ্ধা করি; দেশের অশ্রু যারা শহীদ হয়েছে, তাদের সালাম করি আমি। কিন্তু কেন বিপ্লবীদের দীক্ষা নেবার সময় কালীমায়ের পায়ের প্রণাম করতে হবে? কেনই বা শপথ নিতে হবে ঐ পুতুলের খাঁড়া মাথায় ঠেকিয়ে?

ফতে শা পাঠান কি বুঝলেনকে জানে। ইঠাৎ উজ্জ্বলিত হয়ে বলে ফেললেন, সাবাস!

আলিমুদ্দিন মাস্টার একটা অবজ্ঞার দৃষ্টি ফেললেন তাঁর দিকে। তারপর এতাজ আলীর দিকে মুখ ফিরিয়ে বললেন : চাচা সাহেব, ওটা মুসলমানের আজাদীর রাস্তা নয়।

—কিন্তু আজাদী এলে হিন্দু-মুসলমান দুজনেরই কি তাতে সুরাহা হত না ?

—না, একেবারেই না—জোরের সঙ্গে কথাটা উচ্চারণ করে ফরাশে একটা ছোট্ট কিল বসালেন আলিমুদ্দিন : ইংরেজ দেশ ছাড়বে এটা ঠিক। তার আর বেশিদিন বাদশাহী চলবে না, সে তা বুঝতে পেরেছে। এ কথাও মানি যে তাকে ভাড়ানোর পেছনে হিন্দু আর কংগ্রেসেরও অনেকখানি দান আছে। কিন্তু স্বাধীনতা যখন আসবে সে হবে ত্রিশ কোটি হিন্দুর স্বাধীনতা—দশ কোটি মুসলমানেরও না—কয়েক লাখ শিখেরও নয়। চাকরি-বাকরি অযোগ্য-অবিধা সব জুটবে হিন্দুর ভাগে, মুসলমান পাতের কাঁটাটিও পাবে না। সেটা হবে হিন্দুদের জুলুমশাহী।

—এখন অবশি মুসলমানদের কিছু চাকরি-বাকরির সুবিধে হচ্ছে—ফতে শা অনেকক্ষণ ধরে কিছু একটা বলবার চেষ্টা করছিলেন, ফাঁক পেয়ে এইবারে জুড়ে দিলেন কথাটা : নবীপুরের আলতাক মিঞা এবাবে এম এল. এ হয়েছে, বিস্তর চাকরি জুটিয়ে দিচ্ছে লোককে।

—লীগ মিনিসট্রি রয়েছে যে। হিন্দু মন্ত্রীরা থাকলে হত নাকি ওসব ?

—আজাদী হলেও তো লীগ মিনিসট্রি হতে পারে—বলতে চাইলেন এতাজ আলী।

—কাঁচা কথা বললেন চাচা সাহেব, একেবারে কাঁচা কথা। আপনার মতো প্রবীণ লোকের কাছ থেকে এ কথা শুনব আশা করিনি। লীগ মিনিসট্রি হবে কোথেকে ? ভোট পাবেন কেমন করে ? তিনগুণ বেশি ভোটে হিন্দুরা গিয়ে বসবে গদিত্তে—আসবে জয়েন্ট ইলেক্টোরেট। একটা কথা বলবার মুখ থাকবে না আমাদের।

—কিন্তু শেষব জায়গায় মুসলমান বেশি, সেখানে তো আমরাই জিতব।

—এইবার পথে এসেছেন—আলিমুদ্দিন হাসলেন : খানিকটা বুঝতে পারছেন আমার কথাটা। কিন্তু দুটো একটা প্রভিন্স মুসলিম মেজরিটি নিয়ে আমরা যুঝব কি করে দেশ-জোড়া হিন্দুদের সঙ্গে ? তাই যেখানে যেখানে মুসলমানের সংখ্যা বেশি, সেই সব প্রদেশ নিয়ে আমাদের নতুন রাষ্ট্র গড়ে উঠবে—সে রাষ্ট্রের নাম পাকিস্তান।—আলিমুদ্দিনের গলার স্বর ক্রমশ উচ্ছ্বাসে গভীর হয়ে উঠতে লাগল : আমাদের হাত থেকেই ইংরেজ হিন্দুস্থান কেড়ে নিয়েছিল, যদি এ রাজ্য ফিরে পাওয়া যায়, তাহলে এর সবটাই আমাদের পাওনা। কিন্তু নানা অসুবিধের কথা ভেবে সে দাবি আমরা তুলিনি। আমরা শুধু আমাদের মেজরিটি প্রভিন্স নিয়েই নয়া রাষ্ট্র গড়ে তুলতে চাই। তাও কি কম হবে। দশ কোটির মধ্যে অন্তত আট কোটি মুসলমানকে আমরা পাবই। আর তা হবে পৃথিবীর বৃহত্তম ইসলামিক রাষ্ট্র। ইসলামিক রাষ্ট্রই বা বলছি কেন—

ইয়োরোপের কটা দেশে আট কোটি লোক আছে ? যে আরবেরা একদিন সারা
দুনিয়ার ওপর তলোয়ার ঘুরিয়েছিল, কত ছিল তাদের সংখ্যা ?

ফতে শা আরামে গোঁফের প্রান্ত দুটো পাকাতো লাগলেন : বেশক ।

এন্তাজ আলী চুপ করে রইলেন । চিন্তার রেখা ফুটেছে সারা মুখে : আমি কিছু
বুঝতে পারছি না ।

—কিছু শক্ত নয় বোকা । শুধু বোঝবার মতো মনটাই তৈরি হয়নি চাচা সাহেব ।
কিন্তু দিন আসছে, আপনারাও আর ঘুমিয়ে থাকতে পারবেন না ।

—আপনারা কিন্তু স্বপ্ন দেখছেন—এন্তাজ আলী বললেন ।

—স্বপ্নকে আমরা সত্য করে তুলব । মহম্মদ বোরী, বক্তিরার খিলিজীও তাই করে-
ছিলেন ।—আলিমুদ্দিন মাস্টারের চোখ মুখ জ্বলতে লাগল : এই স্বপ্নই একদিন আরব
থেকে আফ্রিকা পর্যন্ত ইসলামের রাঙা উড়িয়েছিল । থর থর করে কঁপেছিল ইয়োরোপ,
খ্রীষ্টানরা আতর্জনাদ তুলেছিল, God, save us from Turks !

—কিন্তু একসঙ্গে কি থাকা যেত না ?

—না ।—আলিমুদ্দিনের স্বর দৃঢ় হয়ে উঠল : সে কথা কায়দে আজম ভেবেছিলেন,
আমাদের পাকিস্তানের মহাকবি ইক্বালও তাই ভেবেছিলেন । একদিন তিনি লিখে-
ছিলেন :

‘সারে জাঁহা সে আচ্ছা, হিন্দুস্তান হামারা ।

আব রোদ্ এ গঙ্গা বহ্ দিন হ্যায় য়াদ্ তুঝকো,

উতরো তেরী কিনারৌ মেঁ কারোয়ঁ হামারা ।’

তারপর তাঁর ভুল ভাঙল । বুঝলেন, হিন্দুস্তান তাঁর কেউ নয়, গঙ্গার জলের সঙ্গে
কোনো সম্বন্ধই নেই তাঁর । তিনি বললেন, আমার মাথায় গুণগোল হয়েছিল, তাই ও
কবিতা লিখেছিলাম আমি । কিন্তু এখন বুঝেছি, পাকিস্তান ছাড়া মুসলমানের কোনো
গতি নেই । তাই ভুল শুধরে তাঁকে লিখতে হল :

‘অয়্ গুলিসিতান্ এ উন্দুলুস বহ্ দিন হ্যায় য়াদ্ তুঝকো,

থা তেরী ডালীওঁ য়ে জব আশিয়ঁ হামারা ।

মঘরিব কী বাদীওঁ মেঁ গুনজী আজঁ হামারী—

সারে জাঁহা সে আচ্ছা, পাকিস্তান হামারা ।’

দরদ-ভরা গলায়, উচ্চকিত আবৃত্তি করে গেলেন আলিমুদ্দিন মাস্টার । চমৎকার
আবৃত্তি করেন—স্বরের মধ্যে উচ্ছ্বসিত মুগ্ধতা ! উর্দু কবিতার ললিত ছন্দ-বিত্তাসে
কিছুক্ষণের জন্তে ধরটা আবিষ্ট হয়ে রইল ।

খানিক পরে নীরবতা ভেঙে ফতে শা প্রশ্ন করলেন, মানে কী হল ওর ?

ধিকারের দৃষ্টি ফুটে উঠল আলিমুদ্দিন মাস্টারের চোখে : মুসলমানের ছেলে, এইটুকু উর্ধ্ব জানেন না ! এটা লজ্জার কথা হল সাহেব !

ফতে শা খতমত খেয়ে গেলেন : কিছু কিছু শিখেছিলাম—তা কবে ভুলে গেছি ।
আমি তো আপনার মতো আর—

—একটু পড়ে নেবেন আবার । শেখা দরকার ।—আলিমুদ্দিন খবরের কাগজটা ভাঁজ করে নিয়ে উঠে দাঁড়ালেন : আমি এবার উঠি, অনেক বেলা হল ।

—কিন্তু আলোচনা তো শেষ হল না—এন্তাজ বললেন ।

—না, সবে শুরু হল—এবার আলিমুদ্দিনও হাসলেন : আরো অনেক কথা বলতে হবে, আরো অনেক আলোচনা করতে হবে । ভালো কথা, আপনারা সবাই লীগের মেম্বার তো ?

এক এন্তাজ আলী ছাড়া সবাই মাথা নিচু করলেন ।

—আমি জানতাম—আলিমুদ্দিনের স্বরে অমুকম্পা ফুটে বেরুল : আচ্ছা, কাল আমি চাঁদার খাতা নিয়ে আসব । পাঁচশ পাঠানের এই পাল নগরে লীগের শক্ত ঘাঁটি তৈরি করতে হবে একটা । আচ্ছা, চলি এবার, আদাব ।

—আদাব ।

আলিমুদ্দিন মাস্টার পথে বেরিয়ে পড়লেন ।

বেলা বেড়ে উঠছে । অল্প অল্প হাওয়ায় গুঁড়ো চন্দনের মতো লাল মাটি উড়ছে দিকে দিকে । মিনারের মাথায় ঝুলত বাহুড়ঙলোর পেছনে একদল কাক লেগেছে, বাহুড়ের কুঞ্জী চিংকার ছড়িয়ে যাচ্ছে বিকৃত যন্ত্রণায় । একরাশ ধুলো আর কুটো-কাটি বয়ে একটা ঘূর্ণি পাক খেতে খেতে উঠে গেল ।

বর্ষার জল শুকিয়ে আসা মাটি থেকে কেমন একটা গন্ধ—একটা উত্তপ্ত গন্ধ । পাড়াগাঁয়ের লোক আলিমুদ্দিন মাস্টার—এই গন্ধটা তাঁর চেনা । এর কেমন একটা নেশা আছে—একটা মাদকতা আছে যেন । মস্তিষ্কের মধ্যে ক্রিয়া করতে থাকে, ওই নামনের ঘূর্ণিটার মতোই চিন্তাগুলোকে আবর্তিত করে তোলে । আলিমুদ্দিন মাস্টার ভাবতে ভাবতে পথ চললেন ।

‘সারে জাঁহা সে আচ্ছা, পাকিস্তান হামারা ।’ নিশ্চিত সিদ্ধান্ত, নিভুল বিশ্বাস । এর আর ব্যতিক্রম নেই কোথাও । দৃষ্টি চলে গেল পাল বুকজের উইটিবি-ঘেরা উঁচু চূড়োটার দিকে । এই গড়ের হিন্দু রাজত্ব যেমন একদিন বিজয়ী মুসলমানের শাণিতাগ্র তলোয়ারে পায়ের নিচে লুটিয়ে পড়েছিল—সেইদিন আবার ফিরে আসছে নতুন করে । পাকিস্তান হামারা ।

কোনো সন্ধি ? না । কোনো রফা ? অসম্ভব । কোনো ঐক্য ? অসম্ভব ।

কিন্তু এমন কি চিরদিন ছিল? চিরকালই কি এমন চরমপন্থী ছিলেন তিনি?

না, তা নয়। জীবনে তিনিও অনেক করেছেন, অনেক অভিজ্ঞতা তাঁরও হয়েছে। প্রথম প্রথম যেগুলিকে বিচ্ছিন্ন কতগুলো ঘটনামাত্র মনে হয়েছিল, আজ তারা ধরা দিয়েছে একটা বিশেষ তাৎপর্যের ভেতরে—আজ আর কিছু জানতে বাকি নেই তাঁর।

মনে আছে, হিন্দুদের ইস্কুলে প্রথম ভর্তি হওয়ার কথা। যে বেঞ্চে তিনি বসেছিলেন, সেখানকার তিন-চারটি হিন্দু ছেলে খানিক বাদে একসঙ্গে লাফিয়ে উঠেছিল।

ক্রাসে পড়াচ্ছিলেন বাংলার মাস্টার সারদাবাবু। জুটুটি করে জিজ্ঞাসা করেছিলেনঃ এই, কি হচ্ছে তোদের?

—বসতে পারছি না।

—কেন?

—ও যে মুসলমান স্তার।

—মুসলমান তো হয়েছে কি?—সারদাবাবুর দৃষ্টি কঠোর হয়ে উঠেছিল।

একজন বলেছিল, ওর গায়ে বিজী রত্নের গন্ধ স্তার। একেবারে মুসলমানী গন্ধ।

হো-হো করে ক্রাসহৃদ্ধ হাসির বন্যায় ভেঙে পড়েছিল। সে হাসি থেকে সারদাবাবুও বাদ যাননি। আর সবচেয়ে আশ্চর্য—ক্রাসের মুসলমান ছেলেরাও সে হাসিতে যোগ দিয়েছিল।

সারদাবাবু কৃত্রিম ক্রোধে ধমক দিয়ে বলেছিলেন—যত সব বানরের দল। যা—যা, সামনের ওই বেঞ্চিটাতে বোস গিয়ে।

সেদিন সারা ক্রাসে আর মাথা তুলতে পারেননি আলিমুদ্দিন। কিশোরের প্রথম চেতনায় সে অপমান বিঁধেছিল যেন আগুনের চাবুকে কণ্টকিত আঘাতের মতো। সেই কৈশোরেই মনে হয়েছিল, এ অপমানের জবাব একদিন তাঁকে দিতেই হবে।

তারপরে এ জাতীয় তিক্ত অভিজ্ঞতা বহুবার তাঁর হয়েছে। আঘাতের পর আঘাত এসেছে নানা দিক থেকে—স্পর্শাতুর মন বিদ্রোহ করে উঠেছে বার বার। আরো বড় হয়ে একজন বিদেশী রাজনৈতিক নেতার জীবনচরিত থেকে তাঁর মনের সমর্থন মিলেছিল:

‘নতুন একটি পরিধার কোট পরিয়া আমি স্কুলে আসিয়াছিলাম। হঠাৎ কোথা হইতে মলিন-বস্ত্র-পরা জীর্ণ-শীর্ণ-দেহ করেকটি ছাত্র আসিয়া আমার সামনে দাঁড়াইল। খানিকক্ষণ বিশ্রিত দৃষ্টিতে তাকাইয়া থাকিয়া তাহাদের একজন আমার কোটের উপর খানিকটা থুণু ছড়াইয়া দিয়া ছুটিয়া পলাইল। সে ব্যবহারের অর্থ তখন বুঝিতে পারি নাই, আজ তাহা আমার কাছে স্পষ্ট হইয়া গিয়াছে।’

তিনি বুঝেছিলেন এ বড়লোকের ঐশ্বর্যের প্রতি দরিদ্রের স্বাভাবিক বিদ্বেষ। আর আলিমুদ্দিন বুঝলেন এ শ্রেষ্ঠতার অভিমানে অস্ত্রের আত্মমর্যাদায় নিহ্নর আঘাত। এ আঘাত

একদিন হুদে-আসলে ফিরিয়ে দিতে হবে—তঁার মন ঘোষণা করেছিল।

কিন্তু তখনো তাঁর ভুল সম্পূর্ণ কাটেনি। তখনো তিনি ভেবেছিলেন, সে মর্যাদা ফিরে পাবার পথ সকলের ভেতর দিয়েই। স্বাধীনতার আকাজক্ষা বুকের মধ্যে কৈশোরেই জলে উঠেছিল—উনিশ শো তিরিশ সালের আন্দোলনে যোগ দিয়ে শেষবার তাঁর ভুল ভাঙল। আলিহুদ্দিন মাস্টার চলতে চলতে চৌট কামড়ে ধরলেন একবার।

উনিশ তো তিরিশ সালের সে ধ্বনির সঙ্গে ‘আজ্ঞা হো আকবর’ জয় ধ্বনিত হয়েছিল আকাশে বাতাসে। তিন-রঙা পতাকার সবুজ-সংকেত তাঁকে সেদিন দিয়েছিল সংখ্যালঘু সম্প্রদায়ের স্বার্থ-রক্ষার নিশ্চিত প্রতিশ্রুতি। সেদিন তিনিও কণ্ঠ মিলিয়ে গেয়েছিলেন :

‘ইসি ঝাণ্ডেকো নীচে নিরুত্তর,
বোলো ভারত মাতা কী জয়।’

‘ভারত মাতা কী জয়।’ সেদিন ভারত মাতাকে বন্দনা করতে জিতে জড়তা আসেনি, মনে জাগেনি পৌত্তলিক কুসংস্কারের প্রহ্ন। দেশের মাটিকে খানিকটা নিম্প্রাণ বস্ত্রপিণ্ড বলেই মনে হয়নি সেদিন। হুজলাং হুফলাং হুখদাং বরদাং মাতৃকাযুতি সেদিন দীপিত ছিল দৃষ্টির সম্মুখে। সেদিন ভারতবর্ষের পূজামণ্ডপে এসে অঞ্জলি সাজিয়েছিল : হিন্দু-বৌদ্ধ-শিখ-জৈন-পারসিক-মুসলমান-খৃষ্টানী—

কিন্তু তারপর ? সাবানের ফেনায় গড়া বুদ্ধদেব মায়ার মতো মিলিয়ে গেল।

মনে পড়ছে হিন্দু মেয়েদের স্নিগ্ধ করাঙ্গুলিতে পরিষে দেওয়া সেই চন্দনের তিলক। সত্যগ্রহের পথে নির্ভীক অভিযাত্রীর দল। আনন্দে-উৎসাহে সারা প্রাণ প্রদীপের মতো উজ্জ্বল হয়ে উঠেছিল। সেই চন্দন-চিহ্নকে সেদিন মনে হয়েছিল গৌরবের জয়টাকা।

মহিষবাথানের নোনা জল দিগন্তে ছেলে-পড়া অস্ত চাঁদের আলোয় চিক চিক করে। হু হু করে রাজির দীর্ঘশ্বাসে সে জলে কলরোল ওঠে—মনে হয় মস্তোচ্চার উঠছে : ‘মোরা মিলেছি আজ মায়ের ডাকে’। জ্যোৎস্নাঝলকিত কালো ছায়া-ফেলা দীর্ঘকায় তালবীথি সারা রাত মর্মরিত হয়। দূরে আলোর মালা পরে রাজির অপ্সরা কলকাতা ঘুমিয়ে থাকে—উৎসব-শেষে রঙ্গমঞ্চে লুটিয়ে পড়া কোনো সালঙ্কারা নর্তকী যেন।

বাতাসে শীত ধরে। তাঁবুর মধ্যে বিনিত্র চোখ মেলে চেয়ে চেয়ে দেখা যায় : একটার পর একটা উষ্ণ ঝরে পড়ছে। বৃষ্টিক রাশি ধীরে ধীরে একটু একটু করে উজ্জ্বল হয়ে উঠে ক্রমে পাণ্ডু হতে থাকে। সকাল থেকে আবার সংগ্রাম শুরু। পুলিশ আসবে—লাঠি আসবে, প্রিজন্ ভ্যানের ধোলা দরজা অভ্যাগত-বরণের মতো এগিয়ে আসবে হাত বাড়িয়ে।

নিদ্রাহীন চোখে সবুজ রাত বুকের মধ্যে কি যেন জলতে থাকে। ঠিক জালা নেই—অথচ আশ্চর্য আঘেয় অহুত্ব আছে একটা। ঘুম আসে না, তবু স্বপ্ন ভাসতে থাকে।

কচ্ছাকুমারীর প্রান্তরেখা থেকে সমুদ্রের সফেন জলে স্নান সাদ করে উঠে পাঁড়ালেন মহাভারতী ; সিংহল তাঁর পায়ের তলায় ফুটে উঠল একটি রক্তকমলের মতো, সিদ্ধশীকর-লিপ্ত কেশজাল ছড়িয়ে পড়ল কারাকোরাম-শিবালিক থেকে খাসীয়া-জয়ন্তীর বেণীবন্ধনে চন্দ্রনাথের সীমান্ত অবধি । দক্ষিণ কর প্রসারিত করে তিনি আরব-সমুদ্রের এলিফ্যান্টা থেকে প্রার্থনা করে নিলেন ত্রিশীর্ষ মহাকাশের বরাভয়, বাম করের নীবার-মঞ্জরী ভাঙার পরিপূর্ণ করে দিলে গঙ্গাহৃদি শামল বাংলা । উন্নত-কিরীটের তুষারশীর্ষে সৌরদীপ্ত স্বর্ণলেখা জলতে লাগল, আকাশ থেকে আরাত্রিকের রাশি রাশি দেবধূপ নেমে এল কুণ্ডলিত মেঘপুঞ্জের মতো ।

তারপর ছয় মাস জেল । আরো ভাবের হল স্বপ্ন, প্রতিজ্ঞা হল আরো কঠিন । কিন্তু—মনে পড়ছে কংগ্রেস কমিটির সেক্রেটারী নিকুঞ্জবাবুর সঙ্গে দেখা করতে গিয়েছিলেন তাঁর বাড়িতে, সঙ্গে ছিলেন আর একজন সহকর্মী—হৃষীকেশবাবু ।

নিকুঞ্জবাবুর বাড়ির বাইরের লনে ফুটফুটে একটি ছেলে খেলা করছিল । হৃষীকেশ বললেন, তোমার বাবাকে একটা খবর দাও খোকা, দরকারী কাজে আমরা এসেছি ।

ছেলেটি ছুটে বাড়ির মধ্যে চলে গিয়েছিল । তারপরেই শোনা গিয়েছিল তার উৎসাহিত গলার স্বর : মা, মা, একটি ভদ্রলোক আর একটা মুসলমান বাবার সঙ্গে দেখা করতে এসেছে ।

একটি ভদ্রলোক আর একটা মুসলমান ! অপমানে কান দুটো জালা করে উঠল, শরীরের সমস্ত রক্তকণা মুহূর্তে এসে জমা হল মুখের প্রতিটি রোমকূপে ।

হৃষীকেশবাবু অপ্রতিভের মতো হাসলেন । যেন কৈফিয়ত দিয়ে বলতে চাইলেন, ছেলেমানুষ !

—না, না, তাতে আর কী হয়েছে !—প্রাণপণে কাষ্ঠহাসি হাসতে হল আলিগুদ্দিনকে । মনে পড়ে গেল সারদাবাবুর ক্লাসের সেই অভিজ্ঞতা : ও যে মুসলমান আর ।

এক-আধটা নয়, এমন অনেক খুঁটিনাটি । সর্বশেষ অভিজ্ঞতা হল আরো দিনকণ্ডক পরে ।

হৃষীকেশবাবুর সঙ্গে বন্ধুত্বটা দানা বেঁধে উঠছিল একটু একটু করে । ভদ্রলোক অত্যন্ত নিষ্ঠাবান কর্মী, দেশের জেজু সবকিছু সমর্পণ করে বসে আছেন । তাঁর মা হরিজন-পল্লীতে নাইট-স্কুল করেছেন, তাঁর বোন কল্যাণী স্বেচ্ছাসেবিকাদের নেত্রী ।

আলিদা বলে ডাকত কল্যাণী । নিজের বোন নেই আলিগুদ্দিনের, বড়ভালো লাগত মেয়েটিকে ; আরো লেগেছিল—যেদিন হৃষীকেশবাবুর পাশেবসিয়ে তাঁকেও ভাইকোঁটা দিয়েছিল কল্যাণী : ‘যমের দুয়ারে দিলাম কাঁট’—’ । চোখ ভরে সেদিন তাঁর জল বনিয়ে

এসেছিল, সে কথা আজও তো স্পষ্ট মনে পড়ে।

স্কুলের সেকেণ্ড ক্লাসে পড়ত কল্যাণী। মধ্যে মধ্যে তাকে দু-চারটে অঙ্ক বুঝিয়ে দিতেন আলিমুদ্দিন। হাতে যেদিন কোনো কাজ থাকত না, সেদিন অযাচিত ভাবেই এসে বসতেন হুদীকেশের বৈঠকখানায়, ঘরে কেউ না থাকলেও খবরের কাগজের পাতা উন্টে সময় কেটে যেত। তারপরে হয়ত হুদীকেশ অথবা কল্যাণী কেউ এ ঘরে তাঁকে আবিষ্কার করত : বাঃ—এই যে, কখন এলেন আপনি ?

এই তো কিছুক্ষণ হল।

—তবু একবার ডাকেননি। আচ্ছা মানুষ তো! এতদিন ধরেও পরের মতো হয়ে রইলেন।

—পরের মতো নই বলেই তো বিনা নিমন্ত্রণে নিশ্চিন্তে এসে বসে আছি। বাইরে থেকে কেউ এসেছি, এটাকে তারস্বরে ঘোষণা করতে চাইনি—হেসে জবাব দিতেন আলিমুদ্দিন।

কিন্তু এই নিশ্চিন্দে আসাটাই কাল হল তারপরে।

কাল ? না—না, সেই হল আশীর্বাদ। সত্যকে চিনলেন তিনি, আবিষ্কার করলেন মুখোশের আবরণে লুকিয়ে থাকা বাস্তবের মুখশ্রীকে। মহিষবাখানের শীতার্ভ রাত্রিতে জাগ্রৎ-স্বপ্নে দেখা আলোকময়ী মহাতারতীমূর্তি ভেঙে টুকরো টুকরো হয়ে পড়ল—আকাশ থেকে ঝরে-পড়া এক একটা উল্কাখণ্ডের মতো।

ঝিমঝিম করে সেদিন অল্প অল্প বৃষ্টি পড়ছিল। এলোমেলো হাওয়া দিচ্ছিল পূর্বদিক থেকে। ভিজতে ভিজতে আলিমুদ্দিন হুদীকেশবাবুর বৈঠকখানায় এসে উঠলেন। বড় ভালো লাগছে সন্ধ্যাটাকে। কল্যাণীর মায়ের কাছে খিচুড়ি খাওয়ার আবদার করা যেতে পারে, গান শোনবার দাবি করা যেতে পারে কল্যাণীর কাছে।

হুদীকেশ বৈঠকখানায় নেই। টেবিলে একটা শেজবাতি জ্বলছে। অভ্যাসবশে একটা ইজি-চেয়ারে আরামে এলিয়ে বসলেন আলিমুদ্দিন।

একটা ভাক দিতে যাবেন, ঠিক সেই সময়েই শব্দটা ভেসে এল। ভেসে এল অলঙ্কার্য ব্যাধের স্থিরলঙ্কার্য একটি শাপিত তীরের মতো। বৃষ্টির ঝিরঝির আর হাওয়ার শনশনানি তাকে প্রতিরোধ করতে পারল না।

—কি দরকার অত মাথামাখি করার ? সবটারই একটা সীমা আছে।

হুদীকেশের মায়ের গলা। হরিজন-পঙ্কীতে যিনি নাইট-স্কুল করেছেন, নিজের হাতে বোনা হত্যোর স্বপ্নের গুত্র শাড়িতে থাকে কখনো কখনো ভুল হয়েছে তপতী তারতবর্ষ মনে করে।

অপরান্বিতার ঘরে জবাব এল কল্যাণীর।

—তোমরাও বড় বেশি দোষধরহ। কি এমন অশ্রায়টা হয়েছে? বাড়িতে নিয়মিত আসেন, এত ভালোবাসেন, দাদা বলে ডাকি—

কল্যাণীর মার স্বর আরো বেশি ভীত শোনাল। আরো বিযুক্ত।

—ওঃ, একেবারে সাতকেলে দাদা! জ্ঞাত নয়, গোস্তর নয়—ও জাতকে বিশ্বাস আছে নাকি?

চেতনাটা যেন ক্রমশঃ অভিভূত হয়ে পড়ছে। ফাঁসির দড়িতে অবধারিত ভাবে ঝুলে পড়বার পরেও বাঁচবার একটা অস্তিম আশ্বপের মতো সমস্ত জিনিসটাকে অবিশ্বাস করবার চেষ্টা করেছেন আলিমুদ্দিন—চেষ্টা করেছেন একটা মর্যাদিক আগ্রহে। নিশ্বাস বন্ধ করে তিনি প্রতীক্ষা করতে লাগলেন—যেন এখুনি গুনতে পাবেন এ আক্রমণের লক্ষ্য তিনি নন।

কিন্তু আশ্বপ্রবঞ্চনা চলল না বেশিক্ষণ। কল্যাণীর মা নিজেই সে স্বপ্নকে ভেঙে খান খান করে দিলেন পরমুহূর্তে।

—দিনরাত আলিদা আর আলিদা—নাম করে করে মেয়ে আমার অজ্ঞান। বেশ তো, দাদা আছে থাক, মাঝে মাঝে আশুক যাক—কিন্তু এ কি! আলিদা একটা অন্ধ কষে দিন, আলিদা একখানা নতুন গান শুনুন—এ সমস্ত কী! ও জাতের সঙ্গে এমন মাধামাধি কিসের!

ও জাত! ছেলেবেলায় সারদাবাবুর ক্লাসের সেই হাসির আওয়াজটা যেন আকাশ ফেটে ভেঙে পড়ল। হু হাতে কান চেপে ধরে উঠে পড়লেন আলিমুদ্দিন। সমুদ্রের অতল জলে যেন ডুবে যাচ্ছেন তিনি, নিশ্বাস নেবার মতো এতটুকু ফাঁকা আকাশ বুঝি কোনোখানে নেই!

যেমন নিঃশব্দে এসেছিলেন, তেমন নিঃশব্দে পথে নেমে গেলেন। দিক্‌ভ্রান্তের মতো ঘুরে বেড়ালেন শহরের এ প্রান্ত থেকে ও প্রান্ত পর্যন্ত। চোখে যেন কিছু দেখতে পাচ্ছেন না, সম্মুখের সব কিছু লক্ষ্যবস্তুকে চিরদিনের মতো তিনি হারিয়ে ফেলেছেন। এলোমেলো ঠাণ্ডা বাতাস সাপের লেজের মতো তাঁর চোখে মুখে ঝাপটা মারতে লাগল, সর্বাঙ্গে বৃষ্টির ফোঁটা ঝরতে লাগল নাইট্রিক অ্যাসিডের জ্বালার মতো। অবশেষে নথ পায়ের বুড়ো আঙুলে যখন ছড়ির একটা ঠোকা লাগল, নথ ফেটে গিয়ে গড়াতো লাগল রক্ত—সেই মুহূর্তে নিজের মধ্যে ফিরে এলেন আলিমুদ্দিন।

: ওর গায়ে বিল্ডি রক্তের গন্ধ।

: একজন ভদ্রলোক, আর একটা মুসলমান।

: ও জাতকে বিশ্বাস আছে নাকি?

রক্তাক্ত বুড়ো আঙুলটা চেপে বৃষ্টি-ঝরা আকাশের তলায় পথের কাদার ওপরেই বসে

পড়লেন আলিমুদ্দিন। তাঁর ধর্ম জানে, তাঁর সমস্ত অন্তরায় জানে, নিজের বোনের চাইতে আলাদা দৃষ্টিতে কোনোদিন তিনি দেখেননি কল্যাণীকে।

ভালোমন্দ সব সমাজেই আছে। তাঁর নিজের সমাজ পিছিয়ে-পড়া, অনেক দোষ-ত্রুটিও আছে তার। সে কথা তিনি অস্বীকার করেন না। কিন্তু তাই বলে সমাজের প্রতিটি মানুষকে কেন এই ঘৃণার আঘাত!

সেই ভাই-কোঁটার তিলক তো এখনো তাঁর ললাটের স্পর্শানুভূতিতে জীবন্ত হয়ে আছে। সেই ‘যমের দুয়ারে দিলাম কাঁটা’—সে তো তাঁরই প্রতি অক্লপণ মঙ্গল-কামনা। তবে ?

কাটা নখের অসহ্য যন্ত্রণাকে ছাপিয়ে তীব্রতর যন্ত্রণার মধ্যে তার উত্তর এল। কল্যাণী আছে, তার কল্যাণ-কামনাও আছে। কিন্তু কল্যাণীর সামনে ভ্রাতৃত্বের সত্যিকারের গৌরব নিয়ে দাঁড়াতে জানলেই তার পূর্ণ ফল আসবে তাঁর হাতে।

কিন্তু সে কেমন করে ? কি উপায়ে ?

মাথা তুলে দাঁড়াও। ছোট হয়ে নয়, ঘৃণায় অহুকম্পায় নয়, অহুগ্রহের প্রসাদের মধ্যে দিয়েও নয়। সেদিন তাঁকে ছোট করে দেববার মতো স্পর্ধাও কান্নার থাকবে না, যেদিন মক্কা থেকে মক্কা পর্যন্ত কাঁপিয়ে তোলা ইসলামী সমশেরের দীপ্তি পড়বে তারতবর্ষের মুখে—সেইদিন। সেইদিনই কর্মদেবীর রাখীবন্ধন উৎসব সফল হবে শাহেন-শা বাদশা হুমায়ূনের সঙ্গে।

সমস্ত চিন্তা, সমস্ত ভাবনার গতি মোড় ঘুরল। দিন কয়েক সীমাহীন অনিশ্চয়তার কাটবার পরে পথের নির্দেশ মিলল তাঁর।

‘I am first a Mussalman, then an Indian.’

মৌলানা মহম্মদ আলীর উক্তি। দেশের কাজে সমর্পিত-প্রাণ জন-নারকের স্বপ্নভঙ্গের স্বীকৃতি।

না, হিন্দু সম্প্রদায়ের ওপর তাঁর বিদ্বেষ নেই। ব্যক্তিগতভাবে প্রতিটি ইংরেজকেই কি তিনি ঘৃণা করেন ? না—তা নয়। কিন্তু হিন্দুর যে দৃষ্টভঙ্গি মুসলমানকে বিচার করে, ইংরেজের যে মনোভাব তারতবর্ষকে শাসন করে, তারই বিরুদ্ধে তাঁর অভিযান।

এত বড় হিন্দু সমাজ। নতুন তারতবর্ষকে গড়েছে, এনে দিয়েছে জাতীয় আন্দোলনের অমর মন্ত্র, আজাদীর শপথ। কেমন করে তিনি ভুলবেন তাঁর সেই অনন্তজাতী সহকর্মীদের, কেমন করে ভুলবেন তাঁদের কথা—ধারা কাঁসির মধ্যে দাঁড়িয়ে মুক্তি ঘোষণা করে গেলেন হিন্দু আর মুসলমানের ? মহিষবাধার যাজ্ঞার আগে যে বোনেরা কপালে চন্দন-চিহ্ন এঁকে দিয়েছিল, যে মায়ের দল ধান-দুর্বা দিয়ে আলীর্বাদ করেছিলেন, যে কল্যাণীর কল্যাণস্পর্শ তাঁর জীবনের একটা অপক্লপ সঞ্চয়, তাদের তিনি ভুলতে পারেন না। শুধু চান—তাদের

কাছে প্রতিদিনের পাওয়া এই ঘণার কলঙ্কে মুছে নিতে, সোজা মাথায়, বলিষ্ঠ পেশল বুকে নিজের পূর্ণ মর্যাদায় দাঁড়াতে। হিন্দু হিন্দুত্বের স্বজা বলে বেড়াক—মুসলমান কেন ভুলে যাবে তার শেষ নবীর দীপ্ত বাণীকে, ভুলে যাবে তার দিখিজয়ী তলোয়ারকে ?

বন্ধুত্বহয় সমানে সমানে। মিত্রতা হয় সমমর্যাদার ভিত্তিতে; সেইসাম্য—সেইমর্যাদাকে আগে নিতে হবে আদায় করে। আগে করতে হবে আশ্বস্তুতি। পাকিস্তান হামারা—

পথ চলতে চলতে কি এতক্ষণ দিবাস্বপ্ন দেখছিলেন আলিমুদ্দিন ? এইবার চোখ রগড়ালেন। ফতে শা পাঠানের বৈঠক থেকে বেরিয়ে নিজের খেয়ালে হাঁটতে হাঁটতে কত দূরে চলে এসেছেন তিনি। পাল বুরুজ অনেক পেছনে পড়ে গেছে, তার চূড়োর ওপর উড়ন্ত জালালী কবুতরগুলোকে এত দূর থেকে দেখাচ্ছে ঠিক একঝাঁক প্রজাপতির মতো।

অতীতের রোমন্থন করতে করতে প্রায় এক মাইল পথ পার হয়ে এসেছেন আলিমুদ্দিন। হেঁটে চলেছেন উঁচু-নীচু টিলা জমির লাল ধুলো ভরা পথ দিয়ে। বেলা প্রায় মাথার ওপর। মাঠের তেতর দিয়ে একটা ঘূর্ণি উদ্ভ্রান্তের মতো ছুটে চলেছে, রৌদ্রদগ্ধ সীমান্তের ওপর থেকে কারুর অদৃশ্য হাতছানি দেখতে পাচ্ছে যেন। একটু দূরেই একটা উঁচু ডাঙার ওপর ‘কারবালা’। প্রতি বছর পাল নগরে মহরম শেষ হলে এই কারবালাতেই তাজিয়া হয়ে আনা হয়।

কারবালার পাশেই বাদিয়াদের ছোট একটা গ্রাম : মুস্তাফাপুর। এই এলাকার মান্নুবগুলি তাঁর ভারি অহুগত, পাল নগরে ফতে শাহের কাছে দরবাব করতে গেলে প্রায়ই তাঁর কাছে সেলাম বাজিয়ে আসে। একটা হোমিওপ্যাথিক বাস আছে, আর আছে একখানা ‘সরল গৃহ-চিকিৎসা’। আপদে-বিপদে, সময়ে অসময়ে কিছু কিছু ঔষধ বিতরণ করে মুস্তাফাপুরের দুর্বিনীত বাদিয়াদের ক্লান্তজ্ঞাতাজন হয়েছেন। বলতে গেলে এরাই ফতে শাহ সামরিক শক্তি—দাঙ্গাহাঙ্গামার সময় লাঠি, হাতুয়া আর বে-আইনী গাদা-বন্দুক নিয়ে এরাই সর্বাগ্রে ঝাঁপ দিয়ে পড়ে রণক্ষেত্রে। প্রত্যেকের গায়েই দুটো-চারটে আঘাতের চিহ্ন আছে, অনেকেরই নাম তোলা আছে থানার দারোগাবাবুর দাগী আসামীর ফিরিস্তিতে। রাতবিরেতে প্রায়ই চৌকিদার এসে হাঁক পাড়ে : কবরমুন্দি, ঘরে আছ ? ৬ গণি ভুঁইয়া, তোমার খবর কী ?

হোক দাগী, হোক দুঃখ। তবু ইসলামের এরাই প্রাণশক্তি—মনে মনে প্রত্যাশা রাখেন আলিমুদ্দিন। পাকিস্তানের লড়াইয়ে এরাই আগামী মুহূর্তের স্বামী ফোজ। ইসলামী ঝাণ্ডার এরাই সত্যিকারের উত্তরসাধক।

মুস্তাফাপুরের বস্তিতে ঢুকে পড়লেন আলিমুদ্দিন। এসেছেন যখন, একবার খবর নিয়ে যাওয়া যাক।

বাদিয়াদের বস্তির চেহারা একটু ভিন্ন ধরনের। ক্ষেত-খামার, গাছগাছালি নিয়ে

এদেশের গৃহস্থপল্লীর মতো নয়, প্রতিটি বাড়ির সঙ্গে অল্প বাড়ির একখানা আমবাগান কিংবা একটা এঁদো ডোবার ব্যবধান নেই। এরা অভূতভাবে দলবদ্ধ—যেন নিজেদের মধ্যে স্বাতন্ত্র্যের এতটুকু সীমারেখা টেনে রাখতে চায় না। সারিসারি চালাবর গায়ে-গায়ে শাজানো, মাঝখান দিয়ে সংকীর্ণ চলার পথ। সেই চলার পথটুকুও কখনো একটা খাটলি অথবা দুটো-একটা জলচৌকি কিংবা আরো দশটা জিনিসে অবরুদ্ধ। যেন নিজেদের ভেতর দিয়ে কাউকে স্বচ্ছন্দে চলে যেতে দিতে চায় না—গণ্ডির মধ্যে আঁকড়ে রাখতে চায়।

—মাস্টার সাহেব যে। আদাব—আদাব।

সম্বর্ধনা এল পাশের একটি ঘরের দাওয়া থেকে। পাকা-দাড়ি এক বৃদ্ধ জলচৌকির ওপর বসে হাঁকো টানছে। কাঁচা-পাকায় মেশানো রুক্ষ বিশৃঙ্খল চুল কাঁকড়া কাঁকড়া হয়ে ঝুলে পড়েছে তার দু কানের ওপর দিয়ে। চোখের দৃষ্টি তীক্ষ্ণ এবং জলন্ত; গা খোলা—হাতের আর কাঁধের পেশীগুলি ভাঙাচুরো অবস্থায় শরীরের নানা জায়গায় শিরাস্রায় বাঁধনে শৃঙ্খলিত হয়ে আছে। দেখলেই মনে হয়, শুধু হাওয়াতেই তার বয়েস বাড়েনি, অনেক সমুদ্রের ভেতর দিয়ে পাড়ি জমতে হয়েছে তাকে।

—আদাব, আদাব। ভালো আছ তো এলাহী?

—জী, আছি একরকম। তা এই দুপুরবেলা এদিকে কোথায়? কোনো রোগী আছে নাকি?

—না, রোগী খুঁজতে এলাম।—আলিমুদ্দিন হাসলেন।

—আহ্নন, আহ্নন, উঠে বহ্নন—এলাহী আহ্নান জানাল : তামুক খান।

আমন্ত্রণ গ্রহণ করে দাওয়ায় উঠে বসলেন আলিমুদ্দিন। একটা খাটলির ওপর বসলেন আরাম করে। এলাহীর হাত থেকে হাঁকোটা নিয়ে তাতে মুহূর্ত-মুহূর্ত টান দিতে দিতে তাঁর মনে হল, আঃ, সত্যিই তিনি বড় ক্লান্ত। সকাল থেকে এখনো কিছু খাওয়া হয়নি, খাওয়ার কথা ভুলেও গিয়েছিলেন। ফতে শাহের বৈঠকখানায় এতজা চাচার সঙ্গে সেই তর্ক-বিতর্ক, উদ্ভগ্ন মস্তিষ্কে পথে বেরিয়ে আসা। তারপর পথ চলতে চলতে স্মৃতির ওপর থেকে একটার পর একটা আবরণ সরিয়ে দেওয়া। সমস্ত বোধ যেন বিকিপ্ত হয়ে গিয়েছিল।

—এখনো বুঝি চান-খাওয়া কিছু হয়নি মাস্টার সাহেবের?—মনের ভাবটা রূপ পেয়ে উঠল এলাহী বক্সের জিজ্ঞাসায়।

—নাঃ—তামাকের খানিকটা ধোঁয়া ছেড়ে জবাব দিলেন আলিমুদ্দিন।

—সে কি কথা! এলাহী শিউরে উঠল : বেলা তিনপহর যে কখন পেরিয়ে গেছে। তাহলে আমার এখানেই যা হোক কিছু খানা-পিনার ব্যবস্থা করি।

—না না, ওসব কিছু করতে হবে না—ধীরে ধীরে জবাব দিলেন আলিমুদ্দিন।

বললেন, কোনো দরকার নেই ব্যস্ত হবার। একটু বেশি বেলাতেই যাওয়া আমার অভ্যেস।

—তা হোক। একটু চিড়ে-মুড়ির জলপান? নতুন গুড় আছে ঘরে—আগ্রহভরে আবার জানতে চাইল এলাহী।

—বলেছি তো কিছু করতে হবে না—আলিমুদ্দিনের গলার ঘরে এবার যেন বিরজিই ফুটে বেরুল। মিনিটখানেক নিঃশব্দে তামাক টেনে জানতে চাইলেন, পাড়ার ঘর কি?

—চলছে এক রকম করে।

—এক রকম কেন? ভালো নয়?—হঁকো নামিয়ে জানতে চাইলেন আলিমুদ্দিন।

এর মধ্যে কখন কালু বাড়িয়ার ছেলে হোসেন একটা নিড়ানি হাতে করে এসে দাঁড়িয়েছে নিচের ফালি পথটুকুতে। অযাচিত ভাবে সেই-ই একটা ফোড়ন ছেড়ে দিলে কথার মাঝখানে।

—ভালো আমাদের থাকতে দেবে কেন সাহেব। শাহ্ কি তেমন লোক?

আচমকা যেন একটা ঢিল এসে ছিটকে লাগল আলিমুদ্দিনের কপালে। চমকে তাকিয়ে দেখলেন হোসেনের দিকে। কালো মুখের ভেতর থেকে দু সারি সাদা দাঁত বের করে উজ্জল হাসি হাসছে সে।

—কি যা-তা বলছিস বেকুব?—চটে একটা ধমক দিলে এলাহী : শাহ্ আমাদের ভাত দেয় না? আমরা খাই না তার নিমক?

—খুন দিয়ে নিমক পাই চাচা। কিন্তু নিমকের চাইতে খুনের দাম বেশি—হোসেনের সাদা সাদা দাঁতে আবার সেই উজ্জল হাসি। হাসিটাকে ভালো লাগল না আলিমুদ্দিনের।

কেমন যেন অহুভব করলেন এ আক্রমণের লক্ষ্য শুধু শাহ্ই নয়—এর আঘাত তাঁর ওপরেও এসে পড়েছে। মুখ লাল করে বললেন, তোমার যে খুব লম্বা চওড়া কথা শুনতে পাচ্ছি।

—না জনাব, লম্বা কথা আমরা বলব কোথেকে। আমরা ছোটলোক, আমরা আছি কেবল খুন দেবার বেলায়, জেলে যাবার বেলায়, আর উপোস করার বেলায়। লম্বা কথা বললেই বা তা শুনছে কে।

ব্যঙ্গোক্তিটা এবার আরো তীব্র, আঘাতটা তাঁর ওপরে আরও প্রত্যক্ষ। রাগে অপমানে স্তম্ভিত হয়ে রইলেন আলিমুদ্দিন মাস্টার, অনেকক্ষণ ধরে একটা কথাও বোঁগাল না তাঁর মুখে।

—আদাব মাস্টার সাহেব, চলি—হোসেন আর এক ঝলক সাদা হাসি বিস্তরণ করে বিদায় নিলে।

—কি আশ্চর্য্য!—ধানিক পরে সংক্ষেপে বলতে পারলেন মাস্টার।

—তা বটে, ভারি অজ্ঞায়।—এলাহী বক্স মাথা চুলকোতে লাগল : তবে কিনা নেহাত অজ্ঞায় বলেনি। আমরা তো তিনপুরুষ ধরে দেখে আসছি—

—কি বললে।—হাতের হাঁকোটা ঠক করে নামিয়ে রাখলেন আলিমুদ্দিন : তোমরাও সবাই মিলে ওই সব ভাবছ বুঝি ? মুসলমান হয়ে মতলব আঁটছ নিমকহারামির ?

—তোবা, তোবা।—তু হাতে কানে আঙুল দিলে এলাহী বক্স। জিভ কেটে বললে : জী, না না, ওসব আমরা কখনো বলি না। দুঃখে কষ্টে মানুষের মুখ দিয়ে তু-চারটে এটা-ওটা কথা বেরিয়ে পড়ে আর কি।

—এটা-ওটা কথা ? না না, এটা-ওটা কথাকে তো আদার দেওয়া যায় না—কড়া গলায় আলিমুদ্দিন বললেন। মুখে ছায়া পড়েছে, ঘনিয়েছে মেঘ। শাহের খাস জঙ্গী জোয়ানদের মধ্যেও এ কি অতৃপ্তি মাথা তুলছে আজ ! চেতনা জাগুক তা তিনিও চান—কিন্তু তার এ কী রূপ ! এ রূপের সম্ভাবনা তাঁর মনে আসেনি, এর পরিণাম কী তাও তাঁর ধারণার বাইরে। হঠাৎ গভীর একটা আশঙ্কা তিনি অনুভব করলেন। রৌদ্রদগ্ধ চৈত্র-দুপুরে আচমকা কোনো বাদিয়া-পল্লীতে আঙুন লাগলে আকাশ থেকে কাঁপিয়ে পড়া দমকা হাওয়া পরম উজ্জাসে একটির পর একটি খড়ের চালে সে আঙুনকে বয়ে নিয়ে যায়—আধ ঘণ্টার মধ্যে অত বড় পাড়াটায় পড়ে থাকে শুধু রাশীকৃত ছাইয়ের পিণ্ড। তাই একটা ফুলকিও এখানে ভয়াবহ। শাহ্কে বলতে হবে ব্যাপারটা।

হঠাৎ ঘরের মধ্য থেকে একটা গোঙানির আওয়াজ ভেসে এল।

চমকে উঠলেন আলিমুদ্দিন : ও কি—অস্থকার ?

—আজ্ঞে না, ও কিছু না—এলাহী বক্স জিনিসটাকে চাপা দেবার চেষ্টা করল যেন।

কিন্তু আবার সেই গোঙানি। আলিমুদ্দিন বিরক্ত হয়ে বললেন, লুকোতে চাইছ কেন ? অস্থকার ?

মাথা নত করে এলাহী বক্স বললেন : আমার বড় বেটীর। রাজিয়ার।

—কি অস্থ ?

এলাহী নিরুত্তর রইল।

—অস্থটা কি, তাও বলতে বারণ আছে নাকি ? দরকার হলে আমিও তো চিকিৎসা করতে পারি।

—আপনি পারবেন না জনাব।

—পারব না।

—না। ওর সারা গায়ে পারার ঘা বেরিয়েছে।—অসীম লজ্জায় যেন মাটির মধ্যে মিলিয়ে গিয়ে জবাব দিলে এলাহী বক্স।

—পারার ঘা। শরীর শিউরে উঠল আলিমুদ্দিনের : ছিঃ, ছিঃ, কী করে হল ?

—শাহের বাড়িতে বাদির কাজ করত—সংক্ষেপে উত্তর এল।

—শাহের বাড়িতে।

—জী!—একটা অদ্ভুত দৃষ্টিতে তাঁর মুখের দিকে তাকাল এলাহী বক্স : শাহ্কে ডাকত ধর্মবাপ বলে।—নিশ্চাণ শীতল কণ্ঠের উত্তর এল।

ঘরের মধ্যে গোঙানি চলছে। দূরে পোড়া মাটির মাঠ। অভূক্ত পেটে খিদের আগুন জ্বলছে। আলিমুদ্দিন মাস্টারের মনে হল চারদিকের খরবার রোদে কানু বাদিয়ার ছেলে হোসেনের তীক্ষ্ণ শাণিত হাসিটা যেন বিচ্ছুরিত হয়ে পড়েছে।

চকমকিতে ঘা না লাগলে কি ঠিকরে পড়ে ফুলকি?

ছয়

রেশমের কুঠিয়াল ক্রু সাহেবের কুঠি এখনো আছে, রেশম নেই।

রেশম নেই, রেশমী সাহেবীয়ানাও নেই। মোটা জিনের আবহময়লা স্ট—গলার টাইটা পর্যন্ত জরাজীর্ণ হয়ে এসেছে। একটা নতুন টাই কেনবার মতো অর্থ-সঙ্গতি এখনো ঘটে ওঠেনি ক্রু সাহেবের। মার্খার যে রঙীন স্কার্টটা সম্প্রতি পেনশন পেয়েছে, তার থেকে একটা ফালি কেটে নিয়ে আত্মসম্মান বাঁচানো যায় কিনা সেই চিন্তাতেই মগ্ন ছিল ক্রু সাহেব।

সামনে একটা ঠ্যাং-ছোট টেবিলে ঠাণ্ডা হচ্ছে ছোট হাজিরি। একটা মুরগীর ডিম, দু'টুকরো মার্খার হোম-মেড নোনতা স্কচ-ব্রেড, দুটি স্বপুষ্ট কলা—তাতে দু-চারটি বিচি থাকা অসম্ভব নয়। আর আছে এক কাপ গোড়ীয় চা, তার বর্ণ কৃষ্ণাভ। সম্প্রতি চিনি পাওয়া যাচ্ছে না বাজারে, আখের গুড়েই চায়ের মিষ্টতা সাধন করতে হচ্ছে।

মার্খার ঝাড়নের শব্দ। ক্রু সাহেবের ধ্যানভঙ্গ হল।

পরিস্কার বাংলা ভাষায় মার্খা বললে, চা খাচ্ছ না যে?

করণ চোখে কালো চায়ের দিকে তাকিয়ে দেখল ক্রু সাহেব। তারপর বিনীত কণ্ঠে বললে, বড্ড গন্ধ লাগছে। একটু চিনি হয় না মার্খা?

মার্খা ভ্রতজি করে বললে, আমার চিনির দোকান আছে, না কল বসিয়েছি একটা?

—না না, তা বলছি না। মানে, যদি কোথাও একটু থাকে-টাকে—

—নিজে খাবার জন্তে নুকিয়ে রেখেছি, কেমন?—খাঁটি বঙ্গনারীর মতো একটা মুখঝামটা মারল মার্খা : আজ তিন হপ্তা ধরে কত চিনি এনে দিয়েছে—মগ্ন খানেক ঘরে জমা করে রেখেছি।

এতক্ষণে বৈধ্বের বাঁধ ভাঙল ক্রু সাহেবের।—জাধো মার্খা ক্যারু, তোমার ভয়ঙ্কর মুখ

হয়েছে আজকাল। তুমি তুলে যাচ্—

কথাটা শেষ হল না। তার আগেই মার্খা ঘরের ভেতরে অদৃশ্য হয়েছে।

মার্খা ক্যার। হাঁ, জু সাহেবের আদত নাম ক্যারই বটে। এ অঞ্চলেরলোক গোড়ার দিকে বিকৃতি ঘটিয়ে উচ্চারণ করত কুরু। তারপরে হয়ত কোনো ইংরিজি-শিক্ষিত ব্যক্তি তুলটা শুধরে দিয়ে বলেছে, নামটা কুরু হতে পারে না—হবে জু; সম্ভব, ট্রেনের কোনো জু সাহেবে তার মনশ্চক্ষের সামনে ভেসে উঠে থাকবে। সেই থেকেই ক্যার সাহেব জু সাহেবে রূপান্তরিত হয়েছে। তবে গ্রামের লোকে কেউ কেউ এখনো কুরুই বলে।

মার্খার রঙ-জলে-বাওয়া ফিৎ গোলাপী গাউনটা যেদিকে অদৃশ্য হয়েছে, অনেকক্ষণ ধরে সেদিকে তাকিয়ে রইল সে। তারপর একটা বিড়ির সন্ধানে পেণ্টুলুনের পকেটে হাত ঢোকাতে আর একটা নতুন ভয়াবহ সত্যের সন্ধান মিলল। পকেটের নিচেকার সেলাই খুলে গিয়ে কখন একটি বাতায়ন রচিত হয়েছে, আর তার অব্যবহৃত পথে বিড়ি-গুলো কোন্ মুক্ত দিগন্তের দিকে ডানা মেলেছে।

অগত্যা প্রচণ্ড একটা জ্বর মুখভঙ্গি করে জু গরফে ক্যার গুড়ের চায়ে একটা চুমুক দিলে। একখানা কুটি তুলে নিয়ে একগ্রাসে গিলল সেটাকে। তারপর আধখানা কলায় কামড় দিয়ে তার বিচিগুলোকে জিভের আগায় সংগ্রহ করতে করতে নিজের মধ্যে তন্ময় হয়ে গেল।...

নীল সমুদ্রের সফেন ঢেউয়ের পর ঢেউ পেরিয়ে টেমস নদীর মোহানা। দূরে ছবির মতো আঁকা টাওয়ার অব লণ্ডন। গোল্ডার গ্রীন-এ রকরকে তকতকে একখানা বিশাল বাড়ি : ক্যারজ ইণ্ডিয়ান সিন্ডিক্স অ্যান্ড ফেবরিক্স।

কিন্তু ঢেঁকি কি কখনো স্বর্গে যায়? রাশি রাশি শুকনো পাতা, মরা পলু পোকা আর ভাঙা তাঁতের সঙ্গে কবে ভারতবর্ষের নরম মাটির স্মৃতি মন থেকে মুছে গেছে পাসিভ্যাল ক্যার। এতদিনে বেঁচে আছে কিনা, তাই বা কে জানে। আর যদি বেঁচেও থাকে—সেখানকার সংসারে, সেখানকার সমাজের পরিবেশে আইদু ক্যার—অর্থাৎ জু সাহেবের স্থান কোথায়?

—রাস্কল! ওল্ড ফুল!—স্বল্পাজিত ইংরেজি বিদ্যা নিয়ে বাপের উদ্দেশ্যে শ্রদ্ধা নিবেদন করল জু সাহেব।

রেশমের কুটি করেছিল পাসিভ্যাল—কয়েক বছর টাকাও কামিয়েছিল দু হাতে। সেই প্রথম যৌবনে এবং অপরিণীত প্রাপ্তবর্ষের ভেতরে তার চোখে রঙ ধরিয়েছিল উজ্জল শ্যামবর্ণ একটি চাষার মেয়ে। জন্ম হল আইদু ক্যার। মায়ের রঙ আর বাপের রক্ত নিয়ে। কিন্তু রক্তের প্রতি আকর্ষণের চাইতে রঙের প্রতি বিকর্ষণটাই পাসিভ্যালের ছিল বেশি। তাই ব্যবসা তুলে নিয়ে এদেশ থেকে যখন চাঁটিবাটি তুলল, তখন আইদুকে

ফেলে গেল রেশমহীন এই রেশমের কুঠিতে। মা-টা আগেই মরেছিল, তাই রক্ষা।

আইদের বয়েস তখন পনের বছর। কেঁদে বলেছিল, বাবা, আমার কী হবে ?

অসীম বিরক্তিতে ভ্রুকুটি করেছিল পার্সিভ্যাল।—কি আবার হবে, বড় হয়েছে, নিজের ভাগ্য নিজে তৈরি করে নাও। ইংল্যাণ্ডে তোমার মতো বাড়ি ছেলেকে বসিয়ে থাওয়ানো হয় না, বাড়ি থেকে তাড়িয়ে দেওয়া হয়।

—কিন্তু—

—কিন্তু কি আবার ?—বিরক্তির ভ্রুকুটিটা আরো প্রকট হয়ে উঠেছিল পার্সিভ্যালের মুখে : তোমাকে তো বাপু আমি দস্তমতো প্রপার্টি দিয়ে গেলাম। এই বাড়ি রইল, অমিজমাও কিছু করে রেখেছি। নাউ ট্রাই ইয়োর লাক।

—আমাকে কি কখনও তোমার কাছে নিয়ে যাবে না ? আমাদের নেটিভ হোম—ইংল্যাণ্ডে ?

নেটিভ হোম—ইংল্যাণ্ড। একটা তির্যক হাসির রেখা প্রকটিত হয়েছিল পার্সিভ্যালের ঠোঁটের কোণায় : আচ্ছা হবে, হবে। কিছুদিন পরে তোমায় আমি প্যাসেজ পাঠাব, ফ্রুট চলে য়েয়ো। নাউ শুডবাই মাই বয়—চিয়র আপ।

সান্ত্বনার মতো শেষবার ছেলের পিঠ চাপড়ে দিয়ে পার্সিভ্যাল পাঙ্কিতে গিয়ে উঠল। যতক্ষণ না পথের বাঁকে পাঙ্কিটা অদৃশ্য হল, ততক্ষণ দেখা গেল সে রুমাল নেড়ে নেড়ে ছেলেকে বিদায়-বাণী জানাচ্ছে।

...জীর্ণ চেয়ারটার ওপর নড়ে-চড়ে বসল জু সাহেব। ক্যাচ ক্যাচ করে একটা শব্দ উঠল। তারপরে আজ একটু একটু করে ষোলটা বছর পার হয়ে গেছে। পাঙ্কি চলে যাওয়া ওই ধুলোভরা পথটার দিকে তাকিয়ে তাকিয়ে কেটেছে দিনের পর দিন, পেরিয়ে গেছে রাতের পর রাত। যে বটগাছটার তলায় পার্সিভ্যালের আরবী ঘোড়া ছুটো বাঁধা থাকত, সেটা উপড়ে পড়ে গেছে ঝড়ে; যে টিনের চালার তলায় চাষারা পলুর দাম নেবার জন্তে এসে দরবার করত, সেখানে এখন অজগর জঙ্গল।

সে প্যাসেজ আজও আসেনি। শুধু বহুদূর লগুনের কোন এক গোল্ডার্স গ্রীনে কি এক ক্যারু কোম্পানির মায়ামগ্ন দেখতে দেখতে আজও প্রতীক্ষা করে আইড্ ক্যারু। আশা নেই, অভ্যাস রয়ে গেছে। আজও কখনো কখনো ঘুমের মধ্যে মনে হয় পিয়ন এসে দরজার কড়া নাড়ছে : চিঠি-হায়—চিঠি।

—কিসের ?

ইংল্যাণ্ডের ডাক-টিকিটমারা লম্বা একখানা ষাম। খুলতেই একটুকরো চিঠি : মাই সান, পত্রপাঠ চলে এস। ডাকে দুশো পাউণ্ড পাঠালাম। আমার সমস্ত সম্পত্তির তুমিই উত্তরাধিকারী, এখানে এসে ক্যারুকোম্পানির সবতার আজ থেকে তোমাকেই নিতে হবে।

সে চিঠি এখনো আসেনি। কিন্তু কাল তো আসতে পারে? কিংবা পরশু? কিংবা তারও পরের দিন? কে জানে, কিছুই বলা যায় না। পার্সিভ্যাল ক্যারুর বুকের ভেতর বিবেক কখনো মাথা চাড়া দিয়ে উঠবে না, এও কি সম্ভব?

না, কিছুই বলা যায় না। মরা একটা মেটে সাপের মতো লাল মাটির ওই বিসর্পিল রাস্তাটা নিরন্তর হয়ে আছে ষোল বছর ধরে। উত্তরের ওই রক্তাভ তারাটি ষোল বছর ধরে সকোতুকে যেন একই প্রশ্ন জিজ্ঞাসা করে যায়। অন্ধকার ছায়া জমে জমে ওঠা কুঠিবাড়ির কোনো রিক্ত কক্ষ থেকে তীক্ষ্ণ আকৃতির স্বর মাঝে মাঝে ভেসে আসে—
তাঙা জানালায় বাতাসের ব্যঙ্গ।

লাল মাটির তপ্ত বাতাসে তপ্ত কামনার কয়েকটা দিন। কালো মায়ের কালো ছেলে। সাদা বাপ পথের ধুলোয় সে দিনগুলোকে ঝেড়ে দিয়ে চলে গেছে। গোন্ডার গ্রীন? আকাশের ছায়াপথের সঙ্গে তার তো পার্থক্য নেই কোথাও।

—চিঠি আছে সাহেব।

তু সাহেব চমকে উঠল। হিজলবনী পোস্ট অফিসের পিয়ন রতন ভুঁইমালী। একথানা খাম দিয়ে সেলাম জানিয়ে গেল। সাহেবের ওপর ভক্তি-শ্রদ্ধা আজও তাহলে রয়েছে লোকগুলোর।

একথানা খাম। পুরনো অভ্যাসেই ডাক-টিকিটের দিকে প্রথমে তাকাল তু সাহেব। না, না, ইংল্যান্ড নয়। ইণ্ডিয়া পোস্টেজ। কলকাতার মোহর-মারা।

কিন্তু খামখানা খুলেই চক্ষুঃস্থির।

‘ডায়ার ক্যারু,

গত বছর ফিসমাসের সময় তোমার সঙ্গে যে পরিচয় হয়েছিল, আশা করি, এর মধ্যেই তুমি তা ভুলে যাওনি। তোমার সাহচর্যে আমি মুগ্ধ হয়েছি। তা ছাড়া তোমার নেমন্তন্নও আমি ভুলিনি—শিকারের অত বড় প্রলোভন ছেড়ে দেওয়া শক্ত। বহুদিন থেকেই আসবার কথা ভাবছি, কিন্তু কাজের চাপে সময় পাইনি। এইবার অফিস থেকে দু সপ্তাহের ছুটি মিলেছে। শুনে সুখী হবে ১৫ তারিখ বিকেলে এখান থেকে রওনা হয়ে ১৬ তারিখ ভোরের ট্রেনে তোমাদের স্টেশনে পৌঁছব। আশা করি, তোমার ‘কার’খানা স্টেশনে পাঠিয়ে দেবে। আর তুমি যদি নিজে উপস্থিত থাকতে পার, তাহলে তো আরো ভালো হয়। ভালোবাসা নিয়ে ও মিসেস ক্যারুকে জানিও। ইতি—অ্যালবার্ট’।

শুনে সুখী হবে। তু সাহেব পুরো পাঁচ মিনিট বজ্রাহত হয়ে রইল। তারও পরে মনে পড়ল আগামী কাল ১৬ তারিখ এবং কাল সকালেই বোয়ালমারী স্টেশনে বন্দুক কাঁধে অ্যালবার্টের আবির্ভাব ঘটবে। অসাড় শরীরটা আরো অসাড় হয়ে গেল। ছোট্টা হাজারির যে আধখানা কলা অনেকক্ষণ থেকে হাতের মধ্যে ধরা ছিল, সেটা হঠাৎ উপ

করে গলে পড়ল বুকপকেটের ভেতরে, ক্রু সাহেব টেরও পেল না ঘটনাটা।

এমন বিপদেও মাহুয পড়ে।

অপরাধের মধ্যে গত ক্রিসমাসে কলকাতা বেড়াতে গিয়েছিল ক্রু সাহেব। একটা রেস্তোরাঁয় অ্যালবাটের সঙ্গে আলাপ। পঁচিশ-ছাশিশ বছরের আর্ট ছেলে, দিলদরিয়া মেজাজ। পেট ভরে ডিনারটা সে-ই খাওয়াল।

একটা পেগ পেটে পড়তেই প্রাকৃতিক নিয়মে অন্তরঙ্গতা এক ধাক্কায় আকাশে গিয়ে উঠল।

একটা বড় বিলিতি ফার্মে চাকরি করে অ্যালবার্ট। শ ছয়েক টাকা মাইনে পায়। ব্যাটিলার মাহুয, হ্যাটে থাকে, হকি-গল্ফ-বেসবল খেলে প্রজাগতি-জীবন কাটিয়ে বেড়ায়। নিজেই বিস্তৃত আত্ম-পরিচয় দিয়ে জানতে চাইল : তুমি ?

এ ক্ষেত্রে নিজের মর্যাদা রাখতেই হয়। দুটো টোক গিলে ক্রু সাহেব বলেছিল, প্ল্যান্টার।

—প্ল্যান্টার ? তাহলে তো তুমি রীতিমতো বড়লোক হে ! কিসের প্ল্যান্টার ? টা ?

—সিঙ্ক। বেঙ্গল সিঙ্ক।

—ওঃ—সিঙ্ক !—অ্যালবার্টের স্বর সশ্রদ্ধ হয়ে উঠেছিল। খুব বড় ফার্ম বুঝি ?

—তা একরকম মন্দ নয়।—বিনয় করে কথাটা বলতে গিয়েও আরো দুটো টোক গিলতে হয়েছিল ক্রু সাহেবকে।

—ইট ইজ এ লাক ডাট আই মীট সো বিগ এ প্ল্যান্টার !—একটা সিগারেট ‘অফার’ করে জানতে চেয়েছিল অ্যালবার্ট : কোথায় তোমার ফার্ম ?

মিথ্যে দিয়ে যাত্রা শুরু করলে আর ফিরে দাঁড়ানো কঠিন। তা ছাড়া মিথ্যের আর একটা স্ববিধে এই যে সত্যের ভ্রুকুটি কোথাও থাকে না বলে অবলীলাক্রমে যতদূরে খুশি চলে যাওয়া যায়—যত ইচ্ছে রঙের ওপর রঙের সোনালি বাণিশ চাপিয়ে দেওয়া চলে। হাওয়াতেই যদি প্রাসাদ গড়তে হয়, তাহলে একেবারে তাজমহল গড়াই ভালো ; কারু-কার্যে খচিত করে, হীরে-জহরতের জেজ্ঞা দিয়ে।

সুতরাং নিজের ফার্মের একটা মায়াময় বর্ণনা দিয়েছিল ক্রু সাহেব। যত দূরে চাও গ্রীন আর গ্রীন। মাঝে মাঝে আখরোটের বন। (এত জিনিস থাকতে হঠাৎ আখরোটের বন কেন মনে এসেছিল সে কথা আজও বলতে পারে না ক্রু সাহেব।) এখানে ওখানে পাম-গাছ—(দেশী তালগাছ আর বিলিতি পামের পার্থক্যটা খুব স্পষ্ট ছিল না নিজের কাছে) আর ছোট ছোট ক্রকলেট—কী চমৎকার টলটল তার নীল জল। তাতে কার্প আর ঝুই মাছ কিলবিল করছে। (অবশ্য ক্রকলেট বলতে মনে এসেছিল কাদাভরা কীদড়ের কথা, তার ভেতরে রাশি রাশি ব্যাঙ আর চ্যাঙের পোনা।) সেই শনোয়ম পরিবেশের

মধ্যে তার ফর্ম। লাল ইটের বাড়িটি—আঃ—ইট ইজ এ ড্রিম।

শুন অ্যালবার্টের চোখ জলজল করে উঠেছিল।

—তোমার কার আছে ?

—অবশ্য।

—হাউ লাভলি!—খানিকক্ষণ চোখ বুজে ক্রু সাহেবের স্বর্গীয় জগৎটাকে ধ্যান করেছিল অ্যালবার্ট : ইট ইজ এ পিক্চার।

—যা বলেছ।—অ্যালবার্টের দেওয়া সিগারেটটার ধূম পান করতে করতে ক্রু সাহেব আরো বলেছিল : রোজ ভোরে উঠে দেখবে দিগন্তে হিমালয়ান রেঞ্জের নীল রেখা। আর সূর্য ওঠবার আগেই সেদিক থেকে ঝাঁকে ঝাঁকে বুনো হাঁস তোমার মাথার ওপর দিয়ে উড়ে চলে যাবে।

এতখানি বর্ণনার মধ্যে যা কিছু সত্য লুকানো আছে, এইটুকুতেই। হিমালয়ান রেঞ্জ অবশ্য নয়, রাজমহলের পাড়া ; কিন্তু বুনো হাঁসের ঝাঁক সত্যিই আসে, বিশেষ করে শীতের আমেজ লাগলে ভোরের আকাশ তাদের কণ্ঠকূজন আর পাখার শব্দে প্রায়ই মুগ্ধ হয়ে থাকে।

—বুনো হাঁস।—অ্যালবার্ট প্রায় লাফিয়ে উঠেছিল : মানে গেম বার্ড ?

—তাই।

—প্রচুর পাওয়া যায় ?

—সাবা বাংলা দেশে গেম বার্ডের এমন জায়গা আর নেই। আমার এরিয়ার মধ্যেই তো দু-তিনটে বড় বড় বিল রয়েছে।

—তাহলে তো শিকার করতে যাওয়া যায় তোমার ওখানে।

—এনিটাইম। খুব খুশি হব তুমি এলে। অবশ্য শীতকালে এলেই ভালো হয়—সেইটাই বুনো হাঁসের সীজন কিনা।

—আর বলো না, আমার মেজাজ খারাপ হয়ে যাচ্ছে—অ্যালবার্ট থামিয়ে দিয়েছিল লোভ জাগানো বর্ণনাটা। তারপর পকেট থেকে নোটবই বের করে বলেছিল, তোমার ঠিকানা ?

এইখানে আবার তিনটে টোক গিলে নিতে হয়েছিল ক্রু সাহেবকে। এর পর ইচ্ছে হয়েছিল রাশীকৃত মিথ্যার সঙ্গে মিথ্যে পরিচয়টাও দিয়ে বসে। কিন্তু এ সম্পর্কে মনঃস্থির করবার আগেই অসীম বিশ্বাসে দেখতে পেল, নিজের অজ্ঞাতেই কখন সে সত্যিকারের নাম ঠিকানা দিয়ে ফেলেছে।

—স্বযোগ পেলেই তোমার আমন্ত্রণ রক্ষা করব আমি—ঠিকানা লেখা শেষ করে চোখ তুলে আনিয়েছিল অ্যালবার্ট।

ধক করে কয়েক মুহূর্তের জন্তে থেমে গিয়েছিল হৃৎপিণ্ডটা। পরক্ষণেই আচমকা ধাক্কা খাওয়া একটা ঘড়ির পেডুলামের মতো অত্যন্ত দ্রুতবেগে দোলা খেয়েছিল বারকয়েক। শুকনো ঠোঁট দুটো চেটে নিয়ে বলেছিল, আন্তরিক স্থখী হব।

—থ্যাক্স ইউ !

রেস্তোরাঁ থেকে বেরিয়ে কিছুক্ষণ অতুতাপ আর অস্থতির সীমা রইল না যেন। তার পর গড়ের মাঠের খোলা হাওয়ায় চলতে চলতে ক্রমশ মাথাটা ঠাণ্ডা হয়ে আসতে লাগল—অস্বস্তিকর মানসিকতার ওপরে সাস্থনার লঘু প্রলেপ পড়তে লাগল একটা। মনে হয়েছিল মদের নেশার এই মুহূর্তগুলো কতদিন বেঁচে থাকবে অ্যালবার্টের স্থতির ওপরে ? দুদিন পরেই ক্রমশ তা নিশ্চিত হয়ে আসবে, তারপরেই একটু একটু করে নিঃসীম বিস্মৃতির গভীরে যাবে হারিয়ে। সাস্থনাটা মনের মধ্যে ক্রমশ খিতিয়ে বসতে লাগল, তারপর এক সময়ে নিশ্চিত ভরসায় দানা বেঁধে গেল সেটা।

কিন্তু এক বছর পরে এমন করে যে পালে বাঘ পড়বে তা কে জানত ? কে জানত, নেশা করলেও অ্যালবার্টের স্থতি সজাগ ও প্রথর থাকে, একটা ড্রিমল্যান্ডের আকর্ষণ এতদিন পরেও এমন ভাবে হাতছানি দেয় তাকে ?

এখন উপায় ?

এখান থেকে পালিয়ে যাওয়া চলে; আত্মহত্যা করা চলে; তার নহতো স্টেশনথেকে নিয়ে আসবার সময় ফাঁকা মাঠের নির্জন ডায়ালগ সাবাড় করে দেওয়া চলে অ্যালবার্টকে।

কিন্তু কোনোটাই সম্ভব নয় তার।

হেমন্তের এই স্নিগ্ধ-সকালেও জু সাহেবের জামার মধ্যে ঘাম গড়াতে লাগল। দিনের বেলাতেও দুটো কানে ঝি ঝি পোকার ডাক বাজতে লাগল ঝিম ঝিম করে। কালই সেই ভয়ঙ্কর ষোলই তারিখ। কাল সকালেই অ্যালবার্ট এসে দর্শন দেবে বোয়ালমারী স্টেশনে। স্টেশনে না গিয়েও তাকে এড়ানোর উপায় নেই—রেশমের কুঠি বললে এ অঞ্চলে যে কোনো লোকই পথের হুঁসি বাতলে দেবে তাকে।

মার্থা বারান্দায় এল।

—মাথায় হাত দিয়ে ভাবছ কি এত ? ওটা কার চিঠি ?

হুঁ মেরে চিঠি তুলে নেবার আঁটটা মেয়েদের মজাগত এবং সেটা এতই ক্ষিপ্ৰবেগে যে সামলে নেবার সময় পর্যন্ত পাওয়া যায় না। জু সাহেবও পেল না।

চিঠিটার ওপর চোখ বুলিয়ে মার্থা জু সাহেবের দিকে তাকাল। টানা টালা জু দুটি প্রসারিত হয়ে গেছে সীমাহীন বিস্ময়ে।

—এ আবার কী ব্যাপার ? অ্যালবার্ট কে ?

—ও—ও আমার এক বন্ধুর চিঠি—কান্না চাপবার একটা প্রাণান্তিক প্রয়াস করে

জবাব দিলে ক্রু সাহেব ।

—বন্ধু ?

—হ্যাঁ, কলকাতায় গিয়ে আলাপ হয়েছিল ।

—কিন্তু,—মার্থা আবার চিঠিটার ওপর দৃষ্টি ফেলল : স্টেশনে কার পাঠাবার কথা লিখেছে ।—জালা-ভরা গলায় জানতে চাইল : কোন্ কারটা পাঠাচ্ছ ? বড়খানা, ছোটটা, না মাঝারিটা ?

—ওটা—মানে, ওটা ও তুল বুঝেছে—ক্রু সাহেব যেন বাতাসের সঙ্গে লড়াই করতে লাগল : ভেবেছে আমার মোটর আছে ।

—আর শিকারের নিমন্ত্রণটা ?—মার্থার চোখে ইঁদুর-ধরা বেড়ালের মতো খর শ্বেন দৃষ্টি ।

—ওটা, বুঝলে না, ওটা—এই কথায় কথায় বলেছিলাম । মানে আমি ঠিক ওকে নিমন্ত্রণ করিনি—

—করনি, না ?—ইঁদুর-ধরা দৃষ্টিটাকে আরো শাণিত করে মার্থা বললে, ওটাও তোমার বন্ধু ভেবে নিয়েছে, কেমন ?

মুখের ঘাম মোছবার জন্তে রুমালের সজ্জানে বুকপকেটে হাত দিয়ে ক্রু সাহেব রুমাল পেঁল না, পেঁল সেই কলাটা । সেটাকে হাতে তুলে নিয়ে বিহ্বলভাবে সেদিকেই তাকিয়ে রইল ।

আশ্চর্য শান্ত গলায় মার্থা বললে, কাল সকালেই তো এসে পড়ছে । তাকে নিয়ে বুঝি জমিদারের জলায় হাঁস মারতে যাবে ? ভালোই হবে—তুমি আর তোমার বন্ধু অ্যালবার্ট—দুজনকেই ধরে নিয়ে গিয়ে চাবুক হাঁকড়াবে জমিদারের লোক । পাসি-ভালের দিন আর নেই—সাহেব বলে তোমায় রেয়াত করবে এমন আশাও করো না ।

—সে আমি কুমার ভৈরবনারায়ণের কাছ থেকে অনুমতি নিতে পারব—ক্রু সাহেব অক্ষুট কণ্ঠে জবাব দিলে ।

—তা না হয় হল । কিন্তু তোমার এই বন্ধুটির দায়িত্ব নেবে কে শুনি ? গুড়ের চা আর বিচে-কলা দিয়ে তাকে অভ্যর্থনা করতে হবে নাকি ?

আর্ত অসহায় দৃষ্টিতে মার্থার দিকে তাকাল ক্রু সাহেব—যেন করুণা ভিক্ষা করলে । তারপর বললে, যা হোক একটা উপায় করতেই হবে মার্থা । মন্ত মানী লোক—খাঁটি লর্ড বংশের ছেলে ।

—লর্ড বংশের ছেলে ।—মার্থার দু চোখে রাশি রাশি জালা ফুটে বেরল : তোমার বন্ধু-বান্ধব তো লর্ড আর ব্যারন বংশেরই হবে । গোল্ডার্ড গ্রীনে তোমাদের কত বড় কারবার, কত বড় বনিয়াদী ব্যবসা : ক্যাপিটাল । তুমিও তো লক্ষপতি লোক । শুধু শুধু

দিয়ে চা খেতে হয়—এই যা দুঃখ।

একটা বীভৎস মুখভঙ্গি করে মার্থা বিদায় নিয়ে গেল। আর দাঁড়াল না।

ঠাট্টা করল—অপমান করে গেল। করবে বইকি—সে অস্ত্র নিজেই যে ওর হাতে তুলে দিয়েছে ক্রু সাহেব। শহরের এক নেটিভ ক্রিশ্চানের মেয়ে মার্থা। প্রেম করবার সময় অনেকগুলো কথাই বাড়িয়ে আর বানিয়ে বলতে হয়েছিল ক্রু সাহেবকে—দেয়ার ইজ নো ল—! বলেছিল, শুধু দিনকয়েকের জন্তে এখানকার কুঠিটা তাকে দেখা-শোনা করতে হচ্ছে; মাস ছয়েক বাদেই লণ্ডন থেকে বাপ তার প্যাসেজ পাঠিয়ে দেবে। তখন এখানকার সব কিছু বিক্রি-বাটা করে সে আর মার্থা জাহাজে গিয়ে উঠবে—তারপরে হোম! হ্যাপি ইংল্যান্ড!

কিন্তু যোল বছর অপেক্ষা করেও যে প্যাসেজ আজও পায়নি ক্রু সাহেব, মাত্র সাত বছরেই তা কোথা থেকে পাবে মার্থা? ক্রু সাহেবের তবু আশা করবার অভ্যাস যায়নি, কিন্তু রুচ স্বপ্ন ভঙ্গ হয়েছে মার্থার। কখনো কখনো সন্দেহ হয় মার্থা বুঝি তাকে ধুণা করে।

আপাতত ও সব ভেবে আর লাভ নেই। মার্থার সমস্তাটা এই মুহূর্তে এত জরুরী নয়। এখন প্রায় শিরে সংক্রান্তি অ্যালবার্ট আসবে। সর্বাগ্রে এফুনি একবার কুমার ভৈরবনারায়ণের ওখানে যাওয়া দরকার।

সাত

পুরনো সাইকেলটায় চড়ে ক্রু সাহেব যখন জমিদার বাড়িতে পৌঁছুল, তখন সেখানে একটা হৈ-চৈ চলছিল। পুলিশ। জটাধর সিংয়ের লাশটা আগেই নিয়ে যাওয়া হয়েছে, এখন এনকোয়ারী।

দারোগা আসীন আছেন। কনস্টেবল দুজন এমন ভঙ্গিতে লাঠি হাতে দু'পাশে দাঁড়িয়ে আছে যে আচমকা দেখলে কেমন ঝটকা লাগে। মাথার লাল পাগড়ি ছুটো উচু হয়ে আছে একজোড়া গিন্নী শকুনের গলার মতো; আর খাকী ইউনিফর্মের সঙ্গে একজোড়া গৌফ, রক্তাভ চোখ, আর সতর্ক বসবার ভঙ্গি দেখে মনে হয় যেন দারোগা কঁাসির ছকুম দেবেন এইবার।

দারোগার কাছ থেকে একটা ভদ্ররকম দূরত্ব বাঁচিয়ে কুমার ভৈরবনারায়ণ। রক্তাক্ত শিরায় আকীর্ণ মোটা নাকটাকে কেমন ঘৃণাভরে কুঞ্চিত করে আছেন তিনি।

ডাক্তার পান্নালাল মণ্ডল, এল. এম. এফ.—ত্র্যাকেটে পি. দাঁড়িয়ে আছেন খতমত ভঙ্গিতে। তার কারণ আছে। নিজের বিড়ের পরিচয় জাহির করতে গিয়ে বলেছিলেন,

গ্রিভাস হাট', কাল ফ্রাকচার হয়ে ব্রেইনে—কিন্তু কবে তাঁকে এক ধমক লাগিয়েছেন তলাপাত্র ।

—থামুন মশাই, আর ওস্তাদী ফলাবেন না । আছেন ভেটিরিনারী সার্জন, তাই থাকুন । নাক গলাতে যাবেন না পুলিশের ব্যাপারে ।

—ভেটিরিনারী সার্জন !—সবাই মনে করেছেন একটা চমৎকার রসিকতা, হো হো করে হেসে উঠেছেন স্বয়ং কুমার ভৈরবনারায়ণ পর্যন্ত । কিন্তু হাসতে পারেননি পান্নালাল নিজে । গত সপ্তাহে দারোগাকে তিন পুরিয়া সিডলিজ পাউডার দিয়ে ছ টাকা দাম নিয়েছিলেন, তারই শোধ তুলেছেন তারণ তলাপাত্র ।

পোস্ট-মাস্টার বিভূপদ হাজরা খুঁকে দাঁড়িয়ে আছেন ভৈরবনারায়ণের পেছনে । তুরীদেব পঞ্চায়েতের প্রসঙ্গ তুলে ধমক খেয়েছিলেন কুমার বাহাদুরের কাছে, অযোগ্য-অবিধে পেলোই তার প্রায়শ্চিত্ত করবেন । আর একটু দূরেই কাছারির সিঁড়ির ওপর নিঃসঙ্গ রঞ্জন বসে আছে দার্শনিকের মতো । মনটা এইমাত্র পরিক্রমা করে এসেছে আদিগন্ত মাঠ ; সেখানে টিলার ওপর আহীরদের বত্তি, নিমগাছের ছায়া, যমুনা আহীরের অগ্নিগর্ভ চোখ আর—আর ঝুমরি । নাগিনী ? না—ঠিক বলা হল না । নতুন ইন্দ্রপ্রস্থের নতুন পাকালী । দাবদগ্ধ বরিন্দের মাঠে ছড়িয়ে গেছে তার ক্রোধদাহ—জটাধর সিং আগামী কুরু-প্রান্তরের প্রথম বলি ।

দারোগা বাইবেলের সলোমনের মতো ডান হাতখানা সামনে বাড়িয়ে দিলেন । হাতে অবশ্য ত্রায়দণ্ড নেই, আছে একটা কপিয়িং পেনসিল । সেইটে দিয়ে সরেজমিন তদন্তের রিপোর্ট লিখছেন, অশ্রুমনস্কভাবে সামনের দ্বটো দাঁতও খুঁটছেন এক টুকরো আনুর ষোঁসার সন্ধানে । তারপর বিরক্ত ভাবে যখন মুখ থিঁচোলেন, তখন একটা বেগুনী রঙের দন্তকচি বিচিত্রভাবে প্রকট হয়ে পড়ল ।

পঞ্চমবার তারণ তলাপাত্র জানতে চাইলেন, তাহলে খুনটা করল কে ?

ভেটিরিনারী সার্জন ওত পেতেই প্রতীক্ষা করছিলেন যেন । খপ করে বলে বসলেন, সেটা জানবার জুড়েই তো আপনাকে ডেকে আনা হয়েছে মশাই ।

দারোগা চোখ পাকিয়ে কি একটা বলতে যাচ্ছিলেন, এমন সময় অকুস্থলে ঢুকলেন জু সাহেব ।

টু গ্লাস টু—ইকোয়াল টু কোর । হ্যাট এবং সাইকেল—ইকোয়াল টু—ডি.এ.পি.-টি.এস.পি. নয় তো ? দারোগা তড়াক করে চেয়ার ছেড়ে উঠে দাঁড়ালেন চাপ সরে যাওয়া স্প্রিংয়ের মতো । কন্সটেবলদের জুতোয় খটাস করে আঙুড়া উঠল প্যারেডের 'আ-টিনশন' ভঙ্গিতে ।

কৌচকানো নাকটাকে প্রসন্ন হাসিতে বিস্তৃত করে দিয়ে ভৈরবনারায়ণ বললেন,

ঘাবড়াবেন না, জু সাহেব।

—জু সাহেব ? সে আবার কে ?—দারোগার স্বর শঙ্কিত : কোনো অফিসার-টফিসার নয় তো ?

—না, না, সে সব কিছু না, বাজে লোক—বিভূপদ ভৈরবনারায়ণের বক্তব্যটা ব্যাখ্যা করে দিলেন।

—অঃ, বাজে লোক !—সলোমন আবার সিংহাসন গ্রহণ করলেন। নিজের বোকাটির প্রায়শ্চিত্ত করবার জন্তই যেন কটমট করে তাকিয়ে রইলেন জু সাহেবের দিকে।

দেউড়ির পাশে সাইকেলটাকে নামিয়ে রেখে তখন আইদ্য ক্যারুকাহাকাছি এগিয়ে এসেছে। একবার সশঙ্ক চোখে তাকিয়ে ব্যাপারটা বুঝতে চেষ্টা করল।

ভৈরবনারায়ণ ডাকলেন, এস সাহেব, এস—

ক্যারু বোকার মতো দাঁড়িয়ে রইল : এসব কি কাণ্ড ?

ভৈরবনারায়ণ বললেন, খুন। আমার পাইক জটাধর সিং খুন হয়েছে।

—খুন !—জু সাহেবের পা থেকে মাথা পর্যন্ত থর থর করে কেঁপে উঠল একবার, বিবর্ণ হয়ে গেল সমস্ত মুখ। মুহূর্তের জন্তে ঘোলাটে চোখের সামনে সব কিছু চলন্ত ইঞ্জিনের চাকার মতো পাক খেল একটা। তারপর আস্তে আস্তে ধরবাড়িগুলো স্বাভাবিক হয়ে যখন যথাস্থানে ফিরে এল, তখন :

...জলে ধুয়ে যাওয়া একটা ছবি। কাঁদড়ের কাদার তলে সবটা চলে গিয়েছিল। শুধু একজোড়া পা কিছুতেই ঢাকা পড়েনি। অনেক কাদা আর মাটির চাঙাড চাপাতে হয়েছিল তার ওপর। তারপর—

—বস, বস সাহেব। অমন করে দাঁড়িয়ে কেন ?

সারা শরীরে মত্ত একটা ঝাঁকুনি দিয়ে যেন চৈতন্ত্য ফিরে এল। ও কিছু না। কাঁদড়ের কাদার তলায় একটা বাদামী কঙ্কাল ছাড়া কিছু আর পাওয়া যাবে না এখন। তাও কি কোনো বর্ষার উচ্ছ্বাস এতদিনে টেনে নিয়ে যায়নি মহানন্দার গর্ভে, মহানন্দা থেকে মহাসমুদ্রের অতল নুপ্তিতে ?

জু সাহেব বসে পড়ল। কোথায় বসল জানে না। ঠিক পেছনে একটা চেয়ার না থাকলে হয়ত ধরাশায়ীই হতে হত তাকে।

স্বমহিমায় প্রতিষ্ঠিত হয়ে উদ্ভূত ভঙ্গিতে একটা সিগারেট ধরালেন দারোগা। তাকালেন ভৈরবনারায়ণের দিকে।

—ইনি কে ?

—জু সাহেব। এর বাপের রেশমের কুঠি ছিল। এখন আর ব্যবসা নেই—তানুকদারী করেন।

—হ্যাঁ, হ্যাঁ, শুনেছি বটে নামটা—দারোগা একটা মুখভঙ্গি করলেন। জু সাহেব বসে রইল চুপ করে।

আরো দেড় ঘণ্টা ধরে নানা প্রশ্ন করবার পরে তলাপাত্র উঠলেন। কাপ তিনেক চা, রাশীকৃত খাবার, আর তিনটে ভাব খাওয়ার প্রসন্ন পরিতৃপ্তিতে ঢেকুর তুলে বললেন, জঁ. সোজা কেস। ওই আহীরগুলোরই কাণ্ড। কয়েকটাকে ধরে খানায় নিয়ে গেলেই পেটের কথা বেরিয়ে পড়বে।

—আপনার ওদের ঠিক চেনা নেই—খোঁচা দেবার লোভটা সামলাতে পারলেন না পান্নালাল।

—বারো বছর ক্রিমিন্যালসেঁটে তবে এস. আই. হয়েছি মশাই, গোত্র-বোড়াইঞ্জেকশন দিয়ে নয়।—পান্টা জবাব দিলেন তারণ : কোনো চিন্তামণিকেই চিনতে বাকি নেই আমার। বসে বসে দাদের মলম তৈরি করুন, আমার জন্মে মাথা ঘামাবেন না।

দারোগা বিদায় নিলেন।

মর্মান্তিক অপমানে গর্জাতে গর্জাতে উঠে পড়লেন পান্নালাল। আচ্ছা, আচ্ছা, এক মাঘেই শীত যাবে না। অসুখ-বিভবের সময় একবার ডেকে পাঠালেই হয়। এমন শুষ্ক প্রেসক্রিপশন করবেন যে আজীবন তা মনে থাকবে দারোগার। এবার আর ‘সিডলিঞ্জ পাউডার’ নয়—পাকা ব্যবস্থাই করে দেবেন।

বিভূপদকেও উঠতে হল—তীর ডাক খোলবার সময় হয়েছে। ভিড়টা পাতলা হয়ে গেল একটু একটু করে। ভৈরবনারায়ণ একটা দীর্ঘশ্বাস ফেললেন, জু সাহেব একবার নড়েচড়ে বসল, আর রঞ্জন কাছারির সিঁড়িতে বসে দার্শনিকের নিরাসক্তি নিয়ে একটার পর একটা লবঙ্গ চিবিয়ে চলল।

—তারপর, কী মনে করে জু সাহেব?—ভৈরবনারায়ণ কী একটা ভাবছিলেন। সেই চিন্তার রেশ টেনে, কপালে গোটাকয়েক জুহুটি আগিয়ে রেখেই ছড়িয়ে দিলেন প্রশ্নটা।

—নাঃ, কিছু না।—যা বলতে এসেছিল, বলতে পারল না আইন্ ক্যাক। সবকিছুর বিপর্যয় হয়ে গেছে মনের মধ্যে। অ্যালবার্টের ভয় নেই, সম্মানের ভয় নেই, মার্থার ভয়ও নেই। সব ভয় হারিয়ে গেছে একটা সীমাহীন ভয়ের অতলতায়। কাঁদড়ের কাদার তলা থেকে বেরিয়ে আছে ছোটোপা। বাকি শরীরটাকে দেখা যাচ্ছে না—শুধু মূহুর্ঘ্যস্তগায় কুচিত একরাশ হকের মতো বাঁকাবাঁকা আঙুলগুলিকে কী বীভৎস, কী ভয়ঙ্করই মনে হয়েছিল।

অনেক ‘রাজবহুদ্রত’ বর্ষার দিন ঘন নীল মেঘের কঙ্কলিত ছায়া ফেলেছে লাল মাটির শিলীভূত রক্তসমুদ্রে; মাটি কেটে কেটে বয়ে গেছে খর-খজোর মতো ধারালো জলপ্রবাহ। শুধু মাটিই কাটেনি, কেটেছে মাটির অনেক পঞ্জরাস্থিকেও। আর একটা মাত্র মাহুঘের কঙ্কাল। বিবর্ণ বাদামী রঙের মাত্র কয়েক টুকরো হাড়ে আজও কি

কোনো আরক অবশিষ্ট আছে তার ?

—এমনিই দেখাশোনা করতে এসেছিলে তাহলে ?—আর একটি অর্ধমনস্ক প্রশ্ন
ভৈরবনারায়ণের ।

—অনেকটা তাই ।—একটা ঢোক গিলল ক্রু সাহেব ।

—কোনো অসুবিধা হচ্ছে না ?

—নাঃ ।

—তোমার প্রজা-পশুন ঠিক আছে সব ?

—এখনো আছে বলেই তো মনে হয়—সহজ হবার চেষ্টা করতে লাগল ক্রু সাহেব ।

—এখনো আছে বটে ! কিন্তু বেশি দিন থাকবে তো ?—আয়াজিজ্ঞাসার মতো
করেই প্রশ্নটা নিক্ষেপ করলেন ভৈরবনারায়ণ ।

—কেন বলছেন এ কথা ?

—সাধে কি আর বলছি !—ভৈরবনারায়ণের গরুর মতো প্রকাণ্ড মুখে যুদ্ধে-আহত
বাঁড়ের মতো একটা বীভৎস কাতরতা ফুটে বেরুল : চারদিকে আশুন জলবার জো
হয়েছে সাহেব । এইবেলা ঘর সামলাও, নইলে পরে আর সময় পাবে না ।

—আপনারা যখন আছেন, তখন আমাদের আর ভাবনা কী!—ক্রু সাহেবের গলায়
একটা চাটুকারিতার আমেজ ফুটে বেরুল : তা ছাড়া বড় গাছেই ঝড় লাগে । আমরা
চুনোপুঁটি, আমাদের ঘাবড়াবার কিছু নেই ।

—তাই কি ?—ভৈরবনারায়ণ হঠাৎ যেন অতিরিক্ত সচেতন হয়ে উঠলেন ।
একবার আড়চোখে রঞ্জনর দিকে তাকিয়ে দেখলেন, লবঙ্গ মুখে সে তখন গভীর
চিন্তায় মগ্ন ।

—আপনার কি মনে হয় ? —ক্রু সাহেব জানতে চাইল ।

—মনে হয়, সময়টা পাল্টে গেছে । আজকাল আর বড় দিয়ে আরম্ভ হয় না ।
কচু গাছ দিয়ে লোক হাত পাকাতে শুরু করে, তারপর কুড়ুল বসাতে আসে শাল-
গাছের গায়ে ।

—ঠিক বুঝলাম না কথাটা ।

—আরো কি স্পষ্ট করে বলতে হবে ?—আবার রঞ্জনর দিকে আড়চোখে
তাকালেন ভৈরবনারায়ণ : আজ জটাধর সিংয়ের মাথায় চোট পড়েছে । কিন্তু ওটা শুধু
আরম্ভ—ওর লক্ষ্য আমার মাথা পর্যন্ত ।

—এসব কথা কেন আপনি ভাবছেন ?—ক্রু সাহেব কুমার বাহাদুরকে সান্ত্বনা
দেবার চেষ্টা করল : জমিদারের পাইক-পেয়াদা কখনো কি খুন হয়নি ?

—হয়েছে বই কি । কিন্তু আজকের ব্যাপার তা নয় । আজকাল তুরীদের পঞ্চায়েৎ

বসছে কালাপুখরীতে। জয়গড় মহালের প্রজারা বড়বেশি চড়া কথাবলতে শুরু করেছে।

—আপনি কি ভয় পাচ্ছেন ?

—ভয় ?—আহত যাঁড়ের মুখে ক্ষুধার্ত সিংহের হিংস্রতা ফুটে বেরল : আমার পূর্ব-পুরুষ দিনাজপুরের মহারাজার পক্ষ নিয়ে ইংরেজের বিরুদ্ধে লড়াই করেছিল কান্তনগরের যুদ্ধে। ভয় আমাদের রক্তে নেই। লাঠির জোরে আমাদের জমিদারী, লাঠির জোরেই তা রাখব। তবে ঘর-শত্রু বিভীষণ যদি কেউ থাকে, তার ব্যবস্থাটা করতে হবে সকলের আগে।

গলাটা একটু চড়িয়েই শেষ কথাগুলো বললেন কুমার সাহেব, স্পষ্ট শুনতে পেল রঞ্জন। দুটো দাঁতের পাটির মধ্যে হঠাৎ স্থির হয়ে দাঁড়াল লবঙ্গটা।

ক্রু সাহেব বিচলিত হয়ে বললে, আপনার কথাগুলো ঠিক বুঝতে পারছি না।

—বুঝবে পরে। এখন একটা কথা মনে রেখো। একটু একটু করে যারা কাজ শুরু করেছে, তারা ছোটদের দিকেই আগে নজর দেবে। হয়ত আমার আগেই এসে পড়বে তোমার পালা।

—ভেবে দেখব—ক্রু সাহেব উঠে পড়ল।

—চললে ?

—হ্যাঁ, একটু কাজ আছে। কাল পরশু আসব।

অভিবাদন জানিয়ে চলে গেল ক্রু সাহেব। ক্লান্ত শিথিল ভঙ্গিতে তুলে নিলে পড়ে থাকা সাইকেলটা। না, অ্যালবার্টের কথা সে ভাবছে না। জটাধর সিংয়ের মৃত্যু যে ঝড়ের পূর্বাভাস বয়ে এনেছে তার কথাও না। শুধু সেই জলে-ধুয়ে-যাওয়া ছবিটা। বাদামী হাড়গুলোকে এখনো কি কেটে কেটে নিঃশেষ করতে পারে নি সময়ের ঘুণেরা ?

—ঠাকুর বাবু ?

রঞ্জন চমকে উঠল। কুমার বাহাদুর ডাকছেন।

—মনটা ভারি চঞ্চল হয়ে রয়েছে। চলুন, একটু পড়বেন।

আশ্চর্য কোমল গলার স্বর। প্রীতি আর দাক্ষিণ্যে স্নিগ্ধ। অপূর্ব অভিনয় করতে পারেন কুমার বাহাদুর; অমায়িক করুণায় মধুর হাসি হাসতে পারেন ছুরিতে শান দিতে দিতে।

—গীতা!—নিজের গলার স্বরে বিশ্বয়ের চমকটা সে চেঁচা করেও রোধ করতে পারল না।

—হ্যাঁ, বিশ্বরূপ-দর্শন যোগ। কী যেন সেই : ‘পশ্চামিদেবন্তবদেবদেহে’—

—চলুন—

অহুগত বিনয়ে উঠে দাঁড়াল রঞ্জন।

সম্মা।

গীতা পাঠ শেষ হয়ে গেছে। বিখরুপ-দর্শন যোগে বঁচা। শুনতে শুনতে কখন আফিঙের নেশায় বুঁদ হয়ে ঘুমিয়ে পড়েছেন কুমার বাহাদুর। দুজন চাকর এসে প্রাণপণে দলাই-মলাই শুরু করেছে তাঁর হাত-পা। আর সেই ফাঁকে গীতা নামিয়ে রেখে উঠে পড়েছে রজন।

নিজের ঘরে এসে আলো জ্বলে দেখল টেবিলের ওপর একটা চিঠি। মিতার চিঠি। ভালোবাসার সেই প্রথম পর্বের মতো আজ আর নীল খামে চিঠি লেখে না মিতা। পৃথিবীর মাটিটা বড় বেশি ধুলোয় আজ আকৌর্ণ, তাই অগ্নির আকাশের নীল আর চোখে পড়বার উপায় নেই। সেই নীলকে আবার খুঁজে পাবার জন্তেই তো এই ধুলোর ঝড়ের মধ্য দিয়ে পথ চলা; শান্তি আর পরিতৃপ্তির শয্যাতে আবার নতুন করে স্বপ্ন দেখবার জন্তেই তো আজকের এই বিহ্বল জড়তা-ভঙ্গের দাবি।

নীল খাম নেই, তবু ছেলেমানুষি অভ্যাসটা আজও যায়নি মিতার। সেই কোণাকুপী করে ঠিকানা লেখবার একটা বিচিত্র ভঙ্গি। কৈশোরের স্বপ্নরঙ্গিনী সংঘমিত্রা—মিতা। আজ সে মিতাই বটে। তার এই কর্মক্ষেত্রের নতুন উদ্দীপনা।

চিঠিটা খুলল। খুঁকে পড়ল তার ওপর:

‘শোনো। প্রথমেই কাজের খবর দিই।

মুকুলদা তোমার চিঠি পেয়েছেন। বললেন, লোক এখনো এত কম যে ওখানে বাবার তেমন সুবিধেমতো কাউকে পাঠাতে পারছেন না। তোমাকে ওখান থেকেই যতদূর সম্ভব তৈরি করে নিতে হবে। তবে দু-এক সপ্তাহের মধ্যে হয়ত দাদাকে একবার পাঠানো যেতে পারে। দাদা গেলে কাজেরও সুবিধে হবে, তুমিও খুশী হবে নিশ্চয়। এ সম্বন্ধে পার্টি কুলারস উনি পরে তোমায় জানাবেন। তোমার সমিতির জন্ত বইপত্রও দাদার সঙ্গে যাবে।

এবার তোমাকে একটা ইন্টারেস্টিং ঘটনা বলি।

সেদিন হতপাদি এসেছিলেন।

হতপাদিকে নিশ্চয় ভোলনি। আর ভোলবার কথাও তো নয়। তোমার যে উপস্থাসের পাণ্ডুলিপিটা আমার কাছে আছে, তাতে হতপাদিকে নিয়ে কত কথাই জালই না তুমি বুনেছ! আমাদের নেতা বেণুদাকে তিনি ভালোবাসতেন, অথচ জীবনে তাঁকে গ্রহণ করতে পারলেন না। হতপাদির ঠাকুরদার এতটা মাজবুদী খেয়াল, তিনি নাকি ওকে গোপীবল্লভের পায়ে নিবেদন করে দিয়েছিলেন।

এ নিয়ে তুমি তো খুব রোমাঞ্চিক গল্প লিখেছ। কিন্তু জীবন কি তাই? সেদিনকার বিপ্লববাদে ভেতরে যে রঙ ছিল, সেই রঙের সঙ্গেই একাকার হয়ে ছিল এই দুঃখ-বিলাস।

খুব মোটা হয়ে গেছেন আজকাল—আগেই লিখেছিলাম তোমায়। বড় বড় মোটরে

চড়ে প্রায়ই এখানে এখানে সভা-সমিতির উদ্বোধন করতে যাচ্ছেন। চেয়ারে বসলে বেশ মানায় কিন্তু উঁকে। চমৎকার বক্তৃতাও দিতে শিখেছেন। অধ্যাত্মবাদের সঙ্গে রাজনীতির এমন একটা সামঞ্জস্য করে দিয়েছেন যে তাঁর ক্ষমতার ওপর আমার প্রশংসা হল। সেদিন বৈদান্তিক সাম্যবাদের ওপর এতটা বক্তৃতা করলেন ‘আর্যরক্ষণ সভায়’! কাগজে করে অনেক সংস্কৃত শ্লোক টুকে এনেছিলেন।

ওসব কথা যাক! যাঁরা বলছিলেন। আমাদের কাছে এসেছিলেন বেন জানো? চমকে উঠে না, তাঁর নিজের বিয়েতে নেমন্তন্ন করতে।

হ্যাঁ— তাঁর নিজের বিয়ে। ব্যয়স তো কম হল না, কতদিন আর এমন করে প্রতীক্ষায় কাল কাটাতে বেচারা? গোপীবল্লভের কথা ভাবছ? ও কিছু না। হুতপাদি আজকাল শাস্ত্র পড়ছেন, কাজেই শাস্ত্রমতেই সব কিছুর একটা নিষ্পত্তি করে ফেলেছেন। খুব সম্ভব, তুলসী পাতায় গোপীবল্লভের নাম লিখে ভাসিয়ে দিয়েছেন নদীর জলে। তা ছাড়া শাস্ত্রমতে গোপীবল্লভের স্ত্রী-ভাগ্য তো নেহাৎ মন্দ নয়—যোল-শ রয়েছে, হুতপাদিকে ছেড়ে দিলে খুব বেশি অসুবিধে হবে না তাঁর।

কার সঙ্গে বিয়ে? শারদাবাবুর মেজ ছেলে রণদা চক্রবর্তীর সঙ্গে। রণদা চক্রবর্তী এখন এখানকার ডিস্ট্রিক্ট ইঞ্জিনিয়ার, গত বছর স্ত্রী মারা যাওয়াতে ভারি মনঃক্ষুণ্ণ হয়েছিলেন। হুতপাদি তাঁকে সারা জীবনের মতো সাহসনা দেবার পুণ্যব্রত গ্রহণ করতে যাচ্ছেন।

আমাকে কিছু উপদেশও দিলেন। বললেন, কী হচ্ছে এসব পাংগলামি? ওই সব ছোটলোক ক্ষেপিয়ে দেশ উদ্ধার হয় কোনোদিন? তা ছাড়া এ ভাবেই বা আছিস কেন? রঞ্জনকে আসতে বলে দে এবার, বিয়েটা সেরে নে। বারো বছর ধরে ঝুলিয়ে রাখা—এ তোদের যে কী প্রেম, আমি বুঝি না।

আমি বললাম—অবশ্য রবীন্দ্রনাথের ভাষাতেই বললাম :

‘বিনম্র দীনতা

সম্মানের যোগ্য নহে তার,

ফেলে দেব আচ্ছাদন দুর্বল লজ্জার।

দেখা হবে ক্ষুদ্র সিদ্ধু তীরে—’

কবিতা শুনে রাগ করে উঠে গেল। বললে, চুলোয় যা। কিন্তু বিয়েয় অবশ্য আসবি। আচ্ছা, সত্যিই কি আমাদের—’

চিঠির বাকিটুকু নিজের মনের কাছেও যেন লুকিয়ে পড়তে ইচ্ছে করল। মিতা— তার সেই ছোট্ট মিতা আজ আর হরিণের সঙ্গে ছুটোছুটি করে না, তার সময় নেই। কিন্তু হরিণের মতো তার মনটি নিজের ভেতর থেকে কখন যে গাঢ় দৃষ্টি নীল চোখ

মেলে তাকায়, মিথা নিজেই কি তা জানতে পারে ?

—বারু।

রঞ্জন হঠাৎ চমকে উঠল। জানলার বাইরে থেকে ডাক আসছে।

—বারু।

মেয়েলী গলা। বাইরের অন্ধকার বাগানে কে একটি মেয়ে এল এমন সময়ে ?

—কে ?

যে ডাকছিল, সে এগিয়ে এল জানলার কাছে। লণ্ঠনের আলো পড়ল দুটি প্রাণবন্ত চোখের ওপর, একখানা কালো স্মৃতি মুখশ্রীকে উদ্ভাসিত করে।

কালোশশী।

—কিরে, তুই এই বাগানে ? এই অন্ধকারে ?

—তোকে খবর দিতে এলাম।

—তুই আবার কী খবর দিবি ? পরশুরাম এসেছে নাকি ?

—না—না। আজ রাতে ফের পঞ্চায়েৎ বসবে কালাপুখরীতে। তোকে যাবার কথা বললে সোনাই মণ্ডল।

—কিন্তু—অসীম বিশ্বাসে রঞ্জন বললে, এ খবর নিয়ে এলি কেমন করে ?

কালোশশী মুখ টিপে হাসল, জবাব দিলে না।

—তুই এলি কেন ?

—ওরা তো কেউ এ বাগানে ঢুকে এমন করে খবর দিতে পারত না।

—তা পারত না। কিন্তু তোর এমন সাহস হল কী করে ? যদি পাইক-পেয়াদারা তোকে এই বাগানে ঢুকতে দেখতে পেত, কী হত তখন ?

—আমার ঝাঁপিতে তাজা সাপ থাকে বারু, তাজা তার বিষ—কালোশশী হাসল।

—তা বটে।

রঞ্জন আর কথা বলতে পারল না। তাজা সাপকে যে কঙ্কণ-বন্ধারে দিনের পর দিন মাতাল করে নাচাতে পারে, পৃথিবীর কোনো সাপকেই তার ভয় নেই। বিষকণ্ঠা হয়ে যে জন্মেছে, কোনো বিষই তাকে দহন করতে পারে না কোনোদিন।

কিছু একটা বলতে যাচ্ছিল, কিন্তু বলা হল না। তার আগেই অন্ধকারের ভেতর আরো অন্ধকার একটা ছায়ার মতো চক্ষের পলকে মিলিয়ে গেল কালোশশী।

আট

রাজ্রে খেতে বসে আলিমুদ্দিন মাস্টার দেখলেন, বেশ বড় বড় পাকা মাছের টুকরো।

—এ মাছ কোথেকে এল ?

—শাহ্ পাঠিয়ে দিয়েছে জনাব। ধাওয়ারা আজ বিল থেকে বড় বড় দুটো রুই ধরেছিল।—ভৃত্য জিব্রাইল ব্যাপারটা ব্যাখ্যা করে দিলে।

শাহ্ পাঠিয়েছে। সামান্য স্কুল-মাস্টারের ওপর ফতে শা পাঠানোর কেন এই অযাচিত অমুগ্রহ ? হঠাৎ যেন খুলে গেছে সোভাগ্যের দরজা। দামী হয়ে উঠেছেন তিনি। মূল্য বেড়ে গেছে নিজের—আকস্মিক একটা স্বাতন্ত্র্যে মণ্ডিত হয়ে উঠেছেন আলিমুদ্দিন মাস্টার।

কারণটা খুঁজে পেতে দেরি হল মনের মধ্যে। শাহের বৈঠকখানায় সকালে সেই বক্তৃতার পুরস্কার এটা। ‘পাকিস্তান হামারা’। মুসলমানের জন্তু আলাদা মুসলিম রাষ্ট্র—নতুন মাটিতে বিজয়ী ইসলামী ঝাণ্ডার নবজন্ম। খুশী হবার কারণ আছে বইকি ফতে শা পাঠানোর। আবার হয়ত চোখের সামনে স্বপ্ন দেখছে নতুন কোনো শাহী আমলের। পাকিস্তান এলেই আবার গিয়ে চড়াও হবে তখত-এ-তাউসে, হাতে মাথা কাটতে পারবে হাজার হাজার মানুষের।

মাছের একটা টুকরো নাড়তে নাড়তে অস্বমনস্ক হয়ে গেলেন আলিমুদ্দিন।

না, আর তা হতে দেওয়া যাবে না, আর ফিরে আসবে না সেই স্বর্ণযুগ। তিনি যে পাকিস্তানের স্বপ্ন দেখছেন, সেখানে শিকল খুলে যাবে সমস্ত মানুষের। সেখানে গরীবের বুকের রক্ত শুষে টাকার পাহাড়ে চড়ে বসতে পারবে না বখিলের দল, সেখানে কোরবানীর মাংস সকলে ভাগ করে খাবে, নাদানেরা প্রাণীর দু হাত ভরে জাকাত দেবে, খুলে দেবে এতিমখানা, বিলিয়ে দেবে সর্বস্ব। সেখানে ইমানদার মানুষ হজরতের মতো পিঠ পেতে দেবে প্রাণ্য কোড়ার হিসেব মিটিয়ে নেবার জন্তে।

কিন্তু ফতে শা পাঠানো কি তাই চায় ? জীবনের সমস্ত অসত্য—শোষণ, মিথ্যা, অজ্ঞায়—সব না-পাকুকে বর্জন করে এরা কি কামনা করে সেই সত্যিকারের পাকিস্তান ?

যদি না চায়, তবে এদের সঙ্গেই আবার শুরু হবে নতুন করে লড়াইয়ের পালা। সে লড়াইয়ের জন্তে মন তৈরিই আছে আলিমুদ্দিন মাস্টারের। এতদিন ধরে সত্যগ্রহের কঠিন দীক্ষা তো তাঁর ব্যর্থ হয়নি। কোনো অজ্ঞায় সহ্য করব না, কোন ফাঁকি বরদাস্ত করব না। ইংরেজের কাছ থেকে দেশকে যদি ফিরিয়ে আনতে পারি, তাহলে তাকে ফের তুলে দেব না ফতে শা পাঠানোর হাতে। শাহী আমলের মোহ আর নেই, প্রতিষ্ঠা করব দীন-দুনিয়ার মানুষের রাজত্ব।

জিব্রাইল আবার সামনে এসে দাঁড়াল।

—খাচ্ছেন না মাস্টার সাহেব ? কি ভাবছেন ?

—হ্যাঁ, খাচ্ছি—ভাতের গ্রাস তুলতে গিয়েই আবার একটি ছবি মনে এল। বাঁ বাঁ রোদ ঠিকরে পড়ছে বাড়িঘরের পাড়ায়। দাওয়ার ওপর অদ্ভুত বিষণ্ণ ভঙ্গিতে কুঁজো হয়ে বসে আছে এলাহী।

: মেয়েটার গায়ে পারার ঘা বেরিয়েছে ছজুর।

: শাহের ওখানে বাদীর কাজ করত, শাহকে ডাকত ধর্মবাপ বলে।

সাদা দাঁত বের করে কেমন বিজ্রী ভাবে হাসছে হোসেন। হাতের ধারালো হাতুয়াটা ঝকঝক করছে।

ধর্মবাপ! তাই বটে। হঠাৎ অসহ ঘৃণায় শরীরের মধ্যে মোচড় খেয়ে উঠল আলিমুদ্দিনের। সানকিতে এই মাছের টুকরোগুলো যেন একটা কুৎসিত ব্যাধির জীবাণুতে আকীর্ণ। মৃত্যুযন্ত্রণায় মলিন একটি মেয়ের মুখ ভেসে উঠল দৃষ্টির সামনে। যেন অভিশাপ দিচ্ছে, যেন একটা প্রলয়ের সূচনা আসছে ঘনিয়ে।

আলিমুদ্দিন মাস্টার উঠে পড়লেন।

—ও কি, খেলেন না?—স্কুক গলায় জানতে চাইল জিভাইল।

—না, খেতে পারছি না।—সংক্ষেপে জবাব দিলেন আলিমুদ্দিন।

—শরীর খারাপ?

—না, না, সে সব কিছু না।—মুখ ধুতে ধুতে আলিমুদ্দিন আবার সংক্ষিপ্ত উত্তর দিলেন।

—কিন্তু মাছটা বড় ভালো ছিল জী।—জিভাইলের স্বরে ক্ষোভ প্রকাশ পেল : তবে কি রহুই ভালো হয়নি?

—না, না, খুব চমৎকার হয়েছে। আমি এমনিই খেতে পারছি না—খড়মের শব্দ তুলে বেরিয়ে গেলেন আলিমুদ্দিন। রাত প্রায় সাড়ে দশটা বাজে, তবু শুতে ইচ্ছে করল না। ঘরের মধ্যে কেমন একটা গুমোট গরম একরাশ তপ্ত বাষ্পের মতো জড়ো হয়ে আছে, শুলেও ঘুম আসবে না। তার চাইতে বারান্দার এই তক্তাপোশটাতোই বস। যাক।

বেশ নির্জন জায়গায় বাসাটি। পেছনে একটা আমের বাগান ছাড়া বাকী দুদিকেই মাঠ। বাঁ পাশে একটু দূরেই একটা উঁচু ডাঙার ওপর দশ-বারোটা তাল গাছ সার দিয়ে দাঁড়িয়ে আছে, তার তলা থেকে কুমীরা বিল গুরু। এই অন্ধকারেও চোখে পড়ল—বিলের একফালি চকচকে জলে তারার কাঁক দোল খাচ্ছে।

তক্তাপোশের ওপর হেঁড়া শতরঞ্জিতায় শরীর এলিয়ে দিলেন আলিমুদ্দিন।

ঘরের ভেতর থেকে একটা কঙ্কেতে হুঁ দিতে দিতে বেরিয়ে এল জিভাইল। খাটের তলা থেকে টেনে বের করলে গড়গড়াটা, কঙ্কে চাপাল তার মাথায়, তারপর নলটা

আলিমুদ্দিনের হাতে ভুলে দিল।

—মাস্টার সাহেবের মন-মেজাজ কি ভালো নেই ?

উদ্ভিন্ন উরে উঠেছে জিভাইল। ব্যাপারটা বুঝে নিতে চায় ভালো করে, জেনে নিতে চায় মাস্টার সাহেবের মানসিক অবস্থাটা।

—একথা কেন বলছ ?—অশ্রুমনস্কভাবে প্রশ্ন করলেন আলিমুদ্দিন।

—না, তাই দেখছি—একটা চৌপাই টেনে নিয়ে সঠিক বুঝে নেবার জন্যে আসন নিয়েছে জিভাইল। বিদেশী মাস্টার সাহেবের দেখাশুনো করবার কর্তব্যটা এখানে যখন তারই, তখন সে দায়িত্বকে সে তো অবহেলা করতে পারে না।

—কী হয়েছে তাহলে ? কারুর সঙ্গে কোনো রকম ঝগড়াঝাঁটি ?

গড়গড়ায় একটা টান দিয়ে খানিক ধোঁয়া ছেড়ে আলিমুদ্দিন বললেন, মিথ্যে ওসব ভাবছ জিভাইল, আমার কিছু হয়নি।

এইবার জিভাইল চুপ করল, আলিমুদ্দিনও চুপ করলেন। ধানকাটা মাঠের ওপর দিয়ে কালরাত্রির শ্রোত ভরজিত হয়ে যয়ে চলেছে। এই অন্ধকারেও পালনগরের বৃক্ষজটা কালি দিয়ে মোছা একটা ছবির স্বাপনা ছাপের মতো দেখা যাচ্ছে। দক্ষিণের কোণটায় যেখানে দু-তিনটি আলো দপ দপ করে উঠছে, ওইটেই বাড়িরাবাদের গ্রাম। ওইখানে এলাহী বজ্রের মেরে বিবের যন্ত্রণায় জলে-পুড়ে মরে যাচ্ছে।

কিন্তু শুধু কি ওখানেই ? আরো কত—কত সংখ্যাভীত, কত দৃষ্টি আর মনের অগোচর, এমন করে অর্জরিত হয়ে যাচ্ছে বিষ-যন্ত্রণায়। কে তাদের সন্ধান রাখে ? আর—আর এদের বনিরাদের ওপরেই কি গড়ে উঠতে পারে পাকিস্তান—গুলিস্তান হামারা ?

সামনে মাঠের পথ দিয়ে দুজন লোক চলছিল লঠন হাতে। এই চুপ করে বসে থাকার বিরক্তিতে কাটিয়ে ওঠবার জন্যেই জিভাইল ডাকল : কে যায় ?

—জলিল আর রসিদ ধাওয়া।—একজন উত্তর দিল। গলার স্বরটা জড়ানো।

জিভাইল বলল, দাঁক টেনে এসেছে ব্যাটার।

—মদ ?—আলিমুদ্দিন চকিত হয়ে উঠলেন।

—হ্যাঁ, খুব খায়।—জিভাইল স্থণাকৃষিত মুখে বললে, গোপালপুরের হাটে মাছ বেচতে যায়, সেখান থেকে পেট ভরে টেনে আসে। গোপালপুরের সরকারী দোকানটাকে ওরাই তো বাঁচিয়ে রেখেছে।

—সে কি কথা ! মুসলমানের বাচ্চা।—উত্তেজিত শিরাগুলো মুহূর্তে উদ্ভত হয়ে উঠল : ডাকো, ডাকো তো ওদের। কী অস্ত্রায় ! এদিকে পেট পুরে হুমুঠো খেতে পার না, অথচ মদের বেলায়—

—এই জলিল, এই রসিদ মিক্রা—হাঁক দিলে জিভাইল।

ন। ব. ৪র্থ—১৬

—এখন টেচিয়ে মরছ কেন মিঞা ? মাছ নেই সঙ্গে—আবার জড়িত উত্তর এল দূর থেকে ।

—তুনে যা ব্যাটারা । মাস্টার সাহেব ডাকছেন ।

—কে ডাকছেন ?

—মাস্টার সাহেব, মাস্টার সাহেব । শিগুগির আয় এদিকে—

লোক ছুটো থামল । নিজেদের মধ্যে কী একটা আলোচনা করল চাপা গলায় । তারপর পেছন ফিরল । ধীরে ধীরে ভীকু পায়ে মাস্টারের দাওয়ার সামনে এসে দাঁড়াল ।

—আদাব মাস্টার সাহেব !

—আদাব—

সংক্ষেপে প্রতি-অভিবাদন জানিয়ে তীক্ষ্ণ দৃষ্টিতে লোক ছুটোর দিকে তাকালেন আলিমুদ্দিন । ই্যা, মুখ-চেনা মানুষ । মাছের ঝাঁক কাঁধে নিয়ে দ্রুতগতিতে এদের পথ দিয়ে চলে যেতে দেখেছেন বহুদিন । কিন্তু বিষণ্ণ আলোয় এমন করে এদের মুখগুলিকে দেখবার সুযোগ আগে তাঁর কখনো ঘটেনি ।

একজনের বয়েস হবে পঞ্চাশের কাছাকাছি । সাদা রঙ ধরেছে দাড়িতে । জটা-বাঁধা চুলগুলো লালচে ; অতিরিক্ত জল ঘাঁটার স্বাক্ষর, অথচ চুলে কখনো তেল পড়েনি । কালিপড়া চোখের কোটরে বিষণ্ণ নির্বাপিত দৃষ্টি । আর একজনের বয়েস ত্রিশ-বত্রিশ হবে । মিশমিশে কালো রঙ—সারা গা ভর্তি খরখরে চুলকানি পরিষ্কার দেখা যাচ্ছে লষ্ঠনের আলোয়—কেমন ঘিন ঘিন করে ।

মাস্টারের সামনে লোক ছুটো দাড়িয়ে রইল বিনীত ভঙ্গিতে । স্পষ্ট দেখা গেল, নেশার তাদের পা টলছে । অসহ্য ঘৃণায় সংকুচিত হয়ে উঠলেন মাস্টার ।

—তোরা মূলমান ?

—জী ।—লোক ছুটো ধীরে ধীরে মাথা নাড়ল । তাকিয়ে রইল অবোধের দৃষ্টিতে ।

—মদ খাস ?—আলিমুদ্দিনের স্বর কঠোর হয়ে উঠল ।

—জী ।—তেমনি অসংকোচ উত্তর এল ।

—জী !—আলিমুদ্দিন জলে উঠলেন : বলতে সরম লাগল না ? মূলমানের বাচ্চা হয়ে মদ খাস, গুণাহ্ হয় তা জানিস ?

নেশার ঝোঁকে তারা আঙুলে আঙুলে মাথা নাড়ল । তারপর বয়স্ক লোকটা—জলিল—মাতালের হাসি হেসে জড়িত গলায় বললে, জী । কিন্তু সবাই খায় । থানার জমাদার সাহেব, শাহ্—

মুখের ওপর প্রবল একটা আঘাতের মতো এসে পড়ল কথাটা । কিছুক্ষণের জন্ত স্তব্ধ হয়ে গেলেন আলিমুদ্দিন । এ প্রবোধ এমন একটা উত্তর তিনি আশঙ্কিত করেননি ।

একবারের জন্ত মনে হল, এ মানুষগুলোর অপরাধের বিচার করবার অধিকার সত্যি সত্যিই তাঁর আছে তো ?

কিন্তু অবস্থাটাকে সহজ করে দিলে জিভ্রাইল ।

কবে একটা ধমক দিলে সে ।

—মুখ সামলে কথা বল বেয়াকুবের দল । জমাদার সাহেব আর শাহু কি করে, সে খোঁজে তোদের দরকার কি ?

জলিল একটু বিনীত হাসি হাসল : জী, সে তো ঠিক । তবে মাস্টার সাহেব জানতে চাইলেন, তাই বললাম ।

গড়গড়ায় আর একটা টান দিয়ে নিজেকে খানিকটা ধাতস্থ করে নিলেন আলিমুদ্দিন । বললেন, মদ খাস কিসের জন্তে ?

—সারাদিন হাড়ভাঙা মেহনৎ করে তবে খাব কি জনাব ?—পাল্টা প্রশ্ন এল রসিদের তরফ থেকে ।

—কি খাব জনাব ?—জিভ্রাইল দাত খিঁচিয়ে উঠল : বলতে লজ্জা করে না ? এদিকে পেটে ভাত নেই, ঘরের চালে খড় নেই, ওদিকে রাজগার সব ঢালা হচ্ছে গোপালপুরের আবগারী দোকানে ! কেন, ওই পরসা দিয়ে কিনতে পারিস না ভাত-কাপড়, ছাউনি দিতে পারিস না ঘরের চালে ?

—ঘরের চাল ।

হঠাৎ লোক দুটো সমন্বরে হাহাকারে হেসে উঠল । অদ্ভুত ভয়ঙ্করভাবে অঙ্ককারের মধ্য দিয়ে লহরে লহরে বয়ে গেল সে হাসির শব্দ ; ভয়ানকভাবে চমকে উঠলেন আলিমুদ্দিন মাস্টার, গড়গড়ার নলটা থসে পড়ল হাত থেকে । না—এ মাতালের হাসি নয় । একটা বুকফাটা কান্না যেন হাহাকার করে বেরিয়ে এল খানিকটা অট্টহাসির ছদ্মবেশে ।

—কী, অমন করে হাসছিস যে ?

তীব্র গলায় আবার একটা ধমক দিতে চেষ্টা করল জিভ্রাইল । কিন্তু সে হাসিতে এবার আর তারার দমে গেল না, আবার খানিকটা ক্যাপার মতো প্রচণ্ড হাসি তরঙ্গিত হয়ে বয়ে গেল অঙ্ককারের বুক ছিঁড়ে ।

—ঘর ! ঘর বেঁধে কি হবে ? আজ আছি, কালই চালা কেটে তুলে দেবে শাহু । কি হবে ঘর দিয়ে ?

—চুপ !—বল্লকঠে বললে জিভ্রাইল ।

—চুপ করেই তো আছি মিঞা । আমাদের তো জবান বন্ধ হয়েই আছে । শুধোলে, তাই জবাব দিলাম ।

খানিকক্ষণ তীব্রদৃষ্টিতে লোক দুটোর মুখের দিকে তাকিয়ে রইলেন আলিমুদ্দিন। আস্তে আস্তে বললেন, চুপ কর জিব্রাইল। যা বলবার আমি বলছি।

চোখ পাকিয়ে জিব্রাইল বললে, না সাহেব, বড্ড বাড় বেড়েছে লোকগুলোর। শাহুর নামে যা খুশি তাই বলে বেড়াচ্ছে। একবার যদি কানে যায়—

কিন্তু মদের নেশার ভয়ভর কেটে গেছে লোকগুলোর—মনের ওপর থেকে সরে গেছে আশঙ্কা আর আতঙ্কের সূক্ষ্ম আবরণটা। জীবনে পিছু হটতে হটতে এমন একটা জায়গায় এসে দাঁড়িয়েছে, সেখান থেকে আর সরবার উপায় নেই। এবার হয় সামনে ঝাঁপিয়ে পড়বে, নইলে হারিয়ে যাবে অতল একটা খাদের ভেতরে।

—মুদ্রাকে আবার গোয়োর ভয়!—তিস্ত কণ্ঠে বললে রসিদ।

জলিল সেই কথাটারই জের টানল : কানে গেলে কি করবে শাহু ? ঘর তুলে দেবে, এই তো ? তাতে আর কি হবে ? বানের পানিতে ভাসতে ভাসতে এসেছি, ভাসতে ভাসতেই চলে যাব। আর মিথ্যে ভয় দেখিয়ে না মিঞা। ব্যাগার খেটে গায়ের রক্ত জল করে দিলাম, জুতোর ঘা খেয়ে পিঠে আর জায়গা নেই কোথাও। কাকে ভয় করব ছনিয়ায় ?

—ওই জ্ঞেই তো দারু খাই। নইলে বাঁচব কি করে ?

আলিমুদ্দিন তেমনি তীব্রদৃষ্টিতে তাকিয়ে রইলেন তাদের দিকে, কিছুক্ষণ যেন জিব্রাইলও একটা কথা বলবার মতো খুঁজে পেল না। ভয়ের শেষ সীমান্তে এসে যে মাহুব নির্ভয় হয়ে গেছে, কেমন করে দমিত করা যাবে তাকে ? কোন উপায়ে তাকে বশীভূত করা সম্ভব ?

আলিমুদ্দিন নিজেই সংহত করে নিলেন। আস্তে আস্তে বললেন, তবু তো তোরা মুসলমান। মুসলমানের কি মদ খেতে আছে ?

—আমরা কি মুসলমান ?—তেমনি আস্তে আস্তে প্রশ্ন করল জলিল। লোকটার নেশা কি কেটে গেল নাকি ?

—কি বলছিস উল্লুক ?—জিব্রাইল নিজেকে সামলাতে পারল না।

—সত্যি কথা শুনলে তোমাদের তো ভালো লাগে না মিঞা। কান কটকট করে। আমরা মুসলমান ! তাহলে মসজিদে আমরা ঢুকতে পাই না কেন ? কেন নামাজের সময় আমাদের বাইরে দাঁড়িয়ে থাকতে হয় ?

—সে কি !—আলিমুদ্দিন চমকে উঠলেন।

—ইমাম সাহেব আমাদের দেখলে কেন মুখ কিরিয়ে চলে যান ?—আবার প্রশ্ন করল জলিল।

—কী বলছে এরা ? এও কি সম্ভব ? এ জিনিস আছে নাকি ইসলামের মধ্যে ?—

সীমাহীন বিষয়ে কলের পুতুলের মতো যেন কথাগুলো আবৃত্তি করলেন আলিমুদ্দিন, বিস্ফারিত জিহ্বায় দৃষ্টিতে তাকালেন জিভাইলের দিকে।

অপরাধীর মতো নতনেজে কিছুক্ষণ চেয়ে রইল জিভাইল। তারপর বললে, এরা যে ধাওয়া।

—তাতে কী ?

—এরা মাছ ধরে।

—বেশ তো।

মাটিতে একবার থুথু ফেলে জিভাইল বললে, কাছিমও ধরে। হারাম।

—তাতে এমন কী অপরাধ হল ?

—অপরাধ হল না ? তোবা তোবা। আপনি বলছেন কি মাস্টার সাহেব ?

রসিদ জলে উঠল হঠাৎ।

—মাছ ধরব না, কাছিম ধরব না, তবে খাব কি ? তোমরা খেতে দেবে ? সে বেলায় তো কোনো চাচার দেখা নেই।

জিভাইল বলল, এই—খবরদার।

—না, না, তুমি খাম।—ক্লাস্ত অবসন্ন গলায় আলিমুদ্দিন বললেন, ব্যাপারটা আমাদের একবার ভালো করে সব বুঝে নিতে দাও। সত্যিই কি এদের মসজিদে ঢুকতে দেওয়া হয় না ?

—না।

—হিন্দুদের ছোটজাতের মতো মুসলমান হয়েও এরা অশ্পৃশ্য ?

—ঠিক তা নয়, তবে—জিভাইল বিধা করতে লাগল : তবে, ভেবে দেখতে গেলে অনেকটা তাই দাঁড়ায় বটে। তবে আমাদের আর দোষ কি বলুন, মোল্লাদের ক্ষতোয়া তো মানতেই হবে।

—হ্যাঁ, মোল্লা সাহেবদের ক্ষতোয়া।—রসিদ আবার বিকৃত মুখে বললে, হুকুম দিতে কোনো খরচা নেই। কিন্তু সব মিঞাকেই চিনি। আমাদের জবান দেখলেও তো গুণাহ্ হয়, কিন্তু আমাদের ধরা মাছ তরিবত করে জবানে তুলতে একটুও তো গুণাহ্ হয় না পীর সাহেবদের।

জিভাইল কি একটা বলবার জন্য উত্তত হয়ে উঠছিল। আলিমুদ্দিন বললেন, খাম। সব আমরা ভালো করে শুনে নিতে দাও। বল রসিদ, আর কি বলবার আছে তোমাদের ?

—কি আবার বলব। রসিদের মুখ আরও বিকৃত হয়ে উঠল : বললেই বা কে শুনেছে বাজে আমাদের কথা ? আমরা মাছব নই, মূলমানও নই, আমরা জানোয়ার। তাই

ময়লে পরে সকলের সঙ্গে আক্সাতলীতে আমাদের জায়গা হয় না—আমাদের মূর্ধাকে গোর দিতে হয় ভাগাড়ে। গরু-ঘোড়ার মতো আমরা বাঁচি, তাই মরবার পরেও গরু-ঘোড়া ছাড়া আমাদের আর ঠাই কোথায় ?

—ইয়া! আজ্ঞা!—আলিমুদ্দিন মাস্টার শুক হয়ে রইলেন : এমন তো কখনো শুনি নি।

—তুনে লাভ কি মাস্টার সাহেব ? বেফয়দা সময় নষ্ট হবে।

—হঁ!—আলিমুদ্দিন চূপ করে রইলেন। ছপুর থেকে পর পর এই ছোটো ঘটনা যেন মনের মধ্যে মেঘের মতো এসে ছায়া ফেলেছে। জান করে দিয়েছে উদ্দীপ্ত উৎসাহটাকে—একটা কুয়াশার অশুচ্ছ আড়াল টেনে নিশ্চুপ আর বিবর্ণ করে দিচ্ছে পাকিস্তানের উজ্জল স্বপ্নছবিকে। সারা দীন-দুনিয়ার মাহুঘের যে আজাদ-পৃথিবীর ধ্যান তিনি করে এসেছেন এককাল, এ কি তারই ভিত্তি ? নাকি এ কোনো চোরাবালির বনিয়াদ, যার ওপরে এক মুহূর্তও ভর সহাবে না ?

—আচ্ছা, আমিই এসবের ব্যবস্থা করছি—একটা নিশ্চিত প্রতিজ্ঞার মতোই যেন স্বগতোক্তি করলেন আলিমুদ্দিন মাস্টার : এ চলবে না, কোনো মতেই না।

রসিদ ধাওয়া বললে, এবার আমরা চলি মাস্টার সাহেব। রাত হয়ে গেছে।

—একটু দাঁড়াও।—নিবে-যাওয়া গড়গড়ায় ব্যর্থ একটা টান দিয়ে নলটা নামালেন আলিমুদ্দিন : আর একটা কথা জিজ্ঞাসা করব। ইকুলে পাঠাও তোমাদের চ্যাংড়াদের ?

—ইকুলে ! কি হবে ?

—কেন, লেখাপড়া শিখবে। মাহুঘ হবে।

—খরচ কোথেকে আসবে জনাব ?

—সে ব্যবস্থা আমি করব—মুঠোর মধ্যে আকস্মিকভাবে যেন অবলম্বন করার মতো কিছু একটা খুঁজে পেয়েছেন আলিমুদ্দিন : ওদের বিনা পরসায় পড়বার ব্যবস্থা করে দেব।

—কি হবে সময় নষ্ট করে ?—একটা নিরুদ্ভাপ অবস্থা ফুটে বেরুল জলিলের গলায় : তার চেয়ে তখন বিলে মাছ ধরলে কাজ দেবে।

—না, তা হবে না।—আলিমুদ্দিন কঠিন হয়ে উঠলেন : আমি বলছি। কাল সকালে ধাওয়া-পাড়ার সমস্ত ছেলেকে স্কুলে পাঠিয়ে দেবে।

—না সাহেব, সে মেহেরবানিতে আর দরকার নেই। আর আমরা মাছ ব্যাগার দিতে পারব না।

—মাছ ব্যাগার ! কে চাইছে ?

—বাঃ, চিরকাল তাই তো হয়ে আসছে। বিনা উপকারেই ব্যাগার দিতে দিতে জান বেরিয়ে গেল, উপকার করলে আর রক্ষা আছে ?

—বলছে কি, জিব্রাইল?—আলিমুদ্দিন অসহায় দৃষ্টিতে তাকালেন জিব্রাইলের দিকে :
এদের মাছও কি এই ভাবে নিয়ে নেওয়া হয় নাকি ?

জিব্রাইল অগ্নিবর্ষী চোখে লোকগুলোকে দৃষ্ট করে ফেলতে চাইল : না জনাব, সব
কথা বড় বাড়িয়ে বলছে এরা। খাজনা তো ঠেকায় বছরে ছ-চার গুণা পয়সা, কিছু দেবে
না তার বদলে ? তোলা দেবে না জমিদারকে, খানার দারোগাকে ?

—তোলা!—জলিল দপ করে উঠল : ওকে তোলা বলে ! আমাদের মুখের গরাস,
পেটের ভাত কেড়ে নেওয়াকে তোলা বলে ? এই তো হানিফের বড় ব্যাটাটা মর-মর,
সরকারী দাওয়াখানার ডাক্তার সাহেব বললে, শহর থেকে ভালো ওষুধ না আনলে বাঁচানো
যাবে না ! আজ হানিফের জ্বলে যখন এই বড় বড় দুটো রুই মাছ পড়ল, তখন বেচার
ভাবল, বাজারে গেলে অস্বস্তি দুগুণা টাকা পাবে। কিন্তু পেল কিছু ? শাহের পাইক এসে
মাছ দুটোই তুলে নিয়ে গেল। আন্নার নাম নিয়ে পায়ে ধরে কাঁদল হানিফ, রোগা
ব্যাটাটার দোহাই দিলে, লাখি মেয়ে মাছ কেড়ে নিয়ে গেল। এর নাম তোলা ?

অসহ্য ক্রোধে জিব্রাইল হতবাক হয়ে রইল।

—মরবার পাখনা উঠেছে। এইবার জাহান্নামে যাবি।

—জাহান্নামে মোজারা তো আগেই পাঠিয়েছে। নতুন করে আর ভয় কি ?—চটাং
করে জবাব দিলে রসিদ। তারপর জলিলের দিকে মুখ ফিরিয়ে বললে, চল চাচা, রাত
হয়ে গেল।

—হাঁ চল। আচ্ছা মাষ্টার সাহেব, আদাব।

কিন্তু মাষ্টার সাহেব সেই যে পাথরের মূর্তির মতো স্থির হয়ে বসেছিলেন, একটা
প্রত্যাবিধান পৰ্বন্ত তিনি জানাতে পারলেন না। তীব্রতম আঘাত পড়েছে, সাপের
বিষের মতো একটা ছুঁবিষহ জ্বালা ধরেছে সর্বাত্মক। অসহ্য যন্ত্রণায় তাঁর প্রতিটি লোমকূপ
পৰ্বন্ত যেন জ্বলে যেতে লাগল। এতদিন পরে, এইবারে মন যেন স্পষ্ট কর্ত্তে তাঁর কাছে
উপস্থিত করল একটা নির্মম কঠিন প্রশ্ন : তাঁর সত্যিকারের স্থান কোথায় ? ওই শাহের
বৈঠকখানায়, না নির্ধাতিত এই অমাহুষগুলোর বিভ্রান্ত জীবনের মধ্যে ?

অস্বস্তিটাকে কাটাবার চেষ্টা করল জিব্রাইল।

—ওসব কথা কানে তুলবেন না মাষ্টার সাহেব। মদের ঝৌকে বলে গেল, কোনো
মাধ্যমত্বই নেই ওসবের। কাল সকালেই দেখবেন সোজা ঘাড় আবার ছুরে পড়েছে
মাটিতে। সামনে এসে তুঁরে লুটিয়ে সেলাম বাজাবে তখন—এই বলে রাখলাম।

আলিমুদ্দিন জবাব দিলেন না। অন্ধকার, কালি-চালা মাঠ। বিলের জলে তারার
ঝাঁক দোল খাচ্ছে। দূরে পাল-বুঝের চুড়োটা যেন কবরখানার বুকের ভেতরে জেগে
আছে নিঃশব্দ একটা অভিকার্য্য জিনের মতো। শারি শারি ভালগাছ সামনে কাঁদছে হাজির

বাতাসে। সব হিসেবে গোলমাল হয়ে গেছে, মুহূর্তের মধ্যে এলোমেলো আর বিশৃঙ্খল হয়ে গেছে, জট পাকিয়ে একাকার হয়ে গেছে চিন্তার তত্ত্বজাল। আবার কি নতুন করে ভাবতে হবে, আবার কি শুরু করতে হবে গোড়া থেকেই ?

গুলিস্তা হামারা। কিন্তু কোন গুলিস্তা ?

ধাওয়ারা ক্রমশ দূরে সরে যাচ্ছে। দুলতে দুলতে চলে যাচ্ছে লষ্ঠনের আলো। এলাহী বক্স, ধাওয়ারা—সেইখানেই কি শেষ ? আরো কত—কত সংখ্যাহীন, কত অজস্র ?

আর তৎক্ষণাৎ একটা কথা মনে পড়ল বিদ্যুৎ-চমকের মতো।

—ওই মাছগুলো শাহের ওখান থেকেই তো দিয়ে গেছে, না জিভ্রাইল ?

আকস্মিক প্রশ্নে খতমত খেয়ে জিভ্রাইল বললে, জী !

সমস্ত পেটটা পাক দিয়ে উঠল আলিমুদ্দিনের। মাছ নয়, একটা মূমূর্ষু মাছবের বৃকের মাংস যেন ছিঁড়ে ছিঁড়ে খেয়েছেন তিনি ! ক্ষতবেগে উঠে চলে গেলেন ভেতর দিকে।

বিহ্বল জিভ্রাইল শুনতে পেল আলিমুদ্দিন বমি করছেন !

নয়

কালাপুখরি নাম বটে, কিন্তু সাদা কালো কোনো পুকুরেরই এখন নিশানা নেই কোথাও। কোনো একদিন হয়ত ছিল, কিন্তু কবে মজে বুজে গিয়ে একাকার হয়ে গেছে বরিন্দের এই চেউ-খেলানো মাটির সঙ্গে। তবু কালাপুখরি নামের এই অঞ্চলটাই অপেক্ষাকৃত সমভূমি। রৌদ্রদগ্ধ রক্ততা চোখে লাল ধুলোর ঝাপটা ছুঁড়ে মারে না, শুষ্ক শূন্যতা মুখর হয় না ক্ষুধার্ত শকুনের কায়ার। কিছু আম-কাঁঠালের ছায়া আছে, কয়েক ঝাড় বাঁশ আছে ; দু-একটা নারকেল গাছও আছে—তবে ফলন ভালো হয় না, ডাবগুলো শীঘ্রে জলে পুরন্ত হয়ে ওঠবার আগেই কাঠবেড়ালীতে খেয়ে শেষ করে দেয়। কখনো কখনো আকস্মিকুলের গন্ধ আসে, বুনো ভাঙের ঝোপে ঝোপে ঘোরে নেশাগ্রস্ত গিরগিটি, বসন্তের বাতাসে বাতাসে আকুল ভাঁটকুলের বনে মরা মাটির স্বপ্ন কামনার মতো রঙীন প্রজাপতির ছোপ লাগে।

আহীরদের পাড়ার সঙ্গে স্পষ্ট পার্থক্য চোখে পড়ে একটা। রক্ত, উত্তপ্ত, উদগ্র জীবন নয়—চিরপরিচিত বাংলাদেশের মধুমান বিজ্ঞান্টি। তাড় আর গাঁজার নেশার রাত ঢুটো পর্যন্ত উদ্ভাস আনলে গান গায় না এরা ; বিকেলের আলো নেববার সঙ্গে সঙ্গে যে রেড়ির তেলের কীণ দীপ জ্বালায়, পাংখ তারাগুলো আকাশে শানিত হয়ে ওঠবার আগেই সে প্রদীপ নিষিয়ে স্বপ্নহীন স্বপ্নের মধ্যে এলিয়ে পড়ে এরা। স্বপ্নহীন ? না—ঠিক বলা হল না। রাজির ঠাণ্ডা হাওয়ার বুকের ঘোরে নতুন-চবা মাটির মিষ্টি গন্ধ শুঁকতে শুঁকতে এরা স্বপ্ন দেখে—বোঝো খান মজরীর ভারে ভেঙে পড়ছে, স্বপ্ন দেখে—মেঘে ছাওয়া আকাশের

সীমার সীমার একাকার হয়ে গেল মেঘবরণ গমের ক্ষেত।

কিন্তু রাজির স্বপ্নের বুকে দিনের ধারালো আলো এসে বিঁধতে থাকে একটার পর একটা সাঁওতালী তীরের মতো। বাঘের খাবার মতো ক্ষেতের ফসলে হাত পড়ে মহাজনের—লোভ নামে জমিদারের। তাও সইছিল এতকাল—অসহ হয়ে উঠেছে এইবারে।

কালাপুথরি এবং আশেপাশে আরো প্রায় ছোট বড় পনেরোখানা গ্রাম নিয়ে তুরীদের এলাকা। এই গ্রামগুলির দু পাশে দু হাজার বিঘে ধানী জমি। আর এই মাঠের মধ্য দিয়ে সরীসৃপ তিব্বকতায় প্রবাহিত হয়ে গেছে কামারহাটির ডাঁড়া। একটি ছোট সরু খাল—গরমের দিনে শুকনো খটখটে হয়ে থাকে, কোথাও কোথাও এক-হাঁটু কাদার মধ্যে বাড়তে থাকে ব্যাঙ আর গজাল মাছের সংসার; কিন্তু ডাঁড়ার পরাক্রম দেখা দেয় বর্ষার সময়। হঠাৎ একদিন বোলা জলের স্রোত পাক খেতে খেতে ছুটে যায় তার ভেতর দিয়ে—শুকনো ঘাস পাতা আর শ্রাওলা তীরের মতো বয়ে যায় ফিরিঙ্গিপুর আর হাঁসমারির বিলের দিকে।

এর আগে তুরীয়া মাছ ধরত ডাঁড়ায়, নতুন বোলা জল বয়ে আসতে দেখলে খুঁশি হয়ে উঠত তাদের মন। কিন্তু প্রাকৃতিক নিয়মে বছরের পর বছর ধরে ডাঁড়া নিচ্ছে সর্বনাশীর মূর্তি। নদীর নিচের দিকটার বালি পড়ে পড়ে ক্রমশ তার ধারা খুঁজছে একটা নতুন মন্ত্রির মুখ—প্রতি বছর ডাঁড়া দিয়ে আরো বেশি, আরো বেশি করে জল নামছে। এখন বারো মাসই ডাঁড়ায় জল থাকছে, কোথাও কোথাও একমাত্র পর্বন্ত। সম্ভব হচ্ছে, ডাঁড়ার মধ্য দিয়েই নদী তার নতুন পথ কেটে নিতে চায়!

ফল হয়েছে মারাত্মক। ডাঁড়ার সংকীর্ণ খাতে অত অজস্র জল আর ধরছে না, ঢুকল ছাপিয়ে ভাসিয়ে দিচ্ছে, বরবাদ করে দিচ্ছে দু হাজার বিঘে জমির ফসল। কিন্তু বিশাল হাঁসমারি আর ফিরিঙ্গিপুর বিলের জলকরের লোভে জমিদার ভৈরবনারায়ণ এই ডাঁড়ার মুখ বন্ধ করতে রাজী নন। আম-কাঁঠালের ছায়ায় ছায়ায়, আকন্দ আর ভাঁট ফুলের গন্ধে সমাকুল ঘুমন্ত গ্রামগুলিতে তাই এসে লেগেছে আহীরপাড়ার আগ্নেয় উত্তাপ।

গুধু আহীরপাড়া নয়। প্রত্যক্ষ ইচ্ছন এসেছে জয়গড় মহাল থেকে।

রাজবংশীরা কিষাণ সমিতি গড়েছে সেখানে। ভৈরবনারায়ণের তরফ থেকে এক-একটা ঘা পড়বার সঙ্গে সঙ্গে সেখান থেকে ঠিকরে পড়ছে আগুনের ফুলকি। এক আই. এ. আর এল. এম. এফ. পাস ডাক্তার নগেন সরকার বাঁকা বাঁকা কথা কইতে শিখেছে জমিদারের লোকের সঙ্গে। ইচ্ছল বসিয়েছে চাষাদের ভেতরে। গুধু তাই নয়। ভৈরবনারায়ণের কনিষ্ঠ কুমার বাহাদুরের অগ্রপ্রাণে একটি বেগার আসেনি জয়গড় মহাল থেকে, আসেনি এক মুঠো বাড়তি নজরানা। নগেন সরকারের কিষাণ সমিতি ঠিক করেছে স্রাব্য পাওনাগণ্ডার একটি পরলা বেশি দেবে না জমিদারকে।

সেই নগেন ডাক্তার কাঁচা মাটির এবড়ো-থেবড়ো রাস্তায় বাইশ মাইল ভাঙা সাইকেল চালিয়ে এসেছিল কালাপুথরিতে। পঞ্চায়েতের পরামর্শটা তারই। তারপর—

তারপরই কালাপুথরিতে ধুমায়িত হয়েছে অগ্নি-সম্ভাবনা।

সোনাই মণ্ডলের বাড়ির উঠোনে হয়েছে আজকের বৈঠকের আয়োজন। রেড়ির তেলের প্রদীপ জ্বলছে না এখন, অন্ধকার উঠোনটায় আরক্তিম হয়ে আছে মাটিতে পোতা তিনটে মশালের আলো। নগেন ডাক্তার উপস্থিত থাকতে পারেনি, কী একটা বিশেষ কাজের তাড়ায় ফিরে গেছে জয়গড়ে। মশালের আলোয় ভূতের মতো ত্রিশ-চল্লিশটি মানুষ রক্তনের জন্তু অপেক্ষা করে বসে আছে।

ঝম ঝম করছে রাত। কোনো বাঁশঝাড়ের ঘুণে ছিঁক করা বেগুনজ্ঞ থেকে এলোমেলো হাওয়ায় উঠছে বেহুহো বাঁশির স্বর। এই চৈত্র মাসেও আমগাছগুলোতে কখনো কখনো ঝপ ঝপ করে বাতুড় পড়ছে, কচি আমের কড়ার সন্ধানেই কিনা কে জানে। বাতাসে বাতাসে মশালের শিখাগুলো তুলে তুলে চঞ্চল ছায়া নাচিয়ে যাচ্ছে, আর মানুষগুলি তলিয়ে বসে আছে স্তব্ধতার মধ্যে। যেন কোনো দেবমন্দিরের সামনে এসে একটা বিচিত্র পবিত্রতার প্রভাবে তারা অভিভূত হয়ে গেছে, কারো মুখে কোনো কথা আসছে না।

—ধু—ধু—ধুম—

কোথাও একটা ছতুম প্যাঁচা ডাকল। ইন্ধন ফুরিয়ে গিয়ে দপ করে নিভে গেল একটা দ্রান মশাল। উঠোনের চঞ্চল আলোটা আরো বিবর্ণ পিঙ্গল হয়ে উঠল। তখন যেন হঠাৎ কথা খুঁজে পেয়ে নড়েচড়ে বসল একজন।

—ঠাকুরবাবু তো এখনো এল না!

সকলের মনে ওই একটি জিজ্ঞাসাই জমে উঠেছিল এতক্ষণ ধরে। তাই কয়েক মুহূর্ত জবাব দিলে না কেউ। তারপর আর একজন একটা বিড়ি ধরিয়ে বললে, কালোশশী খবর দ্বিভে গেছে।

—রেখে দাও তোমার মেয়েমানুষের কারবার। তারপর আবার কালোশশী!—প্রথম লোকটি বললে অবজ্ঞাভরা গলায়।

—না, ঠিক যাবে কালোশশী। কথাই খেলাপ করবে না।

—কি করে বুঝলে? বিশ্বাস আছে নাকি ওকে?

—অবিশ্বাসের কী হল? কালোশশী সব পারে—বিড়িতে একটা জোরে টান দিয়ে, আগুনটাকে একেবারে আগুনের কাছাকাছি নামিয়ে এনে প্রত্যয়ের সঙ্গে বললে দ্বিতীয় জন।

—কেন, রঙ ধরেছে বুঝি চোখে?—আবহাওয়াটা এতক্ষণে সহজ হয়ে আসছিল। তারই সুযোগ নিয়ে চাপা গলায় টিকনীর কাটল কোনো তৃতীয় জন।

—সামলে ভাই সামলে—আর একটি কর্ত্ত।

—ওর বাঁশিতে তাজা তাজা গোখরো আর চন্দ্রবোড়া থাকে। বিষদাত কামায় না কালোশশী। ছেড়ে দিলেই কিন্তু ছোবল মারবে—তৃতীয় জন আবার বললে রমানি দিয়ে।

দুটো হাঁটুর মধ্যে মাথা গুঁজে এতক্ষণ যেন ঝিমিয়ে পড়েছিল সোনাই মণ্ডল। ভাবছিল না স্বপ্ন দেখছিল সে-ই বলতে পারে। হঠাৎ মুখ তুলে চাপা গলায় ধমক দিলে একটা।

—এই, কি হচ্ছে এসব ? হাসি-মস্করার সময় নাকি এখন ?

মুহুর্তের মধ্যে আবার স্তব্ধতা ঘনিয়ে এল সমাবেশের ওপর। ঠিক কথা—অজ্ঞায় হয়ে গেছে। দেবমন্দিরের পবিত্রতার মাঝখানে বসে সুর্যোগ নিয়েছি অজ্ঞায় প্রগলভতার।

আবার চারদিকে ঝম ঝম করে বেজে চলল বরেন্দ্রভূমির লাল মাটির ওপরে ঘনীভূত রাজি। বেস্বরো বাঁশি বাজতে লাগল ঘুণে-কাটা বাঁশের রঞ্জে রঞ্জে। কচি আমের অল্পরসে মুখের স্বাদ বদল করে বাহুর উড়ে চলল নতুন কোনো খাত্তের সন্ধানে।

একজন উঠে পড়ল।

—মশাল নিবে গেছে। যাই আর একটা জালিয়ে আনি।

ছিঁড়ে যাওয়া কথার স্মৃতিটার আর একবার জোড় লাগল। আলোচনার সূচনা যে করেছিল, সে এতক্ষণে তিক্ত গলায় বললে, না, মেয়েমানুষের ওপরে ভরসা করে বসে থাকাই অজ্ঞায় হয়ে গেছে। নিজেদের কাউকে পাঠালেই ভালো হত।

কালোশশীর তরফে যে ওকালতি করছিল এবারে নীরব হয়ে রইল সে। তার নিজের মনেও বোধ হয় খটকা বেধেছে একটু। সত্যিই তো, কি বলা যায় কালোশশীর মতিগতি ? কোন্ দিকে যেতে হয়ত কোথায় চলে গেছে নিজের খেয়ালে। কোন্ পদ্ম-বিলের ধারে সাপ ধরতে গিয়ে হয়ত নিজের সাপের কাঁপির ওপরেই মাথা রেখে ঘুমিয়ে পড়েছে তালগাছের তলায় ; ঘুমের মধ্যে শুনেছে কানে কানে প্রেমের চাপা ফিসফিসানির মতো নতুন-ধরা কোনো কালনাগের গর্জানি। তার নতুন প্রেম।

যে উঠে গিয়েছিল, সে আর একটা নতুন মশাল জ্বলে নিয়ে এল, পুঁতে দিলে নিবে যাওয়া মশালটার জায়গায়। তাজা আর তেজী আলোর উঠোনটা আভাসিত হয়ে উঠল নতুন করে।

—তাই তো, ঠাকুরবাবুর আসতে বড় দেরি হচ্ছে ! উদ্বিগ্ন মন্তব্যটা ছেড়ে দিলে একজন।

—ও আর আসবে না। মিচিমিচি বাবুদের কথায় ভুলে এতখানি রাত জাগাই সার।

—একটা মন্ত হাই ভুলে গামছার খুঁটে দু কৌটা চোখের জল মুছে নিলে প্রথম লোকটি।

তার গলায় বিশ্বাদ বিরক্তিতা এবার শষ্ট প্রকটিত হয়ে পড়ল, এতটুকুও আর চাপা স্বইল না।

—মাথো!—কড় কড় করে ঘেন বাজ ডেকে উঠল সোনাই মণ্ডলের গলায়—সারী সভাটার ওপর দিয়ে আতঙ্কের চমক বয়ে গেল একটা : গরজটা আমাদেরই। আর অত বাবুগিরি থাকলে জমায়েতে আসতে নেই।

মাথো অথবা মাধব কিন্তু বশ মানল না। এবার আরো তিক্ত গলায় বললে, আমাদের বাবুগিরি তুমি কোথায় দেখছ মোড়ল? সেই সন্ধ্যা থেকে বসে আছি, এখন তিন পহর রাত হতে চলল। এখনো দেখা নেই। ডাক্তারবাবু তো উদ্ভানি দিয়ে সরে পড়ল, ঠাকুরবাবু হয়ত নাক ভাকিয়ে আরামে ঘুমুচ্ছে এতক্ষণ! মাঝখান থেকে সারারাত বসে বসে আমরা মশা ভাড়াচ্ছি।

—হু ফ্রোশ ঘাঁটা পার হয়ে আসতে হবে ঠাকুরবাবুকে। চারটিখানি কথা নয়।

মাধব তাকিল্য-মাথানো স্বরে বললে, তাতিয়ে দেবার বেলায় তো বাবুদের হামেশা গায়ে পা পড়ে আর কষ্ট করার বেলায় বুঝি নয়? তখন আমরা—

সোনাই মণ্ডল আবার ভয়ঙ্কর কঠে বললে, মাথো!

—অত ভয় দেখাচ্ছ কিসের? সত্যি যা তা মুখের ওপর বলব—তীব্র উত্তর এল মাধবের।

—আঃ, ধাম্ ধাম্ মাধব—

—কেন বাজে বকবক জুড়ে দিলি?

—আরে বাপু, ভালো তো আমাদেরই হবে!

কথার গতি লক্ষ্য করে শঙ্কিত হয়ে উঠছে সবাই। পাঁচ-সাতটি কঠে আবহাওয়াটাকে লম্বু করে তোলবার প্রয়াস মুখর হয়ে উঠল।

কিন্তু শরতান চেপে বসেছে মাধবের মাথায়। মাধব বললে, আমরা তো এসব ঝামেলার ভেতর পা বাড়াতে চাইনি। কি হবে ধামকা জমিদারকে ঘাঁটিয়ে? অজুবিধে হচ্ছে, জমিতে জল ঢুকছে? বেশ তো, না পোষার উঠে বাও এখান থেকে। নতুন জমিদারিতে গিয়ে পত্তনি নাও। কিন্তু বাবুরা সব এটা-সেটা বুদ্ধি মৈথিয়ে দেবে মগজে, আর কাজের বেলা কাতো টিকিটি দেখবার জো নেই। যা খুশি তোমরা করো, আমি আর নেই এসবের ভেতরে।

—হতভাগা, উজবুক, বলছিল কি এসব?—দাঁতে দাঁত চেপে বললে সোনাই মণ্ডল।

—যা বলছি, পাকা কথাই বলছি। তোমাদের বুদ্ধিতে আর আমি নেই। জমিদারের কুটিতে পড়ে ধনে-প্রাণে ধাব, তখন ডেকেও জিজ্ঞেস করতে আসবে না বাবু-ভাইয়েরা।

—এই, চুপ কর।

—কী বলছিল যা তা!

—এ তো বেইমানি!

সমাবেশের মধ্য থেকে আবার বিমিশ্র গলায় কলরব উঠল।

—কী, বেইমানি!—এবারে গর্জে উঠল মাধব, সোজা দাঁড়িয়ে পড়ল : এত কয়লায় তোমাদের জন্তে আর এখন হয়ে গেলাম বেইমান! বেশ, সেই কথাই ভালো। তোমরা যা খুশি তাই কর। ভাঁড়ায় বাধ বাঁধো, জমিদারের সঙ্গে মারামারি কর, ভিটেমাটি হুঙ্কর উচ্চরে যাও, তোমাদের দলে আমি নেই। এই আমি তোমাদের পঙ্কায়ত্ত ছেড়ে চললাম, আর কোনোদিন আমার ডেকো না।

—মাধো—মাধো—

—বেইমান—

—মাধো—

কিন্তু এক মুহূর্ত আর দাঁড়াল না মাধব, একটি ডাকেরও সাড়া দিল না। এক গাছা লাঠি পড়েছিল হাতের কাছে, সেইটে কুড়িয়ে নিয়ে হন হন করে হেঁটে চলে গেল বাইরে অন্ধকারের মধ্যে।

আচমকা, অপ্রত্যাশিত ভাবে যেন ঘূর্ণি-হাওয়া বয়ে গেল একটা। চক্ষের নিম্নে ভেঙেচুরে একাকার করে দিয়ে গেল সমস্ত। ক্রোধে, বিষ্ময়ে আর নিরাশায় সভা মুক হয়ে রইল খানিকক্ষণ।

তারপর আতঙ্ক হয়ে, আগুনঝরা গলায় সোনাই বললে, যাক।

—কী সাংঘাতিক মাহুঘ!

—যাবার জন্তেই ছুটফট করছিল। ফাঁক পেয়ে পালিয়ে গেল।

—যাবেই তো। এসব কাজে কি আর সমান বুকের পাটা থাকে সকলের!

—ও আসবে কেন আমাদের ভেতর! ওর ছেলে শহরে গিয়ে কোন সাহেবের আদালি হয়েছে, ওর এখন মেজাজ গরম। নেহাত গাঁয়ে থাকে বলেই লজ্জায় পড়ে এসেছিল।

—বেইমান!

সোনাই মগল একবার তাকাল সভাটার দিকে। নতুন আনা মশালটার উজ্জ্বল দীপ্তিতে তার মাথার পাকা চুলগুলোকে আরো বেশি লাদা দেখাল। চোখ দুটো চকচকিয়ে উঠল ছ'খণ্ড কাচের মতো।

—চুপ, সব চুপ!—অদ্ভুত কর্কশ গলায় সে নির্দেশ দিলে। তার গলায় আগুনাজেই যেন চমকে উঠে আবার ধু-ধুম করে আতঙ্কিত জবাব দিলে অন্ধকারে নুকিয়ে থাকা হুকুম প্যাচাটা।

ফৌস ফৌস করে সাপের মতো কয়েকটা নিঃশ্বাস ফেলল সোনাই মণ্ডল, যেন অনেকক্ষণ ধরে দম আটকে ছিল তার। ভাঁজ-করা হাঁটু দুটোকে সে মুঠো করে চেপে ধরলে অসহ্য ক্রোধে, হাতের কাছে মাধবের গলাটা থাকলে পিষে যেত ওই মুঠোর মধ্যে।

—সব বেইমানের বিচার হবে একদিন, তার দেরি নেই। কিন্তু—কাচের মতো চোখ দুটোকে বরিন্দের মাঠে জনশ্রুতির স্বচ্ছকাটার সন্ধানী চোখের মতো তীক্ষ্ণতর করে সে সভাটার ওপর আর একবার বুলিয়ে নিল : তোমাদের কারো যদি অমনি করে পালাবার মতলব থাকে, তাহলে এইবেলা সরে পড়ো। কোনো বেইমানের জায়গা নেই এখানে।

একসঙ্গে মাথা নিচু করে রইল সকলে। মাধবের অপরাধ যেন তাদের সকলকে স্পর্শ করেছে, নিজেদের মনের মধ্যে তাকিয়ে তারা যেন আত্মবিশ্লেষণ শুরু করল। যেন খুঁজে দেখতে চাইল কোথায় লুকিয়ে আছে ভীকৃত্য, তলিয়ে আছে মিথ্যে, লঙ্ঘিত হয়ে আছে বিশ্বাসঘাতকতার কালো কলঙ্ক।

একটা টর্চের আলো সভার ওপর দিয়ে পিছলে গেল।

—কে—কে—কে ?

সকলের হয়ে যেন সহস্র কণ্ঠে প্রশ্ন করল সোনাই মণ্ডল। যাদের কাছে লাঠি ছিল, নিতান্ত অবচেতন একটা প্রেরণাতেই তারা লাঠিগুলো ধরল মুঠো করে।

—আমি রঞ্জন।

—ঠাকুরবাবু!

—ঠাকুরবাবু এসেছে!

—শালা মাধব থাকলে বুঝতে পারত—

—ব্যাটা বেইমান—

কিন্তু অতগুলো গলার কল-কাকলি কোনো স্পষ্ট অর্থ পৌঁছে দিল না রঞ্জনের মনের কাছে। যুহু হেসে সে তাকাল হাতের ঘড়িটার দিকে : রাত একটু বেশি হয়ে গেল। তা আমার দোষ নেই। খেয়ার মাঝি ঘুমুচ্ছিল, এক ঘণ্টা লাগল তাকে ডেকে তুলতে। সে বাই হোক, এখন তাহলে আমাদের কাজ শুরু করা যেতে পারে।

সোনাই মণ্ডলের পাশেই বুপ করে বসে পড়ল রঞ্জন।

—একটু দাঁড়ান ঠাকুরবাবু, আর একটা মশাল জ্বেলে আনি—তাড়াতাড়ি উঠে চলে গেলে একজন।

কিন্তু কালোশলী ?

জনিয়ারবাড়ি থেকে বেরিয়ে হেঁটে চলেছিল রঞ্জনের পাশাপাশি। বতকণ না বিপজ্জনক অঞ্চলটা পার হয়েছে, ততক্ষণ কেউ কোনো কথা বলেনি। শুধু অন্ধকারের

আড়ালে আড়ালে ছুটো ছায়ার মতো খানিকক্ষণ নিঃশব্দে পাশাপাশি পথ হেঁটেছে।

তারপর দূরে যখন জমিদারবাড়ির আলোটা ক্ষীণ হয়ে মিলিয়ে গেল, দুপাশে রইল শুধু মাথা-সমান-উঁচু বেনা ঘাসের বন, প্রকৃতি ছাড়া হুজনের মাঝখানে কিছুই আর জেগে রইল না, তখন কেমন একটা অস্বস্তি বোধ হতে লাগল রঞ্জনের। অঙ্ককারে আরো অঙ্কুত মনে হতে লাগল রহস্যময়ী কালোশশীকে, চারদিকে ঝিঁঝির ডাকের সঙ্গে স্বর মিলিয়ে ঝিঁ ঝিঁ করতে লাগল রক্তের মধ্যে।

—কালোশশী ?—রঞ্জন ডাকল।

জবাব দিল না কালোশশী। যেন নিজের মধ্যে তলিয়ে গেছে।

—কালোশশী ?—রঞ্জন আবার ডাকল।

—কি বলছ ?—যেন ঘুমের ঘোর ভেঙে তাকালো মেয়েটা। রক্তের মনে হল, হাঙ্কা মেঘের আবরণে ঢাকা ছুটো স্নান নক্ষত্রের মতো চকচক করে উঠল কালোশশীর চোখ।

—ঘরে ফিরবি না তুই ? সারারাত ঘুরবি পথে পথে ?

—ঘর ?—অঙ্ককারে কালোশশীর মুখ দেখা গেল না, শুধু কানে এল চাপা একটা হাসির শব্দ।

—তোর মরদ রাগ করবে না ? লক্ষণ ?

কালোশশী আবার হাসল কিনা কে জানে, কিন্তু হাসির শব্দটা এবারে আর শুনতে পাওয়া গেল না। যুদ্ধকণ্ঠে বললে, না, রাগ করবে না। রাগ করার মতো হালই নেই তার।

—সে কি ! কেন ?

—সে এতক্ষণ মদ খেয়ে গোপালপুরের ভুঁইমালী পাড়ায় গিয়ে পড়ে আছে।

—ওঃ !—রঞ্জন চূপ করে গেল। একটা প্রশ্ন নিয়ে-নাড়াচাড়া করতে লাগল নিজের মধ্যে। কালোশশীর জন্তু কি তার সহানুভূতি বোধ করা উচিত ? উচ্ছৃঙ্খল স্বামীর বিশৃঙ্খল জীবনযাত্রা কি কালোশশীর মনে সঞ্চার করে কোনো গৃহবধুর আঁতি, কোনো পুরলক্ষ্মীর আকুলতা ? অথবা ওদের দাম্পত্য জীবন কি শুধু কিছুক্ষণের জন্তু একটা জৈব-বন্ধন, তার পরেই ছুটো সমান্তরাল রেখা ? কোনো দিন কেউ কারোর সঙ্গে মিলবে না, এগিয়ে যাবে নিজেদের নির্বিঘ্ন গতিপ্রবাহে ?

তাই তো স্বাভাবিক। দয়াল দাস, পরশুরাম, লক্ষণ সর্দার। লক্ষণ সর্দারের সঙ্গেও আজ আর সুর মিলছে না। এমন কত আসবে, কত যাবে। তাজা সাপ নিয়ে খেলা ভালোবাসে কালোশশী। আজ হয়ত লক্ষণকে নিয়েও তার খেলা শেষ হয়ে গেছে, তাই কি নিজেই তাকে সে ছুঁড়ে দিয়েছে গোপালপুরের মদের দোকানে, ভুঁইমালীঘের পাড়ায় ?

হঠাৎ মনে পড়ল। দিনকয়েক আগে সাইকেলে করে আসবার সময় পথের মধ্যে যখন দেখা হয়েছিল কালোশশীর সঙ্গে, তখন বলেছিল, তারি বিপদে পড়ছে পরশুরামের জন্ত ; সে-সম্পর্কে একবার আলাপ করতে আসবে রঞ্জনর কাছে।

—হ্যাঁ রে, পরশুরামের খবর কি ?

—পরশুরাম ?—কালোশশী চমকে উঠল একবার।

—তোকে এখনো শাসাচ্ছে নাকি ?

—নাঃ !—কালোশশী একটা চাপা নিঃশ্বাস ফেলল।

—তোর আশা ছেড়ে দিয়েছে তাহলে ?

* কালোশশী আবার চোখ তুলল। আবার হাঙ্কা মেঘের আড়াল থেকে চকচক করে উঠল দুটি বিয়ল নক্ষত্র।

—তা তো জানি না। তবে তীরে বিষ মাখিয়ে ঘুরে বেড়াচ্ছে আমার খোজে। কুঁচিলার বিষ, গোখরো সাপের বিষ।

—কী সর্বনাশ !—রঞ্জন ভয়ানক চমকে উঠল : আর তুই রাতবিরেতে এমন করে এদিক-ওদিক ঘুরে ঘুরে বেড়াস ? ভয় করে না তোয় ?

তৎক্ষণাৎ জবাব দিলে না কালোশশী। তারপর মাঠ থেকে উঠে-আসা একটা আচমকা হু-হু করা হাওয়ায় আলগাভাবে একটা কথা ছেড়ে দিলে : না, ভয় করে না। কি হবে ভয় করে ?

—তার মানে ? মরতে ভয় নেই তোয় ?

—নাঃ !—আবার আর একটা হু-হু হাওয়ায় কালোশশীর কথাটা উড়ে চলে গেল। একটা চাপা দীর্ঘশ্বাসও কি মিশে গেল তার সঙ্গে ?

—এসব আবার কি কথা রে ? তোয় হল কি ?—রঞ্জনর বিষ্ময়ের সীমা রইল না।

আবার কিছুক্ষণ চুপ করে রইল কালোশশী। তারপর—

অন্ধকারে রঞ্জন এইবার আর তার চোখ দুটোকে দেখতে পেল না। নক্ষত্রের আলোটা মেঘের আড়ালে বুঝি একেবারেই ঢাকা পড়ে গেছে। কেউ জানল না, কখন কোথা থেকে কয়েক বিন্দু জল এসে জমেছে কালোশশীর চোখের কোণায় কোণায়।

আচ্ছা বাবু, আমাকে একবার শহরে নিয়ে যাবে ?

একটা বেখাপ্পা প্রশ্ন।

—হঠাৎ আবার শহরে যাবার শব্দ হল কেন তোয় ?

—কি জানি, বলতে পারি না—ধরা প্লার কালোশশী বললে, আর ভালো লাগে না এমন করে। সারাদীঘন খালি সাপ ধরেই বেড়াব ? শহরে হয়ত সাপ নেই—সাপ ধরার জন্ত হাত নিশপিশ করবে না সেখানে। এই সাপের ঝাঁপ কেলে দিয়ে দিনকয়েক নিজের

খুশি-মতো ঘর বাঁধব লেখানে ।

—কি বলছিল তুই ?

কালোশশী তেমনি ধরা গলায় বললে, আর ভালো লাগে না এমন করে । তুমি আমার নিয়ে চল বাবু ।—জল-ভরা যে চোখ দুটোকে এতক্ষণ দেখা যাচ্ছিল না, হঠাৎ তাদের মধ্যে থেকে যেন বিদ্যুতের মতো কি ঝিকিয়ে উঠল : আমি তোমার কাছে থাকব, তোমার সব কাজ করে দেব । সত্যি বলছি বাবু, আমি আর সাপ ধরব না, সাপ ধরতে আর আমার ভালো লাগে না ।

এতক্ষণ ধরে জমাট মেঘে বর্ষণ নামল এইবারে । হু হু করে বজ্রার মতো অজস্র ধারায় কেঁদে ফেলল নাগমতী বেদের মেয়ে ।

রঞ্জন শুরু হয়ে দাঁড়িয়ে রইল কিছুক্ষণ । মাথার মধ্যে একটার পর একটা রক্তের ঢেউ এসে সমুদ্র-গর্জনের মতো ভেঙে পড়তে লাগল । কি বলতে চায়, কি বলতে চায় কালোশশী ? এই অন্ধকার-ভরা মাঠের মধ্যে, হু-হু-করা বাতাসের এই আকুলতায়—কোন বনশ্রুতির ছায়াবশে নীড়ের কামনা উতরোল করে দিয়েছে বনহংসীর বুকের রক্তকে ?

—কালোশশী !—রঞ্জন ডাকল । নিজের গলার স্বরেই চমকে উঠল সে ।

কিন্তু কোথায় কালোশশী ! চক্ষের পলকে একটা ছায়ার মতো মিলিয়ে গেছে রাজির অভ্যাস্ত গভীরতায় ।

—কালোশশী !

না, কালোশশী কোথাও নেই । বিহ্বলের মতো সামনে তাকাল রঞ্জন । খানিক দূরে একটা আলোয়া এগিয়ে আসছিল তার দিকে, ডাক শুনে যেন থমকে দাঁড়াল, তারপর দপ করে নিবে গিয়ে মিলিয়ে গেল নিশীথ-সমুদ্রের একটা বুদ্বুদের মতো ।

দশ

দিন সাতকে পার হয়ে গেছে ।

এক পশলা জোরালো বৃষ্টি ঝরে গেছে বরিশদের লাল মাটির ওপর । কাঁচা সড়কের ওপর এঁটেল কাদায় গরুর গাড়ির ‘ভহ’ শ্রুতি হয়েছে এক-আধটা । কাঁদড়ের স্থির বোলাটে জলে অল্প অল্প তিরতিরিরে শ্রোত এসেছে । হু-চার আঙুল জল জমেছে ফেটে চৌচির শুকনো নয়ানজুলির ভেতরে, কোথা থেকে প্রাণ পেয়েছে শুকনো কয়েকটি কলমীলতা—তিন-চারটি পাতা নিয়ে ভীক মাথা মেলে দিয়েছে ওই জলটুকুর ওপরই । মাটির বুকের ভেতর থেকে শীর্ণ কয়েকটি সবুজ আগুনের শিখার মতো ঘাসের অঙ্কুর উঠেছে এদিকে ওদিকে ।

আর মুশকিল হয়েছে আউশ ধান নিয়ে । প্রায় এক মাস ধরে টানা ধরা চলছিল, না. র. ৪র্থ—১৭

এইবার আসছে জোরালো বর্ষার পাল। প্রথম প্রথম কাজল মেঘ থম্ থম্ করে ওঠে, ঘনিয়ে আসতে চায়—কিন্তু বরিশের প্রচণ্ড পাগলা হাওয়ায় ঠিক জমাত হয়ে বলতে পারে না; একটা কালো রাজহাঁসের পাখা যেমন ছিঁড়ে টুকরো টুকরো করে শেষালে, তেমনি ভাবে বাতাসের ঝাপটায় শতছিন্ন হয়ে মিলিয়ে যায় দিকে দিকে।

কিন্তু কদিন আর? এক সময়ে ঠিক জড় হয়ে আসবে, একজোড়া শক্ত লোহার কবাটের মতো আড়াল করে ফেলবে আকাশকে। পূর্বে-পশ্চিমে উত্তরে-দক্ষিণে জলতে থাকবে লাল বিদ্যুৎ, বাজ পড়বে গুম্ গুম্ করে—এক একটা আকাশ-ছোয়া তালগাছের বুককে ছুঁ ফাঁক করে দিয়ে মাটির তলায় পালিয়ে যাবে সর্বনাশা আশ্বিন। তারপর বৃষ্টি—বৃষ্টি। এক নাগাড়ে চলতে থাকবে—তুদিন, তিনদিন, চারদিন, পাঁচদিন। তারও পরে। কোথায় কতদূরে গঙ্গা, কোথায় বা মহানন্দা! পাগলের মতো জলের তোড় ছুটবে মালিনী নদী দিয়ে—মাঠ-ঘাট বন-বাদাড় একাকার করে দিয়ে জন্ম হবে ‘চাকাল’ের। সে তো লায়র!

এদিকে ধান পেকে উঠেছে। ওই সর্বনাশা জলের চল নামবার আগে কাটতে না পারলে কমসে কম সাত-আট হাজার বিঘের ধানই বরবাদ। একেই তো পোকাধরা এবারে, তারপরে চল নেমে এলে—

তিন-চারজন মাতব্বর গোছের কুবক জড়ো হয়েছিলো আলিমুদ্দিনের দাওয়ায়। আলোচনা তারাই করছিল।

আলিমুদ্দিন বললেন, তোমাদেরই দোষ। এত দেরি করে রোও কেন?

—করব কি জনাব! আগে পানি না পড়লে ক্ষেতে লাঙল দিয়ে কি করব! তা ছাড়া মাটিও তো দেখছেন। ভিজলে মাখন, নইলে পাথর।

সলিম মুনশী সাদা দাড়িটার মধ্যে হাত বুলিয়ে নিলে কয়েকবার।

—সত্যি দিনকাল যেন বদলে যাচ্ছে। আগে ফাস্তনের আগেই জল নামত—এখন ক্রমেই পিছিয়ে যাচ্ছে। সেই নামতে নামতে চোতের শেষ। এমনি চলতে থাকলে পহেলা ফসল আর চাবার ঘরে উঠবে না।

জোনাবালি আকাশের দিকে তাকিয়েছিল। আজও আকাশের দক্ষিণ-পশ্চিম কোণে একখানা ঘন কালো জলভরা মেঘ উঠে এসেছে। একটা চাপা আওয়াজ ভেসে আসছে গুরুগুরু করে। নাঃ—এল বলে। বেশি দেরি নেই আর।

জোনাবালি বললে, আকাজানের মুখে শুনেছি, আগের আমলে ক্ষেতে ক্ষেতে সেচের ব্যবস্থা করে রেখেছিলেন নবাব আর জমিদাররা। বৃষ্টি না হলে পাছে চাবার কষ্ট হয়, এজন্তে গুরুর কাটিয়েছিলেন বরিশের চারদিকে। আর এখন? নেবার কুটুম সব—একটা আখলা দেবার বেলা কেউ নেই।

হঠাৎ যেন একটা কথা মনে পড়ল আলিমুদ্দিনের।

—হ্যাঁ, হ্যাঁ, আমি দেখেছি বটে। মাঠে-ঘাটে চারধারেই তো ছোট-বড় অনেক পুকুর আছে। ওইগুলোর কথাই বলছ বুঝি ?

—জী।

—তা তোমরা কেন ওসব পুকুর থেকে সেচের ব্যবস্থা করে নাও না ?

—পানি কই জী, শুধু তো পানা আর কাদা।

—নিজেরা কাটিয়ে নিলেই তো পার।

—বাপস !—সভয়ে সলিম বললে, অত পরস্রা কোথেকে আসবে চাষার ঘরে ? আর সবাই মিলে-জুলে যদি কাটিয়েও নিই—শাহ্ কি আর রক্ষা রাখবে তাহলে ! দেওয়ানী নয় হজুর, তেঁলে দেবে ফৌজদারীতে। নইলে একশ টাকা আক্কেলসেলামী দিয়ে তিন হাত নাকে খত টানতে হবে শাহের সদর-কাছারির সামনে।

—বটে—বটে !

—জী। তবে আর বলছি কি ?

—হুঁ ! আলিমুদ্দিন ঠোট কামড়ে ধরলেন। দিনের পর দিন একটার পর একটা অব্যাহিত আঘাত আসছে, আর সব কিছু গোলমাল হয়ে যাচ্ছে। খালি মনে হচ্ছে—এ তিনি চাননি—এ তিনি চান না। দুই আর দুইয়ে চারের মতো যাকে অত্যন্ত সরল আর তরল বলে ধারণা জন্মেছিল, দেখা যাচ্ছে তা অত সহজ নয়। অনেকদিন ধরে কঠিন হাতে লাঙলের আঁচড় কাটতে হবে, বেছে বেছে ভেঙে ফেলতে হবে অনেক সর্বনাশা মাটি-পোকার বাসা, গুঁড়ো গুঁড়ো করে ফেলতে হবে পাখরের মতো শক্ত অনেক মাটির চাঙাড়। তারপর—

তারপর এই মাটিতে পাকিস্তানের ফসল। গরীবের দুনিয়া।

বাজার করে কিরল জিব্রাইল। কাঁধে ধামা।

—মুয়গী পাওয়া গেল না জনাব। বললে মড়ক লেগেছে। মাছও নেই। যা সামান্য মাছ ধরেছিল খাওয়া, তা শাহের ভোলায়—

—থাক। তরকারী এনেছ তো ?

—তা এনেছি। আলু, পেঁয়াজ, কলাইশাক।

—বাস বাস, ওতেই চলবে।

জিব্রাইল ভেতরের দিকে পা বাড়ানিচ্ছিল, কি ভেবে খেমে দাঁড়াল।

—জী, একটা কথা। শাহ্ ডেকে পাঠিয়েছে। নিজের অজান্তেই ভ্রুক্ৰান্ত করলেন আলিমুদ্দিন। লোকটাকে যেন সহ্য করতে পারছেন না আর। নিতান্তই কাজের খাজিরে যেতে হয়, তাই যাওয়া। নইলে মাঝে মাঝে ইচ্ছে করে, বৈঠকের

ভেতরে সকলের সামনেই একটা নির্মম খাবা দিয়ে লোকটার মুখোশ ছিন্নভিন্ন করে দেন তিনি।

—ডাক কেন ?

—বিকলে ভারি জমায়েতের ব্যবস্থা করেছেন। আপনার সঙ্গে তাই নিয়ে আলাপ করবেন।

—এখুনি যেতে হবে ?—গলার স্বরে তাঁর একটা চাপা বিদ্রোহ প্রকাশ পেল।

—জী হাঁ। এখুনি।

হুকুম! সারা শরীরের মধ্যে জ্বালা করে উঠল। পালনগরে শাহের ইকুলে না হক্ক মাস্টারীই নিরেছেন, তাই বলে কোনো দাসত্ব তো লিখে দেননি তিনি। হুকুম করে করে ওদের অভ্যাসে দাঁড়িয়ে গেছে। একটা হাতছানি দিয়ে ডাকলেই যে দৌড়ে গিয়ে শাহের নাগরী জ্বতোর নিচে পোষা কুকুরের মতো লুটিয়ে পড়তে হবে—স্বীকার করে তো নেননি এমন কোনো প্রতিশ্রুতি। তিনি মাস্টার; স্বাধীন বিবেক নিয়ে পথ চলাই তাঁর কাজ—যা সত্য তাকে ঘোষণা করাই তাঁর দায়িত্ব। তাঁর নৈতিক কর্তব্য ছাত্রদের কাছে—দেশের কাছে; শিক্ষক শুধু খোদার বান্দা—তুনিয়ার মালিক ছাড়া কারো কাছেই সে মাথা নত করতে জানে না।

গড়গড়া টানছিলেন আলিমুদ্দিন, একটা টান দিয়ে সরিয়ে দিলেন নলটা। তিক্ত স্বরে বললেন, কিসের ওয়াজ ?

—লীগের একটা মজলিস হবে বলছিলেন—জিব্রাইল ভেতরে চলে গেল।

সলিম মুনশীর মনে পড়ল : হ্যাঁ—হ্যাঁ, তাই বটে। আমাদের গাঁয়েও ঢোল পড়েছে।

জোনাবালি বললে, আচ্ছা মাস্টার সাহেব, কি হবে লীগ দিয়ে ?

অল্প সময় হলে পরমোৎসাহে ব্যাপারটা ব্যাখ্যা করতে বসতেন আলিমুদ্দিন। উদ্দীপনা জেগে উঠত মনের ভেতর, দপ দপ করে জলে উঠত চোখ। বলতেন ইসলামের কথা, তার আদর্শের কথা, তুনিয়ার তামাম গরীবের বেহেশত গুলিস্তা পাকিস্তানের কথা। কিন্তু সাতদিন ধরে কেন যেন তেমন করে আর জোর পাচ্ছেন না মনে।

হ্যাঁ—পাকিস্তান চান বই কি। কিন্তু এই বনিয়াদের ওপর ? ফতে শা পাঠানদের ওপর ভর দিয়ে ? না।

তবু—লীগ, লীগ। কায়েদে আজমের নির্দেশ। তাঁর স্বপ্ন, তাঁর সাধনা।

আলিমুদ্দিন উঠে দাঁড়ালেন।

—আচ্ছা ভাইসাহেব সব, আমি তাহলে চলি। বিকেলে সভায় বুঝিয়ে দেওয়া হবে লীগের কথা। তোমরা এস।

—জী, আসব।

হু পা বাড়িয়েছেন আলিমুদ্দিন, এমন সময় পেছন থেকে ভীক কঠের ডাক এল : জনাব !

তাকিয়ে দেখলেন, সলিম ।

—কিছু বলবে মিঞা সাহেব ?

—এই বলছিলাম—সলিম একটা চৌক গিললে, আমরা পুকুর-টুকুর সম্বন্ধে যে সব কথা বলছিলাম, সেগুলো যেন আর শাহ্কে—কথাটা অসমাপ্ত রেখেই সে থেমে গেল ।

—কেন ?—আলিমুদ্দিন আকৃষ্ট করলেন : আমি তো ও কথাটা গিয়েই বলব ভাবছিলাম । এ কাজ তো শাহেরই করা উচিত । প্রজ্ঞাকেই যদি না বাঁচালো, তাহলে কিসের জমিদার ! আর তা ছাড়া ফসল ভালো হলে জমিদারেরই তো লাভ—বাকি-বকেয়া কিছু পড়ে থাকবে না প্রজার কাছে ।

—ফসল ভালো না হলেও বাকি-বকেয়া কোনোদিন থাকে না শাহের কাছে । বাদিয়া-পাড়ার পাইকেরা আছে ।—জোনাবালি বললে, তাই ফসল ভালো না করলেও শাহের চলবে ।

—আচ্ছা, আচ্ছা, সে আমি দেখব—আলিমুদ্দিন দ্রুত পা চালালেন ।

না, আর কথা বলবার সাহস নেই—আলোচনা জাগিয়ে তোলবার আগ্রহ নেই এক-বিন্দু । হঠাৎ তাঁর মনে হল এই দিগদিগন্তব্যাপী রাঙা মাটির ডেউ খেলানো বরেন্দ্রভূমির প্রান্তরে তিনি দাঁড়াবেন কোথায়, কোন্‌খানে পা রাখবেন ? সমস্ত মাঠটাই যেন আলাদা, খিরিশ আর চিতি বোড়ার গর্তে বাঁঝরা হয়ে গেছে—কতকাল আর নাগরা জুতোর নিচে চেপে রাখা যাবে এই বিবরগুলো ?

ধুলো-ভরা পথটার এখন এলোমেলো কাদার ছোপ । কোথাও কোথাও মাটি পিছল, চলতে হয় পা টিপে টিপে । সমস্ত সতর্ক পায়ে চললেন আলিমুদ্দিন । দূরে দূরে ধান-সিঁড়ি । সবুজ জমির ওপর গাঢ় সবুজ রঙের ধান ; তার ভেতর দিয়ে একটা বাক নিয়ে বয়ে গেছে মালিনী নদী । যেন সবুজ ইসলামী পতাকায় ঝকঝক করে উঠছে রক্ততন্ত্র চন্দ্রেরথার দ্বীপ্তি ।

মাটিতে ছড়ানো ওই যে সবুজ পতাকা, ওই পতাকা ভুলে ধরবে মাটির মাহুঘেরাই । ওই চাঁদের আলো-গলানো নদীর রেখা, ও তো মাটির মাহুঘেরই চোখের জল । শাহের নাগরা জুতোর তলায় আর এ পতাকাকে এমন ভাবে লালিত হতে দেওয়া যাবে না । একে বাঁচাতে হবে—বাঁচাতে হবে ।

কিন্তু কি করে ?

অসহায় ভাবে মনের মধ্যে যেন একটা উত্তর খুঁজে বেড়াতে লাগলেন । পারবেন ? সাহস হবে তাঁর শাহের বিরুদ্ধে মাথা ভুলে মাহুঘগুলোকে এককাঠী করতে ? সব মাহুঘকে

খোদার আইনে ভাগ করে দিতে পারবেন তার পাওনা মাটি, তার মেহনতী ফসল, তার লাচ্চা ইমান ?

—আদাব মাস্টার সাহেব। আপনাকেই খুঁজছিলাম।

—কে ?—চমকে উঠে তাকালেন আলিমুদ্দিন। এলাহী বক্স, বাড়িয়াপাড়ার মাতব্বর।

—কি হয়েছে এলাহী ?

—আমার বেটিটা বুঝি আর বাঁচল না মাস্টার সাহেব !—এলাহীর চোখ দিয়ে জল পড়তে লাগল।

পা দুটা শক্ত হয়ে গেল, যেখানে ছিলেন সেইখানেই দাঁড়িয়ে পড়লেন আলিমুদ্দিন মাস্টার : কি হয়েছে ?

—কাল রাত থেকে খুব চেষ্টামিচি করছে, আর বেজায় জ্বর। সরকারী দাওয়াখানা থেকে ওষুধ তো নিয়ে আসছি, কিন্তু—এলাহী কথা বলতে পারল না।

দেশসেবার প্রথম হিড়িকে অনেক কিছুই করেছিলেন আলিমুদ্দিন—এমন কি বছর-খানেক কম্পাউণ্ডারীও। এলাহীর হাত থেকে ওষুধের শিশি আর প্রেসক্রিপশনটা তুলে নিলেন কোতুহলবশে।

—কি ওষুধ দিলেন ডাক্তার, দেখি ?

এক মুহুর্তের জন্ত চোখ পড়ল প্রেসক্রিপশনের দিকে। তারপরই চোখে আগুন জলে উঠল।

—এই ওষুধ দিয়েছে ডাক্তার ?

এলাহী সভয়ে বললে—জী।

ভয়ছর গলায় আলিমুদ্দিন বললেন, তোমাদের ডাক্তার না এল. এম. এফ. ?

—কি জানি হুজুর, অতশত বলতে পারব না।

—এস আমার সঙ্গে।

ডান দিকে বাঁক নিলেন আলিমুদ্দিন। তুলে গেলেন শাহের আস্থানে তিনি চলেছিলেন বিকেলের জরুরী ওয়াজ সম্বন্ধে আলোচনা করতে, তুলে গেলেন তাঁরই হাতে-গড়া মুল্লীম লীগের আজকে একটা স্মরণীয় অহুষ্ঠান।

ক্ষণবেগে চলতে লাগলেন আলিমুদ্দিন। রক্তের মধ্যে অসংযত চাঞ্চল্য, কোথায় যেন নিঃশব্দ বিবক্রিয়া শুরু হয়েছে একটা। পায়ের একটা কড়ে আঙুলে যেন ছোবল লেগেছে বিবর-ছিজিত বরিশের মাঠে লুকোনো কোনো একটি নাগশিশির। এলাহী বক্স সভয়ে তাঁকে অত্মসমরণ করতে লাগল।

কিন্তু ডিসপেনসারী পর্বত আর যেতে হল না। পথেই দেখা হল সরকারী ডাক্তার খোদাবক্স খন্দকারের সঙ্গে। সাইকেলে করে বেরিয়েছেন রঙ্গী দেখতে।

—ডাক্তার সাহেব!—আলিমুদ্দিন ডাকলেন।

—এই যে, কি খবর মাস্টার সাহেব?—সাইকেলে চলতে চলতেই জবাব দিলেন ডাক্তার।

—একটা দরকারী কথা আছে, নাযুন।

ডাক্তার নামলেন। হাসলেন একগাল।

—বিকেলের মিটিংয়ের কথা বলছেন তো? হ্যাঁ, সে আমার মনে আছে।

—না, মিটিং নয়।—আলিমুদ্দিন হাতের প্রেসক্রিপশনটা মেলে ধরলেন : এইটে।

—কিসের প্রেসক্রিপশন?—বিশ্বয় ফুটল ডাক্তারের স্বরে।

—আপনারই।

—হ্যাঁ, হ্যাঁ, তাই তো।—মনোযোগ দিয়ে একবার চোখ বুলোলেন ডাক্তার : রাজিয়া খাতুন—চব্বিশ বছর, ম্যালেরিয়া। সিনকোনা মিকশচার। কি হয়েছে তাতে?

—না, কিছু হয়নি।—থমথমে গাঢ় গলায় আলিমুদ্দিন বললেন, কিন্তু রাজিয়া খাতুনের কেসটা কি সম্পূর্ণ শুনেছেন আপনি?

—কি আবার শুনব? জর হয়েছে—ম্যালেরিয়া!—তাচ্ছিল্যভরে ডাক্তার বললেন, ওতেই সেরে যাবে।

—যদি না পারে?

আলিমুদ্দিনের জিজ্ঞাসার ভঙ্গিতে মনে মনে উত্তেজিত হয়ে উঠেছিলেন খোদাবক্স খন্দকার। লোকটার হাল-চাল এমন যে—যেন জেরা করতে এসেছে! যেন সাক্ষাৎ সিভিল-সার্জন এসে উপস্থিত হয়েছেন ডিসপেনসারী ইন্সপেকশনে।

—না পারে, মরবে। সবাইকে বাঁচাবার গ্যারান্টি দিয়ে কেউ ডাক্তারী করতে আসে না মিঞা সাহেব।

—তা আসে না। কিন্তু রোগটা জেনে ওষুধ দেয়।

ডাক্তারের মুখ লাল হয়ে উঠল। অপমান করছে তাঁকে—মুর্থ বলছে প্রকারান্তরে। অহেতুক অনধিকার চর্চা।

খোদাবক্স বললেন, নিজের কাজ নিজে করুন মিঞা সাহেব, আমার কাজটা আমাকেই ছেড়ে দিন।

—না।—আলিমুদ্দিন হঠাৎ পথ আটকে দাঁড়ালেন। আশুন-স্বরা গলায় বললেন : না। মাস্তবের জীবন নিয়ে কেন আপনারা এই ছিনিমিনি খেলেন, তার কৈফিয়ত দিয়ে যেতে হবে।

—কৈফিয়ৎ!—বাঁকা ঠোটে জ্বালা-ভরা হাসি হাসলেন ডাক্তার : আপনি আমার মনিব নন। কৈফিয়ত দিতে হয় দেব সিভিল-সার্জনকে, নইলে শাহুকে। আপনাকে নয়।

শাহু! আলিমুদ্দিনের মাথার মধ্যে যেন একটা আগুনের চাকা গাক খেতে লাগল। শাহুই বটে! মনে পড়ল, খোদাবক্স খন্দকার সম্পর্কে শাহের চাচাতো ভাই।

—পথ ছাড়ুন—খোদাবক্স বললেন।

—না, জবাব দিয়ে যেতে হবে।

—জবাব?—ভক্তারের খুন চেপে গেল। অপমান! আরো বিশেষ করে এলাহী বক্তার নামে! বা হাত দিয়ে আলিমুদ্দিনকে একটা ধাক্কা দিয়ে ভক্তার বললেন, সরে যান।

ধাক্কাটা একটু জোরেই লেগেছিল। অথবা ধাক্কা নয়—বিস্ফোরকের মুখে আগুন দেবার অন্তে ওইটুকুমাত্রই বাকি ছিল হয়ত। মাথার মধ্যে আগুনের চাকাটার আবর্তন আরো দ্রুত, আরো ক্ষিপ্ত হয়ে উঠল। সাতদিনের সঞ্চিত জ্বালা বিদীর্ণ হয়ে পড়ল এক মুহুর্তে।

প্রকাণ্ড একটা ঘুঘির ঘায়ে ধুলোর ওপর গড়িয়ে পড়লেন খোদাবক্স খন্দকার। আর্তনাদ করে উঠল এলাহী :

—এ কী করলেন মাস্টার সাহেব।

একটা ক্লান্ত বস্তু জঙ্ঘর মতো নিশ্বাস ফেলেছিলেন আলিমুদ্দিন। ছুটো চোখে যেন সমস্ত রক্ত এসে জড়ো হয়েছে তাঁর। জবাব দিলেন না—দাঁড়িয়ে রইলেন স্বাগুর মতো।

ভক্তার ধীরে ধীরে উঠে দাঁড়ালেন। ঝাড়লেন গায়ের ধুলো। হায়নার মতো এক লার দাঁত বের করে যেন হাসলেন মনে হল। সে দাঁতের ওপর রক্তের একটা আবরণ নেমে এসেছে।

—আদাব, পরে বোঝাপড়া হবে—সাইকেলটা তুলে নিয়ে উঠে পড়লেন ভক্তার—মিলিয়ে গেলেন ঝড়ের বেগে। চাকার তলা থেকে একরাশ লাল কাঁদা ছবু ছবু করে ছুটে বেরিয়ে গেল দুপাশে।

আরো অনেক, অনেকক্ষণ পরে নীরবতা ভাঙল এলাহী।

—মাস্টার সাহেব?

—খ্যা?—যেন ঘুম-ভাঙা চোখ মেলে জানতে চাইলেন আলিমুদ্দিন।

—এ যে ভারি বিস্ত্রী হয়ে গেল।—ভয়ে ভয়ে জড়ানো গলায় এলাহী বললে।

—হ্যাঁ, তা হল।—আলিমুদ্দিন মাস্টার ফিরে এলেন নিজের মধ্যে।—ছিঃ ছিঃ—করলেন কী! এতদিনের এত শিক্ষা, এত আত্মসংযমের শেষ পর্বস্ত এই পরিণাম! একটা লাম্বান্ত তুচ্ছতার আঘাত সইতে পারলেন না, ভেঙে পড়লেন টুকরো টুকরো হয়ে। একটা লাম্বান্ত পোকায় ওপরে করলেন শক্তির এমন জঘন্ত অপব্যবহার।

এক মুহুর্ত অনিশ্চিতভাবে দাঁড়িয়ে থেকে বললেন, এস এলাহী।

—কোথায় ?

—তোমার বাড়িতে। তোমার মেয়েকে একবার আমি দেখব। যদি দরকার হয়, আমার বাড়িতে এনে চিকিৎসা করব ওর। তোমার আপত্তি নেই তো ?

—আপনার বাড়িতে !

—হ্যাঁ, আমার বাড়িতে। আমি একবার শেষ চেষ্টা করব এলাহী।

এলাহী এবার ছেলেমানুষের মতো কঁদে ফেলল : মাস্টার সাহেব !

বিরক্ত গলায় আলিমুদ্দিন বললেন, চল, চল। বেশি দেরি করো না। আমার আবার সময় নেই, এখুনি সোজা শাহের বাড়িতে দৌড়তে হবে।

ফতে শা পাঠান গভীর হয়ে বসে ছিলেন। ঘন ঘন পাক দিচ্ছিলেন কাঁকড়াবিছের লেজের মতো গৌকজোড়ায়। মামলাটা অত্যন্ত জটিল—কোনোদিকেই রায় দেওয়া সহজ নয় তাঁর পক্ষে। খোদাবক্স খন্দকার তাঁর নিজের আত্মীয়, তার অপমানের আঁচটা তাঁরও গায়ে লাগে। অল্প সময় হলে এতক্ষণ দুটো পাইক-বরকন্দাজ পাঠিয়ে বেঁধে আনতেন মাস্টারকে, জুতোর ব্যবস্থা করতেন তাঁর কাছারি-বাড়ির সামনে। কিন্তু মাস্টারের গায়ে হাত দেওয়া সহজ নয়। গ্রামের লোকের মনে জনপ্রিয়তার এমন একটা জায়গা করে নিয়েছেন মাস্টার। যে বেশি কিছু করতে গেলে ঘটনাটা অনেক দূর পর্যন্ত গড়াতে পারে।

তা ছাড়া আপাতত যেমন করে হোক ওই লোকটাকে তাঁর মূঠোর মধ্যে রাখা চাই। অনেক উপকার হবে—অনেক কাজ হবে। অজুর্নস্ত সুযোগ আসছে। প্রজাদের ভেতর ঘনিয়ে-আসা অসন্তোষের স্রোতকে উল্টো পথে চালিয়ে দেবার প্রধান উপকরণ হয়ে দাঁড়াবে ওই মাস্টার। তারপর ওই বশ-না-মানা সাঁওতালেরা। কিছুতেই জব্ব করতে পারেননি—ওই খাজনা-না-দেওয়া তাঁর-শানানো মাহুবগুলো তাঁর বৃকের মধ্যে বিঁধে আছে কাঁটার মতো। সবশেষে কুমার ভৈরবনারায়ণ—পাশাপাশি বাস করা কঠিনতম প্রতিদ্বন্দ্বী। এক টিলে শুধু দুটো নয়—এক ঝাঁক পাখি বধ করবার প্রতিশ্রুতি। একটা কাঁচা কাজের ভেতর দিয়ে এতখানি ভবিষ্যৎকে উড়িয়ে দেওয়া যায় না।

গৌ গৌ করতে করতে খোদাবক্স বললেন, এর যদি ব্যবস্থা না করেন, তা হলে আমি আদালতে যাব।

—আহা-হা দাঁড়াও, ছেলেমানুষি করছ কেন ?—বিপন্ন স্বরে বললেন ফতে শা।

—ছেলেমানুষি !—খাঁচার ভেতরে খোঁচা-খাওয়া একটা বানরের মতো মুখ খিঁচোলেন ভক্তার : রাস্তার মাঝখানে আমার ঘুঘি ঝরল, দাঁত দিয়ে এখনো রক্ত পড়ছে। তার ওপর মানহানি ! আপনি একে ছেলেমানুষি বলবেন তাইজান !

—দাঁড়াও, দাঁড়াও—দেখছি ! আঃ—কী মুশকিল !—আবার গৌকের প্রান্ত দুটো

পাকালেন শাহ্ ।

—আমি আপনাকে বলে রাখছি—ভাস্কর চৌকির ওপরে একটা হিংস্র কিল মারলেন—
—বলে রাখছি—

কিন্তু বলাটা শেষ হল না । তার আগে বারান্দায় চটির শব্দ উঠল । ঘরে ঢুকলেন আলিমুদ্দিন ।

—আদাব মাস্টার সাহেব, আহুন, আহুন—কেমন যেন থতমত খেয়ে স্বাগত জানানলেন শাহ্ । ভাস্কর আগের চোখ দুটোকে ঘুরিয়ে দিলেন ধোঁরালের আরেক দিকে ।

আলিমুদ্দিন শাহের অভিবাদনের কোনো জবাব দিলেন না । সোজা এগিয়ে গেলেন ভাস্করের কাছে ।

—মাফ ককন ভাস্কর সাহেব ।

অকৃত্রিম বিশ্বয়ে খোদাবক্স ঘাড় ফেরালেন । কিছু একটা বলতে গিয়েও বলতে না পেয়ে হতভম্বভাবে মুখটাকে আধখানা ফাঁক করে রইলেন ফতে শা ।

আলিমুদ্দিন বললেন, তারি অন্তায় করে ফেলেছি—ঝোঁকের ওপর মাথার ঠিক ছিল না । মাফ ককন ।

ফতে শাহ্ স্বাভাবিক হয়ে এলেন আগে ।

—বাঃ, তবে তো চুকে-বুকেই গেল । কি বল খোদাবক্স ?

খোদাবক্স হাঁড়ির মতো মুখে বসে রইলেন ।

দু হাত জুড়ে নাছোড়বান্দা আলিমুদ্দিন বললেন, বলুন, মাফ করলেন ? আর তা ছাড়া আমার এই অন্তায়ের জন্তে শাহ্ যদি কিছু জরিমানা করেন, তাও দিতে রাজী আছি আমি ।

এবার খোদাবক্সের হয়ে শাহ্‌ই তাড়াতাড়ি কথা করে উঠলেন : আরে না—না, সে কি কথা ! এ তো একটা তুচ্ছ ব্যাপার । কখনো কখনো মানুষমাজেরই মাথা গরম হতে পারে ওরকম । এর জন্তে এত ঝামেলা করবার কি আছে । খোদাবক্স তো আমার ভাই হয়, ওর স্তরক থেকেই আমি বলছি—আপনি নিজে যখন মাফ চাইলেন, সেই সঙ্গেই সব চুকে-বুকে গেল ।

—হ্যাঁ, তাহলে চুকে-বুকেই গেল । আর এ নিয়ে ঝামেলা করবার কি আছে ?—শাহের কথাগুলোয়ই কেমন একটা পুনরাবৃত্তি করলেন ভাস্কর, তার ভেতরে একটা বাজের খাদও মেশানো রইল কিনা, বোকা গেল না । কিন্তু তার পরেই ছটফট করে উঠে দাঁড়ালেন ভাস্কর : আমি ঘাই ফতে ভাই । তালুকগাঁয়ে আমার ভিন-চারটে কঙ্গী আছে ।

ভাস্করের সাইকেলের শব্দ অনেকদূর মিলিয়ে না বাওয়া পর্যন্ত কোনো কথা কইলেন না কেউ । তারও পরে শহীকার নল ডুলে একটা টান দিলেন ফতে শা, একবার নড়ে-চড়ে

বসলেন আলিমুদ্দিন। কি যে ঠিক বলা উচিত, খুঁজে পেলেন না শাহু; আর আলিমুদ্দিন যেন ভুলিয়ে রইলেন নিজের মথোই।

তার পর :

হঠাৎ কি একটা মনে পড়ল শাহুর। মনে পড়ল, খোদাবক্স আসবার আগে পর্যন্ত তা নিয়ে বিল্লী অস্বস্তি বোধ করছিলেন তিনি।

—হ্যাঁ, সকালে আপনার চাকর জিব্রাইলকে দিয়ে একটা খবর পাঠিয়েছিলাম। পাননি ?

—পেয়েছিলাম।—অন্তমনকভাবে মাস্টার জবাব দিলেন।

—এলেন না তো।

—আসব মনে করেছিলাম, সময় পাইনি।

—ওঃ।—শাহু একটু চুপ করে রইলেন : লীগের নামে খুব সাড়া পাওয়া যাচ্ছে। প্রায় পঞ্চাশ টাকা চাঁদা উঠেছে, আরো উঠবে মনে হয়।

—খুব ভালো কথা।—নিজের অজ্ঞাতেই একটা উৎসাহের উদ্ভাপ অহুভব করলেন আলিমুদ্দিন।

—আজ বিকেলে তাদের জমায়েত হবার ঢোল দিয়েছি। আপনি তাদের লীগের উদ্দেশ্য, তার কাজ—সব ভালো করে বুঝিয়ে বলবেন। তা ছাড়া কাল সন্ধ্যায় আমার এক ভাই ইসমাইলও এসেছে সিরাজগঞ্জ থেকে। সে তো সব কথা শুনে লাফিয়ে উঠল। ওদিকে তারা খুব কাজ করেছে, এখানে যে এতদিন কিছু হয়নি, শুনে একেবারে তাক্তব বনে গেল। সেও কিছু বলবে।

—বেশ তো।—এতক্ষণে আলিমুদ্দিন হাসলেন।

—সকালে আপনাকে ডেকেছিলাম—একটু অহুযোগভরা স্বরেই শাহু বললেন, ইসমাইলের সঙ্গে আলাপ করিয়ে দেবার জন্তে। আপনি এলেন না—সে শিকারে বেরিয়ে গেল। ফিরতে অনেক দেরি হবে।

—আচ্ছা, বিকেলেই আলাপ হবে না হয়।—আলিমুদ্দিন ক্লান্তভাবে একটা হাই তুললেন : আর কোনো কথা আছে ?

—না, এই জন্তেই ডাকছিলাম।

—তাহলে আমি এখন উঠি শাহু। আমার এখনো থানাপিনা হয়নি।

—বলেন কি—এত বেলায়।—শাহু চমকে উঠলেন : তাহলে এখানেই—

—নাঃ, থাক থাক। জিব্রাইল বসে থাকবে। আদ্যব তাহলে—আলিমুদ্দিন উঠে পড়লেন : বিকেলে তাহলে জমায়েতের সময়েই দেখা হবে।

কিন্তু বিকেলের জমায়েতে যা ঘটল, তার জন্তে আগে থেকে কার মনে এতটুকু

আশঙ্কা ছিল না। শুধু ঝড়ই এল না—বজ্রও ভেঙে পড়ল আকাশ থেকে।

এগারো

রেশমের কুটির শ্রীহীন কম্পাউণ্ডটার মাঝখানে দার্শনিকের মতো নিরাসক্ত হয়ে দাঁড়িয়ে ছিল ক্রু সাহেব।

দৃষ্টিটা আকাশের দিকে। একটা বিশাল কালো কবলের কয়েকটা ছিন্নবিচ্ছিন্ন থণ্ডের মতো ভেসে বেড়াচ্ছে কালো মেঘের টুকরো। চারদিকের পোড়া মাটি থেকে একটা ভাপ উঠছে খানিক তপ্ত দীর্ঘশ্বাসের মতো। শুকনো কলাপাতার মতো মরা ঘাসের রঙ। জলহীন খানা-ডোবার ফাটলে ফাটলে একরাশ শুটকি মাছের মতো কুণ্ডলী পাকিয়ে ঘুমিয়ে আছে জীওল মাছের ঝাঁক; তিনহাত মাটির নিচে শক্ত খোলার ভেতরে পা মুখ গুটিয়ে নিয়ে যোগমগ্ন আছে ‘দুয়া’র দল—সাঁওতালেরা এখনো ওদের সম্মান পাবে না।

কিন্তু কবে?

একটা অভূত চোখ মেলে তাকিয়ে রইল ক্রু সাহেব। দিগ্‌দিগন্তব্যাপী মাঠ জুড়ে ছুটে আসবে মহানন্দা-পুনর্ভবা-আজ্রাইয়ের জল, দাম ঘাসের শীষকে বায়ো হাত লম্বা করে দিয়ে সমুদ্রের ডেউ খেলবে সৌমাহীন চাফালে চাফালে? আর চাফাল থেকে সেই জল বয়ে আসবে এই শুকনো কান্দড়ের সংকীর্ণ খাত দিয়ে—বয়ে নিয়ে যাবে, ভাসিয়ে নিয়ে যাবে মাটির তলায় সন্তর্পণে পুঁতে রাখা বাদামী রঙের সেই হাড়গুলিকে?

খুন। সে খুন করেছে।

নিজের হাত দুটো চোখের সামনে বাড়িয়ে ধরল ক্রু সাহেব। যেন মণিবন্ধের হাড় দুটো তার ভেঙে গুঁড়ো গুঁড়ো হয়ে গেছে, তাই আঙুলগুলো অসহায়ভাবে কাঁপছে ধর ধর করে—তাদের ওপর কোনো কর্তৃত্ব নেই তার। দিনের পর দিন, বছরের পর বছরগুলি মনের যে অন্ধকার সংকীর্ণতার স্তরে স্তরে মাকড়শার জাল বুনেছিল—জটিল সিংয়ের খুন সেই জালটাকে ছিঁড়ে টুকরো টুকরো করে দিয়েছে।

তখনো মার্চ। আসেনি জীবনে, তখনো আরম্ভ হয়নি এমন একটা শাস্ত-নিরীহ অহিংস অধ্যায়। পার্শ্বাভ্যাস ক্যারুর উদ্ধার রক্ত ধমনীতে ধমনীতে সেদিন মাতলামি করে ফিরেছে। কালো মায়ের তপ্ত কামনার সঙ্গে বাপের মস্ত লালসার প্রেরণায় সেদিন—

একটার পর একটা উচ্চ ঝড়ে-পড়া সেন্টেবরের রাঙে—চামড়ার মতো পুরু নিরেট অন্ধকারে—হাওয়ার শিরশিরানি-লাগা ঘন বেনাবনের মধ্যে। বার কয়েক দপ দপ করে অস্বাভাবিক দ্রুতগতিতে বেজে উঠে—হঠাৎ একটা কাটা ফুটবল-ব্রাডারের মতো চূপসে থেমে গিয়েছিল স্বপ্নিগুটা। হাতের তলায় সেটা স্পষ্ট টের পেয়েছিল আইস ক্যাক; টের

পেয়েছিল কেমন করে শরীরের উত্তাপ নিবে গিয়ে তা ক্রমশ শীতল আর আড়ষ্ট হয়ে আসতে থাকে।

—হ্যালো আইদ !

কোথায় যেন বিক্ষোভের ঘটল ভিনামাইটে। উৎক্ষেপে যেন দোলা খেয়ে উঠল পায়ের তলার মাটিটা।

—হ্যালো আইদ !

ভগবানের ভুল হতে পারে, শয়তানের ভুল হওয়াও সম্ভব, কিন্তু অ্যালবার্টের নয়। তিব্বতের কোনো পাহাড়ী গুহার গিয়ে লুকিয়ে থাকলেও সে ঠিক আবিষ্কার করে ফেলত। প্রশান্ত মহাসাগরে ডুব দিয়ে থাকলেও ডুবুরী হয়ে ঠিক গিয়ে চেপে ধরত অ্যালবার্ট।

ফোড়ার মধ্যে ছুরি বসিয়ে ডাক্তার রুগীকে হাসতে বললে কেমন দেখায়, সেটা অভিব্যক্ত হল জু সাহেবের মুখে। একটা প্রাণান্তিক মোহিনী হাসি হেসে বললে, হ্যালো অ্যালবার্ট !

—অনেক খুঁজে আসতে হল—পিঠের ওপর একজোড়া বন্ধুকের ভারে কঁজো হয়ে হাঁপাতে হাঁপাতে অ্যালবার্ট বললে, সে রীতিমত অ্যাডভেঞ্চার—একেবারে মনোপার্কের মতো।

মনোপার্কের পরিণামটা তোমারও ঘটলে আমি বেঁচে যেতাম—মনে মনে দাঁত খিঁচিয়ে বললেও বাইরে দাঁতের হাসিটা বজায় রাখতেই হল ক্যারকে : কিন্তু আজকে তো তোমার—

—না, আমার আসবার প্র্যান ছিল আগামী কাল সকালে। কিন্তু শিকারের লোভে মনটা এমন ছটফট করছিল যে একটা দিনও আর দেরি করতে ইচ্ছে করল না। তা ছাড়া ভাবলাম, তোমাকে একটা গারগ্রাইজও দেব, তাই—

—কিন্তু তোমার তো খুব কষ্ট হল। যদি কাল সকালের ট্রেনে আসতে তা হলে এসব ট্রাবল হত না—এতক্ষণে একটা আশস্ত আত্মপ্রত্যয়ের অর ফুটল ক্যারের গলায়। সত্যিই তো, কালকের ট্রেনে যদি অ্যালবার্ট আসত, তাহলে কি হত কে বলতে পারে ? কে বলতে পারে একথানা গাড়ি নিয়ে স্টেশনে যেত না, একটা রাজকীয় আয়োজনের মধ্য দিয়ে অভ্যর্থনা করে আনত না অ্যালবার্টকে ? একটা রাজি—একটা সম্পূর্ণ রাজি ছিল তার হাতে। সে রাজিটিতে কি হতে পারত, আর কি যে হতে পারত না—তা তো অ্যালবার্টের জানার কথা নয় !

—একটা মল্ল অ্যাডভেঞ্চার তো হল না !—কাঁধের ওপর দুটো বন্ধুকের ভার বয়ে হাঁপাতে হাঁপাতে অ্যালবার্ট তাকাল নিজের ট্রাইউজারের দিকে। পা থেকে উঠ করে কোষর

পৰ্বন্ত লাল-কালো কাঁদায় একাকার ; চকচকে জুতোজোড়ার আভিজাত্য একরাশ কান্নার
প্রলেপে চাপা পড়ে গেছে। নিয়াকটা কল্পণ চোখে লক্ষ্য করে অ্যালবার্ট বললে, ট্রাবলও
অবশ্য দিয়েছে কিছু কিছু।

—তাই তো, ছিঃ ছিঃ—সখেদে জানাল জু সাহেব ; কিন্তু মনের মধ্যে যেন একটা
হিংস্র উল্লাস সাড়া দিয়ে বললে, বেশ হয়েছে। যেমন অকারণে ভূতের মতো পরের বাড়ি
এসে চেপে বসতে চাও, উপযুক্ত একটা শিক্ষা হয়েছে তার। শুধু কাদা কেন, কাঁদড়ের
ভেতর তুমি ঠ্যাং ভেঙে পড়ে থাকলেই আমি সত্যিকারের খুশী হতাম।

পাক্সা বারো মাইল পথ ঠেঙিয়ে এখন অ্যালবার্টের প্রায় নাভিখাস। শুধু কাঁধের ওপর
জুটো বন্দুক ঝুলছে তাই নয়—হাতে একটা আধ-মনি হুটকেস। ক্যাকর প্ল্যাশ্টেশনের
স্বপ্ন-স্বর্গে আসবার খেদারত ইতিমধ্যেই অনেকখানি দিতে হয়েছে অ্যালবার্টকে। মাঠে
গরু ছেড়ে দিয়ে ঘুমবার আশায় গল্পের যে লোকটি খাটিয়া সঙ্গে করে নিয়ে গিয়েছিল এবং
তারপর সারা হুপুর যাকে সেই খাটিয়া পিঠে বেঁধে মাঠ-বাট বন-বাদাড় ছুটেতে হয়েছিল
পলাতক গরুর পিছে পিছে—অ্যালবার্টের সেই দশা এখন।

নিরুপায় হয়ে শেষ পৰ্বন্ত বলেই ফেলল :

—কি হে স্নাইদ, এখন কি এখানে ঠায় দাঁড় করিয়ে রসালোপ করবে, না তোমার
বাড়িতে নিয়ে গিয়ে একটু বসতে দেবে ?

—ওহো—সো সরি !—চোখ কান বুজে হেভিস কিংবা লিখোতে ঝাঁপ দিয়ে পড়বার
মতো জু সাহেব বললে, এস, এস। ওই আমার কুঠি।

কুঠি নয়—ভয়াবহ জঙ্গল। কালো জাঙ্গারের মতো খাবা পেতে বসে আছে মার্খা
ক্যাক ! ও ক্রাইস্ট—ও হোলি শেফার্ড, এই মহা-সংকটে নিরীহ মেঘশাবক জু সাহেবকে
রক্ষা কর প্রভু ! ইহুদীদের অমন ক্রুশের ঘা সহিতে পেরেছ, আর মার্খার দাঁতের খার একটু
সহ করতে পারবে না ? হে মানবপুত্র, ইচ্ছে করলে তুমি সব পার !

ধরা ইঁদুরকে নিয়ে বেড়াল যেমন কিছুক্ষণ নিরুদ্ভিগ্ন চিন্তে খেলা করতে থাকে তেমনি
নিম্পৃহ ভক্তিতে, সহজ আন্তরিকতার অ্যালবার্টকে আহ্বান এবং আগত জানাল মার্খা।

পাছে অ্যালবার্ট আসবার সঙ্গে সঙ্গেই মার্খা তার স্বাভাবিক গলাবাজানো শুরু করে,
এই ভয়ে আগে থেকেই হুঁশিয়ার হতে চাইল জু সাহেব। বেশ শক্ত করে, আটবাট বেঁধে।

—খুব বড় ঘরের ছেলে অ্যালবার্ট।

মার্খা সংক্ষেপে বললে, হুঁ।

—ওর এক কাকা লর্ড। আর্গ অফ—আর্গ অফ—সাহায্যের আশায় স্নাইদ এবার
কাতর দৃষ্টিতে তাকাল অ্যালবার্টের দিকে।

অ্যালবার্ট শুধন খুঁকে পড়ে গভীর মনোযোগের সঙ্গে কর্ণমাক্ত জুতোটার কিতে খুল-

ছিল। মাথা না তুলেই জু সাহেবের অসমাপ্ত কথাটা শেষ করে দিলে : আর্ল অফ ব্রেটেন-বুকশায়ার, নর্থ এন্সলিটার।

ব্রেটেনবুকশায়ার—নর্থ এন্সলিটার ! গালভারি শব্দ দুটো বোমার আগ্নেয়াস্ত্রের মতো জু সাহেবের নিজের কানেই ভয়বহ শোনাল। এই দুটো প্রচণ্ড ভয়ঙ্কর নামের কি প্রতিক্রিয়া মার্খার ওপরে ঘটে, সেটা লক্ষ্য করবার জন্য জু সাহেব তীক্ষ্ণ চোখে তাকিয়ে রইল স্ত্রীর দিকে।

না, লক্ষ্য একেবারে বার্থ হয়নি। বেশ কিছুক্ষণ ধরে একটা সম্ভ্রম বিশ্বাসের চমক লেগে রইল মার্খার মুখে চোখে। গোল্ডার্স গ্রীনে কোনো এক ক্যারুজ-এর অবাস্তব একটা কল্পমূর্তি নয় ; অ্যালবার্টের মধ্যে সার আছে, তার আছে। গলার টাই-পিন, জামা আর হাতের বোতাম খাঁটি সোনার ; বাঁ হাতের কড়ে আঙুলের আংটিটার সবজাভ এক টুকরো পাথর ঝলমল করছে—হীরে হওয়াই সম্ভব ; ধুলো-কাদার মাথা বেশ-বাসে স্পষ্টই সচ্ছলতার ছাপ ; আপাতত পুরু একটা কাদার প্রলেপের নিচে ঢাকা পড়লেও জুতো-জোড়া যে খাঁটি পেটেন্ট লেদারের, তাতেও সন্দেহ নেই।

মেয়েদের জন্মগত তীক্ষ্ণ পর্যবেক্ষণশক্তির সাহায্যে মিনিট তিনেকের মধ্যে এতগুলো জিনিস আবিষ্কার করল মার্খা। আরো আবিষ্কার করল—অ্যালবার্টের চুলের রঙ সোনালী, গায়ের বর্ণ তুষারশুভ্র, মার্খার হাতের ‘ক্যাটস আই’ পাথরটার মতো চোখের তার।

আর পাশাপাশি ক্যার ? কালো মায়ের নিভুল কালো ছেলে ; পার্শিভ্যালের এতটুকু চিহ্ন কোনোখানে খুঁজে পাওয়ার জো নেই।

এক চোখে বিরাগ আর এক চোখে বিমুগ্ধ বিশ্বাস দুটিয়ে মার্খা বললে, হাত মুখ ধুয়ে তাজা হয়ে নিন মিষ্টার ফিলিপসন—আমার চা এখনি তৈরি হয়ে যাবে।

জুতোটার তত্ত্বাবধান করতে করতে মাথা না তুলেই অ্যালবার্ট বললে, অনেক ধন্যবাদ।

আর্ল অফ ব্রেটেনবুকশায়ার, নর্থ এন্সলিটার—শব্দ দুটোকে কানের মধ্যে ভরে নিয়ে চায়ের সন্ধানে চলে গেল মার্খা।

শুধু জু সাহেব দাঁড়িয়ে রইল নিস্তব্ধ হয়ে। এখনো সামলে নেয়নি অ্যালবার্ট, এখনো ঐতিক খাতস্থ হয়ে ওঠেনি। কিন্তু একটু পরে ? মিথ্যার বালির বাঁধটা ধরবে একাকার হয়ে গেছে ; কোনো অলৌকিক উপায়ে এখন অ্যালবার্টকে দেখানো যাবে সারি সারি ফলস্ত আখরোটার বন, টলটলে নীল জলের নদীতে কার্পের বীক, ছবির মতো পামগাছের সারি ? কোন ইন্সজাল দিয়ে সৃষ্টি করা যাবে পার্শিভ্যালের সেই জমজমাট রেশমের কুঠি—একখানা নয়, দু-তুখানা মোটর গাড়ি ?

জু সাহেবের কপালে ঘামের ফোঁটা জমতে লাগল।

জুতোটাকে ছুঁড়ে ফেলে অ্যালবার্ট ক্লান্তভাবে শরীরটা মেলে দিলে।

—আঃ!

ক্রু সাহেব অপেক্ষা করতে লাগল বলির পশুর মতো।

—কি বিল্ডী কাদা এদিককার! উঠতে চায় না কিছুতেই।

—হ্যাঁ, এঁটেল মাটি।—সভয়ে জবাব দিলে ক্রু সাহেব। যেন মাটিটা তারই হাতে তৈরি—সেই অপরাধে কৈফিয়ত দিয়ে নিচ্ছে একটা।

—পথে খানা-খন্দলও খুব।

—বধীর জল আসে।—ফিসফিসে গলায় ক্রু সাহেব জানাল।

—বস না, দাঁড়িয়ে আছ কেন?—সহজ অন্তরঙ্গতায় অ্যালবার্ট বলল।

বসতে ভয় করে। কেমন শক্তিহীন হয়ে পড়বে, ইচ্ছে করলেই উঠে পালাতে পারবে না। তবু বসতেই হল। শরীরের কোথাও একবিন্দু জোর নেই, যেন সাতদিন ম্যালেরিয়ায় ভুগে এইমাত্র উঠে দাঁড়িয়েছে।

যে ঘরটার ভূজনে বসেছে—এটাই ক্রু সাহেবের ড্রয়িংরুম। পার্শ্বভ্যালের আমলে ঝলমল করত শ্রী-সমৃদ্ধিতে, মেঝেতে ছিল দুই-তিন পুরু রঙ-বেরঙের ছবি আঁকা কাশ্মীরী কার্পেট; ছিল সোফা-সেটি, গদি-মোড়া চওড়া চওড়া বেতের চেয়ার। এখন সে কাশ্মীরী কার্পেট কুঠিবাড়ির কোনো ছাত-ফাটা, অঙ্ককার ঘরে একরাশ ধুলোর মধ্যে লজ্জায় বিলীন হয়ে গেছে; সোফা-সেটি কোন মস্তবলে ডানা মেলে উড়ে গেল ক্যান্স সাহেবের নিজেরই তা ভালো করে জানা নেই। ভাঙা বেতের চেয়ারগুলিতে ছারপোকায় বংশ খেয়ে-দেয়ে আরশোলার আকার ধারণ করছিল—মার্খা তাই সেগুলোকে বাড়ির পেছনে আন্তাকুঁড়ে বিদায় করেছে।

সিমেন্টের চটা-গুঠা মেঝেতে এখন খানকয়েক কাঁটাল কাঠের চেয়ার; শুধু সেদিনের স্মৃতিচিহ্ন হয়ে ঘরে টিকে আছে বার্মা ও সেগুনের একখানা বানিশ-গুঠা ভারি টেবিল; একটা জীর্ণদশা হ্যাটরয়াক! দেওয়ালে ফাটা কাঁচের ফ্রেমে বিবর্ণ কয়েকখানা ছবি—ঔপনিবেশিক ইংরেজের রুচিমারফিক খানকতক শিকারের চিত্র, ক্যান্ডালরি চার্জের একটা রোমহর্ষক ব্যাপার, রঙ-জলে-বাগুয়া সোনালী ফ্রেমে একখানা পঞ্চম জর্জের ছবি, তার তলায় ল্যাটিন হরফে ‘গড সেভ ডি কিং’। আর আছে সবুজ ফ্রেমে ওভ্যালশেপের বড় একখানা ব্রেজিলিয়ান আয়না—পারা উঠে গিয়ে তার ভেতরে কুটেছে বসন্তের ক্ষতাক্ষের মতো একরাশ বিন্দুচিহ্ন—কাঁচের ওপর কুয়াশার মতো একটা ঝাপসা আবরণ।

গৃহসজ্জা থেকে শুরু করে টানা-পাখার শূন্য হুকে মাকড়শার জাল পর্যন্ত কিছুই দৃষ্টি এড়াল না অ্যালবার্টের। বৃহৎ হেসে পকেট থেকে সিগারেট কেস বার করল। একটা সিগারেট দিলে ক্রু সাহেবকে, একটা নিজে ধরালো।

স্বভাব। কি বলা যাবে কেউ খুঁজে পেল না খানিকক্ষণ।

তবু অ্যালবার্টই নীরবতা ভাঙল।

—এখানে তোমরা কতদিন আছ ?

—প্রায় চল্লিশ বৎসর।—বলতে গিয়ে জু সাহেব সিগারেটের গোড়াটা চিবিয়ে ফেলল।

কিন্তু আর যাই হোক, নিষ্ঠুর নয় অ্যালবার্ট। বন্দুক দেখেই যে পাখি মাটিতে লুটিয়ে পড়েছে, তার ওপর অকারণে আরো দুটো একটা টোটা খরচ করবার প্রবৃত্তি নেই তার। আর তা ছাড়া মদের নেশা। সেই নেশার বোঁকে নিজের অতৃপ্ত কামনাগুলোর ওপর কল্পনার রঙ ফলিয়েছিল মাইদ। তার দোষ নেই।

সুতরাং অ্যালবার্ট সমস্ত জিনিসটাকে পাশ কাটিয়ে গেল।

—তোমাদের বাড়িটা একটু পুরনো হলেও নেহাত খারাপ নয়।

—হঁ।

—বেশ খোলামেলা। চারিদিকে চমৎকার মুক্ত প্রকৃতি।

ঠাট্টা করছে নাকি ? জু সাহেব বুঝতে পারল না। একবারের ভেত্রে মাথা তুলেই চোখ নামিয়ে নিলে।

—শহর থেকে এখানে এসে যেন স্বস্তির নিশ্বাস ফেলতে পারছি। আঃ—কী মিষ্টি এই মাঠের হাওয়া! গাছপালাগুলোকেও কি সুন্দর দেখাচ্ছে!

ঠাট্টা ? জু সাহেব একটা ঢোঁক গিলল। যদি ঠাট্টাও হয়—তবু কি অজুত কৃতিত্ব অ্যালবার্টের ! ছুরি যদিও চালিয়ে থাকে, তার আগে ব্যবহার করেছে মফিয়া—বেদনা বিন্দুমাত্র টের পাবার উপায় নেই !

—হঁ।

—এই সব কুঠিবাড়ির ওপরে একটা আশ্চর্য মোহ আছে আমার। ইংল্যান্ডের প্রাচীন ক্যাসলগুলোতে গেলে এইরকম একটা অপূর্ব অমুভূতি টের পাই। বাড়ি আর বিচিত্র প্রকৃতি মিলে যেন একটা ঘুমন্ত অতীতকে জাগিয়ে তোলে। বর্তমানটাকেই কেমন অবাস্তব বলে বোধ হতে থাকে তখন।

কাব্য করছে নাকি অ্যালবার্ট ? না ব্যঙ্গকাব্য ?

এবার সাহসে ভর করে জু সাহেব সোজা তাকিয়ে দেখল। না—ব্যঙ্গের চিহ্নও কোথাও নেই। নিজের মধ্যে যেন মগ্ন হয়ে গেছে অ্যালবার্ট, হারিয়ে গেছে নিজের ভাবনার গভীরে। চোখ দুটোতে একটা মুগ্ধ ভঙ্গি। সে কি বাড়ির প্রভাবই ? না—ইংল্যান্ডের সেই অতীতের ঘন ছায়ার মায়াম আচ্ছন্ন অতিকায় ক্যাসলগুলির স্বপ্ন-স্মৃতিতে ?

দিগন্তের সবুজ গাছগুলি ছাড়িয়ে আরো দূরে লক্ষ্য করে ফিরল অ্যালবার্টের দৃষ্টি।

না. র. ঞর্থ—১৮

—আচ্ছা, আকাশের কোলে ওই যে নীল মেঘের মতো রেখা—ওটাই কি হিমালয়ান রেখা ?

—ওর নাম—তি—তিন পাহাড় !—বাংলাদেশের ভূগোল সম্পর্কে অ্যালবার্টের জ্ঞানটা খুব মারাত্মক নয়, এমনি প্রত্যাশা করে জু সাহেব বললে, তা হিমালয়ান রেঞ্জই বলতে পার বই কি ।

—তারি হৃন্দর দেখাচ্ছে তো ! ঠিক যেন একটা মোষের পিঠের মতো মনে হচ্ছে ।

—হঁ !

—আচ্ছা, মাউন্ট এভারেস্ট দেখা যায় না এখান থেকে ? আর কাঞ্চনজঙ্ঘা ? স্নো ভিউ ?

এত বড় মিথ্যে কথা কি করে বলা যায় আর ? জবাব দিতে হল, না ।

—তবুও এও মন্দ নয় ।—হাতের সিগারেটটার কথা ভুলে গিয়ে অ্যালবার্ট পাহাড়টার দিকে তাকিয়ে রইল ।

—চা এসেছে ।

বীণার স্বাক্ষরের মতো শোনাল মার্খার গলা, চমকে দুজনেই ফিরে তাকাল । মার্খার এ গলা ক্যার সাহেব সর্বশেষ শুনেছিল জীবনের পূর্বরাগ-পর্বে । তারপর এককাল ধরে ফাটা-কাঁসরের পালাই চলে এসেছে ।

কু তাই নয় । মাত্র পনেরো মিনিটের মধ্যেই আশ্চর্যভাবে নিজের ভোল বদলে ফেলেছে মার্খা । কোন ফাঁকে বিগত কোন ক্রিসমাসের একটা ভালো পোশাক তুলে রেখেছিল, সেইটে পরে এসেছে, গালে মুখে পড়েছে প্রসাধনের একটা লঘু প্রলেপ । হঠাৎ যেন দশ বছর আগেকার কিশোরী মার্খা নবজন্ম লাভ করেছে ।

আরো আছে । পুরনো কাঠের বাস্কেটা থেকে কি করে খুঁজে এনেছে সে-আমলের একটা আদালীর পোশাক । চাপিয়েছে রাজবংশী চাকরটার গায়েরে । দু-একটা জায়গায় পোকায় কেটেছে বটে, তবু তো মন্দ দেখাচ্ছে না একেবারে !

চাকরটা সামনে টেবিলের ওপর একটা কাঠের ট্রেতে করে চা আর খাবার রাখল । কোথা পেল মার্খা চিনির চা—কেমন করে এল সাদা রুটি, একটুখানি মাখন, দুটো ডিম ? বিহ্বল হয়ে ক্যার সাহেব বসে রইল ।

সুধার্ত অ্যালবার্ট গোত্রাসে রুটি-ডিম গিলতে লাগল, আর মাঝে মাঝে কৃতজ্ঞ দৃষ্টি ফেলতে লাগল মার্খার ওপরে ।

কিন্তু শুধুই কি কৃতজ্ঞ দৃষ্টি, না আরো কিছু ? আজ ক্যারর মনে হল, দশ বছর আগে কিশোরী মার্খা সত্যিই হৃন্দরী ছিল তাহলে । হোক নেটিভ ক্রীশানের মেয়ে, তবু ফর্দার দিকেই তার গায়ের রঙ, চোখের তারা দুটো আশ্চর্য গভীর—মুখে একটা স্নিগ্ধ কমনীয়তা ।

আরো আশ্চর্য, মার্খার বী গালে একটা ছোট তিল যে আছে—সেটাও কেন এতদিন তার চোখে পড়েনি ?

—তুমি চুপ করে বসে আছ কেন ? চা খাবে না ?

সম্ভাবণটা ক্যারুর প্রতি। এবার আর বাণা বাজল না, ফাটা-কাঁসরের রেশটা অস্পষ্ট ভাবে স্তনতে পাওয়া গেল।

—হ্যাঁ, এই যে নিই—থতমত থেয়ে একটা চায়ের কাপ কোলের দিকে টেনে নিলে ক্রু সাহেব।

খাবার শেষ করে ক্রমালে মুখটা মুছে নিলে অ্যালবার্ট। মার্খাকে পরিতৃপ্ত হয়ে জানাল, অশেষ ধন্যবাদ।

মার্খা হাসল। ক্রু সাহেবের আবার মনে হল অজুত সাদা ওর দাঁতগুলি।

মার্খা বললে, এই পাড়াগাঁয়ে যখন এসে পড়েছেন, তখন এক ঠট্টুকু করতেই হবে। এখানে এ ছাড়া আর কিছুই তো পাওয়া যায় না।

বেশ ভালো ইংরেজি বলে তো মার্খা। সহজ, হৃদয়, চমৎকার নিভুল উচ্চারণ। হ্যাঁ —হ্যাঁ, মনে পড়েছে। মিশনারী বাপের মেয়ে—দার্জিলিংয়ের কি একটা স্কুল থেকে জুনিয়ার কেমিস্ট্রি পাস করেছিল বটে। আর এই মার্খাকে এককাল ভুলে ছিল শ্বাইদ ক্যারু —ভুলে ছিল দীর্ঘ দশ বছর ধরে। গোম্বার্স গ্রামে ক্যারু কোম্পানির জাগ্রত স্বপ্নে এতদিন এই বাস্তব জগৎটা কোন্‌খানে হারিয়ে গিয়েছিল ?

ক্যারুর কালো হাতের পাশে ধবধবে সাদা একখানা হাত অ্যালবার্টের। সে হাতের কড়ে আঙুলে চকচক করছে ঈষৎ হরিৎ একখণ্ড পাথর—হীরেই নিশ্চয়। সোনালী রঙের চুলে ঝকঝক করছে বিকেলের সোনালী আলো। এই-ই পাসিভ্যালের সত্যিকারের স্বজাতি, তার সগোত্র। আপাদমস্তক এমন একটা অনন্ততা নিয়ে সামনে এসে দাঁড়িয়েছে যে এর পাশাপাশি কালো মায়ের কালো ছেলে এক মুহূর্তে মিথ্যে হয়ে গেছে। যেন অবচেতন মনে হঠাৎ উপলব্ধি করতে পেরেছে, অমন করে তাকে পথের ধুলোয় ফেলে দিয়ে কেন সেদিন চলে গিয়েছিল পাসিভ্যাল ক্যারু !

—আপনি কখনো যাননি ইয়োরোপে ?—মার্খার প্রতি অ্যালবার্টের একটা উজ্জল প্রশ্ন প্রশ্ন।

—নাঃ—মার্খার দীর্ঘশ্বাস।

—যাবেন একবার। দেখে আসবেন।—মার্খাকে অ্যালবার্ট বলে চলল, যদি আগে থেকেই খবর দেন, আমিও না হয় সহযাত্রী হব। তারপর আমাদের গুথানে দু-চারদিন আতিথ্য নিয়ে আসবেন।

ক্যারু সাহেব চুপ করে বসে রইল। এ আলাপের মধ্যে তার আজ কোথাও স্থান নেই,

সে যেন একান্তই অনাহৃত, অবাহিত আগন্তুক। এখানে অ্যালবার্ট পার্সিভালের সগোত্র—আর মার্থা? মার্থা যেন হঠাৎ দশ বছর আগেকার কুমারী জীবনে ফিরে গেছে,—পরিচ্ছন্ন, কমনীয় একটি বিদুষী মেয়ে। গোম্বার্স গ্রীনের স্বপ্ন না দেখালে যে মার্থাকে কোনোদিন জয় করা যেত না।

ক্যার শুনে যেতে লাগল।

—যাবেন এক্সিটারে। দেখে খুশী হবেন।

—কি আছে দেখবার?—মার্থার সাগ্রহ প্রশ্ন।

—সেন্ট পিটারস ক্যাথিড্রাল। আটশো বছর আগেকার।

—আর?

—আর জয়ন্তন্ত। উইলিয়াম দি কঙ্কার তৈরী করিয়েছিলেন।

—এক্সিটার।—চোখ বুজে মার্থা দেখতে লাগল।

—ওখান থেকে কিছু দূরেই ব্রেনক্রকশায়ার। সেইখানে আমাদের বাড়ি ক্রকশায়ার হল। ছবির মতো একেবারে। বড় বড় পপলার গাছের ছায়া। হনিসাক্লে ঢাকা বাড়ি-গুলি। পপিতে আলো-করা বাগান, রাশি রাশি পাকা আপেল আর হট-হাউস ভরা স্ট্রবেরি।

ক্রু সাহেব যেমন করে তার প্র্যাক্টেশনের গল্প বলেছিল, এ কি তাই? ঠিক বুঝতে পারল না। কিন্তু এটা বুঝতে পারল এই মুহূর্তে মার্থা আর অ্যালবার্টের মধ্যে সে যেন কোথাও নেই। একটা অনধিকারীর মতো সমস্তই অনেকখানি দূরে সরে দাঁড়িয়ে আছে।

মাঠের ওপারে সূর্য অস্ত গেল। অন্ধকার নেমে আসবার আগেই উঠল ঝিঁঝির ডাক। কুঠিবাড়ির কজাভাঙা জানালা বাতাসে আর্তনাদ তুলতে লাগল পেছার কান্নার মতো।

মার্থা উঠে দাঁড়িয়ে বললে, আলো জ্বলে আনি।

আশ্চর্য চঞ্চল পায়ে বেরিয়ে গেল সে। আটশো বছর আগেকার সেন্ট পিটারস্ ক্যাথিড্রাল তাকে হাতছানি দিচ্ছে, ভাক পাঠিয়েছে উইলিয়াম দি কঙ্কারার সিটাডেল। হনিসাক্লের আবরণে ঢাকা বাড়িগুলির চারপাশ থেকে তার রক্তে হয়ত লাড়া দিয়েছে দীর্ঘকায় পপলার-বীথির মর্মর স্বর।

অ্যালবার্ট আবার সিগারেট ধরালো।

আর স্মাইদ ক্যার শুনেতে পেল মাঠের ওপারে ডেকে উঠছে শেয়াল।

বারো

দারোগা তারণ ভলাপাত্র সর্গোয়বে আহীরপাড়ায় গিয়ে পৌঁছুলেন।

বেশ সমারোহ করেই এলেছেন। বিশ্বাস নেই লোকগুলোকে। এক-একটার চেহারায়

দেখলে হৃদকম্প হয় দম্বরমতো ।

রিভলবার নিয়েছেন, সঙ্গে জিশ রাউণ্ড গুলি । এ.এম.আই. বদকদ্দিনের সঙ্গে বন্দুক ।
তা ছাড়া বন্দুকধারী দুজন কনস্টেবল, জন আষ্টেক চৌকিদারও ।

কনস্টেবল আর চৌকিদারদের আগেই রওনা করে দিয়েছিলেন ; তারা যখন গ্রামের
কাছাকাছি এসেছে, তখন সাইকেল নিয়ে তিনি আর বদকদ্দিন এসে ধরেছেন তাদের ।
তারপর সম্ভবতাবে এদিকে ওদিকে তাকিয়ে এসে চুকেছেন আহীরপাড়ায় ।

নিমগাছের ছায়ার নিচে বড় একথানা আটচালা ঘর । আট-দশটা মহিষ চরছে আশে-
পাশে । বরেন্দ্রভূমির মাঠের মহিষ । নিরীহ দুর্বল জীব নয় ; বিশাল বপু—মাথার ওপর
খরশুঁড়ে আতঙ্কজনক সম্ভাবনা ।

দারোগা বললেন, ওগুলো কি ?

বদকদ্দিন বললেন, মোষ স্ত্রার ।

তারণ চটে উঠলেন ।

—মোষ যে তা আমিও জানি । আমি কি গুরু যে আমার মোষ চেনাতে এসেছেন ?
সে কথা বলছি না । মানে, ওগুলো গুঁতোয় কিনা ?

বদকদ্দিন সন্দ্বিধ চোখে অতিকায় প্রাণীগুলোর দিকে তাকাতে তাকাতে বললেন, কি
করে বলব স্ত্রার, আমার সঙ্গে তো ওদের আলাপ নেই ।

তারণ একবার কটমট করে তাকালেন বদকদ্দিনের দিকে ।

বললেন, আলাপ থাকলে কি আর থানার এ.এস. আই. হতেন ? ওইখানেই বাঁধা
থাকতেন ।

—কি বলছেন স্ত্রার ?—বদকদ্দিনের চোখে বিজ্রোহ দেখা দিলে ।

—না, কিছু না ।—তারণ সামলে নিলেন । লীগের মস্তিষ্ক—কাউকে চটানো ঠিক
নয় । সব ভাই-বেরাদারের দল । কখন পেছন থেকে চুকলি খেয়ে দেবে—তারপরেই
ভবিষ্যতের পথটি একেবারে বন্ধ । আর কিছু না হোক, ট্রান্সকার তো নির্খাত । দুর্ঘটনা
হিসেবে সেটাই কি কম মর্মান্তিক ! এটা জেলার একটা বিখ্যাত ক্রিমিনাল থানা—একদল
অত্যাচারী জোতদারও আছে । সুতরাং প্রাপ্তিযোগের ব্যাপারে থানাটা অনেকের কাছেই
লোভনীয় । পট করে যদি সদরের কাছাকাছি কোথাও বদলি করে দেয়, তাহলে বসে বসে
বেলপাতাই শুঁকতে হবে খালি ।

সুতরাং তারণ যত্ন হাসলেন : একটু রসিকতা করলাম আপনার সঙ্গে ।

—ওসব রসিকতা আমার সঙ্গে করবেন না স্ত্রার, আমার ভালো লাগে না—হাঁড়ির
মতো মুখ করে জবাব দিলেন বদকদ্দিন ।

কথা বলতে বলতে এগোচ্ছেন দুজনে । একটু পেছনে আগছে চৌকিদার আর কন-

স্টেবলরা। দিন দুই আগে কি করে একটা খালি বাগিয়েছিলেন দারোগা, সেই সম্পর্কে লরল আলোচনা চলছে তাদের মধ্যে। হুতরাং একটু দূরে থাকাই নিরাপদ।

একজন চৌকিদার বলছিল, তুমি বৃষ্টি ভাগ পাও নাই চৌবেজী ?

চৌবে ঘুণাভরে জবাব দিলে, হামি গোস্-উস্ খাই না—ব্রাহ্মণ আছি।

—সব ব্রাহ্মণকেই চিনা আছে যে—দ্বিতীয় চৌকিদার মিটিমিটি হাসল।

চৌবে কানে আঙুল দিলে, ছিঃ ছিঃ—উ সব মত বলে।

দ্বিতীয় কনস্টেবল বামাচরণ বাঙালী। ক্লাস এইট পর্যন্ত বিদ্যা। একটা সুপিরিয়রিটি কমপ্লেক্স আছে তার। থানায় যতক্ষণ থাকে, ততক্ষণ সে এল. সি.—লোকে তাকে সম্মান করে মুহুরীবারু ডাকে—চৌবের মতো পাহারাওলা সাহেব বলে না। কিন্তু এই সমস্ত জরুরী ব্যাপারে তার পদমর্যাদা ধূলিসাৎ হয়ে যায়—পটি-পাগড়ি এঁটে তাকেও বেরিয়ে পড়তে হয় বন্দুক কাঁধে করে। নিতান্ত অতৃপ্ত বিরক্তির সঙ্গে বেরোর বামাচরণ—পোশাকে না হোক, অন্তত মুখের চেহারায টেনে রাখতে চেষ্টা করে একটা গাঙ্গীধের মুখোশ ; বিছিয়ে রাখতে চায় আভিজাত্যের আবরণ।

হুতরাং বামাচরণ কিছু বললে না, শুনে যেতে লাগল।

তৃতীয় চৌকিদার বললে, মিছাই খালি দারোগার দোষ দেছেন। উ জমাদারটাই কি কম ঘুষু হে ? হামার দুই-দুইটা রাওয়া মোরগা বেমানুম প্যাটত সান্ধাই দিলে।

—এই চূপ চূপ। শুনিবা পাবে। খামি গেইছে।

সত্যিই খেমে গেছেন তারণ। মোবগুলোর কাছাকাছি এসে দাঁড়িয়ে পড়েছেন।

—বদরুদ্দিন মিঞা ?

—বলুন স্যার।

—সামনে মোষ।

বদরুদ্দিন বললেন, দেখতেই তো পাচ্ছি স্যার। আমার চোখ আছে, একজোড়া চশমাও আছে।

—হঁ !—দারোগা গাঙ্গী হলেন : শুঁতোবে নাকি ?

—কিছুই বলা যায় না স্যার !—বদরুদ্দিন পথম তৃপ্তিতে হাই তুললেন একটা।

জরুজিত করে লক্ষ্য করতে লাগলেন তারণ। এই শ্রী প্রাণীগুলো সম্পর্কে তিনি কিঞ্চিৎ দ্বিধাগ্রস্ত—এমন কি প্রবল পরাক্রান্ত দারোগা হয়েও এদের সম্পর্কে তাঁর একটা ভ্রমাবহ বিভীষিকা। কারণ আছে। ছেলেবেলায় একবার একটা এঁড়ে গরু শুঁতিয়ে তাঁকে নর্দমায় ফেলে দিয়েছিল—সেই থেকে জীবগুলোকে আদৌ পছন্দ করেন না তিনি।

—তাহলে দাঁড়ান, পেছনের ওদের আসতে দিন—দারোগা বললেন।

—ওরা কি তাববে স্যার ? মোষের ভয়ে এগোতে পারছেন না আপনি ?—একটা

চিমটি কাটলেন বদরুদ্দিন।

—তা বটে। দারোগা উত্তেজনা বোধ করলেন। কাপুরুষতার এ রকম অপবাদ সহ্য করা অসম্ভব। কোমর থেকে খুলে নিলেন রিভলবার।

—ওকি স্ত্রার, রিভলবার আবার কেন ?

—তেড়ে এলে গুলি করব।

—আপনি যে হিন্দু স্ত্রার—বদরুদ্দিন টিপ্পনী ছাড়লেন : আপনার আবার ধর্মে বাধবে যে।

—না, বাধবে না। গরু মারলে পাণ হয়, কিন্তু মোষ মারলে কি হয়, তা শাস্ত্রে লেখা নেই—সম্ভূর্ণে অগ্রসর হলেন তারণ।

কিন্তু মোষগুলো লক্ষ্যই করল না তাঁদের। যেন লক্ষ্য করবার যোগ্য বলেই মনে করল না। প্রদত্ত পরিতৃপ্তিতে মাটি থেকে কী একরাশ চিবিয়ে চলল তারা।

—যাক—বিপদের সীমানা পার হয়ে একটা স্বস্তির নিঃশ্বাস ফেললেন দারোগা : একটা সমস্তা মিটল। কিন্তু যা বলছিলাম। সামনের ওই আটচালাটা কার বলুন তো ?

বদরুদ্দিন জবাব দিলেন, যমুনা আহীরের।

—যমুনা আহীর !—দারোগা কপাল কৌচকালেন : যেন চেনা-চেনা ঠেকছে নামটা।

—হ্যাঁ স্ত্রার। দাগীর খাতায় নাম আছে।

—হঁ, বুঝেছি। কিন্তু কী জাতের ?

—ডেকারাস ! পাঁচ-সাতটা হান্কা মায় জড়িয়েছে এ পর্যন্ত। একবার একটা খুনের দ্বায়েও পড়েছিল—কিন্তু জালে পড়েনি, ছিটকে বেরিয়ে গেছে।

—এবার আর বেরোবে না, গলা টিপে ধরব—ভয়বহ একটা মুখ করলেন তারণ তলা-পাত্ত : জটাধর-মার্ভারের ব্যাপারে ওর হাত থাকতে পারে, কি বলেন ?

—কিছুই অসম্ভব নয় স্ত্রার। চেহারা দেখলেই বুঝতে পারবেন।

তারণ আবার ধামলেন। চিন্তিত মুখে বললেন, জোয়ান বুঝি খুব ?

—বিরাট।—এতক্ষণে বদরুদ্দিনের মুখেও চিন্তার ছাপ পড়েছে : আকারে-প্রকারে ওই মোষগুলোর মতোই হবে। আর মেজাজও প্রায় ওই রকম।

—ভাহলে দাঁড়ান। ওদের আসতে দিন। যে রকম লোক বললেন, হঠাৎ যদি ঝাঁপিয়ে-টাপিয়ে পড়ে, গোলমাল হতে পারে একটা। কি বলেন ?

—নিশ্চয়—এবার বদরুদ্দিনও সমর্থন জানালেন। মোষ সম্পর্কে তারণের মতো তাঁর অহেতুক স্নায়বিক দুর্বলতা নেই বটে, কিন্তু যমুনা সম্পর্কে কোনো বিশ্বাস নেই তাঁরও। বিশেষ করে কিছুদিন থেকে ডিসপেনসিয়ার ভুগছেন—একটু শাস্তিপর্য্য তাবেই ঝামেলা মিটিয়ে কেলাই পছন্দ করেন তিনি। বন্দুক একটা সঙ্গে এনেছেন বটে, কিন্তু সেটা ব্যবহার

করতে না হলেই আন্তরিক স্থখী হবেন।

তারণ একটা লিগারেট ধরালেন।

—বুঝলেন বদরুদ্দিন মিঞা, এরিয়াটা এমনিতে মন্দ নয়। কিন্তু এই সব লোকের জন্তই যা কিছু গোলমাল।

—সে তো ঠিক কথা স্মার। কিন্তু ব্যাপার কি, জানেন?—বদরুদ্দিন ‘সাদী’র একটা বয়েং আওড়ালেন : গোটাকয়েক কাঁটা না থাকলে কি আর গোলাপ ফুল ফোটে?

গোলাপ না হোক, গোলগাল পাকা ফল তো বটেই। কিন্তু কাঁটা বড় বেশি। মাঝে মাঝে তারণ তলাপাত্তেরও জ্বিতেন্দ্রিয় হয়ে যেতে ইচ্ছে করে। আজ পনেরো বছর দারোগা-গিরি করে অনেক পোড় খেয়েছেন—কিন্তু বুকের ধুকপুকুনি থামেনি এখনো।

চৌকিদার আর কনস্টেবলের দলটা এসে পড়ল।

তারণ এদিক-ওদিক তাকালেন।

—লোকজন কাউকে তো দেখছি না! সব গেল কোথায়?

—কাজ-কর্মে গেছে হয়ত। মোষ চরাতেও যেতে পারে।

—হঁ! ভাকো তো দেখি কেউ—

চৌকিদারেরা মুখিয়েই ছিল। তিন-চারজন একসঙ্গে টেচিয়ে উঠল : যমুনা—
যমুনা হে—

যমুনা এল না—দোরগোড়ায় দেখা দিলে একটি মেয়ে।

ঝুমরি। রূপের সঙ্গে কঠিন একটা নিষ্ঠুরতা মেশানো। রূপের কাকন পরা শক্ত বাহ। জ্বালাধরা চোখ। নাগিনী।

দোরগোড়ায় পুলিশ দেখে একটা চমক খেলে গেল তার মুখের ওপর দিয়ে।

দারোগা মেয়েটার দিকে তাকালেন—কিন্তু চোখের ওপর চোখ রেখেই নাড়িয়ে নিলেন মাটিতে। দৃষ্টিটা যেন সহ করা যাচ্ছে না। অতনী কাচ। প্রতিকলিত—কেন্দ্রিত সূর্যের আলো।

—কে মেয়েটা?—মুখ ঘুরিয়ে বদরুদ্দিনকে প্রশ্ন করলেন তারণ।

জবাব দিলে বামাচরণ। অভিজ্ঞ গম্ভীর গলায় বললে, ওর মেয়ে—ঝুমরি। বছর খানেক আগে একটা মারামারির ব্যাপারে একেও থানায় আনতে হয়েছিল স্মার। রেকর্ড আছে।

—হঁ। বাঘের বাচ্চা বাঘ—নিজের অজ্ঞাতেই যেন স্বীকারোক্তি করলেন দারোগা।

নির্নিমেষ জলন্ত চোখে তাকিয়ে আছে মেয়েটা—কেমন অবস্থি লাগতে লাগল। দারোগার হয়ে বদরুদ্দিনই প্রশ্ন করলেন—তোর বাপ কোথায় রে?

—শো গেয়া।

—শো গেয়া!—বামাচরণ বাঁকিয়ে উঠল : আমরা এতগুলো লোক এই ঠাটা-পর্যায়
রোদ্দুরে দাঁড়িয়ে ঠায় পুড়ছি আর তিনি শো গেয়া! ডাক, ডাক—

—বাটা ঘ্যান লাটনায়েব হচ্ছে!—একজন চৌকিদার ফোড়ন কাটল। এই মহান্নায়
রাতে তার চৌকি দিতে হয় না—তা ছাড়া সঙ্গে সশস্ত্র বাহিনীও আছে। সেই ভরসায়
আরও জোরের সঙ্গে সে তার বক্তব্য পেশ করল : ডাকি উঠাও জলদি!

মেয়েটা ঘরের ভেতরে চলে গেল।

প্রথমে ধারালো চেহারা। রূপের সঙ্গে নিষ্ঠুর কঠিনতা একটা। চোখ ছোটো অদ্ভুত
জলন্ত। দারোগা অশ্রুমনস্ক হয়ে গেলেন মুহূর্তের জন্ত। ইশ্শাত। নাগিনী।

শশব্যস্তে যমুনা আহীর প্রবেশ করল।

—দারোগাবাবু, জমাদারবাবু! গোড় লাগি। তো রোদে কাঁহে দাঁড়িয়ে আছেন?
আইয়ে বৈঠিয়ে—

বারান্দায় রাখা খাটিয়া আর চৌপাইগুলোর দিকে দৃষ্টি আকর্ষণ করে সে আহবান
জানাল দলটাকে। সাইকেল নামিয়ে রেখে দারোগা সাজোপাজ নিয়ে বারান্দায় গিয়ে
উঠলেন। তাঁদের দেহের ভারে কাঁচ কাঁচ করে একটা আতঁনাদ জাগল খাটিয়ায়।

কিন্তু উদ্বেগ আতিথ্য নেওয়া নয়, কর্তব্য। যমুনার বিশাল দেহটার দিকে ভালো করে
তাকিয়ে নিয়ে একবার রিভলবারের বাঁটা স্পর্শ করলেন দারোগা—যেন আত্মবিশ্বাস
সঞ্চয় করে নিলেন। তারপর বার করলেন পকেট থেকে তাঁর নোটবই আর কপিয়িং
পেনসিলটা।

—তোমার নাম?

—যমুনা আহীর, হজুর।

—পেশা?

—হামরা আহীর হজুর। দহি, ক্ষীর, ঘী তৈয়ার করি, বেচি।

—আর কিছু কর?—দারোগা নোটবই থেকে মুখ তুললেন। সন্তর্পণে এগোতে হবে
এইবার, আন্তে আন্তে ঢুকতে হবে কাজের কথায়। টোকা দিয়ে দেখা দরকার।

—আর কি করব হজুর? মহিষ-টহিষ চরাই—সবল উত্তর দিলে যমুনা আহীর।

—কিছু কর না—না?—রিভলবারের বাঁটার ওপর আলগোছে বাঁ হাতটা ফেলে
রেখে দারোগা বললেন, এই মারামারি, খুন-জখম?

আধ হাত জিভ কেটে যমুনা বললে, না।

—না? থানার খাতা কিন্তু অল্প রকম বলে।—দারোগা আর একটা সিগারেট
ধরালেন : তা ছাড়া চেহারাও তো তেমন সুবিধে নয় বাবু। ভালোমানুষ বলে তো মনে
হয় না।

—দেখছেন না, ব্যাটার চোখ কি রকম লাল ?—বদরুদ্দিন দারোগাকে আর একটু আলোকদানের প্রয়াস করলেন ।

—চোখের আর দোষ কি আছেন হুজুর ?—যমুনা আপ্যায়নের হাসি হাসল : হাসি খোড়া খোড়া গাঁজা পী ।

—গাঁজা পী ?—দারোগা জ্রুটি করলেন : সে-গুণটাও আছে তাহলে ! আর দারু ?

—মিলনেসে খোড়া খোড়া গুন্ডি পী ।

—কোনোটাই বাকি নেই স্তার । সব পী পী করে পিপে হয়ে আছে । একেবারে সর্ব-গুণাঘিত—বদরুদ্দিন আবার সংশোধনী জুড়ে দিলেন । দারোগা অত্যন্ত বিল্লেবণী দৃষ্টিতে পর্দাবেক্ষণ করতে লাগলেন । না—সন্দেহ নেই । এই লোকটা জটাধরকে খুন যদি নাও করে থাকে, খুন করার যোগ্যতা রাখে নিশ্চয়ই ।

—জটাধর সিন্কে চিনতে তুমি ?

একটা চকিত সতর্কতার আভা খেলে গেল যমুনার মুখের উপর । আন্তে ঢৌক গিলল একবার ।

—কে জটাধর সিং ?

বদরুদ্দিন থিঁচিয়ে উঠলেন : স্ত্রাকামি হচ্ছে—না ? জটাধরকে চেন না ? কুমার ভৈরবনারায়ণের বরকন্দাজ ?

—কুমার সারোবের বরকন্দাজ তো ঢের আছে হুজুর । কে জটাধর সিং ?

—আহা ভাজা মাছটা উণ্টে খেতে জান না ?—তারণ ভেংচি কাটলেন : একেবারে কেইর জীব ! যে লোকটা বিলের মধ্যে খুন হয়েছে, জান তাকে ?

—না ।

—এখন তো জানবেই না ।—দারোগা ক্রুর হাসি হাসলেন, আর একবার ছুঁয়ে নিলেন রিভলবারটা, ভালো করে দেখে নিলেন নিজের দলটাকে : আমিও তারণ তলাপাজ, জানিয়ে ছাড়ব ! যাক । তোমার ঘর থানাতজাস করব ।

—করুন হুজুর ।

—তুফুন বদরুদ্দিন সাহেব—ভাল করে খোঁজ-খোঁজ করুন ।

বদরুদ্দিন বিব্রত বোধ করলেন । এ দারোগার অজ্ঞায় । নিজে স্বার্থপরের মতো নিরাপদে বসে থেকে তাঁকে ঠেলে দিচ্ছেন বাঘের গর্ভের ভেতর ! বিশ্বাস নেই—এ লোক-গুলোকে বিন্দুমাত্র বিশ্বাস নেই । হাতের নাগালে পেলে যে কোনো সময় বাঘের ওপর একখানা দাঁ বসিয়ে দিতে পারে ।

—আপনিও চলুন না স্তার—

—আপনি গেলেই যথেষ্ট হবে—লিগারেটটার টান দিয়ে নিশ্চিন্তভাবে বললেন

দারোগা ।

বদরুদ্দিন বিপর্যয় মুখে ভাকালেন এদিক-ওদিক ।

—বামাচরণ এস, চৌবে তুমি ভি আও ।

কিন্তু সার্চ করে বিশেষ কিছু পাওয়া গেল না । মিলল শুধু লোহার তার দিয়ে, গাঁটে গাঁটে জড়ানো দুখানা অভিকার লাঠি ।

দারোগা বললেন, লাঠি দুটো নিয়ে চলুন । রক্ত-টরু ধুয়ে ফেলেছে হয়ত । কিন্তু কেমিক্যাল অ্যানালিসিস করলে, কিছু না কিছু ট্রেস পাওয়া যাবেই ।

—আর লোকটা ? ছেড়ে যাবেন ?

—পাগল !—দারোগা এবার খাপ থেকে রিভলবারটা বের করলেন, যমুনা, তোমাকে গ্রেপ্তার করা গেল ।

—গ্রেপ্তার !—যমুনা কিন্তু ভয় পেল না । অল্প একটু হাসল : কেন ছড়র ?

—জটাজ্বর সিংয়ের খুনের দায়ে । চৌবে, পাকড়ো ইসকো ।

একটা সজ্জ প্রস্তুতি পড়ে গেল । কিছু যেন আসন্ন হয়ে আসছে । কোনো দুর্ঘটনা, কোনো দুর্ধোগ । একুনি ভয়ঙ্কর কিছু একটা হয়ে যাবে ।

কিন্তু কিছুই হল না । যমুনা আবার হাসল । নিরুত্তরে হাত দুটো বাড়িয়ে দিলে চৌবের দিকে ।

হাতকড়া পরালেন বদরুদ্দিন । একটা স্বস্তির নিশ্বাস ফেলে উঠে দাঁড়ালেন দারোগা । মনে হল, যেন বুকের ওপর থেকে একতাল পাখর নেমে গেছে—কেটে গেছে একটা ভয়ানক ফাঁড়া । এত সহজে এমন প্রকাণ্ড মাল্টিটাকে গ্রেপ্তার করা যাবে—এ যেন কল্পনাও ছিল না ।

দারোগা বললেন, চলুন বদরুদ্দিন মিঞা । এবার আর দু-চারটেকে একটু বাজিয়ে দেখা যাক । এ রকম সাসপেন্ডেড আর কে কে আছে বলুন তো ?

প্রজ্ঞাবানের গম্ভীর গলায় বামাচরণ বললে, দুখীরাংম আহীর, তুণ্ডি আহীর, গণশাহ আহীর—

—চলুন, দেখা যাক একে একে ।

দারোগা উঠে দাঁড়ালেন । যমুনাকে নিয়ে নেমে এলেন দাওয়ার বাইরে ।

আর ঠিক সেই মুহূর্তেই দোরগোড়ায় এসে দাঁড়াল সুমরি । রূপের সঙ্গে নিষ্ঠুরতা । চন্দ্রবোড়া সাপের মতো সৌন্দর্যের সঙ্গে বিযুক্ততা ; শানানো ইশাতের মতো দীপ্তির সঙ্গে শাতনের ইন্ধিত ।

মেয়ের দিকে তাকিয়ে যমুনা একটু হাসল ।

—হাসতে চললাম বোটি । কবে আসব ঠিক নেই । ভৈসামুলোকে দেখিল ভালো করে ।

ঝুমরি কথা বলল না। শুধু অতসী কাচের মতো চোখের অগ্নিদৃষ্টি ছড়িয়ে তাকিয়ে রইল খানিকক্ষণ। তারপর—

তারপর দারোগা যেই কয়েক পা এগিয়েছেন, অমনি তীব্র ভীত প্রচণ্ড গলায় একটা শিসের আওয়াজ করল সে। রোদে পোড়া মাঠের ওপর দিয়ে সেটা সাইরেনের মতো দূর-দূরান্তে ভেসে গেল।

আর সভয়ে দারোগা দেখলেন এক মুহুর্তে মাথা তুলেছে সেই শাস্ত্র নিরীহ মহিষের পাল। তাদের চোখগুলোতে আদিম অরণ্যের অমার্জিত বস্তু হিংসা। লেজ আকাশে তুলে জুড়ু নিশ্বাস ফেলতে ফেলতে সাত-আটটা ছুটে আসছে তাঁদের দিকেই।

গুলি করবার সুযোগ পেলেন না কেউ—হয়ত সাহসও হল না। দুই লাফে বদরুদ্দিন নিমগাছটায় উঠে পড়লেন—তাঁর তৎপরতা দেখলে বানরও লজ্জা পেত তখন। চৌকি-দারদের একজন শিংয়ের গুঁতোয় ছিটকে পড়ল—বাকি সব যে যেদিকে পারে উদ্ধরাসে ছুটতে শুরু করল। তারণও হাতের সাইকেলটা ছুঁড়ে ফেলে গোটাকয়েক লাফ মারলেন, তারপর আবিষ্কার করলেন, একটা পাকে ভরা দুর্গন্ধ ভোবার মাঝখানে গলা পর্যন্ত তলিয়ে আছেন তিনি।

আর সেই অবস্থায়, বিস্ফারিত চোখ মেলে তারণ দেখতে পেলেন—বহু দূরে বেনা ঘাসের বন ভেঙে তীব্রগামী তীরের মতো একটা লোক ছুটে পালাচ্ছে। দেখতে দেখতে লোকটা দৃষ্টির বাইরে নিঃশেষে মিলিয়ে গেল।

সে যমুনা আহীর!

কিন্তু ভৌস ভৌস করে চলন্ত পাহাড়ের মতো ওটা কি এগিয়ে আসছে এদিকে? মোষ? চক্ষের পলকে পচা ভোবার ভেতরে ডুব মারলেন তারণ তলাপাত্র।

তেরো

—একবার জয়গড়ে আহন, খুব জরুরী দরকার।

নগেন ডাক্তার খবর পাঠিয়েছে।

হুপূরে সাধারণত চাকরি থাকে না। এই সময়ে গীতোক্ত কৌন্তেয়—অর্থাৎ কুমার ভৈরবনারায়ণ বিশ্রাম-শয্যায় গা এলিয়ে দেন। এই বিশ্রাম-পর্বটা তরাবহ। জাহাজের মতো একখানা সুবিশাল খাটে বপুমান কুমার বাহাদুর পড়ে থাকেন একটি ব্রহ্মদেশীয় শিশু-হস্তীর মতো। হুবেলা কুস্তি-করা হুজন ছাপরাই চাকর তখন সশব্দে তাঁর অঙ্গসেবা করতে থাকে। মহিষ মান করাবার দৃষ্ট তার চোখে পড়েছে—ভলন-মলনের আওয়াজ তনতে পাওয়া যায় আধ মাইল দূর থেকে; কিন্তু কুমার বাহাদুরের অঙ্গমর্দনের শব্দ একদিন সহ

করতে হলে বুনো মোষও জেলী মাছ হয়ে যেত। যশা জোয়ান দু-দুটি পালোয়ানের মুখ দিয়ে ফেনা ছুটেতে থাকে; মাথার ওপর বাহান্ন ইঞ্চি পাখার প্রচণ্ড ঘূর্ণন সবেশে তাদের গা দিয়ে দরদর করে নামতে থাকে কাল-ঘাম।

রাজা ভগবানের সাক্ষাৎ প্রতিনিধি—সন্দেহ কী! সকালে-বিকালে অন্তত কয়েক হাজার লোক হাত বুলিয়ে আসে কাশীর বিশ্বনাথের মাথায়। অবশ্য হাত বুলিয়ে কিছু তারা হাতাতে পারে কিনা কে জানে, কিন্তু বিশ্বনাথকে বসে সেই দিতে হয় ধৈর্যের পরীক্ষা। সে-হিসেবে ভৈরবনারায়ণ নিশ্চয় দেবাংশসজ্জত। বিশ্বনাথের কাছে কিছু নগদ বিদায় মেলে না, এখানে অন্তত রাজসেবায় দুটি প্রবল-মন্ত্র প্রতিপালিত হচ্ছে।

বারোটা থেকে পাঁচটা—এইটুকুই সবচেয়ে মূল্যবান সময়। সাময়িকভাবে ঘটোৎ-কচের দানবীয় নিদ্রা। তারপর পাঁচটায় চা—তার মধ্যে ফিরে এলেই চলবে। তখন কুমার বাহাদুরের চার পাশ ঘিরে বসবে স্তাবকের দল—ভাক্তার, পোর্টমাষ্টার, সদর-নায়েব, স্ত্রমারনবীশ। ঘোড়ায় চড়ার গল্প, ভৌতিক কাহিনী, কাস্তনগরের যুদ্ধের ইতিহাস, লাট-সাহেবের একথানা আস্ত খাসির রাং খাওয়ার জ্বালাময়ী বর্ণনা। সেই সময় তাকে হাসতে হবে, হেঁ হেঁ করতে হবে—বিশুদ্ধ বিশ্বাসে তাকিয়ে থাকতে হবে বিস্ময়িত দৃষ্টিতে। তার আগে পৃথক আপাতত ছুটির পালা।

কুমার বাহাদুরের অঙ্গ মর্দন চলতে থাকুক, এই ফাঁকে তার জয়গড় ঘুরে আসা দরকার।

ঘরটায় একটা তাল দিলে, তারপর বারান্দা থেকে সাইকেলটা নামিয়ে বেরিয়ে পড়ল রজন।

আবার সেই ধান-ক্ষেতের মধ্যে দিয়ে কুমারীর অকলঙ্ক সিঁথির মতো শুভ্র পথের রেখা; অগণিত পদ্মকোরকের মতো তুঁতের হিরণ্ময় পায়ে ঘন ক্ষীরের মতো জমে-আসা ধান। দূর-দূরান্তব্যাপী হরিতের ওপর হিরণ্যের দ্যুতি পড়েছে—আর কদিন পরেই পাকতে আরম্ভ করবে। কিন্তু এবার পোকের উপদ্রব আছে, কিছু নষ্ট হবার সম্ভাবনা। তা ছাড়া আকাশে কালো মেঘেরও আনাগোনা চলছে—যদি জল আসে তাহলে এদের অর্ধেক ডুবে যাবে, এমন আশঙ্কাও জেগেছে লোকের মনে।

দু ধারে ধান-ক্ষেতের চড়াই-উৎরাই ভেঙে সে চলল। হালকা ধুলোর ওপর সাপের রেখা আর মাছের পদচিহ্নের ওপর চাকার দাগ টেনে চলল সাইকেল।

এই ক্ষেতটা পার হলে তিন-চারটে শিমূল গাছ এক জায়গায় জটলা পাকিয়ে গোল হয়ে দাঁড়িয়ে; ওইখান দিয়ে জিভুজের একটা কোণের মতো ভৈরবনারায়ণের এলাকার মধ্যে খানিকদূর ঢুকে গেছে কতে শা পাঠানের জমি। হুজনের মধ্যে ওটা নিয়েই লাঠা-লাঠি আর কামেলা। এই লীমাস্তরেখার ওপারে পর পর সাঁওতালদের কয়েকখানা ছোট-

এছোট গ্রাম—কতে শাহের অবাধ্য প্রজার দল। টুলকু আর ধীরুয়া সাঁওতালের জন্মভূমি।

মাঠ পার হয়ে শন-ঘাসের বন ঠেলে চলতে চলতে মনে পড়ছিল দিন কয়েক আগে এখানেই সাঁওতালদের বুনো-ভুয়ার মারতে দেখেছিল সে। আরো মনে পড়ল সাঁওতালদের ওখানে নাচ দেখবার এবং মাংস-ভাত খাওয়ার একটা নিমন্ত্রণও ছিল তার। সেদিন সেটা রক্ষা করবার সুযোগ হয়নি—একদিন এসে চুকিয়ে যেতে হবে তাকে।

—আদাব বাবু।

তাকিয়ে দেখল, পাশের আল দিয়ে একদল মুসলমান চাবী এগিয়ে আসছে। সম্ভাবণটা তাদেরই।

—হাজী সাহেব যে! খবর কী?—প্রসন্ন মুখে সাইকেল থেকে নেমে পড়ল রজন : জিয়াফং আছে নাকি কোথাও?

দলটি তখন রাস্তার সামনে এসে পড়েছে। সকলের আগে আসে হাজী—এ তজ্জাটের তিনিই সামাজিক নেতা। সম্পন্ন চাবী। প্রায় একশো বিঘে জমি রাখেন, খান চারেক গরুর গাড়িও আছে। অল্প-অল্প ইংরেজী জানেন—হজ ঘুরে এসেছেন দু-দুবার।

মধ্যবয়সী লোক—মুখে একটি প্রসন্ন হাসি লেগেই থাকে। হেসেই বললেন, না, জিয়াফং নয়।

—তবে এত সেজে-গুজে চলেছেন কোথায়? আজ তো কোনো পরব নয়!

সাজগোজের ঘটা সকলেরই একটু আছে,—সন্দেহ নেই। কারো মাথায় সাদা ধবধবে গোল টুপি, কারো বা রাঙা টকটকে ফেজ। সাদা পায়জামার ওপর হাজী সাহেব কালো রঙের একটা লম্বা কোট পরেছেন, পায়ে চকচকে জুতো। বাকি সকলের কারো ফর্সা পাঞ্জাবি, কারো জাপানী-আন্ধির জামা, পাট-ভাঙা লুজি আর পায়জামা। বেশ সমারোহ করেই বেরিয়েছে দলটা।

হাজী সাহেব বললেন, একটা মিটিং আছে আমাদের।

—মিটিং! কিসের মিটিং?

—লীগের।

—লীগের কাজকর্ম এ তজ্জাটেও আছে নাকি?—রজন বিস্মিত হয়ে জিজ্ঞাসা করল।

—এতদিন ছিল না—এইবারে হচ্ছে।—হাজী সাহেবের হাসিটা এবারে আর একটু বিস্তৃত হয়ে পড়ল, ফুটে বেরল একটা আন্তরিক প্রসন্নতা।

—সে তো বেশ কথা। কিন্তু মিটিংটা হচ্ছে কোথায়?

—শাহের কাছারিতে। কাল ঢোল দিয়ে গেছে গ্রামে গ্রামে।

—শাহের কাছারিতে!—রজনের স্বাভাবিক আবার সজাগ হয়ে উঠল : আলিমুদ্দিন সান্টারও আছেন নিশ্চয়?

—তিনিই তো গোড়া। তাঁর চেঁচাতেই সব হচ্ছে।—কৃতজ্ঞতার বেশ লাগল হাজী সাহেবের গলায় : খুব এলেম্কার লোক।

—হ্যাঁ, আমার আলাপ হয়েছে তাঁর সঙ্গে—রঞ্জন বললে, আচ্ছা আপনারা যান। শুধিকে আবার আপনাদের দেরি হয়ে যাবে।—রঞ্জন সাইকেলে উঠল।

—আপনি কোথায় চললেন ?

—আমি যাব একটু জয়গড় মহলে।

—আদাব।

—নমস্কার।

শন ঘাসের বনের মধ্যে দিয়ে আবার এগিয়ে চলল সে।

আলিমুদ্দিন মাস্টার। হ্যাঁ—বার তিনেক নানা উপলক্ষে দেখা হয়েছে তাঁর সঙ্গে। কথাবার্তার সুযোগও ঘটেছে কিছু কিছু। তীক্ষ্ণদী, বিচক্ষণ লোক। চাপা ঠোঁট—মুখের ওপর একটা শাস্ত কাঠিন্দ। বজ্রগর্ভ মেঘের মতো চেহারা। দেখলেই বোঝা যায়, অনেকগুলি মানুষকে নিয়ন্ত্রিত করবার শক্তি তাঁর আয়ত্ত।

তিনিই লীগের সংগঠনের কাজে মন দিয়েছেন! খুব চমৎকার কথা। দেশের প্রতিটি সম্ভ্রদায় আত্মসচেতন হোক, নিজের মর্বাদাকে ফিরে পাক; মুক্তিলাভ করুক সব রকমের হীনমন্ত্রতার গীড়ন থেকে। এর চেয়ে বড় জিনিস আর কী হতে পারে! জাতির এক-একটি অঙ্গ যদি শক্তিশাল্য করতে পায়, তাহলে তার সমগ্র দেহের পূর্ণ জাগরণে আর কতখানি দেরি হবে ?

পৃথক জাতীয়তা—পৃথক সংস্কৃতিবোধ ? হোক—কোনো ক্ষতি নেই। অন্ততঃ বাঙালী মুসলমান যে প্রধানত দীক্ষিতের সম্ভান—এ ঐতিহাসিক সত্যকেও ভুলে বাওয়া চলে। আর সংস্কৃতি! অশ্বের মতো চোখ বুজে না থাকলে মানতেই হবে সত্যপীরের পাঁচালি আর মাণিকপীরের গানের মধ্য দিয়েও তার ব্যবধানের সীমাটাকে কোনোদিন একেবারে মুছে ফেলা যায়নি। এমন কি, ‘দীন-ইলাহী’র ঐক্যমন্ত্র যিনি দিয়েছিলেন, সেই সম্রাট আকবরের সময়ও আশ্রা শহরে মসজিদের সামনে বাজনা বাজানো নিয়ে সাম্প্রদায়িক দাঙ্গা হয়েছিল—এমন কথাও ইতিহাস বলে।

সুতরাং পৃথক জাতিতত্ত্বে আপত্তি নেই। ইসলাম জাগুক। শুধু আসন্ন বস্ত্রার ওই মেঘগুলোর মতো একটা জিজ্ঞাসা মনের মধ্যে ঘুরছে। এই হঠাৎ ঘুম-ভাঙা দুর্দান্ত মানবতা যখন খাত্ত-বস্ত্র-মুক্তি-সংস্কৃতির আকুলতায় ক্ষুধার্ত গরুড়ের মতো প্রাণ তুলবে : ‘কংখাম’—তখন নিজেদের অযোগ্যতা ঢাকবার জন্তে তাকে প্রতিবেশী কিরাত-পত্নী দেখিয়ে দেবে না তো এর উল্গাতারা ? তার ক্ষমিত্বিত্ব করবার মতো পঞ্চাঙ্গ সংস্থান এদের আছে তো ?

সেইখানেই ভয়। তার সে ভয় যে একেবারে অমূলক নয়—তারও আভাস দেখা

গেছে নানাতাবে। অন্তকে অবিশ্বাস করা নয়—আজ নিজেকে বিশ্বাস করতে পারাই সব চেয়ে বড় কাজ।

হয়ত আলিমুদ্দিন মাস্টার তা পারবেন।

জয়কালী মন্দিরের বটগাছটা সাইকেলের দ্রুতগতির সঙ্গে সঙ্গে ক্রমশ দিগন্ত থেকে সামনে এগিয়ে এল।

এই জয়কালী মন্দির থেকেই সম্ভবত জয়গড়। গড় হয়ত কোনোদিন ছিল—হয়ত পাল-বুরুজের গড়খাই এরই সীমান্ত-রেখা! গ্রামের পূব-দক্ষিণ জুড়ে ইংরেজী ‘এল’ হরফের মতো অজগর জমলে ছাওয়া একটা জাঙ্গালও আছে বটে—হয়ত গড়ের প্রাচীরের ধ্বংসাবশেষ। জয়কালী পুরানো মন্দির এখন একটা মাটি ঢাকা ইটের পাজা—গ্রামের লোক কিছু খরচপত্র করে একটি ছোট মন্দির তুলে দিয়েছে তার পাশে।

পেছনে একটা বড় বটগাছ—তার তলায় একথানা পঞ্চমুণ্ডী আসন। বাংলা দেশে ডাকাতের যুগে যখন সারা উত্তরাঞ্চল জুড়ে ভয়াবহ অরাজকতার শ্রোত বয়ে গিয়েছিল—সেই সময় কোনো দস্যুপতি ওই আসনে বসে সিঁদ্বিলাভ করেছিলেন। তার পাশে একটা মজা-দাঁধি—ওর ভেতরে সন্ধান করলে নাকি এখনো একশো আটটি নরবলির কঙ্কাল-করোটি খুঁজে পাওয়া যাবে। দুর্বল স্নায়ুর মানুষ আজও নাকি রাত-বিরেতে বিভীষিকা দেখে এই পঞ্চমুণ্ডী আসনের আশপাশে।

নির্জন মন্দিরের পাশ দিয়ে যেতে যেতে মনে হল, আজ আবার নতুন করে এক তন্ত্র-সাধনার সূত্রপাত হয়েছে এই জয়গড়ে। এও কত নরবলি দাবি করবে কে বলতে পারে সেকথা!

গ্রামে ঢুকতে গরুর গাড়ির লিক-আঁকা একটা মেটে রাস্তা পাওয়া গেল। সেই রাস্তা দিয়ে আর একটা ঝাঁক ঘুরতেই খানিকটা উঁচু ডাঙার ওপর ছোট একটি মন্দির বন। আর এই মন্দির বনটির পরেই নগেন ডাক্তারের বাড়ি।

বাড়ির বাইরের ঘরে ডিসপেনসারী। ছোট ডিসপেনসারী—যৎসামান্য আয়োজন। একটা বার্নিশবিহীন চেয়ারে বসে এবং সামনে কাগজপত্র আর ডাক্তারী ব্যাগ-রাখা টেবিলটার ওপরে পা তুলে কি যেন পড়ছিল নগেন ডাক্তার।

বারান্দায় সাইকেল তোলার শব্দে বই সরাল নগেন, পা নামাল। সাদরে ডাকল, রঞ্জনদা? এস—এস—

রঞ্জন ঘরে ঢুকে নগেনের মুখোমুখি একটা চেয়ার নিয়ে সশব্দে বসে পড়ল।

সামনে ঝুঁকে পড়ে নগেন। অন্তরঙ্গ গলায় বললে, আমার চিঠিটা পেয়েছিলে তাহলে?

—পেয়েছি।—রঞ্জন হাসল : কিন্তু যত তাড়া আমার দিয়েছিলে, তোমার মধ্যে সে

তাড়া তো দেখছি না। দিব্যি নিশ্চিত মনে পড়ানো হচ্ছে। কি পড়ছিলে ?

নগেন হাসল লজ্জিতভাবে—গাল দুটো রাঙা হয়ে উঠল। এত ভালো কর্মী, এমন দৃঢ়-ব্রত, তবু একটা অপূর্ণ শাস্ত্র কমনীয়তা আছে ওর ভেতরে। বয়েস চব্বিশ-পঁচিশ—তবু এখনো ছেলেমানুষি চেহারা। দেখলে মনে হয় আঠার-উনিশের বেশি বয়সে হবে না।

সলজ্জ গলায় নগেন বললে, একটা লিটারেচার পড়ছিলাম।

—কি লিটারেচার ?

—আমাদের ডাক্তারীর। বিলিটী ওয়ুধের কোম্পানি পাঠিয়েছে।—নগেনের চোখ দুটো বিষন্ন হয়ে উঠল : কিন্তু এ দিয়ে আমরা কী করব ? এ সব পেটেন্ট ওয়ুধ প্রেসক্রিপশন করবে শহরের ডাক্তারেরা—মোটামুটি দিয়ে কিনে খাবে শহরের লোক। তা ছাড়া এদের অধিকাংশই ডাক্তারদের সর্বনাশ করছে।

রঞ্জন বললে, তোমার প্রথম কথাটা বুঝলাম, কিন্তু দ্বিতীয়টা ধোঁয়াটে রয়ে গেল। ডাক্তারদের সর্বনাশ করছে কেন ?

নগেন বললে, মেডিসিন তৈরী করতে ভুলে যাচ্ছে ডাক্তাররা—এদের ওপরেই বরাত দিয়ে নিশ্চিত হচ্ছে। তার ফল কি দাঁড়াচ্ছে জানো ? কম্পাউণ্ড করে দিলে যার দাম পড়ত বারো আনা, পাঁচ টাকা দিয়ে তার পেটেন্ট ওয়ুধ কিনে খেতে হচ্ছে লোককে।

রঞ্জন হাসল : পৃথিবীতে দেখছি সমস্তার আর অন্ত নেই। কিন্তু ও কথা যাক—ওসব আমার পক্ষে একেবারে অনধিকার চর্চা। এখন বল দেখি, এমনভাবে হঠাৎ তাড়া কেন ?

নগেন বললে, বলছি সব। কিন্তু এখানে নয়। চল ভেতরে। অনেকগুলো দরকারী পরামর্শ আছে তোমার সঙ্গে।

হাতের ঘড়ির দিকে তাকিয়ে রঞ্জন বললে, এখন দেড়টা। চারটের মধ্যে আমার ছেড়ে দিতে হবে—মুহু হেসে বললে, নইলে আমার চাকরি যাবে, জানো ?

—যাওয়াই ভালো—নগেনও হাসল : নাও, ভেতরে চল।

বাড়িতে মাটির দেওয়াল, টিনের চাল। তবু পাড়ারগায়ের নিভূর্ণ পরিচ্ছন্নতা ঝকঝক করছে সব জায়গায়। উঠানে ঢেঁকি আছে, তার পাশে লাউমাচা। পেছনের প্রাচীর ধিরে বড় একটা বাতাবিলেবুর গাছ দাঁড়িয়ে আছে—অক্লপণ ফলের সমারোহ সেখানে।

নিজের শোবার ঘরে নগেন নিয়ে এল রঞ্জনকে।

আড়ম্বরহীন ঘর। একধারে ছোট একটি শেলফে থানকতক বই ; শীতলপাটি বিছানো। তক্তাপোশের মাথার কাছে জড়ানো শতরঞ্জির বিছানা।

নগেন বললে, বল।

রঞ্জন বিছানায় বসল। সামনে একটা টুল টেনে নিল নগেন।

—তারপর ?

না. র. ঐর্ধ—১২

—দাঁড়াও। অনেক দূর থেকে এলেছ—একটু জল খাও আগে।

—পাগল নাকি। এই তো খেয়ে-দেয়ে বেরিয়েছি।

—ছ মাইল সাইকেলের থাকায় সে হজম হয়ে গেছে—নগেন চিৎকার করে ডাকল :
উত্তমা, উত্তমা ?

—আসছি দাদা—বাড়ির কোনো এক দূরপ্রান্ত থেকে সাড়া এল।

—উত্তমা কে ? তোমার বোন বুঝি ?

—হ্যাঁ।—নগেন বললে, তুমি ওকে দেখনি আগে। মামাবাড়ি গিয়েছিল মাস তিনেক আগে—মামামার খুব অসুখ চলছিল।—একটা প্রসন্ন স্নেহ ফুটে উঠল নগেনের মুখে : ও আমার ডান হাত। সব কাজ-কর্ম করে দেয়। মোটামুটি খানিক কম্পাউণ্ডারী শিথিয়ে নিয়েছি, দরকার হলে প্রেসক্রিপশন অবধি সার্ভ করে। ও না থাকায় খুব অসুখিধে হচ্ছিল।

—বিনা পয়সায় বেশ কম্পাউণ্ডার পেয়েছ তো !

—তা পেয়েছি।—নগেন হাসল : কিন্তু ওই কম্পাউণ্ডারটির জ্বালায় আমার ডাক্তার-খানা চ্যারিটেবল ডিসপেনসারী হয়ে উঠেছে।

—কেন ডাকছিলে দাদা ?

দোরগোড়ায় উত্তমাকে দেখতে পাওয়া গেল।

—কে এসেছে দেখ। চিনিস একে ?

—বুঝেছি, রঞ্জনদা।—উত্তমা হাসল, এগিয়ে এসে প্রণাম করল রঞ্জনকে।

—আরে ছিঃ ছিঃ—থাক থাক—

—অত বাবড়াচ্ছ কেন ? প্রণামটা পাওয়ার জিনিস—আদায় করে নিতে লজ্জা নেই।

উত্তমা খিল খিল করে হেসে উঠল। প্রচুর স্বাস্থ্য আর অপরিমিত প্রাণ থাকলে যে হাসি আলোর মতো নিৰ্ব্যবহৃত হয়ে পড়ে—সেই হাসি। রঞ্জন ভালো করে তাকিয়ে দেখল উত্তমাকে।

গ্রামবর্ষের ছোটখাটো একটি মেয়ে। রূপের ব্যাকরণে স্ত্রী বলতে বাধে। পরনে আধ-ময়লা ডুরে শাড়ি। মেধাবী পুরুষের মতো চওড়া কপাল—গ্রামবৃদ্ধারা হয়ত সংজ্ঞা দেবেন ‘উচকপালী’ বলে। সেই কপালের ওপর একগুচ্ছ অলকের নিচে ষ্ণেদবিন্দু চিকমিক করছে। অটুট স্বাস্থ্যে গড়া শরীর, আর সব চাইতে আগেই চোখে পড়বে পরিপুষ্ট নিটোল দুখানি হাত। আঙুলগুলি কঠিন—মেয়েদের তুলনায় একটু বেশি লম্বা ; চম্পক-কলির ব্যঞ্জন কোথাও নেই—পরিশ্রমের নিভুল চিহ্ন। হাতে চারগাছা করে কাচের চুড়ি—তাদের ওপর মাটির একটা হালকা আন্তরণ পড়েছে।

—কি করছিলি রে ?

—বাগানে মাটি কোপাচ্ছিলাম ।

—বেশ করছিলি । মাটি কোপানো এখন থাক । রঞ্জনদার জন্তে কিছু খাবার নিয়ে আয় আগে ।

—না—না, কিছু দরকার নেই—সম্ভ্রান্তভাবে রঞ্জন জবাব দিল ।

—গুরুপাক কিছু নয়, সামান্ত কিছু গাছের ফল ।—নগেন হাসল : তা ছাড়া আমি ডাক্তার—আমার ওপর তুমি নির্ভর করতে পার । যা—যা—দাঁড়িয়ে রইলি কেন ? উত্তমা বেরিয়ে গেল ।

কথা আরম্ভ করার আগে চিন্তাটাকে যেন গুটিয়ে নেবার জন্তে একবার জানালা দিয়ে বাইরে তাকাল নগেন । জানালার ওপারে মছয়া বন—তার পেছনে টাঙ্গন নদীর খাড়া পাড়ি । অস্তুমুখী চোখটাকে সেদিকে রেখে নগেন বললে, তুরী-পাড়ায় পঞ্চায়েতে আমি থাকতে পারিনি । তুমি যখন গিয়েছিলে, তখন ওতেই কাজ হয়েছে । কেমন মনে হল ?

—চমৎকার । একেবারে বাকুদের মতো তৈরী । আগুন ধরিয়ে দিলেই হয় ।

—হ্যাঁ—ওরা বেশ গড়ে উঠেছে ! ভালো লড়াই করতে পারবে—কচি কচি মছয়া পাতাগুলোর দিকে চোখ রেখে নগেন বললে, এত ব্যয় হয়েছে, তবু মোনাই মণ্ডলের কি রকম জোর দেখেছ ?

—তাই দেখলাম ।—উৎসাহিত হয়ে উঠল রঞ্জনের স্বর : ওরা তো চায়ী । ওদের কাছ থেকে এতখানি আশা আমাদের ছিল না ।

—চায়ী আর কোথায় দেখেছ !—নগেন এবার চোখ ফিরিয়ে এনে সোজা রঞ্জনের দিকে তাকাল : ওদের দেনার অবস্থা জান ? বেশির ভাগেরই এখন ক্ষেত-মজুরের দশা—লাভের মোটা টাকাটা সোজা চলে যায় মহাজনের হাওর-পেটে । যা-ও সামান্ত কিছু হত—ভাঁড়ার বানে একেবারে পথে বসিয়ে দিচ্ছে । এবার ভাঁড়ায় বাধ না দিলে ওদের আর বাচবার জো নেই !

—কিন্তু ভাঁড়ায় বাধ দিলে কি হবে বাড়তি জলটার ? অগ্নিদিকে বান ডাকবে না তো ?

—না, না, সে সব ভয় কিছু নেই । ভাঁড়ার মুখ বন্ধ করলে দক্ষিণের ঢালু মাঠটা দিয়ে জল চলে যাবে । আগে তাই যেত । ও তো মরা মাঠ—এমনিতেই বর্ষায় সাগর হয়ে যায়—হাড-খানেক করে জল বাড়বে এই যা । আসলে ক্ষতি শুধু ভৈরবনারায়ণের, জলকর দুটোর একটু অহুবিধে হবে । কিন্তু কয়েকশ টাকার জলকর বাড়তে গিয়ে দু-হাজার বিঘে জমির ধান এমনভাবে বরবাদ হবে নাকি ?

—না, এবার আর তা ওরা হতে দেবে না । কালাপুথরিতে আগুন জলবে, আমি

পাঠাই বুঝতে পেরেছি।

নগেন বললে, রঞ্জনদা, তোমার কাছ থেকে আসল পরামর্শ টাই বাকি। যত দূর মনে হচ্ছে—শুধু তুরীদের একার লড়াইতেই হবে না। এ অঞ্চলের সমস্ত মাহুগুলোকে নিয়ে একটা কমন কজ তৈরী করতে হবে।

—আহীররা?

—নিশ্চয়। ওরা তো আগুনের মতো গরম হয়ে আছে। হাতের লাঠি ওদের তৈরী। তা ছাড়া জটাধর সিংয়ের খুনের পর পুলিশ এসে ওদের ওখানে হামলা করেছিল। যমুনা অব্যবসকনভিঃ। শোননি?

—না তো!—রঞ্জন চকিত হয়ে উঠল : তাই নাকি?

উদ্দীপ্ত মুখে নগেন বললে, কাল আমি ওদের ওখানে গিয়েছিলাম। এতদিন আমাদের কৃষাণ-সমিতির কথা বলেছি—কিন্তু আমল পাইনি। এবার দেখলাম আর ভাবনা নেই। একদম তৈরী। এ লড়াইয়ে ওরাই হবে ভ্যানগার্ড। তুরীদের লড়াইয়ের কথা ওদের বলেছি। যমুনা আমার সঙ্গে দেখাও করে গেছে—একেবারে আগুন।

—এতটা হয়ে গেছে—কিছু জানতাম না! তারপর?

—যা ক্ষেপে আছে, একটা স্বযোগ পেলেই হল।

—এটা একটা মন্ত খবর।

নগেনের চোখ জ্বলতে লাগল : টিলার সাঁওতালদেরও পাওয়া যাবে।

—ওরা তো ফতে শা পাঠানের প্রজা!

—তাতে আটকাবে না। সব জমিদারই ওদের পক্ষে সমান। যদি আমরা ভালো করে অর্গানাইজ করতে পারি, তাহলে সমস্ত এরিয়ার মাহুগুলোকে এই লড়াইয়ে টেনে আনতে পারব—নগেনের গলার স্বর একটা আগামী প্রত্যাশায় উচু পর্দায় চড়তে লাগল আন্তে আন্তে : ওই সাঁওতালদের ওপর তোমার হাত আছে—ওদের টেনে নামাতে হবে তোমাকে।

—দেখি চেষ্টা করে—রঞ্জন হাসল : কিন্তু তোমাদের জালায় কুমার বাহাদুরের ওখানে আমার অমন ভালো চাকরিটা চলে যাবে দেখছি। কোনো ঝামেলা ছিল না—শুধু নিবিড় গীতাপাঠ। ভবিষ্যতেরও আশা ছিল—হয়ত একটা ব্রহ্মোত্তরও মিলে যেত এক সময়ে।

নগেনও হাসল : আখেরের ভাবনা ভাবতে হবে না। তোমার নাম আমাদের বইতে ঢোকা আছে। ছুটিয়া যখন পালটাবে—যখন নতুন করে মাটির বিলি-ব্যবস্থা হবে, সেদিন তুমিও ফাঁক পড়বে না। তবে তার আগে এ অস্থিখেটুকু ভোগ করতেই হবে।

—তার মানে এটা ইনভেস্টমেন্ট?

—তাই—নগেন হেসে উঠল সশব্দে।

উত্তমা প্রবেশ করল। শাড়িটা বদলে পরিষ্কার-পরিচ্ছন্ন হয়ে এসেছে—ধূয়ে মুছে এসেছে শরীর থেকে মাটি কোপানোর চিহ্ন। গাছকোমর ঝাঁঝ আঁচলটিকে বিগ্ৰস্ত করে নিয়েছে শোভন কমনীয়তায়। এক হাতে স্বকসকে পেতলের থালায় সমস্তে কাটা বাতাবি লেবু, কয়েক টুকরো পেঁপে, দুটি কলা আর কিছু নারিকেলের নাদু, আর এক হাতে কাচের গ্লাসে জল। সব মিলিয়ে যেন অপূর্ব একটি রূপান্তর হয়েছে উত্তমার। একটু আগেকার কঠিনবাহু সেই কর্মী মেয়েটি নয়—চির-পরিচিত একটি বাংলার নন্দিনী সামনে এসে দাঁড়িয়েছে।

নগেন উঠে আর একটা টুল টেনে দিলে। তার ওপর থালা-গ্লাস নামিয়ে রাখল। উত্তমা হাসল।

—এত কী হবে ?

—থাবেন।—উত্তমা বলল।

—সব ?

—সব।

—কিন্তু আমি তো একটু আগেই খেয়ে এসেছি।

নগেন বললে, রঞ্জনদা, বিনয় বন্ধ কর। থাওয়াটা শেষ করে নাও, অনেক দরকারী কাজ আছে।

রঞ্জন বললে, আচ্ছা লোক তো দেখছি। এমনি ভাষায় বৃষ্টি অতিথিকে অভ্যর্থনা করে ?

—অতিথি হলে তো অভ্যর্থনা করব।—নগেন বললে, নাও নাও। রাজবাড়ির রাজভোগের ব্যবস্থা অবশ্য এখানে নেই। কিন্তু টাটকা গাছের ফল, আর ঘরের নাদু—সম্পূর্ণ হাইজিনিক।

অগত্যা আহারে মন দিতেই হল।

—মা কই রে উত্তমা ?

—জ্যাঠামশাইয়ের ওখানে গেছেন। ফিরতে দেয়ি হবে।

—আমি পছন্দ করি না—মেঘের মতো মুখ করে নগেন বললে।

উত্তমা বললে, মা বলেন, সামাজিকতা রাখতে হবে।

—না রাখাটাই নিরাপদ—নগেনের মুখ আরো কালো হয়ে উঠল।

উত্তমা জবাব দিল না, দাঁড়িয়ে রইল নিঃশব্দে।

নীরবে থাওয়া শেষ করল রঞ্জন। অকুণ্ঠিত করে বলে রইল নগেন, আর জানালা দিয়ে বাইরের মহড়া বন আর চাঁদন নদীর উঁচু পাড়ের দিকে তাকিয়ে রইল উত্তমা।

—আর দেব ?—খানিক পরে যুদ্ধ গলার উত্তমা জিজ্ঞাসা করল।

—সর্বনাশ—এই ম্যানেজ করতেই প্রাণান্ত ! নিতান্তই নগেনের ভয়ে এতগুলো খেতে হল।

খালা আর গ্লাসটা হাতে তুলে নিলে উত্তমা।

বেরিয়ে যাওয়ার মুখে নগেন পিছু ডাকল।

—হ্যাঁ রে, পোস্টারগুলো লেখা হয়ে গেছে ?

—সামান্য কিছু বাকি।

—তুপুরেই শেষ করে দিবি—সন্ধ্যার আগে আমার চাই।

—আচ্ছা—উত্তমা বেরিয়ে গেল।

—কিসের পোস্টার ?—রুমালে মুখ মুছতে মুছতে জিজ্ঞাসা করল রঞ্জন।

—আমাদের কৃষক-সমিতির ঘোষণা। আগামী লড়াইয়ের প্রস্তুতি।—নগেন একটু হাসল : আর এ গ্রামে আমাদের সবচেয়ে বড় শত্রু, কে জানে ? আমারই জ্যাঠামশাই !

—ও !—রঞ্জন তাকিয়ে রইল জিজ্ঞাসু চোখে। খানিকটা বোধগম্য হচ্ছে—উত্তমা আর নগেনের ব্যক্তিগত আলোচনার তাৎপর্যটা।

—বড় জোতদার। অনেক হাল আর বিস্তর কৃষাণ। তিনি আমাদের সমিতিরকে ভাঙবার জন্তে তলে তলে মতলব আটছেন। এখনো সুবিধে করতে পারেননি—তবে সময় হলেই যা দেবেন। যাক সেকথা। এবার তোমায় একটু উঠতে হবে রঞ্জনদা।

—আবার কোথায় ?

—যেতে হবে আমাদের কৃষক-সমিতিতে। যে প্র্যান প্রোগ্রাম হচ্ছে, সে সবকিছু ওরা তোমার সঙ্গে আলোচনা করবে একটু।

—আচ্ছা চল—হাতের ঘড়িটার দিকে তাকিয়ে রঞ্জন বললে, ষণ্টাখানেক সময় আছে এখনো।

আগে খবর পেয়ে কুড়ি-পঁচিশজন এসে অপেক্ষা করছিল কৃষক-সমিতিতে।

বড় একখানা ঘর। ওপরে খড়ের চালা—নিচে চাটাই। মাটির দেওয়ালে কিছু পোস্টার—কিছু ছবি। কান্ডে-হাডুড়ির ওপর জলজলে একটা লাল তারা—ওদের পথের নির্দেশ।

অফিস-সেক্রেটারী মনোহর জানাল, এদিকের ব্যবস্থা আমরা করে এনেছি। অন্তত দুশো লোক নিয়ে যেতে পারব।

—আহীররা আসবে, সাঁওতালদের ভারও নিয়েছেন রঞ্জনদা।—নগেন বললে, এই আমাদের প্রথম লড়াই ! মনে রাখবেন এই আমাদের শক্তি পরীক্ষা। এখানে যদি আমরা

জিততে পারি—তাহলে আমাদের আর কেউ রুখতে পারবে না।

জয়ধ্বনিতে ঘরখানা কঁপে উঠল।

ফেরবার পথে বিকেলের আলোয় বহুদূর থেকে ভৈরবনারায়ণের প্রাসাদটা যেন আজ আবার নতুন করে চোখে পড়ল রঞ্জনর। চোখে পড়ল, বাড়িটার মাথার ওপর একসার শকুন উড়ছে—যেন আসন্ন অপমৃত্যুর আত্মা পেয়েছে ওরা।

চোদ্দ

প্রায় দুই হাজার লোক জড়ো হয়েছে শাহের কাছারির সামনে।

একদল লোক যথাসাধ্য মেজেগুজে এসেছে—যেন ঈদের নামাজের জমায়েত। আর একদল উঠে এসেছে সোজা ক্ষেত থেকে, তাদের গায়ে লাল মাটির স্বাক্ষর; খড়ি-গুড়া রক্ত শরীর—তেলের অভাবে জমাট-বাঁধা লাল চুল, হাতে হাঁসুয়া আছে, লাঠিও আছে; ময়লা গামছায় বেঁধে চিঁড়ে-মুড়ির নাস্তাও নিয়ে এসেছে কেউ কেউ—সঙ্গে আছে টিনের চৌকো দেশী লণ্ঠন। অনেক দূরে যেতে হবে—কত রাত হবে ফিরতে, কে জানে। আর বলা যায় না—জমায়েতের পর হয়ত গানের ব্যবস্থাও থাকতে পারে—এমন আশাও কারো কারো মনে স্থান পেয়েছে। রাতটা মন্দ কাটবে না তাহলে।

আর আছে জনকয়েক চৌকিদার। নিজেদের তাগিদেই তারা এসে জুটেছে। রঙ-জলে-ঘাওয়া উর্দির ওপর চকচক করছে পেতলের চাপরাশ—এই বিশেষ উপলক্ষ্যটির জন্তেই মেজে ঘষে তাদের পরিষ্কার করা হয়েছে। অনাহুতভাবেই সভার শান্তিরক্ষা করছে তারা।

: কী হচ্ছে উদিকে? গোলমাল করিবেন না।

: এই মিঞা, চুপ করি বৈসো ক্যানে। খামোকা ওইঠে কির কিবা ঝামেলা লাগাইলে হে?

: চিন্জাবা হয় তো এইঠি থাকি উঠি যাও। ইটা তামাসা নহো, ওয়াজ হেবে।

যোদে ঝকঝকে চাপরাশ আর গম্ভীর মুখেও তারা যথোচিত পদমর্যাদা রাখতে পারছে না। নানারকম টীকা-টিপ্পনী আসছে তাদের লক্ষ্য করে।

: ইস, ত্যালখানা জাখো হে! য্যান দারোগা হচ্ছেন!

আর একজনে চিমটি কাটল: আইত্তের (রাতের) ব্যালা চোর দেখিলে বাপ বাপ করি পালাবা পথ পার না, এইঠে আসি মেজাজ জাখাছে!

: সিটাই কহো না। কামের ব্যালায় কিছু নাই—আইত্তে আসি খামোকা চিন্জাই চিন্জাই খুয়ের দফা রফা করি দেয়। কেন চৌকিদারী ট্যাক্সো না দিবা পারিলে ষটি-বাটি

ক্রোক করিবা চাহে !

: এই চূপ চূপ—আট-দশজন ধমক দিয়ে উঠল। সঙ্গে সঙ্গে দু'হাজার লোকের দৃষ্টি ধাবিত হল একই দিকে।

একথানা পুরানো টেবিলের আশেপাশে থানকতক চেয়ার। তাঁর পেছনে একটা উঁচু বাঁশের মাথায় অর্ধচন্দ্রাকৃতি হরিৎ পতাকা। পৃথিবীর সর্বদেশে, সর্বকালে ঐসলামিক ভ্রাতৃত্বের প্রতীক; ঈদের তাঁদের চিরপ্রত্যাশা—একটি ক্রব-নক্ষত্র সত্যধর্মের চির-ইঙ্গিত, গাঢ় সবুজের বর্ণলেখায় চির-তাকণ্যের প্রদীপ্ত প্রতিশ্রুতি। মোহাম্মদ রহুলের (দঃ) কদমে কদমে অনুসরণ করে দুঃস্থ অভিযানের দ্বিধিজয়ী ঝাণ্ডা।

হাওয়ায় উড়ছে সবুজ পতাকা। শাহের কাছারি থেকে নেমে সেই পতাকার তলায় এসে আস্তে আস্তে দাঁড়ালেন পাঁচ-সাতজন—আজকের অমুষ্ঠানের ধার্য কর্ণধার। তাঁদের মধ্যে সর্বাগ্রে এসেছেন ফতে শা পাঠান—পরনে কালো আলপাকার লঙকোট, আদির পাঞ্জামা, মাথায় জরির কাজ-করা টুপি; বুকে সোনার চেন বাঁধা একটা ঘড়িও সঁটে নিয়েছেন। প্রশান্ত গাভীরে এসে তিনি মাঝখানের চেয়ারটা দখল করলেন—আজকের সভায় অনিবার্চিত হলেও অনিবার্ঘ সভাপতি তিনিই। পেছনে পেছনে এলেন আলিমুদ্দিন মাস্টার, এম্ভাজ আলী ব্যাপারী, জন দুই ফুলমাস্টার, থানার জমাদার সাহেব, পালনগর মসজিদের ইমাম এবং ইসমাইল। শাহ আসন নেবার সঙ্গে সঙ্গে তাঁরা হাততালি দিলেন—সমবেত জনতাও আনন্দে করতালি মেলাল।

বাকি সকলে কেউ কেউ চেয়ারে, কেউ কেউ সামনে পাতা দুখানি বেষ্টিতে বসতে যাচ্ছেন, এমন সময় আকাশে মুঠি তুলে ইসমাইল চিৎকার করে উঠল : মুসলিম লীগ জিন্দাবাদ—

সহস্র সহস্র গলায় শোনা গেল আন্তরিক প্রতিধ্বনি : মুসলিম লীগ জিন্দাবাদ—

—পাকিস্তান—

—জিন্দাবাদ !

—কারেদে আজম—

—জিন্দাবাদ !

—এইবার বহুন সব, এখনি সভার কাজ আরম্ভ হবে—ইসমাইল আদেশ করল। বছর বাইশ বয়েস হবে ইসমাইলের। একটু কুঁজো—একটু ঢাঙা। অযত্নে এলোমেলো মাথার চুল; মুখে খোঁচা খোঁচা গৌর-দাড়ি। শার্টের আন্তিন কলুইয়ের ওপর আরও খানিকটা গোটানো—সংকল্পে মুঠো-করা হাত। চোখের দৃষ্টিতে একটা উগ্র চাকল্য—যেন যে কোনো মুহূর্তে একটা ভয়ঙ্কর কিছু করবার জন্ত প্রস্তুত হয়ে আছে সে।

—গোড়াডেই আমাদের উদ্দেশ্যটা একটু স্পষ্ট করে আপনাদের খুলে বলা যাক।

—ইসমাইল আরম্ভ করল : অবিশ্বাস্ত হলো এটা সত্যি যে আমাদের অনেকেই পাকিস্তান কথাটার মানে পৰ্বস্ত জানেন না। এমন কি আমাদের মহান নেতা কারেদে আজম জিন্নার নাম পৰ্বস্ত শোনেন নি এমন লোকও এ সভায় আছেন। সুতরাং—

সুতরাং জলন্ত ভাষায় পাকিস্তানের কথা বলতে আরম্ভ করল ইসমাইল। আরম্ভ করল আরবের-মক্কাভূমি থেকে কোরান আর জুলফিকারের দুনিবার অগ্রগমনের ইতিহাস ; আগুন-ঝরা ভাষায় বলে গেল, কেমন করে কাফেরদের রক্তে তরবারি আর বর্শা-ফলককে আন করিয়ে, সিন্ধু-সোমনাথ-গুর্জর জয়ের ধারা বয়ে গোড়-বঙ্গের প্রত্যন্তে প্রত্যন্তে এল শেষ ধর্মের প্রাণবন্তা। বর্ণনা করে গেল কেমন করে বাদশাহ আলমগীর সারা হিন্দুস্থানের কোরেশদের ভাঙা বিগ্রহের শিলা দিয়ে রচনা করলেন মসজিদের সিঁড়ি ; তারপর এল ইংরেজ—এল হিন্দুর চক্রান্ত। সে চক্রান্তের আঁজও শেষ নেই—

এই পৰ্বস্ত এসে ইসমাইল একবার থামল। সমস্ত সভা গাঙ্গীর্ষে গমগম করছে। বল-বার শক্তি আছে ইসমাইলের। সভা কেমন করে জমিয়ে নিতে হয়, সে তা জানে।

ইসমাইল মাথার ওপর হরিৎ পতাকাটার দিকে তাকিয়ে নিলে একবার। উড়ছে স্বর্ষের আলোয়—উড়ছে একটা মগোরব প্রসন্নতায়। আজাদী কি ঝাণ্ডা।

—বন্ধুগণ, মন দিয়ে আমার কথাগুলো একটু বুঝতে চেষ্টা করুন। মনে রাখবেন, ১৯০৬ সালে আমাদের লীগ জন্ম নেবার পরে তাকেও অনেকখানি পথ কেটে এগোতে হয়েছে। আমরাও একদিন হিন্দু কংগ্রেসের সঙ্গে হাত মিলিয়েছিলাম। ১৯১৬ সালে লক্ষ্মী চুক্তিতে একসঙ্গে আজাদীর লড়াইয়ে দাঁড়িয়েছি আমরা, লড়েছি খেলাফতের দিনে। সেদিন আমাদের জিন্না সাহেবও নিজেকে কংগ্রেসের স্বেচ্ছাসেবক বলতেন। তারপর স্বাধীনতার লড়াইয়ে এক ধাপ এগিয়ে গিয়ে যেদিন আমরা পুরো স্বাধীনতা চাইলাম—সেদিন—সেই ১৯২২ সালে হিন্দু কংগ্রেসই ‘স্বরাজ্য’র ভাঙতা তুলে লড়াই থামিয়ে দিলে। শুধু লড়াই থামাল না—এল হিন্দু মহাসভা। দেখা গেল কংগ্রেসের পথ হিন্দুর পথ—আর মুসলমানের যদি কোনো রাস্তা থাকে তা হলে তা এই মুসলিম লীগ—

একটা তিক্ত হাসি ইসমাইলের চোঁটের আগায় দেখা দিল : কিন্তু দেশের মুসলমান তখনো জাগেনি। ১৯৩৭ সালে যেদিন কংগ্রেসের সঙ্গে আমাদের প্রথম বোঝাপড়া, সেদিন আমাদের ভাইয়েরা কংগ্রেসকেই ভোট দিয়েছিল। নিজেদের দলাদলিতে আমরা হেরে গেলাম। কিন্তু হারতে পারে না আমাদের লীগ—আলী ভাইয়ের আদর্শ—মুসলমানের সত্য। এগিয়ে এলেন কারেদে আজম জিন্না তাঁর সমস্ত শক্তি নিয়ে। গড়ে তুললেন সারা ভারতের মুসলমানকে। আমরা বুঝলাম—হিন্দুর সঙ্গে পাশাপাশি থাকা আমাদের চলবে না। নতুন দেশ চাই, নতুন রাস্তা চাই—নতুন পথ চাই ইসলামী তমকুন বিকাশের জন্তে। সেই আমাদের ‘পাকিস্তান’। সেই পাকিস্তানের জন্তই আপনাদের এক

হতে বলছি! আত্মন—দলে দলে লীগের মেঘার হোন—সকলে একসঙ্গে গলা মিলিয়ে
বলুন : পাকিস্তান জিন্দাবাদ।

—পাকিস্তান জিন্দাবাদ!—সভার মধ্যে গর্জন করল ঝোড়ো হাওয়া।

কমালে ধর্মাত্ম মুখখানা মুছে নিয়ে বসতে বসতে ইসমাইল বললে, এবার মসজিদের
ইমাম সাহেব আপনাদের দু-চার কথা বলবেন।

সভার আবার প্রচণ্ড করতালি পড়ল।

ইমাম সাহেব দাঁড়িয়ে উঠলেন ধীর গম্ভীর ভঙ্গিতে। চুমরে নিলেন ধূসর রঙ-ধরা সাদা
দাড়ির গোছা। তারপর উচ্চকণ্ঠে কোরানের একটা ‘সূরা’ আউড়ে বললেন, এর অর্থ হল,
বিধর্মী কাকেরের সঙ্গে পাশাপাশি কখনো মুসলমানের বাস করা চলবে না, তাকে লড়াইয়ের
জন্তে সব সময় তৈরী থাকতে হবে—দরকার হলে প্রাণ দিতে হবে—

উদ্বেজনীর যে বাক্য ইতিমধ্যেই সঞ্চিত করে রেখেছিল ইসমাইল, তাতে আগুনের
উত্তাপ সঞ্চার করে আসন নিলেন ইমাম সাহেব।

সভায় তখন মধুচক্রের মতো গুল্লন উঠেছে। ইসমাইলের শব্দে বক্তৃতা সকলের কাছে
স্পষ্ট হয়নি, কিন্তু ইমাম সাহেবের কথাগুলো নির্মম এবং তীক্ষ্ণ। কোথাও কোনো আড়াল
নেই—নেই বিন্দুমাত্র অস্পষ্টতার আভাস।

: হাঁ, পাকিস্তান নিবা হবে হামাদের।

: কাকেরের সাথে হামরা আর নি থাকিমু।

: পাকিস্তান জান মান দিই কায়েম করিবা হবে।

: মোক খালি একটা কথা কহেন। পাকিস্তান হই যায় তো খুব ভালোই। ফের প্যাট
ভরি খাবা পামু তো হামরা? সার্টিফিকেট, উচ্ছেদ তো উঠি যাবে? শাহু তো ব্যাগার
খরিবে না? বকেয়া খাজনা তো মাফ করি দিবে?

কথাগুলোর কোনো স্পষ্ট জবাব কেউ দেবার আগেই আবার সাড়া উঠল : এই চূপ,
চূপ! মাস্টার সাহেব কহোছেন।

এবার প্রচণ্ডতম করতালি। সব চাইতে জনপ্রিয়, সর্বজনপ্রিয় আলিমুদ্দিন মাস্টার এই-
বার দাঁড়িয়েছেন তাঁর বক্তব্য বলবার জন্তে। সকলের দুঃখে-কষ্টে অকৃত্রিম বন্ধু। প্রয়োজনের
বান্ধব। ছুদিনের একনিষ্ঠ আশ্বাস।

দুঃস্বপ্নের আলো পড়েছে সবুজ পতাকায়—যেন একটা অপূর্ব দীপ্তি ছড়ান্নে তার
থেকে। নূর-এ-পাকিস্তান। সে দীপ্তি পড়েছে আলিমুদ্দিনেরও প্রশস্ত মুখে। কঠিন ভাবের
গড়া একটা তাম্র-পিতল মূর্তির মতো তাঁর দেহের রেখাগুলো অত্যন্ত স্পষ্ট আর প্রকট হয়ে
উঠেছে। দক্ষিণাত্যের কোনো মন্দিরের ছায়া-ঘন গর্ভ-গৃহে দীপ-দীপিত দেবমূর্তির মতোই
দেখান্নে তাঁর মুখখানা।

তারপর কয়েকবার নিঃশব্দে নড়ে উঠল তাঁর ঠোট দুটি। বলবার আগে কিছু একটা যেন আউড়ে নিলেন নিজের ভেতর। একবার তাকালেন মাথার ওপরকার পতাকার দিকে, পতাকা ছাড়িয়ে আকাশের দিকে। ওই সবুজ পতাকার ওপর যে কিরণ-লেখা বিস্তৃত হয়ে পড়েছে তা কি পাকিস্তানের পূর্বাভাস, না কোনো আগামী শূন্যতার প্রতিভাস?

তারও পরে জনতার মধ্যে নামল তাঁর দৃষ্টি। একদল মানুষ। তাঁর কাছ থেকে শোনবার জন্তে অপেক্ষা করে আছে, প্রতীক্ষা করে আছে। কিন্তু একদল মানুষ? না—এক হয়ে গেছে। একটা শক্তি—একটা বিশ্বজয়ী শক্তি; যা অপ্রতিহত প্রভাবে এগিয়ে গিয়েছিল মস্কো থেকে মরোক্কো, মরোক্কো থেকে মস্কোভী। সহস্র ছাড়িয়ে লক্ষ—লক্ষ ছাড়িয়ে কোটি। শিখারিত রক্তধারায়। বজ্রবাহী পেশীতে পেশীতে। The great human dynamo!

কিন্তু!

কোন লক্ষ্য? সব সত্য কি বলতে পেরেছে ইসমাইল? তথ্য দিয়েছে, আবেগ দিয়েছে তার চাইতেও বেশি। কিন্তু তারপর? কোন পথে এগিয়ে নিয়ে যাবে এই শক্তির বজ্রকে—এই চল-বিহ্বাতের ধারাকে? কারা নিয়ন্ত্রণ করতে পারবে এই বিপুল human dynamoকে?

একবার নিজেরই আশেপাশে তাকালেন আলিমুদ্দিন। একটা উগ্র চঞ্চলতা ইসমাইলের চোখে মুখে—কোনো নিশ্চিত লক্ষ্য নেই যেন। জলতে চায়—জ্বালাতে চায়। ফতে শা পাঠান? চমৎকার সেজেগুজে এসেছেন, গা থেকে আতরের গন্ধ বেরুচ্ছে—নির্বোধ আনন্দে ঘন ঘন পাক দিচ্ছেন কাঁকড়া বিছের লেজের মতো গোঁকজোড়ায়। জমাদার বদরুদ্দিন সাহেব অল্প অল্প হাসছেন, নিচু গলায় কথা কইছেন পাশের একজন খুল-মাষ্টারের সঙ্গে : হিন্দু ইম্পেরেটরটা থাকতেই ভিগ্রেড হয়ে গেলাম, বুঝলেন! যদি কোনো মুসলমান থাকত—

যুবের দায়ে লোকটা ভিগ্রেডেড হয়েছিল—দোষ দিচ্ছে হিন্দু কর্মচারী। এরা—এই এরাই হবে রাষ্ট্রের কর্ণধার! আলিমুদ্দিনের রক্ত তেতে উঠল, জ্বালা ধরল মাথার ভেতর। শাহু—খোদাবক্স খন্দকার—

ইসমাইল অধৈর্যভাবে তাঁকে স্পর্শ করল।

—বলুন, বলুন মাষ্টার সাহেব। প্রায় তিন মিনিট ধরে যে চুপ করে দাঁড়িয়ে আছেন!

হ্যাঁ—বলতে উঠে বড় বেশিক্ষণ ধরে জাবছেন তিনি। চমকে উঠলেন আলিমুদ্দিন। নড়ে উঠলেন তড়িৎ-তরঙ্গের স্পর্শে উচ্চকিত একটা শব্দেহের মতো। তারপর :

—ভাই সব, আমার বন্ধু ইসমাইল সাহেব আপনাদের সব মোটামুটি খুলে বলেছেন। কাজেই আমার আর নতুন কিছু বলবার নেই। আশা করি, পাকিস্তান এবং মুসলিম লীগের সার্থকতা সম্বন্ধে আপনাদের কোনো সন্দেহ নেই, সে কথাও আমাকে নতুন করে বোঝাতে হবে না। শুধু একটা প্রশ্ন আমার আছে। আমরা, যারা আজ এমন করে পাকিস্তানের কথা আপনাদের বলতে এসেছি—বকে হাত দিয়ে আমাদের বলতে হবে—সে ভার নেবার যোগ্যতা আমাদের আছে তো?

জনতা নির্বাক হয়ে তাকিয়ে রইল। তারা ঠিক ধরতে পারছে না। আর চেয়ারে বেঁকিতে ধারা বসে ছিলেন। তারা পরস্পরের দিকে জিজ্ঞাসু দৃষ্টি বুলিয়ে নিলেন—কোন দিকে এগোতে চাইছেন মাস্টার?

আলিমুদ্দিন বললেন, আমি জানতে চাই—কার জন্তে পাকিস্তান?

অস্বস্তিতে নড়েচড়ে উঠল ইসমাইল : কেন, মুসলমানের?

—বেশ কথা। কিন্তু মনে রাখবেন, ১৯০৬ সালে লীগের জন্মদিনে সব চেয়ে বেশি খুশী হয়েছিল ইংরেজ। সেদিন সে আশা করেছিল, এই লীগের আশ্রয় নিয়েই দেশের আজাদীর লড়াইকে সে ডুবিয়ে দেবে। কারণ সারা দেশে সেদিন আগুন জ্বলছিল।

ইসমাইল আর বসতে পারল না, চটফট করে উঠে দাঁড়াল।

—মাস্টার সাহেব, এতদিন পরে কেন তুলছেন ওসব পুরনো কথা? ১৯০৬ সালে যা হয়েছিল, তারপরে অনেক বছর পার হয়ে গেছে। আজ তো মুসলমান সত্যিকারের লড়াইয়ে নেমেছে।

আলিমুদ্দিন বললেন, মানি, সব মানি। কিন্তু একটা কথা আমার বলবার আছে। লর্ড মিন্টোর আমলে যে স্বার্থপরের দল নিজেদের পেট মোটা করবার জন্তে লীগের খাতায় নাম লিখিয়েছিল, তারা কি আজও আমাদের মধ্যে নেই!

ইসমাইল তিক্তস্বরে বললে, নেই।

—আমি আপনাকে জবাব দিতে বলছি না ইসমাইল সাহেব, আপনি বসুন।—তীব্র চোখে আলিমুদ্দিন ইসমাইলের দিকে তাকালেন।

মুঠো-করা হাতটাকে আরো শক্ত মুঠোয় ধরে ইসমাইল বললে, আপনি অনাবশ্যক কথা বলছেন মাস্টার সাহেব, আপনারই বসে পড়া উচিত।

সভায় একটা কলরব উঠল।

আলিমুদ্দিন সোজা শাহের দিকে তাকালেন : প্রেসিডেন্ট সাহেব, আমি কি বসে পড়ব, না আমার বলতে দেওয়া হবে?

সামনে ঘারা ছিল, তারা সম্বরে চোঁচিয়ে উঠল : বলুন, বলুন, বলে যান আপনি।

ফুটে পা বিব্রতভাবে তাকালেন এদিকে। গৌফে পাক না দিয়ে টেনে টেনে লগা

করতে লাগলেন সেটাকে। বললেন—না, না, আপনি বলুন। বস হে ইসমাইল, এখন ঠুকে বাধা দিয়ে না।

অসন্তুষ্ট মুখে বিড়বিড় করতে করতে ইসমাইল বসে পড়ল। অর্ধৈর্ষ্যভাবে তাকাল হাতের ঘড়িটার দিকে।

শরীরটাকে আরো ঝুঁকু করে দাঁড়ালেন আলিমুদ্দিন। মাথার উপর রাঙা আলোয় সবুজ পতাকা ঝলমল করছে—মহিমময় হয়ে উঠছে নূর-এ-পাকিস্তান! এই পতাকার নিচে দাঁড়িয়ে মিথো বলা যাবে না, কোনো রূপটতাকেই প্রত্যাশ দেওয়া যাবে না। সত্য চাই, আত্মদর্শন চাই। এখন থেকেই পরিষ্কার করে নিতে হবে সব হিসেব-নিকেশ। জেনে নিতে হবে কে দোস্ত, কে দুশমন। কে চলেছে সম্মুখের পথ কেটে, কারা পায়ের তলায় গড়ে তুলছে নিঃশব্দ চোরাবালি।

সেই ‘নূরী ঝাণ্ডা’র নিচে তাঁকে মনে হতে লাগল তাম্র-পিত্তলের নিভূর্ণ স্পষ্টরৈখ দীপ্তমূর্তি। তাঁকে বলতে হবে স্পষ্ট ভাষায়—সত্য ঘোষণাই তাঁকে করতে হবে।

আলিমুদ্দিন বললেন—আরো সোজা কথাই আমি আসব। ধরুন, এই সভাতেই এমন লোক উপস্থিত আছেন, যাদের মতো মুসলমানের শত্রু আর কেউ নেই। তাঁদের আগে আমাদের চেনা দরকার।

—কারা তাঁরা?

চেঁচা করেছে একটা কটু প্রশ্ন এড়াতে পারল না ইসমাইল।

—কারা তারা?—মূর্তির চোখ দুটো জলজল করে উঠল—দক্ষিণী মন্দিরের নটরাজের হীরক-নেত্রের মতো। যেন দেখা দিল, অগ্নিবর্ষণের পূর্ব-সংকেত।

আলিমুদ্দিন বললেন, যদি বলি, আমাদের এই ইমাম সাহেব—যিনি একজন হাজী এবং বিখ্যাত আলেম, তিনি আমাদেরই সমাজের অংশ, আমাদেরই ভাই ধাওয়াদের মসজিদে ঢুকতে দেন না? তা হলে কি বলতে হবে তিনি ইসলামের খাদেম?

—মাস্টার সাহেব!—যেন আতঁনাদ করে উঠলেন শাহু।

—হ্যাঁ, আপনার কথাও আমি বলব—আলিমুদ্দিনের চোখ দিয়ে এবার সত্যিই আগুন করতে লাগল: প্রজাদের আপনি বেগার খাটান। গরীবের মুখের গ্রাস কেড়ে খান। অনবরত অত্যাচার করে দেশের লোককে আপনি শেষ-দশায় এনে ফেলেছেন। যে মেয়ে আপনাকে ধর্মবাপ বলে—বিহ্বল স্তব্ধ সভাটার ওপর রক্তচক্ষু মেলে আলিমুদ্দিন বললেন, আপনি তার সর্বাঙ্গে পারার ষা ছড়িয়ে দিয়ে ইমানকে কোতল করেন। বলুন—আপনারাই কি নেতা? আপনারদের হাতেই কি পাকিস্তানের ভবিষ্যৎ?

—চুপ করুন—বসে পড়ুন।—পাগলের মতো টেঁচিয়ে উঠল ইসমাইল।

—লোকটা কেঁপে গেছে—চিৎকার করলেন ইমাম সাহেব।

ফতে শার মুখ দিয়ে শুধু একটা অব্যক্ত ধ্বনি বেরল। এত জোরে সব গোঁফটাকে আকর্ষণ করলেন যে ছিঁড়ে যাবার উপক্রম করল সেটা।

—না, আমি বলব না, আমি বলবই—আলিমুদ্দিনও চিৎকার করলেন এইবারে।

সভায় বিশৃঙ্খলার ঝড় বইছে। নানা কণ্ঠে নানা বকম কোলাহল উঠছে। যেন ক্ষেপে গেল ইসমাইল, জামাটা ধরে সঙ্গে করে টান দিলে আলিমুদ্দিনের।

আলিমুদ্দিন তিন পা পেছনে হটে এলেন।

—আমি বলবই—আমি বলবই—

—না—না—

—বেশ!—স্বরগ্রামকে সমুচ্চতর পর্দায় তুলে শেষবার বললেন আলিমুদ্দিন : তাহলে আমিও জানিয়ে যাচ্ছি, পাকিস্তানের লড়াইয়ে দুশমন মুসলমানও আজ থেকে আমার শত্রু। তাদের বিরুদ্ধেও আজ থেকে আমার লড়াই—

এসও ঝড়ের মধ্যে সভা থেকে একটা জ্বলন্ত হাউইয়ের মতো ছুটে চলে গেলেন আলিমুদ্দিন মাস্টার।

বাতাস নেই। একটা গমগমে গুমোট সন্ধ্যা ঘনিয়েছে ঘরের মধ্যে। দিগন্তবিস্তৃত বরেন্দ্রভূমির মাঠের ওপরে হাওয়া বেথানে চক্ৰিশ ঘণ্টা দামাল ছেলের মতো খেলে বেড়ায়, নিয়ে যায় মাটির গন্ধ, বাসের গন্ধ; গোথরো শাপের নিখাসের সঙ্গে সঙ্গে কেয়াফুলের দৌরভ বয়ে নিয়ে যায়; বয়ে বেড়ায় তালগাছের মর্মর থেকে শুক করে শব্দচিল আর গিল্মা শকুনের কান্না,—সেখানে হঠাৎ সব ধমকে দাঁড়িয়েছে যেন কোন অজুত ভাষ্কর্যমতীর মস্তোচ্চারণে। যেন আকাশ থেকে ঘনাচ্ছে কোনো দিগদিগন্তব্যাপী অশরীরী অপচ্ছায়া—আসন্ন মৃত্যু, আসন্ন দুর্বিপাক। আলেয়া-জলা বরিন্দের মাঠে ঘর-পালানো রাত-চরা গরুর দল এখন আচমকা ভয় পেয়ে বসে পড়েছে কোনো ঝুরি-নামা ডাইনী বটের অন্ধকার ছায়ায়—তাদের সবুজ পিঙ্গল চোখে কিসের যেন আতঙ্কিত জিজ্ঞাসা!

শাহের বৈঠকখানা-ঘরেও সেই স্তব্ধতা, সেই গুমোট।

ফরাশের সামনে দুটো জোবাল লঠন। ঘরটা অতিরিক্ত আলো হয়ে আছে। সেই আলোর সঙ্গে কুয়াশার মতো জমছে ঘন-গন্ধী তামাকের ধোঁয়া। রাশীকৃত স্তব্ধতার মধ্যে শুধু অল্পবর্ণিত হচ্ছে মশার প্রান্তিহীন গুঞ্জন।

মুখোমুখি দুজন। শাহু আর ইসমাইল।

ইসমাইল তিক্তভাবে হাসল। তিখক চোখে তাকাল শাহের দিকে।

—আপনি তো লোকটার প্রশংসা করেছিলেন খুব।

‘তা করেছিলাম।—অল্পতাপবিত্ত শোনাল শাহের গলা : তখন কি জানতাম,

লোকটা একেবারে পাগল ? কোনো বুদ্ধিহীনই ওর নেই ?

—পাগল ?—ইসমাইল আবার বঁকা চোখে শাহের দিকে তাকাল : না, পাগল নয় । কিন্তু বিপজ্জনক ।

—তাই দেখছি ।

—যা বলবার ছিল—ইসমাইলের মুখে ক্রকুটি দেখা দিল : সত্যি হোক, মিথ্যে হোক, তারও তো একটা জায়গা আছে ! সভাটাই পণ্ড করে দিলে !

ফতে শা উত্তর দিলেন না । সঙ্গেসঙ্গে একবার গৌফটাকে আকর্ষণ করলেন, তারপর মনের অসহ জ্বালাটা দূর করবার জন্তে চটাস চটাস শব্দে গোটাকয়েক মশা মারবার চেষ্টা করলেন ।

ইসমাইল বললে, আমার সন্দেহ হয়—লোকটা প্রজা ক্ষ্যাপাবে ।

—কি রকম ?—তড়িৎগতিতে উঠে বসলেন ফতে শা ।

—আজকাল ওইসব রেওয়াজ হচ্ছে । আমাদের আন্দোলনকে নষ্ট করবার জন্তে সোসালিজমের একটা ধুরো তুলেছে হিন্দুরা । আমার মনে হয়, ওদেরই কারো সঙ্গে যোগ-সাজস আছে মাস্টারের । মুখে এরা লীগের বন্ধু, ভেতরে ভেতরে পাকা স্ত্রাশানালিস্ট । তা ছাড়া—সন্দেহ কর্তে ইসমাইল বললে, উনি তো কংগ্রেসের হয়ে বারকয়েক জেল-টেলও খেটেছেন, তাই না ?

—ঠিক ঠিক ।—ফতে শা যেন অকূল অন্ধকারে আলো দেখতে পেলেন : তাই তো ! সে কথা তো খেয়াল ছিল না ।

ইসমাইল মুহূ হাসল : এসব লোক আমি অনেক দেখেছি, এদের আমি চিনি । যাক—সেজন্তে আটকাবে না । আমি ব্যবস্থা করে দেব ।

অদৃষ্ট ক্রোধে ঠোটটা কামড়ে ধরলেন শাহু : আমার খেয়ে আমারই বদনাম গাইবে ? ইস্কুল থেকে ওই মাস্টারকে আমি তাড়াব । সাহস কত ! খোদাবক্সের গায়ে পর্বস্ত হাত তুলেছিল !

ইসমাইল বললে, সব ছরস্ত হয়ে যাবে । ভালো কথা, বিদ্রোহী প্রজা আছে আপনার ?

—অভাব কি ! টিলার সাঁওতালরাই তো—

—সাঁওতাল !—ইসমাইল আঁতকে উঠল : সাংঘাতিক জীব । সাপ পুঁবে রেখেছেন চাচা ! ওই সবই হল এসব লোকের বিষদাত । দাঁতটা উপড়ে দিলেই ঠাণ্ডা হয়ে যাবে ।

—কী করে ?—শাহু সাগ্রহে জানতে চাইলেন ।

—পলিটিকস । আগে এককাট্টা হওয়ার পথ বন্ধ করতে হবে । সে আমি ঠিক করে দিচ্ছি । ই্যা—আপনাকে একটা কাজ করতে হবে চাচা । টিলার একটা মসজিদের ব্যবস্থা করে দিতে হবে ।

—টিলায় মসজিদ!—শাহু হাঁ করে রইলেন : কেন ?

—সব জিনিস বড় দেরিতে বোঝেন আপনি—ইসমাইল আবার মুহুম্মদ হাসল।

স্ক্রু গুমোট হাওয়ায়, ঘনীভূত তামাকের ধোঁয়ায় খানিকক্ষণ ইসমাইলের মুখের দিকে তাকিয়ে কিছু একটা বুঝতে চাইলেন শাহু। তারপর কোনো কিছু বুঝতে না পেরে অসহায় ক্রোধে চটাস চটাস করে আবার মশা মারলেন গোটাকয়েক।

পনেরো

সভাটা বসল কিশাণ-সমিতির সামনে।

এত লোক হবে আশা করা যায়নি—নগেন ডাক্তারের যোগ্যতা আছে দেখা যাচ্ছে। কখনো সাইকেলে চড়ে আবার কখনো বা সাইকেলটাকে কাঁধে চাপিয়ে চষে বেড়িয়েছে গ্রামের পর গ্রাম। পালগ্রামের সাঁওতালেরা এসেছে, এসেছে কালাপুখুরির গুঁরাগুঁয়ের দল, আর এসেছে সাধারণ কৃষক। তাদের ভেতরে বড় কৃষাণ আছে, আছে বর্গাদার। শুধু পেট-মোটী জোতদারেরা আসেনি—খবর দিলেও তারা আসত না।

নগেনই প্রস্তাব করল।

—আজকের এই সভায় সভাপতি হলেন কালাপুখুরির সনাতন মণ্ডল। আপনাদের পরিচিত সোনাই সর্দার।

সনাতন হকচকিয়ে গেল। সে দু'হাত জোড় করে বললে—ডাক্তার ভাই, আমি—

রঞ্জন বললে—আমি এই প্রস্তাব সমর্থন করি।

আশ্রয়ের আশায় দু-চারবার এদিকে ওদিকে তাকাল সনাতন : কিন্তু আমি—

আর কিছু তাকে বলতে দেওয়া হল না। তাকে হাত ধরে বেষ্টিতে বসিয়ে দিলে নগেন। আনন্দিত কবতালির ধ্বনি উঠল চারদিকে।

: কিশাণ-সমিতিকী জয়—

: ইনকিলাব জিন্দাবাদ—

এক হাজার মানুষের গলা থেকে প্রতিশ্রুতি ছড়াল আকাশে। এক হাজার মানুষ। এক হাজার চণ্ডা বুক—দু হাজার লোহায় গড়া পেশী। দু হাজার চোখে উজ্জলন্ত প্রাণের অগ্নি।

নগেন বললে, ভাই সব, অনেক দূর দূর থেকে আপনারা সবাই এসেছেন। তাই আপনাদের সকলকে একটু তাড়াতাড়িই ছেড়ে দিতে হবে—নইলে রাত হয়ে যাবে কিরতে। দিন কাল খারাপ, মাঠে আজকাল খুব সাপের উৎপাত হচ্ছে। সেই জন্তে আমরা এখন সভার কাজ আরম্ভ করব। এখন আজকের সভার উদ্দেশ্য আপনাদের ভালো করে

বুঝিয়ে বলবেন আমাদের রঞ্জনদা।

রঞ্জন উঠে দাঁড়াল। কেমন বিব্রত লাগছে। বক্তৃতা দেবার অভ্যাস তার আছে, জেল থেকে বেরবার পর কিছুদিন তাকে এখানে ওখানে বক্তৃতা দিয়ে বেড়াতেও হয়েছে। কিন্তু সে বক্তৃতা পোশাকী, তার রূপ সাজানো-গোছানো, আলঙ্কারিক। সেখানে হৃক্তির সঙ্গে ইমোশনের মিশ্রণ, তব্বের সঙ্গে তিরিক ব্যঙ্গের বিস্তার, ভাষার অলঙ্করণে ধ্বনির কুহক-বিস্তার। কিন্তু এ তো তা নয়। হাজার মাহুকের চোখ তীক্ষ্ণ উজ্জ্বল প্রস্ন নিয়ে তার দিকে তাকিয়ে আছে। স্পষ্ট উত্তর চায় এরা—চায় জীবন-মরণ সমস্তার অকুণ্ঠ সমালোচনা। এখানে রাজনীতির ব্যসন নয়, কথার কারু-শিল্প নয়—যুগকালের ছিন্ন জটা থেকে ক্রোধরূপী পুরুষের আয়েয় আবির্ভাব ঘটেছে এদের মধ্যে : হয় পথ দেখাও, নইলে পথ থেকে সরে যাও। হয় আগে কদম ফেল, নইলে চিরদিনের মতো বরবাদ হয়ে যাও ভীকুর দল !

অনধিকারী। অনধিকারী বই কি। এদের মন আমাদের নয়—সে মন আয়ত্ত করে নিতে হচ্ছে। কিন্তু সে কি সহজ কাজ ? কত সংস্কার ! মানসিক আভিজাত্য—ব্যক্তি-স্বাতন্ত্র্যের অহমিকা পথ ভুড়ে দাঁড়িয়ে আছে পর্বত-প্রাকারের মতো ! শ্রেণীচ্যুতি ! এক নিশ্বাসে বলবার মতো সহজ কথা, কিন্তু প্রয়োগক্ষেত্রে ? বংশক্রমের অলঙ্ক্য শৃঙ্খল চিন্তাকে সরীসৃপ গ্রন্থিলতায় জড়িত রাখে, শৃঙ্খলিষ্ঠ সংস্কৃতির অহঙ্কার বিধার পরে বিধা আনে।
তবু—

তবু চেষ্টা করতেই হবে। যতটা পারি—যতখানি সম্ভব। চেষ্টায় ফাঁক না থাকে, ফাঁক না থাকে আন্তরিকতায়। আগামী দিনের ইতিহাসের কাছে আমাদের সপক্ষে এই তো দলিল।

রঞ্জন বললে, আপনারা সবাই জানেন, নদীর বন্যায় কালাপুথরি অঞ্চলের হাজার হাজার বিঘে ধানী জমি প্রতি বছর কি ভাবে বরবাদ হয়ে যায়। আর কি ভাবে জমিদারের কিছু জলকর বাঁচাবার জন্তে নষ্ট হয় হাজার লোকের মুখের গ্রাস। তাই, এবার বর্ষা নাম-বার আগেই বাঁধ দেওয়া হবে কালাপুথরির ডাঁড়ায়। কিন্তু তাতে জমিদারের বাধা। এই বাধা সয়ে এমন করে কিছুতেই আপনারা মরতে পারেন না। এবার রুখে দাঁড়াতে হবে আপনাদের—সকলে হাতে হাত মিলিয়ে বাঁধ বাঁধতে হবে। হয়ত জমিদারের লাঠিরাণাল আসবে—পুলিসও আসতে পারে। কিন্তু সেই জন্তে আপনারা পিছিয়ে যাবেন কি না সে বিচারের ভার আপনাদেরই ওপর।

—জান কবুল—উগ্র চিংকার উঠল একটা।

—হামার অ্যাক্টা কথা বলিবার আছে—একজন দাঁড়িয়ে উঠল।

—বসি যাও হে বসি যাও। তুমি আবার খামাখা ঝামেলা লাগাইলে ক্যানে হে ?—
করেকজন ভাড়া দিলে।

না. র. ওর্থ—২০

সভাটার ওপর একথানা হাত বাড়িয়ে দিলে রঞ্জন।

—না, না, চূপ করুন আপনারা। সকলের কথাই শুনতে হবে আপনাদের। বলুন কী বলবেন আপনি।

যে দাঁড়িয়েছিল, সে একজন মাঝবয়সী কৃষাণ। এক সময়ে অতিকায় একটা কাঠামো ছিল, হয়ত অমানুষিক শক্তিও ছিল গায়ে। কিন্তু অর্ধাহারে আর ঋণের বোঝায় পিঠ কুঁজো হয়ে গেছে, চাপা চওড়া কপালের তলায় চোখ দুটো গভীর গর্তের আড়ালে গিয়ে লুকিয়েছে। একটা শঙ্কিত অনিশ্চয় দৃষ্টি চারদিকে বুলিয়ে নিয়ে বললে, হামি কহিতেছিহু কালাপুথরিতে বামেলা হচ্ছে তো হচ্ছে। সেইটাকে লিয়া ওইখানকার মানসিলাই (মাছুষ-গুলোই) লড়িবে। হামরা ক্যানে ঝুটমুট ওইঠে যাই ফ্যাচাঙে পড়িমু ?

—ইটা একদম বাজে কথা হচ্ছে—একজন প্রতিবাদ করল তীব্র গলায়।

—না, বাজে কথা নয়—রঞ্জন আবার হাত বাড়িয়ে দিলে সভার দিকে : এরকম কথা আপনাদের সকলেরই মনে উঠতে পারে, আর তা ওঠাও উচিত। সত্যিই তো, অস্ত্রের জন্তে কেন আপনারা লড়তে যাবেন, কেন আপনারা পড়তে যাবেন জমিদারের কোপে ? বিশেষ করে যে কালাপুথরিতে আপনাদের কোনো স্বার্থই নেই ? ঠিক কথা। সোজা সূজি ভাবতে গেলে এমনি মনে হওয়া উচিত। কিন্তু ভাই সব, আজ দিন বদলে গেছে। আজ দুনিয়ার সব দুঃখী মানুষকে পাশাপাশি দাঁড়াতে হবে নিজেদের পাওনা-গণ্ডা বুঝে নেবার জন্তে। যতদিন আপনারা ফারাক হয়ে ছিলেন, ততদিন আপনাদের ক্ষেতের ফসল লুটে নিয়েছে জমিদার, ঘর-বাড়ি গরু-হাল নীলামে ভুলেছে মহাজন। আজ যে যেখানে আছেন যদি এককাট্টা হয়ে দাঁড়ান, তাহলে দেখবেন দুদিনেই সব জুলুমবাজি বন্ধ হয়ে গেছে। রামের স্বার্থ রাখবার জন্তে যদি রহিম দাঁড়ায়, আলীকে বাঁচাবার জন্তে যদি যদু ছুটে যায়—তাহলে সবাই বুঝতে পারবে তামাম মূল্যের ভুখা মানুষেরা আজ একদল। কেউ আর তাদের ঘাঁটাতে সাহস করবে না। আজ আপনারা যদি কালাপুথরিতে বাঁধ দেবার জন্তে এগিয়ে যান, তাহলে কাল জয়গড়ে আপনাদের ফসল বাঁচাবার জন্তে কালাপুথরির মানুষ-গুলোই ছুটে আসবে—এ কথা কেন আপনারা বুঝতে পারছেন না ?

: আলবত ! বুঝি হামরা।

: কালাপুথরির মানসিলার সাথ হামরা একদল।

: এককাট্টা হই হামাদের বাঁধ গড়িবা হেবে।

: কিষাণ-সমিতি জিন্দাবাদ !

রঞ্জন সভার দিকে তাকাল। হাজার মানুষ নয়—কোথ-সমুদ্র। তরঙ্গের পর তরঙ্গ তুলে আসছে। ভেঙে দেবে—ওড়িয়ে দেবে, ধসিয়ে দেবে বালির বনিয়াদে গড়া শিব-মহলেশ্বরের অগ্নিকে। সেই তরঙ্গের মুখে সে নিজেও টিকে থাকতে পারবে তো ? দাঁড়িয়ে

ধাকতে পারবে তো তার মানসিক পারিপাট্যের খুঁটিতে ? এই চেউয়ের মুখে সেও কি এগিয়ে যেতে পারবে, না নিশ্চিহ্ন হয়ে যাবে ক্রোধ-বস্ত্রার এই বিপুল উৎক্ষেপে ?

সংশয়-শঙ্কিত মন যেন স্তব্ধ হয়ে দাঁড়াল, আচমকা ধমকে দাঁড়াল হৃৎস্পন্দন । রক্ত-নাড়ীতে গুরুগুরু করে ঝোড়ো মেঘের ডাক । তারপর—তারপর ?

নগেন বললে, এতেই হবে রক্তনদা । এবার তুমি বল, বাকিটা আমি শেষ করছি ।

জরগড়ে নগেন ডাক্তারের ঘরে বসে ছিল তিনজন ।

বাইরে জ্যোৎস্না উঠেছে—গুপ্তা রাত । মহুয়া বনের পাতায় পাতায় রূপালী জরির মতো স্বকমক করছে জ্যোৎস্না । টাঙন নদীর জলটা সাদা হয়ে আছে একরাশ ছুঁধের মতো । একটা মোড়ার ওপর বসে সেদিকে তাকিয়ে অশ্রুমনস্ক হয়ে ছিল উত্তমা । রক্তনের বেশ লাগছিল শ্রামাদী স্বাস্থ্যবতী মেয়েটির এই তন্ময়তাটুকু । মাটি কোপায়, পোয়টার লেখে, মেয়েদের জড়ো করে আনে, পুষ্করের মতো উঁচু গলায় চৈচিয়ে হেসে ওঠে । মন্দা-ক্রান্তা ছন্দ নয়, ভূজঙ্গ-প্রয়াতের ললিত বিস্তার নয়—অচুর্নুপের মতো কঠিন ঝড়ুতা । তবু ছন্দ ছন্দই । তারও বেশ আছে, তারও ব্যঙ্গনা আছে, তারও কথায় কথায় হরিণীপুতার ঝঙ্কার বেজে ওঠে । এই মুহূর্তে আত্মমগ্ন উত্তমাকে দেখে এই সব কথাই রক্তনের মনে দোলা দিয়ে যাচ্ছিল, ঝলকে উঠছিল বাইরের ঝলক লাগা মহুয়া পাতার মতো । কিন্তু গুপ্তময় নগেন একটপ নশ্র টানল ।—মিটিংটা কিন্তু খুব ভালো হয়েছে রক্তনদা ।

—চমৎকার । এত ভালো হবে আশা করিনি ।

—তোমার কি মনে হয় ? ওই বাঁধটাকে নিয়েই একটা জোরদার লড়াই আমরা গড়ে তুলতে পারব ?—উৎসুক জিজ্ঞাসুভাবে নগেন রক্তনের দিকে তাকাল । চোখ দুটো চকচক করে উঠল তার ।

—তাই তো মনে হচ্ছে ।—আবার একটপ নশ্র নিয়ে বেশ শব্দ করে টানল নগেন ।

—জানো রক্তনদা, এই আমাদের প্রথম শক্তি-পরীক্ষা । এতদিন ধরে যে সব কথা আমরা ওদের বুঝিয়েছি, যে তাবে ওদের চালাতে চেয়েছি, তা কতটা সফল হবে, এরই ওপরে তার যাচাই । যদি লড়াই জিততে পারি—জেনে রেখো, 'এ তল্লাটে কাউকে আর দাঁত ফোটাতে হবে না । আর যদি হারি, তাতেও দমবার কিছু নেই । এক পা পিছু হটে গেলে পাল্টা দশ পা এগিয়ে যাবার জোর আমরা পাবই । কি বলিস উত্তমা ?

ঘোর-লাগা চোখ মেলে উত্তমা একবার ফিরে তাকাল । কথা বললে না, শুধু মাথা নেড়ে নিজের সমর্থনটা জানিয়ে দিলে । তার মন এখানে নয়—আরো কিছু সে ভাবছে, আবিষ্ট হয়ে গেছে মহুয়া বন আর টাঙন নদীর দিকে তাকিয়ে । অচুর্নুপের দ্রুত-দীপ্তির ওপর মন্দাক্রান্তার মেঘ নেমেছে কোথাও ।

রঞ্জন বললে, কিন্তু একটা খবর শুনেছ তো? পালনগরের শাহু কিন্তু মুসলিম লীগ গড়বার জন্তে উঠে পড়ে লেগেছেন। মুসলমানদের তিনি সরিয়ে নেবেন তোমাদের আন্দোলন থেকে।

—মুসলিম লীগ গড়তে চান গড়ুন। মুসলমানের স্বার্থের কথাও তিনি ভাবুন। কিন্তু সকলের স্বার্থ নিয়েই যেখানে লড়াই, সেখানে কতদিন তিনি মুসলমানকে আলাদা করে সরিয়ে রাখতে পারবেন? সাক্ষা ইমান যার আছে, আজ হোক, কাল হোক, ছুটে সে আসবেই। তার প্রমাণ আলিমুদ্দিন মাস্টার। সেদিন সভায় কী কাণ্ড হয়ে গেছে শোনোনি বুঝি?

—শুনেছি। আলিমুদ্দিন খাটি লোক—সত্যিকারের আত্মদ পাকিস্তানের কথাই তিনি ভেবেছেন। তাই সেদিনের সভায় তিনি শাহের দলকে বেশ মিঠেকড়া শুনিয়েছেন। তা নিয়ে খুব গুণগোলও চলছে। কিন্তু সেজন্তে তুমি এ কথা মনেও করো না যে তিনি তোমাদেরই দলে এগিয়ে আসবেন। তিনি সোশ্যালিজমে বিশ্বাস করবেন—এ আমার কখনো আশা হয় না।

—কী করে জানলে?—তর্ক করার উৎসাহে নগেন উদ্বীপ্ত হয়ে উঠল : দেশের মানুষকে যিনি ভালোবাসেন, তাদের মঙ্গল যিনি করতে চান, তিনি একদিন না একদিন আমাদের সঙ্গে এক লক্ষ্যে এসে মিলবেনই। হয়ত সেদিন আমাদের সকলের আগেই তাঁকে আমরা দেখতে পাব।

—বেশ তো, আশা করতে থাক—রঞ্জন টিপ্পন কটিল।

নগেন উত্তেজনার সঙ্গে কী বলতে যাচ্ছিল, এমন সময় বাইরে থেকে ভারি গলার ডাক এল : উত্তমা!

উত্তমা আর নগেন একই সঙ্গে চমকে উঠল। মোড়া ছেড়ে দাঁড়িয়ে উঠল উত্তমা।

—নগেন নেই বাড়িতে?—আবার ডাক শোনা গেল।

—আমার সেই জ্যাঠামশাই—সেই জোতদার।—কিস কিস করে বলেই নগেন সাড়া দিলে : আছি জ্যাঠামশাই, আহুন এ ঘরে।

একটা চটির শব্দ উঠে আসতে লাগল ঘরের দিকে। নগেন আবার চাপা গলায় বললে, সাংঘাতিক লোক। বুঝে-সুঝে কথা কয়ো রঞ্জনদা।

রঞ্জন হাসল—জবাব দিলে না। বুঝে-সুঝে কথা! আর যাই হোক, ও জিনিসটার জন্তে তার ভাবনা নেই। দিনের পর দিন কুমার ভৈরবনাথায়ণকে তার সঙ্গদান করতে হয়। পড়ে শোনাতে হয় গীতার নিকাম কর্মযোগ—বিশ্বরূপকে এনে প্রতিষ্ঠা করতে হয় কুমার বাহাদুরের দেশায় রঙ-লাগা চোখের সামনে; মৃঢ় বসিকতায় হাসবার চেষ্টা করতে হয়—হাসতেও হয় কখনো কখনো। আর কিছু না হোক, কথা বলবার আঁটটাকে অন্তত

তার জানা হয়েছে।

চটির শব্দ চৌকাঠের গোড়ায় এসে পৌঁছুল। জ্যোৎস্নায় পরিষ্কার দেখা গেল মাহুটিকে। মাথায় চকচকে টাক, গায়ে বেনিয়ান। হাতে একথানা মোটা ছড়ি। মুখে কাঁচাপাকা দাড়ি—আচমকা দেখলে শ্রদ্ধা উত্থেক করবার মতো প্রৌঢ়।

—আমুন জ্যাঠা, আমুন—নগেন ডাকল।

ভক্তলোক ঘরে পা দিলেন। লষ্ঠনের আলোয় অদ্ভুত দৃষ্টিতে তাকালেন রঞ্জনর দিকে। নগেন বললে, ইনি আমাদের রঞ্জনদা, রঞ্জন চট্টোপাধ্যায়। আর ইনি আমাদের জ্যাঠামশাই—মৃত্যুঞ্জয় সরকার। এঁর কথা তো তোমায় আগেই বলেছি।

নমস্কার বিনিময়ের ভক্ততাটা শেষ হল। উত্তমা দাড়িয়ে উঠেছিল, তার পরিত্যক্ত মোড়াটায় এসে আসন নিলেন মৃত্যুঞ্জয়। বেশ জাঁকিয়েই বসলেন।

কৈফিয়ৎ দেবার ভঙ্গিতে একবার মৃত্যুঞ্জয় নগেনের দিকে তাকালেন : এই পথ দিয়েই যাচ্ছিলাম, ভাবলাম তোদের একবার খবর করে যাই। তোর মা কোথায়?

জবাব দিলে উত্তমা : হরিসভায় গেছেন—কীর্তন শুনতে।

—আজ হরিসভায় কীর্তন আছে বুঝি? ওহো, মনে তো ছিল না।—মৃত্যুঞ্জয় যেন অমৃতপ্ত হয়ে উঠলেন : যা দিনকাল পড়েছে—কিছু কি আর খেয়াল থাকে! সংসারের চিন্তাতেই অস্থির—ধর্মকর্ম মাথায় উঠে গেছে। কী বলেন?—

শেষ কথাটা তিনি রঞ্জনর দিকে নিক্ষেপ করলেন।

—তা বটে—রঞ্জন মাথা নেড়ে সায় দিলে।

—আপনাকে কিন্তু আমি চিনি। হিজলবনের রাজবাড়িতে আপনি থাকেন, না?—মৃত্যুঞ্জয় অভিজ্ঞ দৃষ্টি ফেললেন।

মহুর্তের জন্তে রঞ্জনর মুখে অস্বস্তির ছায়া ছুলে গেল : আজ্ঞে হ্যাঁ। ঠিকই চিনেছেন।

—ও।—মৃত্যুঞ্জয় কিছুক্ষণ চুপ করে রইলেন, মনে মনে যেন মিলিয়ে নিতে চাইলেন কিছু একটার যোগফল : ভালো কথা নগেন, আজ বুঝি তোদের কিবাণ-সমিতির একটা সভা ছিল, না?

—আপনার অজ্ঞানতে এ অঞ্চলে কিছুই তো হওয়ার জো নেই জ্যাঠামশাই—নগেন স্মিত হাসি হাসল।

—ওহো, তাও তো বটে। বুড়ো বয়সে আজকাল সব কিছু ভুল হতে শুরু করেছে। তা কী হল সেই মিটিঙে?

—দেশের লোকের দাবি-দাওয়া নিয়ে আলোচনা—যা আমরা করে থাকি—নগেন জবাব দিলে।

—সেই কালাপুথরির ব্যাপারটা বুঝি?—মৃত্যুঞ্জয় আড়চোখে রঞ্জনকে লক্ষ্য করতে

লাগলেন।

হঠাৎ উত্তমা হেসে উঠল। এতক্ষণ ধরে যেন বাধা পড়েছিল একটা ব্যর্থতার জল—মুক্তির চপল আনন্দে ছুটে বেরিয়ে এল হঠাৎ।

—কিছু ভেবো না দাদা। সব খবরই রাখেন জ্যাঠামশাই—তোমার আমার চাইতে ভালোই রাখেন।

চাপ দাড়ির ভেতরে মৃত্যুঞ্জয়ের মুখ দেখা গেল না, চোখের দৃষ্টিতে ফুটল না বিন্দুমাত্র বৈলক্ষণ্য। খোঁচাটা তাঁকে এতটুকু স্পর্শ করেনি—এ সবেব অনেক উর্ধ্ব তাঁর আসন।

—খবর ঠিক রাখা নয়—এগুলো হাওয়াতেই ভেসে আসে কি না।—দাড়ির নেপথ্যে মৃত্যুঞ্জয়ের মুখ একটু প্রশান্তি হ'ল, খুব সম্ভব হাসলেন : তা ভালোই। ওদের দুঃখ অনেক দিনকার—মেটাতে পার তো একটা মস্ত বড় কাজই হবে। কিন্তু নগেন, কিছু মনে না কর তো একটা কথা বলি।

—বলুন না।

—যা করছ ভালোই করছ। কিন্তু দেখ, হিংসার পথ কোনোদিন নিয়ো না। ওতে কখনো কল্যাণ নেই। মহাত্মার পথ নাও, অহিংসা দিয়ে সংগ্রাম কর।

নগেন একটু হাসল : আপনি কোনো চিন্তা করবেন না জ্যাঠামশাই। অহিংসা পরম ধর্ম, তা আমরা জানি। আমাদের ব্যাপারটা নিছক নিরামিষ—ওতে কোনো রক্তারক্তির গন্ধ নেই।

উত্তমা আবার খিল খিল করে হেসে উঠল। ঘরের শান্ত আবহাওয়ার মধ্যে তার আকস্মিক হাসিটা যেন খিল খিল করে গেল একগোছা চাবুকের মতো।

—জানেন রজনীদা, জ্যাঠামশাই ভারি অহিংস। উনি শুধু মাছ-মাংস খান না তাই নয়, তুলেও কোনোদিন একটা ছারপোকা পৃথক্ মারেন না।

আশ্চর্য সংঘম মৃত্যুঞ্জয়ের। এ আবারও তাঁকে স্পর্শ করল না।

ধীর শান্ত গলায় বললেন, ইয়া, আমি অহিংসার সেবক। আপনারা ইয়ংম্যান রজনীবাবু, এখানে রক্তের জোব আছে। কিন্তু জানবেন, আত্মার শক্তিতে যা হয়, হাজার বাহুবলেও তা হয় না। আর তার সবচেয়ে বড় নজীর গান্ধীজী। সারা দুনিয়া সে কথা স্বীকার করে।

হাতের লাঠিটা হুড়িয়ে নিয়ে মৃত্যুঞ্জয় উঠে পড়লেন।

—চললেন ?—নগেন জানতে চাইল।

—ইয়া, উঠি। একবার হরিশক্তার দিকেই যাই। সারাদিন তো বিষয়ের চিন্তাতেই মন বিক্ষিপ্ত থাকে, ওখানে গিয়ে তবু একটু শান্তি পাব। চলি তাহলে রজনীবাবু, নমস্কার। আপনার সঙ্গে আলাপ হয়ে ভারি খুশী হলাম, আবার দেখা হবে।

মৃত্যুঞ্জয় বিদায় নিলেন। কিছুক্ষণ ধরে তিনজনেই কান পেতে শুনতে লাগল তাঁর বিলীয়মান চটির শব্দ।

—ধুব অমায়িক লোক!—রঞ্জনই স্তব্ধতা ভাঙল।

—হ্যাঁ, অত্যন্ত!—নিজের চৌচটা একবার কামড়াল নগেন।

—ওঁর ওপরে তোমাদের মিথ্যা সন্দেহ। অত্যন্ত নিরীহ মানুষ—গান্ধীভক্ত, বিনয়ে একেবারে লুটিয়ে আছেন—রঞ্জন আবার বললে।

—সাপও মাটিতে লুটিয়েই থাকে রঞ্জনদা, কেবল ছোবল দেবার সুবিধের জন্তে—আর গান্ধীজী? তাঁর রাজনীতি না জানি, মানুষটাকে তো জানি। জ্যাঠামশাইয়ের মতো এমন আরো কটি ভক্ত জুটলেই তাঁর হয়েছে!—উত্তমা আবার হাসল। কিন্তু উচ্ছল তীক্ষ্ণ কণ্ঠে নয়। ছোঁরার ধারের মতো একটা প্রখর হাসি বয়ে গেল তার চৌচটের কোণায়।

ঘোলো

মাথা নিচু করে জিব্রাইল এসে দাঁড়াল সামনে।

—কিছু বলবে? আলিমুদ্দিন চোখ তুললেন।

বেদনা-ভরা দৃষ্টিতে কিছুক্ষণ তাকিয়ে রইল জিব্রাইল। সন্কোচে আর সমবেদনায় গলা তার জড়িয়ে আসছে। এতদিন ধরে সে নিজেও জানত না এই বিদেশী বিচিত্র মানুষটাকে কখন সে এমন একান্ত করে ভালোবেসে ফেলেছে। চকিতের জন্তে জিব্রাইল অহুতব করল কোথায় নেমকহারামী হচ্ছে—ঘটেছে একটা গভীর বিশ্বাসঘাতকতা। চারদিকের উত্তম শত্রুর আঘাতের ভেতর এই অসহায় লোকটাকে এমনভাবে ফেলে যাওয়া—একে বেইমানি ছাড়া আর কী বলা চলে!

কিন্তু আর নয়। একটার পর একটা যা ঘটেছে, তার পরিণাম সহজ হবে না। ওয়াজের ফলে যে অবস্থা দাঁড়িয়েছে, তাতে অঙ্ককারে লোক লাগিয়ে যে কোনো মুহুর্তে শাহু ফারশার ঘায়ে মাথা নামিয়ে দিতে পারে মাস্টারের। শয়তানের রাজত্বেরে যখন বাস করতে হচ্ছে, তখন তাকে ক্যাপানো মানেই খাঁড়ার মুখে নিজের গর্দান বাড়িয়ে দেওয়া। ছা-পোবা জিব্রাইল সে বন্ধি কাঁধে বইতে রাজী নয়। তা ছাড়া এলাহী বন্ধের বিলী রোগওলা মেয়ে-টাকে ঘরে নিয়ে আসা—

মনঃস্থির করে ফেলল জিব্রাইল।

—আমাকে বিদায় দিতে হবে মাস্টার সাহেব।

মাস্টার কথা বললেন না। শুধু শাস্ত বিবল দৃষ্টিতে জিব্রাইলের দিকে চেয়ে রইলেন।

জিব্রাইল আরো অশক্তি বোধ করতে লাগল—ওই অকৃত চোখের দৃষ্টির নামনে সত্যি

কথা বলবার সংসাহস যুদ্ধে মুছে গেল তার মন থেকে ।

—কাল সকালে একবার দেশে যাব । বাচ্চা-কাচ্চাগুলোকে অনেকদিন দেখিনি ।

—যাবে—আলিমুদ্দিন হাসলেন : যাওয়াই তো উচিত ।

জিব্রাইল আবার মাথা নিচু করল । তার এই ছলনাটুকু যে মাস্টার ধরে ফেলেছেন—তা সে জানে । কিন্তু ইচ্ছে করেই তার দুর্বল জায়গাটাকে তিনি স্পর্শ করলেন না । আরও খারাপ লাগল । এর চাইতে মাস্টার যদি সোজাশুজি তাকে জেরা করতেন, যদি উত্তেজিত হয়ে উঠতেন, তাহলে তার নেমে যেত তার । লঘু হয়ে যেত অপরাধের বোঝা ।

জিব্রাইলের দুচোখে জল এসে গেল ।

অপ্রত্যাশিতভাবে উচ্ছ্বসিত গলায় জিব্রাইল বলে ফেলল—আমাকে মাপ করুন মাস্টার সাহেব !

আলিমুদ্দিন ব্যস্ত হয়ে তার দু হাত চেপে ধরলেন ।

—ছিঃ—ছিঃ—মাপ করবার কী আছে ! দেশে যেতে চাইছ, যাবে বই কি জিব্রাইল । যেদিন খুশি আবার ফিরে এস ।

জিব্রাইল আর দাঁড়াতে পারল না । দ্রুত চলে গেল সামনে থেকে ।

উঠে দাঁড়িয়েছিলেন মাস্টার, আবার রূপ করে বসে পড়লেন কাঠের জলচৌকিটার ওপর । যাবে বই কি—যেতেই হবে ওকে । শাহের কাছে ওর মাথা পৰ্ব্বস্ত বাঁধা । কিসের জন্তে তাঁর সঙ্গে ও এমন করে বাঁপ দিতে যাবে তুফানের মুখে ? না, জিব্রাইলের কোনো দোষ নেই ।

কিন্তু : মাস্টারের ললাটে জ্রুটি ফুটে উঠল । কেন হঠাৎ এলাহী বস্ত্রের মেয়ে রাজিয়াকে তিনি ধরে নিয়ে এলেন ? চিকিৎসা করবার জন্তে ? যে বিয়-ব্যাধি আজ সমস্ত বড় বড় ডাক্তারের ক্ষমতার বাইরে চলে গেছে, একটা হোমিওপ্যাথির বাক্স দিয়ে তার জন্তে কতখানি করা তাঁর পক্ষে সম্ভব ? কতটুকুই বা তিনি জানেন চিকিৎসা-বিদ্যা সম্পর্কে ?

না, এ তাঁর চ্যালেঞ্জ ! শাহের বিরুদ্ধে, অত্যাচারের বিরুদ্ধে, খোদাবক্স খন্দকারের বিরুদ্ধে ; ইসলামের নাম নিয়ে যারা শেষধর্মের অমর গৌরবকে কলঙ্কিত করছে, তাদের বিরুদ্ধে । বাঁচাতে তিনি পারবেন না, কিন্তু আল্লাহুতালার কাছে এই তাঁর সাফাই থাকবে যে মিথ্যাকে তিনি সহ করেননি, তাঁর কাজে কোথাও ঠাঁকি দেননি তিনি ।

একটা দীর্ঘশ্বাস কেলে মাস্টার উঠলেন । রুগীর অবস্থা একবার দেখা দরকার ।

এলাহী সকালে একবার খবর নিয়ে গিয়েছিল, এ বেলা আর আসেনি । আনবার সময় যুদ্ধ আপত্তি করেছিল, কিন্তু মাস্টার বুঝেছিলেন মনের দিক থেকে যেন একটা শক্তির নিখাল কেলেছে সে । ঘরে জী নেই, বউ মরবার পরে বুড়ো বয়েছে আর নিকা করে

নি। সংসারে বুড়ি শান্তুড়ী আর এই কল্প মেয়েটাকে নিয়ে চরম অশান্তিতে দিন কাটাচ্ছিল সে। দুজনকেই একসঙ্গে মাস্টারের ঘরে পাঠিয়ে দিয়ে এতদিনে যেন আশান্ত হয়েছে।

মশার গুঞ্জে ভরা অন্ধচ্ছ ধোঁয়াটে লক্ষ্য নেমেছে। একটা গুমোট গরম। ঝড়বৃষ্টি আসন্ন মনে হচ্ছে। বিলের পাশে নিম্পন্দ তালগাছগুলো থমথম করছে যেন। কবরের মতো কেমন দম-চাপা অন্ধকার—ভালো করে নিশ্বাস পর্যন্ত টানতে পারা যায় না।

আলিমুদ্দিন রাজিয়ার ঘরের সামনে এসে দাঁড়ালেন।

এলাহীর শান্তুড়ী তক্তাপোশের কোণায় মাথা রেখে ঝিমুচ্ছে। ময়লা লঠনের আলোয় নিখুম মেয়ে পড়ে আছে ঘরটা, একটা উত্তপ্ত গন্ধ উঠছে চারদিকের মেটে দেওয়াল থেকে। মশার গুনগুনানির সঙ্গে কোথাও বাঁশের ভেতর থেকে উঠছে কাঁচপোকাকার ঘুর ঘুর শব্দ। আর অসহ্য যন্ত্রণায় অল্প অল্প গোঁড়াচ্ছে রাজিয়া।

এর আগে ভালো করে রাজিয়ার মুখ দেখতে পাননি মাস্টার, এটবার দেখলেন। বিমর্ষ লঠনের আলোয় মুহুর্তে সর্বাঙ্গ তাঁর শিউরে উঠল।

বিষাক্ত ক্ষতে সেই বিকৃত ভয়ঙ্কর মুখ মাহুঘের নয়। যেন একটা গলিত মড়া দুটো অস্বাভাবিক জীবন্ত চোখ মেলে তাকিয়ে আছে।

নিজের অজ্ঞাতেই একটা অশ্রুত আর্তনাদ করলেন মাস্টার।

খাটের কোণায় ঝিমুতে ঝিমুতে চমকে জেগে উঠল বুড়িটা। বৃকের ওপর থেকে কাঁপা হাতে ময়লা চাদরটা টেনে নিয়ে রাজিয়া খাতুন মুখ ঢাকল।

সামলে নিয়ে বুড়ি বললে, কে, মাস্টার সাহেব?

—হ্যাঁ, আমি। ওষুধটা খাইয়েছ ওকে?

—না, খায়নি। জানলা দিয়ে ফেলে দিয়েছে—বুড়ি হঠাৎ ব্যাকুল হয়ে কঁদে উঠল : মিথ্যেই আপনি এত দয়া করছেন মাস্টার সাহেব, এত কষ্ট পাচ্ছেন ! ও বাঁচবে না।

বিকৃত ভয়ঙ্কর মুখখানার সেই আকস্মিক ছবিটা এখনো যেন মাস্টারের শরীরটাকে রোমাঞ্চিত করে তুলছে, যেন একটা শীতল থাবা দিয়ে আঁকড়ে ধরছে তাঁর হৃৎপিণ্ড। মনে হল, ও যেন রাজিয়া খাতুন নয়—যেন গুর মুখের দর্পণে সমস্ত সমাজের চেহারাটা দেখতে পেলেন তিনি। অমনি গলিত, অমনি বৌভৎস, অমনি বিবাক্ত।

কোনো কথা বললেন না মাস্টার। নিঃশব্দে এসেছিলেন, নিঃশব্দেই সরে গেলেন।

পরের দিন।

রাজিয়ার ঘরে আসবেন না, এমনি একটা ঠিক করেছিলেন মাস্টার। নিশ্চিত পরিণামের হাতেই রাজিয়াকে ছেড়ে দিয়ে বেদনাকর্ষ উদাসীনতার মধ্যে তলিয়ে গিয়েছিলেন তিনি। করবার নেই, কিছুই করবার নেই। এ তো শুধু শাহের পাপ নয়। তাঁর পাপ,

সমাজের পাপ—সকলের পাপ। এই পাপের অপরাধে শুধু দোয়া চেয়ে তিনি বলতে পারেন, অ্যাঁয় খোদা, অ্যাঁয় রহমান, মাফ কর আমাদের—আমাদের মুক্ত কর। গ্রানি মুছে যাক—অজ্ঞায় মুছে যাক—! তোমার নিজের রাজ্য পাকিস্তানে মাহুয মহং হোক, নির্মল হোক—ইনশা'নের গৌরবে ভরে উঠুক সারে জাহান।

রাজিয়ার ঘরে যাবেন না সংকল্প করেও রাখতে পারলেন না। ছপুর্বেলা মেয়েটার আর্ত তীব্র গোঙানি তাঁর কানে এল। দ্রুত পায়ে ছুটে গেলেন তিনি।

বুড়ি ঘরে নেই—কোথায় বেরিয়ে গেছে। আর বিছানার ওপর উঠে বসেছে রাজিয়া খাতুন। ক্ষতাক্ত বীভৎস মুখে জলন্ত দৃষ্টি—গলিত শবদেহের যেন ছটো আয়েয় চোখ।

—আমাকে ছেড়ে দাও—যেতে দাও আমাকে। তুমি আমার আকা—চিংকার করে প্রলাপ বকছে মেয়েটা।

—রাজিয়া!—আলিমুদ্দিন হু'পা এগিয়ে এলেন।

—বদমাস—গুণ্ডা—শয়তান। ছেড়ে দাও আমাকে—আলিমুদ্দিনের দিকে তাকিয়ে রাজিয়া আশ্রয় বর্ষণ করতে লাগল ছু চোখে : পালাও—পালাও—এখান থেকে—

—চুপচাপ শুয়ে পড় বেটি, কোনো ভয় নেই তোমার—সভয়ে মাস্টার বলতে গেলেন।

—ভয়?—রাজিয়া বিকৃত মুখে বিকটভাবে হেসে উঠল : কাকে ভয় করব আমি? ভয় করবার কী আছে আমার?—আচমকা হাসিটা তার বন্ধ হয়ে গেল। মাস্টারের মুখের ওপর খরদৃষ্টি ফেলে দিয়ে বললে : কে তুমি? আমাকে কোথায় এনেছ?

—বেটি!

—বেটি?—রাজিয়া আবার চিংকার করে উঠল : বেটি অমন সবাই বলে। শয়তান—ইবলিশের ঝাড়!—বলতে বলতে মাথার কাছের মেটে কুলুজি থেকে একটা চীনা মাটির পেয়লা তুলে নিলে রাজিয়া। সাবধান হবার আগেই সেটা সশব্দে এসে লাগল মাস্টারের কপালে, খান খান হয়ে পেয়লাটা ভেঙে পড়ল মাটিতে।

এমন সময় বুড়ি ঢুকল ঘরে। চুকেই চিংকার করে উঠল।

—এ কী মাস্টার সাহেব, কি হল? কপাল দিয়ে খুন পড়ছে যে!

হাতের তেলোয় কপালের রক্তটা মুছে নিয়ে মাস্টার হাসলেন।

—ও কিছু না। রাজিয়া একটু উত্তেজিত হয়ে পড়েছিল। তুমি ওকে ঘুম পাড়াতে চেষ্টা কর না দিয়ের মা।

কিন্তু রাজিয়াকে ঘুম পাড়াবার আগে বুড়ি নিজেই কখন ঘুমিয়ে পড়েছিল জানে না। মাকরাতে তার হাঁউঘাউ চিংকারে আলিমুদ্দিন ছুটে এলেন।

বিছানার রাজিয়া নেই।

তাকে পাওয়া গেল শেষরাতে। একটু দূরের একটা পোড়ো ভিটের ভাঙা পাতকুয়োর ভেতরে। টর্চের আলোয় দেখা গেল নিচের ভাঙা পাটের গায়ে একথানা পাণ্ডুর হাত উঠে আছে, আর আবর্জনা-ভরা সবুজ জলে ভাসছে একরাশ চুল।

বুক-ফাটা চিংকার করে উঠল এলাহী বক্স। অজ্ঞান হয়ে পড়ল নাদিরের মা। আলিমুদ্দিনের হাত থেকে টর্চটা স্থাপন করে পড়ে গেল জলের মধ্যে।

তবু এই ভালো। এতদিনে সব যন্ত্রণা ওর দূর হয়ে গেছে—অন্ধকার শীতল জলে ওর সমস্ত জ্বালা জুড়িয়ে গেছে।

সতেরো

বেগুন গাছের গোড়া খুঁড়ছিল উস্তমা। পায়ের শব্দ শুনে ফিরে তাকাল।

—আস্থন রঞ্জনদা।—লজ্জিত হয়ে উঠে দাঁড়াল। খুরপিটা ফেলে দিয়ে ঝাড়তে লাগল হাতের মাটি।

—ভাক্তার কই ?

—রুগী দেখতে গেছে, কলেরা কেস। বড় তাড়া ছিল। বলে গেছে, আপনি যেন কিছু মনে না করেন। যত শীগগির পারে ফিরে আসবে।

—বাঃ রে, মনে করব কেন ? রুগী দেখাই তো ভাক্তারের কাজ, কিন্তু—কলেরা ? এদিকে কলেরা শুরু হয়েছে নাকি ?

—শুরু মানে ?—উস্তমা হাসল : লেগেই তো থাকে। কম বেশি হয়, এই যা। তবে কয়েকশো এক সঙ্গে না মরলে তো খবরের কাগজে বেরোয় না। জানতেও পারে না শহরের লোকে।

—ওঃ !—শঙ্কিত বেদনার চূপ করে রইল রঞ্জন।

—এ নিয়ে আর ভেবে কী করবেন ? লোকের গা সওয়া হয়ে গেছে। তবে মুশকিল হয় কাতিক-অজ্ঞান মাসে, যখন পাট পচতে থাকে। রাতের পর রাত ঘুমোবার সুযোগ পাই না। গত বছর তো খেটে খেটে দাদারও কলেরা ধরে গেল। সে যা হান্ধামা ! আমাকে বাইরের কাজ নিয়ে থাকতে হয়, মা একা দাদাকে নিয়ে ঘরের সঙ্গে লড়াই করছেন। জ্যাঠামশাইদের খবর দেওয়া হয়েছিল—ভয়ে তাঁরা এ তজ্জাট মাড়ালেন না। বিশ্বাস তো নেই—গুলাবিবির দয়া বড় ছোঁয়াচে কি না !—উস্তমা ধামল, একসঙ্গে কতগুলো অনাবস্তক কথা বলে ফেলে থানিকটা লজ্জাও বোধ করল যেন।—যাক সে সব। চলুন, ঘরে গিয়ে বসবেন।

—ঘরে গিয়ে কী করব ? যা গরম। দিব্যি ঠাণ্ডা হাওয়া এখানে।

—কিন্তু এখানে বসবেন কোথায় ?

—এই তো চমৎকার জায়গা রয়েছে—একটা আমগাছের তলায় বসে পড়ল রজন।

—মাটিতেই বসলেন ?—স্বিন্থ হাসি হাসল উত্তমা : তা বহু ন। রাজবাড়ির লোক আপনারা, একটু খুলো-মাটির সঙ্গে পরিচয় থাকা ভালো।

—ঠাট্টা করছ ?

—ঠাট্টা করব কেন ?—উত্তমাও একটু দূরে মাটিতে আসন নিল। একটু কাত হয়ে একথানা হাতের ওপর ভর রাখল নিজের, তারপর প্রাণোজ্জ্বল দীপ্ত দৃষ্টি মেলে বললে, রাজবাড়ির লোক না হলেও খাটি মাটির কাছাকাছি তো আপনাদের বেশি আসতে হয় না।

—কিন্তু আমার ওপর কি একটু অবিচার হচ্ছে না ?—রজনের স্বর ক্লর।

—অবিচার ?—কথাটার প্রতিধ্বনি করল উত্তমা, কিন্তু তৎক্ষণাৎ কোনো জবাব দিল না। বাগানের বাইরে যেখানে টাঙন নদীর খাড়া পাড়ির ওপরে চলেছে মহুয়া গাছের সারি, আর তার আড়ালে টাঙনের জল চিকচিক করছে, তার ওপর দিয়ে একবার চোখ বুলিয়ে আনল উত্তমা। যেন গুছিয়ে নিলে চিন্তাটাকে।—দোষ দিচ্ছি না আপনাদের—একটা শুকনো আমের পাতা কুড়িয়ে নিলে উত্তমা। গুঁড়ো গুঁড়ো করতে লাগল আঙুলের ভগায় : একেবারে মাটি থেকে উঠে না এলে মাটিকে ভালো করে চেনা যায় না। রাগ করবেন না রজনদা, দোষ শুধু আপনাদের দিচ্ছি না। আমরাও তো গাঁয়ের লোক। তবু আমাদের জ্যোত-জমা আছে। অর্থাৎ ধানের শীষটাই আমরা নিতে জানি—যে লাঙল দেয়, তার খবরটাই কি পুরোপুরি রাখি ? আপনাদের অস্থবিধে আরো বেশি, খালার ওপর সাজানো ভাতটাই পান কি না একেবারে !

—তাই তো মাটিটাকে জানতে এসেছি।

—ওই চেঁচারই দাম আছে। সেও কম কথা নয়। কিছু মনে করবেন না, জানতে ঢের বেশি সময় লাগবে—চোখ বদলাতে হবে।

—সেটা যে পারব না, কি করে জানলে ?—উত্তেজনার স্বর এল রজনের গলায়।

—আপনারা নতুন মন নিয়ে এসেছেন—অগ্গমনক চোখটাকে নদীর ওপর মেলে রেখে উত্তমা বললে, আপনাদের খানিকটা ভরসা হয়। তবু পুরোপুরি বিশ্বাস করতে পারি না এখনো।

—কেন ?

উত্তমা সোজা হয়ে বসল। সরল উজ্জ্বল চোখের দৃষ্টি রজনের মুখের ওপর মেলে ধরল।

—একটা মজার গল্প মনে পড়ল। ঠিক গল্প নয়—শুনবেন ?

—হঠাৎ গল্প কেন আবার ?—বিস্ময়ে ক্র প্রসারিত করল রজন।

—তুনলেই বুঝতে পারবেন—অর্থ-গভীর যুগ হাসল উত্তমা : বছর দুই আগে এদিকটাতে খুব বান হয়েছিল, জানেন ?

—হ্যাঁ, কাগজে পড়েছিলাম ।

—খুব বান হয়েছিল । অনেকগুলো গ্রাম ভাসিয়ে নিয়েছিল । কলকাতা থেকে রিগিফের দল এসেছিল । আর সেই দলে ছিলেন অজয়দা ।

—কে অজয়দা ?

—আপনি চিনবেন না, না চিনলেও ক্ষতি নেই । এখন যা বলছিলাম শুুন ।—উত্তমা আর একটা শুকনো আমের পাতা কুড়িয়ে নিলে মাটি থেকে : বয়েসে আপনার মতোই হবেন । বেশ সুপুরুষ চেহারা—তুনেছিলাম ওকালতি করেন । কলকাতার বাইরে কখনো পা দেননি । এখানে এসে আমাদের বাড়িতেই উঠলেন । সে কী উৎসাহ ! দিন দুই চারদিক দেখে-তুনে বললেন, বাংলা দেশের জম্মই আমি কাজ করব—এ ছেড়ে আর নড়ব না ।

—সাধু সংকল্প—মাঝখানে মস্তব্য জুড়ে না দিয়ে থাকতে পারল না রজন ।

—তা বইকি !—উত্তমা হাসল : কিন্তু একটু পরেই টের পেতে আরম্ভ করলেন । মশার কামড়ে টুকটুকে ফরসা গায়ে লাল লাল দাগ পড়ে গেল ; লঠনের আলোর রাতে বারে বারে হোঁচট খান ; আমাদের এখানে যা খাবার জোটে তা আর গলা দিয়ে নামতে চায় না । তাও সইছিল, শেষ পর্যন্ত—উত্তমা হঠাৎ থেমে গেল ।

—পালালেন বুঝি ?

উত্তমা বললে, হ্যাঁ, পালালেন । কিন্তু খানিকটা দোষ আমারও ছিল ।—উত্তমা আবার একটু চুপ করল : একদিন বিকেলে আমরা দুজনে একটা ডোঙা নিয়ে জল দেখতে বেরিয়ে-ছিলাম । মাঝখানে একটা পাকের মধ্যে পড়ে ডোঙা ডুবে গেল, দুজনে সীতরে একটা টিলার ওপর উঠলাম । অজয়দার মুখ শুকিয়ে গেল ।

: এখন কী হবে ?

আমি বললাম, সন্ধ্যা হয়ে আসছে, চারদিকে প্রায় অন্ধ সমুদ্র । এখন যে কেউ উদ্ধার করবে সে ভরসা নেই । তবে জলে জোর টান পড়েছে, সকালের দিকে অনেকটাই নেমে যাবে—হয়ত কোমরভর দাঁড়াবে । তখন হেঁটে গিয়ে গাঁয়ে উঠতে পারব । নৌকোও পাব ।

: তা হলে সারারাত—অজয়দা আর কথা বলতে পারলেন না ।

আমি বললাম, এই টিলার ওপর স্বচ্ছন্দে ঘুম দেওয়া চলবে । সারাদিন খেটে আমাদের শরীর আর বইছে না । এমনিতে তো আর ছুটি মিলত না—বেশ কাউ পাওয়া গেল এটা । লক্ষ্য হয়ে শুয়ে পড়ুন ।

অজয়দা ঘাবড়ে গিয়ে বললেন, কিন্তু সাপ-টাপ—

—হয়ত দু-চারটে আছে।—আমি ভরসা দিলাম : কিন্তু ঘাবড়াবেন না, বান-ভাসি সাপ কাউকে কামড়ায় না।

অজয়দা বললেন, হঁ।—তারপর দীর্ঘশ্বাস ফেললেন একটা।

উত্তমা আবার থামল। বিকেলের আলোয় রঞ্জন স্পষ্ট দেখতে পেল আচমকা তার মূখ-থানা রাঙা হয়ে উঠেছে।

—কী আশ্চর্য জানেন—বিধাতরে উত্তমা আবার শুরু করল : একটু পরেই দেখি, অজয়দার মন থেকে ভয়-ভর মুছে গেছে। রাত একটু বেশি হতেই আমার কানের কাছে এসে এলোমেলো বকতে শুরু করলেন। দেখলাম, আমাকেই উনি তখন বাংলা দেশ বলে ভাবতে আরম্ভ করেছেন।

আমি বারকতক ধমক দিলাম, বললাম, ঘুমতে দিন। কিন্তু কী অদ্ভুত মানুষ দেখুন—কিছুতেই আর থামতে চান না। আমার অন্ত্রে নাকি গুঁর প্রাণটা হাবুডুবু খাচ্ছে। শেষ-কালে বিবর্ত হয়েই আমাকে বলতে হল, আর যদি কানের কাছে এভাবে বকর বকর করেন, তো ধাক্কা দিয়ে জলে ফেলে দেব। গায়ের জোরে তো আমার সঙ্গে পারবেন না—যত খুশি চান হাবুডুবু খাইয়ে ছাড়ব।

উত্তমা হঠাৎ উচ্চকণ্ঠে হেসে উঠল।—পরের দিনই সবে পড়লেন। দেশের ভালো আর করে উঠতে পারলেন না শেষ পর্যন্ত।

আর সেই হাসিতে শিউরে উঠল রঞ্জনও। মনে হল মাটি-কোপানো শক্ত হাতের একটা কঠিন চড় যেন আচমকা মুখের ওপর এসে পড়ল। যেন উত্তমা মনে করিয়ে দিলে—

পেছনে কাশির শব্দ। চমকে মুখ ফেরাল দুজনেই।

বিকেলের ধূসর ছায়ায় মৃত্যুঞ্জয় দাঁড়িয়ে আছেন। কখন নিঃশব্দে এসেছেন টেরও পায়নি তারা।

মৃত্যুঞ্জয়ের চোখ দুটো যেন একবার চকচক করে উঠল। যেন, যেমন একটা কিছু আশা করেছিলেন তাই পেয়েছেন, যেন কোথা থেকে শিকারের অভ্যস্ত ভ্রাণ এসে তাঁর নাসারন্ধ্রকে চকিত করে তুলেছে।

—তোর মা কোথায় ?

উত্তমা স্নিগ্ধ গলায় বললে—সে তো আপনি জানেন জ্যাঠা। মা রোজ বিকেলেই হরি-সভার কীর্তনে ঘান আঁজকাল।

—ও হ্যাঁ-হ্যাঁ। মনেই ছিল না।—মৃত্যুঞ্জয় অপ্রস্তুতের হাসি হাসলেন।

—আপনি আজকাল বড় বেশি ভুলতে শুরু করেছেন জ্যাঠামশাই—উত্তমা হাসল :

এ দোষ কিন্তু আগে আপনার ছিল না !

বিশ্ব আলোয় মৃত্যুঞ্জয়ের মুখ দেখা গেল না। তবু রক্তনের মনে হল, হঠাৎ যেন নিবে গেলেন ভদ্রলোক।

—বয়েস বাড়ে রে—বয়েস বাড়ে। ভুলচুকও হয়।—যেন কৈফিয়ৎ দিতে চাইলেন জ্যাঠামশাই।

—কিন্তু যাই বলুন—উত্তমা আবার স্নিগ্ধস্বরে বললে, লোকে কিন্তু ভবু আপনার শ্বশুরি খুব প্রশংসা করে। বলে, এত বয়েস হয়েছে, তবু সরকার কর্তার হিসেবের মাথাটি তারি পরিকার। আধিয়ারদের কর্জ দেওয়া খানে কখনো এক ছটাক পর্যন্ত গোলমাল হয় না।

মৃত্যুঞ্জয় জোর করে হাসতে চেষ্টা করলেন।

—তা বটে। আচ্ছা, আমি তবে চলি।

—যাবেন ? আহুন। কিছু মনে করবেন না জ্যাঠামশাই, কতক্ষণ পেছনে এসে দাঁড়িয়ে ছিলেন—দেখতে পাইনি, বসতেও বলতে পারিনি। চলুন না ঘরে গিয়ে বসবেন, চাও খাবেন এক পেয়লা—

—না মা, চা আমি খাব না। বরং হরিসভার দিকেই যাই—ঋতপায়ে চলে গেলেন মৃত্যুঞ্জয়।

উত্তমা খানিকক্ষণ তাকিয়ে রইল তাঁর যাওয়ার দিকে। তারপর মৃত্যুঞ্জয় দৃষ্টির বাইরে মিলিয়ে গেলে ব্যঙ্গভরা উচ্ছ্বসিত গলায় লহরে লহরে হেসে উঠল।

—এইবার চিনলেন তো জ্যাঠামশাইকে ? উনি বিলক্ষণ জানতেন মা কোথায় আছেন, তবু চোরের মতো গোয়েন্দাগিরি করবার লোভটুকু সামলাতে পারেন না !

—ভূমি কিন্তু ঠুঁকে চটিয়ে দিলে—এতক্ষণ পরে মৌনতা ভাঙল রক্তন।

—চটিয়ে দিলাম নাকি ?—হাসি খামল উত্তমার, গলা শক্ত হয়ে এল : তুষ্ট করে রাখলেও যখন ছোবল মারতে ছাড়বেন না, তখন খোঁচা দেবার সুযোগটাই বা নেব না কেন ? সে যাক—ওর অগ্নে ভাববেন না। এখন ঘরে চলুন রক্তনদা, সত্যিই অস্বস্তিকার হয়ে এসেছে।

বাগান থেকে বেরুল দুজনে। কিন্তু উত্তমার পাশে পাশে হাঁটতে আজ কেমন সঙ্কুচিত বোধ করতে লাগল রক্তন। নিজের মধ্যে কোথায় একটা অপরাধ সজাগ হয়ে উঠেছে—সচেতন হয়ে উঠেছে গোপন পাপ। কেন এমন করে তাকে অজয়দার গল্পটা শোনাল উত্তমা ? তার মধ্যে কি অজয়ের রূপ দেখেছে কোথাও—দেখেছে ফাহুদী শৃঙ্খতা ? নারী হলেই যে লীলাসঙ্গিনী হয় না, অত্যন্ত রূঢ় নির্মম ভাবায় তাই কি সেই সত্যটাকে সে মেলে খরল তার সামনে ?

মিতা নয়, সীতাও নয়। আর এক জাত—আর এক গোত্র।

সামনের পথটা দিয়ে একজন চাষার মেয়ে মাথায় এক আঁটি লাকড়ি নিয়ে চলেছিল।

উত্তমাই ডাকল তাকে—কে, সরলা নাকি ?

সরলা খেমে দাঁড়াল : লাকড়ি কুড়িয়ে ফিরলাম দিদি।

—তারপর তোমার ঘরের খবর কী ? নন্দ কী বলে ?

সরলা কোঁতুকভরে হেসে উঠল : সকাল থেকে জাম গাছে চড়ে বসে আছে।

—জাম গাছ ! সে কী ?

সরলা বললে, নামতে সাহস পাচ্ছে না।

উত্তমাই বললে, কী আশ্চর্য ! না—না, এ ঠিক হচ্ছে না। এ ভারি অম্ভায় সরলা।

সরলা বললে, অম্ভায় আবার কী ! অমন ভরপোক মরদ নিয়ে ঘর করা যায় না। থাক একটা রাত—মশার কামড় থাক, কালই ঠিক হয়ে যাবে। আচ্ছা, যাই দিদি—সরলা এগিয়ে গেল।

রঞ্জন আশ্চর্য হয়ে বললে, এর মানে ? নন্দ কে ? ওর স্বামী ?

—হঁ।

—তা গাছে উঠে বসে আছে কেন ?

উত্তমাই হাসল : কাঁটার ভয়ে। শুকনো লাকড়ির ভয়ও আছে।

—এ রকম বীরাকিনী তো বাংলা দেশে সহজে দেখা যায় না ! স্বামীকে একেবারে গাছে চড়ে আত্মরক্ষা করতে হয় ! ব্যাপারটা কী ?

—ব্যাপারটা বিশেষ কিছু নয়। ওর স্বামী কিছুতেই কিষাণ-সমিতিতে যোগ দিতে চায় না, ভয় পায়। তাই একটু পারিবারিক শাসনের ব্যবস্থা।

—স্বনাশ ! এ বৃষ্টি সব তোমার লাইন অফ অ্যাকশন ?—রঞ্জন সভয়ে উত্তমার দিকে তাকাল।

উত্তমাই এবারে শব্দ করে হাসল : তা বলতে পারেন। তবে বেচারাকে সারারাত গাছে বসিয়ে রাখতে হবে এমন কঠিন শাস্তির বরাদ্দ করিনি আমি। কিন্তু কি করা যাবে—উপায় নেই। পুরুষের সঙ্গে মেয়েদের তো ওইখানেই তফাৎ রঞ্জনদা। পুরুষেরা এক-সঙ্গে সব কিছু করে, কিন্তু কোনোটাই সম্পূর্ণ করতে পারে না। মেয়েরা যেটুকু ধরে—সে একেবারে মরণকামড় দিয়ে।

রঞ্জন বললে, যে ভাবে ভেতর থেকে তোমরা ভাঙতে শুরু করেছ, তাতে আর কাউকে পালাতে দেবে না দেখছি।

উত্তমাই কঠিন গলায় বললে, না। ভীকু পুরুষকে ভয়ের পাপ থেকে মুক্তি দেব আমরা। ওরা যখন সড়কি নিয়ে এগোবে, পেছনে আমাদের হাতে থাকবে ছুরি। যদি শত্রুর ভয়ে

পিছু ফিরে পালাতে চায়, আমরা ক্ষমা করব না।

আচমকা হোঁচট লাগল রক্তের পায়ের। পড়তে গিয়ে টাল সামলে নিলে।

উত্তমা হাত চেপে ধরলে : বজ্র অঙ্ককার—আমার সঙ্গে চলুন।

শক্ত, কঠিন হাত। মিতা নয়, নীতাও নয়। কমবেড।

একটা সাইকেলের আলো পড়ল গায়ের ওপর। নগেন ডাক্তার ফিরে এসেছে।

আঠারো

কোথায় শিকার, কোথায় কী! অ্যালবার্টের হালচাল ক্রমেই কেমন সন্দেহজনক মনে হচ্ছিল ক্যারর।

একদিক থেকে ভালোই যে হয়েছে—সন্দেহ নেই সে ব্যাপারে। গেমসবার্ডের সন্ধানে বেরিয়ে জমিদারের জলায় দুটো চারটে ফায়ার করলে শ্রদ্ধ কতদূরে যে গড়াতো বলা শক্ত। পেণ্টলুনপরা চেহারা আর সাদা বাপের ছেলে—এর অতিরিক্ত কতটুকু মর্দাদা তার আছে কুমার ভৈরবনারায়ণের কাছে। নিতান্তই সামনা-সামনি গেলে একথানা চেয়ার বসবার জন্তে এগিয়ে দেন—এই যা। কিন্তু হাড়িতে যে তার কতখানি চাল এ আরো ভালো করে কে জানে কুমার বাহাদুরের চাইতে?

অ্যালবার্টের বন্দুক দুটো যেমন তেমনি ঝুলোনোই আছে। না আছে তার হিমালয়ান রেঞ্জ সম্বন্ধে কোনো কৌতুহল, না আছে শিকার সম্বন্ধে বিন্দুমাত্র উৎসাহ! ক্যারর সাহেবের সন্দেহ হয় তার চাইতে বড় কিছু শিকারের সন্ধানে আছে অ্যালবার্ট।

কী সে শিকার? মার্শা নয় তো?

একটা প্রচণ্ড উত্তাপে ক্যারর সমস্ত মগজটা যেন টগবগ করে ফুটে উঠতে চায়। দেশের বৃকের ওপর চাবুক চালিয়ে একদিন রেশমের ব্যবসা করেছে পার্শিভ্যাল। সাহেবের সমস্ত প্রলোভনকে উপেক্ষা করে যারা তাঁতে রেশম বুনে প্রতিযোগিতা করতে চেয়েছে, রাজ্যে মশালচী পাঠিয়ে আশুন লাগিয়েছে তাদের ঘরে। খুন-খারাবিও দুটো-চারটে করতে হয়নি—নিঃসন্দেহে একথা বলবার মতো জোর নেই স্টাইল ক্যারর।

সে রক্ত তার মধ্যেও আছে। সেই অত্যাচারী, সেই আঘাত। দারিদ্র্য আর বংশ-পরিচয়ের লজ্জার আহত সাপের মতো সে ফণা লুটিয়ে আছে, কিন্তু দরকার মতো প্রাণ-বাত্তী ছোবল দেবার শক্তিও যে রাখে, তার পরিচয় অন্তত একবার সে দিয়েছেই। সেই চামড়ার মতো নীরেট অঙ্ককারের কালো রাজে—

স্বতির গলাটা জোর করে চেপে ধরল স্টাইল। কিছুদিন থেকে এই এক ব্যাধি দেখা দিয়েছে তার। যা প্রায় ফুলতে বসেছিল—থেকে থেকে হঠাৎ আলোড়ন লাগা জলের

তলা থেকে একরাশ ঘোলা কাঁদার মতো তা ওপরে উঠে আসতে চায়। বলা যায় না, এর শেষ কোথায়। শেষ পর্যন্ত একদিন হয়ত সে সোজা আদালতে গিয়ে দাঁড়াবে—বোবাধরা গলায় চিৎকার করে বলতে চাইবে, হুজুর, বারো বছর আগেকার এক মেঘে ঢাকা সন্ধ্যায়—

ক্যার অস্থির ভাবে উঠে বারান্দায় পায়চারি করতে লাগল।

আশ্চর্য! সে কেউ নয়—সে কোথাও নেই। এই পড়ন্ত বেলার বিষন্ন আলোয় বাইরে সে অনধিকারীর মতো ঘুরে বেড়াচ্ছে। আর ঘরের ভেতর আলো-না-জ্বালা ঘন ছায়ার সুযোগে অ্যালবার্ট অত্যন্ত কাছ ঘেঁষে বসেছে মাঝারি—গান শোনাচ্ছে তাকে। তবু পিন্নানো-টিয়ানো কিছুই নেই—এই যা রক্ষা।

জনসন, বীংক্রসবি—অজুত সব নাম! যেন মায়া-লোকের কতগুলো খুপকথা। তখনতে তখনতে সে বিরক্ত হয়ে উঠে এসেছে। গান তার খুব ভালো লাগে না, ভালোমন্দ বোঝবার ক্ষমতাও নেই। সাঁওতালী নাচ দেখেছে, তুনেছে সুমূরের সঙ্গে সঙ্গে মাদলের বাজনা, খুশী হয়েছে আন্ডের গভীর। দেখে, ‘এনকোর, এনকোর’ বলে উৎসাহ দিয়েছে ধামালী গানের নয় আদিরসে।

কিন্তু এ এক বিচিত্র জগতের খবর।

“Do you know the man, who came down from the moo—oo—o—”

আবেগভরা গভীর গলায় গান ধরেছে অ্যালবার্ট। মাথাও হর মিলিয়েছে তার সঙ্গে। দাঁড়িয়ে পড়ল আইদ, মনে হল মাঝারি গলা আশ্চর্যভাবে মিশ খেয়েছে অ্যালবার্টের গলায় সঙ্গে, নিখুঁত তান বাঁধা হয়ে গেছে সৰ মোটা ভায়ে। এই দুইয়ের মাঝখানে সে প্রক্ষিপ্ত; এদের ভেতরে তার গলা কোথাও মিলবে না, মেলাতে গেলে বেহুয়ো করে দেবে সব কিছুকে।

“The man from the moon—”

অ্যালবার্ট? হয়ত তাই। মাঝারি এই মাটির পৃথিবীতে যেন কোনো চন্দ্রলোকের লংবাদ। সেখানে অঙ্ককারের ছায়ার মতো ক্যার আন্তে আন্তে সরে যাচ্ছে না তো?

একটা অনিশ্চয় আশঙ্কায় নিজের হাত কামড়ে ধরতে ইচ্ছে করছে। কিছুই বলা যায় না, বলবার মতো যুক্তিসঙ্গত কারণও নেই কিছু। অতিথি—বন্ধু। কিন্তু এ কেমন অতিথি যে এসে এই সারাদিনের মধ্যেও নড়তে চাইছে না। দিনরাত অন্তের জ্বর সঙ্গে বকর বকর করে কথা কইছে। এই বা কোন্ দেশী বন্ধুদের নমুনা!

নাঃ, এবার অ্যালবার্টের ঘাওয়া উচিত। কাল একবার আভাসও দিয়েছিল।

—তোমার তো ছুটি ছুরিয়ে এল বার্ট?

মার্খা শিউরে উঠেছিল শুনে : তাই নাকি ? কী সর্বনাশ !

কিন্তু বাটি অভয় দিয়েছিল : না—না, আরো দিন সাতেক হাতে আছে । তা ছাড়া, রিয়্যালি এ জায়গাটা আমার খুব ভালো লাগছে । দরকার হলে দুটিটা আরো এক হপ্তা না হয় বাড়িয়ে নেওয়া যাবে ।

আনন্দে মার্খা হাততালি দিয়ে উঠেছিল : বাঃ, কী চমৎকার হবে তাহলে ! চমৎকার ! ক্যাকর ইচ্ছে হয়েছিল একসঙ্গে দু হাতে দুটো ঘুষি ছুঁড়ে দেয় অ্যালবার্ট আর মার্খার মুখের ওপর । কিন্তু তবু সে প্রাণপণে আনন্দের একটা করুণ হাসি ফুটিয়ে তুলেছিল ঠোঁটের আগায় : হ্যা, খুব চমৎকার হবে।—আরো এক সপ্তাহ ! ভাবতেও আমার আনন্দ হচ্ছে ।

আনন্দ হচ্ছে ! তাই বটে । আনন্দ হওয়ার কথাই । অ-দেখা গোলভার্স গ্রীনের বাতাস নিজের চারদিকে বয়ে এনেছে অ্যালবার্ট, স্বপ্নের দেশ ইংলণ্ডের স্পর্শ করে পড়ছে তার নিখাসে নিখাসে । কিন্তু—কিন্তু ! আরো এক সপ্তাহ ! আবার একটা খুন করতে হবে না কি নাইদ ক্যাককে ?

তবু শেষ চেষ্টা ।

—আর দু তিনদিনের মধ্যেই খুব বর্ষা নামবে এদিকে ।

অ্যালবার্ট কৌতূহলী হয়ে উঠেছিল : রিয়্যালি ?

—হ্যা, চারদিকে সমুদ্রের মতো জল দাঁড়াবে । এদিক ওদিক দেখতে পাওয়া যাবে না ।

—বাঃ—একসেলেন্ট ! সে তো দেখবার মতো জিনিস ।

ক্যাক নিজের ঠোঁট কামড়ে ধরেছিল ।

—তখন নৌকোর করে পাড়ি দিতে হবে । তাতে প্রায়ই অ্যাকসিডেন্ট হয়, মানে নৌকো ডুবে যায় ।

—ফাইন !—আনন্দে অ্যালবার্টের চোখ চকচক করে উঠেছিল : আমার সাতরাত্তে খুব ভালো লাগে । একবার আমি আধা-আধি চ্যানেল সাঁতরে গিয়েছিলাম ।

—চ্যানেল ? ইংলিশ চ্যানেল ? তার অর্ধেক সাঁতরে গিয়েছিলে ?—অস্কার বিশ্বাসে মার্খা চোখ বিস্ফারিত করেছিল ।

অসহায় ক্রোধে পকেটে হাত দিয়েছিল জু সাহেব । তার পরেই অ্যালবার্টের সামনে বিড়ি বার করলে পদমর্যাদা থাকবে না মনে করে, পকেটের ভেতরে গুঁড়ো গুঁড়ো করে ভেঙেছিল লেটাকে । ওটা বিড়ি না হয়ে মার্খার মাথাটা হলেই সে খুশী হত ।

শেষ চেষ্টায় নাইদ বলেছিল, তখন কিন্তু খুব সাপের উপজব ।

—সাপ ? রিয়্যালি ?—অ্যালবার্টের কৌতূহল যেন অনন্ত : I am very much interested in Bengal snakes—

এর পর বলা যেত মাত্র একটি কথা! বেরোও—বেরোও আমার বাড়ি থেকে। কিন্তু বলা কি অতাই সহজ এখন? নিজেই নিজের গর্ত খুঁড়ছে! লর্ড বংশের ছেলে। ব্রেটন ক্রকশায়ার। নর্থএম্পটর, অক্সফোর্ড। ক্যারুর কালো হাতের পাশে একখানা তুবার-শুভ্র হাত—সে হাতে হীরের আংটি। ক্যারু উঠে দাঁড়িয়েছিল। অস্তুত আর একটা চেষ্টা করা যাক। কিছুক্ষণের ভ্রম্ভে অস্তুত দূরে সরিয়ে নেওয়া যাক মার্খার কাছ থেকে।

—চল বার্ট, একটু বেড়িয়ে আসা যাক।

—ওঃ, গ্যাডলি—অ্যালবার্ট উঠে দাঁড়াতে যাচ্ছিল, কিন্তু মার্খাই বাধা দিয়ে বসল।

—না, বার্ট, তুমি আর একটু বস। যাও না স্মাইদ, তুমিই একটু ঘুরে এস বরং। দিনরাত ঘরে বসে থেকে তোমাকেই কেমন ক্লান্ত ক্লান্ত লাগছে। তোমারই একটু বেড়ানো দরকার।

বেড়ানো দরকার! দরদ কত! এতক্ষণ পরে আর সহ হয়নি জু সাহেবের। বারুদ-ঠালা হাউইয়ে যেন শেষ আঙনের ছোঁয়া লেগেছে—দুর্বিষহ ক্রোধে ছিটকে বেরিয়ে চলে এসেছে স্মাইদ।

বারান্দায় পায়চারি করতে করতে ক্যারু নিজের ডান হাতটা মুঠো করে ধরল।

দোষ তার নিজেরও আছে বই কি। তুলনা করে দেখলে মার্খার পাশে তাকে বিউটি অ্যাণ্ড দি বীস্ট ছাড়া কী বলা যায় আর? মিশনারী বাপের মেয়ে মার্খা, উচ্চশিক্ষিত, রেভারেণ্ড বিশ্বাস মেয়েকে পাস করিয়েছিলেন জুনিয়ার কেম্ব্রিজ পর্যন্ত। আর সে?

সে তবুও তো স্বামী! তবুও তো স্ত্রীর ওপর তার আইনগত অধিকার। এতদিন সেই অধিকারের দাবিতে নিশ্চয় হয়ে ছিল বলেই মার্খার কোনো কট্ট মন্তব্য, তার দারিজ্যের ওপর কটাক্ষ—কোনোটাই তার দুঃসহ বলে মনে হয়নি। অ্যালবার্ট আসবার পরেও মার্খা যদি তার সঙ্গে ঝগড়া করত, স্বাভাবসিদ্ধ প্রথর ভাষায় গালিগালাজ করত, তাহলে মনে হত সব ঠিক আছে। সব চলছে নিয়মমতোই—কোথাও কিছু ব্যতিক্রম হয়নি, ছন্দপতন ঘটেনি কোনোখানে। কিন্তু আজ—মার্খা আর ঝগড়া করে না। অভিযোগ করতেও ভুলে গেছে।

অবচেতনভাবে কী একটা যেন বুঝতে পারে ক্যারু। মনে হয় : এর চাইতে মার্খা যদি সুখর হয়ে উঠত, ঢের বাঞ্ছনীয় হত সেটা। অস্তুত জু সাহেব বুঝতে পারত তার সম্পর্কে লজাগ চেতনা আছে মার্খার মনে। আজ এই অভ্যস্ত নিয়মের ব্যতিক্রম ঘটেছে। ভক্ত হয়ে গেছে মার্খা—সংযত হয়ে উঠেছে—মার্খার রসনা যেন সদয় হয়ে উঠেছে তার ওপর। মন থেকে সরে যাচ্ছে বলেই কি ভূমিকা তৈরি করছে সৌজন্যের?

“On the silvery green—the man came down from the moon...”

সন্ধ্যা নামল। রাজির ছায়া পড়ল আচক্রবাল মাঠের ওপর—শুধু রক্তের একটুখানি

ফিকে রঙ লেগে রইল তিন-পাহাড়ের কৃষ্ণ-স্তম্ভতায়। একদল বকের পাখার কীণ ধ্বনি মিলিয়ে এল ভাল-দিগন্তের ওপারে।

ঘরে আলো জ্বলছে। গানটা ধামল এতক্ষণে। হাসির কলধ্বনি উঠল একটা। জুতোর শব্দ পাওয়া গেল—হয়ত ওরা বাইরে বেরিয়ে আসছে।

এই মুহূর্তে ওদের সঙ্গে মুখোমুখি হয়ে গেলে নিজেকে সংযত রাখা যাবে কি না সন্দেহ। কি বলতে কি যে বলে বসবে নিজেই জানে না। তার চাইতে নিজের আহত মনটা নিয়ে একটু সরে দাঁড়ানোই ভালো।

সামনের খোলা দরজা দিয়ে এদিকের অন্ধকার ঘরটায় এসে ঢুকল ক্যাক।

কতগুলো ভাঙা জিনিসপত্র, একটা ছেঁড়া ক্যাম্প-খাট। অন্ধকারের মধ্যে সেই ক্যাম্প-খাটটাতেই ঝপ করে বসে পড়ল স্মাইদ।

বাইরে অ্যালবার্টের গলার আওয়াজ।—স্মাইদ তো এতক্ষণ এইখানেই ছিল!

মার্খা জবাব দিলে, বোধ হয়।

—গেল কোথায় তাহলে?

—তাই তো?—মার্খা ডাকল—স্মাইদ—স্মাইদ!

জু সাহেব সাড়া দিল না। ঠিক ইচ্ছে করেও নয়—সাড়া দেবার কোনো প্রয়োজন আছে বলেই যেন মনে হল না তার। এও মৌজ্ঞ, অ্যালবার্টের সামনে স্বামীর সম্পর্কে একটুখানি ভদ্রতা বাঁচিয়ে রাখা মাত্র। কিন্তু সাড়া দিয়ে সে যদি সামনে গিয়েই দাঁড়াতে, তাহলেই কি সত্যি সত্যি খুশী হত ওয়া? না—হত না। স্মাইদ ক্যাক পষ্ট বুঝেছে—
the man from the moon আজ ঘুম ভাঙিয়েছে রাজকন্য়ার; কোনো ষোণ-দুর্গের মিনারে বল্লিনীর জানালা দিয়ে এনেছে মুক্তির সংবাদ। সেখানে একটা দৈত্যের মতোই সে অনভিপ্রেত, অনধিকারী।

মনে হল, মার্খা যেন এদিক ওদিক তাকিয়ে তাকে খুঁজে নিলে খানিকটা। তার পরে মস্তব্য করলে : কোথাও বেরিয়ে গেছে হয়ত। ও ওই রকম।

অ্যালবার্ট বললে—পুয়ের চ্যাপ।

—পুয়ের নয়, ইভিয়ট।—মার্খার মস্তব্য শোনা গেল আবার।

—ইভিয়ট? তা সত্যি।—বোঝা গেল, মার্খার সিদ্ধান্তের সঙ্গে তার সম্মতি আছে। তবু বন্ধুত্বের ঝগটা একেবারে অস্বীকার করতে পারল না অ্যালবার্ট : বাট হি ইজ এ গুড সোল।

অন্ধকারের মধ্যে ছু'হাতে হাঁটু দুটো চেপে ধরল জু সাহেব। কোথা থেকে দু-তিনটে আরশোলা পড়ল গায়ের ওপর, পায়ের গোড়ায় হুড়হুড়ি দিয়ে গেল খুব সম্ভব একটা নেংটি ইদুর। কিন্তু স্থির হয়ে বসে রইল সে। নিজেকে সম্পূর্ণ সজাগ করে—পরিপূর্ণভাবে

উৎকর্ষ হয়ে প্রতিটি কথা সে শুনে যেতে লাগল।

মার্থা বললে—এস, বস। যাক।

চেয়ার সরাবার শব্দ হল। ওরা বসেছে তাহলে।

—তুমি কবে হোমে যাচ্ছ ?—মার্থার প্রশ্ন।

—খুব সম্ভব আসছে মাসেই। ব্রুকশায়ার হল থেকে কাকার চিঠি পেয়েছি, কি একটা দরকারী কাজে ডেকে পাঠিয়েছেন।

—কাকা বুঝি তোমাকে খুব ভালবাসেন ?

—ওঃ, হি ইজ এ গ্র্যাণ্ড ওল্ড চ্যাপ। ভেরি জলী ম্যান। একবার চল না আমাদের ওখানে।

—আমি ?—মার্থার দীর্ঘশ্বাস শুনেতে পাওয়া গেল।

—কেন, আপত্তি কী ?

—মিথো ওসব বলে কেন কষ্ট দিচ্ছ বাটি ? জানোই তো আমার অবস্থা।

—এ ভাবি অত্যাচার !—অ্যালবার্টের গলায় অসুযোগের স্বর : এখানে তোমার এভাবে নিজে থেকে নষ্ট করার কোনো মানে হয় না।

—কী করব তবে ?

—You should see the other side of life also !

অ্যালবার্টের গলায় শয়তানের প্রলুব্ধিমন্ত্র বেজে উঠল। নির্জন বারান্দার নিভৃতিতে মার্থার সান্নিধ্য তাকে চঞ্চল করে তুলেছে।

পায়ের কাছে একটা নয়—গোটা তিনেক নেংটি ইঁদুর ঘুর ঘুর করছে। স্ন্যোগ পেয়ে একতল মশা চক্রাকারে ঘিরে ধরেছে তাকে। পাখর হয়ে বসে রইল জু সাহেব।

—কিন্তু কী আমার আছে ?—একটা কান্নাভরা আকুলতা বেজে উঠল মার্থার গলায় : এই জীবনই আমার ভালো। এইখানেই তিলে তিলে আমার মরতে হবে !

—ইমপসিবল ! কিছুতেই তা হতে পারে না।—অ্যালবার্টের কণ্ঠে পুরুষের প্রতিশ্রুতি।

—কী করে আমি যাব ? কী আমার যোগ্যতা ?

মার্থা কি কাদছে ? নাইদ ক্যাক ভাবতে চেষ্টা করল। মার্থা কখনো কি কাদতে পারে ? কেঁদেছে কি কোনোদিন ? ক্যাক মনেই করতে পারল না।

—আমার দিকে তাকাও মার্থা !—দ্বিধা বিধ্বস্ত অ্যালবার্টের : চোখ তোলো।

—না—না।

—তাকাও, ভালো করে তাকাও। তোমাকে দেখি।

—কী দেখবার আছে আমার ?

—তোমার চোখ। ব্ল্যাক আটজ। কালো চোখ দেখলে I feel so dreamy !
মনে হয় ওই চোখের মধ্যে আমি ডুবে যাচ্ছি।

—বার্টি, ব্রীজ—বোলো না অমন করে। আমি সইতে পারছি না।

—তুমি নিজেকে জানো না মার্থা। নিজের দিকে কখনো তাকিয়ে দেখনি। জানো না, তুমি কত সুন্দর।

—মিথ্যে। আমি কালো—আমি আগলি।

—কালো হলেই কি আগলি হয় ? তুমি বাংলা দেশের সবুজ মাটির সৌন্দর্য। আই লাভ বেঙ্গল। বাংলা দেশের মেয়েদের আমার ভালো লাগে। একটা আশ্চর্য ছন্দ আছে তাদের। মনে হয়, লিরিক কবিতা। সেই কবিতা আমি তোমার মধ্যেও দেখেছি।

—বার্টি, তুমি লর্ড বংশের ছেলে। কত তোমার সম্মান, কত তোমার মর্যাদা। সেখানে কে আমি ? বার্টি, ভগবানের দোহাই—তুমি আমার ওসব বোলো না।

—মার্থা !

—না।

—মার্থা, শোনো।

—না—না—মার্থা এবার সত্যিই কান্দছে।

সিমেণ্ট জমানো কংক্রিটের মতোই জমে গেছে ক্যাকর সমস্ত পেশীগুলো। শুষ্ক হয়ে গেছে বোধেন্দ্রিয়। এও ছিল মার্থার মধ্যে ! ছিল চোখের জল—ছিল স্বপ্ন—ছিল এমন দুর্বলতা ! কোনোদিন সে জগতের সন্ধান পায়নি জু সাহেব, কোনোদিন পা বাড়াবার সুযোগ পায়নি মার্থার অন্তর-রাজ্যের এই বিচিঞ্জলোকে। যদি বিশ বছর আগেকার গোন্ডার্স গ্রামের স্বপ্ন-মরীচিকা এমন করে তার ভেঙে না যেত, তাহলে—তাহলে কী যে ঘটতে পারত, কে বলতে পারে সে কথা !

—মার্থা, মাই লাভ—

—ও বার্টি—

—মাই ডার্লিং—

প্রেতের মতো যেন কবর ফুঁড়ে অভিশপ্ত ক্যাকর ওদের সম্মুখে এসে দাঁড়াল। অ্যালবার্টের বাহুবন্ধনে তখনো মার্থা নিবিড়ভাবে জড়িয়ে আছে, তখনো ওদের গুঁঠাধর আকুল চুখনে একসঙ্গে মিলিত।

নিঃশব্দে তিনজন দাঁড়িয়ে রইল কিছুক্ষণ—কিন্তু কি করতে পারত, কি করতে পারত জু সাহেব ? আক্রমণ নয়, গালাগালি নয়, বিখালঘাতক বন্ধু আর অবিশ্বাসিনী স্ত্রীর প্রতি একটা কষ্ট মন্তব্যও নয়। এ হবেই—এই অবধারিত—এ কথা তার চেয়ে কে আর বেশি ভালো করে জানে।

The man from the moon ! ছায়ার লঙ্কার আপনিই ছিটকে পড়ল মাইদ ক্যাক—যেমন করে একবার পড়ে গিয়েছিল একটা অব্যাহত ঘোড়ার পিঠ থেকে ।

কিছুই বলল না, একটা অব্যক্ত ধ্বনি পূৰ্ব্বে উচ্চারণ করল না । তারপর যেন কি একটা অত্যন্ত দরকারী কাজের কথা মনে পড়েছে, এমনি ভাবে অভিশয় ক্ষিপ্তগতিতে নেমে গেল বাইরের অন্ধকারে ।

বাড়ি ফিরল পরদিন বেলা নটায় ।

উদ্দাম রাত কাটিয়ে ফিরেছে ভিন গাঁয়ের একটা নষ্ট মেয়ের ঘরে । তাড়ি গিলেছে কয়েক ভাঁড় । তারপর নেশায় জড়ানো চোখে টলতে টলতে ঘরে এসেছে । পাঁচ-সাত বছর আগে মার্খার শাসনে এই অতৃপ্তহীতা মেয়েটার সংস্রব সে কাটিয়েছিল, আজ আবার নতুন করে ঝালিয়ে নিতে হল ।

জানত—এ হবেই সে জানত । বিম্বিত হল না, ব্যথাও পেল না । কালো মায়ের ঝালো ছেলে । পার্সিভ্যাল তাকে সব কিছু থেকে বঞ্চিত করেছে—সম্মান থেকে, মৰ্খাদা থেকে ; তারই লগোজ আর একজন সাদা-মাস্ক মার্খাকেও কেড়ে নিয়ে গেল ।

অভিযোগ কাউকে করতে হলে—নিজেকেই করতে হয় ; কারো গলা যদি টিপে ধরতেই হয়, তবে তা নিজেরই মায়ের—যার কালো রক্তের অভিশাপ নিজের সর্বাঙ্গে সে বয়ে এনেছে !

বেতের চেয়ারটার ওপর জুপ করে শুয়ে পড়ল ক্যাক । টেবিলের ওপর নীল কাগজে লেখা একটা চিঠি চাপা দেওয়া—মার্খা তাকেই লিখে রেখে গেছে । অভ্যাসবশে তুলে নিলে ক্যাক, তারপরই মনে হল—কি হবে পড়ে ? টুকরো টুকরো করে কাগজটাকে ছিঁড়ে জানালা গলিয়ে ছুঁড়ে দিলে বাইরে ।

উনিশ

ঝিমঝিম তালগাছগুলোর মাথার ওপরে কালো হয়ে এল ছাই রঙের আকাশ । কবরের সুরে মাটির ওপর শেখবার কোদালের উল্টো পিঠে ঘা দিয়ে মাস্কগুলো সরে এল পেছনে । ওপারে লম্বা নামবার আগেই ওখানে ঘনিয়ে রইল বুক-চাপা অন্ধকার । এখানে রাত আসবে, রাত শেষ হয়ে যাবে ; সূর্যমুখী আর চন্দ্রমল্লিকার মালা গাঁথবে দিনরাত্রি । অন্ধকার কবরের নীরব রাত জমাট হয়ে থাকবে ; নড়বে না, সরবে না, একটি জোনাকি চমকে উঠবে না—ভুগুড়ার গন্ধ দিনের পর দিন কটুবাদ হয়ে অপেক্ষা করবে—যতদিন না কোন উকা-করা নিশি-পাওয়া প্রহরে শেরালের লুকতা মাটি খুঁড়তে থাকবে পচা

মাংসের আকর্ষণে।

—মাস্টার সাহেব, যাবেন না ?—এলাহী বন্ধ কাছে এসে জিজ্ঞাসা করল।

—কোথায় ?—অন্তমনস্ক ভাবে জবাব দিলেন আলিমুদ্দিন। তাঁর দৃষ্টি তালবনের ভেতর দিয়ে ছড়িয়ে গেছে বিলের জলে। আশ্চর্য রং জলটার! কালোর সঙ্গে লালের শেষ প্রভাবিষ্ণু তুলছে—বেন চাপ বেঁধে আসছে একরাশ রক্ত; একমোড়া উড়ন্ত চখাচখীর পাখার শব্দ ক্রমশ দূরে সরে যেতে লাগল—মনে হল কোথাও একটা বিরাট স্থপতিগুহর স্পন্দন থেমে আসছে আন্তে আন্তে।

—কেন, ঘরে ?—এলাহী আশ্চর্য হল।

—থাক, আর একটু বসি।

—এই গোরস্থানে ?—এবার যেন বিব্রত বোধ করল এলাহী : রাত নামছে যে!

—নামুক। তোমরা যাও।

—একা বসে থাকবেন এখানে ?

—ভয় করবে ভাবছ ?—আবছা তিক্ত হাসি ফুটল মাস্টারের মুখে : মড়াকে আমার ভয় নেই।

সদল-বলে তবু দাঁড়িয়ে রইল এলাহী। কি করবে মনঃস্থির করে উঠতে পারছে না যেন।

মাস্টার এবার স্পষ্টই বিরক্ত হয়ে উঠলেন।

—বলছি তোমরা চলে যাও, তবু দাঁড়িয়ে আছ কেন সব ? আমি একটু একাই থাকব।

ওরা চলে গেল। ভালোই হয়েছে—বৈচেছে রাজিয়া। নিস্তার পেল আজীবন বিষের জালায় পুড়ে মরার হাত থেকে—বীভৎস বিকৃতাজ হয়ে টিকে রইল না লোকের স্মৃণা আর অল্পকম্পা কুড়িয়ে। প্রথমে আঘাতটা বড় লেগেছিল। কিন্তু এখন মনে হচ্ছে মরাটাই গর দরকার ছিল—নিজের দিক থেকে, এলাহীর দিক থেকেও।

তবু তুষের তাওয়ার মতো জলে যাচ্ছে বুকের ভেতর। এই মেয়েটার মৃত্যুর জন্তেই নয়। চোখে স্পষ্ট দেখতে পাচ্ছেন : শাহ্ বসে আছেন সারা সমাজটার একেবারে মাথার ওপরে, ইচ্ছে হলে যে কোনো লোককে ধরে তিনি বাইশ বাজারে পয়জারের ব্যবস্থা করতে পারেন; কথায় কথায় মাথা সাত হাত নাকখত-দেওয়াতে পারেন তাঁর কাছারীর সামনে; নালিশ দিয়ে প্রজা তুলতে পারেন, বে-দখল করতে পারেন লাঠির ঘায়ে। আর নিজের বিবাক্ত কামনার জালে—

তবু ক্ষতে শা পাঠান আজ দেশের নেতা। আজাদীর যে নতুন স্বপ্ন নিয়ে মাহুব গুলে দাঁড়িয়েছে লীগের ঝাণ্ডার তলায়, সেই তাবী পাকিস্তানের ওপরেও তিনি নিজের আদন

কায়ম করতে চান। গড়তে চান এমনি লাখে লাখে হাজিরার গোরস্থান। অসম্ভব—এ হতে দেওয়া যাবে না। সারা জীবন যুদ্ধ করেই এনেছেন মাস্টার—আজ আর আপোস করতে রাজী নন মিথ্যার সঙ্গে।

এর মধ্যেই অনেক খবর কানে এসেছে। সেদিনের সেই জমায়েতের পর কাণ্ড গড়িয়েছে অনেক দূর অবধি। তাই ভয়ে সরে পড়ল জিত্রাইল। ইমাম সাহেব চটে আগুন হয়ে গেছেন। উসকানি দিচ্ছেন জমাদার, শাহ্ তাঁকে এখান থেকে তাড়াবার জন্তে আঁটছেন ফন্দিফিকির। ইসমাইল বলে বেড়াচ্ছে লোকটা কাকের; মুখে লীগের বুলি আওড়ালে কি হয়, তলে তলে মাস্টারের সাঁট আছে হিন্দুদের সঙ্গে।

এ হবেই—জানতেন আলিমুদ্দিন। সত্যের জগৎ অনেকখানিই দাম দিতে হয়। দিয়েছেন হাজারকো শ্রম—দিয়েছেন আবু বকর, দিয়েছেন আরো অনেকেই। তা নয়। তাঁর দুঃখ হয় ইসমাইলের জন্ত। ধারাল তলোয়ারের মতো ছেলে; অফুরন্ত উৎসাহ—অক্লান্ত উত্তম—পাকিস্তানের জঙ্গী নওজোয়ান। আজ এই সব ছেলেরাও এদের ফাঁদে পা দিচ্ছে—বুকের রক্ত দিয়ে গড়ে দিচ্ছে শয়তানের মসনদ!

সন্ধ্যা ঘনাতো লাগল। গোরস্থানকে ঘিরে ঘিরে বাতাসের খর খর শব্দ উঠছে তাল-গাছের পাতায়। ভাড়া ভাড়া কবরগুলোর ওপর থেকে বাঁশের খুঁটি উঁকি দিচ্ছে বাপসা বিবর্ণতায়; পচা কাঁকনের টুকরোর মতো অস্বচ্ছ অন্ধকারে অস্বাভাবিক সাদা হয়ে আছে ইতস্তত করেকটি কবরটি এবং কয়েকখানা হাড়; হাওয়ার মুখে থেকে থেকে কেমন একটা চিমসে গন্ধের চমক।

একটু দূরে মাটি থেকে খানিক ওপরে একঝলক আগুন যেন ঝলমল করে উঠল। মনুষ্যের জগৎ রোমাঞ্চিত হয়ে উঠলেন আলিমুদ্দিন, পরক্ষণেই দেখতে পেলেন ধূসর ছায়া দিয়ে গড়া একটা দেহরেখা। শেয়াল—হাই ভুলল। আলিমুদ্দিন আরো দেখলেন চকচকে নতুন টাকার মতো তার দুই চোখে লোলুপ সবুজ আলো, একদৃষ্টিতে তাঁকেই পর্যবেক্ষণ করছে।

নতুন কবর খোঁড়া হচ্ছে—লক্ষ্য করেছিল নিশ্চয়ই। তাই সন্ধ্যার ছায়া নামতেই এসে হাজির হয়েছে খাত্তের সন্ধান। কিন্তু তাঁকে দেখে থমকে গেছে। তিনি সত্যিই লোকালয়ের শরীরী জীব, না এই কবরখানায় সারারাত যে অশরীরীরা ছায়া হয়ে ঘুরে ঘুরে বেড়ায়—তাদেরই কেউ, এইটেই যেন বুঝে নিতে চাইছে ভালো করে।

—শালা বদমাস—একটা অর্থহীন ক্রোধে মন ভরে উঠল আলিমুদ্দিনের। মাটি থেকে একটা ঢেলা কুড়িয়ে নিয়ে ছুড়ে দিলেন শেয়ালটাকে লক্ষ্য করে। ক্ষতগতিতে সেটা একটা কোঁপের ভেতর অদৃশ্য হয়ে গেল।

আলিমুদ্দিন বিড়ি ধরালেন।

না—এমন নিষ্ক্রিয় হয়ে থাকলে চলবে না। করতেই হবে একটা কিছু। ফাঁকি বনিয়াদের ওপর কোনো সত্যই গড়ে উঠবে না। চোরাবালির ওপর দাঁড় করাতে গেলে সব কিছু ধ্বংসে পড়বেই একদিন—কেউ রক্ষা করতে পারবে না তাকে।

কাজ—অনেক কাজ। আগে যাচাই করে নিতে হবে আজাদীর অর্থ—জেনে নিতে হবে কাদের জন্তে সে আজাদী। ঘন-শ্রামল দিগদিগন্তের ওপর ওই যে নদীর রূপোলি রেখায় জাঁকা চন্দ্রচিহ্ন—জেনে নিতে হবে এই মাটিতে সত্যিকারের স্বাধীন মানুষ হয়ে ঘুরে বেড়াবে কারা।

আর তা যতক্ষণ না যায়, ততক্ষণ ধাওয়াদের মুখের গ্রাস ছিনিয়ে নেবে শাহের পাইকের দল; ভিটের মাটি কামড়ে পড়ে মৃত্যুর গ্রহর গুনবে মানুষ; পারার ব্যয়ের বিবাক্ত যন্ত্রণায় জলে যাবে এলাহী বজ্রের বেটিরা। আর তাদের কবরের ওপর ঘিরে ঘিরে নামবে এমনি কটুগন্ধী রাত্রি—পচা মাংসের সন্ধানে ঘুরতে থাকবে শের্যালের জলন্ত চোখ!

ভূতুড়ে তালগাছগুলোর শুকনো পাতায় পাতায় অপমৃত্যুর খড়্গধ্বনি বেজে উঠল। হঠাৎ-খসা একটা উচ্চার অগ্নিরেখা শিউরে গেল বিলের কালো জলের ওপর দিয়ে।

—আদাব মাস্টার সাহেব!

হোসেন। কালু বাড়িয়ার সেই হুবিনীত ছেলেটা।

—এ সময়ে কি মনে করে ?—এই সাত-সকালেই হোসেনকে দেখে কিছু বিশ্বয়-বোধ করলেন মাস্টার।

—সেদিনকার জমায়েতে আপনার কথাগুলো শুনেছি মাস্টার সাহেব। খুব দামী কথা। কিন্তু গুলো না বললেই ভালো করতেন।

একটা মোড়া টেনে নিয়ে বসে পড়ল হোসেন।

আলিমুদ্দিনের ঠোট শক্ত হয়ে উঠল।—যা হক, তাই বলেছি।

—কিন্তু হক কথা শাহু তো শুনেচে চায় না। ইমাম সাহেব না, খানার জমাদার বদরুদ্দিন মিঞাও না, এস্তাজ আলী ব্যাপারীও না।

—তা জানি।—আলিমুদ্দিন স্থিরদৃষ্টিতে তাকালেন হোসেনের দিকে : কিন্তু তোমরা ?

—আমরা ?—হোসেনের চোখ উজ্জ্বল হয়ে উঠল : সেইজন্তেই তো আপনাকে সালাম করতে এলাম মাস্টার সাহেব।

হঠাৎ পিঠ সোজা করে উঠে বসলেন মাস্টার। অবস্থির শূন্যতায় বিশ্বাসের ভাঙা মিলেছে একটা। পায়ের নিচে খুঁজে পাচ্ছেন দাঁড়ানোর মতো একটা শক্ত ভিত্তি। আছে—আছে। নতুন ছনিয়া, নতুন আজাদীর রাস্তার এগিয়ে চলবার সঙ্গী তাহলে এসে দাঁড়িয়েছে তাঁর পাশে।

—তোমরা আমার সঙ্গে আছ হোসেন ?

—আছি মাস্টার সাহেব ।—হোসেন হাসল । চকচকে সাদা দাঁত ।

আলিমুদ্দিন দেখলেন, কবাক্টের মতো চওড়া বুক—কাঁথের ওপর থেকে ছু বাহ বেয়ে নেমেছে পেশীর কঠিন তরঙ্গ । ইয়া—ঠিক আছে । লোহার মতো শক্ত সোজা মেরুদণ্ড ।
—হুয়ে পড়বে না—ভেঙে যাবে না ।

হোসেন বললে, লীগ আমরা চাই, তার আগে বোঝাপড়াও চাই । ছশমনকে চিনে নিয়ে তবে আমাদের কাজ । মাস্টার সাহেব যখনই ডাকবেন, আমরা হাজির থাকব ।

কি বলবেন ভেবে পেলেন না মাস্টার । বুকের মধ্যে চেঁউ উঠছে যেন । পাকিস্তান । আজাদী । ফতে শা পাঠানের নয়—সারা দেশের ক্ষুধার্ত মানুষের । যাদের জিনিস, তারাই আজ হাত তুলে দাবি জানাতে এসেছে, আর তাঁর ভাবনা নেই ।

হোসেন আন্তে আন্তে বললে—কিন্তু একটা কথা বলব সাহেব !

—কি কথা ?

—শাহু আপনাকে সহজে ছাড়বে না ।

আলিমুদ্দিন হাসলেন : কী করবে ?

—কিছুই বলা যায় না—সাক্ষাৎ ইবলিস লোকটা ।

আলিমুদ্দিন আবার হাসলেন : ইংরেজ সরকারকে ভয় করিনি—আজ শাহুকেও করব না । সে যাক, একটা কাজ করবে হোসেন ?

—বলুন ।

—যাওয়ার পথে পার তো একবার জলিল আর বসির খাওয়াকে খবর দিয়ে । বলবে, বিকেলে যেন একবার আমার কাছে আসে ।

—কিন্তু আমাদের কি কাজ, সে তো বললেন না মাস্টার সাহেব ?

—সময় হলে ডেকে পাঠাব ।

হোসেন দাঁড়িয়ে উঠল : তাই হবে । কিন্তু একটা কথা বলি মাস্টার সাহেব । আপনি যদি আমাদের হয়ে দাঁড়ান, তবে আপনার গায়েও কাউকে হাত ছোঁয়াতে দেব না ।—খুব আন্তে আন্তে বললে কথাটা । কিন্তু এর চাইতে বেশী জোরে বলবার দরকার নেই । জ্ঞাত বা দিয়ার ছেলে—গায়ে পাঠানের রক্ত । ওরা যখন টালের মধ্যে ডাকাতি করতে যায়, আর গরুর গাড়ির সোয়ারীকে টুকরো করে কাটে হাঁহুয়া দিয়ে—তখনো নিঃশেষে কাজ করাই ওদের অভ্যাস ।

হোসেন চলে গেল । আলবোলাটা সরিয়ে দিয়ে আলিমুদ্দিন চেয়ে রইলেন জালালী পায়চারি চক্র-দ্বি-ওড়া পাল বুকজের দিকে । সোনার রঙ ধরেছে ধানের মাঠে । কিন্তু ওই ধানের ওপর নাহছে শাহেব একটা শক্ত ক্ষুধার্ত মুঠি—কেড়ে নেবে, ছিনিয়ে খাবে যুথের

গ্রাস। ওই ধান ঘারা রয়েছে, ও ধান তাদের নয়। তাদের জন্তে গোরস্থান—শেরালে খোঁড়া গর্তের ভিতর থেকে পচা গন্ধ ছাড়ছে বাঁশের খুঁটি বেরিয়ে আছে যেখানে, যেখানে তালগাছের শুকনো পাতার পাতার খড়গধ্বনি।

তবু হোসেন—হোসেন আছে। আরো আছে—আরো আসবে। ধানের মাঠ ছাড়িয়ে আরো দূরে তাকাতে চাইলেন আলিমুদ্দিন—দৃষ্টিকে তীক্ষ্ণতর করে মেলে দিতে চাইলেন আরো দূরের কোনো দিগন্তের দিকে। যেন দেখতে চাইলেন বহুদূর থেকে কারা এগিয়ে আসছে—তাদের মুখ সূর্যের দিকে, তাদের দীর্ঘ ছায়াগুলো পেছনে লুটকে পড়ে আছে।

কিন্তু ঘটনাটা শেষ পর্যন্ত ঘটল দুপুরের পর।

শাহের ডাক পেয়ে আলিমুদ্দিন যখন মজলিসে গিয়ে পৌঁছলেন, তখন থম থম করছে ঘরটা। সমস্ত আবহাওয়া যেন বিক্ষোভ দিয়ে তৈরি, ফেটে পড়তে পারে যে কোনো মুহূর্তেই। শাহ তাঁর বিছের লেজের মতো গৌফটাকে টেনে ধরলেন দু হাতে। তারপর বললেন, বহ্নন মাস্টার সাহেব।

আলিমুদ্দিন চোঁকিতে বসলেন। ইমাম সাহেব মুখ কিরিয়ে নিলেন, জমাদার বদরুদ্দিন হঠাৎ অত্যন্ত মগ্ন হয়ে গেলেন একখণ্ড ‘মাসিক মোহাম্মদী’র পাতায়। আর ইসমাইলের চোঁট দুটো বার কয়েক নড়ে উঠল, যেন কি একটা বলতে গিয়ে অতি কষ্টে সামলে নিলে নিজে।

একবার গলার্থীকারি দিলেন শাহ।—বল ইসমাইল—

ইসমাইল মাথা তুলতেই আলিমুদ্দিনের সঙ্গে তার দৃষ্টি মিলল। মাস্টারের নীরব চোখে ইসমাইল কি আবিষ্কার করল সে-ই জানে, মিনিট খানেক পরেই সে শাহের দিকে চোখ ঘুরিয়ে নিলে।—না চাচা, আপনি বলুন। আপনি বললেই ভালো হয়।

শাহ আবার কিছুক্ষণ পাকিয়ে নিলেন গৌফট।—যেন প্রস্তুত হয়ে নিলেন অবস্থাটার মুখোমুখি হওয়ার জন্তে। তারপর বললেন—আপনাকে মাপ চাইতে হবে মাস্টার সাহেব।

—কার কাছে?—শাস্ত্রবশে জিজ্ঞাসা করেন মাস্টার, শাস্ত্রভাবে হাসলেন।

কেমন থতমত খেয়ে গেলেন কতে শ।—মানে, কথাটা হচ্ছে এই—নিরুপায়ভাবে ইসমাইলকে একটা খোঁচা দিলেন শাহ : আরে, বলেই দাঁও না।

এতক্ষণে ইসমাইল যেন জোর পেয়েছে। ফিকে হয়ে এসেছে অস্বস্তিটা। ইসমাইল বললে—শাহের কাছে, ইমাম সাহেবের কাছে।

—কেন?—তেমনি শাস্ত্র জিজ্ঞাসা মাস্টারের।

—কথাটা এত তাড়াতাড়ি ভুলে গেলে তো চলবে না—নির্ভীক হয়ে ওঠা ইসমাইলের গলায় এবার তীক্ষ্ণ ব্যক্তির আভাস ফুটে বেরল : তিনদিন আগেই যা করেছেন, সে কি

এও শীগগির তুলে যাওয়ার জিনিস ?

—তিনদিন আগে এমন কিছু করেছি বলে তো মনে হচ্ছে না, যে জন্তে আমার কমা চাইতে হবে !

বদরুদ্দিন অস্থমক করলেন, এইবারে তাঁর কিছু বলা উচিত । আসামীর সামনে উকিল ছুঁল হয়ে পড়েছে, হুতরাং পুলিশের হস্তক্ষেপ দরকার ।

বদরুদ্দিন বললেন, আপনি সেদিন জমায়েতের মধ্যে এঁদের অপমান করেছেন ।

কপালের ছুঁপাশ দিয়ে শুধু হুটো শিরা ফুলে-গুঠা ছাড়া আর কোনো ভাবান্তর ঘটল না মাস্টারের । নিরুপস্থাপ স্বরে বললেন—না, মিথ্যে কথা ।

—মিথ্যে কথা !—শাহু প্রায় ফরাস ছেড়ে লাফিয়ে উঠলেন । ইমাম সাহেব ঘুরে বসলেন বিদ্ব্যৎবেগে ।

—হ্যাঁ, মিথ্যে কথা । আমি কাউকেই অপমান করিনি ।

ইসমাইলের চোখ ঝকঝক করে উঠল ছুরির ডগার মতো ।—ভালোমাহুবি করারও একটা সীমা আছে মাস্টার সাহেব । সেদিন ছু হাজার লোকের সামনে আপনি কেমন করে এঁদের অপদম্ব করেছেন, তাঁর সাক্ষীর অভাব হবে না ।

—অপদম্ব করেছি মানতে পারি, কিন্তু অপমান করিনি । যা সত্যি, তাই বলেছি ।

—নিজেকে চারদিকে একটা পাথরের দেওয়াল তুলে দেওয়ার মতো কঠিন স্পষ্ট ভাবায় কথাগুলো উচ্চারণ করলেন মাস্টার ।

—মুখ সামলে কথা কইবে তুমি—হঠাৎ উত্তেজিত হয়ে উঠে দাঁড়ালেন প্রাচীন ইমাম সাহেব । অসহ্য ক্রোধে সমস্ত মুখ তাঁর কালো হয়ে গেছে—যেন এখনি ঝাঁপ দিয়ে পড়বেন মাস্টারের ঘাড়ের ওপর ।

বদরুদ্দিন ধানার লোক—প্রাজ্ঞ ব্যক্তি । চট করে মাথা গরম করা তাঁর অভ্যাস নয় । ইমাম সাহেবের একথানা হাত তিনি চেপে ধরলেন ।

—মিথ্যো বাগ করবেন না মৌলবী সাহেব । সবাই যখন আছি, ব্যবস্থা একটা হবেই ।

—হ্যাঁ, ব্যবস্থা একটা হবেই—ক্রোধে ঘন ঘন শ্বাস পড়তে লাগল শাহের : মাস্টারকে মাপ চাইতেই হবে ।

ইসমাইল হুটো হাত মুঠো করে ধরল : শুধু মাপ চাইলেই চলবে না । জমায়েৎ জেকে সকলের সামনে কন্বয় স্বীকার করতে হবে তাঁকে । যে অন্তর্য তিনি করেছেন, তাতে শুধু আবারেই ইচ্ছা নষ্ট হয়নি, লীগের কাজেরও ক্ষতি হয়েছে !

আলিগুদ্দিন আসন ছেড়ে উঠে পড়লেন ।—এসব বাজে কথা আর কোনো মানে হয় না ! যে অন্তর্য আমি করিনি, তাঁর জন্তে মাপ চাওয়ার শিকার আমি পাইনি । আচ্ছা, আমি জবাব দিচ্ছি শাহু—আমাবাব !

এতক্ষণ পরে বাজের মতো কেটে পড়লেন শাহু। এতক্ষণের সজ্জিত বিক্ষোভক বিদীর্ণ হয়ে পড়ল এইবার।—মাস্টার, তুমি—

—আমাকে ‘আপনি’ বলবেন—দোরগোড়া থেকে মাথা ছুরিয়ে আলিমুদ্দিন জবাব দিলেন।

কথাটা শাহু শুনতে পেলেন না। গর্জন করে বললেন—কাল থেকে আমার ফুলে আর তুমি ঢুকবে না।

—বেশ।

—আজই আমার ঘর তুমি ছেড়ে দেবে—

—তাই দেব।—আলিমুদ্দিন বললেন, কিন্তু মনে রাখবেন, আমি আপনার জুতোর চাকর নই। আমিও মুসলমান—খোদার বান্দা। ভবিষ্যতে আমার সঙ্গে ভ্রাতৃত্বাবে কথা বলতে চেষ্টা করবেন।

আলিমুদ্দিন বেরিয়ে গেলেন।

প্রায় তিন মিনিট পরে স্তব্ধ ঘরটার আচ্ছন্নতা ভাঙলেন ইমাম সাহেব। অসঙ্গ নিরুপায় ক্রোধে তিক্ততম গলায় উচ্চারণ করলেন—ইঃ—খোদার বান্দা! শালা কাকের, শালা হারামীর বাচ্চা!

মালিনী নদীর জলটাকে টগবগ করে ফুটিয়ে দিয়ে ছুটন্ত ঘোড়সোয়ারের মতো বৃষ্টি এসে ঝাঁপিয়ে পড়ল রঞ্জনর জানালায়। কয়েকটা কাগজ উড়ে গেল ঘরময়, বিছানার খানিকটা ভিজে গেল বৃষ্টির ছাতে। রঞ্জন জানালাটাকে বন্ধ করে দিলে।

ঘর প্রায় অন্ধকার হয়ে গেছে—সুইচ টিপে সে আলো জ্বালাল। কুমার বাহাদুরের ভারনামোর এই এক স্মৃতি—এই পাড়ারগোয়েও পা ফেলতে পারে না কালো রাজি।

একা ঘরে এমনি সঙ্কায় মিতার কথা মনে পড়ে। আরো বিশেষ করে যখন বৃষ্টি নামে : ‘মেঘে মেঘে তড়িৎশিখার ভূজঙ্গ-প্রয়াতে’। রবীন্দ্রনাথের গান : ‘বাহির হয়ে এল আমার স্বপ্ন-স্বপ্ন’। স্মৃতির ভেতরে কতগুলো ঝরে-বাওয়া ফুলের রঙ ফিকে হয়ে মিলিয়ে যায়। সেও একদিন কবিতা লিখত না কি? সে কতদিন আগে? অনেক যৌবনের মধ্য দিয়ে পথ চলতে চলতে কোথায় হারিয়ে গেছে তাদের মুকুলপূবের বাড়িটা—বাতাবী-ফুলের গন্ধে-ভরা ছায়াঘন বাগান—ঝুপসী আমগাছে রাঙা টুকটুকে কাঁকরোলের দোলা!

বাইরে মালিনী নদীর জল বর্ষায় উত্তরোল। নাগিনী পদ্মা কোথায় কত দূরে এখন? তার জীবনের শ্রোত কোন সমুদ্রে তাসিরে নিয়ে গেছে স্বপ্নে-দেখা সেই মেয়েটিকে—সীতা যার নাম?

ধাক—ধাক ওলব। উত্তমার তীক্ষ্ণ হাসি। পুকুরের মতো শেঁকপুই কঠিন হাত।

অজয়দার গল্পটা একটা উদ্ভূত চাবকের মতো ছলছে মনের সামনে। কমরেড। লীলাসজ্জিনী হারিয়ে গেছে মুকুন্দপুরের ছায়ার সঙ্গেই। এখন সময় কই—সময় নষ্ট করবার? অনেক কাজ। প্রচুর খাটনি যাচ্ছে কদিন ধরে, নগেন ভাস্কর্যের সঙ্গে ঘুরতে হচ্ছে গ্রামে গ্রামে। তুরীরা প্রায় তৈরি—সাঁওতালদের মধ্য থেকে বেশ সাড়া পাওয়া গেছে। যমুনা আহীর এখন নগেনের আশ্রিত—কিছুতেই সে ধরা দেবে না পুলিশের হাতে। তা ছাড়া সে থাকলে আহীরদের সকলকে পাওয়া যাবে—আর সে সংগ্রামে হয়ত সেনাপতি হওয়ার দায়িত্ব নিতে হবে যমুনাকেই!

মোটামুটি সব অবস্থাই অস্বকূল। কিন্তু প্রতিবেশী মুসলমানদের মধ্য থেকেই সাড়া পাওয়া যাচ্ছে না কিছু। শাহের লোকলম্বর নিয়ে ইসমাইল পূর্ণ-উজ্জ্বল নেমে পড়েছে আসরে। গ্রামে গ্রামে পাকিস্তানের ভূমিকা তৈরি চলছে এখন।

তা ককক। আত্মশক্তিতে প্রতিষ্ঠিত হোক। কিন্তু একেবারে বিচ্ছিন্ন হয়ে যাওয়ার নীতিটাই কেমন বিসদৃশ ঠেকে। আত্মনিয়ন্ত্রণের অধিকার অর্জন ককক—কিন্তু সর্বজনীন লড়াইয়ের ক্ষেত্রে কেন এসে দাঁড়াবে না পাশাপাশি পা ফেলে? সে তো হিন্দুও নয়, মুসলমানেরও নয়। সকলের দাবি—সকলের পাওয়া।

রঙনের পেছনে ঘরের দরজাটা প্রায় নিঃশব্দে খুলে গেল। দেওয়ালের ওপর পড়ল ছায়া! আর সেই ছায়ায় যার দেহের ইঙ্গিত ফুটে উঠল—সে এমনি অস্বাভাবিক আর অপ্রত্যাশিত যে তীরবেগে ফিরল রঙন—উঠে দাঁড়াল নীমাহীন বিন্ময়ের চমকে। কুমার ভৈরবনারায়ণ স্বয়ং!

—এ কি—আপনি!

কথাটা সে মুখ দিয়ে উচ্চারণ করল, না, তার মনের ভেতর থেকে উঠল একটা নিঃশব্দ চিৎকারের মতো, তা-ই সে ভালো করে বুঝতে পারল না।

কুমার তাঁর প্রকাণ্ড মুখে একটা বিস্তীর্ণ হাসি ফুটিয়ে তুললেন। আঁফিঙের জড়তাভরা জ্যোতিঃহীন চোখে তাকালেন অর্থহীন দৃষ্টিতে। হঠাৎ একটা বিলাতী কাচুঁন মনে এল : একটা প্রাইজ বুল লুক দৃষ্টিতে তাকিয়ে আছে কোনো গাঞ্জরক্ষেতের দিকে।

—খুব অবাক হয়ে গেছেন ঠাকুরবাবু?—কুমার বাহাদুর যেন নিজের লীলায় নিজেই কোঁতুক বোধ করছেন : দেখতে এলাম কেমন আছেন।

রঙন শুধু বলতে পারল—বসুন।

কুমার সশব্দে একটা চেয়ারে আসন নিলেন।

—কোনো দরকার আছে? তাহলে ডেকে পাঠালেই পারতেন। এত কষ্ট করলেন কেন?—আত্মগত্যের বিনয়ে কথাটা বলতে হল রঙনকে। কিন্তু সেই সঙ্গে সে শব্দ হয়ে দাঁড়াল দেওয়ালের সঙ্গে পিঠ দিয়ে। একটা কিছু ঘটবে। এই বর্ষার রাতে তার মতো

অধমের ঘরে কুমার সাহেবের পদার্পণটা নিছক একটা কুশল-কৌতূহলই নয়! তাই দেওয়ালের গায়ে ঘেন একটা অবলম্বন খুঁজে নিচ্ছে। কিছুতেই নিজেকে ছুরে পড়তে দেবে না—দুর্বল হতে দেবে না!

—কখনো কখনো মহম্মদকেও পর্বতের কাছে আসতে হয়—কুমার বললেন : এক তরফা কি চলা উচিত?

বাইরে আমবাগানে সমানে বৃষ্টি আর হাওয়ার শব্দ। ভবু কুমার বাহাদুরের কথাগুলো নিতুল স্পষ্টতায় শুনে পেল রঞ্জন। কোন্‌স্তর অজুঁন মোহপাশ থেকে মুক্ত হচ্ছেন আস্তে আস্তে। কিন্তু বিশ্বরূপ-দর্শনটা করালো কে? পোস্ট-মাস্টার বিভূপদ হাজারা? ডাক্তার পান্নালাল এল-এম-এফ (পি)? না, দারোগা তারণ তলাপাত্র?

—আপনি কি বলছেন, বুঝতে পারছি না।

—বলছিলাম কি ঠাকুরমশাই, হিজলবনীতে স্বাস্থ্যটা বোধ হয় আপনার ভালো থাকছে না।

—কেন, কোনো অসুখ-বিসুখ নেই তো আমার!—রঞ্জন কেমন হতভম্ব হয়ে গেল।

কিন্তু জালটা কেটে দিলেন ভৈরবনারায়ণ নিজেই। গরুর মতো সুবিশাল মুখে আরো প্রসারিত হচ্ছে হাসিটা। গাজরস্কেতের আরো কাছাকাছি এসেছে বোধ হয়।

—লজ্জা করছেন কেন?—কুমার ক্রমশ অন্তরঙ্গ হয়ে উঠলেন, রঞ্জনের পিঠের পাশ দিয়ে তাকালেন শ্রাণ্ডার চিহ্ন-ধরা দেওয়ালের দিকে : শরীর ভালো থাকলে কি আর এমন করে হাওয়া বদলাবার জন্তে আপনাকে ছুটতে হয় জরগড় মহলে আর কালাপুথরিতে?

মুহুর্তে শ্রদ্ধায় রঞ্জনের মন ভরে উঠল কুমার বাহাদুরের ওপর। সত্যি অবিচার হয়েছে। আকিৎ খেয়ে ভৈরবনারায়ণ ঝিমোতে থাকেন বটে, কিন্তু কখনোই হুমিয়ে পড়েন না। তা ছাড়া আত্মপ্রকাশের মধ্যে একটা আশ্চর্য শিল্পীর সূক্ষ্মতা আছে তাঁর—মুদগরের মতো নেমে পড়েন না ঘাড়ের ওপর।

কুমার বললেন—ও সব নগেন ডাক্তারের চিকিৎসার কাজ নয় মশাই। কলকাতায় যান। কালই চলে যান।

—কিন্তু কলকাতায় যাওয়ার কোনো দরকার দেখছি না তো আমি।

—আমি দেখছি!—কুমার আপ্যায়িত বিনীত গলায় বললেন, আমার এখানে আছেন, আমাকে গীতা পড়ে শোনাচ্ছেন, পরলোকের কাজ করে দিচ্ছেন। কিন্তু আপনার কথাটা আমি ভাবব না, বলেন কি!—কুমারের স্বরে আত্মধিকার : আমাকে কি এমনি স্বার্থপর আর অকৃতজ্ঞ পেলেন? না না, সে হবে না।

—আমাকে খেতেই হবে?—দেওয়ালের ভর ছেড়ে নিজের পায়ে দাঁড়াতে চাইল রঞ্জন।

—আপনি চলে গেলে আমার অবস্থা খুব কষ্টই হবে। এমন যোগ্য লোক আর কোথায় পাব বলুন ? কিন্তু আপনার শরীরের কথা ভেবে চিন্তায় আমার রাতে ঘুম হয় না। তার চাইতে দিনকয়েক কলকাতায় গিয়ে স্বাস্থ্যটাকে ফিরিয়ে আনুন—কেমন ?—কুমার উঠে দাঁড়ালেন : অবস্থা দু মাসের মাইনে আগাম দেব আপনাকে। আর কাল বেলা দশটার ট্রেনে আমারই গাড়িতে করে আপনাকে পৌঁছে দেব হজরতপুর স্টেশনে। কোনো অসুবিধে হবে না।

—কিন্তু—

—আমার জন্তে ভাবছেন ?—কুমার থামিয়ে দিলেন : হ্যাঁ, মনটা আমার দিনকতক খুবই খারাপ থাকবে। কিন্তু কি করা যায় বলুন ? আপনার দিকটাও তো ভাবতে হয়। তা ছাড়া কতদিন আত্মীয়-স্বজনের মুখ দেখেননি—সে জন্তেও তো একবার যাওয়া দরকার। তাহলে ওই কথা রইল—কাল সকালেই। নাড়ে আটটার মধ্যেই গাড়ি রেডি থাকবে।

দরজা পৰ্ব্বস্ত এগিয়ে গিয়ে কুমার বাহাজুর থামলেন : আর সময়টাও খারাপ। এদিকে প্রায়ই খুন-খারাবী হচ্ছে। আপনি ভালো মাহুষ—কিছু একটা হলে আমার আকসোসের লীমা থাকবে না। বুঝছেন তো ?—কুমার দরজাটা টেনে দিয়ে বিদায় নিলেন। বৃষ্টির শব্দে তাঁর ছুতোর আওয়াজটা মিলিয়ে গেল।

বুঝেছে বই কি—নবই বুঝেছে। কালই এখান থেকে চলে যেতে হবে—এ কুমার সাহেবের আদেশ। অনেকদিন ধরে বুকের মধ্যে কালসাপ লালন করেছেন তিনি—আর নয়। যদি না যায় ? এ বাড়ির তোবাখানায় সে আমলের ভারি তলোয়ার আছে—রাম-দা আছে। একটা বস্তা মালিনী নদীর বালির মধ্যে কোথায় তলিয়ে যাবে কে তার হিসেব রাখে ? কিন্তু—

কাল সকালের আগে পালাতে হবে এখান থেকে। পালাতে হবে এই রাত্রে—এই বৃষ্টির মধ্যেই। আর দেরি করলে হয়ত সময়ও পাওয়া যাবে না।

জানালাটা খুলে দিলে। অন্ধকার। আমবাগানে ঝড়-বৃষ্টির মাতামাতি। বিছাতের আলোর চকিতের জন্তে দেখা গেল মালিনী নদীর জলটা। একটা সোনালি অঙ্গুর ঘেন মোচড় খাচ্ছে মৃত্যুযন্ত্রণায়।

কুড়ি

লাপের ছোবলের মতো বৃষ্টি আর চাবুকের মতো হাওয়া। দানো-পাওয়া রাজিটা গোজাচ্ছে। বিছাতের আলোর দেখা গেল মালিনী নদীর জল ফুলে ফুলে উঠছে অঙ্গুর-

গর্জনে। বরিস্দের বাড়ী মাটি ধুয়ে ধুয়ে কাঁকর-পাড়ি কেটে কেটে ঝর্ণার মতো নামছে ঘোলা জল—এক এক অঞ্জলি টাঁপা ফুলের মতো ফেনা বয়ে যাচ্ছে তীব্র বেগে। বান আসছে নদীতে।

পাড়ির ধার দিয়ে দিয়ে, পিছল মাটির ওপর স্তম্ভপথে পা টিপে টিপে চলল রজন। সঙ্গে ছাতা আছে বটে, কিন্তু সেটা একটা নিছক বিড়ম্বনা হয়ে দাঁড়িয়েছে এখন। এলোমেলো হাওয়ায় ছাট আটকাচ্ছে না—বরং দমকার ঝাপটায় তাকে স্তম্ভ ঠেলে ফেলে দিতে চাইছে নদীর ভেতরে। বিরক্ত হয়ে ছাতাটা সে বন্ধ করে ফেলল।

এই বৃষ্টি ছাড়া কুমার বাহাদুরের বাড়ি থেকে পালাবার আর কোনো উপায় ছিল না তার। নইলে অনিবার্হভাবেই কাল সকালে এসে দাঁড়াত কুমার বাহাদুরের মোটর—কিছুই বলা যায় না, হয়ত স্বয়ং কুমারই তাকে স্টেশনে পৌঁছে দেবার জন্যে ব্যাকুল হয়ে উঠতেন। মিথ্যে কষ্ট দিয়ে লাভ নেই তাঁকে। নিজের পথ নিজে দেখাই ভালো।

এরই মধ্যে একবার আকাশের দিকে তাকিয়ে দেখল সে। ওপরের সবটাই একখণ্ড মন্থন কষ্টপাথরের মতো। শুধু উত্তরের কোণায় একটা পিঙ্গল আভা ছড়িয়ে আছে—তার ওপর এই বৃষ্টিটার মধ্যে কোথাও যেন আভাস আছে সাইক্লোনের।

সারা গায়ে কোথাও এতটুকু শুকনো নেই আর। বৃষ্টির সঙ্গে সঙ্গে বাতাসের ঝাপটা লেগে শীতে ঠক ঠক করে কাঁপছে সর্বাঙ্গ। টটটাও আর জলছে না—বালুটা খারাপ হয়ে গেছে খুব সম্ভব। ক্রমাগত পা পিছলে যাচ্ছে—ভয় হতে লাগল একসময় নদীর মধ্যে গিয়ে না পড়ে।

কিন্তু আশেপাশে দাঁড়াবার জায়গা নেই কোথাও। ইতস্তত বাবলাগাছগুলি ধারান্নান করছে স্বদীর্ঘপ্রতীক্ষার পর—তলায় আশ্রয় নিলে ঝাঁঝের মতো বর্ষণ করবে সর্বাঙ্গে। মাথার ওপর অনবরত মেঘ শাসিয়ে চলেছে—বিছাডের আলোয় অদ্ভুত দেখাচ্ছে নিঃসঙ্গ তালগাছদের। এমনি রাজে তালগাছ দেখলে ওর কেমন ভয় করতে থাকে, মনে হয় অপমৃত্যুর একটা ধমকমে আশঙ্কা নিয়ে অপেক্ষা করছে ওরা—যে কোনো মুহূর্তে ওদের ব্রহ্মরুদ্ধ চিরে বজ্র নেমে আসবে।

রজন দ্রুত পা চালাতে চেষ্টা করল।

হাঁটতে হবে—বেশ খানিকটা না হাঁটলে ঠাই মিলবে না রাজের মতো। এই বৃষ্টি বাতাস ঠেলে সামনে এখনো পুরো তিন মাইল পথ। কালাপুথরিতে সোনাই মণ্ডলের বাড়ি। তারপর সকাল হলে সেখান থেকে জয়গড়।

সকালে তাকে না পেয়ে কুমার বাহাদুরের কি প্রতিক্রিয়া হবে সেটা অসুমান করা শক্ত নয়। কিন্তু ও নিজে ভেবে আর লাভ নেই কিছু। এতদিন দুজনের মধ্যে একটা মসলিনের পর্দা টাঙিয়ে যে অভিনয় চলছিল, সেটা যে এমন আচমকা শেষ হয়ে গেছে, এর জন্যে

মনের দিক থেকে বেশ খানিকটা স্বস্তিই বোধ করেছে রঞ্জন। ভালোই হল—একেবারে মুখোমুখি এর পর থেকে। স্ট্রট, নগ্ন প্রতিদ্বন্দ্বিতা। দিনের পর দিন শত্রুতার কটুগ্রাসার গলাধঃকরণ করার হাত থেকে বহু-বাহিত মুক্তি।

কিন্তু এই তিন মাইল পথ যে তিনশো মাইলের চাইতেও দুর্গম এখন।

ক্রমাগত চশমার কাচ মুছতে মুছতে এখন একেবারে ঝাপসা হয়ে গেছে। শুধু অকুল সমুদ্র পাড়ি দেবার মতো দু'হাতে অঙ্ককার ঠেলে ঠেলে এগিয়ে চলেছে সে। অঙ্ক—নিঃসন্দেহে অঙ্ক। বৃষ্টি আরো ঘন হয়ে জমছে তার পাশে—কোন সময় সোজা নদীর জলে গিয়ে পড়ে ঠিক-ঠিকানা নেই। কি করা যায়? রঞ্জন দাঁড়িয়ে পড়ল। একটু দূরে একটা বটগাছের আদল আসছে যেন। যাবে নাকি ওদিকে? নদীর ধার ছেড়ে মাঠের রাস্তা নেবে? আপাতত সেটাই তার বুদ্ধিযুক্ত মনে হচ্ছে।

হু পা এগোতেই সে থমকে দাঁড়াল। চশমা খুলে নেওয়ারতে কষ্ট হচ্ছে বটে, কিন্তু উপকারও হয়েছে খানিকটা। এখন চশমা থাকলে দুর্গতি ছিল কপালে।

এধারে প্রায় দশ-বারো ফুট গভীর একটা কাঁদড় আছে এবং তার মধ্য দিয়ে খরধারে ছুটছে জল। হাতের ছাতাটা সজোরে এঁটেল মাটিতে চেপে ধরে সে হুড়মুড় করে একটা বিরাট পতনকে সামলে নিলে।

—কে? কে?

বৃষ্টি আর বাতাসের মধ্যে—কাঁকা মাঠের দুর্ধোগভরা অঙ্ককারে কোথা থেকে বর বেজে উঠল। চকিতের জন্ম রঞ্জন শিরশুলো চমকে থেমে গেল—তীব্র অস্বাভাবিক ভয়ে শির শির করে উঠল লোমকূপগুলো। আর একবার হুমড়ি খেয়ে পড়ার ঝোঁকটা সামলে নিতে হল তাকে।

—কে দাঁড়িয়ে ওখানে? কথা বলছ না কেন?

মেয়ের গলা। সীমাহীন বিষ্ময়ে রঞ্জন দৃষ্টিটাকে বিস্ফারিত করতে চেষ্টা করল। এতক্ষণ পরে যেন একটু একটু করে ঘোর কাটছে। কাঁদড়ের ঠিক ওপারে যেটাকে সে বটগাছ বলে মনে করেছিল—সেখানে দু-তিনটে গাছ দাঁড়িয়ে আছে একসঙ্গে। আর তাদের অঙ্ককার কোলের ভেতর বর আছে একথানা। সেখান থেকেই আসছে আগুয়াজটা।

জবাব দেবে কি না ঠিক করে নেবার আগেই বিদ্যুৎ ঝলকালো। তালগাছের উজ্জত শাখাগুলোর ওপর উজ্জত খড়্গের আভাস দিয়ে খানিকটা তীক্ষ্ণ সাদা আলো ছুঁয়ে গেল পৃথিবীকে। আর রঞ্জন সেই আলোর মেটে ঘরের দাঁওয়ার দাঁড়িয়ে থাকতে দেখল কালোশীশীকে। কালোশীশী! এত কাছে—এই অঙ্ককারে এমন করে লুকিয়ে ছিল!

—ঠাকুরবাবু! তুই ওখানে দাঁড়িয়ে তিষ্ঠছিল?

স্কিভ আলোতেও তাহলে চিনতে পেরেছে। পা চালিয়ে চলে যাবে কি না ভাবতে

ভাবতেই রঞ্জন দেখলে কোন্ কঁাকে সাড়া দিয়ে কেলেছে সে।

—হ্যাঁ, আমি।

বুড়ির বরষারানি ছাপিয়ে উদ্বিগ্ন কালোশশীর আকুল স্বর কানে এল : এত রেতে অমন করে ভিজছিল কেন ! কোথায় যাবি ?

—একটু কাজে। কালাপুথরি।

—কালাপুথরি !—কালোশশীর স্বরে অপরিণীত বিস্ময় : নদী ফুলে উঠেছে, হড়পা বান নামছে। এখন তোকে কে খেয়া পার করে দেবে ? ঘরে ফিরে যা ঠাকুরবাবু।

—ঘরে ফিরবার জো নেই কালোশশী। আমার যেতে হবে—

—তবে এইখানে একটু দাঁড়িয়ে যা ঠাকুরবাবু—

—না, আমার এস্থানি যেতে হবে।—রঞ্জন টলতে টলতে আবার রাস্তার দিকে পা বাড়াল।

—ঠাকুরবাবু—

কাঁদড়ের ওপার থেকে শোনা গেল কালোশশীর মিনতিভরা আহ্বান। কিন্তু আর দাঁড়াবে না। নিশ্চিন্ত প্রতিজ্ঞায় কয়েক পা এগিয়ে যেতেই হঠাৎ সচল হয়ে উঠল নিচের পৃথিবীটা। মাটিতে ছাতার বাঁট পুঁতে একবার নিজে থেকে বাঁচাবার চেষ্টা করল সে, কিন্তু আর সম্ভব হল না। দ্রুতবেগে হাত তিনেক পিছনে গিয়ে অসহায়ভাবে একবার লে জুরপাক খেল, তারপর সেখান থেকে ডিগবাজি খেয়ে সোজা কাঁদড়ের জলে।

ইতিমধ্যে বিদ্যুতের একটা উজ্জ্বল স্তব্ধতায় সমস্ত ব্যাপারটাই পুরোপুরি চোখে পড়েছে কালোশশীর। দুর্যোগের রাত্রিটা চন্দ্রোদয়রত্নিত হয়ে উঠল হাসির উজ্জ্বল স্বভারে। অবগাহন স্বান শেষ করে, একটোক কাদাজল গিলে রঞ্জন যখন দাঁড়াতে পারল তখন এপার-ওপারের ব্যবধানটা লোপ পেয়ে গেছে। হাসি চাপবার চেষ্টা করতে করতে কালোশশী নেমে এসেছে একেবারে জলের কাছে—হাত বাড়িয়ে দিয়ে বলছে : হল তো এবার ? আমার ঘরে উঠে আর ঠাকুরবাবু—

এককোমর জলের মধ্যে দাঁড়িয়ে শীতে কাঁপতে কাঁপতে রঞ্জন বললে, কিন্তু আমাকে যে যেতেই হবে।

কালোশশী শুধু বললে, আমার হাত ধর—

শেষ পর্বন্ত রাতটা কাটাতে হবে কালোশশীর ঘরে !

কিন্তু আর উপায় নেই। বাইরে সমানে বুড়ি আর হাওয়ার দাপট।

সাইক্লোনই বটে। অন্ধকার রাত্রিটার গোঙানি চলেছে একটানা। এই প্রাকৃতিক শক্ততা ঠেলে—অন্ধ হুঁচোখে পিছল পথের পতন-সম্ভাবনাকে সামলাতে সামলাতে

কালাপুথরি গিয়ে পৌছনো শারীরিকভাবেই অসম্ভব এখন। তা ছাড়া খেয়াও একটা লম্বা বটে। এমনতেই রাত একটু বেশি হলে খেয়াঘাটের মাঝি ওপারে নৌকা নিয়ে গিয়ে নিশ্চিন্তে ঘুম লাগায়—তাকে জাগিয়ে তোলা সমস্তা বিশেষ। তারপর এই রাতে সে এপারের ডাক আদৌ শুনতে পাবে কিনা সন্দেহ। আর শুনতে পেলেও এমনি বর্ণায় একটি কোমল মন্থন ঘুম এবং কহলের স্বশব্দ্য ছেড়ে সে যে কিছুতেই উঠবে না এ প্রায় নিশ্চিত। তা ছাড়াও এই ভয়ঙ্কর নদী!

সুতরাং—

সুতরাং মেটে প্রদীপের কাঁপা কাঁপা আলোয় কালোশশীর ঘরটার দিকে ভালো করে তাকিয়ে দেখল রজন।

আশা করা যায় না, তবু একটা ভাঙা তক্তাপোশ আছে ঘরে। ওই তক্তাপোশের নিচেই বোধ হয় আছে কালোশশীর যা কিছু তৈজসপত্র। ঘরময় অনেকগুলি শিকে ঝুলছে, তাতে কিছু রঙবেরঙের হাঁড়ি। এক কোণে মেলায় কেনা একখানা মনসার সরা—তার ওপর বিবহরির মূর্তিটা প্রদীপের স্নান আলোয় একটা স্থির জীবন্ত দৃষ্টি নিয়ে তাকিয়ে আছে।

—এই তোর ঘর?

—হঁ।

—লক্ষণ কোথায়?

—সে তো এখানে থাকে না।

—তবে কোথায় থাকে সে?

—আমাকে ছেড়ে চলে গেছে।

—চলে গেছে?—রজন চকিত চোখে তাকালো ঘরের কোণায় দাঁড়িয়ে থাকা কালোশশীর মুখে। কোনো চিহ্নই নেই সে মুখে—কোনো ছাপই পড়েনি বিরহ-স্বর্জরতার। স্রোতের জলে আরো অনেকের মতো যেমন ভেসে এসেছিল লক্ষণ—তেমনি করেই আর একদিন ভেসে গেছে কালোশশীর জীবন থেকে। বাঁধা ঘাটে একটি রেখাও কোথাও একে রেখে যায়নি, হয়ত একটুখানি শৈবালের কলঙ্করেখাও নয়।

কালোশশী নিম্পৃহ ভঙ্গিতে বললে—হাঁ, ভিন্ গোঁয়ে গিয়ে লাঙ্গা করেছে আবার।

—তা হলে তুই একা?

—কে আর থাকবে?

তীক্ষ্ণ অর্ধভরা ভঙ্গিতে কালোশশী হাসল। অস্বস্তিতে রজন চমকে উঠল হঠাৎ। মনে হল, এই হাসিটাকে প্রায় দেওয়া উচিত নয়। সাইক্লোনের এই রাতটার মতো এ হাসিটাও যে কোনো সময়ে বিশ্বাসঘাতকতা করে বলতে পারে।

প্রসঙ্গ বদলানো উচিত। আরো মনে পড়ল : সেদিন অন্ধকার পথে আচমকা তাকে

পথে ছেড়ে দিয়ে কালো রাজির আড়ালে ছায়াময়ীর মতো মিলিয়ে গিয়েছিল মেয়েটা। সেদিন পাশাপাশি থোলা আকাশের তলায় পথ চলতে চলতে যে কথটা শুধু ইন্ধিতের মধ্যেই ঝলক দিয়েছিল—এই বিচিত্র রাজির নিঃসঙ্গ ঘরটির অন্তরঙ্গ নিবিড় অবকাশে তা শব্দ হয়ে উঠতে কতক্ষণ? বনের সাপ নিয়ে যার কারবার, তার মনের সাপটাও কি ঘুমিয়ে আছে?

অস্বস্তিতে রজন নড়ে উঠল।

—এত রাত অবধি জেগেছিলি কেন কালোশশী?

—সাপ ধরছিলাম।

—সাপ!

—শুয়েছিলাম—গায়ের ওপর দিয়ে হলহল করে চলে গেল। বর্ষার জল পেয়ে কোন ফোকর থেকে বেরিয়ে এসেছিল। চেপে ধরতে গেলাম—ফোস করে উঠল, পালালো বারান্দায়। তা আমার কাছ থেকে পালাবে? থপ করে ধরে হাঁড়িতে পুরেছি।

—কী সাপ?

—শামুক ভাঙা আলাদ। খুব তেজী। একটু হলেই কেটে দিত। দেখবি?

রজন শিউরে উঠল : না না, থাক।

—ভয় পাচ্ছিল? আমার ঘরটাই তো সাপে ভরা। যত হাঁড়ি দেখছিল, সব তো ওরাই আছে। একবার খুলে দিলেই কিলবিল করে ঘুরে বেড়াবে গোটা ঘরময়।

—থাক, থাক!

কালোশশী আবার থিল থিল করে হেসে উঠল : আমার আর কেউ নেই,—ওরাই থাকে সঙ্গে। মাসুকের মতো নিমকহারাম নয়—পোষ মানে।

—পোষ মানে! সাপ আবার পোষ মানে! যেদিন ছোবল মারবে ফস করে, বুঝবি সেদিন।

—একবারই মারবে—ব্যাস ফুরিয়ে যাবে তারপরে। মাসুকের মতো বারে বারে ছোবল দিয়ে আলিয়ে মারবে না।

গলার স্বর কি গভীর হয়ে উঠল কালোশশীর? কখনো কি গভীর হয়? কেমন যেন বিশ্বাস করতে প্রবৃত্তি হয় না। কিন্তু ভয় করে। কালোশশীর রূপের কঁকনপর্য্য হাত ছুটোর কালনাগের ছন্দ—তার বাহ্যর ভঙ্গিতে ওই কঁকনের দীপ্তিটাও ঝলক দিয়ে ওঠে সাপের মাথার চক্রের মতোই।

বাইরে বুড়ি চলছে, সেই সঙ্গে বাতাসের পাগলামি। জলের কল-গর্জন আসছে। নদীর না কানড়ের? সর্বাঙ্গ ভিজ়ে একাকার হয়ে গেছে—কাপড় বদলাবার মতো শুকনো কিছু কালোশশীর স্বরে প্রত্যাশা করাও বিড়ম্বনা। সাইক্লোন বাড়ছে। এই রাজিকে বিশ্বাস নেই

—বিশ্বাস করতে সাহস হয় না কালোশশীকেও।

এর চাইতে তো পথই ছিলো ভালো। আছাড় খেয়ে পড়তে পড়তেও কোথাও না কোথাও, একটা না একটা গাছের তলায় আশ্রয় মিলতই। তারপর ভোর হওয়ার সঙ্গে সঙ্গে থেয়া পার হয়ে—

নাঃ, আর এখানে থাকার মানে হয় না। যেতেই হবে।

—আমি যাই কালোশশী—

—ঠাকুরবাবু—হঠাৎ বিচিত্র গলার ডাক এল একটা।

প্রদীপের আলোয় ভুল দেখল নাকি আজও? আজও কি সেদিনের সন্ধ্যার মতো একটা কিছু অক্ষুণ্ণ আভাস পেল সে? কালোশশীর চোখে কি জলের রেখা?

—আমায় নিয়ে চলো ঠাকুরবাবু—

—কোথায়?

—তোমার ঘরে।

পরক্ষণেই একটা অদ্ভুত কাণ্ড করল মেয়েটা। প্রস্তুত হওয়ার এক কিন্দু সময় না দিয়ে হাওয়ার একটা দমকার মতোই এগিয়ে এল রক্তনের দিকে। তারপর দু হাতে তার পা জড়িয়ে ধরে মুখ গুঁজে বসে পড়ল সেখানে : আমায় নিয়ে চলো ঠাকুরবাবু।

—পা ছাড়, পা ছাড়। কী পাগলামি হচ্ছে এসব?—রক্তন প্রাণপণে পা ছাড়াতে চেষ্টা করতে লাগল। আতঙ্কে তার সর্বাঙ্গ মুহূর্তে জমাট হয়ে গেছে।

—আর আমি সাপ নিয়ে ঘর করতে পারি না। আমি জলে মরছি ঠাকুরবাবু—জলে মরছি সাপের বিষে। আমাকে তুমি নিয়ে যাও—তোমার যেখানে খুশি নিয়ে যাও। আর আমি সইতে পারছি না।

নিজীব পুতুলের মতো স্থির হয়ে বসে রইল রক্তন। তার পা দুখানা বুকের মধ্যে লজ্জারে আঁকড়ে ধরে অর্থহীন আকুলতায় ফুলে ফুলে কঁদতে লাগল কালোশশী—যেন বাইরের এই অশান্ত বিক্ষুব্ধ রাতটার মতো তার কান্নাও আর কোনোদিন থামবে না।

কিন্তু বেশিক্ষণ নয়।

যেমন আচমকা পা জড়িয়ে ধরে কান্না আরম্ভ করেছিল, তেমনি আকস্মিক ভাবেই পা ছেড়ে দিয়ে হঠাৎ উঠে চলে গেল বাইরে।

রক্তন একান্ত নির্বোধের মতো খাটের ওপরেই বসে রইল কিছুক্ষণ।

আরো খানিক পরে খোলা ঝাঁপের ভেতর দিয়ে এল সাইক্লোনের এককলক উদ্দাম বাতাস। যে কেরামিনের ভিবাটা একটা রক্তশিখা তুলে জলছিল এতক্ষণ, দপ করে নিবে শ্লিখে সেটা অন্ধকারের ঘূর্ণিতে ভেঙ্গে চলে গেল।

আর সেই অন্ধকারে আতঙ্ক হয়ে উঠল রক্তন—যেন এতক্ষণের ঘোরটা কেটে গেল

তার। মনে হল এই ঘরের সর্বত্র অসংখ্য মাটির পায়ে সংখ্যাতীত সাপ আছে কুঞ্জলী পাকিয়ে—বিষাক্ত জ্বালা নিয়ে, একটা দুঃসহ বন্দিছে। আছে গোখরো, আছে দুধরাজ, আছে চিতি, আছে চন্দ্রাবোড়া, আছে সিঁহরিয়া, আছে নাম-না-জানা অগণিত মৃত্যুর অম্লচর। এই অন্ধকারে হঠাৎ যদি তারা মুক্তি পায়? রক্তের চতুর্দিক চকিতে যেন রাশি রাশি সরীসৃপে আবিল হয়ে উঠল—বাইরের গঞ্জিত রাত্রি লক্ষ লক্ষ সাপের মতো জুঁক গজনে যেন ছোবল মারতে লাগল, চারদিকের ঘনীভূত কালোর ভেতর থেকে বিষ-জর্জর মৃত্যু বৃষ্টি তাকে লক্ষ্য করে আবর্তিত হয়ে উঠল।

আর নয়! আর এখানে থাকলে বিবের জ্বালায় সে চলে পড়বে। সে বিবক্রিয়ার প্রথম পর্বটুকু নাগিনী কালোশশীই শুরু করে দিয়েছে। পালাও—এখনো পালাও! এখনো সময় আছে।

কিন্তু কোথায় গেল কালোশশী?

যে চুলোয় খুশি থাক। সেজগ্রে ভাবনা করার সময় নেই এখন। রক্ত অন্ধকারেই দিকবিদিক-জ্ঞানশূন্যের মতো বাঁপের দিকে লাফিয়ে পড়ল। কালোশশীর জগ্রে মনোবিলাস করবার মতো অপর্ধাপ্ত সময় তার হাতে নেই। আকাশ গর্জাচ্ছে, বাতাস গর্জাচ্ছে—নদী গর্জাচ্ছে। বহুদিনের অবরোধ ভেঙে ফেলে ক্ষুর আক্রোশে পৃথিবী গর্জন তুলছে আজ। এইবারে জল নামবে কালাপুখুরির ডাঁড়া দিয়ে। তারপর—

এই মুহূর্তে তাকে যেতে হবে জয়গড়ে। থেয়া না থাক, সাঁতার দিয়েই পার হবে নদী।

বুড়ির জোরটা মন্দা হয়ে এসেছে। কোমরভাঙা গোখরোর অস্তিম ছোবলের মতো ঝোড়ো হাওয়া। আর একবার বিদ্যুতের আলোয় রক্ত দেখল—কাঁদড়ের ধারে কে যেন মৃত্যির মতো দাঁড়িয়ে। বাতাসে তার রক্ত চুলগুলো উড়ে যাচ্ছে।

থাকুক দাঁড়িয়ে। ওর কান্না আজ রাত্রির এই কান্নার সঙ্গে একাকার হয়ে যাক।

জয়গড়ে এসে পৌঁছল একটা কিছূত চেহারা নিয়ে।

—কী হয়েছিল?—হতবাক হয়ে জানতে চাইল নগেন।

—সে অনেক কথা, পরে হবে। আপাতত কুমার বাহাদুরের গুথান থেকে চম্পট দিয়েছি। কিন্তু উত্তমা কোথায়—উত্তমা? সকলের আগে এক পেয়লা গরম চা চাই আমার।

একুশ

খবরটা নিয়ে এল দূত হোসেন।

শাহের ঘর ছেড়ে পরদিন সকালেই এসে খাওয়া-পাড়ায় আশ্রয় নিয়েছেন মাস্টার। শাহু তাঁকে বরখাস্ত করেছেন, তাঁকে ঘোষণা করেছেন প্রত্যক্ষ শত্রু বলে। এ অবস্থায় কাউকে বিব্রত করা উচিত হবে কিনা সেইটেই ঠিক করতে পারছিলেন না আলিমুদ্দিন। তবে কি গ্রাম ছেড়েই তাঁকে চলে যেতে হবে? যে পাকিস্তান তাঁর জীবনের ব্রত, যে পাকিস্তান তামাম দুনিয়ার গরীবের দেশ, যেখানে বখিলের হাতে মানুষের রক্ত মুঠো মুঠো সোনা হয়ে সঞ্চিত হয় না, তাঁর সেই আজাদী-প্রতিষ্ঠার গুচনাতেই এমন করে পিছিয়ে পড়বেন তিনি? গ্রাম থেকে পালাবেন একটা খুনী শয়তান জমিদারের ভয়ে? সভার সামনে হাজার মানুষের কাছে যে প্রতিশ্রুতি তিনি দিয়েছিলেন, শুধু এইটুকু বিরোধিতার চাপেই সে প্রতিজ্ঞা ভাঙতে হবে তাঁকে?

‘মারে জাঁহাসে আচ্ছা পাকিস্তান হামার—’

একটা অনিশ্চয়ের মধ্যবিন্দুতে মন যখন টলমল করছিল তখন তাঁকে ঘরে টেনে নিয়ে গেল জলিল খাওয়া।

জিজ্ঞাসা করেছিলেন, ভয় করবে না?

আজ আর সেদিনের মতো মদ খায়নি, তবু মাতালের হাসি হেসেছিল জলিল। জীবনটাকে ভুলতে গিয়ে যে নেশার মধ্যে ওরা ডুব দিয়েছে, সে নেশার ঘোর ওদের আর ভাঙে না। মদ না খেলেও না।—স্বাংটার আবার বাটপাড়ের ভয়!—সংক্ষেপে জবাব দিয়েছিল।

যথেষ্ট। এর পরে বলবার আর কিছুই নেই। ভাঙনধরা খাড়া পাড়ির গায়ে যে মানুষ দাঁড়িয়ে আছে, একটু পরে আপনিই যে ঝরে পড়বে স্রোতের মধ্যে, ভেলে যাবে কুটোর মতো। পেছন থেকে কেউ ধাক্কা দেবে কি দেবে না, ছুঁতাবনার সেই স্তরটা সে পেরিয়ে এসেছে অনেক আগেই।

সুতরাং হোগলার বেড়া আর খড়ের চালে ছাওয়া, মাছ আর জালের পচা আশটে গন্ধে আকর্ষণ এই ঘরে আলিমুদ্দিন আশ্রয় নিয়েছেন। তেতো পাটশাক, মাছের কোল, আর রান্ধা চালের ভাত দিয়ে যথাসাধ্য অতিথি-সৎকার করেছে জলিল।

বলেছে—খোদার কাছে দোয়া করুন মাস্টার সাহেব, ভাল ভরে যেন মাছ পাই।
সাহেবই হবে।

সকালে মাস্টার বারান্দায় দাঁড়িয়ে নমাজ পড়ছিলেন, আর একটু দূরে একটা চালত গাছের ডালয় বসে পাঁচ বছরের জ্যাংটা ছেলেটাকে নিয়ে জালে গাব দিচ্ছিল জলিল। মাঝে মাঝে আড়চোখে তাকিয়ে দেখছিল মাস্টারের নমাজের দিকে। ধর্মকর্মের বাল্যই খুব বেশি নেই সম্ভ্রান্তার—ছ-চারজন ছাড়া রোজাও বড় কেউ রাখে না। অবস্থা প্রকাশে সেটা স্বীকার করে না, কিন্তু আড়ালে হাসাহাসি করে বলে : ‘যে হয়, সে করে রোজা।’

সুতরাং মাস্টারের নমাজ দেখতে দেখতে জলিল ঘেন আকস্মিকভাবে অচুতপ্ত হয়ে উঠছিল এবং জালে রঙ লাগানোর কাজেও অন্তমনস্ক হয়ে যাচ্ছিল। এমন সময় ঘটনাস্থলে প্রবেশ করল কালু বাড়িয়ার ছেলে হোসেন।

—কী খবর ভাই সাহেব ? এত ব্যস্ত যে ?

হোসেন কিছু একটা বলতে যাচ্ছিল, কিন্তু মাস্টারকে একনিষ্ঠভাবে নমাজ পড়তে দেখে থমকে গেল।

জলিলের দিকে তাকিয়ে বললে—একটু পানি খাওয়াতে পার মিঞা, এক ঘটি ঠাণ্ডা পানি ?

—এই সকালেই এমন করে পানি ? হয়েছে কী ?

—বলছি পরে। বড় পিয়াস লেগেছে ভাই—ঢের দূর থেকে ছুটে আসছি।

জলিল ব্যস্ত হয়ে জালের কাঠি ছেড়ে দিলে। তার পর তাড়া দিলে ছেলেটাকে।

—যা তো দেলোয়ার। তোর আমার কাছ থেকে লোটা ভরে পানি আর গুড় নিয়ে আয় একটু।

—গুড় লাগবে না, পানি হলেই চলবে।

দেলোয়ার দৌড়ে চলে গেল।

জলিল বললে—বাপার কী মিঞা ?

—সাংঘাতিক।

—কি রকম সাংঘাতিক ?

—খুব দাঙ্গা লাগবে আজ।

—দাঙ্গা ? কোথায় দাঙ্গা ?

—পালনগরের টিলার।

—সে তো সাঁওতালদের আড্ডা। আবার শাহের লোক-সম্বর যাচ্ছে নাকি তাদের কাছ থেকে খাজনা আদায় করতে ? আবার বুঝি খুনোখুনি হবে কয়েকটা ?

হোসেন মাস্টারের দিকে একবার আড়চোখে তাকিয়ে নিলে। পরম নিষ্ঠার সঙ্গে শেজদা করছেন মাস্টার—সমস্ত মন তাঁর ওপর হয়ে আছে। জবাব দেবার আগে ইতস্তত

করতে লাগল সে।

এক খাবা ভেলি গুড়, আর এক ঘটি জল নিয়ে ফিরল দেলোয়ার। এক চুমুকে জলটা নিঃশেষ করলে হোসেন—যেন বুকের ভেতর একটা মকরুন্নি বয়ে বেড়াচ্ছিল এতক্ষণ।

জলিল অর্ধেক হয়ে উঠল।

—কিসের দাঙ্গা?

হোসেন বললে—যা এ তুম্বাটে কোনোদিন হয়নি, তাই।

—খোলসা করে বলো—জলিল আরো উত্থাপ্ত হয়ে উঠল।

—হিঁদু মোছলমানে।

—হিঁদু-মোছলমানে?—জলিল হাঁ করে তাকিয়ে রইল। আর সঙ্গে সঙ্গে মাটি ছেড়ে ভীরের মতো সোজা হয়ে দাঁড়িয়ে উঠলেন আলিমুদ্দিন।

—কী নিয়ে দাঙ্গা হবে হিন্দু-মুসলমানে?—মেঘের মতো গম্ভীর গলায় মাস্টার জিজ্ঞাসা করলেন।

হোসেন বললে—ব্যাপার এর মধ্যেই ঢের দূর গড়িয়েছে মাস্টার সাহেব। শাঁওতালদের কিছুতেই জঙ্গ না করতে পেয়ে এবার নতুন রাস্তা নিয়েছেন শাহু। লীগের ঢোল পিটিয়ে লোক জুটিয়েছেন সব, তারপর তাদের নিয়ে মসজিদ বসাতে যাচ্ছেন পালনগরের টিলার ওপর। শাঁওতালদের কালীর থান যেখানে আছে, ঠিক তার গায়ে। বলছেন, অনেককাল আগে ওখানে নাকি মসজিদ ছিল।

—ছিল নাকি?

—কই, আমরা তো কখনো শুনিনি। এসব ইসমাইল সাহেবের কারসাজি বলে মনে হচ্ছে। ইসমাইল সাহেবই সকলকে ভেকে বলেছে, আমাদের মসজিদ গড়ার কাজে কেউ বাধা দিলে তার মাথা আগে ভেঙে দিতে হবে। পাকিস্তান গড়তে গেলে এইটেই পরল। কাছন—আগে আমাদের ধর্ম রাখতে হবে।

—কত লোক নিয়ে যাচ্ছে?—ধীরে ধীরে জিজ্ঞেস করলেন মাস্টার।

—তা প্রায় শ'খানিক হবে। লাঠি-শড়কিও যাচ্ছে।

মাস্টার নিজের ঠোঁটটাকে কামড়ে ধরলেন একবার।

—সত্যি তা হলে ওখানে মসজিদ কখনও ছিল না?

—বোধ হয় না।—হোসেন বললে, মতলব বুঝতে পারছেন না? যে রায়জের সঙ্গে এমনিতে এঁটে ওঠা যাবে না, তাকে জঙ্গ করতে গেলে এই রকমই কিছু একটা তো চাই! মাস্টারের সমস্ত মুখটা ক্রোধে হিংস হয়ে উঠল।

—মতলব বুঝতে পারছি বই কি। আরো বুঝতে পারছি, এইখানেই এর শেষ নয়। কত শা পাঠানের মতো লোকের হাতে যদি কোনদিন পাকিস্তান পড়ে, তাহলে এই

নিয়মেই তা চলতে থাকবে। নিজেদের স্বার্থসিদ্ধির জন্তে দেবে ধর্মের দোহাই; কোরান আর খোদাতালাব পবিত্র নামের অমর্যাদা করে নিজেদের কাজ হাসিল করবে ইসলামী জিগির তুলে। দেশ জুড়ে আনবে হাক্কামা—করবে নিরীহ সরল মানুষের কলিজার খুন।

হোসেন বললে—থবর পেয়েই তো ছুটে এলাম মাস্টার সাহেব। কী করা যায়? চোখের সামনে মিছিমিছি খুন-খারাপি হবে—দাঙ্গা-হাক্কামা চলবে!

—সুধু চোখের সামনে নয়, সারা দেশেও ছড়িয়ে পড়বে। তারপরে—ঝড়ের আকাশের মতো কী একটা ঘন হয়ে এল আলিমুদ্দিনের মুখে : ধর্মের জন্তে জ্ঞান কোরবান করলে মুসলমানের বেহেস্ত। মসজিদের একথানা ইট তাকে রাখতে হবে পাজরার একথানা হাড় দিয়ে। কিন্তু ধর্মের নাম নিয়ে এই শয়তানি বরদাস্ত করা যাবে না। হোসেন, জলিল—যেমন করে হোক এ দাঙ্গা রুখতে হবে।

জলিল দাঁড়িয়ে পড়েছিল। হাতের কাছে আর কিছু না পেয়ে আধখানা বাঁশ কুড়িয়ে নিল সে।

—ই্যা মাস্টার সাহেব, দাঙ্গা রুখে দেব আমরা।

—তোমার দলবল তৈরি আছে হোসেন?

—ডাকলেই এসে পড়বে।

—চলো তাহলে, একটুও দেরি নয় আর—মাস্টার পা বাড়ালেন।

—আমিও যাব বা-জান?—কী বুঝেছে কে জানে, উৎসুক মিনতিভরা গলায় হঠাৎ অল্পমতি চাইল দেলোয়ার।

মাস্টার ফিরে তাকালেন দেলোয়ারের দিকে। অযত্নমলিন কুখানীর্ণ শিশুমুখখানা এই মুহূর্তে যেন আশ্চর্য স্নানর মনে হল তাঁর। আজাদ পাকিস্তানের অঙ্গুর।

গভীর স্নেহে দেলোয়ারের মাথার ওপর হাত রাখলেন আলিমুদ্দিন।

—আগে আমরাই চেষ্টা করে দেখি বাপ। যদি না পারি, আমাদের কাজের ভার তোমাদের ওপরই রইল। আমাদের যা বাকি থাকবে, তা তোমাদেরই শেষ করতে হবে যে!

উত্তমা হাসছিল।

শিরশিরে হাওয়ায় চোখ মেলল রজন। সারা গায়ে এখনো জ্বালা—জ্বর-জ্বর ভার লাগছে মাথায়।

—উঠে বসুন। চা এনেছি আপনার জন্তে।

রজন উঠে বসল।

—কতক্ষণ বুঝিয়েছি বলো তো?

—তা মন্দ হবে না। রাত আড়াইটে থেকে সাড়ে দশটা—পুরো আট ঘণ্টা।

—বলো কি! সাড়ে দশটা এখন!

—কী করা যাবে, বেলাটাকে ঠেকানো গেল না!—কৌতুকভরে উত্তমা বললে, আমাদের হাত নেই তো ওর ওপরে। চা খেয়ে চান করতে যান, রান্না তৈরি। যা তাড়া দিচ্ছেন।

—আজ আর চান করব না। কাল সারারাত যা ভিজিয়েছি—রঞ্জন উত্তমার হাত থেকে চায়ের পেয়ালাটা তুলে নিলে : সারা গায়ে অসম্ভব ব্যথা।

—সে আর বলতে হবে না। রাতভর ছটফট করেছেন, আমাকেও ঘুমুতে দেননি।

—সে কি কথা! তুমিও জেগে বসেছিলে নাকি?

একটা কৃত্রিম দীর্ঘশ্বাস ফেলল উত্তমা : কী করব বলুন। কিন্তু এতে করে একটা জিনিস প্রমাণ হয়ে গেল রঞ্জনদা। আপনার পুঁথির সঙ্গে এখনো মাটির মিল হয়নি।

—হেতু?

—একটা রাত বৃষ্টিতে ভিজিয়ে এমন করে শুয়ে পড়লে তো চলবে না। যাদের ভালো আপনি করতে এসেছেন, তাদের কিন্তু সাতদিন ঝড়-বৃষ্টিতে দাঁড়িয়ে থাকলেও একফোটা সদি হয় না। যাই বলুন, শরীরে-মনে এখনো ঠাকুরবাবু হয়েই আছেন। ঠাকুর তো রয়েইছেন, বাবুগিরিটাও ছাড়তে পারেননি।

—হঁ!—রঞ্জন বিব্রল হয়ে গেল : আরো কিছু সময় লাগবে। পুরো পেরে উঠব কি না বুঝতে পারছি না।

—না পারলে মাপ নেই। তাহলে ছোটো পথ খোলা আছে। হয় অজয়দার মতো দেশের ভালো করবার আশা ছেড়ে সরে পড়তে হবে, আর নইলে—উত্তমা উচ্ছ্বসিত হয়ে উঠল : নন্দর মতো পাছে গিয়ে উঠতে হবে।

হাসিতে যোগ দেওয়া উচিত, কিন্তু রঞ্জন পারল না। একটা কঠিন থিকারের ঘূর্ণির মতো হাসিটা আবর্তিত হয়ে গেল তার চারদিকে। শ্রেণীচ্যুতি শুধু মনেই নয়—দেহেও। রোদে-জলে নিজেকে তৈরি করে নিতে হবে—বরিন্দের মাঠে তালগাছের মতো মাথা উচু করে নিতে হবে বজ্রের আঘাত। লাল মাটির দেশের এই নিয়ম।

কিন্তু উত্তমা! মিতাকে জানে, বিপ্লবযুগে হতপাদিকে দেখেছে, মনে আছে সীতাকে, কাল রাতে রয়েছে কালোশশীর অর্ধহীন চোখের জল। কিন্তু এ একেবারে আলাদা। ইমোশন নেই, আদর্শ আছে; স্বপ্ন নেই—প্রত্যয় আছে। এর কাছে প্রতি মুহূর্তে নিজেকে খড়িয়ে দেখতে হয়, ভয় করে কখন কোন্ দুর্বলতার ওপর একটা খড়্গের মতো আঘাত হেঁচকি বসবে।

—যান, যান করুন—

—কিন্তু যদি অর-টর—

—কিন্তু হবে না। আপনারও দেখছি অজয়দার বাতাস লেগেছে। আপনারা, শহরের লোকেরা সবাই বুঝি একরকম !

—না, অতটা অপবাদ দিয়ো না। অমন কাপুরুষ আমি নই।

—কাপুরুষ !—খানিকটা স্বগতোক্তি মতো উচ্চারণ করল উত্তমা, চূপ করে বইল কিছুক্ষণ। তারপর স্নানভাবে অল্প একটু হাসল : কাপুরুষ না হলে গিয়ে একটা চিঠিও লিখতে পারল না !

স্বরটা কেমন নতুন ঠেকল উত্তমার গলায়। যেন অশ্রুমনস্ক হয়ে গেছে, তার মুখের ওপর কোথা থেকে একটা রাঙা আলো পড়েছে এসে।

—দেখেছেন মজা ! শহরের লোকই এইরকম ! এত কথা সাজিয়ে সাজিয়ে বলেছিলেন—এত আবৃত্তি আর গান ! কোনোদিন ভুলব না, এই গ্রাম, এই দিনগুলোকে চিরদিন মনে রাখব !—উত্তমা যেন নিজের সঙ্গে কথা কইতে লাগল : কিন্তু কিরে যাবার সঙ্গে আর একবারও মনে পড়ল না ! সাথে কি শহরের লোকের ওপর অবিশ্বাস আর অশ্রদ্ধা আসে ?

একটা সন্দেহের ছায়া বনিয়ে এল রঞ্জনর মনে। অজয় পালিয়ে গিয়ে উত্তমাকে চিঠি লেখেনি। কিন্তু কী এমন অশ্রায় হয়েছে—কই-বা অস্বাভাবিক হয়েছে তাতে ? তার জন্তে এত ক্ষোভ কেন উত্তমার ? রঞ্জন একটা স্থিরদৃষ্টি মেলে ধরল উত্তমার দিকে। বার্নার্ড শ'র ক্যাণ্ডিডা ? দুর্বলের ওপর শক্তিময়ীর আকর্ষণ ? শেষ পর্যন্ত অজয়ই জিতে গেল না তো ?

—উঠুন, আর বেলা করবেন না—

স্বর বদলে গেছে উত্তমার। ই্যা, বোধ হয় ভালোই করেছে অজয়। এ আশুনকে বুকে বয়ে কতখানি পথ চলতে পারত ? কতক্ষণই বা সধু করতে পারত সে ?

—তাহলে নিতান্তই স্নান করব আজ ?

—করবেন বই কি। আজ আপনার ছুটি নেই। দুপুরে অনেক লোক আসবে—তাদের অনেক কথা বুঝিয়ে বলতে হবে। কুড়েমি করবার একদম সময় নেই—বুঝেছেন ?

—বুঝেছি—হতাশ হয়ে বললে রঞ্জন। আর ঠিক সেই সময় ঝড়ের বেগে বাইরে থেকে নগেন এসে ঢুকল ঘরে। রঞ্জন চমকে উঠল।

—একেবারে ভয়দূতের অবস্থা দেখছি ডাক্তারের !

—ব্যাপার সাংঘাতিক ! গাঁওতালদের সঙ্গে শাহু দাঙ্গা বাধিয়েছে পালনগরে।

—আবার সেই টুলহু মাঝিদের সঙ্গে ?

—না, প্রাঙ্ক পড়িয়েছে অনেকদূর। দাঙ্গা লেগেছে হিন্দু-মুসলমানে।

—হিন্দু-মুসলমান!—রঞ্জন লাফিয়ে নেমে পড়ল খাট থেকে। উত্তম চমকে উঠে পাংগু মুখে চেয়ে রইল।

—একটা বাড়তি সাইকেল জোটাতে পার ডাক্তার?

—একুনি।

রাতারাতি কালীর খানের পাশে কে কখন টিনের চালা তুলে ফেলল—টেরও পায়নি সাঁওতালরা। এমনিতেই কালীর খান গাঁ থেকে একটু দূরে—একটা অন্ধকার অশথগাছের তলায়। তার ওপর সারাদিনের খাটনির পরে যখন ওরা গভীর ঘুমে এলিয়ে পড়ে—তখন রাতে ওদের ঘুম থেকে জাগিয়ে তোলা সাধারণ শব্দ-সাড়ার কাজ নয়।

ওদের খেয়াল হল সকালে। আজানের শব্দে।

কালীর খানের কাছে টিনের চালাঘরের সামনে আজান দিচ্ছেন হাজী সাহেব। চারপাশে দলে দলে জড়ো হয়েছে ভক্ত মুসলমানের দল—সেই আজানের আকর্ষণে।

কিছুক্ষণ বিমূঢ় হয়ে রইল সাঁওতালরা। তরপর হু-চারজন করে এগোল সেদিকে।—কী এসব?

জনতার একজন গভীর গলায় জবাব দিলে—কী এসব, জানো না? মসজিদে আজান দেওয়া হচ্ছে।

—মসজিদ?

—হ্যাঁ, মসজিদ।

—কবে হল মসজিদ?

—বরাবরের।

বরাবরের! সাঁওতালেরা একবার এ ওর দিকে তাকালে।

—কই, আমরা তো কিছু জানতাম না।

—তোমাদের না জানলেও চলবে।

—আমাদের কালীর খানের গায়ে মসজিদ! কোনোদিন তো কেউ নামাজ পড়েনি এখানে।

—আজ থেকে পড়বে। যাও, সরে পড় এখান থেকে—জবাব দিল ইসমাইল।

—তাহলে আমাদের কালাপুজার কী হবে?—সবচেয়ে বয়োবৃদ্ধ সাঁওতাল জানতে চাইল : আমরা এখানে পূজা করতে পারব না, ঢোল বাজাতে পারব না—

—তোমাদের ওই ভূতুড়ে কালীকে তুলে নিয়ে গিয়ে বিলের জলে ফেলে দাও।

খোদাতালার মসজিদের কাছে ও সব বৃত্ত-পরন্ত চলবে না আর!

ঝুড়োর চোখ দুটো ঝিকিঝিকি জলে উঠল, কিন্তু সে আর কোনো উল্কাচ্য করল না।

আন্তে আন্তে সরে এল গাঁয়ের দিকে। একশো লোক পরম জ্ঞানর সঙ্গে নামাজ পড়তে লাগল।

গাঁয়ে ফিরেই নাকাড়া বাজিয়ে দিল সর্দার মাঝি। পঞ্চায়েৎ। ফাঁকা মাঠের মধ্য দিয়ে নাকাড়ার শব্দ দিকে দিকে রণ-আহ্বান ঘোষণা করে দিলে।

যারা নামাজ পড়ছিল, তারা নামাজ শেষ করেই উঠে গেল না। তারা জানে, এ শুধু আরম্ভ—শেষ নয়; এর পরেই আসবে সত্যিকারের কাজ। গোল হয়ে মসজিদের চারশাশে বসে রইল তারা।

ঘণ্টা দুই পরে ফিরল মোড়ল। একা নয়—সঙ্গে আরো জন-তিনেক অহুতর।

—এখানে কোনোদিন মসজিদ ছিল না—সর্দার মাঝি জানালো।

—বহাবর ছিল—তেজালো গলায় জবাব দিলে ইসমাইল।

—এইখানে মসজিদ থাকবে না—মোড়ল আবার বললে।

—আলবৎ থাকবে।

—তা হলে আমাদের পূজো হবে না!—মোড়ল ধীর কঠিন স্বরে বললে, আমরা এখানে থাকতে দেব না মসজিদ।

—কি করবে তবে?—বুক চিত্তিয়ে জানতে চাইল ইসমাইল। মাথার বিশৃঙ্খল চুল-গুলো ছু পাশ দিয়ে বস্ত্র আকারে নেমে এসেছে, হাতের মুঠি দুটো বদ্ধ হয়ে এসেছে আপনা থেকেই।

—ভেঙে দেব।—মোড়লের স্বর তেমনি শান্ত আর কঠিন।

—ভেঙে দেবে—মসজিদ ভেঙে দেবে!—আকাশ-ফাটানো চিংকার করে উঠল ইসমাইল : ভাই সব, মোছলমানের বাচ্চা হয়েও এর পর চুপ করে আছ তোমরা?

—আজ্ঞা-হো-আকবর—

একটা পৈশাচিক ধ্বনি উঠল করুণাময় দৈবের নাম নিয়ে। কোথা থেকে কে একখানা ভরোয়াল ইসমাইলের হাতে বাগিয়ে দিলে—হিংস্র উল্লাসে সেটা ঘোরাতে ঘোরাতে উন্নতের মতো ইসমাইল বললে, চলে আর—কে মসজিদ ভাঙবি চলে আর—

এমন সময় পেছনের টিলার ওপর ডুম ডুম শব্দে নাকাড়া বেজে উঠল।

মজ্জবলে ঘেন মাটি ফুঁড়ে উঠেছে বাট-সত্তরজন সাঁওতাল। কারো হাতে তীর-ধনুক, কারো বর্জর, কারো লাঠি। বৃড়ো থেকে দশ বছরের বাচ্চা—বাধ নেই কেউ। এমন কি টুলকু মাঝির ব্যাটা ধীরস্রাও আছে তাদের মধ্যে। পেছনে মেয়েরা—তাদের হাতেও তীর-ধনুক।

তার পর মুহূর্ত মাত্র।

একটা লাঠি উঠে এল মোড়লের মাথা। লক্ষ্য করে—আর একটা চাকি চট করে রখে

না. র. ৪র্থ—২৩

দিলে তাকে। মোড়ল তার সঙ্গীদের নিয়ে ছুটে চলে এল নিজের দলের মধ্যে। আকাশে বাহু তুলে রক্তচোখে গর্জন করে বললে, মার—

ত্রিশজন সাঁওতাল হাঁটু গেড়ে বসে ধনুকে তীর জুড়ল। ধারালো ইস্পাতের ফলাগুলো রোদে ঝক ঝক করে উঠল।

কিন্তু তার আগেই বহু কণ্ঠের একটা চিৎকার উঠেছে দূরান্তে। যুদ্ধের জন্তে যুগ্মস্থ ছুটো দলই তাকাল সেই শেষের দিকে। চিৎকার করতে করতে পঞ্চাশ-ষাটজন লোক উধাংসে ছুটে আসছে মাঠের ভেতর দিয়ে : থামাও—হাজা থামাও—

হাওয়ায় ঘাস দোলার আওয়াজ অবধি পাওয়া যায়, এমনি স্তব্ধতা। সন্দেহে প্রকৃষ্টিত করে তাকাল ইসমাইল—মোড়ল তীক্ষ্ণ দৃষ্টিতে লক্ষ্য করতে লাগল। গুল্লেনের ঢেউ বয়ে যেতে লাগল ছুটো দলের মধ্যে।

যুগ্মস্থ ছুটি বাহিনীর মাঝখানটিতে—সংগ্রামক্ষেত্রে দু'হাত তুলে দাঁড়ালেন আলিমুদ্দিন মাস্টার। পেছনে পেছনে আরও জনত্রিশেক লোক। কিছু ধাওয়া—বিছু বাদিয়া হোসেনের দল।

আলিমুদ্দিন রুদ্ধশ্বাসে বললেন, মিথ্যে খুন-খারাপীর মধ্যে কেন যাচ্ছ ভাই সব? মাতঙ্গরদের নিয়ে বৈঠক হোক—মসজিদ এখানে আদৌ ছিল কিনা সেটা ঠিক হোক—তার পরেই যা হয় হবে।

ইসমাইলের চোখ ছুটো ক্রোধের জ্বালায় ঠিকরে পড়তে লাগল।

—আলবৎ ছিল মসজিদ, হাজার বার ছিল। তুমি কাকের—এ সব ব্যাপারে কেন মাথা গলাতে এসেছ মাস্টার?

কিন্তু ইসমাইলের কথার শেষটা কেউ শুনতে পেল না। তার আগেই ধাওয়া আর হোসেনের দল সম্বন্ধে গর্জন তুলল : কাকের! মুখ সামাল! ইসমাইল সাহেব!

ইসমাইল ধর ধর করে কাঁপতে লাগল : নিশ্চয় কাকের!

হোসেন বললে, ইসমাইল সাহেব, এ শাহের বৈঠকখানা নয়। ইচ্ছা বীচাতে হলে জবান সামলাও। নইলে এখান থেকে মাথা নিয়ে কিংবদন্তি পারবে না।

ইসমাইল একবার তাকাল চারদিকে। তার অপমানের তার দলবলের মধ্যে তো চাকলা জেগে ওঠেনি, এতগুলো মুখ তো প্রতিহিংসায় কালো হয়ে যায়নি। হঠাৎ মনে হল কোনো শক্ত মাটির ওপরে পা দিয়ে সে দাঁড়িয়ে নেই—সেখানেও টলমল করছে ভাঙন-ভাঙা। আরো অল্পভব করল—সকলের দৃষ্টি একান্তভাবে আবদ্ধ হয়ে আছে আলিমুদ্দিনের প্রতিই—তার দিকে নয়।

অবস্থাটা অস্বাভাবিক করে হাজী সাহেবই এগিয়ে এলেন সন্মুখে।

—কী হচ্ছে এসব? মোছলমানে মোছলমানে হাজা-ফ্যাসাধ বাধাবার কি মানে হয়?

মাস্টার সাহেব কি বলছেন—শোন। যাক।

—মাস্টার—আবার ইসমাইল বলতে গেল।

—আপনি চুপ করুন—চিংকার উঠল জনতার মধ্য থেকে : আমরা মাস্টার সাহেবের কথাই শুনতে চাই।

পায়ের তলার যে ভাঙা তটের শিখিল ভিত্তি অস্থিভব করছিল, এবার যেন সেটা স্থল নদীর জলে ধ্বসে পড়ল ইসমাইল। শাহের বৈঠকখানা থেকে অপমান করে তাড়িয়ে দেওয়া যায় মাস্টারকে, বরখাস্ত করা যায় চাকরি থেকে, কিন্তু—

ওই কিছুই সর্বশেষ ! মাটির গভীরে যেখানে আলিমুদ্দিনের অলক্ষ্য শিকড় গিয়ে পৌঁছেছে, সেখান থেকে কে তাকে উৎপাটন করবে ?

বিবর্ণ পাণ্ডুর মুখে ইসমাইল দাঁড়িয়ে রইল।

আলিমুদ্দিন ফিরে তাকালেন মীণ্ডালদের দিকে।

—এগিয়ে এসো, এগিয়ে এসো তোমরা। মিছি মিছি তোমাদের ধর্ম-কর্ম কেউ ব্যাঘাত করবে না।

তীরগতিতে এই সময় আরো দুটো সাইকেল এসে পৌঁছল। নগেন আর রঞ্জন। কলস্বরে সতর্কতা করে উঠল মীণ্ডালরা। এতক্ষণে বেন নিজেদের লোক পেয়েছে নির্ভর করার মতো।

আলিমুদ্দিন হেসে অভ্যর্থনা করলেন।

—আমুন আমুন। বড় ভালো হয়েছে। সকলে মিলেই একটা কয়লা কয়ে ফেলা যাক।

কালো মুখে, ক্ষিপ্ত চোখের অগ্নিবর্ষণ করতে করতে ইসমাইল ক্রমশ ভিড়ের পেছন দিকে হটে যেতে লাগল। অবিলম্বে খবর দিতে হবে শাহকে—অস্ত্র উপায় দেখতে হবে এইবার।

আলিমুদ্দিন ততক্ষণে বক্তৃতা দিতে শুরু করেছেন।

—ভাই সব, আশেপাশের গাঁয়ে অনেক প্রবীণ মাতব্বর আছেন। তাঁরাই ভালো জানেন—এখানে কোনোদিন মসজিদ ছিল কিনা, অথবা কবে ছিল। যদি থাকে—

হাজী সাহেবের একটা টাট্টু ঘোড়া বাধা ছিল হিজল গাছের সঙ্গে। ভিড় থেকে বেরিয়ে এসে ঘোড়াটা খুলে নিল ইসমাইল—তারপর দ্রুতবেগে সেটাকে হাঁকিয়ে দিলে পাল নগরের উদ্দেশে।

বাইশ

ঝড়ের মেঘটা ধমধমে হয়ে উঠেও দমকা হাওয়ায় মিলিয়ে গেল।

বেশি কিছু বক্তৃতা হল না—দরকারও ছিল না তার। সাদা-সিঁধে সহজ আলোচনা শাস্ত্রভাবেই শুনে গেল দু পক্ষ। সত্যিই তো, নিছক একটা বোঁকের মাথায় এমন ভাবে কি খুনখারাপী করবার মানে হয় কিছু? জান জিনিসটা নিতে এক লহমাও সময় লাগে না, কিন্তু হাজার বছর চেষ্টা করলেও যে আর তা ফিরিয়ে দেওয়া যায় না, যেন খেয়াল থাকে কথাটা।

তাহলে রফা?

দশখানা গাঁয়ের মোড়ল-মাতব্বরদের ডাকা হোক, তাঁদের সাবুদ করা হোক, প্রাচীন ধারা আছেন আশেপাশে! পরচা দেখা হোক, দেখা হোক নকশা। মসজিদ যদি থাকে এখানে, আবার গড়ে উঠবে। পীরের দরগা নাকি ছিল, আবার নতুন করে তাহলে চেরাগ জ্বলবে তাঁর। তখন যদি কেউ বাধা দেয়, তাহলে অনেক স্বেযোগ মিলবে লাঠির জোর পরখ করবার। আর যদি না থাকে—বেশ তো, চুকে-বুকেই গেল সব।

সম্মতির মাথা নাড়ল দু পক্ষই।

কৃতজ্ঞচিত্তে রঞ্জন বলেছিল—মাস্টার সাহেব, সময়মতো আপনি এসে পড়েছিলেন বলেই রুখে গেল দাঙ্গাটা।

আলিমুদ্দিন হেসেছিলেন—অত্যন্ত ক্লান্ত, বিমর্ষ হাসি।

—কিন্তু সত্যিই যদি এখানে মসজিদ থেকে থাকে, তাহলে এর পরে হয়ত আমাদেরই দাঙ্গার নামতে হবে। পীরের জায়গা, খোদার জমিন আমরা এমনি ছাড়ব না।

—তখনকার ভার আমরা নিচ্ছি—নগেন জবাব দিয়েছিল : কিন্তু আজ আপনি যা করলেন এটাকে এমনি অবিশ্রান্ত বলে মনে হচ্ছে—

—অবিশ্রান্ত! কেন?—মুহুর্তে ধক করে জলে উঠেছিল মাস্টারের চোখ : আপনাদের কি ধারণা যে দাঙ্গা বাধানোটাই মূলমানের কাজ?

—না, তা বলছি না—নগেন এংকুচিত হয়ে গিয়েছিল : মানে, আমার বলবার কথা ছিল—

আলিমুদ্দিন ভিক্ত স্বরে বলেছিলেন, জানি। আমাদের সম্বন্ধে আপনাদের কি অভিযোগ সব আমার জানা আছে। আপনারা বলেন, আমরা অসহিষ্ণু, অস্ত্র ধর্মকে আর্মরা লুপ্ত করতে পারি না। তা নয়। আমাদের ধর্ম সর্বশ্রেষ্ঠ বলেই আমরা তার মর্দাঘা রাখবার জন্তে সহজে প্রাণ দিতে পারি। ইসলামের লত্যা-ই তো তাই। যেচে আমরা

কাউকে বা দিতে চাই না, কিন্তু কেউ আমাদের উপর চড়াও হলে তাকেও আমরা ক্ষমা করব না।—আলিমুদ্দিনের চোখ দুটো আচমকা এক বলক আগুন বৃষ্টি করেছিল : দিনের পর দিন আমাদের তুচ্ছ করেননি আপনারা ? দূরে সরিয়ে দেননি যখন বলে ?—এক বৃষ্টি-ঝরা সন্ধ্যার অপমানের ক্ষত আকস্মিকভাবে রক্তাক্ত হয়ে উঠেছিল আলিমুদ্দিনের বুকের ভেতর : আপনি বলে যতবার আপনারদের দিকে আমরা হাত বাড়াতো গেছি, ততবার স্থগা করে সে হাত ঠেলে দেননি আপনারদের সমাজ ?

কি থেকে কথাটা কোথায় গিয়ে পৌঁছল ! কয়েক মুহূর্ত স্তব্ধ থেকে আলিমুদ্দিন তিস্ততম স্বরে বলেছিলেন, তাই তো পাকিস্তান চাই ! সমান শক্তি না নিয়ে দাঁড়ালে আমাদের কোনোদিন শ্রদ্ধা করতে শিখবেন না আপনারা । সে শিক্ষা আপনারদের দরকার ।

রঞ্জন বলেছিল, ঠিক । আপনারদের দাবিকে আমরা অস্বীকার করছি না । কিন্তু ভুল বোঝাটা চূপক্ষেই হয়েছে—এক হাতে তালি বাজেনি । ওর মূলটা ইতিহাসের আড়ালে । সে কথা যাক মাস্টার সাহেব । আপনি একদিন সময় করে আহুন না জয়গড়ে । অনেক কিছু আলোচনা আছে আপনার সঙ্গে ।

—কি আলোচনা ?

—আপনি একটা কিছু গড়তে চাইছেন—আমরাও চাইছি । শেষ পর্যন্ত যাই হোক, হয়ত অনেক দূর পর্যন্ত একসঙ্গে এগোতে পারি আমরা । সেই সুযোগটাই বা ছাড়ব কেন ?

—অনেক দূর পর্যন্ত একসঙ্গে এগোব !—চোখ বুজে কিছুক্ষণ যেন কি চিন্তা করে নিয়েছিলেন আলিমুদ্দিন : সে কথা মন্দ বলেননি । কিছুদিন না হয় এক টার্গেটেই প্র্যাকটিস করা যাক । তারপর মুখোমুখি দাঁড়ানো যাবে রাইফেল নিয়ে ।

রঞ্জন বলেছিল, মুখোমুখি দাঁড়াতে চাই না আমরা—পাশাপাশি পা ফেলে এগোতে চাই সশস্ত্রের দিকে । আজ আপনারদের না পাই, দুদিন পরে পাবই ।

—দুরাশা করছেন । ভেলে-জলে মিশ খায় না । থাকেও না কোনোদিন ।

রঞ্জন হেসে বলেছিল, শুধু একটি কথায় আমার প্রতিবাদ আছে মাস্টার সাহেব । তেল-জল কথাটা আমি মানি না । দুটোই জল—একটা জমজমের, আর একটা গঙ্গার । শুধু মাঝখানে আরব সাগরের ফারাক । ওটুকু পার হতে পারলেই দুটো জল এসে একসঙ্গে মিশবে ।

আলিমুদ্দিন ব্যস্ততরে বলেছিলেন, কিন্তু এই আটশো বছরেও কেউ তা পারেনি ।

—আটশো বছর ধরে যা পারা যায়নি, তা আজও পারা যাবে না এটা কোনো বুদ্ধিই নয় মাস্টার সাহেব । মানুষ পৃথিবীতে পা দিয়েই আকাশে উড়তে চেয়েছে কিন্তু এরোপ্লেন গড়তে তার সময় লেগেছে হাজার হাজার বছর । সেই অস্ত্রেই আমরা আশাবাদী । বন্দু, কবে আসছেন জয়গড়ে ?

নগেনের ঘরে বসে আরো জোরালো, আরো তীব্র কণ্ঠে আলিমুদ্দিন বললেন, পাকিস্তান আমাদের চাই। কিন্তু ওই শাহের মতো লোকের জন্তে নয়। হিন্দু হোক, মুসলমান হোক, পণ্ডিত হোক আর মৌলবীই হোক—শহরতান আর অত্যাচারীর জায়গা নয় পাকিস্তান। আল্লামার রক্তের নাম নিয়ে আমরা গড়ব আজাদী ছনিয়া—সমস্ত শঠ-বঞ্চকদের নিকাশ করব সেখান থেকে। গরীবের রক্ত যারা শুষে খায়, তাদের টুটি টিপে ধরব!—বলতে বলতে মাস্টারের হাতের আঙুলগুলো শক্ত হয়ে এল—মনে হল যেন ফতে শা পাঠানের গলাটাকেই পিষে ধরছেন তিনি।

নগেন বললে, সে পাকিস্তানে আমরা সবাই পাকিস্তানী হতে রাজী আছি মাস্টার সাহেব। অত্যাচারী হিন্দুস্থান আমাদেরও দুশমন। তাই সকলের আগে গরীবকে আমরা একসঙ্গে মেলাতে চাই, কোমর বেঁধে দাঁড়াতে চাই সমস্ত অত্যাচারের বিরুদ্ধে। আমাদের কৃষাণ সমিতির কথা নিশ্চয় শুনেছেন আপনি।

আলিমুদ্দিন বললেন, শুনেছি। কিন্তু বিশ্বাস করি না।

—কেন করেন না?

—ও-ও আপনাদের একটা চক্রান্ত। মুসলমানের দল ভাঙানোর ফন্দি।

রক্তনের মুখ লাল হয়ে উঠল মুহূর্তের জন্তে : একটু অবিচার হচ্ছে না মাস্টার সাহেব?

—অবিচার?—স্বপ্নভরে আলিমুদ্দিন বললেন, কংগ্রেসে একদিন আমিও ছিলাম—আধীনতার জন্তে জেল আমিও খেটেছি, আমার মাথাতেও পুলিশের লাঠি পড়েছে অনেকবার। আমি জানি, কিসে কি হয়। ভালো ভালো কথা অনেক শুনেছি, কিন্তু মুসলমানের দাবির প্রস্ন যখন উঠেছে, তখনি কেমন করে তা দাবিয়ে দেওয়া হয়েছে, সে কথাও আমি ভুলিনি।

নিজেকে সামলে নিয়ে রক্তন বললে, মতভেদ রইল। তবুও একটা জিনিস বিশ্বাস করুন মাস্টার সাহেব, দিন বদলায়।

—হয়ত বদলায়। কিন্তু এখনো তার প্রমাণ পাইনি।

—প্রমাণ তো চাননি!—রক্তন হাসল : শুধু অভিমান করে দূরে সরেই দাঁড়িয়ে আছেন। এসে একবার দেখুন না আমাদের ভেতর।

—এসে কি দেখব?—উদ্ধত স্বরে আলিমুদ্দিন বললেন, চাপা পড়ে যাব আপনাদের ডলার।

নগেন বললে, চাপা পড়বেন কেন? আমাদের এখানকার কৃষাণ সমিতিতে হিন্দুর চাইতে মুসলমানই বেশি। তারা নিশ্চয় আপনার পেছনেই থাকবে।

আলিমুদ্দিন চুপ করলেন। কিন্তু একটা ভেবে স্থির করে নিতে চাইলেন নিজের মধ্যে। তারপর মুহূর্ত হাসলেন : যদি সেই জ্বাযোগে আপনাদের কৃষাণ সমিতিকে আমাদের লীপের

প্র্যাটফর্ম করে নিই ?

—নিঃ না করে!—রক্তনও হাসল : গরীবের ভুলে যে লড়বে সে-ই আমাদের হল। সে নামে মুসলিম লীগ হোক, কৃষাণ সমিতি হোক, হিন্দু মহাসভা হোক—কিছু আসে যায় না।

আবার চুপ করে রইলেন আলিমুদ্দিন। চিন্তার ক্রকুটি ফুটেছে কপালে, অর্ধমনস্ক দৃষ্টি মেলে তাকিয়ে রইলেন বাইরের ছায়া-রোজ-চঞ্চল মহায়া বনের দিকে—কলক-লাগা টাঙ্গন নদীর নীল ধারায়। তারপর ধীরে ধীরে মুক্তি দিলেন বুক-চাপা একটা দীর্ঘশ্বাসকে।

—নাঃ, লোভ দেখাচ্ছেন আপনার। ও সবের মধ্যে আর আমি নেই। এর ফলে শুধু আমার পাকিস্তানের লক্ষ্য থেকেই আমি ভ্রষ্ট হব। সোশ্যালিজমের বুলি কপটে মুসলিম লীগকে প্রাবোটেজ করতে চান আপনারা।

রক্তন হাসল : কিন্তু আপনি যা চাইছেন, তাও তো সোশ্যালিজম ছাড়া অস্ত্র কিছু নয়।

—ইসলামী সোশ্যালিজম। শরীয়তী আইনে সে চলবে। ধর্মকে সামনে রেখে সে এগিয়ে যাবে। আপনারদের মত ধর্ম মানে না, মুসলমানের সঙ্গে রক্ষা হতে পারে না আপনারদের।

—ধর্ম না মানলেও আমাদের মত কারোর ধর্মে কখনো হাত দেবে না মাস্টার সাহেব। ধর্মটা ব্যক্তিগত—

বিরক্ত হয়ে আলিমুদ্দিন বললেন, আর আমাদের ধর্ম সমাজগত। এ সব বলে তোলাতে পারবেন না। আমাদের লক্ষ্য সোজা—যা চাই, তাও স্পষ্ট জানিয়ে দিয়েছি। যদি মেনে নিতে পারেন, আশ্বস্ত। নইলে এ নিয়ে আলোচনা করে কোনো লাভ নেই। আজ বরং আমি উঠি—আলিমুদ্দিন চোঁকি ছেড়ে দাঁড়ালেন।

—সে কি ! এখন উঠবেন কেন ?—নগেন সজ্ঞত হয়ে উঠল।

—বাঃ, কিরতে হবে না ? চের বেলা হয়ে গেছে।

—তা হোক না। থেয়ে যাবেন এখান থেকে।

—খেয়ে যাব !—আলিমুদ্দিন যেন আতকে উঠলেন।

—সেই ব্যবস্থাই তো করা হয়েছে। এতদূর থেকে এসে না খেয়ে ফিরে যাবেন, তা কি হয় ?

মুখের চেহারাটা শক্ত আর ভীকু হয়ে উঠল আলিমুদ্দিনের : নাঃ, থাক।

—কেন ? আপনি কি হিন্দুর বাড়িতে খান না ?—রক্তন জানতে চাইল।

আলিমুদ্দিন খরদৃষ্টিতে তাকালেন রক্তনের দিকে। ক্ষতচায় আবার নিতুঁর আঁচড় পড়ছে একটা। বিতৃষ্ণাতারা অভূত গলায় বললেন, খেতাম এককালে। কিন্তু এখন আর খাই

না। দেখলাম যাদের সঙ্গে জাত মেলে না, তাদের সঙ্গে পাতও মিলবে না কোনোদিন।

নগেন শশব্যস্তে বললে, এখানে ও ভয় রাখবেন না। আমাদের কোনো জাতই নেই।

—আপনারা মুসলমানের রান্না খান ?

নগেন উত্তেজিত হয়ে বললে, অত্যন্ত আনন্দের সঙ্গে। অমন মোগলাই রান্না থেকেই যদি বঞ্চিত হলাম, তাহলে আর বেঁচে থেকে হুথ কি ?

নিঃশব্দে আবার কিছুক্ষণ তাকিয়ে রইলেন আলিমুদ্দিন। আস্তে আস্তে বললেন—তবে খাব। কিন্তু আজ নয়। অনেক কাজ আছে—একুণি আমাকে বেরুতে হবে।

—তবে এক মিনিট দাঁড়ান। আপনার চার্জ এখন আর আমাদের ওপর নেই—ও ভারটা আমার বোন নিয়েছে। তাকেই ডাকি।—নগেন স্বর চড়িয়ে ডাকল, উস্তমা—

—আসছি—উস্তমার সাদা এল।

—আবার কেন—ষিখাভরে বলতে গিয়েও থেমে গেলেন আলিমুদ্দিন। দোরগোড়ায় উস্তমা এসে দাঁড়িয়েছে। তেমনি চিরচরিত অভ্যস্ত তার চেহারা। গাছকোয়ার ঝাড়া, গালে-কপালে ঝেঁপবিন্দু।

নগেন বললে, এই জ্বাখ, রাস্টার সাহেব না খেয়ে পালাচ্ছেন।

—সে কি কথা ? এত কষ্ট করে রাখছি, পালালেই হল !

সংস্কারবশেই চোখ নামিয়ে নিয়েছিলেন আলিমুদ্দিন। এই মেয়েটির কাছে রুঢ় হয়ে উঠতে তাঁর বাধল। দ্বিধাগ্রস্ত হয়ে বললেন—অনেক কাজ আছে, আজ থাক।

—আমার হয়ে গেছে, বেশিক্ষণ আপনাকে আটকে রাখব না দাদা।

দাদা ! শিউরে উঠলেন আলিমুদ্দিন—বিস্ফারিত দৃষ্টি মেলে তাকালেন উস্তমার দিকে। কল্যাণী ! উস্তরবন্ধের এক মকম্বল শহরে বর্ষার রাত্রে যে চিরদিনের মতো কালো অন্ধকারে হারিয়ে গিয়েছিল, আজ কোথা থেকে সে এমন করে প্রাণ পেয়ে উঠল। কোন মৃত্যুর আড়াল থেকে আলিমুদ্দিন জ্ঞানলেন এই প্রেতকণ্ঠ ! একটা তিক্ত-যন্ত্রণার মোচড় খেয়ে উঠল বৃকের ভেতর।

—দাদা ! মৃত্যুর ওপার থেকে আবার ভেসে এল কল্যাণীর প্রেতস্বর।—আধঘণ্টার মধ্যেই খেতে দেব।

আলিমুদ্দিন তেমনি তাকিয়ে রইলেন। উস্তমার মুখটা মিলিয়ে যাচ্ছে ক্রমশ। আর ধীরে ধীরে একটা বিরাট শূন্যতার সৃষ্টি হচ্ছে সেখানে। আর সেই শূন্যতার ভেতর দিয়ে এগিয়ে চলেছে কতগুলো দিন—কতগুলো বৎসর—হাওয়ার জ্যোতির্ময় পতঙ্গের মতো উড়ে চলেছে ঝাঁক বেধে। তারপর সেগুলো যখন মিলিয়ে গেল, তখন দেখা গেল—যেন পাখরের বেষ্টীর ওপর হিন্দুর একটা মূর্তি স্থির হয়ে দাঁড়িয়ে আছে—সে মূর্তি কল্যাণীর !

কিন্তু আলিমুদ্দিন তো পৌত্তলিক নন। নিশ্চয় প্রতিমা শুধু নিতেই জানে, দেবার

শক্তি কোথায় তার! একবার অজ্ঞানের অর্থ্য সাজিয়েছিলেন, তার বাম তৌ শোধ করে দিতে হয়েছে কড়ায় গণ্ডায়! আবার—আবার কি সে ভুল তিনি করবেন? সেদিনের সেই অসহ যন্ত্রণার পরেও কি যথেষ্ট শিক্ষা হয়নি তাঁর? না, নিজেকে সংযত করতে হবে এবার।

কিন্তু পারলেন না।

উত্তমা বললে, আর একটু বসুন দাদা, খুব শীগগিরই আপনাকে ছেড়ে দেব।

যা বলা উচিত ছিল, তার উল্টোটাই বললেন আলিমুদ্দিন। বহুদিন আগে যে কংগ্রেস-কর্মীর কবরের ওপর তিনি শেষ মুঠা মাটি ছড়িয়ে দিয়েছিলেন, আজ তাঁর গলায় ভেতর থেকে তার আত্মাটাই কথা কয়ে উঠল।

—আচ্ছা, বেশ!—যেন ঘোরের মধ্যে থেকে জবাব দিলেন।

যেমন সহজে দোরগোড়ায় এসে দাঁড়িয়েছিল উত্তমা, তেমনি সহজেই অদৃশ্য হয়ে গেল। কিন্তু কি যেন এক সমুদ্রের ঢেউয়ের দোলায় ভেসে চললেন আলিমুদ্দিন। এ হওয়া উচিত ছিল না, কোনো প্রয়োজন ছিল না এর। যে স্থণা আর বিতৃষ্ণা নিয়ে একদিন তিনি ঘুরে সবে গিয়েছিলেন, কখনো কি জানতেন যে একটা সামান্য আকর্ষণেই আবার যেখানকার সেইখানেই ফিরে আসবেন তিনি?

কখনো কি কল্পনা করেছিলেন তাঁর মন এত দুর্বল, এমন হীনশক্তি? একটা অল্প ব্যর্থ আক্ৰোশে নিজেকেই তাঁর আঘাত করতে ইচ্ছে হল। কবে কোন্ কালো সমুদ্রের দৃষ্টি আক্ৰোশ পার হয়ে এসে দাঁড়িয়েছিলেন একটা শিলাখণ্ডের ওপর—চক্ষের পলকে সেখান থেকে অস্ত্রহীন তরঙ্গের মধ্যে আছড়ে পড়লেন তিনি! এতক্ষণ পরে কানে এল, নগেন হাসছে।

—দেখলেন তো! ইচ্ছে করলেই এত সহজে পালানো যায় না!

—তাই দেখছি!—ক্লান্ত পীড়িত স্বরে যেন স্বগতোক্তি করলেন মাস্টার।

বাইরের মছয়া বনে ঝলক-লাগা রোদ। টাঙ্গন নদীর নীল জল শিথিল বেদনার মতো বায়ে চলেছে। তার-বাঁধা দুপুরের ভেতর থেকে ঝঙ্কার তুলছে হট্টটির ডাক! ঠাণ্ডা ছায়া দিয়ে ছাওয়া এই ঘরখানা, খাটের ওপর শীতলপাটি পাতা। একটু আগেই দোরগোড়া থেকে যে সবে গেল—সে তো সেই স্বপ্নে দেখা কল্যাণী! আজ মনে হল—অত্যন্ত আকস্মিকভাবে মনে হল: পৃথিবীর ওপর দিয়ে কত দীর্ঘ, কত অর্থহীন পথ যেন তিনি পেঘিয়ে এসেছেন! যেন ময়ূচিকার হাতছানিতে ছুটে চলেছেন মরু-বালুকার এক দিগন্ত থেকে আরেক দিগন্তে। কি চেয়েছেন নিজের স্মৃতি করে জানেন না, কি পাবেন কোনো হৃৎস্পর্শ নেই তারও! তার চেয়ে এখানকার এই ছায়ার—কল্যাণীর এই ছায়ার—তিনি কি কোনো স্বপ্নহীন নীরব্র তন্ত্রার মধ্যে তলিয়ে যেতে পারেন না? হারিয়ে যেতে পারেন

না কোনো নিশ্চিন্ত লুপ্তিতে ?

—কি ভাবছেন মাস্টার সাহেব ?—রঞ্জনর প্রশ্ন ।

আবিষ্ট চোখ ভুলে ধরলেন মাস্টার ।

নগেন বিমর্ষ গলায় বললে, অবশ্য আপনার যদি খুব বেশি অসুবিধে থাকে, তবে পীড়াপীড়ি করব না । যদি অস্বস্তি বোধ করেন—

—অস্বস্তি ? নাঃ—একটা দীর্ঘশ্বাস বুকের মধ্যে চেপে নিলেন আলিমুদ্দিন : অল্প কথা ভাবছিলাম । সে যাক । হ্যাঁ, এখন আমাদের পুরনো আলোচনাটাই চলুক—জোর করে সব কিছু ভুলে যাওয়ার একটা প্রচণ্ড প্রচেষ্টা করে মাস্টার বললেন, খানিক দূর পর্যন্ত আমরা একসঙ্গে যেতে পারি—এই কথাই হচ্ছিল । কিন্তু কতদূর পর্যন্ত ? আর আপনাদের প্রোগ্রামটাই বা কি ?

রঞ্জন কি বলতে যাচ্ছিল, ঠিক তখনই ঘরের মধ্যে ঢুকে পড়ল একটা লোক । তারপর আলিমুদ্দিনকে দেখেই চমকে উঠে থমকে দাঁড়িয়ে গেল । ছাঁটা ছাঁটা চুল, বগা চেহারা—একটা বস্ত্র মহিষের মতো দেখতে । ছোটো রক্তমাখা চোখে আগুন বর্ষণ করতে করতে লে হিংস্র জন্তুর মতো দীর্ঘশ্বাস ফেলতে লাগল ।

নগেন চোঁকি ছেড়ে উঠে দাঁড়াল ।

—কী—কী হয়েছে যমুনা ?

যমুনা আহীর তবু জবাব দিল না । প্রকাণ্ড চণ্ডা বুকটা প্রচণ্ড নিশ্বাসের সঙ্গে সঙ্গে শুধু তালে তালে ওঠা-পড়া করতে লাগল ।

—কোনো ভয় নেই, বলো । ইনি আমাদের বন্ধুলোক ।

যমুনা কঁপে উঠল একবার । তারপর একটা অদ্ভুত বিকৃত স্বর বেকল তার গলা দিয়ে —হামি ফেরারী—ধানার যেতে পারিনি । কিন্তু ইস্ দফা হাম খুন করেছা, জান লে লেদা ।

—কার জান নেবে ? কী হয়েছে ?—নগেন আকুল হয়ে উঠল : থুঁলে বলো সব কথা ।

সেই অদ্ভুত বিকৃত স্বরে যমুনা বললে, শাহের লোক লাঠিয়াল পাঠিয়ে মাঠ থেকে জুমরিকে ধরে নিয়ে গেছে ।

তেইশ

—জীগ-কীগের কথা ছাড়ুন—পরম পরিতৃপ্তিতে গড়গড়ায় টান দিলেন ফতে শা পাঠান । তারপর ধীরে ধীরে নাসারঞ্জে ধোঁয়াটাকে মুক্তি দিয়ে আধবোঝা চোখ দুটোকে সম্পূর্ণ কল্পে মেলে ধরলেন : কি করা যায় তাই বলুন এখন ।

আজ বিকেলে আফিডের মৌভাত করেছেন কি না ভৈরবনারায়ণ, বলা শক্ত। আশ্চর্য জাগ্রত আর সজীব তাঁর চোখ। এই সময়ে ভৈরবনারায়ণকে দেখলে মত বদলাত রজন। যে মুখখানাকে সে প্রাইজ বুলের সঙ্গে তুলনা করেছিল, সে মুখ দেখলে এখন তার অস্ত্র কথা মনে পড়ত। মনে পড়ত গ্রীক পুরাণের গল্প—ভেসে উঠত লুক বীভৎস কামনার ইয়োবোপের দিকে ছুটে আসা জুপিটারের বৃষভমূর্তি!

ভৈরবনারায়ণ বললেন, গণ্ডগোল আপনারাই তো বাধিয়েছেন। কি কতগুলো লীগ আর গ্রাশানাল গার্ড গড়েছেন, লোক ক্ষাপাচ্ছেন—

ইসমাইল ফৌস করে উঠল : লোক আমরা ক্ষাপাচ্ছি না। এতকাল ধরে আপনারা সব ভোগ-দখল করে এসেছেন, এবার আমরা আমাদের হিসেব মিটিয়ে নিতে চাইছি।

ভৈরবনারায়ণ হাসলেন : আলাদাই যদি হয়ে যেতে চান, তাহলে আর একসঙ্গে কি করে কাজ করা যায় বলুন। আমরা উত্তরে গেলে আপনারা যাবেন দক্ষিণে ; আমরা পূর্বে যেতে চাইলে, আপনারা পশ্চিমে—

ইসমাইল কি বলতে চাইছিল, ফতে শা খামিয়ে দিলেন।

—ওসব পরের কথা পরে। সে ক্ষয়শালা দুদিন দেহিতে হলেও চলবে। কিন্তু অবস্থা বুঝতে পারছেন এখন ? আমার প্রজারা বাগ মানছে না। ওই চাবী প্রজা—ওই সীপ্তালের দল, সব ছোট বাঁধছে। ওদের পেছনে আছে কতগুলো হারামী মুসলমান, আলিমুদ্দিন মাস্টারটা হয়েছে তাদের পাণ্ডা। আপনিই বা কোন্ স্থখে চোখ বুজে বসে আছেন কুমার বাহাদুর ? আপনার জয়গড় মহল বশ মানছে না, কালাপুখরির তুরীয়া ডাঁড়ার মুখ বাঁধবার জন্তে কোমর বাঁধছে। দেখছেন না, আপনিও ডুবছেন, আমিও ডুবছি।

ভৈরবনারায়ণের ঝুটো একসঙ্গে জুড়ে এল।

—কিন্তু এর শেষ কোথায় সেটাই বুঝতে পারছি না!—চিন্তিত মুখে কিছুক্ষণ চুপ করে রইলেন কুমার বাহাদুর : সে যাক, পরের ব্যাপার পরেই হবে। আপাতত আপনার কথাটা আমার মনে ধরেছে। আপনার যেমন মাস্টার জুটেছে, আমিও তেমনই এক ঠাকুর-বাবু পুবেছিলাম। চোখে চোখেই রেখেছিলাম, কিন্তু সরে পড়েছে আমার ওখান থেকে। খবর পেয়েছি গিয়ে উঠছে হতভাগা নগেন ডাক্তারের ওখানে। তুরীদের নাচাচ্ছে ওরাই। আপনি নতুন কিছু জানেন নাকি সরকার মশাই ?

নগেনের জ্যাঠা মুভাঙ্কর সরকার এতক্ষণ চুপ করে বসেছিলেন। কুমার বাহাদুরের প্রাঞ্চে উৎসাহে নড়ে উঠলেন তিনি।

—হ্যাঁ, কুৰাণ সমিতি হচ্ছে, গরম গরম বক্তৃতাও চলেছে সেখানে।

—আপনি তো জয়গড়ের মাথা—ফতে শা প্রসন্ন করলেন, ইউনিয়ন বোর্ডের

প্রেসিডেন্টও বটেন। ঠেকাতে পারেন না লোকগুলোকে ?

মৃত্যুঞ্জয় মাথা নাড়লেন।—আমি অহিংসার সেবক—গান্ধীজীর শিষ্য। বলেছিলাম, এসব করে কি হবে ? লোকের মনে হিংসা আর লোভ বাড়িয়ে কি লাভ ? এর ফল হবে সর্বশেষে। কিন্তু মাথায় দুবুঁকি ঢুকেছে, সবস্বস্ত মরবে শেষ পর্যন্ত। শুনল না। তা অহিংসার সেবক হিসেবে আমার কর্তব্য আমি করেছি—সবই জানাচ্ছি কুমার বাহাদুরকে।

—হ্যাঁ, ঠিক কাছ থেকেই সব খবর আমি পাচ্ছি। ভেবেছিলাম, এক ফাঁকে সব কটাকে মাটিতে দলে দেব!—ভৈরবনারায়ণ হিংস্র হাসি হাসলেন : ততদিন প্রায় নিক খানিকটা। এখন দেখছি শ্রদ্ধ অনেক দূর পর্যন্ত গড়াচ্ছে। আর কি আশ্বর্ষ্য বেড়েছে ওই আহীরগুলোর! জটায়ুর সিংকে খুন করেছে। দারোগা ধরতে গিয়েছিলেন, তাঁদের নাস্তানাবুদ করে হাওয়া হয়ে গেছে পালের গোদা যমুনা আহীর।

—সেটাও বোধ হয় নগেনের ওখানে গিয়ে জুটেছে—জুড়ে দিলেন মৃত্যুঞ্জয়।

—তাই নাকি ?—ভৈরবনারায়ণের বৃষভমুখে বুল ফাইটিঙের জিবাংসা ফুটে বেরল : ওটাই তাহলে ষাঁটি। একটা কাজ করতে পারেন সরকার মশাই ? লাল ঘোড়া ছোট্টাতে পারেন নগেন ডাক্তারের আন্তানায় ?

—অসম্ভবত হলেই পারি—মৃত্যুঞ্জয় হাসলেন : আমি অহিংসার সেবক, তবু দরকার হলে অহিংসার জন্তে হিংসাকেও বাদ দেওয়া চলে না।

—আপনাদের গান্ধী সে কথা বলেছেন নাকি ? তাঁর ভালো-মন্দ যাই থাক, তাঁকে অন্তত মহাত্মা বলেই তো জানতাম আমরা!—টিগুনী কাটল ইসমাইল।

—বাজে কথা থাক।—শাহু ধমক দিলেন : এখন শুনুন। পাল নগরের ব্যাপারটা পণ্ড হল আপনার ঠাকুরবাবু আর আমার মাস্টারের দৌলতে। কিন্তু হাল আমি ছাড়িনি। আর একটা চেষ্টা করেছি যমুনা আহীরের মেয়েটাকে চুরি করিয়ে—

—তাই নাকি ?—ভৈরবনারায়ণ চমকে উঠলেন : আমার এলাকা থেকে—

—মিথ্যে ওসব তুচ্ছ ব্যাপার নিয়ে এখন আর মাথা ঘামাবেন না কুমার বাহাদুর। দুজনের এলাকাই এখন যায় যায়—এ সমস্ত ছোট-বড় মান-অভিমানের কথা থাক। শাঁওভালদের দিয়ে হল না, এবার যদি আহীরদের সঙ্গে—

—কাঁচা কাজ হয়েছে চাচা, একদম কাঁচা কাজ ! উন্টে ফল হয়েছে। এতকাল আহীররা কারো সাতে-পাঁচে ছিল না, এবার ওরাও ভেতে উঠেছে। শাঁওভালদের নিয়ে এর মধ্যেই বৈঠক করেছে নিজেদের ভেতর।—ইসমাইল অসহায়ভাবে কাঁধ কাঁকালো : চারদিকে এমন একটা বেড়াভাল তৈরি হয়েছে যে এখন কেটে বেরনোই মুশকিল। স্বাক্ষর থেকে লীগের কাজকর্মই পণ্ড !

—রাখো তোমার লীগ !—শাহু নজোরে ক্যাশে একটা খাবড়া মারলেন : যত জবাল

সব ! ভালো করতে গিয়ে একরাশ বিপত্তি বাধল । জুটল ওই আলিমুদ্দিন মাস্টার—এখন গোড়াহুজু ধরে টান দিয়েছে ।

—সব ঠাণ্ডা হবে, কিছু ভাববেন না—ভৈরবনারায়ণ চিন্তিত মুখে বললেন, এখন একটা পথ বাতলান । দারোগাকে বলে কয়েকটা পাণ্ডাকে ধরপাকড় করিয়ে—

ইসমাইল বললে, উহঁ, খুব সুবিধে হবে না । এক যমুনা আহীরকে নাড়তে গিয়ে বেজায় ঘাবড়ে গেছে দারোগা । বলছে, এসব ক্রিমিডাল এলাকায় কাজ করা—সাতজন ভুঁড়িওলা কনস্টেবল, আর পাঁচজন হাবা চৌকিদার নিয়ে সম্ভব নয় । মাঝ থেকে বেঘোরে প্রাণ যাবে । শহরে নাকি চিঠি দিয়েছে স্পেশাল পুলিশ ফোর্সের জন্তে । যদি না আসে, এরিয়া থেকে ট্রান্সফার নেবে সে ।

—যা করবার নিজেদেরই করতে হবে—শাহু বললেন, ওসব হাতটান-মার্কি ছারপোকা-মারা দারোগার কর্ম নয় । আসুন একজোট হই আমরা । নিজেদের মধ্যে মামলা-মোকদ্দমা, লাঠালাঠি, হিন্দু-মুসলমান—এগুলো এমন কিছু বড় ব্যাপার নয় যে আপনার আমার কারুরই তা গায়ে লাগবে । কিন্তু প্রজা ক্ষেপবার ফল বুঝতে পারছেন ? দুদিনে ওলট-পালট করে দেবে । তখন হিন্দুও থাকবে না, মুসলমানও থাকবে না—সব শালা এক হয়ে জমিদারের ঘাড়ে লাঠি ঝাড়তে চাইবে । ওদিকে আপনার ঠাকুরবাবু, এদিকে আমার মাস্টার, মানিকজোড় মিললে আর—

—মিলেছে ।—কথার মাঝখানে থাকা দিয়ে মৃত্যুঞ্জয় বললেন, মিলেছে । আলিমুদ্দিন সাহেব কাল নেমস্তন্ন খেয়ে এসেছেন নগেনের ওখানে—

কথাটা সভার ওপর বজ্রপাতের মতো এসে পড়ল ।

ঘরহুজু সকলে একসঙ্গে চমকে উঠলেন । খোঁচা-খাওয়া বিষধর সাপের মতো একটা অক্ষুট গর্জন করলেন ফতে শা পাঠান । মনে হল মাস্টারকে সামনে পেলে আর কিছুই করতে নাকি তিনি, শুধু হিংস্র ক্রোধে ছোবল মারতেন একটা ।

অসহু জালায় ইসমাইল বলে ফেলল, শালা হারামী !

চাপা তীক্ষ্ণস্বরে শাহু বললেন, ব্যাস, থতম !

—না, থতম নয়—ভৈরবনারায়ণ বললেন, এই শুরু ।—উদ্ভেজনার তাঁর গলা কাঁপতে লাগল : আমার পূর্বপুরুষ কাস্ত নগরের যুদ্ধে লড়েছিল ইংরেজের সঙ্গে । আর কটা অব্যাহা লোককে ঠাণ্ডা করা যাবে না ? আপনি তৈরি হোন শাহু, আমিও তৈরি । গ্রামকে গ্রাম জালিয়ে দেব—ছুটায় না হলে ছুশোর মাথা নামিয়ে দেব মাটিতে । তারপর ফাঁসি : যেতে হয়—সে ভি আচ্ছা ।

—তাহলে তাই কথা রইল, শাহু উঠে পড়লেন : আমি তাহলে আজ আলি কুয়াক-বাহাদুর । রাত হয়ে গেছে । ইজিল !

একজন বাদিয়া বরকন্দাজ ঘরের বাইরে থেকে দোরগোড়ায় এগিয়ে এস।

—গাড়ি জোতা আছে ?

—জী।

—তা হলে—শাহু দু পা এগোলেন।

ভৈরবনারায়ণ বললেন, একটু বসে যান। বুষ্টি পড়ছে।

—বুষ্টি ? তাই তো বটে !—শাহু বললেন।

হ্যাঁ, বুষ্টি নেমেছে বাইরে। এতক্ষণের তদগত আলোচনার সেটা কারো খেয়াল ছিল না। বাইরে লালমাটির সহস্রদীর্ঘ বৃকের উপর নেমেছে বহুপ্রতীক্ষিত বর্ষণ, রৌদ্রদগ্ধ দিক্-প্রান্তের ওপর স্নেহের মতো করে পড়ছে অরুণ ধারায়। এলোমেলো হাওয়ার শোনা যাচ্ছে তালবনের মর্মর, আমবাগানের আর্দ্রধ্বনি, মালিনী নদীর কল্লোল !

—তাই তো বুষ্টি নামলো যে !—শাহু বিব্রত হয়ে বললেন।

—ভয় নেই, এখুনি থামবে—আশ্বাস দিলেন ভৈরবনারায়ণ।

—থামবে ?—কাচের জানালার ভিতর দিয়ে বুষ্টিঝরা অন্ধকারের দিকে তাকালেন বিচক্ষণ মুত্থাঙ্কর : ঠিক সে কথা কিন্তু মনে হচ্ছে না। বোধ হচ্ছে বান ডাকানো বুষ্টি—সহজে থামবে না, মাঠে জল আসবে—

—মাঠে জল !—চকিত হয়ে মস্তব্য করলেন কুমার বাহাদুর। একসঙ্গে অনেকগুলো কথা মনে পড়ল তাঁর—একটা স্ত্রীতায় টান পড়বার সঙ্গে সঙ্গে অনিবার্যভাবে ভেসে এল পাশাপাশি কতগুলো ছবি। কালাপুখরি—ডাঁড়া—মালিনী নদীর বান—মাঠভরা জল—নগেন ডাক্তার—ঠাকুরবাবু—

আর সঙ্গে সঙ্গে ঘরে ঢুকল মাধব। কালাপুখরির মাধব। বুষ্টিতে ভিজে একাকার, সর্বাঙ্গে কাদা—চোখে মুখে উৎকর্ষার আকুলতা।

—থবর কী মাধব ?

হাঁপাতে হাঁপাতে মাধব বললে, নদীতে বান এনেছে।

—তারপর !

—গুয়াও, তুরী, সাঁওতাল, জয়গড়ের সব হিন্দু-মুসলমান প্রজা, মাস্টার দাহেবের বাদিয়ার দল, সব একজোট হয়ে কালাপুখরির ডাঁড়ায় বাঁধ বাঁধছে !

কিছুক্ষণ শুধু বাইরের বুষ্টির শব্দটাই জেগে রইল।

তারপর ভৈরবনারায়ণ ডাকলেন, ফতে সাহেব !

শাহু বললেন, আপনি লোক ঠিক করুন, আমিও আসছি। গাড়ি জুততে বল

ইত্রিস—

—জোর বুষ্টি হচ্ছে যে শাহু—ইত্রিস বলতে গেল।

—চূপ কর হতভাগা উল্লুক—বা বলছি তাই করবি।—বৃষ্টির আগ্রাসন ছাড়িয়ে বজ্রধ্বনির মতো শাহের কর্তৃক বরষার ভেঙে পড়ল।

রাজবংশী চাকরটাও বাড়িতে নেই—ক্যার একা। সেই ফাঁকে বসল বোতল নিয়ে।

অনেক দিন পর্যন্ত এমনভাবে মদ খায়নি ক্রু সাহেব।

মার্থার ভয়ে জীবনের উচ্ছ্বল দিনগুলো একদিন শাস্ত সংযত করে নিয়েছিল, —মার্থার কচি আর শিকার সাহচর্যে নিজেকে মার্জিত করে নিতে চেয়েছিল সে। সেদিন জানত, গোল্ডার্স গ্রীনের সোনার হরিণ মার্থাকে আর ভোলাতে পারবে না; তার নিজের যা কিছু রঙ, সব জলে গিয়ে সে মার্থার কাছে একটা মূল্যহীন ফাঁকি হয়েই থরা দেবে। সেই হীনমস্ততার অপরাধে সে দিনের পর দিন ক্ষতি করেছে মার্থাকে, তার গল্পনা সহ্য করেছে। উচ্ছ্বল কুঠিয়ারল পার্শ্বেভ্যাস আর কালো মায়ের যে নয় কামনার মিলনে তার জন্ম, নিজের ভিতর তার বসন্ত আবেগকে প্রাণপণে রোধ করেছে বার বার। মার্থা আসবার আগের অধ্যায়ে সেই একদিনের তুল—একটা মেয়েকে জোর করে ধরে এনে তারপর পুলিশ কেস বাঁচাবার জন্য গলা টিপে তাকে খুন করা! সেই পাণ—সেই অপরাধে সে শঙ্কিত থেকেছে দিনের পর দিন। অসম্ভব দুর্বল মুহুর্তে নিজের হাত ছুটোর দিকে তাকিয়ে শিউরে উঠেছে সে।

কিন্তু আজ? আজ আর কোনো ভয় নেই।

কি আছে—কেই বা আছে? কাকে ভয়—কার কাছেই বা কৈশ্বিকত? আজ কুঠি বছর ধরে যে চিঠি আসেনি—সে চিঠি আর কোনোদিন আসবে না। এতদিন পরে সে নিঃশব্দে হয়েছে। আশা করবার যা কিছু সাহস ছিল, একটি আঘাতে তার সব কিছু চূরমার করে দিয়ে গেছে মার্থা। মনে হয়েছে, আজ এতদিন পরে ফুরিয়ে গেছে শ্বাইন ক্যার—এতদিন পরে আর তার কিছু করবার নেই।

সবাই বন্ধনা করেছে তাকে—সবাই। বাপ, মা, মার্থা, অ্যালবার্ট—আর, আর পৃথিবী! খুন করেছিল সে? সেই খুনের পাপে এতদিন ধরে সে নিজেকে লুকিয়ে রাখতে চেয়েছিল? পালিয়ে থাকতে চেয়েছিল এই অন্ধকার ভাঙা কুঠি-বাড়ির একটা গর্তের ভেতর? ক্যারের মুখে একটা স্বাদহীন হাসি ফুটে উঠল, আর তার ভয় নেই। শুধু একটা মেয়েকে মাত্র নয়—পৃথিবী বহু মানুষকেই সে খুন করতে পারে আজ।

অঝোর ধারার বৃষ্টি নেমেছে বাইরে। লাল মাটির আদিগন্ত পৃথিবীতে জল আর বাতাসের মাতামাতি শুরু হয়েছে ক্যাপা আনন্দে। তালগাছের বুক ফুঁড়ে নামছে বজ্রের অসহ ক্রোধ—দিকে দিকে অবিচ্ছিন্ন বনজললে উড়ছে রাজির লতা। খর-থড়গের দীপ্তি ফুলছে তাঁড়ার তীক্ষ্ণপ্রবাহে!

বাইরের ক্ষেপে-ওঠা পৃথিবীর সঙ্গে ক্যাকর সমস্ত মনও উদ্ভাস হয়ে উঠল। কিছু একটা করা চাই—এই মুহূর্তেই করা চাই তার। ক্যাক কিছুক্ষণ নিশেষে কান পেতে রইল। হাওয়ায় ভাঙা কুঠি-বাড়ির কজা-ভাঙা জানালার কবাটে পেছার কান্না বাজছে; কোথায় যেন থোলা দরজা দিয়ে বাতাস ঢুক কি একরাশ খসখস করে ওড়াচ্ছে ঘরের ভেতর। আর—আর—সেই মেয়েটা কি চূপ করে আছে এখনো? দরজায় থাকা দিচ্ছে না—কাদছে না—টেঁচিয়ে উঠছে না?

তার নির্জন কুঠি-বাড়ির একটা অন্ধকার ঘরে মেয়েটাকে জিম্মা করে রেখে গেছে শাহু। তখন প্রতিবাদ করতে সাহস পায়নি—শাহু বলে গেছে, সকালেই মেয়েটাকে সরিয়ে নিয়ে যাবে। এখন এত তাড়াতাড়িতে বেশি দূরে যাওয়া সম্ভব নয়। অত্যন্ত বিব্রত আর বিপন্ন বোধ করেছিল জু সাহেব। কিন্তু এখন? এখন আর কোনো ভয় নেই। পৃথিবী তাকে ঠকিয়েছে—সবাই বঞ্চনা করেছে তাকে। কাউকে আর সে ক্ষমা করবে না। শিকার যখন মূর্তার মধ্যে এসে পড়েছে, তখন সে নেবে না কেন তার পূর্ণ সুযোগ? দরকার যদি হয়, না হয় আর একবার আর একজনের গলা সে পিষে দেবে দু হাতে।

মদের নেশায় আচ্ছন্ন চেতনাটার ওপর ক্রমশ বাইরের অন্ধকার এসে ঘন হতে লাগল—ক্রমশ একটা বহু জঙ্ক যেন সেখানে স্থায়ী হয়ে এসে বসল থাবা পেতে। মনের দিকে তাকিয়ে ক্যাক শুধু সেই জঙ্কটার ছোটো জলজলে চোখ দেখতে লাগল। সে চোখ তিলে তিলে তার সমগ্র সত্তাকে হরণ করতে লাগল, মস্তমস্ত করতে লাগল, তারও পরে—আন্তে আন্তে নিজের ওপর তার আর বিন্দুমাত্র কর্তৃত্বও জেগে রইল না।

বাইরে বৃষ্টি আর অন্ধকার তাকে লোভানি দিতে লাগল—হাওয়ার সঙ্গে মিশতে লাগল তার উদ্বেজিত উত্তপ্ত ঘনশ্বাস। দেওয়ালের গায়ের 'গড সেভ যু কিং' যেন রূপ বদলে ফেলল আকস্মিকভাবে—তার মনের চোখ ছোটো তার মধ্যেও আবির্ভূত হল টেবিলল্যাম্পের ম্লান আলোয়। যেন কুঠিল কটাক্ষে ডেকে বলতে লাগল : ওঠো—ওঠো! সময় চলে যাচ্ছে—দামী, দুর্লভ, দুমূল্য সময়।

অসহু জালায় এবং অসংযত মস্ততায় চেয়ার ছেড়ে উঠে দাঁড়াল ক্যাক। অন্ধকারে দূরে ছুঁড়ে ফেলল মদের বোতল, তারপর—টলতে টলতে এসে দাঁড়াল অন্ধকার ছোটো কুঠরিটার সামনে।

ঘরটা পেছন দিকের একটা কোণায়। সংসারের প্রয়োজনে কোনোদিন লাগেনি—কোনোদিন ঘরটাকে ব্যবহার করেনি মাথা। এই ঘরখানাকে সে ভয় করত—সন্ধ্যার পরে আসতে চাইত না এদিকে। তার কারণও ছিল। পার্শ্বাঙ্গাল যখন দণ্ডমুণ্ড কর্তা ছিল এ অঞ্চলে, তখন এদিককার বাধীন রেশম চাবীদের এই অন্ধকার কুঠরিতে এনে বন্ধ করা হত। অন্ধকারে রেশম কুঠরিতে পলু বেচতে চাইত না, তাদের—

সেই পুরনো ইতিহাস ঘরের নোনা-ধরা দেওয়ালে দেওয়ালে এখনো হয়ত ঝাঁকা আছে রক্তের চিহ্নে। এখনো এর স্রোতসীতে মেঝের অনেক চোখের জলের স্মৃতি চিহ্নিত। দেওয়ালের গারে সরচে-পড়া ছুটো লোহার আংটার এখনো বৃষ্টি ছুঁড়ে-বাওয়া হাতের ছেঁড়া চামড়া শুকিয়ে আছে!

সেই আংটার কুমরি বাঁধা।

দোরগোড়ায় এসে আবার কিবে গেল ক্যাক—নিয়ে এল একটুকরো আধপোড়া মোমবাতি। শিথিল হাতে সেটাকে জ্বালালো, তারপর একটানে খুলে ফেলল দরজাটা।

কাঁপা মোমবাতির আলো পড়ল বন্দিনীর মুখে, পড়ল তার যন্ত্রণা-বিকৃত দেহের ওপর।

ক্যাক থমকে দাঁড়াল। মনের ভেতর থেকে যে কুটিল ক্রুর রাক্ষসটা বেরিয়ে আসছিল, সে যেন কোথা থেকে সাপের ছোবল খেল একটা।

দৃষ্টির সামনে কতকগুলো বৃহৎ উঠল—ভেঙে গেল টুকরো টুকরো হয়ে। দেখা দিল একটি দিন। তার লাভ বৎসর বয়েসের একটা দিন।

কালো ছেলের মনে পড়ে গেল প্রায়-ভুলে-যাওয়া কালো মাকে। একটা অসহ্য অসহ্য ক্রোধে একটু আগেই যে মাকে সে খুন করতে চাইছিল—সাত বছর বয়েসের একটি দিন সেই মাকে নতুন করে কিরিয়ে আনল। এই ঘরে, ওই আংটা ছুটোর সঙ্গে বেঁধে চাবুক মেরেছিল তাকে সাদা বাপ পানিত্যায়। কি অপরাধ সে জানে না, কিন্তু পানিত্যালের চোখ দুটো বাঘের মতো জলন্ত ক্ষুধার জ্বলেছিল। চাবুকের ঘারে ঘারে ছিঁড়ে আসছিল গায়ের চামড়া, লাল ফিতের মতো সর্বাঙ্গে ফুটে ফুটে উঠেছিল ক্ষতরেখা।

ইচ্ছে হয়েছিল একথানা থান ইট কুড়িয়ে এনে পেছন থেকে ছুঁড়ে মারে বাপের মাথায়। কিন্তু সাহস ছিল না। ওই বয়েসেই বাপের হাতে নির্মম নির্ধাতনের স্মৃতি তারও নিত্য ক্রম ছিল না।

দোরগোড়া থেকে সভয়ে সে পালিয়ে গিয়েছিল। পালিয়ে গিয়েছিল আহত আনোরারের মতো ক্ষতচিহ্ন লেহন করতে করতে। নিকপায় ক্রোধ—অথচ প্রতিকারের পথ নেই।

আজ ক্যাকের মনে হল : নেশায় জর্জরিত চেতনা নিয়ে মনে হল : ওই তার বা কালো ছুটো নিষ্ঠুর আংটার বাঁধা কালো মায়েরা এমন করেই সাদা হাতের চাবুকে ছিন্ন-বিচ্ছিন্ন করে গেছে চিরকাল। মনে হল : তার জুর্ভাগ্যের পেছনে কালো মায়ের অপরাধ ছিল না—ছিল বুকজাড়া দীর্ঘশ্বাস।

ক্যাক এগোল কুমরির দিকে।

—হট বাও—হট বাও—হু জোখে বিবদর্শন করল নাপকড়া।

না র. ওর্থ—২৪

—ভয় পেই, আমি তোমার ছেড়ে দেব।

ঝড়-বৃষ্টির মধ্যে কুমারি দ্রুত মিলিয়ে গেল অন্ধকারে।

নিজের ঘরে এসে আবার বোতল নিয়ে বসল ক্যাক। জীর্ণ কুঠি-বাড়ির চারদিকে বাতাস গোড়িয়ে চলেছে—কান্না উঠছে দরজা-জানালায় ভাঙা কজার কজার। এতদিন পরে নেশার ঘোর-লাগা চোখে ক্যাক যেন কুঠি-বাড়ির স্বরূপটা দেখতে পেল। শূন্য, নগ্ন, নিরর্থক। এ কোন্ আবর্জনার মধ্যে তাকে ফেলে গেছে পার্শিভ্যাল? লাল মাটির রক্ত শুবে খেয়ে তাকে ছুঁড়ে ফেলে দিয়ে গেছে কোন্ অস্থিশয্যার ওপর?

স্বপ্না—অসহ্য স্বপ্না। নিজেকে, পার্শিভ্যালকে, গোল্ডার্স গ্রীনের মরীচিকাকে। নিজের ভয়কে, শাহের ভয়কে, ভৈরবনারায়ণের ভয়কে। এই কুঠি-বাড়ি। এর প্রেত তার কাঁধে চেপে বসে আছে, পার্শিভ্যালের চাবুকের চাইতেও আরো নিষ্ঠুর, আরো নির্মম চাবুকের দ্বারে জড়িয়ে নিয়ে ফিরছে তাকে। কেন সে নিজের চারদিকে এমন একটা মুক্তিহীন জাল জড়িয়ে নিয়ে বসে আছে? কেন সে এখান থেকে পালাতে পারে না? অ্যালবার্ট কি এই লত্যাটাই তাকে বুঝিয়ে দিয়ে যায়নি, যে তার স্থান কোথায়, কারা তার সগোত্র?

একটা কিছু করা চাই। ভয়ঙ্কর একটা কিছু। বিদ্রোহ—নিজের বিরুদ্ধেই বিদ্রোহ। কালো মায়ের কালো ছেলে। সাদা বাপের পায়ে পায়ে চলতে গিয়ে সে শুধু আঘাতই পেয়েছে, ঠাট বাঁচাতে গিয়ে শুধু নিজেকে নির্বাসিত করে রেখেছে পৃথিবী থেকে। এর চাইতে যদি সে খাটি কালো ছেলে হয়ে মাটি কোপাত, যদি লাঙল ঠেলত, যদি বলতে পারত—সে এই মাটির—সে লাল মাটির মাল্লব—

তার জন্ম—তার রক্ত—তার ছায়াশা, কী দিয়েছে? অভাব, বঞ্চনা, আত্মবঞ্চনা। সে কেউ নয়। লাল মাটিরও নয়—গোল্ডার্স গ্রীনেরও নয়। একটা শূন্যতার যোগফল।

হ্যা—কিছু একটা করা চাই। ভয়ঙ্কর—ভয়াবহ। নিজের বিরুদ্ধে—এই শূন্যময় অস্তিত্বের বিরুদ্ধে।

বোতলটা উবুড় করে সে দেখল তাতে আর একটি ফোঁটাও অবশিষ্ট নেই।

কোথা থেকে রাজবংশী চাকরটা এসে দাঁড়াল।

—ভাঁড়ার দিকে ভারি গোলমাল হচ্ছে।

—গোলমাল!—ক্যাক সজাগ হয়ে উঠল : কি হয়েছে?

—প্রজারা ভাঁড়ার বাঁধ দিচ্ছে। শাহ আর কুমার বাহাদুরের লোক আসছে বাঁধ কেটে দেবার জন্তে। খুব দাঙ্গা-হাঙ্গামা হবে।

কানায়ুবোর ব্যাপারটা শুনেছিল ক্যাক। আজ হঠাৎ যেন সব জিনিসের একটা নতুন অর্থ দেখা দিল তার কাছে। শাহ নয়, ভৈরবনারায়ণ নয়—পার্শিভ্যাল! বন্দিনী যেয়েটা!

আর ডাঁড়ার জলে যে ফসল ভেসে যায়, তার ভেতর মিশে যায় তার কালো মায়ের চোখের জল। ক্যার উঠে দাঁড়াল।

—আমার বন্ধুক—

চাকরটা চোখের দিকে তাকিয়ে শিউরে উঠল : কি হবে বন্ধুক সাহেব ?

—বাঁধে যাব—

হ্যা—সে যাবে। নিজের বিকছে, পার্শ্বভ্যালের বিকছে, এই রেশমকুটির বিকছে। কোথায় জায়গা পাবে তা সে জানে না, কিন্তু যেখানে সে আছে, সে যে তার জায়গা নয়, এ সত্যই আজ তার কাছে স্পষ্ট হয়ে উঠেছে।

ঝড়ের মধ্যে, বন্ধুক কাঁধে, ক্যার ঘোড়া ছোটােলো।

কিন্তু বেশিদূর যেতে পারল না।

বেশিদূর যেতে পারল না ক্যার। চোখের সামনে দিগে প্রলয়-শব্দে চোখ-জ্বালানো ভীতৃতম আলো ঝলসে গেল, একটা মাটির ঢিবিতে টক্কর খেল ঘোড়াটা, আর উঁচু ডাঁড়ার ওপর থেকে কপাৎ করে প্রায় দশ হাত নিচে কাদড়ের জলের মধ্যে পড়ে গেল ক্যার। শুধু পা ছুটো জেগে রইল জলের ওপর, বুক পর্যন্ত পুঁতে গেল কাদার তলায়। মেঘের গর্জনে ধরধরিয়ে উঠল দিগ্বিদিক।

না, বেশিদূর যেতে পারল না ক্যার। হ্রত জলের তলায় সেই বাদামী রঙের ককালটাই নিষ্ঠুর আলিঙ্গনে তাকে আঁকড়ে রইল।

শুধু একটা খবর জানল না ক্যার। ওই বাজটা পড়েছিল তারই কুটির ওপর—যেটুকু বাকি ছিল, তাও শেষ করে দিয়েছিল। অগ্নিশোধন করে দিয়েছিল পার্শ্বভ্যালের সজ্জিত লম্বস্ত অপরাধের।

জলের ওপর জেগে থাকা ছুঁপাট ছিন্ন জুতোর ওপর লাল মাটির বৃষ্টি পড়তে লাগল। আর কিছুক্ষণ ধরে লাল জলটা আরো খানিক রাঙা হয়ে রইল—পড়বার সময় সেকটি খুলে কখন তার গলার মধ্যেই কায়ার হয়ে গিয়েছিল বন্ধুকটা।

চব্বিশ

বৃষ্টি থেমেছে, তবু মেঘে ঢাকা কালো আকাশ। যেন কোনো জীর্ণ মন্দিরের পাথরে ছাদ ঝুলে আছে মাথার ওপর—তার ফাটলে ফাটলে বিদ্যুৎ-বিলাস। এক সময়ে যেন সবটা হুড়মুড় করে লম্বন্ধে ভেঙে পড়বে, তার সঙ্গে সঙ্গে নিচের পৃথিবীটাকেও নিয়ে যাবে বশান্তলের দিকে।

লাল মাটির তয়লা-বিগল মুখর করে ভীত বর উঠেছে মালিনী নদীর জলে সেই বান

এসেছে নদীতে—সেই ঢল নেমেছে লাল মাটিতে : যাক প্রতীকার বরিশের পৃথিবী এককাল সহস্রদীর্ঘ হয়ে ছিল—তুলছিল ক্ষুদ্র দীর্ঘবাসের গৈরিক বড় ; এতদিন ধরে দেখা দিয়ে মিলিয়ে মিলিয়ে যাওয়া মেখে মেখে পড়ছিল যার পদাঙ্করেখা, টিলার ওপর নিঃসঙ্গ তাল-গাছের মাথার ওপর যার তর্জনী সন্দেশ দেবার জন্তে শুক হয়ে ছিল !

সেই বুড়ি এসেছে—এসেছে সেই সমুদ্র-প্রতিভাস বস্তার আবেগ। এইবার বস্তার সঙ্গে লড়াই। অল্প মৃত্যুর সঙ্গে জীবনের বোঝাপড়া। কালাপুথরির তিন হাজার বিঘে ধানী জমির ফসল আর ভেসে যেতে দেবে না আহীররা।

শেষ পর্যন্ত যমুনা আহীরও এসেছে দলবল নিয়ে। বুক পুড়ে যাচ্ছে কুমরির জন্তে—বরিশের বস্ত্র হিংসা জ্বলে মাথার মধ্যে ঘূর্ণ করে। তার শোধ নেবে সে কড়ার গুণ্ডার, একটা আধলাও বাকি রাখবে না। কিন্তু তার আগে বাঁধ বাঁধা চাই।

সাঁওতালরা এসেছে—এনেছে তীর-ধনুক। সোনাই মণ্ডলের নেতৃত্বে চাপ চাপ মাটি কোদালের মুখে তুলে ডাঁড়ার মুখে ফেলেছে জুরীরা। বুড়ি নেই এখন—এলোমেলো হাওয়ার কাঁপছে পঞ্চাশটা মশালের শিখা—প্রতদীপ্তি জ্বলে ফেনিল ঘোলা জলের ধারায়, মালুমগুলোর মুখে বকে, মূর্তির মতো দাঁড়িয়ে থাকা হোসেনের দল আর কুবাণ সমিতির লোকগুলির লাঠিতে লাঠিতে। আকাশের জমাট মেঘ ঘেন সেইদিকে তাকিয়ে আতঙ্কে স্তম্ভিত হয়ে আছে।

একটু দূরে অপেক্ষা করে আছেন আলিমুদ্দিন মাস্টার, রজন, নগেন আর হোসেন বাড়িয়া। কারো মুখে কথা নেই। শুধু মশালে মশালে দোল-খাওয়া রক্তাভ আলো-ছায়ার, মালিনী নদীর গর্জনে, ক্রমশ সংকীর্ণ হয়ে আসা ডাঁড়ার মুখে চাপ চাপ মাটি পড়ার সঙ্গে অভিভূত হয়ে আছে চারদিক। আকাশের ফাটলে ফাটলে লুকিয়ে যাচ্ছে সাপের জিভের মতো কীৎ বিছাৎ।

—ঠাকুরবাবু !

একটা চাপা স্বর শোনা গেল বাঁধের তলা থেকে। এক চাপ অন্ধকারের আড়াল থেকে আবার ডাক শোনা গেল : ঠাকুরবাবু !

—কে ?

সীমাহীন বিষয়ে খুঁকে পড়ল রজন। ছায়ার মধ্যে কায়া হয়ে দাঁড়িয়ে আছে একটা মেয়ে। একটুখানি সাঁচা কাপড়ের আভাল ছাড়া আর কিছু তার চোখে পড়ছে না। ঘেন কোথাও থেকে সে আসেনি, মাথার ওপরের অন্ধকার আকাশ থেকেই নিঃশব্দে করে পড়েছে এখানে।

—একটু এদিকে আগবি ঠাকুরবাবু ?

হোসেন বিজ্ঞানী করলে, কে জানে ?

রঞ্জন বললে, কালোশশী ।

—সেই বেদের মেয়েটা ? কি চায় এখানে ?

—দেখছি ।

বীধের গা বেয়ে রঞ্জন নিচে নেমে এল ।

এইবার আরো স্পষ্ট করে দেখা গেল কালোশশীকে । মাজ দু হাত দূরে সে দাঁড়িয়ে । দেহের ধাতালো রেখাগুলো মূর্তির মতো কঠিন রেখার জেগে উঠেছে । চিকচিক করছে গলার রূপোর হাঁহুলী, দেখতে পাওয়া যাচ্ছে দু'হাতের দুটো সাপের ঝাঁপি ।

সেই বুষ্টির রাত—মেটে প্রদীপের ছায়া-কাঁপা ঘর—সেই অর্থহীন কান্না ; কালো পাথরের মতো বেদের মেয়ের হৃৎপিণ্ড-ফাটা অশ্রুর উচ্ছ্বাস । কয়েক মুহূর্ত একটা কথাও বলতে পারল না রঞ্জন । এমন সময়ে—এই বীধের ধারে কোথা থেকে এল কালোশশী ! কী চায় ?

কিন্তু সে তো ঘর ; সে তো আকুল বুষ্টির সঙ্গে একটা অপ্রত্যাশিত নিঃসঙ্গতা । কিন্তু এ তা নয় । এখানে মেঘের কোলে বিছাৎ জাগছে তরুণের প্রকৃষ্টির মতো, দিগন্তে এখানে স্তম্ভিত ঝড়, এখানে প্রায় দুশো মানুষের আনুভূত্যাংক সংকল্পে চারদিক আকীর্ণ হয়ে আছে । কোদালের মুখে রাশ রাশ মাটি পড়ে এখানে যখন মালিনী নদীর কেনিল জল অসহায় আক্রোশে রুদ্ধশ্রোত হয়ে আসছে, তখন কয়েক বিন্দু চোখের জল কখন কোন্ মাটিতে নিঃশেষে মিলিয়ে গেছে—কে তার খবর রাখে ?

তবু কালোশশীর সামনে দাঁড়িয়ে অস্বস্তি বোধ করতে লাগল রঞ্জন ।

কিন্তু যা আশঙ্কা করছিল, তার কিছুই ঘটল না ।

কালোশশী বললে, তোরা তৈরি আছিস ঠাকুরবাবু ?

রঞ্জন হাসল : তৈরি বইকি । আর দু-তিন ঘণ্টার মধ্যেই আমাদের কাজ শেষ হবে । কিন্তু তুই এখানে কেন ?

—খবর দিতে এলাম—কুকনো স্বর শোনা গেল কালোশশীর । যেখানে দাঁড়িয়েছিল, সেইখানেই সে রইল । এক পাও সে নড়ল না । গলার আওরাজ ছাড়া মূর্তির মতো কঠিন রেখা-মিয়ে-গড়া দেহে এতটুকু স্পন্দন লক্ষ্য করা গেল না ।

—কিসের খবর ?—রঞ্জন জ্রুহুটি করল ।

—ওরা আসছে ।

—কারা ?

—শাহু আর জমিদারের লোকজন ।

—শাহু !—রঞ্জন চমক খেল : কেন, শাহু কেন ?

—জা হো জানি না ।—কালোশশী একটু খেমে বলল : শাহুর সব বরকন্দাজ আসছে,

সেই সঙ্গে জমিদারের লাঠিয়াল। তরোয়াল, বন্দুক, বজ্রম—সব আসছে ঠাকুরবাবু!—
এতক্ষণে কালোশশীর গলায় প্রাণের লক্ষণ পাওয়া গেল, কাঁপতে লাগল উৎকর্ষার রেশ :
তোদের মারতে আসছে।

কিন্তু কালোশশীর সে উৎকর্ষা রক্তের মনকে স্পর্শ করল না। শাহু—শাহুও
আসছেন! কালাপুথুরির বাঁধে তাঁর কোনো স্বার্থ নেই, তবুও আসছেন লোকজন, লাঠিয়াল
আর অস্ত্রশস্ত্র সংগ্রহ করে! যে ভৈরবনারায়ণের সঙ্গে প্রতিদিন তাঁর মামলা-মোকদ্দমা
আর দাড়া-হাঙ্গামা—আজ অহেতুকভাবে তাঁর সঙ্গে হাত মেলাতেও একবিন্দু বিধা হল না
ফতে শা পাঠানের।

—তুই জানলি কি করে?

—ওরা একসঙ্গে বেরিয়েছে। তাই দেখেই তো তোকে খবর দিতে এলাম। তোরা
সাবধান হয়ে থাকিস।

—সাবধান!—রক্তন হাসল : হ্যাঁ, সাবধান হয়েই আমরা আছি।

ভৈরবনারায়ণের সঙ্গে শাহু আসছেন। কিন্তু বিশ্বয় বোধ করবার কি আছে এতে?
যে কারণে আজ আলিমুদ্দিন মাস্টার তাঁর মত আর পথের সম্পূর্ণ পার্থক্য সত্ত্বেও এসে
দাঁড়িয়েছেন অজ্ঞায়ের বিরাড্বে, ঠিক সেই কারণেই শাহের সঙ্গে মৈত্রী রচনা হয়েছে
ভৈরবনারায়ণের। আজ দু দিকে দু দলকে জোড় বাঁধতেই হবে—শোষক আর শোষিতের
সমস্ত স্বার্থ দুটি দলেই ভাগ হয়ে গেছে আজকে। এই নিয়ম—এই ইতিহাস।

চিন্তায় ঘোর কাটল কালোশশীর একটা নিশ্বাসে।

ভালো করে ব্যাপারটা বোঝবার আগেই রক্তন দেখল, হাতের বাঁপি নামিয়ে কখন
কালোশশী এসেছে তার কাছে, ছয়ে পড়ে নিয়েছে তার পায়ের ধূলা। তার আঙুলের যুড়
ছোঁয়ায় সে চমকে উঠল।

—কি হল রে?

—চলে যাচ্ছি ঠাকুরবাবু। সুনলাম আইহোর বাজারে এসেছে বেদের দল। ওরাই
আমার আপনার লোক—চলে যাব ওদের সঙ্গেই। পথে বেরিয়ে তাবলাম, তোকে একবার
খবরটা দিবে যাই!

মুহূর্তের অন্তে একান্ত কাছের মাহুখটির কাছে ফিরে এল রক্তন। একটি দীর্ঘশ্বাস তাকে
সজ্ঞান করে তুলল, মাজ চকিতের জন্মেই।

—তুই চলে যাচ্ছিস কালোশশী?

—হ্যাঁ ঠাকুরবাবু!—এতক্ষণে যেন একটু হাসল কালোশশী : ঘর আর আমার বাঁধা
হল না।

পরক্ষণেই বাঁপি দুটো তুলে নিয়ে সে অন্ধকারের মধ্যে হাঁটতে শুরু করল। মনের কুল

কিনা বোকা গেল না—বাঁধে মাটি পড়বার আওয়ারে সে ভুল গুল কিনা তাও বোকা গেল না—তুই যেন দীর্ঘকালের মতো কানে এল : ওরা আসছে। কিন্তু তুই মরিস নে ঠাকুরবাব, তুই মরিস নে—

চোখ দুটো কচলালো রক্তন। স্বপ্ন দেখছিল নাকি এতক্ষণ ? কোথাও কেউ নেই। আরো অনেকবার যেমন করে নিঃশব্দে অন্ধকারে মুছে গেছে কালোশশী, আজো তেমনি করে মিলিয়ে গেল। কিন্তু আর সে ফিরবে না। ঘর বাঁধতে চেয়েছিল, পারল না। বস্তার মুখে একদিন একটা ঘাটে এসে বাঁধা পড়েছিল, আবার বস্তার মুখেই শূন্যতায় ভেলে গেল সে।

দূর হোক ছাই। শ্রোতের কুটোর জন্তে কি হবে সমস্যা নষ্ট করে! আকাশে বিছাডের আর একটা ভ্রুকুটি জলে ওঠবার সঙ্গে সঙ্গে নিজের কর্তব্য সম্বন্ধে সে সজাগ হয়ে উঠল। একটা বেদের মেয়ে নয়—হাজার হাজার, লক্ষ লক্ষ মাহুঘ; বেনো জল নয়, দিকে দিকে প্রাণবস্তার উচ্ছলিত উদ্‌গম প্রবাহ।

রক্তন বাঁধের ওপরে উঠে এল।

নগেন বললে, এত দেরি হল যে ? কি হয়েছে ?

—জরুরী খবর আছে ভাই! তৈরবনারায়ণের সঙ্গে কতে শা পাঠান আসছেন বাঁধ-বাঁধা রুখতে।

—কী বললেন!—আলিমুদ্দিন অশ্রুট চিংকার করলেন একটা।

—হ্যাঁ, খবরটা পাকা বলেই মনে হচ্ছে।

তিনজনেই স্তব্ধ হয়ে রইল খানিকক্ষণ। শুধু অন্ধকার মুখর হয়ে চলল রূপারূপ কোদালের আওয়ারে—রূপাস রূপাস করে মাটি পড়ার আর ক্রমাগত বাধা পাওয়া জলের ক্রুদ্ধ বিবাক্ত গর্জনে।

নগেন বললে, মাস্টার সাহেব, বড়লোকেরা একজাত। হিন্দুস্থানীও নয়—পাকিস্তানীও নয়।

আলিমুদ্দিন কি ভাবছিলেন। আন্তে আন্তে মাথা তুললেন। সংক্ষেপে বললেন, জানি।

—কি করবেন এবার ?—মুহুর্তে জিজ্ঞাসা করলে নগেন।

—যা করতে এসেছিলাম—আলিমুদ্দিন তেমনি সংক্ষেপেই জবাব দিলেন। তারপর আরো কিছুক্ষণ চুপ করে থেকে, বিছাডের আলোয় চকচক করে ওঠা মাটি-কাটা কালো মাহুঘগুলির পিঠের দিকে তাকিয়ে থেকে, নিঃশব্দে কান পেতে জলের মুখে মাটি পড়বার আওয়ার শুনে বললেন, এই তো আমার আজাদ পাকিস্তান। বড়লোকের নয়। গরীব মুসলমানের—গরীব হিন্দুর।

আচমকা চারদিকের মাহুঘগুলো কলরব করে উঠল। আকাশ-কাটানো একটা গর্জন

করল যমুনা আহীর—যেন বরষকের লাল মাটির অন্ধকার বুকের ভেতর থেকে জেগে উঠল ইতিহাস। শতাব্দীর পর শতাব্দীর সীমা পার হল—পার হল মহাকাালের সিংহদ্বারের পরে সিংহদ্বার; জলন্ত উঠল দীবোর দীঘির শ্রাওলাধরা নির্জীব স্তব্ধতার, ধরধর করে কৈপে উঠল দিব্যোকের জরজন্ত, একটা বিরাট বিস্ফোরণে ভীমের আকাশ দীর্ণ-বিদীর্ণ হয়ে গেল।

সেই সঙ্গে লাল মাটির টিলাগুলোও গর্জন তুলল—যেন একমল ক্রুদ্ধ সিংহ যুগ-যুগান্তের যুগ ভেঙে লেজ আছড়ে উঠে দাঁড়ালো। কোথা থেকে একটা দমকা হাওয়া এসে আছড়ে পড়ল—ভালগাছের মাথাগুলো তুলে উঠল ঝড় খাওয়া ঝাণ্ডার মতো। অন্ধকার আকাশ থেকে বিদ্যুতের তরোয়াল হাতে নিচে নামলেন গণ-বিপ্লবের নেতা দিব্যোক : মাথার ওপর বজ্রগজিত কৃষ্ণতা, পারের তলায় ধরধর করে কৈপে ওঠা পৃথিবী।

মাঠের ওপারে একরাশ মশাল। রক্তের ছোপ-লাগা দিগন্ত।

যমুনা আহীর আবার পৈশাচিক স্বরে চিৎকার করে উঠল।

—ঠিক হো যাও ভাই সব।

বুড়ো সোনাই মণ্ডল থেকে টুলকু মাঝির ব্যাটা ধীক্কারা পর্বন্ত; জরাতুর শাদুল থেকে নাগশিশু অবধি। হোসেনের দল আর তুরীরা। কৈবর্ত-বিত্রোহের নবজন্ম।

—ইনকিলাব জিন্দাবাদ—গম্ভীর স্বর উঠল নগেনের। তার প্রতিক্ষণিতে মালিনী নদীর জল পর্বন্ত স্তব্ধ হয়ে গেল যেন। আর দূরে মাঠের পারে রক্তের রঙ ধরানো মশাল-গুলো ধমকে দাঁড়ালো একবার—কিন্তু তা মুহূর্তের জন্তেই।

—ঠিক হো যাও—যমুনায় বজ্রধ্বনি বাজতে লাগল বার বার। যে তেল-পাকানো পিড়লের গাঁটবাঁধা লাঠির ঘায়ে জটাধর সিংহের মাথা গুঁড়ো হয়ে গেছে, সেই লাঠি ঘোরাতে ঘোরাতে সে ওই মশালগুলোর দিকে ছুটে চলল : আর বাড়ো ভাই, আগ বাড়ো—

পাঁচ মিনিটের মধ্যেই ছুটে ঝড় মুখোমুখি দাঁড়াল।

সকলের আগে কুমার ভৈরবনারায়ণ। আকিমের নেশার নিমিত্ত শুলোদর ঝাংসপিও নন। আরক্তিম জরজর চোখ। ছোড়ার পিঠে তাঁর চেহারাটাকে অতিকার বলে মনে হতে লাগল : কাস্তনগরের যুদ্ধে তাঁর পিতৃগুরুবের গৌরবকীর্তি নিভাসেই তবে ইতিহাস নয়।

ভৈরবনারায়ণ বললেন, সরে যাও সব। খুন-খারাপী হবে নইলে।

জবাব দিলেন আলিমুদ্দিন : কেউ সরবে না।

কপালের আলোর পেছনে কত শা পাঠানকে রেখা গেল। চিৎকার করে শাহু বললেন, পালা কাদের।

—কাদের!—আলিমুদ্দিন পাঠা চিৎকার করে বললেন, কে কাদের? ইবলিশের সঙ্গে

হাত মিসিয়ে গরীবের রক্ত শুবে খেতে এসেছে—কে কাকের ?

—খবরদার !—শাহু আকাশে হাত তুললেন : মারো শালাদের !

—চলা আও—যমুনা আহীরের হাতের লাঠিটা ঘুরতে লাগল বনবন করে। ওদিক থেকে একটা বল্লম ছুটে এসে রক্তনের পায়ের কাছে মাটিতে গঁথে গেল—শনশন করে ছুটল টুলকু মাঝির ব্যাটা ধীরুয়ার হাতের তীর !

চিংকার, গর্জন, গোঙানির ভেতরে বাজতে লাগল লাঠির আওয়াজ। নেচে নেচে ফিরতে লাগল মশালের প্রেতচ্ছায়া। ফট ফট করে উঠতে লাগল মানুষের মাথা ফাটবার শব্দ !

হুম করে বন্দুকের আওয়াজ এল একটা।

পেছন থেকে নিতুল লক্ষ্যে বন্দুক ছুঁড়েছে ভক্তার খোদাবক্স খন্দকার। এতদিন পরে সেই ঘুবিটার বদলা নিয়েছে সে।

সভয়ে রক্ত দেখল, নিশ্চক্ষে বুকে হাত দিয়ে বাঁধের ওপর শুয়ে পড়েছেন আলিমুদ্দিন মাস্টার।

তবুও তৈরি হয়ে গেছে রক্তমাথা বাঁধ। মালিনী নদীর জল ভাঁড়ার মুখে ঢুকতে না পেরে জুঁজু আকোশে পাশের ঢাল জমি বেয়ে নেমে গেছে মাঠের ভেতর। আর পালিয়েছে শাহু আর ভৈরবনারায়ণের দল, আট-দশজন আহত লোককে কুড়িয়ে নিয়ে পালিয়ে গেছে তাড়া-খাওয়া কুকুরের মতো।

এর পরে হরত পুলিশ ফৌজ নিয়ে পৌঁছুবেন বঙ্গবন্ধু জমাদার আর দারোগা তারণ ভলাপাত্র। কিন্তু বাঁধ বাঁধা হয়ে গেছে, বাঁধ রুখতেও হবে। সে হরত আরো বড় লড়াই।

কিন্তু এই দুঃখবাতের পার থেকে যে সূর্য উঠেছে, সে সূর্য সেদিনও জেগে থাকবে ; যে রাত্রি প্রভাত হল—সে রাত্রি আর ফিরে আসবে না।

রক্তনের ঘুম ভাঙল জয়গড়ে নগেনের বাড়িতে। মাথার অসহ্য যন্ত্রণা নিয়ে পাশ কিস্বতে গিয়ে অশ্রুট আঁর্তনাচ করে উঠল সে।

কপালে হাত দিয়ে কে বললে, আর একটু শুয়ে থাক চুপ করে।

রক্তন চমকে চোখ মেলে : কে ?

—চিনতে পারছিল না রক্ত ? আমি পরিমল।

পরিমল লাহিড়ী অন্ন অন্ন হাসছিল।

—কখন এলি তুই ?

—তোদের বুদ্ধ শেষ হবার পর। এসে দেখি, সৈনিক হবার আর স্বরকার নেই, তাই

নার্স হতে হল।

রজন উত্তেজিতভাবে বললে, আর মাস্টার সাহেব? আলিমুদ্দিন মাস্টার?

—পাশের ঘরে আছেন। ভাস্কারের বোন নার্স করছে।

—বাচবেন?

একটা দীর্ঘশ্বাস চাপল পরিমল : বোঝা যাচ্ছে না।

যন্ত্রণায় রজনের হৃৎপিণ্ড যেন তড়ক হয়ে এল। নিঃশব্দ গলার বললে, বড় খাঁটি মানুষ।

পরিমল অস্বস্তিকভাবে বললে, হ্যাঁ, সবই সুনলাম ভাস্কারের কাছ থেকে। ওই মানুষ-গুলোর হাতেই খাঁটি পাকিস্তান জন্ম নেবে একদিন। এখন শোন। এখানে আপাতত তোকে নিয়ে বিস্তর গুণগোল হবে। তুই আজই চলে যাবি কলকাতায়। থাকলে না-হক ঝামেলা বাড়বে কতগুলো।

—তারপর এখানকার ভার?

—সেইটে নেবার জন্তেই তো আমি এলাম।

এই আহত অস্থির মুহূর্তে একটা কথা বার বার জিজ্ঞাসা করতে ইচ্ছে করল। অসহ্য মাথার যন্ত্রণায় একটা আর্ত প্রশ্ন জেগে উঠতে চাইল ক্রমাগতই—কিন্তু কিছুই উচ্চারণ করতে পারল না রজন।

পরিমল নিজেই বললে সে কথা।—একটা খবর তোকে এখনও দেওয়া হয়নি। মাস-খানেক আগে মিতাকে অ্যারেস্ট করেছে।

—ওঃ।

আর কিছু জানবার নেই, আর কিছু জিজ্ঞাসা করবারও নেই। এইবার যেন নিশ্চিন্তে ঘুমিয়ে পড়তে পারে রজন। এখনও অনেক দেরি—নীড়ের স্বপ্ন এখনও অনেক দূরান্তরের অরণ্যছায়ার; তার আগে শুধু বেদের মেয়ে কালোশশী কেন—কেউই স্বর বাধতে পারবে না। না—কেউ নয়।

দরজার গোড়ায় ছায়ার মতো এসে দাঁড়াল নগেন। পাণ্ডুর মুখে বললে, একবার উঠতে পার রজননা—আসতে পার এ ঘরে?

রজন লোজা বিছানার ওপর উঠে বলল : মাস্টার সাহেব?

নগেন বললে, দেখে যাও।

উত্তমার কোলে মাথা রেখে ঘুমন্তরা চোখ মেলে একবার তাকালেন আলিমুদ্দিন। কাউকে চিনলেন না। রজনকে নয়, নগেনকেও নয়।

কিসকিল করে ডাকলেন, কল্যাণী?

উত্তমার চোখ দিয়ে টপ টপ করে জল পড়তে লাগল।

কল্যাণী নয় দাদা, আমি উত্তমা।

—না, কল্যাণী!—আলিহুদ্দিন হাসলেন : আর তো তুমি ঘরে নেই বোন, এবার কাছে চলে এসেছ। কি এ যাত্রা তো আর হল না দিদি, আবার তোমার ডাইকোটা নেব আজাদ পাকিস্তানে। পাকিস্তান জিন্নাবাদ!

নিবিড় তৃষ্ণিতে আন্তে আন্তে তাঁর চোখ দুটি বুজে এল।

লাল মাটি।

আমার মা। অনেক ইতিহাসের রক্ত-স্বাক্ষরের সীমন্তিনী তুমি—অনেক প্রাণ-সাধনার তুমি মহাভৈরবী। আজও তোমার সাধনা শেষ হয়নি, আজও গৈরিক মাটিতে তোমার ক্ষুদ্র দীর্ঘশ্বাস, আজও কালবৈশাখীর ঝড়ে দিকে দিকে উড়ে চলেছে তোমার ছিন্ন-ভিন্ন ইতিহাসের পাণ্ডুলিপি।

কিন্তু আমরা আজ এসেছি! আমাদের হাতে নতুন ইতিহাসের লেখনী তলোয়ার হয়ে জলছে; আমাদের বুকে আমরা বয়ে এনেছি রুকনপুরের নির্বাপিত দীপন্তন্তের শেষ শিখা।

আমার জন্মভূমি—আমার লাল মাটি। আমাদের রক্ত দামামার তালে তালে, তোমার রাঙা টিলার চুড়োয় চুড়োয় আজ নবযুগের স্পর্ধিত পদধ্বনি।

কলিকাতা

আষাঢ়, ১৩৫৮

ସୈତକମଳ

বাইশে প্রাবণ

কলরব করতে করতে একসঙ্গে চারটি মেয়ে ছুটপাথে নামল।

লম্বা বিছানাটার ঝাঁকুনি দিয়ে জুড় গলায় ইরা বললে, সাধলেই ওঁদের মান বাড়ে। চাই না আমরা প্রেসিডেন্ট। নিজেরাই সব করব আমরা। কবিকে প্রজ্ঞা জানানোই আসল, নৈবেদ্যের ওপর সন্দেশের মতো নাই বা থাকল সভাপতি।

দলের নেত্রী শকুন্তলা বললে, এই চূপ চূপ—আন্তে। বাড়ি থেকে একটু দূরে সরেই বল কথামূলো। শুনতে পাবেন যে ভক্তলোক।

—পান না শুনতে—ইরার স্বর আরো তীব্র হয়ে উঠল : না হয় নামই হয়েছে একটু, কিন্তু লেখেন তো ভারী ! আবার দেমাক কত। চেতলায় মিটিং, বেহালায় সভা, হাওড়ায় বক্তৃতা—সারা দেশ যেন ওঁরই আশায় মুখিয়ে বসে আসে।

জ্ঞাত জুতোর শব্দ তুলে চারজনে হাঁটতে লাগল পথ দিয়ে। চড়া বোদে সারা সকাল এমনিভাবে নানা জায়গায় ধর্না দিয়ে প্রত্যেকেই যেমন ক্লাস্ত, তেমনি বিরক্ত হয়ে উঠেছে। ক্ষিপ্তের সঙ্গে ক্ষোভের যে উত্তাপটা এতক্ষণ ধরে সকলের মনে সঞ্চিত হচ্ছিল, ইরার মধ্যে দিয়ে সেটা বিদীর্ণ হয়ে পড়ল।

মাধবী বললে, তা ঠিক। কিন্তু একা এ ভক্তলোককে দোষ দিয়ে লাভ কী ? সবাই তো এক কথা বলেছেন। প্রত্যেকেই দারুণ রকমের এনগেজ্‌ড্‌।

ইরা একটা বামটা মারল : এনগেজ্‌ড্‌ না ছাই। এই সব বলেই নিজেদের দর চড়িয়ে রাখেন ওঁরা। লোকে দোরগোড়ায় এসে সাধবে আর ওঁরা ওই সব ধুরো তুলে বোঝাতে চাইবেন যে, কী বিরাট ওঁদের চাহিদা ! উচিত কী জানিস ? কোনো সভায় কোনো সাহিত্যিককে না ডাকা। তা হলে নিজেরাই যেচে ছুটে আসতে পথ পাবেন না।

কিন্তু এ তো শুধু অক্ষম ক্রোধে গায়ের জ্বালাই মেটানো। সমস্তার সমাধান যে এতে ঘটবে না লেখা বাকি তিনজন ভালোই জানে—ইরাও যে জানে না এমন নয়। সাত দিন পরে বাইশে প্রাবণ—স্ববীক্ষনাধের প্রয়াণ-তিথি। একজন বেশ জাঁদবেল গোছেয় সভাপতি না থাকলে মুখ থাকবে না কলেজের মেয়েদের কাছে।

এমনিতেই এ নিয়ে তর্ক তুলেছিল অনেকে।

—শান্তিনিকেতন থেকে ওঁরা তো বলেছেন যে কবির যুত্থানটায় এসব অহুষ্ঠান না করাই ভালো। ওটা নিছক পারিবারিক ব্যাপার—কিছু করতে হলে ওঁর আত্মীয়-স্বজনদেরই—

—বারে, স্ববীক্ষনাধের আত্মীয়স্বজন বুঝি শুধু ওঁরাই ?—আর একজন কলকর্তে

প্রতিবাদ করল : তিনি সারা দেশের আপনার জন । তাঁর ওপর তাঁদের যে অধিকার, সে অধিকার আমাদেরও ।

—বেশ, মেনে নিচ্ছি সে কথা । কিন্তু যুদ্ধ-তিথি হল ছুঃখের দিন—

সঙ্গে সঙ্গে অপর পক্ষ থেকে তৈরি জবাব এল : কবির যুদ্ধ নেই—তাকে নিয়ে কেউ কাদতে বসছে না । আসল কথা একটা উপলক্ষকে নিয়ে আমরা তাঁকে স্মরণ করব । সেইটেই লাভ ।

—কিন্তু তার জন্তে সভা করবার কী দরকার ? প্রজা নিয়ে মনে মনে স্মরণ করলেই তো হয় । কবি নিজেই বলে গেছেন :

যখন রবো না আমি মর্ত্যকারায়

তখন স্মরিতে যদি হয় মন,

ডেকে না ডেকে না সভা, এসো এ ছায়ার—

—খামো, খামো—কমনকমের সমস্ত কল-কোলাহল ছাপিয়ে ইয়ার তীক্ষ্ণ গলা মুখর হয়ে উঠল : শান্তিনিকেতনই ভারী মানছে কিনা সে কথা ? আর কবি শালবনে পালাতে চাইলেই বা আমরা ছাড়ব কেন ! তিনি যখন ‘আমাদেরই লোক’, তখন আমাদের এটুকু উৎপাতও তাঁকে সইতেই হবে । বাজে কথা বন্ধ করো । চাঁদা দিতে চাও না, সেইটেই খুলে বেলো ।

—কক্ষণো না । এসব বলা তোমার ভারী অন্তার—এ পক্ষের মেয়েটির মুখ রাঙা হয়ে

তারপরে বা শুরু হল, তাকে আর তর্ক বলা যায় না । ঝগড়ার উৎসাহে কোমর বেঁধে একটা টেবিলের ওপর দাঁড়িয়ে গেল ইরা—তিরিশটি গলার একতান বাজতে লাগল লগ্নমে । রণে ভক্ত দিয়ে ছুটি মেয়ে কৌসু ফৌস করে কামা জুড়ল ।

ঠিক এই সময় স্থপারিন্টেন্ডেন্ট আরাধনাদি দেখা দিলেন দোরগোড়ায় ।

—এই মেয়েরা, কী হচ্ছে এসব ? স্কুলের ছাত্রীদের মতো চ্যাঁচাচ্ছ সব—ওদিকে অল্প জ্ঞান যে ডিস্টার্বড হচ্ছে তা জানো ? আর ইরা, কোণ ইয়ারে পড়ছ তুমি—কোন আকস্মিক টেবিলের ওপর উঠে দাঁড়িয়েছ তুমি ? তোমাদেরও যদি এটুকু ডিসেন্সি না থাকে, ফাস্ট ইয়ারের মেয়েরা কী শিখবে তোমাদের কাছ থেকে ?

শান্তি প্রতিষ্ঠিত হল সাময়িকভাবে, স্কোটার জোরে জিতেও দেল ইরার । কিন্তু একটা প্রতিবন্ধী দলও তৈরি হয়ে গেল কলেজের ভেতরে । অচুর্জনে কোথাও এতটুকু ঝাঁক থাকলে ঠাট্টার কিছু আর বাকি রাখবে না তারা ।

আর প্রতিপক্ষকে স্তব্ব করে দেবার জন্তে সকলের আগে দরকার বেশ একটা দামী নকশাপতি ।

এদিকে আয়োজনটা নেহাত মন্দ হয়নি। প্রথমে বেদমন্ত্র পড়বে খার্ড ইয়ার সংস্কৃত অনার্সের সুনেন্দ্রা গোস্বামী—ভাটপাড়ার মেয়ে—আই. এ.-তে কাস্ট হয়েছে সংস্কৃত; গান গাইবে বেণু বোস আর শিখা চক্রবর্তী—দুজনেই রেডিও-আর্টিস্ট। সেতার বাজাবে ইরা সেন—গীটার মুক্তি বিশ্বাস। ‘নটীর পূজা’র “কমো হে কমো” গানটার সঙ্গে শ্রীমতীর নাচ খুব সমরোপযোগী হবে—নাচবে হিমালী গুপ্ত—অল্ বেকল চাম্পিয়ান। ‘রবীন্দ্রকাব্যমৃত্যু-কল্পনা’ বলে প্রবন্ধ পড়বে কোর্থ ইয়ারের শকুন্তলা নিরোগী। কলেজ ম্যাগাজিনের এডিটর, চমৎকার বাংলা লেখে। তা ছাড়া প্রিন্সিপ্যালও কিছু বলতে রাজী হয়েছেন। বাংলার অধ্যাপক অসামান্য জনপ্রিয় সি. সি. বি.ও নিশ্চয়ই খুব ভালো একটা বক্তৃতা দেবেন।

সুতরাং বেশ ভালোই হয়েছে এদিকের ব্যবস্থাটা। এখন মানানসই গোছের একজন সভাপতি হলেই কোথাও কিছু আর বাকি থাকত না। কিন্তু সেইখানেই বেধেছে গণ্ড-গোল। পুরুত না থাকলে যেমন পূজোর সমস্ত সমারোহ ব্যর্থ, তেমনি ছূর্ণাস্ত একজন সভাপতি না পেলে সবটারই অঙ্গহানি ঘটে যাবে।

নিরুপায় ভাবে পথ চলতে লাগল চারজনে।

অনেক ভেবে-চিন্তে সন্ধ্যা-ই শেষ পর্যন্ত নীরবতা ভাঙল।

—তা হলে প্রিন্সিপ্যালকেই সভাপতি করে—

—থাম্ তুই—বকিসনি বোকার মতো। প্রিন্সিপ্যাল তো বারো মাসই সভাপতি রয়েছেন। কিন্তু এমন একটা ‘অকেশনে’ও যদি বাইরের কাউকে না আনতে পারা যায়, তাহলে কী করে মুখ দেখাবি সবিতা ওদের কাছে? ইউনিয়নের আসছে ইলেকশনে কাউকে আর দাঁড়াতে হবে না আমাদের ভেতর থেকে—সেটা যেন খেয়াল থাকে।

—একটা ব্যবস্থা হবেই—শ্রাস্তভাবে শকুন্তলা বললে, কাল একবার যেতে হবে সোমেন মিস্ত্রির কাছে, নইলে চেপে ধরতে হবে ডক্টর তুষার দত্তকে।

—কাল আবার কেন? বেরিয়েছি যখন—সেরে যাই আজকেই। সাউথেই তো থাকেন গুঁরা।—মাধবী বললে।

—না, এত বেলায় গিয়ে কাউকে বিরক্ত করা ঠিক হবে না। তা ছাড়া আমারও তাড়া আছে ভাই, বাড়ি ফিরতে হবে।

ইরা মুখ ভারী করে বললে, এই আজ-কাল করতে করতে গুঁরাও কোথাও এন্গেজ্‌ড হয়ে যাবেন শেষ পর্যন্ত।

—সে ভার আমি নিচ্ছি। কালকের মধ্যে ব্যবস্থা আমি করে দেবই। কিন্তু এখন আর নয় ভাই—আমার বড় তাড়া আছে। ওই যে—বাসও আসছে।

আলোচনাটা মাঝপথে বন্ধ করে দিয়ে বাস-স্টপের দিকে এগোল শকুন্তলা। অসম্ভব মুখে দাঁড়িয়ে পড়ে ইরা বিড়বিড় করে বকে চলল।

ছুটির দিনের বাস, তাতে বেলা বায়োটার কাছাকাছি। ভিড় নেই বললেই চলে। অভয় গলার যাত্রীদের প্রলুব্ধ করবার জন্তে কণ্ঠাঙ্কীর সমানে হেঁকে চলেছে : বাগবাজার—কাশীপুর—বরানগর—খালি গাড়ি। খালি গাড়ি—বরানগর—

—বরানগর।—একটা সিকি এগিয়ে দিলে শকুন্তলা।

শ্রাবণের দুপুর, কিন্তু বর্ষণের বিধগ ছায়া আকাশের কোথাও নেই। শুধু অলস আশ্বিনের আভাস নিয়ে ‘সিরাস’ মেঘের কয়েকটা শুভ্রোজ্জ্বল খণ্ড ভেসে চলেছে দল-ছাড়া পাখির মতো। সূর্যের নিষ্ঠুর আলো থেকে থেকে শকুন্তলার মুখের ওপর এসে পড়তে লাগল। ওপাশের সিটে গিয়ে বসলেই হয়, কিন্তু সৌমানাহীন ক্লান্তিতে নিজের জায়গাটা ছেড়ে উঠতে ইচ্ছে করল না আর। মাথার ওপর সারা সকালের রোদ জলে গেছে—না হয় পড়ুক আরো দু-এক ঝলক।

বাইশে শ্রাবণ। কবিগুরু প্রয়াণ-তিথি। গান, নাচ, আবৃত্তি, প্রবন্ধ, বক্তৃতা—অহুষ্ঠানের কোথাও কোনো ক্রটি থাকবে না নিশ্চয়। তা ছাড়া অক্লান্ত পরিশ্রম করছে ইরা—থেটে চলেছে জেদের মাথায়। যেন চ্যালেঞ্জ নিয়েছে সবিতার দলের। সেই বোঁকের মুখে এতক্ষণ শকুন্তলাও বিভ্রান্ত হয়েছিল—সারা সকালটা কেটে গেছে নেশার ঘোরে। কিন্তু এই রোদ্ভুজ্জ্বল বেলা বায়োটার সময় বাসের ঝাঁকুনিতে দুলতে দুলতে বরানগর ফিরবার মুখে নিজেকে এইবার ফিরে পেল শকুন্তলা।

বাইশে শ্রাবণ নয়—বরানগরের গলির ভেতরে ইট বের করা একতলা বাড়ি। পায়রার থোপের মতো দুখানা ছাদফাটা ঘর—বর্ষায় বাজ-বিছানা টানাটানি করতে হয় এ-কোণে ও-কোণে। ফুট কয়েক উঠানের আধখানা জুড়ে আছে পাট-ভাড়া পুরনো ইঁদুরা আর বাসনমাজার ছাই। ইলেকট্রিক নেই—সন্ধ্যার পরে হ্যাটিকেন লঠনের পোড়া কেবোসিনের গ্যাসের সঙ্গে মেশে পচা চুন-বালির একটা ভ্যাপসা গন্ধ—যেন দম আটকে আসে। আর সময় বুকে ওদিকের পানাপুকুর আর সামনের বড়জলের কাঁচা ড্রেন থেকে উঠে আসে লক্ষ লক্ষ মশা। পঁচিশ টাকার কলকাতার কাছেপিঠে এর চাইতে ভালো আস্তানা মেলা দুর্ভাব জায়গাল।

আর সেখানে—

নাঃ, জোর করে চিন্তার মোড়টাকে ঘুরিয়ে আনল শকুন্তলা। বাইশে শ্রাবণ আসছে—স্বাধীনতা এই দিনে অস্তে নেমেছেন সন্ধ্যা-মেঘের তরলীতে সোনার মুকুট ভাসিয়ে দিয়ে—মরণমহেশ্বরের ধোঁলে বয়ে নিয়ে গেছেন তাঁর প্রণাম। কিন্তু তাই বলে একেবারে বিধায় নিয়ে যাননি : ‘আবার যদি ইচ্ছা করো, আবার আসি ফিরে—’। এই কান্নাহাসির গঙ্গা-যমুনার তাঁর ষট স্তর। তো শেষ হয়নি—‘নব নব জীবনের গন্ধ যাবো রেখে, নব নব বিকাশের বর্ণ যাবে এঁকে’।

রবীন্দ্রনাথ। শকুন্তলা নিজের মনের মধ্যে খুঁজতে লাগল। ভালো করে দেখানে তাঁকে তো ধরা যাচ্ছে না। বারে বারে হারিয়ে যাচ্ছেন—লুকিয়ে যাচ্ছেন কেমন একটা মান কুরাশার অন্তরালে।

মনে হল একটা অস্বচ্ছ কাচের আবরণের ওপারে দাঁড়িয়ে আছেন বিশ্বকবি : আবছা ভাবে দেখা যায় তাঁকে—দেখতে পাওয়া যায় তাঁর পেছনে একটা অনীল আকাশ—গ্রামলী অরণ্যের ললাটে কৃষ্ণচূড়ার কুহুম-চিহ্ন, অজানা নদীর কালো জলে ছায়া ফেলে যাওয়া বাগীবনের মরাল-মিথুন। বিদ্যাতের ভূজঙ্গপ্ররাতে মেঘ-মঙ্গলের স্নোবধনি ওঠে—বৈশাখের সূর্যমুখী দুপুরে কিরণের উজ্জল তারগুলো। অদৃশ মিড়ে বিন্ধি করিতে থাকে—হিমের অবগুষ্ঠন টেনে হেমন্তলক্ষ্মী কাপন-লাগা-সন্ধ্যাতারার প্রদীপ হাতে পারে পারে ঝিক্‌ঝিক্‌ নুপুর বাজিয়ে চলে যান হিরণ্যলীধ ধানক্ষেতের ভেতর দিয়ে।

কিন্তু।

আচ্ছা, সত্যিই কি কিছু গোয়ালার গলির কোনো একতলা ঘরে কখনো বাস করতে হয়েছে রবীন্দ্রনাথকে ? তাঁর হরিপদ কেবানীর ভাগ্য ভালো বলতে হবে—অস্তুত কখনো কখনো কান্তিবাবুর বাঁশির স্বরে সে তমালের ছায়াঘেরা ধলেশ্বরী নদীর ধারে ঢাকাই শাড়ি পরা মেয়েটির কাছে ফিরে যেতে পেরেছে। কিন্তু মশার গুঞ্জন ধেয়ে গেলে শকুন্তলা বাঁশির স্বর শুনতে পায় না—কানে আসে কাছের কোনো একটা মদের দোকান থেকে মাতালের চিৎকার ; শুনতে পায় বাবার গোড়ানি—ছোট বোনটার ঘুগি কাশির বুকফাটা যন্ত্রণা।

ধলেশ্বরী নয়—একটা নদী তাদেরও ছিল—হুনন্দা। কবিতার মতো নাম—কবিতার মতো নদী। হুনন্দার দুধের মতো সাদা জলে জোয়ার-ভাঁটার ঢেউ খেলত, ঢেউ উঠত। হাওয়া-লাগা স্বপুри আর নারকেলের বনে, ঢেউ দুগত পলিমাটিতে বুকসমান রূপশালি ধানে। কিন্তু স্বপ্নের পথ বেয়েও সে হুনন্দার ধারে আরে ফিরে যাওয়া যাবে না। একটা লোহার প্রাচীর ঘেন চিরদিনের মতো তাকে আড়াল করে দিয়েছে—পাকিস্তান।

তা না হলে কলকাতার এই পঁচিশ টাকার ঘরে এসে এমনভাবে মুখ খুঁড়ে পড়বার তো কোনো দরকার ছিল না। বেতো শরীর নিয়ে হাঁকো হাতে বাবার দিন কাটতো চণ্ডীমণ্ডপে ; ভাইবোনদের পক্ষে যথেষ্ট ছিল গ্রামের ইস্কুল—তালের ডিঙি আর ‘চক’ ভরা রাজা শালুক ; রাজা কাকরের ফাঁকা পথের পাশে সুল আর ঘাসের জমিতে আঁটা ব্রজমোহন কলেজেই যথেষ্ট বিদ্যালভ হতে পারত শকুন্তলার। কলকাতার মেসে থেকে সোরাশো টাকা মাইনের চাকুরে হাদার ঘাড়ের ওপর এমন করে এসে পড়ার কোনো প্রয়াসই কখনো ওঠেনি।

সেদিন অনেক কাছে ছিলেন রবীন্দ্রনাথ। থেকে থেকে কখন প্রসঙ্গ মুখে পাশে এসে দাঁড়াতে—তাঁরই দৃষ্টিদীপের আলোর তোরের আকাশের দিকে তাকিয়ে উপলব্ধি

জাগত : ‘আমি স্বত্বকারের হৃদয়ফাটা আলোক জল জল’। সন্ধ্যায় হুপুস্রিবনে যখন জোনাকির বাঁক জলত, তখন কানে আসত তারই সুরেলা তীক্ষ্ণ কর্ণধ্বনি : ‘সজল সন্ধ্যায় তুমি এনেছিলে সখী, একটি কেতকী’। নারকেলের পাতায় পাতায় ঝিলমিলে আলো পড়লে স্পষ্ট শুনতে পাওয়া যেত : ‘অর্থহারা সুরের দেশে ফিরালে দিনে দিনে—’

সে হুনন্দা নেই—সেই অর্থহারা সুরের দেশও নেই। এখন কিছু গোয়ালার গলি। কিন্তু কর্ণেটের সুর আসে না—হরিধ্বনি তুলে মড়া যায় বরানগরের শ্মশানঘাটে।

বরানগর বাজার—বরানগর বাজার—

কণ্ডাষ্টারের গলার স্বর সব ছিন্নভিন্ন করে দিলে। চমকে তাকালো শকুন্তলা। ভাবনার ফাঁকে ফাঁকে কখন পার হয়ে গেছে নোংরা বাগবাজার, পাথর-গুঠা কানীপুরের পথ। বরানগর বাজারের অপরিচ্ছন্ন তেমাধার সামনে এসে কখন ক্লান্ত নিঃশ্বাস ফেলছে বাস।

মিনিট কয়েক দাঁড়াবে এখানে—টাইম নেবে। তাড়াহুড়োর কিছু নেই। ধীরে ধীরে নিজেকে গুছিয়ে নিলে শকুন্তলা, নেমে এলো বাস থেকে।

বাঁ দিকের ঘিঁঝি রাস্তাটা দিয়ে সে এগিয়ে চলল।

এতদূর থেকে ওই কলেজে পড়তে যাওয়া—যেমন কষ্ট হয় তেমনি সময়ও লাগে। কিন্তু একসঙ্গে এমন কনসেনসন আর স্টাইপেণ্ড কলকাতার আর কোনো কলেজেই পাওয়া গেল না। তাই যাতায়াতে প্রায় দু'ঘণ্টা সময় নষ্ট হলেও উপায়ান্তর নেই কিছু। তবে একটা সুরবিধে এই যে কলেজ সকালে। সে যখন বেরিয়ে পড়ে তখনো অধিকাংশ অফিস-যাত্রীর চায়ের পেয়ালায় চুমুক পড়ে না; যখন ফেরে তখন উন্টো শ্রোতে হ্যাণ্ডেল ধরে ঝুলতে ঝুলতে চলে ড্যালহাউসি স্কয়ারের বড়বাবু-মেজবাবু-জুনিয়ার গ্রোভের দল।

এইটুকুই যা বাঁচোয়া। কখনো কখনো ভয় করে। বিশেষ করে শীতের মেঘলা সকালে। যখন ঠাণ্ডায় চোখ মুখ যেন ছিঁড়ে যেতে থাকে, হাতে বোনা পশমী ব্লাউজটার ভেতরে শীতের কাঁপন ওঠে আর রাত্রি জমে থাকা একেবারে ফাঁকা বাসটার একা যাত্রী শকুন্তলা জড়োসড়ো হয়ে বলে থাকে—তখন। কিন্তু চারদিকের এত ভাবনা সঙ্গে সঙ্গে মনকে ঘিরে ধরে যে একটু পরে নিজের জগ্রে ভয় করতেও প্রায় ভুলে যায় শকুন্তলা। বাবা, ছোট বোনরা, ছোট ভাই, বড়দা। অভাব, দুশ্চিন্তা—লেগে-থাকা অস্থ। দাদার মাইনের টাকার আর শকুন্তলার স্টাইপেণ্ডের উদ্ভূত থেকে মাসের কুড়িটা দিন কোনক্রমে টেনে-বুনে চলে, কিন্তু বাকি দশটা দিন যে কী ভাবে নাতিশ্রাব টেনে চালিয়ে যেতে হয়, সেটা ভাবতে গেলেও মাথা ঘুরতে থাকে। চারদিক থেকেই কালো রাত যেখানে ঘনিয়ে আছে, সেখানে একটা শীতের-সকাল তার কতখানিই বা ক্ষতি করতে পারে?

ক্লান্তে চলতে হঠাৎ থমকে থেমে পড়ল একদময়। অজিত নয়?

সন্দেহ কী—অজিতই বটে। আরো তিন-চারটি ছেলের সঙ্গে একটা পানের দোকানের সামনে দাঁড়িয়ে গুলতানি করছে—কী একটা কথার ওপর অঙ্গীলভাবে হাসছে হি হি করে।

ঠিক সেই সময়ে চোখ তুলতেই অজিতও দেখতে পেল দিদিকে। চট করে হাতের অলস্ট সিগারেটটা ফেলে দিল মাটিতে, নক্ষত্রবেগে অদৃশ্য হল পাশের একটা ছোট গলির ভেতরে।

অজিতের সঙ্গীরা শকুন্তলাকে চেনে না, বুঝতেও পারল না কিছু। তারা সমন্বয়ে কোলাহল তুলে ডাকতে লাগল : পালালি কেন এই শালা—এই অজিত—আরে শোন্ না শালা—

‘শালা’কে উচ্চারণ করল ‘শ্লা’।

রাস্তার মধ্যে কিছুক্ষণ শকুন্তলা পাখর হয়ে দাঁড়িয়ে রইল।

বারো বছরের ছেলে অজিত এর মধ্যেই এই স্তরে নেমেছে। যে অজিত সেদিন পর্বত তার কোলের কাছে শুয়ে চোখ বড় বড় করে রূপকথা শুনত, গ্রামের ছুঁলে শুধু পড়াশুনোয় নয়—স্বভাব-চরিত্রেও ছিল ফাস্ট বয়, শহরের কলেজ থেকে ছুটিতে বাড়ি ফিরলে দিদি কই মাছ ভালোবাসে বলে ছিপ নিয়ে ধান্দে বসত পুকুরে—এ সেই অজিত। শুধু সিগারেট ধরেছে তাই নয়—যাদের সঙ্গে মিশেছে তারা সময়ে অসময়ে শকুন্তলার দিকেও লক্ষ্য করে শিস্ টানে।

শুধু মাথার ওপরে সূর্যের আলাই নয়, পায়ের তলাতেও যেন একটা আগুনের নদী পার হয়ে শকুন্তলা বাড়ি ফিরল। নাড়া দিলে কিছু গোয়ালার গলির ফাট-ধরা দরজার ক্ষয়ে-যাওয়া কড়াতে।

দশ বছরের বোন শান্তি দরজা খুলল। ছেঁড়া ক্রক, ময়লা হাফপ্যান্ট, ছোট ছোট দুটি হাতে মশলা বাটার পাক। জাফরাণি রঙ। এই শান্তিকে দেখলে এখন কার মনে হবে ছ বছর আগেও তাকে একটা টাটকা ফোটা গোলাপ ফুল বলে সম্ভাষণ করত লোকে ?

শান্তি ফিস্‌ফিস্‌ করে বললে, আজ ছুটির দিনেও এত দেরি করে ফিরলি দিদি ?

—কাজ ছিল। হয়েছে কী ?

—বাবা ভয়ানক ক্ষেপে গেছেন। যাচ্ছেতাই বলে গালাগাল দিচ্ছেন তোকে।

—দিন—

—নিজেদের ঘরটার দিকে এগোল শকুন্তলা। নিজেদের ঘর। তারা চারজন থাকে এ ঘরে—সে, অজিত, শান্তি আর পাঁচ বছরের ছোট বোন টুহু। আর একথানার বাবা আর দাদা।

তক্তপোশের কারবার নেই—বিকলে ঢালা বিছানা পড়ে মেঝের ওপর। এক কোণে

গোটা তিন-চার ট্রাক আর টিনের স্ট্রাকেস। দেওয়ালে কী একটা তেলকলের খেলো ক্যালেন্ডার। দরজাটাকে বাঁচিয়ে এদিকে একটা নারকেলের দড়ি টান।—শাড়ি, জামা আর একরাশ ছেঁড়াখোঁড়া টুকিটাকির ভাবে যেকের প্রায় হাতখানেকের মধ্যে নেবে এসেছে। আর এক কোণে তিন টাকা দামের একটা প্যাকিং কার্টের শেল্ফে শকুন্তলার বই খাতা—ফাঁকে ফাঁকে প্রায় লুকিয়ে আছেন রবীন্দ্রনাথ-শরৎচন্দ্র-বার্নার্ড শ' এবং দেশী-বিদেশী আরো দু-চারজন। এই শকুন্তলার বিজ্ঞাবোধী—এইখানে বসেই সে বি.এ. পরীক্ষায় ফার্স্ট ক্লাস অনার্স পাওয়ার স্বপ্ন দেখে, উৎকর্ষ হয়ে থাকে সেই বাঁশি শোনবার জন্তে—যা তাকে সুরের ইন্দ্রধনুরে রঙ্গের বৈকুণ্ঠলোকে নিয়ে যাবে।

অজিতের তিক্ত বিবাক্ত ব্যাপারটা নিয়ে মনের মধ্যে জ্বলতে জ্বলতে একটা ময়লা আধ-ছেঁড়া শাড়ি জড়িয়ে নিলে শকুন্তলা, এ সপ্তাহে কলেজে যাওয়ার মতো একমাত্র কাপড়-খানাকে সম্বন্ধে ভাঁজ করে তুলে রাখতে রাখতে বাবার গালাগালির জন্তে তৈরি হতে লাগল। এসব এখন আর গায়ে লাগে না, অভ্যাস হয়ে গেছে।

বাতের যন্ত্রণায় বিকৃত মুখে কদম্ব কটুভাষার বাবা সুর ধরেন।

—খিচি খেড়ে মেয়ে আমার কলেজে পড়েন! এদিকে সংসার ভেসে যায়—বুড়ো বাপটা মরে, মেয়ে আমার বিয়ের জাহাজ হচ্ছেন! বুঝি—বুঝি সব! পড়া তো নয়—নাচতে যাওয়া হয় কলেজে।

আশ্চর্য—সেই বাবা! গ্রামের লোকে বলত দেবতার মতো মানুষ। মা ছাড়া কোন-দিন ভাকেননি শকুন্তলাকে, বলতেন, ও আমার সাক্ষাৎ সরস্বতী। মা-মরা ছেলেমেয়েদের একেবারে আগলে রাখতেন বুক দিয়ে। এই দু'বছরের মধ্যে কী অভূতভাবে বদলে গেছেন।

একটা ভয়ঙ্কর ইংরেজী গল্প কিছুদিন আগে পড়েছিল—মনে আছে। একজন লোক একটু একটু করে তার আত্মাকে পাঠিয়ে দিয়েছিল একটা বোড়ার মধ্যে, নিজে মরে কাঠ হয়ে গিয়েছিল। বাবার সম্বন্ধেও তেমনি একটা সন্দেহ হয় তার। কোনদিন মরে ফুরিয়ে গেছেন, কার একটা হিংস্র প্রেতাঙ্গী এসে লঞ্চারিত হয়েছে তাঁর ভেতরে।

কিন্তু গালাগালটা এখনো শোনা যাচ্ছে না কেন? সে কিরেছে এটা বুঝতে তো বাকি থাকার কথা নয়। দরজার কড়া নড়েছে—শান্তি দোর খুলে দিয়েছে—জুতোর শব্দ উঠেছে, তবু বাবা এখনো নীরব কেন? ঘুমিয়ে পড়েছেন খুব সম্ভব। সারারাত বাতের জ্বালায় ছটুট করে হয়তো চোখ বুজেছেন একটুকণের জন্তে। ছোট বোন টুইয়ও দেখা নেই—রাস্তার হাঙ্গির কাশি টেনে সেও বোধ হয় বাবার পাশে ঘুমিয়ে পড়েছে।

ভবু বাঁচোয়া।

একদিন শব্দ করতে না পেয়ে বলে কৈলেছিল, বেশ তো বাবা, তোমার যদি পছন্দ না

হয়, পড়াশুনো ছেড়েই দিচ্ছি আমি।

তুনে বাবা বিশ্রীভাবে মুখ তেংচে উঠেছিলেন।

—আহা, তা আর ছাড়বে না! তা নইলে আর এমন করে খাইয়েদাইয়ে ভালগাছ করে তুললাম কেন! পাস করে বেরুলে একটা চাকরিবাকরি হবে—ছুটো পরলা এনে দিতে পারবে। আপন সম্ভান হয়ে বাপের এটুকু উপকার কোন্‌ চুংথে করতে যাবে তুনি?

না, বাবার ওপর আর রাগ হয় না। বুঝতে পারে বাবাকে, বুঝতে পারে কোথায় তাঁর ব্যথা। এই পচা চুন-বালি আর আরশোলার গন্ধেভরা দম-আটকানো ঘরের মধ্যেই বাঁধা পড়ে গেছে বাবার জীবন; স্বন্দার ছুধের মতো জলে ঢেউ ওঠে না এখানে, স্থপুরি নারকেলের বন তুলিয়ে ছুটে আসে না বুক-জুড়োনো হাস্য। একটা করুণাহীন অন্ধকূপের মধ্যে মৃত্যুর প্রহর গুনছেন বাবা। আর তারই মধ্যে একটুখানি অন্তত বাইরে বেরতে পার শকুন্তলা—পথে, কলেজে একটা বিস্তৃততর জীবনের ভেতরে ফেলতে পার মুক্তির নিশাস। বাবার যা কিছু হিংসা আর হিংস্রতার উৎস ওইখানে।

—দিদি, খাবি আর—শান্তি ডাকল।

না, আর বসিয়ে রাখা উচিত নয় বাচ্চাটাকে। বেলা একটা পার হয়ে গেছে। শান্তির শীর্ণ স্মৃতিত মুখখানা দৃষ্টির সামনে ভেসে উঠল।

সকালে শকুন্তলার কলেজ পড়াতে এই বাচ্চা মেয়েটার ওপরেই রান্নাবান্নার ভার। নটাঘ বড়দার অফিসের ভাত দিয়ে, দশটার মধ্যে বাবাকে খেতে দিতে হয়—বুড়ো মাহুৰ বাবা আজকাল একেবারে ক্ষিদে সহিতে পারেন না। তারপর অজিত আর সে খেয়ে নিয়ে ছোট্ট ইঙ্কুলে। শকুন্তলার খাবার ঢাকা দেওয়াই থাকে। টুহু কোনো কোনো দিন বাবার সঙ্গে খেয়ে নেয়—কোনো দিন বা দিদির অন্ত্রে অপেক্ষা করে।

অতটুকু মেয়ের ওপর বড় বেশি চাপ পড়ে সকালে। অবশ্য দুপুর থেকে রাত এগারোটটা পর্যন্ত জোয়ালটা শকুন্তলাই কাঁধে তুলে নেয়—তবুও! কিন্তু উপায় নেই—কী করা যায়!

রান্নাঘরে এল শকুন্তলা। ছুজনের ভাত বেড়ে নিয়ে স্মৃতিত কাতর মুখে অপেক্ষা করছে শান্তি।

খেতে বসে শকুন্তলা জিজ্ঞেস করলে, টুনি খায়নি?

—অনেকক্ষণ।

—ছোট্টা সেই এগারোটটার সময় কোথায় চলে গেল। বাবা বারণ করলেন, তুলল না। বললে, কোন্‌ এক বছর বাড়িতে পড়তে যাচ্ছে।

—হঁ!—শকুন্তলা চুপ করে রইল। সকালের কড়কড়ে শুকনো ভাতগুলো যেন আটকে যাচ্ছে ভালুতে।

হাতের ভেতর কতগুলো ভাত নিয়ে নাড়াচাড়া করতে লাগল শান্তি, তারপর চুপি চুপি বললে, ছোট্টা বোধ হয় আজকাল পরলা চুপি করে দিদি !

গেলানের গারে হাতটা শক্ত হয়ে আটকে গেল শকুন্তলার : তাই নাকি ?

—সকালে বড়দা খুব হৈ-টৈ করছিল। পকেটে নাকি ছ-আনা খুচরো ছিল, পাওয়া যাচ্ছে না।

স্বাভাবিক—খুব স্বাভাবিক। এই অঙ্কুশে, এই হীনতার ভেতরে এ ছাড়া কী আর করতে পারত অজিত ? নিজের চোখেই তাকে দেখেছে কতগুলো বখাটে রকবাজ চেলের সঙ্গে দাঁড়িয়ে দাঁড়িয়ে সিগারেট টানতে।

—হঁ !—এবারও সংক্ষিপ্ত জবাব দিলে শকুন্তলা।

আর একটা কী বলি বলি করে কিছুক্ষণ দিখা করলে শান্তি। তারপর : ছোট্টা খুব খারাপ হয়ে গেছে দিদি !

শকুন্তলা চোখ তুলে তাকাল।

—ক্লাস এইটের লীলা বলছিল, ছোট্টা নাকি কাল ওদের দেওয়ালে একটা চক দিয়ে কী সব যাচ্ছেতাই কথা—

—চুপ কর—আচমকা সমস্ত জালা নিয়ে শকুন্তলা নির্দোষ শান্তির ওপরেই অসহ ক্রোধে বিদূর্ণ হয়ে পড়ল : অত কথায় তোর কাজ কী ? কাল যে তোদের পরীক্ষার প্রোগ্রাম রিপোর্ট দেবার কথা ছিল—দেয়নি ?

শান্তি পাখর হয়ে গেল। যে গ্রাসটা মুখে তুলতে যাচ্ছিল, নামিয়ে ফেলল থালার ওপর।

—জবাব দিচ্ছিস না যে ? দেয়নি প্রোগ্রাম রিপোর্ট ?

—দিয়েছে—ফিসফিসে গলায় শান্তি জবাব দিলে।

—কোথায় সেটা ?

—অঙ্কে আর ইংরেজীতে ফেল করেছি দিদি—ঝরঝর কঁদে ফেলল শান্তি। সারা-দিনের ক্লাস, অতুল মেরেটার বেড়ে নেওয়া ভাতের ওপর টপ্ টপ্ করে পড়তে লাগল চোখের জল।

নিজের এই নিষ্ঠুরতায় বুকের ভেতরটা যেন মূচড়ে ছিঁড়ে গেল শকুন্তলার। চারদিকের আঘাত ধেরে ধেরে প্রতিঘাত তো দিতেই হবে একজনকে। এমন একজন—যে তার চাইতেও দুর্বল—তার চাইতেও অসহায়। শান্তি !

খালা ছেড়ে উঠে গেল শকুন্তলা।

কিছু লাভদিন পরে বাইশে জীবণ। বাবা আর টুই ভূম থেকে ওঠবার আগে, দাদা অকিস থেকে ফেরবার আগে, অজিতের সঙ্গে দেখা হওয়ার আগে পর্যন্ত তার হাতে কিছু-

কণ সময় আছে। ‘রবীন্দ্র-কাব্যে মৃত্যুকল্পনা’ প্রবন্ধটা তাকে আরম্ভ করে দিতেই হবে—
লিটারারি সোসাইটির সেক্রেটারির মান থাকবে না তা নইলে।

ততক্ষণ চোখের জল শাস্তিরই পড়তে থাকুক।

শেষ পর্যন্ত ডক্টর তুবার দস্তকেই রাজী করানো গেল।

সবিতার দল ইতিমধ্যেই কী করে খবর পেয়েছে সভাপতি জোটেনি। চারদিকে
দস্তরমতো প্রোপাগান্ডা জুড়ে দিয়েছিল তাই নিশ্চয়। হঠাৎ খবরটা পেয়ে দমে গেল
তারা।

আশেপাশে আরাধনাদি কোথাও আছেন কিনা ভালো করে দেখে নিয়ে আর একবার
কোমর বেঁধে কমন রুমের টেবিলের ওপর দাঁড়িয়ে গেল ইরা।

—দেখো আসছে পঁচিশে বৈশাখে কী করি! একজন ছজন নয়—তিন তিনজন
সভাপতি নিয়ে আসব, প্রেসিডিয়াম করে তুলব একেবারে। সেই সঙ্গে ছজন প্রধান
অতিথি।

—তখন তো কলেজ বন্ধ থাকবে—একজন ভুল শুধরে দিলে।

একবার খতমত খেয়েই ইরা নিজেকে সামলে নিলে : থাকলেই বা কলেজ বন্ধ।
তোমরা তো আর ঘরে বন্ধ থাকবে না। এদিকে দিনরাত রবীন্দ্রনাথ রবীন্দ্রনাথ করো—
অথচ ছুটির দিনে একটা ফাংশন করতে গেলে সব ভক্তি উবে যাবে বুদ্ধি?

সবিতার দল থেকে একজন টিঙ্গনী কাটল : আচ্ছা, দেখা যাবে। সামারের ছুটিতে
তোমার চুলের ডগাটুকুও দেখতে পাওয়া যায় কিনা? নিজেও তো উৎসাহে নিমলা
পাহাড়ে মামারবাড়িতে ছোট!

ইরা আবার ঝগড়া বাধাতে যাচ্ছিল, শকুন্তলা এসে পড়ল মাঝখানে।

—চুপ কর ইরা। ওসব বাজে তর্ক করে লাভ নেই। চল, প্রিন্সিপালের সঙ্গে
একবার কথা বলে আসি। আর তিন দিন বাদে তো ফাংশন। অন্তত দুটো দিন লাস্ট
পিরিয়ডটা আমাদের ‘অফ’ করে না দিলে ভারী অসুবিধা হচ্ছে নাচ আর গানের
বিহার্গালে।

সত্যি, কাজের আর অন্ত নেই। যেটুকু সময় কলেজে থাকে যেন নিখাস ফেলবারও
সময় পায় না শকুন্তলা। মেয়েরা সব যেন কী! পান থেকে চুনটি খসলে অভিমান করে
বলে। হিমালী বশ মানে তো শিখার রাগ পড়ে না, বেগুকে যদি বা বুঝিয়ে ঠাণ্ডা করা গেল
তো মুক্তিকে ভেঙে পাওয়া যায় না। মুখরা আর প্রখরা ইরা সঙ্গে না থাকলে শকুন্তলার
শাখাও ছিল না এদের সামলে রাখা। জোর করে তাকে লিটারারি সেক্রেটারি আর কলেজ
ম্যাগাজিনের এডিটর করে দেওয়া ইরারই কীর্তি—এই দুঃসময়ে সে-ই সঙ্গে সঙ্গে আছে
বিশ্বস্ত সেনাপতির মতো। বলতে গেলে ডক্টর দস্তকে ধমকে রাজী করিয়েছে একদিকম।

ডক্টর দত্ত জানিয়েছিলেন, ওইদিন তাঁর একটা আর্ট কন্ফারেন্স আছে।

তুনেই হাত পা নেড়ে বক্তৃতা জুড়ে দিয়েছিল ইরা।

—রবীন্দ্রনাথ নিয়ে ওয়ার্ক করেছেন আপনি—একজন এডুকেশনিস্টও বটেন। স্টুডেন্টদের এটুকু দাবিও যদি আপনারা মেনে নিতে না পারেন তা হলে কোথায় আমরা যাব বলুন তো?

এ প্রশ্নের জবাব দেওয়ার চাইতে সভাপতি হওয়াটাই সহজ বলে মনে হয়েছে ডক্টর দত্তের। হেসে বলছেন, আচ্ছা, এক ঘণ্টা স্পেয়ার করতে পারি আমি।

—ওতেই যথেষ্ট হবে—আন্তরিক কৃতজ্ঞতা জানিয়ে চলে এসেছে ওরা। পথে বেরিয়ে ইরা বলেছে, এক ঘণ্টা! ফাংশন হতেই দেড় ঘণ্টা, তার পরে তো প্রেনিডেন্টের অ্যাড্রেস! দু ঘণ্টার আগে পালান কী করে দেখব।

কিন্তু থেকে থেকে ক্লান্ত লাগে শকুন্তলার। এখানে উৎসাহ, আয়োজন, চঞ্চলতা। আর একটা পৃথিবী। এখানে গঙ্ঘূর্ণ জলবে, রবীন্দ্রনাথের আলোকমুতির গলায় তুলবে ফুলের মালা, একটা স্বপ্নিল নীলিম আলোর ভরে যাবে ঘর, তানপুরার ব্যথিত মুছনার সঙ্গে বেণু বোসের ভাবগম্ভীর মধুমতী গলায় গান উঠবে: ‘সমুখে শান্তি পারাবার’। চারদিকে অহুতব করা যাবে কবিগুরুর শুচিস্থিত আবির্ভাব—সরস্বতী মন এক মুহূর্তে দেওয়ারলের আড়াল ভেঙে বেরিয়ে যাবে, পৌঁছুবে সেখানে—শান্তি-সাগরের তরঙ্গ দোলায় দোলায় যেখানে একটি শ্বেতপদ্ম বিকশিত হয়ে উঠছে আর তার ওপরে ধ্যানাসীন হয়ে আছে জ্ঞানের জ্যোতিঃস্বরূপ।

বাইশে আবেশ।

আর সেদিন বরানগরের একতলা ইট-বের-করা বাড়িতে নতুন একটা কুকুতির কাহিনী শোনা যাবে অভিজ্ঞের। আরো কুতূহী গলায় অবিজ্ঞাম গালাগালি দিয়ে যাবেন বাতে পজু অক্ষয় বাবা। কাশির ধমকে ছুপিগুটা ছিঁড়ে যেতে চাইবে টুহুর, গোত্রাসে গিলে একশো পচিশ টাকার চাকরিতে ছুটবে বড়দা—মুখের ভাত চোখের জলে ভেসে যাবে শান্তির।

পিছন থেকে ইরা বলল, এখানে দাঁড়িয়ে আছিস কেন? চল্ দেখে আসি কেমন তৈরি হয়েছে হিমালীর নাচটা।

‘কমো হে কমো—নমো হে নমো’—রবীন্দ্রনাথের উদ্দেশে একটা আকুল আর্তি যেন বুকের ভেতর থেকে বিদীর্ণ হয়ে বেরিয়ে আসতে চায় শকুন্তলার। কম্বা করে কবিগুরু—কম্বা করে আমাকে। তোমার কিছু গোয়ালার গলিতেই বাসা বেঁধেছি—কিন্তু এখনো তো বাশির ডাক শুনেও পেলাম না।

ঘুমের মধ্যে টুনি থেকে থেকে কেশে উঠছে। রাজ্জেই বাড়ে উপজবটা। সারারাত কী অলস কষ্টেই যে কাটে মেয়েটার। তবু আজ দশদিনের মধ্যে কোথা থেকে দাদার বিনা পরসায় চেয়ে আনা কয়েক পুরিয়া হোমিওপ্যাথি ছাড়া আর কোনো ওষুধই পড়ল না। কালকের হাঙ্গামাটা চুকিয়ে ফেলতে পারলে যেমন করে হোক নিজেই একটা ব্যবস্থা করে ফেলবে শকুন্তলা।

সন্ধ্যাবেলা বাবার কাছে যা-কয়েক খড়মপেটা খেয়েছে অজিত। ঘণ্টাখানেক হাউমাউ করে ভাতের প্রীতি অসহযোগ জানিয়ে একটা চাদর মুড়ি দিয়ে শুয়ে পড়েছে। ওর জন্তে ভাবনা নেই—বড়দা এসে কান ধরে টান দিলেই হুড়হুড় করে খেতে বসবে। বাবা ওষুধে এখনো ঘুমোননি—গজগজ করে অশ্রাস্ত বর্ণে গালাগাল দিয়ে চলেছেন : পৃথিবীর কাউকে—কোনো কিছুকে একবিন্দু ক্ষমা নেই তাঁর। বাবার গালাগালিগুলো আজকাল আর কান পেতে শোনারও দরকার হয় না—একেবারে মুখস্থ হয়ে গেছে সমস্ত।

কিন্তু এখনো কেন ফিঃছে না দাদা ? রাত তো দশটার কাছাকাছি !

প্রবন্ধটা শেষ করে ক্লাস্তির একটা হাই তুলল শকুন্তলা। মন্দ দাঁড়ানি—লিখে নিজেরই তৃপ্তিবোধ হচ্ছে। অনেক খুঁজে খুঁজে উদ্ধৃতি দিয়েছে ইংরেজ কবিদের—ববীন্দ্রনাথের কল্পনায় মৃত্যুর স্বরূপ ফুটিয়ে তুলতে গিয়ে নিজেই রোমাঞ্চিত হয়ে উঠেছে বার বার। কলমের মুখে সমস্ত আবেগ ঢেলে দিয়ে লিখেছে—মনের অন্ধকার খনির ভেতর থেকে এক একটা অলঙ্ঘ্য হীরার খণ্ডের মতো চুনে চুনে এনেছে শব্দ। লিটারারি সোসাইটির সেক্রেটারির অযোগ্য হয়নি লেখাটা।

স্লিপগুলো পর পর সাজাতে সাজাতে শকুন্তলা শান্তির দিকে তাকালো। লঠনের এ পাশে উবু হয়ে বসে ঘুমে জর-জর চোখে স্নেহের ওপর প্রেমের অঙ্ক কষছে শান্তি।

শকুন্তলা বললে, শুয়ে পড় শান্তি। আর অঙ্ক কষতে হবে না এখন।

—থাক্, বড়দা আহুক।

—কখন আসবে তার তো ঠিক নেই। তুই শো গে যা।

ঘুম-ভরা চোখ দুটোকে ছ'হাতের পিঠে ভলে নিয়ে শান্তি সোজা হয়ে বসল।

—বড়দা আজকাল বড় রাত করে ফেরে—না দিদি ?

—হঁ। অফিসের পরে কী একটা ব্যবসার কাজে ছুটোছুটি করে—তাইতেই রাত হয়।

—ও।—শান্তি চুপ করে রইল কিছুক্ষণ : কিন্তু ছোড়দা বলছিল—কথাটা শেষ করার আগেই সে থেমে গেল।

—কী বলছিল অজিত ?—একটা আকস্মিক সন্দেহে মুহূর্তের মধ্যে শকুন্তলা সংকীর্ণ হয়ে উঠল।

জীত দান মুখে শান্তি বললে, তুলে রাগ করবে তুমি।

—রাগ করব না, বল্।

ছোটদা বলছিল—একটা ঢোঁক গিলল শান্তি : বড়দার ব্যবসা না হাতী। ছোটদা নাকি নিজের চোখে দেখেছে আলমবাজারে কী একটা আড্ডায় বড়দা সন্ধ্যার পর জুয়ো খেলে—মদও—

—অজিত!—প্রতিনীর মতো তীক্ষ্ণ গলায় প্রায় ককিয়ে উঠল শকুন্তলা। অজিত সাড়া দিলে না, নড়ল না পৰ্যন্ত। যেন মড়ার মতো অঘোর ঘুমে মগ্ন।

—অজিত!—আর একবার তেমনি অস্বাভাবিক তীব্র স্বরে শকুন্তলা বিক্ষোবিত হয়ে পড়ল।

কিন্তু অজিত সাড়া দেওয়ার আগেই নাড়া খেল দরজার কড়া। বন-বন করে একে-বারে ভেঙে ফেলতে চাইল ক্ষয়ে যাওয়া দরজাটাকে।—এত রাতে বাড়িতে ডাকাত পড়ল নাকি? বাবা খন্-খন্ করে উঠলেন।

—বড়দা এসেছে—ছুটে দরজা খুলতে গেল শান্তি। ছড়কোর আওয়াজ এল—আওয়াজ এল পাল্লা দুটোকে সন্ধ্যারে আছড়ে ফেলার, এল ধপ্ ধপ্ করে কয়েকটা জুতোর অসংলগ্ন ভারী ভারী শব্দ, তারপরেই কুয়োতলার বালতিটাকে নিয়ে সবগে কেউ উঠোনের ওপর আছাড় খেয়ে পড়ল।

—ও মাগো!—শান্তির আত্ননাদ বাজল পাড় কাঁপিয়ে। ছুটে বেরুল শকুন্তলা, খোঁড়া পা নিয়ে টলতে টলতে বেরুলেন বাবা।

দুটো লষ্ঠনের আলোয় স্পষ্ট দেখা গেল উঠোনের ওপরে লম্বা হয়ে পড়েছে রণজিৎ। বমি করে ভাসিয়ে দিচ্ছে সব। মদ আর একরাশ অজীর্ণ খাওয়ার টুকরোর অগ্নি গন্ধে আবিল হয়ে গেছে চারদিক।

—রণজিৎ! রণজিৎ! কী হল?—কাঁপতে কাঁপতে এগিয়ে আসতে লাগলেন বাবা।

—কিছু হয়নি দাদার—নিচের ঠোঁটটাকে কামড়ে ধরে রক্তাক্ত করে দিতে চাইল শকুন্তলা : দাদা মদ খেয়েছে!

—মদ!—বাবা হুঁপা পিছিয়ে গেলেন, তারস্বরে চেষ্টা করে উঠলেন : হারামজাদা, তুয়ো—

রণজিৎ আঙুলে আঙুলে মাথা তুলল খানিকটা, জড়িয়ে জড়িয়ে বললে, খামোকা চ্যাচাচ্ কেন? মদ খাই, জুয়া খেলি—যা খুশি করি, তোমাদের টাকা তো এনে দিয়েছি!—অনিশ্চিত হাতে বুকপকেটের ভেতর থেকে কী কতকগুলো টেনে বার করে সে হাওয়ায় উড়িয়ে দিলে, তারপর আবার নিজের বমির ওপরই মুখ খুবড়ে পড়ে গেল।

—টাকা!—স্বধাৰ্ত্ত জঙ্ঘর মতো উচ্চারণ করলেন বাবা।

টাকাই বটে। একরাশ দশ টাকার নোট কাগজের মতো উড়ে বেড়াচ্ছে উঠোনময়।

বাবার কোটরে-বসা অদৃশ্য চোখ দুটো জলে উঠল দুখানা নতুন দিকির মতো, আর একবার বিড়বিড় করে উচ্চারণ করলেন : হারামজাদা—শুয়ারের বাচ্চা !—তারপর, না, তারপর স্বপ্ন দেখল না শকুন্তলা : বেতো শরীরে প্রাণপণে নত হয়ে উঠোন থেকে নোটগুলো ধাবা দিয়ে দিয়ে তুলে নিচ্ছেন বাবা, লষ্ঠনের আলোয় তাঁর পাকা চুলগুলো রূপোর তায়ের মতো ঝকঝক করছে ।

থিক্ থিক্ করে অগ্নীল হাসির আওয়াজ এল একটা । পাথরের মূর্তি শকুন্তলা যেন হাতুড়ির ঘা খেয়ে নিজের চেতনাটা কুড়িয়ে পেল ।

বারান্দার দাঁড়িয়ে অজিত হাসছে ।

—আমি তখনি বলেছিলাম—

ক্যোতলা থেকে আধথানা ইট কুড়িয়ে অজিতের দিকে ছুঁড়ে মারল শকুন্তলা । লাগল না—পুরনো দেওয়াল থেকে একরাশ চুনবালিই বুরবুর করে ঝরে পড়ল শুধু । এক লাফে ঘরের মধ্যে অদৃশ্য হল অজিত ।

—“সনাতনম্ এনম্ আহর—”

বেদমন্ত্র পড়ছে স্থনেত্রী গোস্বামী—গম্ভীর মন্ত্রধ্বনিতে সমস্ত সভাটা আচ্ছন্ন হয়ে আছে । চন্দন, ফুল আর ধূপের গন্ধে পূজামণ্ডপের পবিত্রতা আকীর্ণ হয়ে গেছে । বড় ফটোখানার ভেতরে যেন প্রাণপ্রতিষ্ঠা হয়েছে রবীন্দ্রনাথের—যেন বেদমন্ত্রের প্রতিটি উদাত্ত অমুদাস্তের আহ্বান একটু একটু করে জ্যোতির্বলয় বিকীর্ণ করে দিচ্ছে তাঁর চারদিকে ।

চোখ বুজে বসে আছেন সভাপতি—চোখ বুজে বসে আছেন সভার সকলে । এমন কি সবিতার দলও মগ্নমগ্ন হয়ে গেছে । দেওয়ালে ঠেস দিয়ে স্তব্ধ হয়ে দাঁড়িয়েছিল শকুন্তলা । বরানগরের বাসা মুছে গেছে—মুছে গেছে কাল রাত্রির সমস্ত দুঃস্বপ্ন—ধূয়ে নির্মল হয়ে গেছে বিনিহ্ন প্রহরগুলির সেই পঙ্কজান ! রবীন্দ্রনাথের ছুটি উজ্জল স্নিগ্ধ চোখ থেকে যেন করুণার অমৃতধারা এসে ধগ্ন করে দিচ্ছে তাকে । শকুন্তলার মনে হতে লাগল—ওই গন্ধধূপের ধোঁয়ার মতো তার সমস্ত অস্তিত্বও অমনি বায়বীয় হয়ে যাক, মিলিয়ে যাক জীবনের যা কিছু ভার আর যত কিছু তুচ্ছতা—অমনি শূন্য হয়ে গিয়ে রবীন্দ্রনাথের ভাবমূর্তির পায়ে সে নিঃশেষিত করে দিক তার নিবেদিত প্রণাম ।

—শকুন্তলাদি—মাধবী এসে স্পর্শ করল তাকে ।

বিরক্ত হয়ে শকুন্তলা ফিরে তাকালো ।

—কী হল আবার ?

—একবার মেক-আপ কমে এলো । ওরা ভাকছে ।

—আঃ, একটা মুহূর্ত এরা শান্তি দেবে না ! শকুন্তলা একটা দীর্ঘশ্বাস ফেলল : চল—
কমন কমেই মেক-আপ চলছে । ফুলের গয়না সর্বান্তে পরে শ্রীমতীর ডুমিকায় তৈরি
হয়েছে হিমালী গুপ্ত—সুন্দরী মেয়েটিকে অপকৃপ লাগছে দেখতে । মুহূর্ত হয়ে গেল শকুন্তলা ।

—বাঃ, বেশ হয়েছে ।

‘কর্ণ-কুন্তী সংবাদে’র কর্ণ ইরা । নাকের নিচে ক্রেপের গৌফটা চেপে ধরে হেসে অস্থির
হয়ে উঠল ।

—এই, আমাকে দেখছিস না ? কেমন গৌফটা লাগিয়েছি বল তো ? একেবারে
মহাবীর কর্ণ বলে মনে হচ্ছে না ?

—চুপ চুপ, শুনতে পাবে ওখানে ।

সুপারিন্টেন্ডেন্ট আরাধনাদি মেক-আপের চার্জে । অমন ভারি কি মানুষ প্রসন্ন হাসিতে
মুখ আলো করে বললেন, কেমন শকুন্তলা, ঠিক হয়েছে সব ?

—চমৎকার হয়েছে !

ইরা আবার ফিরে আয়নার সামনে গিয়ে দাঁড়ালো—তারপর মুখভঙ্গি করে দেখতে
লাগল—ক্রেপের গৌফটায় তাকে কেমন মানিয়েছে ।

একটু হেসে শকুন্তলা হলঘরে ফিরে এল ।

একটার পর একটা প্রোগ্রাম হয়ে চলল স্টেজের ওপর । চমৎকার উৎসবে যাচ্ছে সব-
গুলো । সবিতার দলের পক্ষ থেকে সাড়া পাওয়া যাচ্ছে না একটুও । অসীম আত্মপ্রসাদে
আর গভীর তৃপ্তিতে দেওয়ালের কোণে নিজের জায়গাটুকুতে দাঁড়িয়ে বইল শকুন্তলা । তার
প্রবন্ধটা পড়া হয়ে গেছে সকলের আগেই : সভাপতি উচ্ছ্বসিত হয়ে বলেছেন : ‘সাধু
সাধু’ । প্রিন্সিপ্যাল তার দিকে সম্মুখ-চোখে তাকিয়েছিলেন, এমন কি সি. সি. বি. পৰ্ব্বন্ত
বলেছেন ‘চমৎকার’ । কোথাও আর ক্ষোভ নেই শকুন্তলার—এতটুকু রানি অবশিষ্ট নেই
কোনোখানে । বরানগরের বাসা অনেক দূরে পড়ে থাকুক, আপাতত নিজের মধ্যে সে
চরিতার্থ হয়ে গেছে । হলের আলো নিবিয়ে অন্ধকার করে দেওয়া হয়েছে, লাল-নীল-
হলুদ-সবুজ ফোকালের সঙ্গে স্টেজের ওপর নাচ শুরু হয়েছে হিমালীর । নেপথ্য থেকে মুহূ-
র্তেক্ষণ্টার সঙ্গে বেগু বোসের মধুমকরা গলা মাইকের মধ্য দিয়ে নিঃসৃত হয়ে পড়ছে :

‘আমার সকল দেহের আকুল রবে

মন্ত্রহারা তোমার ক্ষবে

ডাহিনে-বামে ছন্দ নামে

নব জনমের মাঝে—

তোমার বন্দনা মোর ভদ্রীতে আজ

সদীতে বিরাজে—’

চমৎকার নাচছে হিমানী—নাচের প্রতিটি ছন্দে, প্রতিটি মূহুর্ত তার সর্বাত্মক যেন দীপ্ত হয়ে উঠছে ‘বনসারঙ্গদ্বিস্তেন দীপেন তমধংসিনা’।

ওই নাচের তালে তালে—ওই প্রতিটি আভরণ ছুঁড়ে দেবার সঙ্গে সঙ্গে শকুন্তলার যেন নিজেকেও ছিঁড়ে ছিঁড়ে ছড়িয়ে ফেলে দিতে ইচ্ছে করল : ‘তোমার পায়ে মোর সাধনা মরে না যেন লাজে’!

—শকুন্তলাদি!

এই সময় আবার ডাকতে এল সন্ধ্যা।

—সব সময়ে কেন বিরক্ত করিস বল তো? নাচটা দেখতে দে না একটু—কুন্ত শকুন্তলা তর্জন তুলল কিস্ কিস্ করে।

—বা রে!—কানে কানে সন্ধ্যা বললে, খাবার আনা হয়নি যে এখনো। দশটা টাকা দাও নীগগির—একটু পরেই তো চলে যাবেন প্রেসিডেন্ট।

—উঃ, জালিয়ে মারলি—

হল থেকে বেরিয়ে আলোকিত করিডোরে এসে দাঁড়াল শকুন্তলা। ব্যাগ খুলল।

কিন্তু এ কি!

চাঁদার অবশিষ্ট অন্তত কুড়ি টাকা ছিল ব্যাগে—অন্তত আজ দুপুর পর্যন্তও ছিল। একটা টাকাও নেই সেখানে। শুধু মাঝখানে আনা আটেক খুচরো পয়সা পড়ে আছে। বাসে আসবার সময় ব্যাগের এ পকেটটা সে দেখেনি—শুধু খুচরো থেকে বাসভাড়াটা বের করে দিয়েছিল খালি।

কোথায় গেল টাকা?

বেণু বোসের গান যেন একরাশ ঝাঁঝের ডাকের মধ্যে মিলিয়ে গেল। হলঘর, রবীন্দ্রনাথ, হিমানীর নাচের ছন্দ—এক মুহূর্তে তলিয়ে গেল। মনে হল কালো অন্ধকার থেকে বরানগরের বাসার পচা দুর্গন্ধটা তার চারপাশে পাক খেয়ে যাচ্ছে—কানে আসছে মাতালের কতগুলো অবাধ্য কুৎসিত চিংকার।

খাবার—প্রেসিডেন্টের ট্যান্ডি ভাড়া—খুচরো খরচ—

অজিত। দুপুরবেলা একবার চোরের মতো এদিক-ওদিক তাকিয়ে ঘর থেকে বেরিয়ে গিয়েছিল। শকুন্তলা তখন খেতে বসেছে। হ্যাঁ, অজিত—সন্দেহমাত্র নেই। দাদা যদি জুরো খেলে মদ খেয়ে বাড়ি ফিরতে পারে, বাবা যদি সেই ক্রেতাক্ত নোটগুলোকে অমন লোলুপ হয়ে কুড়িয়ে নিতে পারেন—তা হলে—তা হলে অজিতের কী দোষ?

কিন্তু কী বলবে শকুন্তলা? কী কৈফিয়ৎ দেবে? কোন্ লজ্জার বলবে চাঁদার টাকা তার নিজেই ভাই—

বাবা-দাদা-অজিত! কেউ বাধ নেই—কেউ না। সবাই যখন পড়ের মধ্যে ডুবে গেছে,

তখন সে কেমন করে দাঁড়িয়ে থাকবে একটা শুকনো ডাঙার ওপরে ? সে-ও চোর—ও টাকা সেই-ই চুরি করেছে ।

মাথার মধ্যে রক্ত ঘুরতে লাগল—আগুন জ্বলতে লাগল সারা শরীরে । যেন দুটো চোখ অন্ধ হয়ে গেল শকুন্তলা । যেন মৃত্যুর একটা পিছল সিঁড়ি হাতড়ে হাতড়ে অন্ধের মতো সে নেমে চলল পাতালের দিকে ।

কমনরুমে একা এসে দাঁড়াল শকুন্তলা । কেউ কোথাও নেই । শূণ্য ঘরে একটা আলো জ্বলছে, আর গোল বড় টেবিলটার ওপর পড়ে আছে একখানি সঞ্চয়িতা, কয়েকটা শাড়ি-জামা, জোড়া-তিনেক চশমা, গোটা-দুই রিস্টওয়াচ আর লাল-সাদা-নবজ-খয়েরী একরাশ মেয়েদের ব্যাগ ।

না, কোথাও কেউ নেই । হিমালয়ের নাচ দেখতে সবাই উইংসের ধারে ভিড় জমিয়েছে—এমন কি, আরাধনাদিও । এক মুহূর্ত আর অপেক্ষা করল না শকুন্তলা । চকিতের মধ্যে তুলে নিলে পাইথন-লেনারের একটা সৌখীন ব্যাগ । জিনিসটা চেনা—বেণু বোসের । লাখোপতির মেয়ে বেণু বোস—তিন রকমের মোটরে চড়ে কলেজে আসে । তার ব্যাগে কুড়িটা টাকা হাত দিলেই তুলে নেওয়া যাবে—বেণু হয়তো কোনোদিন টেরও পাবে না !

অতুমান ভুল হল না । মেয়েলী প্রসাধনের স্বগন্ধভরা ব্যাগটার ভেতর থেকে দুখানা সুরভিত নোট বের করে নিয়ে সেটা যথাস্থানে নামিয়ে রাখল শকুন্তলা । হাত কাঁপল না, পা কাঁপল না একবার । তারপর তেমনি ভাবেই বেরিয়ে এল কমনরুম থেকে ।

ছাত্রাবাসের মতো কখন অতুষ্ঠান শেষ হয়ে গেল । ডক্টর দত্ত অনেকক্ষণ ধরে অনেক কথা বলে গেলেন । তার একটা শব্দও ভালো করে বুঝতে পারল না শকুন্তলা—একটা কথার অর্থবোধ করতে পারল না । শুধু নোট দুটোর উগ্র স্বগন্ধ তার মস্তিষ্কের ভেতর বিধতে লাগল একরাশ কাঁটার মতো ।

দুধের মতো সাদা সন্দেশ—পরিপাটি খাবার । চূরির একবিন্দু ময়লা তাতে লাগেনি । তবে এক টুকরো সন্দেশ ভেঙে মুখে দিয়েই উঠে দাঁড়ালেন সভাপতি ।

বুকের মধ্যে রক্ত ছলানু করে ভেঙে পড়ল শকুন্তলার । গন্ধ পেয়েছেন নাকি—চুরি-করা নোটের গন্ধ ?

সভাপতি বললেন, চমৎকার অতুষ্ঠান হয়েছে—ভারী আনন্দ পেলাম । আসি তা হলে—নমস্কার ।

আর একবার—আর একবার চোরের মতো ফিরে এল শকুন্তলা । ফিরে এল হৃদয়ে । কেউ নেই । বেণু বোসের মোটর কখন চলে গেছে—মেয়েরা এতক্ষণে গৌছে গেছে ঘে-যার বাড়িতে । শুধু তারই যাওয়া হয়নি এখনো—অর্ধেক পথ থেকে ফিরে এলেছে ।

শূণ্য হলঘরে এখনো আলো জ্বলছে—বেয়ারারা চাবি বন্ধ করে যাননি । বেকীর ওপর

রবীন্দ্রনাথের মালা-চন্দন-ভূষিত চিত্রমূর্তি। একটা ধূপকাঠির শেষ প্রান্তটুকু তখনো জ্বলছে, একটা প্রদীপের বুক জ্বলছে তখনো।

কান্নার বেগে ধ্বংস করে কাঁপতে কাঁপতে শকুন্তলা ছবির সামনে লুটিয়ে পড়ল।

—তুমি দেবতা, তুমি মহাকবি। মাহুঘের প্রেমে তোমার চোখের জল চলে পৃথিবীকে তুমি ধ্বংস করে গেছ। তুমিই বলে আমার কতখানি অপরাধ? বাবা-দাদা-অজিত-আমি—আজ তোমার মৃত্যুতিথিতেও কেন এমন করে পাণের অঙ্ককারে তলিয়ে চলেছি—তুমিই তার জবাব দাও।

মর্গ

ছোট মফস্বলের শহরের চোখে ব্যাপারটা বাড়াবাড়িই ঠেকল।

নিতান্ত অহুঙ্কেথ্য একটি মাঝিভিস্ময়াল হেড কোয়ার্টার। ছোটখাটো আদালতে জনসাতেক উকিল আর সতেরোজন মোক্তার। একজন এম. বি. ডাক্তারকে ঘিরে আছে জনসাতেক এল. এম. এফ. আর হাতুড়ে, তিনজন এম. বি. হোমিও আর জন-দুই কঙ্গী-গলায় হাঁকো-হাতে কবিরাজ। ছেলেদের হাই স্কুলে ব্ল্যাকবোর্ডগুলো প্রায় সাদা আর মেয়েদের এম. ই. স্কুলে টিনের চাল।

তবু এই শহরের গা বেঁবেই চালের কল বসল। একটা নয়—পাশাপাশি দুটো।

শহরের প্রান্ত-বাহিনী একটি নদী। একরাশ চিকচিকে বালি আর একহাঁটু জল নিয়ে সাপের খোলসের মতো নিশ্চাপ। ওই নদীর ওপারে চক্রবেথা পর্যন্ত ধু ধু মাঠ—ধানের মাঠ। মেটে রাস্তায় ধুলো উড়িয়ে, ভারমহর বলদের ক্লাস্ত পদক্ষেপে, তেলহীন চাকার আর্তনাদ ভুলে শহরে আসে ধানের গাড়ি। ধান আছে, জোতদার আছে, ধান বিক্রির গঙ্গা আছে। সুতরাং যোগ অঙ্কের ঠিকের মতো এল চালের কল। উঠলো সরু সরু কালো চিমনি, বাতাসে ছড়ালো সেন্সকরা ধানের একটা তপ্ত লঘুবাদ গন্ধ, বাঁধানো কম্পাউণ্ডে শুকোতে লাগল কুপীকৃত ধান আর আকাশে শুকতারটা নিবে যাবার আগেই রাজির শেষ স্বপ্নস্পন্দনের মতো মুখরিত হল ছাঁটাই কলের আওয়াজ।

চেকি-ছাঁটা রাঙা চালের বদলে এল শুভ্র মল্লিকা ফুলের মতো ভাত। নীরন্ত শুভ্রতার মতো অন্তঃসারশুকতা।

ছোট শহরটি বরং গর্ববোধ করল। যেন সমুদ্র হয়ে উঠল কোনো একটা নতুন আতিজাত্যে। কাচভাঙা কেরোসিন-ল্যাম্পের বিবর্ণ লম্বাকে ব্যঙ্গ করতে লাগল চালের কলের একসার বিজলী আলো। ট্রেনে আসতে আসতে দূর থেকে আঙুল বাড়িয়ে জোকে বলে, ওই যে ইলেকট্রিক লাইট দেখা যাচ্ছে, আমাদের শহরে এসে পড়ল।

হ্যা—গর্বের কারণ বৈকি ! কিন্তু তবু—

তবু মন্থ ভাস্কর্যের বউ । ছোট শহরের এই নিস্তরঙ্গ লেগুনে যেন টাইফুন জাগিয়ে তুলল ।

ছবার আই. এ. ফেল করে শহরে এসে হোমিওপ্যাথ হয়ে বসেছিল মন্থ । এক টুকরো টিনের পিঠে আলকাথরা মাথিয়ে নিজেই তাতে লিখল : এম. বি. (হোমিও), ডি. পি. এম. । হোমিওপ্যাথের ক্ষেত্রে যা হয়—কেউ কখনো জানতে চাইল না সে ডিগ্রী পেল কবে, ডি. পি. এম. অক্ষরগুলোর মানে জানবার জগ্রেও প্রকাশ করল না বিন্দুমাত্র কৌতুহল । ছুটো কাঠের বাস্স আর চারখানা বই সাজিয়ে মন্থ ভাস্কর্য হয়ে বসল ।

চার আনা ছ আনা করে যৎসামান্য রোজগার । ভিজিট পায় আট আনা, কখনো-সখনো শহরের বাইরে গেলে বড়জোর এক টাকা । এহেন মন্থ সখের একেবারে পরাকাষ্ঠা দেখিয়ে দিলে বিয়ের ব্যাপারে । কোথা থেকে নিয়ে এল এক ম্যাট্রিক পাস বউ—মমতা তার নাম । শহরের এস. ডি. ও.র গৃহিণী পর্বন্ত ম্যাট্রিক ফেল, স্তত্রায় মন্থের এই ধুতুতাটা অনেকেই ভালো লাগল না । তবু ভজ্রতা করে বউ দেখতে গেলেন বন্ধু-বান্ধবেরা ।

—কি হে, খুব যে বিদুষী মেয়ে বিয়ে করে এনেছ সুনাম । দেখি—দেখি, বউ দেখি ।

স্বচ্ছন্দ অনারাস ভজিতে মমতা বেরিয়ে এল, প্রসন্নমুখে নমস্কার জানাল অভাগতদের । কিন্তু সেই মুহূর্তে একসঙ্গে চমকে উঠলেন তাঁরা । কালো ক্যাবলা মন্থের কী আকাশ-স্পর্শা স্পর্শা ! মেয়েটি শুধু হুন্দরী তাই নয়—এমন কি সার্কেল অফিসারের স্ত্রী পর্বন্ত স্নান হয়ে যায় তার কাছে ।

মেথের মতো মুখ করে বসে রইলেন তাঁরা । মমতার মিষ্টি হাতে পরিবেশন করা মিষ্টি খাবারগুলোকে পর্বন্ত মনে হল বিষের মতো তেতো ।

পথে বেরিয়ে একজন শুধু বললেন, ইস্ !

আর একজন বললেন, এমন মুক্তোর হার গিয়ে পড়ল ওই বানরের গলায় ! একেই বলে ভবিষ্যৎ ।

তৃতীয়জন হিংসার জ্বালা-ধরা গলায় যেন নিজেকেই সাহুনা দিতে চাইলেন : বড় বাড়াবাড়ি হয়েছে মন্থের । অতটা সহিবে না ।

কে বলে ইচ্ছাশক্তির দাম নেই একালে ? অস্তুত সমবেত ইচ্ছার যে প্রকাণ্ড একটা জোয় আছে, তার প্রমাণ পাওয়া গেল বছর দুইয়ের মধ্যেই । ঢাকা মেলের একটা ভয়ঙ্কর স্বর্ধটনার মড়ার তুলে মধ্য থেকে বেরিয়ে এল প্রায় পিণ্ডাকার মন্থ । আশ্চর্য—সে মরেনি ।

এখনো বেঁচে আছে । বেঁচে আছে অক্লান্ত বীভৎস ভাবে । শুধু বা না নেই তাই নয়,

গোটা ঝাঁকিই অসাড় হয়ে গেছে তার। বিছানার ওয়ে বিক্ষাণিত চোখ মেলে তাকিয়ে থাকে আকাশের দিকে। কখনো গভীর রাতে কী একটা অব্যক্ত ব্যথার সে গোড়াতে থাকে। বিচিত্র তার গোড়ানির আওয়াজ, মনে হয় যেন সাপে ব্যাং ধরেছে কোথাও।

তাতেও মফঃস্বল শহরটির কিছু বক্তব্য ছিল না। কোথাও ছন্দপতন ঘটেনি অফিসার আর উকিলদের ময়লা তাস ভেঁজে ব্রীজ খেলার আড্ডায়। কিন্তু—

বোমা ফেটেছে একটা। মমতা শেষ পর্যন্ত একটা চাকরি জুটিয়ে নিয়েছে ওই চালের কলে এবং আরো কিছু।

অনিরুদ্ধ হাতের পাইপটা ঠুকল ছাইদানের ওপর। শোড়া তামাকের কিছু ছাই হাওয়ায় উড়ে এসে পড়ল তার সামনে রাখা ফাইলগুলোর গায়ে। ফুঁ দিয়ে সেগুলোকে উড়িয়ে দিয়ে অনিরুদ্ধ ডাকল, মিসেস ঘটক ?

—আমি—

ক্লান্ত গলায় পাশের ঘর থেকে সাড়া দিলে মমতা।

—বাস্তব আছেন বাকি এখন ?—ফাইলের ওপর এতটুকু ছাই আর অবশিষ্ট নেই, তবু আর একটা ফুঁ দিয়ে অনিরুদ্ধ।

—হ্যাঁ, একটু কাজ বাকি—মমতার জবাব এল।

—থাক এখন। একটু এ ঘরে আসুন—অর্ধেক ভাবে অস্বাভাবিক অনিরুদ্ধ আবার পাইপটাকে ছাইদানের ওপরে ঠুকল।

চটির শব্দ করে ঘরে এসে দাঁড়াল মমতা। আধখানা চোখে তার দিকে তাকিয়ে অনিরুদ্ধ বললে, খুব ক্লান্ত হয়ে পড়েছেন মনে হচ্ছে।

অস্বস্তিভরে মমতা মাটির দিকে চোখ নামালো : না, সে কিছু না। কী বলবেন বলুন।

কিন্তু সব কথাই কি মুখ ফুটে বলা যায় ? জীবনের সবচেয়ে বড় কথাগুলো তো না-বলাতেই বেশি বাধ্য হয়ে ওঠে। মমতার মুখের ওপর বিষম দৃষ্টি ছড়িয়ে দিলে অনিরুদ্ধ। স্বকুমার ললাটে কদম্বপুত্র মতো খেঁদচিহ্ন, কয়েকটি চুল স্থললিত রেখাচক্রে লগ্ন হয়ে আছে সেখানে। আধময়লা শাড়িতে, দেহের ক্লান্ত ভঙ্গিমায়, পাণ্ডুর মুখশ্রীতেও কখনো কখনো মেয়েদের যে এত ভালো দেখায় আগে একথা কখনো মনে হয়নি অনিরুদ্ধের।

—দাঁড়িয়ে আছেন কেন, বসুন না ওই চেয়ারটার।

আদেশ পালন করল মমতা। তারপর 'ভেমনি প্রান্ত' ঘরে জানতে চাইল : কোনো কাজ আছে ?

—কাজ ?—ভাবতে চাইল অনিরুদ্ধ। অস্বস্ত ভাবনার ভঙ্গিতে কপালে জুটিয়ে তুলল

গোটা কয়েক রেখার সংকেত। তারপর কথাটা ছেড়ে দিলে একটা উদাসীন অসুস্থস্বাস্থ্য :
আচ্ছা, থাক এখন।

—আমি তা হলে উঠি।—ভাবহীন মুখে উঠে দাঁড়াতে গেল মমতা।

—বলুন না, অত ভাড়া কেন? একটু গল্পই করা যাক?—টেবিলের সামনের দিকে
একটু খুঁকে পড়ল অনিরুদ্ধ, আনতে চাইল একটা অন্তরঙ্গতার আভাস।

—না, থাক—অস্বস্তিতে মমতা নড়েচড়ে উঠল চেয়ারের ওপর।

—কেন, ভয় করে আমাকে?—অনিরুদ্ধ গলাটাকে আরো একটু খুঁকিয়ে দিলে। বা
দিকের ঠোঁটটা একটু বেকে নামল নিচের দিকে : আমি কি এতই ভীতিকর?

ক্ষীণভাবে হাসল মমতা।

—না, ভয় আপনাকে নেই। কাউকেই নেই।

—তবে?

প্রায় অর্থহীন চোখ দুটো স্থিরভাবে অনিরুদ্ধের মুখের ওপর মেলে রাখল মমতা :
আপনি কি জানেন, আপনার সঙ্গে মেলা-মেশা করবার জন্যে শহরে এর মধ্যেই আমাকে
নিয়ে নানারকম কথা উঠেছে?

মহুর্ভের জন্তে চোখের পাতা দুটো নামিয়ে আনল অনিরুদ্ধ, একটা অপ্রতিভ লাগিমার
আভাস লাগল গালে। তারপর :

—আপনি কি এসব ভার্টি স্ক্যাণ্ডাল-মঙ্গারদের কথায় কান দেন?

—কানে যারা ঢোকাতে চায়, আমার সম্মতির তারা অপেক্ষা রাখে না।—নিরুত্তাপ
স্তিমিত গলায় জবাব দিলে মমতা।

অনিরুদ্ধ উত্তেজিত হয়ে উঠল।

—আপনি আমার এখানে চাকরি করেন। আপনার সঙ্গে আমার সম্পর্কটা যেমন
স্বাভাবিক, তেমনি সজ্ঞত।

—লোকে বলে, সম্পর্কটা চাকরির সীমা ছাড়িয়ে আরো একটু এগিয়ে গেছে।—
মমতা হাসল। কিন্তু সে হাসিতে অনিরুদ্ধের রক্ত দোলা খেয়ে উঠল না—একটা হিমেল
ছোঁয়া লাগল তার হৃৎপিণ্ডের ওপর।

অনিরুদ্ধ চুপ করে রইল কিছুক্ষণ। আবার পাইপটা ঠুকতে লাগল অ্যাশট্রের ওপর।
চোখ না তুলেই বললে, কুহুর ডাকলেও ক্যারাভানের নিশ্চিন্তে পথ চলা উচিত।

—হয়তো।—মমতা বললে, কিন্তু সকলের সহ্য করবার ক্ষমতা সমান নয়।

—ওঃ।

এবার পাইপ ঠোকবার মতো জোরও ঘেন পেল না অনিরুদ্ধ। স্তিমিত চোখে তাকিয়ে
থেকে বললে, আপনিও কি আমার ভয় করেন?

—বলছি তো, ভয় আমার কাউকেই নেই!—মমতার হাসিটা এবার একটু যেন বিজীর্ণ হয়ে পড়ল। দেখা দিলে একরাশ কুলতল দাঁতের ঝলক। মিনিট তিনেক স্তব্ধতার ভরে রইল ঘরটা। পাশের জানালা দিয়ে মমতা দেখতে লাগল সামনের বাঁধানো কম্পাউণ্ডটার সুসীকৃত খান বিকেলের পড়ন্ত রোদে ঝিলমিল করছে তার সোনার মতো রঙ। কয়েকটা অনধিকারী শালিক আর চড়াইয়ের আবির্ভাব ঘটেছে সেখানে, খুঁটে খুঁটে সংগ্রহ করে নিচ্ছে দিনান্তিক সঞ্চয়।

না—অনিরুদ্ধকে সে ভয় করে না। কিন্তু চিনতে পেরেছে। অহুভূতির আরম্ভের শব্দ দেখতে পেয়েছে তার মনের চেহারাটা। ছোটো চালের কলের ম্যানেজার অনিরুদ্ধ—মালিকের ছেলে। চাইতেই পেয়ে এসেছে বরাবর—কোনদিন লড়তে হয়নি কোন শত্রু বাধার সঙ্গে। পেছনে ফেলে আসা ললিতা, রিনি, রত্নার ছায়াযুঁতি আভাস দিয়ে উঠেছে তার অসতর্ক কথাবার্তার অবসরে। পাওয়ারকে এত সহজ বলে জেনে এসেছে যে আজ চাওয়ার জন্তেও সে বিন্দুমাত্র অপেক্ষা করতে রাজী নয়। আরো বিশেষ করে মমতা। তার কর্মচারী। আর জীবনের ক্ষেত্রে আজ মমত্ব বাতিল, দেউলিয়া। একটা ভয়ঙ্কর দুর্ঘটনার ভয়ঙ্কর স্মৃতির মতো পঙ্কু বিকলাঙ্গ হয়ে পড়ে আছে অন্ধকার কোণায়।

মমতা জানে। জানে, যেদিন সুযোগ আসবে, সেদিন মুহূর্তের জন্তেও দ্বিধা করবে না অনিরুদ্ধ। ভয় করবে না একবিন্দু প্রতিবাদের, কণারাত্র প্রতিরোধের। হাত বাড়িয়ে ধরবে, মূঠো করে আঁকড়ে ধরবে, শক্ত আঙুলের ফাঁসে ফাঁসে একটা পায়রার নরম গলাকে নিষ্পেষিত করে ফেলবার মতো পিষ্ট করে ফেলে দেবে তাকে।

মমতা চোখ তুলল।

—চারটে বাজে। আমি তা হলে আজ উঠি।

অনিরুদ্ধেরও যেন চটকা ভাঙল।

—চলুন, আমিও যাব সঙ্গে।

—এগিয়ে দেবেন?—এক ঝলক শীতল হাসি হাসল মমতা।

—কতি কী!—অনিরুদ্ধও হাসল। একটু শুণ্ড, একটু উত্তেজিত।

—চলুন—

মমতা উঠে পড়ল। শরীরে কোথাও যেন জোর নেই, যেন নিজের ভার সে আর বহিতে পারছে না। ক্লান্ত, অসম্ভব ক্লান্ত। নিষ্ঠুর নিয়তির মতো একটা অনিবার্যতার সঙ্গে যেন তার লড়াই। কিন্তু আত্মরক্ষার পথ যেন নেই কোথাও। সবল পেশল হাত অনিরুদ্ধের, কঠিন তার মুঠি। অত্যন্ত সহজে আঁকড়ে ধরতে পারে—পিষ্ট করে ফেলতে পারে একটা কপোতের কঠোর মতো, কাটিয়ে দলে নিতে পারে একরাশ পাকা আঙুরের মতো।

ভয় করে লাভ নেই। তাই ভয়ও নেই। নির্বোধ গলার মমতা আবার ঝলকে, চলুন।

ছোট শহরটা থেকে কল দুটো সামান্য একটু দূরে। একথানা ছোট মাঠের ভেতর দিয়ে, ঘনবন্ধ নিম্ন আর বিলাতী পাকুড়ের ছায়ার তলা দিয়ে এসে পৌঁছুতে হয় শহরে। কদাচিৎ দু-একজন পথিক আর ঘুঘুর অজান্তে কুঞ্জন ছাড়া পথটা প্রায় নির্জন।

কিছুই অস্বাভাবিক মনে হল না, যখন সেই পথ দিয়ে পাশাপাশি আসতে আসতে এক ফাঁকে মমতার একথানা হাত আঁকড়ে ধরল অনিরুদ্ধ।

হাত ছাড়িয়ে নিল না মমতা, জোরও করল না। শুধু শ্রান্ত স্বরে বললে, কিছু বলবেন ?

চমকে নিজেই অনিরুদ্ধ হাতখানা ছেড়ে দিল। অদ্ভুত মৃত মমতার গলার আঁগুড়াজ—আঁড়ুলগুলো অস্বাভাবিক শীতল। কেমন একটা শীতল স্পর্শে কঁকড়ে যেতে চাইল তার পেশীগুলো।

ললিতা—রিনি—রত্না। ঠাণ্ডাও কেউ কেউ ছিল বইকি। কিন্তু অনিরুদ্ধ জানে, কেমন করে শব্দধারের মধ্য থেকে মৃতকে জাগিয়ে তোলা যায়—উত্তাপ সঞ্চার করা যায় রক্তের ভেতর।

মরীয়া হয়ে অনিরুদ্ধ বললে, এখনি ফিরবেন ?

—কী করব তবে ?—শিথিল আত্মসমর্পণের ভঙ্গিতে মমতা পাণ্টা প্রসন্ন করল।

—চলুন না, একটু মাঠের দিক থেকে বেড়িয়ে আসা যাক।

—কিন্তু আকাশে মেঘ করেছে যে।

—ও কিছু না : আকাশের দিকে একবার অন্তরমনস্ক ভাবে তাকিয়েই চোখ নামিয়ে আনল অনিরুদ্ধ : ও মেঘ এখনি হাওয়ায় উড়ে যাবে। একটু মাঠ থেকে ঘুরে আসা যাক চলুন। সারাদিন তো সমানে খেটেছেন, খানিক ফ্রেশ এয়ায় নেহাৎ মন্দ লাগবে না।

—আপনি যখন বলছেন, বেশ।

ঘুঘু-ভাঙ্গা নিম্নের ছায়ার তলা থেকে মাঠে নামল কুঞ্জন। কিছু কিছু চোর-কাঁটা, কিছু এলোমেলো ঘাস। দু-চারটে চিবি এখানে-ওখানে। খানকয়েক গল্পর হাড়, রোদে-বৃষ্টিতে তামাটে রঙ-ধরা। অনিরুদ্ধের জুতোর ঠোঁকবে ঘাসের ভেতর থেকে খানিকটা গড়িয়ে গেল একটা মাছুবেষের কয়োট; কাছাকাছি কোথাও হয়তো গোরস্থান আছে, সেখান থেকে পেয়ালে টেনে এনেছে।

অনিরুদ্ধ নাক কঁচকে বললে, আন্যায়ি !

মমতা জবাব দিল না।

নিঃশব্দে চলতে লাগল কুঞ্জন। কিছু মাঠটা বড় বেশি ফাঁকা—বড় বেশি বেধা যার অনেক দূর পর্যন্ত। হঠাৎ কেমন একটা অস্বস্তাপ বোধ হতে লাগল অনিরুদ্ধের। ছায়ার তলায় বনটা ঘন হয়ে আসছিল, প্রস্তুত হয়ে উঠেছিল একটু একটু করে। কিন্তু এই ফাঁকা

মাঠ যেন তাকে ভরল করে দিয়েছে ; ছড়িয়ে দিয়েছে একটা আদিগন্ত শূন্যতায় ; মনের একরাশ ঘন রঙকে অদ্ভুত জ্বালো আর ফিকে করে তুলেছে । এর চাইতে ঘর ছিল ভালো—সংহত, সংযত । কিন্তু এই আকাশ আর শূন্যতা বড় বেশি প্রসারিত—জ্বলিয়ে রাখা যায় না—সব কিছু যেন ছত্রাকার করে দেয় ।

তবু একবার চেষ্টা করল সে । এমন করে নষ্ট হতে দেওয়া চলে না বিকেলটাকে, মিথ্যা হতে দেওয়া যায় না এমন দুর্গত অবকাশকে । এলোমেলো ভাবে অনিরুদ্ধ বললে, আচ্ছা মিসেন ঘটক, আপনার কষ্ট হয় না ?

—কিসের কষ্ট ?—তেমনি ভাবাহীন চোখে প্রশ্ন করল মমতা ।

কেমন ধমকে গেল অনিরুদ্ধ । এত সহজে যে গ্রহণ করতে পারে—তার কাছে আত্মপ্রকাশ এত কঠিন এ অভিজ্ঞতা যেন তার কখনো হয়নি । একটু লীলা থাক, একটু চটুলতা, একটু জটিলতা । কিন্তু—এর পরের কথাটা বলবার আগে নিজেকে আর একটু তৈরি করে নেওয়া দরকার । সময় নিয়ে নিয়ে সে পাইপে তামাক ভরল, সেটাকে ধরালো । অসমভাবে ধোঁয়া ছাড়ল বারকয়েক ।

—আপনার এই জীবন ?

—মন্দ কি !—শান্ত উত্তর এল মমতার : কিন্তু দেখেছেন, ঝড় আসছে !

ঝড় ! তাই তো । খেয়াল হল অনিরুদ্ধের । কার্বন-পেপারের উল্টো পিঠের মতো আকাশটা ছেয়ে গেছে একটা নিশ্চৈদ নৌলিম কৃষ্ণতায় । নিবাত-নিঃশব্দতায় শুক্ন হয়ে আছে সামনের একসারি হিজল গাছ । বনিয়ে আসছে একটা তরল অন্ধকার, কালো হয়ে যাচ্ছে পায়ের তলাকার বাসগুলো ।

আজকের মতো বলা হল না নিজের কথা । বুধা হয়ে গেল একটা দুর্গত অবসর । কিন্তু উপায় নেই । প্রচণ্ড ঝড় আসছে একটা । আত্মবোধের করার চাইতেও আত্মরক্ষার দরকার আগে ।

—চলুন, ফেরা যাক—অনিরুদ্ধই বললে ।

—ভিজিয়ে দেবে মনে হচ্ছে—মমতার ঠোঁটের কোণায় যেন দেখা দিল এক টুকরো কৌতুকের হাসি । যেন এতক্ষণে সে প্রাণ পেয়ে উঠেছে একটু একটু করে ।

অনিরুদ্ধ লক্ষ্য করল না সেদিকে । শশব্যস্তে আর একবার কালো আকাশটার দিকে তাকিয়ে বললে, পা চালিয়ে চলুন, একটু তাড়াতাড়ি ।

কিন্তু কতখানি আর পা চালিয়ে যাওয়া যায় এত বড় একখানা মাঠের মধ্যে ? দু মিনিটের মধ্যেই ঝড় এল । দিগন্তরেখায় একটা ক্রুদ্ধ গর্জনের মতো শব্দ করে ফেটে পড়ল আকাশটা, কঙ্কালের রক্ত-মাখা হাতের ছোপের মতো বিদ্যুৎ জ্বলল মেঘের গায়ে, হিজল বনটা প্রায় মাটি পর্যন্ত সাটানকে প্রণাম করেই খাড়া হয়ে উঠল ছিলে-হেঁড়া ধনুকের মতো ।

একরাশ ধুলো আর খড়কুটোর আবর্তের ভেতরে মুহূর্তের অন্তে বিচ্ছিন্ন হয়ে গেল দুজনে। একটা টাল খেয়ে পড়তে পড়তে সামলে নিলে অনিরুদ্ধ, মমতার মাথার এলো খোঁশা ধুলে গিয়ে চুলের রাশ ঝড়ের মেঘের মতো তরঙ্গিত হয়ে গেল।

হাঁপাতে হাঁপাতে অনিরুদ্ধ বললে, ছুটুন—ছুটুন—

ঝড়ের মধ্য দিয়ে দুটো ঝরা-পালকের মতো প্রায় উড়ে চলল দুজন।

শুকনো তপ্ত ধুলোর আবর্ত উঠেছে। কার্বনের মতো আকাশ পিচের মতো কালো। ঘন হয়ে নামছে অন্ধকার। রূপোর তারের মতো খরখার ঝুটি এসে বিঁধতে লাগল চোখেমুখে।

সামনের একটা শিল্পগাছ থেকে প্রচণ্ড শব্দে একটা ডাল ভেঙে পড়ল। একদল কাক আর্ত চিংকার ছেড়ে উড়ল আকাশে, তারপর হাওয়ার ঘূর্ণিতে দিকে দিকে ছিটকে গেল কয়েক টুকরো ছেঁড়া কাগজের মতো।

তিন্ত শব্দিত গলায় অনিরুদ্ধ বললে, ছুটুন—ছুটুন। অমন গজেন্দ্র-গমনে চলেছেন কেন ?

আবার হাওয়ার একটা প্রবল ঝাপটায় পড়তে পড়তে সামলে নিলে অনিরুদ্ধ। কাছাকাছি কোথাও একটা গাছ পড়ল—ঝড়ের ভেতর দিয়েও স্পষ্ট শোনা গেল নাভিস্বাসের মতো তার একটা বিকট শব্দ।

—উঃ, মাধে কি মেরেদের নিয়ে পথ চলতে নেই ?—কটুখরে একটা অরূপণ স্বীকারোক্তি বেরুলো অনিরুদ্ধের। ঝড়ের মধ্যে মমতা হাসল কিনা বুঝতে পারা গেল না।

রাত্রির মতো হয়ে অন্ধকার নামছে। চারদিকে দৃষ্টি চলে না ভালো করে। জুঁছ একপাল বস্ত্র-মহিষের মতো পেছন থেকে ঝুটি বাতাস সমানে তাড়া করে আসছে। এরই মধ্যে দৃষ্টির সামনে হঠাৎ মাথা তুলে উঠল একটি নিঃসঙ্গ লাল বাড়ি। মাঠের মাঝখানে এক।

—চলুন—ওদিকেই যাওয়া যাক—

—কিন্তু ওটা যে—মমতা কিছু একটা বলতে চাইল।

—আবার কথা বাড়ান্ছেন কেন ? ভয়ঙ্কর সাইক্লোন শুরু হয়েছে। মরতে চান নাকি এই মাঠের ভেতরে ?

মাঠের মাঝখানে ছোট বাড়িটি। বাড়ি নয়—একখানা ঘর। কাচের জানালা, ওপরে টালির ছাদ। বিহ্যুভের আলোর চকিতের জন্ত আভাসিত হয়ে উঠল।

পৈশাচিক শব্দে বজ্র ডেকে গেল আকাশে। সর্বাঙ্গ ধর ধর করে কেঁপে গেল অনিরুদ্ধের। মমতার হাত ধরে একটা টান দিয়ে সোজা গিয়ে উঠল বাড়িটার দোর-পোড়ায়।

দরজা বন্ধ । তালা দেওয়া ।

একটু বাতাসা পৰ্বন্ত নেই যে দাঁড়ানো যায় । শুধু ঘরটুকু তৈরি করা ছাড়া আর বিন্দুমাত্র উদ্ভাসও যেন ব্যয় করা হয়নি এর পেছনে । এলোমেলো ঝোড়ো হাওয়া আক্রমণ করছে চারদিক থেকে । গায়ে বিঁধছে শাণিত বৃষ্টির ফোঁটা ।

জিম্মাস্টিক করা শক্ত মুঠায়—অনেক কপোত-কণ্ঠ নিষ্পিষ্ট করা নির্ভয় হাতে তালাটায় মোচড় দিল অনিরুদ্ধ । হাতের রগগুলো ফুলে উঠল, মণিবন্ধের কাছটা ফেটে যেতে চাইল রক্তের চাপে । আর একটা, আর একটা মোচড় । দাঁতে দাঁতে কঠিন চাপ পড়ে চোয়াল দুটো টন টন করে উঠল—মটাং করে খুলে পড়ল তালাটা ।

একটা আশ্রয় শেষ পৰ্বন্ত ।

বাইরে ঘন হয়ে আসা অন্ধকারে সাইক্লোনের মাতামাতি । ঘরের মধ্যে ঢুকে হুজনে পাশাপাশি দাঁড়ালো কিছুক্ষণ । ফেলতে লাগল আশ্রিত ঘন নিশ্বাস ।

অন্ধকারে ঘরটায় নজর চলে না ভালো করে । দুটো ছোট ছোট টেবিলের ওপর ওষুধ-পত্রের মতো কী একরাশ সরঞ্জাম । একপাশে লম্বা একটা টেবিল—মনে হয় তার ওপর লাদা কাপড় মুড়ি দিয়ে শুয়ে আছে কেউ । এতক্ষণে হঠাৎ একটা তীব্র দুর্গন্ধে হুজনের নাড়িভূঁড়ি মোচড় খেয়ে উঠল একসঙ্গে । পচা মাংসের গন্ধ—ওষুধের গন্ধ !

—উঃ, এ কোথায় এলাম !—অনিরুদ্ধ বলতে গেল ।

আর সেই মুহূর্তে বাইরে চমকালো বিদ্যুৎ । বিরাট একখানা তলোয়ারের আচমকা আঘাতের মতো একটা খব দীপ্তি লক্কলকিয়ে গেল জানালার কাছে । হিংস্র আলোয় কয়েক মুহূর্তে সব স্পষ্ট করে দিয়ে গেল । মফঃসল শহরের মর্গ ।

অন্ধকারে হাসির শব্দ স্তনতে পাওয়া গেল মমতার : এটা লাশকাটা ঘর ।

—লাশকাটা ঘর !—অনিরুদ্ধের গলার মধ্য থেকে গোড়ানির মতো আওয়াজ বেরুল একটা ।

—হ্যাঁ, তাই ।—তেমনি হাসির সঙ্গে মমতা বললে, দেখছেন না, টেবিলের ওপর লাশ রয়েছে ?

পচা মাংস আর ওষুধের তীব্র গন্ধে, অস্বস্তিভরা ভয়ের চমকে অনিরুদ্ধ বললে, হিঃ হিঃ ! চলুন বেরিয়ে যাই এখান থেকে ।

দেওয়ালের একটা কোণা ঘেঁষে ততক্ষণে বসে পড়েছে মমতা । ঝড়ের শব্দ ছাপিয়ে তার মিষ্টি গলার স্বর স্ফুটীকৃত হয়ে এসে কানে বিঁধল : তবু পাচ্ছেন ?

—তবু ?—তবুটাকে সামলাবার আপ্রাণ চেষ্টা করে অনিরুদ্ধ বললে, তা নহ, তবে—

—গন্ধ ? ও কিছু না । মাহুষ পচলে ওরকম গন্ধই বেরোয় । ও সয়ে যাবে । তা ছাড়া বাইরে এখন বেরবেন কী করে ? সাইক্লোনের আরো জোর বেড়েছে । জনকে

পাচ্ছেন না ?

শোনো যাচ্ছে বইকি। বাইরের অন্ধকার পৃথিবীতে হাজার মেল ট্রেন একমুখে চলবার মতো রক্তগর্জন উঠছে থেকে থেকে। দূর থেকে আবার একটা গাছ পড়বার আওয়াজ এস। মাথার ওপর মড়মড় করে উঠল চালির চালটা—কয়েকখানা চালিও বোধ হয় ছিটকে পড়ল এদিক ওদিক।

—বাইরে বেকতে গেলে গাছ চাপা পড়তে হবে এখন—আবার মমতার মিষ্টি তীক্ষ্ণ গলা শোনা গেল।

দুর্গন্ধ। অসহ্য দুর্গন্ধ। সে গন্ধে নিজের পাকস্থলীটা পর্যন্ত যেন ছিঁড়েছুঁড়ে একাকার হয়ে যাচ্ছে। মাথার মধ্যে তীব্র ক্লোরোফর্মের বিযুক্তিয়ার মতো ঝিমঝিম করছে। ভেজানো দরজাটাকে এক আঘাতে খুলে দিয়ে দমকা বাতাস সব ওলটপালট করে দিয়ে গেল ঘরের মধ্যে। মড়ার গায়ের ওপর থেকে উড়ে পড়ল কাপড়টা, আর একটা বিদ্যুতের আলোয় দেখা গেল পচ ধরে-আসা একটা বীভৎস দেহ—পেটটা ছুঁফাঁক করে চেঁচা।

আরো তীব্র একরাশ দুর্গন্ধ যেন প্রবল আঘাতের মতো মূখের ওপর এসে পড়ল অনিরুদ্ধের। ঘুরে গেল মাথাটা—সমস্ত অহুভূতি যেন অসাড় হয়ে গেল। পাগলের মতো ছুটে বেরিয়ে পড়তে চাইল—মনে হল এই বীভৎস ভয়ঙ্কর মৃত্যুর কাছে দাঁড়িয়ে বাঁচার চাইতে গাছচাপা পড়ে মরাও ভালো। কিন্তু পালাতে চাইলেই কি পালানো যায় ? ক্লোরোফর্মের বিষের মতো সেই বিকট দুর্গন্ধ একটা অক্টোপাসের বাহুর মতো যেন তার পায়ে পাক দিয়ে দিয়ে জড়িয়ে ধরল। মেঝের ওপর বসে পড়ল, না গুয়ে পড়ল ভালো করে মনেও রইল না অনিরুদ্ধের।

শুধু আর একবার দেখতে পেল আর একটা বিদ্যুতের চমক—দেখতে পেল চেঁচা পেটের একটা রান্ধুসে হাঁ—আর শুনতে পেল আরও মিষ্টি, আরো তীক্ষ্ণ গলার স্বর মমতার।

—মড়া কাটলে ওর চেয়ে ভালো দেখায় না। কী করা যাবে বলুন।

মনে হল ও যেন মমতা নয়। ওই বিরক্ত বীভৎস দুর্গন্ধ শবটার প্রেত মমতার মধ্য থেকে কথা করে উঠছে।

অনিরুদ্ধ চোখ বুজল।

প্রায় ষণ্টা তিনেক পর।

নিঃশব্দে কাঁদা আর করা-পাতার পথ বেয়ে মন্দিরের বাড়ির সামনে এসে দাঁড়াল দুজনে। কেমন নিস্ত্রাণ আর যান্ত্রিক হয়ে গেছে অনিরুদ্ধ। এতখানি পথ পাশাপাশি চলে আসবার সুযোগেও একবারও তার মমতার হাত ধরবার কথা মনে পড়েনি।

মমতা বললে, বড্ড ভিজ়ে গেছেন । চা খেয়ে যান এক পেয়াল।

রাস্তা ঘরে অনিরুদ্ধ বললে, অনেক রাত হয়ে গেছে যে !

—পাঁচ মিনিটে হয়ে যাবে ।

কী মনে করে অনিরুদ্ধ দাঁড়িয়ে গেল ।

—আহুন, বহুন এই ঘরে ।

বাইরের শ্রীহীন ঘরে একটা লণ্ঠন জ্বলে আনল মমতা । একটা বার্নিশ-গুঠা নয় চেয়ারে বসতে দিলে অনিরুদ্ধকে । নিঃশব্দে বসে সে স্তনতে লাগল শ্রান্তিহীন মশার গুঞ্জন । একটু পরেই শাড়ি বদলে ঘরে এল মমতা । হাসল ।—একবার কষ্ট করে আহুন না পাশের ঘরে । আমার স্বামী অস্থির, জানেনই তো । আপনার সঙ্গে আলাপ করতে চান ।

—চলুন—উঠে পড়ল অনিরুদ্ধ । মমতার ক্ষুধাশীর্ণ হাতের লণ্ঠনের দোলা অল্পস্রবণ করে এল পাশের ঘরে ।

যেঝেতে একটা সীতাসৈতে মলিন বিছানায় শুয়ে ছিল মম্মথ । বালিশে ভর দিয়ে অতি কষ্টে উঠে বসতে চাইল । আপ্যায়নের হাসি হেসে বলতে চাইল : কী সৌভাগ্য, আহুন—
—আহুন—

কি আসতে পারল না অনিরুদ্ধ, নড়তে পারল না আরো কয়েক মুহূর্ত । লণ্ঠনের পাখুর বিবর্ণ আলোয় পাথর হয়ে রইল । সেই লাশকাটা ঘরের লাশটা আরো বিকৃত, আরো ভয়ঙ্কর হয়ে উঠে বসেছে । মুখের একদিক বলে কিছু নেই । চোখের মতো কী একটা জিনিস ঠিকরে বেরিয়ে আছে, একরাশ খোরানো-মাংস জমে আছে পিণ্ডাকারে । অস্বাভাবিক, অবিশ্বাস্য । একটা অমাহুষিক বিভীষিকা ।

কোন মমতাকে হাত বাড়িয়ে ছুঁতে চাইছিল সে ? জীবনের লাশকাটা ঘরের এই জীবন্ত প্রেতিনীকে কেমন করেই বা স্পর্শ করবে ? মনে হল যে হাতে সে মমতাকে ছুঁয়েছিল, হাতের সেইখানে রক্ত-বসা মাথা একরাশ পচা মাংস জড়িয়ে আছে ।

—ও কি হল ? কোথায় যাচ্ছেন ?

কোথায় যাওয়া যাবে আপাতত তাই কি জানে অনিরুদ্ধ । পালাতে হবে—পালাতে হবে এই লাশকাটা ঘর থেকে । অন্ধকারের মধ্যে ছুটে চলল পাগলের মতো । আর স্তনতে পেল তার চারদিকের পৃথিবী যেন আবিল হয়ে উঠেছে মমতার তীক্ষ্ণ শাপিত হাসির শব্দে ।

তিমিরাভিসার

—ব্লাডটা আমি দিতে পারি স্ত্রীর—প্রণবেশ হাত বাড়ালো। চণ্ডা কজী, সংক্ষিপ্ত সাদা বুশার্টের সীমান্ত পর্ষন্ত নিটোল শক্তিময়ন বাহতে পেশীর তরঙ্গ। পৌরুষ আছে, কিন্তু কাঠিন্য নেই।

হাত থেকে জয়াবতীর দৃষ্টি প্রণবেশের মুখের ওপর উঠে এল। বয়েস সবে তিরিশ ছুঁয়েছে অথবা ছোঁয়নি। শরীর আব মনেও স্বাস্থ্য অটুট থাকলে যেমন হওয়া উচিত, ঠিক তেমন। চোখের তারা দুটো এখনো চক্কল, কোনো অস্তমুখী গভীরতার আকর্ষণে স্থির আর নিশ্চল হয়ে আসেনি। ঠোঁটের রেখাগুলো কোমল, স্নেহলয়। এত সহজে হাত বাড়িয়েছে যে, যেন একগুচ্ছ রজনীগন্ধা এগিয়ে দিয়েছে কাউকে।

কিন্তু যাকে দিয়েছে, নেবার ক্ষমতা তো নেই তার। কেন্দ্রীয় বিছানাটির ওপর সে এলিয়ে আছে—তার শীর্ণ হৃদয় মুখে মৃত্যুর ছায়া। খাটের পাশে তার একধানা স্করুণ বিগ্ৰহ হাত—রেশমের মতো স্বকের নিচে নীল নিবিড় শিরাগুলি মানচিত্রের নদীর মতো টান। আর মানচিত্রের প্রাণহীন নদীর মতোই তা শুকিয়ে আসছে—প্রণবেশের রক্ত-সঞ্চারে তাতে প্রাণের ধারা ফিরে আসতেও পারে। অস্তিত্ব ডাক্তার সেইরকম আশা করেন।

জয়াবতীর জিস্তাস দৃষ্টির মতোই ডাক্তার গভীর চোখে তাকালেন প্রণবেশের দিকে। তারপর স্বচ্ছ সন্মোহ হাসি হাসলেন।

—ইউ, ডক্টর ?

—হ্যাঁ স্ত্রীর। চলবে ?

—চলবে বইকি। আচ্ছা—এসো।

ছ মাস পরে জয়াবতী চিঠি লিখলেন প্রণবেশকে।

—আমার মেয়েটাকে ভূমি বাঁচিয়েছ, বাবা। যদি সময় থাকে আর খুব অল্পবিধে না হয়, তা হলে যে কোন একদিন বিকেলে এসো আমাদের বাসায়। স্বচ্ছন্দে চলে আসবে—লজ্জার কোন কারণ নেই। একবার—দুবার—তিনবার। চিঠির প্রতিটি শব্দ মনে মনে উচ্চারণ করে পড়ল প্রণবেশ, উলটে-পালটে দেখল কাগজখানাকে। বেশি গবেষণা না করেও বুঝতে পারা যায়, এ চিঠির কাগজ তাঁর নয়, এ হাতের লেখা তাঁর তো নয়ই। বিকেল নীল রঙের কাগজ, একটা লম্বু স্বরভি তাতে জড়ানো। লেখার ধরনটা একটু কাঁচা—একটি স্বকুমার মনের ভীকতার চিহ্ন বয়ে এনেছে। মায় জবানবীতে এ চিঠি লিখেছে

সুনীলাই। সুনীলার হাতের লেখা কখনো না দেখেও তা সে অহুমান করতে পারে।

অন্তমনকভাবে কাচের টেবিলটার ওপরে প্রণবেশ আঙুল টানতে লাগল—জলরঙের এলোমেলো রেখা পড়তে লাগল এলোমেলো ভাবনার মতো। যেদিন হাসপাতাল থেকে সুনীলা ডিস্চার্জড হল, সেদিন প্রণবেশ তাদের এগিয়ে দিতে গিয়েছিল হাসপাতালের গেট পৰ্যন্ত।

হর্বস পায়ে আন্তে আন্তে হাঁটছিল সুনীলা—যেন যে কোনো মতুর্তে টলে পড়ে যাবে মাটিতে। কয়েকবারই ইচ্ছে হয়েছিল তার সবল বাহুর মধ্যে সম্বন্ধে মেরেটাকে আশ্রয় দেয় সে। কিন্তু পাশেই জয়াবতী চলেছেন। স্বাভাবিক সঙ্কোচে বরং একটুখানি দূরত্বই রাখতে হয়েছিল তাকে।

ট্যান্ডি পৰ্যন্ত নিঃশব্দেই এল তিনজন। তারপর জয়াবতী প্রণবেশের দিকে ঘুরে দাঁড়ালেন।

—তুমি আমাদের জুড়ে অনেক করলে বাবা। নিজের আত্মীয় থাকলেও এত করত না। তোমার ঋণ কী করে শোধ হবে জানি নে।

অত্যন্ত কৃতজ্ঞতার জবাব দিতে হল অভ্যস্ত ভাষাতেই।

—কেন তুলছেন ওসব কথা? ভাস্করের যতটুকু দায়িত্ব, ততটুকুই করেছি। তার বেশি কিছু করিনি।

জয়াবতী হাসলেন : ভাস্কার আমি অনেক দেখেছি, কে কতটুকু করে তাও জানি। তোমার মতো ভাস্কার যে কলকাতায় খুব বেশি নেই—এ আমি জোর করেই বলতে পারি।

এই সময় প্রণবেশের চোখ গিয়ে পড়েছিল জয়াবতীর চোখে। সঙ্গে সঙ্গেই কেমন একটা খোঁচা লাগল তার। গলার স্বরের সঙ্গে এই চোখ মিলছে না, কথার সঙ্গে যেন সাদৃশ্য নেই এ দৃষ্টির। কেমন একটা ধূসর চাউনি, একটা অর্ধভরা ইঙ্গিত। জয়াবতী কি ঠাট্টা করছেন তাকে? সঙ্কুচিত হয়ে গেল।

কিন্তু এর মধ্যেই কখন সামনে হুয়ে পড়েছে সুনীলা—পায়ের অনাবৃত অংশে কয়েকটি স্পর্শ শীতল আঙুলের করুণ স্পর্শ। চমকে প্রণবেশ পিছিয়ে যেতে চাইল : ছি ছি, কী এসব!

জয়াবতী বললেন, তাতে কী হয়েছে বাবা! একটা প্রণাম তো তোমায় করাই উচিত। ধীরে ধীরে সুনীলা সোজা হয়ে দাঁড়ালো। মুখ তুলল।

বেলাশেষের আলো সামনের বকুলগাছের শেডের দিয়ে সুনীলার মুখে এসে পড়ল। মনে হল, তার ক্লাস্তির-পাতুর গালে-কপালে কে যেন নববধূর মতো রক্তচন্দনের গোয়োচনা একে দিয়েছেন। প্রণবেশ কী দেখল সে-ই জানে। বুকের ভেতরে আঁচকা একটা দোলা

লাগল—আরো একবার শিউরে উঠল শরীর। কিন্তু এবার সম্পূর্ণ অন্ত কারণে। জয়াবতীর চোখের সঙ্গে এর চোখের এতটুকুও তো মিল নেই কোথাও।

ময়ত্যাটা কটিল মিনিট দুই পরে। ট্যাক্সির দরজা বন্ধ হয়ে যাওয়ার আকস্মিক ধাতব শব্দে।

জয়াবতী বললেন, সময় পেলে একবার যেনো আমাদের ওখানে।

সুনীলা কিছুই বললে না, বলার দরকারও ছিল না। প্রণবেশ মাথা নাড়ল : নিশ্চয় যাব।

ধোঁয়া ছেড়ে বেরিয়ে গেল ট্যাক্সি। প্রণবেশ আরো কিছুক্ষণ চূপ করে দাঁড়িয়ে রইল সেইখানেই। তারপর মস্ত একটা অ্যান্ডুলেন্স গাড়িকে ঢোকবার জন্তে যখন পথ ছেড়ে দিতে হল, তখন আস্তে আস্তে নিজের ওয়ার্ডে সে ফিরে এল।

কিছুদিন সুনীলার কথা মনে পড়ত—মনে পড়ত ওই কেবিনটার দিকে তাকালে ওর শূন্যতাকে এখন আরো বেশি বলে মনে হত, ওটা যেন কল্প বিষয়তায় বিকীর্ণ হয়ে থাকত সব সময়। কিন্তু যথাসময়ে এক অ্যাংলো-ইণ্ডিয়ান বুড়ী ওই কেবিনে এসে আশ্রয় নিলে। যেটুকু যুগ্মত, সেই সময়টুকু ছাড়া বুড়ী চিংকার করত অনর্গল, গালমন্দ করত, অভিলাপ দিত ডাক্তার আর নার্সদের, আর মাঝে মাঝে ঈশ্বরের দরবারে প্রার্থনা নিবেদন করতঃ হেল্প মী—ও লর্ড, হেল্প মী!

সুনীলার স্মৃতিটুকু নিভে-যাওয়া ধূপের গন্ধের মতো গেল মিলিয়ে। তারপর ওখানে একের পর এক কত এল, কত গেল। ঘুরতে হল ওয়ার্ডের পরে ওয়ার্ড। অসংখ্য মানুষের অসংখ্যভর ব্যাধি আর বিকার, বহু বিচিত্র মৃত্যুর রূপ, শরীরের জটিল যন্ত্রে যন্ত্রে কতরকম অবস্থার কাহিনী। পীড়িতের মুখের ভিড়ে সুনীলার মুখ মুছে একাকার হয়ে গেল। কিন্তু আজ এই চিঠি এসেছে—এসেছে বহুদিন পরে। আর সঙ্গে সঙ্গেই সকলের ভেতর থেকে বিচ্ছিন্ন হয়ে বেরিয়ে এসেছে সুনীলা। এই হাসপাতালের লোহার খাটে নয়, ওয়ুথের গাছে ভরা এখানকার অস্বস্থ বাতাসের মধ্যেও নয়। সমস্ত পৃথিবীর পশ্চাদ্গত মুছে গেছে, একান্ত নিঃসঙ্গতার শূন্যতার যেন নীহারিকার ওপর দাঁড়িয়ে আছে সুনীলা, আর তার মুখের ওপর রক্তচন্দনের পত্রলেখার মতো করে পড়ছে বেলাশেষের আলো।

এলো আমাদের বাসায়।

তলার নামটা অবশ্য জয়াবতীর। তবু প্রণবেশ জানে, এর মধ্যে সুনীলার স্বর আছে; অথবা জয়াবতীর স্বরে স্বর ঢেলে দিয়েছে সুনীলা। জয়াবতী শাজিয়েছেন কথার প্রদীপ, কাঁচা হাতের কোমল লেখার সুনীলা তাতে শিখা জ্বলে দিয়েছে। তাই চিঠির ভেতরে অদৃশ্য সেতারের স্বর বাজছে—জলছে অলক্ষ্য দীপাধিতার আলো।

দীপ্ত মুখে প্রণবেশ উঠে দাঁড়ালো। চিঠিটাকে গুঁজে নিলে বুক পকেটে, কোটের জন্তে

হাত বাড়ালো ছাড়াইয়ের দিকে। আজকের মতো ডিউটি শেষ।

এ ভাক উপেক্ষা করা যায় না। অল্প কোনো উদ্বেগ নেই, কোনো কারণ নেই আর। একটা কৌতূহল, যার বক্তে নিজের রক্ত মিশিয়ে প্রাণ কিরিয়ে দিয়েছিল, এই ছ'মাসে সেই কিশোরী মেয়েটির ককালে যৌবনের পূর্ণতা কতখানি এসে ঢেউ দিয়েছে, একবার সেইটুকু নিজের চোখে দেখে আসা। একটা সহজ স্বাভাবিক দাবি আছে বইকি।

যেতেই হবে একবার। কাল? কিংবা আজই? প্রণবেশ ঘড়ির দিকে তাকালো। ছটা বেজে গেছে, বিকেলের আলো নিবেছে কিছুক্ষণ আগেই। একটু বেশি দেরিই হয়তো হয়ে গেছে আজ—দিনান্তের চন্দন-বর্ণ আলোর আজ আর হয়তো সুনীলার মুখ দেখা যাবে না। কিন্তু তবুও কিছু বাকি আছে এখনো। বিদ্যুতের আলো-জ্বলা ঘরে সুনীলার আয়ত কালো চোখে নতুন কিছু কি ধরা পড়বে না? নিবিড় সন্ধ্যাকে আরো নিবিড় করে কি দেবে না সুনীলা?

প্রণবেশ পথে নামল। ট্রামে নয়, ট্যাক্সিই ডাকল একটা।

বড় রাস্তার ওপরে চারতলার ফ্ল্যাট। পাড়াটা আন্তর্জাতিক, বাড়িটাও তাই। সিঁড়িতে পা দিতেই মাস্তাজী সাহেব পাশ কাটিয়ে নেমে গেল, কানে এল পাঞ্জাবী মেয়ের তারতম্যের ঝগড়ার আওয়াজ, কোথা থেকে ভেসে এসে পিয়ানোর সঙ্গে বিলিভী ফিল্মের চটল গানের সুর। কেমন বিব্রত বোধ করল প্রণবেশ। পাড়াটার সুনাম নেই সে জানে।

কিন্তু জয়াবতীর দোষ দেওয়া যায় না : প্রণবেশ মনে মনে ভাবল। আজকালকার দিনে ইচ্ছেমতো বাড়ি চাইলেই কি পাওয়া যায়—আর ইচ্ছেমতো পাড়ায়? নিজেই সে এমন সব অঞ্চলে মধ্যবিত্ত বাঙালীকে বাসা নিতে দেখেছে—যেখানে পাঁচ বছর আগে বাংলা ভাষা বোঝবার মতো লোকও খুঁজে পাওয়া যেত না!

ফ্ল্যাটের নম্বর মিলিয়ে কড়া সে নাড়ল।

দরজা খুলে দিলেন জয়াবতীই। কয়েকটা রেখার আভাস পড়ল তাঁর কপালে, চোখে ফুটে উঠল সন্দেহের ধূসর ছায়া। প্রথমটা যেন চিনতেই পারলেন না। পরক্ষণেই তাঁর মুখে প্রশ্রয়ের পরিচিত হাসি ছড়িয়ে গেল।

—ওঃ, তুমি এসেছো? এসো—এসো। ভারি খুশি হয়েছি—এসো—প্রণবেশ ড্রয়িং রুমে পা দিলে। সোকা দেখিয়ে জয়াবতী বললেন, বোসো, দাঁড়িয়ে আছো কেন?

প্রণবেশ বসল। কান্দ্রায়ী-কাজ-করা একটা টিপসকে মাঝখানে রেখে বসলেন জয়াবতীও।

—সকালে চিঠি দিয়েছি, তুমি আজই আসবে বুঝতে পারিনি। তোমার আবার যে রকম কাজের তাড়া!

প্রণবেশ অপ্রতিভ হল। বড় বেশি তাড়াতাড়ি চলে এসেছে। সৌজন্য-সঙ্গত দেরি

করা উচিত ছিল একটু, প্রতীক্ষা করবার সময় দেওয়া উচিত ছিল তাঁদের। কিন্তু বা হওয়ার হয়ে গেছে।

কৈফিয়তের তত্ত্বিতে বলল, হাতে আজ বেশি কাজ ছিল না, তাই এসাম। পাঁচ-সাত দিনের মধ্যে হয়তো আর সময় পাব না, তাই দেখাটা করেই যাই।

—বেশ করেছ, বেশ করেছ।—আবার প্রত্নায়ের হাসিতে জয়াবতীর মুখ উদ্ভাসিত হয়ে উঠল : যখন সময় পাবে, তখনই এসো। বলতে গেলে এও তো তোমার আর একটা বাড়ি ! বোসো, সুনীলাকে খবর দিই।—জয়াবতী উঠলেন। ডান দিকের দরজাটার ত্রোকেডের পর্দা সরিয়ে চলে গেলেন ভেতরে।

প্রণবেশ বিহ্বলভাবে তাকালো ঘরটার দিকে। যতটা সে ভেবেছিল, তার চেয়ে ঢের বেশি সজ্জিতপন্ন এরা। বিধবা মা আর মেয়ের পক্ষে ড্রিংকুমের অঙ্গসজ্জাটা একটু বাড়া-বাড়িই বলতে হবে। হাসপাতালে যেভাবে ক্যাপিটাল আর শ্বল লেটার অসমভাবে সাজিয়ে জয়াবতী নিজের নাম সই করেছিলেন, তা থেকে কল্পনাই করা যায় না যে তাঁর রুচি এত সজাগ এবং এমন তীব্র আধুনিক। ঘরের কোণায় কোণায় তিন-চারটি অ্যাশ-ট্রে—একটির ওপরে সোনালি লেবেল যোড়া আধপোড়া একটা মোটা চুরুট। শঠই বোঝা যায়, এ ঘরে ওপরতলার মাছঘণ্ডলোরও আনাগোনা আছে। দেওয়ালে একদিকে এক-খানা ল্যাণ্ডস্কেপ, অন্যদিকে একটি নারীমূর্তি ; কিন্তু নারীটির দিকে তাকিয়ে মনে মনেই প্রণবেশ আরম্ভ হয় উঠল। জয়াবতীর রুচির মধ্যে কেবল আধুনিকতাই নেই, ছুঃসাহসও আছে। সে ব্যাচেলর, কিন্তু নিজের ঘরে অমন একখানা ছবি টাঙাবার মতো মনের জোর তারও নেই।

আচমকা অস্থমক করলে, কোথায় কি যেন হিসেবে ভুল হয়ে গেছে। বকুল পাতার ফাঁকে ফাঁকে বেলাশেষের আলো এখানে কোনো দিন পড়বে না। কী ক্ষতি ছিল ক্যামেরার ছবির মতো ওইটুকুকেই কেবল মনের মধ্যে ধরে রাখলে ? এ বাড়িতে না এলেই কি তার চলত না ?

নিচের ফ্ল্যাট থেকে পিরানোর স্বর, ফিল্মের হালকা গান ; নাচের আওয়াজও যেন পাওয়া গেল। লোকাটার ভেতরে যতটা সঙ্গীর্ণ হওয়া যায়—নিজের অজ্ঞাতে প্রণবেশ তারই চেষ্টা করতে লাগল।

—নমস্কার !—ঘরে ঢুকেছে সুনীলা। সঙ্গে সঙ্গে নাচ আর গানের শব্দের ঘূর্ণি ঘিরে হয়ে দাঁড়ালো, সমস্ত ঘরটাই হারিয়ে গেল সুনীলার আবির্ভাবের আড়ালে। লাল শাড়ি পরা স্ত্রীমুখ দেহ সূর্যমুখী রক্তপদ্মের মতো ফুটে উঠল প্রণবেশের সামনে। প্রতিদিনকার করকার হাতটাও ভালো করে উঠল না। তার আগেই সুনীলা রূপ করে বসে পড়েছে—প্রণবেশের সুখোদুখি—টিক জয়াবতী বেখানে বলে ছিলেন।

—সত্যিই আপনি এলেন তা হলে ? আমি কিন্তু বিশ্বাসই করতে পারিনি ।

এবারেও প্রণবেশ জবাব দিলে না । মুহূর্ত বিস্ময়ভরা চোখ মেলে দেখতে লাগল, কেমন আশ্চর্য বদলে গেছে সুনীলা—যেন নতুন করে সৃষ্টি হয়ে উঠেছে । হাসপাতাল থেকে বিদ্যায় নেবার সময় দেখেছিল একটা কাঠামো—এখন দেখল প্রতিমা ।

—কী, কথা বলছেন না যে ?—সুনীলা হাসল : চিনতে পারছেন না বুঝি ?

—একটু শক্ত বইকি চেনা—নীরবতা ভেঙে প্রণবেশ বলে বলল, এতখানি আশা করিনি ।

সে তো আপনারই অন্তে—সুনীলার চোখে কৃতজ্ঞতা উচ্ছলিত হয়ে উঠল : আপনিই আমাকে বাঁচিয়েছেন ।

কথাটার পুনরাবৃত্তি ভালো লাগে না, সম্পর্কটাকে কেমন যেন সংকীর্ণ আর সীমিত করে আনে । প্রণবেশ বললে, আমি না থাকলেও কয়েক আউন্স রক্ত দেবার লোকের অভাব হত না । ব্লাড ব্যাঙ্কেও পাওয়া যেত । ও আলোচনা থাক । তার চেয়ে বলুন, এখনো টনিকগুলো নিয়মিত খাচ্ছেন তো ? অনিয়ম করছেন না তো শরীরের ওপর ?

সুনীলা বললে, মাঝুঝকে দেখলে কি টনিক ছাড়া আর কিছুই মনে পড়ে না ? আপনাদের ছুনিয়ার বুঝি পেসেন্ট ছাড়া দেখতে পান না আর কাউকেই ?

—আমি কিন্তু আজ পেসেন্টকেই দেখতে এসেছিলাম ।—প্রণবেশ হাসল ।

—সর্বনাশ ! সঙ্গে করে তাহলে স্টেথিস্কোপও নিয়ে এসেছেন ? আর ইনজেকশনের সিরিঞ্জ ?

হালকা ধরনের একটা জবাব দিতে যাচ্ছিল প্রণবেশ, সেই সময় ঘরে ঢুকলেন জয়াবতী, পেছনে একটা ছোকরা চাকর, তার হাতে চা আর থাবারের ট্রে ।

—এ কী ! এসব ব্যাপার কেন করতে গেলেন এখন !

জয়াবতীর চোখে একটা অদ্ভুত ধূসর দৃষ্টি ফুটে উঠেই মুহূর্তের মধ্যে মিলিয়ে গেল আবার । অভ্যস্ত স্তম্ভিত হাদি হেসে বললেন, কী আশ্চর্য, সন্ধ্যাবেলায় এক পেয়লা চাও কি তুমি খাও না ?

লেখা স্নেটের ওপর আচমকা হাত বুলিয়ে যাওয়ার মতো আকাশের অর্ধেক ভায়া মুছে গেল । অভ্যঙ্গ গুমোটের পরে একটা দমকা হাওয়া কেটে পড়ল, ক্যাথিড্রাল রোডের দু'ধারে স্তম্ভিত হয়ে উঠল আলো-অন্ধকার গাছের সারি ।

প্রণবেশ বললে, ঝড় আগছে মনে হয় ।

সুনীলা বললে, ও কিছু নয়—এক-আধটা হাওয়া দেবে হয়তো । আহন, এখানে বস । ঝাক ঝালের ওপর ।

—ধুলো পড়বে যে চোখেমুখে ।

—এত বয়েস হল, এখনো চোখে ধুলো পড়বার ভয় ?—লঘু শ্লেষের আত্মস পাওয়া গেল সুনীলার স্বরে ।

—কী জানি, নিজেকে ঠিক বিশ্বাস করতে পারি না ।

পথ ছেড়ে ঘাসের দিকে এগোচ্ছিল সুনীলা, হঠাৎ থমকে দাঁড়ালো । মুহূর্তের ভেতরে তার মুখের রেখাগুলো শক্ত হয়ে উঠল, প্রণবেশ দেখতে পেল না ।

সুনীলা ফিরে এল । হাসতে চেষ্টা করলে জোর করে ।

—চলুন তা হলে । নিরাপদ আশ্রয়েই পৌঁছে দেওয়া যাক আপনারকে ।

প্রণবেশ আশ্চর্য হল : রাগ করলেন নাকি ? মেঘ কেটে যাচ্ছে, আস্থন—বদাই যাক বয়ং ।

—নাঃ, থাক আজ । রাত হয়ে যাচ্ছে ।

কিছুক্ষণ নিঃশব্দে হাঁটতে লাগল দুজনে । অত্যন্ত অকারণে কোথায় কী যেন একটা বেতলা হয়ে গেছে, প্রণবেশ ঠিক বুঝতে পারল না । মাঝে মাঝে এমন হয় সুনীলার । কেমন খটকা লাগে মনের মধ্যে । কোথাও কি একটা অজ্ঞাত অপরাধ আছে প্রণবেশের ? সুনীলার কোনো দুর্বল জায়গায় সে কি আঘাত করে বসে যখন-তখন ?

অস্বস্তিটা কাটাবার জন্যে একটা কথা খুঁজে বের করার আগেই সে চমকে উঠল । একটা অশ্রুট আর্দ্রনাদ করে উঠেছে সুনীলা ।

—কী হল ?

কিন্তু উত্তরের দরকার ছিল না । প্রণবেশও দেখতে পেল ।

এতক্ষণ বোধ হয় পথের ধারে পড়েছিল লোকটা, এবারে উঠে দাঁড়িয়েছে, টলতে টলতে একেবারে ওদের মুখোমুখি এসে পড়েছে । পথের ল্যাম্পের আলোয় লোকটার শরীরের প্রতিটি রেখা দেখা গেল স্পষ্ট । গায়ে কালো লংকোট, পরনে চূড়িদার পায়জামা, গালে কয়েকটি ত্রণের দাগ থাকলেও পরিষ্কার সৌখীন চেহারা । কিন্তু আপাতত মাথার চুলগুলো বিশৃঙ্খলভাবে কাপালে নেমে এসেছে, চোখের দৃষ্টি ঘোলা, এমনভাবে টলছে যেন নিরবলম্ব হয়ে ঝুলছে বাতাসের সঙ্গে ।

জড়ানো গলায় লোকটা বললে, পঞ্চাশ হাজার রুপেরা !

প্রণবেশ বললে, মাতাল ।

—মাতাল !—সুনীলার আর্দ্রনাদ এবার শ্রুতভর হয়ে উঠল । সভয়ে প্রণবেশের বৃকের কাছে সে সরে দাঁড়ালো : কী হবে ?

—কিছুই হবে না—প্রণবেশের বলিষ্ঠ পুরুষদেহ শক্তিতে বৈদ্যুতিক হয়ে উঠল : আপনিই চলে যাবেন এখন ।

লোকটা সেখানে দাঁড়িয়েই বিড়বিড় করে জড়ানো গলার বলে চলছে। এতক্ষণে বোঝা গেল, ওরা তার লক্ষ্য নয়, সে এখন কাউকেই নিজের সম্মুখে দেখতে পাচ্ছে না। বাতাসে দাঁড়িয়ে থাকা ঘুড়ির মতো কাঁপতে কাঁপতে লোকটা আঙুড়াতে লাগল : টিপস্—ডবল টোট—গোল্ডেন অ্যারো ! ছোঃ ! হামারা পক্ষাশ হাজার রূপেরা—

বলতে বলতেই হঠাৎ হু হু করে কেঁদে ফেলল সে : পক্ষাশ হাজার রূপেরা—। ফতুর করু দিয়া—একদম ফতুর করু দিয়া। ওঃ হোঃ হাঃ—

প্রণবেশ বললে, চলুন পাশ কাটিয়ে যাই। ও এখন পক্ষাশ হাজার টাকার শোক সামলাতে পারছে না—কোনোদিকে তাকাবার ক্ষমতা ওর নেই এখন।

সুনীলাকে একরকম হাতে ধরেই টেনে বের করে নিয়ে গেল প্রণবেশ। দ্রুতগতিতে খানিকটা এগিয়ে সভয়ে পেছন ফিরে তাকালো সুনীলা। লোকটা এখনো সেইখানে দাঁড়িয়ে—এতদূর থেকেও তার হুঁপিয়ে ফুঁপিয়ে কান্নার শব্দটা শুনতে পাওয়া যাচ্ছে।

—এখনি সার্জেন্ট এসে ওকে থানায় নিয়ে যাবে—বেশিক্ষণ আপসোস করতে হবে না—প্রণবেশ আশ্বাস দিলে।

ঘন ঘন শ্বাস ফেলতে ফেলতে সুনীলা বললে, কী হয়েছে লোকটার ?

—শুনলেন না ? রেসের মাঠে ঘোড়ার পায়ের পক্ষাশ হাজার টাকার নৈবেদ্য দিয়ে এল। এখন একেবারে ফতুর। সেই শোকটাকে ভোলবার জন্তেই প্রাণপণে মদ টেনেছে।

—ওঃ !

প্রণবেশ যেন স্বগতোক্তি করলে : কোথেকে যে মাদুখের ধারণা জন্মায় মদ খেলে দুঃখ ভোলা যায় ! উটোটাই হয় বরং। যে দুঃখ ছিল সেটা দশগুণ বাড়ে, যেটা কোনোদিন ছিল না, সেটাও আচমকা গজিয়ে ওঠে।

—ভাস্কারিতে বলে বুঝি এসব ?

—ঠিক মনে পড়ছে না—প্রণবেশ পকেটে হাত দিয়ে সিগারেট খুঁজতে লাগল : তবে ব্যক্তিগত অভিজ্ঞতা থেকে বলছি।

—মানে, আপনি—সুনীলা শিউরে উঠল।

ঠোটে সিগারেট লাগাতে লাগাতে প্রণবেশ বললে, ভয় নেই। এখন আর ছুঁই নে—ছোবার প্রবৃত্তিও নেই। বছর তিনেক আমিতে ছিলাম আলমার মণিপুর ক্রুটে। টেঞ্চে রাতের পর রাত কাটাতে হয়েছে, মাথার উপর বৃষ্টির বাঁকের মতো বয়ে গেছে বেশিন-গানের গুলি। শেল্ আর সারারাত বোমা কেটেছে আশে পাশে। তখন সঙ্গে মদের বোতল না থাকলে তো পাগলই হয়ে যেতাম। তেঁটার জলের কাছ তো বোমার দিকেই চালাতে হয়েছে কতদিন।

সুনীলা একটু ঘেন্না নিয়ে গেল কাছ থেকে : ভায়ী ধারাপ।

—খারাপ বইকি।—নিগারেটে লম্বা টান দিয়ে প্রণবেশ বললে, মাছবের মছর মছে ফেলতে ওর মতো উপকরণ আর ছুটি নেই। বিচার-বিবেক বিসর্জন দিয়ে নিরঙ্কুশ পড়কে জাগাতে হলে ওইটাই হল তার শ্রেষ্ঠ আহুতি। ওই লোকটাকে দেখলেন তো? এই নেশার বোঁকেই ত্রীকে লাগি যেতে তার গয়না কেড়ে নেবে কালকের রেসের জন্তে। মদ না খেলে অমন সহজে সর্বনাশের রাস্তায় নেবে যাওয়া যায় না।

—ওসব আলোচনা ছেড়ে দিন। ভালো লাগছে না।

—ঠিক কথা। জিনিসটা প্রীতিকর নয়।

চৌরঙ্গীর ফুটপাথ ধরে এস্প্রায়নেডের দিকে এগোচ্ছিল দুজনে। হঠাৎ সুনীলা বললে, এখন বাড়ি যাওয়া যাক।

—চলুন।

—কোথাও চা খাবেন না এক পেয়লা?

—থাক আজ।

এর মধ্যে বন্ধু ঘটক একদিন পাকড়াও করলে প্রণবেশকে।

—ব্যাপার কী ঘোবাল? চারদিকে যে আলোড়ন জাগিয়ে বসে আছে।

আপ্রনটা খুলতে খুলতে প্রণবেশ বললে, হঠাৎ আলোড়ন জাগাবার মতো কী করলাম?

—আজকাল প্রায়ই সন্ধ্যাবেলায় গড়ের মাঠ ইত্যাদি ভালো ভালো জায়গায় তোমাকে দেখা যাচ্ছে। সঙ্গে একটি চাকল্যকর মেয়ে।

—তাতে আলোড়িত হওয়ার কী আছে?—প্রণবেশ হাসল : চাকল্যকর মেয়েদের নিয়ে বেড়াবার জন্তেই তো ভালো ভালো জায়গা সৃষ্টি হয়েছে।

ঘটক হিংসার হাসি হাসল : সাধু সাধু। তবে তোমার মতো ভীষ্মের কাছ থেকে ওটা আশা করা যায় না—এই আর কি! যুদ্ধ থেকে ফিরেও যেমন কামিনীকাক্ষন বর্ণিত দিন কাটাচ্ছিলে, তাতে তুমি হঠাৎ—

—এমন প্রতিজ্ঞা কি করেছিলাম যে মেয়েদের দেখলেই গঙ্গাস্নান করব?

তর্কে আমল না পেয়ে ঘটক ভবিষ্যৎবাণী উচ্চারণ করলে : তা বেশ। তবে তুমি আবার ইমিউন্ড নও কিনা। অনেক ঘাটের জল খেয়েছি আমরা—আমাদের কথা আলাদা কিন্তু তোমাকে যদি একবার রোগে ধরে বাঁচানো শক্ত হবে।

—ধ্যায় ইউরুর ইয়ের মেডিকেল অ্যাড্‌ভাইস—প্রণবেশ উঠে পড়ল : কিন্তু এখনি বেরুতে হচ্ছে আমাকে।

—কোথায়?—চোখের একটা ভিঁক ইঙ্গিত করলে ঘটক : সেই তার ওখানেই নাকি?

—ঠিক ধরেছ।—চমকিত ঘটককে আরো নার্জাস করে দিয়ে প্রণবেশ বললে, 'কিঞ্চিৎ বুদ্ধিও আছে দেখছি তোমার। আর শোনে। ইচ্ছে করলে তুমি এখন আমাকে কলো করতে পারো। সাম মোর ডিশেজ ফর ইয়োর ফ্রেণ্ডস।

জুতোর শব্দ তুলে প্রণবেশ বেরিয়ে গেল। ঘটক কিছুক্ষণ বসে রইল বোকার মতো, তারপর অগত্যা করলে, মরেছে।

কিন্তু সত্যি সত্যিই মরেছে প্রণবেশ। বিকেলে যেদিন ছুটি পায় সেদিন ওই চারতলার ফ্ল্যাট বাড়িটার আকর্ষণ কিছুতেই রোধ করতে পারে না সে। বেলাশেষের আলো এখন নেশার মতো নেমে আসে, সন্ধ্যার সঙ্গে সঙ্গে ঘন হয়ে জমতে থাকে আয়ুর ওপরে। নিজের কাছে প্রথম প্রথম লজ্জা হত, সে স্তরটাও পেরিয়ে গেছে অনেকদিন।

বাইরের ঘরে আজ আর সুনীলা ছিল না, জয়াবতীও না। সোফার ওপরে পা তুলে শুয়েছিলেন একজন প্রোচ অচেনা ভদ্রলোক। পাকা চুলে সৌখীন সিঁধি কাটা, পরনে সিল্কের পায়জামা আর পাঞ্জাবি, হাতে ধূমায়িত চুরুট। অরোখা সংকীর্ণ করে ভদ্রলোক পরীক্ষকের ভঙ্গিতে তাকিয়ে রইলেন কিছুক্ষণ। মনে মনে প্রণবেশ ছট্‌ফট করে উঠল।

—আপনি বোধ হয় ডক্টর প্রণবেশ বোবাল ? আহ্ন, বহ্ন।

প্রণবেশ বলল। তারপর কুণ্ঠিত বিষয়ে একটা ঢোক গিলে বললে, আপনি—

ভদ্রলোক কথাটা কেড়ে নিলেন : আমি বি. মল্লিক—এঁদের কাছে মল্লিক সাহেব। আর এতদিন কোনো পরিচয় না থাকলেও নামটা অনেকদিন থেকেই জানি আপনার। তা সুনীলাকেই তো আপনি চান ?—কেমন ধূর্ত হাসি হাসলেন মল্লিক সাহেব : দাঁড়ান, ডেকে দিচ্ছি।

গলা চড়িয়ে তীক্ষ্ণ কর্কশ স্বরে মল্লিক ডাকলেন : সুনীলা, ডক্টর বোবাল এসেছেন।

—আসছি—সুনীলার সাড়া পাওয়া গেল।

—ওর মা এখন বাড়িতে নেই অবশ্য। তাতে আপনার অসুবিধে নেই বোধ হয় ?

—হাসির সঙ্গে যেন চোখ টিপলেন মল্লিক।

বিরক্ত আর বিরক্ত বোধ করলে প্রণবেশ। লোকটার মধ্যে কোথাও একটা প্রচ্ছন্ন ইতরতা আছে, আছে অশোভনভাবে খোঁচা দেবার একটা প্রয়াস। মুহূর্তের মধ্যে মল্লিকের সুখখানা বেখে নিলে প্রণবেশ। দাঁতগুলো হলদে, গালে কপালে রেখার জটিলতা, চোখের কোলে কোলে কালো ভাঁজ। ডাক্তারের মন দলিদ্ধ হয়ে উঠল : এই বাড়িতে আসবার যোগ্য কি এ লোকটা ?

মল্লিক হঠাৎ প্রশ্ন করলেন, সঙ্গে গাড়ি এনেছেন বুঝি ?

—না, গাড়ি আমার নেই।

—কবে কিনছেন ?

লোকটা কি মোটর কোম্পানির এজেন্ট ? সংক্ষেপে জবাব দিলে, সে কথা এখনো জ্ঞাবিনি ।

মল্লিক নাকটা কুঁচকোলেন একটু : ওঃ ! কিছু বাড়িটা তো নিজস্ব ? না, ভাড়া দিয়ে থাকেন ?

প্রণবেশের মুখ লাল হয়ে উঠল । ভালো করে পরিচয়টা হওয়ার আগেই এরকম সাংসারিক প্রশ্ন করবার কী অধিকার তাঁর আছে, এমনি একটা তিক্ত জিজ্ঞাসা ঠেলে এল গলার কাছে । কিন্তু তার আগেই ঘরে ঢুকল সুনীলা । পরনে নীল শাড়ি, প্রসাধনে উজ্জ্বল । বেকুবের জন্তেই তৈরী হয়ে এসেছে ।

মল্লিক বললেন, একদম রেডি ? বেকুবের জন্তে মুখিয়েই ছিলে বোধ করি ? কিন্তু বাঃ—বাঃ ! সুনীলা যে একেবারে নীলে নীলে একাকার ! ‘চলে নীল শাড়ী, নিঙাড়ি নিঙাড়ি’—

বিজ্ঞাপনযোগে মল্লিকের দিকে তাকিয়ে খরদৃষ্টিতে এককলক ভৎসনা বর্ষণ করলে সুনীলা । তারপর তত্ত্ব মুখে প্রণবেশকে বললে, চলুন—

সঙ্গে সঙ্গেই প্রণবেশ উঠে পড়ল, বেরিয়ে গেল ঘরের বাইরে । আর একটু দেরি হলে হয়তো মল্লিককে আক্রমণ করে বসত ।

—ফেরা হবে কখন ?—পেছন থেকে নির্লজ্জের মতো মল্লিক আবার প্রশ্ন ছুঁড়ল ।

সুনীলা কোনো জবাব দিলে না । সিঁড়ি দিয়ে নামতে নামতে শোনা গেল, পেছনে তীব্রভাবে শিস বাজাচ্ছে মল্লিক ।

গাড়িতে ওঠবার পরে সুনীলাই গুরুতা ভাঙল : কিছু মনে করেননি তো ?

—না, কেন মনে করব ?

—মল্লিক সাহেবের জন্তে ?

—মনে করার কী আছে ?—এতক্ষণের সঞ্চিত অসহ্য কৌতূহলটা প্রণবেশ মেলে ধরল : উনি বন্ধি তোমাদের আত্মীয় ?

সুনীলা জানালার দিকে মুখ ফেরালো, তৎক্ষণাৎ জবাব দিলে না । তারপর বললে, অনেকটা তাই বটে । কিন্তু—হঠাৎ তার দৃষ্টি চঞ্চল হয়ে উঠল : মল্লিক সাহেব কিছু বলছিলেন নাকি আপনাকে ?

—বিশেষ কিছু নয় । জিজ্ঞেস করছিলেন, কবে গাড়ি কিনব, পৈতৃক বাড়ি আছে কি না আমার । ভদ্রলোক বোধ হয় একটু—

সুনীলা কিছুক্ষণ শব্দ হয়ে রইল, তারপর : আপনাকে একটা কথা বলব ভেবেছি—বিধা করে শেষ করলে সুনীলা : যেদিন আসবেন, আগে একটা টেলিফোন করে দিলে ভালো হয় ।

—টেলিফোন ?—প্রণবেশ বা খেলো। এতদিন এই লৌকিকতাইকর প্রয়োজন হয়নি।

অপরোধে শ্রান হয়ে স্থনীলা বললে, আর কোনো কারণ নেই, কখনো কখনো বাড়িতে হয়তো না-ও থাকতে পারি। আপনি এসে শুধু শুধু বসে থাকবেন—

কৈকিয়ৎটা মিথ্যের সন্ধান দিয়ে জড়ানো, জেরা করলে ও আবরণটুকু এক মুহূর্তও টিকবে না। কিন্তু প্রণবেশের আর জের টানতে ইচ্ছা করল না। সব ঠিক আছে, অথচ কোথায় কী একটা বাধা আছে ক্রমাগত। তাকে ধরা যাচ্ছে না, কিন্তু তার ক্ষতটা গভীর হয়ে আসছে প্রত্যেক দিন।

আজকের প্রোগ্রাম ছিল মিনেম। কিন্তু ছবি আরম্ভ হতে তখনো ঘেরি আছে থানিকটা। দুজনে চা খেতে চুকল।

বেয়ারা অর্ডার নিয়ে যাওয়ার পরেও মাঝখানের আকাশটা কেমন মেঘগভীর হয়ে রইল। অথচ, আজ নিজেকে কিছুতেই ধরে রাখতে পারছে না প্রণবেশ। নিজের কাছে যেটুকু কুঠা ছিল, সেটাকে ঘটকের ব্যঙ্গ ছিঁড়ে সরিয়ে দিয়েছে দূরে। চোখ-টেপা হাসিতে ইতর ভঙ্গিতে কী একটা কথা বলতে চেয়েছে মল্লিক সাহেব। চারদিক থেকে যেন সে আজ নয় হয়ে গেছে, আর স্বিধা করলে চলবে না।

সম্প্রতিভাবে সে হাসতে চাইল : বন্ধুদের বড় চোখ টাটাচ্ছে।

স্থনীলা যেন নিজের মধ্যে ভলিয়ে ছিল। মুখ তুলল, কিন্তু যেন চুনতে পেল না।

—ওরা বলছে—পেশল হাতে টেবিলের একটা পায়াল মুঠো করে ধরে সহজ আর দৃঢ় হতে চাইলে প্রণবেশ : আমার মতো ভীষ্মেরও নাকি মতিভ্রম ঘটছে। একটি স্থন্দরী মেয়ের সঙ্গে ঘোরাকেরা করার ব্যাপারটা খুব ভালো লাগছে না ওদের।

স্থনীলা মাথা নিচু করলে। স্পষ্টোচ্চার প্রসাধন সম্বন্ধে গালের রঙ তার বিবর্ণ হয়ে এল, চোঁট দুটো কাঁপতে লাগল অল্প অল্প।

মরীয়া প্রণবেশ বললে, আমি জবাব দিয়েছি, ভীষ্ম আমি নই, হতেও চাই না।

—বেয়ারা ট্রে নামিয়ে দিয়ে গেল। স্থনীলা চা তৈরি করতে লাগল নিঃশব্দে।

জবাবের জন্তে কিছুক্ষণ অপেক্ষা করে, আদালতে যেন স্বীকারোক্তি দিচ্ছে এমনভাবে প্রণবেশ বলে চলল, ওরা বলছে, আমার নাকি আর বাঁচবার পথ নেই। নাই বা থাকল—উদ্বেজিত উৎকর্ষ আবেগে সে স্ব্রুঁকে পড়ল স্থনীলার দিকে : তুমি কি মনে করো কোনো ক্ষতি আছে তাতে ?

চায়ের পেয়ালায় চোঁট ছুঁইয়েছিল স্থনীলা। চুমুক না দিয়েই নামিয়ে রাখল।

—আমার কথার জবাব দাও—প্রণবেশের উদ্বেজনায় রাজা ছাড়াতে লাগল স্তরে স্তরে : হলো।

সুনীলা মুমূর্ষুর মতো জ্যোতিহীন চোখে তাকালো : বন্ধুদের কথাই আপনার শোন।
উচিত। এখনো ফেরবার উপায় আছে আপনার।

—একথা তুমিও বলবে?—একটা আহত গোড়ানি বেরুল প্রণবেশের গলা দিয়ে।

—যা সত্যি, সে কথা সবাই বলবে।

—সুনীলা।

প্রায় চাপা গর্জন করে উঠল প্রণবেশ, হয়তো আর একটু হলেই সুনীলার একখানা
হাত সে চেপে ধরত। বিমর্ষ শ্রান্ত হাসি মুখে ফুটিয়ে সুনীলা বললে, চায়ের দোকানে বলে
কী হচ্ছে এসব? তাড়াতাড়ি খেয়ে নিন চা-টা, এখনি ছবি আরম্ভ হবে।

কিন্তু মনটাকে প্রাণপণে দমন করতে করতে প্রণবেশ চায়ের পেয়লা মুখে তুলল। কিন্তু
বিশ্রী রকমের তেতো লাগল চা-টা।

তারপরে তেতো লাগল ছবিটাও। এমন ক্লান্তিকর দীর্ঘ ছবি জীবনে সে আর দেখেনি।

ফেরার পথে একবার যেন মনে হল, জানালায় বাইরে মুখ বেঁধে করে দিয়ে কান্না
সুনীলা। ইচ্ছে হল ওকে স্পর্শ করে, টেনে নিয়ে আসে বুকের ভেতর, মুহূর্তে চরম নিষ্পত্তি
করে ফেলে সব কিছু।

কিন্তু সাহস হল না। নিজের মনের মধ্যেই একটা শক্ত বেড়া পথ জুড়ে দাঁড়িয়ে
আছে।

সুনীলাকে বাড়ির সামনে নামিয়ে দিয়ে প্রণবেশ যখন বিদায় নিলে, রাত তখন প্রায়
সাড়ে নটা। ক্লান্ত পায়ে সিঁড়ি দিয়ে ওপরে উঠতে লাগল সুনীলা। বিবাদ একটা বেদনায়
দেহমন ভারাক্রান্ত হয়ে আছে। মুখের ভেতরেও তিক্ত একটা অসুভূতি, চাপা জ্বর হয়েছে
যেন। বারে বারে একটা নিঃশব্দ নিবেদন বাজছে নিজের মধ্যে : আর কেন—এইখানেই
দাঁড়ি টানো। অন্তকে নিয়ে খেলবার আর নিজেকে নির্ধাতন করবারও একটা সীমা আছে
—সে সীমা পেরিয়ে যাওয়ার আগেই তুমি খেমে দাঁড়াও।

এখন এই মুহূর্তে তার চারদিকের স্রুটি বাড়িটা ক্রমেই ঘন আর সংকুচিত হয়ে আসছে
—তাকে ঘিরে ধরছে একটা ফাঁদের মতো। সিঁড়ির রেলিং আর পাশের দেওয়াল তার
স্বপ্নিগুকে চেপে ধরতে চায়—মুক্তি নেই, অথচ বৃত্ত্যও নেই। বাঁচতে পারবে না—মরতেও
পারবে না, শুধু মাঝখানে দাঁড়িয়ে অস্বিভেন টানতে থাকবে—যেমন টানতে হয়েছিল
হালপাতালে করেকদিন।

ভ্রমিংকরের দরজা খোলাই ছিল। মজিক সাহেব এখনো বসে আছে, তার চুরুটের
ধোঁয়ার দর প্রায় অস্বকার। লোকের ওপর আধশোরা জয়াবতীর মুখেও জলন্ত দিগারেট
একটা।

সুনীলা পাশ কাটিয়ে ভান দিকের দরজার দিকে এগোচ্ছিল। জয়াবতী ডাকলেন, এই সুনী, দাঁড়া।

অপ্রসন্নভাবে সুনীলা থেমে দাঁড়ালো : কী বলবে বলো।

—অত তড়বড় করছিস কেন ?—জয়াবতী ধমক দিলেন : কিছু দিলে আত্ম ভাস্কর্য ?

—কী আবার দেবেন ?—একটা আসন্ন সংঘর্ষ অনুমান করে সুনীলা সোকার পিঠ আশ্রয় করলে।

সিগারেটটা অ্যাশট্রেতে গুঁজে দিয়ে খিঁচিয়ে উঠলেন জয়াবতী : তবে ওর সঙ্গে যোরা কেন অমন করে ? এর চাইতে শেঠজীর ছেলেটার সঙ্গে বেরুলেও এতদিনে দু-হাজার টাকা ধরে আসত। এই তো মল্লিক সাহেব বলছিলেন—

—আমি এখন বড্ড ক্লান্ত মা, আমার ভালো লাগছে না—সুনীলা আবার যাওয়ার উপক্রম করলে।

—দাঁড়া, দাঁড়া !—জয়াবতী কুৎসিত গলায় বললেন, আমারই বড্ড ভালো লাগছে কিনা ! এত খরচ-পত্তর করে এখানে সব সাজিয়ে বসলাম, সে বুঝি দুটো মিঠে মিঠে কথা শোনবার জন্তে ? নগদ টাকা না হোক অন্তত একটা ঘড়ি দিলে দিতে পারত, দিতে পারত দু-একখানা গয়না। তুল আমারি হয়েছিল। স্বন্দর চেহারা আর কথাবার্তা শুনে মনে হয়েছিল বেশ ভালো ধরের ছেলে—

—থামো মা, থামো।—আর্ত হয়ে সুনীলা বললে, যত ছোট আমারই হই না কেন, আমাদেরও কৃতজ্ঞতা বলে একটা জিনিস আছে। যখন মরতে চলেছিলাম, নিজের বক্ত দিয়ে উনি আমার প্রাণ বাঁচিয়েছেন। সে কথাটা অন্তত তোমার ভোলা উচিত নয়।

রেখাজটিল মুখের বিচিত্র ভঙ্গি করে হাসির ভঙ্গিতে হলদে দাঁতগুলো উদঘাটিত করে দিয়ে মল্লিক সাহেব এতক্ষণ লোলুপ দৃষ্টিতে লক্ষ্য করছিলেন সুনীলাকে। এবারে খ্যাচ খ্যাচ করে হেসে উঠলেন সশব্দে।

—তোমার জন্তে ব্লাড ? ওতে বাহাদুরি নেই। অমন চাঁদমুখের দিকে তাকালে আমার নিজেরই গলা কেটে ব্লাড দিতে ইচ্ছে করে, ছেলে-ছোকরারা তো কোন্ ছার !

দৃষ্টিতে তীক্ষ্ণ ঘৃণা জেলে সুনীলা মল্লিক সাহেবকে দৃষ্ট করতে চাইল : সবাইকে আপনার চোখ দিয়ে নাই বা দেখলেন মল্লিক সাহেব। আপনি ছাড়াও মানুষ আছে সংসারে।

—আছে নাকি ?—অশ্লীল একটা মুখভঙ্গি করলেন মল্লিক সাহেব : যাক, তনে নিশ্চিন্ত হলাম। ওগো জয়মণি, তোমার আর ভাবনা নেই। তোমার লায়েক মেয়ে অ্যাঙ্কিনে মাহুব চিনতে শিখেছে, আমরা এখন বাতিল !

ঝোঁচা-খাওয়া গোখরো গাণের মতো কথা তুললেন জয়াবতী। তাঁর চোখ থেকে ঝিঝ

ঝরে পড়ছে। মনে হল, মেয়ের গারে হাত তোলবার জন্তে এই মুহূর্তেই তিনি প্রস্তুত।

—চুপ কর, সুনী, খুব হয়েছে। রক্ত দিয়েছিল, বেশ তো। এক মাস ধরে লাই দিয়েছিল সেজন্তে। কিন্তু তাই বলে খালি হাতে কতদিন চলবে এসব ইয়াকি? তোর ভরসাভেই তো সব। এরকম ভাবে কেবল বসে বসে লোকমান করলে আর ঠাট বজায় রাখা শক্ত হবে—দামী খন্দের কেউ ভিড়বে না। তুই ডাক্তারকে আসতে বারণ করে দে। আর কাল মল্লিক সাহেব শেঠের ছেলেকে নিয়ে আসবেন—তার সঙ্গেই তুই বেরোবি এখন থেকে।

ঠাট চেপে কঠিন গলায় সুনীলা বললে, ক্ষমা করো মা—আমি পারব না।

—পারবি নে?—অসহ্য ক্রোধে জয়াবতী কাঠ হয়ে গেলেন, কথা বেরুল না মুখ দিয়ে।

মল্লিক সাহেব কুটিল ব্যঙ্গ বীভৎস মুখে বললেন, কেন পারবে না? ‘লভ’ বুঝি? বিয়ে করবে ওকে?

—লভ! বিয়ে!—জয়াবতী এবার ফেটে পড়লেন: ওই সব করার জন্মেই বৃষ্টি তোমায় লেখাপড়া শিখিয়েছি? পাড়া ছেড়ে এখানে এসে ঘর নিয়েছি? শোনু সুনী। এর পরে ডাক্তার এলে ঝাঁটা মেয়ে আমিই বিদেয় করব—তোকে কিছু করতে হবে না। লভ—বিয়ে!—জয়াবতী বিকটভাবে আবার মুণ্ড ভ্যাংচালেন: ওসব ভদ্র ঘরের নবলপড়া মেয়ের সখ দিয়ে তোমার আর কাজ নেই বাছা!

কিন্তু প্রণবশকে কারো কিছু বলবার দরকার ছিল না—জয়াবতীরও না। কারণ সুনীলার ছোট হাতব্যাগটা ট্যান্সিতে পড়ে থাকতে দেখে, সেইটে নিয়ে মিনিট দুয়েক পরেই ফিরে এসেছিল প্রণবশ। ঘরে ঢোকবার তার আর দরকার হয়নি। ধোরগোড়াতাই ব্যাগটা ফেলে দিয়ে নিঃশব্দে কখন সে বিদায় নিয়েছে, কেউ সেটা টেরও পায়নি।

“পরন্তু রাতে সবাই যখন ঘুমিয়ে পড়বে, আমি তোমার কাছে আসব।

কিন্ধাস করো, কোনো অপবিত্র দেহে কিংবা মনে তোমার রক্ত মেশেনি।—এক জন্মের অপরাধ ছাড়া আর কোনো অপরাধই আমার নেই। সেই অপরাধ ক্ষমা করার মতো উদারতা তোমার আছে সে কথাও আমি বিশ্বাস করি।

আমাকে যদি তুমি গ্রহণ না করো, তবে কোথায় আমাকে নেমে যেতে হবে সে তুমি জানো। তাই আমার সমস্ত পরিণাম তোমার হাতেই আমি তুলে দিলাম। আমার জীবন-মৃত্যু দুই-ই তোমার কাছে ধরে দিয়েছি—এবার তুমিই বিচার করো।”

সেই পরন্তর রাত্ত আজ এসেছে।

বাইরে বৃষ্টি আর কোড়ো হাওয়া। ভূতে পাওয়া অন্ধকারের কারা বাজছে শানিতে। ঘড়ির কাঁটা এগিয়ে চলেছে বারোটার ঘরে।

কাঁপা হাতে গ্লাসটা নামিয়ে ত্রিশবার পড়া চিঠিখানা আরো একবার পড়ল প্রণবেশ। সেই প্রথম চিঠির মতোই কাগজ, সেই অশ্লষ্ট স্বভাবের আমেজ—এতবার করে পড়তেও সেটা মুছে যায়নি। সেই হাতের লেখায় একটি ভীষণ সংশয়—একটি তরুণ মনের আকৃতি।

প্রণবেশ হাসল, গ্লাসে নির্জলা পেগ্‌ ঢালল আর একটা। চার বছর পরে ট্রেনের রাত্রিটা ফিরে এসেছে আবার। জানলার শাসিতে বড় বড় বৃষ্টির ফোঁটা মেশিনগানের গুলিব মতো এসে লাগছে। বিদ্যায় বলকে যাচ্ছে—শেল ফাটবার অগ্নিরাগে যেন চমকে উঠছে চারিদিক।

আসুক সুনীলা, আসুক। দরজা খুলেই সে রেখেছে। আসুক এই ঝড়ের রাত্রিতে—আসুক এই অন্ধকারের পথ দিয়ে। নেশায় মাথাটা টেবিলের ওপর ছুয়ে আসতে চাইল প্রণবেশের—কুকড়ে আসতে চাইল চোখের পাতা। গড়ের মাঠের সেই মাতালটার মতোই সেও বিড়বিড় করতে লাগল : আসুক, আসুক সুনীলা।

কিন্তু সুনীলা তো এসেই ছিল। এসেছিল তিমিরাভিসারে, এই অন্ধকার—এই বৃষ্টির পথ দিয়ে। তবু তাকে ফিরে যেতে হয়েছে নিঃশব্দে দরজার গোড়া থাকে। সেদিন যেমন করে প্রণবেশ ফিরে গিয়েছিল, ঠিক তেমনি করেছে।

খোলা দরজা দিয়ে সে দেখেছে মদের গ্লাস—দেখেছে মদের গ্লাসের নিচে তার চিঠি। বুঝতে পেরেছে, প্রণবেশ তাকে তুলে নিতে চায় না—নেশার মধ্যে দিয়ে তার কাছেই নেমে আসতে চায়। তাকে বাঁচাবার শক্তি নেই প্রণবেশের, সে পারে তারই সঙ্গে আত্ম-হত্যা করতে।

এর পরে কি আর সেখানে দাঁড়ানো সম্ভব ছিল সুনীলার পক্ষে? সম্ভব ছিল এক মুহূর্তের জগ্গেও?

কালনেমি

সাহেব বললেন, বণ্ডে মার্কটম্!

কী চমৎকার যে শোনালো বলবার নয়। গড্‌ সেভ ছা কিং গাইবার সময়েও এমন জলন্ত আর গভীর অহুরাগ সঞ্চারিত হয় না তাঁর গলায়। আবেগের উচ্ছ্বাসে লাল মুখখানি একেবারে টকটকে রাঙা হয়ে উঠেছে, কপিশ চোখ দুটি ঝকঝক করছে বেড়ালের চোখের মতো। অ্যাঞ্জেলে সাহেবকে এখন দেবদূতের মতোই মনে হচ্ছে প্রায়।

পনেরোই আগস্টের সকাল। রাষ্ট্রকর্মতার হাত বদল হয়ে গেছে কাল রাত্রিতে। অশোক-চক্রাঙ্কিত পতাকা উড়ছে লাল কেজার। আজাদ ভারত জিন্দাবাদ। একশেষ

একানব্বই বছর পরে, বহু রক্তক্ষানের অবসানে স্তম্ভিত ভারতবর্ষ আবার মাথা তুলেছে, স্বাধীন সূর্যের আলোর যেন সোনার মুকুট জলছে এভারেস্টের চূড়ায়।

‘সাম্রাজ্য বানচাল হতে দেব না’—মেঘমন্ডল ধ্বনি এসেছিল কিছুদিন আগে। আশ্বাস ছিল তাতে, অভয় ছিল। নিশ্চিন্তই ছিলেন অ্যাঞ্জেल् সাহেব। শিশু দিয়ে দিয়ে কুকুর নিয়ে বেড়াতে বেরুতেন, জঙ্গলে ঢুকতেন বন-মুরগী শিকারের চেষ্টায়। কিন্তু হোয়াট্‌ এ হরর। শেষকালে অ্যাঞ্জেल् সাহেবকেও নিজের নামের মহিমা বিসর্জন দিয়ে একটা ককুনি শপথের সঙ্গে সঙ্গে বিকট আর বিরাট গলায় বলতে হল : লেট্‌ ডেভিল টেক জাট্‌ লেবার গভর্নমেন্ট—

এমন সময় পাশের বাগান থেকে চা খেতে এলেন জনস্টন সাহেব। তিরিশ বছর আছেন প্র্যাক্টিশন নিয়ে, অত্যন্ত বাহু লোক। মুখের লাল গৌফজোড়ায় দুটি-একটি করে ধূসরতা ফুটে বেরুচ্ছে। একটা চোখে চশমা পরেন আর সেই চশমার আড়ালে শিক্রে বাজের মতো ক্রুর একটা লোলুপতা যেন ঝিকিয়ে ওঠে মধ্যে মধ্যে।

বিস্ফারিত বিহ্বল দৃষ্টিতে অ্যাঞ্জেल् সাহেব তাকালেন তাঁর দিকে। প্রায় অবরুদ্ধ স্বরে বললেন, ইট ইজ টেরিব্‌ল্‌।

কিন্তু কোনো ভাবান্তর দেখা গেল না জনস্টনের। শ্রাণ্ড্‌উইচ্‌ চিবুতে চিবুতে এবং হাঁটু দোলাতে দোলাতে তিনি একখানা হাত বরাভয়ের মতো প্রসারিত করে দিলেন অ্যাঞ্জেলের দিকে। বললেন, সব ঠিক হয়ে যাবে। ইউ নো ক্লিমেণ্ট অ্যাটলি। হি ইজ এ নাইস্‌ চ্যাপ—হি ইজ।

—কিন্তু এ যা হচ্ছে—

—ভালোই হচ্ছে। ওভাবে আর চেকা যাবে না সেটা তো বুঝতেই পারছ। এখন স্রেফ গিভ অ্যাণ্ড টেক্‌, বথরা কিছু বেশি দিলেই দিবা চলে যাবে, কিছু ভেবে না।

তবু ভরসা হয়নি অ্যাঞ্জেल् সাহেবের। পরের দিন সকালে পোষা কুকুরটা যখন ল্যাঙ্গ নাড়তে নাড়তে পায়ের তলায় এসে শরণ নিলে তখন কী ভেবে অকারণেই একটা লাথি বসিয়ে দিলেন তাকে। মুখে বিস্বাদ লাগল মুরগীর ঠ্যাং, একশো বছরের পুরনো মদও যেন মনে হল জলের মতো পান্‌শে। ওঃ গড্‌! সত্যিই কি চলে যেতে হবে? ভারতবর্ষের এই রসালো মাটিতে এই লহরমুখী শিকড়গুলোকে এক টান দিয়ে উপড়ে কেলে দীনান্তি-ধীনের মতো নত মস্তকে গিয়ে উঠতে হবে জাহাজে? এর চাইতে মৃত্যু ভালো, এ অপমান লইবার আগে আত্মহত্যা করাও বুদ্ধিমানের কাজ। ওই লেবার পিপুলগুলোকে এখন একবার লামনে পেলে—

অ্যাঞ্জেल् সাহেব ঘরের কোণের দিকে তাকালেন। সূর্যের আলো পড়ে সেখানে তাঁর স্নাইকেলের স্কার্বেলটা ঝকঝক করে উঠছিল।

কয়েকটা দিন যেন বিকারগ্রস্তের মতো কাটালেন তিনি। দেড় হাজার একরের এই বিস্তীর্ণ প্ল্যাণ্টেশনের দিকে তাকিয়ে মাথার চুল ছিঁড়তে ইচ্ছে করত তাঁর, ইচ্ছে করত আর্তনাদ করে উঠতে। শালফুলের গন্ধভরা বাতাসে মুহু মুহু শিহরিত হচ্ছে ঘন সবুজ চা-গাছের সমুদ্র, কির কির করে কাঁপছে হাজার পাউণ্ড টু লীভ'স অ্যাণ্ড এ বাত। ক্যান্ট্রি থেকে অবিভ্রান্ত মেশিন আর ডায়নামোর শব্দ, ওই শব্দটার সঙ্গে একাকার হয়ে যাচ্ছে বড় বড় জাহাজের প্যাডলের আওয়াজ—মুঠো মুঠো টাকা ছড়িয়ে ভারতীয় চা কেনবার জন্ত অপেক্ষা করে থাকে—লিভারপুল, ডোভার, বোস্টন, সানফ্রান্সিসকো—

কিন্তু এ কী ভয়ঙ্কর সম্ভাবনা এসে দেখা দিচ্ছে সম্মুখে! সমুদ্রের মাঝখানে জাহাজ-ডুবির মতো একটা অন্তর্ভুক্ত অনিবার্যতার সংকেতে ধমধম করছে চারদিক। রাতের পর রাত জেগে তিনি ঘরের মধ্যে পায়চারি করতেন, ট্রাউজারের পকেটে হাত পুরে, ছ'ঘরা রিভলভারটাকে আঁকড়ে ধরে প্রতীক্ষা করতেন যেন কোনো প্রতিদ্বন্দ্বীর জন্তে। মাঝে মাঝে এমনও মনে হতো হয়তো বা শেষ পর্যন্ত পাগলই হয়ে যাবেন তিনি।

তারপর সাহেব প্ল্যাণ্টারদের বড়কর্তা যেদিন লগুনে বণ্ডনা হয়ে গেলেন, সেদিন প্রথম পেট ভরে খেলেন। তারপরে লগুন থেকে যেদিন কেবল এল, সেদিন তিনি জনস্টনকে আবার ডিনারে ডাকলেন।

জনস্টন সোনা-বাঁধানো দাঁত বের করে হাসলেন স্থূললিত এবং মনোহরণ ভঙ্গিতে। এক হাতে ধূসরের ছোপ লাগা লাল গৌফজোড়ার পরিচর্চা করতে করতে শিকারী বাজের মতো জুর লোলুপ এক চোখের দৃষ্টিতে তাকালেন।

—আমি বলিনি তোমাকে? দে আর নাইন্স পিপ'ল।

—তা তো বুঝলাম। কিন্তু তারপর?

—তারপর কাঁচি।

—কাঁচি?

অভিশয় স্নেহে গৌফজোড়াকে আঁচড়াতে লাগলেন জনস্টন : হাঁ, কাঁচি। এরপরে আমাদেব হাতঘণ। কেটে একবার নেপালের সঙ্গে ভিড়ে যেতে পারলে ইউ নো। নেপাল গভর্নমেন্ট ভত্সলোকের জায়গা, এই বাঙালীদের মতো তারা ছোটলোক নয়।

পুরো এক মাস পরে আজ অ্যাঞ্জেल् সাহেব হাসলেন। রাজে যে শুধু ঘুমুলেন তাই নয়, পরমোৎসাহে নাকও ডাকালেন দস্তুরমতো। পরদিন সকালে তাঁর ক্ষুধার বহর দেখে স্তম্ভিত হয়ে গেল বাবুচি।

—বণ্ডে মার্টরম্—বণ্ডে মার্টরম্—

আজ পরমোৎসাহে অরুণনি করছেন সাহেব। আজ পনেরোই আগস্ট, মৌসুমী ভারত আর আজাদ পাকিস্তানের পতাকার সুবর্ণ দিনের কল্লোল প্রতিধ্বনিত। শুধু

পর্যায়ীতার শাপমুক্তি নয়, অভাব অভিযোগ দারিদ্র্যের পাপমুক্তিও বটে। রেভিউটোকে আজ বাংলার বারান্দায় এনে বসিয়ে দিয়েছেন সাহেব, আওয়াজের চাবিটা একেবারে ঘুরিয়ে দিয়েছেন শেষ পর্যন্ত। কাল রাত থেকে যন্ত্রটার আর বিশ্রাম নেই।

বক্তৃতা চলছে, চলছে জাতীয় সঙ্গীত, বিভিন্ন অস্থানানের ফাঁকে ফাঁকে শোনা যাচ্ছে হৃদয় দিল্লীতে উদ্বেলিত জনসমুদ্রের জয়ধ্বনি। অশোক চক্রাক্ষিত পতাকা উড়েছে দিল্লীর লালবেল্লার।

একটু দূরে দাঁড়িয়ে বাগানের বাবুবা। সাহেবের মুখের দিকে তাকিয়ে তাঁরা দাঁড়িয়ে-ছিলেন মুক্তের মতো। স্বাধীন ভারতই বটে।

সেদিনকার ছাব্বিশে জাহ্নুয়ারির কথা এখনো মনে আছে ডাক্তার তারাপদবাবু। পরিতোষ বলে একটা বেয়াড়া ছোড়া এসেছিল বাগানে, পতাকা তুলেছিল সাহেবের বাংলোর মাথায়। পতাকাটাকে জুতোর তলায় দলে পিষে লাক্ষিত করেছিলেন সাহেব, ‘হটাবাহার’ করে দিয়েছিলেন পরিতোষকে। সেদিনও বাগানের বাবুবা পাথরের মূর্তির মতো দাঁড়িয়ে দেখছিলেন সব। অপমানের কালো কালো রেখা দু-একজনের মুখে ফুটে না উঠেছিল তাও নয়, কিন্তু কিছুমাত্র প্রতিরোধের চেষ্টা করেননি কেউ, পরিতোষও না। লজ্জবও ছিল না সেদিন।

সেদিন আর আজ!

আজ অ্যাঞ্জেल् সাহেব দম্ভরমতো দেশপ্রেমিক, স্বাধীন ভারতের নাগরিক। কাল সারাটা বিকেল দাঁড়িয়ে থেকে বাগানের গেটে তৈরি করিয়েছেন দেবদারু পাতার তোরণ, সাজিয়েছেন লাল নীল কাগজ দিয়ে, উড়িয়ে দিয়েছেন পতাকা। নানা বড়ের ঝালর দিয়ে ফুটিয়ে তুলেছেন বৈদ্যুতিক হরফ ‘ইতিপেণ্ডেন্ট ইণ্ডিয়া’। পতাকা-দণ্ডের নিচে দাঁড়িয়ে আজ সশ্রদ্ধ অভিবাধন জানাচ্ছেন নবজাতক মুক্ত ভারতবর্ষের ঝাণ্ডাকে, উদাত্ত উদার কণ্ঠে ঘোষণা করছেন : বণ্ডে ম্যাটরম্—বণ্ডে ম্যাটরম্—

অজিতবাবু ফিস্‌ফিস্ করে বললেন, ব্যাটার ভক্তি দেখ একবার। বিভ্রালতপন্থী আর কাকে বলে!

রামময়বাবু বললেন, ভক্তি না করে যাবে কোথায়? হুঁ হুঁ বাবা, স্বাধীন দেশ। ইচ্ছে করলে ষাড় ধরে তাড়িয়ে দিতে পারি।

—আন্তে আন্তে!—সতয়ে চারদিকে তাকালেন হরিকিঙ্করবাবু : গুনতে পাবে। এখনো গুর চাকরি করে খাচ্ছ, সেটা তুলো না।

—হুঁ, যেথো দাও—ডুমার্সের ম্যালেরিয়ার জুগে বাহুড়-চোবা চেহারার রামময়বাবু এতটুকু বললেন, এখন বাবা নেহেরু-গম্ভীরমন্ডে। এখন আমরাই মালিক।

শুধু কোনো কথা বললেন না তারাপদবাবু। চারদিকে কাঁপছে চা-গাছের সবুজ সমুদ্র।

ছায়া দিচ্ছে শিরিষের ঝিরঝির পত্র-পল্লব। বনের দিক থেকে বাতাস আসছে, বয়ে আসছে শাল ফুলের মুহূ কল্লপ গন্ধের ঝলক। আর সে বাতাসে প্রথম শ্বর্ষের প্রসন্ন আলোয় ধর্মচক্রলঙ্ঘন পতাকা উড়ছে, উড়ছে আশ্চর্য স্থান্নর মহিমায়। মুহূর্তে মিথ্যে হয়ে গেছে দেড় হাজার একরের এই বাগানটা। মুছে গেছে এখানকার কালো কালো চায়ের সঙ্গে কালো মানুষ পেবণের যান্ত্রিক কলরব। সাহেবের মুখের ওপর তুলে তুলে পড়ছে পতাকার ছায়া, কিন্তু সত্যিই কি ছায়া পড়ছে? বেড়ালের মতো চোখ তুটো চকচক করছে কি দেশপ্রেমের বহ্নিতে, না কোনো চাপা বিজ্রপের তীক্ষ্ণ সংকেতে? হঠাৎ কেমন আচরণে আচ্ছন্ন আর তিক্ত হয়ে উঠল তারাপদ ভাস্কারের মন। হঠাৎ মনে হল বেতার যন্ত্রটার এই যে অবিচ্ছিন্ন কলকাকলি, কাল যখন ফ্যাক্টরির মেশিনগুলো চলতে শুরু করবে তখন তার সেই লোহা-লকড়ের কলরবের মধ্যে কোথাও কি শুনতে পাওয়া যাবে এর প্রতিধ্বনি?

আশ্চর্য হাতের কাজ ইয়োরোপীয়ান টী প্র্যান্টার্স অ্যাসোসিয়েশনের বড় কর্তার। খড় থেকে মাথাটিকে বেমানুম ছেঁতে বাদ দেওয়া হয়েছে। জনস্টন বলেছেন এবার নিজেদের হাতযশ। যেমন করে হোক বেরিয়ে চলে যেতে হবে। ভিড়ে পড়তে হবে বাবা পশুপতি-নাথের নিরাপদ ছত্রছায়ায়। ঠিক কথা, নেপাল গবর্নমেন্ট ভজলোকের জায়গা। বাঙালীর মতো তারা ছোটলোক নয়।

এই বাঙালীকে ঠিক চিনেছিলেন ত্যাট ওয়াইজম্যান মেকলে। এখানকার ভজলোকদের যিনি 'বান্দর লোক' বলে প্রাতঃস্মরণীয় উক্তি করে গেছেন ত্যাট কিপলিং ইজ এ ডিয়ার। এখন হালে পানি পাচ্ছে না বটে, কিন্তু এককালে এই বাঙালীরাই ক্ষেপিয়েছে ভারতবর্ষকে। এই ব্লডথাস্টি বিস্টগুলোই ইয়োরোপের নিরীহ সিটিজেনদের গুলি করে মেরেছে রিভলভারের মুখে। কেটে দুখানা হয়ে জোর কমেছে বটে কিন্তু এদের বিশ্বাস নেই। হয় নেপাল, নয় আসাম। কিন্তু এই পশ্চিম বাংলায় আর নয়।

—নেপাল!—জনস্টন সাহেব বলেছেন, ওখানকার রাণা অতি চমৎকার লোক।

—বটে?

—সন্দেহ কি?—পাইপের ছাই ঝাড়তে ঝাড়তে জনস্টন বলেছেন, লোকগুলো ভারি রাজভক্ত। তাছাড়া চমৎকার ম্যানেজমেন্ট ওদের। চারজন লোক একসঙ্গে বেরিয়েছে কি হাতে হাতকড়া পড়বে। আড়ালে একটু কানাঘুসা হয়েছে কি ফাঁসির দড়ি তৈরিই আছে ওদের।

—আর আসাম?

—তালো। চের তালো এই কার্ভড্ ওয়েস্ট বেঙ্গলের চাইতে।

‘বগে মটরম’—ঠোঁটের কোণার কোণার অল্প একটু হাসলেন অ্যাঞ্জেल् সাহেব। স্বাধীনতার বকশিশ দেওয়া হয়েছে, দেওয়া হয়েছে একটি দিন পরিপূর্ণ ছুটিভোগের অবসর। একটা খদ্দেরের স্ফাটের অর্ডারও দেবেন ঠিক করেছেন। পাঞ্জাবি আর পারজামাতে নেহাৎই মানায় না, নইলে তাও পরতে রাজী ছিলেন তিনি।

শুধু একটা জিনিস এতকাল ঠেকিয়ে এসেছেন অতিশয় যোগ্যতার সঙ্গে। শাস্ত্র সমুজ্জ্বে যারা বড় তোলে, পায়ের নিচেতার মাছুষগুলোকে মাখায় চড়ে বসাবার প্রেরণা যারা দেয়, বহুদূর থেকে ঘাঘের উন্নত গর্জন ঘনিয়ে আনে মহাপ্রলয়ের আসন্ন সংকেত, সেই লাল কাণ্ডাকে কিছুতেই বাগানে ঢুকতে দেননি অ্যাঞ্জেल् সাহেব। পাহাড়ের ব্যবধান, অরণ্যের বাধা আর তার সঙ্গাগ হত্যাক্রম দৃষ্টি এই বিপজ্জনক তরঙ্গকে ঠেকিয়েছে বার বার। শিকারী মানুষ তিনি, তাঁর উৎকর্ষ অম্লভূতি যেমন বনের মধ্যে অতি নিঃশব্দচর হরিণের লক্ষ্য পায়ের শব্দও স্তনতে পায়, তেমনি সতর্কতা নিয়েই বাগানকে রক্ষা করেছেন এতকাল। অদূরে যখন বিশৃঙ্খলা আর ধর্মঘটের ঢেউ এসে ভেঙে পড়েছে; তখন রাত জেগে বন্দুক হাতে তিনি পাহারা দিয়েছেন বাগান, তন্ন তন্ন করে খুঁজে দেখেছেন কুলি ব্যারাক। এই-টুকুই তাঁর ভরসা, এইটুকুই যা হয়েছে তা একেবারে কাজের মতো কাজ। এজগ্রে আত্ম প্রসাদ বোধ হয় অ্যাঞ্জেल् সাহেবের। কিন্তু দেশ স্বাধীন হয়েছে। ইণ্ডিপেন্ডেন্ট ইণ্ডিয়া। আবার তাঁর ঠোঁটের কোণার কোণার মৃদু একটা হাসির রেখা শিউরে গেল। আর সেই দিন সন্ধ্যার অন্ধকারে তাঁর সঙ্গে দেখা করতে এল ধনরাজ গুরুং।

বঁটে চেহাবার মানুষ। চওড়া বুকখানার ওপর পাখর রেখে হাতুড়ি দিয়ে গুঁড়ো গুঁড়ো করে ফেলা যায় সেটাকে। ছোট ছোট তীব্র চোখ দুটোতে একটা উগ্র আরণ্যক দৃষ্টি। চাপা ঠোঁটে কঠিন সংকল্পের ব্যক্তন। একটু উত্তেজিত হয়ে উঠলেই বাঘের খাবার মতো চওড়া মুঠো দিয়ে আঁকড়ে ধরতে চায় ভোজালীর বাঁট।

সাহেবের সামনে বিনয়বানত হয়ে দাঁড়ালো না ধনরাজ গুরুং। ভক্তি ভরে সেলাম রুকল না জাতভাই নেপালী প্রাইভেট কিংবা দরজার দারোয়ানের মতো। খাজু মেরুদণ্ডে মাথাটা সোজা করে দাঁড়ালো, শুক স্বরে বললে, শুভ্, ইত্‌নিং, তারপর বিনা আমন্ত্রণেই একটা চেয়ার ঘরঘর করে ঠেনে নিয়ে বসে পড়ল তার ওপরে।

ত্রু কুঞ্চিত করলেন অ্যাঞ্জেल् সাহেব। লোকটার অপরিচ্ছন্ন পোশাক থেকে ময়লা আর ঘামের গন্ধ এসে মুহুর্তে তাঁর নাসারন্ধ্রকে বিখাদ করে দিল। একটা অসাধারণ প্রয়াস করে আত্মসংযম করলেন অ্যাঞ্জেल्, এমন কি মুখের ওপর একটুখানি হাসিও ফুটিয়ে তুলতে হল, তাঁকে।

—শুভ্, ইত্‌নিং, শুভ্, ইত্‌নিং মিস্টার গুরুং।

কিন্তু আপ্যায়িত হওয়ার কোনো লক্ষণ দেখা দিলে না ধনরাজের মুখে। পাখর দিয়ে

গড়া চাপা ঠোঁট ছোটো থেকে এতটুকু ভাব-বৈচিত্র্যের নিরিখও পাওয়া গেল না খুঁজে।
তেমনি শুকনো গলার বললে, জনস্টন সাহেবের চিঠি এসেছে ?

—হাঁ, এসেছে।

ধনরাজ এবার ছোটো উগ্র চোখের দৃষ্টি নিবদ্ধ করল অ্যাঞ্জেলেস মুখের ওপর : কাল সকালে মিটিং করতে চাই।

—কাল সকালেই ?

—হাঁ, কাল সকালে—ধনরাজ নিচের ঠোঁটে অকারণেই সামনের দাঁতগুলো দিয়ে চাপ দিলে একটা : আমার সময় নেই, কাল বিকেলেই আমাকে চলে যেতে হবে।

লোকটার কথা উদ্ধত ভঙ্গিতে সর্বাঙ্গ জ্বালা করতে লাগল অ্যাঞ্জেলেস সাহেবের। ইচ্ছে করতে লাগল সশব্দে গালে একটা প্রচণ্ড চড় বসিয়ে দিয়ে লোকটার শুদ্ধত্বের জবাব দেন তিনি, নয়তো ঘর থেকে বার করে দেন ঘাড় ধরে। কিন্তু মেজাজ গরম করবার সময় নয়। বদলাতে হবে একশো একানব্বই বছরের বনিয়াদী মেজাজ, ভুলে যেতে হবে ত্রিশ বছর ধরে এখানে সগৌরবে রাজ্যপাট ভোগ করবার উজ্জল ঐতিহ্যকেও। হুঃসময় এসেছে, হুঃদিন এসেছে ঘনি়ে। চালে একটু ভুল হলেই ভরাডুবি ঘটে যেতে পারে মুহূর্তের মধ্যে, প্লাইউডের বাক্সে হাজার হাজার পাউণ্ড টু লীভ্‌স অ্যাণ্ড এ বাড তলিয়ে যেতে পারে ভারত-সমুদ্রের লবণাক্ত নীল জলে। স্মৃতরাং ধৈর্যচ্যুত হলে চলবে না। কাঁটা দিয়েই কাঁটা তুলতে হবে এখন, বঁচে থাকতে হলে কিল খেয়েও চুরি করে যেতে হবে তাদের অনেক-গুলোকেই। স্মৃতরাং গায়ের গন্ধে বজ্রিষ্টা নাড়ী একসঙ্গে পাক দিয়ে উঠুক, এই অর্ধবর্ষের নেপালীটার ধুটতায় জলে উঠুক পারের থেকে মাথার টাক পর্বন্ত, তবু সহ্য করে যেতে হবে, চরিতার্থতার হাসি টেনে রাখতে হবে মুখের ওপরে।

—আচ্ছা বেশ, সকালেই ব্যবস্থা করব তবে—টেবিলের ওপর পাইপটাকে ঠুকতে লাগলেন অ্যাঞ্জেলেস।

আবার তীক্ষ্ণ দৃষ্টিতে সাহেবকে লক্ষ্য করতে লাগল ধনরাজ : আমাদের প্রোগ্রাম জানা আছে তোমার ?

—জানি—সভর্কভাবে উত্তর দিলেন সাহেব।

বিবাদ নীরস গলার ধনরাজ বলে গেল : শুখা ল্যাণ্ড ফর শুখা পিপ্পল। ধুতি-পরা ভাটিয়াদের মুকবিরানা আমরা সহ্য করব না, আমরা থাকব না তাদের ভাবেদার হয়ে। অটোনমি চাই আমাদের—আমাদের হোমল্যান্ড চাই।

—ওঃ, নিশ্চয়, নিশ্চয়।—অ্যাঞ্জেলেস উৎসাহিত হয়ে উঠলেন : অত্যন্ত গ্রাঘ্য দাবি। প্রত্যেকেরই সেটা পাওয়ার অধিকার আছে। আমরা, ইংল্যান্ডের দীন সম্মানেরা—উই স্ট্যান্ড ফর ডিমোক্রাসি।

না. র. ঞর্ধ—২৮

উগ্র আরণ্য চোখ দুটো অ্যাঞ্জেলের মুখের উপর রেখে ধনরাজ বললে, কিন্তু আমরা তোমাদের বিশ্বাস করি না। যদি ভক্তলোকের মতো আমাদের সঙ্গে কাজ করতে চাও, করো। ভাটিয়া আমরা তাড়াবোই, দরকার হলে তোমাদেরও।

অ্যাঞ্জেলের সমস্ত মুখ অপমানের রক্ত-কণিকায় রাঙা হয়ে উঠল, আগুন জলে গেল মাথার মধ্যে। কিন্তু মুহূর্তের জন্তেই। জনস্টনের সাবধান-বাণী মনে পড়ল। খুব সাবধান হয়ে চলতে হবে, পা ফেলতে হবে হিসেব করে, কথা বলতে হবে ওজন করে করে। একটু তুলের জন্তে সব কিছু বানচাল হয়ে যেতে পারে।

শান্ত স্বরে অ্যাঞ্জেল বললেন, উই স্ট্যাণ্ড ফর ডিমোক্রাসি।

—ধ্যাক ইউ—উঠে দাঁড়াল ধনরাজ।

ডিসপেনসারিতে বসে তারাপদ ভক্তার ওয়ুধের স্টক মেলাচ্ছিলেন। ওয়ুধ বলতে তো ছাই, খানিকটা সিন্‌কোনা গুয়াটার, এক আউন্স আয়োডিন, গজখানেক তুলো আর গোটাকয়েক মরচে-পড়া যন্ত্রপাতি ছাড়া বিশেষ কিছুই নেই। তবু আইনের কবল থেকে আত্মরক্ষা করবার জন্তে এটুকু সাজিয়ে রাখতে হয়েছে আর লম্বা-চওড়া হিসেব দাখিল করে সেই সঙ্গে নির্বিঘ্নে ফাঁকি দেওয়া হচ্ছে ইনকাম-ট্যাক্সকেও। আগে মধ্যে মধ্যে বিবেকের আর্ডনাদ উঠত, কিন্তু এখন সহজ হয়ে গেছে সমস্ত। এখন পরিপূর্ণভাবে নিরঙ্কুশ হয়ে গেছেন ভক্তার, তিনি যে বাগানের অবাস্তব একটা অলঙ্করণ মাত্র, এ সভ্যতাও জলের মতো স্বচ্ছ হয়ে উঠেছে তাঁর কাছে।

টেবিলের পাশে অজিতবাবু এসে দাঁড়ালেন।—জেনেছেন?

—কী হয়েছে?

—ওই ধনরাজ গুরু কাল বক্তৃতা দিয়ে গেছে কুলি-ব্যারাকে।

—বেশ তো, ক্ষতি কী?—শান্তস্বরে উত্তর দিলেন ভক্তার।

—ক্ষতি কী?—ভীত কণ্ঠে অজিতবাবু বললেন, জানেন কী হয়েছে? আজ একটুর জন্তে হুকিস্বরবাবু মার খাননি কুলিদের কাছে। অজ্ঞাব্য গালাগাল করেছে, বলেছে ওদের দেশ থেকে ভাটিয়াদের মেরে তাড়াবে ওরা।

—অপরোধ?—নিরুৎসুক দৃষ্টি তুলে ভক্তার তাকালেন।

—রেশন কম দেওয়া হয়েছে কাল। সব ওই সাহেবের কারসাজি, জানেন? রাত-রাতি ব্যাটা সব চাল বাগানের বাইরে নিয়ে ফেলেছে আর কুলিদের বলে বেড়াচ্ছে বাঙালী বাবুরা আর তাদের কংগ্রেস ওদের চাল আনতে দিচ্ছে না।

—হঁ।

অজিতবাবু প্রায় কেঁদে ফেললেন : কী করি মশাই বলুন তো? কুলিরা তো ভরস্বর

রাক হয়ে আছে। আমার কাঁকাটা এসে খবর দিলে জনকরেক নাকি আবার শান দিচ্ছে কুকরিতে। বলেছে ভাটিয়াদের টুকরো টুকরো করে কেটে জ্বলে ফেলে দিয়ে আসবে। কী উপায় হবে বলুন দেখি? ছেলেপুলে নিয়ে এই বেঘোরে মারা যাব নাকি?

ভাস্কর চুপ করে রইলেন। এমন একটা যে ঘটবে এ আশঙ্কা কিছুদিন থেকেই সঞ্চারিত হয়ে ফিরছিল আকাশে-বাতাসে। চারদিকে জোর আন্দোলন চলছে: ভাটিয়া খেদাও। র্যাডক্লিফ অ্যাওয়ার্ড বেরবার সঙ্গে সঙ্গে হঠাৎ ডিমোক্রাসির জন্তে বাগানের সমস্ত সাহেবদের ধন-প্রাণ একেবারে উত্তরোল হয়ে উঠেছে। বাঙালী কংগ্রেস আর বাঙালী ভক্তলোকেরা একযোগে ষড়যন্ত্র করেছে সমস্ত গুর্খা জাতির বিরুদ্ধে। তাদের মুখের অন্ন কেড়ে খাবে, রাজত্ব করবে স্বাধীন নেপালীদের বৃকে বসে। তাদের চক্রান্তে পড়ে মহারাজ গান্ধী পর্বস্ত বাঙালী হয়ে যাচ্ছেন। চিরকাল পরের হিতের জন্তে যে ইংরেজ জাতি এশিয়ায় আফ্রিকায় নিঃস্বার্থভাবে আত্মদান করে আসছে, আজ বাঙালীদের করাল গ্রাস থেকে সমগ্র গুর্খা জাতিকে বাঁচাবার জন্তে তেমন নিঃস্বার্থ-চিত্তেই বন্ধপরিকর হয়েছে তারা।

—ওই সুনছেন?—অজিতবাবু আতকে উঠলেন।

শোনা যাচ্ছে বইকি। চা-গাছের নিস্তরঙ্গ শান্ত সমুদ্রে ঝড় উঠেছে। ধরধর কাঁপছে শালবন, দূরের পাহাড়গুলো শিউরে শিউরে উঠেছে আতঙ্কে। চিংকার আসছে কুলি-ব্যারাকের দিক থেকে: কংগ্রেস—মূর্দাবাদ! ভাটিয়া—ভাগ যাও!

—কী হবে মশাই?—আকুল হয়ে অজিতবাবু বললেন, বাড়িতে যেয়ে তো কান্নাকাটি শুরু করেছে।

—সামান্য দিন গে তাদের—

চেয়ার ছেড়ে তারা পদ ভাস্কর উঠে পড়লেন। বললেন, আপনি বাড়ি যান অজিতবাবু, আমি দেখছি।

বাংলোর বারান্দায় তখন একটা ডেকচেয়ার পেতে খবরের কাগজ পড়ছিলেন সাহেব। ভাস্করকে দেখে হাসিমুখে খবরের কাগজটা সরালেন তিনি, তাকালেন উজ্জল দৃষ্টিতে। বিদ্যুৎচমকের মতো মনে পড়ল ঠিক এই রকম একটা হাসিই যেন তিনি দেখেছিলেন স্বাধীনতা-দিবসের সকালে, ঠিক এমনি করেই একটা রহস্যময় হাসির সংকেতে চোখ দুটো চকচক করে উঠেছিল তাঁর।

—কী খবর ভাস্কর?

—বাগানের কুলিরা এ কী করছে স্যার?

ভালোমাহুকের মতো সাহেব প্রশ্ন করলেন, কী করছে?

—ওদের জন্তে আমরা তো টিকতে পারব না মনে হচ্ছে।

—হোয়াট ক্যান আই ডু ?—নিরীহ পাঞ্জীর মতো আবার প্রাণ করলেন সাহেব।

—এই প্রোপ্যাপ্যাণ্ডা—এই বাঙালী-বিষেব বন্ধ করুন।

—তোমাদের তো বিস্তর দল রয়েছে বাবু : সাহেব মিটিমিটি হাসলেন : কংগ্রেস আছে, লাল ঝাণ্ডা আছে। ওরাও যদি নিজদের একটা দল করতে চায়, আমরা বাধা দেব কেন ? দে হ্যাভ দেয়ার ডিমোক্রেটিক রাইটস্।

—কিন্তু আমাদের যদি আক্রমণ করে ?

—তোমরা আত্মরক্ষা করবে—দেবদুতের মতো শাস্ত মনোরম গলায় জবাব দিলেন অ্যাঞ্জেল।

দাঁতে দাঁত চাপলেন তারাপদ ডাক্তার। বুঝতে বাকি নেই কিছু, সূর্যের আলোর মতোই প্রত্যক্ষ হয়ে গেছে সাহেবের উদ্দেশ্য। মাকড়সার জালের মতো একটা গভীর শঠতার নিঃশব্দ আয়োজন করে চলেছে চা-বাগানের এই শাদা মালিকের দল। বাঙালী-বিষেবের নাম করে সব রকম আন্দোলনের কণ্ঠরোধ করে ধরবে, বিবাস্ত করে দেবে এতদিনের সহজ শ্রীতির সম্পর্ক, ছিন্নবিচ্ছিন্ন করে দেবে ঐক্যের সূত্রগুলোকে। ইচ্ছে করেই আশুন যারা জালিয়েছে, তাদের কাছে আশুন নেবানোর প্রার্থনা জানানো অর্থহীন আর অপমানকর।

—নো বাবু, মাইণ্ড ইয়োর বিজ্ঞেস—খবরের কাগজটা আবার মুখের কাছে তুলে নিয়ে কথটা যেন অবহেলাভরে হাওয়ার ছুঁড়ে দিলেন সাহেব।

নিরুত্তরে ফিরে এলেন ডাক্তার। আর এখানে দাঁড়িয়ে থাকা সম্পূর্ণভাবে নিরর্থক। শোষণের বনিয়াদ কায়ম করবার জন্তে বিভ্রমের পুরনো চক্রান্ত। একটা অলহায হতাশায় বুকের ভেতরটা যেন জলে যেতে লাগল ডাক্তারের। উপায় নেই—কিছু করবার জো নেই। একমাত্র আজ এর প্রতীকার যে করতে পারত সে পরিতোষ। সে শক্তি ছিল তার, ধনরাজের চেয়ে চের বেশি শক্তি নিয়েই সে এসেছিল বাগানে। কিন্তু গত জাহ্নয়ারি মাসে ‘হটাবাহার’ করে দেওয়া হয়েছে তাকে।

আর সেদিন তাকে তাড়াবার জন্ত সব চাইতে বেশি উৎসাহ ছিল এই রামময়বাবু, অজিতবাবু, হরকিঙ্করবাবুর।

রামময়বাবু বিকৃত মুখে বলেছিলেন, ও সব ডেকারাস লোক মশায়।

টেবিল চাপড়ে অজিতবাবু বলেছিলেন, লাল ঝাণ্ডাকাণ্ডা এখানে চলবে না। শুধু কুলি ক্যাপানোর কন্দি।

—সর্বনাশ হয়ে যাবে মশাই বাগানের—সভায় হরকিঙ্করবাবু বলেছিলেন, এসক জিনিসের প্রত্নর দিতে নেই। গোথরো সাপের ছানাকে গোড়াতেই নিকেশ করা ভালো।

নিজের টেবিলটার বসে হুঁহাতে কপালটা টিপে ধরলেন ডাক্তার। কাণ্ডারীহীন নৌকো

ছুকানের মুখে টলমল করছে আজ। বিছুটির চাবুকের মতো মনে পড়ছে অ্যাঞ্জেল সাহেবের হাসিটা। কিছু ভেবে পাওয়া যাচ্ছে না। বিদ্রোহের বিধ আর বিরোধের বাঁজ ছড়িয়ে দেবার জন্তে আয়োজনের বিন্দুমাত্র ত্রুটি নেই কোনো দিকে। ধনরাজের মতো লোককে সমাদর করে ডেকে আনা হচ্ছে বাগানে। ভাটিয়ারদের ওপর আক্রমণ চলেছে দাবিলিংয়ে। খালিয়া পাহাড় থেকে বে-আইনী ট্রান্সমিটারে অবিশ্রান্ত বোষণা করা হচ্ছে সমতল-বিদ্রোহ। ডিমোক্রাসি! ডিমোক্রাসির আড়াল থেকে নিঃশব্দে কাজ করে যাচ্ছে চা-বাগানের শাদা মালিকদের কালো হাত।

পরিতোষের একটা কথা মনে পড়ল : বিদেশী মূলধন বাজেয়াপ্ত না করা পর্যন্ত—

বিদেশী মূলধন! প্রথম কথাটা মনে হয়েছিল পুঁথির বুলি কপচানোর মতো, তাই সেটা আকৃষ্ট করেনি ভক্তারকে, বরং ভেবেছিলেন, বড় বেশি বইয়ের পাতা আওড়ায় পরিতোষ। কিন্তু এই মুহূর্তে কথাটার মূল্য তিনি বুঝতে পেয়েছেন, বুঝতে পেরেছেন এর সত্যিকারের তাৎপর্য।

জানালা দিয়ে ভক্তার তাকালেন বাইরে। স্বাধীন আকাশের ঘন নীল নিবিড় শালবন। অরণ্য-রোমাঞ্চিত পাহাড়ের রেখা উজ্জল আকাশের নিচে প্রসারিত হয়ে আছে একটা আশ্চর্য গভীর শান্তিতে। দূর থেকে কানে আসছে পাহাড়ী নদীর কলধ্বনি। এই শান্ত হৃদয়ের ভারতবর্ষের বুকের ভেতর কালো কালো কল, লাল লাল বাংলো আর গভীর সবুজ চা-বাগান। কিন্তু এরা চা-বাগান নয়, হৃদয় দেহের নেপথ্যে যন্ত্রার ক্ষতের মতো, নিঃশব্দে দৃষ্টির আড়ালে হুড়ার বীজাণু বিকীর্ণ করাই একমাত্র কাজ এদের।

হঠাৎ চোখে পড়ল ভক্তারের। চোখে পড়ল উচু বাঁশের মাথায় উঠেছে স্বাধীন ভারতের রাষ্ট্রপতাকা। সূর্যের আলো পড়েছে তার ত্রিবর্ণে, সূর্যের আলো জলছে তার শীল-সমার্থি-নিরোধ মন্ত্র-ছন্দিত অশোক-চক্রে। একটা অপূর্ব গৌরবে যেন মণ্ডিত হয়ে আছে।

গৌরব? সাহেবের হাসিটা মনে পড়ছে। পতাকা নয়, বিরূপ। কিন্তু এই পতাকাকে যে রক্ষা করত, দিতে পারত এই বিক্রপের উত্তর, সে পতাকা নেই এখানে। সে পতাকার দেশলাইয়ের কাঠি জ্বলে পুড়িয়ে দিয়েছিলেন অজিতবাবু।

চিন্তাটা বিপর্যস্ত হয়ে গেল একটা ভয়ঙ্কর কোলাহলে। ভক্তার চমকে উঠলেন। কুলি-ব্যারাক ছাড়িয়ে শব্দটা ক্রমশ এদিকেই এগিয়ে আসছে না?

—ভাটিয়া লোক ভাগে—

উজ্জ্বলতার কলরব উঠেছে জনতার অগ্নধ্বনিতে। স্পন্দিত বুকে দাঁড়িয়ে বইলেন ভক্তার। আজ সকালেও কি কুলি-ব্যারাকে লভা করছিল ধনরাজের লোক?

—ধুতিবালা মূর্তিবাদ—

—হটো, ভাটিয়া হটো—

বিক্রম জনতার একটা তরঙ্গ ইতিমধ্যে এসে পড়েছে ডিস্পেনসারির সামনে। গ্রান্ড আড়াইশো কুলি বিশৃঙ্খল পায়ে মার্চ করে আসছে একসঙ্গে। চিংকার করছে অসংলগ্ন ভাবে : ভাটিয়া লোগ মূর্দাবাদ। প্রত্যেকেই মদ খেয়ে এসেছে প্রচুর পরিমাণে। আর তাদের আগে টলতে টলতে স্বয়ং ধনরাজ চলেছে এগিয়ে।

জানালার কাছে স্তব্ধ হয়ে দাঁড়িয়ে দেখতে লাগলেন ডাক্তার। কী করতে চায় এরা ?

পতাকা-দণ্ডের নীচে এসে ধমকে দাঁড়াল ধনরাজ। মাথার ওপর অশোক-চক্রাকৃতি জিবর্ণ পতাকা মহিমাষিত হয়ে উড়ছে সূর্যের আলোকে। সীমাহীন একটা হিংস্রতার চোখ দুটো জলে উঠল ধনরাজের, গোথরো সাপের গর্জনের মতো একটা তীব্র শব্দ বেরিয়ে এল মুখ দিয়ে।

—খুতিবালা মূর্দাবাদ—

—ভাটিয়া মূর্দাবাদ—

ডাক্তারের শরীরে সমস্ত রক্ত যেন মুহূর্তে খানিকটা বিস্ফোরকে পরিণত হয়ে গেছে। দাঁতের ওপর শব্দ হয়ে চেপে বসল দাঁত, ধরধর করে হাত পা কাঁপতে লাগল তাঁর।

—শোনো—শোনো—

একটা লাফ দিয়ে বাইরে পড়লেন ডাক্তার। দু'হাত তুলে দাঁড়ালেন জনতার মধ্যে। মাথার ওপর পতাকার ছায়া ছলছে। জবাব দিতে হবে ওই বিক্রপের জুর হাসির, ব্যর্থ করে দিতে হবে উর্গনান্ড-চক্রাক্ষের এই কুটিল আল-বিস্তারকে। এই মৈত্রীর পতাকার সম্মান যে রাখতে পারত, নিজেদের মূঢ়তা দিয়ে আজ তাকে হারিয়েছে বাগানের বাবুরা। তাদের সকলকে ভুলের প্রায়শ্চিত্ত করতে হবে—এ অসম্মান সহ্য করা যাবে না।

ডাক্তার বলতে চেষ্টা করলেন—ভাই সব শোনো। এ কি সর্বনাশ করতে চলেছে তোমরা ? বাঙালী তোমাদের শত্রু নয়—

ভিড়টা যখন সরে গেছে তখন আশ্বে আশ্বে চোখ খুললেন ডাক্তার। বুকে ভর দিয়ে উঠবার চেষ্টা করলেন, কিন্তু পারলেন না। নাক মুখ কপাল দিয়ে তাঁর রক্ত ঝরছে, সারা গায়ে অসহ যন্ত্রণা। একটুখানি উঠতেই মাথা ঘুরে গেল, চোখ বন্ধ হয়ে এল তাঁর। শুধু ওই এক লহমার মধ্যেই তিনি দেখতে পেলেন—বাগানের চওড়া অ্যাস্ফাল্টের রাস্তা দিয়ে নিরালস্ক নির্বিকার মুখে কুকুর আর বন্ধুক নিয়ে বেড়াতে বেরিয়েছেন সাহেব। বোধ হয় শিকারেই চলেছেন তিনি।

ডাক্তারের রক্তমাখা চোখের সামনে জিবর্ণ পতাকার ছায়া ছলতে লাগল লাল পতাকার মতো।

কিন্তু সাহেবের কিছু জানবার বাকি ছিল তখনো।

ট্রী-লা-লা—শিকার করে খুশি মনে ফিরলেন সাহেব। ভাগ্যিস জনস্টন এসে আলোক-দান করে গিয়েছিল তাঁকে। বাগানের শিকারটা সম্পূর্ণ সার্থক হয়েছে, জব্বলেও নেহাত মন্দ হয়নি। হুঁজোড়া বন-মুরগী পেয়েছেন, রাজের খাওয়াটা জমবে ভালো।

কিন্তু বাংলার সিঁড়িতে পা দিতেই তিনি থমকে দাঁড়িয়ে গেলেন। পা আর উঠতে চায় না, যেন সিঁড়ির ভেতর থেকে কার একজোড়া কঠিন হাত বেরিয়ে এসে তাঁর পা দুখানা আঁকড়ে ধরেছে।

ঘরের সর্বত্র। সোফা-সেটিতে, টেবিলে, চেয়ারে, পালকে। যে ভাটি ফুলগুলোকে ভাটিয়াদের বিরুদ্ধে লাগিয়ে অধিকারের ব্যবস্থা কয়েম করে রাখবেন ভেবেছিলেন, তাবাই পরম নিশ্চিন্তে তাঁরই ঘরে কয়েম হয়ে বসেছে। কেউ ইঁ করে ঘুমচ্ছে, কেউ টেবিলে বসে আছে ধুলো-ভরা ফাটা ফাটা পা তুলে, শুভ্র পালকের আভিজাত্যকে কলঙ্কিত করে তার ওপর দাঁড়িয়ে উঠেছে কেউ, চীৎকার করে জুড়ে দিয়েছে গান। দামী মদের খালি বোতলগুলো গড়াচ্ছে চারদিকে, তুপাকার হয়ে আছে খাবারের টিন আর কোটোগুলো, প্রলয় হয়ে গেছে ঘরের মধ্যে।

সাহেবের পায়ের শব্দে ঢুলু ঢুলু চোখ মেলে তাকাল খনরাজ গুরু। তার চাপা নিষ্ঠুর ঠোঁটে এতদিন পরে, এই প্রথম বিচিত্র হাসি ফুটে বেরল একটা।

—কাম ইন স্টার, গুড মর্নিং। ভোন্ট মাইণ্ড স্টার—ইউ ব্রিটিশ পিপল আর ফাইটিং ফর ডিমোক্রাসি—

ডিমোক্রাসি! হাতের রাইফেলটা তুলে ধরতে চাইলেন সাহেব। গুলি করবেন—গুলি করে উড়িয়ে দেবেন এই শ্রান্তি ক্রটগুলোকে। কিন্তু হাত উঠল না—যেন পক্ষাঘাতে অলাড় হয়ে গেছে।

খনরাজের উচ্ছ্বসিত বিকট হাসির শব্দ ভেঙে পড়ল ঘরের মধ্যে।

অধিকার

বানের জল ঢুকে পুতুর থেকে যেমন করে পানার দল বেরিয়ে আসে, তারপর ছড়িয়ে যায় দিশেহারা আর লক্ষ্যহীন হয়ে, তেমনি করে একদিন এরাও ভেসে গেল। চৌদ্দপুরুষের ভিটেকে মনে হল ঈশা কোনো চোরাবালির গহ্বর। নিরাপদ শত্রু ভাঙার প্রত্যাশায় ভাড়া খাওয়া হরিণের মতো দিকে দিকে ছুটেতে লাগল দিগ্বিদিক হারিয়ে। তারপর এসে মুখ খুঁড়ে পড়ল কলকাতার—গ্র্যাটকর্ষে, পাথুরে পথে, গাছতলার, নয়তো, শুয়োর খাক-বারও অযোগ্য রিলিফ ক্যাম্পে। কটি চাইতে গিয়ে গুলি খেয়ে লুটিয়ে পড়ল আর ত্রিয়ার-গ্যালে চোখের জলে বুক ভাসিয়ে বুঝল একটি মর্যাদিক লভ্য : নিজের দেশকে পর করে

নেওয়া যত লজ্জ, পরের দেশকে আপন করে নেওয়া সেই পরিমাণেই শক্ত। পূর্ব বাংলার লজ্জা মাটির মতো দাক্ষিণ্যের ফসল বলে না এখানে। রাতের রাঙা মাটির ধারালো কাঁকরে পা কেটে কতবিস্কৃত হয়ে যায়। কীর্ণধারা নদীর অফুরন্ত জলসঞ্চয় ছড়িয়ে দেয় না গলিমাটির রক্তকণা—খোয়াইয়ের ক্ষীণপ্রবাহ ছুড়ি-পাথরের কঠিন শয্যা রম্যু খোঁজে।

রাষ্ট্রপালের বাড়িতে লাঞ্চ খেয়ে তৃপ্তির উদগার তুলতে তুলতে বেতারে নেতারা অশ্রুকরুণ বক্তৃতা দিয়ে থাকেন। বিনিম্জ টেলিগ্রাফটারে নারারাত ধরে বিবৃতির পর বিবৃতির বস্তা আসে। তার ভেতরে চাপা পড়ে যায় শিয়ালদার প্র্যাটকর্ম থেকে সোমন্ত মেয়ে পঙ্কবালার হারিয়ে যাওয়ার খবর, ডুবে যায় বাস্তব্যাগী বুড়ো নিবারণ দাসের না-খেয়ে মরার অকিঞ্চিৎকর সংবাদ। আর জনকয়েক ভক্তগম্বাহনের ভক্ত বেতনের চাকরি জোটে পুনর্বাসন দপ্তরে, ‘আরো খাও ফলাও’ আন্দোলনের লাল মূলো আর কাঁচকলা আঁকা পোষ্টারে পোষ্টারে শহর সচিহ্ন হয়ে ওঠে। লোকে হঠাৎ ধমকে দাঁড়িয়ে ভাবে : কোনো নতুন ছবি মুক্তি পেলো নাকি কানন দেবীর!

নতুন ছবি বৈকি। এও এক আচ্ছা তামাশা। দুদিন আগেও যারা পুরোপুরি মাহুষ ছিল, আজ তারা একরাশ ছেঁড়া খবরের কাগজের টুকরোর মতো মূল্যহীন। তবু জলে কাদায় গলে যাওয়া সেই সব কাগজের টুকরোর এক-আধটা হরক চোখে পড়ে : উনিশ শো পাঁচ সাল, অসহযোগ আন্দোলন, চট্টগ্রামের রক্তলেখা, বিদ্রোহের অগ্নিযজ্ঞ আর নোয়াখালির প্রেতকাহিনী। বিলিভী চামড়ার দামী জুতোর নীচে তার দু-একটা খণ্ড জড়িয়ে গেলে পাপোষে মুছে ফেলা ছাড়া গতাস্তর কোথায়! মদের দ্রাসে চুমুক দিতে দিতে কখনো কখনো মনে হয় : রিয়ালি, ইট ইজ সো স্মাড্। তারপর ভারী হয়ে আসা মনটাকে একটু লম্বু করবার জন্তে অগত্যা নতুন মডেলের গাড়িটার করে রেসকোর্সের দিকেই পা বাড়ানো : কী আর করা যাবে ব্রাদার!

শুধু অরিকোণে থেকে থেকে বিদ্যুৎ ঝলকার ধারালো বেগনেটের ফলার মতো।

এদেরই এক ঝাঁক একটা দমকা হাওয়ার উড়ে পড়েছে উত্তর বাংলার এই মরুপ্রান্তরে। আগে বুনো স্তরের দাঁতের আগার খুঁজে ফিরত বুনো গুলের গোড়া। কাঁটার ঝর ঝর করে নৃপূর বাজিরে সজার চলে ফিরত শনদালের বনে। বাবলা ঝোপের আড়ালে আড়ালে মেটে খরগোলের সঙ্গে দৌড়ের প্রতিযোগিতা করত চিত্রিহরিণ। বাজ-পোড়া তালগাছের কোটরে রোদ পড়ে চিকচিকিয়ে উঠত চন্দ্রবোড়ার হিলহিলে শরীর; আর জেলাবোর্ডের কালভার্টের তলা দিয়ে যেখানে বর্ষায় বিলের জল বেবিয়ে যায়, সেখানে কপা ফুলে বকের মতো বলে থাকত অতি বিবাক্ত জলগোধরো—গুগলি-শামকের প্রত্যাশায়। গভীর রাতে চলতি মোটরের ফ্লাড লাইটে কখনো কখনো বাঘের আরক্ত চোখ কুটে উঠত স্বার্থ অরণ্যের দৃষ্টির মতো।

মাইলের পর মাইল জুড়ে ছিল মরা মাটির রাজ্য। এরই কীকে কীকে টুকরো টুকরো গ্রাম ছিল ছড়িয়ে। কিছু দেশী মানুষ, কিছু ভুটিয়া আর মরা মাটির আনাচে-কানাচে যেখানে সবুজ শস্তের অঙ্কলি মেলা—সেখানে লুকু থাবা বাড়িয়ে থাকত জোতদারের খানের গোলা, খামারবাড়ি।

সরকারী পুনর্বাসন-পরিকল্পনায় হাজার দেড়েক মানুষকে ঠেলে দেওয়া হল এখানে। অপরিমিত অপব্যয়ে অকিঞ্চিৎকর কতগুলো চালাঘর তুলে দেওয়া হল—এক বর্ষার পরে যা আর টিকবে না। গোটা দুই ট্রাক্টর আর একখানা ট্রাকও দিতে হল চক্ষুলাঙ্কার খাতিরে। কর্তব্য পালনের পালা সেইখানেই শেষ। কেন্দ্রীয় দপ্তর থেকে খবর এল, যথেষ্ট হয়েছে, এর বেশি সাহায্য দেবার মতো টাকা নেই সরকারের।

বে-সরকারী যে দু-চারজন মানুষ স্বেচ্ছাপ্রণোদিত হয়ে কাজের ভার মাথায় তুলে নিয়েছিল, তারা পথে বসে পড়ল। একজন কাগজ খুলে দূতাবাসগুলির খরচের হিসেব দেখিয়ে বললে, তুলে যাচ্ছ কেন বাইরে ভারতের প্রেক্ষিজ বাঁচিয়ে রাখাই আজকের সবচেয়ে বড় সমস্যা? দেশের লোকের না খেয়ে মরার খবর বিদেশে যাবে না কিন্তু বিদেশের ডিনারে এতটুকু ক্রটি হলে রাষ্ট্রের মান বাঁচবে কী করে?

আর একজন তেতে উঠল : তা হলে এসব ফার্স করবার কী দরকার ছিল ?

তৃতীয়জন রসিকতা করল : বঙ্গভঙ্গের অত বড় ট্রাজেডির পরে একটা ফার্সের ব্যবস্থা না করলে খুশি হবে কেন অভিটোরিয়াম ?

দ্বিতীয় লোকটির নাম হিমাংগু সোম। ব্রহ্মচারী ধার্মিক গোছের মানুষ—কঠোপনিষদ্ থেকে কংগ্রেস পর্যন্ত সব কিছুতেই অচলা ভক্তি। কিন্তু ধর্মটা ভালো করে চর্চা করেনি—রাজনীতিও না। বস্ত্রা, মহামারী আর দুর্ভিক্ষে রিলিফ ওয়ার্ক করেই জীবনের পঞ্চাশটি বছর কাটিয়ে দিয়েছে। এখানকার দায়িত্বটা প্রধানত সে-ই যেতে নিয়েছিল। নিদারুণ আশাত্তবে এমন রসিকতাটাও বরদাস্ত করতে পারল না সে।

হিমাংগু সোম ক্ষেপে উঠে বলল, জীবনে অনেক রিলিফ ওয়ার্ক করেছি, কিন্তু এমন একটা—

গালাগালিটা মুখ ফসকে বেরিয়ে পড়বার আগেই তর্জনী তুলে শাসিয়ে দিলে একজন।

—খবরদার, রাজজোহা !

তৃতীয়জন বললে, সিকিয়ারিটি অ্যাঙ্কি।

চতুর্থ ব্যক্তি কোনো কথা বলেনি এতক্ষণ। নীরবে শুনে যাচ্ছিল সব। এবারে সিন্ধু হানিতে হস্তব্য করল : কমিউনিস্ট !

আরো গরম হয়ে উঠল ভালো মানুষ হিমাংগু সোম।

—আমাকে চটিয়ে না ভাতার। কমিউনিজম কমিউনিজম জানি না। আমি লোভা

মাহুশ, সোজা কথা বুলি। এসব ইয়াকির কোনো মানে হয়? শ্রমণের মতো জমিতে ‘বাম্পার ক্রপ’ ফলিয়েছিলাম, অথচ রাখবার জন্ত একটা শেড পর্যন্ত পেলাম না! হাজার মণ ধান আমার চোখের সামনে পচে নষ্ট হয়ে গেল!—কাম্বার বুজে আসতে চাইল হিমাংস সোমের গলা।

বাম্পার ক্রপ! মুহুর্তে মুখ-চোখের চেহারা বদলে গেল মাহুশগুলির। তিনশো ক্যাম্পের দেড় হাজার উষ্মান্ত্র মিলে এই মরা জমিতে ফলিয়েছিল সোনার ফসল। চন্দ্রবোড়া আর বুনো শুয়োরের রাজ্যপাট তছনছ করে দিয়ে—বাবলা ঝোপ আর শনঘাসের জঙ্গল নিমূল করে গড়ে তুলেছিল মাইলের পর মাইল জোড়া সবুজ শীষ-দোলানো ধানের ক্ষেত। আলের সীমারেখা দিয়ে ব্যক্তিগত মালিকানার কলঙ্ক-চিহ্ন কোথাও টানা হয়নি; যতদূর চোখ যায় শুধু দেখা গেছে সমবার-শ্রমের সম্মিলিত ফসল। চরম দ্বংসের মধ্য দিয়ে বাস্তবচারা ঘরছাড়ার দল এসে মিলেছিল সাম্যবাদের মিলনক্ষেত্রে।

তারপর যেদিন সেই ফসল হাজার মাহুশের কান্ডের মুখে কাটা পড়ল—সেদিন উৎসব নেমেছিল ক্যাম্পের ঘরে ঘরে। ঢাকা ক্যাম্পে একজন একটা ভাড়া হার্মোনিয়ম বাজিয়ে কীর্তন ধরল। নেত্রকোণা ক্যাম্প এক বিরাট ভোজের আয়োজন করল। আর গাইবান্ধা ক্যাম্পে শুরু হয়ে গেল কবিগানের মহড়া :

গোমস্তা নাই, তশীলদার নাই,

মহাজনও নাই রে—

হামাঘরের ক্যাতের ফলন

হামরা স্মৃতে খাই রে।

কিন্তু সেই ক্ষেতের ফলন বাঁচাবার জন্তে একটা টিনের শেডও করে দিতে পারল না হিমাংস সোম। এখানে ওখানে কিছু কিছু রক্ষা করা গেল, বাকিটা পচল বৃষ্টিতে, জলে গেল রোদের খরতাপে। মাহুশগুলোর চোখের সামনে সোনার বরণ ধানের রাশ গলে কালো হয়ে গেল একরাশ পচা গোবরের মতো; নবান্নের প্রাণকাড়া গছ উঠল না—বিষাক্ত দুর্গন্ধ আবিল করে দিল বাতাসকে।

ভাত্যার মুহূর্ত্তে বলল, তবু বলছে প্রোঁ মোর ফুড্!

হাঁটুর ওপরে একটা চাপড় মারল হিমাংস সোম।

—আরে সে কথা তো লিখেছিলাম কর্তাদের। বলেছিলাম, ‘বাবা, খাত্ত বাড়াও খাত্ত বাড়াও’ বলে তো খুব টেঁচিয়ে মরছ, এদিকে এত খাত্ত যে পচে গেল, তার বেলার করছ কী? তোমাদের ওই তহবিল থেকে কিছু দাও না আমাদের। কী উত্তর দিলে জানো? লিখল : ওটা এখনো পাবলিসিটি ক্যাম্পেন—তোমাদের ধান চুলোয় ঘাক, পোষ্টারের ঝরচা থেকে আমরা একটা আখলাও দিতে পারব না।

প্রথম ব্যক্তি আঙড়ালো :

স্বপ্ন মঙ্গলের কথা অমৃত সমান,

গোড়ানন্দ কবি ভণে শুনে পুণ্যবান ।

তৃতীয়জন বলল, খামো হে, আর সিডিশন কোরো না । নাও, চলো এখন । শহরে পৌঁছতে রাত হয়ে যাবে আবার ।

প্রথমজন উঠে পড়ল । বলল, তোমার অন্তে আমার সহানুভূতি হচ্ছে হে হিমাংগ !
হবচন্দ্র গবুচন্দ্রের পাঞ্জায় পড়ে কৌন্দির তুমি বা ফাঁসি যাও !

ওরা বেরিয়ে গেল । খানিক পরেই শোনা গেল মোটরের শব্দ ।

এদিকে টাচের বেড়া-দেওয়া অফিসঘরে, কেরোসিন কাঠের টেবিলটার দু'পাশে চুপ করে বসে রইল হিমাংগ সোম আর ভাস্কর । বাইরে বিস্তীর্ণ মাঠের ওপর নামতে লাগল রাত্রি । দূরে কাছে ক্যাম্পের ঘরে ঘরে আলো জ্বলে উঠল । ভাস্কর তাকিয়ে দেখতে লাগল সীমান্তে তমসা-ঘেরা কালো পাহাড়ের ওপর কিলবিল করে নড়ছে একটা আলোর সরীসৃপ ; তিনধারিয়া লুপ ঘুরে ঘুরে দার্জিলিংয়ের ট্রেন নামছে ওখানে । ঝাঁঝের ঐকতান আসছে । ঢাকা ক্যাম্পের দিক থেকে হঠাৎ শোনা গেল টিন পেটানোর শব্দ । ওরই কাছাকাছি আখের ক্ষেত হয়েছে ; বোধ হয় বুনা গুয়ার পড়েছে সেখানে, তাই টিন বাজিয়ে তাড়ানো হচ্ছে তাকে । হিমাংগ সোমের টেবিলের ওপর একটা লঠন জেলে দিয়ে গেল একজন । এতক্ষণ পরে একটা বিড়ি ধরালো হিমাংগ সোম ।

—আমি তো কোনো কুলকিনারা দেখছি না ।

ভাস্কর চোখ তুলে ধরল নীরব জিজ্ঞাসায় ।

—আমার যা জমি ছিল, তা তো আমি বিলি করে দিয়েছি । এর মধ্যে আবার পঞ্চাশ ঘর রিফিউজি আমার ঘাড়ে এসে পড়েছে—আমি কী করে ব্যবস্থা করি বলো তো ? সমবায়-গোলা থেকে তাদের খাওয়াচ্ছি । তাও যা হোক চালিয়ে নেওয়া যেত, কিন্তু এই দেখো লেটেন্ট খবর ।—পকেট থেকে একখানা চিঠি বের করে টেবিলের ওপর ফেলে দিলে হিমাংগ সোম ।

—কী এ ?

বিড়িতে লম্বা একটা টান দিয়ে হিমাংগ সোম বললে, সরকারী বিল । ছত্রিশ হাজার টাকা ট্রাক্টর ভাড়া !

—ট্রাক্টর ভাড়া ! সে কী !

—নইলে বিদেশী ডিনারের খরচা উঠবে কোথা থেকে ! হিমাংগের মুখ বিকৃত হয়ে উঠল : অচ ও টাকার দুটো ট্রাক্টর-আমিই কিনে নিতে পারতাম । এই মাহুৎসলোক পেটের খোয়াক বেচে আমার দেনা শোধ করতে হবে ? স্ট্যাবিং ক্রম বিছাইও আর.

কাকে বলে !

চিঠিটার ওপর থেকে দৃষ্টি তুলে নিয়ে আবার বাইরের দিকে তাকালো ভাস্কর। কালো পাহাড়ের বুকে আলোর সরীসৃপটা চলেছে কিলবিলিয়ে। তিনধারিয়া লুপ ঘোরা বোধ হয় শেষ হল এতক্ষণে !

ঢাকা ক্যাম্পের দিক থেকে ক্যানেলদ্বারার আগুয়াজ আসছে। অশ্রুমনস্কভাবে সেটা স্তনতে স্তনতে হিমাংক সোম বললে, শোনোনি বুঝি, কাল রাতে জোতদারের লোকেরা গাইবান্ধা ক্যাম্পে আগুন দিতে চেয়েছিল !

—তাই নাকি !

—ওরা টের পেয়ে তাড়া দিতে পাটকাঠির জলন্ত মশাল ফেলে পালিয়ে গেল। কী শয়তান লোক সব ! আরে বাপু, তোমাদের জংলা জমি তো চিরকাল পতিত হয়েই ছিল। কিছুই জিশন করে নিয়ে এরা ফসল ফলিয়েছে, তাতে এত হিংসে কেন ! তোমরা তো কোনোদিন ওই বাবলা আর শনবনকে ভেঙেচুরে একমুঠো কলাইও বুনতে না ! যত সব—

ক্রুদ্ধ হিমাংক সোম বিড়িটাকে হিংস্রভাবে ছুঁড়ে দিলে অন্ধকারের মধ্যে।

ভাস্কর একটু হাসল।

—যতীনবাবু আর অম্বকুলবাবুই তো এদিকের জোতদার না ? স্তনেছি তাঁরা সব কংগ্রেসের পাণ্ডা—

—কংগ্রেসের পাণ্ডা না আরো কিছু ! কংগ্রেসের পাণ্ডা তো আমিও। খড়িবাড়ের দল সব। এখান থেকে ক্যাম্প ওঠাবার অন্তে পাহাড়ীদের মধ্যে ছড়াচ্ছে ‘ভাটিয়া’*বিদ্বেষ। লোক্যাল পিপুলদের বলছে বিদেশী বাঙালেরা এলে তোমাদের জমি কেড়ে নিচ্ছে, কেড়ে নিচ্ছে মুখের গ্রাস। অতএব তাড়াও ওদের। অথচ এই সব কংগ্রেসী পাণ্ডাদের বলিতে ভুলেই এরা বাংলা বিভাগ মেনে নিয়েছিল !—সীমাহীন তিক্ততায় হিমাংক সোমের কণাগুলি বিবিসন্দুর মতো ঝরে পড়তে লাগল।

—আসল ভয় তা নয়—ভাস্কর হাসল : হাজার হাজার বিঘে জমিতে এই যে আল নেই, এতগুলো মাছুষ এই যে এক গারে খেটে এক খামারে ধান তুলছে, ভয়টা সেইখানে কিনা ! দেশের সব লোক যদি কুশিকাটা নিয়ে বসে, তাহলে ওদের ভবিষ্যৎ কী তা যতীনবাবু আর অম্বকুলবাবু ভালোই জানেন।

—সোশ্যালিজম নাকি ?—হিমাংক সোম সঙ্কট কণ্ঠে বলল।

—তাই দাঁড়ায় বটে।—ভাস্কর শাস্ত গলায় বলল, প্রপার্টি ইনস্টিটিউটাই যদি গেল,

* দার্জিলিং ফুটান ইত্যাদি অঞ্চলে সমতলবাসী মাদ্রকেই ‘ভাটিয়া’ বলা হয়ে থাকে।

তা হলে প্রাণটি ওয়ালান্ধে আর ভরসা কোথায় ! তারা কি বেশিক্ষণ টিকতে পারবে !
শুনলেন না, সেদিন এক অফিসার বক্তৃতা দিয়ে গেলেন—এভাবে টানা জমি কেলে রাখবেন
না ! পাঁচ একর করে আলাদা আলাদা ভাগ করে দিন !

—তা হলে তো ট্রাক্টর চলবে না । হাল-বলদের খরচা দেবে কে ?

—কেন, যতীনবাবুরা ?—ডাক্তার তেমনি হাসল : তারপর যতীনবাবুদের সঙ্গে আধি-
চাষের ব্যবস্থা । তারও পরে দেনা শোধ করতে না পেরে আস্তে আস্তে যতীনবাবু অল্পকূল-
বাবুর ক্ষেতমজুর হয়ে যাবে । মরা মাঠ কসলের ক্ষেত হয়ে চারগুণ লাভে মালিকের
কাছে ফিরে যাবে আর সেই সঙ্গে পাওয়া যাবে বিনা পরসায় একদল মজুর । চমৎকার
ব্যবস্থা নয় ?

—ঘটে !—টেবিলের ওপর প্রচণ্ড একটা কিল বসালো হিম্মাংত সোম : বুকের রক্ত-
দিয়ে এরা খাশানকে করলে সোনার খনি আর সে জমি যাবে ওই হাঙরদের পেটে !

—তাই তো নিয়ম !—নিজের বিশৃঙ্খল চুলগুলোর ওপর একবার আঙুল বুগিয়ে নিয়ে
ডাক্তার বলল, আর যতীনবাবুদের স্বার্থ না দেখলেই বা চলবে কেন ! ওঁরাই তো পরের
ইলেকশানে ভোট দিয়ে কের গদিতে পাঠাবেন !

—হঁ !—হিম্মাংত সোম চূপ করে রইল । নিরীহ ব্রহ্মচারী মাহুঘটির চিন্তাজগতে যেন
বিপর্দয় কাণ্ড ঘটে যাচ্ছে একটার পর একটা । সারাজীবন কাটিয়েছে রিলিফ ওয়ার্কে—
নিবিচারে শ্রদ্ধা করেছে কংগ্রেস থেকে কঠোপনিষদ্ পর্যন্ত পৃথিবীর যা কিছু গুরুত্বার
বস্তুকে । কিন্তু আজ যেন মন কোথাও আর থই পাচ্ছে না । এত দিনের পরিচ্ছন্ন মনের
আগুনটা হঠাৎ যেন ঝাপসা হয়ে যাচ্ছে । একথানা কালো স্লেটের ওপর কে যেন এঁকে
যাচ্ছে কতগুলি হিজিবিজি রেখা । একরাশ ধমধমে মেঘে অন্ধকার হয়ে উঠেছে চিন্তার
আকাশটা ।

—কী ভাবছেন ?—ডাক্তার জানতে চাইল ।

—কী আর ভাবব ?—একটা দীর্ঘনিশ্বাস মোচন করল হিম্মাংত সোম : এখন তাবছি
পঞ্চাশ ঘর মাহুঘকে নিয়ে আমি কী করি । সমবায়ের ধান দিয়ে ওদের তো খাওয়ানো
যাবে না ।

—আপনার এরিয়ার বাইরেই তো লাভশো একর পতিত জমি ছড়িয়ে আছে । নিন না
ওগুলো রিকুইজিশন করিয়ে ।

—চেয়েছিলাম, দেবে না ।

—দেবে না ? কেন ?

হিম্মাংত সোম বিষম হাসি হাসল : ওর মাকখানে যে দশ বিঘা ধানী জমি পড়েছে
যতীনবাবুর । তাই ওটা নিতে দেবে না ।

—তা বটে। তিনশো মাছের পেটের ক্ষিদের চাইতে যতীনবাবুর দশ বিঘের দাম অনেক বেশি—শাস্ত্র ব্যতীত আরে বললে ডাক্তার।

খানিকক্ষণ নিঃশব্দে ডাক্তারের মুখের দিকে তাকিয়ে রইল হিমাংগ সোম।

—আচ্ছা ডাক্তার ?

—বলুন দাদা।

—তুমি কি কমিউনিস্ট নাকি ?

ডাক্তার শিউরে উঠল : দোহাই দাদা, ওসব মারাত্মক বদনাম দেবেন না। বাতাসের ও কান আছে—শেষে কি বেঘোরে মারা পড়ব ? আমিও নিতান্তই বাস্তবহারা—আর কোন ডেফিনিশন আমার নেই।

—হঁ !—হিমাংগ সোম আর একটা বিড়ি ধরালো : যাই বলো, ওসব রাজনীতির মধ্যে আমি থাকব না। আমি সোশ্যাল ওয়ার্কার—কাজ বুঝি।

—কিন্তু সোশ্যালিজম না থাকলে কি সোশ্যাল ওয়ার্ক সম্ভব দাদা ?—বিনীত প্রশ্ন করল ডাক্তার।

—তর্ক কোরো না ডাক্তার—তর্ক আমার ভালো লাগে না—হিমাংগ সোম আবার নীরবতার মধ্যে তলিয়ে গেল। ডাক্তার দৃষ্টি মেলে দিলে দিগন্তের দিকে—ওমসাময় পাহাড়টার অভিমুখে। আলোর সরীসৃপটাকে আর দেখা যাচ্ছে না। কালো সীমান্তটা যেন কোনো উন্নত গ্রহবীর মতো উন্নত হয়ে দাঁড়িয়ে আছে নক্ষত্রপুঞ্জের তলায়।

—কী করবেন এর পর ?—নিরবতা ডাক্তারই ভাঙল।

—দেখি আরো দু-চারদিন। না পারি হাল ছেড়ে দেবো। এর চেয়ে আমার রায়কৃষ্ণ মিশনই ঢের ভালো।

টেবিলের ওপর আঁচড় কাটতে কাটতে ডাক্তার বলল, পালিয়ে যাবেন ?

—অগত্যা।

—রিহ্যাবিলিটেশন ?

—চুলোয় যাবে।

—এই জমিগুলো ?

জিহ্বাসাভরা গলার হিমাংগ সোম জবাব দিল : আবার বাবলা ঝোপ আর শন ঘাসের জঙ্গল গজাবে এখানে। বুনা শুয়ার দাঁতের আগার খুঁড়বে বাঘা ওলের গোড়া। বাজে পোড়া বট গাছটার কোটরে কোটরে বাসা বাঁধবে চন্দ্রবোড়া সাপ। শহরের বাবুরা জীপে করে মারতে আসবে হরিণ, সজার, থরগোল আর বন-মুরগী।

—আর মাছধরুলো ?

—বানের জলে শাঁওলার মতো ভেসে এগেছিল, ভেমানি করেই ভেসে চলে যাবে।

হাত-বড়িটার দিকে তাকিয়ে ডাক্তার বলল, রাত হল দাদা, উঠি। আমার আবার একবার নেত্রকোণা ক্যাম্পে যেতে হবে—একটা কেস টি-বি বলে সম্ভব হচ্ছে। কিন্তু একটা কথা। নতুন মাটিতে নতুন খানের খাদ যারা পেয়েছে, এত সহজেই তাদের হটানো যাবে তো?

—জানি না—হতাশ আর্ভস্বরে উত্তর দিলে হিমাংশু সোম।

টর্চের আলো ফেলে ডাক্তার বেরিয়ে গেলে স্তব্ধ হয়ে বসে রইল সে। গ্লোচের ওপরে একরাশ হিজিবিজি লেখা। মনের আকাশে ধমধমে মেঘের রাশি রাশি সমারোহ—তার কোনো রক্তপথে এতটুকু আলোও যেন গলে পড়ছে না। চিরজীবন শৃঙ্খলা মেনে এসেছে হিমাংশু সোম। স্বীকার করে এসেছে সংযমকে, নিয়মকে, বিধিবদ্ধ পথকে। কিন্তু আজ যেন কোথায় সব গোলমাল হয়ে যাচ্ছে। দুই আর দুইয়ে চারের অঙ্কে মিলতে পারছে না অবশ্রজ্জাবী যোগফল। পরিণাম চোখের সামনেই আসছে আসন্ন হয়ে। দু'দিন পরে জমি ভাগ হয়ে যাবে—স্বক হবে বিরোধ, আল ভাড়া, মারামারি, কৌজদারী। হালবলদ ভাড়া দিতে অসীম করুণায় এগিয়ে আসবেন যতীনবাবুর দল। যারা তখনো শেষ চেষ্টা করবে, তাদের ঘরের চালে জলবে পাটকাঠির মশাল। তারও পর—

তারও পর আর ভাবা যায় না। আর ভাববার শক্তি নেই হিমাংশু সোমের। বাঁধা সড়ক দিয়ে চলতে চলতে শোচনীয় মোহতত্ত্ব হয়েছে আজ। সে পথ গিয়ে শেষ হয়েছে যেন কোনো দুর্গম খাড়া পাহাড়ের চূড়ায়—যার নীচে অভলম্পর্শ অঙ্ককার ছাড়া আর কোনো কিছুই চিহ্ন নেই।

একটা ক্লাস্ত নিশ্বাস ফেলে আলস্তমস্ত শিথিল দেহটাকে টেনে উঠে দাঁড়ালো হিমাংশু সোম। আর সে পারে না। তার শক্তি নিঃশেষ হয়ে গেছে। মালটানা গাড়ির গোকুর মতো অনর্থক বোকা বয়ে বয়ে সে ক্লাস্ত—চরম পরিশ্রান্ত।

সোশ্যালিজম ছাড়া কি সোশ্যাল ওয়ার্ক হয় দাদা?—ডাক্তারের প্রশ্ন।

অঙ্ককারে যেন খর আলোকের তলোয়ার অলংকার একথানা। কিন্তু না—না। এতদিনের সংস্কার—এতকাল ধরে অর্জিত পুঞ্জ পুঞ্জ বিশ্বাসের সঙ্কর। না—না।

ঘরের বাইরে এসে অঙ্ককারে ভূতের মতো দাঁড়িয়ে রইল হিমাংশু সোম। সমস্ত ভাবনা মিশে গেছে ঝাঁঝের ঐকতানের সঙ্গে। আর ঢাকা ক্যাম্প থেকে সামনে ক্যানেক্তারার আওরাজ—আখের ক্ষেত থেকে বুনো গুয়ার তাড়াচ্ছে ওরা।

আকাশ-কাটানো কোলাহল। মাঠময় লঠনের আলো নাচছে। ট্রাক্টরের আওরাজ উঠছে ঘরঘর করে। স্বপ্ন দেখছে নাকি হিমাংশু সোম! এই গভীর রাত্রে কী কাণ্ড এসব!

বিছানা থেকে একলাফে বাইরে নেমে পড়ল সে।

ঘরঘর করে ট্রাক্টর চলছে। ঢাকা, নেত্রকোণা, বংপুর, পাবনা ক্যান্স থেকে দলে দলে মানুষ চলছে উত্তরের দিকে। সারা মাঠ জুড়ে লঠনের আলো নাচছে—জলছে মশালের আলো। পাগল হয়ে গেল নাকি লোকগুলো!

নিজেও প্রায় পাগলের মতোই শূন্নে প্রায় ছুঁড়ে দিলে হিমাংক সোম : কী এসব? একটা টর্চের আলো মুখে পড়ল। ডাক্তার।

অন্ধকারে ডাক্তারের হাসির হালকা শব্দ : আপনি ভাববেন না দাদা, তুয়ে পড়ুন।

—তার মানে?—ভীতকণ্ঠে বললে হিমাংক সোম।

—ওরা সেই সাতশো একর পতিত জমির দখল নিতে চলেছে দাদা। ট্রাক্টর নিয়ে রাতারাতি চাষ শুরু করবে—নিজেন্দ্রের ঘরের বেড়া ভেঙে ভোরের আগে পঞ্চাশ ঘর চালা তুলে দেবে।

—আর যতীনবাবুর জমি?—অবরুদ্ধ আওয়াজ বেলল হিমাংক সোমের।

—ট্রাক্টরের মুখে কি আর ও দু-দশ বিঘের চিহ্ন থাকবে?

—যদি জোতদারের লোকের সঙ্গে গোলমাল লাগে?

—ওদের হাতে লাঠি আছে, কাস্তে আছে। হাঙ্গরাও নিয়েছে কেউ কেউ। ভয় নেই দাদা, আর এক দফা সোনার ফসলের সূচনা হতে চলল।

—কিন্তু এর পর পুলিশ আসতে পারে, গুলি চলতে পারে—

—অনেক কিছুই পারে। কিন্তু ওরাও কম পারে না। নবাবের গাছে মাতাল হয়ে ওরা নেমে পড়েছে—পৃথিবীর কেউ ওদের ঠেকাতে পারবে না।

—আর আমি?—ডুবে যাওয়া মানুষের মতো শেষবার বলল হিমাংক সোম।

—আপনার কাজ আপনি শেষ করেছেন, এবার ওদের কাজ শুরু। আপনি যেখানে থেমেছেন, ওরা সেখান থেকেই সামনে পা বাড়িয়েছে। আপনি গিয়ে স্বচ্ছন্দে তুয়ে পড়তে পারেন—অন্ধকারে আবার ডাক্তারের মিষ্টি হাসির আওয়াজ ভেসে এল।

লঠনের আলো আর ট্রাক্টরের গর্জন সমানে এগিয়ে চলল উত্তরের তমসা-দিশস্তের দিকে।

জন্মভূমিশ্চ

—হামাদের ডাশ্ আছিল্ মহানন্দার উই ওপারত্। ক্যাত আছিল্, হাল-হালট্ আছিল্। ছোট কাম করি নাই হামরা কুনোদিন—হাঁকোর অন্ন অন্ন টান দিতে দিতে বললে রমক হাড়ী। বেশ লগবেই উদ্ধারণ করলে কথাটা।

রমন্ড কথাটা যে কিসের অপভ্রংশ বোঝা যায় না। রমন্ড হতে পারে, রামানন্ড হওয়াও অসম্ভব নয়। খুব বড় কথা নয় সেটা। কিন্তু সে বলে, দাখিলার চেক লিখবার সময় কিছুতেই হাড়ি নামে পরিচয় দিতে রাজী নয় সে। লিখতে হবে ভুঁইমালি।

না, ক্ষেতে-খামারে গাছের গোড়ায় জল দেওয়া মালী নয়। ভুঁইমালি—ভুঁইয়ের মালিক। হুকৈয় আর একটা টান দিয়ে ব্যাখ্যা করলে রমন্ড।

আমি বারান্দায় একটা চেয়ার টেনে নিয়ে বসে ছিলাম। শুধু ওর সঙ্গে গল্প করবার জগ্গেই নয়, আরো একটা নিগূঢ় উদ্দেশ্য ছিল। খড়ির জগ্গে মস্ত একটা গাছের গুঁড়ি কাড়তে দেওয়া হয়েছে ওকে। কিন্তু রমন্ডকে ভালো করেই চেনা আছে। কাজে ফাঁকি দেবার যম। হু'ধা কুড়ুল বসাতে না বসাতেই ক্ষিদে পায় ওর, জলপান চাই। আধঘণ্টা ধরে একখামা মুড়ি আর পাটালিগুড়ই চিবোলো বসে বসে। সে সব মিটতে না মিটতে তামাক। তারপর কায়রুশে উঠে কুড়ুলের আর একটা চোট দিতে-না-দিতেই বললে, বাপ!

—কী হল আবার?—বিরক্তভাবে আমি জানতে চাইলাম।

—বড় ধূপ, নাগোছে। 'অইদ' (রোদ) ক্যাতে চটি গেইছে—বাপ!

—একটা হাত কপালের ওপর আড়াল করে আকাশের দিকে তাকালো সে : ঢের ব্যালা হইছে।

এবার সত্যি সত্যিই আমার রাগ ধরে গেল।

—বেলা তো হবেই, তোর জগ্গে কি আর বসে থাকবে? নে নে, হাত চালা।

—চালাছি তো। বসি তো আর রহো নাই। মোর দুইটা হাত তো আর কল নহো

—ব্যাাজার মুখে রমন্ড জবাব দিলে।

আমি ক্ষেপে উঠে বললাম, এই ক'খানা খড়ি নামাতে হু'ধটা কাটলো তোর? হাত আর চালাচ্ছিস কোথায়, খালি তো গল্প আর হুকৈই চলছে দেখতে পাচ্ছি। বেশ, মাস-মাইনের সময় দেখা যাবে।

—তুমি খালি হামার দোষই ধরোছেন—রমন্ডের স্বরে মর্মবেদনা প্রকাশ পেল। তার-পরেই হঠাৎ উত্তেজিত হয়ে ঝপ্, ঝপ্ করে ঘা-কতক কুড়ুল চালিয়ে গেল প্রাণপণ শক্তিতে। খড়ির কুচিগুলো একরাশ পাখির দাঙ্গা পালকের মতো ছিটকে ছিটকে পড়তে লাগল চিকচিকে রোদে।

আমি আর কথা বললাম না, রমন্ডও জবাব দিলে না কিছু। একটা সিগারেট ধরিয়ে, তাকিয়ে তাকিয়ে দেখতে লাগলাম ওর কাঠচ্যালা। সত্যিই কড়া রোদ উঠেছে। 'বরিন্দে'র এই টিলামাটির দেশে এমনিই বর্ষা নামে দেয়িতে—এ বছর আরো দেয়ি হচ্ছে। শূঁধটা যেন একটা অভিকার অভসী-কাচ হয়ে দশগুণ জীৱ করে রোদ ছুঁড়ে দিচ্ছে মাটিতে,

সর্বস্বল কাটাগাছের গোড়াগুলো পর্যন্ত জলে যাচ্ছে সে তাপে। পাশের ধানী মাঠটায় কবে একটা লাঙল পড়েছিল, কিন্তু বর্ষার অভাবে বীজধান রোয়া হয়নি আর। নীরস মাটির চাড়াগুলো মাঠভরা হুড়ির বাশির মতো ছড়িয়ে পড়ে আছে। দূরের লোকাল বোর্ডের রাস্তার ওপর ঘুরে যাচ্ছে ঘূর্ণি—যেন কোনো একটা বিশাল চিতা থেকে উঠে-আসা ঘোঁয়ার কুণ্ডলী ছুটে পালিয়ে যাচ্ছে ক্যাপা বাতাসের তাড়া খেয়ে।

কড়া রোদ—ক্ষুরের ধারের মতো রোদ। এরই ভেতরে ঠায় দাঁড়িয়ে কাঠচালা করছে রমন্ড। সারা গা দিয়ে ঘাম পড়ছে দরদর করে। ঘাড়ে-গলায়-পিঠে চিকচিক করছে কী কতগুলো সাদা গুঁড়ো—যেন পাউডারের ছোপ লাগিয়েছে। কিন্তু পাউডার নয়। এ দেশের খাটিয়ে-মাছঘণ্ডলোর গায়ে অমনিই জড়ো হয়ে ওঠে ওগুলি—রক্ত-জল-করা ঘাম শুকিয়ে গিয়ে ফুটে ওঠে লবণের কণা।

বারান্দার ঠাণ্ডা ছায়ায় বসে সিগারেট খেতে খেতে আমার কেমন করুণা হল।

—আয় রমন্ড, একটু জিরিয়ে নে—

রমন্ড কুড়ুল খামিয়ে বাঁ হাতের উল্টো পিঠে কপালটা মুছে নিলে একবার। তারপর আমার দিকে না তাকিয়েই ভারী মুখে বলল, খাউক। হামরা ছোটলোক—হামাদের জিরাবার দরকার হয় না।

বুঝলাম অভিমান হয়েছে ভূঁইয়ালি রমন্ডের। হেসে বললাম, কুড়ুল তো ফসকাচ্ছে বার বার, একচিলতে কাঠ নামছে না। তার চাইতে আয়, মাথা ঠাণ্ডা করে নে।—একটা সিগারেট এগিয়ে দিলাম সামনের দিকে।

সিগারেট দেখে রমন্ডের চোখ চকচক করে উঠল।

—হামরা খাটিই মরি—বাঁধুঘরের মন পাই না—কুড়ুল নামাল রমন্ড। কোমরের গামছাটা খুলে মুছে নিলে সারা শরীরের ঘাম। এসে বসল আমার চেয়ারটার পাশে উবু হয়ে, হাত বাড়িয়ে নিলে সিগারেটটা।

কয়েক মুহূর্ত চুপ করে রইল। তখনো ওর বুকের ভেতর হাপর ওঠা-নামার মতো ক্লান্ত নিশ্বাসের শব্দ পাচ্ছি আমি। অবসন্ন দৃষ্টিতে সামনের জলন্ত মাঠটার দিকে তাকিয়ে রইল কিছুক্ষণ।

—‘অইদ’ কী, বাপ! য্যান্ শুধি খাচ্ছে মাটিটাক্।

আমি লংক্ষেপে বললাম, হুঁ।

সিগারেটে চৌ করে একটা ছাঁকোর টান দিয়ে রমন্ড বললে, চাবার বরাতে দুঃখ আছে ইবার।

—কেন ?

—ক্যানে ?—রমন্ড আমার দিকে তাকালো; ঘেরিতে পানি হইলে ধান উঠিবে

দেখিতে । ইদিকে বিলত্ খাকি পানি আসি ধানত্ হাজা নাগাই দিবে !

কথাটা ঠিক । আকাশে মেঘ না থাকলেও বিলে কোথা থেকে সাদা জলের জোয়ার এসে পড়ে কে জানে । ধান বড় হয়ে ওঠার আগেই যদি বিলে জল বেড়ে যায় তা হলে ফসলের অবধারিত সর্বনাশ ।

আমি চিন্তিত মুখে মাথা নাড়লাম ।

রমন্ড আস্তে আস্তে বললে, হামার ছাশ অ্যামন নহো ।

বুঝলাম, আগেকার কথাটার জের টানছে । মনে পড়ে গেছে মহানন্দার ওপারেওর সেই আদি-জন্মভূমির কথা—যেখানে ক্ষেত ছিল ওর, ছিল হাল-হালট । যেখানকার লোকে ওকে জন-মজুর রমন্ড হাড়ি বলত না, গলার স্বরে সন্মম মিশিয়ে বলত, কিবুযক্ রমন্ড ভুইমালি ।

আমি কৌতুহলী হয়ে উঠলাম ।

—কি রকম দেশ তোমার ?

—সে সোনার ছাশ । এমন ‘অইদে’-পোড়া মরা মাটি নাই সেইঠে । অঢেল্ বর্ষা, অঢেল্ পানি, অঢেল্ ধান । ক্যাতে আমগাছ, আর—রোদের দিকে তাকিয়ে বললে, ক্যাতে যে ছায়া সিটা আর তোমাক্ কী কহিব বাবু !

—খুব চমৎকার দেশ তো ।—বাইরের উগ্র-প্রখর রোদের জ্বালাটা চোখে লাগছে, এই ছায়ার নিচে বসেও পাচ্ছি পোড়ামাটির তপ্তশ্বাস । রমন্ডের কথার স্বরে সেই অদেখা ছায়া-ঘন দেশটা যেন আমারও মনে স্বপ্ন জাগিয়ে তুলল ।

—হাঁ, খুব চমৎকার ।

—লোকের অবস্থা কেমন ?

—কহিলে কি বিশ্বাস করিবেন ?—আমার দিকে আগ্রহ-উজ্জ্বল চোখে তাকালো রমন্ডঃ সিটা তনিলে আপনার মনত্ জাগিবে কি বুটা গল্প কহোছি । কাহারো সেইঠে কুনো অভাব নাই । থাছে, দাছে, ঘুমাছে ।

—জমিদার খাজনা নেয় না ?—মহানন্দার ওপারে সে অপরূপ দেশটা আমার ঐশ্বর্য্য তীব্রতর করে তুলল । যেন আশ্চর্য্ রমন্ডর একটা সমৃদ্ধ গ্রামের ছবি দেখতে পাচ্ছি চোখের সামনে । তার ছায়া ঘেরা পথ, তার অরূপণ বর্ষণের প্রত্যাশাবাহী মেঘমেজুর আকাশ, তার গায়ে সবুজ ঘন ঘাস, লক্ষীর বাঁপি উজাড় করা ধানের-সন্টার আর স্থবী-স্বচ্ছন্দ প্রজাদের জীবনের কল্পনা আমার মনে রূপকথার মতো সঞ্চারিত হতে লাগল ।

আবার জিজ্ঞাসা করলাম, খাজনা নেয় না জমিদার ?

—সি আর লিবে না কেন ! খাজনা না লিলে ক্যামন করি বা চলিবে জমিদারের ? তবে, জোর জুলুম কিছু নাই । ইখানকার-সাহদের মতন কথার কথার সাটিকিফেট করি

প্রজাক উৎখাত করি দেয় না—গবিত স্বরে বললে রমন্ড।

—তবে কেন এলি সে দেশ ছেড়ে?—আমি বিন্মিত হয়ে জানতে চাইলাম।

মহুর্তের অঙ্গে চুপ করে গেল। বিবল চোখ দুটো মেলে ধরল পোড়া হুড়ির মতো মাটির চাঙাড় ছড়ানো মরা মাঠের শূন্যতায়।

—সি দুঃখের কথা আর কহেন না।

—কী হয়েছিল?

রমন্ড যেন বিব্রত বোধ করল। উঠে দাঁড়িয়ে বললে, না বাবু, গল্প করিলে হামার চলিবে না। তাতের কামটা ঝটপট জাষ করি ফেলিবা নাগে।

কুড়ুল নিয়ে নেমে পড়ল। প্রচণ্ড বেগে কোপ বেড়ে চলল কাঠটার গায়ে—রোদে কুচি কুচি পাখির পালকের মতো উড়ে উড়ে ছিটকে যেতে লাগল কাঠের টুকরোগুলো।

আর রোজ-ঝলসিত ‘বরিন্দে’র মাঠের দিকে তাকিয়ে তাকিয়ে আমি ভাবতে লাগলাম মহানন্দার ওপারে সেই গ্রামটার কথা। ছায়া আর সবুজ—আর আকাশে বর্ষার মেহুর মেঘোৎসব। চিতার ধোয়ার মতো ঘূনি হাওয়ায় সে দেশটা যেন মরীচিকা ঐঁকে দিতে লাগল দৃষ্টির সম্মুখে।

রমন্ড নতুন এসেছে এই গ্রামে। মাত্র দিন দশেক আগে।

যেদিন এল, সেদিন ফুটফুটে জ্যোৎস্নার রাত। বাড়ির বাইরে পুকুরঘাটের ধারে বসে গল্প করছি আমরা। হঠাৎ সেই জ্যোৎস্নার মধ্যে অপরিচিত একটা ছায়া এসে ছড়িয়ে পড়ল।

তাকিয়ে দেখি, বৈটে খাটো একটা লোক। খালি গায়ের কুচকুচে কালো রঙে জ্যোৎস্না প্রতিফলিত হচ্ছে। ভীকুর মতো এসে দাঁড়িয়েছে—কোনো কথা বলতে পারছে না। রাত আরেকটু বেশি হলে চোর বলে সন্দেহ করা যেত স্বচ্ছন্দে।

—কী চাই?—চমকে উঠে আমি জিজ্ঞাসা করলাম।

ভীকু গলাতেই লোকটা বললে, নোকর রাখিবেন?

—নোকর? কোথেকে আসছিল তুই—কোন গ্রামের?

—হামাদের দেশ—একটা ঢোক গিলল লোকটা : উই উ পার—মহানন্দার ধারত্।

—কী জাত?

—হাড়ি আইজা। রমন্ড ভুঁইয়ালি হামার নাম।

শিশিমা বললেন, হাড়ি? তবে তো চলবে না বাপু। জলটল ছুঁতে পারবি না, কী হবে অমন চাকর দিয়ে?

প্রায় কৈঁদে ফেলল লোকটা : আইজা, না খাই মরি যাইলছি।

আমার করুণা হল।

বললাম, থাক না পিসিমা। বাইরের জন-মজুরের কাজ করতেও তো লোক লাগে একটা। আজকাল তো রাজবংশী আর সাঁওতালগুলোর ল্যাঙ্গ মোটা হয়ে গেছে, পয়সা দিয়েও পাওয়া যায় না দরকারের সময়। থাকলে বরং কিছু শাস্ত্র হবে কাজের।

পিসিমা ঠোট উলটে বললেন, যা ভালো বোঝো বাপু, করো তোমরা। শুধু দেখো, চোর-ছ্যাচোড় না হয়।

—কিরে, চুরি-টুরি করবি নাকি ?

লোকটা এবারে লাঠাড়ে পড়ে গেল আমার পায়ের কাছে। আমি হাঁ-হাঁ করে ওঠবার আগেই একটা পা চেপে ধরলে আমার। দেখলাম চোখ দিয়ে তার জল পড়ছে।

—হামরা গরীব হ'বা পারি, কিন্তু অধম্ম করিবার মানুষ নহো বাবু—

অতএব রমন্ড বাহাল হয়ে গেল। নিজের দায়িত্বেই আমি রেখে দিলাম ঠেকে। শুধু পিসিমা মুখ বিকৃত করে বললেন, আমার কেমন ভালো ঠেকছে না বাপু।

কিন্তু পিসিমার সন্দেহ যে অমূলক, এ কয়দিনে নিঃসন্দেহ প্রমাণ মিলে গেছে তার। কাজে-কর্মে একটু চিলে, সময়-ব্যয়োগ পেলে ফাঁকি দিতে চেষ্টাও করে, কিন্তু এমনিতে লোকটা অত্যন্ত খাটি। ইচ্ছে করেই হাতে পয়সা-কড়ি দিয়েছি, অসতর্ক হয়েছি চেষ্টা করে, কিন্তু পাই-পয়সার হিসেব অবধি মিলিয়ে দিয়েছে রমন্ড। একটা টাকা বাইরে ফেলে রেখে-ছিলাম, মনে করেছিলাম ঠিক ট্যাঁকে গুঁজে নেবে। কিন্তু যথাসময়ে এসে আমাকে ফিরিয়ে দিয়েছে, বলেছে, ইটা ওইঠে কুড়াই পাইছ বাবু—

এখন বাড়িতে তার আসন পাকা হয়ে গেছে। বলা বাহুল্য, খানিকটা আত্মপ্রসাদ বোধ করি আমি। বাড়ির লোকের কাছে সর্বদা ঘোষণা করি : মানুষ চিনতে আমার ভুল হয় না।

প্রথম দিন কয়েক চুপচাপ থাকত রমন্ড। কেমন ভীক-ভীক শব্দিত চোখ মেলে তাকাতো এদিক ওদিকে। কথাবার্তার উত্তর দিত না, মাঝে মাঝে ঝিম ঘেরে বসে থাকত। ডাক দিলে হঠাৎ কেমন যেন চমক খেয়ে উঠত : আইজ্ঞা ?

চাবার ছেলে, ভজলোকের বাড়িতে কাজ করতে এসেছে এই প্রথম। তাই এরকম নার্ভাসনেস।

তারপরে আত্মস্থ হয়ে উঠল ক্রমশ—আন্তে আন্তে মুখ খুলল তার।

বাড়ির আর কারো কাছে আমল পায় না। বাবার তো প্রসন্নই ওঠে না—কেত-খামার জোত-জমার হিসেব নিয়ে তাঁর নিশ্বাস ফেলবার সময় নেই—তাকে দেখলে আতঙ্কে তটস্থ হয়ে যায় রমন্ড। মা তো দেখলেই করমাস করবেন, যা গোন্ধগুলো দেখে, পালাংয়ের ক্ষেতে একটু জল দে। আর পিসিমা নাক উচিয়ে বলবেন, এই ছুঁলেনে ছুঁলেনে, ওটা আমার

রান্নার জল। ছেলেমেয়েদের সঙ্গেও সস্ত্রীতিটা ঘটে ওঠেনি বিশেষ, তারা ওকে ঠাট্টা করে ‘কেলে হাঁড়ি’ বলে।

তুখু বাঙতি লোক আছি আমি। এখানে থাকি না, থাকি কলকাতায়। কলেজের ছু’মাস লম্বা ছুটিতে কাটাতে এসেছি বিশ্রামের দিনগুলো। ছ-একটা পরিচিত আড্ডা ছাড়া নিরবচ্ছিন্ন অবকাশ।

কাজেই আমার সঙ্গেই গল্পটা জমে ওঠে তার। সময় পেলেই আমার কাছে এসে বসে অন্তরঙ্গ হৃদয়ের মতো।

সেই গল্প। মহানন্দার ওই ওপারে সেই রূপকথার মতো দেশটার কাচিনী। বলতে বলতে ঘোর ঘোর হয়ে আসে ওর চোখের দৃষ্টি।

সন্ধ্যার পরে পুকুরঘাটটার ধারে বসি ছ’জনে।

—হামাদের ঘাশে অ্যাকবার আপনাকে লি যামু বাবু।

—বেশ।

—অটেল্ খান সেইঠে বাবু—অটেল্ চাইল। আমাদের ঘাশে কীরশালি চাইল হয়। যেমন তার মিঠা গন্ধ, তেমন ফুরফুরিয়া ভাত। ভাত চাপাইলেন কি আধা কোশ ‘ঘাটা’ (পথ) থাকি তার স্বাস পায় মানসিলা (মাছবগুলো)।—বলতে বলতে অঙ্ককারে নক্ষত্রের মতো চোখ দুটো জলে ওঠে রমন্দের : সে চাইলের ভাত একবার খাইলে আর কোনো ভাতে তুমার মন নি উঠবে বাবু।

গাছপালার ওপার থেকে ভাঙা চাঁদ ওঠে, বিবর্ণ হাসির মতো পাণ্ডু জ্যোৎস্না পুকুরের জলে দোল খায়। পুকুর থেকে পানা আর কলমীশাকের ভিজ ভিজ গন্ধ উঠে আসে। কীরশালি ভাতের গন্ধ পাই আমি সেই সঙ্গে—দেখি চওড়া চওড়া কলার পাতার ওপর ঝুরঝুর করে মল্লিকা ফুলের মতো ভাত ঝরে পড়ছে। মনে মনে সেই পাতাটির সামনে বসিয়ে নিই নিজেকে।

আবিষ্ট স্বরে রমন্ড বলে, আর আমাদের মহানন্দার চিথল (চিতল)।

—খুব বড় বুঝি ?

—না দেখিলে কি বিশ্বাস হবে! দশ স্ত্রার, পন্দরো স্ত্রার তো হামেশাই জালে পড়োছে। কের দামে ক্যাতে স্ববিস্তা (স্ববিধে)! মাইনসেও খায় খুব। কীরশালি চাইলের ভাত আর চিথলের পেটি। সে হামাদের সোনার ঘাশ বাবু।

সোনার দেশই বটে। আমাদের গ্রামের সঙ্গে অদৃশ্য তুলনাবোধ জাগে আমার মনে, কীর্ষা বোধ করতে থাকি। সত্যিই ভালো চাল হয় না এদেশে, যেমন লাল, তেমনি মোটা-মোটা। আর মাছও তেমন পাওয়া যায় না। ছেলেবেলায় তবু কিছু কিছু দেখেছি, ছোট-খাটো সরপুঁটিগুলো পর্বন্ত অগ্নিমূল্য আজকাল।

একটা দীর্ঘশ্বাস ফেলে বলি, তোদের দেশে একবার যেতে হবে রমন্ড। দিনকতক
থেয়েদেয়ে শরীরটাকে ভালো করে আসতে হবে।

—যিবেন বাবু।

হাসি। ভালো করে তাকাই ওর দিকে।

—কোথায় থাকতে দিবি?

—ক্যানে, হামার বাড়িত্।

—জায়গা হবে?

—হবে না?—পাছু জ্যোৎস্নায় তেমনি নক্ষত্রের মতো জলে ওঠে রমন্ডের চোখ :
চাইরখানা ঘর হামার বাড়িত্। নতুন ঘরের ছাউনি। গত সন শালের খুঁটি দিহু—
একদম পাকা ঘরের মতন হইছে।

—তবে তোরা দম্বরমতো বড়লোক রে?

—উটা কহি আর ক্যানে লাজ দেছেন?—তো ই্যা—গাঁয়ের মাইনুসেরা সবজন্য মানী
মাতব্বর কহি মানে হামাদের। হামাদের দশ বিঘা জমিত্, ক্ষীরশালি ধান উঠে বাবু।

—এতই যদি সুখের অবস্থা, তা হলে সব ফেলে এখানে মজুরি খেটে মরতে এলি কেন
রে? কী দরকার ছিল?—পুরনো প্রশ্নটাই আবার জিজ্ঞাসা করি আমি।

আর পুরনো নিয়মেই সঙ্গে সঙ্গে দাঁড়িয়ে পড়ে রমন্ড। কোথাও কোনো সাড়াশব্দ
নেই, তবু সে উৎকর্ষ হয়ে ওঠে সহসা।

—পিসিমা ডাকোছে বা হামাক—হামি যাই—

একা পুকুরঘাটে বসে, তার কালো জলে মরা জ্যোৎস্নার দোলা দেখতে দেখতে ভাবি
ক্ষীরশালি ধানের ভাতের কথা—তার ক্ষীরের মতো মিষ্টি স্বাদ। কৃষ্ণাচতুর্থী রাত্রির মৃত
জ্ঞান আলোয় সেই ভাতের গন্ধভরা দেশ আমাকে ডাক দেয়, হাতছানি দেয় তার ছায়া-
কুঞ্জ। পরিস্কার দেখি শালের খুঁটি দেওয়া চার-চারখানি মাটির ঘর, নতুন খড়ের ছাউনি
দেওয়া তাতে। তার মেটে দাওয়ায় গ্রামের মেয়ের পরিচ্ছন্ন হাতে আঁকা পদ্মলতা, আঁকা
লক্ষ্মীর পদলেখা। বাংলার চাবীর স্বপ্ন-সাগর মন্বন-করা তার ঘেহনীড়। একটা দূর
আকাশের নক্ষত্রলোকের মতোই মনে হয়।

তবু সন্দেহ যায় না। এত থাকতেও এমন করে সে-দেশ ছেড়ে কেন চলে এল রমন্ড?
কী সে কারণ? অন্নপূর্ণার ভাঙার থেকে কেন বেরিয়ে এল এই খেচ্ছাবৃত দারিদ্র্যের
বোঝা নিয়ে!

তবে ভেবে যেন একটা সমাধান পেয়ে গেলাম আমি।

বাইরে রোদের তেজ মরে এসেছে। ছড়িয়ে পড়েছে রাঙা-বিকেল। সারাদিনের অজস্র

আগুনের জ্বালা নিবে যাওয়ার পর একরাশ রক্তাক্ত অঙ্গারের মতো ‘বরিন্দে’র টিলা-মাটির বড়। পাতা-ঝরা বাবলা গাছটার নিচে একটুকরো ছায়া আলগাভাবে জমে উঠেছে এতক্ষণে, জানলা দিয়ে ঝলকখানিক মিষ্টি বাতাস এসে আমাকে অভিনন্দন জানালো।

দিবানিত্রা আর বৈকালী চা-পান সেরে যখন বাইরে বেরিয়ে এলাম তখনো সেই কাঠের গুঁড়িটার ওপর অশ্রান্ত কুড়ুল চলছে রমন্দের। গাছটাকে মোটের ওপর কায়দা করে ফেলেছে এতক্ষণে। পড়ন্ত রাত্তি রোদে রমন্দের একন যেন উত্তপ্ত ব্রোঞ্জমূর্তির মতো মনে হচ্ছে একটা।

আমি মস্তুর গতিতে চেয়ারটায় এসে বসতে হাসল রমন্দের।

—ত্যাগেন বাবু, শ্রাঘ করি ফেলিছু কামটা।

—খুব ভালো করেছিস—আমি উৎসাহ দিলাম ওকে : নইলে পিসিমার বকুনিতে এতক্ষণ আস্ত থাকতিল না। থাক এখন, তামাক-টামাক থা।

পিসিমা ক্যানে যে হামাক দেখিবা পারে না—রমন্দের স্বরে বিষন্নতা ছড়িয়ে পড়ল। তারপর এগিয়ে এল আমার সামনে, হাত পেতে দিলে। লজ্জিত গলায় বললে, একটা সিরুকেট দেবেন হামাক ?

দিলাম সিগারেট। সঘণ্টে খরিয়ে নিয়ে আমার পাশে তেমনি উবু হয়ে বসল।

—বাপ, কী কাঠ,—য্যান্ লোহা! হাফ নাগাই দিলে হামার—রমন্দের কিছুক্ষণ বিষাক্ত দৃষ্টিতে চালাগুলোর দিকে তাকিয়ে রইল : হামার ছাশের কাঠ অ্যামন হয় না।

—তোর দেশের তো সবই আশ্চর্য—আমি সকৌতুকে বললাম, এমন হয় না তো কী রকম কাঠ হয় ?

—কহিলে নি বিশ্বাস করেন বাবু। লরম মাটির ছাশের লরম কাঠ—ই বরিন্দার পাখরিয়ী কাঠের মতন্ ন হয়। কোপ বসাইলুছেন তো কাটি যায় ভস্ ভস্ করি।

—যে দেশটা ভালো, তার সবই অপূর্ব—আমি মন্তব্য করলাম।

আমার ব্যঙ্গটা রমন্দের বৃক্সতে পারলে না, কিন্তু চোখ দুটো তার জলতেই লাগল।

—ঠিকই কহোছেন উঠা। অমন ছাশ আর হয় না। হামার নিজের ছাশ বলি কহোছি না। ছায়ায় ছায়া, পানিকে পানি, ধানকে ধান। ক্যাতে আরাম করি থাকে মাইনলি। থাছে, দাছে, গজীয়ার গান গাছে। কুনো জুলুম নাই জমিদারের—সোনার জমিদার।

ওর কথাগুলো এমন অগভীর খবর বয়ে আনে যে চট করে যেন বিশ্বাস করতে ইচ্ছা হয় না। একটা আশ্চর্য পরিপূর্ণতার দেশ, মনের ভেতর যেন কল্পনাকে রোমাঞ্চ-চঞ্চল করে তোলে। এমন হয়ে দাঁড়িয়েছে যে আমিও আজকাল মাঝে মাঝে চোখ বুজে ওর কীর-শালি ধানের স্বপ্ন দেখি।

কিন্তু যে কথাটা জিজ্ঞাসা করব তাবছাড়া, চট করে সেটা মনে পড়ে গেল।

—হ্যাঁ, তোর বউ নেই রমন্ড ?

রমন্ড চুপ করে রইল কয়েক মুহূর্ত, রইল মাথা নিচু করে। ওর কালো মুখে লজ্জার কোনো আভাস ছড়িয়ে পড়ল কিনা আমি দেখতে পেলাম না। জড়িত স্বরে রমন্ড বললো, হাঁ।

—কেমন বউ ?

রমন্ড চুপ করে রইল আবার। তারপর আস্তে আস্তে বললে, আপনি মুনব, কহিতে সরম নাগে।

—আরে তাতে কী ? পুরুষের লজ্জা করতে নেই—উৎসাহ দিলাম ওকে।

রমন্ড ঝিঝাঝি বলে, কহিলে হয়তো ভাবিবেন বেশি কহোছি। অমন মেইয়া তিন-খানা গাঁয়ে মিলে না। যেমন গড়ন-পিটন, তেমন কাজ-কাম। বাবুঘরের বৌ হইলে অক মানাইত।

রমন্ড চুপ করে রইল, আমিও আর জিজ্ঞাসা করলাম না। মেয়েটিকে স্পষ্ট দেখতে পাচ্ছি কল্পনায়। গোলগাল কালো একটি মেয়ে, লাংগো ঢলঢল মুখ—কাজলে আঁকার মতো ছুটি টানাটানা চোখ। পরিষ্কার নিকোনো দাগুয়ায় বসে নতুন কুলোয় ক্ষীরশালি ধানের চাল ঝাড়ছে।

অমন বৌ ঘরে রেখে কেন পালিয়ে এল রমন্ড—প্রশ্নটা আটকে গেল জিভের গোড়ায় এসেও। দেখলাম ডুবন্ত রোদ ওর মুখে এসে পড়ছে—যেন আগে থেকেই আমার প্রশ্নটা অজুমান করেই লজ্জায় রাঙা হয়ে গেছে ও।

কিন্তু সব প্রশ্নের উত্তর মিলল পরদিন।

ভোরের আলো ফোটবার আগেই বাড়ির বাইরে হাঁক দিলে পুলিশ। তটস্থ হয়ে বেরিয়ে এলাম। দেখি আবছায়া আলোর ভেতর একটা রিভলবার হাতে দাঁড়িয়ে সাত মাইল দূরের খানার দারোগা বিনয়বাবু।

—কী ব্যাপার মশাই—এমন হাঁকাহাঁকি কেন ?

—একটু বিরক্ত করলাম মশাই। কিছু মনে করবেন না। আপনাদের নতুন চাকরটিকে আমার দরকার।

—নতুন চাকর ?—রমন্ড ?—আমি আকাশ থেকে পড়লাম।

—রমন্ড নয়, বন্ধা ভুঁইমালি। ফেরারী আসামী।

—ফেরারী !—প্রায় আতঁনাদ করে উঠলাম আমি।

—হ্যাঁ—মার্ডারার—শাস্ত স্বরে বললেন বিনয়বাবু, যুহু হাসলেন।

সব মিথ্যে কথা। রমন্ড নয়, বন্ধা ভুঁইমালি।—চারজন কন্সটেবল আর এ. এম.

আই,-এর সঙ্গে দড়ি বেঁধে বন্ধাকে চালান করে দিয়ে বললেন ও বললেন বিনয়বাবু। বাবা চায়ের ব্যবস্থা করেছেন তাঁর জন্তে। জোতদার মাছুষ, পুলিশকে হাতে রাখেন সব সময়। মস্ত একটা আসামী ধরে ভারী পরিতুষ্ট হয়েছে দারোগার মন।

বিনয়বাবু বললেন, খুব বেঁচে গেছেন আপনারা। খুনে লোক—একদিন কী কলেঙ্কারি করে বসত যে কে জানে।

তারপর কাচিনীটা বলে গেলেন।

কীরশালি ধান নয়, মহানন্দা চোখেও দেখিনি। এই ‘বরিস্কের’ই এক গ্রামে ওর আস্তানা। সাতপুরুষ ধবে জোতদার মাখন সাহার জুতোর চাকর। সম্পত্তির মধ্যে ভাড়া ঘর একখানা, দুবেলা মাখনবাবুর ঘরে মোটা চালের ভাত, আর মাস-মাইনে গোনান্ডুন্তি তিন টাকা। একটা কানা আর হাবা মেয়েকে বিয়ে করবে বলে আগাম চেয়েছিল কিছু। মাখনবাবুর মেজাজ তখন ভালো ছিল না, দাঁত খিঁচিয়ে বলেছিলেন, হারামজাদা, আপনি শুতে ঠাই পায় না, শঙ্করাকে ডাকে! নিজের চাল-চুলোর বালাই নেই, আবার বিয়ে করবার সখ! রাখবি কোথায়, খাওয়াবি কী!

—সাংঘাতিক লোক মশাই, জাঁতে ভুঁইমালি তো। সেই রাজ্জেই হৈসোর এক কোপে মাখনবাবুর মাথা নামিয়ে বেটাচ্ছেলে হাওয়া। নির্ধাৎ ফাঁসি হয়ে যাবে, বুললেন?

চা এসে গেছে। বিনয়বাবু চায়ে চুমুক দিলেন।

কিন্তু মহানন্দার ওই ওপারে ছায়াঘেরা গ্রাম, কীরশালি ধান আর টুকটুকে বউয়ের সোনার দেশটা, সে কি নিতাস্তই মিথ্যে কথা? অথবা নিঃসম্বল ক্ষেতমজুরের চিরকালের স্বপ্নে-গড়া সেই সোনার দেশ একদিন পরম সত্য হয়ে দেখা দেবার প্রতীক্ষা করে আছে, ক্ষুধিত অভাগা মাছুষের চিরন্তন ‘সব পেয়েছির দেশ’?

শ্বেতকমল

স্টেশন থেকে ট্রেন অনেকখানি এগিয়ে এসেছে। তবুও ঘাড় ফিরিয়ে তাকিয়ে ছিল সিদ্ধার্থ। রেল লাইনের পাশের কল্মী-দামে ভরা জলা ছাড়িয়ে, সিজ-কাঁটায় ভরা চকচকে গোন্ধর হাড় ছড়ানো মরা মাঠখানা পেরিয়ে এখনো দূরের কলোনিটা দেখা যাচ্ছে। আর কলোনির একটুকরো মেটে ঘরের দাওয়ায় একটি শুভ্র বিন্দু স্থির হয়ে আছে—মা দাড়িয়ে।

কিন্তু বেশিক্ষণ দেখা গেল না। ধস্ ধস্ করে খানিকটা কালো ধোঁয়া ছাড়ল এঞ্জিনটা, তিন-চারটে কয়লার গুঁড়ো চোখে এসে পড়ল আগুনের ফুলকির মতো। কৌঁচায় চোখ রগড়ে আবার যখন ভালো করে তাকাতে পারল সিদ্ধার্থ, তখন লাইনের ধার দিয়ে

বিশৃঙ্খল বিবর্ণ জলন্ত হয়ে গেছে। মাকে আর দেখা গেল না।

আটটা পরজিশে গাড়ি 'ইন্' করবে কলকাতায়, কলেজে পৌঁছতে প্রায় নটা বাজবে। নীট খুঁজে নিতে প্রায় আধঘণ্টা। পরীক্ষা শুরু হওয়ার আগে সর্বসাকুল্যে সময় পাওয়া যাবে মিনিট চল্লিশেক।

আরো একটু আগে সেন্টারে পৌঁছতে পারলে ভালো হত। এই সময়টা নানা রকম 'সাজেশন' আসে—কখনো কখনো নাকি মোক্ষম লেগেও যায় সেগুলো। তা ছাড়া সেন্টেজেভিয়ার্সের কে যেন পেপার-সেটার বলে শোনা যাচ্ছে, ওখানকার ছেলেদের কাছ থেকে দুটো-একটা জিনিস হাওয়ায় উড়ে আসাও অসম্ভব নয়। একটু আগেভাগে গিয়ে পৌঁছতে পারলে এইসব নানারকম খবর মেলে—পড়ে তৈরীও করে নিতে পারা যায়।

কিন্তু এর আগে আর ভাতের জন্তে চাপ দেওয়া যায় না মাকে। তিন-চারদিন থেকে মার অল্প অল্প জ্বর—মাস কয়েক আগে থেকে যে ক্রমাগত কাশছিলেন, সেটা যেন এই ক'দিনে আরো বিশ্রীভাবে বেড়েছে। কলোনির দু-একজন বলছিলেন এক্স-রে করানোর কথা। মা হেসে বলেছিলেন, আচ্ছা, থোকা আগে পাস তো করুক, তারপরে ভাবা যাবে ওসব কথা।

থোকা আগে পাস করুক। তাই অপটু শরীর নিয়ে সেই কোন্ ভোররাতে উঠে মা রান্না করে দিয়েছেন। খেতে বসে সিদ্ধার্থ দেখল, বাটিতে একটা মাছের মুড়ো, ভাতের ভেতরে লালচে রঙের একটুখানি ঘি।

—এই মাছ, এই ঘি—কোথেকে এল মা ?

অস্থির মুখে মা নীরক্ত মেহের হাসি হাসলেন : কেন, বাজার থেকে।

—বাজার থেকে তো বুঝলাম। কিন্তু পয়সা পেলে কোথায় ?

মা সংক্ষেপে বললেন, অত কথায় তোর দরকার কী ? তুই খা এখন। গাড়ির তো বেশি দেরি নেই আর।

সিদ্ধার্থ হাত গুটিয়ে বসল : তার মানে তোমার সেই কাঁসার চুমকিটাও বন্ধক দিয়েছ ?

মা বিব্রত হয়ে উঠলেন : আজ পরীক্ষার দিন—সুভকাজে যাচ্ছি। কেন এসময়ে মিথ্যে হাঙ্গামা করছিস থোকা ? তাড়াতাড়ি খেয়ে নে।

রুদ্ধস্বরে সিদ্ধার্থ বললে, এ ভারি অজ্ঞায় মা ! আমার খেতে ইচ্ছে করছে না।

মা ক্রান্তভাবে ক্র-ভঙ্গি করলেন : অজ্ঞায় আবার কী ! পরীক্ষার দিন, একটু মাছ-ঘি না খেলে মাথাটা পরিষ্কার থাকবে কী করে ? বন্ধক দিয়েছি—বেশ করেছি। তুই পাস করে চাকরিটা পেয়ে গেলে বন্ধক ছাড়িয়ে আনতে কতক্ষণ ?

একটা নিশ্বাস ফেলে সিদ্ধার্থ চুপ করে গেল। তা বটে। পাস করে চাকরি পেলে আর কিছু ভাববার থাকবে না। আর বন্ধকের ব্যাপার নিয়ে কীই বা বলবার আছে তার।

পরীক্ষার ফী-এর টাকাটাও তো মার শেষ হারছড়া বাঁধা দিয়েই যোগাড় করতে হয়েছে। ঘি-মাছের জন্তে আর একটা কাঁসার চুম্বকি নয় গেলই বা। খড়্গপুরে দাদার কাছে টাকার জন্তে চিঠি লেখা হয়েছিল। কিন্তু ফায়ারম্যান দাদা কাঁচা কাঁচা অক্ষরে একথানা সংক্ষিপ্ত পোস্টকার্ডে জানিয়ে দিয়েছে, মাস-বরাদ্দ পঁচিশ টাকার ওপরে একটা পাইও দেওয়া তার পক্ষে সম্ভব নয়। দোষ নেই দাদার। ক্লাস ফাইভ পর্বস্তু বিজ্ঞে নিয়ে শেষ পর্বস্তু এই ফায়ারম্যানের চাকরিও যে সে পেয়েছে, এইটেই পরম ভাগ্য। আর কী-ই বা সে মাইনে পায়? তা ছাড়া রাত-দিন এজিনে করলা ঠেলার হাড়ভাঙা খাটুনির জন্তেই হয়তো দাদা আজকাল মদ ধরেছে। মাস ছয়েক আগে একদিন এজিন নিয়ে কলকাতায় এসেছিল—ঘণ্টা দুইয়েকের জন্তে দেখা করে গিয়েছিল মার সঙ্গে। কিন্তু সিদ্ধার্থ তখনি দেখেছিল দাদার চোখ লালচে, কথা জড়ানো, মুখে মদের গন্ধ।

তবু দাদা মাসে পঁচিশটা করে টাকা পাঠায় মাকে। যথেষ্টই পাঠায়। সংসার যদি না চলে, যদি পাঁচ-দশ টাকার ট্যাশন করে মুখে রক্ত তুলে সিদ্ধার্থকে কলেজে পড়তে হয়, যদি একটি একটি করে সব বস্তুক দিতে হয়—অসহায় ফায়ারম্যান দাদা কী করতে পারে সে জন্তে?

না—দাদার ওপর সিদ্ধার্থের কোনো অভিযোগ নেই। মার প্রশ্ন ওঠেই না—তার মুখে কোনোদিনই কারুর সম্বন্ধে এতটুকুও অভিযোগ শোনা যায়নি।

ঘিটা কেমন তেতো লাগল মুখে—মাছের যুড়োটার কোনো স্বাদ পাওয়া গেল না। শুধু মার ক্লান্ত হলদে রঙের মুখের দিকে তাকিয়ে একবার শুধু জিজ্ঞেস করতে ইচ্ছে করল : তোমার জন্তে কী আছে মা? তুমি কী খাবে?

কিন্তু জিজ্ঞেস করেই বা কী লাভ? কোনো জবাব পাওয়া যাবে না। এত দুর্দিন—এত অভাব গেল, চালের এত টানাটানি, অথচ একটি দিনও কি সে কথা বুঝতে দিচ্ছেয়েন মা? কলেজে যাওয়ার আগে নিয়মিত গরম ভাত সে পেয়েছে—রাতে ফিরে এসে দেখেছে, তার জন্তে ঠিক ছ'খানা কটি টাকা আছে ঘরের কোণায়। এ ক'দিন ধরে মা কী খেয়েছেন—কেন দিনের পর দিন এমন করে শুকিয়ে গেছেন, এ প্রশ্ন কোনোদিন তোলেনি সিদ্ধার্থ। লাহস হয়নি। পাস তাকে করতেই হবে। শুধু চাকরির জন্তে নয়—সিদ্ধার্থ জানে তার সঙ্গে মার অনেকখানি স্বপ্ন জড়িয়ে আছে। ইন্সুলে মাস্টারী করতেন বাবা—পরের ছেলের পেছনে দিনরাত এত বিজ্ঞা খরচ করতেন যে ঘরের ছেলের জন্তে শেষ পর্বস্তু উদ্ধৃত্ত থাকত না এতটুকুও। দাদা বয়ে গেল। তারপর বাবা মারা গেলেন কার্বাংকলে—হিন্দুস্থান-পাকিস্তান হল—উষাস্ত হয়ে ওরা এসে ঘর বাঁধল এই কলোনিতে।

বাবা বলতেন, শিক্কাটা অর্থকরী হলেই সর্বনাশ। চাকরি পাওয়ার জন্তে যারা পড়ে, তারা কি বাঁচবে হতে পারে কোনোদিন? জ্ঞানের শেষ কথা হল জ্ঞান। তা থেকে কতটা

লাভ, কতখানি ক্ষতি হবে—সে বিচার যারা করে, তারা ছাত্র নামের অযোগ্য।

অবশ্য, নিজের বাণীর মর্দাদা বাবা রেখেছেন, মরবার সময় একটা পরসাদ ছুইয়ে যাননি। তারপরে পার্টিশন। বাবার কথাগুলো মনে পড়লে সিদ্ধার্থের হেসে উঠতে ইচ্ছে করে, কেমন একটা অজ্ঞার আগ্রহ জাগে বাবাকে প্যারডি করতে।

কিন্তু মা'র তা নয়। বাবাকে তিনি চিরদিন বিশ্বাস করে এসেছেন, স্কুল-মাস্টার পণ্ডিত স্বামীর প্রতিটি কথাকে মেনে নিয়েছেন অভ্রান্ত বেদবাক্যের মতো। এখনো যখন কোনো কোনো দিন দাওয়ায় মাদুর পেতে বসে মা বাবার গল্প করেন, মরা মাঠটার ওপারে চাঁদ ওঠে, ঝিরি ঝিরি নিমপাতার ভেতর দিয়ে জ্যোৎস্না এসে মার মুখে পড়ে সেই তখন—তখন মা'র এই নিভস্ত নিশ্চিন্ত চোখ দুটোকে অভূত গভীর আর কালো বলে মনে হয়; মনে হয় মা'র কপালে শুচিতার অগ্নান স্তম্ভ চন্দনলেখা, তাঁর চারদিকে পূজার্থিনীর পবিত্রতার একটা জ্যোতির্বলয়, তাঁর দৃষ্টি ধ্যানের মধ্যে সমাহিত।

—বিচার মতো কি আর জিনিস আছে বাবা? বিচারই হল বেদ—বিধানই হল ব্রাহ্মণ।

বাবার কথার পুনরাবৃত্তি। তবু হঠাৎ সিদ্ধার্থের মনে হয়, কত নতুন—কত স্বতন্ত্র। বাবা শুধু আউড়ে গেছেন, বাঁধা অভ্যাসে কতগুলো মুখস্থ করা কথা বলে গেছেন; কিন্তু মা তো শুধু কতগুলো শব্দই উচ্চারণ করে চলেননি। বুকের একান্ত গভীরতা থেকে এরা উৎসারিত হচ্ছে, নিবিড় প্রত্যয়ে, অতলান্ত আবেগে।

কী যে হয়—মাকে যেন আর চিনতে পারা যায় না। অনেক দূরে—কত দূরে যে তিনি সরে গেছেন! তিনি মিলিয়ে যাচ্ছেন এই জ্যোৎস্নায়, হারিয়ে যাচ্ছেন একটা দীপ্তিময় শূন্যতায়। অকারণে কান্না পায় সিদ্ধার্থের। মা'র এই আলোকময় মূর্তির কাছে নিজেকে কত দীন—কত ইতর বলে মনে হয়।

—ইউ দেয়ার! ইয়েস—ইয়েস—আই মিন ইউ। আর ইউ ফিলিং ভেরি স্লিপি মাই ভিয়ার ইয়ং ম্যান?

সিদ্ধার্থ চমকে দাঁড়িয়ে ওঠে। অধ্যাপকের ব্যক্তত্বা দৃষ্টি তারই ওপর—যাতে ক্লাসের দেড়শো ছাত্রের চিনতে এতটুকু ভুল না হয়, সেজন্তে তর্জনী ও বাড়িয়ে দিয়েছেন তার দিকে।

একদল ছেলের নিষ্ঠুর তীব্র হাসির মধ্যে মাথা নিচু করে বসে পড়ে সিদ্ধার্থ। অধ্যাপক আরো দু-একটা কী সরস টিপ্সনী কাটেন, সামনের ছেলেদের উচ্ছ্বলিত হাসির ঢেউয়ে সেগুলো আর পেছনের বেক পর্বস্ত শোঁছয় না। ছেলেদের কোঁতুকক্ষিপ্ত দৃষ্টি যখন ঘুরে ঘুরে তার ওপর এসে পড়ে, তখন অস্বস্তি করা যায়, সে রসিকতাগুলো নিশ্চয় আরো বেশি মর্দদাতী। আত্মপ্রসাদে পরিতৃপ্ত মুখে অধ্যাপক আবার তাঁর একটানা বক্তৃতা শুরু করেন।

কিন্তু সব ছেলে হাসে না। মহাহুভূতিভরা বিবল চোখে সিদ্ধার্থের দিকে তাকায় তারাই—যাদের কলেজের পর টাশন করে রাত ন'টার ট্রেনে বাড়ি ফিরতে হয়, সাড়ে দশটায় পড়তে বসতে হয় ঘরে তেল থাকলে, রাত দুটোর সময় যাদের চোখের পাতা কে যেন আত্মরিক শক্তিতে টেনে ধরে এবং পরদিন সকালে ছটায় উঠে একটা টাশন সেরে আটটার ট্রেনের কথা ভাবতে হয়।

কখনো কখনো একটা ক্ষিপ্ততা বোধ করেছে সিদ্ধার্থ। কী অর্থ হয় এর—কী এর পরিণাম? সমস্ত দিন যেন শরীরের ওপর কেউ রোলার চালিয়ে যায়—মনে হয় বৃকের পাঁজরাগুলো ভেঙে গিয়ে স্থপিণ্ড-ফুসফুসের মধ্যে বিঁধে আছে কতগুলো তলোয়ারের ডগার মতো। সারা পৃথিবীর জ্ঞানের দরজা চোখের সামনে খুলে দিচ্ছেন অক্লান্ত বক্তা অধ্যাপকের দল : সাহিত্য, দর্শন, ইতিহাস। দুর্বল মস্তিষ্ক নিয়ে সেগুলো বুঝতে চেষ্টা করে সিদ্ধার্থ, তবু কিছুই বুঝতে পারা যায় না। এক-একটা শব্দ যেন গুলুতির গুলির মতো মাথার ভিতরে বিঁধতে থাকে—ঝকঝক কোটেশনগুলো চোখ দুটো ধাঁধিয়ে দিয়ে যায়। সমস্ত জ্ঞানগুলো বোধশক্তি হারাতে থাকে : কই, পথ তো খুঁজে পাওয়া যায় না কোথাও !

এক-একবার ইচ্ছে করে পালিয়ে যায় এখান থেকে—পালিয়ে যায় অনেক দূরে—যেখান থেকে কলেজের সাদা এই চারতলা বাড়িটার একটু আভাস মাত্র পাওয়া যায় না। দাদাই ঠিক করেছে। কালিমাথা ময়লা পোশাকে এঞ্জিনের গনুগনে আগুনে সে কয়লা ঠেলেছে, ওই এঞ্জিনটার একরশ লোহা-লকড়ের সঙ্গে তার সমস্ত অহুভূতিগুলো গেছে একাকার হয়ে। কোনো সাহিত্য, কোনো দর্শনের মরীচিকা তাকে যুদ্ধের জন্তেও উন্নত করে দেয় না !

অসহ—এ অসহ ! নাড়ী-হেঁড়া ক্ষুধার সামনে সাজানো খাবার, অথচ তুলে নিয়ে যুঁখে দেবার শক্তি নেই ! সাহিত্যের শ্রোত সামনে দিয়ে বয়ে চলেছে অমৃতধারায়, অথচ কাঁপা হাতের অঞ্জলিতে একটি বিন্দুও তুলে নিতে পারবে না সে !

কিন্তু—কিন্তু পরীক্ষা তাকে পাস করতেই হবে।

...চোখে এখনো কয়লার গুঁড়ো জ্বালা করছে—সিদ্ধার্থের মনে পড়ে গেল। একটা ছোট টেশনে গাড়ি থেমেছে। চকচকে স্ট্রাট পরা এক প্রৌঢ় ভদ্রলোক নামলেন গাড়ি থেকে। সঙ্গে জড়িপাড় সাদা শিঙের শাড়ি পরা যে মোটাসোটা গৌরাঙ্গী ভদ্রমহিলা চলেছেন, তিনি নিশ্চয় ঠাঁর স্ত্রী। চোখে সোনার নিউ-ম্যাউন্ট চশমা—সুখে পরিতৃপ্ত গোলাপী মুখ। মার রঙও তো ওইরকম ছিল—মার বয়েসও ঠাঁর চাইতে বেশি নয়।

কিন্তু—

গাড়ি ছাড়ল। সিদ্ধার্থ চোখ ফিরিয়ে নিলে। ঠাঁদেরও নিশ্চয় ছেলে আছে, তার বয়েসী ছেলে। কলকাতার কোনো বড় কলেজেই পড়ে, ঝকঝক নতুন টেক্সট বই, রেফারেন্স বই

—কোনো কিছুই অভাব নেই তার। সিদ্ধার্থ কল্পনার চোখে তার পড়ার ঘরটা দেখতে লাগল। তিনদিকে কাচের আলমারি আর শেল্ফে বই ঠাসা—চকচকে টেবিলে লেখার সরঞ্জাম, গদি-আটা চেয়ার, শ্বেতপাথরের একটি ছোট মূর্তি, নীল পর্দাটা উড়িয়ে থোলা জানালা দিয়ে আসছে দক্ষিণের হাওয়া। কলকাতার সেরা অধ্যাপকেরা তাকে পড়ান—স্কলারশিপ লিস্টে নিশ্চয় ওপরের দিকেই থাকবে তার নাম।

—চাই ভাল লজেন্স! বিলিতী লজেন্স! চুষতে চুষতে যান—তেষ্টার জলের কাঙ্গ দেবে। দরকার থাকলে চেয়ে নেবেন, দু'পয়সায় একটা, আনায় তিনটে—

পা-দানীতে হাঁটছে ছেলেটা। বছর সত্তেরো-আঠারো বয়স, চোখ দুটি বুদ্ধিতে উজ্জ্বল। গায়ে ছেঁড়া থাকী শার্ট, কাঁধে একটা রেশমের থলে।

—চাই ভালো লজেন্স—বিলিতী লজেন্স! আনায় তিনটে, দু-আনায় ছ'টা—

কথাবার্তায় পরিষ্কার বাঙালে টান, তারই মতো বাস্তবায়ন। হঠাৎ শিউরে উঠল সিদ্ধার্থ। এ দশা তারও তো হতে পারত, তাকেও তো এমনি করে ছাণ্ডেল ধরে ঝুলতে ঝুলতে ফিরি করতে হতে পারত ডেলি-প্যাসেঞ্জারের গাড়িতে। কে জানে—একদিন ইঞ্চুলে ওই ছেলেই ক্লাসের সেরা ছাত্র ছিল কিনা! আজ হয়তো নিছক বাঁচবার দায়ে বইগুলোকে পুরনো বইয়ের দোকানে বিক্রি করে দিয়ে এই পথই গুকে বেছে নিতে হয়েছে!

সে তুলনার কত ভালো আছে সিদ্ধার্থ—যত কষ্ট করেই হোক তবু তো কলেজের ক্লাসগুলো শেষ করে আনল। পরের বই ধার করে এনে—যে করে হোক একটা প্রিপারেশনও দাঁড় করিয়েছে। একবার পাস করে যেতে পারলে—অফুরন্ত আশা, অনন্ত সম্ভাবনা।

—তাই বটে! এম্প্রয়মেন্ট এক্সচেঞ্জের সামনে কিউটা দেখেছিস একবার?—অদ্ভুত তীক্ষ্ণ গলায় জিজ্ঞাসা করেছিল সলিল : অতগুলো মানুষের পেছনে কোথায় তোর জায়গা হবে সে কথা ভেবেছিস কখনো?

সলিলের কথা ভাবতেই শরীর কঁকড়ে এল সিদ্ধার্থের। নিকেলের ক্রেমের একজোড়া পুরু চশমার নিচে একান্ত স্নান অথচ অমন তীক্ষ্ণ দৃষ্টি সে আর কারো কখনো দেখেনি।

অনার্স পাওয়ার মতো ছেলে সলিল—অনার্স নিয়েও ছিল। কিন্তু রাখতে পারেনি। মানিকতলার কী বস্তিতে একখানা ঘরে থাকে ওরা বারোজন লোক। তার মধ্যে আবার ওর ছোট বোনটা রক্ত-আমাশয়ে ভুগছে চার মাস ধরে। শুধু বই নেই বলে নয়, তার ভেতর বসে অনার্স পড়ার ভাবনাটা দিবাস্বপ্ন ছাড়া কিছুই নয়।

বিকেল সাড়ে পাঁচটার পরে অধ্যাপকের মুখ থেকে শেলীর প্রেমের কবিতার ব্যাখ্যা শুনে ছ'জনে যখন বেরুল, তখন সন্ধ্যার ছায়া-নামা আমহান্ট স্ট্রীটকে আরো ধূসর—আরো

বিমর্ষ বলে মনে হচ্ছে। হু'জনে একসঙ্গে হাঁটছিল, হঠাৎ একটা চাপ। যন্ত্রণার আকৃতিতে চমকে উঠল সিদ্ধার্থ।

সলিলের পা টলছে। কোনোমতে একটুখানি সরে এসে পথের ধারের একটা ল্যাম্প-পোস্টকে সে আঁকড়ে ধরল। বেলাশেষের বিষন্ন আলোতেও সিদ্ধার্থ দেখতে পেল, যন্ত্রণার সলিলের সমস্ত মুখ নীল হয়ে গেছে।

—কী হল? কী হল সলিল?

সলিল জবাব দিলে না, ব্যাথায় বিবর্ণ মুখে ল্যাম্পপোস্টটাকে আরো শক্ত করে চেপে ধরল। ততক্ষণে তার চোখ দুটো বুজে এসেছে—হাত থেকে বইখাতাগুলো ঝর ঝর করে পড়ে গেল ফুটপাথের ওপরে।

—সলিল, কী হল তোর?—বইগুলো কুড়িয়ে নিয়ে সভয়ে জানতে চাইল সিদ্ধার্থ।

সলিল এবারে জোর করে একফালি বিকৃত হাসি ফোটাতে মুখের ওপর : ও কিছু না। একটু পরেই ঠিক হয়ে যাবে।

হঠাৎ একটা ভীত সন্দেহ মনের মধ্যে চাড়া দিয়ে উঠল।

—তুই আজ বোধ হয় কিছু খাসনি, তাই নয়?—আলাভরা তীক্ষ্ণ দৃষ্টিতে সিদ্ধার্থ সলিলকে লক্ষ্য করতে লাগল। সলিল চুপ করে রইল।

—কী খেয়েছিল সারাদিন?—বজ্রকণ্ঠে প্রশ্ন করলে আবার।

—চা এক কাপ—প্রায় অশুট গলায় সলিলের জবাব এল।

—রাঙ্কেল! এমনি করে বুঝি সুইসাইড করতে হয়? চলে আস আমার সঙ্গে—কঠিন মুষ্টিতে সলিলের হাত চেপে ধরল সিদ্ধার্থ। তারপর রাস্তা পার করে টেনে নিয়ে এল সামনের একটা রেস্টোরাঁয়।

রেস্টোরাঁটা কলেজের ছাত্রদেরই অসুগ্রহণ্য। সব সময়েই এখানে কিছু-না-কিছু ছাত্র জমে থাকে, এখনো ছিল। একটি টেবিলে চার-পাঁচজন ঘিরে বসেছে, সামনে চায়ের পেয়াদা, হাতে জলস্ত সিগারেট।

একজন বলছিল, এখন এখানে বসে আর কী হবে মাইরি? চল,—বেকনো যাক।

—সিনেমায় যাবি?—আর একজনের প্রস্তাব।

—না, না ভাই, আমি এখন বাড়ি ফিরব। দেরি করে গেলে বাবা আজকাল বড্ড রাগারাগি করেন। সামনে আবার টেস্ট আসছে তো।

—তুমি কেটে পড়ো না শুভ বয়, তোমাকে ঠেকাচ্ছে কে? এই—রিয়্যালি কোথায় যাবি বল তো? মধুবালা, না এন্স্‌থার উইলিয়ামস?

একটু সরে এদিকে দুটো চেয়ার টেনে নিলে সিদ্ধার্থ, প্রায় জোর করে একটাতে বসালো সলিলকে। তারপর ঈর্ষাভরা চোখে ওই ছেলেদের দিকে তাকিয়ে রইল। বেশ আছে ওরা,

—কত সহজ, কত নিরঙ্কুশ। ওদের বাড়িতে নিশ্চিন্ত আশ্রয় আছে, চারের দোকানে বসে সিগারেট খাওয়ার মতো অর্থসম্পত্তি আছে, যখন খুশি সিনেমায় যাওয়ার মতো উদ্বৃত্তও আছে পকেটে।

—কী খাবি সলিলকে জিজ্ঞাসা করলে সিদ্ধার্থ।

—কেন অনর্থক বাজে খরচ করবি?—সলিল শীর্ণ গলায় বললে, তোর অবস্থাও তো জানি। এক গ্রাস ঠাণ্ডা জল দিতে বল, তা হলেই হবে।

—থাম্ তুই—সিদ্ধার্থ বয়কে ডাকল : ছুটো অম্লেট করে নিয়ে এসো আগে।

সলিল মাথা তুলল—পূর্ণ দৃষ্টিতে তাকালো সিদ্ধার্থের দিকে। পুক চশমার আড়ালে প্রায় মুছে গেছে তার চোখ ছুটো : তুই মিথ্যেই এসব ভাবছিস। আমার অভ্যেস আছে—এ রকম আমার প্রায়ই হয়।

—প্রায়ই হয় বটে, কিন্তু বেশি দিন আর হবে না। একদিন রাস্তার ভেতরেই এমনি করে টেঁসে যাবি, সেটা বুঝতে পারছিস?

—গেলেই বা ক্ষতি কী?—সলিল টেবিলটার ওপর ঝাঁচড় কাটতে লাগল।

—অত ফিলসফি কপচাসনি—সিদ্ধার্থ বিরক্ত হয়ে উঠল : তোর মুখে ওসব ‘শেষের সেদিন ভরস্কর’ মানায় না। কিন্তু এমনিভাবে পরীক্ষায় পাস করে জগতে কোন্ অক্ষয় কীর্তিটা তুই রাখবি—স্বনতে পাই কি?

সলিল চুপ করে রইল। বাইরে আমহাস্ট্রীতে সন্ধ্যা আরো মান হয়ে আসছে। শেষ শরতের ভারী হাওয়ায় কয়লার ধোঁয়া জমাট বাঁধছে মাথার ওপর—রাস্তার ওপারের উপচে পড়া ভাস্কর্যবিনটা থেকে দুর্গন্ধের ঝলক উঠে এল একটা।

আরো দু’টি ছেলে এসে ঢুকল—গম্ভীর চেহারা। মুখ চেনা—কলেজে ওরা রাজনীতি করে। ছেলে দু’টি কোনো দিকে লক্ষ্য করলে না, এক কোণায় বসে একথানা খবরের কাগজ খুলে নিয়ে কী আলোচনা করে চলল বিখন্ড চাপা গলায়।

বড় দলটা তখন আরো সরব হয়ে উঠেছে। শৌ করে হাতের সিগারেটটার একটা লম্বা টান দিয়ে একজন মুখটাকে অদ্ভুত বিকৃত করে রিং করছে ধোঁয়া। আর একজন বলছে, ফোর্থ ইয়ারের ও মেয়েটা আমাদের পাড়াতেই থাকে। কিন্তু স্ক্র্যাঙ্কলি স্পীকিং—একেবারে আনঅ্যাপ্রোচেবল।

—আনঅ্যাপ্রোচেবল!—যে রিং করছিল, সে হঠাৎ উত্তেজিত হয়ে মশম্বে টেবিল চাপড়ালো : তুই একটা ইভিগট—মানে, দেয়ার আর ম্যাগটস ইন ইয়োর ত্রেন! আমি যদি হতাম—

একজন একটা শিস দিলে। রাজনীতি-করা ছেলে দু’টি একসঙ্গে মাথা তুলে স্থগাত্তরে তাকালো ওদের দিকে, চাপা মন্তব্য শোনা গেল : ক্রটস্!

বেয়ারা! ধূম্রিত অম্লেট এনে সামনে রাখল। সলিল বিব্রত হয়ে বললে, কেন এ সব আনাচ্ছিস? পয়লাই বা এত পেলি কোথায়?

—ট্যান্ডার একটা টাকা পেয়েছি আজ। যাক—খা তুই।

কিন্তু সলিল খেতে পারল না। চামচে করে একটুখানি ডিম মুখে তুলেই সে সশব্দে সেটা নামিয়ে রাখল। ছু'চোখে তার ঝর ঝর করে জল গড়িয়ে এসেছে।

—সলিল!

সলিল ছেলেমানুষের মতো ফুঁপিয়ে উঠল : মাপ করু ভাই—মাপ করু আমাকে। আমি খেতে পারব না। কিদে ভোলবার জন্তে কলেজে এসেছিলাম, কিন্তু বাড়িতেও আজ কেউ খায়নি।

রাজনীতি-করা ছাত্র দু'টি একসঙ্গে উঠে দাঁড়ালো : কী হল দাদা—কী হয়েছে?

ওদিকে তখন গান উঠছে : ও-লা-লা!—সঙ্গে সঙ্গে টকাটক তাল পড়ছে টেবিলে।...

...একটা তীক্ষ্ণ বাণীর আওয়াজ। খড়মড় করে উঠে দাঁড়ালো সিদ্ধার্থ। ট্রেন ইন্ করছে শিয়ালদা নর্থ স্টেশনে। প্র্যাটকর্মের বড় ঘড়িতে আটটা ছত্রিশ।

পকেটে রেজিস্ট্রেশন নম্বর আর অ্যাডমিট কার্ড ঠিক আছে কিনা দেখে নিয়ে সিদ্ধার্থ নেমে গেল বহিমুখী জনতার স্রোতে।

ট্রাম থেকে নেমে আরো খানিকটা এগোলে কলেজ মেলে। সিদ্ধার্থ হাঁটতে লাগল।

আগে পিছে ছাত্রের দল চলছে, তারই মতো পরীক্ষার্থী। ওরই মধ্যে হাঁটতে হাঁটতেও বিড় বিড় করে পড়ছে কেউ কেউ।

একজন চিংকার করে ঘোষণা করছে : আমি তোকে বলছি, ওগুলো থেকে এ কোচেনটা একেবারে সিয়োর—

কিন্তু সিয়োর কোচেনের কথা ভেবেও উৎসাহ পাচ্ছে না সিদ্ধার্থ। সমস্ত মনটা কেমন ভারী হয়ে আছে—কাল সারারাত পড়ার প্রতিক্রিয়াটা এতকণে টের পাওয়া যাচ্ছে মাথার মধ্যে। সামনের রাস্তাটা যেন জ্বলছে একটু একটু করে—অবশ পা ছুটো আর তার চলতে চায় না।

মা'র মুখখানা মনে পড়ছে। প্রত্যাশা করে বসে আছেন—অপেক্ষা করে বসে আছেন কবে সিদ্ধার্থ লংগারে হুদিন কিরিয়ে আনবে। শুধু অভাব ঘুচবে তাই-ই নয়, জীবনের যে স্বপ্ন স্বামী তাঁর সন্তানদের মধ্য দিয়ে প্রত্যক্ষ করেছিলেন, সেই স্বপ্নকে সফল করে তুলবে। বড় ছেলে রোজগার করে, নিজের পায়ের দাঁড়াতেও শিখেছে, কিন্তু তবু সে মানুষ হয়নি। সিদ্ধার্থের মধ্যে সেই মহত্বের উজ্জ্বল হোক, তার ভেতর জাগ্রত বিজ্ঞান ব্রাহ্মণ্য।

চিন্তার মধ্যেও মা'র স্বপ্নকে আঘাত করতে ইচ্ছে হয় না সিদ্ধার্থের। কিন্তু ওরও মনে হয় : সে ব্রাহ্মণ্য তারি জন্তে—যার বরে হৃদয়ের হাওয়া লেগে জ্বলছে নীল পর্দাটা, যার

তকতকে আলমারিতে চকচকে টেক্সট আর রেফারেন্স বই, কলকাতার বাজাই অধ্যাপকেরা দিনের পর দিন যাকে বিত্যান করেন ।

সিদ্ধার্থ চাকরি চায়—একটা চাকরি শুধু । সব্বতীয় শেত-কমলের পাণ্ডি নয়, লন্ড্রি আচলবাড়া এককণা স্ত্রীর নয় । শেলীর স্বপ্ন-রাঙানো আকাশে কল্পনার হংস-মিথুন উড়িয়ে নয়—বর্ষার জল পড়া পচা খড়ের চালের ওপর একটুখানি শক্ত ছাউনি ।

—ভিত্তি একটা ফাঁপা বেলুন, প্রজ্ঞাই হল ঐশ্বর্য—

বাবা বলতেন । সিদ্ধার্থের মুখে এক টুকরো বাকা হাসি ঝলকে উঠেই মিলিয়ে গেল । তাই বুড়ো বরসেও বাবার মাইনে বাট টাকার ওপরে আর উঠল না ! অভাবের সঙ্গে সারা-জীবন লড়ে ডায়বেটিস আর কাঁধকলের আক্রমণে পরম পরিতুষ্ট মুখে বিদ্যার নিলেন পৃথিবী থেকে ।

চাকরি চাই—চাকরি চাই সিদ্ধার্থের । বাঁচবার জন্তে—যাকে একটা এম-রে করাবার জন্তে, একটা নির্ভরযোগ্য আচ্ছাদনের তলায় মাথা গোঁজবার জন্তে । সেইজন্তেই তাকে পাস করতে হবে ।

ভরসা অবশ্য একটা পাওয়া গেছে । দূর সম্পর্কের এক কাকা থাকেন টালিগঞ্জে । তিনবার আই. এ. ফেল করেছিলেন, কিন্তু তাই বলে আর কোথাও ফেল করেননি । তিনিই আশা দিয়েছেন : বি. এ.টা আগে পাস করে এসো, তারপর চুকিয়ে দেব একটা কার্শে-টার্মে ।

একবার বলতে ইচ্ছে হয়েছিল, বি. এ. পাস করাবার দরকার তো আপনারও হয়নি । কিন্তু চাকরি পেতে গেলে ও কথাটা বলা চলে না । সিদ্ধার্থ শুধু ঘাড় নেড়েছিল একবার ।

কাকা লম্বা হাসিতে বলেছিলেন, মিনিমাম কোয়ালিফিকেশন তো একটা চাই ! কত এম. এ., এম. এস-সি, কত ফার্স্ট ক্লাস ঘোরাঘুরি করছে আমার কাছে । মিনিষ্টারের চিঠিও নিয়ে আসে কেউ কেউ : আত্মতৃপ্তির আলোর কাকার গোলালো মুখ আরো গোলাকার হয়ে উঠেছিলো : কাজেই নেহাৎ আত্মীয় বলে তাদের ক্রেম রিফিউজ করে তোমাকে চাকরি দেব—এতটা নেপোটিজম আমার নেই ।

বেশ অপকৃপাত একটা উদার মনোভাব দেখিয়েছিলেন কাকা । স্পষ্ট কথা বলবার একটা কঠিন গাভীধে নিজের চারদিকে একটা দূরত্বের আবরণ রচনা করতে চেয়েছিলেন । কিন্তু সিদ্ধার্থ জানে, আসল দুর্বলতাটা তাঁর কোথায় । বিশ্ববিদ্যালয়ের কাছ থেকে ছুটিচার তিনি পাননি, তাই ওখানকার ভিত্তিধারীদের উন্মোচিত্তে এক ধরনের হিংস্র উজ্জ্বলবোধ করেন তিনি—অসুভব করেন প্রতিহিংসার আনন্দ ।

—বি. এ. পাস করে এসো, তারপরে ব্যবস্থা করে দেব—কাকা আলোচনাটার ওপর ওইখানেই ছেঁব টেনে দিয়েছিলেন । কিন্তু সেই থেকেই বুকের মধ্যে আশার একটা গোপন

অক্ষুরকে এতদিন লালন-পালন করে এসেছে সিদ্ধার্থ। ইচ্ছে করলেই কাকা পারেন, তাঁর পক্ষে কিছুই অসাধ্য নয়। বেশি নয়—অন্তত একশো টাকার একটা চাকরি। তার বেশি চায় না সিদ্ধার্থ—আশাও নেই তার বেশি। সে আর মা। দাদা যদি এই পচিশটা টাকাই মাসে মাসে পাঠায়, তা হলে অভাবটা অন্তত থাকবে না। মাকে বিজ্ঞান দেওয়া যাবে—পেট ভরে খেতে দেওয়া যাবে তাঁকে—দরকার হলে চিকিৎসাও করানো যাবে। তা ছাড়া মা'র চোখ খারাপ—একজোড়া চশমাও করে দেওয়া যাবে তাঁর। সিদ্ধার্থের মনটা হঠাৎ আনন্দে চকিত হয়ে উঠল : টেনে দেখা সেই ভদ্রমহিলার মতো সোনালি ক্রেমের নিওমাউন্ট চশমা। চমৎকার মানাবে মা'র চোখে—ওই ভদ্রমহিলার চাইতেও সুন্দর দেখাবে।

সিদ্ধার্থ খামল। সামনেই কলেজের বাড়ি।

কোলাহল চলেছে—এখানে ওখানে বই নিয়ে পড়া শুরু করেছে ছেলেরা—উষ্ম মূখে ঘুরছেন অভিভাবকের দল। তাঁদের মধ্যে কতজন স্ত্রীর গয়না বাঁধা দিয়ে, ধার করে পরীক্ষার ফী যুগিয়েছেন কে জানে! তাঁদের মনে ভবিষ্যতের আশা—আগামী দিনের স্বপ্ন। কত কাকা তাঁদেরও আশ্বাস দিয়ে রেখেছেন তাই বা কে বলবে!

দীর্ঘ খুঁজতে ছুটল সিদ্ধার্থ।

দেখা গেল, ছুঁথানা বেঞ্চ আগে—একই ঘরে তার আর সলিলের দীর্ঘ পড়েছে। কক্ষ চূলে, শীর্ণ মূখে সলিল বইয়ের পাতা গুলুটাচ্ছে। সিদ্ধার্থকে দেখে হাসিতে সলিলের মুখ ভরে উঠল।

—তুইও এ ঘরে? আর—আর—

সিদ্ধার্থ সলিলের পাশে এসে বসল : কী পড়ছিস ওটা? মার্চেন্ট অব ভেনিস?

—কোর্ট সীনটা একবার দেখে নিচ্ছিলাম, কিন্তু কী হবে আর?—সলিল বই বন্ধ করলে : ছ'বছরে যা হয়নি, এই আধ ঘণ্টার মধ্যে আর কী হবে তার?

—ঠিক কথা।—সিদ্ধার্থ জবাব দিলে। আধ ঘণ্টা কেন, এখন তিন ঘণ্টা সময় পেলেও কিছু হবে না। কাল ত্রিঘণ্টা রাজির জাগরণ এখন মাথার মধ্যে হাতুড়ি ঠুকছে, সমস্ত শক্তি যেন ঝাপসা হয়ে এসেছে এই মুহূর্তে। বই খুললেও তার হরফগুলো এখন একরাশ কালো পিঁপড়ের মতো এদিক-ওদিক চলতে শুরু করে দেবে।

সলিলের মুখের রেখাগুলো শক্ত হয়ে উঠল একবার। দাঁতে দাঁত চাপল সে।

—কী হল রে? অমন করছিস কেন?

—ভয় নেই তো—সলিল এবার ক্লিষ্ট হাসি হাসল : আজ থেয়ে এসেছি। মা সামনে বসে পেট ভরে দই-ভাত খাইয়েছেন। সেজন্তে নয়, কেমন একটা যত্নপা হচ্ছে যেন।

—তোমার শরীর ভালো নেই সলিল। চোখমুখ যেন কেমন কেমন লাগছে।

সলিল আবার হাসল : ক’দিন পড়াশুনোর খুব স্ট্রেন গেছে কিনা ! একবার চুকে থাক না পরীক্ষাটা—তারপর দু’মাস লম্বা হয়ে যুগুব, কেউ তখন বিরক্ত করবে না ।

একথানা ঘরে যেখানে বারোজন লোক শোয় এবং তাদের একজন ব্লাড-ডিসেন্টিতে ভোগে, সেখানে লম্বা হয়ে শোওয়ার জায়গা কোথায়—এমনি একটা কথা জিজ্ঞেস করতে গিয়েও ধমকে গেল সিদ্ধার্থ । বড় বেশি নয়—বড় বেশি নিষ্ঠুর প্রশ্ন !

প্রতীক্ষার আধঘণ্টা হাওয়ায় উড়ে গেল । বাতুল ঘণ্টা—কম-ইনচার্জ এলেন, ইন-ভিজিলেটোরের দল দেখা দিলেন, বেরারারা খাতা নিয়ে ছুটোছুটি করতে লাগল । তারপর যথাসময়ে এল প্রহরজ্ঞ ।

অসাড় মস্তিষ্কের ভেতরে অসুভূতি ফিরে এল, স্থিতির রেখাগুলো স্পষ্ট হতে লাগল ক্রমে ক্রমে । তারপর আস্তে আস্তে লেখার মধ্যে ডুবে গেল সিদ্ধার্থ ।

—একটু চেপে বসুন দাদা—হাঁ, আমাকে একটু কভার করুন—

পেছন থেকে অস্বরোধ শোনা গেল । একবার ফিরে তাকিয়েই ভয়ে শীর্ণ হয়ে উঠল সিদ্ধার্থ । পেছনের মোটা ছেলেটির চোখে কালো গগলস, কোলে খোলা বই ।

—হাঁ, এদিকে একটু সরে আসুন, তা হলেই হবে । ইয়েস—থ্যাঙ্ক ইউ ।

আতঙ্কভরে সিদ্ধার্থ নিজের খাতায় মাথা নামাল । ইনভিজিলেটোরের দিকে তাকাতো তার সাহস হচ্ছে না । যেন ওই ছেলেটির অস্বরোধের পাপ তাকেও স্পর্শ করেছে । প্রাণপণে দ্রুতবেগে সে লিখে যেতে লাগল ।

হঠাৎ একটা আর্দ্র চিংকার ঘরের স্তম্ভতল খান খান করে দিলে । হাঁ—সলিলই বটে । এক হাতে পেট চেপে ধরে সে ডেস্কের ওপর মাথা কুটছে পাগলের মতো : পেট গেল স্ত্রীর—পেট গেল !

সিদ্ধার্থ উঠে দাঁড়ালো । কম-ইনচার্জ ধমক দিলেন : দিস্ ইজ নো কনসার্ন অব ইয়োরস্ । গো অন রাইটিং ।

ময়মুণ্ডের মতো আবার নিজের জায়গায় বসে পড়ল সে । কাঁকা চোখ মেলে দেখতে লাগল : সবাই যখন সলিলকে তুলে নিয়ে গেল, তখনো সে দু’হাতে পেট চেপে ধরে কুঁজো হয়ে চলেছে, মুখ দিয়ে ফেনা নামছে তার—গোঁড়াতে গোঁড়াতে বলছে—পেট গেল স্ত্রীর, পেট গেল !

কিছুক্ষণ স্তব্ধ থেকে ছেলেরা আবার লিখতে লাগল । পেছনের গগলস্‌পরা ছেলেটি নির্ভয়ে উন্টে চলল কোলের বইখানার পাতার পরে পাতা । আর সিদ্ধার্থের চোখের সামনে সারা ঘরখানা নিরবধর হয়ে ঘুরপাক খেতে লাগল খানিকটা কুরাশার মতো ।

কিন্তু ‘দিস্ ইজ নো কনসার্ন অব ইয়োরস্ !’ হাঁ, পাস তাকে করতেই হবে । সলিলের ক্ষত্রে ভাবতে গিয়ে একটি মুহূর্ত অপ্রচণ্ড করাঙ নিজের সর্বনাশ ডেকে আনা । কাঁপা হাতে

কলম তুলে নিয়ে সে লিখতে লাগল : ইন এ শেক্সপীরিয়ান ট্র্যাজেডি, উই অলওয়ার্ড ফাইণ্ড—

পরীক্ষা যেদিন শেষ হল, সেদিন সে জানতে পারল সলিল মারা গেছে।

মারা গেছে ইনস্টেটাইটাল অবস্ট্রাকশনে। অনিয়মিত খাওয়া-দাওয়া, শরীরের ওপর অত্যাচার—

একবার আশানে যাওয়ার মতো উৎসাহও খুঁজে পেল না সিদ্ধার্থ। শুধু বিকেলের মৃত সূর্য আকাশের দিকে তাকিয়ে কী দেখতে লাগল সেটা সে-ই জানে।

* * * *

পরীক্ষার আড়াই মাস পরে যেদিন মা'র মূখ দিয়ে প্রথম এক বলক রক্ত উঠলে উঠল, সেদিনই ছোটো খবর পাওয়া গেল একসঙ্গে। পেছনের সেই গগলস্পরা ছেলোটো বেরিয়ে গেছে ডিস্টিংশনে আর মাত্র দু'নম্বরের জন্তে ইংরেজিতে ফেল করেছে সিদ্ধার্থ।

হাত

—খুব বেঁচে গেছেন—আমরা অভিনন্দন জানালাম ঠিকে।

—বেঁচে গেছি, তাই নয়?—কেমন অশোভন ভাবে হাসলেন ভদ্রলোক। ঘরের আলোটা ওর কপালের ওপর এমন ভাবে চকচক করে উঠল যেন মাথাটাকে মনে হল মড়ার খুলি। বসে যাওয়া চোখ দুটোকে ভালো করে দেখতে পাওয়া গেল না—যেন ছোটো কালো কোটর শূন্যদৃষ্টিতে তাকিয়ে রইল আমাদের দিকে। কেন বলতে পারব না, আমার গা-ছমছম করে উঠল।

—বেঁচে গেছি—তাই বটে।—নিজেই পুনরুজ্জীবিত করলেন ভদ্রলোক : কিন্তু এখন মনে হচ্ছে তার কোনো দরকার ছিল না।

—সে কি!—একজনের সবিস্ময় উক্তি।

—আমার এই যে ডান পা-টা দেখছেন—ভদ্রলোক শুরু করলেন : উকুর তলা থেকেই এটা কাটা। স্নেকসিবল্ লেগ্ ব্যবহার করছি। বাঁ হাতের তিনটে আঙুল নেই। ঘাড়ের একটু ওপরে প্রায় পাঁচ ইঞ্চি চওড়া কাটা দাগটা কখনো মিলাবে না। কিন্তু এগুলো খুব বড় ক্ষতি নয়। এর চাইতেও অনেক বেশি বিকলাঙ্গ দেহ নিয়ে মাহুঘ বাঁচে—ভালো করেই বাঁচে। কিন্তু,—ভদ্রলোক একটু ধামলেন : তা হলে ব্যাপারটা আপনাদের খুলে বলতে হয়। ধৈর্য থাকবে? আমাদের ঘরোয়া একটা সাহিত্যিক বৈঠকে কোথা থেকে রবাহৃত হয়ে জুটেছিলেন ভদ্রলোক। প্রথম প্রথম আমাদের-অবস্থা লাগছিল—কারণ সাহিত্য-আলোচনার সঙ্গে সঙ্গে যে সব বাড়তি টিঙ্গনীগুলো থাকে সেগুলো বাইরের কার্ণ

পক্ষে প্রায় নয়। কিন্তু আন্তে আন্তে দেখা গেল রবাহুতটি আমাদের সঙ্গে বেশ খাপ খাইয়ে নিয়েছেন। বিদেশী সাহিত্যে ঠর বেশ অধিকার আছে, বাংলা সাহিত্যেরও একজন রসিক পাঠক। আলোচনার ভেতরে নিজেকে কখন উনি জুড়ে দিয়েছেন টেরও পাইনি আমরা।

যেমন হর, সাহিত্য-আলোচনা ক্লাস্তিকর হয়ে উঠল একটু পরেই। প্রায় একসঙ্গেই আমরা ওঠবার কথা ভাবছিলাম। এমন সময় কথায় কথায় ভদ্রলোক বললেন, কিছুদিন আগেকার মর্যাদাস্তিক পাণ্ডাব মেল দুর্ঘটনার সময় উনিও ছিলেন সেই ট্রেনের যাত্রী। তারপর থেকেই উনি সভার নায়ক হয়ে উঠেছিলেন।

ঐর শেষ কথাটার আমরা ঐর দিকে তাকালাম। গল্প শোনবার লোভ আছে অথচ রাতও প্রায় নটার কাছাকাছি। সভাপতি নারায়ণ চৌধুরী নিরীহ ভদ্র মানুষ, একবার ঘড়ির দিকে তাকিয়ে বললেন, নরেনবাবুর আবার দেয়ি হয়ে যাবে না?

সমস্যাটা এড়াবার জন্যে তাকেই সামনে টেনে আনাতে শাস্তি স্তিমিত নরেন স্তিমিত মনে মনে চটল কিনা বোঝা গেল না। কিন্তু লেখক হিসাবে খ্যাতি যতই থাক এবং বাড়ি ফেরার তাগিদটা যতই প্রবল হোক, নার্ভাস হয়ে নরেন বলে ফেলল, তা আধ ঘণ্টা পরে গেলেও চলবে।

নীরেন চক্রবর্তী আর শান্তিরঞ্জন বাঁড়ুয়ো একটা সিগারেটের প্যাকেট নিয়ে কাড়াকাড়ি করছিল। অনিল চক্রবর্তী সম্পাদকীয় গান্ধীর্ষ নিয়ে ঢাকাই ভাবায় একটা ধমক দিলে, লোকের সামনে বাইচলামি করস ক্যান? ভদ্রলোক ভাববো কী!

মারখান থেকে ছেঁ মেয়ে সিগারেটের প্যাকেটটা দখল করল সম্ভাব ঘোষ। কৌতুক-ভরা অভ্যস্ত হাসিতে বললে, এটা এখন আমার জিন্দায় রইল। সবচেয়ে বেশি ধৈর্য ধরে গল্পটা যে শুনবে এ তার পুরস্কার।

ভদ্রলোক বললেন, তা হলে বরং—

নরেন বললে, না না, তা কেন? কৌতুহল যখন সৃষ্টি করেছেন তখন সেটাকে মিটিয়েই যান।

ইতিমধ্যে শাস্তি বাঁড়ুয়ো একটা চিমটি কাটছিল নীরেন চক্রবর্তীকে।

নারায়ণ চৌধুরী বললেন, অর্ডার অর্ডার।

কিন্তু হালকা আবহাওয়াটা এক মুহুর্তে বদলে গেল যখন ভদ্রলোক আবার চোখ তুলে তাকালেন। আবার ঘরের আলোটা ঐর কপালের ওপর পড়ল, চোখ দুটোকে আবার দুটো অন্ধকার গভীর গর্তের মতো দেখালো। হঠাৎ ইচ্ছে হল উঠে আলোটাকে নিবিয়ে দিই আমি। লোকটা মুখ তুলে তাকালেই একটা কক্ষালের মাথা বলে মনে হয় কেন কে বলবে!

আমি জোর করেই দৃষ্টিটা সরিয়ে নিলাম তাঁর ওপর থেকে। দেওয়ালের গায়ে একটা মোটা টিক্‌টিকি যেখানে শুঁড়ি মেরে এগোচ্ছে একরাশ দেওয়ালী পোকার দিকে, মনোনিবেশ করলাম তাঁর ওপর।

ভজ্রলোক তখন গল্প শুরু করলেন।

অনেক রকম গলা শুনেছি মাসুকের—কিন্তু এ একেবারে আলাদা। ভরাট, গম্ভীর, শেষের দিকে একটু কাঁপা—যেন তাঁর স্বরযন্ত্রের ট্রেমোলার চাবিটা খোলা আছে। কথার মাঝখানে গলাটাকে হঠাৎ নামিয়ে আনেন—গোপন কথার মতো ফিসফিস করে বলে যান খানিকক্ষণ, যেন দমে ফুলিয়ে উঠতে পারেন না। ইলেকট্রিকের সেই বিচিত্র আলোয়, সেই অভূত কণ্ঠস্বরে ভজ্রলোক যেন ঘরের ভেতর একটা ভূতুড়ে আবহাওয়া ঘনিয়ে আনলেন।

দেওয়ালের টিক্‌টিকিটার জ্বলন্ত চোখের দিকে চোখ রেখে গল্প শুনে যেতে লাগলাম।

পাঁচ বার্ষের কামরা। আমি ডান দিকের ‘আপার’ বার্ষে জায়গা পেয়েছিলাম। লাধারণত ওপরে শুয়ে আমার ঘুম আসে না। ছাদটা বড় বেশি বুকুর কাছে এসে লাগে, আলোটা অতিরিক্ত পরিমাণে জেগে থাকে চোখের কাছাকাছি। মনে হয় বাইরের এত ফাঁকা, এত বাতাসের মধ্যে দিয়ে যখন ট্রেনটা ছুটে চলেছে সেই মুহূর্তে আমি একটা কক্ষিনের মধ্যে বদ্ধ হয়ে আছি।

ওপাশের ছ’খানি বার্ষে ছ’জন পাঞ্জাবী—তুই সন্নী। তাই অথবা বন্ধু বৃদ্ধিতে পারলাম না। আমার নীচের বার্ষে আছেন একজন প্রোট বাঙালী, দামী স্নাট পরা, খুব সম্ভব বড় চাকরি করেন; মাঝের বার্ষে তাঁর স্ত্রী। ভজ্রমহিলাকে স্তম্ভরী বললে কম বলা হয়; অমন নিখুঁত গড়ন, অত উজ্জ্বল চোখ, অমন স্তম্ভর হাসি খুব বেশি দেখেছি বলে মনে পড়ে না। ঐ হাতের অনামিকার একটি আংটি, খুব বড় আংটি। মিনে করা লম্বা পাতটা রঙিন নখ পরিস্থ এসে ছুঁয়েছে।

প্রথম দৃষ্টিতে মনে হয়েছিল স্বামী-স্ত্রীর ভেতরের বয়সের ব্যবধানটা যেন একটু বেশি। খুব সম্ভব দ্বিতীয় পক্ষের স্ত্রী। কিন্তু নাও হতে পারে। স্বাস্থ্য এবং রূপ থাকলে একটা বিশেষ বয়সের পর মেয়েরা অনন্ত যৌবনের মুখোশ টেনে বহুদিন আত্মপোষন করে থাকে। আরো উচ্চবিস্তৃত স্বরে ধাঁদের রূপচর্চার স্বেযোগ কিংবা অবকাশ আছে, তাঁরা পাউডারের প্রলেপে আর রঙের কারিকুরিতে অনেকদিন পরিস্থ বলিরেখাকে বশীভূত করে রাখতে পারেন।

অতএব বার্ষের ওপর থেকে আমার আধবোজা চোখ থেকে-থেকেই ভজ্রমহিলার দিকে গিয়ে পড়ছিল। আর প্রতিবারেই ওই অস্বাভাবিক দীর্ঘ আংটিটা থেকে এক একটা ঝলক

এসে আমার চোখে কেমন একটা খোঁচা মারছিল। মনে হচ্ছিল ওই আংটিটার একটা ছোরার ফলা যেন ঠুঁর রূপের প্রহরী হয়ে আছে।

আপার ক্লাস গাড়িতে সহযাত্রীরা বেশির ভাগ ক্ষেত্রেই আত্মকেন্দ্রিক হয়। ‘কতদূর যাবেন’ কিংবা ‘দিল্লীতে আজকাল কি রকম শীত’—এর বেশি এগোতে চায় না আলাপটা। প্রত্যেকেই কিছুক্ষণ পরেই নিজের সীমার মধ্যে এসে সংকুচিত হয়ে যায়। অভিজাত ট্রেন-গুলোতে ইন্টার ক্লাসের সঙ্গে সেকেন্ড ক্লাসের পার্থক্যটা শুধু ভাড়ার নয়—মনেরও।

হুতরাং পাঞ্জাবী দুজন কিছুক্ষণ পরেই দুখানা ব্যাগ টেনে নিয়ে নিজামগ্ন হলেন। নিচের দম্পতি চা আনালেন, টিফিন বাস্কেট থেকে বের করলেন কমলালেবু আর স্ট্রাগুউইচ। সংক্ষেপেই আহাব-পর্ব শেষ হল। তারপর ভক্তলোক ট্রাউজারের পকেট থেকে টেনে আনলেন একখানা হোয়াইট মার্কল ক্রাইম ক্লাবের বই আর ভক্তমহিলা মনঃসংযোগ করলেন সচিত্র আমেরিকান সাপ্তাহিকে। আমার নিচের বার্ষিক দৃষ্টির আড়ালে তলিয়ে গেলেন ভক্তলোক—শুধু মেজেতে একজোড়া ভারী ব্রাউন রঙের জুতো তাঁর অস্তিত্ব ঘোষণা করতে লাগল।

পৃথিবীতে এখন আমরা রইলাম শুধু দুজন। ওপরের বার্ষিক আমি—মাকের বার্ষিক ভক্তমহিলা।

অন্ধকারের মধ্যে দিয়ে হু হু করে ছুটল পাঞ্জাব মেল। অবস্থিতরা দুলুনি আর চোখে আলোর তীক্ষ্ণ খোঁচায় হালকা কুয়াশার মতো জমে ওঠা লবু তন্ত্রাটা ছিঁড়ে টুকরো টুকরো হয়ে যেতে লাগল বার বার। আর তারি ফাঁকে ফাঁকে আড়চোখে দেখতে লাগলাম প্রতি বারে পাতা ওলটানোর সঙ্গে ললিত আঙুলের মিনে করা আংটিটা তীক্ষ্ণধার ছুরির মতোই ঝিকঝিক করে উঠছে।

যুম যখন বারে বারে এমনি ভাবে এসে এসে ছিন্ন ভিন্ন হয়ে যায় আর চোখ মেললেই যখন দৃষ্টি অমন একটি সহযাত্রীর ওপর গিয়ে পড়ে, তখন উত্তেজিত স্বায়ুগুলো আপনা-আপনিই একটা স্বপ্নের পরিমণ্ডল গড়ে তুলতে চায়। আমারও তাই হল। আমি ইন্ডিয়োরেলের চাকুরে, টি. এ.-তে সেকেন্ড ক্লাসে চড়ি, সাধারণভাবে নিতান্তই বস্তুতাত্ত্বিক লোক। কিন্তু আপাতত কোম্পানির প্রস্পেক্টাস, গত কয়েক বৎসরে তার নিরাকরণ উন্নতির ইতিহাস এবং পার্টি বাগাবার জন্তে অভ্যস্ত বাধা বৃদ্ধতা আমার মন থেকে একেবারে মুছে গেল। আমি স্বপ্ন দেখতে শুরু করলাম। ওই পাঞ্জাবী ভক্তলোকদের দাড়ির প্রভাবেই কিনা বলতে পারি না, আমার চারিদিকে বেশ একটা মোগলাই স্বপ্ন ঘনিয়ে এল।

আচ্ছন্ন চোখের সামনে সহযাত্রীরা মোগল অস্তঃপুরের রূপসী হয়ে দেখা দিলেন ; মিলিয়ে গেল পরনের লাল শাড়ি—দেখা দিল ওড়না আর বাঘরা। মনে হল চারদিকের

চক্রান্ত আর দীর্ঘার বেড়াভালের ভেতর দিয়ে কোনো ইরানী বেগম এগিয়ে চলেছেন আগ্রা কোর্টের ভূগর্ভপথ বেয়ে যমুনার দিকে। চোখে আগুন, ছোঁয়ার রক্তমাখা; এইমাত্র ধূল-বাগের কোনো গোলাপগন্ধের তলে বাদশাহাদার বুকের রক্ত অঝোরে ঝরে পড়ছে; হত্যার সাক্ষী এই ছোঁরাকে যমুনার জলে বিসর্জন দিয়ে বেগম ফিরে আসবেন—

ষষ্ঠী আরো কতদূর এগিয়েছিল মনে নেই। তারপরেই যেন একটা বিরাট বিস্ফোরণে রেণু রেণু হয়ে মিলিয়ে গেল আগ্রা কোর্ট। এক ধাক্কার কে আমাকে শূন্যে ছুঁড়ে দিলে—মাথার ওপর পড়ল অতিকার একটা হাতুড়ির আঘাত—মনে হল বিশাল দুর্গের একটা বিরাট গম্বুজ চূরনার হয়ে আমার ওপরে নেমে এল। অবিধ্বস্ত শব্দ আর আর্ত চিৎকারে একটা ঘূর্ণি মূহূর্তের জন্য জেগে উঠেই অসীম স্তব্ধতার ডুব মারল।

কখন ঘোর ভাঙল জানি না। জাগলাম অসহ্য যন্ত্রণার চমকে। মনে হল ডান পা-টাকে কে একথানা ভারী কবাত দিয়ে টুকরো টুকরো করে কেটে চলেছে। বাঁ হাতের তালুতে একটা পেরেক ঠুঁকে কেউ কোনো দেওয়ালের সঙ্গে শক্ত করে এঁটে দিয়েছে আর ভারী একথানা পাথর দিয়ে চেপে ধরে পিষে দিচ্ছে আঙুলগুলোকে। ঘাড়ের নিচে একরাশ জমাট আঁঠা, তার ভেতরে কতকগুলো আলপিন—একসঙ্গে খচ্ খচ্ করে বিঁধছে।

চেতনাটা কিছুক্ষণ ধরে বোবা হয়ে রইল। মনে করতে পারলাম না—আমি কে, আমি কোথায়। তারপরেই পায়ের আর হাতের যন্ত্রণার আঘাতে স্মৃতিটা একটু একটু করে কাছে ফিরে এল—পাঞ্জাব মেলের এক সেকেণ্ড ক্লাসের আপার বার্ধে চড়ে আমি জলদ্বারে রওনা হয়েছিলাম।

তারপরে ?

চোখের সামনে অস্বহীন অন্ধকার। যন্ত্রণার সারা শরীরের মাংস কুঁকড়ে কুঁকড়ে আসছে। পিঠের তলার একটা তীক্ষ্ণ কঠিন শয্যা, বুকের ওপর একরাশ গুরুভার—জোরে নিঃশ্বাস পর্বন্ত টানতে পারছি না যেন।

তা হলে ?

এক মুহূর্তে সব স্পষ্ট হয়ে গেল। স্পষ্ট হয়ে গেল মাথার ওপর আগ্রা কোর্টের অতিকার গম্বুজ সশব্দে ভেঙে পড়বার রহস্য। পাঞ্জাব মেলে অ্যান্ড্রিভেন্ট হয়েছে। আর আমি তার অন্ততম ভিকটিম্।

সঙ্গে সঙ্গে নিজের কাছে প্রথম প্রশ্ন জাগল : আমি কি বঁচে আছি তা হলে ? পরলোক বিশ্বাস করিনি, আজ মনে হল ট্রেন-দুর্ঘটনায় আমি মরে গেছি—আমার চেতনাটা প্রোতাক্সী হয়ে যন্ত্রণাতর্য যন্ত্রণার মধ্যে জেগে আছে। এক মুহূর্তে পাঞ্জাব মেলের একটা সেকেণ্ড ক্লাস বার্ধ থেকে নিজের সমস্ত পরিচয়—সমস্ত অস্তিত্বের সীমা পার হয়ে অহুত্বভিন্নর স্তব্ধতার মাধ্যম এসে পৌঁছেছি আমি।

কিন্তু মৃত্যু ? সে তো শুনেছি সমস্ত জালা-যন্ত্রণার শেষ । তারপরে তো শরীরটার এমন ভয়ঙ্কর উপস্থিতি থাকবার কথা নয় । শরীর আছে—অসহ্য ভাবেই আছে । ঐ হাতের আঙুল থেকে যন্ত্রণাটা কীধ পর্যন্ত এসে পৌঁছেছে—মনে হচ্ছে একটু পরে তা ফুৎপিণ্ডে এসে সেটাকেও অসাড় করে দেবে । ঘাড়ের তলায় কে যেন ফোঁটার ফোঁটার ঢেলে দিচ্ছে নাইট্রিক অ্যাসিড । ভান পায়ের ওপর দিয়ে সমানে চলেছে একটা অঙ্ককার কয়ালের রাশি রাশি ধারালো দাঁত ।

দমচাপা বুকের ভেতর থেকে কী একটা বেরিয়ে এল গলা ঠেলে । আর্তনাদ ? তাই হবে । কিন্তু নিজের গোড়ানিতে নিজেই আমি চমকে উঠলাম । মনে হল আমার বুকের ভেতরে যেন দ্বিতীয় একজন কাউকে গলা টিপে মেরে ফেলা হচ্ছে—এ যেন তারই অস্তিত্ব কাকূতি !

আমি তাহলে বেঁচে আছি ? অহুভূতির প্রান্তে প্রান্তে এক একটা ইলেকট্রিক বাতের মতো সত্যটা জলে উঠতে লাগল । কিন্তু আমার হাতে-পায়ে মাথায়-বুকে পাঞ্জাব মেলের ধ্বংসরূপ—তার ভেতরে আমি সমাধিস্থ ।

বাঁচবার দ্বৈব-তাগিদে আবার আমি টেঁচিয়ে উঠতে চাইলাম—আবার সেই অস্বাভাবিক শব্দটা আমার সর্বদেহ ভয়ের চমক বইয়ে দিলে ।

এতক্ষণে চারদিকের পৃথিবীটা রূপ নিচ্ছে আমার কাছে । তার আকার নেই—পাথরের ত্বপের মতো শুধু পিণ্ডাকার অঙ্ককার । কিন্তু ভাষা আছে ; সে ভাষা কান্না, গোড়ানি আর চিংকার । সমস্ত অঙ্ককারটা শুধু মাহুকের মর্মান্তিক যন্ত্রণার শৃঙ্খলাহীন সামঞ্জস্যহীন আর্তনাদ দিয়ে গড়া—দাতকের ইনফার্নোর একটা অঙ্ককার দরজার সামনে যেন আমি দাঁড়িয়ে । সেই দরজাটা যে মুহূর্তে আমি পার হয়ে যাবো সেই মুহূর্তে একটা পৈশাচিক নাটকের যবনিকা সরে যাবে যেন ।

শুধু আমি নই—আমার মতো আরো অনেকেই বেঁচে আছে । কিন্তু এই বিভীষিকা-ভরা শব্দের ঘূর্ণিজালের ভেতর—বুকের ওপর চেপে-আসা ভয়ঙ্কর মৃত্যুর এই সঙ্করের মধ্যে অপেক্ষা করতে করতে কী ভয়ঙ্কর এই বাঁচা ! আমার নিজের কাছে যে মৃত্যু নিঃসঙ্গ একক রূপ নিয়ে আসতে পারত, তার চেহারাটা কল্পনা করা অসম্ভব নয় । কিন্তু এখানে মৃত্যু এসেছে একটা সামগ্রিক রূপ নিয়ে—অসংখ্য মাহুকের কান্না আর গোড়ানি মিশে নে যেন সারা পৃথিবী অধিকার করে বসেছে ! ওই সমস্ত মাহুকের সঙ্গে একটা যন্ত্রণার সমুদ্রে আমি ভেসে চলেছি !

অসহ—এ অসহ ! সকলের কাছ থেকে নিজের মৃত্যুকে আমি কি বিচ্ছিন্ন করে আনতে পারি না ? আনতে পারি না ব্যক্তিগত করে ? যেখানে ধীরে ধীরে তার ছোঁয়ার আমান্ন দেহ-মন অসাড় হয়ে যাবে—একটা নিবিড় শান্তির মধ্যে ঘুমিয়ে পড়তে পারব আমি ?

ওই কান্না—ওই আর্তনাদ—আমাকে পাগল করে দেবে। মৃত্যুকে আমার মধ্যে এসে ঘুমিয়ে পড়তে দেবে না—সারারাত, সারারাত তাকে জাগিয়ে রাখবে। আমার হাত, আমার পা, আমার ষাড়, আমার দমচাপা বুক চুঃসহ থেকে চুঃসহতর মুহূর্তগুলোকে নিঃশ্বাসে আত্মদান করতে থাকবে।

আর একবার চিৎকার করে উঠেই আমি থেমে গেলাম। কোনো লাভ নেই—কেউ শুনবে না। কেউ বাঁচাতে পারবে না কাউকে। প্রত্যেকে শুধু পরস্পরের যন্ত্রণাকে বাড়িয়েই চলবে, একে আর একজনের বিভীষিকাকে আরো—আরো বীভৎস করে তুলবে!

আমি মরে যেতে চাইলাম। একা—নিঃসঙ্গ—একান্ত করে মরে যেতে চাইলাম। এমনভাবে সারা প্রাণ দিয়ে কখনো মৃত্যু কামনা করিনি আমি। কিন্তু মরবার উপায় নেই। হাত দুটোকে নাড়তে পারছি না যে নিজের গলা নিজেই টিপে ধরবে। পকেটে একটা পেন-নাইফ ছিল মনে পড়ছে—সেটাকে টেনে আনতে পারলেও সোজা হৃৎপিণ্ডের ওপর বসিয়ে দেওয়া চলত!

শুধু হাত-পা নয়, প্রতিটি প্রাণকোষ পর্যন্ত এতক্ষণে সজাগ হয়ে উঠেছে আমার। মাথার প্রত্যেকটা চুল পর্যন্ত যেন মৃত্যুকে অহুতব করছে।

একটা বিহ্বলের স্পর্শ চকিতে বয়ে গেল শরীরের ওপর দিয়ে। এতক্ষণ টের পাইনি, এবার আচমকা খেয়াল হল আমার গায়ে কার একখানা হাত এসে পড়েছে আলতো ভাবে—এলিয়ে আছে গলার ওপর।

ভয়ের কাঁপুনিটাকে সামলে নিয়ে আমি জিজ্ঞাসা করলাম, কে তুমি? কে আছো আমার পাশে?

উত্তর এল না।

—তুমি কি বেঁচে আছো?

আবার জানতে চাইলাম। সঙ্গে সঙ্গে সমস্ত কান্না আর গোড়ানিকে চাপা দিয়ে কোথায় একটা ঝোড়ো হাওয়া বয়ে গেল। যেন শুনতে পেলাম, ফিস্‌ফিসে গলায় কে বললে, আছি—আছি।—কে তুমি? কে—?

কিন্তু জিজ্ঞাসা করবার দরকার ছিল না। শরীরের প্রত্যেকটি রোমকূপ অবধি অল্পভূতিতে একাগ্র হয়ে উত্তর খুঁজছিল। সে উত্তর এল এইবারে। সে হাতে একটা আংটি আছে—লম্বা পাতের মতো আংটি!

স্বাভাবিক সংস্কারবশে আমি তৎক্ষণাৎ সরে যেতে চাইলাম—কিন্তু এক তিল নড়তে পারলাম না। দেই সহযাত্রী। কিছুক্ষণ—ঠিক কতক্ষণ আগে জানি না—ওপরের বার্ষিক হয়ে গিয়ে যে অপরিচিতা যাত্রালক্ষ্মীর দিকে ভ্রমভরা আবিষ্ট দৃষ্টি ফেলে ফেলে মোগলাই স্বপ্ন আমি রচনা করছিলাম!

কেমন করে হল জানি না—শরীরের যা কিছু যন্ত্রণা, যা কিছু বোধ—মুহূর্তের মধ্যে ওই হাত আর আংটিতে গিয়ে কেন্দ্রিত হল। একান্ত অপরাধী আর অনধিকারীর মতো মোগল অন্তঃপুরের ইরানী বেগমের বড় বেশি কাছাকাছি গিয়ে আমি দাঁড়িয়েছি—! হাতের আংটিটা ছোরার ফলার মতো মনে করিয়ে দিচ্ছে আমার অধিকারের নীমা, একটু অন্তর্ক-হলেই গলার মাংসের ভেতর বাঁটস্থল্ক বিঁধে যাবে! প্রহরী!

সভয়ে বলতে চাইলাম, ক্ষমা করবেন, আমি সরতে পারছি না।

বাইরে কোথাও হাওয়া উঠেছে এখন। দমকার পর দমকা উঠে এক একটা ক্রুদ্ধ দীর্ঘশ্বাসের মতো সমস্ত কান্না-কাকূতিকে তুলিয়ে দিচ্ছে। যেন হাওয়ার মধ্যে আবার সেই স্পষ্ট ফিস্‌ফিসে স্বর শোনা গেল : কী হয়েছে তাতে ?

আর একবার নিজের যন্ত্রণা-অসাড় শরীরটাকে সরাবার ব্যর্থ চেষ্টা করলাম আমি। দাঁতে দাঁত চেপে বলতে চাইলাম : কিন্তু আপনার স্বামী—

হাওয়ার বেগটা অশান্ত হয়ে উঠেছে এখন। চারদিকে গোড়ানির ওপরে একটা হিংস্র তর্জনের মতো বয়ে যাচ্ছে। কাছাকাছি কোথাও কি জল আছে? তারি কলধনি কি জেগে উঠছে বাতাসে? না, মেয়েটিই চাপা মুহূ গলায় খিলখিল করে হাসছে? ভাবছে এই বাঁতংস পরিবেশে এ এক বিচিত্র কোতুক? আংটিটা আমার গলার ওপর যেন কেটে বসছে—যেন বিঁধে যাচ্ছে মাংসের মধ্যে। ছোরা! সভয়ে বললাম, সরিয়ে নিন্ না হাতটা!

আবার হাওয়ায় হাওয়ায় ফিস্‌ফিসে স্বর—আবার খিলখিল হাসির মতো কোথাও জলের শব্দ। এবার যন্ত্রণা নয়—ব্যাথা নয়, একটা সম্পূর্ণ নতুন শিহরণ বয়ে গেল আমার গায়ের ভেতর দিয়ে।

—থাক না।

—কিন্তু—

আমার সমস্ত বোধ কি আচ্ছন্ন হয়ে আসছে? আমার কি নেশা ধরছে? থাকুক ছোরা—থাকুক নিষেধ—তবু, তবু! কিছু স্পর্শ, কিছু স্মৃতি। যন্ত্রণার এই তয়ানক দুঃস্বপ্নের মধ্যেও একটা আশ্চর্য আনন্দ—একটা নিষিদ্ধ উন্মাদনা!

বাইরে এখন শুধু হাওয়া—পুঞ্জ পুঞ্জ অন্ধকারে ঝড় উঠেছে এখন। এতক্ষণ ধরে একরাশ শিকার নিয়ে খেলা করবার পর যেন মৃত্যু এখন একটা সিংহের মতো তাদের ওপর ধাবা পেতে বসেছে, ফেলছে ক্লাস্তির বড় বড় দীর্ঘশ্বাস! ভান পায়ে সমানে করাত চলছে—যন্ত্রণার অবিশ্রাম প্রবাহে বাঁ হাতটা যেন বৈদ্যুতিত। ঘাড়ের তলার নাইট্রিক অ্যাসিড্‌ চালবার পৈশাচিক আনন্দসম্ভোগের পর্বটা এখনো শেষ হয়নি!

তবু—তবু!

আমি বিকারের ঘোরে যেন জানতে চাইলাম : আপনার খুব কষ্ট হচ্ছে ?

হাওয়ার মধ্যে যেন তেমনি কিস্কিলে স্বর শুনতে পেলাম ; না। বেশ লাগছে। আপনার ?

হাতের স্পর্শ আর ছোঁয়ার ধারের বেদনান্তরা রোমাঙ্কের মধ্য দিয়ে আমি বললাম, এতক্ষণ কষ্ট হচ্ছিল—এইবার ভালো লাগছে।

—ওঃ!—ঝড়ের মতো হাওয়ার কার একটা ছোট্ট নিঃশ্বাস যেন মিলিয়ে গেল। যেন কোনো বৃক্ষশালা বৃক্ষনার প্রকাশ—কোনো রিক্ততার স্বীকৃতি।

মৃত্যুর রাত—ছঃস্বপ্নের রাত। প্রতি রোমকূপে যন্ত্রণার চমক। পাঞ্জাব মেলের ধ্বংস-স্তূপের ভেতর পড়ে আত্মহত্যার জগ্রে ক্ষিপ্ত হয়ে উঠছিলাম। তার ভেতর এ কোন্ বিশ্বয় এসে দেখা দিল! ওই হাত—ওই ছুরি। হাতের ওই স্পর্শের সঙ্গে সঙ্গে ছুরিটা যদি গলার মধ্যে বিঁধে গিয়ে আমার শ্বাসনলীটাকে ছিন্নবিচ্ছিন্ন করে ফেলে—তার চাইতে বড় কিছু আর আমার চাইবার নেই এখন!

বিকারের ঘোরে, যন্ত্রণার নেশায়, আক্শিমের বিবাক্ত তন্ত্রায় ঘুমিয়ে পড়তে পড়তে আমি জিজ্ঞাসা করলাম, আপনার মনে থাকবে এই রাতের কথা? আপনি এই রাতকে কোনো দিন ভুলবেন না?

বাইরের হাওয়া এবার প্রবল শব্দে গর্জন করে উঠল। কোথাও কি জলে তরঙ্গ উঠল সমুদ্রের দোলার মতো? আর, আর আকস্মিক ভাবে সেই চাপা হাসিটা এবার উচ্ছলিত তীক্ষ্ণতার দিকে দিকে ছড়িয়ে গেল! সে হাসির নিষ্ঠুর বীভৎসতা বর্ণনা করবার ভাষা আমার নেই!

মুহুর্তে একটা প্রকাণ্ড বাঁকুনি দিয়ে আমি সবল হয়ে উঠলাম—আমার গলার মধ্যে বৈধা ছোঁরাটাকে বাঁ হাত দিয়ে সরিয়ে দিতে গেলাম প্রাণপণে, আর সঙ্গে সঙ্গে আমার মূঠোর মধ্যে আংটিপরা হাতখানা উঠে এল। বুঝলাম—সঙ্গে সঙ্গেই বুঝলাম—মণিবন্ধের পরে সে হাতে আর কিছুই নেই, শুধু একতাল ছিন্ন মাংস!

ঘষণা—মৃত্যু—মেল দুর্ঘটনা—ঝড়—কালো রাত! সব কিছু একসঙ্গে একটা টাই-ফুনের তরঙ্গের মতো আমার মস্তিষ্কে আছড়ে পড়ে প্রলয় গতিতে আমাকে ভাসিয়ে নিয়ে গেল! শুধু শেষবারের মতো টের পেলাম, কাটা হাতটা আমার বুকের ওপর ঝসে পড়ল—কোনো পিশাচের হিমশীতল খাবার মতো!

ভক্তলোক গল্পটা শেষ করলেন। শুভকের মতো শব্দ করে শ্বাস টানলেন একটা : সেই থেকে রাজ্যে ঘুমতে পারি না। সেই হাতটা যেন গলার ওপর এসে পড়ে। আচমকা কেউ কাঁধে হাত রাখলে তব শরীর হিম হয়ে যায়। কাছে জীকে পর্বত শুতে দিই না, পাছে

কোনো ফাঁকে তাঁর হাতের ছোঁয়া লেগে আমি সেই ভয়ঙ্কর যন্ত্রণার নরকে ক্রি়ে বাই !

আমরা যে যেখানে ছিলাম—ঠিক তেমনি করেই বসে রইলাম। স্তম্ভতা ভাঙল প্রায় দশ মিনিট পরে—নরেন মিস্ত্রির অসঙ্কট গুঞ্জে।

—এখন আর বাস পাওয়া যাবে না—এত রাজিরে হেঁটে যেতে হবে সেই বেনিয়া-পুহুর !

ঘাসবন

হাতের লম্বা লাঠিটার ওপর ভর দিয়ে শরীরটাকে ঝুঁকিয়ে দিলে সামনের দিকে ; তাঁরপর সেই অবস্থাতেই একটা লাফ দিলে ঝামলাল। সঙ্গে সঙ্গে লাঠির মাথা আর শরীরটার একটা নিভূর্ণ সমকোণ রচনা করে শূন্যে উড়ন্ত একটা পাখীর মতো ছোট নালাটা সে পার হয়ে গেল। লাঠির নিচেটা গিয়ে পড়েছিল জলের-মধ্যে, সেটাকে তুলে নিতে বেশি সময় লাগল না।

কোমর সমান নরম ঘাসের ভেতর দাঁড়িয়ে সে উৎকর্ষ ভাবে তাকাতে লাগল চার-দিকে। হাতের একটা মূঠাকে চোড়ার মতো গোল করে ধরলে চোখের সামনে, যেন ওতে আরো বেশি করে দেখতে পাবে। কিন্তু দিগ্‌দিগন্তজোড়া ঘন ঝামল ঘাসবনের মধ্যে কোথাও দেখা গেল না আকাশের কোণে আঁকা গাঢ় নীলরঙা তিন পাহাড়ের রেখার মতো একটা পিঠের আভাস কিংবা শিংওয়াল অতিকায় মাথাটা।

একটু দূরেই সবুজ তৃণপ্রান্তরের মাঝখানে আকস্মিক ব্যতিক্রমের মতো খানিকটা রাঙা মাটির জাঙ্গাল বিকীর্ণ হয়ে আছে। হঠাৎ দেখলে মনে হয়, কেউ যেন মস্ত উঁচু করে একটা রাস্তা তৈরি করতে চেয়েছিল এখানে, কিন্তু যে কারণেই হোক তার ইচ্ছাটা সম্পূর্ণ হয়নি। প্রাকৃতিক হোক আর ভুলে যাওয়া কোনো মাহুঘের হাতের কাজেই হোক, এখন ওর নাম ভূতের জাঙ্গাল। কঠিন লাল মাটি—ছোট বড় অসংখ্য কাঁকরে একেবারে বোঝাই। কেউ যেন আগুনে পুড়িয়ে মাটিটাকে লোহার মতো শক্ত আর নীরস করে দিয়েছে ; তাই গোটা দুই শিমুল ছাড়া আর কিছু গাছ-গাছালি গজাতে পারেনি, হা হা করছে ঝাড়া জাঙ্গাল। শুধু সর্বাঙ্গে জলার হিংস্রতম সাপ আলাদ গোথুরের ফোকর নিয়ে পড়ে আছে অতিকায় একটা কঙ্কালের মতো—আর তারই চারপাশে সবুজের ঐশ্বর্য ঢেউয়ে ঢেউয়ে দোলা খাচ্ছে।

কপাল কুঁচকে একবার জাঙ্গালটার দিকে তাকাল ঝামলাল। উঠবে নাকি ওর ওপরে ? সুবিধে হয় তাহলে, চারদিকের অনেকটা ভালো করে দেখতে পাওয়া যায়। কিন্তু উঠতেও ভরসা হয় না। সবাই জানে। জাঙ্গালটা গোথুরো সাপের আঙানা, তাদের ভয়ে একটা শেয়াল পর্যন্ত এগোর না জাঙ্গালের দিকে।

শেরাল না হয় এগোর না, কিন্তু আপাতত যা দেখা যাচ্ছে, না এগিয়ে উপায় নেই। শ্রামলালের। চোখ গিয়ে পড়ল মাঠের ওপারে প্রান্তরেখায়। দেখানে ম্লান হয়ে আসছে সূর্য। ছাড়া ছাড়া মেঘে রক্তাভ দীপ্তি। আর বেশি দেরি নেই। দেখতে দেখতে ধাঁ করে নেমে যাবে বেলাটা। তারপর মাঠের ওপরে ঘনাবে আলোয়-জ্বলা কৃষ্ণকেন্দ্র অন্ধকার। সে অন্ধকারে এই মাঠকে ভয় করতে থাকবে শ্রামলালের, নিজের লাঠির ওপরেও তার বিশ্বাস থাকবে না।

তবে আপাতত আকাশে সূর্য জেগে আছে এবং আশ্রা আছে লাঠিখানার ওপরে। একবার চোখাচোখি হয়ে গেলে যত জাঁদরেল আলাদ গোখুরই হোক, তাকে আর ট্যাফে করতে হবে না। অলক্ষ্য প্রতিদ্বন্দীর সম্ভাবনা কল্পনা করতেই কাঁধের পেশীগুলো ফুলে উঠল শ্রামলালের, নিচের ঠোঁটটাকে একবার সে শক্ত করে চেপে ধরলে দাঁত দিয়ে। তারপর নির্ভীক পায়ে এগিয়ে চলল জাঙ্গালের উদ্দেশে। ওর ওপর থেকে ভাল করে চারদিকটা একবার দেখে নেওয়া দরকার।

সম্ভবপূর্ণে মাটির দিকে চোখ রেখে শ্রামলাল উঠল জাঙ্গালে। কাঁকর গাঁথা শক্ত মাটির গা দিয়ে বর্ষার জল গড়িয়ে গড়িয়ে নামে, তাই তার সর্বাঙ্গে কতকগুলো খাঁজের মতো স্রষ্ট হয়েছে। সেই খাঁজের ভেতরে লাঠি ফেলে ফেলে শ্রামলাল উঠতে লাগল।

একটা শিমুল গাছের নিচে এসে সে দাঁড়ালো। তলার ময়ূপ তকতকে মাটি। যেন যত্ন করে নিকিয়ে রাখা, ছুটি-চারটি শিমুলের ঝরা পাতা ছাড়া আর কিছুই নেই। এখানে আর যাই থাক, ফস করে লাগে এসে ছোবল মারতে পারবে না।

চারদিকে তাকাতে একটা আশ্চর্য আর অপূরণ পৃথিবী ধরা দিল শ্রামলালের চোখে। সবুজ আর সবুজ। ধান নয়, ঘাস। বর্ষার জল নেমে গেছে জলা থেকে, নরম মাটির ওপরে স্তবকে স্তবকে গুচ্ছে গুচ্ছে ঘন সবুজ ঘাস উঠেছে, মাটিকে ঢেকে দিয়েছে। যতদূর চোখ যায়, এর আর শেষ নেই, ছেদ নেই। কোথাও ঢেউখেলানো জমি নেমে গেছে, কোথাও আস্তে আস্তে উঠে গেছে পাহাড়ের মতো অনেকখানি, মাথার ওপর হাতছানি দিচ্ছে তালের গাছ। সবুজ আর শান্ত, বিকেলের পড়ন্ত বেলা নিবিড় হয়ে আসছে, পাথ-পাথালির শব্দ নেই, শুধু বাতাসে একটা শির শির আর সৌ সৌ শব্দন বাজছে।

ওরই মাঝখানে সাধা সাপের মতো আঁকা-বঁাকা একটা রেখা, ডুবে আসা রোদে এখন সোনার মতো ঝলমলে। ওই নদীটা কাঞ্চন। ওর গায়ে খানকয়েক চালাঘরের আভাস, একটা লম্বা বাঁশের ওপর মহাবীরজীর লাল পতাকা। অশ্রুটছরে শ্রামলাল বললে, শালা!

কিন্তু মহিবটার কোনো চিহ্নই তো দেখা যাচ্ছে না।

হঠাৎ গলা ফুলিয়ে একটা বিল্লী আওয়াজ তুলল শ্রামলাল। তার কর্কশ আওয়াজটা চারপাশের শান্ত স্তব্ধতাকে বিদীর্ণ করে দিলে। বাতাসের তরঙ্গে তরঙ্গে ছড়িয়ে ছড়িয়ে পড়তে লাগল লহরে লহরে। শিশু গাছের মাথার ওপর থেকে ভয়ানক দুটো বক জানা মেলে দিলে আকাশে।

শ্রামলাল ডাকলে : আঃ আঃ আঃ—আঃ ইঃ—।

একবার, দু'বার, তিনবার। কিন্তু দিগন্ত-বিস্তার ঘাসের বনে কোনোখানে এতটুকু সাড়া পাওয়া গেল না। তখনতে পাওয়া গেল না পরিচিত গম্ভীর গলার মুহূর্ত্তান্তর। এমন তো হয় না। শ্রামলালের মন আশঙ্কায় আচ্ছন্ন হয়ে উঠল। বাধানের সব চাইতে দুধালো মহিষ—খোয়া গেলে সর্বনাশ। কিন্তু গেল কোথায় ?

—শালা—মহিষটার বাপ-মা তুলে একটা অম্লান গাল দিলে শ্রামলাল। তারপরে আবার তারপরে ডাকলে—আঃ আঃ আঃ—

এবার ডাকটা শেষ করবার আগেই শ্রামলাল চমকে ধেমে গেল। সাড়া পেয়ে গেছে ; কিন্তু মহিষটার নয়। একটা অপ্রত্যাশিত শব্দ—কাছাকাছি কোথায় কে যেন থিল্ থিল্ হাসিতে ভেঙে পড়ল।

পাথরের মতো শক্ত জোয়ান, বাইশ বছরের নির্ভীক গৌরার মাহুঘটার বুকের ভেতর থক করে চমক লাগল। এই নির্জন মাঠের ভেতরে এমন করে কে হাসল ? সন্ধ্যা হয়ে আসছে, শ্রামলাল দাঁড়িয়ে আছে ভূতের জাঙ্গালের ওপরে ; চারদিকে জনপ্রাণীর সাড়া নেই, এমন সময় কে হাসতে পারে ?

সারা শরীরটা নিজের অজান্তেই শিউরে উঠল একবার। শক্ত মুঠোর শ্রামলাল আকড়ে ধরলে লাঠিগাছকে। ভূত হোক, অপদেবতা হোক, বিনা যুদ্ধে কাউকে আমল দেওয়া হবে না। দু-চার ঘা লাঠি আগে হাঁকড়াতে হবে। তারপরে যা হওয়ার হোক।

আবার হাসির শব্দ শোনা গেল, থিল্ থিল্ করে মিষ্টি হাসি। একটু আগেই যে কর্কশ শব্দ তুলে সমস্ত মাঠথানাকে ভরিয়ে তুলেছিল শ্রামলাল, এর সঙ্গে তার কোনো মিল নেই। এ যেন শান্ত স্তব্ধ পৃথিবীকে গানে আর হুয়ে উল্লসিত করে দিলে। শ্রামলালের মন বললে, ভয় পাওয়ানোর হাসি এ নয়, খুশী করে তোলার, এমন হাসি আর যেই হাসুক, ভূতে হাসতে পারে না।

অহুমান নিভুল ! এতক্ষণ দূরে দূরে দৃষ্টিটাকে ছড়িয়ে রেখেছিল বলেই কি এত কাছের জিনিসটা দেখতে পায়নি শ্রামলাল ? জাঙ্গাল থেকে কয়েক পা এগিয়েই ঘাসবনের ভেতর একটি মেয়ে দাঁড়িয়ে। হিন্দুস্থানী মেয়ে, কানের বড় বড় রূপার গয়না দুটো দেখেই তা বুঝতে পারা গেল। মাথার লাল শাড়ির ঘোমটা ডোলা, কালো সূঁচা মুখখানা নকৌতুক

মিষ্টি হাসিতে উজ্জ্বল। তার পাশেই লাইপটে-কান একটা রামছাগলের মূখ চোখে পড়ছে। সেটাও যেন শ্রামলালের দিকে তাকিয়ে আছে কোঁতুকভরা ভঙ্গিতে।

গোয়ার শ্রামলালের বন্ধরক্ত পর্বন্ত রাগে জ্বলে উঠল। মহিষটা পাওয়ার যাচ্ছে না, তার জন্তে একেই মেজাজ বিগড়ে আছে, তার ওপরে এই রকম মর্মান্তিক ঠাট্টা! কাটা ঘায়ে ছুনের ছিটে পড়বার যতো অল্পভূতি হল শ্রামলালের। তা ছাড়া আচমকা ভয় পাইয়ে মেয়েটা যে তাবে তাকে অপদস্থ করে দিয়েছে, সেটাও ক্ষমাযোগ্য অপরাধ নয়।

হাতের লম্বা লাঠিতে ভর দিলে শ্রামলাল—শরীরটাকে আকাশে ভাসিয়ে দিলে সরল-রেখায়, তারপর মস্ত বড় একটা অর্ধবৃত্ত রচনা করে সোজা লাফিয়ে পড়ল ঘাসবনের ভেতরে। এগে দাঁড়ালো একেবারে মেয়েটার মূখোমুখি। ভয় পেয়ে দু পা পিছিয়ে গেল মেয়েটা।

রক্তধরে শ্রামলাল হিন্দীতে বললে, এই, তুম্ কৌন্ হ্যায় ?

শ্রামলালের হিন্দী শুনে মেয়েটা ফিক্ করে হেসে ফেলল। গোয়ারগোবিন্দ মাহুশ, পাখরে গড়া শরীর, মেজাজ সম্প্রতি বিলম্ব চড়া! হাতে প্রকাণ্ড একটা পাকা বাঁশের লাঠি, ইচ্ছে করলে এই নির্জন ঘাসবনের ভেতরে পিটিয়ে ঠাণ্ডা করে দিতে পারে তাকে। আশ্চর্য, তবু ভয় পেল না মেয়েটা। স্বাভাবিক সংস্কারেই বোধ হয় কেমন করে জানতে পেরেছে লোকটা যত চোরাড়ই হোক, সম্পূর্ণভাবে নিরাপদ তার পক্ষে।

জবাব দিলে, আদমি হ্যায়।

আরো চটে গেল শ্রামলাল : আদমি হ্যায় সে তো হাম জানতাই হ্যায়। তুম্ যে ভূত নেহি হ্যায়, সে হাম বুঝতে পারা বা। লেকিন্ হাস্তা কেঁও!

আশ্চর্য বুকের পাটা মেয়েটার। বললে, হামারা খুশি।

ভাঙ্কর লাগল শ্রামলালের। এই এক ফোঁটা মেয়ের দুঃসাহসের পরিমাণ দেখে রাগ করতও ভুলে গেল শ্রামলাল : জানতা হ্যায়, হাম্ কৌন্ ?

কথাটার উপর জোর দিলে শ্রামলাল, 'কৌন্' শব্দটা উচ্চারণ করলে বেশ দরাজ কর্ঠে। কিন্তু এবারেও মেয়েটা তাক লাগিয়ে দিলে : তুম্ ঘোষ হো।

আর রাগ করা চলে না, এবার অবাক হওয়ার পালা। হিন্দী ভুলে গিয়ে শ্রামলাল বললে, কী করে জানলে! মেয়েটা হাসতে লাগল, জবাব দিলে না।

—আর তুম্ ?

—ঘাটোয়ালকা লেড়কী। রুকনি।

নরুতে কাবান্ডর ঘটে গেল শ্রামলালের। বিশ্বয়, কোঁতুহল, সব কিছু মিলিয়ে গিয়ে ক্রোধে দগ্ধ করে জ্বলে উঠল রক্ত। তাই বলো। শত্রুর মেয়ে না হলে এমন বুকের পাটা হয়! এতক্ষণে সে কোঁতুকভরা হাসিটা একটা নতুন অর্থ নিয়ে দেখা দিলে তার কাছে।

রাগে বেশি কথা আর বেরতে চাইল না মুখ দিয়ে। হাতের লম্বা লাঠিটাকে সামনের দিকে বাড়িয়ে দিয়ে শ্রামলাল বললে, ভাগো।

তারপর নিজেই আর অপেক্ষা করল না। লাঠির ওপর ভর দিয়ে এক লাফে উঠে পড়ল জাঙ্গালের ওপরে, আর একটা লাফে চলে গেল ওপারে। হুজনের মাঝখানে ব্যবধানের মতো মাথা তুলে দাঁড়িয়ে রইল ভূতের জাঙ্গালটা—বাতালে শোনা যেতে লাগল ঘাসবনের শির শির আর শৌ শৌ শব্দ।

পশ্চিম আকাশে তালবনের মাথার ওপর দিয়ে ডুবছে সূর্য। আর দেরি করা চলে না। লম্বা লম্বা পা কেলে ঘাসবন ঠেলে ঠেলে এগোতে লাগল শ্রামলাল। সমস্ত জোখ, বিষেব, ক্রান্তি আর হতাশ ছাপিয়েও, কী আশ্চর্য, সেই খিল্ খিল্ মিষ্টি হাসিটা অপূর্ব মাদকতার মতো ছড়িয়ে রইল তার চেতনার মধ্যে।

খেয়াবাটের ঘাটোয়ালের ওপর জাতকোথ শ্রামলালের। ঘাটোয়ালকে একবার কারখানা-মতো হাতের কাছে পেলে লাঠির মুখে তার মাথাটা গুঁড়িয়ে দেবে, পুঁতে দেবে জলার পান। আর গুঁড়ি কচুরির ভেতর, এইরকম একটা সাধু সংকল্প মনে মনে পুঁবে আসছে অনেকদিন থেকে। কিন্তু ঘাটোয়াল শ্রামলালের চাইতেও ঢালাক, হুতরাং এ পর্যন্ত হুমোংটা আর ঘটে ওঠেনি।

এই নীরব নির্জন মাঠের মাঝখানে উল্লেখযোগ্য মাহুষ বলতে এরা হুজন। হুতরাং শত্রুতার চেয়ে মিত্রতা হওয়াটাই স্বাভাবিক ছিল বেশি। কিন্তু হয়নি।

ডুবা জলা জমি—বর্ষায় সমুদ্র। বর্ষার পরে ঘাসের জমি। সেও সমুদ্র, কিন্তু নীলচে ঘোলাজলের নয়, সবুজ ঘাসের। আদিঅন্তহীন এমন একটা গোচারণ ভূমি সারা উত্তর বাংলার কোথাও নেই। এর একপ্রান্তে ছ মাইল দূরে গ্রাম, আর একপ্রান্তে চার মাইল। মাঝখানে এই দশ মাইল জায়গা কুড়ে বিস্তীর্ণ প্রকৃতি—প্রাথমিক পৃথিবী। আর এরই ভেতরে প্রাক্ষেপের মতো ঘাটোয়ালের ঘাট আর শ্রামলালের মহিষের বাধান।

চার-পাঁচ পুরুষ আগে হিন্দুহানী ছিল শ্রামলালের। কিন্তু সে কৌলীন্য আর নেই এখন। মাতৃভাবার জায়গা দখল করেছে প্রাদেশিক বাংলা, কখনো কখনো তার ভেতরে বালিয়া জেলার এক-একটা বেখান্না শব্দ—উত্তরাধিকারসূত্রে অজিত। পিতৃপুরুষের ভাবা আর নেই, কচিরীতিও বদলেছে, কিন্তু বদলাননি পেশাটা।

এই দ্বিগ্বিক্তার মাঠের ভেতরে মহিষের বাধান। মহিষের সংখ্যা কম নয়, ছোট বড় বাহুরগুলো হুহু প্রায় আঠারোটি। আগে আরো ছিল, তবে দু বছর আগে মড়ক লাগাতে অনেকগুলো শেব হয়ে গেছে। সেজন্তে শোকবোধটাও পুরনো হয়ে গেছে। আশাতত এই আঠারোটিকে নিয়েই খুশি আর পরিতৃপ্ত আছে শ্রামলাল।

প্রায় তিন মাইল এগিয়ে একটা উঁচু টিলার ওপরে শ্রামলালের ঘর, চাকরদের আত্মনা, মহিষের গোয়াল। আপনার বলতে কেউ নেই, একান্তভাবে একা। কিন্তু কোন্‌ নেই এই একাকিস্ববোধের জন্মে, বেদনাও নেই। এই মহিষগুলোকে নিয়েই তার দিন কাটে। বড় ভালো লাগে অতিকার চেহারার অবালা প্রাণীগুলিকে। জলার ঘাস খেয়ে নম্র মন্থন দেখে তাদের তৈলাক্ত স্বাস্থ্যে চকচক করে, তাদের স্নেহস্বস্তি পরিতৃপ্ত চোখগুলির দিকে তাকিয়ে ভারী তৃপ্তি বোধ হয় শ্রামলালের। মায়ের মতো আদর করে সে, মহিষগুলোর গলার নিচে হাত বুলিয়ে দেয়, আরামে চোখ বুজে আসে তাদের। এত বড় বড় বিশালকার পশুগুলোকে শিশুর মতো অসহায় বলে বোধ হতে থাকে।

আবার বর্ষায় আর একরকম। মাঠে তখন খই খই করে জল, মহিষগুলোর খেজা-ভোজনের পথ বন্ধ। বছরের সঞ্চিত পোয়ালগুলো দিয়ে ক্ষুদ্রিত্ব করিতে হয়। কিন্তু অত বড় বড় পেট তাতে ভরে না, খড়ি-ওড়া চামড়ার নিচে দেখা যায় পাজরের হাড়, সারা গায়ে ডাঁশ আর এঁটুলি, পিঠের হাড়টা উঁচু হয়ে ওঠে তলোয়ারের ফলার মতো। ভারী কষ্ট হয় শ্রামলালের।

স্থখে তুঃস্থে এমনি করে দিন কাটে। মাঝে মাঝে আসে নবীপুরের বাজার থেকে হিন্দুস্থানী ভগৎজী আর পাড়েজী, পাইকারী দরে ঘি কিনে নিয়ে যায়, ‘ভেজিটেবল্’ মিশিয়ে এক নম্র ঘি বানিয়ে ছেড়ে দেয় বাজারে।

খোলা মাঠে, সবুজ ঘাসের জগতে দিন কাটে শ্রামলালের। ভালোই কাটছিল। কিন্তু একদিন গুণ্ডগোল বাধল ঘাটোয়ালের সঙ্গে।

কাঞ্চন নদীর ওপারে ছোট খেয়াঘাটের সে ইজারাদার। নবীপুরের ঘাজী পার করে, আদায় করে ছ’পরশা; ধানের গাড়ি এলে ছ’আনা, খালি গাড়ি তিন আনা, কানে আংটি, জাড়া মাথা, আধবুড়ো লোক। সারাদিন গাঁজা খেয়ে চোখ লাল করে বসে থাকে; রোজগারপাতি মন্দ হলে থিটু থিটু করে বিক্রী রকমে।

তা করুক, শ্রামলালের সঙ্গে সম্পর্ক ছিল না বিশেষ। কিন্তু মহিষের পিঠে একদিন সবে নদী পার হয়ে ডাঙায় উঠেছে শ্রামলাল, এমন সময় এসে পথ আগললে ঘাটোয়াল।

শ্রামলাল বললে, কেয়া হয়?

ঘাটোয়াল জবাব দিলে, পরশা?

—কিদের পরশা?

—পারানির।

—পারানি! —শ্রামলাল আশ্চর্য হয়ে গেল : নৌকোর পার না হলেও পরশা?

—জরুর! —গাঁজার বোঁকে ঘাটোয়াল ব্যাখ্যা করে দিলে : এ ঘাট তার ইজারা। এ ঘাট যে পেরবে, তাকেই পরশা দিতে হবে। জমিদারের কাছ থেকে রহু টাকার জাক দিয়ে

ষাট নেওয়া হয়েছে—ইয়াকি নয়। পরশা জন্ম দিতে হবে। তা নৌকোতেই পার হও আর ভৈরব চেপেই চলে যাও।

বেলা বাহ্যিক হুজুট। শ্রামলালের ভালো লাগবার কথা নয়। মহিষের পিঠ থেকে তখন সে লাফ দিয়ে পড়ল—মারামারি করবে। ঘাটোয়ালও তৈরিই ছিল, উক চাপড়ে বললে, ত আও ববুয়া!

ঘাটোয়ালের লোকজন মাঝে পড়ে ছাড়িয়ে দিলে। বিদ্যালয়ে ছুঁতন পরম্পরের দিকে যে দৃষ্টিক্ষেপণ করলে তার অর্থ জলের মতো প্রাঞ্জল।

একজন মনে মনে বললে, ফিন্ ইধার আয়েকে তো—

আর একজন স্বগতোক্তি করলে : একবার শুদিকে যাবেগা তো—

আসতে আসতে গভীর কোভের সঙ্গে শ্রামলালের মনে হয়েছিল কেন আজ সে লাঠিটা সঙ্গে আনেনি।

এই হল শত্রুতার সংক্ষিপ্ত ইতিহাস।

সন্ধ্যার মলিন ছায়ায় যখন ঘাসের বন ধরেছে কালো সমুদ্রের রূপ, তখন ঘরে ফিরল শ্রামলাল। আর ফিরে এসে দেখল, কখন কোন্ ফাঁকে দুদিনের হারানো মহিষটা আপনা থেকেই বাধানে ফিরে এসেছে।

কবে মহিষটাকে একটা টাটি বসালো শ্রামলাল। গাল দিয়ে বললে, কাল থেকে বেঁধে রাখব। রাতে নিজের খাটিয়াতে শুয়ে শুয়ে একটা আশ্চর্য নৃতন ভাবনায় আচ্ছন্ন হয়ে গেল মন। ঘাটোয়ালের মেয়ের উপরে একটা অপরিণীত ফ্রোদ আর বিরক্তি নিয়ে যে চিন্তাটা শুরু হয়েছিল, কখন তার ধারাটা ঘুরে গেছে সম্পূর্ণ উল্টো দিকে সেটা টেরই পায়নি শ্রামলাল। মন বলতে লাগল, ভারী সুন্দর তার মুখখানা, নদীর স্রোতের মতো তার হাসির শব্দ। ঘাসবনের নিরবচ্ছিন্ন শির শির আর শৌ শৌ শব্দের মধ্যে, পড়ন্ত রোদের শান্ত কোমল নির্জনতায় একটা অপরূপ আবির্ভাবের মতো এসে দাঁড়িয়েছিল মেয়েটা।

সমস্ত রাজি ধরে ওই ছবিটা স্বপ্ন সঞ্চার করতে লাগল তার ঘুমের মধ্যে। শ্রামলাল স্বপ্ন দেখতে লাগল শত্রুর মেয়ের সঙ্গে ক্রমাগত সে ঝগড়া করে চলেছে।

পরের দিনটা আবার শুরু হল বাধা কাজের তাগিদে। চাকরগুলোকে দিয়ে দুধ ধোয়ানো, সেই দুধ জাল দিয়ে বি তৈরির বন্দোবস্ত। কাল সকালেই আসবে রাসরতন জগৎ, এক মণ বি চাই তার।

কিন্তু বেলা যেই পড়ে এল, যেই আকাশের ছাড়া ছাড়া মেঘে ধরল লালের রঙ, সঙ্গে সঙ্গে অকারণে চন্দ্ৰনু করে উঠল বৃকের ভেতরে। আশুনে পোড়া তামাটে রঙের বিশাল কঙ্কালের মতো ভূতের আঁকাটা তার শিমুলের শাখা ছলিয়ে দূর থেকে হাতছানি দিলে তাকে। আজ মহিষ হারায়নি, সবগুলোই আছে চোখের সম্মুখে, তবু লখা লাঠিটা হাতে

নিরে বেরিয়ে পড়ল শ্রামলাল। আর বগুনা হল সেদিকেই—যেদিকে হিংস্র আলাক গোখুরের ভয়ে মাছুষ এগোতে চায় না।

লাঠিতে ভর দিয়ে, মাটির সঙ্গে শরীরটাকে সমান্তরাল করে, একটা অর্ধবৃত্ত রচনা করে শূন্দের ওপর দিয়ে খালটা পার হয়ে গেল শ্রামলাল। দাঁড়ালো এসে জাকালের নিচে। আর তখন যেন ফিরে এল চৈতন্য, খেয়াল হল এ সে করেছে কী!

একে তো এই সাপের জাকালে আসা এমনিতেই বিপজ্জনক। তার ওপরে কাল যে মেয়েটি দৈবাৎ এখানে ছাগল চরাতে এসে পড়েছিল আজও যে এখানে সে আসতে পারবে তার সন্ধান কোথায়! তা ছাড়া শক্তির মেয়ে—

ফিরে যাবে কিনা ভাবতে ভাবতেই শ্রামলাল দেখলে কখন সেই বর্ষার জল-নামা টিলার খাঁজে খাঁজে লাঠি আটকিয়ে উঠে বসেছে জাকালের মাথায়। এসে দাঁড়িয়েছে সেই শিমূল গাছটার নিচে, স্বরাপাতাগুলোর ওপরে। কিন্তু—

মুহূর্তে স্নান হয়ে গেল মুখ, বিষন্ন হয়ে গেল চোখের দৃষ্টি। বৃকের ভেতরটা ধক করে উঠল নিরাশায়। তবু চেঁচা করতে দোষ নেই। মুখে হাতটা চাপা দিয়ে অকারণেই বিলম্বী বাজখাঁই আওয়াজ তুললে শ্রামলাল : আঃ—আঃ—আঃ—

কিন্তু জাকটা শেষ হওয়ার আগেই জলতরঙ্গের মতো উজ্জ্বল হাসির কলরোল ভেসে উঠল। এবারে আর ঘাসবনের ভেতরে নয়, ঠিক তার পেছনে, শিমূল গাছটার আড়াল থেকে।

চমকে পেছন ফিরল শ্রামলাল। বিস্ময় পরিচিত গলায় বললে, এখানে উঠলে কেন? বড় সাপের ভয়।

রুক্মি হাসল : এখানে না উঠলে তো দেখা যেত না তুমি আসছ কিনা।

তা হলে ব্যাপারটা একতরফা নয়। শক্তির মেয়েও তারই মতো ঝগড়া করবার প্রতীক্ষা করছিল, জাকালে উঠে দেখছিল শ্রামলাল আসছে কিনা। চোরাড় কাঠ-খোঁট্টা মুখে হাসি দেখা দিলে। বললে, চলো, এখানে নয়, ঘাসবনের ভেতরে গিয়ে বসি।

উজ্জ্বল চোখে রুক্মি বললে, চলো।

পাখীর মতো হালকা মেয়েটা। এক হাতে তাকে তুলে নেওয়া চলে।

অনাবৃত আদিম পৃথিবীতে আদিঅন্ধহীন ঘাসের বন। অনাবৃত, অনায়োজন সহজ ভালোবাসা। আজ ঘরে কিরতে অনেক রাত হয়ে গেল শ্রামলালের। কিন্তু আজ আর ভয় করল না, ভয় করল না জলার ওপরে তমিস্রাঘন রাজিকে। ঘন অন্ধকারেও তারায় আলোর এমন করে পথ দেখতে পাওয়া যায় একথা কি আগে কোনদিন জানতে পেতেছিল শ্রামলাল?

খেয়া পায়াপার করে ঘাটোয়াল। পারানির পরশা আদ্যার করে, বগড়া করে গরুর গাড়ির গাড়োয়ানদের সঙ্গে। গাড়ি বেশি বোকাই থাকলে ছ'আনার জায়গায় আট আনা আদ্যার করতে চায়, মুখচেনা থাকলে কখনো কখনো এগারো আনার রফা করে ছ'খানা গাড়িকে। কাঞ্চনের শাস্ত নীল জলের ওপর দিয়ে অনববত্ত পায়াপার করে ঘাটোয়ালের জোড়া নৌকো। আর আনে নবীপুরের বাজার থেকে তোলায় তোলায় গাঁজা, কখনো কখনো ছু-চার বোতল 'তিরিশ লখর কা দারু'। মদের মধ্যে এইটেই সবচেয়ে কড়া আর এটা নইলে গাঁজাখোরের কড়া মগজে নেশা চড়তে চায় না।

ওদিকে পার হয়ে গেছে কৃষ্ণপক্ষ। ফালি ফালি করে আকাশে বড় হচ্ছে চাঁদ, ক্রমশঃ উজ্জল হয়ে উঠছে ঘাসের বন, জ্যোৎস্নায় আশ্চর্য হৃদয়ের আলোছায়া নেচে যায় তার ওপর দিয়ে। বহুদূরের সাঁওতালপাড়া থেকে নিযুতি রাজে বাঁশির সুর আসে, আসে মাদলের শব্দ। জল-মেশানো পাতলা মহিষের দুধের মতো রঙধরা আকাশের তলা দিয়ে উড়ে যায় রাজারসের ঝাঁক, খাটিয়ার ওপরে বসে বসে আগ্রত বপ্ত্র দেখে শ্রামলাল।

মহিষগুলোকে এখনো আদ্যর করে, যন্ত্র করতে চেষ্টা করে এখনো। কিন্তু সে আন্তরিকতা আর নেই, এখন পরিকার দ্বিমুখী হয়ে গেছে মনের গতিটা। যা নিয়ে এতদিন সে সম্পূর্ণ হয়েছিল, আজ মনে হয় তার ভেতরে কত বড় একটা ফাঁকি লুকিয়ে ছিল। এভাবে একা একা আর বাস করা চলে না, একা একা থাকা এখন অসম্ভব তার পক্ষে।

আজকাল আর অপেক্ষা করতে হয় না বিকেলের ছায়া ঘনানো পর্যন্ত। দুপুরের পরেই আসে রুক্মিণী। নিরিবিলা ভূতের জাজ্বালের পাশে ঘন সবুজ ঘাস স্নিগ্ধ নিবিড় আবরণ দিয়ে ওদের ঢেকে রাখে। এমনিতেই বুক পর্যন্ত ঘাস, মাথা উঁচু করে না দাঁড়ালে দেখতে পাওয়া যায় না। তার আড়ালে নিভৃত নিঃসঙ্গ অপরূপ অবকাশ।

সবুজ ঘন ঘাস। বিচিত্র একটা মিষ্টি গন্ধে ভরা। প্রজাপতি উড়ে আসে, উড়ে আসে ফড়িঃ—মাথার ওপর সর্কোতুকে চক্র দিয়ে উড়ে যায়—ওদের নিভৃত প্রেমের নিঃশব্দ সাক্ষী। রাজারাজড়াদের বিছানা কি এই সবুজ ঘাসের চাইতেও নরম ?

শ্রামলালের বাহুতে নিজেেকে এলিয়ে দিয়ে গুন গুন করে গান গায় রুক্মিণী। শিব শিব শব্দ শব্দ শৌ শৌ করে তার সঙ্গে সুর মেলায় বাসবনের গান। ভূতের জাজ্বালের ওপরে শিমুলের ছায়াটা ঘন হয়ে আসতে থাকে, হৃদ পাটে নামে পশ্চিমের ভালবনের ওপারে, এদিকে উঁকি মাঝে চাঁদের পাণ্ডুর রেখা। রুক্মিণী ছাগল নিয়ে কিরে যায় খেরাঘাটের দিকে, লম্বা লাঠির ওপরে লাক দিয়ে ঘরের দিকে রওনা হয় শ্রামলাল।

তারপর জ্যোৎস্নায় মাতাল করা সন্ধ্যা। একা একা খাটিয়ার পড়ে কিয়তে অসহ লাগে এখন। অথচ উপায় নেই। ঘাটোয়ালকে বলা যাবে না, ভেড়ে মারতে আসবে। অবস্ত মারামারিতে ভয় পায় না শ্রামলাল, কিন্তু তাতে কোনো কল্যাণ হবে না। লাভের ভেতরে

ঝামেলাই বাড়বে খানিকটা, ওতে করে কুকুনিকে পাওয়া যাবে না।

একদিন কুকুনির ছুঁখানা হুজোল হাত প্রাণপণে আঁকড়ে ধরলে ঝামলাল।

—চল পালিয়ে যাই।

কুকুনি হাসল : কোথায় ?

—যেখানে খুশি—যতদূরে হোক। পালিয়ে গিয়ে বিয়ে করব তোকে।

কুকুনি তেমনি হাসতে লাগল : পারবে ?

মাথার ভেতরে টগবগ করে রক্ত ফুটছিল ঝামলালের : পারব না কেন ? নিশ্চয় পারব।

—এই বাধান, এই ভৈঁসার পাল ? এগুলোকে তো সবহুছ তাড়িয়ে দিতে পারবে না। ফেলে যেতে পারবে ?

হাত দুটো আপনা থেকে ছেড়ে দিলে ঝামলাল। এই মহিষের পাল। কত যন্ত্র, কত আশঙ্কা, কত সজাগ পরিচর্যা ! মুখে যত সহজেই বলা যাক, মনের দিক থেকে অত জোর নেই তার।

তা ছাড়া যাবেই বা কোথায় ? এত বিরাট, এত বিপুল পৃথিবীর কতটুকু জানে ঝামলাল, কতটুকুই বা তার চেনা ? এই ঘাসের বন—সমুদ্রের মতো যার বিস্তার, ওই রাঙা মাটির টিলাগুলো, দূরে দূরে তালগাছ, আকাশে ছাড়া ছাড়া মেঘে নৃবাক্ত নৃবোধদের রঙ, তালগাছের মাথার ওপরে কুকুনির হাসিভরা মুখের মতো উকি দেওয়া চাঁদ, কাকুন নদী, খেয়াঘাট, আর দূরের নবীপুরের বন্দর—কী আছে এর বাইরে ? সেখানে অপরিচয়—সেখানে এমন কি কিছু আছে যার ওপরে ভর দিয়ে সে দাঁড়াতে পারে নিজের পায়ে ! গভীর রাজিতে এই দিগন্ত-সমাকীর্ণ মাঠের ভেতরে কেউ যদি পথ হারায় তা হলে যেমন আলোয়ার আগ্নেয়শিখা বিজ্ঞাস্ত করে ঘুরিয়ে মারে তাকে, তেমনি করে সেই অচেনা জগৎ ঘুরিয়ে তুলিয়ে মারবে তাকে ? এবং সেই অন্ধকারে তাকে কি পথ দেখাতে পারবে কুকুনি ?

লংশয় কাটে না মনের ওপর থেকে।

তবু জোর করে জবাব দিলে ঝামলাল : তোর অন্তে সব পারব।

—আচ্ছা, ভেবে দেখো।

কুকুনির চোখ তেমনি লীলা-মধুর কোঁতুকে জলজল করছে। প্রতিবাদ করা উচিত—কুকুনি বিশ্বাস করেনি বুঝতে পারছে ঝামলাল। কিন্তু তবুও প্রতিবাদ করা চলে না। মুখে বলা গোড়া, কিন্তু কাজটা নয়। তার আছে—অপরিচিত অনাস্থ্যের পৃথিবীর—সমস্ত নাড়ীতে নাড়ীতে জড়িয়ে আছে বাস্তবের প্রতি অন্ধ দুর্বলতা—সারাটা জীবন ধরে সব চাইতে একান্ত করে কেনেছে থাকে ; আর আশঙ্কা আছে সেই সব আলোয়ার—রাজির

অন্ধকারে নিখর কালো ঘন ঘাসবনে বায়া অসতর্ক পথিককে বিভ্রান্ত করে ঘুরিয়ে নিয়ে বেড়ায়, কখনো কখনো বা ডুবিয়ে মারে জলার হাতী তলিয়ে যাওয়া অর্ধে কাদাঙ্গলের মধ্যে !

মনের ভেতরে অসহ্য অস্বস্তি । নিজের হাত কামড়ে খেতে ইচ্ছে করে শ্রামলালের । ছুটে যেতে ইচ্ছে করে ওই শালা গাঁজাখোর ঘাটোয়ালের কাছে । তার পা ধরে সে বলতে পারে—

কিছু বাধা দিয়েছে রুক্মিণি । কেমন চমকে উঠেছে, আশঙ্কায় ছল্ ছল্ জলজল করে উঠেছে কালো চোখ, বলেছে, না না ।

—না না কেন ? টাকা যদি চায়, আমি দেব । শ রূপেরা, দেড়শো রূপেরা, আমার টাকার অভাব নেই ।

রুক্মিণি তবুও বলেছে, না, সে হবে না !

—কেন ?

হঠাৎ একটা চৌক গিলেছে রুক্মিণি, কি একটা কথা সামলে নিয়েছে মুহুর্তের মধ্যে । তারপর দ্বিধা করে বলেছে, আমার বাপের ভারী রাগ তোমার ওপরে । হাজার টাকা দিলেও রাজী হবে না । বরং ঝামেলা হবে ধানিকটা । তার চাইতে এই ভালো !

এই ভালো ? মনের দিক থেকে মেনে নিতে পারে না শ্রামলাল । এ ভালো নয়— এ লুকোচুরি এখন রীতিমত পীড়া দিচ্ছে তাকে । অপরাধবোধ, লজ্জা । কারো কাছে কখনো ছোট হয়নি শ্রামলাল, চলেছে মাথা উঁচু করে, সোজা মনের মতো হাতের সোজা লম্বা লাঠিটার ওপরে নিঃসঙ্কোচ জোর রেখে । আজ হীন মনে হয় নিজেকে, মনে হয় ঘাটোয়ালের কাছে সে হেরে যাচ্ছে । এমন একটা জায়গাতে এখন দাঁড়িয়ে আছে ঘাটোয়াল—যেখানে, তার দিকে মুখ উঁচু করে তাকানোর সাহস নেই শ্রামলালের ।

আরো অসহ্য লাগে রাজি । ছুবিবহ বোধ হয় একেবারে । খোলা বারান্দার খাটিন্য়ার সুমোর শ্রামলাল । গভীর রাত্রে শুনে পায় বহু ঘুরের সাঁওতাল-পাড়া থেকে বাঁশির স্বর— ওই স্বরটা রক্তের ভেতরে যেন ঝিনঝিন করে বাজে ; দক্ষিণের হাওয়াটার যেমন বিশিষ্ট একটা অস্বস্তি, শরীরকে আচ্ছন্ন করে তুলতে চায় । বড় একা—বড় বেশি নিঃসঙ্গ ।

নাঃ—আর পারা যায় না । এবার বলতেই হবে ঘাটোয়ালকে । কপালে যা থাকে তাই হোক ।

সারারাত ছটকট করে বলেই ঘুমটা ভাঙতে দেয়ি হচ্ছে আজকাল । সুখে ওপরে রোদ এসে পড়েছে শ্রামলালের, ঘুমের ভেতরে কেমন অস্বস্তি বোধ হচ্ছে । হঠাৎ—

চমকে গড়মড় করে উঠে বসল শ্রামলাল ।

এ কি লভ্যি ? এ কি বিশ্বাস করবার মতো ? তার হাওয়ার নিচে দাঁড়িয়ে ঘাটোয়াল !

স্বাড়া মাথা, কানে আঁটি। এই সকালেই নেশা করে এসেছে—টকটকে লাল চোখের দৃষ্টি। হাতে একখানা তেল-পাকানো মস্ত লাঠি। ডাক দিচ্ছে : হোই হো ঘোব, শুনত্ হো ?

আতঙ্ক মড়ার মতো পাণ্ডুর হয়ে গেল শ্রামলাল। রুক্মির ব্যাপারটা টের পেয়েছে নাকি ঘাটোয়াল ? বিহ্বল চোখ বুলিয়ে একবার তাকিয়ে দেখে নিলে লাঠিটা তার তৈরি আছে কি না।

কিন্তু ভাব্জব লাগিয়ে দিয়ে ঘাটোয়াল হাসল। বললে, এত বেলা পর্যন্ত শুয়ে থাকো কেন ? কাজের কথা আছে তোমার সঙ্গে।

কাজের কথা ! এবং ঘাটোয়াল হাসছে। তা হলে—

এবারেও চমক লাগল শ্রামলালের, কিন্তু আনন্দের চমক। রুক্মিই তবে ব্যবস্থা করে ফেলেছে সব ! কিন্তু ঘাটোয়াল পাকা লোক, অনেক টাকা চাইবে নিশ্চয়। তা হোক, তা হোক। রুক্মির জন্তে দুশো টাকা খরচ করতে তার আপত্তি নেই।

—আও, বৈঠো খাটিয়ামে—

আমন্ত্রণ গ্রহণ করে খাটিয়ার এসে বসল ঘাটোয়াল। রোমাক্ষিত আনন্দে সর্বাঙ্গ কাঁপছে শ্রামলালের। তার উড়ে যেতে ইচ্ছে করছে এই সবুজ ঘাসবনের ওপর দিয়ে, বাঁপিয়ে পড়তে ইচ্ছে হচ্ছে রুক্মির বুকে। কিন্তু আর একটু ধৈর্য ধরতে হবে, করতে হবে আরো একটু প্রতীক্ষা।

কথা আরম্ভ করবার আগে হাতের চেটোতে বেশ খানিকটা খৈনি পাকিয়ে নিলে ঘাটোয়াল। ভাগ দিলে শ্রামলালকে, নিজে মুখে পুরলে খানিকটা। তারপর খাতস্থ হলে বললে, ভেবে দেখলাম তোমার সঙ্গে ঝগড়াঝাঁটি করে কোনো লাভ নেই।

শ্রামলাল বললে, জরুর।

—যা হয়ে গেছে তুলে যাওয়াই ভালো—পিচ করে দাঁতের ফাঁক দিয়ে খানিকটা থুথু ফেললে ঘাটোয়াল : এখন একটু কাজে এসেছি।

নিজের বুকের স্পন্দন যেন শুনতে পাচ্ছে শ্রামলাল : কী কাজ ?

—ছুঁসের ভালো দি চাই। কত দাম ?

এও কি ভূমিকা, না শুধু এইটুকুই মাত্র বলতে এসেছে ঘাটোয়াল ? আশায় আশঙ্কায় ভুলতে লাগলো শ্রামলালের মন : ছুঁসের ভালো দি ? ওর আর দাম লিব না তোমার কাছে থেকে, হাজার হোক আজ থেকে যখন দোস্তী হয়ে গেল।

খুশিতে ঘাটোয়ালের মুখ তরে গেল : আচ্ছা, আচ্ছা, তব্ তো ঠিক হ্যার। আজ থেকে তোমার আর পারানির পরসা লাগবে না দোস্ত্। আসল কথাটা কী জানো ? ফি আমার জন্তে নয়—আমার বেটীর বর আসবে, তাই—

—তোমার বেটীর বর ?—শ্রামলালের মাথার ওপর মস্ত একটা লাঠির দাঁ এসে পড়ল
—মাথাটা যেন চুরমার হয়ে গেল মুহূর্তে : কোন বেটী ?

—একটাই তো বেটী আমার । ওই রুক্মি ।

—রুক্মি !—প্রতিধ্বনি করলে শ্রামলাল । কিন্তু এত কৌণকঠে যে ঘাটোয়াল তা
শুনতে পেল না । ঘাটোয়াল বলে চলল, শাদী তো হয়েছে দু'বছর বয়েসে, কিন্তু এতদিন
গাওনা হয়নি কিনা । তা এইবারে নিতে আসবে । জামাই আমার খুব মানী লোক,
হবিবপুর খানার সিপাহী । শনিবারে সে আসবে মেয়েকে নিতে । বলছে একটু ভালো
খিয়ের যোগাড় রাখতে ।

নিশ্চল হয়ে রইল শ্রামলাল । হাতের চেটোর আবার নতুন করে খানিকটা তামাক-
পাতা নিয়ে ঘাটোয়াল ডলতে লাগল : জামাই বড় ভালো লোক । খত পাঠিয়েছে
চৌকিদারের সঙ্গে, মেয়েকে পাঠিয়েছে লাল শাড়ি । লিখেছে গয়নাও নিয়ে আসবে ।
বরাত ভালো রুক্মির, কী বলো দোস্ত ?

হঠাৎ শ্রামলাল হেসে উঠল : জরুর ।

কেমন সন্দেহ হয়ে তাকালো ঘাটোয়াল, হাসিটার অর্থ যেন ঠিক বুঝতে পারল না ।
তারপর জিজ্ঞাসা করলে, বিটা কখন পাওয়া যাবে ?

—কাল । কাল সন্ধ্যার পরে নিজেই দিয়ে আসব আমি ।

রুক্মি অস্বীকার করেনি কিছুই । তেমনি বাসবনের শাস্ত কোমল ছায়ায় নিজেকে
লীলাভরে এলিয়ে দিয়েছে শ্রামলালের বৃকের ভেতরে, বলছে, তোমাকে বলিনি, বললে
তোমার কষ্ট হত । তা ছাড়া তোমার মতো জোয়ান মাহুঘটাকে পাওয়ার জন্যে ভারী
লোভও হয়েছিল ।

ঠিক কথা, কোনো অস্ত্রায় হয়নি । স্থগাভরে রুক্মিকে বৃকের ভেতর থেকে ছিটকে
কেলে দেয়নি শ্রামলাল । এই ঘাসের বনে, এই দিগন্তজোড়া মুক্ত মাঠের ভেতরে এমনি
নির্ভাবনায় ভালোবাসাই তো ভালো । এখানে যেমন ঘরের বেড়া নেই—তেমনি কোনো
নিয়মের বেড়া নাই বা থাকল এই গোপন ভালোবাসায় । পৃথিবীর ধর্মই মেনে নিয়েছে
রুক্মি । ক্ষতি কী ? নির্জন প্রেম নির্জন মাঠের খোলা বাতাসেই উড়ে চলে যাক ।

আন্তে আন্তে শ্রামলাল বললে, ভুই চলে যাবি ?

কথাটার সোজা জবাব দিলে না রুক্মি । হয়তো বেদনাবোধ হয়েছে, হয়তো জেপে
উঠেছে বৃদ্ধ করুণ একটুখানি সহ্যভূতি । ঘুরিয়ে বললে, তোমাকে ফুলব না ।

আশ্বাসের কোনো প্রতিক্রিয়া হল না শ্রামলালের মুখে । বললে, কাল একবার আসকি
শেষবারের মতো ? এর পরে তো তোকে আর দেখতে পাবো না ।

রুক্মি জানমুখে বললে, আসব।

—আর একটা অহরোধ। তোর নতুন রাজা শাড়িটা পরে আসবি রুক্মি, যেটা টকটকে লাল। আমার দেখতে ভারী ইচ্ছে করছে।

রুক্মি এবার টিপে টিপে হাসল একটু : আচ্ছা।

পরদিন দুপুরে বাখানের সব চাইতে বড় মহিষটাকে বেছে নিলে শ্রামলাল। হিংস্র চেহারা, খাঁড়ার মতো প্রকাণ্ড দুটো শিং। মাঠের প্রচুর ঘাস খেয়ে ইদানীং এটাই একটু বেরাড়া হয়ে উঠেছে, মাঝে মাঝে চলতি দেহাতী লোককে ভেড়ে যেতে চায়। চোখের দৃষ্টিতে লালের আভাস লেগেছে, আজকাল কেমন আশঙ্কা হয় সেদিকে তাকালে।

সেই মহিষটার পিঠে চড়ে বসল শ্রামলাল। এগিয়ে চলল জাঙ্গালের দিকে। খানিকটা আসতেই পেছনের জগৎটা হারিয়ে গেল ঘন ঘাসবনের নেপথ্যে। শুধু জেগে রইল নিতুর্ক নির্জনতা। বতাসে রাশি রাশি ঘাসের আনন্দিত আন্দোলনে শব্দ উঠছে শির শির শৌ শৌ—। এ সেই স্তব্ধতা যেখানে নির্জনে ভালোবাসা চলে, আর—আর—হত্যা করা চলে নিঃশব্দে।

নালা পার হয়ে মহিষটা শ্রামলালের তাড়া খেতে খেতে অনেকটা মাটি আর পাথর ভেঙে বহু কষ্টে উঠে পড়ল জাঙ্গালে। ফৌস ফৌস করে হাঁপাচ্ছে মহিষটা, মাঝে মাঝে অসহ্যভাবে নাড়ছে শিং দুটো, মুখের কব দিয়ে গড়াচ্ছে ফেনা। তা ছাড়া আকাশে প্রথর বোদ—মাথাটা যে দম্ভরমতো তেতে তার উঠেছে সে বিষয়ে আর সন্দেহ নেই।

হ্যাঁ, রুক্মি এসেছে, লাল শাড়ি পরেই এসেছে। শ্রামলালের শেষ অহরোধটা ভোলেনি। হাসিমুখে এগিয়ে এল সামনের দিকে। আজ শেষ বাসর—

আর সেই মুহূর্তেই একটা ভৈরব গর্জন করলে মহিষটা। সঙ্গেসঙ্গে সামনের পা দুটো ঠুঁকলে জাঙ্গালের ওপরে, ঠিকরে ছড়িয়ে পড়ল একরাশ মাটি আর পাথর, লাফিয়ে নেমে পড়ল শ্রামলাল। টকটকে লাল রঙ দেখে খুন চেপেছে উত্তেজিত মহিষের। চোখ দুটোতে ঠিকরে বেকল আদিম পৃথিবীর আরণ্য হিংসা। শিং দুটো নিচু করে সোজা ছুটল রুক্মির দিকে।

আর্তনাদ করে পালাতে গেল রুক্মি, পারল না। টিলা থেকে দৌড়ে নামতে গিয়ে হুড়মুড় করে পড়ে গেল ঘাসবনের মধ্যে। চোঁচিয়ে উঠল : বাঁচাও—বাঁচাও—

কিন্তু বুনো ক্যাপা মহিষের হাত থেকে কাউকে বাঁচানো কি সম্ভব ? অনর্থক চেষ্টা করে লাভ নেই। পেছন কিরে দাঁড়িয়ে একটা বিড়ি ধরালো শ্রামলাল।

নির্জন হিংস্রপ্রসার ঘালের বন। বাতাসে শৌ শৌ শব্দ। খানিকটা এগিয়ে গেলেই বাতালের শব্দে সব কোলাহল উড়িয়ে নিয়ে যায়—কয়েকটা চাপা আর্তনাদের তো কথাই নেই। কিছুক্ষণ পরে যখন পেছনের গোঙানিটা একটু কমে এসেছে, তখন একবারের, শুধু

একবারের জন্তে কিরে তাকিয়ে দেখল শ্রামলাল। ঘাসবনের মধ্যে কিছু দেখা যায় না, তবে ল্যাজটা ওপরের দিকে তুলে মহিষটা ক্রমাগত কী যেন গুঁতিয়ে চলেছে আর গর্জন করছে হিংস্র ভয়ঙ্করভাবে। পায়ের দাপটে ঘাসের বন ছিঁড়ে ছিঁড়ে বাতাসে ঘুরপাক খাচ্ছে ঘূর্ণির মতো। পলকের জন্তে শিং দুটো চোখে পড়ল—লাল শাড়ির চাইতে আরো গাঢ়, আরো গভীর রঙে সে দুটো টকটক করছে—সে রক্ত! ঘাসবনের হিংসা ঘাসবনের ভালোবাসার মতোই নগ্ন আর নিরবরণ।

শ্রামলাল নিশ্চিন্তে বিড়িটায় একটা টান দিলে, তারপর হাতের লাঠিটা বাগিয়ে ধরে জাজালের ওপর দিয়ে সোজা হেঁটে চলল। তার কান এখনো আর একটু বাকি। একটা আলাদ গোখুর দরকার, দরকার খানিকটা তাজা বিষ। ঘাটোয়ালের জামাইয়ের জন্তে খাটি খিটা সন্ধ্যার মধ্যেই পৌঁছে দিতে হবে যে!

বন-জ্যোৎস্না

শ্রীযুক্ত যনোজ বহু
শ্রীচরণেশ্বর

‘বন-জ্যোৎস্না’ নামে যে বইটি আমার একদা ছিল, এখন সেটি লুপ্ত। তবু ‘বন-জ্যোৎস্না’ সেই বই থেকে পুনর্মুদ্রিত। ‘বন-তুলসী’ও অন্তর বই থেকে পুনর্মুদ্রণ।

বাকি গল্প ক’টি নতুন—গত দু-তিন বছরের মধ্যে লেখা। এদিক থেকে ‘বন-জ্যোৎস্না’কে নতুন বই-ই বলা যেতে পারে। আর প্রথম দুটি গল্প থেকে পরের গল্পগুলোর মধ্যে প্রায় পনেরা-ষোলো বছরের ব্যবধান।

এই ব্যবধান থেকে হয়তো একটা জিনিস দেখা যাবে। চিন্তায়, রীতিতে, আত্মপ্রকাশে একজন সাধারণ লেখকের বিবর্তন কিভাবে ঘটে যায়, তার কিছুটা আভাস এ থেকে পাওয়া যাবে, খুব সম্ভব। পাঠক-পাঠিকারা তা লক্ষ্য করবেন কিনা জানি না, কিন্তু পুরোনো লেখা সম্পর্কে লেখকের সংকোচ কেন থাকে, এই বইটির মধ্য দিয়ে আমি তা অঙ্কিত করছি।

বন-জ্যোৎস্না

জঙ্গলের মধ্যে জ্যোৎস্না পড়েছে।

দুপাশে নিবিড় শালের বন। কিন্তু নিবিড় হলেও পত্রাচ্ছাদন লতাগুল্মে জটিল নয়—পাতার ফাঁকে ফাঁকে উঁকি দিয়েছে পূর্ণিমার চাঁদ। আলো-আধারির মায়ার অপরূপ হয়ে আছে অরণ্য।

সক পায়ে চলার পথ দিয়ে শিউকুমারী এগিয়ে চলেছিল। কাঁথের কলসী দেহের ললিত ছন্দে দোল খাচ্ছে—সুকনো শালের পাতা পায়ের নিচে যেন আনন্দে গান গেয়ে উঠেছে। এই সন্ধ্যায় একা জঙ্গলের পথ নিরাপদ নয়। বাঘ আছে, ভালুক আছে, হাতি আছে, নীলগাই আছে, বরা আছে—কী নেই এই বিশাল অরণ্যে? তবু শিউকুমারীর ভয় করে না। তা ছাড়া ভূয়ার্দের বাঘ নিতান্তই বৈষ্ণব, পারতপক্ষে তারা মানুষের গায়ে ধাবা তোলে না, এমনি একটা জনশ্রুতিতেও এদেশের লোক প্রগাঢ়ভাবে আস্থাবান।

বনের মধ্য দিয়ে একা চলেছে শিউকুমারী। গায়ের রূপের গয়নার জ্যোৎস্নার ঝিলিক। জঙ্গলের বুকে একটা গভীর ক্ষত-চিহ্নের-মতো বিসর্পিত রেখায় ঝোরার জল যেখানে বয়ে গেছে, সেখানকার ঘন-বিস্তৃত ঝোপের ভেতর উঠেছে বুনো ফুলের গন্ধ। জ্যোৎস্নায় মাতাল হয়ে ডেকে চলেছে হরিয়াল—পূর্ণিমা-রাত্রির মায়ার তারও চোখ থেকে ঘুম দূর হয়ে গেছে। শুধু থেকে থেকে কোথায় তীব্রত্বের চিংকার করছে একটা ময়ূর—পাখা ঝটপট করছে, হয়তো বেকায়দায় পেয়ে কোথাও আক্রমণ করেছে শিশু একটা পাইথনকে। অরূপণ পূর্ণিমা আর অনাবরণ সৌন্দর্যের মধ্যেও আরণ্যক আদ্বিম হিংসা নিজেকে ভুলতে পারেনি—হরিয়ালের স্বরে আর ময়ূরের ডাকে রক্ত-মধুরের ঐকতান বেজে চলেছে।

জঙ্গল শেষ হতেই খরখরে বালি। পলিমাটির নরম কোমলতা নয়, মুক্তা-চূর্ণের মতো মিহি মথমল-মস্থণ বালিও নয়। চূর্ণ পাথরের টুকরো এখানে কীকরের মতো ধারালো। স্তরা বর্ষায় জলচাকা যে সমস্ত পাথরের চাউড় হিমালয়ের বুক থেকে নামিয়ে নিয়ে এলে—ছিল, অভিকায় কতগুলো কচ্ছপের মতো সেগুলো বিশাল বালি-বিস্তারের ওপর ছড়িয়ে পড়ে আছে।

ওপারে ভূটানের কালো পাহাড়। আর তলা দিয়ে ছেঁদহীন অরণ্য—ভূয়ার্গ থেকে টেরাই। হুর্গমতার ওপারে প্রতিরোধের ওর্জনী। দেবতাস্ত্রা নগাখিরাঙ্গের অলঙ্কার প্রাকার। আলোর ধোয়া আকাশের নিচে পৃথিবীর বুক ঠেলে ওঠা কালো বিদ্রোহ। আর সামনে পাহাড়ী নদী জলচাকা।

কতটুকু নদী, কতটুকুই বা জল। বুক পর্বন্তও ডুববে কিনা সম্ভেদ। মেখে মনে হয় পায়ে হেঁটে পার হওয়া যায়। কিন্তু মনে হওয়া পর্বন্তই—তুধু হেঁটে কেন, নৌকোতেও পার হওয়া চলে না। ঘণ্টায় ত্রিশ মাইল বেগে দুর্দান্ত স্রোতে জল নেমে চলেছে, পাহাড় থেকে সমতলে, সমতল থেকে সমুদ্রে। স্বপ্ন থেকে হঠাৎ-জাগা নিস্বপ্নের বহ্নি-গর্জন। জলের তলায় তলায় ঠেলে নিয়ে চলেছে বেলে পাথর আর গ্র্যানাইটের অগন্ধল স্তুপ। নিচে পাথরে পাথরে সংঘর্ষ—ওপারে খরখরে বালি ভেঙে জলের হুকার। এতটুকু নদীর কলরোল এক মাইল দূর থেকেও কানে আসে।

জ্যোৎস্নার ঝলসে যাচ্ছে জলচাকা। শান্ত ধুমন্ত আলোর বাঁকা তলোয়ার নয়। পাহাড়ীরা যাকে সোনালী অজগর বলে এ যেন ঠিক তাই। স্মৃধার্ত সোনালী অজগরের মতো গর্জন করে এঁকেবঁকে ছুটে চলেছে—যেন মুখ থেকে ছিটকে পালিয়ে যাওয়া শিকারের সন্ধানে তার অভিযান।

কাঁখে কলসী নিয়ে শিউকুমারী স্থির হয়ে দাঁড়ালো খানিকক্ষণ। পেছনে অরণ্য, ওপারে অরণ্য আর পাহাড়, মাঝখানে নদী। আকাশে চাঁদ।

ভারী খুশি লাগছে মনটা। আনন্দে গান গেয়ে উঠতে ইচ্ছে করছে। এমনি জ্যোৎস্না-রাতেই তো ‘পিতমের’ আসবার কথা। পাহাড়ের গা বেয়ে নেমেছে উৎরাইয়ের পথ। দুধারে শালের বন হাওয়ার কাঁপছে। পাহাড়ী ঝাড়ুয়ের একটানা শোঁ শোঁ শব্দ। জলৌ কলার পাতাগুলো কাঁপছে, কাঁপছে জ্যোৎস্নার রঙ মেখে। আর সেই পথ বেয়ে নামছে ঘোড়া, নেমে আসছে ঘোড়সওয়ার। খট খট খটখট। বৃকের রক্তে মাতলামির দোলা লেগেছে, সমস্ত শিরাসায় চকিতে হয়ে উঠেছে অধীর এবং উদ্গ্রীব প্রতীক্ষায়। ‘পিতম’ আসছে অভিসারে।

একটা গানের কলি গুন গুন করে ছ’পা এগিয়ে আসতে-না-আসতেই আবার শিউ-কুমারীকে খেমে পড়তে হল। আকাশের চাঁদে আর মাঝামাঝি পৃথিবীতে মিলে বন-জ্যোৎস্নার যে অপূর্ব স্বর বাজছিল—হঠাৎ সে স্বর কেটে গেছে। ভয়ে আর আশঙ্কার সমস্ত শরীর ছম ছম করে উঠল।

জলের ধারে সাদামতো পড়ে আছে, ওটা কী? পাথর? না—পাথর নয়। বিকেলেও শিউকুমারী ওখানে গা ধুয়ে গেছে, তখন তো ওটা ছিল না। আর এতটুকু সময়ের মধ্যে এত বড় একখানা পাথর তো আর হাওয়ার মুখে উড়ে আসেনি। তা হলে?

নিশ্চয় মাছ। কিন্তু মাছ এল কী করে? কেউ খুন করেছে নাকি? জানোয়ারে মেয়ে দিয়েছে? ছুটোই সম্ভব। নয়তো গুলটেড্-এরিয়া—আইনের বন্ধন এখানে শিথিল। অরণ্য-বাজ্যে ভ্রান্ত-অভ্রান্তের বিচার করে আরণ্যক মাছবেরাই, সে-জন্তে তাদের সদরে আদালতে ছুটে যেতে হয় না। আর সন্তোবেলার ছু-চারটে জানোয়ারের জলের কাছে

আনানাগোনাও খুবই সম্ভব। বিশেষ করে ভালুকের আমদানিটা তন্নাক্ষে এমনিতেই একটু বেশি।

কয়েক মূহূর্ত শিউকুমারী বিধাগ্রস্ত হয়ে দাঁড়িয়ে রইল। কী করবে? এগিয়ে যাবে ওখানে? কে জানে কোনো অনিশ্চিত বিপদ ওখানে প্রতীক্ষা করে আছে কি না। এই জল আর জনহীন নদীর ধারে। এখানে বিপদ-আপদ এলে সে কী করতে পারে!

কিন্তু ইতস্তত করে লাভ নেই। দেখাই যাক না। ভূটানী মেয়ের নির্ভীক নিঃশঙ্কর মন আশ্বস্ত হয়ে উঠল ক্রমশ। ধীরে ধীরে সেদিকে এগিয়ে গেল সে।

মাহুঘই বটে। কিন্তু বিদেশী—বাঙালী। জলের ধারে নিঃসাড় হয়ে পড়ে। ভালুকে খায়নি, তা হলে চোখ-নাক নিশ্চয় আস্ত থাকতো না। গায়ে কোথাও রক্তের দাগ নেই—কতটুকু নেই কোনোখানে। কাপড়টা গোছানোই আছে, সাদা জামাটার সোনার বোতামগুলি আলোতে ঝিকিয়ে উঠছে। আর, আর—কী আশ্চর্য, মাহুঘটা মরেনি। সমস্ত শরীরে চেউয়ের মতো দোলা দিয়ে বড় বড় নিঃশ্বাস উঠছে তার, নিঃশ্বাস পড়ছে। কোনো কারণে অজ্ঞান হয়ে গেছে নিশ্চয়।

তারপর আর ভাবতে হল না শিউকুমারীকে। কলসী ভরে সে জলঢাকার জ্যোৎস্নায় গলা তুহিন নীতের জল নিয়ে এল, স্নেহে হাঁটু গেড়ে বসে পড়ল লোকটার পাশে। মুখে-চোখে জল ছিটিয়ে একটুখানি উড়ানির হাওয়া দিতেই অজ্ঞান মাহুঘের দীর্ঘায়ত ক্লান্ত নিঃশ্বাস ক্রমশ সহজ আর স্বাভাবিক হয়ে আসতে লাগল। আরো খানিক পরে চোখ মেলল মহীতোষ। বিহ্বল অর্ধহীন দৃষ্টি। সমস্ত চিন্তা যেন মস্তিষ্কের মধ্যে অস্পষ্ট নীহারিকার মতো দ্রুত লয়ে আবর্তিত হয়ে চলেছে। খণ্ড খণ্ড, ছিন্ন ছিন্ন। রূপ নেই, আকার নেই, অর্ধ-সজ্জিত নেই!

আরো জোরে জোরে হাওয়া দিতে লাগল শিউকুমারী। আরো বেশি করে ছিটিয়ে দিলে জল। জলঢাকার বরফগলা স্পর্শে মরা মাহুঘ চমকে উঠতে পারে, আর মহীতোষ তো অজ্ঞান হয়ে পড়েছে মাত্র। আন্তে আন্তে মহীতোষ উঠে বসল।

লামনে তরুণী নারী। উন্মিষ ব্যাকুল দৃষ্টিতে তার মুখের দিকে তাকিয়ে আছে। তার কালো চোখে জ্যোৎস্না, স্বপ্নের মুখখানিতে জ্যোৎস্না, কর্ণাতরণে জ্যোৎস্না। পাশ দিয়ে ভীত কলরোলে বয়ে যাচ্ছে জলঢাকা। পুলিশ নয়, পেছনে ছুটে-আসা শত্রুও নয়। গতিশীল, তরঙ্গিত জীবনের সমস্ত চঞ্চলতা যেন এখানে এসে স্থির আর স্তব্ধ হয়ে দাঁড়িয়েছে। আকাশ থেকে স্বপ্নের পাখার ভর দিয়ে কি পরী এসে নেমেছে তার পাশে? অপরিমিত ক্লান্তি আর অবসাদে কি শেষ পর্যন্ত মরে গেছে মহীতোষ, আর মৃত্যুর পর পৌঁছে গেছে একটা আশ্চর্য

!

রক্তা বিদেশিনী তরুণী। মৃত্যির মতো অপলক দৃষ্টিতে তাকিয়ে তার দিকে—

বিশ্ব আর জিজ্ঞাসা একসঙ্গেই সে দৃষ্টির মধ্যে কথা করে উঠেছে। কিন্তু মর্মমূর্তি নর, মানুষই বটে।

মহীতোষ বললে, আমি কোথায় ?

হিন্দী-মেশানো বাড়লার জবাব দিলে মেয়েটি : নদীর ধারে।

‘নদীর ধারে ! মহীতোষের মনে পড়ে গেল। পালিয়ে আসছিল—সে আর অরবিন্দ ! শালবনের মধ্যে অরবিন্দ কোথায় হারিয়ে গেল—তার আর সন্ধান মিলল না। কিন্তু দাঁড়াবার সময় নেই, প্রতীক্ষা করবার উপায় নেই। পালাও, পালাও, আরো জোরে পালিয়ে চলো। আগের দিন কিছু খাওয়া হয়নি, সারারাতের মধ্যে চোখ বুজবার উপায় ছিল না একটিবারও। কিদে-ভেটায় সমস্ত শরীরটা অসাড় আর শিথিল হয়ে গেছে। তারপর ছুটতে ছুটতে সামনে পড়ল জল। পিপাসার্ত পশুর মতো সেদিকে ছুটে এল মহীতোষ। তারও পরে ? আর কিছু মনে পড়ে না।

মেয়েটি আবার বললে, কী করে এলে এখানে ?

জবাব দিলে না মহীতোষ। কী জবাব দেবে, কেমন করে জবাব দেবে ! অবসাদে ভারী, আচ্ছন্ন চোখ দুটো উদাসভাবে মেলে দিয়ে সে তাকিয়ে রইল ওপারের ঘনাকার অরণ্য কালো পাহাড়ের অতিকায় দিগ্-বিস্তারের দিকে।

শিউকুমারী বললে, উঠতে পারবে ? তা হলে চলো আমাদের ঘরে।

মহীতোষ ভবুও ভাবছে। কোথায় যাবে সে ? কোন্‌খানে তাকে নিয়ে যাবে এই অপরিচিতা রহস্যময়ী মেয়েটি ? কোন্‌ অজ্ঞাত পৃথিবীর আমন্ত্রণ তার দৃষ্টিতে ?

মহীতোষ শেষ পর্যন্ত উঠেই দাঁড়ালো। ক্লান্তিতে সর্ব শরীর কাঁপছে, মাথাটা ঘুরে পড়তে চাইছে মাটিতে। এক কাঁখে কলসী ধরে আর একখানা হাত অসংকোচে শিউকুমারী এগিয়ে দিলে মহীতোষের দিকে : নাও, আমার হাত ধরে চলো।

অন্ধ সময় হলে দ্বিধা করত মহীতোষ। সহজাত শিক্ষা আর সংস্কারে একটি অজানা অচেনা তরুণী মেয়ের শুভ্র হাতখানিকে আশ্রয় করবার কল্পনাতেও রক্তে দোলা লেগে যেত। কিন্তু চেতনা তখনো সম্পূর্ণ বিকশিত হয়ে ওঠেনি। যেন অর্ধতন্দ্রায়, অথবা পরিপূর্ণ স্বপ্নের মধ্যেই সে খেয়াল দেখছে। চাঁদের আলোয়, বালিতে, জল-কল্লোলে আর বনের মর্মরে সমস্ত পৃথিবীটাই তো অবাস্তব হয়ে গেছে। মন এখানে প্রব্রু করে না, দ্বিধা করে না। এমন একটা আশ্চর্য পটভূমিতে সবই সম্ভব, সবই স্বাভাবিক।

শিউকুমারীর ভিজে ঠাণ্ডা হাতটা আঁকড়ে ধরলে মহীতোষ। স্ফুটিত স্তম্ভম দেহের ওপর সমস্ত শরীরের ভারটাই এলিয়ে দিয়ে বালির ওপরে পা টেনে এগিয়ে চলল সে। একটা সুগন্ধ নাসারন্ধ্র বয়ে যেন তার রক্তের মধ্যে প্রবেশ করে তাকে আচ্ছন্ন করে দিচ্ছে। কিন্তু সে গন্ধ মেয়েটির দেহ থেকে, অরণ্য থেকে, না আকাশের চাঁদ থেকে—মহীতোষ

ঠিক বুঝতে পারল না।

বালির রেখা ছাড়িয়ে জঙ্গল। শালবনের ভেতর দিয়ে মাহুঘ, হরিণ আর ভালুকের চলার পথ। বরা শালপাতার পদধ্বনির মর্ষরিত প্রতিধ্বনি। ময়ূর ডাকছে না, কিন্তু হরিয়ালের মাদক স্বর ভেসে যাচ্ছে বাতাসে। হিংস্র জানোয়ারের হুঙ্কার শোনা যাচ্ছে না কোথাও। চকিতের জন্তু কানে এল হরিণের মিষ্টি আহ্বান। এমন অপূর্ব বন-জ্যোৎস্নায় সে হয়তো হরিণীকেই সন্ধান করে ফিরছে। কঁক-কঁক-কঁক! ঝোপের মধ্য থেকে অশ্লিষ্ট গদগদ-ধ্বনি। বন-মোরগ দম্পতি হয়তো মিলনমায়ার বিহ্বল হয়ে উঠেছে কোথাও।

বন-জ্যোৎস্না। শিউকুমারীর মনে পড়ে এমনি রাত্রে আসবে পিতাম। জঙ্গল কলার পাতার পাতার ছায়া কাপছে পাহাড়ী পথে। বাউয়ের বনে উদাস বিরহাতুর দীর্ঘশ্বাস। আর পাথরবাঁধা পথ দিয়ে সাদা ঘোড়ার খট খট সোয়াদারী হয়ে আসছে দূরবাসী প্রিয়তম—শালের কুঞ্জে বাসর-যাপন।

শিউকুমারী কি গুনগুন করে গান গাইছে? মহাতোষ কিছু বুঝতে পারছে না। চেতনা ক্রমশ কিমিয়ে পড়ছে। এই জ্যোৎস্নায়, বনের এই সঙ্গীতে, এই রহস্যময় পথ চলার ছন্দে। শিউকুমারীর গায়ের ওপর ভারটা ক্রমশ বেশি হয়ে চেপে পড়েছে। মহাতোষ আবার কি ঘুমিয়ে পড়ল, না অজ্ঞান হয়ে গেল একেবারে?

জঙ্গলের এদিকটা অনেকখানি ফাঁকা। ডি-ফরেষ্টেশনের প্রভাবে জঙ্গল হাল্কা হয়ে গেছে—ওদিকে তো একেবারেই নেই। মাহুঘের কুঠারের ঘা পড়েছে অরণ্যের অপ্রতিহত সাত্রাজ্যে। কাঠ চাই। ইচ্ছনের জন্তু, আশ্রয়ের জন্তু, সভ্যতার সংখ্যাতিত প্রয়োজনের জন্তু, এমন কি জঙ্গল সংহার করবার কুঠারের বাঁটের জন্তু। ক্ষত-বিক্ষত অরণ্য দিনের পর দিন হুহু হয়ে আসছে, অস্তিম প্রতিবাদে ছোট বড় গাছ আর একরাশ লতাগুল্ম দলিত করে লুটিয়ে পড়ছে বৃদ্ধ বনস্পতি, মাহুঘের অবিশ্রান্ত দাবীর মুখে পৃথিবীর প্রথম অধিবাসীরা নিঃশব্দে আত্মদান করে চলেছে। শুধু ব্যথাতুর বৃকের মধ্যে সঞ্চিত জ্বালা মাঝে মাঝে আত্মপ্রকাশ করে দাবানল হয়ে। সে এক অপক্লপ দৃশ্য। শুকনো পাতার ধূ ধূ শিখা জালিয়ে আর লতাগুল্মকে পুড়িয়ে দিয়ে শাঁ শাঁ করে এদিকে ওদিকে সরীসৃপ-গতিতে আগুনের প্রবাহ চলে জলস্রোতের মতো। এঁকেবঁকে এগিয়ে যার—সোজা চলতে চলতে হঠাৎ ভাইনে বায়ে মোড় ঘোরে। বনানীর বৃকের জ্বালা আগুনের সাপ হয়ে ছুটোছুটি করে। একদিন, দুদিন, তিনদিন—যে পর্যন্ত না শাল-বনের ডালে ময়ূরের পেখম ছড়িয়ে দিয়ে হিমালয়ের চূড়া থেকে আলা নীল মেঘে ধারাবর্ষণ নামে।

জঙ্গল যেখানে হাল্কা হয়ে এলেছে সেখানে তুটানীদের একটা ছোট বস্তি। দেশটা কিন্তু তুটান নয়—বাঙলা দেশের একেবারে উত্তরাঞ্চল। পাহাড়, ঝর্ণা, জঙ্গল আর চা-

বাগান। চা আর কাঠের প্রয়োজনে একটু দূরেই ঘন বনের মধ্য দিয়ে ছোট একটি-রেল লাইন—তার ওপর দিয়ে যে রেল গাড়ি চলে তা আরো ছোট। বুনো হাতি দেখলে ইত্থিন ব্যাক করে—শালগাছ পড়লে গাড়ির চলাচলতি বন্ধ হয়ে থাকে। নন্থেগ্লেটেড্ অঞ্চল, থানা পুলিশের উপদ্রবটা গোপ বন্ধ। একজন সার্কল অফিসার আছেন, কিন্তু তিনি কোথায় আছেন অথবা কী করেন সেটা নিরাকার ব্রহ্মের মতোই গুরুতর তত্ত্ব-চিন্তা সাপেক্ষ।

এইখানে—চা-বাগান, কাঠের কারবার আর রেল-লাইনের সীমানা থেকে কিছুটা দূরে সরে এসে, কুলবীরের পচাইয়ের দোকান। চা-বাগান আর কাঠ-কাটা কুলিদের প্রাণরস-সঞ্চয়ের কেন্দ্র। সন্ধ্যার জল্লের পথ-ঘাট ভালো নয়, আপদ-বিপদের সম্ভাবনাও আছে। তবু কুলিরা এখানে আসে—দিনান্তে উগ্র মাদকতায় একবারটি গলা ভিজিয়ে না নিলে তাদের চলে না। কুলবীরের রোজগার যে প্রচুর তা নয়, তবু দিন কাটে, চলে যায় এক-রকম করে।

রাত বাড়ছে। জল্লের আড়ালে চাঁদ উঠে আসছে মাথার ওপর। কোথা থেকে চিংকার করছে হায়না। কুলিরা একে একে উঠে পড়ল সবাই, সাঁওতাল কুলিদের মাদলের শব্দ আর জড়িত গানের স্বর ক্রমে মিলিয়ে এল দূরে। হঠাৎ কুলবীরের খেরাল হল, মেয়ে শিউকুমারী এখানে কেবেরি। নদীতে জল আনতে গিয়েছিল, তারপর—

কুলবীরের মনটা ছলকে উঠল। জানোয়ারের পাকায় পড়েনি তো? ঝকঝকে ভোজালিখানা থাপে পুরে নিয়ে সবে বেরিয়ে পড়তে যাবে এমন সময় এল শিউকুমারী। একা নয়, কাঁধে ভর দিয়ে আসছে মহীতোব। আর আসছে বললেই কথাটা ঠিক হয় না, শিউকুমারী বয়ে আনছে তাকে।

কুলবীর অবাক হয়ে তাকিয়ে রইল খানিকক্ষণ। ছোট ছোট মঙ্গোলীয়ান চোখ দুটো বিস্ফারিত করে অশ্রুট গলায় বললে, এ কি?

ঠোটে আঙুল দিয়ে শিউকুমারী বললে, চুপ। একে কিছু খেতে দিয়ে এখন শোবার ব্যবস্থা করে দাও বাবা। যা শোনবার শুনো সকালে।

কুলবীরের একটা পা কাঠে তৈরি। ১৯১৪ সালের লড়াই-ফেরত লোক সে। স্ম্যাগার্স, কামানের গর্জন—ওয়েস্টার্ন ফ্রন্ট। শেলের টুকরোতে বা পাখানা হয়তো উড়ে গিয়ে ইংলিশ চ্যানেলেই আশ্রয় নিয়েছে।

যুদ্ধ থামল, কুলবীর ফিরে এল দেশে। ভূটান সরকার কিছু কিছু জমি-ভমা দিলে, রাজতন্ত্রের পুরস্কার। কিন্তু সেই জমি নিয়েই শেষকালে বাধল নানা গুণ্ডগোল। বুড়ো কুলবীরের এসব কামেলা ভালো লাগল না। একদিন ছোটো টাট্ বোড়ার পিঠে সব চাপিয়ে দিয়ে, ভূটানের পাহাড় ডিঙিয়ে, জলচাকার হিম-শীতল ভীষ্মধারা পার হয়ে সে চলে এসেছে কুমারীর জললে।

তারপর দিন কেটে চলেছে। ভালোর মন্দে, ছোট বড় হুখ-হুখে। সাত বছরের মেয়ে শিউকুমারীর বয়স এখন উনিশ। দিনের পর দিন শক্তিশীল হয়ে পড়ছে কুলবীর, অখর্ব হয়ে পড়ছে। একটা পায়ের অভাবে বুনো ঝোড়ার মতো ভেজীরান শরীরেও শিথিলতার লক্ষ্য হরছে খানিকটা। অনেকটা এই কারণেই এতদিন পর্যন্ত বিয়ে হয়নি শিউকুমারীর। বুড়ো বয়সে কুলবীরের আঁকের যষ্টি।

রাত্রির অন্ধকারে দেখা যায়নি, এখন প্রথম সূর্যের আলোর দিগন্তে দেখা যাচ্ছে কাকনজজ্ঞার সোনালী চূড়ো। শালবনকে অত ঘনবিস্তৃত বলে বোধ হচ্ছে না। পাহাড়ের রেখাটা গাঢ় নীলিমা দিয়ে আঁকা, রাশি রাশি কুঞ্চিত রোমের মতো ঘন জল তার সর্বাত্মক বিস্তৃত হয়ে আছে।

হাঁকো হাতে নিয়ে দড়ির খাটিরায় বসে মহীতোষের ইতিহাস সবটা শুনল কুলবীর। চাপা তামাটে মুখখানার ওপর দিয়ে সংশয়ের নিবিড় ছায়া ছড়িয়ে পড়ল।

—এখানে কেমন করে তোমাকে থাকতে দেব বাবু? ইংরেজের মলুক। আমার বেশ ভুটান হলে তো কথা ছিল না, কিন্তু এখানে—

পচাইয়ের একটা হাঁড়ি নিয়ে শিউকুমারী বেরিয়ে এল বাইরে। বন-জ্যোৎস্নার হাকে অপক্লপ স্বপ্নময়ী বলে মনে হয়েছিল, দিনের উজ্জল আলোর দেখা গেল ততটা সুন্দরী সে নয়। খর্ব নাসিকা, ছোট ছোট চোখ। পরনের উড়ানিটার রং বিবর্ণ। ফর্সা মুখখানার ওপরে স্বাভাবিক অযত্নের একটা মলিন রেখা পড়েছে, গলার খাঁজে কালো হয়ে জমে আছে ময়লা। অপগতক্লান্তি হুঁহু শিক্ত মহীতোষের যেন স্বপ্নভঙ্গ হয়ে গেল। নিতান্ত সাধারণ, নিতান্তই পথেঘাটে দেখা পাহাড়ী মেয়ে। বন-জ্যোৎস্না আর সোনালী অজগরের মতো খরখার নদীর পটভূমিতে আলোর পাখায় যে ভর দিয়ে নেমে এসেছিল, সে যেন নিতান্তই অস্ত্র লোক।

মহীতোষ কোনো জবাব দিলে না কুলবীরের কথায়, জবাবটা দিল শিউকুমারী। বললে, না বাবা, বাঙালীবাবুকে কটা দিন রাখতেই হবে। এখন এখান থেকে বেরোলেই অংরেজ ধরে নেবে ওকে। তুমি স্বাধীন ভুটিয়া, স্বাধীন বাঙালীকে আশ্রয় দিতে আপত্তি করছ কেন?

এবার চমকবার পালা মহীতোষের। আশ্চর্য, এমন একটা কথা এই নোংরা পাহাড়ী মেয়েটা বলতে পারল কী করে? এ কি স্বাধীন পাহাড়ী রক্তের থেকে স্বতোৎসাহিত অথবা এই আরণ্যক উন্মুক্ত পৃথিবীর প্রভাব? মহীতোষ ডাকিয়ে রইল শিউকুমারীর দিকে। সুগঠিত দেহ—লালিত্যের চাইতে দৃঢ়তা বেশি। ছোট ছোট চোখ ছটোতে শানিত দৃষ্টি। কানে রূপোর ছটো প্রকাণ্ড আভরণ—বাঙালী মেয়ের নরম কান হলে হিঁড়েই নেমে পড়ত। এক লহমায় মনে হল ভুটানের স্বাধীন সৈনিকের অঙ্গ দেবার অধিকারিনী

বীরমাতাই বটে।

কিন্তু কথাটা ফুলবীরের মনে ধরেছে। স্বাধীন জাত—প্রতিদিন বিদেশী শৃঙ্খলের অপমান বয়ে বেড়াতে হয় না। তা ছাড়া নিজে লড়াই করেছে—কাদামাথা বোমাবিক্ষেপ ট্রেকে, কাটা শেলের ফুলঝুরিতে, রাশি রাশি বুলেটের মধ্যে, বেরনেটের খারালো ফলায়। সৈনিকের মর্যাদা সে বোঝে। আর তা ছাড়া মহীতোষও সৈনিক বইকি। স্বাধীনতার জন্তে লড়াই করে যে-সে-ই তো সৈনিক।

ফুলবীর চিন্তিত মুখে হঠকোয় টান দিয়ে বললে, আচ্ছা, থাকো। এখন কোনো ভয় নেই—এবেলা লোকজনের আমদানি হয় না জঙ্গলে। কিন্তু বিকেলে চা বাগান থেকে সব আসে, তাদের সামনে পড়লে বিপদ হতে পারে।

শিউকুমারী বলল, সে তোমাকে ভাবতে হবে না, আমি ঠিক করে নেব।

মহীতোষ কৃতজ্ঞ গাঢ় চোখে একবার তাকালো শিউকুমারীর আনন্দিত উজ্জ্বল মুখের দিকে। অস্পষ্ট গলায় বললে, তোমার দয়া ধাপাজী।

—না, না, দয়া আর কিসের। এসেছো, থাকো দুদিন।—ফুলবীর অল্প একটু হাসল, তারপর কাঠের পায়ে খটখট করে ঘরের ভেতরে চলে গেল। আশ্রয় দিয়েছি, কিন্তু সংশয় কাটছে না।

ধাকার অসুস্থতি মিলল, কিন্তু মহীতোষ ভাবতে লাগল, থাকা কি সত্যিই সম্ভব। পাহাড়ীদের ছোট ছোট কুঁড়েঘর—ঝোপড়ী। দড়ির খাটিয়া। পচাইয়ের উগ্র দুর্গন্ধ। চারদিকে নীল জঙ্গল, পৃথিবীকে দৃষ্টির আড়ালে সরিয়ে রেখে কারাগারের মতো দাঁড়িয়ে আছে। বাইরের প্রকাণ্ড বিক্ষুব্ধ জগৎটাতে ইতিহাসের দ্রুত আবর্তনের সঙ্গে সঙ্গে কী যে ঘটে চলেছে তা এখান থেকে জানবার বা অনুমান করবারও উপায় নেই। এ কি আশ্রয়, না আত্মামানে নির্বাসন?

শিউকুমারী এগিয়ে এল। পাহাড়ী মেয়ের সহজ নিঃসংশয়তার একখানা হাত রাখল মহীতোষের কাঁধের ওপর। বললে, বাঙালীবাবু, কী ভাবছ?

মহীতোষ অন্তমনস্কভাবে বললে, কিছুই তো ভাবছি না।

—না, কিছুই ভাবতে হবে না। কোনো ভয় নেই তোমার, অংরেজ এখানে তোমাকে খুঁজে পাবে না।

মহীতোষ রান হাসল : ঠিক জানো তুমি?

—জানি বইকি। কিন্তু এখানে থাকতে হলে তো বসে বসে ভাবলে চলবে না। কাজ করতে হবে। চলো, জঙ্গল থেকে কাঠ কুড়িয়ে আনি।

একটা কিছু করবার সুযোগ পেয়ে যেন হাল্কা হয়ে গেল অনিশ্চিত অশান্তির বোকাটা। মহীতোষ উঠে দাঁড়ালো, বললে, চলো।

শালবনের পথ। নিচের দিকটা দাবানলে জলে গেছে এখানে ওখানে। শাল শিশুরা আঙনে পুড়ে গিয়ে কালো কালো কতকগুলো খুঁটির মতো দাঁড়িয়ে। কিন্তু আঙনে পুড়েছে বলেই ওরা মরবে না। এ হচ্ছে ওদের জীবন-শক্তির প্রথম পরীক্ষা, ভাবীকালে বনশ্রুতি হওয়ার গৌরব লাভ করবার পরে প্রথম অগ্নি-অভিষেক। তিন-চার বছর দাবানল ওদের ডাল-পাতা পুড়িয়ে নির্জীব করে দেবে, কিন্তু তার পরেই অগ্নি-উপাসক ঋষিকের মতো নির্দাহন শক্তি লাভ করবে ওরা। দিনের পর দিন বড় হয়ে উঠবে—ঝুঁ হয়ে উঠবে—নিজেদের বিস্তারিত করে দেবে, ডুয়ার্স থেকে টেরাই পর্যন্ত।

ডালে ডালে পাখি। চেনা-অচেনা, নানা জাতের, নানা রঙের। ময়ূর আর বন-ময়ূরী ছোটোছোটো। চকিতের জন্তে দেখা দিয়েই বিছাতের মতো মিলিয়ে যায় হরিণের পাল। এখান ওখান দিয়ে ঝোঁরার জল। দুপাশে সবুজ ঘন-বিস্তৃত ঝোপ, বড় বড় ঘাস, অসংখ্য বুনো ফুল। পায়ে পায়ে ভুঁইটাপার নীল-বেগুনী মঞ্জরী।

কাঠ আর শুকনো পাতা কুড়িয়ে চলেছে হুজনে। বেশ লাগছে মহীতোষের। জীবনের রূপটা যে এত বিচিত্র, এমন মনোরম, এ কথা আগে কি কখনো কল্পনা করতে পারতো মহীতোষ? কিন্তু আর হুয়ে হুয়ে খড়ি কুড়োতে পারা যায় না। পিঠটা টনটন করছে।

শিউকুমারী ডাকল, বাঙালীবাবু?

মহীতোষ চোখ তুলে তাকালো : কী বলছ?

—হাঁপিয়ে গেছ তুমি। এসব কাজ কি তোমাদের পোষায়? এসো, জিরিয়ে নিই।

একটা শালগাছের গোড়ায় শুকনো পাতার তুষের উপর বসল হুজনে। নীল, ঠাণ্ডা ছায়া, খসখসে শালের পাতার বাতাসের শিরশিরানি। ঘুঘু ডাকছে। ভুঁই টাপার ওপরে উড়ে বসছে নানা রঙের বুনো প্রজাপতি। গাছের ডালে ডালে বানর লাফিয়ে চলে যাচ্ছে। শাক্ত, হুন্দর, ঘুমন্ত অরণ্য। হিংস্র রাক্ষুসের অবসানে জানোয়ারেরা হয়তো ঝোপ আর ঘাস-বনের ভেতরে নিশ্চিন্ত নিশ্চায় আচ্ছন্ন হয়ে আছে এখন।

শিউকুমারী আন্তে আন্তে বললে, তোমার খুব কষ্ট হচ্ছে বাঙালীবাবু।

মহীতোষ দীর্ঘশ্বাস ফেলল : না, কষ্ট আর কিসের?

—কষ্ট নয়? দেশ-গাঁ ছেড়ে কোথায় এসে পড়েছ। এখানে জঙ্গল, আমরা জংলা মানুষ। এ তো তোমার ভালো লাগবার কথা নয়।

মহীতোষ মৃদু হাসল : কিন্তু ইংরেজের জেলের চাইতে অনেক ভালো নিশ্চয়ই।

—তা সত্যি।

শিউকুমারীর মনটা হঠাৎ ভাবাত্তর হয়ে উঠল। শুধু এইটুকুই ভালো, ইংরেজের জেলের চাইতে অনেক ভালো? তার চাইতে আরো কিছু ভালো নেই কি এখানে? জঙ্গলের শাক্ত শিল্প ছায়া—হাওয়ার ঝরে-পড়া শালের ফুল। রাক্ষুসে মাতাল-করা বন-জ্যোৎস্না।

জলঢাকার কলরোল। কাঞ্চনজঙ্ঘার সোনার মুকুট। দূরের পাহাড়ে পাথর-কাটা পথের ওপর যখন জংলা কলার পাতা হাওয়ার কাঁপে, জানোয়ারের পায়ে লেগে গড়িয়ে-পড়া পাথরের শব্দে যখন মনে হয় দূরবাসী পিতৃম্র বোঝা ছুটিয়ে অভিসারে আসছে, তখন শিউ-কুমারীর ইচ্ছে করে—

কিন্তু শিউকুমারীর যে ইচ্ছে করে, সে ইচ্ছে মহীতোষের নয়। শৃঙ্খলিত ভারতবর্ষ। ছাব্বিশে জাহ্নবাগি। কারাপ্রাচীরের অন্তরালে রাজ্যের তপস্বী। আগস্ট আন্দোলন—ডু অর ডাট। সেই জগৎ থেকে, সেই আন্দোলিত আবর্তিত বিপুল জীবন থেকে কোথায় ছিটকে পড়ল সে? বিক্ষুব্ধ বোধাই—উন্নত কলকাতা। পথে পথে ‘বন্দেমাতরম্’। লাঠি, বন্দুক, রক্ত, আইন। চোখের সামনে ছায়াছবির মতো ঘুরে যায় সমস্ত। সেখান থেকে বিচ্ছিন্ন হয়ে—সেই গজিত সমুদ্রের তরঙ্গে আফ্রিকার বনভূমির শিলাসৈকতের মতো জীবনের একটা অজ্ঞাত-তটে নিষ্কণ্ট হয়েই পড়ে থাকবে সে? আকাশে যেখানে ঘূর্ণিত নক্ষত্রমালায় আর অসন্ত নীহারিকার ভাঙা-গড়ায় প্রলয় চলছে, সেখান থেকে কক্ষত্রট মৃত্যু-সমুদ্রের মধ্যে তলিয়ে থাকবে নিবে যাওয়া উদ্ধা?

মহীতোষ বললে, দয়া করে আশ্রয় দিয়েছ তোমরা। এ ঋণ কী করে শোধ হবে জানি না।

—দয়ার ঋণ আমরা শোধ নিই না বাঙালীবাবু—শিউকুমারীর গলার স্বর তীক্ষ্ণ হয়ে উঠল। সে আমাদের নিয়ম নয়। কিন্তু চলো, বেলা উঠে গেল।

খোঁচা খেয়ে মহীতোষ আশ্চর্য হয়ে গেল। এ আকস্মিক তীক্ষ্ণতার অর্থ কী? ডুয়ার্সের জঙ্গলের মতোই জংলা মেয়ের চরিত্র বোঝবার চেষ্টা করা বৃথা।

ছোট কাঠের বোঝাটা মহীতোষ তুলে নিলে নিঃশব্দে।

শালবনের ছায়ামেহুর কবিতায় ছন্দপতন হয়ে গেছে। দূরে পাহাড়ের গায়ে বুনো হাতির ডাক। জলঢাকার কলগর্জন ছাপিয়ে মেঘমস্তকের মতো সে ডাক ভেসে এল।

কক্ষত্রট উদ্ধা। কিন্তু নিবতে চায় না—বৃকের মধ্যে জলতে থাকে অবিরাম। তবু উপায় নেই, থাকতে হবে; অন্তত কটা দিনের জন্তে আশ্রয় নিতে হবে—যে পর্যন্ত অবিশ্বাস ফিরে না আসে। আর মহীতোষ জানে, মনের দিক থেকে নিশ্চিতভাবেই জানে, অবিশ্বাস ফিরে আসবেই। যেখানে থাক, যেমন করে থাক, তাকে খুঁজে বার করবেই। মৃত্যুর হাত এড়াতে চলে, কিন্তু অবিশ্বাসের চোখকে এড়াবার উপায় নেই। তার ছুটো চোখ যেন লক্ষ লক্ষ হয়ে পৃথিবীর আকাশ-বাতাস-অরণ্যে ছড়িয়ে পড়ে আছে।

তবু দিন কাটে। খড়ি কুড়োয়, কুলবীরের গাদা বন্দুক নিয়ে বন-মৃগসী শিকার করে, হরিণের সন্ধান করে। জঙ্গলের মধ্য দিয়ে চলতে চলতে মনে হয় এখনি হয়তো কোথা থেকে একটা ছায়ামূর্তির মতো অবিশ্বাস সামনে এসে দাঁড়াবে।

কিন্তু অরবিন্দ আসে না। যেখান সেখান থেকে বনলক্ষ্মীর মতো দেখা দেয় শিউ-কুমারী। কাঁধে কলসী, ভিজে শাড়ি জ্বললিত দেহের খাঁজে খাঁজে ভাঁজে ভাঁজে জড়িয়ে রয়েছে। যুঁহু হেসে চোখের তীব্র চাহনি হেনে বলে, শিকার মিলল ?

ধমকে দাঁড়িয়ে যায় মহীতোষ। দৃষ্টিটাকে বন্দী করে ফেলে শিউকুমারীর অনিন্দ্য দেহস্থবমা। মনে রঙ লাগে। নিজের অজ্ঞাতেই বেরিয়ে আসে অবচেতনার স্বীকারোক্তি : মিলল বললেই তো মনে হচ্ছে।

শিউকুমারীর দৃষ্টিতে আগুন জ্বলে যায় : সত্যি ?

—সত্যি।—যেন অদৃশ্য শয়তানের শৃঙ্খলে টান লাগে, এক পা এক পা করে এগিয়ে যায় মহীতোষ : অনেক খুঁজে এইবার পাওয়া গেল বলে ভরসা হচ্ছে।

শিউকুমারী আর দাঁড়ায় না। দেহভঙ্গিমার উন্নত আলোড়ন রক্তের কণার কণার জাগিয়ে দিয়ে দ্রুত পায়ে অদৃশ্য হয়ে যায় জঙ্গলের মধ্যে। আর পরক্ষণেই যেন চুঃস্বপ্নের ঘোর কেটে যায় মহীতোষের। নিজেকে অপরাধী বলে মনে হয়, মনে হয় একান্তভাবে ব্রতচ্যুত, যোগভ্রষ্ট। শেষ পর্যন্ত এই দাঁড়ালো ? ছাব্বিশে জানুয়ারির সন্ধ্যা তুলে গিয়ে পাহাড়ী মেয়ের সঙ্গে বনে বনে প্রেম করে বেড়াচ্ছে সে ?

দু হাতে মাথাটা টিপে ধরে মহীতোষ। নাঃ, আর নয়। এ কোন্ জালে দিনের পর দিন জড়িয়ে পড়ছে সে ? স্বাধীনতার সৈনিক—শৃঙ্খলিত ভারতবর্ষের কাম্যার কন্ঠাকুমারী থেকে গৌরীশেখরের তুহিন শূন্য অবধি প্রতিধ্বনিত হচ্ছে। এ কি মোহ তার ! এইভাবেই সে কি তার কর্তব্য পালন করছে ?

বিকেল থেকে রাত নটা পর্যন্ত পচাই-লোভী কুলি আর পাহাড়ীদের আড্ডা বলে কুলবীরের দোকানে। কাঠের পা কুলবীর একা সব দেখাশোনা করতে পারে না ; শিউ-কুমারী কাজের সহায়তা করে তার। যুঁহু হাসির সঙ্গে ক্রেতার দিকে এগিয়ে দেয় পচাইয়ের ভাঁড়। মনে রঙ লাগে ; নেশার রঙ—শিউকুমারীর চোখের রঙ। ভুল করে খরিকারেরা বেশি পরসা দিয়ে ফেলে।

আর সেই সময়ে কুলবীরের একটা ঢোলা হাফ-প্যান্ট পরে ঘরের পেছনে একটা চৌপাইয়ের ওপরে শুক হয়ে বসে থাকে মহীতোষ। এই সময়টাই তাকে অজ্ঞাতবাস করতে হয়। কুলিরা আসে, কুলিদের সর্দার আসে। ফরেস্ট-অফিসের দু-চারজন আধা-বাবুরও পদপাত ঘটে। ওখান থেকে হৈ হৈ শোনা যায়, হুল্লোড় শোনা যায়, দুর্বোধ্য গানের কলি শোনা যায়, উন্নত হাসিতে কুলবীরের ছোট ঝোপড়ীটা যেন ধর ধর করে কঁপে ওঠে। আর সব কিছুর ভিতর দিয়ে একটা তরল তীক্ষ্ণ হাসি বিচ্ছুরিত হয়ে পড়ে—শিউকুমারী হাসছে।

মোহ কাটাতে চায় মহীতোষ। কিন্তু মোহ কি সত্যিই কাটে ? শিউকুমারী হাসছে

—পাহাড়ী মেয়ে পচাই বিক্রির খরিকারদের খুশী করবার জন্যে তার অভ্যস্ত হাসি হাসছে ! তাতে মহীতোষের কোনো ক্ষতি নেই । তা হলে বুকের মধ্যে জ্বালা করে কেন, কেন মনে হয় শিউকুমারী তাকে ঠকাচ্ছে ?

বন-জ্যোৎস্না শেষ হয়ে গেছে, এসেছে অমাবস্তা, আরণ্যক তমসা । অন্ধকারের মধ্যে মহীতোষ স্তব্ধ হয়ে বসে থাকে, ঝাঁকে ঝাঁকে মশা এসে ছেকে ধরে তাকে । বুকের মধ্যে অসহায় কান্নার রোল ওঠে—অরবিন্দ, অরবিন্দ ? এমন সময় তাকে ফেলে কোথায় চলে গেল অরবিন্দ ?

নিজে চলে যাবে ? এখুনি চলে যাবে এই কালো অন্ধকার-ঘেরা শালবনের ভেতর দিয়ে কালিমাখা জলঢাকার তীক্ষ্ণধারা পার হয়ে ? কিন্তু মন তাতেও উৎসাহ পায় না । কে যেন তার সমস্ত শক্তি নিঃশেষে কেড়ে নিয়েছে । একা চলে যেতে ভয় করে, ভয় করে আবার কোনো একটা নতুন অনিশ্চয়তার মধ্যে ঝাঁপ দিয়ে পড়তে । জঙ্গলের মধ্যে পাহাড়ীদের এই ছোট ঘরেই কি সে চিরতরে বাঁধা পড়ে গেল, হারিয়ে ফেলল পথ-চলার ক্ষমতা ? অরবিন্দ—এ সময়ে যদি অরবিন্দ থাকত !

কুলবীরের দোকানে কল্লব ক্রমশ কমে আসছে । শিউকুমারীর হাসির আওয়াজ আর শোনা যায় না । শুধু মাঝে মাঝে ঠুন ঠুন করে মিষ্টি শব্দ । কাঠের বাস্তের ওপর বাজিয়ে বাজিয়ে পরসা গুনছে কুলবীর ।

ঠাৎ করে সিনের টেমির আলো এসে মুখে পড়ে মহীতোষের । প্রদীপ হাতে বনরাজ্যের মালবিকা । চোখে সর্কোতুক দৃষ্টি : চলো বাঙালীবাবু, ঘরে চলো । ওরা পালিয়েছে ।

মন্ত্রমুগ্ধের মতো মহীতোষ উঠে পড়ে । ঠিক প্রথম দিনটির মতোই হাত বাড়িয়ে দেয় শিউকুমারী : এসো, এসো !

আর কিছু মনেও থাকে না । একটু আগেকার তীব্র হাসির জ্বালাটাও তেমনি করে আর কানের মধ্যে বিঁধতে থাকে না । এই মেয়েটি কি ওকে সম্বোধিত করে ফেলেছে !

দিন কাটছিল—কিন্তু আর কটল না । জীবনের অপরিহার্য জটিলতা এসে দেখা দিল । লঙ্ঘ্যার অন্ধকারে পচাইয়ের দোকানে কাঠের কারবারী বলদেও আবিভূত হল । একমুখ কুটিল হাসি বিস্তার করে বললে, ভালো আছো শিউ ?

শিউকুমারীর গায়ের রক্ত হিম হয়ে গেল, কুলবীর তাকালো সন্নিহিত ভীত দৃষ্টিতে । সাংঘাতিক লোক বলদেও । পচাইতে তার নেশা নেই—কোনো মতলব না থাকলে এদিকে পা দিত না সে । কিন্তু কী সে মতলব ?

কুলবীর অজ্ঞান করবার চেষ্টা করতে লাগল ।

বলদেও প্রতিপত্তিশালী লোক । যেমন কুটবুদ্ধি, তেমনি নির্ভর । তাকে ভয় না করে

এমন লোক নেই। তবু শিউকুমারী ভয় করেনি তাকে। সন্ধ্যার অন্ধকারে তার হাত চেপে ধরে প্রাণ নিবেদন করেছিল বলদেও। বলেছিল, যত টাকা চাস—

কিন্তু কথাটা শেষ হয়নি। প্রকাণ্ড চড়টার বিস্ময় থেকে আত্মহ হতে বলদেও যখন মাথা তুলেছিল, তখন জলচাকার বালি-বিস্তারের ওপর একটি প্রাণীরও চিহ্ন নেই। শুধু নদীর গর্জন পরিহাসের মতো বাজছে।

টাট্টু ছুটিয়ে বলদেও চলে গিয়েছিল। কিন্তু চড়ের আলাটা যে সে ভোলেনি, সহজে ভুলবেও না—এ কথা শিউকুমারীও জানত।

বিবর্ণ মুখে শিউকুমারী বললে, ভালোই আছি।

—হঁ, খুব ভালো আছো বলেই মনে হচ্ছে?—আবার নির্মমভাবে বলদেও হাসল। ছোট ছোট চোখ দুটোয় ঝিকিয়ে উঠল পাহাড়ী প্রতিহিংসার সপিল চমক।

বলদেও নেশা করে না সহজে। কিন্তু আজ তার কাঁ হয়েচে—ভাঁড়ের পর ভাঁড় নিঃশেষ করে চলল সে। একটা দশ টাকার নোট কুলবীরের দিকে বাড়িয়ে দিয়ে বললে, চালিয়ে যাও থাপাজী।

রাত বেড়ে চলল। একে একে খরিদারেরা চলে গেল সবাই। কিন্তু বলদেও ওঠে না। অর্ধেক হয়ে টাট্টু বোড়াটা পাঠুঁকছে বায়ে বায়ে, লেজের বা দিয়ে মশা তাড়াচ্ছে। জল্লের পথে বুনা জানোয়ারকে ভয় করে না বলদেও। অমিত শক্তিমান লোক—ভোজালির ঘায়ে বাঘ মারতে পারে।

কী একটা কাজে কুলবীর ঘরের মধ্যে ঢুকতেই বলদেও এগিয়ে এল। শিউকুমারীর চোখের ওপর রক্তাক্ত হিংস্র চোখ দুটো স্থিরনিবদ্ধ করে বললে, ফেরারী আসামীকে ঘরে জায়গা দিয়েছ?

পায়ের থেকে মাথা পর্বন্ত ধর ধর কৈপে গেল শিউকুমারীর : কে বলেছে তোমাকে?

—আমাকে ফাঁকি দেবে তুমি?—মুষ্টিগত শিকারের অসহায় মুখের দিকে তাকিয়ে পরিতুষ্ট জিহ্বাসার আনন্দে বলদেও বললে, সাত-সাতটা চোখ আছে আমার। কালই খবর ম্বে ফাঁড়িতে : শুধু ওই বাঙালীবাবু নয়, হাতে দড়ি পড়বে থাপাজীরও।

শিউকুমারী আতর্জনাদ করে উঠল।

বলদেও বললে, শোনো শিউ। এ খবর আমি ছাড়া কেউ জানে না। আমি তোমাদের বাঁচাতে পারি, রেয়াৎ করতে পারি বাঙালীবাবুকেও। কিন্তু দয়া করে নয়। আজ রাতে আমি তোমার জন্তে অপেক্ষা করব। যদি আসো, কোনো ঝামেলা হবে না। যদি না আসো, কাল সকলকে ফাঁটকে যেতে হবে।

শিউকুমারী তাকিয়ে রইল নির্বাক চোখে।

বলদেও থাপ থেকে বার করলে ঝকঝকে ভোজালিখানা, যেন উদ্বেগহীনভাবেই তার

ধার পরীক্ষা করলে একবার। বললে, টাকার জন্ত ভেবো না। আমাকে খুশি করতে পারো—তো যা চাও তাই দেব। বুকের বাজারে কাঠের ব্যবসা করছি জানো হয়তো। কিন্তু আজ রাতের কথা যেন মনে থাকে। যদি না যাও কাল সকালে যা হবে, তার জন্তে আমাকে দোষ দিও না।

বলদেও টলতে টলতে উঠে পড়ল বোড়ায়। সাত সেলের তীব্র একটা হাষ্টিং-টার্ণের আলোয় অরণ্য উদ্ভাসিত করে দিয়ে বোড়া ছুটিয়ে চলে গেল।

কিন্তু এত ব্যাপার জানল না মহীতোষ। দড়ির খাটিয়ার সে তখন অঘোর ঘুমে আচ্ছন্ন হয়ে আছে। বাইরে শালের পাতায় মর্মর তুলে বয়ে যাচ্ছে বাতাস, ঝোপড়ীর ফাঁকে ফাঁকে স্নেহস্পর্শ বুলিয়ে দিচ্ছে তার সর্বাঙ্গে। স্বপ্ন দেখছে সে। কিসের স্বপ্ন? ছাবিশে জানুয়ারির নয়, নাইন্থ আগস্টেরও নয়। পতাকাবাহী উন্নত জনতার তরঙ্গবেগে কোথায় চাপা পড়ে গেছে বিশ্বস্তির অতলতায়। জলচাকার খরথরে বালির ওপর বন-জ্যোৎস্না। চোখে-মুখে জলের ছাট দিয়ে যে উড়ানির বাতাস দিচ্ছে, সে কি কোনো মর্মর মৃতি? অথবা আকাশ থেকে স্বপ্নের পাখায় ভর দিয়ে নেমে-আসা কোনো আলোক-পরী?

চমকে ঘুম ভেঙে গেল। বুকের ওপর কে যেন আছড়ে পড়েছে এসে। বড় বড় নিঃশ্বাস মুখের ওপর এসে পড়ছে—অহুভব করা যাচ্ছে তার উত্তেজিত প্রসরণশীল কৃৎসিগের উৎক্ষেপ। কেরোসিনের টেমির আলোয় মহীতোষ দেখলে, শিউকুমারী!

—চলো, পালাই আমরা! আমাকে নিয়ে চলো তুমি!

আকস্মিক উত্তেজনায় বিভ্রান্ত হয়ে মহীতোষ ছুঁহাতে পাহাড়ী মেয়েটিকে বুকের মধ্যে জড়িয়ে ধরলে : কোথায় যাব?

শিউকুমারীর যেন নিঃশ্বাস বন্ধ হয়ে আসছে, অসহ্য আবেগে ধরধর করে গলা কাঁপছে তার : যেখানে তোমার খুশি।

মহীতোষ ক্রমশ আত্মস্থ হয়ে উঠছে : কিন্তু কী করে নিয়ে যাবো তোমাকে? এখান থেকে শুধু হাতে তো পালানো চলে না। পদে পদে বিপদ! সে-সব ঝুড়িবার অজ্ঞেয়টাকা দরকার। অনেক দূর দেশে তো যেতে হবে, টাকা নইলে চলবে কী করে?

—টাকা! শিউকুমারী বলে বলল : কত টাকা চাই তোমার?

—দুশো—তিনশো। তাহলে তোমাকে নিয়ে সিকিম চলে যেতে পারব, চলে যেতে পারব একেবারে গ্যাংটকে। সেই ভালো। সেখানে গিয়েই ঘর বাঁধব আমরা। যা পেছনে পড়ে আছে, পেছনেই পড়ে থাক—মহীতোষের যেন নেশা লেগেছে : নতুন করে জীবন শুরু করব আমরা।

দুশো—তিনশো। শিউকুমারী পাথরের মতো দাঁড়িয়ে রইল। কোথায় পাওয়া যাবে

এত টাকা ? কুলবীরের বাস্য হাতড়ালে কুড়িটা টাকার বেশি একটি আধলাও পাওয়া যাবে না, এ কথা তার চাইতে ভালো করে আর কে জানে !

মহীতোষ লোভীর মতো হাত বাড়ালো ।

কিন্তু সরে দাঁড়াল শিউকুমারী । দুশো টাকা ! বলদেও আজ সারারাত প্রতীক্ষা করে থাকবে । চিন্তাগুলো একসঙ্গে আগ্নেয়গিরির গলিত ধাতুপুঞ্জের মতো ফুটতে লাগল । মাত্র একবার । একটি রাজ্রির অন্তর্চিহ্ন । তারপরে যে জীবন আসবে, তার পবিত্র নির্মল শ্রোতে ধুয়ে যাবে সমস্ত, মুছে যাবে সমস্ত গ্লানি আর দুঃখপ্লের স্মৃতি ।

মহীতোষ বললে, বৃকে এসো ।

—টাকার যোগাড় করে আনছি—ঘর থেকে মাতালের মতো বেরিয়ে গেল শিউকুমারী । চিন্তার মধ্যে আগুন জলে যাচ্ছে—যেন এক পাত্র চড়া মদ থেয়েছে সে । দুই সূখা বলদেওয়ার । এক রাজ্রের জন্ত তিনশো টাকা খরচ করবে, এমন বে-হিসেবী সে নয় । প্রতিশোধ নেবার জন্তে, যতদিন শিউকুমারীর যৌবন থাকে, ততদিন তাকে দলিত মণ্ডিত করে লুটে নেবার জন্তেই বলদেওয়ার এই কৌশল । এই ফাঁদে আরো অনেকেই পড়েছে ।

কিন্তু শিউকুমারীর পক্ষে মাত্র এক রাজ্রি । সমস্ত জীবনের জন্তে একটি রাজ্রির চরম গ্লানি, চূড়ান্ত অপমানকে মেনে নেবে সে । তারপর কাল, পরন্তু ? তখন হয়তো তার কুটানের পাহাড় পেরিয়ে চলেছে সিকিমের দিকে । সমস্ত শিরায় শিরায় তীব্র জ্বরের জ্বালা নিয়ে ডিলিরিয়ামের রোগী যেমন উঠে বসতে চায়, ছুটে যেতে চায়, তেমনি করেই শিউকুমারী অন্ধকারের মধ্যে অদৃশ্য হয়ে গেল ।

আর বিছানার ওপরে বিহ্বল হয়ে বসে রইল মহীতোষ । তার রক্তে রক্তে এ কি আশ্চর্য দোলা ! যেন নিশি পেয়েছে তাকে । তাই নিজের অতীত—জীবনের সঙ্কল্প, সব মিথ্যা আর মায়া হয়ে গেছে । নতুনের আহ্বান—বহু বিচিত্র—বহু ব্যাপক অনাস্বাদিত জীবনের আহ্বান । এই পুলিশের তাড়া—এই বিব্রত বিভ্রান্ত মুহূর্তগুলো—এদের ছাড়িয়ে ঝাঁপ দিয়ে পড়লে ক্ষতি কী, ক্ষতি কী নিজেকে তাসিয়ে দিলে আশ্চর্য একটা অ্যাডভেঞ্চারের সমুদ্রে ?

চাপা গলায় মহীতোষ ডাকলে, শিউ শিউ !

কিন্তু শিউ এল না, এল অরবিন্দ । সত্যিই অরবিন্দ । জঙ্গলের মধ্য থেকে উঠে এল অস্বাভাবিক মাছুর । মহীতোষের সর্বাত্মক দিলে যেন বরফ-গলা জলের শিহরণ নেমে গেল ।

মহীতোষের মুখের ওপর টর্চের আলো । কেলে বজ্রগর্ভ কঠিন আদেশের গলায় অরবিন্দ বললে, অনেক খুঁজে তোমার সন্ধান পেয়েছি । কিন্তু এখানে বসে একটা পাহাড়ী মেয়ের সঙ্গে প্রেম করা ছাড়াও ঢের কাজ আছে তোমার । উঠে পড়ো ।

বিহ্বল ভীত গলায় প্রশ্ন এল : কোথায় ?

—পঁচিশ মাইল দূরে। ভালো। শেলটার আছে, দলের লোক আছে। ওখানে থেকে শহরে আগুয়-গ্রাউণ্ড ওয়ার্ক বেশ করা চলবে। উঠে পড়ো।

—এখনি ?

—হ্যাঁ, এখনি।—মুখের মধ্যে দাঁতগুলো কড়কড় করে উঠল অরবিন্দের। বাঁ-হাতে দেখা দিলে ছোট একটা কালো রিভলবার : তিন রাত পাহাড়ীদের ঘরে কাটিয়েই কি আরেন্দী হয়ে গেলে নাকি ?

মহীতোষ কলের পুতুলের মতো উঠে দাঁড়ালো। রিভলবারের সংকেতটা অত্যন্ত স্পষ্ট।

অরবিন্দ বললে, বাইরে বড় বোড়া তৈরি আছে। দুজনকেই এক বোড়ায় উঠতে হবে। হারি আপ !

টর্চের আলো নিবে গেল। ঝোপড়ীর মধ্যে নিঃসঙ্গ অন্ধকারে পচাইয়ের গন্ধ ছড়িয়ে পড়তে লাগল। দূরে ঝম ঝম করে প্রচণ্ড শব্দে ভূটিরারা ঝাঁঝি বাজাচ্ছে—অপদেবতাকে তাড়াবার চেষ্টা করছে তারা। বোড়ার দ্বরের শব্দে কি অপদেবতার পদধ্বনিও মিলিয়ে এল ?

চরম লাকুনা আর মর্যাস্তিক যন্ত্রণার মধ্য দিয়ে সংগ্রহ করা তিনশো টাকার নোট। শিউকুমারীর হাতের মধ্যে ঘামে ভিজছে নোটের তাড়াটা। জজলের মধ্য দিয়ে উর্ধ্বাঙ্গে ছুটে চলেছে সে। কালো অন্ধকার, এক হাত দূরের মানুষ চোখে দেখা যায় না। শালের পাতায় শিরশিরানি—এখানে ওখানে বস্তুজন্মের আগ্নেয় নয়ন।

মহীতোষ—এই কালো অন্ধকারে কোথায় মহীতোষকে খুঁজে পাবে শিউকুমারী ? অরণ্য তাকে গ্রাস করেছে, নিঃশেষে তলিয়ে নিয়েছে নিজের মধ্যে। তবু অন্ধকারে শিউকুমারী খুঁজে ফিরছে। শালের চারায় পা কেটে রক্ত পড়ছে—কাঁটার ছড়ে যাচ্ছে সর্বাঙ্গ। এত অন্ধকার—এমন দুঃশ্চেত তমসায় একটুখানি আলো যদি পাওয়া যেত !

আলো পাওয়া গেল। ক্রমশ তীব্র থেকে তীব্রতর। পটপট করে পাতা পোড়ার শব্দ—বন-মুর্গীর ভীত কলরব চারদিকে ছড়িয়ে যাচ্ছে।

বন-জ্যোৎস্না নয়—দাবায়ি।

বন-তুলসী

টেলিগ্রাম এল বিমলেন্দুর তৃতীয় কস্তা নির্বিঘ্নে ভূমিষ্ঠ হয়েছে। পত্নী এবং নন্দিনী দুজনেই সম্পূর্ণ কুশলে আছে, হুত্তরাং বাবাজীবনের উৎকণ্ঠিত হওয়ার কোনো হেতু নেই।

টেলিগ্রাম করেছেন পূজ্যপাদ শম্ভু মহাশয়—আশা করেছেন কস্তালাভের সংবাদে জামাতা বাবাজী একেবারে চতুর্ভুজ হয়ে উঠবে।

কিন্তু বিমলেন্দুকে আসলে দেখাছিল একটা চতুর্দশের মতো। অদ্ভুত রকমের বোকা হয়ে গেছে মুখের চেহারাটা, খোলা চোখ দুটো দেখে মনে হচ্ছে এইমাত্র ঘানির জোয়াল ঘুরিয়ে সের তিনেক খাটি সর্বের তেল বের করে এল। খুব সম্ভব আসন্ন কল্যাণের সম্ভাবনাটাই বেচারার মানসচক্ষে এসে দেখা দিচ্ছিল।

পুরো পাঁচ মিনিট পরে এজিনের ধোঁয়া ছাড়বার মতো কৌশল করে একটা প্রকাণ্ড দীর্ঘশ্বাস ফেললে বিমলেন্দু। বললে, গেল।

আমি বললাম, কী গেল ?

—যৌবন। প্রেম।—কতিত-পকেট অসহায় পথচারীর গলায় বিমলেন্দু বলে যেতে লাগল : রোমান্স। ক্রম এ ম্যান উইথ ফিউচার টু এ ম্যান উইথ পাস্ট।

আমি বললাম, যাওয়াই ভালো। বোকামির পালাটা পটাপট মিটে গেলেই ভুল্ললোক হয়ে উঠতে পারবে।

হয় কথাটা বিমলেন্দুর কানে গেল না, অথবা কান দিলে না। নাটকীয় ভাবে বলে যেতে লাগল, এখন দেখতে পাচ্ছি প্রেমটা ধরা-ছোঁয়ার বাইরে থাকাই ভালো। প্রিয়া গৃহিণী হলেই জীবন-স্বপ্নে বায়োটা বেজে গেল। তার চাইতে কবিদের অশরীরী প্রেম, অতীন্দ্রিয় মিলন—

আমি মন্তব্য করলাম, ক্লীবের লাঞ্ছনা।

বিমলেন্দু ক্ষেপে উঠল। নাটক ক্রমশ মেলোড্রামার রূপ নিতে লাগল : বোঁ, ছেলে-মেয়ে, বাঁধা কুটিনের চাকরি, যন্ত্রার মতো জীবন। তার চাইতে অনেক ভালো একটা খোলা আকাশ, একটা অবার দিগন্ত, মিষ্টি মছরার ফল, কালো সাঁওতালের মেয়ে—

হাসি চাপাটা দুঃসাধ্য হয়ে উঠেছিল। কলকাতার বাইরে জীবনে বিমলেন্দু কখনো পা বাড়িয়েছে কিনা জানি না। হয়তো বড় জোর মধুপুর, দেওঘর অথবা পুরী, কিংবা ক্রীত্বীবাগনৌধাম। স্মৃতির অবারিত দিগন্ত আর মছরা ফলের স্বপ্ন দেখাটা তারই স্বাভাবিক অধিকার।

বললাম, ভুল করলে। মছরার ফল অত মিষ্টি নয়, একটু তেতো। অবশ্য তাতে কতি নেই, সে কথা থাক। আসলে প্রেমের পরিণতিই হচ্ছে পূর্ণগ্রাস—ওর একমাত্র উপমা ভেনাস ব্লাইট্যাপ। সোপেনহাওয়ার পড়লে অনেক জ্ঞান লাভ করতে পারবে। কিন্তু শুধু মাহুকের প্রেম নয়—প্রকৃতির প্রেমও ওই রকম সর্বগ্রাস।

—আত্মিকার জগলের কথা বলছ ?

—না। বাংলা দেশের মাঠঘাট, তার অবারিত দিগন্ত, তার ধানের ক্ষেত, তার বন-তুলসীর স্বাক্ষ—তার শরতের সোনা-করানো আকাশ—

—কথাটা বিশদ করো।

না. হ. ওর্থ—৩৩

আমি বলতে শুরু করলাম :

কৈশোরের অনেকগুলো দিন আমার কেটেছে বাংলা দেশের একটুকরো পাড়াগাঁয়ে।

মনে রেখো, কৈশোরের কথা বলছি। যে বয়সে মানুষের জীবনে প্রথম নেশার মতো প্রথম প্রেম আবির্ভূত হয়, যখন চোখের সামনে পৃথিবীটাকে আরব্য উপজ্ঞাসের মতো বলে মনে হতে থাকে। যখন জ্যোৎস্নারাজে ঘুম ভেঙে গেলে জানালার দিকে তাকিয়ে বসে থাকতে ইচ্ছে করে, জলের কাপটায় চোখমুখ ভিজ়ে গেলেও ভালো লাগে বৃষ্টি পড়া দেখতে। ঘাসের ছোট ছোট ফুলগুলোর সঙ্গে পর্বন্ত পরিচয় থাকে, সত্ত-ফোটা আকন্দের বুনা গছ পর্বন্ত রক্তে রক্তে কথা কইতে চায়।

সেই বয়সে বাংলা দেশের পাড়াগাঁয়ে অনেকগুলো দিন আমি কাটিয়েছিলাম। জায়গাটা কোনো এক অখ্যাত ব্রাহ্ম লাইনের অখ্যাততর একটি স্টেশন। ঝিমিয়ে-চলা প্যাসেঞ্জার গাড়িগুলো পর্বন্ত সেখানে এক মিনিটের বেশি দাঁড়াত না। তিন-চার মাইল দূরে গ্রামগুলো থেকে যে সব যাত্রী আসত বা যে ছু-চারজন নামত, সারা দিনরাত্রে সবহুদ ঘণ্টা দেড়েকের বেশি তারা স্টেশনের নির্জনতায় বিষ় ঘটাত না।

তা ছাড়া বিপুলব্যাপ্ত নিঃসঙ্গ পৃথিবী। রাঙা মাটির টিলার তাল-বীথির মর্মর। বহু দূরে ধুলোর কুয়াশা বুনে চলা গোরুর গাড়ি। মাঝে মাঝে ভুট্টার ক্ষেত, বোবো ধানের নিচু জমি। আকাশে উড়ে যাওয়া বুনা হাঁস আর একফালি নদী। ছুপূরের রোদে ঝকঝকে হুড়ির ওপর বিছানো চকচকে একটা মিটার-গেজের লাইন, ভুট্টা ক্ষেতের পাশে বাক নিয়ে কৃষ্টির বাইরে মিলিয়ে গিয়েছে, তার একপ্রান্ত একটা জংশন স্টেশনে, আর এক প্রান্ত কোথায় গেছে জানা ছিল না : কল্পনা করা যেত দিল্লী, বোম্বাই, কান্দ্রার, কারাকোরাম ছাড়িয়ে হয়তো তুবারমেরুর পেঙ্গুইনদের দেশে গিয়ে ওর যাত্রা শেষ হয়েছে।

মেজমামা ছিলেন স্টেশন মাস্টার। অকৃতদার লোক, একটা পয়েন্টস্ম্যানকে নিয়ে তাঁর সংসারযাত্রা চলত। স্টেশনের কাজ শেষ করে কোয়ার্টারে ফিরে বিবেকানন্দের বই আর খ্রীষ্টদগুরুপ্রসঙ্গ মুখে নিয়ে বসে যেতেন। রাশভারী মানুষ, নিতান্ত দরকার না হলে কথাবার্তার বড় বালাই ছিল না।

আমার দিন কাটে কী করে? পৃথিবী ভাক দিলে। ভুট্টার ক্ষেত, রেলের লাইন আর মরা নদীর ধারে নিজে থেকে যেন নতুন করে আবিষ্কার করলাম আমি। টেলিগ্রাফের তাতে কিঙে আর বুনা টিলার নাচ, কাশফুলের বনে নানা রঙের প্রজাপতি। খোলা আকাশের সোনালি রোদ রক্তের মধ্যে যেন মদের মতো ক্রিয়া করত, যেন ঝগের ঘোরে আচ্ছন্ন হয়ে ঘুরে বেড়াতাম। আর তৈরি করে নিয়েছিলাম একগাছা ছোট ছিপ, মাঝে মাঝে মৎস্ত শিকারের আশায় নদীর ধারে গিয়ে বসতাম। কাদা আর হুড়ির ভেতর দিয়ে তির তির করে কপালি জল বয়ে যেত, নেচে উঠত ছোট ছোট মাছ, তাদেরই ছোটো-একটাকে ধরবার

প্রভাশায় অনীম ধৈর্য ধরে ছিপ ফেলে বসে থাকতাম।

সেখানকার আকাশ-বাতাসের সঙ্গে আশ্চর্যভাবে স্বর মিলিয়েছিল নদীটা! মাঝে মাঝে কাশ, মাঝে মাঝে একগুচ্ছ বন-তুলসী। কেন জানি না, এই বন-তুলসীগুলোকে ভয়ানক-ভাবে ভালোবেসে ফেলেছিলাম। লাল রঙের বড় বড় ডাঁটার কক চেহারার ছোট ছোট পাতা—ভল্লুর, নমনীয়। যেঠো বাতাসে সহজেই নেচে উঠত, ফুলে উঠত, একটা মৃদু মর্মের ডাঁটা-পাতাগুলো আকুল হয়ে উঠত একসঙ্গে। তার মঞ্জরী থেকে ছড়িয়ে পড়ত জ্বলা কবায় গন্ধ—ওই গন্ধটার ভেতর দিয়ে চারদিকের প্রসারিত পৃথিবীটার একটা অভিনব আশ্বাদ আমাকে ব্যাকুল করে দিত।

ওই বন-তুলসীর ঝাড়ের ভেতরে মাছ ধরবার জন্তে ছোট একটু জায়গা করে নিয়েছিলাম। সেখানে বসেই চলত শিকার-পর্ব। শিকার তো ছাই—ছিপ ফেলে হয় রেললাইনটার অথবা আকাশের দিকে হাঁ করে তাকিয়ে বসে থাকা; আর নয়তো ছোট ছোট মঞ্জরী ছিঁড়ে নিয়ে ডলে ডলে ছ'হাতে তার আরণ্য-গন্ধটা মাথিয়ে নেওয়া। এই গন্ধবিলাসের পেছনে হয়তো খানিকটা ক্রয়েডিক মনোবৃত্তি প্রচ্ছন্ন আছে, কিন্তু সত্যি সত্যিই যে সেদিন আমি বন-তুলসীর প্রেমে পড়েছিলাম সে কথাটা অস্বীকার করবার জো নেই।

এমন সময় সেই বন-তুলসীর পটভূমিতে মানবিক প্রেমের আবির্ভাব হল।

ঘটনাটা চাক্ষুষকর নয়। জায়গাটা ছিল নির্জন, লোকজনের যাতায়াত ছিল না। কিন্তু অত্যন্ত বিস্মিত হয়ে একদিন দেখলাম, একটি ছোট মেয়ে কেমন করে সেখানে এসে উপস্থিত হয়েছে।

বোধ হয় তুরীদের মেয়ে। বছর বারো-তেরো বয়স হবে—হাঁটু পর্বন্ত তোলা ময়লা ধান ধুতি পরনে। হাতে একটা ছোট ঝুড়ি, নদী থেকে বালি নিতে এসেছে। লার্সা গা অপরিচ্ছন্ন, গালে মুখে কাদার দাগ। আমাকে বোকার মতো তার দিকে তাকাতে দেখে কিক করে হেসে ফেলল।

মনে আছে,—ভাবি মিষ্টি লেগেছিল হাসিটা। হয়তো তার অস্ত্র কারণ আছে। আকাশে তখন শরতের রোদ পোনা ঝরাচ্ছিল, তার হোঁয়ার ছোট নদীর জল চিকচিক করছিল, বাতাসে বন-তুলসীর ঝাড় হয়ে হয়ে পড়ছিল—আর আমার রক্তে ছিল বন-তুলসীর গন্ধ। আমি ওর মুখের দিকে তাকিয়েই রইলাম।

মেয়েটি বললে, কী মাছ পেলি বাবু?

আমি বললাম, কিছু পাইনি।

মেয়েটি বললে, তুই মাছ পাবি না, ব্যাঙ পাবি।

পূর্বরাপের প্রথম পর্বারে নাগিকার ভাবটা ভল্লভাতের নয়। আমি রেগে উঠে কী

বলতে যাচ্ছিলাম, কিন্তু তার আগেই মেয়েটি মিষ্টি করে মুখ ভেংচে বন-তুলসীর কাড়ের মধ্যে অদৃশ্য হয়ে গেল !

ছিপ হাতে তারপর আরো অনেকক্ষণ বলেছিলাম সেখানে। শরতের রোদ আর বন-তুলসীর গন্ধ স্নায়ুর ভেতর বিম্বিত করছিল—বহুক্ষণ অকারণে ভেবেছিলাম মেয়েটার কথা। না, অজুরাগে বিহ্বল হয়ে পড়িনি। মুখ-ভ্যাংচানির কথা যখন মনে পড়ছিল তখনই ইচ্ছে করছিল একবার হাতের কাছে পেলে ফালিল মেয়েটাকে গোটা দুই চড় বসিয়ে দেব।

তারপরে আরো অনেকদিন ছিপ নিয়ে মাছ ধরতে গেছি ওখানে। প্রায়ই মনে হত ওই বাচ্চা মেয়েটা ভারি লজ্জা করে দিয়েছে আমাকে, বোকা বানিয়ে দিয়েছে। আর এক-দিন ধরতে পারলে এর শোধ তুলব।

কিন্তু সে সুযোগ আর হয়নি। আমার প্রথম নায়িকা দেখা দিয়ে সেই যে হারিয়ে গেল, তারপরে আর কোনদিন সে ফিরে আসেনি। ভালোই হয়েছে। আর একবার এলে নির্ঘাত ঠ্যাঙানি খেত, তার পরিণতি কী হত জানি না। প্রতিশোধের ইচ্ছাটা চরিতার্থ হয়নি বলেই তাকে ভুলতে পারিনি, অবচেতন মনের ভেতরে সে আমার প্রথম নায়িকা হয়ে বেঁচে রইল—বেঁচে রইল বন-তুলসীর পৃথিবীতে !

আমার নায়িকা হারিয়ে গেল ; তারপর হারিয়ে গেল সেই ছোট স্টেশন, সেই মকাই ক্ষেত, টিলার ওপরে তালের সারি, সেই রূপালি ছোট নদী আর সেই বন-তুলসী। চলে এলাম শহরে। নতুন জীবন, নতুন পরিবেশ। ইন্সুল, কলেজ, বন্ধু-বান্ধব, রাজনীতি, সাহিত্য।

হাতের থেকে সেই উদ্ভিদ-রসের কষায় গন্ধটা মিলিয়ে গেল, কিন্তু রক্তের থেকে নয়। বছরদিন রাঙে স্বপ্ন দেখেছি, সন্ধ্যা সন্ধ্যা লালরঙের ডাঁটাগুলো বাতাসে চেউয়ের মতো ভুলছে ; অনেক নিঃসঙ্গ ভাবনার অবকাশে স্তন্যে পেয়েছি ছোট ছোট সন্ধ্যা পাতাগুলোর দীর্ঘশ্বাসের মতো শিরশিরানি শব্দ। রোমান্টিক মনের মুহূর্ত-বিলাস আমন্ত্রণ হয়ে উঠেছে কটু-কষায় একটা গন্ধের উল্লাসে।

এই পর্যন্ত ছিল ভালো। আমি বন-তুলসীর প্রেমে পড়েছিলাম। বন-তুলসীও যে আমাকে ভালবেসে ফেলেছে তা কি বুঝতে পেরেছিলাম কোনোদিন ? তোমাকে বলছি, প্রেমের ধর্মই হচ্ছে পূর্ণগ্রাস। মানুষের পক্ষে কথাটার প্রমাণ দরকার নেই—ওটা স্বতঃ-প্রমাণিত। কিন্তু বাংলাদেশের নিরীহ পল্লী-প্রান্তরও যে রাফ্‌সে ক্ষুধা নিয়ে ভালোবাসতে পারে সেটা আমার জানা ছিল না।

বছর পাঁচেক আগেকার কথা, লবে এম. এ. পাস করে বসে আছি। স্টেটসম্যান আর সমুদ্রবাজারের পাতা খুলে মাস্টারী, প্রোফেসারী, বারই বিজ্ঞাপন দেখছি হুঁহাতে দরখাস্ত

করে যাচ্ছি। বলা বাহুল্য, তাতে ডাক-বিভাগের পক্ষেই নিঃস্বার্থ পরোপকার সাধিত হচ্ছে মাত্র। নিরাশ হয়ে গীতাপাঠে মনোনিবেশ করব কিনা চিন্তা করছি এমন সময় ডাক এল বন্ধুর কাছ থেকে।

শিকারের নিমন্ত্রণ। ওদের বাড়ি উত্তর-বাংলার জংলা বিলের দেশে, বুনো হাঁস শিকারের অপূর্ব আয়গা। বিপ্লবী যুগে আমবাগানে টার্গেট প্র্যাক্টিস করে বন্দুক-শিল্পের হাত খানিকটা রপ্ত করেছিলাম—এবারে সেটা কাজে লাগাবার চমৎকার সুযোগ পাওয়া যাবে। তা ছাড়া মনের দিক থেকেও খানিকটা আউটিংয়ের দরকার ছিল, বেরিয়ে পড়লাম।

সত্যি দেশটাকে ভালো লাগল। এত বড় একটা আকাশ যে কোথাও আছে বহুদিন সে কথাটা মনেই ছিল না। মাঠ আর বিল। বিলে অজস্র বুনো হাঁস, হাড়গিলা, দুটো একটা ফ্লোরিক্যান, কাগ, চোনে কাগ, বক, ছোট বড় আইপ, এমন কি চখা চখী পর্যন্ত। ছুরা-মারা শিকারীর স্বর্গ-বিশেষ।

বন্ধু সুধীররা গ্রামের অবস্থাপন্ন তালুকদার, বাড়িতে দুটো বন্দুক। পাড়াগাঁয়ের স্বভাব-সিদ্ধ আতিথেয়তার সঙ্গে শিকারপর্বও পরমোৎসাহে চলতে লাগল। শাপলা-কলমী আর পদ্মপাতার জগতে বালিহাঁসদের নিশ্চিন্ত সংসারে আমরা হাহাকার সৃষ্টি করে দিলাম। সকালের দিকে বেরিয়ে দিনান্তে যখন রক্তমাখা পাখির ঝাঁক নিয়ে আমরা ফিরে আসতাম, তখন মনে হত যেন দ্বিবিজয় করে আসছি। অদ্ভুত একটা হিংস্র আনন্দ—শিকারের নেশা—আমাদের পেয়ে বসেছিল। গুলি খেয়ে ক্ষৌণ্ড্রাণ পাখি যখন ছট্‌ফট করত, তার রক্তে রাঙা হয়ে যেত বিলের কালো জল, তখন অমাহুষিক বিকট জয়ধ্বনিতে আমরা পরস্পরকে অভিনন্দিত করতাম। আবার আমাদের সমস্ত সতর্কতা ব্যর্থ করে দিয়ে হাঁসের দল যখন বন্দুকের পাল্লার বাইরে উড়ে পালিয়ে যেত তখন একটা চাপা আক্রোশে সমস্ত মনটাই যেন কালো হয়ে যেত। এক কথায় আমাদের মনের প্রচ্ছন্ন জন্মান-বৃত্তিটা তখন আত্মপ্রকাশের বেশ একটা স্তায়সজ্জত এবং নির্দোষ উপায় খুঁজে পেয়েছিল।

এমন সময় একদিন সুধীর বললে, রজন, একটু হাঁটতে পারবি?

—কেন রে?

—ছোট হাঁস মেরে আর সুখ নেই, বড় গেমের সন্ধান পেয়েছি।

—বড় গেম? বাঘ-ভালুক নাকি?

—দূর, বাঘ-ভালুক কেন? রাজহাঁস।

—রাজহাঁস?

—হী, 'ইটালীয়ান ডাক'। কাল রাতে একটা খুব বড় ঝাঁক উড়ে গেছে, ডাক শুনতে পেরেছিলাম। এ বছর এই প্রথম এল। কোথায় নেমেছে জানবার জন্তে সকালে লোক

পাঠিয়েছিলাম। সে খোঁজ নিয়ে এসেছে, ঝাঁকটা পড়েছে মাইল পাঁচেক দূরের কমলার বিলে। মস্ত ঝাঁক, প্রায় হাজার খানেক পাখি আছে।

—এর মধ্যে পালায়নি তো?

—না, না। কমলার বিল খুব ভালো জায়গা—মাইল তিনেকের মধ্যে লোকজন নেই, ভিস্টারবড্ হবে না। তা ছাড়া রাজহাঁসগুলো এমনিতেই একটু বেপরোয়া, সুবিধেমত জায়গা পেলে সহজে নড়তে চায় না। যাবি কাল?

—বেশ, চল—

—কিন্তু মাইল পাঁচেক রাস্তা হাঁটতে হবে। গোন্ধর গাড়িতেও অবশ্য যাওয়া যায়, কিন্তু অনেকটা ঘুরতে হবে, পাকা দশ মাইলের ষাঙ্ক। দিনটা কাবার হয়ে যাবে।

—তা হলে হেঁটেই যাওয়া যাবে।

—কিন্তু তোর অভ্যাস নেই, হাঁটতে তো কষ্ট হবে—

মনের জন্মদাটা নেচে উঠেছিল। সোলাসে বললাম, না না, কিছু কষ্ট হবে না। আরে, রোমে এসে রোমান না হতে পারলে কি চলে?

পরদিন ভোরের আবছায়া অন্ধকার থাকতেই বেরিয়ে পড়া গেল। মাথায় হ্যাট, কাঁধে স্লান্স্ক, চাকরের হাতে টিফিন-বাস্কেট আর বন্দুক। যাত্রা করলাম আমরা পাঁচজন।

কোমর-সমান বিম্বার বন আর খান-ক্ষেতের আল্ ভেঙে মাইল খানেক এগোতেই আকাশ রাঙা হয়ে সূর্য উঠল। গ্রীষ্মকালে পুরী গিয়েছিলাম, তাই সমুদ্রে সূর্যোদয় দেখিনি, তার বর্ণনাই শুনেছি; দারুণ শীতে কাঁপতে কাঁপতে দু-তিনদিন টাইগার-হিলে চেঁচা করেছি, কিন্তু মেঘ আর কুয়াশা আমাদের ফাঁকি দিয়েছে। শুনেছি, পাহাড় আর সমুদ্রের সূর্যোদয়ের তুলনা নেই। কিন্তু বাংলা দেশের বিশাল মাঠের ওপরে সূর্য ওঠা দেখেছ কখনো? যদি না দেখে থাকো, জীবনে একটা অত্যন্ত দামী জিনিস হারিয়েছ।

মাঠের পারে সূর্য উঠল। আকাশে ছড়িয়ে গেল সাত রঙের কিরণলেখা, হাঁসের ডিমের মতো চ্যাপ্টা একটা বিরাট রক্তের ছোপ বিলের জল আর সবুজ বনাজকে মায়াবী করে তুলল। সে সূর্যোদয় আমি কখনো ভুলতে পারব না—সেই সূর্যের আলোর বন-তুলসীর গন্ধ ছিল।

আমি ছিলাম সকলের পেছনে। পায়ের জুতোর কাঁকড় ঢুকেছিল, সেটা ঝেড়ে কেলে একটা সিগারেট ধরিয়ে দেখি ওরা বেশ খানিকটা এগিয়ে গিয়েছে। তা যাক—সে জন্তে আমার চিন্তা ছিল না। মাঠের পথ, হারাবো বলে ভাবিনি। বিম্বার জঙ্গল ক্রমশ উঁচু হয়ে উঠেছে, তার আড়ালে দূরে ওদের হ্যাট আর বন্দুকের নল দেখতে পাচ্ছিলাম।

আন্তে আন্তে চলেছি। শরতের রোদ তখন সমস্ত মাঠ-ঘাটের ওপরে পাতলা একটা সিন্ধের ওড়নার মতো ছড়িয়ে রয়েছে। হাঁটতে হাঁটতে একটা ছোট খালের সামনে চলে

এলাম। তার ওপরে একটা বাঁশের পুস, সেইটে পেরিয়ে আমাকে এগিয়ে যেতে হবে।

কিন্তু পুসে পা দিতেই থমকে দাঁড়িয়ে গেলাম আমি।

চোখে পড়ল কালো পাখরের তৈরি ভেনাস। পূর্ণযৌবনা মীণ্ডালের। মেয়ে বিদ্যা বনের আড়ালে নির্জন খালের ধারে দাঁড়িয়ে সযত্নে গাছমার্জনা করছে। চারদিকের পৃথিবীর মতোই নিঃসংকোচ এবং একান্ত নিরাবরণ। কনক-টাপা রঙের রৌদ্রে উন্মাদিত অপূর্ব দেহশ্রী!

কোনো বিবসনা মেয়ের দিকে চোখ তুলে তাকানো ভয়ঙ্কর পক্ষে শুধু স্রষ্টারজনক নয়, কলনাতীত। কিন্তু সেই মাঠ আর সেই শূর্য্যোদয় সেদিন যে পৃথিবীতে আমাকে নিয়ে গিয়েছিল, আমার চির-পরিচিত শিক্ষা-সংস্কৃতির পরিবেশের সঙ্গে তার কোনো মিল ছিল না। লোভের বিকৃত দৃষ্টি নিয়ে তার দিকে আমি তাকাইনি—সে প্রান্ত সেখানে সম্পূর্ণই অবাস্তব ছিল। শুধু চেতনার মধ্যে মর্ম্মরিত হয়ে উঠেছিল : এ আশ্চর্য, এ অপরূপ! মনে হয়েছিল খালের জল, শূর্যের আলো, গাছপালার গন্ধ, সবাই মিলে যেন কণা কণা সৌন্দর্য্য দিয়ে ওকে তিলোত্তমা করে গড়ে তুলেছে—গড়ে তুলেছে একটা স্বপ্নের মূর্তি। যে কোনো মুহূর্তে ওই মূর্তিটা মিলে গিয়ে—গলে গিয়ে জলে আলোর আকাশে হারিয়ে যেতে পারে।

কতক্ষণ দাঁড়িয়ে ছিলাম খেয়াল ছিল না। তারপর দেখলাম একপাশ থেকে একখানা ময়লা কাপড় মেয়েটি কুড়িয়ে নিলে। সযত্নে আবৃত করলে দেখ, ওপাশের আলোর পথ ধরে হাঁটতে শুরু করলে। খানিক দূর এগিয়েই—হ্যাঁ, বন-তুলসী, আমার কৈশোরের সেই বন-তুলসী, তারই নিবিড় বনের আড়ালে দৃষ্টির বাইরে মিলিয়ে গেল।

আমার প্রতিটি রক্তবিন্দুতে যেন রণিত হয়ে উঠল কৈশোরের সেই গান, সেই মীড়-মুহূর্ত। আমার ছুঁহাতের ভেতর যেন ফিরে এসেছে একটা কটু-কষায় উদ্ভিদ-গন্ধ। আমার পথ ভুল হয়ে গেল, আমার মাথার মধ্যে সব কিছু গুণগোল হয়ে গেল। কেমন যেন মনে হল সেই হারিয়ে যাওয়া নায়িকা আজ পরিপূর্ণ যৌবনে ওই বন-তুলসীর কৃষ্ণে আমারই অন্ত্রে অপেক্ষা করছে।

দিবাক্ষণ? সস্তা রোমাটিলিজম? তাই হবে। কিন্তু তোমাকে আগেই বলেছি সেই শূর্য্যোদয়ের কথা, বলেছি আমার মগ্ন-চৈতন্তের ভেতরে সেই বন-তুলসীর বিচিত্র আশ্বাস। হয়তো তখন আমার মনের ভেতরে গুলটপালট হয়ে গিয়েছিল, চেতন সস্তাকে আচ্ছন্ন অভিভূত করে দিয়েছিল অবচেতনার আকস্মিক উৎক্ষেপে; আমি বন-তুলসীর জঙ্গলের দিকে নেমে এলাম।

বহুদিন পরে শরভের রৌদ্র আর বাতাসের ঐক্যতান মিলল, বহুকাল পরে আমাকে আলিঙ্গন করলে সেই লাল নরম তাঁটাগুলি, সেই থস্‌থসে পাভাগুলো আমার গালে মুখে

ভালোবাসার ছোঁয়া বুলিয়ে দিলে। বন ভেঙে আমি এগোতে লাগলাম। কোথায় চলেছি জানি না। আমার নায়িকার সন্ধান কি? বোধ হয় তাও নয়। ডাঁটা-পাতার সেই স্পর্শ, দলিতমণ্ডিত গাছগুলোর সেই অপক্লপ আদিম গন্ধ আর বাতাসের শির শির শব্দই আমার কাছে একান্ত হয়ে উঠেছিল, সত্য হয়ে উঠেছিল।

ঘণ্টাখানেক বনের মধ্য দিয়ে চলে ক্লান্ত হয়ে বসে পড়লাম। নিচে মাটি নেই, এত ঘন হয়ে উঠেছে যে ওদেরই একরাশকে চেপে বসতে হল আমাকে। চারিদিকে বন-তুলসী আমায় ঘিরে ধরেছে—আমার মাথা থেকে প্রায় ছ’হাত উঁচুতে উঠে ওরা আমাকে আড়াল করে রেখেছে। কোনোদিকে কিছু দেখবার নেই—শুধু ওপরে নীল-নিবিড় আকাশ আর তার কোলে খেত-পদ্মের উড়ন্ত পাপড়ির মতো ছেঁড়া ছেঁড়া মেঘের টুকরো।

অনেকক্ষণ বসেছিলাম সেখানে, সর্বাঙ্গ দিয়ে অস্বস্তব করে নিয়েছিলাম, অবগাহন করে নিয়েছিলাম বন-তুলসীর নিবিড় স্পর্শ-সান্নিধ্যে। পর পর যখন গোটা পাঁচেক সিগারেট শেষ করেছি তখন থেরাল হল। তখন আমার মগ্ন-চৈতন্তের ওপরে বাস্তব চেতনার আলো পড়ল। মনে পড়ে গেল, আমি স্বধীরদের সঙ্গে শিকারে বেরিয়েছিলাম। ওরা হয়তো এখন বাতিবাস্ত হয়ে উঠছে, হয়তো ভাবছে—

হাতে ঘড়িটার দিকে তাকিয়ে দেখি প্রায় দশটার কাছাকাছি। সর্বনাশ, বড় দেরি হয়ে গেছে। দু পকেট ভরে বন-তুলসীর পাতা আমি ছিঁড়ে নিলাম, তারপর উঠে পড়লাম বেরিয়ে আসার জন্যে।

কিন্তু আমার মতোই বন-তুলসীও বছরদিন বাদে আমাকে কিরে পেয়েছিল। আমি ছাড়তে চাইলেও সে আমাকে ছাড়তে রাজী হল না, ঘন-নিবিড় আলিঙ্গনে আঁকড়ে ধরল।

বেকতে চাই, আর বেকতে পারি না। মোহভঙ্গের পরে বুঝতে পারলাম কত বড় বোকামি করে কেলেছি আমি। একটু আগেই তুমি বলছিলে, প্রেমের প্লেটোনিক রূপটাই নিরাপদ। হ্যাঁ, মাস্তবের পক্ষেও, প্রকৃতির পক্ষেও।

এ বনের যেন শেষ নেই। মনে হতে লাগল এই বন-তুলসীর ঝাড় আদি-অজ্ঞান—যেন কার একটা বিচিত্র আত্মমুগ্ধ এত বড় পৃথিবীটার পাহাড়-সমুদ্র-নগর-গ্রাম সব বন-তুলসীর জ্বলে রূপান্তরিত হয়ে গেছে। আমার অতীত জীবন, আমার সত্যতা, আমার আত্মীয়স্বজন, সব মায়া, সব মিথ্যে। এই জ্বল থেকে আমি আর কোনোদিন বেকতে পারব না।

কোনোদিন বেকতে পারব না! ভরে আমার পায়ের রক্ত হিম হয়ে গেল, আমার মাথার চুলগুলো খাড়া হয়ে উঠল। আমার প্রেম এখন কোটিভূত একটা রক্তশোষী জানোয়ার হয়ে আমাকে ঘিরে ধরেছে, তার লাল-লাল ডাঁটাগুলিতে রক্তের তৃষ্ণা, তার শিরশিরে পাতাগুলোর স্পর্শে সর্বগ্রাসী দ্বন্দ্ব।

ওপরে শরতের বোধ তীব্র তীব্র হয়ে আমার মাথার ভেতরে বিঁধতে লাগল, আমার চোখের দৃষ্টি আসতে লাগল ঝাপসা হয়ে। ছ'হাতে জঙ্গল ঠেলে আমি এগোতে লাগলাম, কিন্তু বুধা। এ বনের শেষ নেই—এর ভেতর থেকে কোনোদিন লোকালয়ে যাবার পথ খুঁজে পাবো না আমি। মাথা উচু করে জগৎটাকে দেখবার চেষ্টা করলাম, কিন্তু চারপাশের উচু-নিচু অসমতল জমির ওপরে আমার অভিশপ্ত প্রেম ছাড়া আর কিছুই নেই, কোনো কিছুই চিহ্নই নেই!

প্রাণপণে এগিয়ে যাওয়ার চেষ্টা করছি—কিন্তু জঙ্গল ভেঙে ভেঙে আমার সমস্ত শক্তিই যেন নিঃশেষিত হয়ে গেছে। সামনে এগোবার চেষ্টা করে বার করেক হুমড়ি খেয়ে পড়ে গেলাম। এক পায়ের জুতো কোথায় ছিটকে চলে গেল, টের পেলাম পকেট থেকে পড়ে গেল মনিব্যাগটা। কিন্তু সেগুলো খোঁজবার অবস্থা নয়, বেরুতে হবে, যেমন করেই হোক বেরুতে হবে। মনে হতে লাগল কোথায় কতদূরে আমার কলকাতা, তার বাড়িঘর, তার ট্রাম-বাস, তার স্থল্লর স্বাভাবিক জীবন! আজ এই বন-তুলসীর জঙ্গলের ভেতরে আমি মরে যাচ্ছি—কেউ আর কোনোদিন আমায় খুঁজে পাবে না।

অসহায় গলায় বার করেক চেষ্টায়ে উঠলাম, কিন্তু কে সাড়া দেবে? সেই আদিগন্ত মাঠের ভেতর আমার অবকৃত্ত অর্তনাদ শুনবে কে? কোনো আশা নেই, কোনো উপায় নেই। হয় এখানে দম আটকে মরে যাবো, নইলে সাপে কামড়াবে—আশেপাশে বাঘ থাকারও অসম্ভব নয়।

আর একবার শেষ শক্তিতে এগোবার চেষ্টা করেই একরাশ গাছের সঙ্গে পা জড়িয়ে আমি পড়ে গেলাম। বন-তুলসীরা সাপের মতো কিলবিল করে আমাকে আঁকড়ে ধরল। জ্ঞানটা সম্পূর্ণ লোপ হয়ে যাওয়ার আগে মনে হল : এইখানে মরে যাবো আমি, পচে গলে আমার দেহটা এখানকার মাটিতে মিশে যাবে। তারপর আমার শরীরের সারে এখানে মাথা তুলবে আরো সতেজ, আরো নিষ্ঠুর, আরো একরাশ বন-তুলসী, নিশ্চিহ্ন করে ওরা আমাকে গ্রাস করবে, আত্মসাৎ করে নেবে—

কিন্তু জঙ্গলের বাইরে আমার টুপিটা হুড়িয়ে পেরেছিল বলেই অজ্ঞান অবস্থায় সে-যাজ্ঞ আমাকে উদ্ধার করতে পেরেছিল স্থধীর। রক্ষা করতে পেরেছিল আমার নারিকার সেই উর্গনান্দ-প্রেম থেকে।

তাই তোমাকে বলছিলাম, তবু আমাদের কলকাতাই ভালো। আর ভালো মানুষের প্রেম, যেখানে তুমি না থাকো, সৃষ্টির স্বাক্ষর সন্ধানের মধ্যে দিয়ে তুমি বেঁচে থাকবে—প্রকৃতির মতো মানুষের পৃথিবী যেখানে নিষ্ঠুর আলিঙ্গনে নিজের ভেতর তোমাকে অবলুপ্ত করে নেবে না।

হয়তো

মঞ্জুরী বললে, ‘চমকালে ?’

হাতের সিগারেটটা তখনও কাঁপছিল হৃদেবের। জবাব দিতে একটু সময় লাগল।

‘না—চমকাবে কেন ?’

শঙ্খধ্বনির মতো আওয়াজ তুলল ইলেকট্রিক এলিন। গাড়ি এগিয়ে চলল। আর প্ল্যাট-ফর্মটা পেরিয়ে না যাওয়া পর্যন্ত—ট্রেন খানিকটা স্লোড না নেওয়া পর্যন্ত হৃদেব নিজেকে সহজ করে নেবার অবকাশ পেলো।

এইবার সে চোখ তুলে চাইল মঞ্জুরীর দিকে।

বেশ নতুন রকমের মনে হল—ঠিক এই বেশে মঞ্জুরীকে এর আগে কখনো দেখেনি। পরনে লালপাড় গরদের শাড়ি। কপালে সিঁথিতে গাঢ় রঙের সিঁদুর ঝকঝক করছে গাড়ির আলোয়।

সিঁদুর ? তা হোক। প্রায় ছ’বছর পরে হৃদেবের তাতে কী আসে যায়।

‘স্থির শাস্ত্র দৃষ্টিতে মঞ্জুরী তাকে দেখছে, এই অহুভূতিটা অস্বস্তিকর। কী দেখছে ? এর মধ্যে কতখানি বদলে গেছে সে ? কিংবা বৃষ্টিতে চাইছে—রেবা দস্তকে নিয়ে সে স্থখী হয়েছে কি না ? হৃদেব হাসতে চেষ্টা করল। সিগারেটে টান দিলে একটা। তারপর আন্তে আন্তে বললে, ‘চমকাবার কিছু নেই মঞ্জু। পৃথিবীটা অনেক ছোট হয়ে গেছে আজকাল। তাছাড়া তারকেশ্বর তো খুব দূর জায়গা নয়।’

মঞ্জুরী বললে, ‘কিন্তু তাহলেও তোমার সঙ্গে আজ দেখা হওয়ার সম্ভাবনা ছিল না।’

ধাঁধা লাগল। ভুল-ভুলে একটু কুঁচকে উঠল হৃদেবের।

‘বৃষ্টিতে পারলুম না।’

মঞ্জুরী হাসল। পাতলা ঠোঁটের ফাঁকে সামনের একটু উঁচু দাঁত দুটো ফুটে উঠল এবার : ‘আমি থার্ড ক্লাসের যাত্রী। তোমাকে এই কামরায় দেখে হঠাৎ উঠে পড়তে ইচ্ছে করল। নইলে আমি থাকতুম ট্রেনের আর এক কোণায়, নেমে যেতুম ভিড়ের ভেতরে—আমাকে দেখতেও পেতে না।’ আবার হাসল মঞ্জুরী : ‘অবশ্য তাতে তোমার কোনো ক্ষতি ছিল না।’

‘আশা করি, তোমারও না।’

‘না।’—সহজভাবেই জবাব দিলে মঞ্জুরী : ‘তবু এই ফার্স্ট ক্লাসে তোমাকে একা বলে থাকতে দেখে হঠাৎ কি রকম মনে হল, উঠে পড়লুম। সেই পুরনো অভ্যাসেই বোধ হয়।’

‘ছ’বছরেও অভ্যেসটা কাটল না ?’

‘অভ্যাস বদলাতে মেয়েদের সময় লাগে। আরো যদি সেটা সংস্কারের সঙ্গে জড়িয়ে যায়।’

সুদেব আশ্চর্য হচ্ছিল। স্মৃতিভাষ্য নয়, মঞ্জুকে সে জানে—তার চিন্তায় অবচ্ছিন্নতার আড়াল নেই কোথাও। এই জন্তেই তাকে একদিন ভালবেসেছিল সুদেব, এই জন্তেই আর একদিন তাকে সে ভয় করত।

সুদেব বললে, ‘তোমার তিনি একথা শুনলে রাগ করবেন।’

‘কারণ কথা বলছ?’

‘যিনি তোমার কপালে নতুন করে সিঁদুর পরিচ্ছেদেন। তিনি কি আজ সঙ্গে নেই?’

‘তিনি কোথাও নেই। নতুন করে সিঁদুর কেউ তো পরায়নি।’

প্রথমবারের চাইতে দ্বিতীয় চমকটা আরো জোরালো হয়ে ধাক্কা দিলে সুদেবকে। সিগারেটটা ঠোটে তুলতে চাইছিল, তার বদলে জানলার বাইরে হাওয়ার ঝড়ে ছেড়ে দিলে সেটাকে।

‘তা হলে সিঁদুর—’

‘কেন, পরতে নেই?’

‘ওটা পরার দায় থেকে তোমাকে তো নিষ্কৃতি দিয়েছিলুম।’

‘তা দিয়েছিলে।’—মঞ্জুরী শাস্ত্র চোখ দুটোর যেন কোঁতকের আভা মিলল একটুখানি : ‘সিটি মিডিল কোর্টের খার্ড বেঞ্চে।’

‘তারপরে ভূমি তো কুমারী।’

‘ওটা বিলিতি মতে। কিন্তু তোমার সঙ্গে আমার বিয়ে হয়েছিল খাটি হিন্দু নিয়মে।’

‘সে বিয়ে তো বাতিল হয়ে গেছে।’

‘আইনত। কিন্তু হিন্দু বিয়ের শর্ত জানো তো? জন্ম-জন্মান্তর।’—স্বর আরো সহজ-মঞ্জুরী, কপালে সিঁদুরের মন্ত ফোঁটাটা জল-জল করতে লাগল প্রকাণ্ড একটা চুনীর মতো—মনে হল, তার সিঁথির ওপর দিয়ে যেন রক্তের একটা রেখা টানা।

কোনো একটা স্টেশনে ট্রেন থামল—হয়তো সিঁদুর, হয়তো অস্ত্র কিছু। কয়েক সেকেন্ডের মধ্যেই শাঁখের আগুয়াজ তুলে ছুটতে আরম্ভ করল আবার।

একবারের জগ্রে স্মৃতি চমকালো সুদেবের। শাঁখ বাজছিল, উলু উঠছিল, কাঁপা হাতে তার গলায় মোটা গোড়ের মালাটা পরিয়ে দিচ্ছিল মঞ্জুরী। লজ্জার চোখ দুটো প্রায় বোজা—গালের চন্দনবিশুণ্ডলোর ওপর দিয়ে গড়িয়ে আসছিল ঘামের ফোঁটা। কে এক প্রোচা বসছিলেন, ‘চোখ খোল—এই মেরে, চোখ খোল—’

বাইরে কতগুলো বাড়ি-ঘরের আলো একবার ঝকঝক করে উঠেই ঝাঁপ মারল খুঁদি-লাগা অন্ধকারে—ভূপেন বহু অ্যান্টিনিউয়ের বিয়ে-বাড়িটাও তেমনি করে সময়ের পেছনে

নিশ্চিহ্ন হল তৎক্ষণাৎ। শরীরটাকে আর একটু জড়ো করে বসল হৃদেব।

‘তুমি কি সিরিয়াসলি জন্ম-জন্মান্তরের কথা বলচ, মঞ্জু? আমাকে ঠাট্টা করছ না?’

‘কপালের সিঁদুর নিয়ে বাঙালী মেয়েরা ঠাট্টা করে না।’

‘মানো তুমি এ-সব? বিশ্বাস করো?’

মঞ্জু একটু চুপ করে রইল। হৃদেব সিগারেটের প্যাকেটটা বের করল পকেট থেকে।

‘এত সিগ্রেট খাও এখনো? তোমার থোঁট সেনজিটিভ—কাশি হয় না?’

‘হয়।’—প্যাকেট খুলতে গিয়েও খুলল না হৃদেব: ‘রাড্বে প্রায়ই ভারী ডিসটার্ভ হয় স্মুয়ের।’

‘তবু পরসা খরচ করে ওই ধোঁয়াগুলো গিলতে হবে? রেবা আপত্তি করে না?’

‘রেবা?’—হৃদেব হেসে উঠল: ‘তার আপত্তির তো কোনো কারণ নেই। সে থাকে এর্নাকুলামে—তার পদবী এখন কল্যাণহৃন্দরম্।’

‘তার মানে?’—মঞ্জুরী চোয়াল ছুটো শক্ত হয়ে উঠল একটু: ‘তাকে নিয়ে খেলাটা তোমার শেষ হয়ে গেছে?’

‘খেলাটা তো কোনোদিন জমেনি মঞ্জু। খেলার ভানটাই ছিল। একসঙ্গে কয়েক কাপ কফি খাওয়া আর ক’দিন সিনেমায় যাওয়া ছাড়া আর কিছুই ছিল না তার ভেতরে।’

মুখের পেশীগুলো আবার আলগা হয়ে এল মঞ্জুরীর।

‘আমি অহুমান করেছিলুম।’

‘তুমি তো জানো—নইলে সাক্ষী জুটত না, ডিভোর্স হত না।’

‘হ্যাঁ, আমার কাছ থেকে মুক্তি তোমার দরকার ছিল।’

‘দরকার তোমারও ছিল মঞ্জু।’

‘ছিল—’, আলতো ভাবে কথাটা ছেড়ে দিলে মঞ্জুরী: ‘তোমাকে ধন্যবাদ, নইলে আমাকে চরিত্রহীন বলে প্রমাণ করতে হত তোমাকে।’

‘মিথোচা পুরুষের ওপর দিয়ে যাওয়াটাই ভাল, মঞ্জু। তারা টেরিলিনের জামার মতো—ওয়াশ অ্যাণ্ড উইয়ার। কিন্তু মেয়েদের নিশ্চেষ্ট রঙটা পাকা—সত্য-মিথ্যের যাচাই সেখানে অবাস্তব।’

‘তবু সেই নিশ্চেষ্টা রেবা দস্তকে তুমি দিয়েছিলে।’

‘রেবার কোনো ক্ষতি হয়নি। কল্যাণহৃন্দরম্ আর্বি-ম্যান। সে বাংলা জানে না, বাঙালী সমাজের নিশ্চেষ্ট-কুৎসার তার কিছু যায় আসে না। তাছাড়া এনিমি ফ্যাগ ক্যাপচার করার মতো কলঙ্কবতীদের সম্পর্কে ওদের একটা সাময়িক আকর্ষণ থাকে বোধ হয়। কিন্তু সেও ঠকেনি। অন্তত আমার দিক থেকে রেবা সম্পূর্ণ নির্ভল—সহদয়া বাস্তবীর বেশি নয়।’

মেঘলা আকাশ থেকে নুড়ী নামল। কয়েকটা বড় বড় জলের ফোঁটা ছিটকে এল। কামরার ভেতরে। জানলার কাঁচটা টেনে নামিয়ে দিলে হৃদেব।

মঞ্জুরী কী ভাবছিল। হৃদেব আবার সিগারেট ধরাবার উত্তোষ করল।

‘এত ঘন ঘন সিগ্রেট না খেলেই নয়?’—ছোট্ট একটা দ্রুত কুটল মঞ্জুরীর।

এবারেও ধরানো হল না। হৃদেব হাসল।

‘অভোস মঞ্জু। মেয়েরা যেমন বদলাতে পারে না সহজে, পুরুষেরও ঠিক তাই।’

খোঁচা খেয়ে মঞ্জুরীর চোখ দীপিত হয়ে উঠল একবার।

‘পুরুষেরা বদ-অভ্যোসটাই আকড়ে থাকে।’

‘তাই বুঝি?—হৃদেবের হাসির ভঙ্গিটা তীক্ষ্ণ হয়ে উঠল : ‘বিবাহ-বিচ্ছেদের পরেও’ সিঁদুরের ফোঁটাটাকে তুমি ভাল অভ্যোস বলবে?’

‘বললুম তো—হিন্দু বিয়ে জন্ম-জন্মান্তরের। বিলিতি আইনে তা ভেঙে যায় না।’

যে প্রশ্নের জবাবটা এর আগে পাওয়া যায়নি, সেইটেই আবার তুলে ধরল হৃদেব।

‘কিন্তু এ-সব তুমি বিশ্বাস করো?’

‘করি না-করি, তাতে তো তোমার কিছু আসে-যায় না।’—মঞ্জুরী বললে, ‘কিন্তু কিছু ভেবে না—এই দাবীতে তোমার সম্পত্তি কোনোদিন আমি চাইতে আসব না।’

‘আমি জানি মঞ্জু। আমি দিতে চাইলেও তুমি নেবে না। কিন্তু আসল কথাটা এড়িয়ে যাচ্ছ কেন? তুমি কি মানো এ সমস্ত?’

‘যুক্তি দিয়ে কিছুই মানি না।’—কাঁচের জানলার ওপর জলের বিন্দুগুলো বিদীর্ণ হয়ে যাচ্ছিল, সেদিকে চোখ মেলে মঞ্জু বললে, ‘ছেলেবেলা থেকে শুনে আসছি—সিঁদুর একবার পরলে আর নিজের হাতে মোছা যায় না।’

‘স্বামী মরে গেলে?’

‘মোছাবার লোকের অভাব হয় না তখন।’

‘কিন্তু তোমার জীবনে আমি তো বেঁচে নেই।’

‘সে বিচার আমার—তোমার নয়।’

কিছুক্ষণ বিভ্রান্ত বোধ করল হৃদেব। এখনো তাকে ভালবাসে মঞ্জুরী? না—এরকম একটা অসম্ভব কথা কল্পনাই করা চলে না। কী তিক্ততা—কী দুঃসহ বিশ্বাসের মধ্যে দিয়ে সেদিন দুজনে সেপারেশনের ছাড়পত্র নিয়ে বেরিয়ে এসেছিল—স্ট্র্যাও রোডের গীচের গন্ধ-মাখা দুপূর্বের গজার কক হাওয়াতেও সেদিন কী যুক্তির স্পর্শ লেগেছিল দুজনের, সে কথা আজও ভোলবার নয়।

ভালবাসা?—ভালবাসা কোথাও ছিল না। বিয়ের এক বছরের মধ্যেও বোঝা গিয়েছিল—ব্যবধান রয়ে গেছে, গোজা মেলেনি। সেটা গভীর—তার শেকড় জীবনের

অনেক ভুলার। বাইরে থেকে তাকে অস্বস্তি করা যায় না—কোনো স্পষ্ট সংঘর্ষ যে ঘটে, তা-ও নয়—তবু দিনের পর দিন ছজন মানুষ তাদের নিঃসঙ্গতার বৃত্তে কেন্দ্রিত হতে থাকে, সুখোন্মুখি বসলে কথা ফুরিয়ে যায়—নামে মেলাংকলিয়ার ছায়া। তারপর তিক্ততা—তথুই তিক্ততা।

Here am I here are you :

But what does it mean ?

What are we going to do ?

অডেন না কার একটা কবিতা। লাইনগুলোর তলায় লাল পেন্সিলের দাগ দিয়েছিল মঞ্জু।

ট্রেন লাইন বদলালো। ঝাঁকুনির আকস্মিকতায় চিন্তাটা কেটে গেল হৃদয়ের।

মিষ্টি গলায় মঞ্জু বললে, 'কী ভাবছিলে ?'

'আমাদের ভিত্তির কথা।'

'সে তো মিটে গেছে।'

'তা গেছে। ছ'বছরে ইতিহাস হয়ে গেছে।'

'তবে ভাবছ কেন তার কথা ?'

'তোমার সিঁহুর জন্তে।'

'মেয়েদের কথা ছেড়ে দাও।'—মঞ্জুর স্বর ক্রান্ত শোনাল : 'ধরে নাও না ওটা প্রসাধন।

অনে করো না—ও সিঁহুর নয়, কুমকুম !'

'আমার মনে করতে আপত্তি নেই। কিন্তু তোমার এই অকারণ বন্ধনটা আমার ভাল লাগছে না।'

মঞ্জু হাসল, জবাব দিল না।

'তুমি ইংরেজি নিয়ে এম. এ. পাশ করেছিলে।'

'সার্বোত্তম নোবেল-প্রাইজ পেয়েও অনেক ক্রীস্টান ভক্তিতরে চার্চে যান।'

এবার চুপ করতে হল হৃদয়েকে। বাইরে বৃষ্টিটা আত্মা জোর নেমেছে। সম্ভব নেই, সেদিন বিচ্ছেদ ছাড়া কোন পথ ছিল না। নার্তাস্ ব্রেক-ডাউন ঘটেছিল মঞ্জুর—হৃদেব আত্মহত্যার কথা ভাবত। অথচ কী কারণ ? কী কারণ ? সেই কারণগুলো কখনো বাইরের আলোর তীক্ষ্ণ প্রত্যক্ষ হয়ে ফুটে ওঠেনি—জীবনের গভীরে, অনেক গভীরে একটা তীব্র অসন্তোষ, নিষ্ঠুর অসামঞ্জস্য, পরস্পর সম্পর্কে যুগ্মস্বার্থী অথচ অনিবার্য একটা দ্বন্দ্ব—হৃদেবের দেশের নদী পদ্মার মতো পরিপূর্ণ ভাঙনের নিঃশব্দ আয়োজন করছিল।

অথচ—এই যুদ্ধ, এই নিরুপায় তিক্ততার কথা আদালতে বোঝানো যায় না। আইন মূল কারণ চায়, ক্যান্টিন চায়, মাহুঘের কতগুলো মোটা বর্ষরতায় কিয়দিক চায়। মাতাল ?

ইম্পোস্টেট? ত্রীকে মারধোর করে? অন্ত্র ঘেঁষে আছে? ত্রী কি বন্ধ্যা? তার চরিত্র কি—

এই কালের মন, তার যন্ত্রণা, তার নিউরোসিস—এসব আইনের আওতায় আসে না। তখন রেবা দস্তদের আনতে হয়, স্ফায়লদা মিহিরদা আসলে নামে, মজা দেখবার জন্যে একটা অঙ্গীল জনতা আদালতে এসে ভিড় জমায়।

‘জিভোর্গি না হয়ে আমাদের তো কোনো উপায় ছিল না মঞ্জু।’

মঞ্জু চোখ থেকে চশমাটা খুলে একবার শাড়ির আঁচলে কাঁচ মুছল। মাথা না তুলেই বললে, ‘না।’

‘আমি তোমার কাছে অসহ্য হয়ে উঠেছিলুম।’

‘আমার অন্ত্রেও তুমি একফোঁটা শাস্তি পেতে না।’

‘অন্ত কিছুই আর হতে পারত না এ ছাড়া।’

‘না।’—মঞ্জু আবার সহজভাবে হাসতে চাইল : ‘কী হবে ওসব কথায়? কিন্তু একটা জিনিস থাকবে একটু? বলতে ভয় করছে তোমায়।’

‘আমি সর্বভুক। ও ব্যাপারে আমাকে ভয়ের কিছু নেই—তুমি জানো।’

‘তারেকেশ্বরের প্রসাদ। থাকে?’

‘তারেকেশ্বর অনাবশ্যক। মিষ্টিতে আপত্তি নেই।’

শাড়ির ভেতর থেকে বেলপাতায় ঢাকা ছোট্ট একটা বাঁশের ঝুড়ি বের করল মঞ্জু। এতক্ষণ কাপড় দিয়ে লুকিয়ে রেখেছিল—সুদেব দেখতে পায়নি।

বেলপাতা সরিয়ে মঞ্জু বললে, ‘বেশির ভাগই চিনির পিণ্ডি—তোমাকে দেবার কিছু নেই। এই সন্দেশটা নাও—এটা চলতে পারে বোধ হয়।’

হাতে হাত ঠেকল একবার। ছ’বছর? না—আরো বেশি। আইনগত বিচ্ছেদের অনেক আগেই শরীর-মনের বিচ্ছেদ পরিপূর্ণ হয়ে গিয়েছিল দুজনের।

নিঃশব্দে প্রসাদ খাওয়া শেষ করল সুদেব। তারপর : ‘তারেকেশ্বরে পূজো দিতে গিয়েছিলে?’

‘গরদের শাড়ি দেখছ না?’—মঞ্জু আবার স্ফায়লভাবে বললে, ‘দেশে বাবার অস্থখ। মা তারেকেশ্বরে পূজো দিতে বলেছিলেন। তাই দিয়ে এলুম।’

‘বাবার নামে পূজো দিলে?’

মঞ্জু সুদেবের চোখে সোজা চোখ রাখল : ‘তাই কথা ছিল। কিন্তু পাণ্ডা হঠাৎ বললে, স্বামীর জন্যে একটা পূজো দেবেন না মা? তা-ও দিলুম।’

হঠাৎ বুকের ভেতর একটা যন্ত্রণা বোধ করল সুদেব। কিছু একটা বলতে চাইল, কিন্তু কথা ফুটল না মুখ দিয়ে।

মঞ্জু একটা নিখাস ফেলল : ‘আর কী আশ্চর্য—জাখো। গাড়িতে উঠতে যাচ্ছি—
হঠাৎ ফাস্ট ব্রেকস কম্পার্টমেন্টে চোখে পড়ল তোমাকে। লোভ সামলানো গেল না—উঠে
এলুম এখানে।’

যেন দম আটকে আসতে চাইল হৃদয়ের।

‘আমার কল্যাণে পুজো দিলে তুমি?’

মঞ্জু হাসল : ‘সবই তো বাজে। নেহাতই কুসংস্কার। তবু তোমার যদি কল্যাণ হয়
তো হোক না। আমার তো তাতে কোনো লাভ-ক্ষতি নেই।’

‘কিছুই নেই, কিছুই নেই মঞ্জু?’—একটা রুদ্ধশ্বাস প্রশ্ন ফুটল হৃদয়ের গলায়।

ট্রেন থামল শ্রাওড়াহুলিতে। বাইরে অশ্রাস্ত বৃষ্টি। সারা কামরায় জলের বন্যা বইছে
হুড়মুড় করে ভেতরে এল একদল লোক। মঞ্জু উঠে দাঁড়াল।

‘আমি এখানেই নামব।’

‘এখানে?’ স্বংপিণ্ডে একটা মোচড় লাগল হৃদয়ের : ‘এখানে?’

‘হ্যাঁ, এইখানেই তো আমি চাকরি করি।’

গাড়িতে ভিড় জমে উঠেছে। বাইরের পৃথিবী, বৃষ্টি, কাদা, মাহুঘ—সব চলে এসেছে
এখন। তারই মধ্যে কোথায় নেমে চলে গেল মঞ্জু—আর দেখা গেল না তাকে।

বলা যেত? বলা যেত? তুমি বিয়ে করতে পারোনি—আমিও না—হয়তো, হয়তো
ছ’বছর আগের সাপটা মরে গেছে এতদিনে, হয়তো আজ আমরা দুজনে মিলে সেই ভুলের
মূলটাকে খুঁজে বের করতে পারি, হয়তো—

কিংবা—কিংবা—এই ভাল। সব তিস্ততার স্মৃতির ওপর এই সন্ধ্যাটাই সোনা ছড়িয়ে
রাখুক। এইটুকুই সব গ্লানির মধ্যে পদ্ম হয়ে ফুটে থাকুক। হয়তো এই-ই ভাল।

কাঁপা হাতে আবার সিগারেট ধরাতে গেল হৃদয়।

কিন্তু এবারও ধরাতে পারল না। কানের কাছে যেন ভেসে উঠল মঞ্জুর শাসন :
‘আবার সিগ্রেট?’ ঠোটে ছুঁইয়েই ওটাকে সে ছুঁড়ে কেলে দিলে বাইরের বৃষ্টির ভেতরে।

সেই যুতুটা

ছোট কালভার্টটায় ক’দিন আগেই সাদা রঙের একটা পৌচড়া লাগিয়েছে পি-ডবলু-ডি।
আর সেই সাদা জামাটির ওপর কে যেন পেনসিল দিয়ে খুদে খুদে হরকে কী সব লিখে
রেখেছে। শেষ পর্যন্ত বোগ করে লিখেছে, বকেরা তেইশ টাকা এগারো পরশ।

দেখে মোনা মিকার হঠাৎ খুব মজা লাগে। চিন্তাহরণ—ওরকে চিন্তাকে আঙুল দিয়ে
একটা খোঁচা মারে সে।

আঙুলের নখ বেড়ে গিয়েছিল, চিন্তাধরনের একটা আঁচড়ের মতো লাগে। তারী বিরক্ত হয় সে।

—এং, আঁচড়াঙ্কিস কেন বেড়ালের মতো? চামড়া ছড়ে গেল যে।

—এতেই চামড়া ছড়ে গেল? এমন ফিনকিনে বাবুয়ানি চামড়া তোর হল কবে থেকে?—মোনা মিঞা আর একটা খোঁচা দেবার উদ্ভোগ করতে ছ'হাত লাকিয়ে সরে যেতে চায় চিন্তে : কী আরম্ভ করলি বল তো মোনা? আমি মরছি নিজের জালায়।

—আর আমি বুঝি স্নেহের দরিয়ায় নাও ভাসিয়েছি—মোনারও এবার বিরক্তি লাগে : —তাই বলে হাঁড়িপানা মুখ করে বসে থাকব নাকি রাতদিন? তাকিয়ে তাক না এই প্লটটার গারে।

—কী দেখব, দেখবার কী আছে?

—হিসেব লিখেছে যে, অনেক ভেবে ভেবে মাথা খাটিয়ে হিসেব করেছে। বকেয়া তেইশ টাকা এগারো পরমা—হি-হি-হি।

চিন্তে ভুরু কঁচকে তাকায় মোনার দিকে।

—লিখেছে বেশ করেছে, তাতে হাসির কী আছে, শুনি?

—কি রকম বাহু লোক দেখছিল, কাগজের খরচ বাঁচিয়েছে। হি-হি।

—খামোকা হাসতে তোর ভালোও লাগে?—চিন্তে বিরক্ত হয়ে কালভার্টটার ওপর বসে পড়ে : তোর পরসাকড়ি থাকে, ভুইও হিসেব লেখ না। বিস্তর জায়গা রয়েছে—বারণ করেছে কে?

—আরে হিসেব লিখতে পারলে আর এ বশা হয় নাকি? মগজে ঝাঁক-ঝাঁক কিছু ঢুকল না বলেই তো মৌলবী রেগেমেগে মাজাশা থেকে বের করে দিলে।—বীয়ে-স্নেহে চিন্তের পাশে বসতে বসতে মোনা বলে, অবিশ্তি তিন মাসের মাইনেও বাকি পড়েছিল।

—হঁ, সেইটেই বল।—চিন্তে গম্ভীর হয়।

—বুঝলি, কিছু ক্ষতি হয়নি। মৌলবীসাহেবও টের পেয়েছিল—কোনোদিন আমার পরমাও ছুটবে না, হিসেবও লিখতে হবে না। খুব এলেম ছিল লোকটার।

—আমি খুব ভালো ঝাঁক জানতুম—চিন্তে তেমনি গম্ভীর হয়ে বলে।

—বেশি গুল দিসনি আমার কাছে—মোনা ক্যাস করে ওঠে : আমি কিছু জানি নে—না? ভালো ঝাঁকই যদি কববি তা হলে পাঠশালার সেই গুটিকে পণ্ডিত তোর ছ'হাতে ইট দিয়ে তোকে রোদ্দুরের মধ্যে দাঁড় করিয়ে রাখত কেন রে? আমি বেধিনি?

—যেতে দে ওলব।—চিন্তে অস্বস্তি বোধ করে : বিড়ি-টিড়ি আছে নাকি লগে? নে ভা হলে।

—দাঁড়া দেখি।—হাক শার্টের পকেট হাতড়ায় মোনা : আছে দু-তিনটে। এই একটা না. নং. ৪৪—৩৪।

দিলুম, কিন্তু আর চান নে তা বলে দিচ্ছি।

—না, চাইব না। কিন্তু মাইরি, ব্যাপারটা কী বল্ দিকি ? বিড়ির নাম যে সিনেটকে ছাড়িয়ে উঠল !

মোনা একটা মুখভঙ্গি করে : শালায় মুড়ির কেজিই চার টাকা উঠল তো বিড়ি।

দুজনে বিড়ি ধরায়—পাশাপাশি চূপ করে বসে থাকে কিছুক্ষণ। মাথার ওপরে একটা কাঠবাদাম গাছের পাতা হাওয়ার কাঁপে, অথচ খচখচ করে শব্দ ওঠে—একটি নতুন বোঁ যেন কাপড়ের আওরাজ তুলে চুপিসাড়ে পালিয়ে যাচ্ছে এমনি মনে হয়। কালভার্টের নিচে একরাশ বোলা জল থমকে আছে, কয়েকটা মোনা ব্যাং ড্যাং-ড্যাং চোখ তুলে চার পা ফেলে ভাসছে তার ভেতরে। হাতের বিড়িটার গোটাকয়েক টান দিয়ে মোনা একটা ব্যাঙকে লক্ষ্য করে ছুঁড়ে দেয় সেটা—ব্যাঙটা থলাৎ শব্দে ডুবে যায়, তারপর আবার হাত তিনেক দূরে চার পা ছড়িয়ে ভেসে ওঠে।

সেইটে লক্ষ্য করে মোনা বলে, জানিস, সায়েবেরা ব্যাঙ খায় !

—হঁ, তোর কানে কানে বলে গেছে।

—মাইরি, বানিয়ে বলছি না। রজ্জব চাচার এক ছেলে কলকাতার হোটেলের চাকরি করে—সে—

বাধা দিয়ে চিন্তে জিজ্ঞেস করে : সেও ব্যাঙ খায় বুঝি ?

—তোবা-তোবা। মোসলমানের ব্যাটা না ?

—রেখে দে, বারফটাই করিসনি।—চিন্তে ঠোট ঝাঁকায়। আধখানা খেয়ে তার বিড়িটা নিবে গিয়েছিল, সেটাকে সাবধানে কানের ওপর গুঁজতে গুঁজতে বলে : কলকাতায় গেলে হিন্দু-মোসলমান কিছু থাকে না।

—তা যা বলেছিল।—মোনা আস্তে আস্তে মাথা নাড়ে।

ঠিক তখন চিন্তের চোখ পড়ে। নিচে বাঁ-দিকে, কালভার্টের জলের কোল ঘেঁষে, জলো ঘাসে ছাওয়া এক টুকরো ছোট জমির ওপর পা ছড়িয়ে পড়ে আছে লাল-সাদা গোকটা।

—ওটা কি রে ?

মোনাও তাকিয়ে দেখে। একটু চূপ করে যায়। থেকে থেকে এক-একটা ঢেউয়ের মতো শব্দ তুলে যাচ্ছে গোকটার পাঁজর-মাংস শরীরের ওপর দিয়ে। এখান থেকেও ছাই-ছাই রঙের একটা চোখ দেখা যায়, জলের মতো একটা বেধা নেমেছে তা থেকে, বিন-বিন করে ওনকি উড়ছে একরাশ। কালো লম্বা জিভটা বঁকে বেঘিরে এসেছে, মুখে ময়লা কেনা এসেছে, ল্যাজের দিকটা গোবরে একাকার।

মোনা প্রায় চুপি-চুপি বলে, মরে যাচ্ছে গোকটা।

—কার গোক রে ?

—কে জানে ?

—এখানে মরতে এল কেন ?

—কোথায় মরবে, বল ? একটা জায়গা তো চাই ।

—ইস, একেবারে চোখের সামনে ।

—চোখটা কোথায় সরাবি চিন্তে ? মরণ কোথায় নেই ?

—তা বটে ।

মাথার ওপর বাদামগাছটার একটা কাক ডেকে ওঠে । অদ্ভুত শোনার তার আওয়াজটা । মোনার শরীরটা শিউরে যায় একবার ।

—কি রকম বিচ্ছিরি করে ডাকল রে কাগটা !

—ওরা নানা রকম করে ডাকতে পারে । ওদের সব ডাকের একটা মানে থাকে ।

মোনা বাড় বাকিয়ে একবার চেয়ে দেখে চিন্তার দিকে ।

—তুই আবার কাগ-চরিত্তির শিথলি কোথেকে ?

—আমি শিথল কেন ? লোকে বলে ।

আবার সেইভাবে ডেকে ওঠে কাকটা । ভাগ-পাতা নড়বার শব্দ পাওয়া যায়—এক ভাল থেকে আর এক ভাল উড়ে বসল বোধ হয় । একটা শুকনো পাতা হাওয়ার পাক খেতে খেতে নিচের ঘোলা জলের মধ্যে গিয়ে পড়ে—নবচেয়ে বড় ব্যাঙটার নাকের সামনে । ব্যাঙটা নড়ে না—জ্যাবডেবে চোখ মেলে পাতাটার দিকে চেয়ে থাকে কেবল ।

মোনা মাথা নাড়ে ।

—হঁ, নিশ্চয় কিছু বলছে কাগটা ।

—কী বলছে বল তো ?

—আমি জানব কী করে ? তুই কাগ-চরিত্তির জানিস, তুই-ই বল ।

চিন্তের দৃষ্টি গোকটার ওপর আটকে থাকে । ছাই-ছাই রঙের চোখের পাশ দিয়ে একটা জলের রেখার মতো দেখা যাচ্ছে । মরবার আগে গোকটা কেঁদেছে । কে কীদে না ?

আবার কর্কশ রব তোলে কাকটা । কেমন আধো আধো আঁহ্লাদে ভঙ্গিতে বলে—
‘গ-গ-গ’ । হঠাৎ বিস্তীর্ণ রাগ হয়ে যায় চিন্তার । পিছন দিকে একটু ব্লুঁকে পড়ে একটা ছড়ি কুড়িয়ে নিয়ে ছুঁড়ে দেয় মাথার ওপর ।

—ভাগ্, শালা, ভাগ্ ।

কটপট করে কাক উড়ে পালায়—হুঁ থেকে তার আপত্তি শোনা যায় : কা-কা-কা । চিলটা আকাশে অনেকখানি ছুটে গিয়ে কালভার্টের জলে ঝপাৎ করে নেমে আসে । খলাৎ খলাৎ করে ডুব দেয় চমক-খাওয়া ব্যাঙগুলো—আবার চার পা ছড়িয়ে তেলে ওঠে ।

—বেশ করেছিল।—মাথা নেড়ে সায় দেয় মোনা : ভারী জ্বালাছিল।

চিন্তে আবার আগের মতো লোজা হয়ে বসে। গোকটর দিকে চেয়ে থাকে এক-ভাবে।

—কাগটা কী বলছিল জানিস মোনা ?

—কী বলছিল ?

—গোকটা তো মরছে। এবার গিয়ে ওর চোখ দুটো ঝুঁকরে খাই। শালা!

—গো-মড়কে তো ওদেরই পাক্বন।

—আর শেয়ালের।

—আর মুচির। এখনো টের পায়নি। পেলেই ছুরি-ছোরা নিয়ে হাজির হবে।

এতক্ষণ পরে চিন্তে হেসে ওঠে। বাদামের পাতার মতো একটা শুকনো খসখসে আওয়াজ ওঠে তার গলায়। ভুরু দুটো একসঙ্গে জুড়ে যায় মোনার।

—হাসলি যে ?

—ভাবছি, মুচি আসবে কোথেকে! সেই এক ঘর ছিল না গায়ে? না খেয়েই তো মরল তার সব কটা। শেষে সেই বুড়ো কিস্টোদাস একদিন গলায় ফাঁস বেঁধে ঝুলে পড়ল চালের আড়া থেকে।

—হঁ, মনে পড়েছে।—স্মৃতিটা মোনার অস্বস্তি আগায় : আমিও দেখতে গিয়েছিলুম। জিভটা আধ হাত ঝুলে গিয়েছিল—ইয়া আন্না।

—একদম ওই গোকটর মতো।

—একদম।

—আর নাক-মুখ-কান দিয়ে রক্ত নেমেছিল।

—তখনো ওইটুকুনি রক্ত ছিল গায়ে। ইচ্ছে করলে বুড়োটা আরো ক’দিন বেঁচে থাকতে পারত।

—তা পারত। ঘরেও তখনো খাবার ছিল।

—ছিল?—মোনা আশ্চর্য হয় : খাবার আবার কোথায় দেখলি তুই ?

—কেন, একরাশ শুকনো জামের আঁটি পড়ে থাকতে দেখিসনি দাওয়ান ? ওইগুলো সেদ্ধ করে ছেঁচে নিয়ে—হি-হি-হি।

মোনার বিস্মী লাগে। বিরক্ত হয়ে বলে, মাহুবেব মরণ নিয়ে হাসি-মশকরা করিস নে চিন্তে। ও-সব ভালো না।

—ভালো না কেন রে ? এখন থেকে তৈরি হয়ে নিচ্ছি। ছাখ না আর দু-এক মাস বাসে কী হয়। তোর-আমার বরাতে জামের আঁটিও ছুঁবে না।

আরো খারাপ লাগে কখাটা, কিন্তু মোনা জবাব খুঁজে পায় না। একটু পরে চিন্তেই

আবার বিড়বিড় করে ওঠে।

—গোকটা কিন্তুক না খেয়ে মরেনি।

দুজনে আবার গোকটার দিকে তাকায়। বিকেলের একঝলক লাল আলোর গোকটার মৃত্যুকে আরো করুণ, আরো নিষ্ঠুর দেখায়।

—না, অমুখ করেছিল।

—কী অমুখ করেছিল?—আলতোভাবে জানতে চায় চিন্তে।

—আমি কী করে জানব?—মোনা ব্যাজার হয় : আমি গো-বত্তি নাকি?

—তোর বাপ তো অনেক ঝাড়-ফুক জানত।

—সে মানুসের, গোকর নয়।

—গোক আর মানুসে ফারাক আছে নাকি? দুই-ই মরে।

—কিন্তু গোক না খেয়ে মরে না।

—না খেয়ে মরে না!—চিন্তার স্বর বাঁ করে ওঠে : ভারী পণ্ডিত এলেন উনি। খরা হয়ে মাঠের সব বাস পাতা শুকিয়ে গেলে—তখন? তোর যদি খোল-জাবনা কেনার পরমা না থাকে, তখন?

—এই গোকটা কিন্তুক বুড়ো হয়ে মরেছে।

—বলেছে তোকে।—চিন্তা শব্দ করে একরাশ থুথু ছুঁড়ে দেয় ব্যাঙগুলোর দিকে। খাবার ভেবে ছুটো ব্যাঙ একটু এগিয়ে আসে—তারপর বোধ হয় বিরক্ত হয়েই চিন্তার দিকে তাকিয়ে থমকে যায়।

চিন্তা আবার হেসে ওঠে। মোনা চোখ তোলো।

—চাসলি যে?

—একটা মজার কথা মনে পড়ে গেল।

—কথাটা কী?

—গোকর গলায় দড়ি থাকে, কিন্তু না খেয়ে মরলেও গোক কখনো গলায় দড়ি দিতে পারে না। হি-হি।

—বকিসনি।

কিছুক্ষণ চুপ। বাঘামগাছের পাতায় হাওয়ার শব্দ হয়। একটা ফিঙে লাফাতে লাফাতে গোকটার পাশে গিয়ে বসে, তারপরেই আবার কোথায় উড়ে চলে যায়। ছুটো বোলতা মারামারি-জড়াঝড়ি করতে করতে জলের কাছ পর্বন্ত গিয়ে আলাদা হয়ে যায়—একটা পালার, আর একটা তাকে তাড়া করে। বিকেলের রাত্তা আলোর খুশি হয়ে এদিকে ওদিকে গোটাধরেক পোকা কিট-কিট কিয়-কিয় করে তাকে।

ঝুন-ঝুন-তিন-তিন করে আগরাজ ভেসে আসতে থাকে দুই ধেকে। একটুকরের জন্তে

—গাৰুটাকে ভুলে গিয়ে সেদিকে চোখ তোলে ছজন।

তিনজন লোক আসছে আধ-ছোটায় ভদ্বিতে। মালকৌচা করে পরা হুতি, কোমরে লাল গামছা বাঁধা, কাঁধে ঘুড়ুর লাগানো ভারে দু-তিনটে করে ছোট ছোট তামা-পেতলের বাটি। সেই আধ-ছোটায় ভদ্বিতে তারা এগিয়ে আসে, চিন্তে আর মোনাকে ছাড়িয়ে চলে যায়, ফিরেও তাকায় না তাদের দিকে। অনেকক্ষণ পর্যন্ত তাদের ভার থেকে ঘুড়ুরের আওয়াজ শোনা যায়, চোখে পড়ে তাদের কোমরে বাঁধা লাল গামছা, তাদের পিঠের ছোট ছোট পুঁটলি দোল খায়, তামা-পেতলের ছোট বাটগুলো বিকেলের রোদে ঝিকঝিক করে।

মোনা বলে, চিনিস ?

চিন্তে জবাব দেয় : না।

—তিন-গায়ের লোক।

—সে তো দেখাই যাচ্ছে।

—তারকনাথের মাথায় জল ঢালতে চলল, না ?

—হঁ।

—কী হবে তাতে ?

—পুণি।

—ধ্যাত্তোর পুণি!—মোনা নাক কৌচকায় : পুণিতে পেট ভরে নাকি ? বাবা তারকনাথ চালের কিলো নামিয়ে দিতে পারে বারো আনার ? ছটা বিড়ি দিতে পারে পরসায় ?

—আই—আই।—রাগ করার ভদ্বিতে চিন্তে শাসায় : হিঁদুর ধম্মো-কম্মো নিয়ে কথা বলিসনি।

—ঘোড়াড্ডিম ধম্মো-কম্মো। আমি কাউকে ডরাই নে। পীর নবী আল্লা—সকলকে হক কথা শুনিয়ে দিতে পারি। জমিরুদ্দিন মোল্লা তো জমি বলদ বেচে হাজী হয়ে ফিরে এসেছিল। কী হল শেবটায় ? পোকা-মারা বিষ খেয়ে মরে বাঁচল।

—চুপ কর মোনা, ভালো লাগে না।

মোনা একবার ঠোট কামড়ায়।

—ভালো কি আমারই লাগে নাকি ? কিন্তুক এই সব দেখলে—

—ওরা বিশ্বাস করে যদি ছুঁ পায় তাতে তোর আমার কেতিটা কী বল দিকি ?

—তা যা বলেছিল। বিশ্বাস করতে পারলে আমরাও বেচে যেতুম।

আবার চুপচাপ। মাঠের বাতাসটা যেন খেমে যায় হঠাৎ। হালকা আলোর বিকেলটাকে আচ্ছন্ন রক্তম শান্ত আর নিরুপম মনে হয়। এতক্ষণে ওদের কানে কোলানির মতো একটা

আগরায় উঠে আসে। গোকটায় খান উঠছে—চেউ খেলে যাচ্ছে পীজরালার শরীরের ওপর দিয়ে। ছাই-ছাই চোখের সামনে ওনকির বাক আরো কালো হয়ে উঠেছে। কয়েকটা ডাঁশ উড়ছে—ওরা শেব খাওয়া খেয়ে নিতে চায় বোধ হয়।

—গোকটা বেশ মূলক্ষে ছিল রে।—মোনাই কথা শুরু করে আবার।

—কী করে জানলি ?

—কপালে কেমন চাঁদ রয়েছে দেখছিল না!

চিন্তে হাসে। বাঁদামের পাতার মতো শুকনো হাসিটা থলথল করে।

—আমি যখন জন্মেছিলুম, তখন আমার ঠাকুরমা কী বলেছিল, জানিস ?

—কী বলেছিল ?

—বলেছিল, আমি খুব ভাগ্যমানী হবো। নিজের হাল-গোক হবে, দশ-বিশ বিবে জমি হবে।

—হরনি ?—মোনা মুখ টিপে হাসে।

—আলাসনি।—চিন্তে নিজেও একটু হাসতে চেষ্টা করে : আসলে বুড়ি বোধ হয় নাতিকে ঠাট্টা করেছিল একটুখানি। কিন্তু বাবা ছিল ভারী ক্যাব্লাটে ভালো মানুষ, সেই কথায় পেতায় করে আমার হাতে দু-তিনটে তাবিজ-কবচ বেঁধে দিয়েছিল—হি-হি-হি!

—গোকটার কিন্তু কপালে—

—ওটা ভগবানের ঠাট্টা, বুঝলি ? কী করে রাজার ধারে বেবোরে মারা যাচ্ছে—ভাখ্। একটু পরে রাত হবে, তখনো হয়তো মহাপ্রাণটা বেরিয়ে যাবে না—আর সেই সময়ে শেরালোয়া এসে জ্যাস্ত ছিঁড়ে থাকবে। গোকটা নিজের গলায় দড়ি দিতে পারলে বেশ হত, না রে ?

মোনা জবাব দেয় না। বিকেলের রোদে ছায়া পড়েছে—এতক্ষণ একমুঠো সোনার মতো জলছিল, এখন পুরনো ভামার মতো রঙ ধরেছে। সেই ছায়া মোনার মনের ভেতরেও একটু করে ছড়াতে থাকে। দিনের আলোটা বেশ ভালো—তবু কোথায় একটা ভরসা থাকে, মনে হয় যা-হোক করে চলে যাবে, চালিয়ে যাবে। কিন্তু সত্যে হলোই—

চিন্তে শুরু করে : আমার মামার বাড়ির দেশে আর একটা গলায়-দড়ি দেখেছিলুম। ফুটফুটে একটা অল্পবয়সী বউ—

—তুই খাম্ব দিকিনি।—মোনা এবার সত্যি সত্যিই ধমক দেয় চিন্তকে : কী আর শুকনলি তখন থেকে ? একটা ভালো কথাও মনে আসছে না ?

—আসছে না রে। চোখের সামনে গোকটাকে মরতে দেখে—

—তবে উঠে যা এখান থেকে, উঠে যা তুই।—মোনার স্বর কড়া হয়ে ওঠে : এখানে রলে থাকবার অস্তে তোকে দিবি দিয়েছে কে ?

চিন্তে চূপ করে। মোনা বিকেলের ভায়াটে রোদের তেতর অনেক দূরে চোখ মেলে দেয়

“রমজানেরই হোজার শেষে এল খুশীর ঈদ—” হঠাৎ গুনগুনিয়ে বেহুরো গলায় গান শুরু করে মোনা।

হেসে উঠতে গিয়েও চিন্তে হাসে না। তার বদলে ভিজেস করে : ঈদ এলে বুকি খুব খাওয়া-দাওয়া করবি ?

—হঁ, কচু খণ্ট।

—তবে যে গান জুড়েছিল বড়ো ?

—খাওয়া-দাওয়ার কথা ভাবতেও ভালো লাগে। মনে কর—ভালো গোস্ত, পোলাও বিরিয়ানি, তিন রকমের কাবাব—

—ইস—ইস! ঘরে একবারে নবাবের বাবুচিখানা!—মিটমিট করে তাকায় চিন্তে : ভাত খেয়েছিল কবে ?

—মঙ্গলবার।

—এই ক’দিন ?

—গম-টম।

—টম কাকে বলে ?

—কিছু জানিস নে—না ? তুই আমি ছুজনেই তো ক্ষেতমজুর। টম বুঝতে পারিস নে ?

—বিলক্ষণ। আজই তো একবোঝা কলমী শাক তুলেছিল বউ। কটা কুচো চিংড়ি ছিল তার তেতরে, আর একমুঠো গুপ্লি। দিবি খাওয়া হয়ে গেল।

—ছু’দিন পরে আর কলমিও থাকবে না।

—তা থাকবে না।

—তখন কী খাবি ?

—এই গোকটা যা খাচ্ছে এখন। খাবি।

নিজের রসিকতায় হাসতে যায় চিন্তা, কিন্তু আবার তাকে ধমক দেয় মোনা। গোকটার কথা আর বলবি নে, খবরদার।

—মাচ্ছা বলব না।

ছুজনের চোখ আবার দূরে সরে যায়। বিকেলের রোদ আরো কালচে হয়ে এসেছে। খানিকটা সামনে ছু-তিনটে বাবলাগাছ জলের মধ্যে দাঁড়িয়ে—নিচের ঝড়িপানার ওপর ঝুঁকুঁকু করে স্কুল করছে তাইয়ের, যেন লব্জ চাঁদরের ওপর হলুদের নকশা কাটছে। আর

একটু এগিয়ে জলে-ভরা ধানের ক্ষেত। ছায়া হয়ে পড়েছে তার ওপর, তবু দেখা যায়। লাদা জলের সঙ্গে কী বাহারই দিয়েছে নতুন ধানের! কোথাও ফিকে হলুদের রঙ-মাখা নতুন শীষের সার, কোথাও আর-একটু বড় হয়ে চমৎকার শ্রামলা, কোথাও চোখ-জুড়োনো ঘন সবুজ। তাকিয়ে থাকলে আর পলক পড়ে না। জল আর সেই ধানের ওপর এখন শেষ বেলার রাঙা মেঘের একখানা অদ্ভুত আভা পড়েছে—চেয়ে থাকতে থাকতে বুকের ভেতরটা কেমন করে ওঠে।

একটু পরে ধরা গলায় চিন্তে বলে, খুব ভালো ধান হবে এবার।

—হঁ।

—গত দু'বছর এমন ফলন হয়নি।

—হঁ।

—দেখে প্রাণ ঠাণ্ডা হয়।

—ওই প্রাণই ঠাণ্ডা হোক। পেটে পড়বে ক'দানা?

চিস্তের একটা মন্ত বড় দীর্ঘনিশ্বাস পড়ে।

—আচ্ছা, কোথায় ধানগুলো যায় বল্ দিকিনি?

—কিছু জানিস নে, ঠাক। একেবারে!

পেছনের পথটা দিয়ে আওয়াজ আর ধুলোর ঘূর্ণি তুলে জীপগাড়ি বেরিয়ে যায় একটা। নেমে আসা হালকা সন্ধ্যায় একটা লাল আলো অনেকটা দূর পর্যন্ত দপদপ করে। সেই আলোটা থেকে চোখ সরিয়ে এনে ওরা দেখে সামনে সন্ধ্যার তারাতা উকি দিয়েছে।

কী ঝপ্ করে বেলাটা ডুবে গেল!

আর বেলা ডুবে যাওয়ার সঙ্গে সঙ্গে ধানের ক্ষেতটাও যেন হুদু হুদু হয়ে যায়—রাঙা মেঘটাকে কে যেন হাত বাড়িয়ে মুছে নেয়, তখন মনে হয় ওই ফিকে হলুদ, ওই শ্রামলা, ওই ঘন সবুজ রঙের ধানগুলো—সামনের এই জলের ওপারে নয়, একটা প্রকাণ্ড নদীর ওধারে সরিয়ে দিয়েছে কেউ। গুঁড়িপানার ওপর দাঁড়িয়ে থাকা বাবলাগাছগুলোকে কয়েকটা ভূতুড়ে যুঁতির মতো মনে হয় তখন।

একটা অর্ধহীন অকারণ বিষেবে দাঁতে দাঁতে কবকব করে চিন্তা।

—ভোটের সময় অনেক জীপগাড়ি এসেছিল এ তলাটে।

মোনা বলে, হঁ, এসেছিল। কেন আসবে না? পাকা সড়ক হয়েছে কি জন্তে? গাড়ি আসবে বলেই তো।

—তখন অনেক কথা শুনেছিলুম।

—কান আছে, শুনিবি বইকি।

—টেঁচিয়েছিলুম।

—শোর তোলবার জন্তেই আন্না গলা দিয়েছেন। বোবা হয়ে কী লাভ ?

ছায়া কালো হয় চারিদিকে। মোনার ভয় করে এখন। পেটের গম-টমগুলো কখন নিশ্চিহ্ন। একটা যন্ত্রণা পাক দেয় সেখানে। হঠাৎ একটা-কিছু আঁকড়ে ধরতে ইচ্ছে করে তার—এই রাজির স্রোতে নিরুপায় হয়ে ভেসে যাবার সময় আলোর মতো—ভালের মতো একটা-কিছু।

—কে যেন বলছিল পাঁচ কাঠা করে জমি দেবে আমাদের।

—পেয়ে নে।

আবার চূপচাপ। দুজনের ভেতরে যেন সন্ধ্যার একটা আড়াল নামে এখন। নিতান্ত বলবার জন্তেই মোনা বিড়বিড় করে যায় : আমার মেয়েটা বোধ হয় মরেই যাবে, বুঝলি।

—আমার বউটাও।—বিকৃতভাবে চিন্তা বলে, কিছু ভাবিসনি।

—না—ভাবনার কিছু নেই। মোনা নির্ভাবনা হতে চেষ্টা করে। চিন্তার হিংস্র ভাবে মনে হয়, দূরের ওই ধানক্ষেতটার ওপর অমন করে সন্ধ্যার আলোটা না পড়লেও পারত। তা না হলে সে বেশ ছিল, এত খারাপ তার লাগত না।

গোকটীর শ্বাসের শব্দ শোনা যায়। এখনো মরতে পারেনি। আবছা অন্ধকারে তার শরীরের রেখাটা অল্প রকম দেখায় এখন। আচমকা ওটাকে মানুষ বলে ভুল হয়ে যেতে পারে।

মোনা আন্তে আন্তে বলে, একটু পরে শেয়াল এসে ছিঁড়ে খাবে ওটাকে।

চিন্তা মাথা তোলে। তার চোখ জলে।

—কী করতে চান ?

—ইচ্ছে করছে, একটা লাঠি হাতে নিয়ে সারা রাত—

—সারা রাত শেয়াল তাড়াবি ? কটা শেয়াল তাড়াবি রে ?—হা-হা করে খানিকটা বেয়াড়া রকম হাসি শুরু করে চিন্তা। আরো ভয় পায় মোনা। বাঁদামগাঁছের ছায়ার চার-দিকটা তাদের অস্বাভাবিক কালো। কালভার্টির জলে খলাৎ করে একটা ব্যাঙ লাফ দেয়, সেই শব্দটা চিন্তার হাসির সঙ্গে মিশে গিয়ে তাকে চমকে দেয়, খিদের যন্ত্রণা-ভরা পেটের ভেতরটা কেমন গুরুগুরু করে ওঠে।

হাসি থামিয়ে, মোনার কাঁধে গাঁট-বেঁধে-করা শক্ত আঙুলে একটা চাপ দেয় চিন্তা।

—আর পাগলামি করতে হবে না, বাড়ি চল এখন।

জোলো শ্বাসে ছাওয়া ছোট ভাড়াটার ওপরে লাল-সাদা গোকটা শ্বাস টানে। মরতে-মরতেও মরতে চায় না। হয়তো শেয়ালে এসে ছিঁড়ে খাওয়ার জন্তেই অপেক্ষা করে।

দোসর

‘ছনিয়ার সবচেয়ে তাক্‌ব চিঙ্গ—বুকেছ, এই শুয়োর।’—রেল-ইন্সটিগনের বাইরে, নোংরা একফালি মাঠের ভেতরে, একটা মাদী শুয়োর কতগুলো ছানাপোনা নিয়ে ঘোঁৎ ঘোঁৎ করছিল, সেই দিকে তাকিয়ে—বা চোখটা কুঁচকে আলতোভাবে কথাটা বলেছিল লোকটা।

তা—মাল্লখটাকে দেখলে কেমন যেন গা-শিরশির করে, একটু ভক্তির-টক্কির হতে চায়। সাদা কালো মাথার চুল, সাদার ভাগটাই বেশি। মোটা মোটা তুরুর ছোটোও পাক-ধরা, তার নিচে একজোড়া জলজলে চোখ। মুখে খানিক এবড়ো-থেবড়ো সাদা দাড়ি, দেখলেই বোঝা যায়, দাড়িটা নিয়মিত রাখে না—থেয়ালমতো কমিয়ে ফেলে মধ্যো মধ্যো। নাকের বাঁ-দিকে একটা শুকনো কাটার দাগ—মনে হয় সাঁওতালী তীর কিংবা বঙ্গমের ঘা লেগেছিল কোনোকালে।

প্ল্যাটফর্মের বেঞ্চিতে গা এলিয়ে, পায়ের কাছে গামছার পুঁটলিটা রেখে, আধ-ঘণ্টা-লেট লোক্যাল ট্রেনটার জন্তে অপেক্ষা করতে করতে, একটু দূরের শুয়োরগুলোকে দেখে, বা চোখটা একটু কুঁচকে লোকটা বলছিল : ‘হঁ, যা বলেছি। ছনিয়ার সব চেয়ে তাক্‌ব চিঙ্গ হল এই শুয়োর।’

পাশে বসে ভক্তিমানের মতো শুনিছিল জন ছই চাবী গেরস্ত। কয়েক হাত দূরে স্টকেস পেতে বসে আমিও শুনিছিলুম, কারণ আধ ঘণ্টা লেট হয়ে যে ট্রেনটা আসছে তাতে আমাকেও যেতে হবে। সামনের ফাঁকা রেলের লাইন, মাথার ওপর রাধাচুড়োর পাতায় হালকা বাতানের শব্দ, ওদিকের সাইডিঙে থানতিনেক কালো কালো পুরনো ওয়াগন, মালগুদামের টিনের চালে চোখ-ধাঁধানো খানিক রোদের ঝিলিক আর থেকে থেকে কাকের ডাক আমার সারা শরীরে একটা ক্লান্ত ঝিমুনি নিয়ে আসছিল। লোকটার ডরাট আর ভাঙা-ভাঙা গলার আওয়াজে আমি নড়ে-চড়ে বসলুম।

ভক্তি সবেও একজন চাবী অবাক হল একটু।

‘এত জীব থাকতে শুয়োর সব চাইতে তাক্‌ব হল কেন?’

‘কখনো হুন্দরবনের তলাটে যাওয়া হয়েছে?’

‘আজ্ঞে না।’

‘নদীগুলো যেখানে রাক্‌সে হয়ে সাগরে পড়ে—সে-সব মোহনার খবর জানা আছে কি?’

‘সাজে জানব কী করে? যাইনি তো কখনো।’

‘সেই সব নোনা গাঙের ভেতর চর জাগল। এলোপাতাড়ি গাছ-গাছাও গজালো খানিকটা। কিন্তু মাহুঘ গিয়ে থাকতে পারে না। একে তো নোনা—তার ওপর জোয়ারের সময় সব ডুবে যায়, কিলবিল করে সাপ—একটা পানবোড়া একবার ঠুকে দিলে তো শিবের অসাধ্য।’

‘আজ্ঞে সে তো বটেই।’

‘তখন সে চরে সবচে’ আগে কে যায় বলোদিনি?’

‘জানি নে।’

‘যার সুরোর।’—লোকটা এবার একটু হাসল, কুঁচকে প্রায় বন্ধ হয়ে গেল বাঁ চোখটা।

‘কোথেকে যায়?’

‘অল্প চর থেকে, ডাঙা থেকে।’

‘কী করে যায়?’

‘কেন—সাঁতরে?’

‘ওই গহীন গাঙ?’

‘গহীন গাঙ বইকি। বাঘের অবধি সাহসে কুলোর না—কিন্তু থাকে বলে সুরোরের গোঁ। ওদের সাঁতরাতে দেখেছ কখনো? ঠিক কুকুরের মতো জলের ওপর নাকটা তুলে তুর তুর করে পেরিয়ে যায় ছ-এক মাইল।’

‘তা চরে গিয়ে কী করে সুরোর?’—আর একজন চাষী একটা বিড়ি ধরাতে গিয়েও কুলে গেল :

‘সেখানে তো কচু-কন্দ নেই, খায় কী?’

‘কেন—কাঁকড়া।’

‘কাঁকড়া?’—এবার দুটি শ্রোতাই চমকালো এবং সেই সঙ্গে আশিও।

‘বললুম না—ছনিয়ার অমন আজব চীজ আর নেই? নোনা জলের অ্যাই বড়ো বড়ো কাঁকড়া দেখেছ তো? সুরোর সেগুলো ধরে কড়মড় করে চিবিয়ে খায়।’

‘সুরোরে কাঁকড়া খায়?’ একজন তখনো অবিশ্বাসী।

‘ভেমন ভেমন হলে বাঘে খান খায়, শোনোনি?’

‘তা হলে পেটের চিন্তা নেই?’

‘একবারে না। আর জোয়ারের জল এসে চর ডুবে গেলে কী করে জানো? বুনা গাছ আপটে ধরে—মাহুঘের মতো লোজা হয়ে—জলের ওপর নাক তালিয়ে ঠায় দাঁড়িয়ে থাকে।’

‘খুবই তাজব বলতে হবে তা হলে।’—প্রথম চাষীটি একটু ইঁ করে চেয়ে থেকে

ব্যাপারটা বুঝে নেবার চেষ্টা করল : ‘আপনি এত সব জানলেন কী করে ?’

‘খুলনা জেলার লোক না আমি ?’—এইবার লোকটি বিষন্ন হল একটু : ‘চোখেই তো দেখা এ-সব। কিন্তু পাকিস্তান হয়েই—’ একটা ছোট নিশ্বাস পড়ল : ‘চারদিকে বানের কথা বলছিলে না তোমরা ? তাই শুয়োরগুলোকে মনে পড়ছিল আমার।’

বান-বান-বান। গ্রাম ডুবছে, শহর ডুবছে, মাল্লব ডুবছে, ফসল ডুবছে। যেন রসাতলে যেতে বসেছে গোটা দেশটাই। সেই যন্ত্রণা আর দুর্ভাবনা সব কটি মুখেই ছড়িয়ে পড়ল, বেলা এগারোটার সময়েও—রাধাচূড়োর হালকা ছায়াটার তলায়, যেন একটুকরো বিষন্ন অঙ্ককার নামল।

মনে হল, গোটাভিনেক নিশ্বাস পড়ল একসঙ্গে। চূপ করে কাটল কয়েক সেকেন্ড। যে চাষীটি তখন থেকে বিড়িটা হাতে নিয়ে বসে ছিল, সে এবার সেটা এগিয়ে দিলে লোকটির দিকে। আমি দুয়ের চোখ-খাঁধানো কয়োগেটেড টিনের চালাটার দিকে তাকিয়ে থেকেও দেশলাইয়ের আগুয়াজ পেলুম, বুঝতে পারলুম ওরা তিনজনই তিনটে বিড়ি ধরিয়েছে।

আমাকে ওরা চোখ দিয়ে দেখেছিল নিশ্চয়ই, কিন্তু মন দিয়ে কেউ দেখেছিল না। ওরা দুয়ের হৃদয়বনে ছিল, নানা গাঙের দেশে ছিল, ওরা গহীন গাঙে সীতার কাটতে দেখেছিল বুনো শুয়োরকে, কড়মুড় করে এই বড় বড় কঁকড়া খেতে দেখেছিল। আমি সেখানে কেউ নই। ওসব আমার দেখবার কথা নয়।

একটু সময় কেটে গিয়েছিল, তবু ওদের একজন মনে করে আগের কথারই জের টানল। এই সব সাধারণ মাল্লবের যেমন করে বলা উচিত, তেমনি বোকা-বোকা ভঙ্গিতে বললে, ‘তা বটে। শুয়োরের কথা মনে পড়ে যায় বইকি। মাল্লব যদি শুয়োর হত, তা হলে অমন করে বানের তোড়ে তলিয়ে যেত না, নাক উঠু করে সীতারাতে সীতারাতে যেখানে হোক পাড়ি দিত।’

‘কিংবা—’ যে লোকটাকে দেখলে গা-টা একটু শিউরে শিউরে ওঠে, সাধারণ গেরো মাল্লবের কেমন যেন ভক্তি করতে ইচ্ছে যায়, কথা বলতে বলতে যার ঝাঁ চোখটা কুঁচকে যায় বার বার, একটু মোটা আর ভাঙা যার গলার আগুয়াজ, সেই খুলনা জেলার মাল্লবটা আবার বললে, ‘কিংবা হাতের কাছে দু-চারটে বুনো শুয়োর পেলে বেঁচেও যেত কেউ কেউ।’

‘বুনো শুয়োর পেলে ? সে আবার কি রকম কথা ?’

সে আবার কি রকম কথা—আমিও এটা জিজ্ঞেস করতে পারতুম। কারণ—এই সে-দিন—উত্তর বাংলার বজ্রার সময় আমিও তো ছিলাম এক বন্ধুর বাড়িতে। শেষ রাতে জল এল, হুড়মুড় করে তলিয়ে গেল টিনের ঘর—কে যে কোথায় উধাও হল, আমি জানিও না। লাক্ষিয়ে বেরিয়ে একটা পাছে উঠে পড়েছিলাম, জল নেমে গেলে এক কোয়ার পলি

আর আতঙ্কে জমাট মৃত্যুর জগৎ ঠেলে উদ্ধারপথে পালিয়েছি, বন্ধু, তার স্ত্রী—তার ছোট ছোট ছেলেমেয়ের খবর নেবার সময় ছিল না, উপায়ও ছিল না। দিন সাতেক পরে—অনেক কষ্টে নিরাপদ আরগায় এসে পৌঁছেছি, যাকে সামনে পেরেছি—অনেক রোমহর্ষক কাহিনী শুনিয়েছি তাকে। আমি যদি একটা বুনে তৈরির হতুম—এর বেশি কী আর করতে পারতুম আমি!

লোকগুলোর আলাপ-আলোচনার আমার কেমন একটা অবস্থা হল, একবার ভাবলুম আমার পকেটে, ফ্রেশ-লাভার্ডি বলে যে পেপারব্যাকটা আছে, সেটা বরং পড়ি—ট্রেনের তো এখনো চিহ্নমাত্র দেখা যাচ্ছে না। তবু ওদের কথাবার্তা আমার কানে আসতে লাগল, আমি ঠিক শুনেতে চাইলুম না—তবু শুনে যেতে লাগলুম—করোগেটেড টিনের চালাটা চোখের সামনে ঝকঝক করে চলল।

তারপর সেই লোকটার গলা আরো গভীর হতে থাকল, স্বস্তির ভেতরে ডুবে গিয়ে রাখব যেমন করে কথা বলে—কখনো স্বপ্ন দেখে—কখনো জাগে, কখনো বাইরেটাকে আবছা করে দেখে—কখনো দেখে না, তেমনি স্ট্রট অথচ ছায়া-ছায়া ভঙ্গিতে ভাঙা মোটা আঙুলে সে কথা কহিতে লাগল। এখন তার স্বরে জোয়ারে ফেঁপে ওঠা রায়মন্ডল নদী গম গম করতে লাগল, নোনা সমুদ্রের হাওয়ায় হৃদয়-হেঁতাল-গোলপাতার মর্মর উঠতে লাগল। আমি এতক্ষণে কোথাও ছিলাম না—এবার ওই লোক ছুটো, রেলের লাইন, রোদ-ঝলসানো টিনের চাল, বাধাচূড়োর ছায়া—সব মিলিয়ে গেল। চারদিকে অন্ধকারের ভেতরে শুধু স্থিতি জড়ানো একটা স্বর জেগে রইল কুয়াশামাখা আলোক-বৃত্তের মতো।

‘দেশ-ঘর যখন গেল, তখন বউ আর ছুটো ছেলেমেয়ে নিয়ে আমি শেরালদা স্টেশনে। তারপর ক্যাম্পে। তারও পরে? বউটা মরল কলেরায়, ছেলেটা ভিক্টোর দলে মিশল, মেয়েটা একটু বড় হয়েছিল—সেটা যে কোন্‌ চুলোর গিয়ে পৌঁছল বোধ করি ভগবানও তা জানে না।

তা ভাই ছাড়ান দাও এ-সব কথা, এগুলো শুনে শুনে তো তোমাদের কান পচে গেছে। মোদা—বছর না ঘুরতেই আমি হাত-পা বেড়ে লাক্ষ্মক হয়ে গেলুম। তখন যেখানে যাই—যেখানেই থাকি, আমার আর কিসের ভাবনা! ঘুরতে ঘুরতে চলে এলুম বাংলা দেশের আর-এক মল্লুক।

কী না করেছি বছর দুই ধরে। সরকার থেকে লোন দিয়েছিল, ব্যবসা করতে গেলুম—হুঁ মালগু টিকল না। জাত চাষীর ছেলে, লাভজয়ে করেছি ও-সব, না বুঝি কিছু! অসামর্থ্যের দিকে হল বেঁধে গিয়েছিলুম একবার—পাহাড়ের ঢালে বাস্তু বেঁধে জমিতে চাষ দিয়েছিলুম—বলব কী ভাই, লোনা কলেছিল। কিছু থাকতে দিলে না, প্রথমে এক সরকারী

নোটস, কিন্তু বন-বাদ্য থেকে এত কষ্টে ফসল করেছি—ছেড়ে যাব ? তাতে দিলে হাতি লেলিয়ে। বরদোর ভেঙে আমাদের বৃক্কের পাঞ্জরার সঙ্গে ফসল দলে-পিবে উৎখাত করে দিলে—হাড়ে হাড়ে টের পাইয়ে দিলে, এরা পাকিস্তানের চেয়েও সরস।

ও-সব কথা থাক দাদা—আমাদের ছোট মুখে মানায় না। কাদতে কাদতে কে যে কোন দিকে ছটকে পড়ল বলতে পারি নে, আমি আসাম ছাড়িয়ে আবার বাংলা দেশে এলুম।

পৌছেছিলুম একটা ছোট শহরে। জনমজুর খাটলুম কিছু দিন, কিন্তু চাবীর রক্ত যাবে কোথায় ! কারো কাঁধে লাঙ্গল দেখলে, একপশলা বৃষ্টির পর ক'টা লাউ-কুমড়ো-পালঙের পাতা সবুজ হয়ে লকলক করতে দেখলে, যেন কারা উছলে উঠত বৃক্কের ভেতর।

সরকার থেকে তখন লোক পাঠাচ্ছিল আন্দামানে, জমি-টমি দেবে। কিন্তু সেই হাতির পর থেকেই আমার ভয় ধরেছিল, দাদা। সে তো কালাপানির দেশ—সেখানে আবার কী লেলিয়ে দেবে কে জানে ! আমার আর কী আছে, মরি তো এই বাংলা দেশেই মরব।

চাবীর ছেলে—একটুখানি জমি চাই আমার। এক বিঘে না হয় দশ কাঠা, দশ কাঠা না ছুটলে পাঁচ কাঠা। কিন্তু কে দেবে জমি—কোথায় জমি ! এ তো আমাদের দেশ নয় যে বন কেটে আবাদ করব, বাঘ-কুমির-সাপ তাড়িয়ে মাটির দখল নেব।

তবু আবার জমি পেলুম।

শহরের বাইরে এক পাহাড়ী নদী। যত বড় নদী, চর তার চাইতেও বেশি। এই চড়া বোধ হয় সরকারী সম্পত্তি—কিন্তু তাতে এখন কাশ, শন আর ইকড়ার জঙ্গল। আগে বর্ষায় চড়াটা তলিয়ে যেত, কিন্তু দশ-বারো বছর ধরে তার খানিক জায়গা অনেকটা উচু হয়ে গেছে, আর ভোবে না—সেখানে ঘাস-পাতা পচে বেশ জমি তৈরি হয়ে গেছে।

মানুষজন কেউ থাকে না—কার গরজ পড়েছে ওখানে থাকতে। নদীর খেয়া পেরিয়ে রাত-বিরেতে যারা চর পেরিয়ে আসে তারা হাওয়ার ঘাসবনের শীই-শীই শব্দ শুনে মনে মনে রামনাম জপে। তা ছাড়া ভয় দেখাবার জন্তে দুটো-চারটে আলোয়া তো আছেই।

বিশেষ করবে কিনা জানি না, জমির খিদে আমি আর সইতে পারছিলুম না, কিছুতেই খামতে চাইছিল না বৃক্কের কারা, একটা ধানের ছড়া দেখলে, দুটো শাকের পাতা দেখলে যেন মাথা ধারাপ হয়ে যাচ্ছিল আমার। শেষকালে থ্যাপার মতো আমি ওই চরে গিয়ে উঠলুম। হাতে যে দু-চারটে টাকা ছিল, তাই দিয়ে দাঁ কিনলুম, কোদাল কিনলুম, খুঁটি-নাটি আরো কিছু কিনলুম। আমার জমি আমিই গড়ব।

একাই ? একাই। আমার আর কে আছে—তা ছাড়া আর কেই বা আমার সঙ্গে বাবে ওই ভুতুড়ে চড়ার জমি গড়তে ? কোন কলগটাই বা কলবে ওখানে ? বালি জমি,

ধান-পাট কীই বা হবে ?

কিছু কিছু না হোক, ক'টা শাক তো তুলতে পারব। পটোল হবে নিশ্চয়—ছোট্ট ছোট্ট-তরমুজও কি ফলাতে পারব না ?

আরো দশ ঘর উষান্তর সঙ্গে আমারও একটা হোগলার কাঁপ ছিল শহরের এক টেরেয়। সেটা তুলে নিলুম। সবাই অবাক হয়ে বললে, “কোথায় চললে ?”

“নদীর চড়ায়।”

“সেখানে কী ?”

“জমি গড়ব।”

“মাথা খারাপ ? কী জমি হবে ওই কাশ আর শনের জমলে ?”

“জানি নে। চেষ্টা করে দেখব।”

ঠাট্টা করে কী বিশ্বাস করে বলতে পারি নে, একজন বললে, “ওই চড়ায় পেত্নী আছে।”

বললুম, “দেশ ছাড়বার পরে মরে তো ভূত হয়ে আছি, পেত্নীতে আমার কী করবে ?”

মরুক গে—সব কথা বলতে গেলে তো মহাভারত হয়ে যায়। আমি একাই বাস্তব বাধলুম নদীর চড়ায়। বয়েস অল্প ছিল, কবজিতে জোর ছিল, মাথার ভেতরে খ্যাপামি ধরে গিয়েছিল। লেগে গেলুম জঙ্গল কাটতে। গোটাকতক সাপ-খোপ মেয়ে শেষতক বিঘেটাক জমি সাফ হয়ে গেল।

তোমরাও তো চাষী, জানোই তো ভাই—মাটিতে মন থাকলে মাটি তোমার কক্কনো ঠকায় না। কিছু সে তোমায় দেবেই। শাক-সজ্জা হল, পটোল হল, ছুটি ধরল বলে। তখন দিনের বেলা যারা চেয়েও দেখত না, আর রাত-বিরেতে চড়া পেরিয়ে যাওয়ার সময় রামনাম করত, তারাই দু-একজন করে দাঁড়িয়ে যেতে লাগল।

“বাঃ, বেশ পটোল হয়েছে তো তোমার !”

“এ মাটিতেও তো শাক-টাক হয় দেখছি !”

এক-আধজন বলত : “এই চড়ায় একলাটি থাকো, তোমার ভয় করে না ?”

“কিসের ভয় ?”

“মানে—জন-মনিষি নেই, তেনাদের যাওয়া-আসা আছে—”

বলতুম, “তেনাদের তো কখনো দেখিনি। যদি আসেনই, আলাপ করে নেব।”

“তোমার সাহস আছে—বলতে হবে সে-কথা।”

“হঁ। এখানে—এমন একলাটি থাকা—”

তুণ্ড একজন একবার বলেছিল, “পাহাড়ের নদীর চড়ায় ঘর বাধলে হে ? এসব নদীকে বিশ্বাস করতে নেই। ইচ্ছে মতো খাত বদলার—একদিন এসে আবার কাঁপিয়ে পড়বে জলতো।”

“বারো বছর যদি ঝাঁপিয়ে না পড়ে থাকে, আর পড়বে না।”

নদীতে আমার ভয় ছিল না, কিন্তু সত্যি কথা বলতে কি—প্রথম প্রথম রাস্তিরগুলোকে তেমন ইয়ে লাগত না। অন্ধকার থাকলে চারদিকটা কেমন ধমধম করত, বাতাসে কাশ-শন-ইকড়ার শৌ-শৌ আওয়াজে কেমন ভূতুড়ে কান্না শোনা যেত একটা। অনেক দূরে একটা আশানঘাটা—তার চিতার আগুন দেখা যেত—আরো খারাপ লাগত তখন। অন্ধুত আওয়াজ করে এক-আধটা পোকা ডাকত, অমন শব্দ এর আগে আর কখনো শুনিনি। যেদিন চাঁদ উঠত—সেদিন কেমন সাদা সাদা মড়া আলোয় ভরে যেত সবটা, মনে হত সমস্ত চড়াটা জুড়ে চিতার ধোঁয়ার মতো কী যেন জমাট হয়ে আছে, বাতুড়ের ডানার আওয়াজ শুনেলে পর্যন্ত কেমন একটা কাঁপুনি জেগে উঠত বৃকের ভেতরে।

কিন্তু অভ্যাস হয়ে গেল। তারপর এমন হল যে আধার রাতে এই চড়ায় আমি একলা মাহু বসে আছি—এইটে ভাবতেই ভালো লাগত আমার। ভাবতুম—আমি সব পারি—সব বন-বাদাড় কেটে এই ভূতুড়ে চড়ায় সমস্ত জমি উদ্ধার করে আনতে পারি—ফসলে ফসলে ভরে দিতে পারি। এ চর কারো নয়, কেউ এর মালিক নয়—আমি একে দখল করেছি, এ আমার, শুধুই আমার।

তখন চাঁদের আলোরও রঙ বদলাতে লাগল। চিতার ধোঁয়া নয়—জ্যোছনা রাস্তিরে যেন দুধের বান ডেকে যেত। আমি দেখতে পেতুম, সেই আলোয় আমার ফসলগুলো শ্বাসে আর শ্বাসে ভরে উঠছে—টিপ্ টিপ্ করে ঝরা শিশিরে আরো পুরস্কৃত বাড়ন্ত হয়ে উঠছে ক’টা বেগুন, ক’টি ছাঁচিকুমড়া। আর তখন আমার মনে হত—এখন যদি বউ থাকত, আমার ক’টা ছেলেমেয়ে থাকত—

এমনি একটা জ্যোছনার সন্ধ্যায়, আমার একলা ঘরের দাঁওয়ার বসে এই সব ভাবতে ভাবতে হঠাৎ আমি একদিন ভয়ানক চমকে উঠলুম।

একটু দূরেই ছায়া ফেলে গোল মতো কী একটা দাঁড়িয়ে।

বাহুর ? আরে দূর—এখানে কার বাহুর আসতে যাবে ? তা ছাড়া অমন চেহারা তার হতে যাবে কোন্ হুংখু ? এ অনেক মোটা, গোল, বঁটে বঁটে পা, ঝাড়ে-গর্দানে ঠালা, গায়ে খাড়া খাড়া বড় বড় লোম, মুখের ডগাটা ছুঁচলো, আর তার ওপরে ওলটানো নখের মতো বাঁকা দাঁত দুটো। দেখেই বুক চমকে গেল, প্রকাণ্ড একটা মন্দা বুনো তরোর।

আঁধারি আছি এখানে—দেড়-দু বছর হয়ে গেল, এ মকেলকে তো এর আগে কখনো দেখিনি। গোটা চরটাই আমি ঘুরেছি, বন-বাদাড় ঠেড়িয়েছি, শন কেটে এনে ঘরে ছাউনি ঘিরেছি—দু-একটা খরগোস ছাড়া আর কিছু চোখে পড়েনি এর আগে। সাপ অবিশ্তি আছে, তা যে তলাটের মাহু বসে—সাপ নিয়ে তো নিত্যি খর করতুম। এ হতছাড়া

তো এখানে আগে ছিল না—থাকলে নিশ্চয়ই দেখা হয়ে যেত অনেক আগেই।

এল কোথেকে ?

কিন্তু সে ভাবনা পরে। এখন তো বুকের রক্ত শুকিয়ে গেল। মদ্য ঝাঁতাল শুয়ো—জানোই তো কী বজ্রাত জানোয়ার। আচমকা মুখোমুখি হয়ে গেলে তো আর কথা নেই—সোজা তেড়ে এসে নাড়িভূঁড়ি ঝাঁপিয়ে দেবে। আমার এক পিসেমশাইকে শুয়োয়ে মেরেছিল—সে কথা মনে হলে এখনো গায়ের ভেতরে আমার ঝাঁকুনি দিয়ে ওঠে।

বেশ ছিলুম একলা চড়ায়—রাস্তার হালে। কোথেকে এই আপদটা এসে জুটল হে ?

ঘরে একটা সাপমারা বজ্রম ছিল। ভাবলুম, এনে তাক করে দিই ছুঁড়ে। তারপরেই মনে হল, যদি ফসকার ? প্রায় হাতির ছানার মতো চেহারা—তার ওপর যা বদখৎ মেজাজ ! একেবারে ঘরহুতুই উড়িয়ে দেবে আমাকে।

আমি যেখানে ছিলুম সেইখানেই বইলুম ঠায় বসে, আর শুয়োরাটাও এক জায়গায় ঝাঁপিয়ে থেকে আমার দিকে চেয়ে রইল। নড়া-চড়া কিছুটা নেই, যেন কাঠের পুতুল। আমি দেখতে লাগলুম জ্যোছনার ওর ক্ষুদ্র চোখ দুটো মিটমিট করে জ্বলছে—একটা গোলমতন ছায়া জমে আছে ওর পায়ের কাছে, আর আমার দিকে তাকিয়ে ও যে কী দেখছিল—সে ওই-ই বলতে পারে।

একটু পরে ফাঁস ফাঁস করে গোটা দুই শ্বাস ছাড়ল, ঘোঁৎ করে যেন আগুয়াজও তুলল একটু, তারপর আস্তে আস্তে খুট খুট করে বেরিয়ে গেল ঘরের সামনে থেকে। আমি দেখতে পেলুম, একটু এগিয়ে ঢুক গেল ঘাস বনের ভেতরে।

আপদ এখন তো গেল, কিন্তু গোটা রাস্তির আমি ঘুমতে পারলুম না। এ তো মহা জালা হল দেখছি। আর তো আমি ইচ্ছেমতো এদিক-ওদিক ঘুরতে পারব না—বলতে পারব না, আমি এখানকার মালিক, এই চর আমার রাজ্য। এ ব্যাটাচ্ছেলে কোন্‌খানে ঘাপটি মেরে থাকবে—কখন কে জানে এর মেজাজ খারাপ হয়ে যাবে—তারপর ঘোঁৎ করে তাড়া লাগাবে—যাকে বলে শুয়োয়ের গৌ। ঘাস-কাপের বন আর এবড়ো-খেবড়ো জমি আমি দৌড়েও পালাতে পারব না—ওই দাঁত দিয়ে একেবারে ফালা-ফালা করে ফেলবে আমাকে।

কোথেকে এসেছে এ-কথা শুবে লাভ নেই। কোন দূরের জঙ্গল থেকে পথ ভুলে কিংবা তাড়া খেয়ে এই চড়ায় এসে নেমেছে সে ওই মজ্জলই বলতে পারে। কিংবা কে যে কোথা থেকে কোথায় যায়—ভগবানেরও কি জানা আছে সে খবর ? আমিও কি জানতুম, স্বন্দররন, অধৈ গাভ আর মেঘ-বরণ ধানের দেশ থেকে সৌভের কুটোর মতো জানতে ভাসতে আমি এই চরে এসে-ঠেকব ? আমি কি জানতুম এমন লজ্যাও আমার জালবে যখন গায়ের বিশালাকীর স্বন্ধির থেকে বস্তীর শব্দ উঠবে না, নিঃশব্দে ছায়া

কাপবে না আমাদের উঠোনে, হাওয়ার উঠবে না বুনো। ফুল-গাছগাছালির সঙ্গে ফুটন্ত ভাত কিংবা তপ্ত খেজুর গুড়ের পাকে চিঁড়ের গন্ধ, শোনা যাবে না কীতনের গান ? আমিও কি ভেবেছিলুম, আমার একলা সন্ধ্যায় কেবল ঘাসবনে শন শন করবে হাওয়া, কেবল অদ্ভুত আওয়াজ তুলে পোকা আর ঝিঁঝি ডাকবে আর অনেক দূরের অসন্ত চিতা থেকে কয়েকটা আগুনের শিশু লাকাতে লাকাতে এসে আলোয়া হয়ে দগদগ করবে এখানে-ওখানে ?

তা হলে ওর দশা আমারই মতো। ওরও আলাদা জঙ্গল ছিল, বুনো গুল ছিল। হয়তো বা সুর্য্যোদয়েরও দেশ আলাদা হয়ে গেছে, তাড়া খেয়েছে সেখান থেকে। ও ব্যাটাচ্ছেলেও আমারই দলের—বাস্তহার।

বাস্তহার কথাটা মনে হতে একটু হাসি পেলো, কিন্তু বেশিক্ষণ হাসিটা থাকল না। বাস্তহার। হোক আর নাই হোক—আদতে তো বুনো সুর্য্যোদয়। মায়াবীর শত্রুর। যখন নিজের তালে আছে, বেশ আছে। কিন্তু যা মেজাজী আনোয়ার, একবার যদি কেপল তো—

পরদিন থেকে যা হোক একটা দা কিংবা বল্লম সব সময় রাখতুম হাতের কাছে। চলতে কিরতে বার বার নজর রাখতে হত চারপাশে। আর বলব কি হে—দেখাও হয়ে যেত সুর্য্যোদয়ের সঙ্গে।

কিন্তু দেখা হলেই দাঁড়িয়ে যেত ওটা। দিনের বেলায় দেখেছিলুম, রাতে যা ভেবেছি, জানোয়ারটা তার চেয়েও বড়। গা-ভাতি ঝাঁটার মতন রোঁয়া—মস্ত দাঁতটা চকচক করছে সাদা, এখানে-ওখানে কাদার চাপড়া লাগানো। ইয়া পেল্লায় শরীর। তেড়ে এলে মা বলতেও নেই, বাপ বলতেও নেই। কিন্তু যেই মুখোমুখি হল কিংবা আমার পায়ের আওয়াজ পেয়ে ঘুরে দাঁড়ালো বোঁ করে—অমনি ঠায় দাঁড়িয়ে গেল আমার মুখের দিকে তাকিয়ে। নড়া-চড়া নেই—কিছুই না—খানিকটা কেবল মিটমিট করে চেয়ে রইল, তার-পর যেন কিছুই হয়নি—এমনি করে গা তুলিয়ে তুর তুর করে কোন্দিকে চলে গেল। অনেকবার ভেবেছি তুলি বল্লম—খাঁ করে মেয়ে দিই, কিন্তু কিছুতেই হাত উঠত না। কেবল মনে হত—ও যখন আমার কিছু বলে না, তখন থামোকা ওকে আমি মারতে চাই কেন !

দিনের বেলা আমার ঘর-দোরের দিকে ওকে কখনো আসতে দেখিনি। আমি ভেবে-ছিলুম, এই এল সুর্য্যোদয়—আমার ক্ষেত-টেত খুঁড়ে কিছু আর রাখবে না—যে কটা ফুটি হয়েছে খেয়ে একেবারে শেষ করে দেবে।

তা গোড়ার দিকে এক-আধটু খোঁড়াখুঁড়িও করেছিল বইকি, সুর্য্যোদয়ের স্বভাব যাবে কোথায়। একদিন বেশি রাতিয়ে আওয়াজ শুনে বেরিয়ে দেখি—ওই কাত ! কী মনে হল, হাঁক পেড়ে বললুম, “এই মন্ডেল, কী হচ্ছে ওটা ?” হুড় হুড় করে ছুটে পালালো, তার-

পর থেকে আর ওসব করতে দেখিনি।

হতে পারে—দাঁতাল হলেও শুয়োরটা ভীতু, ভালো মেজাজ, হাকামা-বাকামা পছন্দ করে না। মাছব তো কত রকমের হয়, জানোয়ারেরই কি রকমের হতে পারে না? তবু আমার মনে হতে লাগল, ওটার সঙ্গে আমার আলাপ হয়ে গেছে। এই নির্জন ভূতুড়ে চড়ায় ও-ও একা, আমিও একা। আমারও এক এক সময় বুকের ভেতর হু হু করে—মনে হয়, সব ছিল, ঘর ছিল, ছেলেমেয়ে ছিল; তখন নিজের এই রাজত্ব—এই ক্ষেতটুকু—এই জমি গড়বার স্বর্থ—সব ফাঁকা হয়ে যায়, মনে হয়—আমার কিছুই দরকার নেই, কিছুই না। তেমনি ওই শুয়োরটাও একা—ওরও চেনা জঙ্গলটা কোথায় হারিয়ে গেছে, ওরও আপনার জন ছিল, তারা কেউ নেই—কোথাও নেই। আমি যখন ফাঁকা মন নিয়ে কোনো অঙ্কার রাতে—কোনো জ্যোছনার ভেতর দাওয়ার ওপর চুপ করে বসে থাকি—তখন অঙ্কারটা এক জায়গায় আর একটু ঘন হয়, জ্যোছনার কখনো একটা ছায়া পড়ে—ওই শুয়োরটা এসে দাঁড়ায়। তখন ওরও একা লাগে—ও-ও সঙ্গ খোঁজে। আলোর হোক আর আঁধারে হোক—ওর চোখ দুটো চিকচিক করে জলে, ও এক দৃষ্টিতে আমার দিকে তাকিয়ে থাকে—আমি ওর দিকে চেয়ে থাকি। তারপর ফোঁস করে যেন একটা নিশ্বাস ফেলে, ঘোঁত করে একটু আওয়াজ হয়, কী একটা বুকে নিয়ে ভারী শরীরটাকে একটু একটু দোলাতে দোলাতে আবার চলে যায় ঘাসবনের ভেতর।

তোমাদের অবাক লাগবে শুনলে, এর পর থেকে আমার আর ওটাকে ভয় লাগত না। কতদিন ঘাসবনের মধ্যে দিয়ে আমার প্রায় গা ঘেঁষে চলে গেছে, কতবার দেখেছি কোথায় একটু কাদাজল জমেছে—খুশি হয়ে গড়াগড়ি করছে তার ভেতরে, কোনোদিন দেখেছি মাটি খুঁড়ছে নিজের মনে। আর রাত হলে, যখন চরের ওপর কেবল শাঁই শাঁই করছে হাওয়া, যখন দূরের আশানে লাকিয়ে লাকিয়ে উঠছে চিতার আগুন—এমন কি মড়া-পোড়ার গন্ধও ভেসে আসছে এক-আধটু, আর আমি ফাঁকা মন নিয়ে—বুকের ভেতরে একটা কান্না নিয়ে বসে আছি, তখন ও এসে দাঁড়িয়েছে আমার সামনে, যেন বলতে চাইছে নিজের কথা, যেন সাঙ্ঘনা দিতে চাইছে।

শেষে এমন হল, শুনলে হাসি পাবে তোমাদের, দু-একদিন ওটাকে দেখতে না পেলে আমার মন খারাপ হয়ে যেত। আমি চমকে উঠে ভাবতুম—যেমন নিজের খেয়ালে এসেছিল তেমনি করেই চলে গেল নাকি আবার? আর ভাবলেই আমার ভয় করত। যতদিন একা ছিলুম—বেশ ছিলুম। কিন্তু ওটা আসবার পরে কখন যেন দুজন হয়ে গেছি, ও আমাকে বুঝতে পারে, আমি ওকে বুঝতে পারি। তখন বেরোতুম খুঁজতে। হয়তো দেখতুম, অনেক দূরে, অনেকখানি জঙ্গলের ভেতর কোথাও খানিক জলকাদার ভেতরে হাক-পা মেলে শুয়ে আছে। তোমরা বলবে, আমাকে পাগলে পেয়েছিল। আমিও কি তা?

তাবিনি ? কিন্তু সেই চড়ায় সব অস্তরকম হয়ে গিয়েছিল, একটা আলাদা মন হয়ে গিয়েছিল আমার—আমিও একটা আলাদা জীব হয়ে গিয়েছিলুম যেন। জিজ্ঞেস করতুম, ‘আসিনি কেন ?’

যেঁাং করে একটা আওয়াজ তুলে ছুটে পালাতো। যেন লক্ষ্য পেতো মনে হয়।

বলবে, আমার এ-সব মনগড়া। যাকে বলে বুনা শুয়োর, বোকা, গোয়ার, কচু-কন্দ খুঁজে বেড়ায়, যখন-তখন যাকে ইচ্ছে তাড়া করে—তার বয়ে গেছে তোমার মনের কথা বুঝতে। নিশ্চয়—নিশ্চয়, সব মানি। তবু দেখতুম, সেই রাত্তিরে, কিংবা পরের রাত্তিরেই ওটা এসেছে। আমার দাওয়ার সামনে ঠায় দাঁড়িয়ে আছে, ছোট ছোট চোখ দুটো চিকচিক করছে জোনাকির মতো। কিছুক্ষণ থাকত ওইভাবে—যা হোক একটা কিছু বুঝে নিত—তারপর আবার আস্তে আস্তে চলে যেতো নিজের মনে।

শহরের বাজারে তরকারী বেচতে আমি নিজে যেতুম না, অল্প লোক এসে আমার কাছ থেকে কিনে নিয়ে যেত পাইকারি দরে। তারা আসত হু-চারদিন, তা ছাড়া একটু দূর দিয়ে খেয়ার লোকজনের যাওয়া-আসা তো ছিলই। তাদেরই কারো চোখে পড়ে থাকবে। একদিন হঠাৎ দেখি শহর থেকে শোলায় টুপি আর হাকপ্যাণ্ট পরে, কাঁধে বন্দুক নিয়ে দু-তিনজন ভদ্রলোক এসে হাজির।

প্রথমটা ভেবেছিলুম—চরের ওদিকটার এ-সময়ে, হু-চারটে চখাচখি পড়ে, তাই যারতে এসেছে। কিন্তু চলে এল আমার ঘরের দিকেই।

“তুমি এখানে থাকো ?”

“আজ্ঞে।”

“এ-সব তরিতরকারি তোমার ?”

“আজ্ঞে।”

“এ তো খাসমহল জমি। পত্তনি নিয়েছ ?”

“আজ্ঞে না।”

“বে-আইনি। একদম বে-আইনি।”

কে জানে কাকে বলে আইন, কাকে বলে বে-আইন ! এই ভুতুড়ে চড়ায় সরকারের নজর তো কোনোকালে ছিল না—আমিই এখানে একা হাতে মাটি গড়েছি, ফসল ফলিয়েছি। কিন্তু আইন বে-আইনের ভাবনা আমি আর ভাবতে পারি না। যেদিন হাতি এনে আসামের পাহাড়ে ফসলের সঙ্গে আমাদের বৃকের পাজর অবধি দলে দেওয়া হয়েছিল, সেদিন থেকে ও-সব ভাবনা আমি ছেড়ে দিয়েছি।

বাবুদের একজন ফস করে একটা সিগ্রেট জ্বালেন। বললেন, “যাক, সে-সব পরে হবে। এই চড়ায় বুনা শুয়োর আছে, তাই নয় ?”

ধক্ করে উঠল আমার বুকের ভেতর। আমি তিনটে বন্দুকের দিকে তাকালুম।

“কে বললে আপনাদের?”

“আমরা খবর পেয়েছি।”

তোমরা শুনে রাগ করবে কিনা জানি নে, আমি দেখেছি, হারামীর দিকে জানোয়ারের চেয়ে মানুষেরই টাঁক বেশি। তক্ষুণি মনে হল, বলি : “যান ওদিক পানে—কাদার মধ্যে বসে আছে দেখেছি একটু আগে, দিন সাবড়ে।” আর তক্ষুণি কে যেন কানে কানে বললে, “ছি ছি হে, তুমি শুয়োরের চাইতেও ছোটলোক হয়ে গেলে। ও তোমার বিশ্বাস করে, তার এই প্রতিদান।”

বললুম, “বাজে কথা। আড়াই বছর ধরে আমি আছি এখানে। চরের জঙ্গল ভেঙে চলাফেরা করি। কোনো শুয়োর কখনো আমার চোখে পড়েনি।”

“কিন্তু একজন যে বললে—”

“ভুল বলেছে। শেরাল-টেরাল দেখে থাকবে হয়তো।”

“তুমি ঠিক জানো?”

“আজ্ঞে এই চড়ার আমি বাসিন্দে। আমি জানি নে তো অস্ত্র লোকে জানবে?”

বাবুদা এ ওর মুখের দিকে তাকালেন।

আমি বললুম, “তা খরগোস-টরগোস আছে দু-চারটে। খুঁজে দেখতে পাবেন।”

“দুয়, খরগোস অঘাত্য। আর সেগুলো খুঁজে কে সময় নষ্ট করবে—কেই বা টোটা খরচ করতে যাবে?”

বাবুদের দুঃখ হয়েছে মনে হল : “বাজে লোকের কাছে উড়ো খবর শুনে হাঁটাইটিই সার হল। চলো হে।”

শুয়োরটা সে রাতে এল না, এল পরের রাতে। বললুম, “তোকে বাঁচিয়েছি, বুঝলি? তিনটে বন্দুক ছিল—কিছু করতে পারতিন না।”

নিঃসাড় আমার দিকে চেয়ে দাঁড়িয়ে রইল।

বললুম, “এবার ক’টা কচু লাগাব ঠিক করেছি। খুঁড়ে-মুড়ে যেন বরবাদ করে দিসনি, তা হলে ঠিক বলে দেব বাবুদের।”

তেমনি খানিকক্ষণ দাঁড়িয়ে থেকে আন্তে আন্তে চলে গেল।

দিন কাটছিল, এইভাবে কতদিন কাটত জানি না। কিন্তু সেই সকালে সরকারী পেরাদা এসে আমাদের নোটিশ দিয়ে গেল। কেন আমি খানসহলে আমি জবর-দখল করেছি, কেন আইন-মোতাবেক পত্তনি নিইনি, হুকুমে হাজির হয়ে আমার তার কৈকির হিতে হবে। সেই যে তিন বাবু এসেছিল, তারাই কেউ কিরে গিয়ে এই উপকারটা করেছে আমার।

নোটিশ নিয়ে আমি চুপ করে বসে রইলুম ঘরের হাওরায়। আগের দিন থেকেই টিপি-টিপি বুড়ি পড়ছিল, আজ আকাশ আরো খোলাটে, আরো অন্ধকার। ওদিকে নদীতে জল বাড়ছে, গৌ গৌ করে উঠছে তার ডাক। ঝোড়ো হাওয়া দিচ্ছে থেকে থেকে—চারদিকের শাসবনে ঢেউ উঠছে।

জল আসছে নদীতে। চরের খানিকটা ডুবে যাবে। কিন্তু আমি যেখানে আছি সেটা ডুববে না—আজ চৌদ্দ বছর ধরেও ভোবেনি। নদীর ভাবনা নেই, আমি মাগুঘের কথা ভাবছিলাম। এমনি একটা মেঘলা দিনেই যখন ধানের ক্ষেতে বাতাস ঢেউ দিয়েছিল, সেইদিনই ওরা হাত এনে—

পতনি নিতে হবে, খাজনা দিতে হবে? কত চাইবে কে জানে? নাকি উচ্ছেদই করে দেবে? ক্ষেতের দিকে চেয়ে দেখলুম বুড়িতে ভিজে চিকচিক করছে পটোলগুলো—হাওরায় মাতন লেগেছে চলচলে লাউয়ের পাতায়। চোখ জ্বালা করতে লাগল। সারাদিন কিছুটা খেতে ইচ্ছে করল না আমার—ঘরের বাঁপ বন্ধ করে চুপ করে শুয়ে রইলুম।

শুয়ারটার ভাগ্যি ভালো আমার চাইতে। শুকে খাজনা দিতে হয় না, পতনি দিতে হয় না, ওর উচ্ছেদের ভয় নেই। ভয় নেই? আমি যখন থাকব না—তখন ওরও ভো পালা মিটে যাবে। তখন আবার তিনটে বন্দুক আসবে, হয়তো লোকজন নিয়ে ঘেরাও করবে জঙ্গল—তারপর আনন্দে বাবুরা—

সব বিল্ডী লাগছিল, সব ফাঁকা ঠেকছিল, অনেকদিন পরে বৌ আর ছেলেমেয়ের সঙ্গে আমার কান্না আসছিল। হাওয়া-বুড়ি-ছুর্গোর ভেতরে সকাল-বিকাল-সন্ধ্যা যে কিভাবে কেটে গেল জানি না। তারপর রাতে ঘুম এল, আর তারো পরে—

জেগে উঠলুম বানের ডাকে। ঝড়-বুড়ির প্রায় মহাশ্রলয় তখন। কিন্তু কিছু আর ভাববার সময় ছিল না। চর ভাসিয়ে ছুটে এল পাশাডো নদী—মড়মড় করে ভেঙে পড়ল ঘর, আমি বাইরে বেরিয়ে এসেছিলুম—এক ঝটকায় আমাকে কুটোর মতো তুলিয়ে নিয়ে চলল।

ডুবতে ডুবতেও টের পেলুম আমার কাছেই কেমন একটা ঘোঁৎ ঘোঁৎ আওয়াজ। তা হলে দুজনই ভেসেছি—দুজনই আবার একসঙ্গেই বাতাসারা। কী করে কী হল জানি না—হু হাতে শুয়ারটাকে আপটে ধরে মাথা জাগিয়ে তুললুম। আর সেই প্রকাণ্ড জানোয়ারটা—যার অজান্তেই সুন্দরবনের গহীন গাঙ পেরিয়ে চলে যায়—যারা সমুদ্রের মতো রান্ধুসে নদীকে ভর পায় না—বাষ-হরিণ পৌছুবার আগে যারা নতুন জাগা চরে গিয়ে বাস বাঁধে, সে আমাকে টানতে টানতে—জলের ওপর নাক তুলে সীতার কাটতে কাটিতে, সেই স্রোতের সঙ্গে ভেসে চলল।

আমাকে ছিনিয়ে নেবার অন্তে জ্যোৎস্না স্রোত বরফ-সাপট দিচ্ছিল। নইতে পারলুম না

—আমি জান হারালুম।

যখন চোখ চেয়েছি, তখন সকাল। দেখি, জনতিনেক মানুষ আমার সৈকতাপ করছে। বললুম, “তয়োরটা?”

তারা বললে, “কিসের তয়োর? বানে ভাসতে ভাসতে এখানে এসে ডাঙায় ঠেকেছিলে, আমরা তুলে এনেছি তোমায়। কোথাকার লোক হে?”

তয়োরটা কোথায় গেল জানি না। হয়তো আমার কোনোমতে ডাঙায় ঠেলে দিয়ে সে নিজে আর উঠতে পারেনি, ভেসে গেছে। তোমরা হাসবে, পাগল বলবে আমার—কিন্তু আমি ঠিক জানি, ও যদি বেঁচে থাকত কিছুতেই আমার সঙ্গ ছাড়ত না। আমি নিশ্চয় জানি, আমার মতো গুরুও তো কোনো দোঙ্গর নেই।’

সেই ভাঙা গভীর গলাটা ধামল। নিঃশব্দে বসে থাকল ছুটি চাবী, আমি করোগেটেড টিনের চালাটার দিকে চেয়ে রইলুম, আমার চোখ জলতে লাগল, একটা ক্লাস্ত কাক ডেকে চলল রাখাচুড়োর ভালে।

সেই লোকটা আবার বললে, “কখনো তয়োর মানুষ হয়, বুঝেছ—কখনো আবার মানুষ—”

চমকে আমি উঠে দাঁড়ালুম—আমাকেই বলছে? স্মার্টকেসটা তুলে নিয়ে আমি এগিয়ে চললুম। টেনের সিগন্যাল দিয়েছিল। আমি ফার্স্ট ক্লাসের যাত্রী—আমার কামরাটা থাকবে আর একটু শুদিকে। গাড়ি ফাঁকা থাকলে বসে বসে পড়তে পারব ‘ফ্রেশ-লাভার্স’ বইটা; আর তেমন যদি সহযাত্রী পাই তা হলে বেশ রোমাঞ্চকর বর্ণনা দিয়ে উত্তর বাংলার বস্তার গল্পও শোনাতে পারব তাদের। রেল-স্টেশনের এই উদ্ভট বাজের গল্পটা তুলে যেতে আমার সময় লাগবে না তখন।

বিসর্জন

এমন যদি হত, মুখ খুবড়ে পড়ে থাকত ঘরের এক কোণায়; যা সকলের জোটে তাই এক মুঠো খেয়ে চূপচাপ ঘিন কাটিয়ে দিত, তা হলে কোনো কথা ছিল না। কিন্তু যত দিন যাচ্ছে, ততই লাগচ বাড়াচ্ছে বুড়ির। এখন যেন রাক্ষসের খিঁদে এসে পেটে জমা হয়েছে গুর। একরাশ গিলল, ঝিম মেয়ে বসে রইল কিছুক্ষণ, তারপরেই আবার ভাঙা গলায় চ্যাচাতে লাগল : “ওয়ে—আমার খেতে দে রে, খিঁদের যে আমি মরে গেলুম।’

তা-ও যদি পেটে রাখতে পারত।

ছেলেবেলার একবার সখ করে একটা কোকিলের ছানা ধরে এনেছিল হুছাম। মনে মনে তারী লাখ ছিল, ছানাটা বড়-হুছে তারপর রাত-দিন ‘হুছ-হুছ’ করে গান গেয়ে

প্রাণ একেবারে মাতোয়ারা করে দেবে। হয়তো দিতও, কিন্তু বড় হওয়ার আগেই সে স্বদামকে প্রাণ পাগল করে দিলে। বাচ্চাটার খাই আর মেটে না। সব সময়ে ক্যা-ক্যা করে চিংকার আর লাল টুকটুকে একটা হা সে মেলেই রয়েছে। ছাত্র গুলি, ময়দার পিণ্ডি—সেই হাঁয়ের ভেতরে ছেড়ে দিতেই টপ্ করে গিলে ফেলা, তারপরেই আবার কান-ফাটানো চ্যাচানি। যেন বিশ্বসংসার গিলে ফেলেও তার খাই মিটবে না।

ঠিক একরকম। বুড়িটার সঙ্গে কোকিলের ছানার কোনো তফাৎ নেই।

মেঘের আড়াল থেকে এক টুকরো ভাড়া আর জুথুবু চাঁদ উঠবে-উঠবে করছে, কিন্তু এখনো মুখ বার করতে পারছে না। মন-মেজাজ ভালো থাকলে স্বদাম বেশ রস দিয়ে বলতে পারত : ‘ঘোমটার আড়াল থেকে নতুন বৌ একবার দেখে নিতে চাইছে—কিন্তু সামনে থেকে খাণ্ডার শাওড়িটে আর নড়ে না।’ কিন্তু এখন আর রসিকতা করবার অবস্থা নয় তার। অত্যন্ত অস্বস্তির সঙ্গে স্বদামের মনে হল, আরো কিছুক্ষণ চারদিক এই-রকম থমথমে অন্ধকারে তলিয়ে থাকুক—নারা আকাশটা মেঘে ঢেকে যাক—এই ডিঙ্গি-টাকে পৃথিবীর কেউ যেন এখন দেখতে না পায়, কেউ না।

ক্যানালের গেরি-মাটি জল এই অন্ধকারে মেঠো শামুকের মতো রঙ ধরেছে। দু ধারের কোণ-জঙ্গলে চাপ বাঁধা অন্ধকারে ঝিকমিক করছে জোনাকি, এক-আধটা খড়ের ছাউনি কিংবা টিনের চালা ছায়া ছায়া হয়ে দেখা দিয়েই হারিয়ে যাচ্ছে আবার। এরই ভেতরে কোথায় একটা ছোট বাচ্চা ট্যা-ট্যা করে কেঁদে উঠল। স্বদাম মনে মনে বললে, ‘কাঁদো কাঁদো, এখন থেকেই গলায় জোর করে নাও। কান্নার এখুনি হয়েছে কী—দিন তো সামনে পড়েই রয়েছে।’

এক টুকরো আলোও কোথাও জ্বলছে না। কার দায় পড়েছে এই মাঝরাাত্রিতে একটা লঠন জ্বলে বসে থাকতে? কেরোসিন পেতে যা ঝন্ডাট, আর যা তার দাম। কেবল ঝিল-ঝিল করে জোনাকি জ্বলছে। ওদের কোনো ভাবনা নেই, পরশা দিয়ে ওদের কেরোসিন কিনতে হয় না।

স্বদাম একবার আড়চোখে চেয়ে দেখল বুড়ির দিকে। মাথাটা হাঁটুর ভেতরে গুঁজে একটা ময়লা তামাকের পুঁটলির মতো বসে রয়েছে। না—ঘুমুচ্ছে না। স্বদাম জানে, বুড়িটা কখনো ঘুমোয় না। রাত—রাত-দিন—সন্ধ্যা-সকাল—সব এখন একাকার হয়ে গেছে। যখন জেগে থাকে, তখন থাকে; যখন জেগে থাকে না, তখনো সম্পূর্ণ ঘুমোয় না; ঘুম আর জাগার মাঝামাঝি একটা অদ্ভুত জায়গায় তার মন নানারকম ছবি দেখে—তিরিশ বছর আগে যে মরে গেছে সে এসে তার সামনে দাঁড়ায়; কোন্‌কালে কোন্‌ লম্বা স্বামীপুত্রের লংসার রেখে চলে গিয়েছিল, ভুলনীভলায় নামানো তার আলতা-রাঙানো পা দুখানা দেখতে পায় বুড়ি; কে যেন তাকে ডাক দিয়ে বলে, ‘বাড়িতে দশ-সেরা কই মাছ এয়েছে

ମୋ—‘ଓ ନତୁନ ବୋ, କୁଟିତେ ଯାବେ ନା ?’ ଆଉ ଏହିସବୁ ହେଁଜା-ହେଁଜା ଅପ୍ରେର ଭେତର ତାର ଖିନ୍ଦେ ପାର, ସନ୍ଧ୍ୟାୟ ତାର ପେଟର ନାଢ଼ି ହିଁଡ଼େ ସେତେ ଥାକେ, ଘୋର ଭେଙ୍ଗେ ଗିରେ ବୁଢ଼ି ହଠାତ୍ ବିକଟ ଗଳାୟ ମୋ-ମୋ କରେ ଓଠେ ; ‘ଏ ବାଢ଼ିତେ ସବ ମରେ-ହେଜେ ଶେଷ ହସେ ଗେଲ ନାକି ମୋ ? ଆମାକେ କେଉଁ ଚାଟିଖାନି ଖେତେଓ ଦେବେ ନା ?’

ସାଗେ ଝନ ଝନ କରେ ଓଠେ ହୁଦାମର ବୋ ତୁଳସୀ ।

‘ଏ ବାଢ଼ିର ସବ ମରେ ଶେଷ ନା ହସେ ଗେଲେ ତୋମାର ଧାଁଇ ମିଟିବେ କି କରେ ? ତୁମି ସେ ଯମର ଖିନ୍ଦେ ନିରେ ଏଲେଛ । ନିଜେ ତୋ ଆର ମରବେ ନା, ତିନି ଯୁଗର ଭୁବୁଞ୍ଚି କାଗ ହସେ ବଲେ ରରେଛ ।’

ନା, ବୁଢ଼ି ସେ ମରବେ ନା, ଏ ବ୍ୟାପାରେ ହୁଦାମଓ ନିଃସନ୍ଦେହ ହସେଛେ । ତାରଓ ତୋ ଏକଦିନ ସର-ମଙ୍ଗାର ସବ ଛିଲ । ସାମୀ, ଛେଲେମେରେ ସବ । କି କରେ ସେ ମରେ-ହେଜେ ଏକାକାର ହସେ ଗେଲ —ହୁଦାମ ତାର ଧବର ରାଧେ ନା । ତାର ଛେଲେବେଳା ଥେକେଇ ବୁଢ଼ିକେ ଏ ବାଢ଼ିତେ ନେ ଦେଖେ । ନିମ୍ପକ୍ଷେ ତାର ମାୟର କି ରକମ ସେନ ମାମୀ ହସ—ଅନାଥା ଦେଖେ ତାର ମା ଏନେ ଏଥାନେ ଠାଁଇ ଦିରେଛିଲ । ତখনଇ ବୁଢ଼ିର ଚୁଲେ ପାକ ଧରା । ତବୁ ଥାଟା-ଥାଟିନି କରତ, ଧାନ ସେନ୍ଧୁ କରତ, ଗୋକ ଦେଖତ । ତାରପର ହୁଦାମ ବଢ଼ ହଲ, ବିସେ-ଧା କରଲ, ମା-ବାପ ଚଲେ ଗେଲ । କିନ୍ତୁ ବୁଢ଼ି ନେଇ ସେ ଠାର ସକ୍ତି ବୁଢ଼ିର ମତୋ ବଳେ ରରେଛେ—ତାର ଆର ନଢ଼ବାର ନାମଟିଓ ନେଇ । ଏ ବାଢ଼ିର ଓପର ଦିରେ ଏତବାର ସମର ଆନାଗୋନା ସଟେ ଗେଲ, କିନ୍ତୁ ଓର ଦିକେ ଚେରେଓ ଦେଖଲ ନା ଏକଟିବାର ।

ଏଥନ ନା ପାରେ ଚଳତେ କିରତେ, ନା ପାରେ ଓଠେ ନାଢ଼ାତେ । ବହର ହୁଇ ଆଗେଓ ମିଠିଟାକେ ଏକେବାରେ ମାମନେ ବୁ଼କିରେ, ଏକଟା ଲାଠି ନିରେ, ଏକ-ଆଧଟୁ ଘୁରେ ବେଢ଼ାତ । ଏଥନ ତା-ଓ ପାରେ ନା । କଥନଓ ମିଠି ପାକିରେ ବଲେ ଥାକେ, କଥନୋ କୁକୁରର ମତୋ କୁଞ୍ଚୁଳୀ କରେ ଘୁମୋୟ । ନା—ଘୁମୋୟ ନା । ଘୁମ ଆର ଜାଗାର ମାଧ୍ୟାଧାନେ ଏକଟା ଅଜ୍ଞୁତ ଜଗତେ ଏକରାଶ ଛାୟାର ମିଛିଲ ଦେଖେ ଆର ଥେକେ ଥେକେ ଚକ୍ରେ ଓଠେ : ‘କେ—କେ ଓଥାନେ ? ଆଜ୍ଞ କି ତୋରା ଆମାକେ ଏକ ମୂଠୋ ଖେତେଓ ଦିବି ନେ ?’ ଅଥଚ ଏକଟୁ ଆଗେଇ—ହସତୋ ଆଧ ସଞ୍ଚା ଆଗେଇ ତୁଳସୀ ସେ ତାକେ ଏକ କାମି ଭାତ-ଭରକାରୀ ଗିଲିରେ ଗେଛେ ନେ ତାର ମନେଓ ଥାକେ ନା ।

ଓଧୁ ତାହି ନୟ । ଭାଢ଼ା ଗଳାୟ ନାତ ପଢ଼େ ଯାଓରା ଯୁଧର ଜଢ଼ାନୋ ଆଓରାଜେ ନାମସନ୍ତ୍ରୀଓ ଦିତେ ଥାକେ : ‘ହେ ଭଗବାନ—ଏମେର ଏତ ଆଛେ, ତବୁ ଏକ ମୂଠୋ ଖେତେ ଦେର ନା ଆମାକେ । ତୁମି ଏର ବିଚାର କୋରୋ ।’

ଜଳନ୍ତ ଚୋଧେ ତୁଳସୀ ବଲେ, ‘ତନଲେ ? ଗୁନଛ ତୋ ?’

‘ହଁ ।’

‘ତୁମି ଆର କତଟୁକୁନ ବାଢ଼ିତେ ଥାକୋ ? ରାତନିନ ଓହି ନାମ-ନାମାନ୍ତ ଆମାକେ ଜନତେ ହରା’—ସାଗେ ହୁସେ ତୁଳସୀର ଚୋଧେ ‘ଜଳ ଆଲେ : ‘ଛେଲେମେରେର ପେଟ ମେରେ ନହାନେ

খাওয়াই—এই তার প্রতিদান !’

হুদাম বলে, ‘বুড়িটার গলা টিপে মেরে ফেলবে একদিন ।’

‘আঃ, কী যে বকো !’

তবু হুদাম জানে, মুখে যা-ই বলুক, মনে মনে কোথায় তুলসীর একটা মায়া আছে বুড়ির জন্তে। মন-টন ভালো থাকলে বলে, ‘আহা—বলছে বলুক, ওর কি আর বেধভাঙি আছে কোনো ? এককালে তো বিস্তর করেছে তোমাদের। নতুন বোঁ হয়ে যখন তোমাদের বাড়িতে এলুম, রাতদিন কাঁদতুম মার জন্তে, তখন কত আদর করত আমার, চোখের জল মুছিয়ে দিত, লুকিয়ে লুকিয়ে মিষ্টি এনে খাওয়াত। এখন অধর্ব হয়ে পড়েছে বলে—’

হুদাম তাকিয়ে থাকে তুলসীর মুখের দিকে। মেয়েদের মন বোঝা ভগবানেরও সাধ্য নয়। একটু আগেই চোঁচিয়ে পাড়া মাথায় করছিল : ‘হয় বুড়িটাকে যেখানে হোক বিদেয় করো, নইলে আমিই বিদেয় হই’—এখন ঠিক উলটো স্বর ভাঁজতে শুরু করেছে। বুড়িটাও নিশ্চয় তুলসীকে বোঝে। তাই মরতে মরতেও মরে না—রাতদিন কোকিলের ছানার মতো হাঁ করে থাকে, ভাবে—হুনিয়ার যা কিছু খাওয়ার আছে এই বেলা তা পেট পুরে খেয়ে নিই !

না—হুদামের কোনো মায়া নেই বুড়ির জন্তে। এক বিন্দুও না। কবে বুড়ি তাকে আদর করে ছুঁচাঘটে নাড়ু-মোয়া খাইয়েছে কিংবা কোলে বসিয়ে রূপকথা শুনিয়েছে—সে-কথা ভেবে হুদামের মন মমতায় ভরে ওঠে না। এই সংসারে থেকেছ খেয়েছ, যে-টুকু করবার করেছে। তারপর মানে মানে, সময় থাকতে যদি চলে যেতে—তা হলে হুদাম ডাক-চিৎকার ছেড়ে কাঁদত তোমার জন্তে, কাঁধে করে শ্মশানে নিয়ে যেত, এমন কি শ্রাঙ্খ-শাস্তি করতেও তার আপত্তি হত না।

কিন্তু এ কী ব্যাপার ?

বাপ-ঠাকুরদার আমলে যা ছিল, ছিল। কিন্তু সে সব দিন তো আর নেই। অবস্থা পড়ে গেছে। সামান্য যা জমি-জমা আছে, তাতে ছ’মাসের ধোরাকির টানও উঠে আসে না। তবির-তরকারি বেচে, কখনও বা আরো ছুঁচাঘটে খুঁটখাট কাজ-কর্ম করে কোনোমতে চালিয়ে দিতে হয়—আবাট-শ্রাবণের দুটো মাস একবেলার বেশি খাওয়াই হয় না। সামনে আরো আকাল আসছে, চোখের সামনেই দেখা যাচ্ছে সেটা। তিন টাকা ছাড়িয়ে উঠেছে চালের কিলো—আর ক’টা দিন বাদে গাঁয়ের আরো অনেক বাড়ির মতো তাকেও হয়তো মধ্যে মধ্যে উপোস দিতে হবে।

এর তেতরে একটা বাড়তি পেট। কোনো আর দেয় না—হুঁচু বাজে খরচ। দিন-রাত, লকাল-লডো—ঘোর তাড়লেই মুখে কেবল খাই-খাই সব। হুদামের মাথার তেতকে

আগুন ধরে যায়। একটা ধূমাবতী এসে ঘরে ঢুকেছে। কখনো কখনো তার মনে হয়—বাড়িহুঙ্ক সব মরে গিয়ে যখন অশান হয়ে যাবে, পোড়া ভিটের ওপর গজিয়ে উঠবে সাপের জল, দাওয়ার গর্ত করে শেয়ালে বাসা বাঁধবে, তখনো সেই শেয়াহুল কাঁটা আর খুত্ৰো-আকন্দ-বুনো গুলের মাঝখানে ডাকিনীর মতো জিত মেলে বসে থাকবে বুড়িটা। তার পাটের মতো চুলগুলোতে লাউডগা সাপ খেলে বেড়াবে আর সন্ধ্যার লালচে আকাশের দিকে চেয়ে সে ডাক ছাড়তে থাকবে : ‘দে—দে—আরো খাই, আরো খাই।’

ভাবতে গিয়ে রক্ত হিম হয়ে আসে। স্বদামের মনে হয়—সব বুড়িটার জন্তে। তারা তো মোটামুটি সচ্ছল গেরস্তাই ছিল, কেন এমনভাবে একটু একটু করে সব যাচ্ছে? কেন ছুঁবছর আগে অমন ছুঁখোল বাঙা গাইটাকে মা-মনসায় কেটে দিলে? ধানগুলোর অমন সর্বনাশ হয়ে গেল কেন, যে মাটিতে প্রতিবার কম করে একশো কুমড়ো ফলে—সেখানে এ বছর বিশ-পঁচিশটার বেশি হলই না?

আশ্চর্য—বুড়িটা মরেই না। বয়েস কত হল? সত্তর-পঁচাত্তর-আলী? কিংবা আরো বেশি? স্বদাম জানে না। তুলসীই ঠিক বলেছিল—ভটা ভুযুণ্ডা কাগ। ওদের বয়েসও নেই, মরণও নেই।

আজ তিন মাস ধরে এই মতলবটা তার মাথায় এসেছে। তুলসীটা এমনিতে বুড়ির ওপর যতই গর্জাক, কিছুতেই এতে সায় দেবে না, বরং নিজের ভাত ক’টা নিয়ে গিয়ে বুড়ির মুখে গুঁজে দিয়ে আসবে। তাজ্জব মেয়েদের মন—ভগবানও বুঝতে পারেন না!

কিন্তু স্বদামের ধৈর্য শেষ হয়ে গেছে। আর চলে না, চলতেই পারে না।

স্বযোগ এসেছে তিন মাস পরে। কাল ছেলেমেয়ে নিয়ে তুলসী গেছে বোনের বাড়িতে—ফিরতে আগামীকাল সন্ধ্যা। অতএব এই বেলাই—

বুড়ির তো দিনও নেই, রাতও নেই। চোখে কিছু দেখতে পায় না, কানের কাছে মুখ নিয়ে টেচিয়ে না উঠলে শুনতেও পায় না। তাই স্বদাম যখন তাকে পাজাকোলা করে তুলে নিলে, তখন বুড়ি বিড় বিড় করে বললে, ‘কে ও? জগৎ নাকি!’

মা-কালীই জানেন জগৎ মাহুটা কে! কোন্ কালে কোথায় বেঁচে ছিল, কবে মরে শেষ হয়ে গেছে। হয়তো বুড়ি এখন সেই লোকটাকে দেখছিল বসে বসে। না টেচিয়ে, বুড়ির কানের কাছে ঝাঁ-ঝাঁ করে চাপা স্বরে স্বদাম বললে, ‘আমি স্বদাম।’

‘অ—স্বদাম।’

বুড়িকে তুলে নিয়ে উঠান পেরিয়ে স্বদাম এগোতে লাগল। একেবারে ওজন নেই গায়ে, একেবারে পাখির মতো হালকা। জটাবাঁধা চুলগুলো স্বদামের মুখে লাগছিল, একটা ঝিল্লী হুগুগু পা গুলিয়ে যাচ্ছিল—নাকের পাশ দিয়ে পিঁপু পিঁপু করে কী উঠে যাচ্ছিল—

নিশ্চয় বুড়ির চুল থেকে উকুন। অসম্ভব ধোয়া করতে লাগল হৃদামের। আশ্চর্য—এটাকে তুলসী নাওয়ার-ধোয়ার-খাওয়ার কী করে! মেয়েটা সব পারে, ওদের অসাধি বলে কিছু নেই।

বুড়ি বিড় বিড় করে বললে, ‘আমাকে কোথায় নিয়ে চললি হৃদাম?’

‘তুমি যে শিমুলতলীর মন্দিরে যেতে চেয়েছিলে গো। তাই নিয়ে যাচ্ছি।’

‘কোথায় নিয়ে যাচ্ছিস বললি?’

‘শিমুলতলীর মন্দিরে।’

‘আহা—বৈচে থাক, বৈচে থাক।’—বুড়ির জড়ানো অস্পষ্ট আওয়াজ যেন বুশিতে ছলে উঠল একবার : ‘আহা, কতদিন মাকে দর্শন করিনি।’

এখনই যেন কত দর্শন করতে পারবে! চোখের মাথা তো খুইয়ে রেখেছে।—কথাটা মুখে এলেও হৃদাম বলল না। বরং তার মনে হল, দর্শনের ব্যবস্থাটা পাকাপাকিই করে দিচ্ছি এবার। আমার ঘাড় থেকে নেমে সেখানে গিয়েই বাস্তু বাঁধো এখন।

মেঘে আধখানা আকাশ ঢাকা, চাঁদের ভাঙা টুকরোটা তাই ভেতর থেকে ফুটতে পারছিল না। সারা গ্রাম মাঝরাত্তেই ঘুমে নিখর। একটু হাওয়া নেই, একটা পাতা নড়ছে না, একটা কুকুর পর্ষন্ত ডাকছে না কোথাও। যেঠো শামুকের মতো বড় নিয়ে ক্যানালের গিরি-মাটি জল ভাঁটার টানে নদীর দিকে ছুটেছে। বুড়িকে নৌকোর তুলে হৃদাম শোতে ভেসে পড়ল।

সেই থেকে বুড়ি নিশ্চুপ। যেখানে বসিয়েছিল, সেইখানেই হাঁটুর ভেতরে মাথা গুঁজে একটা তামাকের ময়লা পুঁটলির মতো পড়ে আছে। আবার স্বপ্ন দেখছে হয়তো। অনেক-কাল আগেকার মরে-যাওয়া মাহুগুলো এখন একে একে সার দিয়ে তার মনের সামনে দিয়ে সরে যাচ্ছে। একটু পরেই হয়তো টেচিয়ে উঠবে : ‘কে যায়, কে যায় ওখান দিয়ে? আজ কি তোরা আমাকে এক মুঠো খেতে দিবি নে?’

চাঁদটা উঠতে চেষ্টা করছে, উঠতে পারছে না; আশেপাশে, দূরে, অনেক দূরে—একটা আলোও জ্বলছে না—কার দায় পড়েছে আলো জালবার, কেরোসিন তেল কি এতই সস্তা? জোনাকি ঝিলমিল করছে ঝোপ-জঙ্গলে, কিন্তু জোনাকির আলোর কেউ কিছু দেখতে পায় না, জোনাকিরা কারো সাক্ষী থাকে না। এই ভালো। আজ এই অন্ধকারটাই হৃদামের দরকার।

নৌকো নদীতে এসে পড়ল। ভাঁটার ডাক উঠেছে জলে। এতক্ষণ গুমোট ছিল, এবারে হঠাৎ খানিকটা হাওয়া যেন হা-হা করে উঠল। ডিঙিটা ছলতে লাগল অন্ন অন্ন, ক্রিকে-সাদাটে জল চিক চিক করতে লাগল।

হৃদাম ঘাড় ঘুরিয়ে দেখে নিলে চারদিক। না—কোথাও কেউ নেই। দু মাইল দূরে

বাকের মধ্যে গঞ্জে এক-আধটা আলোর বিন্দু—দেখা যায় কি যায় না। এদিকে অন্ধকারে লান্ধাটে রঙের প্রকাণ্ড নদীটা ধু-ধু করছে—বাতাসে হা-হা করছে। আজ রাতে হৃদামের এইটেই দরকার ছিল।

মনে মনে সে হিসেব করেই রেখেছে। চার-পাঁচ ঘণ্টা ভাঁটা আছে এখনো। একটা চড়ায় পৌঁছতে কতক্ষণই বা। বুড়িকে তার ওপর নামিয়ে দিয়ে নিঃসাড়ে ফিরে আসা। তারপরে জোরায় আসবে। তারও পরে—

বোঠে টানতে টানতে হৃদাম যেন নিজেকেই জিজ্ঞেস করতে চাইল : কাজটা অস্তায় ? কিন্তু কেন অস্তায় ? মরবার সময় হলেও যে মরে না—সম্পূর্ণ অকারণে যে জ্যাক্স মানুষের মুখের গ্রাস কেড়ে খায়—এ ছাড়া আর কী করা যেতে পারে তার জন্তে ? হৃদাম জানে, লরকারী চাকরিরও একটা মেসাদ আছে ; সময় হলেই তোমাকে ছাড়িয়ে দেবে—সে তুমি হাকিমই হও আর পেয়াদাই হও। তেমনি বেঁচে থাকারও একটা নীমা থাকা দরকার—তারপরে তুমি আর কেউ নও, কোথাও তোমার আর দরকার নেই।

‘হৃদাম—হৃদাম !’

হৃদাম চমকে উঠল। প্রথমটা শুনে পায়নি, কিন্তু শব্দটা এত অস্বাভাবিক, নদীর একটানা কলধ্বনির ভেতরে এমনই বেহুসো যে হঠাৎ যেন ওটা তার কানে গিয়ে ঝা-ঝারল, হাত কঁপে উঠল তার।

বুড়ি তাকে ডাকছিল।

ডাকছিল তার কাছ থেকে দু হাত দূরে বসেই। অথচ হৃদামের মনে হল যেন আশ মাইলের ওপার থেকে ডাকটা তার কানে আসছে।

হৃদাম বললে, ‘হাঁ গা, বলছ কিছু ?’

‘আমরা কোথায় যাচ্ছি—হাঁ রে হৃদাম ?’

‘বললুম না, শিমুলতলীর মন্দিরে ?’

‘ঠিক, শিমুলতলীর মন্দিরে।’—বুড়ি বিড় বিড় করতে লাগল : ‘কতদিন মাকে দর্শন করিনি। কিন্তু—আচ্ছা হৃদাম !’

‘আবার কী হল ?’

‘বড়ো গাঙের মতো আওয়াজ পাই যেন। গায়ে ঠাণ্ডা লাগে যেন। ও হৃদাম !’

‘কী বাজে বকছ ?’—হৃদাম বিরক্ত হয় : ‘একটু চুপ করে বসে থাকো দিকিনি।’

বুড়ি চুপ করে। হাঁটুর ভেতরে মাথাটা গুঁজে দিয়ে আবার তলিয়ে যায় সেই না-জাগার স্বপ্নের ভেতরে। হৃদাম আন্তে আন্তে দাঁড় বাইতে বাইতে সেই স্বপ্নজ্বলোর কথা ভাবতে চেঁচা করে। কারা বেঁচে ছিল অনেকদিন আগে, এখন আর নেই। কিন্তু বুড়ির মনের সায়নে তারা এখনো আসে যায়, কেউ এই মাস্তুর খান কেটে ফিরল মাঠ থেকে ; কেউ

কলমী শাক ভুলছে একটা পুরনো পুকুর থেকে, নতুন জলে ভরা বর্ষার নদীতে কায়া যেন সাইতে এসেছে দুপুরবেলা—নাকে নোলক আর ধানী রঙের শাড়ি পরে একটি নতুন বোঁ এসেছে তাদের সঙ্গে—বুড়িই হয়তো। কে যেন নতুন বোঁটার হাতে রাঙা রাঙা কাচের চুড়ি পরিয়ে দিতে দিতে বলছে, ‘হাট থেকে অনেক খুঁজে নিয়ে এলুম তোরা আজ্ঞে—এমন হাতে এ চুড়ি না হলে কি মানায়!’

স্বামের হঠাৎ হাসি পায়। ছস্তোর, তাকেও তো আচ্ছা পাগলামিতে ধরল। বুড়ির মতো সেও কি ঝগ্ন দেখতে শুরু করেছে।

যে হওয়াটা উঠে এসেছিল, আবার থেমে গেছে সেটা। নদীতে ঢেউ আছে কি নেই—তুখু তাঁটার জলের কলকল ডাক শোনা যায়। চোখে পড়ে—অনেক দূরে উত্তরের আকাশটা এক-একবার লালচে হয়ে উঠেই আবার ঢেকে যাচ্ছে কালচে ছাইয়ের বঙে। ঈস—এই রাস্তিবে আবার কার হুথের ঘরে আগুন লাগল হে।

‘স্বাম।’—বুড়িটা নড়ে উঠল।

‘কী হল তোমার?’

‘আমার শীত করে।’

‘শীত কোথায় এখন এই চন্ডির মাসের রাস্তিবে? তোমার যত বাজে কথা।’

‘আমার শীত করে স্বাম।’

ভালো জ্বালা। স্বাম বিরক্ত হল। বোঠে ছেড়ে দিয়ে একটু বুঁকে পড়ল বুড়ির দিকে, গিট বাধা ছেঁড়া আঁচলটা ভালো করে জড়িয়ে দিলে তার গায়ে। কিন্তু জড়াতো গিয়ে কি করে ফেসে গেল অনেকখানি। বুড়ির কাপড়টায় আর পদার্থ নেই, পচে গলে শেষ হয়ে গেছে একেবারে। কতদিন যে বুড়িকে কাপড় কিনে দেয়নি স্বাম, তা মনে করতে পারল না।

‘স্বাম, আমার শীত যায় না।’

বুড়িকে নদীর চড়ায় নামিয়ে দিতে চলেছে বলে নয়, কতদিন—কতকাল তাকে এক-খানা কাপড় কিনে দেয়নি—হঠাৎ সেই কথাটা মনে হওয়ায় স্বামের নিজেকে কেমন অপরাধী বলে বোধ হয়। হতে পারে কাপড়ের অনেক দাম, কিন্তু—

‘স্বাম, ভারী শীত লাগে আমার।’

অপরাধ-বোধটা তীব্র বিরক্তির ভেতরে বাঁক ঘুরল। ‘তোমার শীত কোনোদিন আর স্নাবেও না’—মনে মনে দাঁত খিঁচোর স্বাম। কোমরে পাধা বড় নতুন গামছাটা খুলে বুড়ির গায়ে জড়িয়ে দিয়ে বললে, ‘নাও—হল এবার?’

হল কিনা কে জানে, বুড়ি চুপ করল। আবার সেই হাঁটুর মধ্যে মাথাটা ভাঁজে চুপ করে বসে থাক। স্বাম বিড়ি ধরালো একটা। দেশলাইয়ের একটুখানি আলোতে হঠাৎ

কেমন একটা চমক লাগল তার। লাল গামছায় জড়ানো বুদ্ধিটাকে একবারের জন্তে লাল শাড়িপরা ভারী ছেলেমানুষ একটা বোয়ের মতো মনে হল। হৃদামের মা বলত, বয়েসকালে নাকি বুদ্ধির চেহারা খুব হৃদমের ছিল।

সে কতকাল আগে, কে জানে! হৃদাম অবশ্য সে-রকম কোনো চেহারা দেখেছে বলে মনে করতে পারে না। ছেলেবেলা থেকেই দেখেছে পাকধরা চুস, শুকনো মুখ, রোগা-রোগা হাত-পা নিয়ে হস্র ধানসিদ্ধ করছে, নইলে গোব্বর জন্তে জাবনা কাটছে, আর নয়তো দাওয়ায় মাটি লেপছে। অল্প বয়সে লাল শাড়ি পরলে তাকে কেমন লাগত সে আছে বুদ্ধির অপ্নের ভেতর, হৃদাম তা দেখতে পাচ্ছে না।

‘অ হৃদাম!’

‘আবার কী?’

‘বোয়ের গলা শুনি নে কেন? সে কোথায়?’

হৃদাম ঝপাং করে জলে বোটে ফেলল।

‘কেন—তাকে কী দরকার আবার?’

‘বাড়ি যে নিখুম মেরে রয়েছে। সে গেল কোথায়?’

‘কী জালা! তোমাকে যে শিমুলতলীর মন্দিরে নিয়ে চলেছি। নৌকো করে যাক্ছি যে। বো তো সঙ্গে আসেনি।’

বুদ্ধি মাথা তুলল। মাথাটা নড়তে লাগল থর-থর করে। বেশ জেগে উঠেছে এখন।

‘বো কেন এল না হৃদাম?’

‘তার ঘর-সংসার আছে না? সব ফেলে সে কি বেরুতে পারে সব সময়?’—মিথ্যে কথার জের টানতে হৃদামের খারাপ লাগছিল: ‘তোমার অনেক দিনের শখ, তাই নিয়ে এলুম।’

‘তবু নিয়ে আসতে হত।’—যেন পলকা একটা স্ত্রীতায় বাঁধা রয়েছে এইভাবে বুদ্ধির মাথাটা নড়-নড় করতে লাগল: ‘বো! মানুষ, মায়ের পূজো দিলে সোয়ামী-পুত্দের মঙ্গল হয়।’

‘আর মঙ্গলে দরকার নেই, বেশ হয়েছে,’—হৃদাম আঙুলে আঙুলে বললে। বুদ্ধি শুনতে পেল না।

নৌকোটা প্রায় নিঃশব্দে ছুটছে ভাঁটার টানে। হৃদাম চোখ ছড়িয়ে দিলে অন্ধকার-ছড়ানো ধূ-ধূ নদীটার সাদাটে জলের ওপর। ভালো করে কিছু বোঝা যায় না—কিন্তু হৃদামের সব চেনা, পুরো আশ্রয় আছে তার। আর বেশি দেরি নেই, যে চড়াটার কথা ভেবেছে, সেটা প্রায় এসে পড়ল বলে।

বিক্রিতে একটা শেব টান দিতে গিয়ে গলায় লাগল। থকথক করে কাশি এল বানিকটা।

বুড়ির বোধ হয় আবার স্বপ্ন আসছিল, জেগে উঠল নকে নকে ।

‘অ স্বপ্নাম !’

বাঁ হাতের তেলোয় মুখটা মুছে ফেলে স্বপ্নাম বললে, ‘কী বলছ আবার ?’

‘তোমার ভারী কাশি হয়েছে—না ?’

‘না, কিছু হয়নি ।’

‘হয়েছে বইকি, কাশিছিস বলে মনে হল যে !’ ‘চোখে তো দেখতে পাই নে দাদা, একটু কাছে সরে আস দিকি, তোমার বুকে একটু হাত বুলিয়ে দিই ।’

‘দরকার নেই, আমি বেশ আছি ।’—স্বপ্নামের খুব খারাপ লাগল । বুড়িটা বুঝতে পেরেছে ? তাই কি মায়া বাড়াতে চায় ?

বুড়ি একটু চুপ করে রইল । তারপর ভাঙা গলায় বললে, ‘তুই জানিস ?’

‘কী জানব আবার ?’

‘ঠিক কথা—তুই কী করে জানবি ! তুই তখনো হোসাইনি । তোমার বাপের বুকে সেবার সর্দি বসে খুব কাশি হয়েছিল । আমাদের বলত, মাসী, তুমি আমার বুকে একটু হাত বুলিয়ে দাও, তা হলেই আমার সব কষ্ট চলে যাবে ।’—বলতে বলতে গলা জড়িয়ে গেল, খেঁই হারিয়ে গেল কথার, অনেকগুলো ছায়ার মিছিল এল চোখের সামনে : ‘কী বিষ্টি—কী বিষ্টি সেবার ! দশদিন ধরে একনাগাড়ে চলেছে,—খামেই না । মাঠ-ঘাট-পুকুর সব ভেসে গিয়েছিল । উঠোনে উঠে এসেছিল কী বড় বড় সব কই মাছ—তোমার বাবা খরছিল, পেয়াককেই একটা মত্ত বোয়াল গঁথে তুলেছিল, ঘরের দাওয়ার একভোড়া চন্দ্র-বোড়া সাপ—’

বুড়ির কথাগুলো আবছা হতে হতে স্বপ্নের ভেতর মিশে গেল । স্তন্যে স্তন্যে এক-বারের জন্ম অগ্নমনস্ক হল স্বপ্নাম । সেও হয়তো এমনি করে বুড়ো হয়ে অনেক—অনেক দিন, যতদিন তার বেঁচে থাকে ভালো—তারও চেয়ে ঢের বেশিদিন এই বুড়িটার মতো বেঁচে থাকবে । সেদিন তারও চোখ এমনি করে বাইরের জগৎ থেকে হারিয়ে গিয়ে ভেতরে তুলিয়ে যেতে থাকবে—এমনিভাবেই আজকের চেনা মাছধ, চেনা দিনগুলো ছাড়া-ছাড়া, ছবি-ছবি হয়ে, আর—

আর সেদিনও কি তার ছেলে, কিংবা তার নাতি—মাক্সরাতে তাকে এমনি করে নৌকায় তুলে নিয়ে—দুস্তোর !

কী আজবাজে ভাবনা হে ! না, এমন করে বেঁচে থাকে তাদের বংশে নেই । তার বাপ মরেছিল বাটের ঘরে, তখনো ভারী জোয়ান ছিল সে, জ্বরে পড়বার দিনও সে সারাদিন সকাল মাঠে লাঙল দিয়েছিল । স্বপ্নামের বেশ মনে আছে, বাড়িতে মা সেদিন বড় বড় লাল খেনো কাঁকড়ার ঝোল রেখেছিল । মাঠ থেকে ফিরে গারে কাঁধা জড়িয়ে শুতে শুতে

বাবা বলেছিল, ‘আজ আর কিছুটা খাব না হুদামের মা, শরীলটা যেন কেমন-কেমন লাগছে।’ মার বয়েস কত হয়েছিল ? হুদাম জানে না। কিন্তু বাবা চলে যাওয়ার পর তিনটে বছরও সে রইল না। বড় ভালোবাসত বাবাকে।

ক্যাও—ক্যাও—ক্যাও—

হুদাম চমকে উঠল। কী বেরাক্কেলে একটা বিচ্ছিরি পাখি হে! এই মাঝরাতিরে বাজখাই গলার ডাকতে ডাকতে চলেছে, বুকের ভেতরটা যেন কাঁপিয়ে দিলে একেবারে! এতবড় নদীটা পড়েই রয়েছে দু ধারে, ঠিক মাথার ওপর দিয়েই ডাকতে ডাকতে না গেলেই আর চলছিল না?

চমকে উঠল বুড়িও।

‘অ হুদাম!’

‘তুনছি, বলো।’

‘তোমার ছেলে কীদে কেন?’

‘আমার ছেলে নয়। ওটা পাখি।’

‘না, লুকোচ্ছিস আমায়। চোখে তো কিছু দেখতে পাই নে, তাই মিথ্যে করে বলছিস। কী হয়েছে ছেলের?’

‘আচ্ছা জালা তো। এই নৌকোর ছেলে আসবে কোথেকে? বললুম না—ওটা পাখি?’

‘নৌকো কেন হুদাম? তুই আমার কোথায় নিয়ে যাচ্ছিস?’

‘তোমাকে নিয়ে আর পারা যায় না দিদিমা। বার বার করেই তো বলছি—তোমার নিয়ে যাচ্ছি শিমুলতলীর বিশালাক্ষীর মন্দিরে।’

‘হুঁ, মায়ের মন্দির। কতদিন বৌকে বলেছি, একবার নিয়ে চল। বৌ বলে, এই শরীল নিয়ে তুমি যাবে কোথায়? আমি বলি, বৌ—আমার দিন তো ফুরিয়ে এল, যা হোক করে নিয়ে চল—শেষবার মায়ের পায়ে একটা পেন্সাম করে আসি।’

বোটেটা একবারের জন্তে হুদামের হাতে আটকে গেল। বুড়িটাও তা হলে মরণের কথা ভাবে। ঠিক এই সময়, এই কথাটা শোনবার জন্তে হুদাম তৈরী ছিল না।

সেই বিড়িটার ধোঁয়া কী করে যেন গলার আটকে আছে এখনো। আবার খানিকটা কাশি এল।

‘তুই কাশছিল হুদাম।’

‘না গো, ও কিছু নয়।’

‘ধুব পুরোনো ঘি আছে আমার কাছে। তোমার ঠাণ্ডার ঠেয়ে চেয়ে নিয়েছিলুম। তোমার বুকে একটু মালিশ করে দেব।’

(আবার মায়ী রাত্বে বুড়িটা—হুদামের ভয়ঙ্কর খরাপ লাগল। কী একটা যন্ত্রণার

মতো চমকে গেল মনের ভেতর, বুড়ির ওপরে থানিকটা প্রবল বিদেহ অতৃপ্তব করল হৃদাম।

‘আমার কিছু দরকার নেই—আমি বেশ আছি।’

কিন্তু মরণের ভাবনা বুড়িকে পেয়ে বসেছিল। এমনি করেই এক-একটা ভাবনার ঘোর ওর আসে। মরণের কথাটা মনে হলেই যেন এতদিনের জীবনটাতে যত মৃত্যু সে দেখেছে, সবাই—সবগুলো,—ছবির মতো ভিড় করে আসতে থাকে তার নেবা চোখের সামনে।

‘তোমার দাদামশাই হঠাৎ মরে গেল। বেশ বসে ছিল দাওয়ায়—কী যে হল, বললে, বুকটার বড় ব্যথা করছে। কবিরাজ এল, কিছুই করতে পারল না। আগের দিন নতুন কাপড় কিনে এনেছিল, সেইটে দিয়ে ঢেকে শুইয়ে রাখল ছাতিমগাছটার তলায়। হৃদাম, আমিও একদিন—’

চড়ার নৌকো ভেড়াল হৃদাম। চাঁদ এতক্ষণে বেরিয়ে এসেছে মেঘের আড়াল থেকে। লালচে আলোয় নদীর জলে কচি বাদামপাতার রঙ লেগেছে মনে হয়। চড়াটা পড়ে আছে প্রকাণ্ড একটা বোয়াল মাছের সাদা পেটের মতো।

বুড়ি বললে, ‘হৃদাম, আমিও একদিন এমনি করে মরে যাবো। একটা কথাও বলতে পারব না হয়তো। তা ছাড়া সবই তো ভুলে যাই। হৃদাম, আমার বালিশটার ভেতরে দু কুড়ি রূপোর টাকা লুকোনো রয়েছে। মনে করে বার করে নিস কিন্তু। আর পারিস তো—আমাকে একখানা নতুন কাপড় দিয়ে—’

দাঁতে দাঁত চাপল হৃদাম। বোটে রেখে উঠে দাঁড়ালো। বললে, ‘দিদিমা, এসে গিয়েছি।’

কিছু না—কিছু না। ঘণ্টা দুই আরো বুড়িকে বসে থাকতে হবে ভিজে চড়াটার ওপর। তারপরে জোয়ার আসবে। তারও পরে আর কিছুই নেই।

তুলসীর কাছে কৈফিয়ৎ দিতে হবে—গাঁয়ের লোকেও জানতে চাইবে। কিন্তু কী জানে হৃদাম? হয়তো দোর খুলে রেখেছিল, শেরালে টেনে নিয়ে গেছে; হয়তো অস্ফুট হামাগুড়ি দিয়ে বেরিয়ে পড়েছিল, তারপর উঠোন ভিড়িয়ে কোন সময় খালে গিয়ে পড়েছে। সারাদিন খেটেখুটে অঘোরে ঘুমজিল হৃদাম, এ সব কিছুই তার জানবার কথা নয়। সে তো আর রাত জেগে বসে চৌকি দিতে পারে না।

বুড়ি মরার কথা ভাবছিল। আবার কী একটা যন্ত্রণার মতো চমকে গেল হৃদামের মাথার ভেতর দিয়ে। এত দিন তো কেটেছে—না হয় যেতোই আরো ক’টা দিন। বুড়ি, নিজেই হয়তো—

লগি দিয়ে নৌকোটাকে সরিয়ে আনতে আনতে হৃদাম নিজের বিকছেই প্রাণপণে মাথা

নাড়ল। না—মরবে না। ওই ভূমুণ্ডী কাগের মরণ নেই। তার ভিটের সব মাছুবগুলোকে খেয়ে শেষ করবার পরে পোড়ো পোতার ওপর বুনো ওল, আকন্দ আর কিছুটি বনের মধ্যে ধ্রুবতীর মতো লকলকে জিভ মেলে আকাশের দিকে চেয়ে বসে থাকবে বুড়িটা—তার পাটের মতো চুলগুলোর ভেতরে খেলে বেড়াবে লাউভগা সাপ—

চড়ার দিকে কি রকম একটা আওয়াজ এল কানে। হৃদায় ফিরে তাকালো। ভিজ্জে বালির ওপর হাঁটুর ভেতরে মাথা শুঁজে বসে আছে বুড়িটা। জব্বব ভাঙা চাঁদটা লালচে আলো ছড়িয়ে দিচ্ছে মুঠো মুঠো। সেই আলোর লাল গামছা জড়ানো বুড়িকে ঠিক নতুন কনে-বোয়ের মতো মনে হল।

আরে—চড়ার দিকে পোড়া কাঠের মতো ভেসে যাচ্ছে কী ওটা? তারই তো আওয়াজ পেয়েছিল হৃদায়! মরা জ্যোৎস্নার ওর ছুটো চোখ জলছে যে! শালা কুমির! বুড়িকে খেতে যাচ্ছে!

‘হেই—হেই—হেই—’

জলের ওপর সজোরে বোঠে আছড়ালো হৃদায়। তীরবেগে নাকো ঘুরোল চড়ার দিকে। চোখের সামনে কুমিরে টেনে নিয়ে যাবে? ব্যাটাছেলে আর আধ ঘণ্টাও দেরি করতে পারল না?

কুমির ডুব মেরেছিল। হৃদায় লাফিয়ে পড়ল চড়ার ওপর।

না, হল না। ভূমি ধনী হতে পারো, কিন্তু চোখের সামনে আর একটা ধুন সস্থ করবে কী করে?

আবার উজান ঠেলে ঠেলে ফিরে যাওয়া। ক্লান্তি, বিরক্তি আর না-মুমনো রাতের অবসাদে পাড় ঘেঁষে হিংস্রভাবে লগি মেরে এগিয়ে চলল হৃদায়। বুড়ি ভিড়ির ওপর তেমনি পুঁটলি পাকিয়ে নিথর। হয়তো সব বুঝেছে—হয়তো কিছুই বোঝেনি। হয়তো আবার ওর চোখের সামনে দিয়ে ছায়ার মিছিল চলে যাচ্ছে।

হারামজাদা কুমির! আর আধ ঘণ্টাও দেরি করতে পারল না?

নিচের ঠোঁট দাঁত দিয়ে শক্ত করে চেপে লগি ঠেলতে লাগল হৃদায়। তার মনে পড়ল—এই এতক্ষণ ধরে বুড়ি একবারও খেতে চায়নি—একবারও বলেনি—‘বোঁ খিদেয় যে আমি মরে গেলুম।’

যদি বলত—পরাজুতের হৃদায়ের মনে হল, তা হলে কুমিরটাও কিছু করতে পারত না।

কালপুরুষ

সমবেত ভক্তমহোদয় ও মহিলাগণ, আমাদের বার্ষিক উৎসবের প্রথম পর্বার শেষ হল। এইবার আরম্ভ হবে আজকের বিশেষ নৃত্যাহুষ্ঠান ‘কালপুরুষ’। কিন্তু তার আগে মঞ্চটি তৈরি করে নিতে একটু সময় লাগবে। অতএব সেই অবসরে ‘কালপুরুষ’ সম্পর্কে দু-একটি কথা আপনাদের কাছে নিবেদন করতে চাই।

আমাদের সম্পাদকের বিবৃতিতে আপনারা শুনেছেন যে, এই নৃত্যের পরিকল্পনা এবং পরিচালনা যার ছিল, সেই সৌম্যেন লাহিড়ী আর আমাদের মধ্যে নেই। একটি পঞ্চ-দুর্ঘটনায় শোচনীয়ভাবে তাঁর অকাল-মৃত্যু ঘটেছে। আপনারাও এও শুনেছেন যে সেই কারণেই আমাদের এই বার্ষিক উৎসবটি প্রায় দু মাস পিছিয়ে দিতে হয়েছে। সৌম্যেন বেঁচে থাকলে আজ সে-ই এই নৃত্যনাট্যের ভাষ্য আপনাদের কাছে উপস্থিত করত। কিন্তু সে নেই বলেই তার সহযোগী হিসেবে এই দায়িত্ব আমার ওপরে এসে পড়েছে।

কিন্তু দায়িত্ব আমি সম্পূর্ণ পালন করতে পারব না। কারণ, ‘কালপুরুষ’র মধ্য দিয়ে সৌম্যেন ঠিক কোন্ কথটি বলতে চেয়েছিল, কোন্ সত্যটি তুলে ধরতে চেয়েছিল আমি নিজেও তা সম্পূর্ণ বুঝেছি এ দাবি করতে পারি না। যদি মনে করা যায় যে, আমরা প্রত্যেকে নানা রঙের কাচের আবরণ দিয়ে ঘেরা—তা হলে এই নাটকের যে একটা নিজস্ব আলো আছে, তা আলাদা রঙ নিয়ে আমাদের চেতনায় প্রতিফলিত হবে। অর্থাৎ এই নাটকের তাৎপর্য একাধিক নয়, তার একটা সার্বজনীন আর স্বীকৃত সীমারেখা নেই, আমরা সবাই নিজেদের মতো করেই একে গ্রহণ বা বর্জন করব। এ যেন সহস্র কোণিক—আমরা প্রত্যেকে বিভিন্ন কোণ থেকে একে দেখব, হয়তো একজনের দেখার সঙ্গে আর একজনের দেখার আদৌ মিল থাকবে না। সুতরাং এই নাটককে আমি কিভাবে বুঝেছি সে আলোচনা এখানে থাক। সৌম্যেন আমাকে যা বলেছিল, তারই প্রতিধ্বনি করে বলছি : আপনাদের নিজস্ব দর্পণগুলোতেই ‘কালপুরুষ’ তার ভালোমন্দ নিয়ে প্রতিবিম্বিত হোক।

আর একটি কথা গোড়াতেই জানিয়ে রাখি। এটি মিশ্র-চরিত্রের নাটক। নৃত্যনাট্য আছে, মুকাভিনয়ও আছে। আপনারা দেখবেন—যখন-তখন নাচের তাল কাটবে, বাজনা বেহরো হয়ে উঠবে, মঞ্চে আলোক-সম্পাতের মধ্যে পুরো শৃঙ্খলা থাকবে না। অল্পগ্রহ করে শ্রবণ রাখবেন, এগুলো এই নাটকেরই অঙ্গ। সৌম্যেন বলেছিল, সত্য যদি তালকাটা হয়, নাচেও তাল থাকে না ; সাইক্লোনের হাওয়া আসে অনিয়মের মতো—বাজনাতেই বা নিয়ম থাকবে কেন ? অঙ্কুর আর আলো যখন এ-ওকে ছিঁড়ে খেতে থাকে, তখন সেই বিদ্যুৎ-চমকানো ঝড়ের অরণ্যকে কোন্ নিয়ম দিয়ে নিয়ন্ত্রণ করা যাবে ? এই কথাগুলো মনে রেখে—দ্রষ্টা করে অন্তত আপনারা ‘লাইট-লাইট’ বলে আবহমান জানাবেন না। সব বিশৃঙ্খলার

ভেতরেও কোনো শৃঙ্খলা আছে কিনা, নাটক শেষ হলোই তার বিচার করবেন।

আমাদের যে ‘স্বপ্ননির’ আপনাদের হাতে পৌঁছে দেওয়া হয়েছে, তাতে দেখবেন, ‘কালপুরুষ’ নাটকের বিষয়টি কী তা কিছুই লেখানে বলা হয়নি। সৌম্যেন বলেছিল, অহুষ্ঠান আরম্ভ হওয়ার আগে সে নিজেই সেটি আপনাদের কাছে তুলে ধরবে। কিন্তু আমাদের পরম দুর্ভাগ্য তার কথা সে আর কোনোদিন বলবে না। তাই অন্য কথায় আমিই সেটি উপস্থিত করছি। আগেই বলেছি—কোনো ভাণ্ড আমি করব না। আমি কেবল বিষয়টি পেশ করছি—আপনারা আপনাদের বিভিন্ন দৃষ্টিকোণ থেকে নাটকটিকে দেখুন এবং বিচার করুন।

নাটকের সূচনাতেই দেখবেন এর নায়ক—যার নাম জীবন—অথবা নামে কী আসে যায়—আপনারা যাক্ষুশি বলে তাকে ভেবে নিতে পারবেন—সে গভীর স্বপ্নে তলিয়ে আছে। তার পেছনে সবুজ আর সোনালীতে মেশানো একটা পটভূমি, মেঠো বাঁশির মতো একটা অশ্লষ্ট স্বরে ভরে রেখেছে তাকে। স্বপ্ন দেখছে জীবন। তারপরই আসছে একটি মেয়ে, তার গলায় শিউলি ফুলের মালা; আর একজন এল—তার হাতে নতুন ধানের একটি মঞ্জরী—তার নাচের ছন্দে মনে হবে যেন হেমন্তের ধানের খেতের ওপর দিয়ে বাতাস ঢেউ খেলে খেলে বয়ে যাচ্ছে; তারও পরে আরও একজন—তার পরিচয় আমি দেব না—দেখলেই তাকে চিনতে পারবেন—চিরদিন ধরে আমরা সবাই যাকে আমাদের রক্তের ভেতরে আসতে দেখেছি, যে মাহুঘের প্রথম ছবিতে রঙ লাগিয়েছে, প্রথম গানে স্বর ফুটিয়েছে।

হুয়ে, আলোর, অভিনয়ে নাটকের এই অংশটি সম্পূর্ণ রোম্যান্টিক। দেখা যাচ্ছে—আমাদের নায়ক ধীরে ধীরে জেগে উঠল। তারপরে তার আনন্দ-নৃত্য। কিন্তু বেশিক্ষণ নয়। ক্রমেই একটা লাল আভাষ ভরে উঠল আকাশটা—কালো কালো দীর্ঘ ছায়া ছড়িয়ে পড়তে লাগল তার ভেতরে। মিলিয়ে গেল তিনটি মেয়ে—মনে হল আমাদের নায়ককে ঘিরে ঘিরে কতগুলো লোহার গরাদ নেমে নেমে এসেছে।

সেই লালচে আলোটা পোড়া ছাইয়ের মতো বিমর্ষ হয়ে গেল—তুখু কয়েকটা আরক্তিম বিন্দু জেগে রইল এখানে ওখানে—যেন নিবে-বাওয়া চিতার কয়েক টুকরো অবার জলছে এখনো। চিংকার করে উঠল আমাদের নায়ক। চাবুকের আওয়াজের মতো শিসটানা তীক্ষ্ণ শব্দ উঠতে লাগল থেকে থেকে—চাবুকের মতোই লিকলিক করে যেতে লাগল এক-একটা আলোর বিদ্যুৎ। তারপর শব্দের কতগুলো হুপি—কেউ আসছে—কেউ গোড়িয়ে উঠছে ঘরপাশ—কেউ বা কেঁদে উঠল বুক-ফাটা চিংকারে—কোথায় যেন ভেঙে উঠছে একশাল শিকারী কুকুর। তারই মধ্যে দেখতে পাবেন আমাদের নায়ককে—সে মাথা ঝুঁকছে, আকাশের দিকে হাত তুলে যেন অভিসম্পাত দিচ্ছে কাকে—অমাহুঘিক বিকৃত হয়ে গেছে তার মুখ, চাবুকের মতো আলোর প্রত্যেকটা স্বলক যেন সর্বস্বাভী আখাত করছে

তাকে, একটু আগেই যে স্বপ্ন দেখছিল তাকে আর আপনারা চিনতে পারছেন না।

এর পরে সম্পূর্ণ অন্ধকার। শুধু সেই শব্দের ঘূর্ণি চলল কিছুক্ষণ। আবার ধীরে ধীরে ক্যাশে একটা আলোর মঞ্চটা ভরে উঠল। আমরা দেখতে পাচ্ছি আমাদের নায়ককেই। তার পেছনে এমন একটা পটভূমি—যা অসংলগ্ন-ছায়া ছেঁড়া-ছেঁড়া—আপনারা যে ধরনের স্যারিয়্যালিস্টিক ছবি দেখে থাকেন, অনেকটা সেই রকম। নায়ককে ভালো করে লক্ষ্য করলে দেখবেন তার দুটো মণিবন্ধে লোহার শেকলের মতো কী জ্বলছে, তাকে সাপের ছেঁড়া খোলস বলেও ভেবে নিতে পারেন।

সে কিছু একটা খুঁজছে। কী খুঁজছে? কারাগার থেকে পালিয়ে এসে কোথাও একটা জায়গা—যেখানে শিউলি ফুলের মালা পরে সেই মেয়েটি আবার এসে দেখা দেবে? সেই আর একজন বয়ে আনবে একটি পাকা ধানের মঞ্জরী—যাকে ঘিরে ঘিরে চেউ দিয়ে যায় শিশির-জড়ানো হেমন্তের হাওয়া? কিংবা সে খুঁজছে চিরকালের সেই তাকে—যে প্রথম ছবি, প্রথম গান—যাকে চিনিয়ে দিতে হয় না—আমাদের রক্তের কণাগুলো চিরদিন ধরে যাকে চিনে আসছে?

একদল মানুষ আসছে এরপর। তাদের জনতা বলতে পারেন, ভিড় ভাবতে পারেন—যা খুশি কল্পনা করতে পারেন। তাদের প্রত্যেকের হাতে এক এক টুকরো ছেঁড়া সাপের খোলস। আমাদের নায়ককে ঘিরে ঘিরে তাদের নাচ চলবে। নায়ক সেই নাচের তালে ভুলে উঠতে গিয়েও পা ফেলতে পারবে না—একটা অদ্ভুত শারীরিক আর মানসিক যন্ত্রণায় সে যেন ছিন্ন-বিদীর্ণ হয়ে যেতে থাকবে—তারপরে আঙুলে আঙুলে লুটিয়ে পড়বে মাটিতে। এইখানে আপনারা লক্ষ্য করবেন তার মুকাভিনয়।

একটা ঝোড়ো-হাওয়ার পরিবেশ তৈরি করে বেরিয়ে যাবে নাচের দলটা। তাদের হাত দুয়ের আকাশের দিকে—সেখানে তারা কী যেন দেখছে, কী যেন একটা খুঁজে পেয়েছে। তারা চলে যাবার পর বিস্ফোরণের মতো আওয়াজ উঠবে কয়েকটা। যেন সমুদ্রের গর্জন ভুলে ভুলে উঠবে কিছুক্ষণ। তারপর স্তব্ধতা। একটা নিঃসঙ্গ বেহালা কাঁদতে থাকবে একটানা। উঠে দাঁড়াবে আমাদের নায়ক।

সুখনো তার পা টলছে। সে কোথায় যেতে চায়—যেতে পারছে না। একবার সামনে এগিয়ে আসবে, একবার পেছনে সরে যাবে; একবার ভাইনে যেতে চাইবে, একবার বায়ের দিকে এগোতে গিয়ে থমকে দাঁড়াবে।

তখন আসবে কালো কাপড়ে সর্বাঙ্গ ঢাকা একটি মূর্তি। তার মুখে দেখা যাবে সাদা দাড়ি—তার চোখের দিকে তাকালে দেখবেন সেখানে যেন অতলান্ড অন্ধকার জমাট বেঁধে আছে।

আমাদের নায়ক মুকাভিনয়ের মধ্য দিয়ে তাকে প্রণয় করবে, 'তুমি পথ জানো?'

সে মাথা নেড়ে বলবে, 'জানি।'

‘তবে বলে দাও পথের নিশানা।’

সে হাত পেতে বলবে, ‘তা হলে দক্ষিণা দাও।’

‘আমার তো কিছুই নেই।’

আঙুল দিয়ে দেখিয়ে সে বলবে : ‘আছে তোমার বুকের ভেতরে।’

আমাদের নায়ক থমকে যাবে প্রথমটায়। তারপর ছিন্ন জামাটিতে হাত পুরে দিয়ে বুকের ভেতর থেকে বার করে দেবে একটি শিউলি ফুল।

কালো আলখাল্লায় ঢাকা বুড়ো আর দাঁড়াবে না। ফুলটি প্রায় কেড়ে নিয়ে, পেছনের সেই অবাস্তব—সেই স্থায়িরিয়ালিস্টিক পটভূমিটির দিকে একবার হাত বাড়িয়ে দিয়েই সে চোরের মতো পালিয়ে যাবে।

সে যেতে না যেতেই আর একজন এসে হাজির হবে। বাজে-পোড়া মাটির মতো তার আলখাল্লার রঙ—যে রঙ দেখলে মনে হবে পৃথিবীর শেষ বিন্দু জলকেও সে শুবে নিয়েছে, তার তুচ্ছ্য ঘাসের বীজগুলোও পুড়ে ছাই হয়ে গেছে। তারও মুখে সাদা দাড়ি, তারও চোখ অন্ধকার।

‘পথ জানো?’

‘জানি।’

‘বলে দাও।’

সেও দক্ষিণা চাইবে। নিয়ে যাবে যুবকটির বুকের ভেতর থেকে একটি ধানের শিস। তারপর সেই অসংলগ্ন অবাস্তব—ছেঁড়া-ছেঁড়া পটভূমিটি দেখিয়ে দিয়ে সেও পালিয়ে যাবে।

তৎক্ষণাৎ আসবে তৃতীয় জন। রক্ত জমে এলে যে রঙ ধরে সেই রঙের আলখাল্লা তার। তারও পাকা দাড়ি, কোটরে-ডোবা অদৃশ্য চোখ, শুধু বাড়তির ভেতরে তার মুখে একটা অদ্ভুত হাসি—সে হাসি যেমন নিষ্ঠুর, তেমনি কপট। সেও পথ দেখাতে চাইবে—তারপর হাত বাড়িয়ে বলবে : ‘দাও—দাও—’

অনেকক্ষণ দ্বিধা করবে আমাদের নায়ক। এখানেও তার মুখের অভিব্যক্তি লক্ষ্য করবেন আপনারা। একেবারে দেউলে হয়ে যাচ্ছে যেন, হারিয়ে যাচ্ছে, ফুরিয়ে যাচ্ছে সব। বিস্ময় চোখে, মুখের প্রত্যেকটি রেখায় রেখায় তার মনের অসংখ্য ভাঙচুর দেখতে পাবেন আপনারা। শেষে কাঁপা হাতে বুকের ভেতর থেকে সে বার করে আনবে একটি সোনার কোঁটো। ঝলমল করে জ্বলতে থাকবে সেটা।

কিসের কোঁটো এটা? সৌম্যেন থাকলে বুঝিয়ে বলতে পারত—আমি শুধু অল্পমানই করতে পারি, আপনারাও তাই করবেন। হয়তো এ সেই সোনার কাঁপিটির প্রতীক—যার ভেতরে আমাদের প্রথম রঙ, প্রথম গান আর প্রথম ষপ্পকে লুক্কায় করে রাখি। এই কোঁটোটা তুলে দেবার সঙ্গে সঙ্গে রক্ত অন্ধকার হয়ে যাবে—যেন শেরাল জেক উঠবে—যেন হা-হা

করে আশানের হাওয়া বয়ে যাবে খানিকটা।

সমবেত ভক্তমহোদয় ও মহিলাগণ, আমাদের নাটকের এই অংশে গ্রীক-পুরাণের একটি গল্পের কথা আপনাদের কারো কারো মনে পড়ে যেতে পারে। সেই রাজপুত্র আর তিন দিশারী শকুনের কাহিনী। আপনারা এও লক্ষ্য করবেন—বুড়োদের আলখালা নাড়বার ভঙ্গিতে খানিকটা ডানা-ঝাপটানোর সাজেন্শন আসবে। আমিও সৌম্যনকে সে-কথা জিজ্ঞেস করেছিলুম। সে জবাব দেয়নি, একটু হেসেছিল কেবল। আমাদের সততার যাতে কোনো সংশয় আপনাদের না থাকে, সেই জন্তেই আমি এটুকু আপনাদের জানিয়ে রাখলুম।

এইখানেই আমাদের নাটকের তিন মিনিট বিরতি।

দ্বিতীয় পর্বায় আরম্ভ হলে দেখা যাবে যেন একটা পাহাড়ের চূড়ায় বসে আছে সে। এখানে একটা পরিচিত বিলিতি অর্কেস্ট্রা থেকে কয়েকটা সুরের টুকরো তুলে নিয়েছি আমরা। সে সুরে মনে হবে—যেন হাজার হাজার বছর আগে যারা মরে গেছে, তাদের স্মৃতি থমকে আছে এখানে, আশপাশে কয়েকটা ক্যাক্টাসের আভাস পাবেন আপনারা—আচমকা মনে হবে যেন গভীর কোনো সমুদ্রের তলা থেকে তুলে আনা কতকগুলো ঝাঙলা-ধরা কঙ্কালের হাত বালি আর পাথরের মধ্যে পুঁতে রেখেছে কেউ; মনে হবে বহুকাল আগে মরে-যাওয়া সাগরের চেউ এখানো কেঁদে ফিরছে এই নগ্ন নির্জন বালির ওপর, চারদিকে যে ছাড়া ছাড়া পাথরগুলোকে দেখতে পাবেন—তারো কোন্ আদিম যুগের উষ্ণ। এইখানে আছড়ে পড়ে নিবে গেছে, কিন্তু তাদের সেই ভয়ঙ্কর আলা এখানো স্তব্ধ হয়ে আছে এর চারদিকে। মাথার ওপর ধূ ধূ করবে একটা দীপ্ত দীর্ঘ আকাশ—সমুদ্রের তরঙ্গগুলো উত্তরোল কাম্বায় চোরাবালির মধ্যে ডুবে যাওয়ার পরে যে আকাশে একটি মেঘের বিন্দুও কখনো দেখা দেয়নি।

বিলিতি অর্কেস্ট্রার সঙ্গে কিছু দেশী সুর মিলিয়ে এই পরিবেশটি আমরা তৈরী করতে চেষ্টা করেছি। আমাদের নায়ক এই চূড়ার ওপর দাঁড়িয়ে থাকবে কিছুক্ষণ। তারপরেই কী একটা যন্ত্রণা তাকে বিদ্ধ করতে থাকবে—তার মুখে আত্মতৃপ্তির একটুকরো হাসি ছিল—ক্রমশ হতাশায় সেটা বিকৃত হয়ে যেতে থাকবে। নিজের বুকে হাত দিয়েই চমকে সরিয়ে নেবে—যেন কতগুলো ভাঙা কাঁচ ছিল কোথাও—তার আঙুল থেকে টপ টপ করে গড়িয়ে পড়বে কয়েক ফোঁটা রক্ত।

মাথার চুল ছিঁড়তে থাকবে—আকাশে ছু হাত তুলে চিৎকার করে উঠবে, তারপর পাগলের মতো ছুটে নেমে আসবে সে; চোরাবালি তার পা টেনে নিতে চাইবে—ঝাঙলা-ধরা কঙ্কালের হাতের মতো ক্যাক্টাসগুলো যেন তাকে আঁকড়ে ধরবে—মনে হবে নিজের লগ্নে সে বৃদ্ধ করতে চাইছে। বাজনা বিশৃঙ্খল হয়ে যাবে—সব আলো এলোমেলো হয়ে যাবে—যেন সব কিছু জ্বলছে, টলমল করছে—যেন ভূমিকম্প ঘটে যাচ্ছে—আবার একটু

বীভৎস চিংকার তুলবে নায়ক।

অন্ধকারে ডুবে যাবে মঞ্চ। আলো হলে দেখবেন, আর এক পৃথিবী। পেছনের পট-ভূমিতে এখানে আমরা কিছু ছায়া ব্যবহার করব। তা দেখে বুঝবেন—কোনো একটা বড় শহর—তার উচু উচু বাড়ি মাথা তুলে আছে, দাঁড়িয়ে রয়েছে মিনার, দেখা যাচ্ছে কারখানার চিমনি। কেন উঠছে নামছে—গাড়ির আগুয়াজ পাওয়া যাচ্ছে—জাহাজের ভৌঁ উঠছে।

এইখানে—কী বলব, কমিক রিলিফ? একটি ছোট মুখোশ-নৃত্য দেখতে পাবেন। দেখবেন নেকড়ে বাঘ হরিণের সঙ্গে ভাব জমাতে চাইছে গোলাপ হাতে নিয়ে—বুকে বাড়ি-বাধা ভালুক আসছে ঘুরতে ঘুরতে—দেখবেন শেয়াল আর মুরগী এর-ওর গলা জড়িয়ে রসালাপ করছে। কিন্তু এ সবের বিস্তৃত বিবরণ আমি দিতে চাই না—নিজেন্দ্রের চোখেই দেখবেন আপনারা।

বাজনায় এরপর আপনাদের চেনা স্বর শুনতে পাবেন। সে স্বরে রক্তে নেশা ধরায়—মনকে মাতাল করে তোলে। আমাদের নায়ক একটি মেয়ের সঙ্গে নাচতে নাচতে আসবে মঞ্চে। এই নাচটি এতই স্পষ্ট যে, এর কথা আপনাদের ব্যাখ্যা করে বোঝাতে হবে না। মেয়েটির চোখে আগুন, সারা শরীরে লালসার ছন্দ। আমাদের নায়ককে মনে হবে মত্তমুগ্ধ—একটি ক্ষুধিত হায়নার মতো সে মেয়েটিকে আঁকড়ে ধরতে চাইছে—বার বার সাপিনীর মতো পিছলে সরে যাচ্ছে মেয়েটি।

এই উদ্দাম নাচের ভেতর দিয়ে মঞ্চ থেকে বেরিয়ে যাবে তারা—সেই বাজনাই চলতে থাকবে, তারপর অল্প দিক দিয়ে তারা ফিরে আসবে আবার। কিন্তু এইবারে একটু বিশেষত্ব দেখা যাবে—মেয়েটির মুখ গাঢ় লাল একটা ওড়নায় ঢাকা। ছেলেটি তখন আরো বিহ্বল, আরো অসংযত হয়ে উঠেছে, তার ভাল কাটতে থাকবে ঘন ঘন, যেন আকর্ষণ নেশা করেছে এমন মনে হবে তাকে। তারপর এক সময়—সম্পূর্ণ পরাভূতের মতো—টলতে টলতে সে মেয়েটির পায়ে কাঁচ বসে পড়বে।

তখন মুখের ওপর থেকে টকটকে লাল ওড়নাটি সরিয়ে দেবে মেয়েটি। একটু আগেই একথানা স্থল্লর মুখ দেখেছিলেন আপনারা—তার চোখে তখন আগুন খেলছিল। এবার সেখানে দেখবেন একটা অদ্ভুত মুখোশ। কঙ্কালের? ঠিক তা নয়। সে মুখ সাদা মার্বেল পাথরের মতো—তার নাক নেই—চোখ নেই—ঠোঁট নেই—যেন একটা বহু দেওয়ালের মতো; যদি মানুষের শরীর হয়—তার রক্তের শেষ কণাটি পৃথক চুবে নিংড়ে খেয়েছে কেউ, যদি পাথর হয়—সে পাথর চিরকালের মতো মৃত—তার একটি ফাটল দিয়েও একটি জলের বিন্দু কোনোদিন নেমে আসেনি।

সেই মুখের দিকে তাকিয়ে থাকবে নায়ক—যেন সেও পাথর হয়ে গেছে। চারদিকে উঠতে থাকবে শহরের শব্দ—গাড়ি চলছে, বিমান উড়ছে, ভৌঁ বাজছে, কেন ওঠা-নাথ

করছে। নায়ককে এই অবস্থায় রেখে আমরা মঞ্চ অঙ্ককার করে দেব।

এইবারে যা ফুটে উঠবে, তা একটি পোড়ো বাড়ি। আপনারা হানা বাড়িরই স্বর শুনতে পাবেন। আলোর অঙ্ককারে দেখা যাবে—কোথাও তার ইট ধসে পড়েছে, কোথাও কালো-কালো গর্ত রাক্ষসের কবোটির শূন্য চোখের মতো তাকিয়ে আছে, কোথাও মাথা তুলেছে বটের চারা। মঞ্চের পেছন দিয়ে হিস হিস করতে করতে চলে যাবে একটা কালো রঙের প্রকাণ্ড সাপ। হয়তো দু-একবারের ক্ষণ বুকের ভেতরে ছমছম করে উঠবে আপনাদেরও।

এইখানে—যন্ত্রের মতো পা ফেলে ঢুকবে আমাদের নায়ক। তার চলা দেখে মনে হবে—সে মাহুব নয়—যেন একটা ‘রোবোট’ এগিয়ে আসছে। সে এসে খেমে দাঁড়াবে। তখন সেই হানা বাড়ির একটা অঙ্ককার গর্ত থেকে দুটো সার্চলাইটের মতো জলে উঠবে এক-জোড়া চোখ। আপনাদের বুঝতে কষ্ট হবে না—একটা প্যাচার চোখ সে দুটো।

আমাদের নায়ক প্রাণ করবে, ‘কে তুমি?’ উত্তর আসবে প্রতিক্ষণির মতো : ‘তুমি।’

‘আমি?’ ‘হাঁ—হাঁ—হাঁ।’—শুধু প্যাচার নয়—বাজনার স্বরে স্বরে সারা বাড়িটা কথা করে উঠবে—সাদা দেবে প্রত্যেকটা ভাঙা ইট, রাক্ষসের কবোটি চোখের মতো প্রত্যেকটা গর্ত-গহ্বর, প্রতিটি অন্ধের চারা। সাপটাও খেমে দাঁড়িয়ে ফণা তুলে হিস্‌হিস্‌ করে উঠবে।

আমাদের নায়ক শুনবে : ‘তুমি—তুমি—তুমি!’

‘আমি!’

‘তুমিই তো। চিনতে পারছ না নিজেকে? কতকাল ধরে অপেক্ষা করে আছো—তুলে গেলে সে কথা?’

‘কিছু—’

‘আমি যে তোমারই দর্পণ!’—সার্চলাইটের মতো দুটো চোখের আলো নায়কের পাংশু মুখের ওপর এসে পড়বে—উদ্ভাসিত করে তুলবে তাকে। চারদিক থেকে প্রতিক্ষণি উঠতে থাকবে : ‘আমি যে তোমারই দর্পণ—হা-হা-হা।’

হা-হা-হা করে এই হাসির আওয়াজ আকাশ-বাতাস ভরে তুলবে—মনে হবে আপনাদেরও কান সেই শব্দে বধির হয়ে যাচ্ছে! তারপর বেরিয়ে আসবে কতকগুলো ছায়ামূর্তি—তাদের চেনা যাবে না, দেখা যাবে না,—কখনো বোধ হবে কতকগুলো কবছ প্রেত, কখনো মনে হবে কতকগুলো অকুত জীব—মাহুবের আদল আসে অথচ তারা মাহুব নয়; তারা আমাদের নায়ককে চারদিক থেকে ঘিরে ধরবে, চলবে এক বেহুয়ো খেরালি তাণ্ডব—আলোর রঙ বদলাবে ঘন ঘন, বাজনার কোনো সঙ্গতি থাকবে না।

আমাদের নায়ক হাহাকার করে জিজ্ঞাসা করবে : ‘কারা—কারা তোমরা?’

তারা সেই তাণ্ডব নাচের তালে-বেতালে স্বরে-বেহুয়ে যেন জবাব দিতে থাকবে : ‘তুমি—তুমি—তুমি!’

চিংকার করে বলে উঠবে নায়ক : ‘আমি তোমাদের হত্যা করব—আমি তোমাদের হত্যা করব।’

কোথা থেকে কে একথানা তলোয়ার এগিয়ে দেবে নায়কের হাতে। সে পাগলের মতো আঘাত করতে চাইবে ছায়ামূর্তিগুলোকে। কিন্তু সে আঘাত তাদের কাউকে স্পর্শ করবে না। শূন্য তলোয়ার ঘুরতে থাকবে—লক্ষ্য খুঁজবে চারদিকে, কিন্তু কাউকে পাবে না—প্রত্যেকটা আঘাত যেন কারা ঘুরিয়ে দেবে তার দিকে—তারই তলোয়ার ঘুরে-ফিরে এসে বার বার তার বৃকে-পেটে বিঁধতে থাকবে।

তালে-বেতালে নেচে যাবে ছায়ামূর্তিগুলো। বাজনার বড় চলবে, অসংলগ্ন আলোয় তুফান ছুটেবে উথাল-পাথাল। অন্ধকার কোর্টার মধ্যে হা-হা করে হাসতে থাকবে প্যাচাটা—আর মূর্তিগুলো পরম আনন্দে ঘন ঘন করতালি দিয়ে বলতে থাকবে : ‘তুমি—তুমি—তুমি!’

সেই তাণ্ডবের মধ্যে অন্ধকার নেমে আসবে। যখন আলো হয়ে উঠবে, তখন আপনারা স্তন্যে পাবেন সেই প্রথম বাজনার সুর—যখন তিনটি মেয়ে এসেছিল শিউলি ফুল, ধানের মঞ্জরী আর চির-চেনা প্রাণরহস্যের সেই সোনার কোঁটোটি নিয়ে।

কিন্তু এই মিউজিকের কন্ট্রাস্ট দেখা যাবে আমাদের নায়ক সেই ভাঙা বাড়ির মাটিতেই পড়ে আছে। সেই ছায়ামূর্তিরা নেই, সেই প্যাচার চোখও না। শুধু দেখা যাবে—হাতের তলোয়ারখানা তার বৃকে বেঁধানো, সে মৃত। শুধু তার মাথার কাছে ঝণা ধরে আছে কুণ্ডলী পাকিয়ে সেই সাপটা।

সমবেত ভদ্রমহোদয় ও মহিলাবৃন্দ, এই হল আমাদের নাটক ‘কালপুরুষের’ বিষয়বস্তু। এ নাটক ট্রাজিডি কিংবা কমেডি, রূপক না প্রহসন—তা আমি জানি না, হয়তো সৌম্যেন জানত। কিন্তু সে আর বেঁচে নেই—তার কথা সে আর বলতে পারল না। বন্ধুগণ, আমার কখনো কখনো সন্দেহ আগে, এ নাটক কি তারই আত্মকাহিনী? কিংবা তার মতো আরো অনেকের—যাদের আমরা চিনি, যাদের আমরা চিনি না?

কিন্তু আগেই বলেছি—আমি এর কোনো ভাঙ্গা করব না। একে যদি সহস্রকোণিক বলে ভাবি—তা হলে বিভিন্ন কোণ থেকে এ আপনারাদের মনে প্রতিফলিত হোক, আপনারা নিজেদের ব্যক্তিত্ব অনুযায়ী এর তাৎপর্য গ্রহণ করুন।

আমি আপনারাদের অনেকখানি সময় নিয়েছি—সেজন্য আমাকে মার্জনা করুন। কিন্তু আমাদের মঞ্চ এবং শিল্পীরা প্রস্তুত—এখনি অহুষ্ঠান আরম্ভ হবে।

নমস্কার।

